

**ANNALES  
AUSTRIO-CLARA-  
VALLENSES, SEU  
FUNDATIONIS  
MONASTERII...**

---

Bernhard Link











<36616277950014

<36616277950014

Bayer. Staatsbibliothek



2 H.mon. 135-2

2.

Linck

# ANNALES AUSTRIO- CLARA-VALLENSIS,

SEU  
FUNDATIONIS MONASTERII  
CLARÆ-VALLIS AUSTRIÆ,

Vulgò Zwetl, Ordinis Cisterciensis

## INITIUM ET PROGRESSUS.

Ubi  
*Compendioso Schemate per modum Historiæ  
Universalis fideliter refertur,*

Quidquid ab Anno **MLXXXIII.** usque ad Annum  
**MDCXLV.** ex Archivio, & Chronicis MSS. Zwetlensibus,  
aliorumque Scriptorum Authoritate erui poterat,

*Non solum*  
Quod præfatam Fundationem, sed & Fundatorum Progeniem, mul-  
torumque Nobilium Genealogiam, nec non de anno in annum  
notabiliores, præsertim in Austria, res gestas concernit.

## OPUS

IN DUOS TOMOS DISTINCTUM,  
Olim

Ab **A. R. P. BERNARDO LINCK,**  
Professo Zwetlensi, pòst ibidem D. Abbate Vigi-  
lantissimo, singulari labore compilatum,

*nunc*  
*Ad plurium instantiam publicæ luci expositum.*

## TOMUS SECUNDUS

Ab Anno **MCCCC.** usque ad Annum **MDCXLV.**

VIENNÆ AUSTRIÆ, Typis Wolfgangi Schwendimann, Universit. Typographi, Anno 1725.

BIBLIOTHECA  
REGIA  
MONACENSIS



REVERENDISSIMO,  
PERILLUSTRI,

<sup>AC</sup>  
AMPLISSIMO  
DOMINO, DOMINO  
GERARDO

Sacri & Exempti Ordinis Cisterciensis  
MONASTERII B. M. V.

AD SANCTAM CRUCEM  
IN VALLE NEMOROSA

ABBATI

VIGILANTISSIMO,

Ejusdémque Sacri Ordinis per utramque Austriam,  
Styriam & Regnum Hungariæ

VISITATORI,

<sup>AC</sup>

VICARIO GENERALI,

*Sacrae Cæsareæ, Regiæque Catholicae Majestatis*

CONSILIARIO,

*Nec non*

INCLYTORUM STATUUM PROVINCIALIUM  
INFERIORIS AUSTRIÆ SELECTIORIS CONSILII

DEPUTATO PERPETUO,

DOMINO, DOMINO  
PATRI OBSERVANDISSIMO.





REVERENDISSIME,  
PERILLUSTRIS,

<sup>AC</sup>  
AMPLISSIME  
DOMINE, DOMINE

PRÆSUL.



Rphanus noster, **Tomus**  
**Primus** Annalium Austrio-  
Clara-Vallensium è Valle no-  
stra ad præcellsum usque Ca-  
thedræ Pataviensis **Mon-**  
**tem** ascendere ausus, ibique Clementissi-  
mo exceptus aspectu prodivit in lucem.

b

Proinde



Proinde **Tomus Secundus** descendere  
in Vallem Nemorosam , ad **S. Crucem**  
minùs reformidat , & sub umbra **Reve-**  
**rendissimæ Amplitudinis Tuæ**  
protegi & quiescere anhelat. Quò enim  
tutiùs refugiat, confidentiùsque Orphanus,  
quàm in sinu **Matris**, è cujus fœcundita-  
te vix in terris Austriacis radicatâ, sua protin-  
us Vallis nostra felix Soboles sumpsit pri-  
mordia. Hac itaque Partus hicce extimula-  
tus confidentiâ sub **Gratiosis Tuis Re-**  
**verendisime, ac Amplissime Do-**  
**mine, Domine PRÆSUL** Auspiciis  
erupit in publicum **Tutelam Tuam** im-  
ploraturus. Nec est, quòd se offensam, utpote  
sæpiùs in amœniorem pertractans materiam,  
incursum pertimescat, siquidem in **To-**  
**mo Primo** benedictiones & unctiones,  
quibus Vallis nostra primis sæculis à pientis-  
simis suis Fundatoribus & Benefactoribus  
fota & delibuta, enumerârit, nunc verò cru-  
cis referat, & dies afflictionis, quibus non ra-  
rò

rò fuit vexata, maximè, ubi à Diris & tædis  
Huffitarum infestata, frequentibus ex pòst  
abalienationibus præsertim sub D. Abbate  
Erasmo Leiffer diminutà, acdenuò priori  
fæculo, Suecico Gradivo universam fermè  
Germaniam & Cis-Danubianam Austriam  
inundante eò miseræ & calamitatis redacta,  
ut, nisi Magna Cisterciensium Mater & Pro-  
tectrix Diva Virgo, quæ sibi, ut piè credi-  
mus, Vallem in obsequium suum designa-  
vit, tantum malum avertisset, alibi opem &  
sedem, dispersione facta, requirere necesse  
habuisset. Offensam, inquam, Orphanus  
noster non veretur, quippe qui cum cruci-  
bus suis ad **Sanctam** confugit **Crucem**.

Suscipe igitur benevolo animo, **Reve-**  
**rendissime ac Amplissime Domi-**  
**ne, Pater Observandissime**, hocce  
qualecunq̃ munus nostrum sub **Tuum**  
præsidium ac Patrocinium; vile quidem &  
exile, verùm monumentum gratitudinis, &  
debitum filialis Observantiæ est, fove, pro-  
tege, & defende Paterno affectu, singularique

b 2

Tua


**Tua** omnibus perspecta benevolentia hunc  
Orphanum nostrum , quicum **Tibi** tota  
quanta Clara-Vallis nostra sese defert & of-  
fert , **Deum ter Maximum** Patrem  
omnium gratiarum , ut canos **Tuos** , sanos ,  
omníque benedictione cumulatos in annos  
Nestoreos Pyladeósque conservet , inque  
**Tuorum** , & totius Sacri Ordinis nostri sin-  
gulare incrementum promoveat , supplici-  
bus votis incessanter defatigatura.

**Reverendissimæ ac Perillustris**  
**Amplitudinis Tuæ**

*Obsequentissimè*  
**MELCHIOR ABBAS,**  
&  
Conventus Zwetlensis.



# APPROBATIO UNIVERSITATIS VIENNENSIS.


 um in secundo hoc Annalium Zwetlensium  
 Tomo nihil non Religioni, probisque moribus con-  
 forme reperi, plurimamque in eo contineantur tum  
 ex probatissimis Scriptoribus, tum veteribus & docu-  
 mentis manuscriptisque collecta, quæ magnam tum Historiæ Au-  
 striacæ, tum Superiorum sæculorum rebus gestis lucem affundere  
 queant. Eundem quoque typis magno (ut spero) Lectorum com-  
 modo vulgandum esse cenfeo: si tamen ita visum quoque fuerit  
 Reverendissimo, Perillustri, ac Magnifico Domino Antiquissimæ  
 hujus Universitatis Rectori. Datum Viennæ in Collegio Socie-  
 tatis Jesu Academico. Anno post partum Virginis MDCCLXIII.  
 Tertio Idus Octobris.

FRIDERICUS TILLMEZ, Soc. Jesu  
 Sacerdos, AA. LL. & Philosophiæ Doctor,  
 Ethices p. t. Professor.

*I M P R I M A T U R.*

FRANCISCUS ANTONIUS GUSMAN,  
 SS. Theol. Doctor, Metrop. Eccl. Vienn.  
 Canonicus, & Univ. p. t. Rector p. m.

c

NOMEN-

# NOMENCLATURA VOCABULORUM PEREGRINORUM

In his Annalibus  
CONTENTORUM.

## A.

**A**bsis. Est Curvatura fornicis, nobis *Tom. I. pag. 63.* Pars interior Capituli proprio fornice testā, & *pag. 497.* Ambitus fornicatus claustralis, vulgò *Creußgang.* Dicitur etiam Absida græcè, latinè interpretatur Lucida, eò quòd lumine accepto per arcum resplendeat. Ita Glossarium, seu Lexicon latinum per antiquum in *majori folio MS. in membrana Bibliotheca nostra Zwetlensis Lit. A.*

**Accensus, i.** Minister publicus Magistratum, etn *Gerichts-Diener.*

**Affidatio.** Subjectio, homagium, seu clientelaris obsequii obligatio, vulgò *Hulbigung.*

**Albero vel Adalbero.** Idem est, atque Albertus vel Adelbertus, nomen proprium viri, qui etiam vocatur *Albrecht* / id est semper iustus vel nobilitatis tenax.

**Allodium, & Alodis.** Vox Belgica Al-out, quæ eà linguâ per longum tempus possessum sonat; sed propriè significat liberam possessionem sine recognitione feudi, quæ alienabilis est, absque laudemii solutione; igitur Allodium, Pagus cum jure proprietatis ad Monasterium pertingens. Vulgò ein *Eigen* / oder *frey eige- nts Dorff* oder *Gut.*

**Ambasciator & Ambasiator.** Legatus Principis, derivatur hoc verbum à voce Longobarda Ambascia, quæ iter ad operandum significat. Ambasiata, Legatio.

**Angario.** Cogo, compello, vim infero, græcè *ἀγγαρεύω.* Persica vox, Angari enim tabelliones regii Persicâ linguâ dicuntur; & quia concedebatur eis brachium regium ad fumendos ubique equos, naves, & cogendos etiam subditos vehi, auxiliari & similia, ideo ab istis Angaris, Angaria dicta fuit ipsa Coactio. Angariare,

Cogere, nobis præterea injustas exactio- nes, onera & tributa imponere & exigere.

**Anthrax,** Carbunculus, bubo, à græco vocabulo *ανθραξ*, quod Carbonem denotat.

**Apocrisiarius.** Rationator vel summus legatus. Ita Glossarium nostrum supra cit. *Lit. A.* Aliis Cancellarius Principis aut Regis, Consiliarius, Secretarius. Item Papæ aut Episcopi legatus.

**Area.** Hic nobis significat domum simplicem, sine vel cum exiguo agri fundo.

## B.

**Banderesii.** Capitanei & Rectores, sic dicti à voce Barbara banderium vel bandrum, quòd vexillum seu signum militare sonat.

**Beneficium.** Nobis idem ac feudum, la- neum, prædium, vulgò ein *Dauß* / so in einem Dorff ein Leben ist.

## C.

**Calogeri, lege Calogeri, Monachi** præsertim senio & ætate venerandi. Verbum hoc sonat bonum senem, derivatur enim à *καλός*, bonus & *γέρων* senex. Solebant ita à vulgo nuncupari omnes græci Religiosi seu Monachi, eo quòd antiquitus apud Græcos ad Monachorum Superiores, Senes, quantumvis Laici assumebantur, qui Calogeri nuncupati. Decursu verò temporis omnes ipsorum Monachi Calogeri, nominis significato ad Officium, Stratum aut dignitatem translati, sunt appellati.

**Carnarium.** Crypta mortuorum, alibi verò macellum.

**Carnisprivium.** Bacchanalia, quasi dicas, carnis privilegium. Econtrà à Mattheo Parisio in sua historia vocatur Quinquagesimæ Dominica, nam in hac die relinquebatur carnis comestio, cum in illis sæculis incipe-

inciperet abſtinentia carnis à feria ſecunda poſt hanc Dominicam.

**Carrada & Carrata vini**, ein Fuhr- oder Wagen ſchmür Wein. Hoc vocabulum pro diverſitate Provinciarum diverſam quoque habet meſuram. Nobis hic dolium 16. vel 20. urnas vini continens ſignificat, quod 4. equis vehi poteſt.

**Cafa**. Juxta Gloſſarium noſtrum cit. *Lit. C.* eſt aggreſſe habitaculum palis atque virgis arundinibus contextum, quibus poſſunt homines tueri à vi frigoris vel caloris injuriâ.

**Caſtellanus**, à Caſtro ſeu Caſtello dictus, Cuſtos Caſtri, vulgò Burggraſſ / cui incumbit cuſtodia Caſtri.

**Chorus novus in Zwetl**, ſignificat das vorere Theil mit den Edulen in der Kirchen / in Geſtalt eines Chor gebauet.

**Comagenus mons**. Nobis ſignificat montem ad locum Holaburg in litore Danubii infra Monasterium Gottwienſe, qui proſtenditur non quidem continuè, ſed quaſi per catenam aliis & aliis junctus ulque in Stiriam.

**Comitia**, æ. Comitatus ubi Comes dominatur & jus dicit, ſeu diſtrictus Comitatus, vel ipſum Dominium, vulgò ein Graſſſchaft.

**Comitia**. In plurali ſignificat quemlibet cœtum, ſeu congreſſum publicum. Et Comitium in ſingulari, eſt locus, ubi talis congreſſus celebratur.

**Commilitium**. Conſœderatio, Societas bellandi.

**Commodium**. Cubiculum, Hoſpitiū commodum.

**Concambium**. Permutatio, Commutatio. Item Graen-Weſſel-Ortel.

**Congium**, Congiarium, ii. Donum honorificum, honorarium. Suprà citatum Gloſſarium noſtrum *Lit. C.* vult congiū à congiendo, id eſt per augmentum creſcendo vocari; unde poſtea pecunia beneficii gratiâ dati cœpta Congiarium appellatum eſt.

**Crinile**, Serum.

**Curia**. Ferè idem quod Comitium.

**Curia Superior** pag. 126. l. 1. nobis pagum notat, alibi grangiam: àt Curia Retschen, Retschenhof / curia macra, Dürrenhof &c. hinc

**Curia Magerina**, Villicaria. Prædium rurale, ein Marſhof / in quo villicatur.

**Curtis**. Lanœum ſeu beneficium dimidium, vulgò ein Hoffſtatt.

## D.

**Denarius**. Erat Moneta Romana, ex præcipuis argenteorum numorum generibus, ab uno latere urbis Romæ velatum caput cum numeri nota X habens. Ita dicebatur, quòd pro decem aſſibus in ſolutionem cedebat. Apud Petronium c. 33. invenitur etiam denarius aureus, qui ſolido pondere denarium argenteum magnitudine referebat. Denarius aureus Scriptoribus dici cœpit nummus, qui decem ſolidos aureos continebat, & hi faciebant 30. unciales thaleros. Vide Sam. Piſicum in Lexico Antiquit. Roman. Cæterum jam apud potiores Scriptores Denarius decem crucigeros valet.

**Dextrarius**. Equus grandis & cataphractus. **Dextratio**. à Dextrare, quod eſt aliquem à dextris ducere, à dextris ire, vel incedere, dextrum latus tegere. Al. motus, qui ſit à ſiniſtra ad dextram.

**Diarchæa**, & **Diarrhœa**, æ. Dyſenteria, Lienteria.

**Diffidare**. Inimicitiam denunciare aut bellum indicere. Hinc

**Diffidatio pacis**. Indiſſio aut denunciatio inimicitie aut belli.

**Ditricus** idem eſt ac Theodoricus nomen proprium viri, vulgò Dietrich / quaſi Gottreich.

**Diſcidium**. Diſcordia, diviſio. Al. Repudium, ſeparatio per vim facta.

**Dominicalia**. Proprietates vel bona Domino aut Domine propria.

**Dotalitia**. Dos ſive Donatio propter nuptias, vulgò Heyrath-Gut.

## E.

**Ebenweichtag**. Nobis Epiphania Domini, vulgò Drey-König-Tag.

**Elephantica ægritudo**. Lepra. Dicitur ex ſimilitudine Elephantis, cujus naturaliter dura pellis & aſpera nomen morbo in hominibus dedit, quia corporis ſuperficiem ſimilem facit cuti Elephantis. Ita citatum Gloſſarium noſtrum *Lit. E.*

**Epithathmus**. Manſionum Curator, hoſpitiſtorum ſcilicet in Comitatu Principis aut Legati, duciſvè exercitus, ein Souvier / Quartiermeiſter.

**Equites aurati**. Hodie Equeſtris Ordinis, vel Equites cum addito, v. g. Sacri Romani Imperii, Regni Hungariæ, Bohemiæ, &c. Dicti Aurati, quòd aurum in calcaribus & gladio geſtare poſſint. Dicuntur & cincti ab Hiſtoricis, quod olim

in inauguratione sua à Rege vel Principe gladio & cingulo militari donabantur.

## F.

**Fiduciarius.** Fide commissarius, alterius fidei commissus.

**Forestarius.** Præfectus venatorum. Aliis & nobis Præfectus & Curator Sylvarum, vulgò *Forster*.

## G.

**Galeati.** Milites galeâ, seu casside test.

**Garcones.** Armigeri, famuli eorum, qui castra sequuntur.

**Grangia, æ. Villa villicaria.** Nobis territorium ad Monasterium spectans, ferè idem quod Curia villicaria. Inde Grangarius idem quod villicus, aut Monachus Collector proventuum ex grangia.

**Guerra, æ.** Bellum publicum & privatum.

## H.

**Holwanger** vocantur Proditores.

**Hominium.** Servitium, seu obsequium, quod homo seu cliens vel servus domino suo præstare tenetur.

**Hospitalarius.** Ein Religios, welcher über das Spital die Administration hat.

**Huba.** Omne prædium rusticum, & fundum agriculturæ denotat: apud Scriptores tamen observatur hubam non certæ terræ mensuram esse, sed indefinitæ, pro cuiuscunque loci commodo atque opportunitate.

## I.

**Inbeneficiatus.** Cui beneficium collatum est.

**Inofficiare.** Sacra officia peragere.

**Jocalia.** Monilia, gemmæ, annuli, aliæque id genus pretiosæ, & quæcunque ad mulierum ornatum spectant. Aliqui hoc nomen deducunt à joco, quia joci gratiâ parantur; alii à jugulo derivant, in quo ligantur & pendent, ut sunt auræ murenulæ, & aliarum gemmarum fila, catenæ auræ & similia.

**Judicium villicarium.** Jus seu facultas jurisdictionis exercendæ in villa seu pago. Vulgò *Dorff Gericht / Dorff-Gerechtheit / oder Obrigkeit*.

**Jugerum.** Spatium agri, quantum par boum potest arare in die, constat longitudine pedum ducentorum & XL, latitudine CXX, ita glossarium cit. *Lit. I.*

**Jus Morganaticum.** Facultas exigendi morganicam, die *Morgen-Gaab*.

## L.

**Legio.** Dicitur ab electione: Major habet XII, millia, & sex millia minor: propriè autem Macedonum lingua phalanx, Gallorum caterva, nostra legio dicitur: habet sexaginta centurias, manipulos triginta, cohortes XII, turmas ducentas, Sic habet Glossarium nostrum *Lit. L.*

**Leucophæus.** Griseus, seu Albo-niger.

**Levir.** Uxoris frater, Al. etiam mariti frater, Affinis.

**Leutholdus,** ac etiam Lutholdus sonat germanicè *Liuthold / oder Leuthold* quasi diceret Amatorem populi, seu amorem populi, cum olim *Liuth* populum, *hold* amorem significaverit.

**Leupoldus, Luitpoldus, Liupoldus, Lupoldus.** Idem est ac Leopoldus.

**Libra.** Pondus 12. unciarum. Glossarium nostrum habet *Lit. L.* Libra tot constat uncis, quot mensibus annus, dicta autem libra, quod sit libera, & cuncta intrâ se pondera prædicta concludat.

**Libraria.** Bibliotheca.

**Literæ Encyclicæ, Circulares à cyclo,** latine circulo, quod de loco in locum mittantur.

**Lustra, orum.** Lupanaria, loca popinis & libidini destinata.

## M.

**Mageria & Magerina.** Idem quod grangia;

**Manfus.** In communi est quantitas terræ, quam unum par boum per annum laborare potest.

**Mantum.** Nunc idem quod Cappa & Pluviale.

**Marca.** Ponderis genus est, modo est semilibra.

**Metallarii.** Fossores metalli, vulgò *Berge Knappen*.

**Ministerialis Austriæ,** olim germanicè, *ein Dienst-Herr in Oesterreich*. Vide plura in Adami Friderici Glassey commentatione Historica, de vera quondam Ministerialium indole, Francfurti & Lipsiæ edita Anno MDCCXXXIV.

**Minutio,** subaudi sanguinis. Sectio venæ, phlebotomia. Hinc nobis minuti, quibus secta vena, phlebotomi,

**Modius, ii.** Varii de hoc nomine sentiunt varia,

**varia.** Allatum *ſæpiùs* Gloſſarium noſtrum *Lit. M.* notat. Modius XXII. ſextariorum à Moſye ſecundùm ſacræ legis meſuram effectus eſt. . . Hodie nobis modius idem ſonat ac mutto, vulgò *eſt* *Mutt* / meſura ſcilicet 30. cujuſcunq; grani metretas *Meſen* capiens. Modius tritici, *ein Mutt Worhen*.

**Monopolium.** Potestas penes unum aliquid vendendi, vel emendi. *Al.* Statio ubi alia qua res venditur.

**Mordum.** Homicidium, vulgò *ein Mord*. *Ebat.*

**Muota & Muta.** Vulgò *ein Mauth* / *Al.* quodvis veſtigal.

## N.

**Novendialia.** Exequiæ per novem dies celebrari ſolitz.

## O.

**Officialis villæ.** Hujus vel illius pagi germanicè *ein Dorff-Richter*.

## P.

**Pagare.** Perſolvere, exſolvere, creditori ſatisfacere.

**Palatinus.** Locumtenens, ſeu vice Dominus.

**Parietinae** dicuntur, quas vulgò dicimus ruinas, ubi parietes ſtant ſine teſto, & ſine habitantibus. Ita Gloſſarium noſtrum *cit. Lit. P.*

**Paſſagium, ii.** Tributum, quòd jure tranſitus ſolvitur *Extrav. Joannis 22. de torn.* Apud Equites Melitenſes eſt quædam ſolutio, quæ fit in receptione Equitis communi ærario, & pro expenſis Phariſuris applicatur in ſuſtinento lucernas ad navigantium commoditatem tempore nocturno. Nobis etiam expeditionem ſacram in terram ſanctam denotat.

**Paſſare.** Mori, inde paſſantes, mortui.

**Pedagia, orum.** Telonia.

**Phanum.** Delubrum, vulgò *Öſſen-Tempel*.

**Pitancia.** Portio lautior, ſerculum extraordinarium.

**Placitare.** Convenire, componere litem.

**Placitum generale.** Comitia, Conventus Procerum, vulgò *Land-Tag*. *Al.* forum, iudicium, ubi Jurisdictio & Juſtitia in litigiiſ exercetur. Item Parlamentum.

**Portalia, orum.** Portæ civitatis aut urbis. Gloſſarium ſæpiùs relatum *Lit. P.* vult Portas muſorum inde dici, eò quod antiquitus portatò aratò designabantur mu-

rit, quando circum ducebantur gyri, àt illud dicitur : qui urbem novam condit, raurò & baced arat, ubi araverit murum faciat, ubi portam vult eſſe, aratrum ſuſtollat & portet, inde porta vocatur.

**Prædia, orum.** Poſſeſſiones vici, agri, fundi. Item rura, divitiæ. Prædium Dominicale, vulgò *ein Land Gut* / oder *Ede* *Stz*. Dicitur prædium ex eo juxta Gloſſarium noſtrum, quòd ex omnibus bonis patrifamilias providetur.

**Præſidatus.** Jurisdictio. *Al.* Dignitas Præſidis, & quidquid ad eandem ſpectat.

**Proboscis.** Roſtrum.

## Q.

**Quaternus, Quaternio.** Libellus ex quatuor chartæ foliis aut philypis compactus.

## R.

**Recompensa.** Compensatio, Reſtitutio.

**Regeſtum.** Vulgò Reſiſtrum, in quo publicæ Scripturæ regiſtrantur. Vocabulum hoc è Normannica diſtione Giſter derivatur, quæ in lectum ponere ſignificat, & ideo meliùs Reſiſtrum dicitur : ſicut ergo in lecto quieſcit, ſic etiam in Reſiſtri libris monumenta publica aliquo modo quieſcere dicuntur, donec tempore opportuno excitentur.

**Regionarii, vel Regionales.** Idem, quod *Bandereſii*.

**Rotatio.** Supplicium rotâ inſiſtum.

## S.

**Satrapæ.** Status, ſeu Ordines Regni, vulgò *die Stände*. Cæterum Satraps, Perſarum vocabulum, Provinciæ Præſes eſt. Eodem vocabulo utitur textus Græcæ in cap. 4. Dan. ubi Arabicus Codex habet *Ukil*, id eſt Vicarius.

**Sculponeæ.** Ocreæ ex Coactili. Vulgò *Stil* *Stieſſel*.

**Servitium.** Nobis hic prandium, vel ſercula, quæ ex fundatione Conventui præbentur. Hinc ſervitium plenum, prandium lautius.

**Solidus.** Vulgò *ein Schilling*. Hoc tempore valet 30. nummos. Solidus apud latinos alio nomine ſextula dicitur, quod ex ſextiis, uncia complectatur. Hunc vulgus aureum ſolidum vocat, cujuſ tertiam partem ideo dixerunt tremiſſem, eo quod ter miſſus ſolidum taciât. Ita *Gloſſ. cit. Lit. S.*

d

Stallum.

**Stallum.** In Monasteriis est Statio Religiosi in Choro cantantis, seu sedes ibidem, ein Stand im Chor. Unde installare Abbatem, heißt einen Abbt'en einsetzen, vulgò installiren.

**Stiora.** Al. Steura, Tributum.

**Stuppa.** Strubæ, Hyppocausta, Cubicula.

**Subterrare.** Humo mandare, sepelire.

**Syncopa.** Deliquium.

## T.

**Talentum.** Genus ponderis, quod habet LX. minas; hoc summum esse pondus perhibetur in Græcis, nam nihil est calco minus, nihil talento majus. Est & genus monetæ apud Hebræos usitatissimum; quoderat sacrum, vel commune, prout sacri tales fuerunt, sacrum continebat siclos sacros ter mille, qui faciunt juxta

Walerum thaleros 1500, commune etiam continebat siclos communes ter mille, sed hi faciebant thaleros tantum 750. Ita suprâ citatus Author.

**Ternarius vini.** Dolium capiens 30. urnas.  
**Tessellatum.** Lapidibus quadratis aut etiam lignis stratum.

## V.

**Velitatio.** Pugna parva & brevis ab hostibus aut prædonibus manipulatim excurrentibus facta, vulgò Scharmûhl/Streifsetz.

**Villa,** quasi vehilla, dicit Varro, quod in eam fructus convehantur. Sed vetus Grammaticus apud Rigaltium à Vallo, id est aggere terræ, quod pro limite constitui solet, nuncupatam voluit. Nobis Villa sine addito designat pagum, ein Dorff.



CON-

CONTINUATIO  
ANNALIUM  
AUSTRIO-  
CLARA-VALLENSIUM

incipit

ANNO CHRISTI MCCCC.

FUNDATI

MONASTERII ZWETLENSIS  
CCLXII.

PONTIFICE ROMANO  
BONIFACIO IX.

IMPERATORE ROMANORUM

RUPERTO.

SUB

ARCHI-DUCUM AUSTRIÆ

TITULO

WILHELMO

ET

ALBERTO IV.

EPISCOPO PATAVIENSE

GEORGIO.

ABBATE ZWETLENSE

ALBERTO I.







## Annus Christi MCCCC. Monasterii CCLXII.

*Pont. Rom.*  
Bonifacius IX.

*Imp. Rom.*  
Rupertus.

*Archi-Duces Austriæ*  
Wilhelmus & Albertus IV.

*Episcopus Pataviensis*  
Georgius.

*Abbas Zwetlensis*  
Albertus I.

**A**uspicio hoc quartum decimum à Christi Natali Seculum à Jubilæo, quod de more veteri Bonifacius Papa IX. summâ totius populi Christiani frequentia Romæ solennissimè celebravit, apertis gratiæ uberimæ & Indulgentiarum thesauri infiniti per claves Petri Apostolicas portis. Ethnicis Romanis revolutæ Urbis conditæ annò centesimo dicebantur Ludi Sæculares, nobis verò Christianis ob largissimas delictorum & poenarum debitum indulgentias Jubilæum appellatur. \* [1.]

Dum hæc Romæ geruntur, Pragæ in Bohemia diabolus humani generis hostis per suos ministros Joannem Hus, & Hieronymum Pragensem novam ex Anglia contra Ecclesiam Romanam, ejusque Sacerdotem Summum doctrinam spargere cœpit, quâ peste tota Bohemia fermè infecta brevi multum orthodoxorum sanguinis deglutivit, quorum discipuli in Ecclesiis Monasteriaque præsertim debacchati sunt, ut tempore suo patebit. Desumpserunt autem doctrinam hanc novam ex Wicleffi hæretici in Anglia damnati libello, quem contra Pontificem Romanum Ecclesiamque ipsam Universalem damnatus ille edidit, cujus errores & dogmata Æneas Sylvius & Dubravius orbi produnt, qui ibi videri possunt. [2.] Discipuli illorum atque ea lue infecti vocabantur Hussitæ, quorum quidam postea Orphani, quidam Thaboritæ, quidam Calixtini se nominari voluerunt; Calix-

tini quidem, à calice, quem in Sacra Communione Laicis quoque porrigebant, cumque tam foris, quàm domi, tam belli, quàm pacis tempore signum suæ fidei præferebant; Thaboritæ ab oppido Thabor, quod jubente Ziscone ædificaverant in loco naturâ munito, quasi in illo monte cum Moyse & Elia ipsis Christus se in sua gloria manifestasset; Orphanos autem à morte Zisconis quasi derelictos se nominabant, & alium Ducem Zisconi non dissimilem veluti Paracletum exoptabant. Hussitæ autem communi vocabulo omnes dicebantur ab auctore hæreses Joanne Hus, qui in oppido Hus Bohemico, quod anserem sonat, ortus erat, & in Constantiensi Concilio pertinax ignibus concremandus traditus fuit. Atque ita diabolus etiam Jubilæum miserum cum animabus hæreticorum damnatorum sibi sociisque suis inchoavit, & ad finem deduxit.

Wenceslaus Romanorum Regem hoc anno ob vitæ luxum & ignaviam (à qua cognomen nactus erat) Principes Imperii Electores rerum fastigiò decesserunt, accedente Pontificis Summi calculo. [3.] Mox Fridericus Brunsvicensis à nonnullis Rex Romanorum dictus, Moguntini Præsulis machinatione occiditur. Discordibus deinde suffragiis Jodocus Moraviæ Princeps, & Rupertus Palatinus electi, cumque ille sexto post electionem mense mortuus esset, hujus electio ab omnibus est approbata: Wenceslaus regnò Bohemiæ contentus, nihil de Imperio ultrà movit.

A 2

Hoc

Hoc item anno Wilhelmus Archiepiscopus Austriæ, Dux Stiriae, Carinthiae, Croatiae, Comes Tirolis &c. concessit singulari gratia Monasterio in Zwetel libertatem propinandi vinum sub hædera tam in Monasterio ipso, quam foris in tabernis suis sine censu, qui Ungelb vulgò vocatur. Datum Viennæ Austriæ, feriâ tertiâ ante Ascensionem Domini, Annò Salutis humanæ 1400. [4.] Fuit hic filius Leopoldi apud Sempachium occisi, qui in absentia avunculi sui Alberti IV. Austriam regendam suscepit, unde apparet eundem Albertum de Hierosolymis nondum pervenisse domum, quo illum suprâ dixi profectum fuisse.

Venerabilis porro Monasterii hujus antiquitas hoc anno sequentia refert: „ Annò MCCCC. pridie Nonis Aprilis. „ A Petro Marchopolensi Johannis Baptista, Johannis Evangelistæ, Thomæ Apostoli, tempore Ottonis Grill, „ [5.] Hæc illa: vult dicere, consecrata est Capella. Sciendum est, tempore Ottonis Grill, qui non hoc anno, aut sæculò novò, sed circa annum MCCCL. Abbatiam Zwetlensem tenuit, fuisse constructum Sacellum, quod hoc anno à Marchopolensi Episcopo Pataviensi autem tunc Suffraganeo consecratum fertur in honorem Joannis Baptistæ &c. Quæstio hic oritur, ubi hoc Sacellum fuerit? an in Templo majori? an alio in loco Monasterii, aut etiam extra illud in grangiis? Hodierna die duo eidem Sancto inveniuntur Sacella consecrata ex-

stare, unum in Monasterio extra Templum, alterum in grangia nostra Rafings juxta Pulka. In grangiarum autem Sacello Patronus quidem primarius S. Joannes Baptista est, præter hunc tamen alii sunt, S. Nicolaus Episcopus, & S. Lucia Martyr Virgo, quod Annò Domini MCCCXXV. à Rudolpho Ciliquensi Episcopo de Ordine Prædicatorum consecratum fuit. In Sacello tamen altero præfati Patroni omnes esse possunt, cum in Altaris hujus tabulis antiquis quoque duo Joannes tam Baptista quam Evangelista picti repræsententur, quod Sacellum in horto propugnaculorum ad portam Campii situm est, & ex secto lapide constructum. Nam conjectura mihi est, cum Abbas Otto Grillo Tempulum majus in hodiernam formam redegerisset, sedique superessent lapides, & Sacellum eo loci in horto, ubi hodie cernitur, vel nimis humile, aut unâ cum Hospitali ab Euphemia Chünringia Hadmari Fundatoris nostri II. conjuge (cum domum pauperum ad portam exterioriorem transferret) fuisse dirutum, Ottonem præfatum vel à fundamentis excitasse aliud in area nuda, vel destructo humili antiquo novum superædificasse. Hoc igitur Sacellum tempore Ottonis Grill constructum Annò quadringentesimo post mille in honorem SS. Joannis tam Baptistæ, quam Evangelistæ; & S. Thomæ Apostoli sub Alberto I. Abbate Zwetleni consecratum fuit.

## ADDITIONES.

\* [1.] Ciaconius in Bonifacio IX. „ Celebratò deinde Romæ Jubilæo quartò, more „ veteri, annò 1400. quò in Urbem innumera „ ferè multitudo ex Gallia præsertim Religionis causâ venerat, anni fine Jubilæum „ inchoatum & iudicium clausit, & quæ seminaverat, messuit, infinitam animarum „ multitudinem indulgentiis lucratus. Hoc „ tamen constat post tantam alluvionem, quæ „ partim superstitione Alborum, † partim frequentia Jubilæi advenerat, magnam hominum multitudinem pestilentia consumptam „ fuisse. „

† De his Albis Spondanus ad annum præcedentem n. V. hæc refert: „ Præcessit autem „ præfati (anno) immensa hominum congeries, magna devotionis specie Italiam circumcurstantium, & à colore vestis, Albarum „ dictorum, quod genus videtur fuisse antiquorum Flagellantium, sæpe novò zeli prætextu exurgentium, totiesque superstitionis eorum, vel etiam implorum facinorum damnatione evanescentium. De quibus agens „ qui tum apud Bonifacium agebat Theodoricus Niemus, ait aliquos seductores de „ Scotiæ partibus in Italiam venientes, cruce „ lateri-

„ lateritias, subtiliter per infusum sanguinem  
 „ in conspectum populorum exprimentes,  
 „ etiam olei liquore intus madefactas æstivo  
 „ tempore sudare fecisse: faxisse unum ipso-  
 „ rum esse Eliam Prophetam, mundumque  
 „ brevi terræ motu periturum: totam penè  
 „ Italiam, Romamque ipsam & Campaniam  
 „ pervagantes, populos mirabiliter decepsisse;  
 „ ità, ut non solum Laici utriusque sexûs,  
 „ & omnis ætatis, verum etiam Clerici &  
 „ Presbyteri; adeoque nonnulli Cardinales,  
 „ faccis se seu albis camisiis induentes, novâ-  
 „ que carmina in modum Litaniz cantantes,  
 „ processionaliter irent per civitates per tre-  
 „ decim continuos dies, antequam domum  
 „ redirent: cubasse nocte in Ecclesiis, & Mo-  
 „ nasteriis, ac Cæmeteriis, indistinctè viros  
 „ cum fæminis, juvenes cum virginibus, abs-  
 „ que ulla prava suspitione, donec unò com-  
 „ prehensò Pseudo-Prophetâ; & flagitium  
 „ tormentis detegente, in flammis combustus  
 „ est, cæterique complicés clanculum abi-  
 „ runt. Ità de his Nicemus.

„ De quibus etiam intelligendus Wal-  
 „ singhamus tunc in Anglia vivens, cum sub  
 „ hoc eodem anno ait, Romæ imagines Cru-  
 „ cifixi, & B. Virginis humorem sanguineum  
 „ sudasse: ac Nobiles Italiz cum plebe novâ  
 „ devotione tactos, indutos pannis lineis cum  
 „ crucibus insertis, ferentisque alias mani-  
 „ bus, processionaliter prævò vexillò & ima-  
 „ gine Crucifixi, circumfisse Stationes Romæ  
 „ die noctæque, & nudatis corporibus usque  
 „ ad umbilicum flagellasse sese cum piis can-  
 „ tibus latinis ac vulgaribus; fuisseque turmas  
 „ distinctas decem, viginti, & quadraginta  
 „ millium hominum, quæ sibi invicem succe-  
 „ debant; non autem dormisse in lectis tempo-  
 „ re peregrinationis suæ, nec carnes ac laetici-  
 „ niâ comedisse, diebusque Sabbati jejunasse.

N. VI. „ Plura verò de lisdem S. Antoni-  
 „ nis, qui propriis oculis se vidisse testatur:  
 „ & habitum distinctius describens, ait fuisse  
 „ vestes lineas albas, ad pedes usque proten-  
 „ sas, cum caputis ad modum capparum  
 „ Religiosorum, quibus facies velabant, ad  
 „ oculos tantum foraminibus ad videndum  
 „ relictis; cum cruce rubra ad humerum. In-  
 „ credibili autem devotionis ardore longis  
 „ agminibus processionaliter binos pergentes,  
 „ pacemque & misericordiam supplici clamore  
 „ sæpè postulantes, laudes, & hymnos latino  
 „ & vulgari sermone decantasse, ac præcipuè  
 „ frequentia: Stabat Mater dolorosa, &c.  
 „ Peregrinationem illorum ordinariam fuisse  
 „ novem vel decem dierum, jejunantibus,  
 „ qui poterant, & aliquibus in pane & aqua.

„ Neminem per id tempus dolo fallere tem-  
 „ tasse, neminem advenarum oppressum: taci-  
 „ tas cum publicis hostibus inducias extitisse  
 „ innumeras paces inter privatos factas; aliâ-  
 „ que omnis generis bona exercita; quocun-  
 „ que pervenissent eorum agmina, mira ho-  
 „ spitalitate excipi consuevisse; eorumque lo-  
 „ corum incolas simili exemplò moveri ad  
 „ alia loca: atque ità singulatim plerasque  
 „ Italiz provincias peragratas ab iis esse: fu-  
 „ isseque hanc quandam divinitus immisissâ  
 „ hominibus præparationem ad mortem eis  
 „ propinquam, quam annò sequenti ex gra-  
 „ vissima peste subierunt. Durasse porro hunc  
 „ motum tres circiter menses: quem nonnulli  
 „ in Hispania ortum, alii in Scotia, vel An-  
 „ glia, aut Gallia dicerent, ex apparitione Bea-  
 „ tissimæ Virginis factâ cuidam rustico, signifi-  
 „ cantis filium suum contra mundum propter  
 „ scelera ejus valde commotum: undecunque  
 „ autem id processisset, negari non posse haud  
 „ obsecum Dei opus fuisse. „ Ita Antoninus.

Dubravius Hiftor. Bojemic. lib. 23. „ Ana-  
 „ nus fortè tunc millesimus, quadringente-  
 „ simus à Natali die Domini numerabatur, ludis  
 „ quondam secularibus destinatus, quando  
 „ unò seculò, hoc est, centum annis semel  
 „ Romani illos pro salute suorum edebant.  
 „ Romanis deinde Pontificibus meliore aus-  
 „ picio, in Jubileum commutatus est, ut in  
 „ eo omnium peccatorum esset remissio. Hoc  
 „ denique nomine à Bonifacio Pontifice Ro-  
 „ mæ initiatus est. Cujus ut Pragæ quoque  
 „ Venceslaus esset particeps, à Bonifacio im-  
 „ petravit, ut ad Romanum modum domû  
 „ illum consecratum haberet, celebravitque  
 „ magnâ religione, ac mirâ hominum multi-  
 „ tudine, quæ non Jubilæi solum, verum  
 „ etiam Reliquiarum venerandarum gratiâ Pra-  
 „ gam confluxerat. Hactenusque recepta  
 „ semel ab Sede Apostolica à Bojemis Chri-  
 „ stiana Religio cum omnibus ceremoniis in-  
 „ violata, incussaque in Bojemia perduravit.

[2.] Sensim inde vacillare & labascere  
 „ simul, atque Joannes Hus, quod vocabulum  
 „ anferem sonat, strepere inter olores, eor-  
 „ rumque suavem cantum strepitu suo propter  
 „ invalescentem factionem superare coepit.  
 „ Popularem enim causam inter populares  
 „ suos agendam suscepit adversus Germanos,  
 „ & adversus Sacerdotes, quibus utriusque  
 „ Bojemi non valde propitii erant, & ipse  
 „ quamquam Sacerdos, capitalis nuper ini-  
 „ micus utrique factus, dum impatientissimè  
 „ fert, in honore ejusdam Sacerdotis præ-  
 „ latum sibi fuisse Germanicæ nationis can-  
 „ didatum, suffragiò Germanorum, & favore

„ primorum Sacerdotum. Sic videlicet Ca-  
 „ rolus (*Parens Wenceslai*) ab institutione Pra-  
 „ gensis Gymnasii constituerat, ut in feren-  
 „ dis suffragiis Germani tres voces, Bojemi  
 „ quartam haberent; quoniam paucissimi Bo-  
 „ jemorum tunc operam literis navabant: po-  
 „ strems tamen diplomate sic conclusit, ut  
 „ mos Parrhisiensis Gymnasii Pragæ item ser-  
 „ varetur. Exclamat Hus, morem hunc in  
 „ Gallia retineri, ut externi suffragiis simplici,  
 „ domestici autem triplici perfungantur. Ad  
 „ Regem provocant Germani, atque utraque  
 „ interim pars iudicem muneribus corrumpere  
 „ non cessat, adeo ut Rex sibi dicere per-  
 „ miserit, unde mihi hic tam beatus anser  
 „ natus, qui tot subinde aurea argenteaque  
 „ ova mihi excludit? Lata denique sententia  
 „ secundum anserem cum tanta Germanorum  
 „ indignatione, ut plusquam viginti quatuor  
 „ milia scholasticorum intra octo dies Pragâ  
 „ excefferint, detestantibus artificum colle-  
 „ giis Anserem, cuius operâ fieret, ut labor  
 „ illorum recideret ad tenue precium, cum  
 „ non adessent emptores.

„ Hæc re tam insigni designatâ, vertit hinc  
 „ rostrum inquitum Hus, ad vellicandas Ju-  
 „ bilei condonationes, quas Indulgentias vo-  
 „ cant, taxandosque Sacerdotes de avaritia,  
 „ luxu, ambitione, sine ullo discrimine fon-  
 „ tes, infontesque, ut omnibus ubique in-  
 „ vidiam conflaret, ac præcipuè in aula Regia,  
 „ ad quam cum Sulco Præpositus Chotello-  
 „ via, stipatus equitum peditumque catervâ  
 „ incedebat, Rege ad mensam discumbente,  
 „ qui adstabant, ut Regis animum incende-  
 „ rent, videns, inquit, Rex, quantum su-  
 „ perbiis, quam etiam tu, Monachus iste  
 „ progrediatur? Quin tu pompam illo indi-  
 „ gnâ detrahis, & ad te, quem decet, illam  
 „ revocas? Sulconem ingressum Rex interro-  
 „ gat, cujusnam hoc tam frequens esset sa-  
 „ tellitium? ut, si suum responderet, multa-  
 „ retur. Non desuit ratio illi respondendi:  
 „ Quemadmodum, inquit, tuus ego sum O  
 „ Rex, sic isti omnes tui sunt, id quod nuper  
 „ in bello Bavarico satis declarâunt, sed & ho-  
 „ diè mecum in hoc apparent, ut ornamento  
 „ tibi sint, & si opus fuerit, contra quoscunque  
 „ auxilio. Stabat in mensâ Regis patera au-  
 „ rea vinò plena, ad eam Rex manu porrectâ,  
 „ præbibo, inquit, tibi Sulco, hanc pateram,  
 „ ut tu reliquum exhaurias, insuperque ean-  
 „ dem pateram tibi habebas, pignus erga te  
 „ benevolentiae meæ. Quò viso, auditoque  
 „ invidiâ Hussitæ rumpebantur. At Magister  
 „ eorum Hus quotidie insolentior fieri, ma-  
 „ ximè ubi nactus est libellum Vicleffi hære-

„ tici in Angliâ damnati, cujus titulus est  
 „ Alythia, per antiphrasim videlicet, quia ve-  
 „ rum minime dicat, sicut Lucum nos, & Par-  
 „ cas nominamus, quòd neque ille luceat,  
 „ neque istæ parcant; sed potius ad interitum  
 „ omnium festinent, itâ libellus ille rui-  
 „ nam & interitum omnium in Ecclesia ritu-  
 „ um, atque cerimoniarum continet, à ca-  
 „ pite prosternendo orsus, dum Summo Pon-  
 „ tifici auctoritatem suam adimit, illumque  
 „ in ordinem aliorum Sacerdotum redigit.  
 „ Imò inter ipsos quoque Sacerdotes omnem  
 „ turbat ordinem, omnibusque bonis illos  
 „ spoliât, eleemosynâ tantum contentos esse  
 „ volens: Monachos verò haud secus atque  
 „ dæmonis signenta vitandos: nihil enim  
 „ esse vota, nihil pudicitia, continentiaque  
 „ vincula, nihil disciplinam tolerantia & in-  
 „ nocentia, nisi mera hominum commenta.  
 „ Confessiones autem auriculares, satisfactio-  
 „ nesque, tum extremas languentium inunctio-  
 „ nes, & pro defunctis postulationes ad solum  
 „ quantum sacrificulorum pertinere, quemad-  
 „ modum ad ambitionem sacrarum vestium  
 „ ornatum. Et cætera quæ commemorare  
 „ piget, inter quæ & illud, quòd liberam  
 „ cuique verbi divini annunciationem conce-  
 „ dit, cum in Ecclesia alios quidem Deus  
 „ posuit Evangelistas, alios Prophetas, alios  
 „ Doctores, nè omnes omnia essent.

„ Hunc igitur, ut diximus, libellum Hus  
 „ affecturus, multa aliter, quam Catholica do-  
 „ cet Ecclesia in aures vulgi ad res novas ar-  
 „ rectas detonabat, susque deque faciens ob-  
 „ nunciationes, quæ per Magistratus Sacer-  
 „ dotum fiebant, donec ipse Subinco Archi-  
 „ Episcopus, vir magni animi Pragam descen-  
 „ dit, vulgaroque Regiò edictò omnes citari  
 „ iussit, qui descriptum Vicleffi librum penes  
 „ se haberent. Amplius ducenti fuerant al-  
 „ lati, atque in tanta estimatione habiti, ut  
 „ major illorum numerus fibulis argenteis,  
 „ inauratisque infibularentur; cæterum ad  
 „ unum omnes igne consumpti. Ipsi Hus con-  
 „ cionibus interdictum. Atque ille Pragâ  
 „ discedens in pago Hussinecz, unde oriundus  
 „ erat, veteri Domino suo permittere, ser-  
 „ mones, quos cæperat, in magno cœtu ho-  
 „ minum sermocinabatur, glorians se ejusmo-  
 „ di colaphum Romanæ Ecclesiæ impacturum,  
 „ ut livorem ejus, nè post centum quidem  
 „ annos aboleat.

„ Interim Pragâ Hieronymus, & ipse libe-  
 „ ralius Artium Magister, atque ipse Hus  
 „ collega, & confectaneus, communem Se-  
 „ ctam contra Germanos Doctores, qui ibi  
 „ remanserant, crebris disputationibus pro-  
 „ „ pugnaræ,

„ pugnare, multis bilem concire, alios argu-  
 „ mentis & oratione tenere; nam & acutus  
 „ & disertus habebatur, eandemque in Scho-  
 „ lis, quam Hus in Templis palmam ab Au-  
 „ ditoribus obtinebat. Fieri autem non po-  
 „ tuit, quin multa in propatulum emanarent,  
 „ quæ inter parietes differebantur, quibus  
 „ vulgo cognitæ pro captu quisque suo, aut  
 „ has, aut illas partes fovebant: tantâ postre-  
 „ mō contentionē, ut partium studiō plebs  
 „ Urbana divisa, mutuis inter se pugnis, pla-  
 „ gisque interdum & saxis concurreret. Sen-  
 „ natoribus urbis à Doctoribus Germanis,  
 „ plebe autem à Hieronymo, ut corporis sui  
 „ membro (Pragæ enim natus erat) stante.  
 „ Quæ omnia Venceslaus cum sine cura ha-  
 „ beret, Subinco Archi-Episcopus, ut malis  
 „ impendentibus obviam tempestivè iret, in  
 „ Hungariam ad Sigismundum Regem se re-  
 „ cipiebat, ut ab eo consilium & auxilium,  
 „ periclitanti in patria Religioni imploraret.  
 „ Venitque Posonium ad fines Hungariæ, ubi  
 „ finem vitæ quoque suæ fecit, venens, (ut  
 „ ferunt) potionatus: corpus ejus Pragæ re-  
 „ ferendum, & in conditorio familiæ con-  
 „ dendum affines & cognati curarunt &c. „

Aeneas Sylvius Historiæ Bohemicæ c. 35.  
 „ Rexerat Scholam Pragensem usque in ea  
 „ tempora Teutones: id molestissimum Bohe-  
 „ mis fuit, hominibus naturâ ferocibus atque  
 „ indomitis. Ex quibus vir quidam genere no-  
 „ bilis, ex domo, quam Putridi piscis vocant,  
 „ apud Oxoniam Angliæ civitatem literis stu-  
 „ dens, cum Joannis Wiclevi libros offen-  
 „ disse, quibus de realibus universalibus ti-  
 „ tulus inscribitur, magnopere illis oblecta-  
 „ tus, exemplaria secum attulit. Inter quæ  
 „ de Jure Civili, deque Divino, de Ecclesia,  
 „ de diversis quæstionibus contra Clerum,  
 „ pleræque volumina, veluti pretiosum the-  
 „ saurum patriæ suæ intulit. Imbutus jam  
 „ ipse Wiclevitarum venens, & ad nocen-  
 „ dum paratus, tum quod erat familiæ suæ  
 „ cognomen, Putridum piscem, id est, feti-  
 „ dum virus in cives suos evomit. Com-  
 „ modavit autem scripta, quæ attulerat his  
 „ potissimè, qui Teutonicorum odio teneban-  
 „ tur; inter quos Joannes eminuît obscurò  
 „ locò natus, ex villa Hus, quod anserem  
 „ significat, cognomentum mutuatus. Hic  
 „ cum esset ingenio peracri, & linguâ disertâ,  
 „ multumque dialecticis oblectaretur, & pe-  
 „ regrinas opiniones amaret, avidè admodum  
 „ Wiclevitarum doctrinam arripuit, eaque  
 „ Teutonicos vexare Magistros coepit, sperans  
 „ eò modò confusus Teutones Scholam reli-  
 „ cturos. Quod cum succederet, à Vence-

„ lao impetratum, ut Pragensē Gymnasium ritu  
 „ Parisiensis gubernaretur. Ea res Magistra-  
 „ tum Scholæ Teutonibus abstulit. Quam ob  
 „ causam commoti Magistri ac Discipuli Teu-  
 „ tonici generis jurejurando adacti, unò die  
 „ supra duo millia Pragæ reliquere, nec diu  
 „ post circiter tria millia secuti, apud Lipsiam  
 „ Misniæ civitatem, trium dierum itinere à  
 „ Praga distantem, universale studium ere-  
 „ xere. Bohemis Scholæ suæ gubernatio li-  
 „ berè patuit, quorum Princeps est habitus  
 „ Joannes Hus, linguâ potens, & mundioris  
 „ vitæ opinione clarus. Qui ubi satis fidei  
 „ comparatum sibi existimavit, venenum, quod  
 „ jam pridem occultè conceperat, palam evo-  
 „ mit.

„ Fundaverat opulentus quidam civis in  
 „ urbe Pragensi, sub nomine Sanctorum Ma-  
 „ thie & Matthæi haud ignobile Templum,  
 „ quod Bethlehem appellavit, redivitibus addi-  
 „ tis, ex quibus duo prædicatores alerentur,  
 „ qui festis profectisque diebus Verbum Dei  
 „ Bohemico sermone plebibus insinuarent.  
 „ Horum alter Joannes assumptus est. Qui  
 „ cum se libenter audiri animadverteret, mul-  
 „ ta de libris Joannis Wiclevi in medium  
 „ attulit, asserens in eis omnem veritatem con-  
 „ tineri, adiciensque crebrò inter prædican-  
 „ dum, se, postquam ex hac luce migraret,  
 „ in ea loca proficisci cupere, ad quæ Wi-  
 „ clevi anima pervenisset, quem virum fuisse  
 „ bonum, sanctum cœloque dignum non du-  
 „ bitaret. Sequebantur Joannem Clerici ferè  
 „ omnes ære alienò gravati, sceleribus ac se-  
 „ ditionibus insignes, qui rerum novitate eva-  
 „ dere pœnas arbitrabantur. His & nonnulli  
 „ doctrinâ celebres juncti erant, qui cum in  
 „ Ecclesia consequi dignitatem non potuis-  
 „ sent, iniquò animò ferebant, Sacerdotia ma-  
 „ jorum censuum his committi, qui quamvis  
 „ nobilitate præirent, scientiâ tamen videren-  
 „ tur inferiores. Excœcavit eos invidia, ut  
 „ qui viderant, non viderent; & qui intelle-  
 „ xerant, non intelligerent. Proruperunt in  
 „ blasphemias, & cum aliquibus ignavis for-  
 „ tasse ac vitiosis maledicere possent, in omnes  
 „ latrare Sacerdotes coepere: & ab Ecclesia  
 „ Catholica recedentes, impiam Valdenium  
 „ sectam atque insaniam amplexi sunt.

„ Hujus pestifera ac jam pridem damnata  
 „ factionis dogmata sunt: Romanum Præsu-  
 „ lem reliquis Episcopis parem esse. Inter  
 „ Sacerdotes nullum discrimen. Presbyte-  
 „ rum non dignitatem, sed vitæ meritum effi-  
 „ cere potiozem. Animas è corporibus ex-  
 „ cedentes, aut in æternas evestigio pœnas  
 „ mergi, aut perpetua consequi gaudia. Pur-

gatorium ignem nullum inveniri. Vanum esse orare pro mortuis, & avaritiæ Sacerdotalis inventum. Dei & Sanctorum imagines delendas. Aquarum, palmarumque benedictiones irridendas. Mendicantium Religiones malos Dæmones invenisse. Sacerdotes pauperes esse debere, solâ contentos eleemosynâ. Liberam cuique prædicationem Verbi Dei patere. Nullum capitale peccatum, quantumvis majoris malitandi gratiâ tolerandum. Qui mortalis culpæ reus sit, eum neque seculari neque Ecclesiasticâ dignitate potiri, neque parendum ei. Confirmationem, quam chrismate Pontifices inducunt, & Extremam Unionem inter Ecclesiæ Sacramenta minimè contineri. Auricularem Confessionem nugacem esse; sufficere sua quemque Deo in cubili suo conqueri peccata. Baptisma fluviâ undæ, nullâ interjectâ Sacri Olei mixturâ recipiendum. Cœmeteriorum inanem usum, questûs causâ repertum; quæcunque tegantur tellure humana corpora nihil distare. Templum Dei latè patentis ipsum mundum esse; coarctare Majestatem ejus, qui Ecclesias, Monasteria, Oratoriâque construunt, tanquam propitior in eis divina bonitas inveniatur. Sacerdotes vestes, Altarium ornamenta, pallas, corporalia, calices, patenas, vasque hujusmodi nil habere momenti. Sacerdotem quocunque loco, quocunque tempore Sacrum Christi Corpus conficere posse, petentibusque ministrare; sufficere, si verba Sacramentalia tantùm dicat. Suffragia Sanctorum in cœlis cum Christo regnantium frustra impetrari, quæ juvare non possunt. In Canoniciis Horis cantandis, dicendisque frustra tempus teri. Nulla die ab opere cessandum, nisi quæ Dominica nunc appellatur. Celebritates Sanctorum prorsus rejiciendas. Jejunii quoque ab Ecclesia institutis nihil inesse meriti.

Subinco cognomine Lepus, claris parentibus apud Bohemos ortus per idem tempus Pragensem Ecclesiam Pontificiò retinebat, consiliò & animò illustri. Qui orienti calamitati obviam ire cupiens, priusquam amplius debaccharetur, libros Joannis Wicleffii ad se ferri, omnesque doctorum virorum consiliò adhibito publicè concremari jussit. Supra ducenta volumina fuisse traduntur, pulcherrimè conscripta, bullis aureis tegumentisque pretiosis ornata. Joanni prædicatio interdicta, & adjectæ minæ, si quando priores in populum errores vulgare auderet. Ipse Pragâ excedens, apud villam,

unde sibi origo fuit ac cognomen, permitte loci Domino, qui ejus insanie favebat, vocare plebes, ac docere non destitit: multa in Romanum Præfulem, multa in reliquos Ecclesiæ Pontifices maledicta congerens. Utque populi animos sibi magis ac magis conciliaret, adstruebat, decimas haud aliter quàm eleemosynas Sacerdotibus debitas, liberum esse prædia possidentibus, si velint, eas dare; si nolint, nullo jure cogi posse.

Nondum error de Sacramento Altaris irrepserat, sed attulit novam pestem Petrus Dresdensis (id oppidum Misniæ super Albim situm) qui cum aliis Teutonibus paulò antè Bohemiam reliquerat. Cognitus inter suos, quia Valdensem leprâ infectus esset, patriâ pulsus velut hæreticorum asylum Pragam repetiit, puerorumque docendorum curam accipit.

Apud Ecclesiam Sancti Michaelis per id temporis populum prædicando instruebat Jacobellus Misnensis, literarum doctrinâ & morum præstantiâ juxta clarus. Petrus hunc aggressus, mirari se, ait, doctum & sanctum virum, qui divina eloquia plebibus exponeret, errorem illum non animadvertisse Communionis Eucharistiæ, qui jam pridem Ecclesiam pessundasset, in qua sub una tantum specie Dominicum Corpus populo ministraretur; cùm apud Joannem Evangelistam, & Apostolum Christo dilectissimum, sub duplici specie panis, vinqque sumi jubebatur dicente apud eum Salvatore: Nisi manducaveritis carnem filii hominis, & biberitis ejus sanguinem, non habebitis vitam in vobis. Commotus his Jacobellus, cùm perquisitis vetustis Sanctorum Doctorum codicibus, Dionysii præsertim & Cypriani, Communionem calicis laudatam invenisset, prohibitus apud Sacellum Archangeli Michaelis prædicare, in Templo majore S. Martini cathedram sortitus, publicè commovere populum cœpit, nè deinceps Communionem calicis, sine quâ salvari nemo posset, quoquò pacto negligerent. Huic omnes hæretici consenserunt, haud modicâ gestientes lætitiâ, quod articulum invenissent in Evangelica Lege fundatum, per quem Romanæ Sedis vel ignorantia vel nequitia coargui posset. Odiosò quamvis hæc animò Rex intelligeret, desidia tamen corruptus, & inertia torpens, impunè debacchari sinebat hæreticos.

Subinco Archi-Episcopus, ubi nullum adversus tantum emergens malum in Vencelao præsidium invenit, ad Sigismundum

„ Hun-

„ Hungariæ Regem confugit, obsecrans atque  
 „ obsecrans, ut negligentiam fratris emendet,  
 „ neque labefactari orthodoxæ fidei Sacra-  
 „ menta permittat. Dat fidem Sigismundus  
 „ peturum se brevi Bohemiam, Ecclesiæ Catho-  
 „ licæ consulturum. Sed dum dies die  
 „ ducitur, Subinco apud Postiniam (*Postonium*)  
 „ in Hungaria moritur, & Albicus ei sufficitur,  
 „ natione Bohemus, arte Medicus, & Sigis-  
 „ mundo propterea charus, unicum extremæ  
 „ avaritiæ barathrum. Qui claves cellæ vini-  
 „ cariaræ nulli alteri, quàm sibi ipsi credidit,  
 „ & animalia viventia donò accepta mox ven-  
 „ didit; & quia sumptuosos esse coquos didi-  
 „ cerat, abjectam anum popinæ suæ præfecit.  
 „ Interrogatus aliquando, sonorum omnium  
 „ quæ molestius audiret, maxillarum, inquit,  
 „ ossa frangentium. Idoneus profectò Pon-  
 „ tificis, qui surgenti fomentum hæresi daret.  
 „ Infestabat eâ tempestate Romanam Ec-  
 „ clesiam Ladislaus Rex Neapolitanus, adver-  
 „ sus quem Joannes Papa Tertius & vicissimus  
 „ bellum decernens, plenariam peccatorum re-  
 „ missionem indulgit his, qui ad tuendam  
 „ Ecclesiam arma induerent. Recitabatur  
 „ in Ecclesia Pragensi decretum Pontificis.  
 „ Quod cum quidam sordidæ artis homines  
 „ audissent, Joannem Papam Antichristum esse,  
 „ se, magnâ voce clamaverunt, qui Crucem  
 „ contra Christianos decerneret. Eos eve-  
 „ stigio Senatus in carcerem rapti fuisse: popu-  
 „ lus verò susceptis armis dimitti omnes petiit.  
 „ Sed placatus oratione Senatûs, tanquam vi-  
 „ ta captivorum in tuto esset, suam quisque  
 „ domum rediit; de illis clam supplicium  
 „ sumptum. At cum sanguis extra Prætorii  
 „ januam defluens iudicium necis fecisset,  
 „ iterum accurrens populus interemptorum  
 „ corpora rapuit, & auro circumvoluta pannò  
 „ per omnes urbis Ecclesias detulit, claman-  
 „ tibus ejusdem Sectæ Sacerdotibus: Isti sunt  
 „ sancti, qui pro testamento Dei sua corpora  
 „ tradiderunt. Exin cadavera in Sacrario apud  
 „ Bethlehem reposita, quasi Martyrum Reli-  
 „ quiarum aromatibus condita. „ Hæc Sylvius.  
 „ Hunc secutus est in compendio Cuspinia-  
 „ nus in Cæsarib. sub Wenceslao, & Nauclerus  
 „ in Chronica sua volumine 2. Generation. 39.  
 „ ad litteram exscriptis.

[3.] Gerardus de Roó, Histor. Austr.  
 lib. 4. ferè ad litteram exscriptus.

Sylvius ubi suprâ c. 34. ad finem. „ Priori  
 „ consuetudine (*Wenceslaus post suam à Viennensi custodia regnò potitus*) vinò ciboque  
 „ marces, lucemque dormiendo nocti con-  
 „ jungens, ab Electoribus Imperii, compro-  
 „ bante Romano Pontifice, imperiò dejectus,

„ domi torpens illaudatum egit ævum. „

Cuspinianus in Cæsarib. sub Wenceslao.  
 „ Cum ergo tyrannide, socordia, luxu omnia  
 „ sceleret, provinciales conquesti Sigismundo  
 „ fratri, qui tum Rex erat Hungarorum, ite-  
 „ rum est à fratre suo Sigismundo captus.  
 „ Et, ut securius custodiretur, Alberto Duci  
 „ Austriæ traditus. Qui Viennæ in magni-  
 „ ficè constructis ædibus, Danubio adja-  
 „ centibus, quibus etiam hodiè nomen est  
 „ Praga (quod Pragensium hic Rex fuisse ca-  
 „ ptus) custodiendum præcepit. Sed cum ne-  
 „ gligenter custodiretur, fugâ elapsus, regnum  
 „ repetiit, rursusque eò potitus. Neque vi-  
 „ tam emendans, neque mores mutans ire-  
 „ rum in antiquam transiit silvam: vino, ven-  
 „ tri, Veneri dies noctesque inserviens. Et  
 „ velut porcus Epicuri, domi tanquam in sta-  
 „ bulo clausus ac saginatus, neque regni ne-  
 „ gotia solerter ordinavit, neque Ecclesiæ  
 „ schisma extirpavit, neque Imperii coronam  
 „ acceptare curavit. Ab Electoribus Im-  
 „ perii igitur crebrò admonitus, cum nil cu-  
 „ raret, Imperio est deturbatus: primùmque  
 „ Fridericus Saxonæ Dux successus. Quò  
 „ mortuò Rupertus Palatinus Rex est Roma-  
 „ norum declaratus. „

Spondanus hic n. 2. „ Cum enim traditæ  
 „ sent jam antehac Electores de alio ad Impe-  
 „ rium ejus loco esserendo, rémque sæpè læ-  
 „ pius spe morum ejus emendationis, & ti-  
 „ more novi in Imperio schismatis dissulissent:  
 „ demum malis in dies crescentibus, post-  
 „ quam nihil se vel admonitionibus, vel de-  
 „ nunciationibus aut minis proficere perspe-  
 „ xerunt: nè penitus Imperium corrueret, re-  
 „ cum Bonifacio Pontifice communicata, ejus-  
 „ que assensione habitâ, hoc annò convenien-  
 „ tibus in unum apud castrum Lonslein ad  
 „ Rhenum diocesis Treverensis, Joanne Mo-  
 „ guntino, Friderico Colonienfi, Wernero  
 „ Treverensi Archi-Episcopis, ac Ruperto  
 „ Comite Palatino Rheno, Ducéque Bavarie,  
 „ Electoribus Imperii, unâ cum aliquot aliis  
 „ Principibus, ac Civitatum Oratoribus, ab-  
 „ sentibus Duce Saxonie & Marchione Bran-  
 „ denburgico item Electoribus, qui vocati no-  
 „ luerunt adesse, ipsoque Wenceslao rogatò,  
 „ nec tamen aut per se, aut per procuratores  
 „ comparente: de communi prædictorum  
 „ omnium consensu, sententiam in eum ex-  
 „ auctorationis, & privationis regni Roma-  
 „ norum & Imperii (ad quod electus fuerat  
 „ ante quatuor & viginti annos) protulit cun-  
 „ ctorum nomine Moguntinus, quæ extat da-  
 „ ta annò Dominicæ Incarnationis millesimò  
 „ quadringentesimò, Indictione octavâ, fe-

C

ria



riä sextä, die vigesima Augusti, Pontificatus Bonifacii Noni, annö undecimö, quæ omnia vides præsentî annö quadrare contra illos, qui aliis aut annis aut mensibus rem gestam collocant. Causæ verö depositionis exprimuntur indecentes ac detestabiles ejus in imperando mores, necessitatum Ecclesiæ & Imperii neglectus; ejusdem Imperii membrorum aliquot mutilatio, atque imprimis ditionis Mediolanensis & Lombardiæ contra jus fasque accepta pecuniä facta: membranarum purarum, suö tamen sigillö munitarum, amicis facta venditio, in quibus liceret, quicquid illi vellet in detrimentum publicum & privatum conscribere; omnium scelorum & injurarum impunitas; denique sacrorum Antistitum ac Sacerdotum, aliorumque honoratorum hominum, tam propriä quam sociorum impietatis manu necës, submersiones, cremationes truculenter peractæ. Addit speciatim alias causas Trithemius, sed quæ sub prædictis contineantur. Memineruntque Nauclerus, Krantzius, Hartmannus, & alii plurimi.

N. 3. „ Post depositionem promulgatam tractantes Electores de substitutione digni alicujus Principis in locum Wenceslai, convenire in Fridericum Ducem Brunsvicensem, egregium Principem, ac rei militaris peritissimum, Imperatorem ejus nominis Quartum. (Hunc enim multi agnoscunt Wenceslao subrogatum; cum plures, quod designatus tantum fuerit, prætereant.) Eoque, cum è comitio rediret, nefariè occisö ab Waldekiano Comite (qua de re culpatus Archi-Episcopus Moguntinus purgare se habuit) coëuntis iterum Electores, quidam Jodocum Moraviæ Marchionem, Wenceslai Patruelem, alii Rupertum sive Robertum superiörs nominatum Baviaræ Ducem & Comitem Palatinum unum ex Electoribus elegerunt. Mansitque hic Rupertus Rex, nepos existens proneposve ex fratre Ludovici Bavarî olim Imperatoris dicti: cognomento Parvus, vir belli pacisque artibus clarus, sive in numero votorum prævaluerit, ut ferè consentiunt auctores: sive ut nonnulli habent, obtinuerit tantum post Jodoci obitum, qui brevi contigit. Fuitque annö proximö die Epiphaniæ, sextä Januarii Colonia coronatus ab Archi-Episcopo, quod Aquisgranensis civitas, ubi coronari ex more debuerat, cum Regem nollet; sed ä Wenceslao faret, unä cum non paucis aliis tam civitatibus, quam Principibus, qui ei constanter diu adhæserunt:

quantumvis adeo eidem Ruperto studuerit Bonifacius Pontifex, ut etiam aliquantö post, multum contra nitentibus Electoribus Archi-Episcopis, exigendarum ä Germanico Clero decimarum potestatem ei concesserit; prout inter alios ä Serario narratur in rebus Moguntiacis. Testaturque Niemus, adfuisse se in Consistorio, quando Bonifacius electionem ejus confirmavit, promissitque favores ei Apostolicos impendere. Quare etiam ex Edmundo, qui cum Wenceslao ac fratre ejus Sigismundo Hungariæ Rege familiariter versatus est, intelligitur eundem Sigismundum auditä fratris privatione per litteras conquestum esse Cardinalibus Bonifacii, quod Wenceslaus non vocatus, non convictus, & sine causä cognitione privatus esset; quodque Bonifacius die nocteque nihil aliud cogitare videretur, nisi ut modum inveniret ejiciendi pariter ipsum Sigismundum ä Regno Hungariæ, ut traderet Ladislao Regi Neapolitano: tamen uterque frater semper adhæsisset tam Urbano Sexto, quam ipsi Bonifacio, licet per multos Reges & Principes fuissent sæpius adversüs eos sollicitati. Denique scribit Wasseburgius in antiquitatibus Galliarum Belgicarum, Gallos Rupertum pro Rege non habuisse, sed Wenceslaum, ut prius; ideoque sædus Ruperti neglectum ab eis esse. Et in Annalibus Agrippinensium proditur Rupertum sextö demum annö Aquisgrani pro Rege susceptum esse, quod interim illa civitas exemplö Geldriæ Ducis in fide Wenceslai permaneret.

N. 4. „ At verö ipsum Wenceslaum parum depositionem suam curasse, plures ajunt. Cum intellexisset Jodocum patruelem suum ab una parte Electorum nominatum fuisse sibi successorem, ipsö Jodocö insciö; eidem ad se in penitiores ædes evocato dixisse, etsi satis sciret non esse dignitatis suæ, quod Electores fecissent, solatio tamen esse, quod familiam non egressi ipsum elegissent. Ad hæc territo Jodoco, & in genua procidentem, ac rei ignorantiam excusantem, ponere metum jussisse; haud enim Imperium invitè se deponere, neque si retinere cuperet, jura sanguinis in eo violaturum: susciperet Imperium, sêque ac suis uteretur, sibi suam satis esse Boëmiam: Jodocum autem sex tantum postea mensibus vixisse, ac in Moravia Regiö funere sepultum esse. At verö Jodoci electionem nonnisi post Ruperti obitum contigisse rediüs alii: de qua rursum eö locö. Wenceslaus autem vitam pristinam in suo Boëmiae regno agere perrexit,

„xit, ingenti Principatûs dedecore, ac Religionis, literarum, & civilis Statûs detrimento, ut videbitur plenius: adeo quidem regni Ruperti confirmationem hocci faciens, ut cum inter civitates Imperii Nurembergenses pertinaciùs detestarent ei obedi-  
[4.] dire nisi annuente Wenceslao, & ut ipsos

„Wenceslaus ( quod graviùs urgerentur à „Ruperto ) abfolveret, obtulissent aureorum „viginti millia, is contempto auro abfolverit, „iustos tantum optimi vini aliquot plaustra „sibi mittere. „Hucusque Spondanus.

[4.] Ex diplomate ipsius Archi-Ducis.  
[5.] Codex MS. Bibliothecæ Zwetlensis.

Annus Christi MCCCCI.

Monasterii CCLXIII.

Pont. Rom.  
Bonifacius IX.

Imp. Rom.  
Rupertus.

Episcopus Pataviensis  
Georgius.

Archi-Duces Austriæ  
Wilhelmus & Albertus IV.  
Abbas Zwetlensis  
Albertus I.

**R**Eferuntur ex antiquitate Monasterii sequentia: „ Annò Domini „1405. ( *correctius Annò 1401.* ) Wilhelmus Dux Austriæ, & Albertus Dux Austriæ † avunculi simul regnantes moverunt validum exercitum, & intraverunt Moraviam, & obsederunt castrum Weicherslag, quod ipsi Bohemi dolose abstulerant, tandem coeperunt; & habitantes in castro suspenderunt, & tandem Deo adjuvante coeperunt. Videntes verò Domini Moraviæ, scilicet Henricus de Nova-Domo, Henricus de Geisnitz dictus Dürntewfel cum fratribus suis, & Albertus de Vetaw se non posse resistere prædictis Ducibus Austribus ( *pro Austriis vel Austriacis* ) obtulerunt se unanimiter prædictis Ducibus in gratiam, & castra, quæ eis Duces per vim abstulerunt, reddiderunt ipsi, & sponderunt se prædicti Domini Moraviæ cum litteris sigillatis prædictis Ducibus fore semper obediens, & eis apparere, quocunque eos vocaverint, quæ omnia non tenuerunt rata, & mentiti sunt, & fecerunt contra proprias litteras suas & treugas, ipsi verò unâ vice apparuerunt in Bohemia, scilicet eodém annò, quò fuerunt coacti à supradictis Ducibus Austriæ, \* [1.] Hucusque antiquitas. Sciendum hic, non posse subsistere Annum Domini MCCCCV.

præfixum, nam eò annò jam obierat Albertus, qui unâ cum Wilhelmo avunculo rerum habenas in Austria moderabatur, sed potiùs hic annus præsens est, quod constabit ex relatione anni sequentis, in qua præcedentium continuatio narrabitur, annò certò expressò, & præfixò. Porro causam hujus in Moraviam expeditionis invenio, Dominorum quorundam Moraviæ, prædonum instar, in Austriam excursus. Nam Jodoco Moravorum Principi erant discordiæ cum Procopio fratre, qui Moraviâ solus potiri cupiebat, fratre paternâ hæreditate expulso. Hæc occasio licentiam audacibus fecit, ut in prædationibus alter alterum superare conaretur, unde & in Austriam & in Moraviam sine discrimine impunè grassabantur. Quam licentiam Archi-Duces conscriptò & eductò milite in Dominis illis prædonibus represserunt. Hi postmodum cum Jodoco ( veriùs cum Procopio ) contra Austriam steterunt, dum ab Austriaco Znomya civitas oppugnaretur, sicut patebit.

Præterea Joannes Comes de Hardeck, S. Rom. Imperii Purgravius in Maidburg; & Uthildis Comitissa ejusdem conjunx, Monasterio nostro Zwetlensi unam fundarunt vineam ad Pulksitum, Viennensem distam, à censu, à decimis, à jure montis liberam, eamque in manus Alberti Abbatis in Zwetel resignarunt. Dederunt etiam dimi-

dium talentum denariorum Pragensium à subditis in Niedern Nondorf & Niedern Waltenreith pagis in festo Michaëlis exigendum cum in usum, ut vinea præfata diligentius excolatur; & quod de pecunia prædicta superfuerit, in vestes aut usus alios folius Conventus expendatur. Munita est littera sigillis donantium propriis, quibus in majus robur & testimonium Wolfgangus dictus Dachpeckh Eques nobilis suum addidit. Data est Rhetii in Austria, Sabbato ante diem S. Colomanni, Anno Domini 1401. [2.]

Ex hac littera patet, Albertum Abbatem in Oßobri adhuc vixisse, cum ejusdem mensis decimâ tertiâ die Colomanni commemoratio fiat.

Donantem Comitem quædam villanus secutus est, nam Simon dictus Smutz de Erchenbrechts cum consensu uxoris suæ Agnetis dedit Monasterio vineam dimidiam, & de altera partem tertiam, sitam utramque ad Lewtacker in loco, qui Kaswasserperwnt dicitur, in manus Alberti Abbatis de Zwetel. Datum Anno Domini 1401. in festo Assumptionis B. Mariæ. [3.]

## ADDITIONES.

\* [1.] Chronic. MS. in Calendario.

† Avunculos vocat Antiquitas hos duos Archi-Duces (quos Tomo I. ad annum 1395. diximus ex Haselbachio, Strunone, & aliis defunctis Albertus III. simul suscepisse habenas regendæ Austriæ) fortè ideò, quia ex eodem

avo descenderunt; nam Albertus III. parens Alberti IV. & Leopoldus III. parens Wilhelmi fratres germani erant, filii Alberti II., hodie verò, & communis tales non avunculi, sed patruales fratres vocitantur.

[2. & 3.] Ex Autographis ipsorum.

**Annus Christi MCCCCII.**

**Monasterii CCLXIV.**

*Pont. Rom.*  
**Bonifacius IX.**

*Imp. Rom.*  
**Rupertus.**

*Episcopus Pataviensis*  
**Georgius.**

*Archi-Duces Austriae*  
**Wilhelmus & Albertus IV.**  
*Abbas Zwetlensis*  
**Heinricus II.**

„ **A**nnò novi Sæculi secundò Sigis-  
„ mundus, Wenceslai Ignavi  
„ frater, Ungariæ Rex, Alberto Au-  
„ striaco, ob collata in se beneficia,  
„ successionem in regnum suum, eique  
„ conjunctas ditiones decernit, si abs-  
„ que hærede masculo ipse moriatur.  
„ Quod si filiam unam vel plures su-  
„ sceptras reliquisset, iis Albertus con-  
„ ditiones genere dignas quæreret,  
„ centenâque aureum nummum Hun-  
„ garicorum millia singulis in dotem  
„ numeraret: hujus rei testes sunt lit-  
„ teræ vicariatus Imperii sigillò muni-  
„ tæ, quibus irritas facit alteras, quas  
„ olim Jodoco patrueli super eadem re  
„ concesserat. Hanc primam de regno  
„ illo ad Austriacos derivando mentio-  
„ nem inspectis litteris præterire no-

„ lui. „ \* [1.] Hæc Gerardus de Roó,  
„ quæ potiùs de Alberto V. quàm IV. in-  
„ telligenda & accipienda sunt, unde non  
„ hoc annò, sed sequentibus, Annò  
„ MCCCCXIX. fermè post decem & se-  
„ ptem contigerunt, cum Albertus V. Al-  
„ berti IV. filius annos tutelæ fuit egres-  
„ sus; & Austriam propter suam tutelam  
„ turbatam pacavit.

Occurrunt porrò sequentia: „ An-  
„ nò 1402. Heinricus Dürntewfel de  
„ Geispitz fecit contra jusjurandum,  
„ quod spondit litteris & sigillis, &  
„ cœpit rebellare cum suis supradictis  
„ fociis scilicet Alberto de Vetaw &c.  
„ & cœpit dolosè, & nequiter, & fur-  
„ tivè, de nocte scandendo castrum in  
„ Cznam, quod emerat parvò pretiò  
„ à quodam vigili, qui avaritiâ ductus  
„ tradi-

„ tradidit ei castrum in silentio noctis;  
 „ & sic furtivè cœpit scandere ad ca-  
 „ strum cum suis satellitibus, cives ve-  
 „ rò urbis de, janè valde perterriti sunt  
 „ de amissioe castri, & cœperunt se  
 „ viriliter defendere, sed tandem non  
 „ valentes resistere, obtulerunt ei ci-  
 „ vitatem, quam tenuit cum castro tres  
 „ annos, sed tandem ab ea dolosè ex-  
 „ pellitur à Marchione Jodoco Mora-  
 „ viæ, ut postea patebit. Ipse etiam  
 „ Dürntewfel multa mala exercuit in  
 „ Austria capiendò dolosè, & spoliandò  
 „ civitates & villas, scilicet Cysters-  
 „ dorf & Asparn, & alia multa oppida.  
 „ Unde valde offensus Inclytus Dux  
 „ Austriæ, scilicet Albertus &c. „ [2.]  
 Hæc ex antiquitate. Causam igitur de-  
 dère hi prædones, qui sunt: Heinricus  
 Dürntewfel de Jewspitz Moravus cum  
 fratribus suis, Heinricus de Nova-Dom-  
 mo, Albertus de Vetaw; & alii nobiles  
 plures, qui continuò in Austriam præ-  
 dandi gratiæ excurrentes cœperunt ante  
 annum castrum in Austria Welcherslag  
 dictum; & hoc anno oppida Cisters-  
 dorfium & Asparn cum aliis fraudu-  
 lenter occuparunt, quare Albertus ad  
 vindicandum injurias paratus exercitu  
 comparato, cum præsertim ex Znoyma,  
 quam dolosè per prodicionem cœpe-  
 rant, Austriæ vicina, multa mala fini-  
 timis tam Moravis quàm Austriis infer-  
 rent, eandem Znoymam obsedit, quæ  
 obsidio anno sequenti primùm contigit,  
 ut eodem etiam referetur.

Gerardus ait, Procopium fratrem  
 Jodoci Marchionis Moraviæ occupasse  
 postea contra fratrem Znoymam; [3.]  
 verùm ille Jodocum barbaturum ante Ru-  
 pertum in Regem Romanorum electum  
 ponit, quod antiquitas Monasterii no-  
 stri non sentit, quæ eodem tempore,  
 quo hæc gesta fuere, illa perscripsit.  
 Dicit autem Jodocum occupasse Znoy-  
 mam, unde patet ipsum Jodocum ad-

huc vixisse, ac primùm post mortem  
 Ruperti, non antè, fuisse in Cæsarem  
 electum, ac post sex mensium Imperi-  
 um quoque exspirasse.

Quis demùm anno isto Abbatie  
 Zwetlensis præfuerit, jam discutiendum  
 est. Albertus I. hæcenus præfuit, quem  
 anno priori resignasse aut depositum  
 fuisse recentior Abbatum Zwetlensium  
 Catalogus sentit, atque ideò anno eo-  
 dem jam collocat Heinricum successo-  
 rem. Chronostichorum author obisse  
 de more suo canit Albertum anno sæ-  
 culi prioris ultimò, nimirum nonage-  
 simò nonò, & eodem successisse eidem  
 Heinricum. [4.] Verùm neque hic,  
 neque ille scopum attigit, nam quòd  
 Albertus hòc adhuc annò vixerit, de-  
 monstrat quoddam diploma Archi-Du-  
 cis Wilhelmi datum Alberto Abbati in  
 Zwetel super lite, & compositione qua-  
 dam annò Salutis MCCCCII. in die S.  
 Agnetis Virginis Martyris, nimirum 21.  
 Januarii; [5.] igitur neque annò non-  
 agesimò nonò, neque quadringentesi-  
 mò super mille primò resignasse Abba-  
 tiam potuit. His astipulatur antiquitas,  
 quæ Albertum usque ad decimum an-  
 num abbatizasse commemorat, nam cœ-  
 pit Annò MGCXCII. & hòc annò ces-  
 savit. [6.] Alberto igitur vel ob se-  
 nium, vel alia de causa resignanti Ab-  
 batiam, Heinricus ejus nominis II. co-  
 gnomentò de Altensteig successit. De  
 cujus successione omnes catalogi con-  
 veniunt, [7.] de anno tantùm quidam  
 discrepant, quos suprà retuli, & discussi.

Confirmat hoc etiam quoddam em-  
 ptionis instrumentum, in quo Heinrici  
 Abbatis Zwetlensis fit mentio, cujus da-  
 tum est Annò Domini MCCCCII. in  
 festo Omnium Sanctorum. Cæterum  
 non judico fore necessarium subijcere  
 Chronostica duo illius resignationem;  
 & hujus successionem canentia, cum  
 in tempore discrepant, ut suprà dixi.

# ANNALES AUSTRIO- ADDITIONES.

\* [1.] Gerardus de Roß Hiftor. Austriac. lib. 4. ad litteram.

[2.] Chronicon MS. in Calendario suo.

[3.] Gerard. de Roß ubi suprà ita profequitur: „Non multò pòst exortum est Alberto bellum Moravicum, ex hac præcipuè causa. „Jodocus Barbatus, quem in Rom. Regem electum, obfisse diximus, uti Moraviæ solus potiretur, Procopium fratrem, paternâ hereditate expellere tentaverat. Is fratris viribus impar, multos sibi facinoribus, ac ærè alieno perditos, adjunxit, à quibus adjutus Znoymam ad Austriæ fines oppidum occupaverat, ex quo vicinos non Moraviæ

„tantum, sed Austriæ quoque agros depræ-  
„dabatur. Cùmque Jodocò è vivis sublato,  
„raptores avari, arreptam semel licentiam  
„necdum deponerent, Albertus collecto se-  
„decim millium militum exercitu, in eos pro-  
„fectus, Znoymam arcta obsidione cingit.  
„Neque dubium cuiquam videbatur, quin vel  
„primo insultu oppidum capi potuisset, si  
„res ex militaris disciplinæ ratione fuisset ad-  
„ministrata. „

[4.] Tabulæ Abbatum pictæ.

[5.] Diploma Archi-Ducis in originali.

[6.] Chron. MS. in Calendario suo.

[7.] Wolfgangus Abbas in sua Abbatum serie.

## Annus Christi MCCCCIII. Monasterii CCLXV.

*Pont. Rom.*  
Bonifacius IX.

*Imp. Rom.*  
Rupertus.

*Archi-Duces Austria*  
Wilhelmus & Albertus IV.

*Episcopus Pataviensis*  
Georgius.

*Abbas Zwetlensis*  
Heinricus II.

**O**ccurrunt hòc annò sequentia:  
„Annò Domini 1403. in Bava-  
„ria, in Gmunden, & Sancto Wolf-  
„gango Dominicà post Ascensio-  
„nem Domini ceciderunt lapides gla-  
„ciales de cœlo instar trium pugno-  
„rum hominum, qui lapides multa  
„tectâ ædificiorum perforaverunt, &  
„multos homines & pecora intereme-  
„runt. Eodem anno facta est susur-  
„ratio, id est, Terewn ( *Treuga* ) in  
„Austria, ubi multi nobiles & ignobi-  
„les suspensi & decollati sunt, & mul-  
„ta castra destructa sunt. „ \* [1.]  
Hæc antiquitas Monasterii, cujus susur-  
rationis seu potiùs conspirationis causa  
non ponitur: credo ego hanc justitiam  
in reos exercitam exacuisse quorundam  
procerum Austriacorum animos, ut à  
Principe suo abalienarentur, machinan-  
tes ejus interitum clandestinè, sicut po-  
tèst patebit in oppugnatione Znoymæ  
tunc prædonum receptaculi.

Item referuntur in citato loco se-  
quentia: „Annò Domini 1403. visa  
„fuit stella, quæ dicitur Cometa, de

„nocte statim post occasum solis ex  
„se mittens igneas comas, & luxit per  
„unum mensem, & visa fuit circa aquil-  
„lonarem partem, & in ultima septi-  
„mana, quando volebat recedere,  
„visa fuit de mane ante ortum solis ab  
„oriante, & semper parùm præcede-  
„bat solem, & circa meridiem visa fuit  
„etiam circa solem, & ista apparitio  
„istius stellæ designabat multa mala,  
„quæ super nos venerunt peccatis no-  
„stris exigentibus. Nam eodem anno  
„captus fuit Illustis Rex Wenceslaus  
„Bohemiæ à fratre suo Sigismundo Re-  
„ge Ungarorum, non in prælio, sed do-  
„losè in civitate sua Praga, & Marchio  
„Brocca Moraviæ. Isti ambo captivi  
„( *duxi* ) fuerunt à Rege Ungarorum  
„Sigismundo in castrum, quod dicitur  
„Schawmberch. Tandem Wenceslaus  
„Rex Bohemiæ ductus fuit Wiennam,  
„& positus in custodiam circa festum  
„Marci & Marcellini Martyrum, & per  
„integrum annum usque Martini per  
„fugam occultè turpiter elapsus est,  
„Sed prædictus Marchio de Moravia,  
„qui

„ qui dicitur Proco, qui multas lites  
 „ suscitavit, captivus ductus fuit à su-  
 „ pradiſto Rege Sigismundo Ungaro-  
 „ rum in Erſpurkch, & ibi poſitus in  
 „ carcerem, ubi miſerabiliter defun-  
 „ ctus eſt poſt duos ſuæ captionis an-  
 „ nos. „ [2.] Hæc ex citato loco.  
 De annis captionis variè Scriptores ſen-  
 tiunt, neque conveniunt: Dubravius  
 ſentire videtur Wenceslaum ſecundò  
 captum & Viennam in Auſtriam deduc-  
 tum fuiſſe, [3.] ante quadringentiſi-  
 mum adhuc annum poſt mille, nam A-  
 ventinus ait, Sophiam Bojam fuiſſe  
 Wenceslao deſponſatam à Joanne Pala-  
 tino Rheni Baviaræ Duce Annò Salutis  
 MCCCXCIII. [4.] Et Dubravius ci-  
 tatus poſt ſecunda Wenceslai vincula  
 nuptias præſatas collocat, igitur ip-  
 ſum vel anno eodem, vel præcedenti  
 MCCCXCII. captum eſſe vult. [5.] Sic  
 quoque Struno in Annalibus ſuis Wen-  
 ceslaum Regem Annò MCCCXCIV. in  
 Wiltperg caſtro tentum fuiſſe à Stah-  
 renbergiciſt Auſtriæ regulis contendit,  
 [6.] ut ſuprà retuli. Cæteri Scripto-  
 res nudam ſinè anno ſecundam affirmant  
 captionem à loco principaliori denomi-  
 natam Viennensem. [7.] Quare præ-  
 fatorum authoritati in nullo derogans,  
 ſequor Monafterii noſtri antiquitatem,  
 cujus annotator circa idem tempus vi-  
 xit, qui captivitatem Wenceslai alte-  
 ram in hunc annum conjicit, & ſimpli-  
 ci, ſicut eſt, proſequitur ſtylo, verita-  
 tem amans. Adjungit verò ſocium cap-  
 tivum Wenceslao Broccam ſeu Pro-  
 cam ab eo didum, à latinis verò Pro-  
 copium Marchionem Moraviæ, fratrem  
 Jodoci, qui à Gerardo ſupervixiſſe Jo-  
 doco ſcribitur & Znoymam occupâſſe,  
 [8.] cùm ubique in antiquitate Mona-  
 ſterii noſtri Jodocus Znoymam occu-  
 pâſſe, & poſt Rupertum Cæſarem defun-  
 ctum in Regem Romanorum electus re-  
 periat. [9.] Addit verò author me-  
 us cauſam, cur Sigismundus Procopi-  
 um capi juſſerit, quia nimirum multas  
 lites ſuſcitavit, tum cum fratre Jodoco,

à quo apud Sigismundum tanquam pa-  
 cis publicæ perturbator delatus fuit,  
 tum cum Auſtriæ Archi-Duce, in cujus  
 odium cum prædonibus Auſtriam con-  
 tinuò deſtatabat. Unde in carceribus  
 Erdpurgæ in Ungariæ finibus ſitæ di-  
 gnæ vitæ ſuæ mercedem recipiens mi-  
 ſerabiliter expiravit. Unde non con-  
 ſiſtit, quod Dubravius ait, Wenceslaum  
 captum quæſitum fuiſſe, vindictam &  
 liberatum à Joanne fratre Wenceslai &  
 Procopio patruæle cum exercitu, ideò-  
 que primùm Pragam, quo illic non in-  
 vento, veſtigiis inherentes in Roſen-  
 bergium Crumloviam tendiſſe, à quo  
 jam captivo Viennam tranſmiſſo, cum  
 in regno non inveniretur, illos retror-  
 ſum abiſſe, quemlibet in domum ſuam.  
 [10.] Demùm modum quoque placet  
 addere, quo carceres Viennenses Rex  
 Bohemus evaſit, qui ſic à Dubravio ci-  
 tato deſcribitur: „ Erat ſenex qui pi-  
 „ am piſcator (*Vienna*) qui pietate  
 „ ductus frequenter miſeros carcere in-  
 „ cluſos cum jentaculo piſciculorum à  
 „ ſe captorum reviſebat. Hunc Wen-  
 „ ceslaus propiùs fenestrâ admotum  
 „ grandibus promiſſis onerat, ſi operâ  
 „ ejus carcerem fruſtratus fuerit. Re-  
 „ ſpondet ille, ſe niſi excuſſum non  
 „ intromitti, ne unâ cum cibo inſtru-  
 „ menta ſecum ferret, quorum præſi-  
 „ diò captivi queant elabi. Mihi qui-  
 „ dem zonâ duntaxat ſericâ opus eſt  
 „ hac longitudine & hac craſſitudine,  
 „ atque utrumque piſcatori indicat,  
 „ eam tu facilè vel excuſſus cælare po-  
 „ teris, ſi illâ ad nudum corpus præcin-  
 „ ctus fueris. Recipit ad ſe negotium  
 „ piſcator, & paulò poſt zonam ad-  
 „ fert: tum Wenceslaus paratam illum  
 „ naviculam habere jubet, quâ Danu-  
 „ bium trajiciat. Illòque trajectò,  
 „ multis, inquit, peccatis meis ego in  
 „ hanc alteram, mi ſenex, ærumnam  
 „ inciidi, ſed iterum per oblatam mihi  
 „ divinitùs navicularii operam, ſalu-  
 „ tem me recuperâſſe video. Dignus  
 „ ergo & tu alter navita, qui dignus

„ à me operæ pretium accipias, sed in.  
 „ loco suo, ad quem ut me deducas  
 „ opus factò est, ac nè diutius qui sim  
 „ hæreas, Rex ego Boiemie sum, cæte-  
 „ rum per viam tuam me focium esse  
 „ assimilabo, & tamen aliter nomines  
 „ aut honestes caveto. In via porro  
 „ hæc fuerat expiscatus: Sigismundum  
 „ rebus Ungaricis impeditum, nondum  
 „ in Boiemiam ad capeffendum regnum  
 „ venisse, Pragæ autem alteram arcem  
 „ à nobilitate, alteram, quæ Vicegra-  
 „ densis dicitur, à Pragensibus teneri,  
 „ eisque lanium quandam præpositum  
 „ esse. In hanc Wenceslaus mendici  
 „ propemodum habitu cum piscatore  
 „ suo se insinuat, oclusâque manu  
 „ sua portâ ac personâ detectâ, exclam-  
 „ mat: Qui regius est, ad auxilium.  
 „ Regi suo ferendum accurat. Plures  
 „ quàm viginti præsto fuerunt, injectâ-  
 „ que Præfecto catenâ vinculum illum  
 „ Regi tradiderunt. Jubet ille annu-  
 „ lum detrahi de digito, illoque signari  
 „ litteras, quas ad Magistratum Pra-  
 „ gensem nomine Præfecti composue-  
 „ rat, ut aliqui eorum in arcem consi-  
 „ liandi gratiâ properè apparerent, quo-  
 „ rum ille neminem restituit incolumem,  
 „ Piscatori verò hanc gratiam retulit,  
 „ ut illum in ordinem equestrem ascri-  
 „ beret cum censu equestri, quo se u-  
 „ xorémque suam & liberos Viennâ Pra-  
 „ gam translatos honestè aleret. „  
 „ [11.] Hæc ex Dubravio, quæ in gra-  
 „ tiam Lectoris volui his Annalibus quo-  
 „ que inferere. Propero ad alia hujus  
 „ anni gesta.

„ Dixi superiori anno quosdam Bo-  
 „ hemiæ & Moraviæ regulos in finibus  
 „ Austriæ residentes Cistersdorsium &  
 „ Asparn, oppidâque alia multa oppu-  
 „ gnâsse, diripuisse, & devastâsse.  
 „ His author eo anno citatus subjicit:  
 „ Unde valde offensus Inclytus Dux  
 „ Austriæ scilicet Albertus collegit vali-  
 „ dum exercitum, & intravit Moravi-  
 „ am, & obsedit civitatem Znoym,  
 „ scilicet Annò Domini 1403. circa fe-

„ stum Margarethæ Virginis usque ad  
 „ festum Exaltationis S. Crucis, & heu!  
 „ nihil profecit, nam aliqui Magnates  
 „ sui scilicet aliqui Domini Austriæ ac-  
 „ ceperunt florenos in fâsculis & in  
 „ fâculis à supradicto Heinrico Dürn-  
 „ tewfel, & defenderunt sibi civita-  
 „ tem. Videns verò Inclytus Dux,  
 „ quòd nil proficeret propter prodito-  
 „ res, id est Holbanger, recessit ab ob-  
 „ sidione Znoymæ, & pergens venit  
 „ in Neunburgam, ibi venenò à pro-  
 „ ditoribus extinctus est. „ [12.]  
 „ Hæc antiquitas Monasterii nostri. Non  
 „ tamen hoc annò, quo ab obsidione di-  
 „ scessisse videtur Albertus, sed anno se-  
 „ quenti mortuus est Neoburgi. Confir-  
 „ mat hoc anni præcedentis relatio de  
 „ expugnatione Znoymæ proditoria,  
 „ nam Dürntewfel captam civitatem cum  
 „ castro tres annos tenuisse dicitur, usque  
 „ dum à Jodoco Marchione Moraviæ cap-  
 „ tâ Znoymâ, ipse sibi fugâ consulere  
 „ cogeretur, sicuti ibi videre est. Sed  
 „ eo quo Albertus anno discessit ab ob-  
 „ sidione, urbs à Jodoco capta est; quod  
 „ confirmat sequens antiquitatis monu-  
 „ mentum ità se habens: „ Eodem an-  
 „ no, quo prædictus Dux Albertus con-  
 „ fuscè recessit ab obsidione urbis, capta  
 „ est urbs à Jodoco Marchione Mora-  
 „ viæ, sed dolosè per proditores; &  
 „ iste Henricus Dürntewfel per fugam  
 „ elapsus est. „ [13.] Hæc antiquitas:  
 „ Hic author certum annum hunc præ-  
 „ sentem non ponit, nimirum MCCCCIII.  
 „ sed illum ipsum annum intelligit, quo  
 „ Znoyma ab obsidione Alberti liberata  
 „ est, scilicet anno sequenti MCCCCIV.  
 „ quo circa Exaltationis S. Crucis festum  
 „ obsidio ab Austriaco soluta fuit, cum  
 „ annò MCCCCIII. circa festum Marga-  
 „ rethæ illam obsidere cœpisset. Annus  
 „ autem MCCCCIV. erat tertius ab eo,  
 „ quo Znoymam Dürntewfel proditoriè  
 „ occupavit. Igitur Albertus Austriac-  
 „ us non hoc annò, sed sequenti obiit,  
 „ igitur non hoc annò quoque, sed se-  
 „ quenti urbs à Jodoco capta fuit; & sic  
 „ anti-

antiquitas venerabilis superiùs allata intelligenda est. Et sic obitus Archiducis cum communi Scriptorum sententia convenit, qui eundem in annum rejiciunt sequentem. [14.]

Demùm anno isto fit mentio Heinrici Abbatis in Zwetel decimò sextò Septembris in quodam instrumento de impetitione super Parochia in Windigsteig

per Georgium de Alentsteig presbyterum Patav. Dioc. facta sub Bonifacio IX. Papa. Factum autem est instrumentum à Berchtoldo Gleichner Clerico Herbipolensis Dioc. Notario publico, in grangia Chambarn in cænaculo Abbatis juxta Capellam ibidem sito. Unde hoc adhuc anno Abbatiae præfuisse comprobatur.

## ADDITIONES.

\* [1.] Chron. MS. in Calendario suo.

[2.] Item ibidem.

Ciacconius in Bonifacio IX. „ Ante mortem ejus ( *Bonifacii* ) stella crinita per 40. dies apparuit, & horribiles tempestates, venti validi, grandines, tonitrua, & terræ motus, qui in urbe furunt, eam præsignasse visa sunt. „

Spondanus ad ann præced. n. 1. „ Annò Christi millesimò quadringentesimò secundò, Indictione decimà, mense Januariò, quindecim dierum spatiò grandis Cometa apparuit à Septentrione velut descendendo Occidentem tendens, & sursum crines suos extendens; ut eum descripsere Monachus Dionysianus & Juvenalis. Niemus & Corius ad principium Quadragesimæ collocant, ac durasse per quadraginta dies usque ad Pascha, quod celebratur hòc annò est 26. Martii. Denique Walsinghamus, mense Januariò. Quæ omnia satis sibi coherent respectu durationis & locorum, quibus plùs aut minùs cometa visus est: quibus etiam tribuenda paucula differentia, quæ in ejus descriptione apud quosdam auctores reperitur. „

Bonfinius Decad. 3. lib. 2. „ Venceslaus vino potius quàm imperio deditus ità Principum à se animos abalienavit, ut ab omnibus odio & contemptui haberetur: quare captus à Proceribus, menses tres carcere affectus. Sed à Joanne Lusaciæ Duce, & à Procopio Moraviæ tyranno non sine magno Reipubl. malo liberatus. In pristinam paulò post intemperantiam effusus, iterum à Sigismundo fratre captus, Albertique custodiæ commissus, qui Ducatum Austriæ eà tempestate gerebat. Cùm in magnificis ædibus Viennæ asservaretur, custodum incuria fugam rapuit, iterum regno potitus, in mores pristinos planè recidit: agebat perpetuos vinò crapulæ dies. Cùm Imperio indecore omnes arbitrarentur, ab Electoribus haud invitò Pontifice, Augustali

„ dignitate abdicatus est, reliquum ætatis pari infamia transactum. „

[3.] Dubravus lib. 23. „ Is quidem Sigismundus cùm priore captivitate in fortunæ fratris spe & mente oculos defixos haberet, placuit conjuratis, ut ex voluntate ejus statuerent de injicienda iterum manu in Venceslaum. Quo non improbane facinus, & præterea Jodoco Marchione Moraviæ eadem clam sentiente ( nam Procopius absens Brandenburgæ erat ) conjurati suo ibi tempore, dum Venceslaus juxta Beraunam, in prædio Regio cum paucis deliciatur, in eum invadunt, captum, que in arcem Pragensem pertrahunt in turri sub diligentioribus, quàm priùs, custodibus asservandum. Sed nè huic quidem custodiæ fidei satis habitum propter loci celebritatem. Inde igitur Crumloviam ad Henricum Rosenfem abductus fuit: atque ille Viennam extra regnum tacitè transportandum curavit, ubi Albertus Austriæ Princeps habitabat, quem deinceps Sigismundus elocata ei filià generum habuit. Ab isto in latebras turris cujusdam Viennensis, ità abstrusus est, ut inveniri nisi à consociis non potuerit. Nam Joannes frater Venceslai, & Procopius patruelis, cùm ad vindicandum Regem in libertatem, copias ille in Lusacià, hic in Marchia Brandeburgensi comparassent, atque ambo Pragam venissent, captivò ibi non repertò, insistebant vestigiis Crumloviam tendentes. Sed eis Henricus Rosenfis cum valida armatorum manu occurrere non longè à Budvicio parabat. Quod ubi compertum, simulque certum habuerunt, Regem apud Boiemos in custodia non atineri, progressu omisso retrò cesserunt. Ità Venceslaus ab omnibus desertus esse videbatur, suò verò judiciò etiam inter desperatos numeratus. „ Erat senex &c. Sequitur modus, quo Venceslaus è carcere Viennensi liberatus, quémque textus noster sub N. 11. ad litteram refert.

E

[4.]



[4.] Aventinus Annal. Boior. lib. 7. „Iisdem diebus Fridericus Boiemiam intrat, „Sophiam neptem suam, filiam Joannis eò „deducit, Cæsarique dat in manum. Con- „fectisque nuptiis domum reversus, pridie „Nonas Decembris Landsbutæ moritur, re- „lictò filio impubere Hainrico cum matre „Magdalena Mediolanensi, annò Christi „1393.”

[5.] Dubravius ubi suprà post modum liberationis è captivitate Viennensi enarratum ità prosequitur: „Ad levandam autem in- „vidiam, confirmandæque impostero & „tuendas opes suas, affinitatem cum Principe „Bavariæ, quem Palatinum vocant, iniit, „ductà in uxorem filià ejus, quam Sophiam „nominabant.”

[6.] Richardus Struno Annal. Superioris Austr. An. 1394. Cui consentit è Recentioribus Fuggerus in speculo suo dictò annò captivitatem Wenceslai Viennensem collocans.

[7.] Aeneas Sylvius Histor. Bohem. c. 34. „Captus & secundò per Sigismundum Hungariae Regem fratrem suum, & Alberto Austriæ Duci in custodiam datus. Custodia ejus in egregiis ædibus apud Viennam habita, quibus exinde cognomen Praga datum, quòd eas Rex Pragensem incoluisset. „Sed cum parùm diligenter custodiretur, „fugam arripuit, regnòque rursus potitus est, neque tamen vitam mutavit. Sed prior consuetudine vino cibòque marcens, lucemque dormiendo nocti conjungens, ab Electoribus Imperii comprobante Roman. Pontifice, Imperiò dejectus, comitorpens „Illaudatum egit ævum. „Ex quibus ultimis verbis colligere licet Sylvium implicite innuere idem, quod habet Dubravius citatus, captivitatem scilicet Wenceslai secundam. „Viennæ, ex eaq̃ue liberationem contigisse ante annum quadringentesimum supra millesimum; quò primùm Imperio dejectus est Wenceslaus.

Octavius de Strada in Wenceslao. „Nihil, quod memoratu dignum esset, in Imperio gessit. Illud certum est, nisi à fratre „Sigismundo captus, & Viennæ in carcere „servatus esset, Imperiò Germanorum Procerum consensu deturbatus, res Imperii diutius affluisset.”

[8.] Gerardus de Roó sub n. 3. præcedenti anno relatus.

[9.] Magnus Chronicon Belgicum. „Jodocus Marchio Moraviæ post mortem „Domini Ruperti Rom. Regis An. Domini „MCCCCX. XIX. Septemb. fuit electus in „Regem Rom. sed non coronatus; & vixit

„electus ad quinque menses, & ità obiit nihil insigne faciens. Quapropter inter Imperatores non est accensendus, & in præfenti Chronographia novum numerum non facit. Sed sciendum Jodocum istum per „Joannem Moguntinensem, Fridericum Coloniensem Archiepp., & per procuratores „Ducis Saxoniae, & Marchionis Brandenburgensis fuisse electum.”

Octavius de Strada. „Jodocus filius Joannis Henrici Marchionis Moraviæ, frater „Caroli IV. natus est in Moravia, annò Domini MCCC. --- Barbarus dictus: homo „inutilis, & qui veritatem non præstabat. Hic, ut alii tradunt, ante Rupertum, delectò Wenceslao in Regem Romanorum creatus est. Alii verò post mortem Ruperti à Principibus Electoribus Francofordiæ Regem eum designatum asserunt. Non autem coronatus est, quoniam erat provectioris ætatis, annum enim 89. & menses aliquot excefferat. Vix 6. menses in Imperio transiit. Brumæ, quæ civitas est Moraviæ, mortuus, & in Monasterio S. Thomæ cum patre suo, qui id construxerat, sepultus. Annò Domini MCCCCXI.”

[10.] Dubravius ubi suprà sub n. 3.

[11.] Idem per totum exscriptus.

[12. & 13.] Chronic. MS. in Calendario suo.

[14.] Lazius Genealog. Austriac. commentar. lib. 2. „Qui (Albertus IV.) cum „conciliatis fratribus rediit in Austriam „erat, apud Znóymam Moraviæ limitaneam urbem, acceptò lethali poculo, in dysenteriam resolutus, Korneuburgæ ex itinere rebus humanis eximitur, annò 1404. relictò filio cognomine, nondum quintum ægressò annum. Cujus funus Viennam devectum, ac aromatibus differtum, in Basilica S. Stephani in crypta sub Choro, ad latus patris patruique Rudolphi, qui primi omnium, „ejus generis isthic conditi fuerant, deponitur, lætus Domini buccinam expectaturus.”

Gerardus de Roó lib. 4. „Accurrit tandem in castra Sigismundus Rex, & socia cum Alberto arma jungit. Procopius verò, „& qui cum eo erant, majorem belli molem in se parari videntes, ad dolum confugiunt, „& per idoneos malarum operarum ministros, venenatam utrique potionem exhiberi curant, ex qua Sigismundus medicorum ope convalescit, Alberto soluta obfitione, lecticà Neoburgum delatus, præter veneni vim, soluto in dysenteriam ventre, „diem extremum clausit, ad Oët. Cal. Sept. „annò

„ annò Domini quartò supra mille quadringentos. „

Piespordius in Alberto IV.

Fuggerus in speculo suo ad ann. 1404.

**Annus Christi MCCCCIV. Monasterii CCLXVI.**

*Pont. Rom.*

*Imp. Rom.*

*Archi-Dux Austriæ*

Innocentius VII.

Rupertus.

Albertus V.

*Episcopus Pataviensis*  
Georgius.

*Abbas Zwetlensis*  
Heinricus II.

**O** Bist hoc anno primà Octobris Bonifacius Papa IX. Romæ, sepultus est in Basilica Vaticana. \* [1.] Successit eidem à Cardinalibus creatus Cofmatus Melioratus Presbyter Cardinalis titt. S. Crucis in Hierusalem, Sulmonensis, decimò sextò Calendas Novembris hoc anno, vocatus Innocentius VII. Sedit in Schismate contra Benedictum XIII. Antipapam. [2.] Hunc Pontificem B. Malachias sic prædixit: De meliore fidere. Nam antea vocatus Cofmatus de Melioratis, Sulmonensis, cuius insignia fides. [3.]

Antiquitas porrò Monasterii frequentia proferit: „ Annò 1404. facta est „ inundatio aquarum, nam Danubius exivit usque ad S. Stephanum „ in Wogran; & multas domos & agros & vineas destruxit. Eodem „ anno in Zwetla vendebatur frumentum pro tribus solidis & decem denariis. Item triticum pro dimidio talento. Item avena pro quadraginta quinque vel quinquaginta „ denariis, & magna pestilentia secuta „ est, quæ vastavit totam Austriam. „ [4.] Hæc antiquitas, quæ annonæ caritas magni tunc æstimabatur; & infausus annus erat, tum ob pestem grassantem, cum ob Archi-Ducem Neoburgi extinctum venenò ad octavum Calendas Septembris. De huius obitu conveniunt plerique Austriæ Scriptores, [5.] quem etiam non obscure antiquitas Monasterii nostri anno priori annotavit, rejiciens ipsum in hunc annum, sicut fusiùs ibi de illo egi. Fuit autem in castris ante Znoymam tum Alberto,

tum Sigismundo Ungarorum Regi, quæ Austriacò in auxilium ascenderat, venenum propinatum, à quo protinùs Sigismundus ope medicorum convaleuit, Albertus autem præter veneni vim lætica Neoburgum delatus, solutò in diftenteriam ventre præfato mense & die extremum diem clausit. Corpus ejus Viennæ ad D. Stephanum apud patrem est conditum. Hunc Albertum cognomentò Patientem, & Mirabilia mundi appellatum reperio, quòd mira quædam ab eo perpetrata esse, fabulatores quidam, materia ex itinere Hierosolymitano detorta, suis rythmis evulgârunt. Ex uxore Johanna Hollandica filium reliquit Albertum V. postea Regem Ungariæ, Bohemiæ, & Romanorum. A morte Alberti IV. filio ejus puero Wilhelmus tutor fuit, qui rei summam semel susceptam reliquò bieniò, quo patrueli supervixit, retinuit. Ego autem ut ordinem Archi-Ducum observem, sub titulo illius colloco Albertum V. sub tutela constitutum, unicum hæredem Austriæ: nam annis sequentibus post mortem Wilhelmi, cum fratres inter se de tutela Alberti dicti digladiarentur, certus non erat tutor, sic neque certus Austriæ administrator & rector collocari posset.

Ceterùm annus iste videtur tulisse Hainricum II. de Alentsteig de Abbatia Zwetlensi sive spontaneum sive coactum, cum nulla ipsius fiat ampliùs mentio. Ratio se ista offert, tum quia venerabilis Monasterii antiquitas ipsi Hainrico Abbati pro regimine duos integros annos assignat, & successorì ipsius Ulrico I. tres annos integros cum tredecim

cim septimanis, istumque obisse ponit in Octava S. Bernardi Anno Domini MCCCXVIII. [6.] tum quia is Hainricus ultra duos annos sedisset Abbas, si Anno Domini MCCCXV. resignasset, sicut chronostichorum & recentior quidam Author volunt. [7.] Cœpit namque Abbatiam regere Hainricus ante festum Sanctorum Omnium Anno Domi-

ni MCCCXII. uti ibi videre est, & sedit duos integros annos, ut antiquitas retulit, id est, usque ad Annum MCCCXIV. & usque ad Octobrem, ut conjicio, mensem. Igitur hoc anno resignavit Heinricus: vacavit autem Abbatia Zwetlensis sex aut septem menses integros cum aliquot septimanis, donec alius substitutus fuerat. [8.]

## ADDITIONES.

\* [1.] Ciaconius in Bonifacio IX. „ Bonifacius Pont. malâ corporis habitudine, „ gravissimis morbis vexabatur, tussi, rauce- „ dine gutturis, cholicâ, calculo, quò afflic- „ tus, lecto decubuit, & triduo post, Kalen- „ dis Octobris, annò 1404. decessit, corpus „ solemnî funere in Basilica Vaticana sepul- „ tum est in Sacello, intra quod sepulchrum „ marmoreum, vermiculato opere distinctum „ cum gentilitiis insignibus propinquî ei ere- „ xerunt, quod in Basilicâ Vaticanâ reedi- „ ficatione cum aliis multis dirutum fuit. Præ- „ fuit Pontificatui annis 14. mensibus 11. „ &c. „

Platina. „ Bonifacius autem in tanta re- „ rum perturbatione diu afflicatus, dolore „ laterum tandem moritur, Pontificatus sui „ annò quartò decimò, mense nonò, mille- „ simò quadringentesimò quartò. Sepeli- „ turque in Basilica Petri sepulchro marmo- „ reo, vermiculato opere distincto, quod ad- „ huc cernitur cum gentilitiis insignibus: quæ „ item indicant multa ædificia tum in mole „ Hadriani, tum in Capitolio, tum in palatio „ Vaticani hujus jussu & impensâ ædificata „ fuisse. Huic autem Pontifici ad summam „ gloriam nil certè defuisset, nisi affinium & „ cognatorum affinitatibus obtemperans ali- „ quam notam contraxisset. „

Item supplementum seu additio ad modò relatum Platinam. „ Petrus, aliàs Perinus „ Tomacellus, gente nobili, ex Nidi curia „ ortus, ex Diacono S. Georgii in Velabro „ Presbyter Cardinalis t. S. Anastasie apud Ur- „ bano 6. factus, Pontifex Romæ creatus est „ in conclavi Vaticano IV. Nonas Novem- „ bris, annò MCCCXXIX. Cardinalium „ 13. suffragiis, annum agens ( non, ut ait „ Platina circiter trigessimum ) sed quadrage- „ simum quintum. Coronatus apud S. Pe- „ trum III. Idus Novembris. ----- Primus Ro- „ manorum Pontificum post reditum Aposto- „ licæ Sedis ex Gallia summum imperium Ur- „ bis Romæ civibus se deditibus Jobtinuit,

„ Mausoleò Hadriani arcis instar, & capito- „ liò munitis, Pontificum ditionem stabili- „ vit, majestatem nutantem confirmavit. Ec- „ clesiæ Romanæ patrimonium tyrannorum „ vi amissum recuperavit. Latium, Campa- „ niam, Picenum, Etruriam, Flaminiam, & „ Aemiliam provincias: item magnas urbes, „ Narniam, Tuder, Spoletium, Urbem vete- „ rem, Viterbium, Perusiam, Forum Julium, „ Faventiam, Bononiam, Ecclesiastico Imperio restituit. Joannis Galeati Vice-Comitis primi Infubrum Ducis vires, toti Italiæ formidabiles repressit. - - - Obiit Romæ in Vaticano Sexagenarius Kal. Octobris. Annò 1404. „

Spondanus hic n. 5. „ Missi à Benedicto „ Pontifice Avenionensi (*Antipapa*) Massimiliano existente, ad Bonifacium Romanum ( petito „ prius ab eo consensu, acceptisque tam ab „ illo, quàm à Populo Romano liberi com- „ meatibus litteris ) unitatis Ecclesiæ causâ Pe- „ trus Rabanus Episcopus S. Pontii Toner- „ ensis, Petrus Zagarriga Ecclesiæ Ilerdensis „ electus cum nonnullis aliis; ubi Romam ad- „ venerunt decimò Calendis Octobris adeum „ admissi ( coacti tamen honorem ipsi, sicut „ vero Pontifici, exhibere ) rogârunt in præ- „ sentia Cardinalium ipsius partis, ut ambo „ simul Pontifices aliquò locò commodò con- „ venirent de unione tractaturi, ad quam „ Benedictus paratissimus esset. Pro responsò „ verò remissi in alium diem, cò quod ægro- „ taret Bonifacius calculi dolore vehementi, „ festò S. Michaelis iterum accedentes, haud „ satis grato acceptò responsò, quò asserbat „ Bonifacius se verum esse Pontificem, ac „ Benedictum spurium: ingratiore à ipsis ver- „ ba reddentibus, quibus ( ut Nievus ait ) „ Simoniam Bonifici arguebant: inde com- „ motior factus Bonifacius, febre ad dolorem „ calculi accedente expiravit Calendis Octo- „ bris, sepultusque est in Basilica S. Petri Va- „ ticana. Nuntios autem Benedicti Præfe- „ ctus arcis S. Angeli consanguineus Bonificii, „ eidem

„ eidem arcī contra fidem commeatūs inclu-  
 „ sit, nec nisi solutis quinque millibus flo-  
 „ norum auri dimisit. Qui dehortantes Car-  
 „ dinales à novi Pontificis electione, donec  
 „ Benedictum commonefacerent, cum spe  
 „ fore, ut eis factis ab illo in his fieret: non  
 „ auditi sunt, quòd existimarent Cardinales  
 „ hæc ab iis subdolo proponi. Ità namque  
 „ rem narrat Niemus, qui aderat, confirmat-  
 „ que Surita ex litteris Benedicti ad Wen-  
 „ ceslaum Boëmiæ Regem: ac referunt Galli  
 „ Monachus Dionysianus & Juvenalis; nun-  
 „ ciorumque insuper captivitatem indicant  
 „ prætextam fuisse à Præfetto arcis, quòd  
 „ causam præbuissem repentinò Bonifacii  
 „ obitui. Sed aliter rem se habuisse † scri-  
 „ psit postea Innocentius Bonifacii successor,  
 „ ad Universitatem Parisiensem, ut dicetur  
 „ commodius eò loco. „

† Idem ad ann. sequentem n. 3. „ Quod  
 „ verò schisma Ecclesiæ spectat; cū accep-  
 „ pissent Innocentius ex binis ad ipsum scri-  
 „ ptis ab Universitate Parisiensi litteris, quæ  
 „ nuncios Benedicti retulerant de iis, quæ Ro-  
 „ mæ tractassent, ac de sua ipsorum captivi-  
 „ tate: rescribens ad eam decimò tertio Ca-  
 „ lendas Martii, imprimis schisma detestans,  
 „ & se ad illud extinguendum paratissimum  
 „ proficiens, postea de nunciis ait, eos nul-  
 „ lam aliam viam extinctionis ejus obtulisse,  
 „ quàm conventionis duorum contendenti-  
 „ um: cūque morbis gravatus Bonifacius  
 „ obiisset; & Cardinales ejus ab eisdem nun-  
 „ ciis fescitantes, num mandatum haberent  
 „ ad cedendum ex parte Benedicti; quoniam  
 „ inter ipsos omninò decretum fuerat, si id  
 „ habuissent, non procedere ad aliam ele-  
 „ ctionem, quousque super extinctione schis-  
 „ matis provisum foret; audissent à nunciis  
 „ se mandatum ejusmodi non habere; ipsos,  
 „ nè Ecclesia Dei diutius Pastore careret, pro-  
 „ cessisse ad electionem, quā ipse Innocentius  
 „ creatus fuisset. Quòd verò de sua captivi-  
 „ tate nuncios quereretur, eam procul dubio  
 „ ipsismet imputandam esse, qui nolentes in  
 „ Urbe manere, ubi omnis securitas præbe-  
 „ batur, maluissent abscedere; & inque ejus  
 „ manus incidissent, è quibus nec Cardinales,  
 „ nec ipsemet Innocentius potuissent eos eruere  
 „ in motibus Urbanis, qui mox eruperunt.  
 „ Hæc Innocentius ad Universitatem. Ea-  
 „ démque Nonò Calendas Maji ad Ducem  
 „ Bituricensē patrum Regis; cū is etiam  
 „ Romam misisset ad rei gestæ veritatem in-  
 „ quirendam. Testantur enim ista sæpe recen-  
 „ siti & recensendi Monachus Dionysianus, &  
 „ Juvenalis in rebus gestis sub Carolo Sexto. „

[ 2. ] Ciaconius in Innocent. VII. „ Sul-  
 „ mone è Pelignorum oppido diocesis Val-  
 „ lensis in Apurtio, mediocri genere, fami-  
 „ lia Meliorata, & honestis parentibus pro-  
 „ diit Innocentius VII. Cosmatus Melioratus  
 „ ante Pontificatum vocatus. 29. Papa Regni-  
 „ cola. Qui adolescens Juris disciplinæ ope-  
 „ ram dedit, & Doctoratūs utriusque Juris  
 „ insignia suscepit. Capuæ publicum Scri-  
 „ bam egit, & sub Urbano Papa VI. Clericus  
 „ Cameræ Apostolicæ, à quo Collector re-  
 „ dituum ejusdem Cameræ in regnum Angliæ  
 „ est missus; postea ab eodem Urbano Archi-  
 „ Episcopus Ravennas, in locum Pilei Card.  
 „ privati, mox Bonnonienis Episcopus  
 „ cum commenda Ravennatis Ecclesiæ, de-  
 „ inde Romanæ Ecclesiæ Thesaurarius, &  
 „ Vice-Camerarius creatus fuit. Demum à  
 „ Bonifacio Papa IX. in principio Pontifica-  
 „ tūs sui cum aliis octo Presbyter Card. t.  
 „ S. Crucis in Hierusalem factus, aliquot an-  
 „ nis post, mortuò Stephanò Palosio S. R. E.  
 „ Camerario, Camerariatūs munus obtinuit;  
 „ Legatione Italica, ut pacem inter Venetos  
 „ & Joannem Galeatium Insulbrum Ducem  
 „ bellò certantes componeret, egregiè  
 „ functus. Mortuò autem Bonifacio IX.  
 „ Romæ in ejus locum in schismate, omnium  
 „ Cardinalium in conclavi existentium sus-  
 „ fragiis, XVI. Kal. Novembris, ann. 1404.  
 „ IX. vacantis Sedis die, Pontifex Max. re-  
 „ nuntiatur, jurejurando adactus, ut in Ec-  
 „ clesiæ unitate incunda, etiam cum Ponti-  
 „ ficatūs depositione operam daret.

„ Annò Dominicæ Nativitatis 1404. IV.  
 „ Nonas Novemb. Romæ in Basilica S. Petri  
 „ consecratus, Pontificatūs insignia suscepit  
 „ solemnī ritu Innocentius Papa VII. præsen-  
 „ tibus Cardinalibus, Clero, Populoque Ro-  
 „ mano; sedit autem Roberto Cæsare, &  
 „ Venceslao Augustis annis duobus, diebus  
 „ 21. in schismate contra Benedictum XIII. „

„ Spondanus ad hunc ann. n. 7. „ Erant  
 „ omnino duodecim Cardinales ejus ( Boni-  
 „ facii ) obedientiæ tunc viventes: quorum  
 „ quatuor absentibus ab urbe, ceteri octo  
 „ conclave ingressi, ante omnia hoc sese ju-  
 „ ramento astrinxerunt, ut quisquis ipsorum  
 „ Pontifex renunciaretur, liberè Pontificatu  
 „ abdicaret, quoties alterius obedientiæ Pa-  
 „ pa idem faceret, schismatis tollendi causā,  
 „ Ac licet Rex Francorum Carolus confestim,  
 „ ut audisset Bonifacii obitum, cursorem ad  
 „ eos misisset cum litteris, quibus rogabat  
 „ differre successoris electionem, donec ho-  
 „ norabile à se mittendam ad eos pro re-  
 „ rum accommodatione legationem accepis-  
 „ sent;

„fent; nihilominus fuit prius omnium votis electus (postquam Sedes vacasset quindecim diebus) Cosmatus Melioratus Sulmonensis Valvensis diocesis in Aprutio, ....”  
 [3.] P. Henriquez in Fasciculo SS. Ordin. Cisterciens. Distinct. 3. c. 14.  
 [4.] Chron. MS. in Calendario suo.

[5.] Gerardus de Roß cum reliquis ad ann. præcedentem sub n. 14. relatis.  
 [6.] Chronic. MS. dñt. suprà.  
 [7.] Tabulæ Abbatum pictæ in Heinrico II. Item Catalogus Abbatum Zwetlens. recentior.  
 [8.] Chronic. suprà citatum.

## Annus Christi MCCCCV. Monasterii CCLXVII.

*Pont. Rom.*  
 Innocentius VII.

*Imp. Rom.*  
 Rupertus.

*Archi-Dux Austriae*  
 Albertus V.

*Episcopus Pataviensis*  
 Georgius.

*Abbas Zwetlensis*  
 Ulricus I.

**E**lectione Abbatis novi in Zwetel in hunc annum protracta tandem inventus fuit, qui fortè invitatus onus Abbatie susceperet. Fuit igitur electus F. Ulricus ejus nominis I. cognomento dictus Offerl; & assumptus est ex Vicario in Parochia incorporata S. Laurentii in Windigsteig in Abbatem Domus suæ in Zwetel professæ. Salutatur autem Abbas septimò Calendas Junii, quod inde constat. Rexit Monasterium annos tres, & tredecim septimanas; mortuus enim Abbas fertur Annò Domini MCCCCVIII. in Octava S. Bernardi, id est, sextò Calendas Septembris, seu 27. Augusti. \* [1.] Tredecim autem septimanæ sunt à sexto Calendis Septembris (retrò numerando) usque in septimum Calendas Junii, seu à 26. Maji usque ad 27. Augusti; incipe igitur numerare hoc anno MCCCCV. à 26. Maji usque ad eundem 26. Maji Anni MCCCCVIII. invenies integros tres annos, his annis tribus adde suprà numeratas tredecim septimanas, & habebis Ulrici Abbatis regiminis tempus. Igitur septimò Calendas Junii Ulricus Offerl Abbatiam Zwetlensem suscepit. De cujus successione omnes conveniunt Abbatum Zwetlensium Catalogi, quòd nimirum Hainrico de Alentsteig resignanti successerit, [2.] non tamen omnes in anno concordant.

Porrò Venerabilis iste Pater Ulricus animum primò adjecit ad Dei gloriam

& honorem promovendum, atque apud Pontificem Romanum Innocentium VII. sollicitari curavit licentiam & Autoritatem construendi Sacellum aliquod ad honorem S. Thomæ Archiepiscopi Cantuariensis, Martyris Ordinis Cisterciensis gloriosi, quem pro libertate & justitia Ecclesie Romanæ gloriose occubuisse post initium Annalium horum Annò MCLXXIII. scripsi. [3.] Nam cum quidam fonticulus in loco, qui dicitur Dachsgraben, non procul à Monasterio Zwetlensi disito scaturire cœpisset, & in principio suæ scaturiginis uni aut alteri salubris ejus aqua fuisset, tanta demum ibidem confluit multitudo hominum, ut vallis illa ipsa angusta videretur. Quod cum frequentius fieret, & miracula ibi facta spargerentur, tuguriolum de lignis construxerunt sibi pro Oratorio. Hæc Abbas Ulricus percipiens, & attendens, simulque metuens, nè exinde aliqua idololatria surreperet tanquam in loco umbroso nemore circumdato, & nullo pastore rudem paganorum undique confluentium multitudinem doctrinâ erudiente, aut pabulò salutiferò pascente ovis errabunda fieret, sollicitavit apud Papam construendi & inaugurandi Sacelli licentiam in honorem S. Thomæ Cantuariensis, in cujus solennitate fortè miraculum aliquod contigit, aut in cujus honorem vel locum ipsum multitudo hominum frequentare studuit, vel in  
 cujus

cujus laudem conspiravit. Quas preces Abbatis Ulrici Pontifex Innocentius VII. granter accepit, referens sua in Bulla, quod indulgeat Capellam in loco deserto dicto Dachsraben ædificare in honorem S. Thomæ Cantuariensis Archi-Episcopi, [4.] qui ibidem magna & notabilia miracula ostendisse dicitur, unde confluxus populi magnus factus est. Deinde largitur Monasterio & ejus Abbati Ulrico in Zwetel jus patronatus in prædicta Capella, atque ut eidem Capellæ unum ex Monachis suis Conventualibus perpetuò liberè & licitè præficere possit, qui omnia divina munia ritè peragat, concedit. Data est Bulla Viterbi, secundò Nonas Septembris, Pontificatus sui annò primò. Incipit autem taliter: „ Inter cætera de-  
„ sideria cordis nostri &c. „ Fundator igitur hujus Capellæ Ulricus I. fuit, cujus restaurator deinde extitit Ulricus II. cognomentò Hackel, sicut suo tempore patebit. Quæ usque hodiè magnâ populi frequentia certis anni festivitibus aditur, ubi Deus adoratur, & Sanctus ejus debitâ reverentiâ honoratur.

Occurrunt præterea hoc anno contigisse ea, quæ sequuntur: „ Annò 1405.  
„ Albertus de Vetaw coepit dolosè scilicet de nocte civitatem Drosendorf, & coepit fortiter castrum in eadem civitate impugnare, sed Inclitus Miles Dominus Zacharias Haderer coepit se de castro cum lapidibus & sagittis viriliter defendere, mittens ad Ducem Austriæ Wilhelmum pro auxilio, qui misit sibi statim in auxilium magnam multitudinem rusticorum, & civium, & Baronum, qui intrepidi intraverunt per castrum in civitatem, & coeperunt fortiter Bohemos impugnare, & per portam vi rustici intraverunt, & etiam portam fregerunt, & civitatem intraverunt. Videns verò prædictus Albertus de Vetaw iram rusticorum Austriæ non posse evadere, simulavit se esse unum civem de Lewba, sed quidam terribilis rusticus eum no-

„ vit, dixitque ad eum: Tu es ille pessimus  
„ Albertus de Vetaw, nam loquela tua  
„ manifestum te facit, & arripiens cuspidem (*basiam*) percussit eum ad caput, qui cecidit de equo. At verò alii rustici concurrentes coeperunt cum lanceis, gladiis & cuspidibus perforare, & sic idem in continenti miserabiliter à rusticis interemptus est. Sed aliqui Barones Austriæ ipsum libenter eripuissent de manibus rusticorum, sed non valuerunt. Item cùm corpus ejusdem Alberti de Vetaw exueretur ad lavandum, ut mos est Minorum, apparuerunt triginta sex fixuræ (*cicatrices*) in corpore exceptis vulneribus & plagis, quæ sibi omnia illata fuerant à rusticis, nam ipse eos sæpè spoliavit, & vincula vit, unde ipsi se in eo vindicaverunt, sed sui satellites aliqui furtivè fugam dederunt de civitate, & multi submersi sunt in flumine, alii interfecti; & sic prædicta civitas Drosendorf erepta est de manibus Bohemorum. Nam rustici in nno cellario invenerunt quinquaginta duos Bohemos latitantes, quos statim sine omni misericordia interfecerunt. „ [5.] Hæc antiquitas Monasterii nostri. Et ità Dei judicij peris, qui multos pauperum dedit perditioni, caput unum ex perduellibus. Fuisset Austriæ maximo damno, si sceleratus hic prædo arcem unà cum civitate in potestatem suam redegisset. Nam sita est in loco à natura munito, nec facilis datur ad illam accessus, nisi ab una parte, qua profundâ fossâ & turribus grandibus, item arcis altis & duplicatis mœnibus munita est contra insultus militum, & impetus tormentorum. Ceterum circum circa præcipitum ex rupibus præter occasum, ubi altera porta præstat incolis egressum ad Teyiam fluvium, Mœnia sunt ex lapide duro, antiquo opere constructa, quæ sæpè plurimos pertulit hostium insultus. Mea ætate perduelles Bohemi, qui Austriam sub Ferdinando II. Imp. omnem cædibus,

spoliis & rapinis integro exercitu deformarunt, per transitum putantes sibi tradendam civitatem cum castro, Cæsareo Commissario Domino Valentino Præposito Perneccensi Ducis Strenui officium intus gerente, & cives animante, contraque spartam egregie defendente, nihil effecerunt, nisi quod tectum Sacelli S. Martini intra moenia siti globis è colorinis duabus missis perforârint, ligne-

osque in mœnibus suspensos militum alveolos dejecerint, muro quidem globos excipiente, sed tanquam pilam respuente & rejiciente. Vidi loca castrorum, vidi etiam dejectos alveolos, vidi loca murorum tacta, sed nec rimulas quidem agentia: cetera à Notario dictæ civitatis, qui inter obsessos fuit, tanquam ab oculato teste percepi. Atq; hæc de oppugnatione arcis Drosendorfsensis.

## ADDITIONES.

\* [1.] Chronic. MS. in Calendario suo.  
[2.] Wolfgangus Abbas in sua Abbatum serie.  
Recentior Abbatum Zwetlens. Catalogus.

[3.] Wolfgangus Abbas in sua Abbatum serie.  
[4.] Ex Bulla Innocentii Papæ VII.  
[5.] Chronic. MS. suprâ citatum.

**Annus Christi MCCCCVI. Monasterii CCLXVIII.**

*Pont. Rom.*  
**Gregorius XII.**

*Imp. Rom.*  
**Rupertus.**

*Archidux Austriæ*  
**Albertus V.**

*Episcopus Pataviensis*  
**Georgius.**

*Abbas Zwetlensis*  
**Ulricus I.**

**D**Ecessit hoc anno è vita Innocentius Papa VII. senex & grandævus Romæ. \* [1.] Cui substituitur à 13. Cardinalibus Angelus Corarius, ex gente Patricia primus ex Venetis, Presbyter Cardinalis tit. S. Marci, eâ lege & conditione, ut primo quoque tempore Pontificatu se abdicaret, si idem Benedictus XIII. quemadmodum se facturum jura- verat, præstitisset: ita ut magis procurator ad deponendum Pontificatum, quam Pontifex factus existimaretur. Coronatus Nonis Decembris Annò Domini MCCCCVI. & Gregorius XII. appellatus est. [2.] B. Malachias Hibernus eundem prædixit ita: Nauta de ponte nigro. Erat enim antè Venetus Commendatarius Ecclesiæ Nigropontis & Monachus dicitur Cisterciensis fuisse. [3.]

Eodem tempore Neufideli ad Ungariæ fines prædones quidam itinera & circumjacentes agros vastantes partim jussu Wilhelmi cæduntur, partim capti Viennæ vel supplicio promerito vel pe-

cuniam plestuntur. Quod ægrè tulit Sigismundus Ungariæ Rex, à suis in germanos veteri odio frementibus instigatus. Unde jam rumor spargebatur exercitum ab eo contra Austriam parari. Wilhelmus igitur, ut facti sui rationem redderet, neque bello causam dedisse crederetur, Georgium Pataviensem & Berchtoldum Frisingensem Episcopos, Præpositum Viennensem Wilhelmum, & Reimbertum à Walsee legatos, Budam ad Regem misit. Cùm verò Rex auditâ legatione rem nimis exaggerare videretur, Reimbertus in hæc verba locutus esse dicitur: „Nolimus sanè quemquam putare, Serenissime Rex, nos huc legatos venisse, quòd Princeps noster bellum aut expavescat, aut deprecetur, sed quòd publicæ quietis rationem habeat. Neque enim pacem aut fecialia jura abs se violata in eo existimat, quòd noxios homines meritò affecerit supplicio. Quòd si verò decreveris bellò injuriam (ita enim interpretari hoc ejus factum videris) persequi, non imparatum „ usque

„ usque adeò invenies, nec à suis de-  
 „ stitutum auxiliò. Ego sanè, ut de  
 „ aliis, qui domi sunt, nihil dicam,  
 „ mille armatos per anni spacium alere  
 „ paratus, hos meos collegas, ut me  
 „ potentiores, ità veltantundem, vel  
 „ plus etiam præstatueros non dubito. „  
 [4.] Hæc cùm ingenuè ac liberè pro-  
 tulisset Reimbertus, Ungari re in con-  
 silio agitatà pacatiùs legatis responsum  
 dedere, & à bello temperatum est.

Hoc eodem anno Wilhelmus nulla  
 relicta prole obiit. [5.] Sunt qui leonem  
 ab eo educatum ferunt, ipso mor-  
 tuo cibum à nemine sumpsisse, atque  
 inedià perisse. Wilhelmò mortuò Leo-  
 poldus, Fridericus & Ernestus fratres,

Austrià Alberto relicta, reliquas inter se  
 provincias partiti sunt. Sueviæ pro-  
 vinciæ quæque Rheno adjacent, Bur-  
 govia, Brisgovia, Alsatia, Ergovia, &  
 Helvetiis conterminæ ditiones Leopoldo  
 cedunt. Ernesto Stiria, Carinthia  
 cum Carnis. Friderico Tirolensis Co-  
 mitatus. Cùm verò Albertus V, puer  
 admodum esset, tutelam ejus quisque  
 pro se ambiebat. Leopoldo natu ma-  
 ximo Procerum Austriacorum arbitratu  
 pueri tutela committitur, quam cum  
 fratres, inprimis verò Ernestus, ad se  
 quoque pertinere contenderet, multæ  
 & graves turbæ per Austriam extiterè.  
 Quæ annis sequentibus referentur.

## ADDITIONES.

\*[1.] Ciaconius in Innocentio VII.  
 „ Confirmata autem suo Pontificatu pace,  
 „ Ludovicum nepotem Agri Piceni Cardina-  
 „ lem creat, eundemque Firmanum Principem  
 „ constituit, ipse verò non diu post senex  
 „ & grandævus Romæ moritur, Pontificatus  
 „ sui annò secundò, die 21. an. 1406. VIII.  
 „ Idus Novembris, sepeliturque in Basilica  
 „ S. Petri in Sacello, quod olim Pontificibus  
 „ dicatum erat S. Thomæ titulò insignitum,  
 „ Penitentiariusque usibus nunc præcipue ser-  
 „ viens, quod quidem vetustate & situ cor-  
 „ ruens, Nicolaus V. postea restituit. „  
 Spondanus hic n. 5. „ Interea verò con-  
 „ tigit Innocentium Romæ mori octavò Idus  
 „ Novembris ex apoplexia, fere septuagena-  
 „ rium; cùm sedisset annos duos, dies vi-  
 „ ginti duos: Sepultusque est in Basilica S.  
 „ Petri.

[2.] „ Cujus Sede vacante Cardinales  
 „ ejus, qui in Urbe erant (ut narrat Leonar-  
 „ tus Aretinus, tam prædicti Innocentii  
 „ quàm Gregorii ejus successoris Scriba;  
 „ cujus epistolæ summà, ut videtur, fide con-  
 „ tinentur pleræque res utriusque gestæ) de-  
 „ liberare inter se cœperunt, superfederentne  
 „ electione, an alium in demortui locum  
 „ crearent? dubitationem faciente quoddam Galli  
 „ sancta provisione, & à cunctis fidelibus me-  
 „ ritò commendanda Pontificem suum strictis  
 „ promissionibus adegerant sese abdicatum  
 „ esse, sive Cardinales partis adversæ mortuò  
 „ Pontifice superfederent electione, sive Pon-  
 „ tificex ipse item se abdicaret, quo utriusque  
 „ collegio in unum conveniente, unica indubi-

„ tati Pontificis sequeretur assumptio: alia ve-  
 „ rò parte, cùm in superfedendo, & seditio-  
 „ num in urbe metus, & longior temporis di-  
 „ latio, & frustratio adversarii, & hujusmodi  
 „ multa timerentur; & in eligendo voluntas  
 „ ejus, qui assumptus esset, formidabilis vi-  
 „ deretur. His omnibus diligenter expensis,  
 „ vicit tandem eorum sententia, qui eligen-  
 „ dum quidem Pontificem suadebant, sed va-  
 „ lidissimè obligandum, quò adversario se  
 „ abdicare volente, ipse quoque Pontifica-  
 „ tum dimitteret. Ea mente conclave in-  
 „ gressi Cardinales numerò quatuordecim de-  
 „ cimò quartò Calendas Decembris, singuli  
 „ solemniter Deo voverunt, ac jurejurando  
 „ super sancta Dei Evangelia sanxerunt, si sibi  
 „ contingeret ad Pontificatum assumi, ad-  
 „ versario Pontifici statim scripturum, invita-  
 „ turumque ad se invicem abdicandos, pro-  
 „ curaturum insuper bona fide, sine ulla frau-  
 „ de, omni viâ & modò unitatem; & quò  
 „ omnes Reges Principesque testes haberet  
 „ obligationis suæ, promissionem, & votum,  
 „ & jusjurandum, quod ipse præstisset iis  
 „ per suas litteras primo quoque tempore  
 „ significaturum. Ea cùm in libellum rede-  
 „ gissent, & chirographis suis firmassent, agi-  
 „ tare deinceps de electione incipientes, nec  
 „ tam virum quærentes peritiâ rerum geren-  
 „ darum, quàm fide & integritate idoneum;  
 „ tandem in Angelum Corarium natione Ve-  
 „ netum mentem, consensumque omnes ver-  
 „ terunt, virum prisca severitate & Sanctimo-  
 „ niâ reverendum. Ità Aretinus. Quæ ea-  
 „ dem contractiùs habet Niemus, qui æquè  
 „ aderat,



„aderat, & instrumentum ipsum de hac re à  
 „quatuordecim Cardinalibus confectum hoc  
 „anno Domini 1406. Indictione decima  
 „quarta, die Martis, festo S. Clementis vi-  
 „gesimo tertio Novembris his recitat; nem-  
 „pe lib. 3. de schismate, & Nemois unionis  
 „tractatu primo, insensibilis ceteroqui ejus-  
 „dem Angeli Corarii hostis (quem Grego-  
 „rium in Pontificatu dictum, ipse continuè  
 „Errorum nominat) sive ob non servata ab  
 „illo, quæ adeo solemniter Deo voverat, un-  
 „de magna orta sunt scandala; sive ob aliquam  
 „injuriam, vel fortè etiam petiæ alicujus  
 „gratiæ repulsam ab eodem acceptam. Quo  
 „eodem instrumento (quod pariter Surita  
 „suo Indici verbatim inseruit) vovetur item,  
 „haud eum, qui electus foret, creaturum  
 „ullos Cardinales pendente tractatu unionis  
 „(qui tamen arctatur ad quindécim menses  
 „à die electionis Pontificis) nisi fortè causa  
 „còquendi numerum sui Collegii cum nu-  
 „mero alterius.

N. 6. „Erat prædictus Angelus Corarius  
 „genere Patricio Venetiis ortus; idèmq̃ue  
 „ex eximio Sac. Theologiæ Magistro Epi-  
 „scopus factus Castellanus Venetiarum, & à  
 „Bonifacio IX. evectus in titulum Patriarchæ  
 „Constantinopolitani cum Chalcidenfis in  
 „Insula Eubœa Ecclesiæ commendatione; ab  
 „Innocentio ejus amantissimo creatur fue-  
 „rat Presbyter Cardinalis tituli S. Marci: qui  
 „ultima die Novembris Pontifex electus  
 „septuagenariò major (dicunt aliqui octo-  
 „genarium jam tunc fuisse) nomen assumpsit  
 „Gregorii Duodecimi: & Nonis Decembris  
 „(ut Onuphrius habet: de quo paulò post) suæ  
 „coronationis insigniâ suscepit ad S. Petrum:  
 „Vir utique à plerisque de doctrina, religio-  
 „ne, pietate, ac morum probitate apprime lau-  
 „datus; nisi in tergiversationibus derelin-  
 „quendi Pontificatus, ac collusionibus cum  
 „adversario contra prælitum juramentum,  
 „harum virtutum famam commaculasset.

„Statim nihilominus post suam electio-  
 „nem renovans votum ac juramentum præ-  
 „dictum (cui actioni se interfuisse non so-  
 „lùm Niemus scribit, veràm etiam auctor  
 „Burdegalenfis aliquando à nobis citatus)  
 „magnam spem omnibus fecit restitutionis  
 „paciis Ecclesiæ; ità de unionem loquens (in-  
 „quunt Aretinus & Niemus) ut si cetera  
 „decissent, cimbula navigare, aut pedibus &  
 „baculò sese iturum ad eam conficiendam  
 „assereretur. Habuissèque eum initio hanc  
 „mentem, facile est credere: sed imperiì  
 „dulcedine semel degustata, & suorum pro-  
 „movendorum affectu, fuisse postea in trans-

versum actum. Interim verò sicut jurave-  
 „rat, scripsit festinanter, etiam antequam  
 „coronaretur, ad Benedictum Lunensem,  
 „per quemdam Conversum Ordinis Prædica-  
 „torum hoc titulo: Gregorius Episcopus,  
 „Servus Servorum Dei, Petro de Luna, quem  
 „nonnullæ gentes in hoc miserabili schis-  
 „mate, Benedictum XIII. appellant, pacis  
 „& unionis affectum: exhortans ad unionem;  
 „& offerens cessionem dum & is cedere vel-  
 „let, & Cardinales ejus concordare cum  
 „suis Gregorianis ad electionem unius; pro-  
 „mittensque abstinere pendente unionis tra-  
 „ctatu à creatione novorum Cardinalium,  
 „modò & Benedictus abstineret, (quæ erant  
 „conditiones appositæ voto ac juramento  
 „præstito) misurumque se brevi Oratores,  
 „qui cum eo de loco ad hæc inter ipsos tra-  
 „ctanda idoneo agerent. Recitat bis hæc  
 „litteras Niemus: habetque insuper Surita.  
 „Quæ cùm disertè datæ dicantur ante coro-  
 „nationis solemnia (ac propterea Bullam  
 „sinè impressione nominis iis appensam esse)  
 „dièque duodecima ab ipsius assumptione,  
 „undecimà verò Decembris (qua etiam no-  
 „tatur, quam ad Universitatem Parisiensem  
 „scriptam recitat Monstreletus) cùm vix po-  
 „tuerit tot diversis locis error irrepsisse in  
 „numerus, est, ut inde corrigas, quod O-  
 „nuphrius & Ciaconius habent de die No-  
 „narum, seu quintò Mensis coronationis  
 „Gregorii.

„Scriptis pariter eodem sensu ad Cardi-  
 „nales Benedicti hoc titulo: Gregorius &c.  
 „Universis, qui in hoc miserabili schismate  
 „P. de Luna, qui se Benedictum nominat,  
 „tamquam Cardinales adhærerent, pacis &  
 „unionis consolationem, nec non ad omnes  
 „Reges & Principes, & Respublicas, ac præ-  
 „cipuos Prælatos, & Præceres, atque Uni-  
 „versitates, narrans ea, quæ facta essent,  
 „eademque promittens, & in certam unio-  
 „nis spem erigens, & ad eam peragendam  
 „concurrere cohortans: commendatus pro-  
 „pterea ab omnibus in immensum. Scrip-  
 „tisque insuper eadem sententiâ Cardinales  
 „Gregoriani tam ad Benedictum, quàm ejus  
 „Cardinales.

Ciaconius in Gregorio XII.  
 [3.] P. Henriquez in Fasciculo SS. Ord.  
 Cisterc. ubi suprâ ad ann. 1404. relatus.  
 [4.] Gerardus de Roô lib. 4. exscriptus.  
 [5.] Idem eodem loco ad litteram ad-  
 dens de Leone. „Hoc genus animalis pri-  
 „mùm ab Hannone Pœno, & post eum ab  
 „aliis cicuratum legitur. Nec defuit quo-  
 „que nostra ætate Illustris belli Dux, qui  
 „Leo-

„ Leonem cicurem suis ipse manibus pavit. „  
 „ Piespordius sub Wilhelmo I. „ Wil-  
 „ helmus I. Austriacus cognomento Aulicus à  
 „ primis pueritiæ annis in aula Ludovici I.  
 „ Hung. & Polon. Regis educatus eam de  
 „ præclara animi indole spem dederat, ut ei  
 „ Rex Hedwigim minorem filiam impubem  
 „ desponderit; cum certa spe succedendi in  
 „ regnum Poloniæ. Fuit hic filiorum Leo-  
 „ poldi natu maximus, & à morte Patris ejus-  
 „ dem ditiones suo & fratrum nomine, sic  
 „ etiam Austriam mortuò Albertò III. com-

„ munibus cum Alberto IV. auspiciis, & eo-  
 „ dem absente in Palæstina, nec non ab ejus  
 „ obitu tutorio nomine pro Alberto V. filio  
 „ gubernavit. Obiit Viennæ An. 1406. aut  
 „ 1407. Sepultus ad D. Stephani. Hoc de-  
 „ functo (Austriâ exceptâ) reliquas Provin-  
 „ cias inter se partiti sunt. --- Leonem cicu-  
 „ ravit & propriâ manu pavit. „  
 „ Megizerus Annal. Carinth. lib. 9. c. 37.  
 „ Richardus Struno Annal. Super. Austriæ  
 hoc anno.

## Annus Christi MCCCCVII. Monasterii CCLXIX.

*Pont. Rom.*  
 Gregorius XII.

*Imp. Rom.*  
 Rupertus.

*Archi-Dux Austriae*  
 Albertus V.

*Episcopus Pataviensis*  
 Georgius.

*Abbas Zwetlensis*  
 Ulricus I.

**B**ellum intestinum hoc anno in Au-  
 stria exortum est, provinciales  
 enim nonnulli, & qui in civitatibus Ma-  
 gistratus gerebant, de Leopoldi guberna-  
 tione, quam antè approbaverant,  
 graviter conquerebantur, impotentius  
 agere, nec pro tutore se sed pro Do-  
 mino gerere, & rei summam ad se tra-  
 here dicebant. Hæc suorum litteris ac  
 nuntiis edoctus Ernestus, Grætiâ Sty-  
 riæ, ubi tum erat, Viennam properè  
 advolat. Præstò ei sunt Fridericus &  
 Reimburtus Walseii fratres, quorum  
 ille Alberti Principis aulæ Præfectus  
 erat, & alii nonnulli, utque agnati tu-  
 telam in se, & rerum gubernacula sus-  
 cipiat, hortantur. Leopoldus iræ ple-  
 nus Neapolim se confert, & contracto  
 raptim milite Ecclesiasticorum quorun-  
 dam ac Procerum cum Ernesto sentien-  
 tium prædia invadit. Interim Frising-  
 ensis Episcopus Leopoldi Dux militaris  
 Ensesdorfii quàm plurimos ex eque-  
 stri ordine & nobilitate viros ad se vo-  
 catos in Leopoldi fide confirmat. Hi  
 incunte autumnò junctis viribus con-  
 trariæ factionis agros depopulati, Egen-  
 burgum, Drosendorfium, & Laam nec  
 opinato adventu capiunt, magnamque  
 exiis cladem vicinis agris inferunt. Adeò  
 verò afflictus rerum status, adeò mise-

randa hominum conditio, ut nec cui  
 tutò fidere, quævis timere deberet,  
 quisquam scire posset, neque parentes  
 à filiorum, neque vicissim hi ab illorum  
 injuriis securi agitent. Ut enim quæ-  
 vis factio quovis in loco armis superior  
 erat, ità subditi eam admittere coge-  
 bantur, quorum paulò post alterius fa-  
 ctionis hominibus poenas daturi essent.  
 Itinera etiam omnia rapinis infesta fu-  
 gam inire prohibebant. Interim adni-  
 tentibus utrinque Proceribus nonnullis  
 conciliandæ pacis & concordie con-  
 ventus indicitur Claustro-Neoburgi. In  
 eo Leopoldi res superior fuit, ità tamen,  
 nè frater à tutela prorsus excluderetur.  
 Itaque hic Grætiâ Styriæ petiit, ille  
 magna cum pompa Viennam deductus  
 est, unde Neapolim profectus Liberalia  
 illic celebravit. \* [1.]

Refert etiam antiquitas Monasterii  
 sequentia: „ Annò Domini 1407.  
 „ octavò Nonas Decembris à Nicolao  
 „ Suffraganeo Pataviensi (consecratur  
 „ Sacellum vel Altare in Sacello in ho-  
 „ norem SS.) Wolfgangi, Alexii, E-  
 „ rasmi, Erhardi Episcoporum, Hele-  
 „ næ, Barbaræ, Ottiliæ Virginum. „  
 [2.] Hæc illa. Altare vel Sacellum  
 sive in Templo majori, sive extra illud  
 intra Monasterii septa nullum his Sanctis  
 dedi-

dedicatum reperitur, igitur credo ego Ecclesiam S. Wolfgangi in Pfaffenslag sitam, & à Fundatoribus Dominis Schaller matrici Ecclesiae in Schöenaw tanquam filiam subiectam, indigitari, cujus jus patronatus anno sequenti à Diecepsano Patavienſi Episcopo Parochiae in Schöenaw fuit appropriata, uti apparebit.

Porrò anno isto quidam Chünringius de Fundatorum nostrorum progenie prodixit, nostrum Templum Reliquiis Sacris ditescens, qui quantum conjicitur, in bello intestino pro Ernesto stabat. Fuit autem ille D. Achatius de Chünring in Seveld, qui varias numerò 771. Reliquias in manus D. Ulrichi Abbatis tradidit, quas à Patre suo felicitis recordationis nimirum D. Nitzone de Chünring magno labore com-

paratas fuisse asseruit. Datum annò Domini 1407. in Octava Ascensionis Domini. [3.] Feci hujus mentionem unà cum patre Annò MCCCLXXXIII. & D. Schetsonis Annò MCCCLXXXII. & sic patet, jam defunctum fuisse vel hoc anno vel prioribus D. Nitzonem de Chünring, & utique hic in sepultura Majorum suorum conditum, licet de sepultura nullum extet monumentum.

Hoc demum etiam anno Liebhardus Tumbritzer dictus de Dietreichs fatetur se emisſe laneum unum desolatum in Dietreichs situm, quod hospitali pauperum in Monasterio Zwetlensi quindécim denarios quotannis serviebat, ex quo ille laneo piscinam construxit. Datum annò Domini 1407. in festo S. Martini. [4.]

## ADDITIONES.

\*[1.] Gerardus de Roó libro 4. ad verbum.

[2.] Ex Codice MS. Bibliot. Zwetlensis  
[3. & 4.] Ex Autographis ipsorum.

**Annus Christi MCCCCVIII. Monasterii CCLXX.**

*Pont. Rom.*  
Gregorius XII.

*Imp. Rom.*  
Rupertus.

*Archi-Dux Austriae*  
Albertus V.

*Episcopus Pataviensis*  
Georgius.

*Abbas Zwetlensis*  
Nicolaus III.

**S**Truno in Annalibus suis refert hoc anno, Sigismundum Hungariae Regem se in litteris propriis confederationis cum Ernesto Austriaco factae nominare Vicarium Imperii, & Regni Bohemiae gubernatorem, quod sibi, vivente Wenceslao & Ruperto, admirationi est.

\*[1.] Verum sciendum est, Sigismundum nunquam credidisse, quod Wenceslaus ab Imperio deponi potuerit vivus, neque Rupertum pro Imperatore etiam agnovisse, sed potius se proximum fuisse, qui Imperio dignus sit, & studio à Principibus in electione praetergressum esse, ideoque Wenceslai nomine se Vicarium Imperii, siquidem ille otio & desidia ita torpeat, ut non tantum

Imperium, sed quoque Regnum paternum negligat, constituisse, quod etiam constat ex Sigismundi ipsius postea in Caesarem electione, ubi Wenceslaus ipse confessus est, se sponte fratri cedere ab Imperio, nunquam verò Ruperto cessisse, quidquid contra Principes Electores Papae auspiciis fecissent. [2.] Suprà etiam Gerardus de Roó Vicarium Imperii Sigismundum vocavit. [3.]

Circa festa Liberalia Fridericus Waldseus Viennae vi pulveris tormentarii, incertum cujus fraude, sub lectum abdit & incensi perit, insignis vir, magnaque in Principem fide. [4.] Hoc nuntio percussus Ernestus itinere raptim facto Viennam accurrit. Ea Urbs in fide

fide Principis & Ernesti mansit, reliquæ ferè civitates pro Leopoldo stabant. Proceres item omnes ( nam & ii, qui contrà senserant, post Friderici mortem aut minis aut promissis incitati consilia mutaverant ) Leopoldi partes sequebantur, solus ex eis Reimburtus Waldseius apud Principem mansit. Conventus tum Neapoli, cùm ad D. Hippoliti famum agitur ad bellum, quod jam recrudescente videbatur, sopiendum, sed frustra: ex ultimo Conventu legati Viennensium redeunt, inter quos erat Conradus Vorlauffius Consul Vir Strenuus, ex insidiis adorti capiuntur, donec tandem se multâ pecuniâ redemere. Interea quærebantur causæ belli futuri, præsertim à Leopoldo, qui dum Viennæ ageret, multi ex plebe inquieti & seditiosi homines tempus, quod expectarant, adesse rati, ad Leopoldum se conferunt, Magistratum atque Senatum graviter accusant. Unde insensus antè in Viennenses Archiducis animus, magis exacerbabatur. Igitur ad Nonas Julius Conradus Vorlauffius Consul, Joannes Roccius, Conradus Rampelsdorfius, Rudolphus Angerfeldius, & tres alii in vincula conjecti sunt, nec ullis amicorum, aut cognatorum precibus, neque uxorum, filiorumque lacrymis obtineri potuit, quò minùs quarto post die capitis supplicium de iis sumeretur. Cùmque Angerfeldius, qui ætate ceteros anteibat, primus ad necem duceretur, Vorlauffius intercedens: „ Ego „ vobis, *inquit*, Dux & consiliorum „ Author fui, in quibus etsi nulla fraus „ capitalis admissa est, æquum esse duco, ut præsentì necessitati primus „ ego me offeram, vos Consulem vestrum, eo quo soletis ordine, sequamini. Stupuit ad hanc vocem carnis, & officium facere iussus, eductò gladiò in vestigio hærens substitit. Ibi Vorlauffius: Exequeris, *inquit*, „ quod iussus es, & timorem omnem „ exue, ego hanc mortem, quam in „ nocens seram, tibi ignosco. „ Hæc

effatus protensa cervice, magnò animò ferrum recipit. Idem & alii fecere. Horum corpora ad ædem B. Stephani tumulto illata sunt, ubi ex orichalco Epitaphium visitur cum hac inscriptione: Sta, fle, plange &c. Vidi ego oculis meis illud in æde præfata. Post eorum hominum supplicium non Vienna solum & reliqua Austria, offensos in Leopoldum animos sumpsere, sed vicini quoque Principes, Hungariæ Rex, Bohemi & Moravi socius illi, & amicitiam renuntiârunt. Domi quoque Reimburtus Waldseius, accitò Rosenbergiò & aliis nonnullis, quibus maximè fidebat, arma in illum sumit, tumultibus non tam bellò, quàm belli timore fervent omnia. Hæc fusiùs, quàm volui, explicanda fuere propter sequentia faciliùs intelligenda.

Describitur à Senioribus Monasterii nostri tempus hujus anni, annonæque pretium, ac tandem tumultus Austriæ; qui quidem hoc anno non omnes contigere, sed sequenti, meus tamen Author sub isto anno cuncta collectivè prosequitur, in fine tamen scriptura injuriâ temporum & incuriâ hominum legi non potest. Est autem talis narratio: „ Annò „ 1408. Yemps frigida fuit, quod nulla „ meminit ætas, nam Danubius per totam Ungariam & Austriam & Baviariam gelidatus fuit, ità quòd in „ Krempsa & in omnibus partibus Austriæ pervexerunt per Danubium cum curribus vinum portantibus & alia „ necessaria; & homines putabant, „ quòd omnes fructus arborum & omnia „ sata essent destructa propter nimium „ frigus, quod non fuit. Item quia „ Deus in modicis suis providebat, nam eodem anno urna vini per Austriam vendebatur per . . . . Item eodem „ anno metreta siliginis vendebatur in „ Zwetel pro quindecim denariis, alio „ quando minus: triticum pro viginti „ quinque vel magis. Item eodem anno fuit facta abundantia frugum. „ Item eodem tempore & anno nescio „ H „ „ quo

quo spiritu ducti conspiraverunt aliqui Barones Austriæ scilicet milites & servi in unum, habentes in hoc fautores scil. Leopoldum Ducem Austriæ, Episcopum de Freising & Comitum de Hardegg, contra Dominos provinciales, scilicet Fridericum de Waldsee, & Reimbertum fratrem ejus de Waldsee, eodem tempore Capitaneus: Haubtman in Lintza, similiter contra omnes Dominos Provinciales: wieder die Lantherrn in Oesterreich / & contra totum Clerum, nulli ordini parentes. Nam primò spoliaverunt omnia Monasteria in Austria nihil ipsis relinquentes in curiis & in villis, sed omnia diripiebant, nam Monasterio in Sancta Cruce intulerunt dampnum plusquam quinque millia talentorum, similiter & alia Monasteria in circuitu adjacentia, scil. Campum-Liliorum, Gottwicum, Medicum, etiam Monasterium Zwetlense ab iisdem filiis diaboli spoliatum, cum ante illam rapinam fuimus in universis debitis, septem millibus talentorum. Sed statim divina ultio secuta fuit prædictos Barones invasores Ecclesiarum & Monasteriorum. Nam Inclytus D. Reimpertus de Waldsee eodem tempore Capitaneus in Lintz, qui regebat totam provinciam Superioris Austriæ usque ad Ibs sub suo Dominio, ipse gerebat curam omnium Religiosarum personarum sive Ecclesiarum - - - conduxit exercitum de Bavaria & aliis provinciis, & opposuit se viriliter prædictis Leopoldo Duci Austriæ, & omnibus suis fautoribus, & extorsit ab ipsis aliquas civitates scil. Welsensem propè Lintz sitam, & Onassam, & Gemund, & - & alia oppidula, quas sibi divinò auxiliò subjugavit, quia ut pius Pater Orphanorum, & strenuus defensor omnium Religiosorum ac Clericorum. Deinde invasit viriliter &c. legi nequeunt. [5.] Hucusque antiquitas Monasterii

nostri de Austriæ bello intestino, quod anno sequenti majori ex parte gestum fuit, licet hoc anno inchoaretur.

Porrò D. Ulricus Abbas Zwetlensis cum Sacellum S. Thomæ Cantuariensis sacrum à fundamentis erexisset cum consensu Romani Pontificis, & populus majori frequentia conflueret, motus pietate quoque generosus D. Joannes de Neudeck, Illustrissimi Archiducis Austriæ Leopoldi à Camera Præfectus donavit Monasterio fundum, in quo dictum Sacellum situatur, nimirum locum Dachsgraben dictum, eumque in manus D. Ulrici Abbatis tradidit &c. Munita est littera sigillis patruelis ejus Wolfgangi de Neudeck, & avunculi ejus Joannis de Neudeck, Domini in Mewres. Testis autem est Nobilis Dominus Nicolaus de Sebecken Capitaneus Laabacensis, qui suum quoque sigillum addidit. Datum Annò Domini 1408. in festo S. Georgii. [6.] Hæc littera, unde patet istum Austriæ Ministerialem partes Leopoldi secutum, qui Rastenbergæ sedit, & testem adduxisse Capitaneum Laabacensem, quæ Civitas à Frisingensi Episcopo Duce summæ militiæ expugnata fuit, & à præsidio Leopoldi adhuc tenebatur.

Leopoldus Archi-Dux interea aditur pro dicti fundi confirmatione, & hoc ad supradicti Neudeckii informationem, quem enim Archi-Ducum fratrum in tanta rerum perturbatione pro legitimo Domino Abbas & Conventus in Zwetel agnoscere deberet, ignorabat, nisi qui verus esset comprobatus Austriæ gubernator ac Alberti V. tutor? Leopoldus autem tunc Crembsii consistens, quia Viennam Ernestus habebat, tale tali argumento diploma Monasterio concessit: Leopoldus Dux Austriæ, Stiriæ, Carinthiæ, & Carniolæ, Comes Tirolis &c. [7.] nomine suo & patruelis sui Ducis Alberti, cujus se tutorem dicit, confirmat eam fundi partem, quam suæ Cameræ Præfectus Joannes de Neudeck tradidit ad construendum

in

In loco Dachsgraben dicto Sacellum in honorem S. Thomæ Cantuariensis, quod Abbas Zwetlensis à fundamentis secto lapide crexit, cum antea domunculam ligneam invenisset: insuper etiam confirmat eam fundi partem, quam ibidem in dicto loco Monasterium Zwetlense possedit. Datum Cremsi Anno Domini 1408. feriâ tertiâ in Pentecoste. Ex hac littera colligitur, Monasterium tunc partes Leopoldi secutum fuisse, quod tamen postea ab ejus factionis satellitibus spoliatum est, sicut supra enarravi.

His transactis festum Sanctissimi Patris nostri Bernardi adfuit, in cujus octava die Ulricus I. cognomento Offerl Abbas Zwetlensis in Domino obdormivit. Fuit autem sepultus in Capitulo more Ordinis laudabili, cujus sepulture mentio talis habetur, cum præmittitur sepultura præfati Ottonis Grillonis sequentibus: „ Et sepultus (scilicet Otto II.) in Capitulo nostro sub lapide, „ in quo est forma baculi pastoralis, „ & ossa sua sunt hæc. Item in eodem tumulo positus est Ulricus Abbas dictus Offerl, qui abbatizavit annos tres & quatuordecim hebdomadas, obiit in Octavis Bernardi Anno Domini 1408. „ [8.] Hucusque antiquitas: Sciendum hic non quatuordecim septimanis integris cum triennio Ulricum sedisse, sed tredecim integras septimanas Abbatem fuisse, & quartâ decimâ ex hac vita & Abbacia emigrasse. De cujus obitu omnes Abbatum Zwetlensium catalogi conveniunt, [9.] præter chronistorum Authorem, qui sicut in electione, ita etiam in obitu ipsius toto rationis cælo erravit, canit enim ipsum electum An. Salutis MCCCCXI. & obiisse MCCCCXIX. eodem anno successisse Nicolaum III. qui obiit secundum ipsum An. Domini MCCCCXXIX. Verum sicut in Ulrico, ita etiam in Nicolao à recta devia vit, quod in sequenti-

bus annis manifestum apparebit. Fuit hic Ulricus Abbas Vir egregius, quod ex fundatione novi in Dachsgraben constructi Sacelli constat, ubi mirum in modum populi confluentis devotionem adauxit, si vita tantum superstes fuisset, Monasterium à debitorum onere quantocius pecuniâ creditoribus numeratâ liberasset, sed injuria temporum, qua Monasterium quoque in prædam cessit malignis, & vita brevis impedimento fuerunt. Porro omnes conveniunt Abbatum Zwetlensium catalogi de successione Nicolai III. cognomento Gretzel in Abbacia, utrum tamen hoc anno, non æquè constat: sorte ad festa Christi Natalitia Abbacia regimen suscepit. Fuit natus in civitate Zwetlensi, & aliis Fratribus dispersis ipse mansit. Non tamen in Abbacia moritur, sed brevi tempore Abbas resignasse putatur, ut patebit in sequentibus.

Interea Georgius Pataviensis Episcopus ad petitionem Thomæ Schaler tunc Castellani in Weitra, & Joannis Schaler fratris ejus confirmat Sacelli ad S. Wolfgangum ædificationem, unionem, & dotationem, aliâs ad villam seu pagum Pfaffenslag situm, cujus fundatores prædicti Schaler, idem Sacellum Parochiæ in Schöenaw cum consensu Stephani ejusdem tunc Rectoris, tanquam filiam matri Ecclesiæ subicientes, sufficienter dotârunt, ut Capellanus commodè inde vivere posset. [10.] Cujus præsentationem dictus Episcopus fundatoribus ipsis ad dies vitæ concessit, ipsis verò decedentibus perpetuo Parocho in Schöenaw donavit, sibi autem investituram seu institutionem reservavit. Datum in Anaso, die duodecimâ Octobris, Anno Domini 1408. Hæc Parochia in Schöenaw unâ cum Sacello S. Wolfgangi ad Monasterium nostrum devoluta fuit, de quibus sub loco & tempore mentionem sum habiturus.

# ANNALES AUSTRIO. ADDITIONES.

\*[1.] Annales Richardi Strunonis Superior. Austriæ super hoc anno.

[2.] Magnum Chronic. Belgicum sub Wenceslao. „ Propter mala merita & alia „ maleficia Regno Romanorum privatus, & ab „ eodem destitutus fuit à Bonifacio Papa No- „ no Wenceslaus, datâ Electoribus Imperii „ potestate alium in Regem Rom. eligendi, „ postea in Imperatorem promovendum. „ Qui elegerunt Illustrem Dn. Rupertum „ Ducem Bavarie in Regem Annò Domini „ MCCCXCIX. qui ab eodem Papa Bonifa- „ cio fuit confirmatus, & postea Aquisgrani „ cum maxima difficultate propter potentiam „ Principum, qui Wenceslao adhæserunt, „ coronatus: Wenceslaus enim semper ma- „ gnam partem Principum & civitatum Al- „ manie habuit pro se, quem pro Rege Rom. „ coluerunt. Quòd verò prædictus Sigis- „ mundus Rex Ungariæ frater ejus post dis- „ cessum Ruperti contra Wenceslaum in Re- „ gem Rom. fuit electus, hoc contigit (ut „ in Karlesteyn ipsemet nobis retulit) de suo „ consensu, & cum protestatione, ut prædi- „ ctus Rex Ungariæ Imperator fieret, & ipse „ Romanorum Rex maneret. Est etiam ve- „ rum, in sacro Generali Concilio Pisano „ Ambasciatores Wenceslai, quos ad Con- „ cilium destinaverat, fuisse nomine ipsius ad- „ missos, & in sessionibus, & aliis publicis „ actibus in locis debitis, tanquam Romanor- „ um Regis nuncios collocatos, ut vicissim „ Oratores dicti Ruperti, qui contrâ ejus- „ dem Concilii decretum partem Gregorii „ Papæ XII. fovebat, tanquam Schismatici „ ex dicto Concilio turpiter ejecti & refutati „ fuerunt. Sic omnes, qui in obedientia Pa- „ pæ Clementis VII. & Benedicti Papæ XIII. „ erant, tenuerunt Wenceslaum pro Rege „ Rom. De cujus quidem Regis Wenceslai „ privatione & contumeliis illatis dictus Rex „ Sigismundus germanus ejus per litteras fuit „ conquestus Cardinalibus dicti Papæ Boni- „ facii, videlicet quòd ipse Wenceslaus non „ vocatus, non convictus, & sine causæ co- „ gnitione fuerit privatus, quòdque idem „ Bonifacius diu nocturne nihil aliud cogi- „ tare videretur, nisi ut modum inveniret, „ quo ipsum Sigismundum ex regno Ungariæ „ ejicere possit. Qui etiam conaretur Præ- „ latos, & Barones suos pellicere, ut rupto „ fœdere ab ipso discederent, sibi que rebel- „ larent, & Regi Ladislao Neapolitano ad- „ hærent. „

Spondanus ad ann. 1404. n. 1. „ Annò

„ Christum millesimò quadringentesimò quartò, „ Indictione duodecima, die decima sexta „ Aprilis, ut Meyerus scribit, datæ sunt lit- „ teræ à Sigismundo Hungariæ Rege, & Im- „ perii (ut sese indigitabat) Vicario, & Re- „ gni Bohemiæ Administratore ad Philippum „ Audacem Burgundiæ Ducem, & Flandriæ „ Comitem, Regis Francorum Patrum, per „ nuncios Nicolaum Episcopum Watzien- „ sem, Hermannum Comitem Cili, & Nico- „ laum de Gara regni Hungariæ Palatinum: „ quibus inter alia significabat certas quas- „ dam passionem inter se & fratrem suum Wen- „ ceslaum Romanorum & Boemiæ Regem esse „ factas: se cum Olfoya Rege Bosniæ pacem „ ac fœdus icisse &c. Hæc ibi: quorum ni- „ nil apud Hungariæ historiæ Scriptores: „ sed nec ferè apud alios. Nisi quod de pa- „ ctionibus cum Wenceslao initis apud Co- „ rium annò 1402. legimus eundem Sigismun- „ dum mense Martii litteras dedisse ad Ga- „ leatium Ducem Mediolanensem, quibus „ significabat inter se ac fratrem Wencesla- „ um ita de consensu plurium Germaniæ Pro- „ cerum transactum fuisse, ut Sigismundus „ administrationem haberet Imperii, nomen „ ac titulum Wenceslaus retineret. „

Item ad ann. 1409. n. 5. „ Post solemniam „ celebrata (in Concilio Pisano) introduci sunt „ quidam Archi-Episcopus, duo Episcopi, & „ totidem Clerici, qui se nuncios dicebant „ Ducis Ruperti de Bavaria, quem Regem Ro- „ manorum nominabant (ita Monachus: A&a „ verò Maxentiana disertè Regem Romano- „ rum vocat: edita in Tomis Conciliorum „ Rupertum de Bavaria Sanctæ Sedis Impera- „ riæ Electorem; qualis videlicet erat ante „ Wenceslai abdicationem, quam hæc Sy- „ nodus minimè approbavit: hos autem Ru- „ perti nuncios fuisse Archi-Episcopum Rigen- „ sem, Episcopum Wormaciensem, & „ electum Verdensem, Niemus scribit, ac per „ Rupertum primum ad Gregorium missos, „ indeque Pisas venisse ad causam Gregorii „ agendam) qui tamen cum aliis non fede- „ runt; sed per quendam alium Episcopum „ proposuerunt viginti duas quæstiones am- „ biguitatibus plenas: quarum præcipuæ fue- „ runt: Utrum Cardinales potestatem habe- „ rent se subtrahendi ab obedientia sui Pon- „ tificis, Pontificem evocandi; Concilium „ Generale convocandi: Duo Collegia se mu- „ tuo à celebrando Concilio: „ concludentes demum, Concilium debere „ differri in aliud tempus, & in alium locum „ trans-

„ transferri, ad quem Gregorius paratus erat  
 „ accedere, & adimplere, quæ juraverat, dum  
 „ & adversarius idem præstaret. Quibus nun-  
 „ ciis cùm præscriptum à Synodo fuisset, ut  
 „ scripto traderent, quæ ore proposuissent,  
 „ ostenderentque mandatum, quod à Ruperto  
 „ haberent: cùm id ægrè admodum præstitis-  
 „ sent, remissi ad alium diem pro responso au-  
 „ diendo, incipientes inter se altercari, clarè  
 „ demonstrarunt non se venisse nisi ad unio-  
 „ nem impediendam, & non expectatò respon-  
 „ sò clanculò abiierunt. Ità Monachus, &  
 „ Acta Maxentiana: quæ eadem brevius refe-  
 „ runt edita. Niemus autem amplius habet,  
 „ eos, antequam elaberentur, Ruperti nomi-  
 „ ne appellasse, innuentes convocationem  
 „ Concilii Generalis spectare ad Regem Ro-  
 „ manorum, vel saltem de ejus auctoritate  
 „ convocari debere: ac propterea tam ipsum  
 „ Rupertum, quàm ejus nuncios risui expo-  
 „ sitos fuisse, & quasi fatuos ac juris ignaros  
 „ existimatos, ob gravia incommoda, quæ se-  
 „ cutura fuissent ex eorum propositionibus. „  
 Notæ ad Concilium Constantiense sub  
 litera F. verbò: Causa schismatis tollendi.

„ Utroque autem (*Benedictò XXIII. & Gregorio*  
 „ *XII.*) contumaciter abiente, creatus ab eis  
 „ fuit Alexander V. quo intra annum defun-  
 „ cto Bononiæ electus fuit Joannes XXIII.  
 „ Cui adhæserunt ambo fratres, Wenceslaus  
 „ & Sigismundus Reges, hic Hungariæ, ille  
 „ Bohemiæ; uterque insuper Regis Romano-  
 „ rum titulum gerens. Quamvis enim Wen-  
 „ ceslaus depositus esset per Electores, tamen  
 „ quoad vixit, Regem Romanorum & Bohe-  
 „ miæ se scripsit. „

[3.] Gerardus de Roò suprà ad ann.  
 1402. in textu ad initium relatus.

[4.] Paucis mutatis, omisiss & additis  
 totus §. ex antè cit. De Roò locò citatò ex-  
 scriptus est.

[5.] Chron. MS. in Calendario suo.

[6.] Ex copia quadam literarum.

[7.] Ex diplomate Principis.

[8.] Chron. MS. ut suprà.

[9.] Idem eodem. Recentior Abbatum  
 Zwetlens. Catalogus. Mortilogium Zwetlense.

[10.] Ex Autographo ipsius.

## Annus Christi MCCCCIX. Monasterii CCLXXI.

*Pont. Rom.*  
 Alexander V.

*Imp. Rom.*  
 Rupertus.

*Archi-Dux Austriæ*  
 Albertus V.

*Episcopus Pataviensis*  
 Georgius.

*Abbas Zwetlensis*  
 Nicolaus III.

**G**regorius XII. imperii dulcedine  
 allectus, & à propinquis deprava-  
 vatus, optimam voluntatem mutavit,  
 atque in his, quæ ad pacem Ecclesiæ ad-  
 ferendam pertinebant, difficilem se &  
 morosum præbuit. Cùm verò de loco  
 eligendo, quo sine discrimine Benedi-  
 ctus XIII. & ipse de Pontificatu con-  
 tendentes convenirent, mentio habe-  
 retur, Gregorius urbe exiens, Senas pri-  
 mùm, mox Lucam accessit, Benedictus  
 Savonam, [qui locus status conventioni  
 erat, advenit. Ceterùm cùm de  
 re inter eos non conveniret, ab utro-  
 que Cardinalium cætu ut collutores &  
 perjuri deferuntur. Qui Pisis Generali  
 Concilio indicto uno consensu Grego-  
 rium & Benedictum Nonis Junii Annò  
 MCCCCIX. dignitate Pontificia pri-  
 vârun, consentientibus in eandem sen-

tentiam omnibus ferè Christianis natio-  
 nibus. Benedictus in Galliam Avinio-  
 nem avolvit, & Gregorius locis mu-  
 nitissimis & securis apud amicos suos se  
 continebat, modò in Regno Neapolita-  
 no apud Regem Ladislaum, modò  
 apud Forum-Julii, modò apud Mala-  
 testas Arimini domicellos, sicque vixit  
 annis continuis sex usque ad Concilium  
 Universale Constantiense, in quo cùm  
 sponte Pontificatu se abdicasset, Car-  
 dinalis & Mariæ perpetuus Legatus  
 relictus est. \* [1.] Interea in Conci-  
 lio Pisano utroque Pontifice deposito,  
 à viginti trium Cardinalium suffragiis  
 creatur F. Petrus Philargi Cretensis, ex  
 Archi-Episcopo Mediolanensi Pontifex  
 Romanus hoc anno, & coronatur No-  
 nis Julii Pisis vocatus Alexander Papa  
 V. [2.] De hoc Papa B. Malachias ita  
 pro-



prophetavit: Flagellum Solis. Erat enim Græcus, Archi-Episcopus Mediolanensis, insignia illius Sol.

Dum hæc in Italia geruntur, in Austria afflictum rerum itatum miseratus Georgius Liechtenstainius Episcopus Tridentinus, qui Præpositus Viennæ fuerat, de componendo hoc bello cogitare cœpit. Mox Proceres quosdam & Magistratus, quibus pacem cordi esse sciebat, ad se vocat, suâque cum ipsis consilia confert. Horum fideli opera eò res perducta est, ut duodecim viri arbitri legerentur, Principes verò sanctè promitterent, se subòsque eò staturos, quicquid illi decrevissent, quibus ut major autoritas accederet, Sigismundus Ungariæ Rex præses adderetur. Tandem sub finem Mensis Maji capita pacis & concordiae ab arbitris compo-

sita, & à Rege confirmata adseruntur, isque per legatos fratribus significavit, si per alterutrum illa violarentur, eum sibi hostis locò futurum. Respiravit igitur Austria, & à latrocinii ac deprædationibus paulatim expurgata est. Viennenses verò Alberto ut legitimo suo hæreditario Principi, Leopoldo autem ac Ernesto ut legitimis illius tutoribus fidem dare, inque eorum verba jurare non recusarunt. [3.] Atque ita turbæ omnes per Austriam sunt sublatae.

Demum anno isto in Conversionis S. Pauli Apostoli festo fit mentio Nicolai Abbatis in Zwetl, unde ipsum hoc anno Abbatem fuisse constat, licet annum tantum unum cum aliquot septimanis rexerit Monasterium, uti anno sequenti patebit.

## ADDITIONES.

\* [1.] Ciaconius fermè ad litteram in Gregorio XII. & Benedicto XIII.

[2.] Idem in Alexandro V. „ Alexandro V. Cretensi Papæ, qui, duobus de Patu contententibus Gregorio XII. & Benedicto XIII. in Concilio Pisano privatis, „ tertius Summus Pontifex omnium in Concilio existentium consensu, triumque & viginti Cardinalium suffragiis creatus est. In „sula Venetæ ditionis Creta in Græcia originem dedit, incertâ tamen stirpe & patriâ, Frater Petrus Philargi antea vocatus. Is adhuc „ puer, neque parentes, neque affines ullos cognoscens, ostiatum victum mendicans à Viro „ Religioso quodam Ordinis Minorum Italo, Ordini in Monasterio Cretensi additus & „ educatus altæ indolis & vividissimi ingenii adolescens evasit: omnia Ordinis Minorum „ Gymnasia, & præcipuè Oxoniense in Anglia, & Parisiense circumsiens, ita in Liberalium Artium, Philosophiæ & Theologiæ „ studiis profecit, ut brevi Magisterii gradum consecutus, & publicam scholam habuerit, „ & in libros sententiarum doctè & acutè scriperit, magnus quoque Orator & Prædicator „ est habitus. --- Ab aliis dicitur Petrus Philaretus Novariensis Crufinalio vico natus, „ de Candia vulgò nuncupatus, Ordinis Minorum, Vir Græcè & Latine peritus, Theologus præstantissimus, primùm Vicetiæ, „ deinde Novariæ Episcopus factus, hujus „ nominis Octavus, qui illi Ecclesiæ præfuit

„ annis 18. A Wenceslao autem Imperatore, „ nullo jure Regio, nullâque superiori auctoritate sibi reservata, non solum multis „ privilegiis decoratus est, sed etiam Amplissimi Principis Imperii titulò, nominèque „ cohonestatus, postea Patriarcha Gradenfis. „ Qui in Pontificatu meritò Alexandri V. nomen consecutus est; cum liberalitate & magnitudine animi cum quovis optimo Principe conferri posset. Adeo enim munificus erat in pauperes, & viros sua benignitate dignos, ut brevi nihil sibi reliquerit, „ unde per jocum dicere interdum solebat, „ se divitem Episcopum, pauperem Cardinalem, mendicum Pontificem fuisse. „

Acta & gesta ante & in Synodo Pisana; in qua duo de Papatu contententes Gregorius & Benedictus proscripti, & Alexander suffectus est, fusè & de sessione ad sessionem enarrant Spondanus, & post ipsum Odoricus Rayhaldus, hic Italicus, alter Gallicus Scriptor, ad quos remittimus benevolam lectorem, cui nobiscum pro serie historiæ intelligenda sufficiat Scriptor Germanicus Joannes Nauclerus Volum. 2. Chronographiæ suæ Generatione 47. ita scribens:

„ Post honorabiles exequias (*Innocentii VII.*) Cardinales convenientes, se omnes obligaverunt sub gravissimis juramentis & solennibus, quòd quicunque esset electus, laboraret ad tollendum schisma, & unionem Ecclesiæ procurandam. Ingressi con- „ clave

„ clave elegerunt Patriarcham Aquilegien-  
 „ sem natione Venetum, qui vocatus est Gre-  
 „ gorius XII. Vir à pueritia magnæ sanctita-  
 „ tis & sapientiæ. Hic electus denuo iuravit  
 „ omnia facere sibi possibilia ad unionem  
 „ Ecclesiæ dandam, de quo Principes quique  
 „ plurimum exhilarati sunt. Gregorius ita-  
 „ tim adversario Benedicto scripsit, benignè  
 „ illum ad pacem invitans, & ad abdicatio-  
 „ nem mutuam. Benedictus verò eisdem ferè  
 „ syllabis rescripsit, cadénique invitatio  
 „ fuit. Tractatur de loco, ubi conveniant.  
 „ Placet civitas Saona, quasi in medio con-  
 „ stituta, & ut sequi videatur effectus, anno  
 „ sequenti incipiunt appropinquare. Nam  
 „ Gregorius non tam Comitiorum causâ,  
 „ quæ erant dicta tollendo Schismati, quam  
 „ Urbicis factionibus compulsus, Urbe se-  
 „ cessit. Adspirans enim ad dominatum La-  
 „ dislai Regis auxiliò Columen. Johannes  
 „ sæpè Romam commoverat. Itaque Gre-  
 „ gorius Senas profectus, hinc Lucam adiit,  
 „ Benedictus verò Genuam.

„ Interea patefactæ sunt Gregorio insidiæ  
 „ sibi paratæ Saonæ à Benedicto, quod &  
 „ civitas illa pro Gallico esset munita. Quare  
 „ Gregorius accipiens Benedictum non verè  
 „ unionem quærere, mutavit propositum; mi-  
 „ serunt nihilominus nuncios alter ad alte-  
 „ rum, tractantes de alio loco, sed conve-  
 „ nire non potuerunt. Benedictus ut magis  
 „ simularet intentionem suam, adhuc ad Gre-  
 „ gorium magis appropinquavit, ad Portum  
 „ Veneris veniens. Gregorius autem Lucæ  
 „ permansit plures menses, ibique ereavit  
 „ quatuor Cardinales. Oratores Principum  
 „ plurimum suaserunt Gregorio, ut iret Saonam,  
 „ & præcipuè Regis Franciæ, qui me-  
 „ ritò suspecti habebantur; alii contrarium  
 „ suaserunt, ut Ladislaus Rex Apuliæ, & alii  
 „ amici. Et eòdè post multa de loco conve-  
 „ nire non possent, ereavit Gregorius alios  
 „ plures Cardinales, quod etiam conturbavit  
 „ suos Cardinales antiquos &c.

„ Platina scribit, Galliæ plures Principes  
 „ admonuisse Benedictum, ut sicut iuraverat,  
 „ unionem quæreret, quorum colloquia &  
 „ consultationes Benedictus veritus, Avinio-  
 „ ne existens, ædes Pontificias armis &  
 „ commeatu munitis, in quibus aliquot men-  
 „ ses obsessus, tandem paratis ad fugam tri-  
 „ remibus per Rhodanum in Cathalaniam,  
 „ unde oriundus erat, navigavit. Sunt, qui  
 „ scribunt, Principes Gallicos id molitos,  
 „ instantibus Cardinalibus, qui oderant eum,  
 „ quòd alterius nationis esset, & non Galli-  
 „ cæ. Utcunque sit, Genuam venit, ut est

„ dictum. Dum utriusque Pontificis tam  
 „ ambigua sunt excepta, Cardinales taciti con-  
 „ veniunt, Generali Concilio Patrum locum  
 „ aliquem dicendum esse, ubi qui Pontifex  
 „ auctoritatem Ecclesiasticam unus debeat  
 „ tueri, æquis votis constet. Et inter illos  
 „ hæc res acta est tantisper, dum Romæ ab-  
 „ sente Gregorio non minor calamitas acci-  
 „ dit. Nam annò 1408. Rex Apulus Ladis-  
 „ laus vexata Romana ditione Urbem cepit,  
 „ occupatis etiam aliis Ecclesiæ Civitatibus.  
 „ Cardinales verò Gregorii & Benedicti (ut  
 „ est prædictum) convenientes & confere-  
 „ tes, decreverunt Civitatem Pisanam, ut lo-  
 „ cum aptiorem pro Concilio Generali ce-  
 „ lebrando, cui rei Florentini consenserunt;  
 „ unde per nuncios & litteras vocaverunt ad  
 „ concilium celebrandum Pisam omnes Epi-  
 „ scopos, Prælatos & Principes, & commu-  
 „ nitates, exhortantes ad mittendum Orato-  
 „ res suos, ac ut subtraherent obedientiam  
 „ Pontificibus illis, quos etiam evaserunt ad-  
 „ veniendum illuc. Quibus peractis paula-  
 „ tim exeperunt Principes & Communitates  
 „ obedientiam illis auferre de territoris suis;  
 „ remansit autem in obedientia & reverentia  
 „ Gregorii Rex Ladislaus, ac etiam quedam  
 „ civitates Italiæ. Benedictus autem penè à  
 „ cunctis derelictus, nisi fortè nē à Rege  
 „ Aragonum.

„ Gregorius ex Luca Senas, & deinde ad  
 „ Urbem reversus est, execrans & pilò &  
 „ omni dignitate & beneficiis privans omnes  
 „ Cardinales, qui contra eum conspirave-  
 „ rant, dicens hæreticos & schismaticos, ac  
 „ etiam per orbem significans Regibus & Prin-  
 „ cipibus de conjuratione eorum indebita,  
 „ & quòd eis non crederent; quia verò Urbs  
 „ erat in magnis seditionibus & rixis, Gre-  
 „ gorius cum curia sua de beneplacito Regis  
 „ Ladislai profectus est Cajetam, ubi ali-  
 „ quamdiu moram traxit.

„ Congregatione igitur facta pro Conci-  
 „ lio Pisæ tempore statuto de diversis natio-  
 „ nibus, & relatione omnibus facta de scan-  
 „ dalo, quod inferebant duo Pontifices, col-  
 „ ludentes ad invicem, & nolentes unionem  
 „ Ecclesiæ quærere ut promiserant, decretum  
 „ est, ut Oratores mitterentur ad utrumque;  
 „ quod factum est, quorum operam Benedi-  
 „ ctus derisit dicens, controversiam fore de  
 „ jure Papatus inter se & Gregorium, & nihil  
 „ ad eos spectare de re ipsa. Gregorius ve-  
 „ rò respondit non ad eos pertinere congre-  
 „ gationem Concilii, sed ad ipsum, utpote  
 „ Pontificem Romæ, quod & celebrare volebat  
 „ non Pisam, sed in alio loco, videlicet in

„ Foro-Julii circa Aquilegiam, ipsosque Car-  
 „ dinales cum sequi debere. Unde Grego-  
 „ rius cum paucis, quos habuit, ex nuper-  
 „ rimè creatis Cardinalibus, ad Forum-Julii  
 „ publicatione præmissa accessit, ibique ex-  
 „ plevērunt, quæ visa sunt eis expedienda.  
 „ Ex quo loco Gregorio redeunte Ariminum,  
 „ insidiæ factæ sunt ad capiendum eum, sed  
 „ aversatus habitu transformato cum aliis pro-  
 „ cessit ut privatus, aliisque secutus in ap-  
 „ paratu Papali, sed cognitus non sine inju-  
 „ riis est dimissus. In tot autem adversis sic  
 „ fixus erat in his, quæ sibi conscientia di-  
 „ ctabat, ut nullus eum posset à suo propo-  
 „ sito revocare.

„ Annò igitur 1409. Pisis inceperunt pro-  
 „ cessum facere, & post legitimas modò sub

„ citationes non comparentes, sed contuma-  
 „ ces contra ambos Pontifices sententiam  
 „ depositionis & privationis protulerunt, Gre-  
 „ gorium & Benedictum ut hæreticos & schis-  
 „ maticos, prohibentes Christicolis cunctis,  
 „ nè quem eorum Papam nominarent, aut ei  
 „ tanquam Rom. Pontifici obedirent. His  
 „ peractis ad electionem alterius processē-  
 „ runt. Unde more solito intrantes Conclave  
 „ Cardinales elegerunt Præfulem Summum  
 „ Petrum Cretensem, Cardinalem Mediola-  
 „ nensem, Ordinis Minorum. Hunc nomi-  
 „ nabant Alexandrum V. qui annum circiter  
 „ unum sedit.

[3.] Gerardus de Roó lib. 4. ad verbum.  
 Richardus Struno in Annal. Austriæ Super.  
 hoc anno.

## Annus Christi MCCCCX. Monasterii CCLXXII.

*Pont. Rom.*  
 Joannes XXII.

*Imp. Rom.*  
 Rupertus.

*Archi-Dux Austriæ*  
 Albertus V.

*Episcopus Pataviensis*  
 Georgius.

*Abbas Zwetlensis*  
 Fridericus.

**A**lexander Papa V. annum sui Pon-  
 tificatus primum nondum com-  
 plevrat, & Bononiæ infirmatus gravi-  
 ter, tandem quintò Nonas Maji ibidem  
 animam reddidit Creatori. \* [1.] Cui  
 à sedecim Cardinalibus creatus substi-  
 tuitur Balthasar Cosia, Neapolitanus,  
 Diaconus Cardinalis tit. S. Eustachii,  
 & Flaminie Legatus, vocatus Joannes  
 Papa XXII. [2.] dictus autem XXIII.  
 ab iis, qui Joannem Papam foeminam  
 collocant & numerant. Coronatus est  
 Bononiæ 8. Cal. Junii, anno isto. De  
 quo B. Malachias Hibernus: Cervus  
 Sirenæ. Erat enim Diaconus Cardina-  
 lis S. Eustachii, qui cum Cervo pingi-  
 tur. Bononiæ Legatus Neapolitanus.

Ruperto Imperatori anno isto defun-  
 cto & Heydelbergæ sepulto à Princi-  
 pibus substituitur electus Jodocus, filius  
 Joannis Heinrici Marchionis Moraviæ,  
 fratris nimirum Caroli IV. Imp. [3.]  
 qui vix menses sex in Imperio transigens,  
 Brunnæ in Moravia moritur, & ibidem  
 in Monasterio S. Thomæ cum Patre suo,  
 qui id construxerat, sepelitur. Alii

sunt, qui volunt hunc Jodocum cogno-  
 mentò Barbatum fuisse Regem Romano-  
 rum electum ante Rupertum, sed non  
 subsistit, quia adhuc post annos aliquot  
 sub Ruperti Imperio supravixisse depre-  
 henditur, cum Znoymam occuparet.

Interea ob aëris salubritatem Alber-  
 tus V. in arcem Starckenbergam rapi-  
 tur, nam Viennæ & Neapoli pestis graf-  
 sabatur, unde capta per Reimbertum  
 de Walsee arce, Egenburgum Princeps  
 deducitur, & convocatis illuc Austriæ  
 Procerum ordinibus proponitur, jam  
 Principem in sua potestate haberi,  
 ipsūque jam pubertatis annos attingentem,  
 & tutela eximendum, & rebus  
 imponendum esse. Leopoldus autem  
 Viennæ in palatio graviter ægrotans,  
 sanguine & sanie per os & nares ebul-  
 liente suffocatur, sepultus ad D. Stephanum.  
 Fuisse proditur statura medio-  
 critatem aliquantulum excedente, cor-  
 pore pleno & habitiore, unde Pinguis  
 sive Crassus à quibusdam, ab aliis verò  
 Superbus sive Ambitiosus dictus est,  
 quòd Francosurti in Comitibus omnes  
 Principes magnificentia superasset, ubi  
 præter

præter aulicum famulitium, duos & quinquaginta Comites & Barones, in comitatu habuisse dicebatur. [4.]

Resignavit hoc anno Abbatiam Zwetlensem Nicolaus III. Abbas cognomento Gretzel, nam cum sub eodem Abbate Monasterium spoliatum fuisset non tantum in pagis & grangiis suis, sed quoque ipse locus, vix erat residuum, quo Fratres superstites se sustentare, unde vivere valerent, insuper debita indies augebantur cum usuris suis, ita ut vix esset, qui onus Abbatiale suscipere cogitaret, aut oblatum acceptare vellet. Unde cum modus se non offerret solvendi debita contracta, neque è tantis 'miseriis & angustiis Monasterium erui posse videretur, Nicolaus spontè Abbatiam resignavit, aliùmque ut Fratres, qui Monasterium spoliatum erigere valeret, sublegerent, Patrem Abbatem de S. Cruce exoravit, quod etiam obtinuit. Nam quòd hoc anno resignarit Abbatiam, probat antiquitas Monasterii nostri dicens: Nicolaus Gretzel unum annum & novem hebdomadas, [5.] scilicet, rexit. Si igitur circa Christi Natalitia festa mense Decembri Anno MCCCCVIII. (ut ego conjicio, certi enim nihil de ejus electione aut resignatione reperitur) Abbatiam suscepit, conveniens est, ut hoc anno circa initium Martii eandem resignarit, ubi annus integer, & novem septimanæ illius regiminis præterlapsa sunt. Deinde quòd anno isto resignarit, probatur etiam inde, quia in Inventione S. Stephani Proto-Martyris Anno MCCCCX. nimirum 3. Augusti Friderici Abbatis in Zwetl electi jam mentio habetur. [6.] Hic autem Nicolaus III. in Abbatia mortuus non est, sed resignavit, & resignanti successit in Abbatia Zwetlensi F. Fridericus Professor Ordinis Cisterciensis

in Novo-Montensi Cænobio in finibus Austriæ & Stirie sito, qui per Abbatem de S. Cruce & preces Nobilium fuit institutus, ut Wolfgangus Abbas loquitur, de cujus successione omnes Abbatum Catalogi præter Chronosticorum Authorem conveniunt, sicut etiam recentior catalogus in anno ipso mecum convenit. [7.]

Dum hæc circa Abbatiam geruntur, interim Monasterio unà cum grangiis suis spoliato ut subveniri possit, bona quædam vendere cogebatur Conventus, quæ tamen, quia penitus alienari non poterant, redimenda forent. Unde D. Purchardus dictus Druckfels & filius ejus natu major Haydenricus tunc temporis in Græb residens, fatentur se ad dies tantum vitæ suæ emisse curiam seu grangiam Monasterii in Zwetl cum omnibus pertinentiis suis dictam Neuntzen, quæ pertinentia in littera eadem exarata sunt. Testes sunt, & unà cum sigillis suis hanc emptionis litteram mununt patruus aut patruelis ejus Wlfinus dictus Druckfels, & affinis ejus Otto Waser Præfectus in Wiltperg. Datum Anno Domini 1410. in festo Georgii. [8.]

Ordinis demum Carmelitarum Generalis, qua tamen occasione, nescitur, videns vel audiens devotionem Fratrum de Congregatione B. Mariæ V. sub titulo Compassionis ejusdem instituta in Ravings, quod Filiale Sacellum matricem respicit suam in Windigsteig, unde non procul distitum est, eosdem Fratres de Congregatione dicta donavit eâ gratiâ, ut de bonis operibus, quæ per Ordinem de Monte-Carmeli universum fierent, participarent, ac si ipsi Fratres de Ordine præfato essent. Datum Anno Domini 1410. 10. Junii. [9.]

## ADDITIONES.

\* [1.] Ciacon. in Alexandro V. „ Cum „ autem Alexander graviter Bononiæ ægro- „ tare cœpisset, cognovissetque mortem pro-

„ pè instare, Cardinales ad se venientes, ad „ concordiam, ad pacem, ad tuendam Ec- „ clesiæ dignitatem adhortatur. . . . lacry- „ man-

K

„ mantibus omnibus, qui aderant, illud Sal-  
 „ vatoris verbum ægrè proferens : Pacem  
 „ meam do vobis, pacem meam relinquo  
 „ vobis, susceptis piè Sacramentis moritur  
 „ die Sabbathi ad V. Nonas Maji, noctis se-  
 „ quentis horâ 5. annò 1410. Pontificatûs  
 „ sui mense 10. die 8. ætatis verò suæ 71. se-  
 „ pelliturque Bononiæ in Ecclesia Fratrum Mi-  
 „ norum cum hujusmodi Epitaphio :

„ Summus Pastorum Alexander quintus,  
 „ & omnis

„ Scripturæ Lumen, Sanctissimus Or-  
 „ do Minorum

„ Quem dedit, & proprio, Cretensis,  
 „ nomine Petrus.

Migravit Annò MCCCCX.

Spondanus ad hunc ann. n. 1. „ Annò  
 „ Christi millesimò quadringentesimò decimò,  
 „ Indictione tertia, Mense Maji ex hac vita  
 „ quasi ex conditio obierunt tres Magni Prin-  
 „ cipes, Alexander Pontifex, Rupertus Rex  
 „ Romanorum, & Martinus Aragoniæ, eodem  
 „ ordine, quo modò nominati sunt, quoque  
 „ inter se succedebant. Prævit enim, qui &  
 „ ætate & dignitate ceteris anteibat, Ale-  
 „ xander; cum magna pro Ecclesiæ felici sta-  
 „ tu meditatus, in procinctu rerum geren-  
 „ darum in ægritudine incidens Bononiæ,  
 „ Cardinales ad concordiam & pacem, atque  
 „ ad Ecclesiæ dignitatis tuitionem adhorta-  
 „ tus, approbatisque rursum Concilii Pisani  
 „ Actis, suis benedicens obdormivit in Domi-  
 „ no die 3. Maji. - - - quem venenato  
 „ clystere sublatum, existimatum esse, Anto-  
 „ ninus scripsit; assentiturque de veneno Mon-  
 „ streletus. „

[2.] Diaconius in Joanne XXII.

Spondanus hic n. 2. „ Finitis de more  
 „ exequiis & Missâ de Spiritu S. celebratâ  
 „ Cardinales 17. qui ibidem Bononiæ erant,  
 „ ingressi Conclave decimâ quartâ die Maji;  
 „ decimâ septimâ elegerunt in Pontificem  
 „ Balthasarem Cossam, sive Coxam, dictum  
 „ in Pontificatu Joannem XXIII. patriâ Nea-  
 „ politanum ex nobili sed mediocri familia;  
 „ præcipuumque Synodi Pisani auctorem,  
 „ & magnæ apud Alexandrum auctoritatis.  
 „ Suscepit autem consecrationis & coronatio-  
 „ nis solemniam die Dominicâ, vigesimâ quin-  
 „ tâ ejusdem mensis Maji. Qui olim ex  
 „ utriusque Juris Doctore, & Archidiacono  
 „ Bononiensi (unde & Cardinalis Bononien-  
 „ sis dicebatur) atque Papæ Protonotario  
 „ & Cubiculario, creatus à Bonifacio IX.  
 „ Diaconus Cardinalis S. Eustachii, & lega-  
 „ tioni Flaminii Præfectus, illâ ad eò præ-  
 „ clarè functus fuit, ut Bononiam ac plures

„ alias civitates à diversis tyrannis occupatas,  
 „ recuperaverit. Tradunt namque virum fuisse  
 „ armis quàm Religioni aptiorem, in tempo-  
 „ ralibus magnum, in spiritualibus modicum;  
 „ seu, ut Leonardus & Antoninus habent,  
 „ nullum. Quare & observat Gobelinus  
 „ Persona in suo Cosmodromio, qui cum eo  
 „ conversatus est, multos ex ejus electione  
 „ scandalum passos esse. Et Auctor Burde-  
 „ galensis, de quo aliàs, fuisse quidem eum  
 „ à Cardinalibus Neapolitanis & Gallicis fa-  
 „ cile electum; at verò Cardinalem Burdega-  
 „ lensem nunquam voluisse consentire, di-  
 „ centem se potius eum in Regem vel Impe-  
 „ ratorem electurum: sed & Cardinales Ro-  
 „ manos, qui tres erant numero, restitisse ei  
 „ initio, verum postea acquievisse; at Burdega-  
 „ lensem firmum in sua sententia permanisse.

„ Semper autem ad Pontificatum aspirasse  
 „ narrat Platina in ejus vita; adeò ut cum  
 „ susceptis Bononiæ Doctores insignibus  
 „ Romam iter instituens interrogatus esset ab  
 „ amicis, quò proficisceretur, responderet:  
 „ ad Pontificatum. Sunt tamen, qui scripse-  
 „ rint, eum violenter creatum esse, quod &  
 „ legatus Bononiensis (ubi electio fiebat)  
 „ esset, & armatos milites tum in urbe, tum  
 „ in agris pro statione haberet: vel etiam lar-  
 „ gitione, distributis Alexandrò mortuò  
 „ muneribus pauperibus Cardinalibus Grego-  
 „ rianis: aut denique ambitu, quòd Ludovi-  
 „ cus Rex audito Alexandri obitu, cùm non  
 „ longè abesset cum navium classe, quemdam  
 „ Oratorem suum ad Cardinales, antequam  
 „ Conclave ingrederentur, miserit pro com-  
 „ mendatione ejusdem, quem suum singula-  
 „ rem amicum esse dicebat. Denique ipsum  
 „ semet Pontificem declarasse, ceteris præ  
 „ metu contradicere non ausis, Bergomensis  
 „ narrat. Quorum tamen pleraque vana esse,  
 „ nihil dubitamus; cùm nec Niemus ejus hos-  
 „ tis, & in omnes maledicus, ei aliud obji-  
 „ ciat, quàm prædictam commendationem  
 „ Ludovici Regis, nec in criminationibus in  
 „ eum in Concilio Constantiensi acerbissimè  
 „ congestis aliud dicatur, quàm generatim,  
 „ quòd tantum prædicare sciverit, ut in Ro-  
 „ manum Pontificem electus extiterit. Man-  
 „ sit autem toto eo anno Bononiæ, tractans  
 „ interim cum Ludovico & Florentinis de  
 „ bello contra Ladislaum Regem, cui erat in-  
 „ sensissimus, pro defensione Ecclesiæ geren-  
 „ do; de quo dicitur anno sequenti „

[3.] Aventinus Annal. Boior. lib. 7.  
 „ Iisdemque diebus cùm latid flamma discor-  
 „ dia perniciosa proferperet, Alexander at-  
 „ que Rupertus Cæsar naturæ concedunt,  
 „ „ annò

„ annò ab orbe servatò 1410. Curiati Principes Francofordiæ Cæsaræ Comitia habent, Mogontinus atq; Agrippinensis Archimystæ Judocum Brandenburgensis arque Moravici limitis Præfectum, filium Joannis: Treverorum verò Pontifex, & Ludovicus Præfectus prætorio Rheni filius Ruperti Cæsaris, Sigismundum Regem Ugrorum rebus imponunt; fuere itaque ea tempestate tres Cæsares Wenceslaus Rex Boiemie, frater ejus Sigismundus Rex Ungariæ, & horum patruelis Judocus. Omnes pronepotes D. N. Imp. Hainrici Septimi Cæsaris Augusti. Item tres Pontificatu Maximo lethali ambitu disceperant. „

Magnum Chronic. Belgicum suprâ ad ann. 1402. sub n. 9. à nobis relatum, ubi ita prosequitur: „ Hæc ex Chronicis. Unde Gobelinus: Electores venerunt apud Francofordiam pro Rege eligendo. Et Archiepiscopus Treverensis, Ludovicus Dux Heydelbergensis Palatinus Rheni, & Burgravius Nuremberg. ut Procurator Marchionis Brandenburgensis ( quantum ad electionem pertinebat ) elegerunt Dn. Sigismundum Regem Ungariæ fratrem Regis Bohemie, ad quem spectabat Marchia Brandenburgensis, in Regem Rom. Archi-Episcopus Colonienfis & Moguntinenfis adhuc in deliberatione persistentibus. Sed Rex Bohemie & Dux Saxonie ad electionem non venerunt. Et statim Archi-Episcopus Moguntinus mandavit ne oppidi Francofordiæ aperirentur Ecclesiæ, ne illi, qui elegerant, electionis factæ publicationem & solemnisationem consueta perficiendi haberent facultatem. Unde illis venientibus ad fores Ecclesiæ, nec ingressum habere valentibus, electionis illius publicatio retrò Chorum ipsius Ecclesiæ facta est per eosdem. Sed postea Moguntinenfis & Colonienfis Archi-Episcopis iterum convenientibus, Judocus Marchio Moraviæ vir grandævus per ipsos in Regem est electus. Qui post eodem anno defunctus est; & deinde prædicti Archi-Episcopi Moguntinenfis & Colonienfis in Regem Ungariæ suprâ dictum cum aliis consenserunt. „

Item Octavius Strada ibidem relatus, Cuspinianus in Cæsarib. sub Judoco.

Spondanus hic n. 7. „ Audito ejus ( Ruperti ) obitu confestim Joannes Pontifex ( ut narrat Platina ) Oratores ad Electores Imperii misit, oratum, ut Sigismundum Hungariæ Regem Imperatorem crearent; Virum strenuum ( ut dicebat ) & ad omnia fortiter agenda promptissimum: hæc

ratione sibi hominis gratiam aucupans, & ad sui Pontificatus protectionem præparans. At nihilominus prælatum ipsi primò fuisse patrualem ejus Judocum Moraviæ Marchionem cognomine Barbatum à prolixa, quam gestabat, barba, multi scribunt; cum quidam eum ante Rupertum creatum dixerint, sicuti monuimus in depositione Wenceslai. Eum tamen verè post Rupertum non ante regnasse, ut ceteros taceamus, fidem indubiam Niemus facit, tunc vivens & videns; dum in vita Joannis Papæ scribit primò annò ejus Pontificatus mortuum esse Judocum Marchionem Moraviæ, fratruelem Sigismundi, in Romanorum Regem paucò elapso tempore. „ prius electum; & ejus locò electum fuisse Sigismundum. Et inter Constitutiones Imperiales reperitur ejusdem Judoci Romanorum Regem sese nuncupantis constitutio de resistendo Regiæ Majestati, si contra ordinationes Imperii fecerit; quæ data ponitur Francofordiæ annò millesimò quadringentesimò decimò, Regni ejus primò.

„ Difficultatem diremisse videtur Gobelinus Persona, dum refert schisma fuisse inter Electores, duobusque abentibus tres ex aliis elegisse Sigismundum, Judocum, nempe Moguntinum & Coloniensem restitisse, atque impedisse, ne Sigismundi electio publicaretur; eosdemque postea elegisse Judocum: cum verò is obiisset, consensisse cum ceteris in Sigismundum. Ponitur autem Judocus ab Onuphrio creatus duodecimò Calendis Octobris; cum inter-regnum à morte Ruperti (cujus obitum Calendis Junii ponit) fuisset trium mensium, dierum decem & novem, regnassèque sex mensibus. Fuissetque ætate valde provecum, ac propemodum nonagenarium, penèque nihili, auctores tradunt: unde & quòd brevè vitam finierit; sed nec ipsà primà coronâ argenteâ, quæ Aquisgrani sumi consuevit, fuerit insignitus; haud mirum, si à multis non numeretur inter Romanorum Reges aut Imperatores. „

Struno in Annalib. Carinth. lib. 9. c. 48. ubi producit Epitaphium, quod in Heidelberg ad S. Spiritum in loco sepulturæ legitur: Rupertus Rex Bavarie, Comes Rheni Palatinus, Rom. Rex, justus, pacis & Religionis amator, dignus Deo visus, qui pro justitia pateretur; hujus sacræ ædis & Collegii Institutor; hic cum castissima conjuge Elizabetha, Norici Montis Burgravia quiescit. Vita functus, annò Christi 1410. Junii 15. „

Item c. 51.

K 2

[4.]

[4.] Gerardus de Roß lib. 4. „Anno sequenti (1410.) quo, Rupertus Imperatori defuncto, successus fuit Sigismundus Hungariæ Rex, ingens per æstatem pestis Viennæ ac Neapoli orta, sex menses tenuit. „Albertus igitur reliquâ Viennâ, in arcem Starckenbergam ab aëris salubritate commendatam à suis deducitur. Hanc occasionem, declarandi sui in principem studii, „Rembertus haud negligendam ratus, arcem in suam potestatem redigit, adjutus ad hoc fideli opera Leopoldi Eckerfavi.

„Post paucos admodum dies, rebus pro præfenti copia ordinatis, Egemburgum unâ cum Principe profecti, litteras inde ac nuncios ad omnes Austriæ Ordines dimitunt, „Principem in sua potestate haberi, itaque veniant, ipsiſumque jam pubertatis annos attingentem, è tutela exemptum, rebus imponant. Dum ea inter ipsos consilia agitantur, interim Leopoldus Viennæ in palatio graviter ægrotare cœpit. Habebat in altero crure fistulam, quam vocant suppurantem, ex vulnere olim arcus dislocati nervo illato, quam contumacem admodum,

„exquisitissimis quibusque remediis expugnari, fluxumque fisti omnino volebat. „Quamquam verò Medici & Chirurgi summum in ea curatione vitæ periculum esse dicerent, ille tamen extrema adhiberi remedia jussit. Obduſto itaque vulnere sanguis & sanies, quæ semel eò derivari adſueverat, intercluso meatu per os ac nares ea vi ebulliit, ut obitum illi, quod Medici prædixerant, ea res maturaverit. Corpus ejus ad D. Stephani Majorum sepulchro illatum. Uxor ei fuit Catharina Philippi „Audacis, Sequanorum Principis filia, ex qua secundum Lazium unicam reliquit filiam, Comiti Goricensi nuptam; alii nullam ei prolem fuisse dicunt. Fuisse proditur &c.

„*ut in textu nostra.* „[5.] Chronic. MS. in Calendario suo sub mense Julio.

[6.] Ex littera quadam.

[7.] Wolfgangus Abbas in sua Abbatum Zwetlensium serie.

Chronicon suprâ citatum.

Recentior Abbatum Catalogus.

[8. & 9.] Ex Autographis ipsorum.

## Annus Christi MCCCCXI. Monasterii CCLXXIII.

*Pont. Rom.*  
Joannes XXII.

*Imp. Rom.*  
Sigismundus.

*Archidux Austriae*  
Albertus V.

*Episcopus Pataviensis*  
Georgius.

*Abbas Zwetlensis*  
Fridericus.

**R**upertus anno priore, atque etiam Jodoco Romanorum Regibus sublati, Moguntinus Comitibus Electoribus indicit, ad quæ cum Sigismundus Rex Ungariæ, tanquam Marchio Brandenburgensis, qui unus Electorum habetur (licet etiam Wenceslai Ignavi Bohemiæ Regis, fratris sui nomine, tanquam Regni Bohemiæ Administrator, penes cujus Regem electio quoque Cæsaris locum habet, adesset) venisset, dignitatisque Regiæ gratiâ primus sententiam esset rogatus de Cæsare nominando, ipse se nominavit: „Me, *inquiens*, ego novi, alios non itidem, „an æquè mecum imperium orbis digni sint, præsertim in tanto rerum motu, quo Italia quoque schismate „ibi durante plurimum laborat. „Mirati hanc tam liberam & apertam Sigis-

mundi vocem ceteri Electores, communiſque assensu illam approbantes, ipsum Sigismundum Wenceslai fratrem Cæsarem consalutant. \* [1.] Qui suscepto Imperio verba factis complevit, uti postea patebit.

Leopoldo Archiduce mortuo, Proceres Austriæ jam neminem superesse putantes, qui moram rebus aut impedimentum esset allaturus, Viennam cum Principe Alberto V. jam annum quintumdecimum agente proficiscuntur. Cumque in itinere essent, Archiducis Ernesti litteræ superveniunt, quibus ipsorum consilia atque iter approbabat, ac Albertum ad suscipiendam rerum gubernacula invitabat. Itaque cum celeberrima pompa Urbem ingressus, solemnissimè excipitur à Clero, à Magistratu, à populo, ab Universitate, ex qua Franco

Franco quidam Theologus eximiè perorans, in nomine Alberti lusi, quod sonat germanis Albrecht / quasi diceret, Alwegrecht / id est, semper æquus, quo nomine patrem suum, avum suum, proavum suum, abavumque suum optimos pientissimosque Principes fuisse insignitos memoravit, in quorum mores vitæque instituta ipsum quoque abiturum spes esset. Hanc orationem non satis æquis auribus Ernestus & Fridericus Archi-Duces excipere videbantur, quod sui nullam in ea mentionem factam audirent, atque idè suam quisque domum abière. Interea Austriaci, ut sub novi Principis Imperio omnia essent tutiora, Reimbertyum Waldseium spectata multis magnisque tempestatibus in Principem fide (erat hic de progenie Chünringiorum Fundatorum nostrorum) Præfectum aulæ creant, utque regio omnis latrocinii ac rapinis

purgaretur, Peregrinum Puechaimium Magistrum Equitum ( Mareschalcum Provinciale vocant ) & cordatissimum quémque ex Proceribus, publicis muneribus præficiunt. Hinc à bellis civilibus Austria respiravit. [2.] Hæc Gerardus.

Struno addit Ernestum Archi-Ducem Reinberto de Waldsee multa castra ac bona in Stiria sita propterea occupasse, quòd Albertum sine suo aut Friderici Fratris consensu tutelæ eximere & regimini præficiendum Proceribus tradere ausus fuisset, quæ tamen omnia ad Alberti cum Ernesto conventionem Annò MCCCCXVII. eidem restituta fuisse scribit, nomina illorum sunt : Utrumque Rakepurgum, Gebenicum, Stettenbergum, Eibeswolda, Gortschacum, Neoburgum ad Gercker (foris fluvius) situm & Windischgrätz, aliæque bona Waldseii in Stiria sita. [3.]

## ADDITIONES.

\* [1.] Dubravius Histor. Bohemic. lib. 23. Cuspinianus in Cæsarib. sub Sigismundo. „ Sigismundus filius Caroli IV. Imperatoris „ ex Johanna conjuge ab ineunte ætate fratrem Venceslaum indole, virtutum decore, ac eruditione superabat. Adèd ut illud „ Poëtæ : Fratrum quoque gratia rara est, verum dici possit. Crevitque indies mirum „ in modum in Principem strenuum, & ad „ fortissima quæque peragenda promptissimum. Facile æquaturus Carolos & Orthodoxos, si ad pacis artes ( quibus excelluit ) „ parem belli felicitatem addidisset. Nam „ & majestate Regia, quam in procero ostentabat corpore, & liberalitate ac munificentia, „ quam multarum linguarum peritiâ insigniorem reddidit, omnes facile suæ ætatis Reges antecellebat. Quibus effectit, ut „ Ludovicus Hungarorum Rex, cui unica erat „ filia Maria, ultima proles Divi Stephani Regis, hunc sibi optaret generum, eique eam desponderet puero pene. Sed priusquam adolesceret, Ludovicus diem suum obiit. . . . . Interim Imperii Principes crebrò convenientes Venceslaum tanquam ineptum Imperio deturbant, suffectis aliis „ Principibus, nunc Jodoco Marchione, nunc

„ Friderico, nunc Ruperto. Sed hoc defuncto Sigismundum concorditer (suasu, ut aliqui tradunt Joannis XXIII. Pont. qui Electores rogasse fertur) Romanorum Regem denunciant ac instituunt. „

Aventinus Annal. Boior. lib. 7. „ Circa idem tempus Judocus, dum Francofordiam petere parat, absque liberis moritur, Brunna in Templo Augustinianorum sepelitur, „ Brandoburgium ad Sigismundum, Moravia ad Wentzeslaum redit. Et Francofordiæ „ rursus septem-viri coeunt, Sigismundum denudò Cæsarem consalutant. „

Megizerus in Annal. Carinth. lib. 9. c. 51. „ Struno in Annal. Superior. Austriæ hoc anno.

Piespordius in Sigismundo. „ Sigismundus Luxemburgicus, Rex Ungariæ XXX. coronatus est annò 1386. Mortuò Ruperto „ Bavarò Rom. Imperator annò 1411, defuncto etiam Venceslao fratre Rex Boemiæ „ XIV. declaratus est. „

[2.] Gerardus de Roó lib. 4. fermè ad litteram.

Struno in Annal. Superior. Austriæ hoc anno.

[3.] Idem eodem.

L

Annus



## Annus Christi MCCCCXII. Monasterii CCLXXIV.

*Pont. Rom.*  
Joannes XXII.

*Imp. Rom.*  
Sigismundus.

*Archi-Dux Austriae*  
Albertus V.

*Episcopus Pataviensis*  
Georgius.

*Abbas Zweilensis*  
Fridericus.

**S**igismundus Romanorum Rex ab initio Principatus nihil antiquius effe ducens, quàm uti diuturna inter Ecclesiasticos dissidia componeretur, missis ad ipsorum Primates Legatis, Generale Concilium jam ante promissum urgebat, donec tandem à Joanne XXII. Constantia Sueviæ civitas Concilio locus constitueretur, quò ad statutum diem conveniretur. \* [1.] Dubravius vult ipsum Sigismundum totam penè Europam, [2.] ut nimirum factò demonstraret, quod verbò in Electione sua declaraverat. Et præstantissimus omnium factus fuisset Imperator Sigismundus, si animi magnitudini ejus in gerendis bellis fortuna non restitisset.

Dum hoc labore Cæsar fungitur,

interea bellum intestinum nascitur Friderico Austriaco in Tiroli sua, Rotenburgicus enim Comes insensissimus Archi-Duci factus, Baviaræ regulos in Athesinam vallem evocat, & ad evastandam terram inducit, qui tamen interveniente Georgio Pataviensium antistite arma rursus deposuere bienniò, quo exspirante canales salis ad Halam invaduntur à Bavaro, quem rursus cum Austriaco composuit Eberhardus Kirchengicus Episcopus Augstanus. [3.] Postmodum Friderico contra Tridentinum Episcopum Georgium Liechtenstainium militem educenti, & ipsum de Tridento cedere cogenti initium malorum fuit, quæ in Concilio Constantiensi ipsi multas civitates & ditiones devoravere, uti suo tempore patebit.

## ADDITIONES.

\* [1.] Gerardus de Roó Histor. Austriac. lib. 4. exscriptus.

Spondanus ad ann. 1413. n. 5. „ Joannes autem Pontifex de Concilii celebratione, quam Romæ faciendam indixerat, alio commodo loco habenda sollicitus; cum audisset Sigismundum in Lombardiam venisse (non quidem ut Corius putavit, ad coronam secundam Imperii Mediolani accipiendam, cum nondum hoc tempore, ut aliàs vidimus, primam Aquisgrani accepisset; nisi fortè fidè id obtenderet, sed potius, ut ex Niemo & Platina, atque Venetis & Hungaricis Scriptoribus intelligitur, occasione simultatum, quas possessionis Dalmatiæ causâ cum Venetis gerebat, quæ hoc eodem anno per quinquennales inducias prolationem acceperunt) & cum non minus de pacificanda Ecclesia sollicitum, post rem litteris ac nunciis inter eos agitatum (ut Antoninus, ipseque Pontifex litteris indicationis Concilii Constantiensis declarat) misit Pontifex duos Cardinales prædictum „ Antonium de Chalanto tit. S. Cæcilie Pres-

byterum natione Sabaudum, & Franciscum „ Zabarellam Patavinum Sanctorum Cosmæ „ & Damiani Diaconum, unà cum Emmanuele „ Chrysolora nobili Constantinopolitano, ac „ plena potestate conveniendi de loco & tempore celebrationis Concilii. Conventumque demum fuit de loco Constantiæ civitatis provinciae Moguntinae (amplè satis ad recipiendam magnam hominum multitudinem, ac situ, quasi in medio nationum, quæ ad Concilium accessuræ essent, positæ) „ ac de tempore Festi Omnium Sanctorum anni proximi 1414. Qua in re non videtur prætereundum (inquit ex Leonardo „ Aretino idem Antoninus, & ex hoc Nauclerus) eam aliter, quàm Pontifex cogitaverat, divino nutu contigisse. Nimirum cum veller ipse omnino locum statui, in quo non plus posset Sigismundus, adeoque ideo deliberasset tradere quidem palàm amplissimam legatis suis facultatem, privatim tamen certa loca iisdem præscribere, proficiscentes hortatum ad munus legationis „ diligentissimè obeundum, quos sciret pruden-

„ dentiâ,

„dentiâ, & fide ad optima quæque & salutaria deligenda excellere, momentò temporis propòsitum diu cogitatum immutatum dixisse iisdem: decrevisse fe quidem loca quædam indicare, à quibus nullo modo discederent, sed in hoc temporis pun-cto sententiam fe mutare, ac ipsorum prudentiæ totum committere: chartulàmque in qua loca scripta erant, in eorum conspectu lacerasse, absque ulla alicujus loci nominatione. Acceptâ autem à Legatis Constantiâ, urbe Transalpina, & Imperio subiecta, incredibiliter Pontificem indoluiffe, quasi inde penderet ejus ruina.

N. 6. „Re autem sic inter Sigismundum & Legatos constituta, idem Sigismundus literas publicas scripsit è loco Viglud Comanæ diocesis die penultima Octobris anni 1413. regniq; sui Romanorum quarti: quibus narrans quæ cum prædictis Legatis Joannis Pontificis constituisset, universis ad Concilium Constantiam venturis securum commearum plenamque libertatem tam in accessu, quàm statu & recessu promissit. Aliàsque speciales in eundem sensum direxit postea Gregorio, hortans ad unionem Ecclesiæ, & securitatem tam ipsi, quàm omnibus ejus obedientibus promittens. Sicuti & Magistratus Constantiensis per acta publica juravit servare certa capitula à Joanne Pontifice proposita pro eadem sui ac suorum plenissima libertate accedendi, standi, & recedendi, atque exercitio jurisdi-ctionis & auctoritatis suæ. Idemque Joannes convento post hæc eodem Sigismundo apud Placentiam, inde cum illo Laudam petiit. Ubi Joannes publico diplomate dato quintò Idus Decembris annò Pontificatus quartò prædictam loci & temporis electionem auctoritate Apostolica confirmans, Concilium Generale indixit; ad idque omnes Prælatos, Reges ac Principes invitavit. Quando & Sigismundus ad singulos pariter Reges ac præcipuos alios Principes nuncios suos dirigens, quibus eos de his certior redderet, & ad consentiendum hortaretur, ut sciri posset, quis ex tribus contententibus verus esset Pontifex, misit etiam, (ut ait Monachus Dionysianus) ad Regem Francorum: qui respondit se in tollendo schismate multum defudasse, ut notissimum universo orbi erat, creato legitime Alexandro V. adhæsisse, ac postmodum Joanni; ac nihilominus votis dilectissimi cognati sui Regis prædicti assentiendo, permissurum se cuicunque volenti ad Concilium ire.

Nauclerus Generat. 48.

[2.] Dubravius lib. 23. „Ut ostenderet (*Sigismundus*) non tam se honoris ambitiosum, quàm laboris pro Repub. Christiana subeundi cupidum esse, ut illam videret licet in pristinum statum erroribus & schismate sublati reduceret, laboriosissimam. peregrinationem oblit, qua magnam partem Europæ peragravit. Dum Italos, Gallos, Hispanos, Britannos, & alias nationes ad Concilium Constantiæ in Germania celebrandum contrahit,

Cuspinianus in Sigismundo. „Latitabat tum (*Ladislaus Rex Romani miserè devastante*) Johannes Bononiæ, incertus, quò se verteret. Sed Sigismundum audiens electum, rogat ut urbem pro Concilio assignet. Est itaque Constantia urbs Germaniæ insignis, Italis, Gallis, & Germanis apta, & victualibus admodum abundans à Cæsare designata pro futuro Concilio. Ad quam omnis populus Christianus citatus est. Egredihinc facinus Augusto dignissimum, quod nulla unquam ætas obliviscatur. Peragratistis enim universæ penè Europæ provinciis, totò trienniò omnes Principes, Reges, ac Pontifices adit, quo schisma Christiano nomini calamitosissimum tolleretur, & Concilium Constantiæ fieret omnes obtestatus, ut per se, vel suos Oratores convenirent, cum pleno (ut ajunt) mandato.

Notæ ad Concilium Constantiense sub lit. F. Tomò Conciliorum nobis vigesimò nonò, editionis Parisiensis è Typographia Regia. Pro eo igitur tollendo schismate Sigismundus Romanorum & Hungariæ Rex, nondum factus Imperator, paternæ pietatis æmulator, maximos subiit labores & sumptus itinerum. Ejus enim rei gratià peragravit primò Italiam, deinde Gallias, Hispaniàsque & Angliam. In Italia sanè à Joanne XXIII. obtinuit, ut Concilium indiceret Constantiæ celebrandum, in quo postea effecit, ut rejectis omnibus tribus, qui Papæ auctoritatem sibi arrogabant, unus legitime in Concilio crearetur Papa, Ortho Cardinalis de Columna, dictus Martinus V. Qua de re sic habet in vita Sigismundi Baptista Egnatius. Illud autem nulla unquam ætas obliviscatur, quòd per triennium magnam Europæ partem iple peragravit, dum Principes Christianos ac Pontifices adit, quòd schisma Christiano nomini calamitosissimum tolleretur. Nec alterius Principis opera magis enituit in vera pietate vindicanda.

[3.] Gerardus de Roó lib. 4. „Fridericum

ricum domi turbæ exceperunt, quarum concitator præcipuus erat Henricus quidam Rotemburgicus, magnâ potentiâ & clientelis subnixus, quique inter omnes totius regionis Optimates maximè unus præminebat. Erat enim Athefinæ ditionis, vetustæque arcis Tirolis (unde regioni nomen) & aliorum aliquot locorum Præfectus. Nec deerant ex Ecclesiasticis quoque & Equestri Ordine nonnulli, qui Principi minis obsequentes, adversos de ipso rumores ferebant, neque alio ferè nomine, quàm Fridericum cum vacua pera, vulgò appellabant. Athorum contumelias facilè dissimulabat Fridericus; ab Henrico major metus incumberebat, ut qui Summo Magistratui absque collega præfectus, maxima secum momenta rerum traheret. Nec defunt exempla, quibus docemur summa ferè imperia ab iis vel everti vel occipari, quibus maximi honores à Principibus delati fuerant. Henricus igitur exasperatò in Principem animò, Stephanum Ingolstadtensem, Ernestum ac Wilhelmum Monachienfes, Bavarie Regulos multis magnisque promissis, uti Friderico bellum inferant, inducit tempus jam esse, quo provinciam à suis olim Majoribus, qui Romanorum inde arma depulissent, possessam, sibi vindicare sinè magno negotio possint, omnia propterea atque facilia esse, imparatum à bello illum, mórque à suis, quibus odio esset, deferendum, se quoque vires non contemnendas ad hanc rem allaturum. Hanc occasionem arripendam Principes rati, arma expediunt, & conscripto milite, Oeni vallem ingressi, Halam oppidum salis proventu nobile, obsidione cingunt.

„Erat eo tempore Pataviensium Antistes, Georgius ex vetusta Comitum ab Hohenloë (aliàs alta flamma) gente oriundus,

„ejus interventu, factis in annos duos Inducii, ab armis cessatum est. Henricus interim neque à contumeliis Principi facientis, supersedebatur ipse, & aliis uti idem facerent, exemplo & autoritate præibat, multosque sui ordinis, & ex reliqua nobilitate in suas partes pelliciebat, rusticos interim suis jurisdictionibus subditos, multis impositis oneribus impotentiùs divexabat. Sub finem induciarum Stephanus Boiorum Dux Halam redit, ac canales, quibus salis rivi ex vicino monte deducuntur, destruit. Intercedente Eberhardo Kirchbergico, Augustano Episcopo, res componitur, & Stephanus domum reverfus, circa finem mensis Septembris ex hac vita migrat. Circa hæc tempora magnus Tridenti motus, & belli intestini initia exitière. Tumultuabantur nonnulli è populo & plebe Tridentina contra Georgium Liechtenstainum Episcopum ab Ecclesiasticis electum. Eorum furorè ducem se obtulit Rudolphus quidam ex nobili Bellenzonorum gente oriundus, summam rei, Episcopò ejectò, apud suos affecturum se sperans, cujus rei haud infuscus esse Fridericus à nonnullis dicebatur. Is cum imperiosius jam agere, & Episcopo gravis esse inciperet, Henricus Rotemburgicus, qui sedes & amicitiam cum Episcopo habebat, Tridentum profectus, urbem nec opinatò impetu in potestatem redigit, plerisque locis incensis, & civibus motu quiescentibus, Rudolphum nullâ interjectione morâ capitali supplicio affici jubet. Fridericus hæc suo injussu, in amica civitate, ab homine insensibilissimo facta, ægermine ferens, cum armis eò accurret, ad cujus adventum Episcopus urbe excedit, oppidani Archiducis fidei se suâque committunt.

## Annus Christi MCCCCXIII. Monasterii CCLXXV.

*Pont. Rom.*  
Joannes XXII.

*Imp. Rom.*  
Sigismundus.

*Archidux Austriae*  
Albertus V.

*Episcopus Pataviensis*  
Georgius.

*Abbas Zwettlensis*  
Fridericus.

**E**Rant hoc anno tres, quorum quisque verum se Pontificem ferens, ceteros vitiò creatos contendebat. Joannes XXII. Romam cum Italia & Germania pleraque additam sibi habebat, & majorem orbis Christiani partem; Gregorius verò & Benedictus Pisana

Synodo exauctorati Cardinales nihilominus creabant, neque Pontificatui sese abdicare volebant. Ex iis Joannes Sigismundo intimaverat, Constantiam se venturum, ea lege & conditione, uti à Friderico Austriaco ab Alpium descensu deduceretur, cujus fidei se committere

tere decrevisset. Inter conditiones hanc quoque fuisse quidam scripserunt, quòd si vel ob aëris qualitatem Constantia, vel alia quavis ex causa minùs ipsi placeret, aut securitati Pontificiæ non satis opportuna videretur, ut in alia quavis civitate Imperiali sub fide & tutela

Sigismundi esse ipsi liceret, aut si mallet, ex Friderici civitatibus aliquam eligeret, in qua moraretur, ità tamen, nè ante Concilii finem longiùs abeat. Dies igitur ad conveniendum Constantiam statutus ad Calendas Novembris anno sequenti. [\*]

[\*] Gerardus de Roß ad præcedentem annum sub n. 3. relatus, paucis mutatis exscriptus.

## Annus Christi MCCCCXIV. Monasterii CCLXXVI.

*Pont. Rom.*  
Joannes XXII.

*Imp. Rom.*  
Sigismundus.

*Archi-Dux Austriae*  
Albertus V.

*Episcopus Pataviensis*  
Georgius.

*Abbas Zwettlenfis*  
Fridericus.

**I**Tur hoc anno in magna frequentia à nationibus Constantiam, proficiscitur & Joannes Pontifex per Fridericum Austriacum ab Alpibus Italiae deductus, qui honorificentissimè suscipitur die Dominica quintò Calendas Novembris. \* [1.] Die igitur Nonarum Novembrium, Indiotione octava, Missâ de Spiritu Sancto cantatâ, per Joannem Papam XXII. inchoatum est Sacrosanctum Generale Concilium Constantiense, & feriâ sextâ decimò sextò Calendas Decembris ejusdem anni prima sessio habita est, in qua pertractatum est de per-

tinentibus ad prosecutionem Generalis Concilii & unionis faciendæ. [2.] Ad hoc igitur accersiti Gregorius XII. & Benedictus XIII. in Concilio Pisano jam depositi, quorum alter spontè se per procuratorem suum Pontificatu abdicavit, alter pertinaciter agens, tamen à Concilio depositus est. [3.] Præterea ad hoc accersitus Hus, tametsi Romam antè citatus ire noluerit, fide tamen publica à Concilio accepta, ipse primùm, deinde Hieronymus ejus Consecratus Constantiam, venit. [4.]

## ADDITIONES.

\* [1.] Ciaconius in Joanne XXII. „Eò (Constantiam) itaque ad certum diem ex instituto proficiscuntur nationes, proficiscitur & Joannes Pontifex, admonentibus tamen quibusdam nè id faceret; quòd vererentur, nè cùm Pontifex accederet, privatus revertetur, quod etiam contigit. Eò namque proficiscens cum viris quibusdam in omni genere doctrinæ præstantibus, annò 1414. mensè Octobri honorificentissimè suscipitur die Dominico 5. Cal. Novemb., qui Germanos multis disputationibus incertos & ambiguos tenuerunt, quid potissimum decernerent. „Cuspinianus ubi suprà ad ann. 1412. sub n. 2. relatus ità pergit: „Veniunt itaque Imperatoris Trapezuntini, aliorumque Catholicorum Regum Oratores, & universæ Christianitatis Principes, tantò numero hominum, qui nonaginta novem millia excedere visus

„est. Venerat & Joannes Pontifex &c. „Aventinus lib. 7. „Imperator Sigismundus eadem tempestate Venetis, Mediolanensibusque bellum indicit, cum Ungorum duntaxat manu fines illorum invadit, pleraque castella in ditionem redigit. Teutonum Principes edictò socia arma secum adversus hosteis Reipublicæ jungere imperat. Nè unus quidem paruit. Quamobrem Cæsar omisso tumultu bellico ad pacis studium animum adplicat. Joannem Pontificem Maximum adpellat, ut multorum capitum belluà à Templo Dei tollatur, Constantiam Rhetiarum quondam, nunc verò Sueviæ urbem, totius orbis Christiani Optimatibus literis evocat. Ibidem igitur Cal. Novembribus annò Christianæ Libertatis 1414. Ecclesiæ Latinæ frequentissimus Senatus undique coit. Populus Christianus in quin-

M

„ que curias divisus est, Italicam, Hispanicam,  
 „ Germanam, Gallicanam, Anglicam. Ex  
 „ quaque tribu sex suffragii delecti, penes  
 „ quos foret arbitrium decernendi, atque co-  
 „ gnoscendi, curialium consilia, causasque,  
 „ & ad Collegas referendi potestas. „

Spondanus ad hunc ann. n. 7. „ La-  
 „ dislai autem morte relevatus Joannes Pon-  
 „ tificex (ut Antoninus habet) cum nihil jam  
 „ esset, quod illum cogret ad Sigismundum  
 „ Regem Romanorum respicere; quia tamen  
 „ Concilium solemniter fuerat promulgatum,  
 „ & locus Constantiæ indictus, tempusque  
 „ præfixum prima dies Novembris, noluit  
 „ promissis deesse, quamvis multi ei contra-  
 „ rium suaderent, quod ei accidit, formi-  
 „ dantes & prænunciantes. Itaque Calendis  
 „ Octobris Bononiâ recedens per Veronen-  
 „ sem Tridentinumque agrum transmissis Al-  
 „ pibus Constantiam accessit; civitatem Ger-  
 „ manicæ provincie Moguntinæ ad Rhenum  
 „ lacumque amenissimum sitam eâ parte, qua  
 „ Helvetios respicit; quæ à Constantio Con-  
 „ stantini Magni patre nomen accepisse dicitur;  
 „ ibique solemniter acceptus est 18. Octo-  
 „ bris, quæ erat dies Dominica, festumque SS.  
 „ Apostolorum Simonis & Judæ, cujus in-  
 „ gressum specialius descripsit.

Nauclerus Generation. 48. „ Annò verò  
 „ Domini 1414. Concilium Generale Con-  
 „ stantiæ (quæ Suevorum urbs est) ad schis-  
 „ ma tollendum, quod supra 30. annos du-  
 „ raverat, Sigismundi Cæsaris jussu & indu-  
 „ striâ, Joannis quoque XXIII. autoritate  
 „ ceptum est celebrari. Tertia itaque die  
 „ ante festum Assumptionis B. Mariæ Virginis  
 „ venit illuc Jordanus Cardinalis Ostiensis  
 „ Episcopus, sequebatur cum non multo post  
 „ Johannes Papa, admonentibus quibusdam,  
 „ nè id faceret, quòd vererentur, nè cum Pon-  
 „ tificex accederet, privatus rediret. Verùm  
 „ his posthabitis circa Octobrem Bononiâ  
 „ movens per Veronensem Tridentinumque  
 „ agrum transmissis Alpibus accedens, proce-  
 „ densque in Vigilia Simonis & Judæ Con-  
 „ stantiam applicuit, & prima nocte in Cœ-  
 „ nobio Creuglingen dicto, extra portas ur-  
 „ bis mansit, ubi pro dono Abbatem Insula-  
 „ tum fecit. Mane factò obviam illi venit  
 „ Clerus totius urbis solenniter congregatus,  
 „ in processione cum Reliquiis, quam devo-  
 „ tissimè potuit, totaque civitas effusa est,  
 „ ducens eum honorificentissimè in Palatium  
 „ Episcopale; subsequuntur eum novem Car-  
 „ dinales, deinde civitas donum Italicum ob-  
 „ tulit more patriæ, scyphum ex argento de-  
 „ auratum quinque marcarum, vinum Itali-

„ cum, Alsaticum, ac provinciale, & 40. mal-  
 „ dra avenæ; sequenti feria sexta venerunt 6.  
 „ Cardinales de ejus obedientia. Dominica  
 „ ante festum Martini congregari fecit Johan-  
 „ nes Papa curiam; aderant omnes Cardina-  
 „ les, duo Patriarchæ, Archi-Episcopi plures.  
 „ In Vigilia S. Martini Episcopi fecit proces-  
 „ sionem solennem, venerunt iterum quinque  
 „ Cardinales de obedientia ejus. Sigismun-  
 „ dus Rom. Rex nondum aderat: is verò in  
 „ Vigilia Nativitatis Domini venit in Ubers-  
 „ lingen / quod oppidum distat milliare Ale-  
 „ manicum à Constantia. Sequebatur Re-  
 „ gem Regina, inde Rex certior fecit Pa-  
 „ pam de adventu suo, rogabatque, ut cum  
 „ Missis adventum suum præstolari dignaretur.  
 „ Noctu itaque ascendentes navem Constan-  
 „ tiam circa mediam noctem advehi sunt Rex  
 „ ipse cum Barbara Regina, Ciliæ Comitissa,  
 „ Sequebantur eam Regina Bosnenis Eliza-  
 „ beth, & Anna Comitissa de Wirtemberg ex  
 „ Burgravio Norinbergenfis nata. Associa-  
 „ tus Regi Dux Saxonie Ludovicus. Erat enim  
 „ frigus, unde ductæ sunt mulieres in æstuari-  
 „ um, ut calefacerent se ad horam. Deinde  
 „ cum faculis ardentibus intraverunt Ecclesi-  
 „ am Cathedralē, in qua Papa Johannes can-  
 „ tavit primam Missam; Rex verò legit Evan-  
 „ gelium, *Exiit edictum à Cæsare Augusto*, in ha-  
 „ bitu Diaconorum. Eo quoque die Papa reli-  
 „ quas ipse duas cantavit Missas, & solenniter  
 „ benedixit populum. Circa novum annum ve-  
 „ nit ad Concilium, Ludovicus Comes Palati-  
 „ nus Rheni & Dux Bavarie cum 400. equis, se-  
 „ cutus est eum paulò post Ludovicus Dux Sle-  
 „ siæ cum 200. equis. Secuti sunt illos innumeri  
 „ Principes tum Ecclesiastici tum Sæculares. „

[2.] Ciaconius ubi suprâ ad litteram.

Spondanus hic n. 8. „ Die igitur prima  
 „ Novembris, festo OO. Sanctorum celebratâ  
 „ Missâ à Pontifice, inter ejus sollemnia factò  
 „ sermone per quandam Doctorem, Franci-  
 „ scus Zabarella Diaconus Cardinalis SS.  
 „ Cosmæ & Damiani (Florentinus vulgò di-  
 „ ctus de Ecclesia quam rexit, Patavinus licet  
 „ Patriâ) schedulam, ut vocant, sive libellum  
 „ aut codicillum legit, de facta per eundem  
 „ Joannem Pontificem indictione hujus Con-  
 „ cillii, in continuationem Pisani, pro refor-  
 „ matione Statûs Ecclesiæ; deque illo incho-  
 „ ando die Sabbati sequenti tertiâ Novem-  
 „ bris. Eo verò in diem Lunæ quintam  
 „ mensis prorogato, tunc post solennem pro-  
 „ cessionem pro inchoatione Concillii, Mis-  
 „ sam de Spiritu Sancto, & sermonem de ma-  
 „ teria Concillii, indicta est Sessio in diem  
 „ Veneris decimam sextam ejusdem mensis.

N. 9.

N. 9. „Eaque adveniente celebrata est in Ecclesia Cathedrali Constantienſi Prima Concilii Sefſio. Qua poſt Miſſam per Jordanum Urſinum Romanum Cardinalem. Episcopum Albanum diſtam, cantatasque Litanias, & alias orationes factas, ipſemet Joannes Pontifex ſermonem habuit ad Synodum exhortans omnes ad ſolenter meditando, quæ ad Eccleſiæ ſtatum & pacem pertinerent. Deinde idem, qui ſuprà, Franciſcus Cardinalis Florentinus alta voce legit indiſtinctionem Concilii factam (ut vidimus) Laude quintò Idus Decembris anni Pontificatus quarti proximè præteriti. Subſecutæ item ex ſcripto admonitionem. Pontificis de expendis iis, quæ ad pacem Eccleſiæ, & errores Wickleſianos ſpectarent, deque modeſtia in Synodo ſervanda. Ac nè fortè occasione Sefſionum turbæ concitarentur, eadem auctoritate declaravit ex ordine ſedendi nullum alicui Eccleſiæ aut perſonæ præjudicium futurum.

„Poſt hæc creati ſunt Miniſtri & Officiales Synodi; videlicet quatuor Protonotarii, qui curam haberent, videndi & ordinandi omnia quæcunque in Synodo agerentur, & ſcribenda forent; ac totidem Notarii, & Scribe, qui prædictis ſubſeſſent, & in ſcripta redigerent. (Quos quidem ſingulos ex quatuor præcipuis Nationibus Italica, Gallica, Germanica & Anglica electos eſſe habent Acta edita; quippe ſub his quatuor Nationibus univerſæ aliæ comprehenſæ ſunt, quouſque recedentes Hiſpani à ſuo Idolo Petro de Luna, & ipſi ad Concilium acceſſerunt, & quintam Nationem conſecrerunt, ut dicitur ſub loco.) Itemque unum Concilii cuſtodem, qui fuit tunc Bertholdus de Urſinis Romanus Comes Suanenſis & Palatinus; quatuor Scrutatores votorum, Doctores Decretorum, quibus Scribe ſemper deberent adſtare: quatuor Juris Doctores Concilii advocatos, Petrum de Ancharano, Simonem de Peruiſo, Raphaelem de Fulgoſiis, & Ardecinum de Novaria: duos Concilii Procuratores ſeu Promotores; ac denique quatuor Magiſtros ceremoniarum. Hiſque geſtis indiſta eſt futura Sefſio in diem Lunæ decimum ſeptimum Decembris. Uti hæc omnia pluribus deſcribuntur in actis editis Synodi.

„Prolata autem eſt Sefſio in eum diem, eò quòd nondum adveniſſet Sigismundus Romanorum Rex, ſive Imperator; qui his diebus, hoc eſt, octavo Novembris coronam primam regni Romanorum accepit Aquisgranum, ut diximus alia occasione ſuperius.

„Quoniam verò non appulit Conſtantiam ante feſtum Nativitatis, aliæque ſupervenerunt impedimenta, & expectarentur Antiſtiſtes plures ac Principes, Regumque Oratores, dilata eſt ruſum Sefſio uſque ad meſem Martii anni ſequentis. Adeò ut præambula hæc tantum fuerint, ſive præparatio celebrationis Synodi.

[3.] Hæc hoc anno & in prima Sefſione non contigerunt, verum reſeruntur ſolum incidenter.

[4.] Dubravius lib. 23. ad litteram.

Aeneas Sylvius Hiſtoriæ Bohemicæ. c. 36. Placuitque tandem Sigismundo Imperatori ſuadente Joannem & Hieronymum ad Synodum evocari, qui cum ceteris ejusdem regni doctiores, tum populi Doctores (al. doctores) ac hæreſum Principes habebantur. Venerunt ambo non tam verecundè aliena diſcere, quàm ſua impudenter ingerere parati; docendi quippe quàm diſcendi cupidiores, & popularis amantes auræ. Spondanus ubi ſuprà n. 11. „De his verò initiis agens Jacobus Cerretanus in ſuis Diariis MSS. inter alia narrat, die decima octava Novembris poſtulant Cardinali Fratri Joanni Dominico Gregorii XII. Legato assignatum eſſe Coenobium S. Auguſtini Ordinis Eremitarum pro hoſpicio; cui cum inſignia Gregorii præfixiſſet, ea nocte inſeque deſecta fuiſſet. Diſceptatione ea de re facta, decretum eſt, non debere æ poni, in loco obedientiæ Joannis Pontificis. Die verò 18. ejusdem menſis Joannem Huſ, qui longè antè advenerat, quòd doctrinam Wickleſſi in hoſpicio diſſeminaret, nec motus deſiſtere velle, ductum eſſe ad Pontificem, & quodam Palatii cubiculo concluſum; cùmque miles quidam obtruderet ſalvum conductum, Pontificem negaſſe ſe dediſſe; ac nihilominus inde educum Huſ darum in cuſtodiam eſſe Epifcopo Lauſanenſi Apoſtolice Camere Regenti; commiſſosque eſſe ad eum examinandum quatuor Cardinales, unà cum Generalibus Ordinum Prædicatorum & Minorum, ſexque Archiepiſcopis & Epifcopis Viris doctiſſimis.

N. 12. „Venerat autem ille Conſtantiam hortatu Sigismundi Regis ad purgandam & ſuam & regni Bohemiæ inſamiam propter hæreſim, quam profiteri dicebatur: cui & idem Rex literas commatūs ſive ſalvi-conductūs dederat die 18. Octobris præſentis anni, quo eum omnibus, per quos tranſiret, commendaverat, nè quid ei impediementi fieret. Cùm & jam antè idem Pragæ ſtiplici perſcripto publicè libello, Domi-

„ nicā post festum S. Bartholomæi die 26. Augusti, professus iturum se Constantiam, ad respondendum de doctrina sua, rebusque omnibus, de quibus accusabatur, omnes adversarios suos monuisset adesse ibidem ad eum coarguendum: qui si eum de aliquo vel minimo errore in fide convincerent, non reculare se quascunque hæretici pœnas ferre. Tanto fastu, tamque impudenti arrogantia hæc præstans, ut eosdem libellos triplici lingua, Latinā, Teutonicā, & Boëmicā ubique dissemināset. Post quæ magnā pompā & multo amicorum comitatu Praggā exiens in pervigilio S. Galli (nempe 15. mensis Octobris, triduo ante diem Salviconductus Regis Sigismundi, atque adeo multo antequam eum reciperet: tanta erat sui rerumque suarum fiducia) & toto itinere honorificè ubique habitus, Constantiam pervenit Sabbatō post festum Omnium Sanctorum die 3. Novembris; & liberè ibi agere permixtus est, donec, ut diximus, errores suos & Wicklessi propalare cœpit. Quando & videns jam diu sibi infensos è Clero

„ Boëmico adversarios ad accusandum paratos & instructos, cœpit de fuga circumspicere, quam etiam quæsit curru rusticano straminibus oppleto: sed interceptus, ac reductus, custodiæ traditus est. „

„ Naclerus Generat. 48. rejicit dicta in sequentem annum, ubi sic habet: „ Circa hæc tempora Wenceslaus Rex Boëmiæ requisitus à Concilio misit Joannem Husad Constantiam cum Salvo.conductu Sigismundi Regis. Hic cū vidisset Concilium attendere facta sua, timore percussus aufugere parat, clāmque ascendit curru rusticano, & straminibus reclus exivit civitatem. Innotuit hoc Magistro Civium, qui convocatis satellitibus insecutus est eum: deprehensum in fuga reduxit: sit concursus populi ad spectaculū, & turbatione facta, inter manus reductentium elabatur, latibula quærens; sed mox deprehenditur, ac Johanni Papæ traditur, qui cum in Palatio tenuit octo diebus, deinde custodiæ mancipatur apud Prædicatores. Per hæc tempora & Hieronymus venit Constantiam cum uno Clerico. „

## Annus Christi MCCCCXV. Monasterii CCLXXVII.

*Pont. Rom.*  
Joannes XXII.

*Imp. Rom.*  
Sigismundus.

*Archi-Dux Austriæ*  
Albertus V.

*Episcopus Pataviensis*  
Georgius.

*Abbas Zwetlensis*  
Fridericus.

**C**oncilium anno priori inchoatum hoc anno continuatur, in cujus Sessione secunda de abdicatione Pontificatus transactum; cō res deducta est, ut in scripto Joannes Pontifex, quod coram Concilio legi jussit, abdicare se Pontificatu promiserit, cū verò moram traheret, & de Sigismundo, qui ipsi fugam disluaferat, portāsque civitatis diligentius custodiri jusserat, spem omnem abjiceret, cum Friderico Austriæ Archiduce fugæ consilium iniit, & civitatem peregrini in habitu incognitus exiens, ubi ad lacum pervenit, lembum ad hoc paratum conscendit, & remigiō usum Schasthusum proficiscitur. \* [1.] Quem Fridericus subsequitur. Vulgatā hujus fugæ famā, maximus per totam urbem tumultus exoritur, concurrunt passim & clamatur: Joannem & Austriacum nefarios homines Concilii perturbato-

res, quovis supplicio dignos esse. Interim Imperatori & Concilio litteræ redduntur, quibus factum uterque suum excusare nitebatur. Schasthusi Pontifex discesserat, & Friburgum atque inde Brisacum abiit. Imperator igitur offensus & Concilium, Episcopis maxime contra Fridericum in propria causa etiam clamantibus, qui erant Tridentinus, Brixinensis, & Curienfis, Austriacum Imperii ac Ecclesiæ hostem, Concilii perturbatorem pronuntiat, cui quicunque damnum atque incommoda inferre studeret, is non impunitatem solum, sed gratiam quoque & laudem sibi propositam esse sciret. [2.] Inde passim à vicinis Principibus & Comitibus ditiores ipsius invaduntur, simul etiam ab Imperatore Helvetii, cum quibus tamen fœdus illi erat, in eundem excitantur. Horum motibus auditis Fridericus tandem

dem auxilia circumspicere cœpit, cui operam suam Pontifex promissit in subministrando belli nervo pecuniâ. Dum hæc inter ipsos agitantur, commodum illi venit Palatinus Ludovicus, qui unicam rerum suarum recuperandarum viam restare Friderico demonstrat, si secum ad Sigismundum veniam petiturus proficiscatur, se velle pro ipso supplicem quoque fieri. Venit unâ cum Palatino Constantiam, quibus se supplicaturus adjunxit Fridericus Norimbergæ Burggravius. Hi in Franciscanorum Monasterio ad Cæsarem supplices admissi, eò rem deduxerunt, ut pacem & veniam Fridericus impetrârit, atque sua omnia in spem recuperationis ipsi Cæsari resignârit. [3.] Verum cum ab inimicis maximè impeteretur, & ab Imperatore etiam nil nisi verba & spem meram obtinere posset, Constantiâ in Tirolim abiit. Ernestus enim frater ejus Tirolim occupaverat, timens ne & ipsa provincia in alienas deveniret manus. Ubi cum Oeniponti Ernestus ordinum conventus ageret, natus est ei ex Cimburcha Semoviti Maslovix Ducis filia, Fridericus Romanorum postea Imperator. Fridericus verò in Tirolim veniens etiam cum fratre in dissidium sue provincix venit, qui tamen tandem cum Tridentino & fratre in gratiam rediit. Atque ideo pluribus exutus provinciis cognominabatur Fridericus cum vacua pera, vulgò mit der lãhren Taschen. [4.] Interea sub Alberto Austria tranquillo rerum statu florebat, omnibus latrociniiis mutuisque injuriis legum vigore ac poenarum metu sublati.

Pontifex interea Cellis seu Ratolficellæ à Friderico in Concilii potestatem deductus, ibi à Concilio contra eundem formatus processus, & articuli multi sufficienter probati. Quare coactus est à Concilio servare ea, quæ antea in secunda Sessione promiserat & voverat. Pontificatu igitur pridie Calendæ Junii An. MCCCCXV. in eodem oppido Ratolficella se abdicavit, post cujus abdi-

cationem Apostolica Sedes vacavit annos duos, menses & dies aliquot, usque ad legitimam electionem Martini Papæ V. [5.] Nam Concilium à Gregorio XII. & à Benedicto XIII. Papatûs quoque cessionem quærens tantum temporis consumpsit. Gregorius quidem sponte 4. Nonas Julii, An. MCCCCXV. per Malatestam Arimini Domicellum Pontificatum resignavit, Benedictus tamen adduci non potuit, ut sese abdicaret. [6.] Joannes igitur quondam Papa cum fugam multoties moliretur, Ludovico Bavaro nomine Concilii custodiendus traditur, qui An. MCCCCXIX. tandem liberatus, ad Martini Papæ V. pedes veniam & gratiam impetravit, qui eundem mox Episcopum Cardinalem Tusculanum & Cardinalium Collegii Sacri Decanum creavit, atque in memoriam Pontificatus, quem aliquando justè possederat, sedes ejus propè Sedem Papæ paulò eminentior quàm ceterorum Cardinalium posita est. [7.] Gregorius autem quondam Papa post abdicacionem suam à Concilio Constantiensi Episcopus Cardinalis Tusculanus, Collegique Decanus, & Piceni Legatus perpetuus factus est: obiit Recanati Anno MCCCCXVII. paulò ante Martini V. creationem.

In hoc præterea Concilio cum Joannes Hus & Hieronymus Pragensis ejus collega à Sigismundo citati comparuissent, convictique de hæresi, neque errores suos agnoscerent, neque palinodiam canerent, sed pertinaciter agerent: latâ sententiâ, Joannes primùm uti hæresifarcha ad rogam projectus, deinde cum in spem conversionis Hieronymus aliàs vir doctrinâ & facundiâ excellens, diutius in custodia servaretur, tandem contumax quoque inventus igni etiam adjudicatus est. Pertulerunt ambo constanti animo necem, & quasi ad epulas invitati ad incendium properârunt, nullam emittentes vocem, quæ miseri animi posset facere indicium. Ubi ardere cœperunt, hymnum cecinere, quem vix

N

flamma



flamma & fragor ignis interciperere potuit. Paulò ante mortem Pragm Hussus suæ sectæ affeculis scripsit: Illos tandem reperisse poculum, quod sibi mortem acceleraret. [8.] Verè Hussitæ ex horum suppliciis ita sunt perversi, ut omnia potiùs everterent & perverterent, quàm converti vellent. Inde in Ecclesias, inde in Monasteria, adeoque in Clerum totum, calicem unà Laicis non porrigentem, debacchati sunt, ut vestigia sua non tantùm in florentissimo Bohemiæ regno, sed quoque in fini-

timis provinciis reliquerint suæ crudelitatis testes. Sicut etiam Monasterium Zwetlense illorum furias satis persensit.

Fit porro hoc anno mentio FridERICI Abbatis in Zwetl Sabbato nimirum proximo diei S. Erhardi Episcopi, circa Idus Januarii, unde constat ipsum hoc adhuc anno vixisse Abbatem, qui in pace provinciæ constitutus unice curavit Monasterium è debitis & à creditoribus molestis reddere absolutum & liberum, cùm à prædecessoribus suis ità desolatum & debitis aggravatum fuisset. [9.]

## ADDITIONES.

\* [1.] Ciacon. in Joanne XXII. „ Habita prima Sessione, Papa Joannes XXIII. requisitus est à S. Synodo, ut sequentem schedulam acceptaret, juraret & voveret, prout in ea scriptum erat, pro bono unionis, pace Ecclesiæ, schismate tollendo: quam cùm per multos dies idem Pontifex accipere renuisset, tandem videns totum Concilium in hoc consensisse, & præserim Prælatos Italicos, ut hanc schedulam acciperet, & simul timens se coactè facturum, quod tunc liberè facere poterat, hanc omnino acceptare decrevit, & quod in ea contineretur, approbare.

„ Quapropter in secunda Sessione, quæ die Martis VI. Nonas Martii, aundò 1415. convocata est, cùm priùs ipse Pontifex Missam de Spiritu S. celebrasset, eandem schedulam à se priùs probatam per D. Vitalem Patriarcham Antiochenum publicè legi fecit alta voce coram toto Concilio, cujus tenor hic est:

„ Ego Joannes Papa XXIII. propter quietem totius populi Christiani, profiteor, spondeo, promitto, juro, voveo Deo, & Ecclesiæ, & huic Sacro Concilio spontè & liberè dare pacem Christianæ Ecclesiæ per viam meæ simplicis Cessionis Papatûs, & eam facere, & adimplere cum effectu juxta deliberationem præsentis Concilii, si, & quando Petrus de Luna Benedictus XIII. & Angelus Corarius, Gregorius XII. in suis obedientiis nuncupati, Papatum, quem præterdunt, per se, vel per procuratores suos legitimos simpliciter cedant, & in quocunque casu cessionis, vel decessûs, aut alio, in quo per meam cessionem poterit dari unio Ecclesiæ Dei, ad extirpationem præsentis schismatis.

### Abdicatio Joannis XXII.

„ Cùm autem requireretur ab omni Concilio, ut juxta tenorem prædictæ schedulæ Pontificatum deponeret, hoc facere nolens, noctu clam habitu mutato de Constantia fugit, habitò fugæ consiliò cum Fridrico Austriæ Duce, à quo etiam comitatus est usque ad Schafusam, quod erat oppidum ditionis ipsius FridERICI Ducis Austriæ, in Burgundiam paulò post profecturus.

„ Spodanus ad hunc ann. n. 5. „ Die secunda Martii celebrata est secunda Sessio Concilii in Ecclesia Cathedrali (ubi etiam aliæ Sessiones generales haberi sunt solitæ: ceteræ autem Congregationes vel in aliis Ecclesiis, vel certis locis, quibus singulæ quatuor Nationes, de quibus postea, core consueverant) quâ post dictam à Pontifice Missam, lectâsque preces, ac solemnitates, quæ fieri consueverunt in Sessionibus, idem Pontifex sedens in Cathedra ante Altare conversus ad Concilium ibidem congregatum alta voce legit schedulam, sibi die præcedenti in præsentia Regis Romanorum, & quatuor congregatarum Nationum per Joannem Patriarcham Antiochenum natione Gallum, præsentem tunc Nationis Gallicæ, ex parte totius Concilii oblatam, & ab eo acceptatam; quâ professus est, spondit, promissit, vovit ac juravit (tot enim diversis verbis rem firmavit: quæ proferens genua flexit versùs Altare, ponendo manus ad pectus) Deo, Ecclesiæ, & Concilio, dare pacem Ecclesiæ per viam suæ simplicis cessionis Papatûs, eamque reipsa adimplere, si, & quando Petrus de Luna, Benedictus XIII. & Angelus de Corario Gregorius „ XII.

„ XII. in suis obedientibus nuncupati, Papa-  
 „ tui, quem prætendebant, per se, vel per  
 „ procuratores suos legitimos simpliciter ce-  
 „ derent, atque etiam in quocunque casu  
 „ cessionis, vel decessus. Eoque factò, sur-  
 „ gens Rex de Cathedra sua, deposità coro-  
 „ nâ, flexisque genibus, & pedem Pontificis  
 „ osculando, gratias ei egit, tam suo, quàm  
 „ Concilii nomine: Idque ipsum præstitit ex  
 „ parte universi Concilii prædictus Patriar-  
 „ cha. Ac demum fuit confecta ea de re  
 „ bulla: quam integram referunt Acta Victo-  
 „ rina, nec non Monachus Dionysianus, da-  
 „ tam secundò Nonas Martii: pars tantum  
 „ minima, sed præcipua, extat in Actis edi-  
 „ tis Concilii. Addunt autem Victorina:  
 „ Post gratias Pontifici sic actas, eundem Re-  
 „ gem, omnésque aliorum Regum ac Prin-  
 „ cipum Oratores, totumque Concilium pro-  
 „ misisse Joanni, si duo alii se non humilia-  
 „ rent ad cessionem, sicut ipse fecerat, ad-  
 „ stituros se ipsi perpetuò adversus illos tam  
 „ spiritualibus favoribus, quàm temporalibus  
 „ auxiliis.

N. 6. „ Die 5. Martii (ut habent eadem  
 „ Acta Victorina) Regis Francorum Orato-  
 „ res Constantiam ingressi sunt (nempe, ut  
 „ Cerritanus numerat) Ludovicus Dux Ba-  
 „ variae, frater Reginae, Archi-Episcopus Rhe-  
 „ menensis, Episcopi Carcassonenſis & Ebroi-  
 „ censis) occurrentibus eis obviam ceterorum  
 „ omnium Regum Oratores, unà cum Duce  
 „ alio Bavariae & Duce Lotharingae, magno  
 „ Camerario Papae, plurimisque Archi-Epi-  
 „ scopis & Episcopis ad duo millia equorum.

N. 7. „ Die verò decimâ quintâ (ut ea-  
 „ dem Acta referunt) petitus fuit à Papa.  
 „ Primò, nè dissolveretur Concilium, donec  
 „ unio perfecta esset. Secundò, nè trans-  
 „ ferretur aliò. Tertiò, nè Papa inde abse-  
 „ deret. Quartò, ut constitueretur procu-  
 „ rator ad renunciandum efficaciter ejus no-  
 „ mine. Quintò, ut de præmissis daret bul-  
 „ las. Sextò, nè Prælati aut alii ad Conci-  
 „ lium vocati recederent, nisi fortè propter  
 „ infirmitatem aut paupertatem. Ad quæ die  
 „ sequenti respondens Papa; ad primum an-  
 „ nuir. Ad secundum videri commodius  
 „ Concilium transferri ad locum aliquem  
 „ Niciæ vicinum, ubi debebat fieri collo-  
 „ quium Regis Romanorum cum Benedicto  
 „ & Aragonio. Ad tertium utilis esse ipsum  
 „ cum Concilio Niciam versùs accedere. Ad  
 „ quartum, velle se facere id per se ipsum: id  
 „ enim honestius fore respectu rei, personæ,  
 „ Ecclesiae, & Concilii. Ad quintum, & sex-  
 „ tum nulla ponitur responsio, sed patet ex

„ prædictis. Nec omittendum ex Cerrera.  
 „ no, grave in his fuisse initio inter 4. Na-  
 „ tiones dissidium ob modum renunciationis,  
 „ utrum deberet fieri per procuratores (quod  
 „ Rex Sigismundus urgebat) an verò perso-  
 „ naliter; & utrum per Nationes aut per suf-  
 „ fragia in Concilio deliberandum esset. Cum  
 „ autem non esset à Pontifice per suas respon-  
 „ siones satisfactum Nationibus; insisterunt  
 „ illæ rursus pro syngrapho seu procurato-  
 „ rio, nè fortè Papa mutaret sententiam, &  
 „ ad evitandas collisiones. Sed & Legati  
 „ Gregorii contestati sunt, Dominum suum  
 „ nequaquam iturum Niciam, sed potius  
 „ venturum Constantiam aut daturum procu-  
 „ ratorium ad cedendum. Itémque Legati  
 „ Benedicti se nihil à Quoribus Concilio aut  
 „ Joanne Papa; sed tantum cum Imperatore,  
 „ ad quem solum missi erant.

N. 8. Quibus sic stantibus, dum expectare-  
 „ tur, ut Joannes, sicut promiserat, Nationibus  
 „ satisfaceret, subito auditum est eum abiisse;  
 „ qui nocte præcedente diem festum S. Bene-  
 „ dicti vigesimum primum Martii, re cum Fride-  
 „ rico Austriae Duce secretò compositâ, dissi-  
 „ mulato habitu urbem egressus, Schaffusiam  
 „ aufugit oppidum prædicti Friderici dicece-  
 „ sis Constantiensis ad eundem thuvium Rhe-  
 „ ni, quatuor miliaribus Constantiâ distans.  
 „ Qua de re cum omnes turbarentur, Sigis-  
 „ mundus congregatis Nationibus metum de-  
 „ ponere iussit; se enim protecturum Conci-  
 „ lium, & unionem usque ad mortem procu-  
 „ raturum. Strenuum planè Principem, dig-  
 „ numque immortalī laude ob perpetuam  
 „ in adjuvanda Republ. voluntatem! absque  
 „ quo fuisset, nullum est dubium, quin Con-  
 „ cilium dissolutum esset, ac schisma perni-  
 „ ciosioribus conatibus auctum &c. „

[2.] Spondanus hic n. 12. „ Plurima  
 „ alia nobis eadem Acta Victorina de eodem  
 „ Joanne exhibent cognitu digna. Atque  
 „ imprimis epistolam ad Wladislaum Polo-  
 „ niæ Regem (secundum cujus formam pu-  
 „ tamus ad alios Reges suæ obedientiae pari-  
 „ ter scripsisse) datam illam confestim post  
 „ suum recessum die vigesimâ tertiâ Martii  
 „ Schaffusiae. Qua quidem narrat, quomodo  
 „ studiò procurandæ pacis Ecclesiae indictò  
 „ Concilio Constantiæ viam cessionis ibi ob-  
 „ tulisset ac jurasset; quamvis nullatenus ad  
 „ eam adstrictus esset, eo quòd Petrus de Luna  
 „ & Angelus Corarius fuissent à Sancto Con-  
 „ cilio Pisano damnati & ejecti: Cum autem  
 „ existimaret ex tanta sua liberalitate favores  
 „ & auxilia omnia pro effectu tam generosi  
 „ operis promereri, qui pro aliorum quiete  
 „ N. 2 „ unicam

unicam toto orbe dignitatem non dubita-  
ret dimittere: nonnullos tamen appetitum  
rationi præponentes, & propria sectantes  
commoda, non sicut in Generalibus Con-  
ciliis hæcenus observatum fuisset, per vota  
voces ( seu suffragia ) habentium, opinio-  
nes colligi permisisse; verum ite in quatuor  
Nationes ( nempe Italianam, Gallicam, An-  
glicam & Germanicam ) quæ per quatuor  
voces totam auctoritatem Concilii repræ-  
sentarent, quod nunquam auditum fuerat,  
nè quis contra cupita eorum vota repulsam  
dare valeret, rem sic ad libitum deducere  
fatigasse: & si qui illorum inordinatæ volun-  
tati contradicerent, eos minis & conviciis  
terrere confuvisse: quin imò contra libera-  
tem Sacri Concilii machinantes, portas civi-  
tatis Constantiæ per diem integrum, nè ali-  
quis Prælatum vel Clericum exire posset, claudi  
fecisse: ac denique contra libertatem &  
salutem ipsiusmet Pontificis palam conspi-  
rare ausos esse. Se itaque talia intuentem,  
cùm nulla videretur via Salutis, de dicta  
civitate incognitum recessisse; & Schaffu-  
sam, quæ erat temporalis domini Frideri-  
ci Austriæ Ducis, accessisse, ubi plena  
utebatur libertate &c.,

[3.] Naucerus Generat. 48. ad an. 1415.  
Unde altera post Benedicti diem convocari  
fecit ( *Sigismundus* ) Principes, & accusavit  
Fridericum Ducem Austriæ, quod Author  
& Adjutor Papæ in fugiendo fuerit, in  
Concilio injuriam, Christianæque Reipub-  
licæ periculum maximum, adjecit dictum  
Ducem offendisse etiam privatos plurimos.  
Citatur itaque Fridericus publicè in Con-  
cilio pro abductione Papæ. Cæsar verò  
eundem per dictum citari in Dominica,  
*Quasimodo*, curavit, & ejus citationis virtu-  
te Cæsar absolvit omnes subditos Friderici  
ab obedientia ejus; privavit eum feudis,  
& omnibus bonis; corpus & bona illius  
exposuit omnibus, sine mora quoque Rex  
occupari fecit oppida *Stain* / *Frauenfeldt* /  
quidam alii occupaverunt oppi-  
dum *Feldkirch* & *Curaußen* / *Suizenles*  
& *Waldenses* cum suis confederatis oc-  
cupaverunt oppida & munitiones in terra  
dicta *Ergoia* / quæ hodie est in potestate  
eorum, *Baden* / *Mellingen* / *Premgar-  
ten* / *Wallenstadt* / *Diesenhofen*. In-  
terea Papa in *Schaffhusen* territus in Pa-  
rasceve post meridiem abiit, ac in oppidum  
*Lofenberg* pervenit, ab eo loco in Fribur-  
gum confugit, iturus inde, si tunc fieri pos-  
set ad Burgundiæ Ducem. Scripsit autem  
ex Friburgo Concilio in hæc verba: Johan-  
nes Episcopus Servus Servorum Dei: Uni-

versis innotescat, quòd cùm propter me-  
tum, qui cadere potuit in constantem vi-  
rum, de civitate Constant. recesserimus,  
ne hac occasione Petrus de Luna, & An-  
gelus Corarius in suis obedientis nomi-  
nati, allegantes impressionem nobis factam,  
se quovis modo ab accessione retraherent,  
& sic protraheretur effectus pacis & unionis  
Ecclesiæ, ad quorum effectum desideria no-  
stra tendunt. Ex Friburgo &c.,

Gerardus de Roß lib. 4. „ Imprimis  
verò Imperator ipse offensam illam gravissi-  
mè ferens, de utroque ad Concilium que-  
stus est. Propositò inde editò, ne quis-  
quam discederet, missis ad Joannem litte-  
ris ac nunciis, ne longius abiret, cavet. In  
Fridericum verò, infensi multorum animi,  
reliquis quoque exasperabant. Itaque  
conviciis passim profcinditur, ut qui malè  
de Religione sentiret, pejor de ea mereret-  
ur, & negotium tam arduum, & Reipubl.  
Christianæ non solum utile, sed planè ne-  
cessarium perturbaret, absque eo nunquam  
Pontificem fugæ consilia inuturum, nec  
quà aut quò fugeret, scitutum fuisse. In-  
dignum esse, qui paulò antè ad Episcopopo-  
rum querelas, apud ipsas à Concilio da-  
tos, se responsum promississet, clam abiisse.  
Erant præter Episcopos, quos supra memora-  
vi, non pauci Comites ac Nobiles, qui  
veteri in Principes Austriacos similitudine,  
hoc rerum statu, apertam in eorum perneci-  
em esse fenestram gaudebant, nihil ob-  
stiturum arbitrati, quò minus in ipsum  
ditiones involarent. Quod enim intra  
paucos annos, eorum opes cum dignitate  
in immensum creverant, multi nulla in re  
ab ipsis læsi, quidam etiam beneficiis affe-  
cti, occultis invidiæ stimulis agitantur. Hi  
Sigismundum in ultionem hujus tam insi-  
gnis contumeliæ instigabant, jam antea in  
id propensum. Itaque dies Friderico di-  
citur, ad quem diem coram Cæsare & Sy-  
nodo compareret. Cùm verò non veniret,  
contra Rempubl. fecisse, & Majestatis reus  
peragitur, omnésque ejus subditi à fide-  
litate Sacramento absolventur, omnia ejus  
oppida & ditiones prædæ ac diuersioni pro-  
scribuntur. Dantur etiam ad vicinas Sue-  
viæ, Helvetiæ & tractus Rhœnani civitates  
litteræ: Fridericum Ecclesiæ ac Imperii ho-  
stem, Concilii perturbatorem, cui quicun-  
que damnum atque incommoda inferre stu-  
deret, is non impunitatem solum, sed gra-  
tiam quoque ac laudem sibi propositam  
esse sciret &c.,

[4.] „ Dum hæc in Suevia geruntur,  
Tirolenses ac Athesini, ne & ipsi novum  
„ acci-

„ acciperent Dominum, & ab Auftriacis di-  
 „ vellerentur, Ernestum Archi-Ducem ad se  
 „ vocarunt. Is, nè omnia simul fraternæ di-  
 „ tionis loca ab aliis occuparentur, in Tirolim  
 „ venit, ac Oeniponti Ordinum conven-  
 „ tum agit, ubi nascitur ei ex Cimbura Se-  
 „ moviti Massoviae Ducis filia, Fridericus Ro-  
 „ manorum postea Imperator, nonò Calend.  
 „ Octobris, annò ejus æræ decimò quintò.  
 „ Ernestus inde Bocenum atque alia loca adit.  
 „ Cùmque & in Tirolim legati à Cæsare cum  
 „ literis Friderici venissent, Ernestus eos re-  
 „ trò, unde venerant, abire, & Cæsari nun-  
 „ ciare jussit: satis ipsum à fratre magnificè  
 „ muneratum tot civitatibus, quam rem si  
 „ antea scivisset, in tempore se occursum  
 „ fuisse; jam verò & sibi aliquid relinqui,  
 „ haud iniquum videri. . . . .

„ Fridericus facillè intelligens, nullam sibi  
 „ in Sigismundo spem, nullum in reliquis  
 „ Principibus præsidium esse, suosque omnes  
 „ non defecisse solum, sed quòd vindictam  
 „ & poenas timerent, hoc agere, nè ex ea  
 „ fortunæ iniquitate emergere sibi liceret;  
 „ præterea & lteris & nunciis apud Tirolen-  
 „ ses rem suam non satis securè in statu ver-  
 „ sari admonitus captata occasione Constania  
 „ discedere decrevit. Ferebat enim ru-  
 „ mor nonnullus Oeni ac Athesinæ vallis in-  
 „ colas, occulta cum Cæsare consilia habere,  
 „ quod etsi vel falsum esse, vel minimè pro-  
 „ cessurum putaret, de Procerum tamen quo-  
 „ rundam fide & propensioribus in fratrem  
 „ Ernestum studiis sollicitus consensò equò  
 „ cum paucis consciis civitate excedens, in  
 „ Tirolim evasit. Sunt qui ab hospite quo-  
 „ dam suo adjutum ac deductum esse di-  
 „ cunt. . . . .

„ Interim Fridericus, cùm in Oeni vallem  
 „ ad suos venisset, turbata omnia per absen-  
 „ tiam suam invenit. Nobiles plerique & Ec-  
 „ clesiastici Ordinis Primates, Ernesto fidem  
 „ dederant, cùmque ut legitimum suum Prin-  
 „ cipem agnoscebant. Civitates verò non-  
 „ nullæ, & rustici plerique Friderico adhæ-  
 „ rebant, neque ab eo, cui semel fidem &  
 „ obsequium juraverant, nullà injurià la-  
 „ cessitū deficere volebant. Apud hos igitur  
 „ gravissimas de fratre Ernesto ac ceteris Or-  
 „ dinibus querelas instituit Fridericus: illum  
 „ non jam pro curatore se gerere, sed  
 „ Principem ab his ad rerum gubernacula col-  
 „ locari, qui se vivò, hereditatem suam cer-  
 „ nerent, gravius se atque indignius hoc fer-  
 „ re, quàm si Cæsar omnia in suam potesta-  
 „ tem redegisset. Hæc & alia queribundus,  
 „ successum rei atque exitum expectabat, plu-

„ res quotidie ad suas partes adjungere stu-  
 „ dens. . . . . Jamque res ad bellum intesti-  
 „ num atque adeò fratrum spectabat. Pro  
 „ Ernesto Ecclesiastici ac Nobiles stabant: Fri-  
 „ dericus civitates & agricolæ juvabant, sub  
 „ quo mitius se habitos, quàm sub Præfectis,  
 „ palàm testabantur.

„ Hunc rerum statum miserantes nonnulli  
 „ ceteris cordatiores fratrum animos ad con-  
 „ cordiam sollicitare, & impium hoc bellum,  
 „ ex quo Cadmæ tandem victoria, & cer-  
 „ tus Reipubl. interitus expectandus erat, de-  
 „ precari non desinebant, neque fratres ipsi  
 „ rem in ultimum adducere discerimen aut ex  
 „ re sua aut ex dignitate esse arbitrabantur. Te-  
 „ nuit tam diu hæc controversia, donec tan-  
 „ dem sub anni ejus finem, conciliatis ipso-  
 „ rum animis omnia amica disceptatione, tran-  
 „ sacta sunt, & Friderico hæreditarius  
 „ Tirolensium Principatus cessit. Ernestus  
 „ in Striam rediit. „

[5.] Idem cit. loco.

„ Ciaconius in Joanne XXII. „ Conci-  
 „ lii & Imperatoris Sigismundi studiò de fuga  
 „ retractus (Joannes Papa) in oppido Cellis  
 „ Constantiensis diœcesis in honesta custodia  
 „ ex Concilii & Imperatoris decreto servatus  
 „ est. In quo loco existens, formatus est contra  
 „ eum processus, & articuli multi per Con-  
 „ cilium sufficienter probati.

„ Quare coactus est à Concilio servare  
 „ ea, quæ per dictam schedulam in secunda  
 „ Sessione promiserat, & voverat. Pontifi-  
 „ catum pridie Kalendas Junii annò 1415.  
 „ in eodem oppido Cellis abdicavit, abroga-  
 „ tionemque à Concilio de se factam post su-  
 „ gam suam de Constantia, & abrogationis  
 „ causam ratificavit, & approbavit, cùm ad  
 „ eam diem ab initio suæ creationis sedisset  
 „ annos quinque, & dies quindecim: post  
 „ ejus abdicationem cùm Concilium Con-  
 „ stantiense cessionem Papatus à Gregorio  
 „ XII. primùm, mox à Benedicto XIII. quæ-  
 „ rendo tempus tereret, Apostolica Sedes  
 „ vacavit annis duobus, mensibus quinque,  
 „ & diebus decem; videlicet usque ad legiti-  
 „ timam electionem Martini V. „

„ Nauclerus ubi suprâ. „ Juravit etiam  
 „ Dux ipse (Fridericus) Papani Johannem  
 „ Concilio representare: fecit in eo quan-  
 „ tùm potuit, & eundem Johannem usque  
 „ ad Cellam Rudolphi perduxit. Nunciavit  
 „ inde Concilio, quòd nisi vi adhibita non  
 „ posset eum ultra perducere. Hæc scripsi  
 „ ex Actis Concilii. Curante post hæc Con-  
 „ cilio, Johannes capitur, & in insula s. Marci  
 „ propè Constantiam vulgò Rychnam / cari-

„ceri mancipatur. Causam fugæ disquirere  
 „Concilium tum cœpit, certosque Judices,  
 „viros gravissimos delegit, qui crimina ho-  
 „mini objecta discuterent, eadẽmque ex  
 „ordine referrent. Ad quadraginta capitula  
 „contra hominem probata sunt. Venienti-  
 „busque omnibus in eandem sententiam,  
 „Johannes meritò Pontificatu ejectus, sen-  
 „tentiam in se latam approbat, Pontificatu  
 „sive spontè sive invitus se abdicavit.”

Spondanus hic n. 30.

[6.] Ciaconius in Gregorio XII. „An-  
 „nò Domini 1415. Gregorius Papa XII.  
 „spontè per procuratorem suum Carolum  
 „Malatestam Arimini Domicellum, pro bo-  
 „no pacis, schismatiquè tollendo IV. No-  
 „nas Julii absens in Concilio Constantiensi  
 „ob eam causam congregato, Pontificatu se  
 „abdicavit. In aula enim Concilii thronus  
 „Pontificius statutus, in quo sedens Pontifi-  
 „cali habitu ejus procurator Carolus Ma-  
 „latega, Pontificatum procuratorio nomine  
 „deposuit; cùm etiam Joannes XXII. dictus  
 „XXIII. pro eadem causa idem paulò antè  
 „fecisset.”

Naucerus. „Missus itaque Carolus Ma-  
 „latega, vir certè insignis, cùm videret  
 „omnes in hanc sententiam venire, ut Gre-  
 „gorius quoque Pontificatu se abdicaret, in  
 „publicum prodians, ac in Sede Gregorii non  
 „aliter extructa, ac si ipse adesset, colloca-  
 „tur, perlectaque renunciandi facultate,  
 „Gregorium Pontificatu abdicat, quem statim  
 „conventus omnis pro tam libera abdi-  
 „catione agri Piceni legatum creat.”

Spondanus hic n. 38. „Die decimà quin-  
 „tâ Junii (ut habent Acta Victorina) intra-  
 „vit Constantiam Carolus de Malatestis Le-  
 „gatus Gregorii XII. (erat is Dominus civi-  
 „tatis Arimini, in qua Gregorius residebat,  
 „& pro Sede Apostolica rector Flaminie,  
 „sive Romandiolæ) cui multi nobiles obviam  
 „occurerunt unâ cum primis Gregorii nunciis,  
 „qui venerant initio anni. Ingressus  
 „est autem cum summa magnificentia ac splen-  
 „dore. Exhibito postmodum Sigismundo Re-  
 „gi Salutariorum Venerationis officio, signifi-  
 „cavit missum se esse à Gregorio ad dandam  
 „pacem Ecclesiæ, directumque ea de causa  
 „ad ipsum Regem, non ad Concilium, quòd  
 „illud Gregorius non approbaret. Deinde  
 „visitavit Nationes, dicens se habere facul-  
 „tatem renunciandi Papæ nomine Gregorii.

N. 40. „Sessio decima quarta celebrata  
 „die quarta mensis Julii, alius servatus fuit  
 „ordo, quàm in præcedentibus; eò quod  
 „actum est de renunciatione Gregorii XII.  
 „quam voluit fieri in manibus Sigismundi Ro-

manorum Regis, non autem Synodi. Quare  
 „non præfuit ei initio Cardinalis, aut alius  
 „Prælati, sed ipse Rex; nec facta est mentio  
 „Concilii aut Sedis Apostolicæ, sed tantum  
 „Regis: ut Acta declarant. Quæ habent: Annò  
 „à Nativitate Domini 1415. Apostolica Sede  
 „vacante, regnante Serenissimo & Invictissimo  
 „Principe Domino Sigismundo Romanorum  
 „& Hungariæ Rege &c. die autem Jovis quarta  
 „mensis Julii, habitam esse Sessionem gene-  
 „ralem per Sanctam Synodum Constantien-  
 „sem in Ecclesia Cathedrali, præsentè ibi-  
 „dem dicto Serenissimo Rege cum insignibus  
 „Regis, & Nobilibus sibi in iis ministranti-  
 „bus; præsentibusque septemdecim Cardini-  
 „alibus, & Patriarchis, Archi-Episcopis,  
 „Episcopis, Abbatibus, atque aliis Patribus  
 „in copiosa multitudine. In ejus principio  
 „eundem Regem de sua solita Sede transisse  
 „ad aliam positam in fronte Altaris, tan-  
 „quam præsentem ea vice in Concilio; Jo-  
 „anne Dominici Cardinale Ragusino obedi-  
 „entiam Gregorii & Carolo de Malatestis  
 „Domicello Arimineni, procuratoribus ejus-  
 „dem, sedentibus juxta Regem in quodam  
 „scamno facie versa ad congregationem Syn-  
 „odi. Deinde invocato S. Spiritu & Col-  
 „lectâ de pace per Cardinalem Osiensem  
 „dictâ, per Protonotarium Comitum Palatini  
 „lectas esse de mandato Regis duas Bullas  
 „Gregorii datas Arimini tertio Idus Martii,  
 „annò Pontificatus sui nonò: quarum alterâ  
 „prædicto Joanni Cardinali tituli S. Sixti,  
 „& alteri Joanni in Patriarcham Constanti-  
 „nopolitanum electo, nunciis suis, itémque  
 „Wernero Archi-Episcopo Treverensi, nec  
 „non Ludovico Comiti Palatino Rheni, &  
 „Carolo de Malatestis domicello Arimineni,  
 „& provinciæ Romandiolæ pro Sede Apo-  
 „stolica Rectori, facultatem tribuerat, ipsius  
 „vice ad pacem & unionem Ecclesiæ pro-  
 „movendam Concilium Constantiæ colle-  
 „ctum, in quantum per Regem & non per  
 „Balthasarem Joannem XXIII. dictum con-  
 „vocatum esset, suo item nomine convo-  
 „candi & comprobandi, & quæ in eo fierent  
 „pariter confirmandi; remotâ tamen omnino  
 „prædicti Balthasaris præsentia & præsen-  
 „tia: Alterâ dicto Carolo de Malatestis spe-  
 „cialiorem ac pleniorẽ tribuebat faculta-  
 „tem prædictâ sive per se, sive per alios exe-  
 „quendi: Ejus vi Carolum dicto Joanni Car-  
 „dinali vices suas commississe ad approban-  
 „dum Concilium: quod ipse publica declara-  
 „tione fecerit: Moxque ipsum ex decreto  
 „Synodi coopratum esse in consortio ceterorum  
 „Cardinalium. Hisque peractis,  
 „Regem de Sede præsentem ad solitam

„ præ-

„ præsentiæ Concilii recessisse; & Cardina-  
 „ lem Officensem reliquæ actioni de more  
 „ præsedit; celebratamque esse Missam, ac  
 „ cetera solemnia servata.

N. 41. „ Post hæc lecto Synographo seu  
 „ procuratorio Gregorii ad renunciandum,  
 „ directo eidem Carolo de Malatellis; cum  
 „ is quæssisset, num magis expediret abdic-  
 „ tionem Pontificatus modò fieri Constanti-  
 „ tiæ; an verò expectari quousque cum Petro  
 „ de Luna tractatum foret Nicæ, decre-  
 „ tumque à Concilio esset, utilius esse pro  
 „ unione Ecclesiæ eam mox Constantiæ fieri:  
 „ Lectis interim aliis Concilii decretis de non  
 „ procedendo ad electionem futuri Romani  
 „ Pontificis absque consensu Concilii, nec  
 „ nisi modò, formâ, materiâ, tempore &  
 „ locò ab eo designandis; deque non dissol-  
 „ vendo Concilio antequam unus Pontifex  
 „ eligeretur; & auxilio à Rege ad hæc præ-  
 „ stando; itémque de confirmatione omni-  
 „ um, quæ Gregorius aliàs ritè in sua admi-  
 „ nistratione gessisset; ac receptione Cardi-  
 „ naliū ejus obedientiæ (qui sex numeran-  
 „ tur, ipsèque Gregorius Septimus) in ce-  
 „ terorum consortium & ordinem; confir-  
 „ mationeque omnium ejus officialium & cu-  
 „ rialium in suis officiis & gradibus; denique  
 „ de unione utriusque obedientiæ Joannis  
 „ & Gregorii, ut esset deinceps unum cor-  
 „ pus, & una societas; & abrogatione omni-  
 „ um pænarum & censurarum invicem decre-  
 „ tarum. Tandem dictum Carolum præclara  
 „ habita oratione purè, libère, ac sincerè pro-  
 „ curatorii sui virtute renunciâsse, ac cessisse  
 „ expressè juri, titulo, & possessioni eidem  
 „ Gregorio in Pontificatu Ecclesiæ Romanæ  
 „ competenti. Eâmq; renunciationem  
 „ Concilium admisisse, & collaudâsse can-  
 „ tatò hymnò: Te Deum laudamus. De-  
 „ mùmque decretum edidisse de requirendo  
 „ Petro de Luna, ut eandem cessionem à se  
 „ toties promissam faceret intra decem dies  
 „ ab ejusmodi requisitione eidem faciendâ:  
 „ quod si non faceret, declararet eum Syno-  
 „ dus notorium Schismaticum, incorrigibili-  
 „ lem, & pertinacem hæreticum à Catholica  
 „ fide devium, omni honore & dignitate in-  
 „ dignum & ejectum. Hæc proluxit in Actis  
 „ Synodi. Carolum autem ita cessisse Plati-  
 „ na ait, ut in Sede non aliter frustra, quàm  
 „ si ipse Gregorius adfuisset, collocatus, per-  
 „ lecta renunciandi facultate ab ea Sede  
 „ abiisset; sic à Pontificatu se abire professus.  
 „ Habent etiam nonnulli sedisse eum Ponti-  
 „ ficio habitu velut personam Gregorii ge-  
 „ rentem, depositisque sacris insignibus Pon-  
 „ tificatum pariter exuisset.

N. 42. „ Quod tamen magis de ipsomet  
 „ Gregorio accipi libet: quem Niemus ait,  
 „ meminere inquit alii post eum, ubi intel-  
 „ lit cessionem per Carolum factam, convo-  
 „ catis suis curialibus & Cardinalibus, nec  
 „ non Prælati & Clero, qui sibi à Papæ tunc  
 „ adhærebant in partibus illis, in publico  
 „ Consistorio gaudenter & spontè approbâsse,  
 „ laudâsse, & confirmâsse omnia in ea parte  
 „ gesta pro ipso per dictum Carolum, eòque  
 „ factò, illic depositisse mitram Pontifica-  
 „ lem, colobium, & omnia insignia Pontifi-  
 „ calia; cum solemnī protestatione nunquam  
 „ se illa resumpturum, imò quantum possit,  
 „ procuraturum unionem Ecclesiæ. Quæ  
 „ satis sunt contra ipsum Niemum, qui eum  
 „ continuè tanquam hostem infensissimum  
 „ unitatis infectatus est: cujus nihilominus  
 „ zelum semper Antonius, multique alii  
 „ prædicaverunt. Et si quid collusionis, ut  
 „ plerisque visum fuit, cum Petro de Luna  
 „ ad Pontificatum retinendum exercuit, to-  
 „ tum illud hac voluntaria cessione eluisse exi-  
 „ stimandum est. Quamvis non desit Platina,  
 „ Pontificibus nec ipse parcere sciens, qui  
 „ scribat eum non multò post renunciationem  
 „ mortuum esse, dolore animi, ut fere-  
 „ batur, propter subitam abrogationem ante  
 „ constitutum tempus à Carolo factam; quam  
 „ ipse in longum protrahi volebat in mora  
 „ spem aliquam ponens. Cur verò non ma-  
 „ gis ex grandi ætate mortuum dixerit? quem  
 „ octogenarium, nonnulli etiam nonagena-  
 „ rium decessisse affirmant.

[7.] Ciaconius in Joanne XXII. „ Bal-  
 „ thassar Costa olim Joannes XXIII. Papa in  
 „ custodia positus honestè in Castro de Cellis  
 „ Constantiensis Diocesis, multoties clam  
 „ fugere tentavit: quod cum à Concilio in-  
 „ tellectum esset, nè seditio aliqua oriretur,  
 „ seu unio impediri posset, statim decretum  
 „ est, ut traderetur custodiendus Ludovico  
 „ Baviaræ Duci Concilii nomine. Qui ipsum  
 „ in fida custodia recludens, tenuit in muni-  
 „ tissimo castro Golebes seu Manheita  
 „ (Manheim) ubi triennium in rerum om-  
 „ nium necessitate peragens sine ullo cubi-  
 „ culario famulorum Italico diligenter asser-  
 „ vatus est. Teutones erant custodes omnes,  
 „ quibuscum Joannes nutibus & signis loque-  
 „ batur, cum nec ipse linguam Teutonicam,  
 „ nec illi vicissim Italicam scirent, coëruptâ  
 „ tandem triginta millibus ducatorum figâ,  
 „ annò Christi 1419. liber factus; rectâ Flo-  
 „ rentiam venit, ubi Martinus V. erat, ejus  
 „ in Pontificatu Successor cum tota curia sua.  
 „ Illic non sine omnium admiratione, ac simul  
 „ commiseratione, quia in fugitivi hominis  
 „ forma

„ forma, lacrymabundus, humi genibus fixis,  
 „ & ad ejus pedes procumbens, cum ùt Chri-  
 „ sti Vicarium veneratus est; omniâque tam  
 „ de se, quàm de D. Martino Quinto in Con-  
 „ cilio Constantiensis facta denuò approbavit,  
 „ & ratificavit. Is supplicare aliis cerne-  
 „ batur, cui Principes, Reges, Imperatòrque  
 „ ipse non modò paruerat, verùm etiam pe-  
 „ des venerabundi consueverant deosculari,  
 „ qui præterea multos ad Cardinalatûs ho-  
 „ norem exexerat, qui tunc in eo Concilio  
 „ Pontifici assidebant, Pontificatu privatus,  
 „ ingentis muneris locò eòdem annò 1419.  
 „ Florentiæ à Papa Martino V. die Veneris  
 „ IX. Kal. Julii S. R. E. Episcopus Cardinalis  
 „ Tusculanus, & Sacri Collegii Cardinalium  
 „ Decanus creatus est, atque ob memoriam Ro-  
 „ mani Pontificatûs, quem aliquando justè  
 „ possederat, Sedes ejus prope Sedem Papæ  
 „ paulò eminentior, quàm ceterorum Cardi-  
 „ nalium, posita est; vixitque Cardinalis us-  
 „ que ad diem Veneris XI. Kalend. Januarii  
 „ anni ejusdem 1419. in quo Florentiæ mor-  
 „ tuus est, ibique in Baptisterio S. Joannis,  
 „ sepulchro marmoreo eleganti sepultus: cùm  
 „ post Pontificatûs abdicationem vixisset an-  
 „ nos quatuor, menses sex, dies viginti qua-  
 „ tuor. Vir maximò fortunæ ludibriò ve-  
 „ xatus, & ingens rerum vicissitudinis exem-  
 „ plum. „

„ Naucerus ubi suprà. „ Quo factò (*ab-*  
 „ „ *dicatione Pontificatus*) statim ad Ludovicum  
 „ Comitem Palatinum custodiendus mittitur,  
 „ donec aliud decerneretur, ac in Manheim  
 „ oppido trienniò sine cubiculario famulòve  
 „ Italico diligenter asservatus est. Teuto-  
 „ nici erant custodes omnes, quibuscum Jo-  
 „ hannes nutu & signis loquebatur; eùm nec  
 „ ipse linguam Teutonicam, nec illi vicissim  
 „ Italicam scirent. - - - - - Interim  
 „ verò quatuor illi Cardinales, qui olim cum  
 „ Petro de Luna adulterino Pontifice sene-  
 „ rant, Florentiam ad Martinum venientes  
 „ cum honorificentissimo comitatu, publico  
 „ Consistorio suscepti, dignitatem suorum  
 „ titulorum retinuerunt: Et Balthasarem Cos-  
 „ sam, Joannem XXIII. dictum ajunt tum à  
 „ Palatini carcere liberatum, ad Pontificem  
 „ Martinum venisse supplicem, à quo benignè  
 „ exceptus, in Cardinalium numerum adscit-  
 „ tus, Episcopus Tusculanus est creatus. Equi-  
 „ dem & Sigismundi & Ludovici Palatini  
 „ precibus permotum Martinum crediderim,  
 „ hunc, antequam Italiam adierit, Palatino  
 „ carcere eduxisse, id quod Papæ ad utrum-  
 „ que literæ testantur: & in Italia Cosmæ  
 „ Medicis operâ, suæ dignitati restituisse;

„ nec superfuit his rebus Cossa diu, vitâ ex  
 „ animi (ùt ajunt) dolore excedens. „

„ Spondanus ubi suprà n. 37. ità prosequi-  
 „ tur: „ Addit autem Niemus eundem Bal-  
 „ thasarem principio mensis Junii ductum.  
 „ fuisse ad castrum Götlevem propè Constan-  
 „ tiam; traditumque custodiæ Ludovici Du-  
 „ cis Bavarie Comitis Palatini Rheni, con-  
 „ stitutum à Rege Sigismundo Custodis Con-  
 „ cillii ( locò Bertholdi de Ursinis absentis,  
 „ quem vidimus ad id muneris primò per Con-  
 „ ciliium delectum ) à quo benignè habitus  
 „ est, datis ei duobus Capellanis ad Divi-  
 „ num officium, & quibusdam Nobilibus ad  
 „ ministerium mensæ, in loco spatioso & de-  
 „ lectabili. Ità Niemus ab aliquibus se au-  
 „ divisse ait. At verò Platina, Naucerus,  
 „ & alii pessimè ipsum vel in eo habitum vo-  
 „ lunt, quòd privato omni famulatio Italico  
 „ tributis sint ei comites & custodes Teuto-  
 „ nici, & non alii, quibuscum non linguâ,  
 „ sed nutibus agendum esset, ut qui nec  
 „ ipsum intelligerent, nec ab eo intelligeren-  
 „ tur. Locus autem carceris quo ferè qua-  
 „ drienniò detentus fuit, à Naucero Man-  
 „ heim, à Platina Heidelbergæ nominatur:  
 „ ut intelligas sæpiùs mutatum fuisse. „

„ Idem ad ann. 1419. n. 3. „ Quo eodem  
 „ anno receptis à Martino 16. Calend. Apri-  
 „ lis quatuor illis Cardinalibus Benedictinis,  
 „ de quibus dictum est anno superiori, longè  
 „ gratus ei contigit, quòd ( ùt narrat An-  
 „ toninus, Platina, Onuphrius, & alii ) Bal-  
 „ thasar Cossa olim Joannes XXIII. sive ejus-  
 „ dem Martini tacitâ operâ ( ùt quidam ha-  
 „ bent ) nè fortè diutius in Germania deten-  
 „ tus novas aliquando turbas ciceret, pretiò  
 „ triginta millium aureorum carcere exem-  
 „ ptus est, eo animo, ut eundem rursum.  
 „ Martinus securiori custodia Mantuæ deti-  
 „ neret: sive, ùt ceteri, dato aliunde auro  
 „ Comiti Palatino, qui cum in custodia ha-  
 „ bebat, liber abire permixtus in Italiam ve-  
 „ niens; dum rursum timeri inciperet à no-  
 „ vo schismate, quòd & vir magni animi esset,  
 „ & qui privatam vitam nequaquam pati posse  
 „ videretur: nec deessent, qui hominis au-  
 „ daciam ad res novas molientes concita-  
 „ rent, quasi nonnisi coactè injuriâque Pon-  
 „ tificatu cedere visus fuisset; nihilominus  
 „ sive conscientia ductus, sive desperans ali-  
 „ quid proficere, seu quòd periculum illis  
 „ esset, qui jurerant fugam; vel potiùs Deo  
 „ Omnipotente Ecclesiæ suæ misero eum.  
 „ impellente: idem ipse propria sponte, nul-  
 „ lis passionibus interpositis, nulla requisita  
 „ cautione Florentiam ad Martium profe-  
 „ „ Quis

„ Etus est; ac in Vigilia Corporis Christi decimâ quartâ Junii, publicè ad pedes ejus procumbens, eum ut Pontificem verum, & unicum, canonicèque electum professus & veneratus est; cunctis præ gaudio simul & commiseratione hominis lacrymantibus, maximè verò iis Cardinalibus, qui vel ab eo creati, vel eum ut Pontificem secuti fuissent. Creatus à Martino Cardinalis Episcopus Tusculanus, & Collegii Decanus, ac deinceps ab eo in honore habitus; non multò post ibidem Florentiæ dolore animi, vel venenò adjectus, diem obiit vigesimâ secundâ Decembris ejusdem præsentis anni, cum post abrogationem Pontificatus vixisset annos quatuor, mensesque ferè septem: honorificentissimè sepultus procurante Cosmo Medice, cive Florentino charissimo ipsius amico, quem (ut Platina & Sabellicus scribunt) homines existimârunt pecuniâ Balthasaris opes suas in tantum auxisse, ut & primarius apud Florentinos cives, & ditissimus omnium apud Italos, ac fortassis apud exteras quoque nationes deinceps sit habitus. „

[8.] Aeneas Sylvius Hist. Bohemic. c. 36, „ Dum hæc aguntur ( *qua ad ann. 1400. et ipso Autore sub n. 2. in fine retulimus* ) Generale Concilium apud Constantiam Suevorum urbem cogitur. In quo de rebus Bohemicis sermo habitus, Patrum mentes ingenti cura confecti, volentium animo, quonam modo sanari provincia posset. Placuitque tandem Sigismundo Imperatore suadente, Joannem & Hieronymum ad Synodum evocari, qui tum ceteris ejusdem regni doctiores, tum populi doctores (*ut dicitur*) ac hæresum principes habebantur. Venerunt ambo non tam verecundè aliena discere, quam sua impudenter ingerere parati, docendi quippe, quam discendi cupidiores, & popularis amantes auræ. Auditi sunt in consessu Patrum. Joannes ætate & auctoritate major habitus, doctrinâ & facundiâ superior Hieronymus. Lecti ex omni natione Patres, divini atque humani Juris Doctores: sæpe cum his colloquium habuere; dogmata eorum à lege divina aliena esse monstrarunt, neque bonis conducere moribus. Rogaverunt nè plus sapere quam Ecclesia vellent, sed saperent ad sobrietatem; peregrinas opiniones relinquerent, ingenia sua, quæ quidem essent nobilissima, Wicleffitarum insaniâ nè fœderent; eloquentiam, quâ præditi essent, in corroborandis Ecclesiæ institutis, non evterendis, in edocendis populis, non dedocen-

„ dis exererent: posse eos & in conspectu Dei & in Ecclesiâ militante sublimem consequi locum, si rejectis novitatibus Patrum vestigia sequerentur, inventionesque suas universalî Concilio submitterent.

„ Steterunt in proposito pertinaces Bohemorum animi, neque videri rationibus vinci voluere. Se veraces, se S. Evangelii æmulatores, se Christi discipulos esse: Romanam Ecclesiam, ceterasque per orbem dispersas longè à traditionibus Apostolorum abuisse; quæ opes ac delicias sectarentur, dominatum in populo, & primos in convivii ac cubitus exquirerent: canes, equos alerent, Ecclesiarum bona, quæ Christi pauperibus deberentur, per lasciviam luxumque consumerent: aut nescire prorsus divina mandata, aut scientes contemnere. Primores magnæ Synodi, ubi pertinaciam & immutabiles animos perditorum hominum animadverterunt, membra Ecclesiæ putrida, quæ sanari non poterant, nè reliquum corpus inficerent, resecanda censuerunt. Lata est in consessu Patrum adversus contumaces sententia: cremandos esse, qui doctrinam Ecclesiæ respuerent. Prior igitur Joannes combustus est, Hieronymus diu postea in vinculis habitus, cum respicere nollet, pari supplicio affectus. Pertulerunt ambo constanti animo necem, & quasi ad epulas invitati ad incendium properarunt, nullam emittentes vocem, quæ miserî animi posset facere indicium. Ubi ardere cœperunt, hymnum cecinere, quem vix flamma & fragor ignis interciperet potuit. Nemo Philosophorum tam forti animo mortem pertulisse traditur, quam isti incendium. Poggius Florentinus, ætatis nostræ nobilis scriptor de morte Hieronymi ad Nicolaum Nicolai concivem suum elegantem scripsit epistolam, quamvis paululum sua consuetudine in mores Cleri invecus videatur. Cineres exultorum nè raperentur à Bohemis, in lacum projecti. Discipuli eorum ex eo solo terram abstulere, in quo ignis fuit, càmque veluti sacram se, cum attulere in Patriam. Joannes ac Hieronymus apud Bohemos Martyrum honores meruere, nec minores quam Petrus & Paulus apud Romanos habiti. Nunciatis enim in Bohemiam, quæ Constantiæ gesta fuerunt de Johanne ac Hieronymo, discipuli eorum sequacesque omnes in unum convenientes, memoriam in primis Defunctorum consecrant, celebrandamque quotannis decernunt. Exin per amicos nonnullas sibi Ecclesias à Rege tradi poscentes „ extor-



„ extorquent, in quibus suæ prædicari plebi,  
 „ Sacramentaque ministrare liberè possint.  
 „ Neque hoc modo contenti apud Slavonia-  
 „ nam ( *al. ad Glacoviam, al. Opotiviam* ) no-  
 „ bile Monasterium Fratrum Prædicatorum  
 „ extra mœnia oppidi situm, à fundamentis  
 „ deiciunt: eaque primâ Ecclesiarum ruinâ in  
 „ Hussitarum novitate factâ, decurrit in Ec-  
 „ clesias, Monasteriaque passim: nobilissima  
 „ Superis dicata Tempia ferrô atque igne va-  
 „ stantur.

„ Nullum ego regnum ætate nostra in to-  
 „ ta Europa tam frequentibus, tam augustis,  
 „ tam ornatis Templis dotatum fuisse, quàm  
 „ Bohemicum reor. Tempia in cœlum ere-  
 „ cta, longitudine atque amplitudine mira-  
 „ bili, fornicibus tegebantur lapideis Altaria  
 „ in sublimi posita, aurô & argentô, quo San-  
 „ ctorum Reliquiæ tegebantur, onusta, Sa-  
 „ cerdotum velles margaritis textæ, ornatus  
 „ omnis dives, pretiosissima suppellex: fene-  
 „ stræ altæ, atque amplissimæ conspicuô vi-  
 „ trô & admirabili opere lucem præbebant.  
 „ Neque hæc tantum in oppidis atque urbi-  
 „ bus, sed in villis quoque admirari licebat.  
 „ Fuit inter cætera Monasterium Anlæ Regiæ  
 „ ( *hodie Rönigsaal Ord. Cist.* ) apud ripam Mul-  
 „ taviæ, qua Mosa fluvius illi jungitur, situm,  
 „ in quo Regum corpora condebantur, sin-  
 „ gularis excellentiæ; nam præter ædem ma-  
 „ gni & memorabilis operis, amplum dormi-  
 „ torium, ceterasque Monachorum officinas  
 „ magnificè constructas, quadrata porticus  
 „ fuit, quæ non parvum conclusit hortum,  
 „ ambitum vocavere. In cujus lateribus ve-  
 „ tus novumque Testamentum ab initio Ge-  
 „ nesis usque ad Apocalypsim Johannis literis  
 „ majusculis in tabulis scriptum contineba-  
 „ tur, notis quod altius iret, paulatim crescen-  
 „ tibus, ita ut à summo usque deorsum fa-  
 „ cilis lectio præberetur. Sed hoc decus post  
 „ Venceslai mortem Hussitarum rabies dele-  
 „ vit. Qui postquam Ecclesias quàm pluri-  
 „ mas dejecerunt, Monasteria incenderunt,  
 „ castellum petentes, cui Bechingen nomen  
 „ est, octavô ferè milliariô ab oppido, quod  
 „ nunc Thabor appellant, triginta circiter  
 „ millia hominum convenere, atque ibi tre-  
 „ centas mensas in patentibus campis erexere,  
 „ ex quibus populo Sacramentum calicis mi-  
 „ nistrarunt. Terruit ea congregatio Ven-  
 „ ceslaum verentem, nè tumultu factô in se  
 „ arma converterent, regnûque sibi adime-  
 „ rent: nec sua res periculum caruit. Ven-  
 „ ceslao saluti fuit cognomen Coranda  
 „ singulari facundia Presbyter, & in plebibus  
 „ auditus. Qui dum populum de Repub. ad-

„ moneret, inter cetera, quæ locutus est:  
 „ „ Quamquam, inquit, viri fratres, ebriosum  
 „ atque inertem sortiti Regem sumus, si ta-  
 „ men ceteros expendere Principes pergitimus,  
 „ nemo est, quem nostro Regi antefeceramus,  
 „ quem rectè omnium Regum specimen di-  
 „ xerim, quietum, benignum, nostri aman-  
 „ tem: nam quis eo regnante nos lacerare  
 „ audet? licet nobis ex voto vivere nostro.  
 „ Si non est eadem sibi, quæ nobis de Reli-  
 „ gione, sententia, ritum nostrum neque ipse  
 „ perturbat, neque alios perturbare sinit.  
 „ Quibus de rebus par esse arbitror preces  
 „ pro eo ad Deum fundamus, utque singuli  
 „ ei vitam rogemus, cujus sedisia, nostra sa-  
 „ lus, nostra quies est. Quod cum ab ex-  
 „ ploratoribus Rex cognovisset, quietô ani-  
 „ mō fuit, & factus ex tepido frigidus, Co-  
 „ randam inter amicos habuit.

Spondanus hic n. 43. „ Sessio decima  
 „ quinta habita die Sabbati sexta Julii, præ-  
 „ side Joanne Cardinale Ostiense, ac præse-  
 „ nte Sigismundo Rege, quod eâ de fide & hæ-  
 „ resiarhæ condemnatione agendum esset,  
 „ ac propterea quietius ac attentius res au-  
 „ diri deberet, post solemniam introducto in  
 „ medium Synodi Joanne Hufs, accusatô &  
 „ per delegatos convictô hæreticô, atque  
 „ sedili, ut ab omnibus conspici posset, con-  
 „ stitutô; ante omnia indictum est auctoritate  
 „ Synodali sub pœna excommunicatio-  
 „ nis latæ sententiæ, & carceris duorum men-  
 „ sium, nè quis cujuscunque gradûs aut præ-  
 „ eminentiæ, etiam si Imperiali, Regali, Car-  
 „ dinalitia, Archiepiscopali præfulgeret digni-  
 „ tate, in ea Sessioe loquentes jussioe Sy-  
 „ nodi perturbaret, murmuraret, impediret,  
 „ surgeret, disputaret, aut quemvis strepitum  
 „ voce vel manibus aut pedibus faceret; sed  
 „ omnes placidè & tranquillè rem diligenter  
 „ tractatam & Spiritu S. dirigente unanimiter  
 „ & concorditer per omnes Nationes & Pa-  
 „ tres conclusam audirent, &c.

N. 44. „ Deinde contra Joannem Hufsibi  
 „ præsentem Wickleffii hæresiarhæ discipu-  
 „ lum, ac defensorem, seditiosum, obstin-  
 „ tum & incorrigibilem, aliorumque errorum  
 „ ( qui magnô numero, præter alios olim  
 „ commemoratos, de Ecclesia, Pontific Romano,  
 „ ordine Sacerdotali, dominio civili  
 „ & Ecclesiastico, operibus, præscitis & præ-  
 „ destinatis, munere prædicationis, defensione  
 „ hæresum Wickleffii &c. examinati & con-  
 „ futati recensentur ) pervicacem defensorem,  
 „ ac vasrum inversorem, improbum dictorum  
 „ inficiatorem, & callidum cavillatorem, re-  
 „ pertum, & per testes convictum hæreticum  
 „ „ de-

denunciavit, ejusque scripta omnia publicè cremari statuit: ipsumque degradari & curiæ seculari relinqui decrevit. A qua post consecuti ritus degradationem abductus, combustis prius ejus scriptis, ipse etiam vivus per rogam & incendium è vivis sublatus est. Cujus rei circumstantiæ cum non extent in Actis Concilii, referunt aliquas Æneas Sylvius, & Antoninus, sed prolixè ex aliis ejus temporis testibus, ipsisque etiam Hussitis Joannes Choclaus in historia illius hæresis. Ex quibus abundè intelligas rem longè diligentius examinatam fuisse, quàm hæretici calumniantur. Tradunt autem multis cum precibus & Psalmorum cantibus interitum prævenisse, magnâque animi fortitudine suscepisse rogam. Quod minimè mirum, cum habeat etiam diabolos suos Martyres. Denique & Prophetam fuisse alii habent; cum paulò ante mortem dixit (quod & Hussianæ monetæ inscriptum fuisse) centum revolutis annis Deo responderitis, & mihi. Itémque: Nunc quidem assereni comburitis (id enim Hussi significat) sed post centum annos cygnus existet (nempe id intelligi volunt, Lutherus) quem non comburetis. Quæ signenta fuisse ex post factis ad decipiendas simplicium animas, nec facta dictis respondere, inter alios docuit apprime Grefterus libello de numismate ab hæreticis Germaniæ cuso in laudem Hussi, Lutheri, & Rabi, sub figura asseris, cygni & corvi. Interim combusti cineres, reliquæque rogi conjectæ fuere in flumen Rheni præterfluens, nè ab hæreticis ejus sectatoribus ad venerationem servarentur: qui nihilominus terram, in qua ignis accensus est, non omiserunt ad idiplum eradere, atque in patriam deferre, ac pro sacra habere. Cujus & tanti martyrium, ut vocabant, fecerunt; ut narret Cochlaus eò impudentiæ quendam eorum Sacerdotem, in ipsorum Ecclesia Metropolitana, Bethlehem dicta, in qua Hussi fermocinari consueverat, concionantem erupisse, ut ex purito stomacho eructare non dubitaverit, ex omnibus Martyribus, qui præcesserunt, nullius eorum passionem, sed solius Christi posse Hussi passioni æquiparari. Barones quoque ac Nobiles, qui ejus sectæ adhærebant, atroces & minaces scripsisse ad Concilium literas, & into inter sese foedere ad defensionem pessimæ doctrinæ conspirasse; tam ex iisdem, quæ extant, literis cum subscriptione omnium intelligitur, quàm ex citatione Concilii contra eos decretâ, & Sigismundi Regis ad eosdem scriptis literis.

N. 45. Quod verò obijciunt de fide salvi-conductus non servata, factoque à Synodo decreto servandam eam non esse hæreticis; id verò utrumque calumniolum est. Nihil enim aliud Concilium de salvi-conductibus declaravit, præterquam Ecclesiasticam potestatem in suo legitimo exercitio, nulla ratione à sæculari Magistratu impediti posse; ac proinde si quis secularis Princeps det alicui hæretico salvum conductum, hoc non debere obflare, quò minus liceat Ecclesiastico Judici suum officium exercere in hujusmodi hæretici examinatione & damnatione. Non autem dixit, aut statuit, fidem hæretico ab Ecclesiastico Magistrate datam non esse servandam: quia tunc quod ipse in suo foro promissit, sanctè etiam præstare obligatur: sicut & fecit postea in Conciliis Basileensi & Tridentino. Paritérque Princeps aut Magistratus Politicus fidem abs se datam, quantum in se est, observare debet; quamvis Ecclesiasticam potestatem ad id cogere nequeat, cum sit extra forum ejus. Quare & Sigismundus Rex, qui salvi-conductum Hussi tradiderat, licet initio videretur minùs æquè ferre ejus damnationem; tamen postquam ejus obstinatissimam mentem vidit, adeò ut nec ipsemet cum eo agens porientur eum flectere ad abjuracionem errorum; Concilii Patribus (ut ex Cochleò intelligitur) facultatem concessit, quinimò eos hortatus est, in eum agere ad combustionem. Quem nec amplius ad fidem salvi-conductus servandam obligatum fuisse constat, postquam, ut superius narratum est, Hussi salvi-conductum violavit fugiendo è Concilio; & qua fuga retractus, custodiæ traditus est. Denique nihil Concilium egisse contra fidem aut Hussi, aut Hieronymo, de quo postea, datam ostenderunt propriis opusculis de fide hæreticis servanda Joannes Molanus Theologus Lovaniensis, & Martinus Becanus, ac Hieribertus Rosweidus Societ. JESU, quæ etiam tetradavit Abrahamus Bzovius in suis Annalibus, eosque Authores legat, qui ea uberius probata cupit. Synodus autem, nè fautores & complices falsam de gestis in ea tam in Boemia, quàm vicinis provinciis famam spargerent, epistolâs ad eas scripsit, quibus tam ejus quàm Wicklessi damnationem narrans, ab eorû erroribus abstinerè mandavit; quarum exemplar, ut scriptum est ad Episcopum & Ecclesiam Wratislaviensem recitat idem Cochlaus, simul & alios pandens utriusque Hæresiarchæ errores.

[9.] Ex littera quadam.

## Ann. Christi MCCCCXVI. Monasterii CCLXXVIII.

*Pont. Rom.*  
Vacat.

*Imp. Rom.*  
Sigismundus.

*Archi-Dux Austriae*  
Albertus V.

*Episcopus Pataviensis*  
Georgius.

*Abbas Zwetlensis*  
Fridericus.

**A**Num istum Sigismundus Imp. ferme consumperat in Galliis, conatus quidem unâ cum Rege Aragonum Ferdinando Benedictum Papam XIII. ad meliorem revocare mentem, sed frustra, Perpiniani enim ipsum convenerat unâ cum legatis Concilii Constantiensis, ut sese sisteret Concilio, aut per Procuratorem suum sese pro bono pacis & unitatis Ecclesiæ Pontificatu abdicaret. Quorum consilio cum Benedictus non acquiesceret, sed indies durior efficeretur, decrevit cum Imperator relinquere tanquam mortuum, cui emollire cor, nec mentem ferream flectere ullo modo posset. Conventum igitur inter Imperatorem & Regem Ferdinandum, ut per publicum præconium indiceretur regno sub gravibus pœnis, nè ullus ei obedientiam præstaret. Ille statim, ut comperit edictum Regium adversus se publicatum, navigationi se commisit, & restâ ad oppidum & arcem Penischolæ Regni Valentiae se recepit, naturâ & arte munitum, in rupe quadam situm, undique cinctum mari; angustissimum aditum terrâ præbens, ubi mansit toto tempore vitæ suæ, ubi procedens contra Regem cum anathemate notatum regnò privavit Aragoniæ. Imperator igitur iter suum Concilio explicans, curavit ut ultima sententia in Benedictum ferretur, qua Pontificatû depositus, tanquam Schismaticus damneretur, perturbator quietis, & pacis Ecclesiæ universalis & totius Reipub. Christianæ, damnatis unâ cum illo affectis ipseus. \* [1.] Obiit autem in hac sua pertinacia ibidem Penischolæ octogenariò majot, mense Septembri, Annò Domini MCCCCXXIV. cum triginta

annos in Anti-Pontificatu transegisset; unde singulis Pontificibus in coronatione dicitur: Pater sancte non videbis annos Petri, præter Petrum de Luna illegitimum. [2.]

Gerardus de Roô Friderici Austriaci à Constantia discessum collocat in hunc annum, & adducit in testimonium litteras à Jacobo Laudensi Episcopo Italicæ nationis Præsidente Concilii nomine ad Ecclesiæ Tridentinæ Syndicos datas, quibus vult, ut laborent pro restituenda Georgio Liechtenstainio sponsa sua Ecclesia, quam potenter occupare & possidere Austriacus dicitur, nimirum ut in gratiam Episcopus & Fridericus redeant. Datum Constantiæ octavò Calendas Junii, annò decimò sextò supra mille quadringentos. Verùm, hoc anno propter novum Friderici cum Ernesto fratre dissidium pax Ecclesiæ Tridentinæ data non est, unde gravius apud Cæsarem Episcopus illius Ecclesiæ conquestus, quòd Fridericus clam Constantiâ ideò elapsus esset, nè juri se sistere, nè sibi adempta reddere cogeretur. Cæsar igitur nova iterum diplomata, novas proscriptionis tabulas fieri, & ad Templorum valvas, itâ ut de plano legi possent, proponi jubet. [3.]

Interfuit Annò MCCCCXV. Georgius Pataviensis Episcopus Concilio Constantiensi, ubi Sigismundo Imperatori familiarissimus fuit, à quo Cancellarius Imperii constitutus est, mortuo autem Joanne Strigoniensi Archiepiscopo Imperatoris beneficiò est eisdem Sedi successus. [4.]

Fit demum hoc anno binis vicibus mentio Friderici Abbatis in Zwetl, prima in festo Purificationis B. Mariæ; altera

altera feriâ tertiâ post festum S. Martini Episcopi; unde constat ipsum hoc an-

no Abbatem Monasterii dicti adhuc vixisse. [5.]

## ADDITIONES.

\* [1.] Ciaconius in Benedicto XIII. Antipapa. „ Legatos Concilium Constantiense ante ejus (*Benedicti*) depositionem misit, „ quos secutus piissimus & Religiosissimus Imp. „ Sigismundus peregrinatione diuturna & „ laboriosa suscepta, si quo modo posset suâ „ præsentia & verbis inclinare hominem in „ abrogationem Pontificatus. Exiit igitur „ Imper. Sigismundus Constantiâ ann. 1415. „ mense Julio: Legati Concilii Perpiniani legationem suam exposuerunt, responsum „ habuerunt aliquantulum spei ostendens, „ postea die Jovis 16. mensis Septembris an. „ 1415. Imp. Sigismundus Perpinianum apulit, ubi tum aderant Benedictus & Rex „ Ferdinandus, qui lecto æger jacebat, quod „ in causa fuit, nè transire Nicæam posset, „ ubi conventum erat conveniendi de negotio hoc pertractando. Magno apparatu & „ pompâ susceptus, apud Minores hospitio exceptus; sequenti die ad visitandum Regem lecto decumbentem perrexit, ubi publice cum Legatis Concilii verba ad Regem fecit, postea solus cum solo fermocinatus est, deinde ad arcem, ubi Benedictus habitabat, qui ad portam aulæ occurrit, & ipsum submissiois gratiâ adoravit, non ut Pontificem, sed ut virum, qui hanc dignitatem usurpabat, præsentibus Legatis Concilii, qui legatione sua ex parte Concilii expositâ, quam rationibus efficacibus Imperator adstruebat, recesserunt Quinquaginta diebus mansit Imp. Perpiniani partim cum Benedicto, partim cum Rege Arragonum Ferdinando, ad quod venerat, 50. diebus, quibus Perpiniani moratus est, tractans: demum videns se nihil proficere, & duriores in dies Benedictum evadere, decrevit illum relinquere tanquam mortuum, cujus mentem ferream flectere nullo modo posset. Conventum inter Imperatorem & Regem Ferdinandum, ut per publicum præconem indiceretur Regno sub gravibus poenis, nè ullus ei obedientiam præstaret, neque haberet eum pro Papa, iudiciò & sententiâ prius virorum doctiorum adhibita, præsertim Fratris Vincentii Ferrerii, qui tunc præsens Perpiniani aderat. Statim, ut comperit, edictum Regium adversus se publicatum, navigationi se commisit, & restâ ad oppidum & arcem Peniscolæ Regni Valentie se re-

cepit naturâ & arte munitum, in rupe quadam situm undique cinctum mari, angustissimum aditum terrâ præbens, & ideo Penischola corruptè vocatum, quasi pene Insula, ubi mansit toto tempore vitæ suæ: ubi procedens contra Regem, cum anathemate notatum Regnò privavit Arragoniæ. Qui ad Regem Joannem Secundum profectus, ut eum ab obedientia abduceret Benedicti XIII. cum valde ægrotaaret, in itinere Igualadæ mortuus est, die Jovis secunda Aprilis annò 1416. Imperator per dispositos equos certum consilium fecit itineris suscepti & legationis suæ ad Benedictum, & mense septimo pervenit Constantiam. A Patribus Concilii, habita pro vacante Sede Apostolica, sententia ultima adversus Benedictum prolata, & Pontificatu depositus est, & declaratus schismaticus, perturbator quietis & pacis Ecclesiæ universalis, & totius Reipubl. Christianæ, damnatus tanquam schismaticis Rege Scotiæ, & Comite Armeniacensi, & omnibus, qui illum tanquam Pontificem colebant.

Spondanus ad ann. præced. n. 54. „ Sessione Concilii 16. habita die Jovis 11. Julii, præfide Cardinale Ostiensi ceteris antiquiore constituti sunt procuratores Concilii Jacobus Turonensis Archi-Episcopus, alique nonnulli Episcopi, Abbates & Doctores, omnes numero duodecim: qui unâ cum Sigismundo ad Regem Aragoniæ, & Petrum de Luna Benedictum XIII. proficiscerentur, quod eum ad cessionem inducerent exemplò Joannis & Gregorii. ( non enim, ut ex Psalmo Davidico lepidè consueverat in Concilio dicere Gersonius, futura erat pax Ecclesiæ, donec auferretur Luna, ) Datâque nonnullis potestas citandi eos, qui clam se à Concilio subducerent. Et adversus quosdam nobiles prædones, qui ex Synodo missos à Sigismundo ad Regem Francorum spoliaverant, processus decreti, 17. celebratâ die Lunæ 15. Julii eodem Ostiensi Præfide, pro itinere Sigismundi ad eundem Benedictum; idem Rex habitu quotidiano flexis genibus ante Altare, Benedictionem Synodi solemnibus precibus per os dicti Cardinalis accepit. Deinde Processiones generales & Missarum celebrationes pro ejus felici itû & reditu decretæ sunt: & impedimentum aliquod,

Q

„ aut

„ aut damnum ei aut comitibus itineris inferebant gravi excommunicatione percussi;  
 „ contrā verò pro iis orantibus indulgentiæ concessæ. Factaque prima supplicatione seu Processione generali die Dominica 21. Julii, Joannes Gersonius sermonem seu orationem habuit; qua nonnullis propositionibus, quas Directiones vocat, egit de auctoritate Concilii Generalis etiam supra Pontificem. Quod tamen accipiendum de tempore schismatis, cum dubitaretur quis esset verus Pontifex, jam antea simili occasione monuimus. Non enim alioqui hæc quæstio unquam introducta fuisset, quæ acriter postea hinc inde tractata est. De qua semel dicimus, cum apud diversos, plurisque ejus temporis auctores reperitur assertum: Concilium esse supra Papam, aut Papam subesse Ecclesiæ, intellexisse omnes, (si diligenter verba eorum expendantur) intelligendumque omnino esse, quando agitur de fide aut tempore schismatis; quoniam si Papa fieret fortè hæreticus, delineret esse Papa; tempore verò schismatis, incertum est: Ecclesia autem nec unquam in errorem labi potest, nec ejus auctoritas est unquam incerta.

N. 55. „ Quod verò iter Sigismundi spectat, imprimis habet Cerretanus eum Constantiā discessisse die 18. Julii. Acta verò Victorina iter describentia, imprimis narrant Petrum de Luna jam antea se apud eum per nuncios excusasse, quod non posset accedere Niciam, ut conventum fuerat, propter nimiam loci distantiam: sed futurum se Perpiniani unā cum Ferdinando Aragoniæ Rege mense Junii. Rursūque Ferdinandum ob infirmitatem, qua detinebatur, eundem Sigismundum monuisse, ne iter acceleraret, donec ipse convalesceret. Itaque Sigismundum mense tantummodo Julii Narbonam isse, non longè distantem à Perpiniano, opperiturum ibi tempus, & commoditatem congressus. Petrum autem, cum ad finem Junii ex conducto Perpiniani expectasset, media nocte ultimæ diei proclamare fecisse per urbem, num quis adesset pro Rege Sigismundo: cumque nemo sese exhibuisset, accusasse velut in publicis criminibus aut litibus ejus contumaciam, & abscessisse: Sigismundum nihilominus Narbonā Perpinianum accessisse: Cūque Petrum sollicitaret, petiisse illum ab eo saluum-conductum, ut posset liberè cum habitu Pontificali venire: respondente Rege non suum esse in alieno regno saluum-conductum concedere; nec recepturum se il-

„ lum ut Pontificem, sed tantum ut Cardinalem; Regem Aragoniæ facultatem misisse Sigismundo dandi saluum-conductum. Verum quod non daret, nisi ut Cardinali; Petrum noluisse venire, sed misisse plures articulos: quibus inter alia volebat, ut irritis & nullis declaratis, quæcunque adversus eum ac suos fuissent hæcenus decreta, novum à se Concilium totius Ecclesiæ Catholicæ, omniumque obedientiarum convocaret Lugduni, vel Avenione, aut una alia civitate provinciæ Narbonensis, in quo fieret per eum habitatio & absolutio, de consensu pariter ejusmodi Concilii, si & in quantum opportuisset; & immediatè post eadem Sessione ipse renunciaret Papatui: Post renunciationem remaneret in statu Cardinalis, haberetque legationem à latere cum pleno dominio in spiritualibus & temporalibus in tota obedientia, quam tunc actu habebat: foretque super omnes mundi Prælatos ac Principes post Papam; nec ab ipso appellare fas esset. Sed his à Sigismundo rejectis, & congressu iterum postulato; demum accessisse Petrum Perpinianum; ibique inter ipsum ac Reges, missosque à Concilio Constantiensis nuncios varios ac multos tractatus habitos de via cessionis: verum ob multiplicia Petri subterfugia ac delusionem, & ambiguitates re infecta omnes recessisse: Petrumque sibi ab eo Regēque Aragonio timentem, aut timere fingentem sese Paniscolam (sive Peninsulam oppidum firmissimum regni Valentini, ad maris oram tui pospositum, Cherfonesum antiquis dictum, nunc alio nomine Roccha de Truena) proripuisse: Sigismundum nihilominus Narbonæ subtrahisse, rursūque egisse de Petro evocando, sed eum recusasse redire. Inter Regem autem Sigismundum & delegatos Concilii ex una parte, & oratores Regum Aragoniæ, Castellæ & Navarra, ac Comitum Fuxi, & Armaniæ, qui Benedicto obediabant (adstantibus pariter & cooperantibus Regis Francorum oratoribus) post longos & diversos tractatus demum concordatum esse in duodecim articulos, qui tam iisdem Actis Victorinis, quàm etiam editis recensentur: fuissetque eosdem juramentò firmatos, & subscriptos à Sigismundo Rege, Alfonso filio primogenito Ferdinandi Aragonii ob patris infirmitatem, & aliis omnibus: factò de iis instrumentò die 13. Decembris præsentis anni 1415. „

Idem ad ann. 1416. n. 1. „ Anno Christi 1416. Indictione nona, die Jovis trigesima Januarii facta est Constantiæ congregatio „ gene-

„ generalis ad audiendam relationem nun-  
 „ ciorum missorum unà cum Sigismundo Ro-  
 „ manorum Rege in Aragoniam. Quà factà  
 „ per Jacobum Archi-Episcopum Turonen-  
 „ sem lecti sunt duodecim illi articuli, quos  
 „ diximus inter eosdem Regem Romanorum,  
 „ nunciosque, & Regem Hispaniarum, aliòs-  
 „ que Benedicti Lunensis sectatores, constitu-  
 „ tos; qui in Actis Concilii referuntur. Quorum  
 „ primò ferebatur, ut per Patres Constantien-  
 „ ses fieret nova convocatio respectu prædicto-  
 „ rum Regum, & Prælatorum obedientiæ Bene-  
 „ dicti sistendorum Constantiæ intra tres men-  
 „ ses; ita tamen, ut literæ convocationis mitte-  
 „ rentur Regibus, & per ipsos distribuere-  
 „ rentur Prælati in ipsorum regnis constituti.  
 „ Secundò cavebatur, nè quid in eo Conci-  
 „ lio tractaretur de rebus eosdem Reges, aut  
 „ Prælatos, ceterosque obedientiæ prædictæ  
 „ tangentibus, sed tantùm de schismate ex-  
 „ tirpando, & Ecclesia uniendo. Tertiò, ut  
 „ quicumque eorum ad Concilium accederent,  
 „ confestim unirentur ejus corpori,  
 „ sicut aliarum obedientiarum; & per Conci-  
 „ lium sic unitum procederetur juridicè con-  
 „ tra Benedictum nolentem, aut refugien-  
 „ tem renunciare purè & libere. Quartò,  
 „ ut omnes processus formati, aut sententiæ  
 „ latæ contra Benedictum ejusque sequaces  
 „ irritæ essent ac nullæ. Quintò, ut confir-  
 „ marentur collationes omnes & gratiæ quæ-  
 „ cunque à Benedicto impetratæ in sua obei-  
 „ dentia. Sextò, ut Cardinales Benedictini  
 „ venientes ad Concilium admitterentur  
 „ etiam cum aliis ad electionem novi Ponti-  
 „ ficis. Septimò, ut officiales à Benedicto  
 „ Romæ constituti non deponerentur; dum  
 „ tamen non adhærerent ei post subtractio-  
 „ nem faciendam. Octavò, si interim Bene-  
 „ dictus ante abdicationem decederet, non  
 „ esset alius Pontifex, quàm qui à Concilio  
 „ eligeretur. Nondò, ut provideretur super  
 „ titulis Cardinalium, ad quos bini vel plures  
 „ ex diversis obedientiis fuissent nominati.  
 „ Decimò, ut Benedicto volenti ad Conci-  
 „ lium ire, aliisve ipsius obedientiæ provide-  
 „ retur de salvo conductu Regum ac Principum,  
 „ per quorum ditiones transireturus es-  
 „ set. Undecimò, ut conventa utrimque  
 „ juramentò firmarentur. Duodecimò, ut  
 „ instrumenta conventorum cuilibet parti  
 „ traderentur, quot necesse forent. Hi porro  
 „ articuli coram omnibus lecti, fuere quo-  
 „ que secundùm conventa ab omnibus jura-  
 „ mentò confirmati, atque subscripti, qui in  
 „ Actis recensentur Cardinales numerò vi-  
 „ ginti, Patriarchæ duo, Constantinopoli-  
 „ taus & Antiochenus; ac ceteri Archi-

„ Episcopi, Episcopi, Abbates, nuncii Re-  
 „ gum ac Principum, & procuratores Episco-  
 „ porum absentium, Universitatum & Ordini-  
 „ um, atque Ecclesiarum particularium &  
 „ Capitulorum, quotquot tunc Constantiæ  
 „ erant; cùm plurimi Episcopi ex absentia  
 „ Regis occasione accepissent suas Ecclesias  
 „ visitandi. Scriptæque sunt pridie Nonas  
 „ Februarii literæ convocationis secundùm  
 „ formam inter partes constitutam.

N. 4. „ Interea Sigismundus Romano-  
 „ rum Rex post satis felicem Ecclesiasticarum  
 „ rerum in Aragonia ad unionem Ecclesiæ  
 „ tractationem, de pace etiam aut induciis  
 „ inter Reges Francorum & Angliæ procu-  
 „ randis sollicitus, antequam Constantiam  
 „ ad Concilium reverteretur, dum tempus  
 „ constitutum sectatoribus Benedicti elabe-  
 „ reretur, decrevit utrumque Regem invifere.  
 „ Pervenitque Lutetiam Calendis Martii, ut  
 „ juvenalis habet, confirmatque Monstreletus,  
 „ dum Dominicam Quinquagesimæ signat,  
 „ magnificè de more Francorum susceptus;  
 „ adeoque honoratus, ut & permissus fuerit  
 „ locum in curia Parlamenti occupare, quem  
 „ Rex tenere consuevit; & ibidem publicè  
 „ militem creare, hoc est, Ordinem Eque-  
 „ strei cuidam conferre, qui ejus defectu  
 „ causâ quæ agitabatur casurus erat: non ta-  
 „ men (ut iidem auctores ajunt) sine pluri-  
 „ morum murmure; quòd hæc viderentur  
 „ tantummodò Regum esse, nec Rex Franco-  
 „ rum ullum agnoscat superiorem aut parem  
 „ in regno. Quare & cùm postea in reditu  
 „ idem Romanorum Rex Lugduni constituisset  
 „ Comitem Sabaudia magna celebritate  
 „ Ducatûs insignibus exornare; intercessere  
 „ (inquit Æmilius post Monstreletum) Regii  
 „ Magistratus, nè in regno Francico quic-  
 „ quam pro Imperio agere decerneret posse  
 „ viderentur Imperatores. Quem extra re-  
 „ gnum non procul inde in arce Monluerana  
 „ in Ducem evexit, evchendum postea in  
 „ Pontificem dictum in schismate Felicem V.  
 „ N. 5. „ Transmisit quoque Sigismundus  
 „ in Angliam; pervenitque Londinum (ut  
 „ Wallinghamus habet) die 7. Maji, magno  
 „ pariter honore exceptus.

Item ad ann. 1417. n. 2. „ Vigesima nona,  
 „ quæ celebrata fuit die Lunæ, octavò Martii,  
 „ centesimò à citatione contra Petrum de Luna decretâ, accusata est ejus contumacia,  
 „ atque ultteriores contra eum citationes decretæ: consentiente pro toto Concilio Joanne Cardinale ejus præfide. Quippe ob discordiam Nationum Hispanicæ & Anglicanæ de prærogativa responsum, aliorumque aduū, fuit per Nationes & Car-

„dinales statutum, ut præsidens solus pro  
„toto Concilio responderet: habitò tamen  
„priùs scriptò tam Cardinalium, quàm singu-  
„larum Nationum sententiâ & consensu &c.

N. 4. „Sessio 32. habita, die Jovis pri-  
„mâ Aprilis & quatuor sequentibus celebra-  
„tis duodecimâ Maji, quintâ, & decimâ  
„octavâ Junii, ac vigesimâ 2.â Julii, nihil  
„aliud gestum apparet, quàm quæ causam  
„Petri de Luna respiciebant. Qui post mul-  
„tiplices citationes, contumacias, testium  
„auditiones, & alia ritè ac juridicè acta, de-  
„mum Sessio 37. habita die vigesima sexta  
„Julii, cui præfuit de more Joannes Cardi-  
„nalis Ostiensis, interfuitque Sigismundus  
„Rex, post solita solemnia, lecta est per Car-  
„dinalem S. Marci sententia definitiva ipsius  
„depositionis, & absolutionis omnium ab  
„ejus obedientia. „

[2.] Ciaconius ubi supra in fine. „An-  
„no Christi 1424. Antipontificatûs sui annò  
„trigesimò, mense Septembri Petrus de Lu-  
„na, Benedictus XIII. in sua obedientia no-  
„minatus, Penischole oppidò regni Valen-  
„tiæ munitissimò, diocesis Dertuensis, diem  
„clausit extremum; octuagenariò major, ul-  
„que ad ultimum vitæ spiritum in sua obsti-  
„natione permanens, ibique cadaver sepul-  
„tum est, quod postea translatus est Iglee-  
„cam Arragoniæ oppidum, ibique intra ar-  
„cem loco profano repositum, quo in loco  
„integrum hodie perseverat, in ditione Co-  
„mitis Moratæ; & cùm in Antipontificatu  
„exegisset annos triginta, illegitimus Papa  
„ex eo etiam visus est, quia nemo ex legi-  
„timis Pontificibus annos Petri (ut vulgò  
„dicitur) vidit.

Spondanus ad ann. 1424. n. 3. „Excef-  
„sit è vivis hoc item anno (non superiori,  
„ut ibi ostendimus: sicuti & de mense con-  
„trovertitur; cùm nonnulli Septembrem, alii  
„extremum Novembrem, quidam diem Pen-  
„tecostes, qui incidit in undecimam Junii,  
„ponant) inveteratus ille dierum malorum,  
„Petrus de Luna, olim Pontifex in sua obe-  
„dientia Benedictus nuncupatus; adeò in  
„sua obstinatione perseverans, ut & suos Sa-  
„cramentò adjuraverit alium in suum locum  
„eligere, quin immò, ut habet auctor Bur-  
„degalensis illius temporis, etiam postquam  
„loquelam amisit, nè fortè rem negligenter,  
„acceptò calamò suis, qui aderant, Cardina-  
„libus injunxerit sub pœna maledictionis  
„æternæ alium post mortem suam eligere in  
„Papam. Quem quidem vel ex eo, quòd tri-  
„ginta annos explens fuit Pontificatûs (ele-  
„ctus, ut vidimus, mense Septembri anni

„millesimi trecentissimi nonagesimi quarti)  
„transfèrit annos Petri, pro illegitimo ha-  
„beri debere, Antoninus & alii existimârunt.  
„Haud enim mysteriò vacare putatur, quòd  
„nullus in tanto numero legitimorum Pon-  
„tificum, quamvis juniori ætate permulti  
„creati, inventus hæcenus fuerit, qui an-  
„nos Romanæ Sedis Petri, non solùm non  
„prætergressus sit, sed nequidem attigerit.  
„Non tamen, ut propterea (quod nonnulli  
„fabulantur) consueverit dici Pontificibus  
„in creatione: Non videbis dies Petri. Quis  
„enim futurorum adeò securus, ut nulla  
„præcedente revelatione Divina rem tantam  
„possit asserere? Mortuus est autem hic Pe-  
„trus ex veneno (ut quidam Hispani habent)  
„à Thoma Monacho ei propinato; de quo  
„supplicium sumptum sit: consilii nefarii au-  
„ctore Cardinale Pisano, qui ad capiendum  
„Benedictum venerat, auditæque morte con-  
„festim aufugit.

N. 4. „Aderant ei duo tantùm reliqui  
„sue partis Cardinales Julianus Dobla, sive  
„de Loba, & F. Dominicus de Bona-spe  
„Ordinis Carthusiani. Qui post ejus obitu-  
„tum, ex ejusdem viventis præcepto, Ægy-  
„dium Sancti Munionis, sive Munotii, Ara-  
„gonensem, militari genere natum, Decre-  
„torumque Doctorem, & Canonicum Eccle-  
„siæ Barcinonensis Catalanæ, ibidem Pan-  
„niscolæ in Plecto. Pontificem elegerunt.  
„Quem, pudendam ejusmodi dignitatem,  
„contra totius orbis terrarum consensum,  
„suscipere recusantem, Alfonso Aragoniæ  
„Rex Martino Pontifici, ut vidimus, insen-  
„sus, heroicò, ut sibi visum est, facinore  
„admittere impulit; tunc amittendam, cùm  
„sibi Martino reconciliari complaceret. Hæc  
„enim sunt ludicra & oblectamenta Regum,  
„qui commoda sua Religioni, & conscientie  
„anteferunt. Idemque Clementis VIII.  
„nomine accepto, mimum prælarè agens;  
„& coronatus est, & Cardinales creavit,  
„omniâque fecit, quæ veri Romani Ponti-  
„fices facere consueverunt. De cuius abdi-  
„catione dicitur postea: quem interim Mar-  
„tinus, ubi ejus accepit intrusionem, ana-  
„themate unâ cum auctoribus & fautoribus  
„perculsit; diemque omnibus Romæ dixit,  
„parùm hæc præ nimia, scilicet, religione  
„curantibus. „

[3.] Gerardus de Roò lib. 4. „Post  
„ejus (Friderici) discessum (Constantiâ in Tro-  
„lim) Jacobus Laudensis Episcopus, Italicæ  
„Nationis Præses, Sacrosanctæ generalis Syn-  
„odi nomine literas dedit ad Petrum Spon-  
„dum militem, Simonem & Erasmus de Thun-

„no,

no, Hiliprandum Glesum & reliquos in  
 Ananias ac Solis vallibus, Tridentinæ Ec-  
 clesiæ Syndicos ac fiduciarios hoc argumen-  
 to: Cùm omnis potestas ex Deo sit, nihil  
 ad humani generis conservationem utilius  
 esse, quàm ut iis, qui Magistratum gerunt,  
 parcatur, quæ una in re vera ac solida laus  
 consistit. Cùm igitur Georgius ipsorum  
 Episcopus à Friderico Austriæ Principe mul-  
 tis magnisque incommodis affectus, vindi-  
 cæ omni cupiditate vacuus, nihil aliud in  
 votis habeat, quàm ut sublati inimicitiis,  
 in pristinum dignitatis gradum restitutus,  
 suamque sponfam recuperare possit: dan-  
 dam ipsi operam esse, ut Fridericus cum  
 illo in gratiam redeat, & Ecclesiam illis su-  
 am male affectam restituat: Ea in re, si quod  
 sui officii est, fecerint, id Deo Opt. Max.  
 & Synodi patribus, Ecclesiam Dei repræ-  
 sentantibus, gratissimum fore, sin minus, pro  
 conservanda Ecclesiæ tranquillitate, se, etsi  
 cum animi dolore, processuros. Datum  
 Constantiæ VIII. Calend. Junii, annò de-  
 cimo sexto supra mille quadringentos. ....  
 Eodem anno circa medium autumnum,  
 adnitentibus præcipue Ludovico Palatino,  
 Baviaræ Duce, ac Eberhardo Neuhausio Sa-  
 lisburgensi Præsule, omnis controversia,  
 quæ Udalrico Brixinenfi Episcopo cum Au-  
 striacis fratribus fuerat, composita est,  
 & Udalricus Cancellarii officio ac titulo,  
 quo antea functus, etsi cum Friderico in  
 gratiam redierat, partibus tamen Ernesti  
 addictior fuit. Ut verò & inter fratres  
 omnia transigerentur (neque enim aliter

rerum status incolumis conservari poterat)  
 Merani Statuum conventus est habitus, in  
 quo cùm de rei summa nihil convenisset,  
 alius Oeniponti indicitur. Antequam ve-  
 rò is dies adveniret, Udalricus Præsul cum  
 Ecclesiastici & Equestri Ordinis primori-  
 bus, non inficid Ernestò, fœdus facit, & de  
 communi consilio decernit, in proximo con-  
 ventu provinciales de omni controversia sine  
 provocatione arbitros fore, quorum iudicio  
 uter Principum stare noluisset, in eum se ar-  
 ma ut in hostem, pro alterius defensione sum-  
 pturos. Quinque item Præfectos consti-  
 tuunt, quorum singulis binos consiliarios  
 adiungunt. Id fœdus cùm in fraudem su-  
 am pactum esse, multosque ipsius assensu  
 omnia fieri persuasos, subscribere videret,  
 vulgatis literis ostendit, nullum se fœdus,  
 nulla fœderis decreta agnoscere, quæ ab  
 adversæ factionis hominibus, se inconsulto,  
 essent composita. Obtestatur itaque omnes,  
 ut datum semel fidei Sacramentum servent,  
 neque famæ suæ perjuri perfidiaque no-  
 tam inurant; Ernestus contrà, missis ad quin-  
 que Præfectos ac reliquos conjuratos lite-  
 ris, ut in fœdere permanerent, hortabatur.  
 Jámque res ad bellum intestinum, atque  
 adeo fratrum speçabat &c. ....

Cæsar itaque nova iterum diplomata  
 &c. ut in textu nostro.

[4.] Hundius in Metropol. sua Salisburg.  
 sub Episcopis Pataviens. in Georgio ad litte-  
 ram.

[5.] Ex litterarum monumentis.

## Ann. Christi MCCCCXVII. Monasterii CCLXXIX.

*Pont. Rom.*  
 Martinus III.

*Imp. Rom.*  
 Sigismundus.

*Arcbi-Dux Austriæ*  
 Albertus V.

*Episcopus Pataviensis*  
 Georgius.

*Abbas Zwetlensis*  
 Fridericus.

Cum schisma sæpè memoratum in  
 Ecclesia jam diu durasset, atque  
 Sedes ipsa Pontificia post abdicationem  
 Joannis XXII. vacasset, tandem hoc  
 anno viginti octo Cardinalium, & tri-  
 ginta Prælatorum, nationum quinque  
 suffragiis creatus fuit Romanus Ponti-  
 fex Otto de Columna, Romanus, Dia-  
 conus Cardinalis S. Georgii in Velabro.  
 \* [1.] Cujus electio incidit in festum  
 S. Martini Turonensis, unde Martini

nomen placuit assumere, cui ejus no-  
 minis Quintus dictus fuit, cùm reverà  
 Tertius dicendus esset. Nam duo Ma-  
 rini fuerunt, non Martini, qui ante  
 Martinum dictum III. federunt, uti ex  
 eorum Bullis & aliis monumentis li-  
 quet, quæ perpexit Ciaconius egregius  
 in vitas Pontificum Romanorum Com-  
 mentator. Igitur Martinus hic III.  
 non V. dicendus est. [2.] De hoc  
 Pontifice B. Malachias sic prophetavit:

R

Co.



Corona veli aurei. Erat enim Familiâ Colonna, cujus insigne corona super columnam posita, & Diaconus Cardinalis S. Georgii ad velum aureum. Mox inito Pontificatu Petrum de Luna Antipapam ut schismati finem imponeret, admonuit, verum illum recusantem & pertinacem permanentem Martinus publicè per Concilii sententiam ultimam Pontificatu dejecit, ac contumacem diris maximis devovit. [3.]

Interea Fridericus Austriacus scriptus hoc anno Tetnangam, Wilhelmô Montforti eum deducente, pervenit, ubi post unum aut alterum colloquium, intercedentibus quibusdam

Principibus, cum Cæsare in gratiam rediit, & suarum ditionum possessionem solemnè ritu ab eo publicè accepit octavo Calendas Maji. Erant inter civitates Friderici, quæ sese Imperio perpetuò tradiderant, nève unquam ad suum Dominum antiquum redirent, diploma à Sigismundo impetrarant; hæ tunc penitus à Domo Austriaca abalienatæ fuerunt: hæ sunt Schaffhusium, Rheinfelda, Dissenhovium, & Cella. [4.] Atque ita tunc Austriaci quatiabantur: verum Deus recompensavit illis duplò magis hoc damnum, duobus nimis florentissimis Regnis, Ungariæ & Bohemiæ, sicut suo loco sum scripturus.

## ADDITIONES.

\* [1. & 2.] Ciaconius in Martino V. Magnum Chronicon Belgicum. „ De-  
mum annò Domini 1417. mensis Martii die  
„ 16. Concilium Constantiense cum Regis  
„ Sigismundi consensu contra Petrum de Lu-  
na citationem emisit, & citavit eum ad pri-  
mum diem mensis Aprilis, sed terminus con-  
tinuatus usque in mensem Julium fuit, ut  
interim mitterentur viri idonei ad acceden-  
dum præsentiam ejus, & ut ipse sufficiens  
haberet tempus præparandi se ad viam, &  
veniendi ad Concilium. Sed permanens  
in pertinacia sua per Concilium in poenam  
contumaciæ Papatu privatus est, quamvis  
dudum per Pisani Concilium privatus videretur.  
Post hoc electi sunt viri literatissimi ex omnibus illis Nationibus, qui nomine totius Ecclesiæ reformationem Statu Ecclesiæ ordinarent & conscriberent.  
Illis autem moram facientibus, orta est seditio inter Regem, & Nationem Germaniæ parte ex una, & ceteras Nationes parte ex altera, Rege cum suis volente, ut priusquam ad electionem Summi Pontificis procederetur, fieret reformatio Ecclesiæ tam in capite quam in membris, contententibus ex adverso reliquis, ut prius procederetur ad electionem Papæ, per quem reformatio Ecclesiæ esset deducenda ad effectum. Tandem reformatione concepta, nondum tamen publicata, processum est ad electionem Summi Pontificis: quo ex qualibet Natione electi sunt viri literatissimi & devoti sex, ut essent numerò triginta, qui unà cum Cardinalibus omnibus eligerent Papam. Simul igitur sunt ingressi

„ Conclave Cardinales quidem numerò 21.  
„ (al. 28.) & ceteri triginta, die Lunæ, octava mensis Novembris, postquam jam per tres annos integros continuatum Concilium fuisset. Undecimò verò diè mensis die concordēs effecti elegerunt Dominum Ottonem de Columna nobilem Romanum Cardinalem, qui de obedientia Urbani Sexti descenderat, & appellatus est Martinus V. Eodem quippe diè festum S. Martini Episcopi celebravit Ecclesiā, & in octava S. Martini coronatus fuit Pontifex annò Domini prænotatò, & sedit annis 13. mensè uno, diebus 18. Postquam verò Dominus Martinus Papa prædictus fuit coronatus, per Nationes Concilii urgebatur reformatio Ecclesiæ tam in capite quam in membris, prout in reformatione per electos conceptum prius erat: sed quia non omnes æquè ardentè instabant, Cardinalibus etiam in hoc torpentibus, parùm profecerunt. Unde Natio Gallicana Regem adit petens ab eo, ut Papam ad reformandam Ecclesiam sollicitaret. Qui respondit: Dum nos, ut reformatio fieret Ecclesiæ, priusquam ad electionem Summi Pontificis procederetur, instabamus, vos à nobis dissistis, & Papam priusquam fieret reformatio Ecclesiæ, habere voluistis. Ecce igitur Papam habetis, quem & nos habemus; illum pro expeditione hujus reformationis adite; cum nunc nostrā non ita interfit, ut intererat Sede Romana vacante. Huc usque Chronica Goblini quondam Decani in Bi-lenvelde in Børdeken sepulti in Monasterio Canonicorum Regularium Wyndesemen-

„ sum,

„ sum, quæ Cosmodromium, id est, mundi  
„ cursum inscripsit.

„ Martinus iste fuit Papa potentissimus,  
„ super omnes dives, & Iustitarius magnus,  
„ plateas & stratas publicas securas reddidit,  
„ hæreticos delevit, multa bona paravit ad-  
„ juvante Inclito Principe Sigismundo: ut &  
„ pro Terra Sancta recuperanda multos the-  
„ sauros congregavit, sed morte præventus,  
„ res impedita fuit. „

„ Naucerus Generatio. 48. „ Cùm de  
„ restituenda Ecclesia, emendandisque mori-  
„ bus Clericorum mentio haberetur, fieri id  
„ non posse existimârunt vacante Sede. Unde  
„ de eligendo novo Pontifice sermo est ha-  
„ bitus. Ordinatum est Spiritu S. suggeren-  
„ te, quod aliis non putatur servatum, & hoc  
„ ad majorem concordiam, ut ultra voces  
„ Cardinalium, qui erant de triplici obedi-  
„ entia, scilicet Gregorii, Johannis, & Bene-  
„ dicti, adderentur ex qualibet Natione quin-  
„ què Prælati, qui vocem cum Cardinalibus  
„ in electione fienda haberent. Conclave  
„ igitur intransibus infra paucos dies electus  
„ est ab omnibus post aliquam discussionem  
„ & vocum variationem unanimiter & con-  
„ corditer Otho Cardinalis de Columna, vo-  
„ catûsque Martinus V. annò 1417. mense  
„ Novemb. Effusus nimîo gaudiò Imperator,  
„ nullò habito dignitatis suæ discrimine, Con-  
„ clave ingressus, gratias omnibus egit, qui  
„ tantum virum, & tam necessarium Reipub.  
„ Christianæ propè extinctæ delegissent: &  
„ ante Pontificem prostratus cum summa  
„ veneratione ejus pedes osculatus est, quem  
„ contrâ Pontifex amplexus, non secus ac  
„ fratrem in pretio habuit, gratias egit, quòd  
„ suâ operâ & industriâ pax tandem Ecclesiæ  
„ Dei reddita est. „

„ Spondanus hic n. 6. „ Sessio 40. cele-  
„ brata die Sabbati 30. Octobris, decretum  
„ est futurum Pontificem cum delegatis sin-  
„ gularum Nationum, antequam Concilium  
„ dissolveretur, reformare debere Ecclesiam  
„ in capite & in membris, & Curiam Roma-  
„ nam super certis articulis expressis &c. ----  
„ Deinde decretum, ut non obstante absentia  
„ Cardinalium Petri de Luna procederetur ad  
„ electionem novi Pontificis: qui tamen si ad-  
„ venerint, antequam facta esset electio, & Con-  
„ cilio adhærerent, admitterentur cum aliis.  
„ Deniq; & forma electionis statuta; ut scilicet  
„ ad firmiorem rei certitudinem, & plenissimam  
„ insinuandam unionem, hac duntaxat vice,  
„ & de expresso consensu Cardinalium, unâ  
„ cum ipsi Cardinalibus, sex Prælati, aliæve  
„ honorabiles personæ Ecclesiasticæ in sacris

„ ordinibus constitutæ de singulis quinque  
„ Nationibus in Synodo tunc existentes ad  
„ electionem admitterentur: ut & quicumque à  
„ duabus partibus Cardinalium, & à cujuslibet  
„ Nationis delegatarum duabus item partibus  
„ eligeretur, verus esset, & indubitâ Pontifex.

„ N. 7. „ Sessio 41. habita die  
„ Lunæ octava Novembris (cui ùt in ceteris  
„ præfedit Joannes Cardinalis Ostiensis, &  
„ interfuit Sigismundus Romanorum Rex )  
„ post solemnia peracta, lectâque Consti-  
„ tutionem Clementis Papæ VI. de modo &  
„ forma Conclavis, emissâque juramenta eâ  
„ contenta; nominati sunt Electores Natio-  
„ num Cardinalibus adjungendi; & promul-  
„ gata excommunicatio, atque beneficiorum,  
„ officiorum & dignitatum privatio contra  
„ eos, qui ex abusiva ( ùt inquit ) licentia,  
„ res & bona electi, quasi culmen divitiarum  
„ adepti, invaderent & occuparent. Eadem-  
„ que die Cardinales, quotquot Constantiæ  
„ erant ex triplici obedientia Gregorii, Jo-  
„ annis & Benedicti ( qui viginti numerò ex-  
„ primuntur in Actis editionis Romanæ, vi-  
„ delicet quinque Episcopi; undecim Pres-  
„ byteri, & quatuor Diaconi, si his Colum-  
„ nensem addideris, qui fuit in Pontificem  
„ electus: quavis viginti tres à nonnullis  
„ numerentur ) unâ cum ceteris triginta Ele-  
„ ctoribus; nempe Patriarcha Constantinopo-  
„ litano, quinque Archi-Episcopis, undeci-  
„ cim Episcopis, & uno electo, ac duodecim  
„ Abbatibus, aut aliis in dignitatibus Eccle-  
„ siasticis sive Secularibus, sive Regularibus  
„ constitutis, qui in Actis recensentur, in-  
„ gressi sunt Conclave paratum in domo com-  
„ munitatis civitatis Constantiensis. Ac  
„ tertio post die, nempe Jovis, undecimâ No-  
„ vemb. elegerunt in Summum Pontificem  
„ Odonem ( seu Orsonem ) de Columna Roma-  
„ num de nobilissima Columnensium familia  
„ patre Agapeto, Diaconum Cardinalem S. Ge-  
„ orgii in Velabro, sive ad Velum aureum: qui  
„ in honorem S. Martini, in cujus festo electus  
„ fuit, Martinus dici voluit, ejus nominis  
„ Tertius. Quintus tamen nuncupatus, ob  
„ confusionem duorum Marinorum, de qui-  
„ bus aliàs, ( ad annum 1281. n. 2. ) „

[ 3. ] Ciacconius ubi suprâ. „ Adeptus  
„ itaque tantum Magistratum, cùm restare  
„ adhuc caput renascentis hydræ cerneret Pe-  
„ trum Lunam, cum aliquot Cardinalibus &  
„ Prælati Penischolæ tanquam in arce schis-  
„ matis se continentem, quibusdam Arrago-  
„ niæ populus in utram partem inclinarent  
„ titubantibus adhuc, approbante Concilio,  
„ Alamannum Ademarium, virum doctissi-  
„ mum,

„mum; cujus sepulchrum in S. Maria nova  
 „adhuc cernitur, patriâ Florentium S. Eu-  
 „sebij Presbyterum Cardinalem, Legatum à  
 „latere suo in Arragoniam mittit, qui sub  
 „pœnis & censuris Ecclesiasticis Petrum ad-  
 „moneret, ut se Pontificatu abdicaret; Car-  
 „dinales autem, qui cum Petro sentiebant,  
 „intelligentes ultimam Concilii & Pontificis  
 „sententiam, Petrum ipsum adeunt, rogant-  
 „que, ut de Ecclesia Dei tandem omne schis-  
 „ma tollat; quo tam multis annis Christiana  
 „Respub. magnis calamitatibus afflicta erat.  
 „Id autem ob salutem labentis Ecclesiæ à  
 „Gregorio & Joanne factum esse. Respon-  
 „dit Petrus cavillationibus quibusdam, id  
 „sibi nequaquam integrum esse, sibi autem  
 „cum Martino conventurum, si vera essent,  
 „quæ de hominis integritate & humanitate  
 „dicerentur, sinnerent sibi id negotii, nec am-  
 „plius ea de re solliciti essent. Ex sex verò  
 „Cardinalibus quatuor pertinaciam Petri de  
 „Luna insipientes, eo relicto ad Martinum  
 „statim defecerunt. Qui autem in fide man-  
 „serunt, Pseudo-Cardinales sunt habiti, quo-  
 „rum alter Carthusiensis fuit, alter verò Ju-  
 „lianus de Dobla appellatus est. Martini quo-  
 „que auctoritatem Hispania omnis secuta  
 „est; idem fecerunt non multò post Scoti,  
 „& Armeniaci, atque ita omnis Respub. Chri-  
 „stiana, unâ duntaxat Penischola exceptâ,  
 „Martini auctoritatem secuta est.”  
 „Idem iisdem verbis recitat Nauclerus ex  
 „Platina & post ipsum Spondanus ad ann. se-  
 „quentem n. 1.

[4.] Idem Spondanus ad hunc ann. n. 1.  
 „Anno Christi millesimò quadringentesimò  
 „decimò septimò, Indictione decima, die  
 „Sabbati vigesima Februarii celebrata est Ses-  
 „sio 27. Concilii generalis Constantiensis  
 „præsidente Joanne Cardinale Ostiensi. Qui  
 „post consueta in singulis Sessionibus sole-  
 „mnia, accusata fuit contumacia Friderici  
 „Ducis Austriæ. Et Sessione 28. celebratâ  
 „die Mercurii tertia Martii (cui præsedit  
 „idem Joannes, interfuitque Sigismundus

„Romanorum Rex ab itinere suo rediit) idem  
 „Fridericus unâ cum suis complicibus & fau-  
 „toribus ob invasa jura, & bona Ecclesiæ  
 „Tridentinensis, sacrilegium & perjurium in  
 „prædictum Sigismundum, declaratus est in-  
 „cidisse in excommunicationem, nec non  
 „pœnas privationis & inhabilitatis in Con-  
 „stitutione Carolina contentas incurrisse, &  
 „pro tali ubique denunciari jussus, invocatò  
 „in eum auxilio Sigismundi.”

Gerardus de Roß lib. 4. „Tandem verò  
 „Fridericus, ut & Suevicis rebus confuleret,  
 „ac Sigismundum Cæsarem placaret, Merspur-  
 „gum se contulit, ubi primùm adio inter ipsos  
 „instituta est circa medium Aprilem. Mox Cæ-  
 „sarem Constantiam reversum securus, Guili-  
 „elmo Montfortio ipsum deducente Terna-  
 „gam usque post unum atque alterum collo-  
 „quium intercedentibus quibusdam Princi-  
 „pibus cum Cæsare in gratiam rediit, & su-  
 „rum ditionum possessionem solenni ritu ab  
 „eo publicè accepit octav. Calend. Maji, nu-  
 „meratis (ut quidam prodidit, multæ no-  
 „mine) triginta aureum nummum millibus.  
 „Sigismundus verò acceptâ pecuniâ promissi  
 „fidem se liberâsse adfirmabat, si operam da-  
 „ret, ut Friderico eæ civitates reddantur,  
 „quæ in sua potestate etiamnum essent, ne-  
 „que ad ipsum redire detrectarent, neque  
 „inter Imperii civitates ascriptæ essent. Erat  
 „enim varia civitatum fortuna, & diversa  
 „aliarum ab aliis conditio, quarum nonnullas  
 „Cæsar aliis oppignoraverat, in quibus  
 „erant Veldekirchia, Frauenfelda, Heiligen-  
 „bergum, & pleraque Ergovæ oppida: qui-  
 „busdam verò diplomata dederat, quibus  
 „cavebatur, nè unquam ab Imperio, cui sese  
 „tradiderant, dissociarentur, eæ erant Schaf-  
 „husium, Reinsfelda, Disenhovium, & Cella.  
 „Igitur Fridericus summam in recuperandis  
 „iis locis difficultatem esse videns, hoc ne-  
 „gotio in aliud tempus dilato, ad compo-  
 „nendas Tirolensium res, & compefcendam  
 „nobiliū quorundam contumaciam animum  
 „intendit.

Ann. Christi MCCCCXVIII. Monasterii CCLXXX.

Pont. Rom.  
Martinus III.

Imp. Rom.  
Sigismundus.

Archi-Dux Austriæ  
Albertus V.

Episcopus Pataviensis  
Georgius.

Abbas Zwetlensis  
Fridericus.

Concilium Constantiense, cùm trien-  
 „niò, mensibus quinque, & diebus  
 „quindecim durâset, An. MCCCCXVIII.

Pontificatûs Martini Papæ III. primò,  
 „duodecimò Calendas Maji dissolutum  
 „est, & decimò septimò Calendas Maji  
 „horâ

horâ tertiarum Martinus Constantiâ discessit, licet multum tum ab Imperatore, cum ab aliis Germaniæ Principibus rogaretur, ut aliquamdiu in Germania Ecclesiæ præesset, excusavit se de perturbatâ Ecclesiæ Italiciæ statu, atque adeo ipsius Romanæ desolationem ex diuturna Pontificis absentia

exortam. Unde cum Romam ire impediretur, Florentiæ ad Basilicam S. Mariæ Novellæ refedit. \* [1.]

Item hoc anno circa Epiphaniæ festum fit mentio Friderici Abbatis in Zwetl, unde hoc adhuc anno vixisse reperitur. [2.]

## ADDITIONES.

\* [1.] Ciaccon. in Martino III. „Omnia „autem decreta ante Pontificatum suum in schismate facta, nisi ad fidem & bonos mores pertinerent, omnino fustulit. . . . .

„Cum autem Pontifex, hinc ab Imperatore & Germanis rogaretur, ut in Germania aliquamdiu remaneret, hinc à Principibus Gallicis, ut in Galliam proficisceretur, ostendit sibi id nequaquam integrum esse, quod diceret patrimonium Ecclesiæ absente Pontifice à tyrannis quibusdam in Italia occupatum, distrahi & lacerari: urbemque Romam Religionis Christianæ Caput, cum Rectore suo careret, penè ad interitum redactam esse peste, fame, ferro, igne, seditionibus. De Basilicis verò ac Sanctorum Martyrum Sacellis nolle dicere, quæ absente Pontifice, aut jam corruerent, aut paulò post collapsuræ viderentur; proinde sibi abeundum esse dicebat. Ferrent æquò animò, quod vellent ratio & necessitas, paterenturque eum sedere in folio Petri, quem Pontificem omnium consensu decreverant. Ecclesiam Romanam Caput esse, & Matrem omnium Ecclesiarum, proinde in ea immorandum Pontifici esse, nè verus gubernator à puppi ad proram transferatur, cum magno navigantium (hoc est, in Christiana Repub. viventium) periculo & detrimento.

„Annò 1418. die Lunæ XVII. Kal. Maji horâ tertiarum Papa Martinus V. discessit Constantiâ, ac per Sabaudiam iter faciens, dum Italiam petit, Mediolanum pervenit, ubi à Philippo Duce, populòque Mediolanensi nullo non genere honoris adhibito perbenignè suscipitur. Mense deinde Octobri Mantuam venit, ubi per aliquot menses commoratus est.

„Cuspinianus in Cæsarib. sub Sigismundo. „Itaque consensu Imperatoris annò Salutis 1418. dissolutum est Concilium, Pontifice in Italiam ad componendos urbis tumultus proficiscente, Cæsare verò in Boëmiam ad sedandas Hussitarum insanas corrupte-

„las. Creavit autem Sigismundus in hoc Concilio Adolphum II. ejus nominis Comitem Ducem Clevensem, Hermannum Ciliæ Baronem focerum suum Comitem, Amadeum Comitem Ducem Sabaudia, Fridericum Burgravium Norinbergensem Marchionem Brandeburgensem. Ericum verò paulò antè Venceslai primi filium, Ducem Saxonie in Lewenburg, & Wittenburg, ob aliquos excessus rebellionis ac inobedientie privavit Elektoratu. Idque jus Cæsarem eligendi, ac Ducatum Saxonie Marchioni Misnensi Friderico contulit: cujus prosapia etiam hodie hoc jure utitur.

„Spondanus ad hunc ann. n. 9. „Hicque finis esto Concilii Generalis Constantiensis: quod tribus annis, sexque ferè mensibus celebratum est, ingenti Patrum constantia & patientia; immortalique laude Sigismundi Regis, absque quo funestiori Triumviratu periclitata fuisset Ecclesia Romana, quàm olim Respublica. Ejus autem operâ & laboriosissima sollicitudine factum est, ut universus orbis Christianus, unico excepto scopulo Panischole, sub unius veri & legitimi Pontificis Marrini obedientiam reductus sit. Qui quidem Martinus, cum post absolutam Synodum (ut narrat Platina) hinc à Sigismundo Rege & Germanis rogaretur in Germania aliquamdiu remorari; hinc à Principibus Gallis in Galliam proficisci; ostendit sibi nequaquam id integrum esse, quod patrimonium Ecclesiæ absente Pontifice à tyrannis distraheretur; Urbisq; Roma penè ad interitum redacta esset. Ut tamen aliquo modo videretur utrisque gratificari, Constantiâ discedens (regente Sigismundo Rege freonum mulæ usque ad civitatis egressum) Gebennam sive Genevam in Sabaudia inter Galliam & Germaniam sitam petit, ubique usque ad mensem Septembris permanfit; ut narrat Montreletus, confirmatque author Burdegalenfis in vita Martini &c.

[2.] Ex litterarum monumentis.

S

Annus

Ann. Christi MCCCCXIX. Monasterii CCLXXXI.

*Pont. Rom.*  
Martinus III.*Imp. Rom.*  
Sigismundus.*Archi-Dux Austriae*  
Albertus V.*Episcopus Pataviensis*  
Georgius.*Abbas Zwettlensis*  
Fridericus.

**A**Nno isto quatuor ex Cardinalibus Petri de Luna, qui usque ad finem Concilii Constantiensis cum eo permanserant, videntes ejusdem Petri pertinaciam, relicto eo ad Martinum Florentiam accesserunt, ubi Papæ pedibus osculatis ab eo in cæterorum collegium conscripti sunt. \* [1.] Eodem tempore Balthasar Cosla quondam Joannes Papa XXIII. qui ex sententia Concilii apud Palatinum in Germania in vinculis tenebatur, intelligens Martini Papæ circa se liberandum voluntatem, numeratis triginta millibus nummum aureorum in Italiam liber rediit, atque Florentiæ ad Papæ pedes se projecit, sicut suprâ (An. 1415.) retuli. [2.]

Sigismundus autem Cæsar post Constantiensis Synodi exitum ad regnum Bohemiæ sibi asserendum animum adiecit, nam Wenceslaus Rex ejus frater hoc anno nullis relictis liberis diem obiit. Apud Bohemos verò & sub Regis decessum & in ipso interregno turbulentissimus erat rerum status, omniæque intestinis fervebant tumultibus. Nam post Hussii & Hieronymi supplicium Hussitæ irritati in Monasteria & Templâ irruunt, sacra suppellestem diripiunt, vetustos Ecclesiæ ritus abolere, suos stabilire satagunt, mox affluente hominum multitudine arcem Vicegradensem Pragæ Novæ mœnibus vicinam expugnant, præsidia opportunis Pragæ minoris locis collocata deturbant. D. Wenceslai arcem in monte sitam obsidione cingunt. Hunc rerum statum Sigismundus Sophiæ Reginæ fratris viduæ ac aliorum nunciis edoctus, Brunnæ in Moraviæ conventum indicit, eoque se ipse confert. [3.] Fuit Dux & Author

furendi Hussitis Joannes Trosnavius honesto apud suos loco natus, & in aula Regia educatus, armis à primis adolescentiæ annis assuetus & exercitatus. Huic ob amissum casu oculum patrio idiomate Cisca, quod monoculum denotat, cognomen datum. [4.] Ejus primum facinus vivente adhuc Wenceslao istud erat, quo sibi Pragenfium animos maxime Hussitarum concitavit. „ Nam Rex à civibus arma omnia sibi „ tradi postulâret, unde hospitem suum „ paululum tristiores Cisca de causa „ tristitiæ interrogat: Illo respondente, „ Jussi, inquit, sumus, arma quæ habemus omnia in arcem ad Regem deferre; si jussa facimus, præsidio domesticò in seditione intestina nos nudamus, sin imperium detrectamus, veremur, ne armatos regios in nos concitemus. Ad hæc Cisca: Ponum habe animum hospes, adest mihi consilium ad liberandum vos cura ista, si unusquisque vestrum arma induerit sua, sequere Regi coram in armis repræsentaverit, non audebit ille postulare, ut arma exuatis, sed gratus præterea erit, ut armati inde quamprimum discedatis. „ [5.] Atque ita res cecidit, eadémque Ciscam mirifice Pragenfibus commendavit. Sunt, qui privato quodam in Monasticæ Professionis viros odio Ciscam incitatum fuisse asserunt, ob allatum à quodam Monacho forori ipsius Virginibus sacris ascriptæ vitium: constat sanè, eum ordinem magnis ab illo incommodis vexatum. Qui post secundas aliquot vexationes ac Monasteriorum expugnationes castra ad Lusinitum amnem, loco naturâ munitò, murò circumdat; &

& qua parte amnis non erat, arce ac fossa munit, Tabor à castris vernaculo sermone appellatur. [6.]

Circa hæc tempora adnitenste Reimberto Waldseio ac aliis nonnullis Alberto Archi-Duci desponsa fuit Elisabetha Sigismundi Cæsaris filia admodum adolescentula. Credibile est Cæsarem, propter Bohemos assidue tumultuantes hanc affinitatem sibi oportunitatem duxisse. Sunt, qui Polonicas nuptias ultrò oblatas recusasse Albertum ferunt, nondum fortasse oblitterat ejus contumeliæ memoriâ, quam Guilhelmo ipsius agnato factam esse Gerardus [7.] aliique Austriæ Scriptores referunt.

Fatetur demum Wolfgangus de Czell Plebanus in Waltenstain fundatus esse ad Ecclesiam ibidem à Petro Wagner se-

xaginta denarios reddituum de uno lanceo sito in Newsfidel. Datum annò Domini 1419. Dominicâ terciâ Quadragesimæ. [8.] Item invenitur in aliis litteris, quòd tempore Friderici Abbatis in Zwetl talis fundatio dictâ in Waltenstain Ecclesiæ facta sit, quam præfatus quoque Wolfgangus Plebanus contigisse fatetur, nimirum à Margarethâ Stephani Widmer relicta, quæ obtulit sæpe fatæ Ecclesiæ viginti septem denariorum redditus super una desolata area in Waltenstain sitos. Datum annò Domini 1418. in die S. Margarethæ. Præterea exinde colligitur Parochiam in Waltenstain tempore hujus Friderici Abbatis jam ad Monasterium Zwetlense spectasse.

## ADDITIONES.

\* [1. & 2.] Ciacconius in Martino V. Annò 1419. quatuor ex Cardinalibus Petri de Luna, qui usque ad finem Concilii Constantiensis cum eo permanserant, videntes ejusdem Petri pertinaciam, Concilii sententiam secuti, eo relicto Florentiam, ubi tunc curia Romana residebat, accesserunt, & die 16. Kalendas Aprilis, osculatis pedibus Papæ Martini ab eo in ceterorum collegium conscripti sunt, nam usque ad eam diem pro Cardinalibus habiti non existerant; fuerunt autem hi:

„ Domnus. - - Hispanus, Canonicus Regularis, Abbas montis Arragonum, Presbyt. Card. tt. S. - -

„ Carolus de Urrias, Hispanus, Diaconus Cardinalis S. Georgii in Velabro.

„ Alfonsus Carriglius, Gometii filius, Hispanus, Diacon. Card. S. Eustachii.

„ Petrus Fonseca, Portugalensis Hispanus, Diacon. Card. S. Angeli.

„ Cùm autem Balthassar adhuc in vinculis in Germania à Comite Palatino detinebatur, quidam Florentini cives, quorum de numero Cosmus habitus est, rogare Pontificem Martinum omnino non desistebant, ut tandem è carcere Balthassarem liberaret, facturum se id Pontifex pollicitus est. Verùm dum eò Legatum ob eam rem mittrit, Balthassar moræ impatiens triginta millibus nummum aureorum Palatino Comiti persoluit se è vinculis redimens in Italiam rediens, ut restâ Florentiam proficiscere-

„ tur, apud Petrum Rubeum Agri Parmensis Baronem, veterem amicum divertens, parari sibi insidias intelligit. Hanc ob rem noctu cum Legato Pontificis, qui cum in via convenerat, ad Thomam Fregosum veterem amicum confugiens, magnam iniecit omnibus suspitionem, ne rursus schisma innovaretur. Erat enim vir magni animi, facillimique, & qui privatam vitam nequam pateretur. Non deerant præterea, qui hominis audaciam ad res novas molendas concitarent, adeo tum rebus novis studebatur. Sed Deus Omnipotens Ecclesiæ suæ consulturus Balthassarem impulit, nullis passionibus interpositis, nulla requisita cautione, Florentiam ad Martinum proficisci, quòd cùm venisset, admirantibus omnibus, ex osculato Pontificis pede eundem audientibus omnibus, ut verum Pontificem, & Christi Vicarium canonicè electum salutavit.

Item in Joanne XXII. suprâ ad annum 1415. ubi & Spondanus & Nauclerus à nobis relati.

[3.] Gerardus de Roô lib. 4. „ Sigismundus verò Imperator &c. *ut in textu nostro.* Omniaque intestinis fervebant tumultibus hac præcipuè ex causa: Joannes quidam Hussus cum affectu suo Hieronymo Pragensi à Concilii Patribus hæreticos condemnatus, flammisque exustus fuerat; ejus verò doctrinam multi passim in Boëmia amplexi, arma in imbelles Monachos ac Sa-

„ cerdotes sumpserant, suamque hæresin mor-  
 „ dicus retinere, ac cum vitæ, fortunarum-  
 „ que periculo tueri animum induxerant; Si-  
 „ gismundum autem maximè oderant, ejusque  
 „ imperium detestabant, genti suæ iniquum  
 „ esse, & Hussum fraude & perfidia in mor-  
 „ tem adduxisse palam criminabantur. Hussus  
 „ enim Constantiam vocatus, fiduciæ tabulas  
 „ à Cæsare acceperat, quibus cum satis sibi  
 „ cautum esse putaret, in vitæ periculum se  
 „ dedit, decernente Synodo, non servandam  
 „ hæretico fidem. (*Fallitur in hoc Gerardus;*  
 „ *hoc enim Concilium nunquam decrevit; quomodo*  
 „ *autem Concilium non obstante salvo-conducto Husso*  
 „ *à Sigismundo dato usque Constantiam, jure potes-*  
 „ *rit eum condemnare, videntur supra à nobis ad*  
 „ *annum 1415. relatis Spondanus.*) Hussitæ igitur  
 „ in Monasteria & Tempia irruunt, sacram  
 „ suppellectilem diripiunt, vetustos Ecclesiæ  
 „ ritus abolere, suos stabilire satagunt, mox  
 „ affluente hominum multitudine arcem Vi-  
 „ cegradensem, Pragæ novæ mœnibus vici-  
 „ nam expugnant, &c. - - - Adfuit &  
 „ Regina vidua & Boëmorum magna frequen-  
 „ tia, Pragæ enim inter factiones induciæ  
 „ quadrimestres factæ erant. Post solum  
 „ Brunnæ conventum Cæsar Vratislaviæ Si-  
 „ lesiæ urbem profectus est.

Æneas Sylvius Hist. Bohem. cap. 37.  
 „ At hæretici pridie Cal. Julii apud Eccle-  
 „ siam Carmelitarum (*Pragæ*) convenientes  
 „ ad ædem S. Stephani Eucharistiam per plu-  
 „ rimas plateas atque Ecclesias armati circum-  
 „ tulère, ibique domum Sacerdotis suis ine-  
 „ ptis non consentientis diripuerunt, & sub-  
 „ lato clamore ingenti, furentes prætorium  
 „ petière. Consules undecim metu percussi  
 „ fugâ salvati sunt: septem, qui remanserant,  
 „ & cum his judex urbis, atque alii nonnulli  
 „ cives raptim intercepti, ex altissimis fene-  
 „ stris in forum præcipitati, lanceis ac veru-  
 „ bus irati populi excepti, dirum spectacu-  
 „ lum dilaniati præbuère, stante in foro Jo-  
 „ anne Monacho, & Sacrum Christi Corpus  
 „ sanguinario populo ostentante. Camera-  
 „ rius regni, qui cum trecentis equibus ad  
 „ sedandum tumultum accurerat, ubi furen-  
 „ tem plebem animadvertit, de sua vita soli-  
 „ citus, fugâ sibi consuluit. Ea cum Regi  
 „ nunciarentur, cunctique circumstantes at-  
 „ toniti facinus detestarentur: At ego, inquit  
 „ Pincerna, futura hæc præscieram. Quem  
 „ Rex indignatus correptum repente ante pe-  
 „ des suos prostravit, & arrepto pugione co-  
 „ natus est interficere: sed impeditus à cir-  
 „ cumstantibus ægrè illi vitam dimisit. Nec  
 „ mora, paralyti correptus, ægrotare cepit,

„ atque infra 18. dies signatis nominibus hæ-  
 „ reticorum, quos neci destinaverat, fratrem  
 „ assidue vocitans, & amicorum auxilia an-  
 „ xius expectans, antè vitæ excessit, quàm vo-  
 „ cati Principes adessent; cum regnasset an-  
 „ nis 55. vixisset annis duobus amplius. Con-  
 „ sueverunt corpora Regum apud Bohemos,  
 „ priusquam sepelirentur, octo diebus aro-  
 „ matibus condita per sacraia urbis circum-  
 „ ferri, plangique, & sequentibus amicis &  
 „ Baronibus conclamari. Hoc in Venceslao  
 „ neglectum, non audente Regina novam in-  
 „ gredi civitatem. Delatum est cadaver ad  
 „ Ecclesiam S. Viti in arce, & inde ad aulam  
 „ Regiam (de qua paulò antè meminimus)  
 „ ibique conditum in sepulchro, quod ipse  
 „ sibi delegerat. Sed postea cùm Monaste-  
 „ rium ipsum ab hæreticis diriperetur, & se-  
 „ pulchra Regum effringerentur, cadaveræque  
 „ abjicerentur, pisciculos quispian cognomine  
 „ Musca Venceslao vendere solitus,  
 „ Regis, quem amaverat, corpus clam col-  
 „ legit, & in loco apud se domi condidit.  
 „ Interfecto deinde tempore, rebus melio-  
 „ rem formam reddactis, cùm Venceslao cor-  
 „ pus inquireretur, acceptis 20. aureis illud  
 „ reddidit; tùmque circumgestatio ex more  
 „ facta, & iustum Regi funus exhibitum.

Cap. 38. „ Recens obiit Venceslaus,  
 „ cùm Joannes Zischa nobilis genere, ex loco,  
 „ cui Trosnovia nomen, censu tenui, in curia  
 „ Regis à puero enutritus, & bellis exerci-  
 „ tatus, uno carens oculo, quem strenuè  
 „ pugnans jam pridem amiserat, infectus Hus-  
 „ sitarum veneno, & rapinarum avidus, col-  
 „ lecta perditorum hominum multitudine,  
 „ in Ecclesias, quæ restabant, impetum fecit,  
 „ simulachra Sanctorum, & imagines Magni  
 „ Dei perfregit: Monasterium Carthusiensium  
 „ Pragæ vicinum invasit, & directum incendit:  
 „ Monachos ejus ordinis tanquam po-  
 „ pulo inutiles, qui veluti sues in claustris  
 „ saginarentur, migrare aliò jussit. Venerunt  
 „ per idem tempus ex montibus Pragæ  
 „ 400. circiter viri cum mulieribus le-  
 „ præ Hussitarum infecti, atque in foro se-  
 „ dentes, cibum ex Magistratibus petière.  
 „ Consulatus metu plebis, quæ advenarum  
 „ miserebatur, cibaria eis publicitus ministra-  
 „ vit. Zischa hos sibi adjunxit, & arcem  
 „ Viscegradensem, quæ negligenter custodie-  
 „ batur, invadere cupiens, ad locum, quem  
 „ Cruces appellant, profectus est. Ibi supra  
 „ quadraginta millia virorum ex hæreticis  
 „ convenère. Qui suam multitudinem conspici-  
 „ cati, animum ad omne facinus audacem  
 „ sumpserunt. Multa ibi adversus Sigismun-  
 „ dum

„dum Cæsarem, quem regni hæredem suis  
„conatibus infensum nõrant, excogitata at-  
„que decreta.

„Exin Zischa duce Coranda (de quo  
„suprà meminimus) Pelzinam (*Pisem*) ubi  
„complures esse suæ factionis amicos non  
„ignorabat, raptim contendit, eamque urbem  
„in potestatem receptam validò præsi-  
„diò muniit: qui apud Cruces remanserant,  
„arcem Vilsgradensem invasere. Sophia  
„interim anxia, quo se pacto tueretur, cre-  
„bris nunciis ac literis Sigismundum vocare,  
„vicinorum auxilia petere, atque in omnes  
„partes mentem dirigere. Sigismundum  
„malò usum consilio, in Turcas, qui se jam  
„pridem castris exuerant, arma priùs movere,  
„quàm Bohemiam petere, libido incescit.  
„Quòd si mox exercitum Pragam duxisset,  
„antequam vires hæreticorum convaluissent,  
„(*al. coaluissent*) nunquam ea incendia, quæ  
„postea vidimus, Germaniam exulsiissent. At  
„dum ille Turcas laceßere parat, Bohemiam  
„amisit, & Hungariam non defendit. Ea-  
„propter, cum serum esset ejus auxilium,  
„Regina cum Cenchrone Wartenbergenß  
„regnum gubernans, ex thesauro Regio co-  
„pias comparavit: arcem Pragensem, & mi-  
„norem civitatem, quæ arci adjacet, præsi-  
„diò firmavit: ponti Multaviæ, ne transitus  
„illac esset hæreticis, ligneas turres ac januas  
„adjecit. At illi passim per regnum con-  
„ventus agitare, sollicitare populos, hos mi-  
„nis terrore, illos blanditiis allicere, implere  
„Novam Civitatem suis hominibus, dies no-  
„ctesque consulare, quibus modis summam  
„sibi rerum acquirerent. Cum quibus Pe-  
„rrus Sterembergicus apud insulam Benedic-  
„ti confliens, æquo Marte prælium diremit.  
„In Praga aucta hæreticorum colluvie, pro  
„ponte pugnatum, multisque utrinque ca-  
„dentibus, pons denique in potestatem Hus-  
„sitarum factus, & pars declivior Pragæ mi-  
„noris: fideles in altiore se parte recep-  
„erunt, atque inde conversi acerbis animis  
„instaurare certamen. Pugnam est die  
„noctûque continuis quinque diebus sævis-  
„mis ac crudelibus ausibus: multi utrinque  
„cæsi, magnificæ domus exultæ, prætorium  
„infractò locò situm, incensum atque deletum.

Cap. 39. „Cum hic esset rerum status,  
„Legati Sigismundi supervenere, qui regni  
„gubernationem accipientes cum civitate  
„Pragenß ea lege inducias fecere; ut arce  
„Vilsgradenßi reddita, liceret civibus ad  
„Sigismundum oratores mittere, deque re  
„sua cum eo transigere: Zischa Pelzinam, Pie-  
„stam, & alia quæ occupaverat loca restitue-

„ret. Conditionibus acceptis atque com-  
„pletis, externi hæretici urbem reliquere:  
„Consulatus ex prisco more gubernationem  
„institit, quietior reddita civitas: non tamen  
„Catholici, qui exceßerant, redire ausi. Ex-  
„pectabant enim Sigismundi adventum, cu-  
„jus præsentia se tutos fore arbitrabantur.  
„Sed interrumpere spem omnem litteræ ab eo  
„missæ, in quibus scriptum erat, ipsum brevi  
„venturum, regnûmque eo modo governa-  
„turum, quo pater Carolus provinciam gu-  
„bernasset. Quibus ex verbis intellexerunt  
„hæretici sectam suam exclusum in, quæ re-  
„gnante Carolo nondum ortum habuisset:  
„proinde magis ac magis indignari. Sigis-  
„mundus autem ad festum Nativitatis Do-  
„minicæ Brunnam, quod est Moraviæ  
„oppidum, venit: ibique Pragensibus ve-  
„niam petentibus ea lege pepercit, ut cate-  
„nas & repagula tota ex urbe deponerent,  
„suosque Magistratos acciperent. Paruit at-  
„tonita civitas; cum primores regni elevatis  
„in cœlûm manibus adventum novi Regis  
„gratulabundi exposcerent, ejusque rectores  
„sine controversia reliquæ urbes admitterent.  
„Nec dubium videbatur, quin totâ Bohemiâ  
„Hussitarum labes exceßisset, si ex Brunnâ  
„Sigismundus rectâ se Pragam contulisset.  
„Sed divertit ille (ut fortassis in fati erat)  
„Vratislaviamque Slesicæ caput accessit. Quo  
„in loco populus urbanus non diu antea Con-  
„sulatum à Venceslao fratre suo constitutum  
„per seditionem obtruncaverat, cujus scele-  
„ris authores securi percussit. Quod ubi  
„Pragæ renunciatum est, diffisi de venia ci-  
„vices, exemplum Vratislaviensium veriti, ma-  
„nifestò desceverunt, & allec- to præmiis Cen-  
„chrone, qui arci Pragenßi præerat, in totum  
„regnum literas dedere: Ne quispiam Sigis-  
„mundo aditum præberet, qui Dalmaticæ  
„linguæ hostis esset: nec aliâ curâ teneretur,  
„quàm regni perdendi; qui antiquam Prute-  
„norum civitatem (*al. Marchiam novam Pru-  
„tenorum*) Ordini jure pignoris obligasset,  
„Brandenburgensem autem à Corona Bohe-  
„mica alienasset, Joannem ac Hieronymum  
„in Constantiensî Concilio cremari non so-  
„lùm permisisset, verùm etiam procurasset,  
„dogmata fidei, quæ ipsi sequerentur, totis  
„conatibus impugnaret. „Hæc Sylvius.

Dubravius lib. 23. prope finem. „In  
„tantum autem Hussitarum factio Pragæ con-  
„tra Senatû invaluere, ut quod dici solet,  
„ubi res præpostere geritur, plausum ibi  
„bovem præheret, adeo videlicet imbecilla  
„erat Senatûs autoritas, & valentissima po-  
„puli audacia: cujus auxad Apostata signifer  
„fuit,



„ fuit, signum calicis per vicos & plateas præ-  
 „ ferens, turbamque antegrediens, & interim  
 „ observans calicis contemptores aut irriso-  
 „ res. Venerat id temporis Pragæ Zifco,  
 „ malum patriæ fatale, sed hæcenus bene  
 „ reconditum, ne malè facere posset. Natus  
 „ in Boiemia, loco quidem equeſtri, sed re  
 „ & censu tenui, quales non facile emergunt,  
 „ nisi omnes difficultates audacter superave-  
 „ rint, juxta illud dictum: Aude aliquid, si  
 „ vis esse aliquid. Is Zifco, quod monocu-  
 „ lus sonat, cum in Nova civitate apud ho-  
 „ spitem divertisset anxium & sollicitum, cau-  
 „ sam præſentis curæ ejus interrogat. Illo  
 „ respondente, Jussi, inquit, fumus arma,  
 „ quæ habemus, omnia in arcem ad Regem  
 „ deferre: si jussa facimus, præſidiò domesti-  
 „ cò in seditione intestina nos nudamus; sin  
 „ imperium detrectamus, veremur, ne arma-  
 „ tos Regios in nos concitemus. Ad hæc  
 „ Zifco: bonum habe animum hospes, adest  
 „ mihi consilium ad liberandum vos cura ista,  
 „ si unusquisque vestrum arma induerit sua,  
 „ seque Regi coram in armis repræſentaverit,  
 „ non audebit ille postulare, ut arma exua-  
 „ tis, sed gratus præterea erit, ut armati in-  
 „ de quamprimum discedatis.

„ Atque ita res cecidit, eadèmq; Zifco-  
 „ nem Pragensibus mirificè commendavit, ad  
 „ omnem occasionem bene de illis merendi  
 „ intentum. Incedebat apostata, de quo sta-  
 „ tim dictum est (*Joannes*) cum pompa ſa-  
 „ crorum per forum juxta domum prætoria-  
 „ m, in cujus vestibulo Accensus prætoris fede-  
 „ bat, calici non assurgens, neque caput de-  
 „ nudans: quod ubi animadvertit Zifco, com-  
 „ prehendi Accensum jubet, fugam ille in do-  
 „ mum cœptat, sed in vestibulo adhuc cor-  
 „ ripitur. Adest confestim Nicolaus Prætor,  
 „ rogâque quid sibi velit hic impetus? hæc  
 „ vis? an se, an præſentem Senatam non ha-  
 „ beant? ad quem sine tumultu querimonias  
 „ deferant? At illi Prætorem per contume-  
 „ liam Germanum appellant, calicisque oſo-  
 „ rem, & unâ cum Accenso multis ibidem  
 „ vulneribus confodiunt. Irrumpunt deinde  
 „ in curiam, & ceteris quoque Senatoribus  
 „ manus injiciunt, deorsum illos de fenestris  
 „ præcipitantes, gladiisque & pilis, atque ce-  
 „ lis expicientes. Pulsò inde regnì etiam  
 „ Camerariò, qui cum trecentis equitibus  
 „ ad comprimendum motum accurerat. Pran-  
 „ debat tunc Rex, cum ei tam atrocis rei  
 „ nunciis de improvviso supervenit, ad quem  
 „ ille consternatus à mensa surgebat. Ibi ad-  
 „ stans Præguſtor; triduo, inquit, antè hoc  
 „ ego futurum esse sciebam. Arripit per ca-

„ pillos Præguſtorem Rex, illumque ante  
 „ pedes suos prosternit, pugione occisurus,  
 „ tanquam tanti facinoris conscium. Qui  
 „ circumsteterant, ægrè pugionem extorſe-  
 „ runt, admonentes, ne cæde administri Rex  
 „ majestatem suam coinquinaret. Qui sta-  
 „ tim apoplexiâ inter manus adhuc illorum  
 „ tangitur, & non post multos dies moritur,  
 „ Corpori ne Hussitæ illuderent, Sophia Re-  
 „ gina clam illud noctu sine ullo exequiarum  
 „ honore in Aula-Regia, quemadmodum ſu-  
 „ perſtes exoptabat, ſepeliendum curavit.  
 „ Nam reliquis Monasteriis cultu & splendore  
 „ Aula-Regia anteibat.

Lib. 24. „ Interregnum ſequitur, quod  
 „ impia facta, & religione læsa impiè profecta,  
 „ & plusquam civilia bella continet, qualia  
 „ videlicet Gigantea fuiffe feruntur, in qui-  
 „ bus non cum hominibus modò, verum  
 „ etiam cum diis, eorumque ſedibus pugna-  
 „ batur. Vix enim in hunc diem Monaste-  
 „ rium paulò nobilius integrum in Boiemia  
 „ invenias, cum tot & tanta, tamque magni-  
 „ ficè extructa & adornata habuerit, ut cum  
 „ quovis regno de splendore & multitudine  
 „ illorum certare potuerit. . . . . Ab  
 „ obitu statim Venceslai, cum jam Hus &  
 „ Hieronymus exultis eſſent, Concilium Con-  
 „ ſtantiense literas hortatorias ad Boiemos  
 „ scripſerat, ut schismate impio tandem po-  
 „ ſito ad unam veram Catholicam redirent  
 „ Eccleſiam. Quibus acceptis non Boiemi  
 „ ſoli, sed cum illis Moravi quoque Pragæ  
 „ conveniunt, ac de communi conſilio to-  
 „ tius ſactionis, ad quam multi jam Proce-  
 „ rum nomina dederant, concilio respondent  
 „ contumelioſe, quaſi injuſtò judiciò viros  
 „ inſontes, dum Monachis accuſatoribus &  
 „ teſtibus gratificatur, condemnâſſet in ma-  
 „ gnum Boiëmorum contemptum, cujus tam  
 „ propere obliſci nequeant.

„ Facta Monachorum inter Huſſitas men-  
 „ tione, ruit turba incondita & temulenta in  
 „ Monasteria Prædicatorum & Carthuſien-  
 „ ſium, quos utroſque velut præcipuos ipſius  
 „ Hus delatores ſuſpectos habuit, bona Mona-  
 „ ſterii rapuit, Monachos tundit, ædificia  
 „ ſternit, poſtremò utriſque ignem ſubjicit.  
 „ Ac mox vertit impetum in Tempia, ritum  
 „ Romanum in omnibus ceremoniis retinen-  
 „ tia, in quibus nudat Altaria, confringit  
 „ organa, delet imagines, pellit foras paſto-  
 „ res, & in locum illorum fures & latrones  
 „ ſubſtituit.

„ Tranſtuleraſt ſe Regina Sophia de arce  
 „ Vicegradenſi in arcem Divi Venceslai à tu-  
 „ multibus plebejis aliquantò ſedatiorem, quia  
 „ mino-

„ minoris Pragæ oppidani huic arci subiecti,  
 „ haud dum consilia sua cum Veteri & Nova  
 „ Praga consociaverant, sed antiquam mor-  
 „ dicus tenebant religionem. Ut igitur cum  
 „ ipsa Regina illi quoque magis in tuto ab  
 „ hostili insultu essent, suafore Udalrico Ro-  
 „ senfe, præfidia locis idoneis imponuntur,  
 „ ut ad Templum Divi Thomæ, ad domum  
 „ Archi-Episcopi, ad domumque Saxonum,  
 „ cum fortè Pragenfes à Calixtinis invitati,  
 „ rursus ad montem secederent, quò maxima  
 „ hominum multitudo convenerat, qui de-  
 „ inde omnes Thaboritæ cognominati sunt,  
 „ ii quasi Pragensium vicem dolerent, quòd  
 „ liberè domi calicem atrectare non aude-  
 „ rent, obfessi à duabus arcibus Regius capiti  
 „ illorum impendentibus, ad demolendas il-  
 „ las, simulque tollendum in Boemia Regi-  
 „ um nomen, & pro illo statum popularem  
 „ constituendum, ut tandem verè liberi sint,  
 „ operam suam pollicentur. Talibus ver-  
 „ bis persuasi, redeunt cum Thaboritis  
 „ Pragam, ductorèque Nicolao Hufentio ar-  
 „ cem Vicegradum majore vi adoriuntur,  
 „ quàm ut præsidium Regium ei posset resi-  
 „ stere, qua per deditionem recepta, ad Mi-  
 „ norem Pragam oppugnandam, Zifcone præ-  
 „ terea sibi adjuncto convertuntur. Domus  
 „ Saxonum, quæ pontem tutabatur, aditum-  
 „ que prohibebat, impetum illorum prima  
 „ excepit, diùque illum sustinuit ope bom-  
 „ bardarum, quod genus machinarum, ut  
 „ novum, ita terribile, ac omnium maximè  
 „ exitiabile apparuit. Ejus metu oppugna-  
 „ tione in noctem dilata, per quam tela certo  
 „ ictu dirigi non poterant, Thaboritæ pro-  
 „ pius domum accedentes, pugnam cominus  
 „ gladiis conferunt, evaduntque, sed non  
 „ absque suorum sanguine, superiores.

„ Eadem fortuna ad Templum & ad do-  
 „ mum Archi-Episcopi fuit, cædibus omnia  
 „ fœdans, donec utrumque præsidium dissi-  
 „ paretur, & quæ quique patebat ad arcem  
 „ via, confugeret. Regina casu suorum  
 „ territa, arcique diffisa, inde se cum Udal-  
 „ rico ad loca fecuriora subducit. Instant  
 „ Thaboritæ contendere, dièque noctèque  
 „ pugnare, ut arce potiantur, sed feliciore  
 „ defensorum contentione ab illa retrò in  
 „ Minorem Pragam repelluntur, quam deinde  
 „ utrique maximis incommodis affligunt, dum  
 „ pro possessione ejus acerbissimè certant, Si-  
 „ gismundo occultè subsidia arci submitte-  
 „ rent. Interventu tandem Procerum nonnullorum  
 „ tantæ cladis domesticæ graviter indolenti-  
 „ um, factæ sunt ad quatuor menses inter  
 „ Præfectos arcis & Pragenfes induciæ in hanc

„ legem, ut ne Præfecti communionem utri-  
 „ usque speciei interturbent, atque è diverso  
 „ Pragenfes, ne Sacerdotes veterem ritum ob-  
 „ servantes suis sedibus, néve Monachos &  
 „ Sanctimonialia Monasteriis expellant, &  
 „ inprimis, ut Vicegradum restituant. Quo  
 „ facto Pragæ rixandi, mutuisque cædibus  
 „ seviendi pausa aliquantisper fuit, sed foris  
 „ Thaboritæ nullam intercapedinem nocendi  
 „ faciebant, nec ulla ipsi invicem quiete per-  
 „ fruebantur. Montanis præcipuè, quorum  
 „ maximus numerus in montibus Cuthnis me-  
 „ tallà mercede fodiebant, illis venatorum  
 „ more insultantibus, dum omnibus viis eos  
 „ indagant, captant, captosque in altos pu-  
 „ teos conjiciunt, brevi tempore amplius  
 „ mille sexcentos.

„ Antequam igitur induciæ prætervola-  
 „ rent, dat Sigismundus Cæsar è Constantia  
 „ ad omnes in Boemia Ordines literas, ut in  
 „ Moravia Bruñæ in conspectu suo appareant:  
 „ nondum enim maturum videbatur, ut in  
 „ Boemiam ad capeffendum regnum iret.  
 „ Conveniunt tam multi, ut vix ullo alio  
 „ tempore Brunna tot hospitibus completa  
 „ fuerit, Aderat & Sophia Regina. Pragen-  
 „ ses seorsum ab aliis urbem ingressi sunt, ut  
 „ paràm tempestivam ambitionem, Domino  
 „ suo præfente, tubis, fistulis, tympanis præ-  
 „ cedentibus ostenderent: sequebantur Sa-  
 „ cerdotes prævaricatione insignes, ad quo-  
 „ rum adventum Sacris in omnibus Templis  
 „ à Legato Romani Pontificis interdicitur;  
 „ nihilominus illi in diversoriis suis orgia  
 „ concelebrant, calicem aliter, quàm con-  
 „ venit, propinant, donec mitterentur, qui di-  
 „ cerent, non idcirco evocatos esse, ut ex  
 „ domibus profanis nova Tempa constituant,  
 „ Sacràque in illis sua peragant, quæ nisi fa-  
 „ cere intermiserint, audierunt statim tale ali-  
 „ quid, quale vetus sonat hoc proverbium:  
 „ Foras canes, non amplius Antistheria. Ter-  
 „ tio die Pragenfes ad Sigismundum admissi,  
 „ fausta omnia, ut Domino suo, precantur,  
 „ sibi que gratiam ejus & favorem multis ver-  
 „ bis conciliare student, vocantque ad regni  
 „ possessionem accipiendam ut Pragam veniat.  
 „ Dein queribundi mortem ipsius Hus deplor-  
 „ ant, querentes indignissimò supplicio de  
 „ medio cum ipso Hieronymo sublatum esse.  
 „ Postremò, communionem utriusque speciei  
 „ super cetera Sacramenta extollunt. Sigis-  
 „ mundus, qui in ore habere solebat: Nescit  
 „ regnare, qui nescit dissimulare, læta facie  
 „ renidens: Superfedete istis, inquit, chari  
 „ Boiemi, nihil ad rem in præfens pertinens  
 „ est, quæ non hic Brunna, sed potius  
 „ T 2 „ Con-

„ Constantiæ dicenda erant, ubi Concilium  
 „ adfuit, quod vobis respondere ad querelas  
 „ istas poterat: ceterum, quod ad regni suc-  
 „ cessionem attinet, satis ad tempus veniam,  
 „ illamque jure meo capiam. Interim jubeo,  
 „ ut columnas, ut catenas, & alia platearum  
 „ vincula arque impedimenta de vicis omni-  
 „ bus auferatis, utque ab injuriis Monachis  
 „ & Monasteriis inferendis abstineatis. Quæ  
 „ ubi se facturos receperunt, commutatis qui-  
 „ busdam in Boemia Magistratibus, & pro  
 „ Hussitis rursum in locum repositis, qui Ro-  
 „ manam colebant Religionem, flexit hinc  
 „ iter in Slesiam, Vratislavienses invisurus.  
 „ Erat ibi civis quispiam Pragensis rerum suarum  
 „ fatagens, quarum causâ Vratislaviam  
 „ venerat: is apud Legatum Romani Ponti-  
 „ ficis, tanquam Hussita, & Concilii Con-  
 „ stantienfis calumniator delatus pertrahitur  
 „ ad causæ dictionem. Fatetur ille, discipu-  
 „ lum se esse ipsius Hus, disciplinamque ejus  
 „ vehementer approbare, nec ullo mortis sup-  
 „ plicio adduci posse, ut Hussita esse desinat,  
 „ traditur carnificibus, & cum majore Sigis-  
 „ mundi, quam Legati invidia, equis per ci-  
 „ vitatem tractus ad rogam comburendus de-  
 „ ducitur. Inde continuò deliberari cœptum,  
 „ quomodo Sigismundus militiam, quam vul-  
 „ gò vocant Cruciatam, adversus tam perti-  
 „ naces Boiemos excitaret, constaretque.  
 „ Nova interim insania Thaboritas invalit,  
 „ prævaricatoribus stupidos illorum animos  
 „ falsâ doctrinâ infatuantibus, quasi jam ul-  
 „ timus immineret dies impiis ad interitum,

„ piis autem, quales ipsi se esse fingeant, ad  
 „ salutem. Salvari autem non posse, nè pios  
 „ quidem, nisi in quinque civitatibus, nomi-  
 „ nabantque civitates, Pelsinam, Launam,  
 „ Slanam, Glatoviam, Zatum; Primam So-  
 „ lem, alteram Lunam, tertiam Stellam, quar-  
 „ tam Auroram, quintam Segor cognomina-  
 „ bant: ceteras verò omnes cum vicis, pagis,  
 „ arcibus, hiatu terræ pessumuras, denun-  
 „ ciabant. Ad quam denunciationem miri-  
 „ ficus ex Boemia Moraviæque virorum &  
 „ mulierum cum liberis concursus in illas ci-  
 „ vitates fuit; aliis ultro bona sua donanti-  
 „ bus, aliis vili pretio distrahentibus, cer-  
 „ tāsque res pro vanissima spe permutantibus,  
 „ ut quæ plerosque ed perduxit, ut ad ex-  
 „ tremum propter famem & sitim, rerumque  
 „ omnium inopiam viribus ac vita deficerent.  
 „ Hucusque Dubravius.

[4.] Gerardus ubi suprâ ferè ad lite-  
 ram. Item Æneas Sylvius & Dubravius sub  
 priori n. relati.

[5.] Item Dubravius ibidem.

[6.] Gerard. de Roô cit. loco excerptus.  
 Item Dubravius.

[7.] Gerardus ibidem ad litteram.

Lazius in Genealog. Austriacæ lib. 2.

Cuspinianus in Austria sub Alberto V.

Piespordius rejicit has nuptias in ann. 22.  
 inquit: „ Elisabeth Luxemburgica unica  
 „ Sigismundi filia, nupta Alberto V. Austria-  
 „ co, annò 1422. eidem ad Ungariæ & Bos-  
 „ niæ regna aditum dedit.

[8.] Ex Autographis ipsius.

## Annus Christi MCCCCXX. Monasterii CCLXXXII.

*Pont. Rom.*  
 Martinus III.

*Imp. Rom.*  
 Sigismundus.

*Archi-Dux Austriae*  
 Albertus V.

*Episcopus Pataviensis*  
 Georgius.

*Abbas Zweilensis*  
 Fridericus.

**P**ELZINâ ab Hussitis astu captâ, tumultibus in Bohemia plena erant omnia, & Czenco Wartembergicus Divi Wenceslai arcem, cui præerat, Hussiticæ factionis civibus tradidit. Mox facti poenitentia ductus exorât per litteras veniam submissis à Cæsare Legatis eandem restituit. Cæsar verò collecto per Silesiam milite & auxiliis convocatis Bohemiam ingressus Cuthnam primùm duxit, ubi arcem à Pragenfibus obsessam esse audiens eò accurrit, ac ferrò viâ

apertâ commeatum suis jam fame propè confectis invehit, atque ut Pragenfes ab oppugnatione arcis averteret, urbem eorum obsidet. Erant in ipsis castris Albertus Saxoniae, & Fridericus Brandenburgicus Marchio. Albertus item Austriacus cum quatuor equitum millibus, qui toto eo bello egregiam socero operam navabat. Tenuit ea obsidio ad sex ferè septimanas, neque ad rei summam aliquid tentabatur. Pragenfes enim ab oppugnanda arce ad sua-  
 rum

rum quoque rerum defensionem conversi pro aris & focis pugnabant, strenuè ipsos juvantibus Thaboritis, magnâque hominum multitudine indies cum armis confluentes. Itâ tandem Cæsar post aliquot pugnas non satis feliciter tentatas hoc obtinuit, ut pactis induciis arcem ingressus coronam regni susceperet, quo factò æquiores in se Bohemorum animos fore sperabat. Cùm verò præter spem nihil eos de perviciacia sua remittere videret, relicta Pragâ Cuthnam rediit fortunæ cedens. \* [1.] Al-

bertus quoque in Austriam reversus quæstionem de Judæis quibusdam instituit, qui Sacrum Eucharistiæ panem impiis manibus temerè violâsse convicti flammis ultricibus exusti sunt. [2.] Locus, ubi hæc contigere, à Gerardo non exprimitur, nec alibi quicquam de Judæis ejusmodi hoc tempore reperi.

Fit demum mentio hoc anno pridie festi Conversionis S. Pauli Friderici Abbatiss in Zwetl, unde adhuc vixisse probatur. [3.]

## ADDITIONES.

\* [1.] Gerard. de Roô lib. 4. „Pelsinam deinde civitatem astu capir. (*Ziska*) „Inter hæc Pragæ quoque tumultibus plena „erant omnia &c. *ut in litera textus nostri.*  
„Æneas Sylvius c. 42. „Sigismundus interea convocatis Silesiæ Ducibus ingressus „Bohemiâ, Gracium, exinde Cuthnam infesto exercitu petit. Cenchonem, ut arcem Pragensem sibi reddat, magnis sponsonibus allicit, equitum quatuor millia, qui urbem laceffant, ibidem collocat. Cenchochina bina proditione insignis domum revertitur; Pragenses Zischam accersunt, qui cum Thaboritis nihil moratus, urbem accepit in potestatem. Duo tantùm ex Baronibus Hilco Crussina Lituburgensis, & Hilco Valdesteinensis, ac pauci nobiles Pragensium signa sequebantur: reliqua multitudo ex plebe collecta. His primum studium fuit arcem oppugnare. Locus ipse naturâ munitus non aliter quàm fame vinci posse apparebat. Clausi aditus, ne quid commeatûs importaretur. Sigismundus ferrò iter aperuit, obfessûsque necessaria præbuit, nec diu postea civitatem ipsam accersitis ex Imperio auxiliis obsidere decrevit. Fuerunt in castris ejus Saxonie Duces, Marchionesque Brandenburgenses, & gener ejus Albertus Austriæ Princeps. Oppugnata est civitas sex hebdomadibus. Ipse verò Sigismundus in æde Metropolitana, quæ in arce sita est, regni coronam accepit. Conradus natione Westphalus Archiepiscopus, qui postea in hæresim prolapsus est, sacris solennibus ritè peractis, diadema ei imposuit.  
„Spondan. ad hunc an. n. 1. „Annò Christi millesimò quadringentesimò vigesimò, „Indictione decima tertia, Hussitis Boëmis malitiâ & potentiâ crescentibus, Ziska præ-

„cipuus eorum Dux civitatem à se Thabor nuncupatam, inter duo flumina veluti in peninsula arte & natura munitissimam construxit, atque ornavit. Nam & comites ejus Fratres Thaboritæ appellabantur, tantumquam cum tribus Apostolis Salvatoris Christi transfigurationem in monte vidissent, indeque suas opiniones mutuati essent, quas fidei veritates appellabant. Quamquam enim Thabor sic vocatam Bonfinius à castris velit, quòd Hungaricè, Tabor, castra significet, & tutissimum id hæreticorum asylum Ziska esse voluerit: prior tamen significatio magis apta est. Vocatus à Pragensibus in auxilium contra Sigismundum civitatem obfidendam (qui interim in æde Metropolitana, quæ in arce sita erat, coronam accepit regni Boëmiæ per manus Conradi Archiepiscopi, qui adhuc catholicè vivens, postea in hæresim prolapsus est) postquam Rex obsidione soluta abiit, cùm omnia dirueret sacra, profanâque celebriora loca, objugatus à Pragensibus, quibus servandum ædificiorum decus videbatur: orta dissensione reversus est ad suos Thaboritas, multâque fidelium loca expugnavit; & quoddam oppido viros ac mulieres cum pueris & infantibus, cunctosque loci Sacerdotes in Ecclesia conclusos immisso igne combussit. Alii quemdam è Proceribus Catholicis captum, humique prostratum flagellis rusticanis in modum manipuli flagellârunt, ad singulos ictus vociferantes: Non ultra insultabis Hussitis: posteaque manibus truncarum flammis exusserunt. . . . Narrâtque . . . Krantzius Judæos quoque per Baviariam arma pecuniâsque subministrâsse Boëmis, quò promptius infestarent Catholicos: sed Fridericum Ducem re comperta Judæos omnes captos misisse in carcerem, rebusque „cæutos

„ exutos docuisse alienis malis non gaudere,  
 „ nec insultare Christianis. „  
 „ Cuspinian. in Sigismundo. „ Convocatis  
 „ Slesie Ducibus, Sigismundus Bohemiam in-  
 „ gressus, Gracium & Cuthnam hostili exercitu  
 „ petit. Praefecto arcis Pragensis ab ischismaticis  
 „ obfesso suppetias fert igne obsidionem dis-  
 „ solvens. Accersitis deinde ex Imperio auxiliis  
 „ à Saxoniae Duce, Brandenburgensi Marchione,  
 „ & genero suo Alberto Duce Austriae brevi  
 „ oblecta civitas expugnata est. Ipse dehinc

„ à Conrado Westphalo Archi-Episcopo Pra-  
 „ gensi, ceremoniis solennibus (ut Boemiae  
 „ Regem decet) diademate est insignitus, an-  
 „ nò humanæ Salutis vigesimo post mille qua-  
 „ dringentos, cum triginta quatuor annis jam  
 „ regno Hungariae praefuisset. Sigismundus  
 „ dehinc Cuthnam profectus, dimissa obli-  
 „ dione, &c. „

Dubravius fusè ad finem libri 24.

[2.] Gerardus de Roò ubi suprà.

[3.] Ex literarum monumentis.

## Ann. Christi MCCCCXXI. Monasterii CCLXXXIII.

*Pont. Rom.*  
**Martinus III.**

*Imp. Rom.*  
**Sigismundus.**

*Archi-Dux Austriae*  
**Albertus V.**

*Episcopus Pataviensis*  
**Georgius.**

*Abbas Zwetlensis*  
**Fridericus.**

**R**omanus Pontifex Martinus hoc anno Florentiâ, ubi haëtenus se-  
 derat, relicta, Romam profectus est,  
 ut Urbi ac Basilicis & ædibus jam ferme  
 tum vetustate, cum civili bello colla-  
 bentibus subvenire posset, atque aliam  
 Urbi faciem novam redintegrare. \* [1.]

Idem Summus Pontifex utique requi-  
 situs omnia Monasterii Zwetlensis pri-  
 vilegia confirmavit sub dato apud Ur-  
 bem-Veterem Calendis Junii, annò Pon-  
 tificatus sui quartò, nostræ verò Salu-  
 tis MCCCCXXI. [2.]

Circa hæc tempora Sigismundus  
 editis publicè tabulis, quibus parentis  
 sui Caroli IV. singulare in Austriacos stu-  
 dium & præclara Alberti in se merita  
 recensens, Elisabethæ hæredi filiz ejus  
 conjugi de Ungariæ, Bohemiæ & Mo-  
 raviz possessione cavet, quas unica  
 hæres esset accessura, si absque mascula  
 prole ipse decederet. Quòd si alteram  
 adhuc filiam nasci contigerit, tum Eli-  
 sabetha, utrum vellet è duobus regnis  
 unâ cum Moravia eligens, alterum so-  
 rori relinqueret. Datæ Posonii die Do-  
 minico ante Michaëlis, Annò 1421.  
 [3.]

Interea in Bohemia Hussitæ grassa-  
 bantur Duce Zisca in Monasteria pas-  
 sim impunè, & pro libidine sua queli-  
 bet sacra æquè ac prophana demolie-

bantur, quorum fuorem etiam Cister-  
 ciensis Ordinis Monasteria sine discri-  
 mine sentiebant. De quorum numero  
 unum Menologium Cisterciense refert  
 taliter: „ Quintò Calendis Junii, hoc  
 „ est, vigesima octavâ Maji in Monaste-  
 „ rio Zedelitzensi passio beatorum Mo-  
 „ nachorum Cisterciensium, qui ob fi-  
 „ dei Catholicæ professionem ab Hussi-  
 „ tis martyriò affecti, coronam immor-  
 „ talitatis promeruerunt, quibus asso-  
 „ ciati sunt Monachi Carthusiani, qui  
 „ à nostris hospitio charitativè excepti,  
 „ eodem die, eodem in loco, & can-  
 „ dem ob causam Martyres evolârunt  
 „ in cælum. „ [4.] Langius id factum  
 esse hoc anno affirmat. [5.] Erant  
 enim Carthusiani præfati Pragâ è Car-  
 thusia trans pontem expulsi, nam Hus-  
 sitæ post sumptum de Joanne & Hiero-  
 nymo supplicium culpam præcipuam  
 Monachis Carthusianis & Prædicatori-  
 bus imputârunt, atque ideo ipsorum  
 Monasteria primùm involârunt, diri-  
 puerunt, concremârunt. Zedelitz au-  
 tem Monasterium Cisterciensis Ordinis  
 ad Cuthnitz montem situm, octo mil-  
 liaribus à Praga Moraviam versùs distat,  
 filia Waldassensis Cœnobii. Nec hoc  
 tantùm Cœnobium Hussiticos furores  
 pertulit. sed quoque aliud singularis ex-  
 cellentissimè in ripa Muldavia, qua Mosa  
 fluvijs

fluvijs illi jungitur, situm, Aula-Regia dictum, in quo Regum corpora condebantur. De cuius laude & everfione Æneas Sylvius quoque fcribit. [6.] Menologium autem eadem Monachorum ibidem Ciftercienfium anno priori factam unâ cum miraculo fic defcribit: „ Aula-Regia eft Cœnobium Ordinis „ Ciftercienfis, duobus circiter à civitate Pragenfi diftans milliaribus, in „ quo ab hoftibus fidei Chriftianæ fufpenfis funt Monachi in arboribus, quæ „ tilix nominantur: & in perpetuam „ rei memoriam arborum rami, in quibus „ fuere fufpenfi, folia ferunt ad infar caputiorum, quibus utuntur Ciftercienfes, ut teftantur multi, qui „ ante paucos annos id viderunt. „ [7.] Hæc Menologium. Ad Zwetlenfe Monafterium quoque in occidentali plaga extra muros poft hofpitale pauperum tres arbores fimiles ante Bohemorum tumultum Anno MDCXVIII. coeptum ftererunt, in modum caputiorum ferentes folia ex integro, quas ipfe vidi, fed modò excifæ funt radicitus, nè hoftibus poſſent fore aliquo emolumento, ſicut etiam quercus maximæ & pinus prope mœnia ſtantes ab ipſis Bohemis ſunt dejectæ. Credo ego fruticem aut ramum cum ejusmodi foliorum figura ex Aula-Regia huc translatum eodem in loco plantatum, in has arbores excreviſſe. Porro ut de Huſſitis plura referam, aliud in Bohemia Mona-

ſterium diruerunt Monachis occiſis, de quibus ſic Menologium: „ Nonò Kalendas Octobris, hoc eſt, vigefimâ „ tertiâ Septembris. Apud Bohemos „ paſſi beatorum Monachorum S. Mariæ de Oſech Ord. Ciſt. qui in Confeſſione fidei conſtanter perſiſtentes „ ab Huſſitis immaniter interempti cum „ palma Martyrii victores ad cœloſe evo-lârunt, „ Meminit Æneas Sylvius quinque Monafteriorum in Pelzinenſi territorio per Huſſitas combuſtorum, quæ ait, opibus & ſtructuris inſignia fuiſſe; in Monafterio verò Claronenſi, quod munitus fuit, Ziſcam poſuiſſe præſidium, ante quod per eundem Ziſcam Sigismundus fugatus fertur. [8.] Du-bravius etiam commemorat in Bœch-nenſi & Pelſinenſi regionibus Thaboritas furis actos eſſe, ferrò & igne Temp-la, caſtella, arces, Monafteria devaſtantes, inter quæ Nepomucenſe (S. Ord. Ciftercienſis) Clodronenſe, Mikewcenſe, Hradſchтынeſe combuſta ſunt cum plerisque Monachis, ac multi præterea mortales occiſi. [9.] Atque hæc de Huſſitis, qui ex noſtro quoque Monafterio Zwetlenſi poſt aliquot annos buſtum ſimile fecerunt.

Habetur etiam mentio hoc anno in die Petronillæ Virginis ultimâ nimirum Maji, Friderici Abbatis in Zwetl, unde patet adhuc ipſum Abbatem extiſſe. [10.]

## ADDITIONES.

\* [1.] Ciaconius in Martino Papa III. „ Abiens itaque Florentiâ Romam tandem „ pervenit Sabbathò, & per portam Populi „ ingreſſus, in Cœnobio S. Mariæ de Populo „ pernoctavit. Dominicâ de manè per forum Columnæ uſque ad S. Marcum, deinde „ per viam Pontificiam palliò exceptus ad „ Palatium Vaticanum pervenit, ſummis honoribus à Senatu, Populoque Romano comitantibus exceptus, multis noctibus equitatus facibus accenſis inclamabat frequenter: Vivat Papa Martinus. Paſſim effuſa obviam omni urbana multitudine, effuſis „ Principibus tantæ urbis, qui hominem non

„ ſecus, ac quoddam ſalutare fidus, vel uni-cum patriæ parentem expeſtabant. Diem „ illum in factis adnotavere Romani, decimò „ Kalendas Octobris anno Domini 1421. Ur-bem Romam adeò diruptam, & vaſtatam „ invenit, ut nulla civitatis facies in ea videretur. Collabentes vidiffes domos, collapſa Temp-la, deſertos vicos, cœnoſam & oblitam urbem, laborantemque rerum omnium „ caritate & inopia. Quid plura? nulla ur-bis facies, nullum urbanitatis indicium in ea videbatur; dixiffes omnes cives, aut in- „ quilinos eſſe, aut extremam omnium fæ-cem eò commigraſſe. Civium itaque ſuo-

rum calamitate permotus optimus Pontifex, animus ad exornandam civitatem, componendisque civium mores ita adjecit, ut brevi convalescens meliorem faciem præ se tulerit. Hanc ob rem civitas ipsa cum non modò summum Pontificem, verùm etiam patriæ parentem appellavit.

Spondanus ad ann. præced. n. 9 Martinus recuperatâ per dedicationem Bentivoli Bononiâ; cùm ex cantilenis puerorum Florentinorum passim dicentium suâ linguâ rhythmicè: Papa Martino, non val un quatrino; hoc est, Papa Martinus non valet unum quadrantem; existimaret hoc à pueris non ex se ipsis, sed impulsu hominum malevolorum concinî: inde nonnihil in Florentinos commotus; demotus ea opinione fuit per Leonardum Arctinum Secretarium suum, quanta ei prospera Florentiæ contigissent enarrantem, quæ non facili alio loco consequi potuisset. Rebus igitur pro tempore pacatis, Romam petere constitutus, in munus incolarû sui plusquam annuî, civitati id supplicanti concessit, ut Ecclesia Florentiæ ex Episcopali promoveretur in Metropolitanam, addidit tunc ei Fesulana & Pistoriensis tantum, ut Antoninus haberet; cùm Platina etiam Volaterranam adjiciat. Recedens autem Florentiâ mense Septembri, Romæ non secus ac quoddam salutare sidus (ut idem Platina refert) vel unicus patriæ parens receptus est, &c. ut suprà Craconius paulò aliis, & pluribus verbis refert.

[2.] Ex Bulla ipsius.

[3.] Gerardus de Roô lib. 4. ad literam.

[4.] Menologium Cisterciens. auctore P. Hennequez 28. Maji.

[5.] Paulus Langius in Chron. Citizenfi. Anno Domini 1421. Hussitæ rursus in furiam versî, circumpositas fidelium terras igne & ferro vastaverunt, & etiam in ipsâ Bohemia Catholicos Laicos & Religiosos eadem venianâ exturbârunt, eorum prædia, villas, oppida, & Monasteria flammâ & gladiò destruentes. Qua tempestate Carthusiam trans pontem subverterunt. Item circa Pentecostes festum obtinuerunt montem Cuthnitz, & honorabile Cœnobium Ordinis Cisterciensis ibidem Sedelitæ nuncupatum funditus diruerunt: in quo quidam Carthusienses præfati Monasterii expulsi fuerant recepti ad tempus ut hospites. Quapropter Hussitæ excaecantes ipsos Monachos receptores cum omnibus interfecere Carthusiensibus. Eodem etiam anno præfati hæretici oppidum Belyn cum castro,

quod fuerat de dominio Comitis Alberti de Colditz, & Monasterium Osseck sub castro Rosenberg combusserunt, & Monachos Ordinis Cisterciensis in eodem Deo militantes occiderunt. Et eodem impetu Brugg oppidum fidelium expugnare machinabantur. Sed Marchiones Milnenfes Fridericus & Wilhelmus id audientes, & exinde terris suis malum timentes, collectâ armorum multitudine contra eos processerunt, & congressione factâ duo millia Hussitarum interfecerunt, ceterosque omnes in fugam turpem verterunt. Ex parte autem Milnensum vix quinquaginta occubuerunt.

[6.] Æneas Sylvius suprà ad ann. 1415. sub n. 8. relatus.

[7.] Menologium Cisterciens. cit. 14. Maji.

[8.] Æneas Sylvius Histor. Bohem. c. 44. Erant in territorio Pelzinenfi complura cœnobio opibus & structuris insignia, ex quibus Zischâ Clarone quod combussit. In Monasterio verò Claronensi, quod munitius fuit, præsidium posuit. Huc Sigismundus exercitum admovit, Zischâ autem in eum copias ducente, turpi fuga recessit. nec diu postea, Bohemiam quoque reliquit, Zischâ ad Pelzinam duxit. Sed cùm civitatem egregiè defensam expugnare desperaret, inde solvens Comitaviâ petiit, non parvi nominis oppidum. Quo vi capto, populares cum Sacerdotibus in ædibus ligneis reclusos frustra veniam petentes exussit. Cùm verò ante oppidum, cui Rabinomen est, convocatis Fratribus Thaboritis & Orebitis castra teneret, obsessosque summa vi oppugnaret, oculum, quo uno lumen cœli videbat, sagittâ consiliis amisit. Inde Pragam ad Medicos vectus, quamvis ex vulnere curatus, vitam retinuit, lucem tamen haudquaquam recuperavit. Nec propterea castrensem laborem, aut rei militaris curam omisit. Cæco populo cæcus placuit ductor: res apud posteros plus admirationis habitura quàm fidei.

† Spondanus ubi suprà n. 4. ex citato Sylvio c. 43 & Cochleæ lib. 5. Et ut est hæresis facunda, peperit illa quoque in eadem Bohemia aliam factionem, sed diuturniorem Orebitarum, qui Thaboritarum æmulatione, sicut ii ex monte Thabor, ubi facta fuit Transfiguratio Domini, denominationem suam accipere voluerunt; sic isti à monte Oreb, in quo legem à Deo Moyses accepit. Fuere verò ceteris crudelitate nulla ex parte inferiores, Catholicos ubique magis afficientes cladiibus Sacerdotes igno

cre-

„ cremantes, aut nudos rigenti hieme super  
 „ glaciem colligatos dimittentes; quos verò  
 „ parvi æstimarent defectis virilibus abire per-  
 „ mittentes. Adversùs quos (*ut Aneas c.*  
 „ 52. *ait*) Martinus Pontifex nominatim Cru-  
 „ cem decrevit; neque tamen in plures annos  
 „ extirpari potuere. Cùmque sibi istiusmodi  
 „ homines in montibus complacerent, pro-  
 „ diti & alius non longè pòst Ioannes qui-  
 „ dam Roatus (*A. c. 52.*) nobili genere, sed  
 „ ingenio malò & mente pessima; qui inter  
 „ silvas in edito colle castellum exædificavit,  
 „ vocavitque montem Sion, asserens ex eo  
 „ loco veritatem aliquando exitum, quæ  
 „ gentem Boëmicam libertate donaret. „

[9.] Dubravus lib. 24. „ Hæc dum  
 „ Pragæ sunt, maiora iis foris Thaboritæ de-  
 „ signabant, præcipuè in Bechinensi & Pelsi-  
 „ nensi regionibus ferro & igne Tempia, ca-  
 „ stella, arces, Monasteria devastantes, inter  
 „ quæ Nepomucense, Cladronense, Milew-  
 „ cense Hradištienſe combusta sunt cum ple-

„ risque Monachis, ac multi præterea mor-  
 „ tales occisi. Arx deinde firmissima Rabi  
 „ vocabulò expugnata, in quam multas opes  
 „ vicini congefserant, sperantes tuto se illas  
 „ loco credere, quæ omnia à Thaboritis il-  
 „ reptæ, & fœdè distracta sunt. Septem in-  
 „ super Monachi, qui depositos ibi Mona-  
 „ steriorum thesauros custodiebant, igne con-  
 „ sumpti fuerunt; subditæ postremò arci quo-  
 „ que faces. „

Item lib. 26. „ Pragenſes arcem ingressi,  
 „ solito tunc sibi more in sacra prophetaque  
 „ impetum faciunt; & postremò ignem arci  
 „ subiciunt. Interea temporis Zilco, Mo-  
 „ nasteriorum vastator & everſor in Pelsinensi  
 „ regione versabatur, ibique Chotieſſoviam,  
 „ & Cladronam, Plafoniam (*vulgo Plazs Ord.*  
 „ *Cisterciensis*) tria bene pecuniata Monasteria  
 „ pulsus inde Regiis præſidiis expugnavit; &  
 „ quartum in oppido Rokyczana everſit &c. „

[10.] Ex litterarum monumentis.

## An. Christi MCCCCXXII. Monasterii CCLXXXIV.

*Pont. Rom.*  
 Martinus III.

*Imp. Rom.*  
 Sigismundus.

*Archi-Dux Austriæ*  
 Albertus V.

*Episcopus Pataviensis*  
 Georgius.

*Abbas Zweilensis*  
 Fridericus.

**A** Nno isto Elisabetha Sigismundi Cæ-  
 saris filia Viennam adducta est,  
 & nuptiæ solenni ritu celebratæ sunt.  
 \* [1.] Interim Bohemi aliquot Proce-  
 res ac Senatus Pragenſis abdicatò Sigis-  
 mundò Vitoldum Lituaniæ Ducem per  
 Legatos in regnum vocat, is Coribu-  
 tum patrualem eò misit. Zisca verò  
 hoc ipsorum consilium minimè appro-  
 bans, nullum potiùs Regem malebat.  
 Moxque arreptis armis per Moraviam  
 prædabundus in Austriæ fines excurrit,  
 cùmque pecora omnia ab incolis in pro-  
 ximam Danubii insulam transportata  
 audivisset, callidò commentò, quos  
 habebat boves & porcos in ripæ margi-  
 nem adactos verberibus affici iussit,

quoad clamore sublato reliqui ex in-  
 sula ad ipsum tranarent, cum præda  
 domum revertitur. [2.]

Obiit porro anno isto Reimburtus  
 de Walsee Alberti V. Archi-Ducis Au-  
 striæ consiliorum director ac aulae Præ-  
 fectus & Capitaneus Austriæ Superioris,  
 Vir suum in Principem fide usque ad  
 aras constantissimus & celeberrimus,  
 qui de sanguine Chünringiorum nostro-  
 rum Fundatorum descendit, habuit  
 filium sui nominis, qui eidem in officio  
 Austriæ Superioris successit. [3.] Obiit  
 autem in festo Visitationis B Mariæ, fortè  
 in Monasterio fundationis suæ, seu Ma-  
 jorum suorum dicto Valle-Dei sepultus,  
 unde ipsius obitus constat,

## ADDITIONES.

\* [1.] Gerardus de Roò ad præcedent.  
 annum sub n. 3. relatus.

[2.] Aneas Sylvius lib. 44. „ Per idem  
 „ tempus Castellum Purgellinum, in quo par-

„ vum Sigismundi erat præsidium, & quò  
 „ multi Pragenſes rectæ fidei cultores cum li-  
 „ beris & uxoribus confugerant, per incuriam  
 „ arsi: qui superfuerunt incendio, Pelzinam  
 „ se



se contulere. His actis nonnulli Bohemorum reguli, & Consulatus Pragensis Legatos ad Vitoldum Lituaniam Ducem misere, eumque sibi Regem asciverunt adversante Zischa, ejusque factione, qui liberis hominibus Regem habendum esse negabat, & cum potissime, qui gentium ritu viveret. Vitoldus Sigismundum Coributum cum duobus millibus equitum in Bohemiam misit, qui apud Pragenses magnis exceptus honoribus, civitatem brevi ad meliorem formam redégit: Nobilibus, & qui quiete vivere vellent, blandus atque amicus: in obsidiosos atque facinorosos asperimus vindex. ----- Ferunt Zischam in Austriam profectum, cum Agrestes armenta quæque navibus in insulam Danubii transportassent, vitulos, suesque nonnullos per negligentiam in villis dimissos ad ripam fluminis tandem diverberasse, donec pecus insulam depascens, mugitum, grunitumque audiens, desiderio similis animantis fluvium transnavit, eoque modo magnam prædam abactam.

Dubravius lib. 26. „Pragenses cum Thaboritis in mutandis novandisque rebus inquieti, de Rege novo deliberant, quem Sigismundo æmulum opponant: major factio in Polonum inclinabat, equestribus copiis potentem, & Sigismundo non valde amicum: contra Nicolaus Hus cum quibusdam Thaboritis pugnabat, ne extra Boemiam Rex quæreretur, ignarus consuetudinum regni, ac præcipue ipsorum Religionis, cujus conservandæ gratiâ alio Rege opus sit. Vicit frequentior numerus, missique Legati sunt ad Regem Poloniæ, qui regnum præterea Boemiæ ad illum deferrent. Quibus ille brevibus respondet: Se regno, quod in præsens habebat, contentum esse, utinamque uni illi satisfacere queat. Cæterum regnò Boemiæ, quod sciat ab Ecclesia propter hæresin condemnatum esse, nihil se egere. Vadunt illi ad Vitoldum Lithuaniam Ducem non ita religiosò stomachò præditum, ut regnum propter crudam

nonnullorum Religionem concoquere non posset, oblatum illud sibi promptè suscepit, ac protinus cum ipsis Legatis Sigismundum Korybutum affinem suum ire in Boemiam ad accipiendam regni possessionem jubet, additis ei delectis equitum turmis. Eum Pragenses & Thaboritarum complures læti excipiunt, gaudentes de equestrium copiarum accessione. Cæterum Korybutus, cum nullos præterea ordines insigniores adesse videret, qui comitiis indictis Vitoldum Regem Boemiæ declararent, non diu Pragæ moratus est, sed retro, unde venit, abiit. -----

„In hoc deinde (postquam Pragenses magnam à Misnensibus ad pontem passi essent stragem) omnes Ordines una mente consensere, ut data fide publica utriusque factionis fautoribus, Moravis quoque accessitis, Cziaslaviam convenirent, de summa rerum consultaturi; fuitque consultatio ista in Regem contumeliosissima, quasi tam magnanimitus Rex, quam erat Sigismundus, ullâ contumeliâ de statu suo deterreri poterit. Major tamen Boiæmorum pars cum Pragensibus contra eum censuit, ut regnum ei abrogaretur, ac Legati rursus ad Vitoldum mitterentur, qui eum Regem salutarerent, & ut in regnum maturè veniat, invitarent, tamen Moravi extra paucos, indignum sibi videri dicerent, ut fidem Sigismundo, tanquam hæredi datam, mutare, ac se novò Sacramento Vitoldo, quem nunquam viderint, obligare deberent. Nam Zisco nullum potius, quam aliquem Regem volebat, quod diceret, nihil opus esse Rege libero populo. Nihilò secius clam submissi, qui in Lithuaniam ad Vitoldum irent, atque ii in via, quâ Oppaviam ambulat, à Johanne Oppavienfium Duce intercepti, ad Sigismundum abducuntur, qui celeberrimum Principum conventum Norbergæ celebrabat, Legato Romani Pontificis præfente, ac denuo vexillum Crucis contra hæreticos Boiæmos erigente.

[3.] Richardus Struno in Annalibus Austriæ Superioris hoc anno.

## An. Christi MCCCCXXIII. Monasterii CCLXXXV.

*Pont. Rom.*  
Martinus III.

*Imp. Rom.*  
Sigismundus.

*Archi-Dux Austriae*  
Albertus V.

*Episcopus Pataviensis*  
Georgius.

*Abbas Zwettlensis*  
Fridericus.

Cum Martinus Papa III. incorporationes Ecclesiarum quarumcunque

tum à se, tum à suis prædecessoribus factas, nondum autem ad effectum suum deduc-

deductas, certas ob causas revocaret & annullaret, Monasterium Zwetlense à Bonifacio (*Annò 1396.*) Papa IX. quatuor Ecclesiarum Parochialium incorporationem primò factam, deinde. (*Annò 1399. ut in l. Tomo videre est*) ab eodem renovatam accepit, nimirum sequentium Ecclesiarum, S. Mariæ in Cistersdorf, S. Ægidii in Schweickers, S. Laurentii in Windigsteig, & S. Joannis Evangelistæ in monte ad Zwetl oppidum, quam ultimam Ecclesiam, quia ad Episcopi Pataviensis collationem jus patronatûs spectabat, & sine ipsius consensu Monasterio nostro incorporata fuerat, ipsemet recepit; alterius verò Ecclesiæ S. Laurentii in Windigsteig incorporatio jam suum fuerat deducta ad effectum, cum Ulricus Offerl (*Annò 1398.*) ante susceptam Abbatiam de Conventu Zwetlensi Vicarius post ultimi Reçtoris ibidem decessum fuerat solenniter à Monasterio institutus. Ecclesiarum igitur in Cistersdorf & Schweickers incorporatio, quia Reçtores earundem adhuc in vivis erant, neque sponte de iis cedere cogitabant, nondum ad suum effectum deducta fuit, & sic per Bullam Martini Papæ V. (*reçtius III.*) annullata est, quâ omnes incorporationes quomodocunque à se, vel à suis prædecessoribus factas quibuscunque, nondum tamen ad effectum suum deductas sustulit & revocavit. Quapropter Fridericus Abbas egit in Curia Romana apud Pontificem per procuratorem suum, ut dictas duas Ecclesias in Cistersdorf & Schweickers denuò Monasterio suo in Zwetl perpetuò incorporaret, annecteret, uniret. Quod etiam impetravit per Bullam, in qua tum Bonifacii IX. tum suæ revocatoriæ mentionem facit, seque nunc Monasterii inopiâ & præsertim vastatione Hussitica,

qui hostes Religiosorum omnium per duas dietas à Monasterio tantum abstint, incorporationem duarum in Cistersdorf & Schweickers Ecclesiarum Parochialium perpetuò Monasterio in Zwetl confirmare modò & formâ, quibus Bonifacius IX. Antecessor suus easdem incorporasset. Data est Bulla ista Romæ apud Sanctam Mariam-Majorem, 13 Cal. Septembris, Annò Pontificatûs sui sextò, Salutis verò nostræ 1423. \* [1.] Notandum, ubi in hac Bulla sit mentio devastationis Hussitarum, intelligendum id esse de deprædatione subditorum, non verò de Monasterii ipsius destructione, quæ post annum unum & alterum primò contigit; nam cum Archidux Austriæ gener Imperatoris Albertus ipsis Hussitis hostis esset, & bellum unâ cum Sigismundo contra eos gereret, hæreticos vicinos Austriæ, ejusdem fines prædandi gratiâ, sæpe transgressos esse, sicut suprà de Zisca quoque retuli.

Zisca ex Austria anno superiori cum præda domum reversus, intestinum in Pragenses, eorûmque socios bellum suscepit, cûmque cæstra jam ad urbem haberet, Joannes quidam Rochezanus ad ipsum egressus, omnia composuit dissidia, & Zisca cum Pragensibus in gratiam rediit. Cæsar verò hæc percipiens astu Ziscam aggreditur, regni gubernationem, magnosque honores cum per amplio stipendio offerens, quæ dum parantur, Zisca pestilenti vulnere tactus obiit. [2.] Hæc ut & sequentia Cæsaris cum Bohemis bella, Hussitarumque rabiem cum mei instituti non sit exadè omnia persequi, breviter meminisse propter Alberti cum ipso affinitatem, bellicque societatem, & propter Monasterii nostri destructionem satis esse duxi, reliqua ex Bohemiæ Scriptoribus peti possunt.

## ADDITIONES.

- \* [1.] Ex Bulla ipsius.
- [2.] Gerardus de Roô lib. 4.
- [3.] Æneas Sylvius cap. 45. „Oppidum est Pragens Ecclesiæ, non longè à

- Pelzina, cui Rochezana est nomen. Ex
- hoc loco puer obscuris parentibus, censûque tenuissimo natus, Joannes nomine, Pragam venit, mendicatûque victum querens, Gram-
- X 2
- mati-

maticam & Dialecticam didicit. Cùm adolevisset, nobilis cujusdam pueri pædagogus factus est; & cùm valeret ingenio, linguæque promptus esset, in collegio pauperum receptus, auditor Jacobelli fuit. Postremò Presbyter ordinatus, prædicare verbum Dei Pragenfibus cœpit, ex oppido, unde ortum habuit, Rochezanæ cognomen ducens. Et jam nomine & autoritate valebat, cùm Zischæ Pragam obsideret. Exiit ergo consentientibus civibus, & in castra profectus, civitati Zischam conciliavit.

Cap. 46. „Sigismundus autem, ubi Zischæ cuncta ex sententia cedere animadvertit, & jam illum esse unum, ex quo res Bohemiæ penderent, clam sibi eum conciliare tentavit, gubernationem sibi totius regni, militiæ quoque ducatum, & ingens auri pondus quotannis promittens, si se Regem nominaret, & in verba sua civitates jurare cogeret; in magnam profectò Regiæ Majestatis ignominiam, & Imperialis gloriæ dedecus, atque infamiam Reipubl. Christianæ sempiternam. Sigismundum pluribus regnis Præfectum, ex Imperatoribus natum, & ipsum Imperatorem, cujus nomen Italia, Gallia, Germania, & omnis Europa venerata est, quem barbaræ nationes timuerunt, supplicem vidit nostra ætas homini ex parentibus haud admodum nobilibus nato, seni, cæco, hæretico, sacrilego, & in omne scelus audaci, pecuniam & summos honores offerre, ut suarum esse partium dignaretur. Sed avertit Divina pietas eam pestem, & tantum malum è medio Christianorum eripuit. Nam Zischæ conditionibus annuens, dum conventa completurus Sigismundum petit, inter eundem apud Castellum Priscoviam, divinitus (ut pare est credere) peste tactus expiravit: monstrum detestabile, crudele, horrendum, importunum; quod postquam manus humana conficere non valuit, digitus Dei extinxit. Ferunt illum, cùm ægrotaret, interrogatum, quonam loco mortuus sepeliri vellet: jussisse cadaveri suo pellem adimi, carnes volucris ac feris obiectari, ex pelle tympanum fieri, eoque duce bella geri; arrepturos fugam hostes, quamprimum ejus tympani sonitum audiverint Thaborenfes, qui reliquas picturas abominantur, Zischæ

tantummodo, & Angeli cujuspiam calicem manu tenentis effigiem supra portam urbis pinxere, eique sacra quotannis agunt.

Dubravius lib. 26. propiùs à fine. „Porro Zisconi, cùm sciret Brodæ vicinam esse Moraviam, iter prosequi in illam placuit,.... à pagis & vicis benignè ac sibi obnoxie acceptus est, donec Crensfium perveniret, quod Pontifex Olomucensis præsidio nobilitatis vicinæ, cujus sibi fidem jure (ut vocant) feudi addictam habet, bene firmaverat, ita ut aculeus ferociæ Zisconis, dum nullo assultu oppidum capere potest, hæcenus retunderetur, ut diceret: Non tam lenem sibi in Moravia, quàm in Boiemia spirare auram; inscensilque curru temonem Boiemiam versùs converti jussit. In qua denno cum Pragenfibus conjunctus, spoliis, ferròque & flammis, ac cædibus cuncta miscebat inter eos, qui diversa ab utrisque sentirent. Quæ secum maximo cum animi dolore Sigismundus reputans, seque imparem hostibus, non uno experimento cognoscens, subire tandem (juxta suum proverbium) perticam, quam transilire non poterat, statuit, ut levi damno honestatis detractæ, ingentem utilitatem patriæ rependeret. Ablegat igitur occultè ad Zisconem, qui ei mentem suam declararent, sibi in animo videlicet esse, posteaquam mille cotidie Imperii & regni Hungariæ curis distineatur, ut Zisconem pro se Vicarium atque administrum in regno Boiemiæ præficiat, si is ad obsequium Regium, ceteros ordines cum civitatibus hæcenus contumacibus adigat. Applausit cyclops tam lauto bolo, sed hinc demum suppeduit fortunam tantum illi indulxisse, ut nimia indulgentià ad participatum Regiæ potestatis aspirare sibi permiserit, idque antequam conficeretur, tactum priùs Zisconem ulcere pestilenti extinxit, sed haud intestatum. Testamentum fuit rebus gestis dignum, ut Fratres, sic enim Thaboritas compellabat, post mortem suam sibi pellem detraherent in usum tympani, quo in acie uterentur, ad propellendos strepitu illius hostes, præcipuè Germanos: quasi eadem vis illius foret, quæ fuit Oris Medusæ, cujus aspectu homines in lapides vertebantur: corpus verò suum ut inscputum relinquerent volucris & feris devorandum. „

## An. Christi MCCCCXXIV. Monasterii CCLXXXVI.

Pont. Rom.  
Martinus III.Imp. Rom.  
Sigismundus.Archi-Dux Austriæ  
Albertus V.Episcopus Pataviensis  
Leonardus.Abbas Zwetlensis  
Fridericus.

**I**ncorporationem duarum Parochialium Ecclesiarum in Cistersdorf & Schweickers Monasterio nostro Zwetlensi per Martinum III. anno priori factam, hoc anno Dominus Conradus Abbas Altenburgensis Ordinis S. Benedicti executioni dedit, qui a præfato Papa præmissarum suarum super incorporatione datarum litterarum Commissarius nominatus est. Et hoc mandatum Apostolicum Altenburgensis Abbas executus est per Notarium Publicum Nicolaum Petri de Zwetl Clericum Pataviensis Diocesis instrumentò desuper confectò. Datum & actum in Monasterio Zwetl in coenaculo Friderici Abbatis ibidem majori, 25. Junii, annò Christi 1424. Pontificatus verò Martini Papæ V. (*aliàs III.*) septimò, præsentibus testibus DD. Joanne Episcopo Nazoracense, D. Thoma Priore in Altenburg, Joanne Gruppel armigero, Joanne Mülknecht de Moyderantz Presbytero, &c.

\* [1.] His transactis mox 11. Julii hujus anni Dominus Fridericus Abbas totiusque Monasterii in Zwetl Conventus post obitum Ulrici Perl Ecclesiæ S. Mariæ in Cistersdorf Vicarii ultimi extra Romanam Curiam defuncti, vi Bullæ Martini Papæ V. (*verius III.*) elegerunt, deputarunt, & assumpserunt F. Stephanum Grabner Presbyterum Monachum ejusdem Monasterii Professum in Vicarium perpetuum præfatæ Ecclesiæ; eundemque per D. Petrum Gafner Plebanum in Paltendorf in corporalem, realem & actualem possessionem jurium & pertinentiarum omnium dictæ Parochialis Ecclesiæ, ut & tanquam perpetuum Vicarium induxerunt, & plebizanis commendarunt, confectò desuper instrumentò publicò per Notarium Nico-

laum Petri de Zwetl Patav. Diocesis Clericum. Acta sunt hæc in loco Capitulari Monasterii Zwetlensis, anno, die & Pontificatu prænotatis, præsentibus D. Joanne Nazarocensi, & Petro Behaimb, Stephano Pickhl, Joanne Gruppel Laicis Patav. Diocesis, testibus. [2.]

Georgius Strigonienſis Archi-Episcopus Pataviensis Episcopus, & Imperii Cancellarius, hoc anno Strigonii in Ungaria constitutus, cum huic Sedi paucis annis præfuiſſet, ætate jam ad ſenium vergente febre correptus obiit, ſunus ex Inferiori Pannonia Viennam, & inde lugubri pompa Pataviam deductum apud S. Stephanum ſepulturæ traditum eſt. [3.] Quo defuncto Leonardus à Layming una cum Hainrico Flogkelio Decretorum quondam Doctore & Ecclesiæ Pataviensis Decano per discordem electionem à minore tantum Canoniorum parte nominatus fuit: ſed quia major & potior pars neutri ſuffragari vellet, idcirco Eberhardo Salisburgensi Archi-Episcopo res commiſſa eſt, ut is Episcopus eſſet, quemcunque ille auctoritate ſua nominaret. Hainricus, quia Albertum Austriæ Ducem elementem promotorem habebat, & Salisburgensem veluti ſingularem ſuæ felicitatis fautorem, in ſpem optimam veniebat, ſe fore Episcopum. Sed Leonardus per Hainrici Bavariæ Ducis interceſſionem à Salisburgensi Antistes Pataviensis declaratus eſt. [4.] Quem ob eandem declarationem ſub titulo Episcopi Pataviensis jam colloco, licet Canonici ſeſe fortiter opponerent, ſententiámque ſuam retractarent, neque illum pro Episcopo acceptarent. De quo anno ſequenti plura.

Redeo ad Bohemos. Zifcá è vivis  
Y sub.

sublatò Thaboritæ, qui Orphanos sese vocabant, duos in ejus locum Præfectos creant, nomen utrique Procopius, alteri Rafus, Minor alteri cognomen fuit. Rafus, quem & Magnum postea vocârunt, primos sub Zisca ordines duxerat, & ab exorto primùm bello Moraviæ à suis præfectus, ut in ea Hussi doctrina propagaretur, operam dederat. Eam verò provinciam Cæsar Alberto genero suo dotis nomine, aut (ut quidam volunt) quòd ægrè illam à Thaboritarum injuriis defendere posset, donò dederat. [5.] Hæc Gerardus. Dubravius & Æneas Sylvius sectas eorum enumerant tres aut quatuor, qui nimirum exercitus singulares habebant: Thaboritæ antiquum nomen servabant sub Duce suo Procopio Magno Raso, apostata. Orphani ob mortem Ducis Ziscæ nomine novo gaudebant, horum præcipuus erat Procopius ob staturam corporis Minor cognominatus. Orebite fratres alii se cognominabant, his ductor erat Bredricus Presbyter Strasmicensis, natione Moravus, apostata, qui bellis assiduè Silesiam affectavit. Et Pragenfes suis auspiciis & sub ducibus suis exercitum singularem ducebant. Qui etsi aliquando inter se dissentirent, ubi tamen extrinsecus vis ingruit, junctis viribus in unis castris sese defenderunt. [6.]

Obiit hoc anno Fridericus de Novo-Monte Professus, Abbas Zwetlensis Nonis Octobris. Ità recentior Abbatum Catalogus. Mortilogium autem vult ipsum anno sequenti obiisse; sic enim post ceteros Monachos defunctos ait: „ Annò Domini &c. 25. Ob. Abbas „ Fridericus in die S. Marci Papæ, re- „ quiescat in pace. „ Quod non consistit; nam instrumentum quoddam publicum in manus meas devenit, in quo Thomæ Abbatis in Zwetl fit mentio, nimirum Annò Domini MCCCCXXV. i. Septembris. Igitur cum obiisse in Abbatia Fridericus constanter asseratur, & hoc à citati Mor-

tilogii Authore in die S. Marci Papæ „ Nonis Octobris, Anni MCCCCXXV. contigisse scribatur, non potuit anno eodem vigesimo quinto Thoma jam abbatizante, sed anno præcedenti nimirum vigesimo quarto Fridericus ex hac vita migrasse. De die obitus ipsius etiam convenit Mortilogium alterum commune, ita illum referens: „ Nonis „ Octobris Fridericus Abbas Zwetlensis, Professus in Novo-Monte, qui rexit „ tempore Hussitarum. Item in Chronico MS. annotatur ipsius obitus, cujus memoria ad Nonas Octobris talis est: „ Obiit Dominus Fridericus quondam „ Abbas Zwetlensis, in Novo-Monte „ Professus. Obiit post annum „ Domini 1424. ante combustionem „ Monasterii. „ [7.] De eodem Abbate Wolfgangus Abbas sequentia commemorat: „ Fridericus 24. Iste venit „ didit Viennæ domum Maroltinger „ sine Capella & domuncula, quam „ hodie tenemus, & multas vineas Viennæ, multasque possessiones alienavit à Monasterio, fecit tamen cum „ consensu Capituli Generalis, maxime „ domum supradictam, nos enim vidimus Papalia transmissa Visitatori „ S. Crucis pro venditione domus, „ utrum fuerit tamen necessitatis, ignoratur. Fuit enim hospes & Professus „ in Novo-Monte per Dominum de S. „ Cruce, & per preces Nobilium institutus, sicut missivæ, quas vidimus, „ canunt. „ [8.] Hæc Wolfgangus Abbas. Mitius fuisse locutus de hospite hoc Friderico Abbate, si Monasterium in tantis debitis constitutum, si grangias devastatas, si ipsum Monasterium in Austriæ tumultu super tutela Alberti V. exorto spoliatum scivisset, nam necessitas fuit, ut quæcunque bona Monasterii distraherentur ad vitam sustentandam, quàm ut Monasterium Fratribus atque adeo Ordine sacro denudatum fuisset relictum, cum ea tempestate alia non erat spes emergendi. Fuerunt autem usque ad obitum hujus Abbatis

Abbatis defuncti Monasterii Zwetlensis ab obitu Ulrici Offerl, qui annò Domini MCCCCVIII. in octava Bernardi Abbatis obiit, sequentes:,, F. Thomas Payninger „ in Curia Romana. F. Joannes Matthiæ „ in Ungaria. F. Nicolaus quondam „ Abbas. F. Ulricus in Sytich. F. Stephanus de Schwickers. F. Joannes „ Smydel in S. Bernardo. F. Joannes „ Grünenbach. F. Christiannus Custos. „ F. Fridericus de Revinga. F. Nicolaus „ Cantor. F. Thomas Rasoris. F. Joannes Longus de Leubs. F. Wolfgangus de Ottenhaym. F. Ulricus Heubler. F. Georgius de Neunburga. F. Joannes Rastenvelder. Annò Domini &c. 25. Ob. Abbas Fridericus in die S. Marci Papæ. Requiescat in pace. „ [9.] Hæc Mortilogium Monachorum. Ubiponitur Nicolaus quondam Abbas, intelligendum est de Nico-

lao Gretzel, qui ante Fridericum ultimus Abbatiam vacuum resignavit, ut suprà Annò MCCCCX. scripsi. Obiit autem hic Nicolaus quondam Abbas in Zwetl ejus nominis III. septimò Calendæ Octobris, nam Nicolaus I. circa Annum Salutis MCCCLXXXII. in via Curia Romanæ mortuus est; Nicolaus II. de S. Cruce resignans Abbatiam Annò MCCCXCII. in domum suam professam rediens, ibidem quoque obiit. [10.] Nicolaus autem III. Gretzel cognomine de civitate Zwetl ante hunc Salutis Annum nimirum MCCCCXXIV. obiit, de quo suprà citata mentio habetur. Friderico igitur Abbate defuncto, & more Ordinis nostri in Capitulo sepulto, institutio novi Abbatis in sequentem annum protracta est, de quo Abbate successore Friderici ibidem faciam mentionem.

## ADDITIONES.

\* [1.] Ex Autographo & instrumento ipsius Abbatis ac Notarii.

[2.] Ex instrumento publico.

[3. & 4.] Hundius in Metropoli sub Episcopis Patavienfibus in Georgio & Leonardo. Interfuit (Georgius) annò 1415. Concilio Constantienfi, ubi Sigismundo Imperatori familiarissimus fuit, à quo Cancellarius Imperii constitutus est: mortuo autem Joanne, Strigoniensi Archi-Episcopo, Imperatoris beneficio suffectus est eidem Sedi; cui cum paucis annis præfuisset, ætate jam ad senium vergente, febre correptus obiit, funus ex Inferiori Pannonia Viennam, & inde lugubri pompa Pataviam apud S. Stephanum sepulturæ traditum est, annò 1424. in abside ante Altare S. Mauricii extra Chorum.

„ Leonardus à Layming, patre Erasmo Laymingero, viro nobili apud Bavaros; matre verò Chunegunda de Schonfiet natus, unà cum Henrico &c. „ *ut in textu nostro, qui exscriptus est.*

[5.] Gerardus de Roò lib. 4. ad litteram.

[6.] Æneas Sylvius cap. 47. „ Zischâ mortuò ingens moror invaluit exercitum, trepidare, lamentari milites, accusare fortunam, quæ ducem invictum, morti vincendum dederit. Nec mora, duæ factiones exortæ. Altera Procopium Magnum, quem Ratum quoque vocavere, cujusque suprà

„ meminimus, sibi ducem præfecit. Altera „ nullum inveniri posse dicant, qui jure „ Zischâ succederet, selectis paucis, qui communi consilio bellum administrarent, sese „ Orphanos appellavere, inter quos potior „ habitus est Procopius, cognomentò Minor, „ Atque ita Thaboritæ in duos exercitus divisi, alii vetus nomen retinere, aliis Orphanorum (ut diximus) ob mortem ducis, „ inditum nomen. Qui etsi aliquando inter se dissentirent, ubi tamen extrinsecus vis „ ingruit, junctis viribus in unis castris sese „ defenderunt. Murò circumdatas urbes, „ nisi necessariorum emendorum gratiâ, per „ raro ingredi, cum liberis & uxoribus in castris vitam agere: caros quam plurimos habere, his pro vallo uti. Procedentes ad „ pugnam duo ex his cornua facere, in medio peditatum claudere, alæ equitum extra munitiones propè adesse. Ubi congressi „ tempus visum, aurigæ qui cornua ducerent, ad Imperatoris signum, comprehensa „ sensum quæ voluerunt hostium parte, ordines quadrigarum contrahere: intercepti „ hostes, quibus sui subvenire non possent, partim gladiò à peditatu, partim missilibus „ ab his, qui erant in carris viris ac mulieribus, necari. Equitatus extra munimenta depugnare, quem si fortè hostis opprèssisset „ fugientem, mox aperti curus excipere, in-

Y 2

„ déque

„ déque velut ex civitate moenibus cincta de-  
 „ fendi, eoque modo victorias quam pluri-  
 „ mas consequi: cum eam pugnandi peritiam  
 „ vicinæ gentes ignorarent, & ager ille Se-  
 „ ptentrionalis latè patens, ad explicandos  
 „ bigarum quadrigarumve ordines peridoneus  
 „ haberetur. Egre diebantur duo exercitus,  
 „ alter Slesiam, alter Moraviam populabatur,  
 „ vicinasque regiones assiduus excursionibus  
 „ infestabant. Theutones, per circuitum ha-  
 „ bitantes, alios Philistæos, alios Idumæos,  
 „ Moabitæque vocabant. Bohemiam, ter-  
 „ ram promissionis esse dicebant. Cum-  
 „ que in proximam provinciam exissent, prius  
 „ cum præda depopulatis agris reverteban-  
 „ tur, quam hostis cognovisset adventum.  
 „ Erat & tertius Exercitus, quem Fratrum  
 „ Orebitarum appellari diximus. Huic du-  
 „ xor fuit Bredricus presbyter Strasmicensis

„ natione Moravus, qui bellis assiduus Slesiam  
 „ affecit. Hic etiam hodie vivit, & urbem  
 „ Coloniam appellatam possidet. Qui spreta  
 „ Religione Christiana, calcatoque Pontificio  
 „ Jure, uxorem publice duxit, & illâ mor-  
 „ tuâ, alteram ex Polonia superduxit, ex qua  
 „ filios, suæ nequitie sectatores, sustulit.  
 „ Dubravius ad initium libri 27. ubi tamen,  
 „ nec ullibi aliàs, mentionem facit Orebitarum,  
 „ fortè quia Dux istorum Moravus, apud quos  
 „ ille (*Dubravius*) ad Episcopalem Cathedram  
 „ evectus fuit.

[7.] Chronicon MS. ad Nonas Octo-  
 bris.

[8.] Wolfgangus Abbas in sua Abba-  
 tum serie.

[9.] Mortilogium antiquum Monacho-  
 rum Zwetlensium.

[10.] Mortilogium in Zwetl antiquum.

## An. Christi MCCCCXXV. Monasterii CCLXXXVII.

*Pont. Rom.*  
 Martinus III.

*Imp. Rom.*  
 Sigismundus.

*Archi-Dux Austriæ*  
 Albertus V.

*Episcopus Pataviensis*  
 Leonardus.

*Abbas Zwetlensis*  
 Thomas.

**M**artinus Pontifex Romanus Jubi-  
 læum celebravit, multis ad Ur-  
 bem concurrentibus, quod pax & tran-  
 quillitas universim esset, & magna co-  
 pia annonæ. \* [1.]

Furunt interea in Bohemia Hussitæ,  
 Pelzinámque fortiter rem contra hære-  
 ticos gerentem incessanter oppugnant;  
 verùm coacti fame cum ignominia sol-  
 vunt obsidionem. [2.] At Martinus  
 Pontifex Maximus, ubi armatam hære-  
 sim crescere in dies animadvertit, prius-  
 quam pestis ampliùs invalesceret, Car-  
 dinalem Vintoniensem, natione Ang-  
 licum, Regia stirpe natum, in Germa-  
 niam proficisci iussit, qui contra Bohe-  
 micam labem vicinas gentes in arma  
 conciret: cui & Imperator adjumento  
 fuit. Unde Saxones, Francones, Bavari,  
 Suevi, Rhenique accolæ, atque etiam  
 Austriaci sese contra ipsos armârunt.  
 [3.] Verùm metus & timor hostis ad-  
 ventantis, tantos exercitus tot populor-  
 um, non viso adhuc hoste, in fugam  
 effusam convertit, Cardinale frustra

fugientes ad reditum adhortante, qui  
 & ipse fugæ comes deinde fieri coactus  
 est.

Porro priori anno duo à Patavien-  
 sibus Episcopi electi dissidium in ea Sede  
 magnum excitârunt, dum neuter ce-  
 dere, sed uterque Episcopus esse con-  
 tendit; ii erant Hainricus Decanus Pa-  
 tavienfis, & Leonardus à Layming. Ca-  
 nonici sententiam Archi-Episcopi Sa-  
 lisburgensis pro Leonardò stantem re-  
 spuentes Viennam Austriæ concedunt,  
 (nam Leonardus favorem civium Pata-  
 viensium consecutus, in urbem eorum  
 intromissus plenissimè jam illic domi-  
 nabatur) patrociniò igitur Alberti Au-  
 striæ Principis Episcopales proventus  
 intercipiunt, & ad sese pertrahunt. Mit-  
 tuntur Legati insuper ad Romanum.  
 Pontificem, quibus Laymingerum apud  
 Pontificem Maximum criminantur gra-  
 viter, hos Legatos Leonardus interce-  
 ptis, lectis & disceptis litteris custodiæ  
 tradit. Ipse Romæ è vestigio profectus  
 rem omnem Pontifici Martino III.  
 expo-

exponit, à quo cùm confirmationem facile impetrasset, mox in Germaniam reversus est. [4.] De quo annis sequentibus plura.

Defuncto anno priore mense Odo-  
bri Friderico Abbate in Zwetl hoc anno in Abbatie regimine substitutus fuit per canonicam electionem F. Thomas

Paynger, cujus patriam ignoramus, infelicissimus Abbas, quippe sub eodem Monasterium in Zwetl à nefandis hæreticis Hussitis & prophanatum & combustum est, & terra circumquaque devastata. Illius successionem omnes Abbatum in Zwetl Catalogi affirmant, non tamen in anno consentiunt. [5.]

## ADDITIONES.

\* [1.] Ciaconius in Martino Papa V. „ Annò 1425. Martinus V. Annum Jubilæum celebravit, multis ad urbem concurrentibus, „ quod pax & tranquillitas universim esset, „ & tanta copia annonæ, ut onus tritici bachi 20. hordei 12. distraheretur Romæ. „

Ciaconio, & ejusdem sequaci textui nostro contradicit quoad Chronologiam Spondanus ita scribens: „ Annò Christi millesimo quadringentesimo vigesimo tertio, Indictione prima, celebratum esse Jubilæum Romæ, „ Onuphrius ponit in suo Chronico de Roman. Pontif., probaturque Constitutione „ Pauli II. quod diserte ait Martinum V. reductionem per Urbanum VI. factam ad triginta tres annos ratam habuisse, & ad effectum deduci anno illo ingruente permisisse. „ Cùm enim reductionem Urbani annò 1390. factam viderimus, Martini celebrationem in hunc incidisse necesse est; non post biennium annò 1425. ut sunt, qui ponunt: „ (Ciaconius & Brevius) cùm alioqui paucissimi sint, qui hujus Martinianæ celebrationis meminerint: fortè quoddam ob bella, quæ tam in universa Italia, quàm Gallia, & Germania, aliisque regnis & provinciis vigeant, pauci Romam accedere potuerint. „

[2.] Dubravius lib. 27. „ Pelsinenfes, qui assidue suspectam à Thaboritis obsidionem habebant, pecus, frumentumque, unde panis, unde etiam potus fieret, atque alia tuendis mœnibus necessaria, largè providere, quodque horum maximum, pro religione mori parati erant. Itaque alacri & constanti animo, quæ difficillima obsidionis habentur, tolerabant, nimirum tres hostium indomitum exercitus, vim ingentem tormentorum, crebras oppugnationes, adversus quas difficultates solatio fuit, quod crebris invicem eruptionibus, malum hostibus pro malo reddebant, hoc præsertim læti prælio, quo victores camelum illis, quem secum velut novum in Bohemia spectaculum circumducebant, vi creptum in civitatem pertraxerant, occisis non minus recentis in ea violentia Thaboritis.

„ At illi exasperati, negant se prius, quàm capta civitate, receptoque camelo inde abituros; & cùm assequi, quod proposuerant, tempore idoneo nequissent, consilium capiunt, hymendo continuare obsidionem, „ atque statim hybernacula ædificari cœpta; decretumque, ut pars exercitus Clatoviam, quæ pronæ voluntatis esse dicebatur, ad accipiendas Pragensium ceremonias mitteretur. „ Qui missi erant, fœdere civitatem in amicitiam receperunt: mox & Donaslicium. Nam Milna iisdem legibus Pribiconi „ Clenoviensi se dederat: tantò validius urgebant Pragenses; ne soli Pelsinenfes plus sapere quàm ceteræ in regno civitates vellent; sed darent tandem manus calici, & bona pace rebus suis salvis fruenterent. „ Respondent illi; haud nos, inquit, à vobis, sed vos à nobis recessistis, proin multò æquius fuerit, ut vos eò redeatis, unde desciscere non oportuit. Ultrique deinde in magnis annonæ versabantur angustiis. Nam obfessi, dum de pleno sine modo promunt, nihil de hyberna obsidione cogitantes, se in fundo instituere parsimoniam. Ipsos „ ita obsidentes, horrea in pagis vicisque frumentò exinanita non multum adjuvabant. Quam illi inopiam non tolerantantes, decimo exacto mense cum ea ignominia à mœnibus recesserunt, ut in hunc diem Pelsinenfes gloriantur, se à Cæsare Sigismundo habere diploma laudis & gratiæ plenum, in quo sit ad contemptum hostium hoc Epiphonema adjectum: ut hoc nomen, Pelsina, in faucibus hæreticorum perpetuò amarescat. „

[3.] Æneas Sylvius cap. 48. „ At Martinus Pont. Max. &c. ut in textu nostro. Instituti sunt tres exercitus. Saxonie Duces, & quas vocant Stagnales civitates (Stettin städte) in primo militavere; Secundum ex Franconibus constitutum Marchio Brandenburgensis duxavit; tertio præfuit Ortho Treverensis Archi-Episcopus, quem Rhænanenses secuti sunt. Bojarii quoque & civitates Suevorum Imperiales, ingressi Bo-

Z

„ hemiam



„hemiam tribus locis: postquam silvam pene-  
 „travere, juncti simul, ante Misnam castra  
 „metati sunt. Hanc urbem Prichicho Ele-  
 „notenſis (*al. Prierebo Clemenſis*) inter hæ-  
 „reticos quantum doctior, ac facundior, tan-  
 „tum crudelitate ac perfidia nequior, præce-  
 „denti nocte ex fidelium manibus eripue-  
 „rat. Erat igitur consilium exercitus, hanc  
 „urbem prius recuperare, quam ultra proce-  
 „derent. Sed cum hæretici collecto rap-  
 „tim milite, in eos properare nuntiarentur,  
 „non visum hostem fugerunt: Thacoviam-  
 „que (*Dachau*) petentes instrumenta bellica  
 „cum præda ibi dimiserunt. Nondum Car-  
 „dinalis in exercitu fuerat: sed ad Thaco-  
 „viam fugientibus occurrens, admiratus est  
 „tot Ducum, tot fortium virorum pavidam  
 „foedamque fugam; magnis precibus, ut re-  
 „dirent in hostem omni ex parte debiliorem,  
 „hortatur. Quod cum frustra niteretur,  
 „& ipse turpis fugæ comes effectus. Vix  
 „silvam ingressi erant, cum supervenien-  
 „tes Bohemi postremum agmen laceſcere  
 „coeperunt. Facta est profusior ac pavi-  
 „dior fuga; nec prius Theutones fugere,  
 „quam Bohemi persequi destiterunt. Hos  
 „impedimentis direptis, Thacoviam ex-  
 „pugnantes, machinisque bellicis potiti  
 „sunt. Exin Misnam populati, cum per  
 „Franconiam redirent, ne Bambergensem  
 „agrum, Norimbergensemque vastarent, pe-

„cuniâ placati divitem exercitum redu-  
 „xere.”

[4.] Hundius ubi supra ad priorem an-  
 „num exscriptus.

Aventinus Annal. Boiorum lib. 7. „In  
 „Boiaria eodem tempore (*an. 1424.*) Ge-  
 „orgius Episcopus Bathavenſis ex hac vita mi-  
 „grat. Duo eliguntur, Leonardus de Layming,  
 „& Hainricus Flock, uterque Pontificatum  
 „ambiunt, Eberhardum de Neuhausen Archi-  
 „Episcopum Salisburgensem arbitrum capi-  
 „unt, utrum Episcopum cenſeat, ratum esse,  
 „dant fidem. Hainricus fretus amicitia Ar-  
 „chimyſtæ, qui cum antè Chiemensi Ponti-  
 „ficatu donâret, solus Salisburgium cum pau-  
 „cissimis advocatis venit, sed spe sua frustra-  
 „tus est: nam Leonardus illic Hainricum  
 „Landshutensem deduxit, prece, precio  
 „Archi-Episcopum suum fecit, ab eoque Epi-  
 „scopus vocatur, Bathaviæque potitur. Porro  
 „Albertus Austriacus, ad quem se Hainricus  
 „contulit, repugnat, cuncta infra Anasum  
 „occupat. Post annos octodecim Frideri-  
 „cus Truchſſius Archimyſtes Boiorum li-  
 „tem componit. Leonardus, quem pluri-  
 „mum Eneas Sylvius commendat, cum Au-  
 „striaco in gratiam redit.”

[5.] Chronoſticorum Author. Recen-  
 „tior Abbatum Zwetlensis Catalogus. Ab-  
 „bas Wolfgangus in sua Abbatum ſerie,  
 „Mortilogium antiquum Monachorum.

An. Christi MCCCCXXVI. Monast. CCLXXXVIII.

Pont. Rom.  
Martinus III.

Imp. Rom.  
Sigismundus.

Archi-Dux Austriae  
Albertus V.

Episcopus Pataviensis  
Leonardus.

Abbas Zwetlensis  
Thomas.

HUſſitæ anno præcedenti ex fuga  
 Germanorum animosiores facti,  
 non jam domi contenti erant bellum  
 gerere, sed quoque in finitimas provin-  
 cias excursionem decrevere. Nam ut  
 magis suorum in Teutones per circuitum  
 habitantes animos incenderent, alios  
 per contemptum Philistæos, alios  
 Idumæos, Moabitæque vocabant, Bo-  
 hemiam terram promissionis esse dice-  
 bant. Unde Orebitæ sub duce suo Bre-  
 drico in Silesiam excursionem tentant,  
 Pragenſes contra Miſnenſes arma ſu-  
 munt, Thaboritæ unâ cum Orphanis per  
 Moraviam in Austriam usque prædabun-

di grassantur. \* [1.] De Silesiæ &  
 Miſniæ incursionibus alii scribunt, de  
 Austriæ verò incursione & deprædatione,  
 in qua quoque Monasterium nos-  
 trum Zwetlense Vulcano cessit, accu-  
 ratius jam mihi scribendum incumbit.  
 Sciendum Huſſitas duas in Austriam ex-  
 cursiones fecisse, primam circa finem  
 hujus anni, alteram anno sequenti, quod  
 etiam ea, quæ facta sunt, plenius re-  
 ferentur; hujus autem anni gesta sic in  
 antiquitate Monasterii nostri descripta  
 reperiuntur cum tali titulo: „Histo-  
 „ria de vastatione Monasterii Zwetl  
 „ab Huſſitis facta. Universis Christi  
 „fide-

„ fidelibus praesentes inspecturis Salu-  
 „ tem. Cum secundum Joannem munda-  
 „ dus iste temporibus labentibus discin-  
 „ ctus cum omnibus quae in eo sunt,  
 „ quotidie defluere non desistat, non  
 „ immerito à sapientibus facta & gesta,  
 „ nè simul cum tempore transeant, Scri-  
 „ pturae testimoniò confirmantur. Hinc  
 „ est, quòd ad omnium notitiam per-  
 „ venire cupimus, consultius imitari  
 „ volentes. In nomine Domini, Amen.  
 „ Noverit tam praesens aetas quàm fu-  
 „ tura posteritas, quòd annò ab Incar-  
 „ natione Domini millesimò, quadrin-  
 „ gentesimò, vicesimò sextò, ultima  
 „ die mensis Decembris, quà annus vi-  
 „ cesimus sextus finiebatur, contigit,  
 „ ut nefandi Hussitae, Hainricus de  
 „ Platz unà cum fratre & complicitibus  
 „ suis numerò quasi quatuor millia,  
 „ equites & pedestres, sine omni ab-  
 „ renuntiatione in terram Austriæ pro-  
 „ fecti sunt, pervenientes ad villam  
 „ Alten-Weitra, ibique circumquaque  
 „ pernoctantes. Exinde cives Zwet-  
 „ lensis civitatis praemoniti à fidelibus  
 „ modò occultò eadem nocte, altera  
 „ die summo mane duos nuncios equi-  
 „ tes direxerunt, ut scilicet explora-  
 „ rent, quam viam intenderent profici-  
 „ scisci, quibus appropinquantibus am-  
 „ bo Hussitarum praemissi obviam sese  
 „ dederunt, quos videntes praedicti  
 „ nuntii considerabant, quòd viam,  
 „ quae ad Zwetlam ducit, incedebant.  
 „ Ultro ergo terga dantes veloci cursu  
 „ equorum versùs Zwetlam declina-  
 „ bant, unus ad civitatem, alter verò  
 „ ad Monasterium Zwetl, ipsi intiman-  
 „ tes adventum inimicorum. Quò  
 „ auditò totus Conventus pariter per-  
 „ territi, immediatè invicem consulti,  
 „ omnia clinodia Monasterii scilicet li-  
 „ bros, ornatus, Reliquias aurò & ar-  
 „ gentò inclusas congregabant, & quàm  
 „ citissimè poterant, ad currus ponen-  
 „ tes, per silvàmque ducebant, quo-  
 „ usque pervenerunt ad castrum Liech-  
 „ tensfels, ibique custodienda & reser-

„ vanda deponebant omnia clinodia  
 „ cum omnibus aliis, quae de Monaste-  
 „ rio exportare poterant, & omnes de  
 „ Monasterio fugam dederunt, praeter  
 „ duos Fratres ibidem remanentes, vi-  
 „ delicet Fratrem Erhardum Virtzker  
 „ & F. Paulum tunc Sacristianum & Mo-  
 „ nasterii custodem. Interea hostes  
 „ ad Monasterium venientes destructis  
 „ omnibus portis & valvis cum impetu  
 „ irruerunt, sperantes sese omnia bona  
 „ Monasterii inventuros; & arripien-  
 „ tes F. Paulum cum clavibus captivum  
 „ ducebant, ut ipsi bona Monasterii  
 „ demonstraret, qui cum illis transiens  
 „ usque dum perveniret ad quendam lo-  
 „ cum Monasterii competentem, ubi  
 „ exitum habere potuit, clandestinè se  
 „ ab ipsi abtulit, & per murum ad  
 „ silvam perveniens manus eorum eva-  
 „ sit. F. verò Erhardus in Monasterio  
 „ permansit, erat enim obtusis sensibus  
 „ & hebes, quem interficientes in horto  
 „ prope balneum jacere dimittebant,  
 „ qui deinceps post aliquot dies à Fra-  
 „ tribus in antiqua Ecclesia ante Altare  
 „ S. Crucis sepultus est. Demum hos-  
 „ tes totaliter Monasterium spoliantes  
 „ rebus & aedificiis, insuper civitatem  
 „ invadebant & expugnare volebant,  
 „ sed gratia Dei praeveniēte & custo-  
 „ diente nihil mali civitati inferre po-  
 „ tuerunt, sed multi Hussitarum Inter-  
 „ empti sunt, specialiter unus de Platz,  
 „ quem in Hospitali prope civitatem  
 „ sepeliērunt. „ [2.] Sequentia re-  
 „ ferentur anno sequenti. Ex his con-  
 „ stat, primùm non venisse Hussitas per  
 „ Moraviam in Austriam, neque tunc op-  
 „ pugnasse & expugnasse Rhetium, sed re-  
 „ ctà de Bohemia Austriæ fines per agrum  
 „ Budvicensem ingressos esse, & primo  
 „ impetu Zwetlam tentasse. Neque hi  
 „ Thaboritae fuere, sed tantùm Orphanì,  
 „ alijs suae sectae & factionis hominibus  
 „ sibi adiunctis, quorum tunc dux erat  
 „ Placensis regulus ejusdem haereseos labe  
 „ infectus & fautor praecipuus. Quo du-  
 „ ce Monasterium primùm invaserunt,

quo eodem die ad moenia civitatis occiso cæde sua Monasterio parentatum fuit ultrice Deipara, cujus sacratam domum in desertum redegerat. Nondum tamen hoc anno illam combusserunt, & ita quoque ego de incendio illius & conflagratione taceo. Exploratores porro illi missi fuere pridie Calendas Januarii, id est, in festo S. Sylvestri summo mane, cum pridie nimirum, quam Monasterium spoliârunt, Zwetlenses de hostium adventu præmoniti fuissent, unde ita textus ille de exploratoribus intelligendus est. Porro de cæde F. Erhardi ad balneum facta non constat, ubi tunc temporis balneum illud steterit, sic in hac parte sit liberum suum cuique sentire, donec locus illius balnei certus è monumento aliquo antiquitatis eruatur. Fertur Frater iste Erhardus obtusis sensibus & hebes, id est, illiteratus, nec multum versutus

fuisse, inde forsan Deo volente meruit in simplicitate sua mortem illam obire, quæ pretiosa est in conspectu Domini, & beatus exinde fieri, quia persecutionem propter iustitiam ab hæreticis pertulit demum libenter. De cuius obtruncatione alius sic loquitur: „Annò  
„ 1426. in die Sylvestri Papæ vene-  
„ runt Hussitæ circumvallare civitatem  
„ Zwetlensem, tandem intrantes Mo-  
„ nasterium combusserunt, nec non  
„ Fratrem Erhardum Fyrczingarium  
„ circa lavatorium cum spata intereme-  
„ runt. „ [3.] Hæc ille, qui vocat  
locum cædis circa lavatorium, quod in Claustro hodie adhuc conspicitur. Ceterum hoc anno combustum Monasterium non fuit. Mirandum tamen est, & occultò Dei iudiciò factum, ut eadem die Monasterium prophanaretur & destrueretur, quæ per miraculum inventum esse scribitur. Atque hæc de hoc anno satis,

## ADDITIONES.

\* [1.] Æneas Sylvius suprâ ad annum 1424. relatus sub n. 6.

[2.] Ex tabula antiqua MS Monast. nostrî.

[3.] Mortilogium Monachorum in Zwetl.

An. Christi MCCCCXXVII. Monast. CCLXXXIX.

*Pont. Rom.*  
Martinus III.

*Imp. Rom.*  
Sigismundus.

*Archi-Dux Austriae*  
Albertus V.

*Episcopus Pataviensis*  
Leonardus.

*Abbas Zwetlensis*  
Thomas.

**A**nnus iste Monasterio nostro Zwetlensi intauitissimus primùm apparuit, nam completò ferme paucis annis desideratis tertio Sæculò, à quo Monasterium condi coepit, expulsi primùm & effugatis Fratribus, direptis locis omnibus consecratis, tandem à Titanibus hisce Hussiticis Vulcano dedicatum est. Cujus execratio & incendium sic ab antiquitate Monasterii graphicè ante oculos posterorum ponitur; continuatur verò prioris anni tabula taliter:  
„ In die autem Circumcisionis incho-  
„ ante anno vicésimo septimo, summo  
„ mane civitatem obsidentes extrâ in-

„ cendium magnum faciebant. Circa  
„ ortum solis Hussitæ unanimiter tur-  
„ gentes cum toto exercitu ad Mona-  
„ sterium Zwetl properabant, & per  
„ totam diem ibi morantes Monaste-  
„ rium funditus comburebant, pariter  
„ muros, & omnes domus pistrinæ,  
„ granariorum, Abbatum, Hospitum,  
„ Hospitale, & Chorum cum omnibus  
„ Capellis & Altaribus, Reliquias exi-  
„ mentes & igne cremantes, præter  
„ unam tabulam, quæ remansit cum  
„ Reliquiis, quam honestus quidam vir  
„ post recessionem hostium ad civita-  
„ tem deportavit & Fratribus restituit.  
„ De-

„ Deinde eadem die Circumcisionis cir-  
 „ ca occasum solis recedentes Hussitæ,  
 „ pervenerunt nocte ad montem ,  
 „ qui dicitur Weinperg prope civita-  
 „ tem, ibique pernoctabant, sperantes  
 „ se adhuc posse expugnare civitatem,  
 „ sed gratiâ Dei non valebant. Altera  
 „ ergo die, quæ erat Octava S. Stephani  
 „ summo mane recedentes de civitate  
 „ & Monasterio abierunt in regionem  
 „ suam. Deinde eodem anno vice-  
 „ simo septimo Fratres Conventuales  
 „ reversi quidam manserunt in civitate  
 „ Zwetl, alii aliis in locis sibi compe-  
 „ tentibus. „ [1.] Atque hæc anti-  
 „ quitas de prima Hussitarum incursione  
 „ in Austriam. Unde constat non tan-  
 „ tum Monasterium ipsum incendio de-  
 „ structum fuisse, sed quoque villas Mo-  
 „ nasterii circumquaque sitas, præsertim  
 „ verò grangias. Nam furore repleti ex  
 „ eo, quia civitatem oppugnantes multis  
 „ ex suis desideratis capere nequibant, &  
 „ insuper ducem amiserant suum Hainri-  
 „ cum de Platz ante mœnia, passim in  
 „ obvios paganos & villicos, in sexum  
 „ quoque imbellem ferrò, & iis occisis,  
 „ in tecta & domos igne sæviebant. Hinc  
 „ Monasterium in bustum converterunt,  
 „ inde in Ecclesias ubique debacchatum  
 „ est. Quorum facies sensère etiam Sa-  
 „ cellum S. Thomæ in Dachgraben, Pa-  
 „ rochiæ in Schweickers & Windigsteig,  
 „ & alia Tempia vicina, sicut partim tem-  
 „ pore suo patebit. Verùm hac adhuc  
 „ die in cœlum erecta stat Basilica Zwet-  
 „ lensis omnibus calamitatibus superior,  
 „ recenter tunc erat exstructa, cum per  
 „ incendium destrui videbatur. Steterat  
 „ enim à sui prima reparatione seu secunda  
 „ fundatione ab Anno Sal. MCCCXLIII.  
 „ hucusque annos octuaginta quatuor sub  
 „ Abbatis undecim, ex mero lapide  
 „ secto, columnis sedecim testudo inni-  
 „ xa, septemdecim Sacellis lateralibus  
 „ ornata interior facies, exterior murus  
 „ arcubus & arculis & animalibus ex in-  
 „ tegro saxo excisis pluvialem aquam evo-  
 „ mentibus hinc inde affabrè distinctus,

quæ omnia ornamenta ignis delere non  
 potuit, sed potius induravit & solidavit.  
 Credo ego tunc multa monimenta an-  
 tiquitatis in monumentis deleta fuisse,  
 quæ sibi familiæ in sui memoriam ex-  
 truxerunt, hostes autem thesaurum som-  
 niantes & scrutantes penitus destrux-  
 erunt. Atque ita aliquamdiu Basilica  
 nostra sine tecto sub dio stetit desolata,  
 prophanata.

Venio jam ad alteram ipsorum Hussi-  
 tarum in Austriam hostilem excursio-  
 nem, quæ historicis tam Bohemis quàm  
 Austriis quoque non est incognita, sicut  
 postea patebit. De eadem antiquitas  
 Monasterii nostri sic scribit: „ Post-  
 „ modum in die Gregorii eodem anno  
 „ Hussitæ revertebantur cum maxima  
 „ multitudine, quasi sedecim millia  
 „ equites & pedestres, volentes altera  
 „ vice expugnare civitatem Zwetlen-  
 „ sem, & territorium circumquaque per  
 „ decem & septem dies deprædabantur.  
 „ Interim de commisso Illustrissimi Prin-  
 „ cipis Domini Adalberti Ducis Au-  
 „ striæ, congregata multitudine exer-  
 „ citûs, Dominus Leopoldus de Kreygd  
 „ invasit hostes, Hussitæ malè habe-  
 „ bant cum curribus suis. Sed nostri  
 „ desiderantes bona Hussitarum inse-  
 „ qui, & sic ab invicem dispergi, quod  
 „ videntes hostes, qui fugam dederunt,  
 „ quod Australes non erant unanimes,  
 „ impetum fecerunt in eos cum multis  
 „ equitibus, clamantes: Fugite, fugite,  
 „ omnes interficiemini; & sic Australes  
 „ terga dederunt; Hussitæ verò insequ-  
 „ bantur manu robusta & valida, mul-  
 „ tisque de nostris interfecerunt, &  
 „ facta magna strage pedites multi &  
 „ equites ad civitatem Zwetl pervene-  
 „ runt. Deinde tertia die post Hussitæ  
 „ recedebant, & descendentes ad Mo-  
 „ nasterium S. Bernardi, illudque spoli-  
 „ antes vina ad currus ponebant, &  
 „ cum vasibus ad Bohemiam reverteban-  
 „ tur. „ [2.] Hucusque altera Hussi-  
 „ tarum in Austriam excursio ex antiqui-  
 „ tate Monasterii nostri desumpta. Præ-  
 „ lium

lium factum est cum ipsis in festo Annunciationis Dominicæ, nimirum octavo Calendas Aprilis, qui est 25. Martii, ut eadem antiquitas alibi refert, venerunt enim in die S. Gregorii Papæ, & manserunt septemdecim dies omnia circum-que devastantes, & tandem tertia post prælium die, nimirum quinto Calendas Aprilis, id est, Martii 28. discesserunt, & 30. ejusdem Monasterium Monialium ad S. Bernardum spoliârunt, Virginibus sacris ad Cornutensem vicinam civitatem (Stern) fugientibus. [3.] Credo ego, ipsos per Pöclanum agrum descendentes nullam Ecclesiam præterisse, quam non prius exspoliâtam Vulcano dederint, in Töllershaim, in Pölan tam novo quàm antiquo aliasque Ecclesias in regno Boiorum sitas, quarum multæ sunt, comburentes, atque ideo etiam Altenburgense Cœnobium non intactum mansisse, de quo inferius plura & certa relaturus sum. Nulla hîc mentio habetur obsidionis Rhetii civitatis, sic quoque hac vice eam non contigisse existimo, sed paulò post aliis quoque Hussitis sibi sociatis eam fuisse inchoatam. De Zwetlensi oppugnatione & facta ante civitatem pugna Gerardus hæc habet: „ Per Moraviam „ igitur in Austriæ fines ingressum Thaboritarum agmen, Zwetlam oppidum cum noctu diuque oppugnaret, „ Albertus cum suis accurrens, manum „ cum Bohemis usque. Pugnatum est in quartam usque horam du- „ biâ victoriâ, tandem Bohemi amissis „ curribus prælio excessere, & Albertus castris exutus quoque abiit. „ [4.] Item Æneas Sylvius iisdem penè verbis Zwetlensem oppugnationem & prælium describit: „ Cum obsiderent Suetlam oppidum in Austria Thaboritæ „ simul & Orphani, duabus noctibus „ & una die absque intermissione moenia oppugnâvere. Superveniente „ autem Alberto ejus terræ Principe cum exercitu, ut auxilium oppidanis „ afferret, pugnatum est quatuor ferme

„ horis, nutante hinc atque illinc victoria. Ceciderunt ex utraque parte „ primi bellatores. Postremo ita discessum est, ut currus Thaboritæ „ suos amitterent: Albertus castris exutus abiit. Quod negligentia Roberti Vallenensis factum credidère, qui „ tum ductor exercitus fuit. „ [5.] Hæc Æneas; verum & Gerardus & Sylvius Archi-Ducem interfuisse prælio scribunt, quod antiquitas Monasterii nostri negat, ait enim jussu & de commisso Principis Austriæ factum esse prælium cum Hussitis, Duce militiæ constituto D. Leopoldo de Kraygd, de nobili Carinthiorum familia exorto, unde per negligentiam potius hujus Leopoldi, quàm per negligentiam Reimberti de Walsse, quem Æneas Robertum Vallensem vocat, victoriam Austriaci plenariam non obtinuerunt. Præterea ex ipsis modò citatis patet, fortissimos Hussitarum Thaboritas & Orphanos Zwetlam oppugnâsse duabus noctibus & die una sine intermissione, non tamen eam expugnare potuisse. De Rhetio autem obsesso scribunt sic Authores, atque inprimis Gerardus: „ Non multis post diebus, „ *inquit*, Rarus cum recenti exercitu accurrens, Rhetium oppidum „ obsidione cingit, vi expugnatum diruit, multosque in eo mortales trucidat, Burggravium Magdeburgensem Hardeccium Comitem, Hussitis infestissimum, qui loco præfuerat, Pragam mittit, ubi in carcere postea „ obiit. „ [6.] Æneas quoque illius expugnationis meminit sequentibus: „ Rediit tamen paulò post Procopius Rarus, & oppidum Rhetium in Austria celebri obsidione cinxit. Pragenses ejus signa secuti, & Boheslaus „ Cygneus, qui eo loco sagittâ confossus interit. Rhetium vi captum, direptum, atque exustum, in quo multi „ mortales periit. Burggravius Magdeburgensis loci Dominus captus & Pragam ductus, in carcere diem „ obiit. „ [7.] Dubravius quoque Rhetii

Rhetii expugnationem, non autem Zwetlensem oppugnationem commemorat: „ Hinc, *inquit*, ad externa „ bella intenti, ex quibus uberiores „ fructum sperabant, Rhetium in Austria totum triduum contempto omni „ periculo ac labore oppugnant, & „ tam arcem, quam oppidum expugnant, capto in arce Comite ab Hardecco Huslitis infestissimo; illum Pragensibus vivum dant, ut de eo statuunt, quod videretur. Qui Pragam missum in carcere habuerunt, „ quoad animam exspiraret, ceteros „ quos ceperant, passim occidebant, „ incensisque ædificiis agros Australium „ latè vastabant, ingentique præda potiebantur. „ [8.] Hucusque Dubravius, ex quibus hæc secunda Bohemorum in Austria expeditione patet, quam plurimum Authorum testimoniis enumerare placuit. Fuit autem Comes hic Hardeccius Joannes dictus, Monasterii nostri benefactor, cujus familia sepulchrum suum in Monasterio nostro habuit, sicut suprâ (Annâ 1388. & 1401.) de ipso aliqualem mentionem feci. Jam de Altenburgensi Cœnobio videndum, qualiter ab Huslitis destructum fuerit, sicut ejus devastationem ex antiquitate illius mihi gratiosè communicatam accepi, cujus placet textum his meis Annalibus inferere, qui talis est: „ Incommoda, quibus hoc Monasterium nostrum S. Lamberti in Altenburg Ordinis S. Benedicti affectum est, in fascem colligam, & omnibus velut in eminenti positum spectandum præbebo. Quis enim est, qui ignorat, quos incursum & quos imperus ab hæreticis, quos Huslitas vulgò ab hæresiaracha Hufs vocamus, hoc nostrum Cœnobium pertulit, & præsertim eo tempore, dum Nativitas Christi Salvatoris nostri millesimò, quadringentesimò annò inscriberetur? Primò spoliaverunt Monasterium in Pölan forensi octo equis quadrigariis. Item crebrius Abbatem in fugam conver-

tère, & etiam suos, & jumenta rure & domi diripientes. Item ubi devicissent Monasterium in Zwetl, pedem moverunt ad nos, ferro & igne violantes totum Monasterium nostrum reliquò duntaxat columbariò & nonnullis instrumentis domesticis inexistis. Item omnes Aras dehonestaverunt Reliquias Sanctorum, „ prophanando. Item instrumentum „ musicum magnis impensis fabricatum, quod vulgò Organum vocamus, à sublimiore parte Ecclesiæ intrinsecus dejecerunt in pavimentum Ecclesiæ lapidibus stratum, quod impetu decidens plusquam in mille particulas etiam minutissimas dissiluit, cujus canne è plumbo & stanno confectæ mutilatæ & comminutæ sparsim „ per compita in agris & villis reperiebantur. Item horologium, quod multò pretiò constabat, secum asportabant. Item, quod scelestissimum est, & contra omnem rationem, cistulas duas Sacrosancti Dominici Corporis projectò in terram Divinò & mysticò Sacramentò abstulerunt. Item lapidibus, lanceis, pedibus, & igne omnes Ecclesiæ fenestras comminuerunt. Item campanam magnam combusserunt, minutulas verò diripuerunt. Item ut suæ perfidiæ sive malitiæ & suo furori immanissimi hostes Huslitas satisfacerent, etiam in simulachra & imagines Sanctorum sævierunt, cuspidibus & gladiis trajiciendo. O præclarum factum, & res nimirum digna triumphò! Item sex vasa vinaria optimò vinò referta exhauserunt, noctu & interdum se vinò ingurgitantes, qui dum pocula siccarent, bene poti & in furore Bachi redacti essent, utensilia omnia confregerunt. Item „ quicquid in sumptum quotidianum congestum erat, id consumpservunt Reliquiis concrematis. Item quadraginta duos boves abegerunt. Item exustione facta plerumque muri imbris irrigati corruerunt, aliqui rui-

nam minabantur. Item ubi Monasterium ferro & igne violatum, & nonnisi pauca vestigia antiqui domicilii superessent, nonnulli de Fratribus redierunt, qui ubi omnia desolata & diruta & comminuta esse viderunt, locique infecti tetrum odorem ferre non possent, non longè specus & latebras abditas in monte vicino delegerunt, ubi aliquamdiu tenui victu, aqua simplici, oleribus sylvestribus & pane atro contenti Hussitarum metu victitabant. Item dehinc perditissimi hæretici pro opportunitate temporis quotannis iterum atque iterum Austriam incurstantes penes Monasterium castra ponentes, multa & magna incommoda Monasterio intulerunt. Quid quòd colonos in paupertatem redegerunt? quid quòd aliis gladiis confoderunt? quid quòd multis vinculis illaqueatos abduxerunt, & abductos inediâ mori passi sunt? sic divinus cultus minutus, sic annui proventus attenuati, quòd vix tertia portio priùs de tam uberi proventu speretur. Item quasi omnis cura agriculturæ intermissa mansit, eò quòd singulis annis Monasterium spoliarent equis aratoriis, omnia propter metum finitimorum hæreticorum in Teyia, in Puelitz, & in Freytsperg, qui quasi omni die apud nos visi sunt. Item de anno 33. receperunt 36. capita jumentorum, 6. equos, & tres famulos ceperunt, & secum ad Teyia abduxerunt. Item quod sine lacrymarum liberali effusione meminisse non possum, Oratorium post tot incommoda reformatum, in quo in Dei laudem orationes decantabantur, iterum profanatum est, in quo equi & jumenta stabulabantur. Item dormitorium, ubi domestici famuli noctu interdium labore dissipatas vires colligebant, exusserunt, & omnes officinæ in alium usum commutatae sunt. Item imbre vel pluvia incidente Fratres

mirâ injuriâ turbantur, nam testudines imbribus madefactæ nonnunquam duobus & pluribus diebus Fratres in tabula comedentes inquietant, adeò ut nec escaria ab hac pluviali injuria sint aliena. Item vineæ eadem conditione inculcæ relictae sunt, & ut suos agros & vineas colere possint, sæpius & sæpius impulsæ sunt ab Hussitis ad vedigal tribuendum. Item, quod indignum est, Fratres sæpius coacti sunt in fugam se vertere, cum etiam divinò officio & circa res sacras occupati essent, quos sæpe conversos in fugam per abrupta & latibula montium quæsi. Item Monasterium nostrum, quod fieri solet, dum sæpius amicorum castris, oppidis & pagis blada, vina, & esculenta invenire vellet & tentaret, dum inimicorum insidias evadit, in manus amicorum incidit, qui non tam amici quàm inimici habendi sunt. Item Curiam nostram in Czöbing sæpius nominati hæretici funditus concremaverunt. Item pro ære alieno persolvendo quadringenta unam libras denariorum de melioribus & tutioribus redditibus transdanubianis Monasterii nostri Jurisprecario vendidimus. Hæc damna & hæc incommoda, quæ enarrare nec dies æstivus sufficeret, Monasterium nostrum in eam inopiam redegerunt, ut certè major pars Fratrum, qui ibi professi erant, non possent vitæ frugali & tenui confutere, & nisi prudentiâ, consilio atque pietate Magnatum Monasterio subventum fuerit, Monasterium pristinum robur nunquam recuperabit. Et quod penè prætermisi, quid quòd in eam necessitatem Monasterium venerat, ut D. Abbas propter rerum tenuitatem & Monasterii desolationem, Monasterium aliquando tribus, aliquando quatuor Fratribus quasi desertum reliquit. [9.] Hucusque antiquitas Altenburgensis mihi communicata, in qua licet Annus MCCCC.

tan-

tantum ponatur, non tamen potuit illo anno Monasterii dicti excidium contigisse, sed primum post Zwetlensis Monasterii devastationem, quæ hoc anno MCCCCXXVII. contigit, atque ita etiam hoc anno Hussitarum rabiem sensit Altenburgense. De aliis suis spoliationibus & pressuris facilis conjectura est, non omnia ab Hussitis, sed etiam ab aliis provinciæ hostibus talia damna supra descripta fuisse. Atque hæc de vicino nobis Monasterio in Altenburg sufficient.

Dum hæc in Austria geruntur, Orbite Duce Bredrico in Silesia passim in Monasteria in silvis & campis lita grassabantur; cædentes Monachos, spoliantes omnia, ædificia destruentes & consumentes incendiò, præsertim Ordinis nostri Cœnobia invadentes. Unde in Menologio Cisterciensi occisorum ab hæreticis Monachorum Ordinis nostri mentio talis habetur: „ In Silesia † „ passio beatorum Monachorum, qui „ in Cœnobio de Nova-Cella Cisterciensium institutum amplexi, inibi „ piissimam vitam instituerunt, & tandem laborum suorum præmium obtenturi pretiosa in conspectu Domini „ morte agoni præsentis vitæ terminum imposuerunt: nam ab hæreticis „ Hussitis crudeliter interempti proprio sanguine Catholicæ fidei veritatem „ viriliter comprobârunt. „ [10.] Hæc Henriquez, qui in paragrapho ejusdem citat Aubertum Miræum lib. 5. Originum Monasticarum cap. 15. Joannem Cochleum lib. 6. hist. Hussit. & Paulum Langium in Chronico Citizenensi; hic annò 1427. ait: „ Bohemi Hussitæ crebris victoriis elati & prædarum „ avidi multa devastaverunt, & inter „ alia damna Cœnobia Novæ-Cellæ & „ Grunheim Ordinis Cisterciensis destruxerunt, & Monachos inibi Deo „ servientes occiderunt, & cuncta eorum bona diripientes abduxerunt. „ Hæc Langius. Feruntur Monachi Neo-Cellenses manibus pedibusque

truncati, ita lentæ mortis relictis à crudelibus Hussitis fuisse, donec magno cum cruciati animas Deo redderent. De Grunheimensium autem Monachorum Martyrio citatus supra P. Henriquez Cisterciensis, Generalis Historicus sic loquitur: „ In Diocesi Vratislaviensi passio SS. Monachorum Cœnobii B. Mariæ de Grunaim † apud „ Silesios Ordinis Cisterciensis, qui potius pro Christo mori, quàm hæreticorum erroribus inscisci unanimiter „ eligentes, & ab iisdem exquisitis generibus tormentorum interempti per „ palmam Martyrii victores evolarunt „ in Cœlum. „ [11.] Citat eosdem, quos supra de Neo-Cella, authores horum martyrii.

Porro Monasterio Zwetlensi in cineres redactò & Conventu disperso, Thomas Abbas Viennæ in curia Zwetlensi morabatur, totus tristitiâ absorptus pius Pater de filiorum & Monasterii sui desolatione, ita quòd ex eadem obiisse credatur. De ipsius obitu Mortilogium Monachorum sic loquitur: „ Anno „ &c. 27. Ob: Thomas Abbas Viennæ, & sepultus in sancta Cruce cum „ uno Converso. „ [12.] (*nimirum Annò 1427.*) Conversus iste videtur comes fuisse Abbatis, nam cùm Monasterium spoliaretur, & Fratres omnes per silvam effugerent, omnemque Monasterii suppellectilem tam sacram, quàm prophanam, curru deportarent, Abbas Thomas domi non erat, sed pro negotio aliquo Viennæ morabatur, F. Joanne dicto Rastenvelder interea omnia ordinante. Obiit autem Abbas Thomas hoc anno 4. Nonas Decembris, id est 2. Decembris. [13.] Abbatem hoc anno præcessit Prior Conventualis, de quo Mortilogium Monachorum supra citatum sic refert: „ Petrus „ Prior obiit Kremsbse circa Prædicatorum „ tores. „ Mortilogium commune obitum ejus ait factum pridie Calendas Maji. Habuit autem Monasterium Zwetlense diverforium continuum in

B b

Mo.



Monasterio Prædicatorum Cremsensium, ubi Abbas & Fratres divertere solebant, unde post combustum Cœnobium in Zwettl illuc Prior cum nonnullis Fratribus confugerat, sicut etiam Viennæ Abbas cum converso uno & fortè aliis nonnullis Fratribus, alii in civitate Zwettl obsidionem Hussitarum alteram cum civibus ferentes permanserunt, donec pax ab hæreticis extorta,

ipso amplius à Bohemia non effudit in Austriacas provincias. Porro defuncto Abbati & in sancta Cruce sepulto substituitur Abbas Michael ejus nominis II. non tamen hoc anno sed sequenti, nam Fratres undique dispersi locum conveniendi certum non inveniebant, quam illius electionem & institutionem etiam in sequentem annum enumerandam rejicio.

## ADDITIONES.

[1. & 2.] Ex tabula antiqua MS. Monasterii nostri.

[3.] Ex lib. Moralitatum annò 1477. impresso, Bibliothecæ Zwettlensis.

[4.] Gerardus de Roó Histor. Austriac. lib. 4.

[5.] Æneas Sylvius c. 47.

[6.] Gerardus de Roó, ubi suprâ.

Culpinianus in Cæsarib. sub Alberto V. Postquam Albertus nuptias cum Elizabetha perfecit, Moraviaeq; insigniores urbes quantum doctis nomine suscepit, virus Boëmorum tum primum erupit. Qui fines Austriæ invadentes Retzam urbem expugnant, atque incendunt. Johannem Comitem de Hardeck captum abducunt, ac Pragæ in carceribus jugulant.

[7.] Æneas Sylvius ubi suprâ.

[8.] Dubravius lib. 27. qui & in hoc, quod nullam faciat mentionem de oppugnatione Zwettlæ, videtur secutus Hagecium, qui etiam eam reticet in suo Chronico Bohemiæ; solamque refert expugnationem civitatis Retzenensis; in ultima enim editione Germanica Norinbergensi sub anno 1425. prope finem ita habet: „Also ritten der Taboriten und der

Wayßen Obrist Feldt. Haubtleuthe unter einem gelait zu Prag ein, mit welchen Sigismundus Korybuth, der Hertzog aus Litawen, neben den Prager, so lang handleten, biß sie beschloßen sambtlichen in Oesterreich und Mahren zu rucken, der Meinunge, daß sie darinnen Schaden thun, und reich widerkommen wolten. Also zogen die Wayßen und Taboriten zu voran, denen die Prager in dreyen Tagen nachfolgten; kamen zusammen, und belagerten die Stadt Retz, stürmeten ohn alle gnad hinzu, und gewonnen dieselbe des dritten Tags ihrer Belagerung. Den Grafen von Hardeck nahmen sie gefangen, und sandten ihn gen Prag ins Gefängnis; bey diesem Sturm ist Herr Schwamberg von Worlyck,

„der Taboriten Obrister Hauptmann, mit der Stadt erschossen, und zu Mährischen Krumaw begraben worden; in der Stadt wurden vil hundert Perfohnen rodt geschlagen, die Stadt geplündert, und angezündt; der vorgenante Graff blieb nicht lang zu Prag, sondern er ward zum Hincone aufn Waldstein gesandt, alda in einem schwårren Gefängnis enthalten, und darinnen nach zweyer Jahren gestorben.

[9.] Ex Bibliotheca Altenburgensi.

[10.] Henricus in Menologio Cisterciens. 10. Septembris.

† Rectius & verius in Lusatia; constat enim omnibus Silesiam & Lusatiam persequas habentibus Novam-Cellam, uti & Grunheymium, Cœnobium Ordinis Cisterciens. in Lusatia sita esse: de quibus Jongelinus in Notitia Abbatiarum Ord. Cisterciens. lib. 3. de Abbatiis O. C. in Misnia & Lusatia ita scribit:

Nova-Cella, vulgò Niew-Cell /  
Dioecesis Misnensis in Lusatia.

„Nova-Cella, filia Veteris-Cellæ, cujus prima fundamenta in Lusatia annò 1230. condidit Henricus Marchio Misniæ & Lusatiæ, & primus suæ familiæ Langravus Turingiæ, hic annò Domini 1288. sepultus cum uxore Domina Constantia, Leopoldi Archiducis Austriæ Filia. Hussitæ annò Domini 1427. hunc locum miserè devastarunt, prout refert Paulus Langius in suo Chronico Citzensi.

Grunhaimium, Grunhaim /  
in d. Misnensi.

„Grunhaym, vel Grunhain, aliis Grunemhagen / Cœnobium, assumptis ex Schem Monachis, fundatur annò Domini 1236. cujus Monachi crudeliter ab Hussitis interempti sunt, annò Domini 1429. ut refert Paulus Langius in Chron. Citzensi, eodem anno, Cochläus Histor. Hussitarum lib. 6. & alii. Nisi nunc nuper relatus Jongelinus, male citet Langium, aut in exemplari Langii, quod ille

ille præ manibus habuit, mendum seu Scriptoris seu Typographi incuria irrepperit, ita ut loco numeri 7. sit positus numerus 9. vel vicissim, dicta duo Monasteria non eodem sed diverso anno devastata sunt. Henriquez quidem, quem textus noster sequitur, allegat Langium scribentem utriusque Cœnobii devastationem contigisse anno isto 1427. verum editio Langii Francofordiensis ex Bibliotheca Joannis Pistorii Nidani eruta, & annò 1613. in lucem data, quæ nunc nobis ad manus, sic habet: „ Annò MCCCCXXIX. Bohemi „ crebris victoriis elati, & prædæ avari „ rursus hostili exercitu vicinas terras, præsertim Lusatiæ, Misniamque ex parte vastare cœperunt, & inter alia damna, Cœnobium Novæ-Cellæ, & Grünhaim Ordinis Cisterciensis destruxerunt, & Monachos occi-

derunt, & cuncta eorum bona diripientes adduxerunt. „

[11.] Idem Henriquez ubi suprà 2. Novembris, ubi in annotationibus sub littera C. addit: „ Grumain sive Grymelhaym, Cœnobium de linea Morimundi celeberrimum à „ prima sua fundatione, in quo multi viri illustres claruerunt, usque ad illa deploranda „ Hussitarum temporà, quando Cistercienses „ Monachi furori hæreticorum se obijcientes, „ martyriò affecti, non solum Grumaiensæ Cœnobium, sed totum etiam Cisterciensem Ordinem, imò universalem Ecclesiam suis sanguinis effusione illustrarunt. „

[12.] Catalogus Monachorum mortuorum MS.

[13.] Mortilogium Zwetlensæ communæ.

## Annus Christi MCCCCXXVIII. Monasterii CCXC.

*Pont. Rom.*  
Martinus III.

*Imp. Rom.*  
Sigismundus.

*Archi-Dux Austriae*  
Albertus V.

*Episcopus Pataviensis*  
Leonardus.

*Abbas Zwetlensis*  
Michael II.

**S**igismundus Cæsar omnes hæcenus in Bohemia conatus irritos cadere videns, Norimbergæ cum plerisque Imperii Principibus de belli ratione consilia instituit. Interim Pontifex Julianus Cæsarinum Cardinalem S. Angeli eximia ob prudentiam vitæque integritatem autoritate virum in Germaniam legat, ut extirpandæ Bohemorum hæresi bellum paret, ac Synodo Basileensi mox futuræ præsideat. Is Norimbergam profectus pro negotio sibi injuncto apud Cæsarem reliquosque Principes effecit, ut nova iterum auxilia, novæ copiæ decernerentur, & majori mole bellum in Bohemos moveretur. „  
\*[1.] Exercitu magno Germanorum congregato, Cardinalis cum Brandeburgo Alberto cognomine Achille Germano in Bohemiam ingressus, villarum aliquot incendia excitat, obvia quæque vastat. Non terruit hostem ea res, sed potius in vindictam armavit, cujus adventum Germani minimè expectantes subito quodam pavore correpti fugam inière, Cardinale frustra eos per inter-

pretem revocante. Accurrunt Bohemi auctis ex hostium metu animis, & ultimum fugientium agmen carpunt, castra diripiunt, inventa in illis Cardinalis insignia pro ludibrio circumferunt. [2.]

„ Inter hæc Albertus Austriacus ad „ primum motæ in Bohemos expeditionis nuntium accurrens Prætoriam munitionem oppidum obsidione cingit, mox verò de reliquorum fuga edoctus, seque hosti imparem agnoscens, retrò in Moraviam movet, eamque nondum sibi dicto audientem subijcere aggreditur. Pervalerat in eam Bohemorum hæresis, cui additi qui erant Orphanorum & Taboritarum fœderibus illigati, quorum viribus tutos se fore confidebant, Alberti juxta ac Sigismundi ipsius imperium aspernabantur. Igitur Albertus, qui integrum ex Bohemia exercitum reduxerat, oppida quædam vi capta diripuit, quingentos circiter pagos exussit, agros vastavit, ac ita provincialium res affli-

B b 2 „ xit,

„xit, ut pace ac venia impetrata Dominum agnoscerent, ac in religionis negotio quidquid futura Basilicæ Synodus decrevisset, id se ratum sanctumque habituros reciperent. Solus itaque Albertus, reliquorum quiescentibus armis, rem satis feliciter gerebat. „ [3.]

Dum hæc in Bohemia & Moravia geruntur, rediit Romam cum confirmatione Apostolica Patavium Leonardus Electus, qui à Salisburgensi Archiepiscopo hoc anno consecratur. Haud vult ipse reditum aliquamdiu ab Archiduce Austriæ remoratum fuisse, seseque ipsi fortiter opposuisse. Universas quoque Viennensis ei adversabatur, donec res variis modis jam Viennæ, jam Romæ agitata, eò tandem deducta est à Salisburgensi, ut utrinque reconciliatis animis Canonici Patavium redi-

rent, & Leonardus Episcopus maneret. [4.]

Porro anno priore Thoma Abbate in Zwett defuncto, hoc anno electus successit Michael II. [5.] fortè ille, qui anno MCCCXCIII. in dispersione. Fratrum vocatur Michael Polonus. De hujus Michaelis successione, præter Chronosticorum Authorem & recentiorum Abbatum Catalogum, cæteri conveniunt. Illi enim quendam Albertum ejus nominis II. hic collocant, & de Michaelle omnino tacent, sicut etiam recentior Catalogus sub dubio loquitur ita: „ Anno 1427. Hic de „ duobus dubitatur, scilicet de Albert „ to II. & Thoma, quis primus illo „ rum fuerit. „ [6.] Verùm anno sequenti patebit, ubi de Michaelle testimonium adduxero, quòd Abbas hoc tempore extiterit.

## ADDITIONES.

\* [1. & 2.] Gerardus de Roß lib. 4. ad litteram ab *Interior* usque in *Bohemos* movetur. ubi sic profecquitur: „ Rei summæ præficitur „ Fridericus Brandemburgicus, cui aderant „ Joannes & Albertus ipsius filii, Fridericus „ item Saxoniz, & Albertus ac Christophorus „ Bavariz Principes. Episcopi quoque „ Herbipolensis, Bambergensis ac Aichstettensis aderant. Moguntinus, Trevirensis, ac „ Colonienfis auxilia haud contemnenda miserant. Advenerant quoque Georgianæ „ Suevorum Societatis milites, eratque in armis totum ferè Imperium, præcipuè verò „ Sacerdotes, magnà curâ in hoc bellum incumbabant. Præter hos omnes Albertus „ (*V. Austriacus*) quoque exercitum per Moraviam in Boëmiam dicere jussus, aderat; „ sed cum Cardinalem cum aliis tardius se „ movere, neque ad constitutum diem adesse „ videret, retrocessit. Mox Julianus cum „ numerofo exercitu hostium fines ingressus, „ villarum aliquot incendia excitat, obvia „ quæque vastat. Eduntur multa avaritiæ, „ & crudelitatis exempla, nec ulla aut sexus „ aut ætatis habetur ratio. Non terruithostem ea res, sed in vindictam potius armavit, „ ejus adventum Germani minime expectantes subito quodam pavore correpti „ fugam inière. Cardinalis ea re perterritus „ per interpretem fugientes allocutushorta-

tur, mancant, neque multi paucos, militiæ experti rudes cum totius gentis ignominia fugiant, rem esse cum hæreticis Deo invisis, à quo certam promitti victoriam. Hæc & alia multa surdis nequicquam auribus ingerebantur, effusa capessitur fuga, quæ & Cardinalis cum aliis abripitur. Accurrunt Bohemi &c. *ut in textu nostro.*

*Æneas Sylvius c. 48.* „ Sigismundus --- „ Norimbergam profectus nova Principum „ auxilia comparat. Martinus quoque Pontifex Maximus Julianum Cardinalem Sancti Angeli, literis ac moribus excellentem, cum ea legatione in Theutoniam mittit, ut Bohemis bellum inferat, & adveniente tempore in Basiliensi Concilio, quod propediem futurum erat, nomine Apostolico præsideat. Is Germaniam Ingressus, mox Norimbergam ad Sigismundum se confert, quo in loco frequentes Germanorum Reguli conveniant. Decreta est nova in Bohemos expeditio, ad VIII. Calend. Julii. Dux belli Fridericus Marchio Brandenburgensis declaratus, qui Cardinalem sequeretur, ingressus est Bohemiam per viam, quæ ducit ad Topam. (*ut. Teplam*) Instituit Albertus Austriæ Princeps suas copias per Moraviam ducere jussus est. In ea expeditione Albertus & Christophorus Bajoriz, & Fridericus Saxoniz Duces fuere. Johannes & Albertus

„bertus Brandeburgenses Principes cum patre, quem penes belli summa erat; Herbipolenſis, Bambergensis, Eistetenſis Episcopi, Societas Suevoꝝ, quam Sancti Georgii vocant, & Imperialium civitatum Magistratus, Moguntinus, Treverensis, & Coloniensis Antistites auxilia miserunt, & cum his provinciarum suarum primores. Supra quadraginta millia equitum fuisse traduntur. Peditum minor erat numerus; nam Germani patentibus freti campis, equestres plerumque pugnas agitant.

„Promiserat & Renatus Lotharingæ Princeps in eam expeditionem sese venturum. Sed domesticò bellò implicatus, dum Comitum Videmontensem (*Vaudemont*) oppugnare nititur; neque promissò satisfieri potest. Neque Comes Palatinus Rheni, qui Videmontensi opem tulit, adversus Bohemos ire permittitur. Cardinalis, dum eos operitur, ad Calendas usque Augusti professionem suspendit. Albertus interea ex Austria ducens, cùm ad dictum diem adesse Cardinalem minimè intelligeret, impar Bohemiæ potentie retrocessit. Ingressus deinde Cardinalis, numerosum exercitum ductans, multas hæreticorum villas incendit, oppidæque diripuit: in quibus non avaritia tantum, sed crudelitas etiam militum grassata est, qui mares cum feminis obvios, senes, puerosque passim necavere. In extremis tamen regni partibus ea calamitas desævit, cùm duces copiarum interiora petere formidarent. Bohemi, qui jam pridem hostem affuturum acceperant, expeditas in armis legiones cogerant, & ubi fidelium domicilia reperiebant, ea ferro atque igne vastabant. Inter quæ Stiltvergium oppidum ab Orphanis expugnatum ac direptum, puberes ad unum necati. Interea, sive prodigio in exercitu fidelium fuit (quod plurimi putavere) sive inanis sua sponte mentes hominum pavor invasit, totis castris trepidatum est, & priusquam hostis ullus in conspectu daretur, scississima cœpta fuga. Mirari Julianum, unde hic timor, quæ ratio tantum exercitum fugere suaderet, ambire duces, hortari arma expeditum, aciem instituerent, forti animo hostem expectarent; non de regni gloria, aut agrorum possessione certari: de vita, de religione, de Christi honore, de animarum salute bellum geri. Turpe Germanis esse, quorum nobilitatem, virtutemque totus orbis celebraret, ex prælio fugere: mori satius quàm hosti nondum vilo cedere. Neque securos intra moenia habitare posse, qui campos hosti relin-

„querent, arma viros, non muros tegere. Nisi gladiis modò libertatem suam teneantur, aut casibus brevi hostili ferro, aut servitutem morte miserioꝝ laturos. Sed frustra apud eos cohortatio fuit, quorum pudorem merus evicerat. Ablata sunt raptim signa, & tanquam nullus esset in exercitu ductor, tumultuose quisque non expectandò imperiò, non salutato comite, multi etiam projectis armis, non aliter, quàm si hostis à tergo instaret, rapido cursu fugam matu- ravere. Quibus & Cardinalis invitus sese comitem dedit. Hostis paulò post ex metu alieno factus audax affuit, impedimentis, quæ omnibus, quibus per sylvam non erat facilis exitus, & ingenti præda potius est.

Spondanus ad ann. 1431. n. 1. „Annò Christi millesimò quadringentesimò trigesimò primò, Indictione nona, Martinus Papa de extirpatione hæresis Bohemicæ sollicitus Julianum Cæsarium, è nobilissima Romana familia, S. Angeli Diaconum Cardinalem, virum doctissimū, facundia, & rerum experientia, prudentiaque mirabilem, omnibusque tam Latinis quàm etiam Græcis illorum temporum Scriptoribus laudatissimum; jam tunc in Germania apud Sigismundum Romanorum Regem agentem; ad id operis cum amplissima facultate Legatum à latere constituit, pro bello sacro contra Bohemos Hussitas indicendo, & aliis gerendis, quæ ad eam rem pertinerent: dato ad eum diplomate tertio Idus Januarii, quod recitat Cochleus (*lib. 6.*) in Historia Hussitarum; unà cum ejus promulgatione, & orationum ad divinum auxilium implorandum indictione, per eundem Julianum vigesimā primā Martii factā Neurembergæ diocesis Bambergensis: cùm, ut ait, pridem in eadem urbe Sigismundus conventu Electorum Imperii, ceterorumque Principum tam Ecclesiasticorum, quàm Secularium, & communiatum habito, deliberasset cum potenti ex tota Germania exercitu ad festum Nativitatis S. Joannis Baptistæ Boëmiâ ingredi ad extirpationem hæreticorum: qui interea (ut Krantzius de hoc eodem conventu agens describit) rem factis potius quàm verbis agentes, Sileſiam & Marchiam de more crudeliter devastabant, nec ordini, nec sexui, nec ætati deferentes, nullisque loco aut sacro, aut profano parentes &c.

[3.] Gerardus de Roß, ubi suprà. Item Æneas Sylvius, ubi sic prosequitur: „Albertus tamen cùm accepisset intrasse Bohemiam Cardinalem, & ipse iterum raptim

„ cæ

„ ex Austria coactis copiis in hæreticos du-  
 „ xit, Prætoroviámque munitum oppidum  
 „ oppugnare adorsus est. Sed fugâ Card-  
 „ nalis cognita, ab incepto destitit, & per Mo-  
 „ ravianam, quæ nondum ei parebat, infesta  
 „ signa circumferens, supra quingentas villas  
 „ ferro atque igne delevit. Oppida multa  
 „ vi cepit & diripuit: mortalium maximam  
 „ cædem fecit, adeoque gentem illam afflixit,  
 „ ut jugum ejus accipiens parere sibi ea lege  
 „ promiserit, ut circa religionem id sequi  
 „ teneretur, quod Basileense Concilium de-  
 „ cerneret. „

[4.] Hundius in Metropoli sua sub Leo-  
 nardo Pataviensi Episcopo. „ A Salisburgenfi

„ quatuor post electionem annis consecratur  
 „ annò 1428. Dux Austriae Albertus à Ca-  
 „ nonicis inflammatus, Leonardo ex Italia  
 „ redeunti sese fortiter opponit; sed & Uni-  
 „ versitas Viennensis ei adversatur, résque  
 „ variis modis jam Viennæ, jam Romæ agi-  
 „ tata, eò tandem deducta est à Salisburgenfi  
 „ Archi-Episcopo, ut utrinque reconciliatis  
 „ animis Canonici Pataviam redirent, & Leo-  
 „ nardus Episcopus maneret. „

[5.] Mortilogium Monachorum Zwet-  
 lensum: Abbas Wolfgangus in sua Abba-  
 tum serie.

[6.] Recentior Abbatum Zwetlenium  
 Catalogus.

## Annus Christi MCCCCXXIX, Monasterii CCXCI.

*Pont. Rom.*  
 Martinus III.

*Imp. Rom.*  
 Sigismundus.

*Archi-Dux Austriae*  
 Albertus V.

*Episcopus Pataviensis*  
 Leonardus.

*Abbas Zwetlenfis*  
 Michaël II.

**A** Nno isto Sabbatò ante diem Urbani  
 circa vigesimum quartum Maji fit  
 mentio Michaëlis Abbatis in quadam  
 emptionis littera; \* [1.] unde proba-  
 tur non Albertus sed Michaël Abbatiam  
 Zwetlensem hoc tempore rexisse,  
 contra Chronofsticorum Authorem &  
 recentiorem Abbatum catalogum.

Verùm brevi tempore Michaël II.  
 Abbatiae Zwetlenfi præfuit, nam Mor-  
 tilogium Monachorum eundem hoc an-  
 no ex hac vita migrasse refert sequen-  
 tibus: „ Annò Domini 1429. obiit  
 „ Michaël Abbas Chrenpfe sepultus  
 „ circa Prædicatores. „ [2.] Alter-  
 rum Mortilogium notat diem mensis Ju-  
 nii decimum septimum, nimirum 15.  
 Kal. Julii Michaël Abbas Zwetlenfis  
 obiit. [3.] Hoc sepulto Fratres hinc  
 inde dispersi convenere vel Cremsii  
 vel Viennæ, & novum elegerunt Abba-  
 tem Joannem ejus nominis I. cognom-  
 entò de Leubs, fortè ejus erat patria.  
 De Joannis successione omnes conve-  
 niunt Abbatum Catalogi, nisi quòd duo  
 sint, qui Joannem hunc non Michaëli,  
 eum nullum ejus nominis ponant, sed  
 Alberto II. successisse velint. Deinde

omnes ex duobus unum faciunt Joan-  
 nem, nam alius fuit Joannes de Leubs  
 ejus nominis primus Abbas, & alius  
 Joannes II. cognomentò dictus Rasten-  
 velder. Horum primus successit Mi-  
 chaëli II. anno isto: in quibus & ego  
 antea hallucinabar nullam de hoc Jo-  
 anne Loienfi habens cognitionem aut  
 litterarium monumentum. Verùm ve-  
 nit in manus mihi instrumentum publi-  
 cum, in quo hic Joannes Abbas ali-  
 quando fuisse Zwetlenfis, & suam ob-  
 causam, ut loco suo (*Annò 1434.*) re-  
 feretur, depositus ab officio legitur.  
 Ideoque hoc fretus testimonio duos po-  
 no Joannes invicem sibi succedentes,  
 cum nullus Scriptorum Monasterii hu-  
 jus in suis Abbatum Zwetlenfium Cata-  
 logis primum sciverit ac collocarit. De  
 eodem autem Joanne II. Abbas Wolf-  
 gangus ita scribit: „ Iste tempore gwer-  
 „ ræ asportavit omnia clinodia, omnes-  
 „ que litteras cum libro fundi, & Re-  
 „ liquias ad loca tutiora, quæ eidem  
 „ Monasterio sic salva manserunt. Scri-  
 „ bi etiam fecit Missale, quod hodie in  
 „ Summo Choro habetur, abbatizavit  
 „ autem circa annum Domini 1443. „

[4.]

[4.] Hæc ille, quæ ita accipienda sunt, cum tunc non Abbatem fuisse, cum præfatas res Monasterii mobiles ad loca tutiora deferri curavit, sed authorem fuisse præcipuum, ut prædicta transportarentur in Liechtenvels castrum hostibus Monasterio exitum minitantibus; nam Monasterium ab Hussitis combustum est Abbate Thoma Viennæ consti-

tuto. Interea, qui in civitate Zwetlensi de Fratribus habitabant, his cum residuis colonis Monasterium è cinere repurgare una cura fuit; & ligna comportantes muros Templi nudos contra nives & pluvias tumultuario opere munierunt, cum præsertim spes esset hostes Hussitas in Austriam non redituros.

## ADDITIONES.

[1.] Ex litterarum monumentis.  
[2.] Monachorum mortuorum Catalogus.

[3.] Mortilogium Zwetlense commune.  
[4.] Abbas Wolfgangus in sua Abbatum serie.

Annus Christi MCCCCXXX. Monasterii CCXCII.

*Pont. Rom.*  
Martinus III.

*Imp. Rom.*  
Sigismundus.

*Archidux Austriae*  
Albertus V.

*Episcopus Pataviensis*  
Leonardus.

*Abbas Zwetlensis*  
Joannes I.

FRIDERICUS Austriacus Tirolensium Princeps interea cum suis Proceribus sibi rebellibus iudicium iniit, & omnes vel dominiis suis & castris, vel majori annuorum reddituum parte multavit. Quibusdam adempta inter alia dominia Stain, Ritten, Gries proverbio locum fecere, quod FRIDERICUS Proceres suos gravi morbo laborantes (voces enim illæ singula morborum nomina referunt) miro curationis modo iis

liberavit, & vacuum tandem peram refarcivit. Inde ad res Suevicas sese convertit FRIDERICUS. Primæ ex civitatibus ad obsequium rediæ Friburgum, Brisgola, Neoburgum, Secconium, & Lauffenbergum: Villinga & Waldshutun nunquam à fide sui Principis desciverunt. Quæ verò ad Arulam ditiones Helvetiis in prædam cesserant, iis ab eo tempore Austriaci exciderunt. [\*]

## ADDITIONES.

[\*] Gerardus de Roë lib. 4. ad finem. Inter hæc FRIDERICUS Tyrolensium Princeps, nobilium quorundam consensibus obviam eundem ratus, Henricum Rotemburgicum omni proflus ditione exuit, qui poenam capitis deprecatus, filiam illi suam commendavit. Ea Beroni Rechbergio ex matre Ducissa Teccensi nato postea nupsit. Eandem cum Henrico fortunam fortitus est Calderani Dominus, qui viginti millibus aureis, Udalcus & Guilielmus Starckenbergici decem millibus annuorum reddituum exuti sunt, eorum auspicio secuti Georgius & Joannes Toreri ab Horensteino, Bernardus item & Georgius Waldeccii & alii nonnulli. Pro Toreris postea & Waldeccii intercessit Albertus Bavarie Dux. Reliquis adempta

inter alia dominia, Stain, Ritten, Gries, proverbio locum fecere, quod FRIDERICUS Proceres suos gravi morbo laborantes (voces enim illæ singula morborum nomina referunt) miro curationis modo, iis liberavit, & vacuum tandem peram refarcivit. Paris quoque Lodronius, qui Principem offenderat, admissorum venia exorata aliis quanto post ditionis suæ restitutus est. Inde ad res Suevicas sese convertit FRIDERICUS. Mittuntur igitur à FRIDERICO Eberhardus Kirchbergicus, Guilielmus Montfortius, ac alii nonnulli ad civitates recipiendas cum litteris Sigismundi, quibus venter agnoscere Dominum jubebantur. Et si non deerant, qui occultis ab eo literis, diversum facere monitos, affirmarent. Primæ

C c 2

ex

„ ex civitatibus ad obsequium rediēre Fri-  
 „ burgum Brisojæ, Neoburgum, Seeconium,  
 „ & Lauffenbergum : Villinga & Waldishu-  
 „ tum nunquam à fide sui Principis descive-  
 „ rant. Quæ verò ad Arulam ditiones Hel-  
 „ vetiis in prædam cesserant, iis ab eo tem-  
 „ pore Austriaci exciderunt, ex quibus Tiguri-  
 „ ni Kiburgensem Comitatum : octo veteres  
 „ pagi Bremogartum & Mellingam cum aliis  
 „ vicinis locis : Lucernates loca illa ad Ru-  
 „ sam fluvium cum Comitatu Rore, & Sur-  
 „ sejo oppido cepere : Bernates ascitis in  
 „ prædæ societatem Solodorensibus, Bipen-

„ nensibus, Neuenburgio Comite, & non-  
 „ nullis aliis, Zofingam, Arburgum, Arovi-  
 „ um, Lenzburgum & Pontes, sive Bruggas  
 „ oppida, omnemque illum tractum pagi Ver-  
 „ bigeni, in suam potestatem redegere, atque  
 „ alia reliqui loca jure belli sua esse interpre-  
 „ tati, non reddidit, & hoc Friderico ob  
 „ fidem Pontifici & Ecclesiæ præstitam acci-  
 „ disse constat. Hæc alii aliquot annis antè  
 „ facta esse referunt, procurationis tabulæ  
 „ Comitibus à Friderico datæ, quas videre  
 „ mihi contigit, annum præferunt quintum  
 „ & vicissim prope affectum. „

## Annus Christi MCCCCXXXI. Monasterii CCXCIII.

*Pont. Rom.*  
 Eugenius IV.

*Imp. Rom.*  
 Sigismundus.

*Archidux Austriae*  
 Albertus V.

*Episcopus Pataviensis*  
 Leonardus.

*Abbas Zwetlensis*  
 Joannes I.

**M**artinus Papa III. dictus V. ex apo-  
 plexia hoc anno obiit Romæ, &  
 ejus mandatò in Basilica Constantiniana  
 ante capita Apostolorum sepelitur. \* [1.]  
 Mox omnium Cardinalium tunc præsen-  
 tium suffragiis, quorum quatuordecim  
 fuere, creatur Pontifex Gabriel Condol-  
 merius, Venetus, Presbyter Cardinalis  
 tit. S. Clementis, qui Eugenius Papa IV.  
 vocatus est, 5. Non. Martii, & 5. Idus  
 Martii coronationis suæ insignia suscep-  
 pit. [2.] Eum futurum Papam diu antè  
 sic descripsit B. Malachias Hibernus :  
**Lupa Cælestina.** Erat enim Venetus,  
 Canonicus antea Regularis Cælestinus  
 & Episcopus Senensis, cujus civitatis  
 insignia Lupa.

Porro hoc tempore Julianus Cardi-  
 nalis per litteras ab Eugenio Papa IV.  
 monitus, æstate jam adulta Basileam,  
 uti Synodo Generali illuc haberi cæptæ  
 præderet, profectus, de communi Pa-  
 trum sententia Bohemos ad concordiam  
 & assensum Synodo præstandum exhor-  
 tatur. Sigismundus quoque litteris ad  
 eosdem missis, Romam se ad suscipien-  
 dam à Pontifice coronam iturum signi-  
 ficat, quæ res non sibi tantum, sed ipsis  
 quoque, ex quibus ortum duceret, in-  
 signe decus esset allatura, Orare itaque

eos, ut pacis studia amplexi contro-  
 versos in religione articulos Synodo  
 Basileensi exponant, & amica discepta-  
 tione transactis omnibus ad concordiam  
 redeant, neque aliis omnibus plus sa-  
 pere soli velint. Id si fiat, non dubi-  
 tare se de ipsorum fide, quin Regem suæ  
 genti præ cæteris addictissimum eo loco  
 sint habituri, quo fratrem, patrem, at-  
 que avum, quorum instituta sequi ipse  
 vellet, habuissent. [3.] Hæc Gerar-  
 dus, cujus iter non hoc anno, sed pri-  
 mum tertio post tricesimum institutum  
 est, uti eo anno dicitur.

Quoad Austriam sequentia reperi-  
 untur in Authore quodam coevo, qui  
 hæc ex eis didicit, qui interfuerunt :  
 „ Annò 1431. in die Colomanni habuit  
 „ Dominus Albertus Dux Austriae præ-  
 „ lium cum Hussitis in terra Austriae  
 „ prope castrum Kirchdorf, & obtinuit  
 „ (victoriam,) & de Hussitis fuerunt in-  
 „ terfecti septingenti, & capti nongen-  
 „ ti, inter quos fuit Sokol, & omnes  
 „ capti fuerunt ducti Viennam, & ibi  
 „ detenti. „ [4.] Hæc supra citatus  
 Author coævus. De prælio isto men-  
 tionem quoque facit Gerardus de Roó,  
 quem in annum sequentem collocavi,  
 antequam hunc Authorem vidi, ubi ma-  
 gis

gis patebit historia ; ceterum quoad tempus modò citato ego assentior Authori, quòd nimirum hoc anno in die Colomanni, id est, decimâ tertiâ Octobris vindemiarum tempore prælium cum Soccolio commissum sit. Ut autem major fides citato Authori meo habeatur, qui in sequentibus sæpius citandus erit, operæ pretium est, videre quis fuerit, & ubi vixerit. Scribit ipse de se in libro suo, qui liber Secretorum intitatur, sequentia : „ Annò 1419. intravi ego Jacobus Rechwein servitium Notariatus coquinæ Illustris Principis Alberti V. Ducis Austriæ, Domino meo gratiofo ( *Domini mei gratiosi* ) annò ætatis meæ vigesimò sextò, „ Dominicâ Invocavit. „ [ 5 ] Hæc ipse. In initio autem libri mentionem sui facit taliter sermone vernaculo : „ Librum hunc possidet Jacobus Rechwein civis Viennensis, tunc ibidem censûs, quem vulgò vocant : Ungeltß „ Provisor. „ Prosequitur deinde idem Jacobus de se loquens : „ Annò 1423. „ Dominicâ : Ad te levavi, ante Andree Apostoli ( *diem* ) duxi in confortem Dorotheam Virginem filiam „ Bernhardi Heun civis Wiennensis & „ Consul ( *Consultus* ) ipso jam defuncto, „ in præsentia Illustrissimi Principis Alberti Ducis Austriæ ac Elisabeth ejus „ Consortis, ac aliorum Baronum & „ Militum &c. Obiit quintâ ( *id est* 9. „ *Janii* ) Primi & Feliciani, annò 1457. „ & sepulta in Ecclesia S. Stephani sub „ Basilica signato lapide marmoreo cum „ Epitaphio. Annò 1426. Katharinæ „ intravi ego Jacobus ad servitium Ungelti in civitate Wiennensi, & fui ibi „ Provisor. „ [ 6. ] Deinnum erat annos, dies & horas natalitiorum liberorum suorum, quorum fuerunt quindecim, decem mares, femina quin-

que, quarum una Anna nomine Annò MCCCCLVII. ingressa est Monasterium ad Cœli-Portas Viennæ dictum. Scripsit hic Jacobus Rechwein gesta sui temporis usque ad Annum MCCCCLIX. itaque consueque vixit, & coævus Author comprobatur, cui fides meritò adhibenda sit. Hæc de Authoris fide fusius, & prælio isto Soccolii. Credo ego non Hussitas Bohemos cum Soccolio Moravo exivisse in Austriam, sed Hussitas Moravos, qui vagabundi prædæ inhiebant, nam locum certum ipsis in Moravia sua Albertus Archi-Dux non reliquit.

Interea Joannes Abbas Zwetlensis, ut Monasterio in cineres redacto atque colonis dissipatis rursum consulere, emptione curiam in Leubs quandam comparavit, utrum tamen hæc curia fuerit alia ab ea, quam diu jam ibidem possedit Monasterium, ignoratur, credo ego illam aliquando redimendam ex necessitate jam ab aliquo tempore venditam fuisse, & hoc anno à Joanne redemptam, in usum nimirum vinorum colligendorum, cum præsertim in Longo-Loio plures Monasterii nostri vineæ sitæ essent, & in Chambarn usque deduci incommodum aut molestum. Data est emptionis littera annò Domini 1431. feriâ sextâ post Dominicam, qua cantatur: Quasimodo geniti. [ 7. ]

Annotantur etiam in quodam antiquo libello sequentia : „ Annò Domini 1431. primò Purchstal jus montanum cum decima in Diernleiz, & „ pertinet ad Judicem in Weyckerstorf. „ [ 8. ] Unde constat non tantum decimam, sed quoque jus montanum juxta Haslach in monte dicto Purchstal jure possessionis & antiquæ donationis Monasterio nostro permanisse, collectam verò ad Judicem in Weyckerstorf semper fuisse deductam.

## ADDITIONES.

\* [ 1. ] Ciaconius in Martino V. „ Annò 1431. die 12. Februarii feriâ secundâ „ Carnisprivii sol deliquium passus, & die 21.

„ ejusdem mensis Februarii, in aurora die Martini „ Martinus V. vir in omni vita sua integer, „ Pontificatus sui annò 13. mense 3. die 10. „ D d „ apo.



„ apoplexiâ obiit, ætatis suæ annò 63. sepeliturque ejus mandatò in Basilica Constantiniana ante capita Apostolorum sepulchro æneo, comitante Clero, non aliter flente, quàm si Ecclesia Dei, si urbs Roma unico atque optimo parente orbata fuisset, hoc Elogium in sepulchro ejus scriptum: Martinus Papa V. fedit annos XIII. menses III. dies XII. Obiit an. M.CD.XXXI. die XXI. Feb. Temporum suorum felicitas. „

Spondanus hic n. 3. „ Dum isthæ ( *conferendo Julianum Cardinalem ad celebrationem Concilii Basileensis Legatum* ) prosequeretur pius Pontifex, contigit eum jam ab aliquo tempore infirmum, apoplexiâ oppressum hanc vitam deferere, 10. Cal. Martii Romæ, ætatis annò 63. Sedis 13. mense 3. die 12. ut habetur in ejus æneo sepulchro, quod ei positum est in Basilica Lateranensi ante capita Apostolorum Petri & Pauli. Laudatur ab omnibus Scripturibus multarum virtutum, ut aliàs diximus: cui Ecclesia unionem, Italia quietem, Roma restaurationem debuit, ceteræ nationes eximiam de omnibus bene merendi voluntatem agnoverunt. Culpatur autem ab hæreticis, quasi cuidam permisit forem germanam uxorem ducere; auctoritate fulgentis Angeli de Clavaio in sua summa. Qui si Antoninianam inspexissent, quam idem Angelus testem citavit, reperissent utique falsitatem citationis. Quippe Antoninus disertè loquitur de dispensatione concessa cuidam, qui matrimonium contraxerat cum femina, cujus sororem priùs fornicariè cognoverat. Super qua affinitate dispensare, minimè excedere potestatis Pontificiæ limites in confesso est; tamen Antoninus scribat variè super hac re à Theologis & Canonistis tunc disceptatum esse: nec dispensasse Martinum, nisi quia fornicatio erat occulta, nec vir ille aptus esset ad Religionem, vel ad longinquam peregrinationem: & si divortium factum fuisset, magna scandala sequenda erant. Quòd verò & ab aliis idem Martinus accusatus est de nimia cumularum pecuniarum cupidine; excusatur ab eodem Antonino, quod eæ infumpræ sint in stipendiarios, & contra hostes Ecclesiæ: præter ingentes illas, quæ in restorationes Ecclesiarum, aliæque urbis ornamenta expendendæ fuerunt. Quem & tantà constantiâ fuisse Platina scribit; ut cum duos haberet fratres unicè sibi dilectos, quorum alter Jordanus Princeps Salernitanus major natu peste, alter Laurentius minor in turri igne casu injecto periisset, nil

ex eo sit auditum, nil visum, quod impatientiæ, aut affecti animi signum aliquod præferret. „

[ 2. ] Ciacconius in Eugenio IV. „ Annò Domini 1431. VII. Kal. Martii, die obitus Papæ Martini V. novemdialia celebrari sunt coepit; & Kal. Martii Missâ Spiritûs S. ab Episcopo Albano cantatâ, Cardinales 14. qui tunc in urbe erant, conclave ingressi sunt, paratum in Sacratio S. Mariæ super Minervam Ord. Prædicatorum; fuit septa platea super Minervam usque ad plateam Rotundæ. Sabbatò igitur V. Nonas Martii, tertio conclavis ingressus die, omnium Cardinalium suffragiis, habitò scrutinio electus est in Romanum Pontificem, D. Gabriel Condolmerius Venetus Presb. Cardinalis tr. S. Clementis, Senensis vulgò vocatus, qui Eugenius Papa IV. appellatus est. Qui Venetiis honesta familia populari, sed antiqua annò 1383. ortus est, quæ postea ipso Pontifice renunciato Patriatuum obtinuit, patrem Angelum habuit; adolescens parentibus mortuis Evangelii non furdus auditor, patrimonium quod ab illis non tenuè acceperat, inter Christi pauperes distribuit, & socio Antonio Corario ejusdem fervoris adolenscente Ordinem Religiosorum hominum, Canonicorum Secularium, Cælestini habitus, in Monasterio S. Georgii in Alga Venetiarum, cui ipsimet initium dederat, professus, in eo summa cum laude multis annis moratus est, & tam diu unâ sanctissimè vixerunt, donec Angelus Corarius, Gregorius XII. vocatus, Petri Sedem obtinuit &c.

„ Annò Dominicæ Nativitatis 1431. Eugenius IV. Papa, V. Idus Martii ante fores Basilicæ Principis Apostolorum in Vaticano suæ coronationis insignia suscepit per Lucidum Comitem Diaconum Cardinalem. „ S. Mariæ in Cosmedin, S. R. E. Archidiaconum præsentibus Cardinalibus, Clero & populo; fedit autem in Apostolica Sede Imperatoribus Cæsaribus Sigismundo Lutemburgio, Alberto, & Friderico IV. Augustis, annos 15. menses 11. dies 21. „

Magnum Chronicon Belgicum. „ Eugenius Quartus, natione Venetus, qui ante Papatum dictus est Gabriel de Venetiis, cepit annò Domini 1431. fedit annis ferecim ( hæc ex Chronicis ) iste fuit electus pacificè in urbe mortuò Martino V. & indubitatè Papa habitus, sed paulò post expulsus ex Roma irâ fuit, ut nudus fugeret. Item à Concilio Basiliensi citatus, etiam depositus fuit, sed non curavit. Et hinc iterum

„ iterum schisma ortum, quod mansit usque  
 „ ad mortem ejus. Qui illi favebant, multa  
 „ laude digna de eo dixerunt: e contra, qui  
 „ adversabantur, plura enormia imposuerunt,  
 „ ut moris est: tamen quidquid est, ante su-  
 „ sceptam dignitatem fuit vir abstractæ vitæ  
 „ (pura fraticella) & bonæ famæ. Quid pos-  
 „ stea fecisse dicatur, divino judicio relin-  
 „ quo. Ipse etiam Romam recuperavit adju-  
 „ tus à Venetis, & majorem obedientiam ha-  
 „ buit. „ Hæc Wernerus.

Spondanus hic n. 4. postquam electionem  
 Eugenii IV. Pont. describit, ita profequitur:  
 „ Habet verò insuper Auditor Burdegalen-  
 „ sis, saepe citatus superius (sive sit ejus con-  
 „ nuator) satis accuratus chronographus, in  
 „ vitis Pontificum, quas producit usque ad  
 „ Nicolaum V. & annum 1453. antequam  
 „ Cardinales ad electionem Pontificis proce-  
 „ derent, statuisse inter se certos articulos  
 „ atque jurasse; intèrque illos, ut imposte-  
 „ rum poneretur in literis Apostolicis: De  
 „ consensu fratrum nostrorum, non solum ut  
 „ prius; De consilio: ut Papa non posset  
 „ creare novos Cardinales absque consensu  
 „ antiquorum, atque ut medietas patrimonii  
 „ Ecclesiastici esset ipsorum Cardinalium. Ceterum  
 „ fuit Eugenius (ut cum S. Antoninus,  
 „ qui saepe vidit, describit) statuta procerus,  
 „ graciosus aspectu, nec animò minor; libe-  
 „ ralisimus ad pauperes, ad reparationem  
 „ Ecclesiarum munificus; Religiosos Deum  
 „ timentes eximio fovens affectu pariter &  
 „ effectus; cultus divini, & Christianæ Reli-  
 „ gionis dilatandæ zelator præcipuus. Multas  
 „ autem persecutiones injustè passus, & insi-  
 „ dias vitæ, eas æquanimiter excelsèque ani-  
 „ mò tulit. Ita ille.

N. 5. „ Cujus quidem variam admodum  
 „ fortunam portendisse quidam putarunt ca-  
 „ sum primo ipsius publico Consistorio con-  
 „ tingentem, quem Platina describit; eum  
 „ fatiscitibus ad immensæ multitudinis pon-  
 „ dus trabibus, trepidatum adeo tumultuose  
 „ fuit, ut in fuga Senogallie Episcopus ob-  
 „ tritus periërit. Referentes etiam ad insau-  
 „ tum ejusdem Pontificum eclipsin solis,  
 „ quæ die mortis Martini contigerat, quasi  
 „ non tam ejus obitum, quam temporum sub  
 „ Eugenio calamitatem denunciaret. Super-  
 „ ravit tamen omnia Eugenius auxilio divi-  
 „ nò, & prudentiâ ac constantiâ suâ. Ipsò-  
 „ que Pontificatus initio civilem seditionem à  
 „ Columnensibus Martini consanguineis pas-  
 „ sus, occasione conquesti immensi thesauri,  
 „ quem Martinus reliquisse dicebatur, eorum  
 „ conatus armis repressit, incidensque in in-

„ firmitatem sive paralysis seu veneni pacem  
 „ cum ipsis composuit: cum prius Mafius qui-  
 „ dam Presbyter ex Ordine Minorum ad Mo-  
 „ nasticum translatus, qui fuerat cubicularius  
 „ Martini, atque Eugenium ad prædictas re-  
 „ quirendas pecunias impulerat sceleratâ per-  
 „ fidiâ mortem Pontificis meditatus, quæ-  
 „ sisset arcem S. Angeli proditione occupare,  
 „ & Columnensibus tradere: idemque captus,  
 „ facinusque factus, post degradationem mer-  
 „ cedem suæ iniquitatis ultimum recepit  
 „ supplicium, corpore quadrifariam dissecto,  
 „ & ad quatuor urbis celeberrimas vias ap-  
 „ penso. „

[3.] Gerardus de Roô lib. 5. ad initium  
 excerptus.

Æneas Sylvius Historic. Bohemic. c. 49.  
 „ Exactus ex Bohemia Legatus (*Julianus Car-*  
 „ „ *dinalis*) Basileam se contulit, ibique Con-  
 „ cilium celebravit. Sigismundus, qui per  
 „ tempus expeditionis Norimbergæ se con-  
 „ tinuerat, ad coronam Imperii Romæ susci-  
 „ plendam iter ingressus, primoribus regni  
 „ Bohemiæ literas dedit, in quibus scriptum  
 „ erat: se natione Bohemum, nulli genti ma-  
 „ gis, quam suæ affectum, Romam non aliam  
 „ ob causam petere, quam coronæ suscipien-  
 „ dæ gratiâ. Id decus Bohemorum genti ac-  
 „ cidere, cujus honestati sibi maxima fem-  
 „ per cura fuerit. Cœptum esse jam suâ operâ  
 „ Basileæ Concilium, hortari eos, qui se au-  
 „ diri de religione cuperent, eò proficisci,  
 „ nec plus sapere vellent, quam Mater Eccle-  
 „ sia Catholica. Auditurum benignè conven-  
 „ tum rationes eorum, tantum operam da-  
 „ rent, ut cum Synodo de Religione conven-  
 „ niant, sibi que redeunti pacatum regnum  
 „ reservent. Neque enim arbitrari se Bohe-  
 „ mos ejus imperium fugere, cujus pater, frater,  
 „ avus apud eos regnaverint. Nec se  
 „ alia lege regnaturum, quam ceteri Chri-  
 „ stiani Reges. Scripsit & ipsa Basiliensis Syn-  
 „ odus Bohemis, ut Legatos mitterent, qui  
 „ fidei sui rationem ostenderent, securitatem  
 „ itineris, & dicendi, quæ vellent, libertatem  
 „ promittens. „

Dubravius Histor. Bohem. lib. 25. „ Qua-  
 „ draginta millia aureum nummum ex Pan-  
 „ nonia in banc ipsam Basileam die quadam  
 „ allata ei (*Sigismundo*) fuerant, ac tum red-  
 „ dita, cum iret cubitum. Excitatus non se-  
 „ mel à somno secumque cogitans, cuinam  
 „ potissimum usui aurum illud destinaret; na-  
 „ nã ad se viros aliquot ingenio & doctrinâ  
 „ præstante vocat, quorum studio & operâ  
 „ Concilii res non feriabantur, jubensque  
 „ sinum quemque suum pandere, vni auri il-  
 „ D d 2 „ lius

lius majorem apud illos abscondit. Idem (*Sigismundus*) author fuit legationis mittendæ ex hoc Concilio in Boiemiam ad pertentandos adhuc Boiemorum animos, si qua ratione adduci possent, ut ad sanitatem reverterentur. Legati cum Egram civitatem in finibus Boiemie sitam pervenissent, simulque accepissent, Pragæ factionibus & diffusionibus solitis agitari, non solum ex sua ipsorum securitate, sed etiam ex Concilii dignitate, rati fore, ut vocatis ad se Pragenfibus ibidem Egræ, ranquam loco pacato, turôque, & quasi medio, ideôque utriusque partis colloquio maxime appposito religionis negotium juxta Concilii præscriptum tractarent. Venerunt Pragenfes, & unâ cum illis Procopius Thaboritarum insignis apostata & ductor, audiveruntque Concilii postulata, quæ omnia ad concordiam continendam, & schismata ac diffusiones coercendas tendebant. Provocant statim adversarii ad disputationem de Scripturis, quasi de illis inter ipsos conveniret, cum palam voce alia Thaboritæ, aliâ Calixtini loquerentur. Ille (*Procopius*) impudenterissime juxta ac imperitissime meris Scripturarum commentis, expositionumque earum mendaciis veritari obstrepebat. Calixtini etiam modestius agerent, tamen ea agnoscere, per quæ revincebantur, noluerunt, sacras litteras ad defensionem sui instituti violenter trahentes, utrique denique in cœca & obstinata pertinacia permanentes. Hoc tamen Legatorum humanitas & comitas obtinuit, ut dogmata utrique sua Concilio descripta mitterent, & interim pacis inter se fœdera servarent.

Cuspinianus in Cæsarib. sub Sigismundo.

Spondanus hic n. 10. „ Quoniam verò res fuir octodecim ferme annorum, ante omnia visum nobis sumimam ejus brevissimè ob oculos proponere; ac præcipuè ex eodem Patritio (*Canonico Senensi, factò deinde Rituum Sacelli Pontificii Magistrò, ac de mum creato Episcopo Pientino*) qui in fine collectionis suæ epilogum addidit, cuncta strictim comprehendentem, tam ad gesta, quam ad eorum ordinem ac modum spectantia, quæ in Actis & appendicibus Synodi fusiùs continentur. Cùm igitur Basileense Concilium originem & auctoritatem primam trahens à Synodis Constantiensis & Senensis inchoatum esset; paucis initio convenientibus, & quædam contra Romani Pontificis potestatem moliri visis, Eugenius Papa illud annò primò dissolvere tentavit; nec tamen prævaluit, tribus cir-

citer annis in hac altercatione elapsis. Donec Sigismundi Romanorum Regis operâ, concordia factâ, per annos ferme quatuor ea utcumque perseveravit: quo tempore multa salubria sunt statuta &c. Et postquam hic author tam personas præsentēs, quàm modum consultandi retulisset, ita prosequitur:

N. 14. „ Cùm autem interea missus ad Eugenium Pontificem à Juliano Legato Johannes Pulchripanis Canonicus Bisuntinus ei significasset (ut narrat ipse Pontifex suis litteris) nullos ferè adhuc Prælatos Basileam accessisse: tam urbem, quàm vicina loca infestari armis Burgundiæ & Austriæ Ducum inter se bellanrium, adeò ut non esset tutus ad eam accessus, in eademque urbe Basileensi multa gravia scandala oboriri; cùm multi ex civibus Hussitarum hæresi infecti Clerum persequerentur, & crudeliter trucidarent: idemque alia parte Eugenius, ex tractatu per Martinum ipsius decessorem cum Imperatore & Patriarcha Constantinopolitano præhabito, per istorum nuncios sollicitaretur de Synodo habenda pro unione utriusque Ecclesiæ, electâ ad hoc Bononiâ Italiæ civitate; nec de re Christiana & Ecclesiæ Catholicæ esset, duo simul disjuncta Concilia tam dissitis locis celebrari. His, & aliis nonnullis rationibus, suis de hac re litteris ad Julianum scriptis secundò seu pridie Idus Novembris, idem Eugenius de Concilio decem Cardinalium, quos penes se habebat, potestatem fecit eidem Juliano Concilium Basileense dissolvendi, & in annum cum dimidio novum Bononiæ indicendi: nec non aliud pro tempore decennii in Constantiensis decreti, in loco ab ipso Legato & iis qui Basileæ convenerant eligendo pariter indicendi: etiam si Julianus significasset satius esse Concilium Basileæ fieri ad morum Germanorum reformationem, & alia nonnulla, quæ honestatis gratiâ magis subicenda, quàm declaranda viderentur: hoc tantum ab Eugenio petito, ut nova fieret vocatio Antistitum, Quod tamen Eugenius non probavit, magis cupiens Concilium omnino dissolvi; live ob prædictas à se adductas causas; seu, ut præfatur, quòd jam subaudisset aliqua ibi tractari cœpisse, quæ verebatur fore in præjudicium suum, ac Sedis Apostolicæ.

N. 15. „ Eo namque etiam pertinere videtur quoddam ejus decretum datum jam antea septimò Calendæ Septembris: quo de decem pariter Cardinalium consilio & consensu sancivit Cardinales in secreto Consistorio pronuntiatos pro talibus haberi non debere.

„ debere, quousque insignia Cardinalatûs,  
 „ videlicet Capellum rubrum, tituli assigna-  
 „ tionem, & annuli in digitum immisionem  
 „ acceperint: neque verò etiam his acceptis,  
 „ & in publico Consistorio Cardinales pronun-  
 „ ciatos, in electione Romani Pontificis,  
 „ aut alio quolibet actu vocem activam ha-  
 „ bere posse, donec de rebus & ritibus in  
 „ Consistoriis tractari & observari solitis plenè  
 „ instructis, à Romano Pontifice de consilio  
 „ & consensu antiquiorum Cardinalium licen-  
 „ tia impetrata, & os apertum fuisset: & si  
 „ qui sic pronuntiati contra præmissa Cardi-  
 „ nales se ausi fuissent nominare, eo ipso per-  
 „ petuum ad eam dignitatem inhabilitatem,  
 „ fautores verò & auxiliatores excommunica-  
 „ tionem Summo Pontifici reservatam incur-  
 „ rere,

„ Quæ quidem putatur Eugenius potissi-  
 „ mum decrevisse contra Dominicum Capra-  
 „ nicam Romanum, quem cum aliis tribus sic  
 „ à Martino creatum fuisse absentem, ut non  
 „ nisi post declarandum foret; Onaphrius &  
 „ alii docent, résque distinctius declarata  
 „ habetur in quadam responsione facta à Sy-  
 „ nodo Basileensi nunciis Eugenii, quæ extat  
 „ in Appendice Actorum ejusdem Synodi.  
 „ Qui quidem Dominicus vir existens insigni  
 „ doctrina & prudentia, eum nihilominus  
 „ quibusdam adversantibus, nec electioni Eu-  
 „ genii interesse (quamvis id omnino decre-  
 „ visset Martinus) nec ab eodem Eugenio  
 „ permissus fuisset urbem ingredi, aut insigni-  
 „ bus dignitatis uti: ac propterea Basileam  
 „ sese ad Concilium recepisset, ibique ut Mar-  
 „ tini Cardinalis acceptus fuisset, inde eredi-  
 „ tur Eugenius timore ejus alti & præclari in-  
 „ genii, hanc declarationem in eum potissi-  
 „ mum publicasse, cujus & omnia bona in-  
 „ tercepit. Tanta tamen, ut tradunt, insignis  
 „ viri modestia, ut nihil unquam asperi aut  
 „ contumeliosi in Eugenium ex ejus ore eru-  
 „ perit. Cujus postea operâ idem ipse ac  
 „ subsecuti aliquot Pontifices utilissimè in re-  
 „ bus arduis, pacisque ac belli negotiis, usi  
 „ reperiuntur; ipsèque ingentibus virtutibus,  
 „ morum excellentiâ, vitæ austeritate, ac  
 „ piis operibus nomen suum immortalitati  
 „ consecravit. - -

„ N. 16. „ Quod verò ad prædictam Eu-  
 „ genii constitutionem pertinet; eum variè  
 „ de his statutum fuerit diversis temporibus,  
 „ ut qui de ritibus ejusmodi scripsere do-  
 „ cent: Pius V. annò 1571. 26. Junii decre-  
 „ vit. Cardinales in electione Pontificis vo-  
 „ cem habiuros, etiam si Galerius Cardinali-  
 „ tius eis traditus non esset, neque os clau-

„ sum, aut si clausum, nondum apertum fu-  
 „ isset. Quod & olim judicatum vidimus in  
 „ Androino de Rocha Sede Innocentii VI.  
 „ vacante; fuitque nostris temporibus obser-  
 „ vatum in Cardinale de Comitibus Sede va-  
 „ cante Clementis octavi annò 1605. cui re-  
 „ cens è Legatione Avenionensi advenienti  
 „ eum de more Clemens in Consistorio, in  
 „ quo Galerius ei contulerat, os adeò strictè  
 „ clausisset, ut si ipsum Clementem mori con-  
 „ tingeret, antequam illud ei apertum fuisset,  
 „ minimè posset electioni successoris suffra-  
 „ gium conferre; mortuo interim Clemente,  
 „ nihilominus re in deliberationem posita,  
 „ conclusum fuit clausuram illam oris sim-  
 „ plicem esse cærimoniam, qua monentur  
 „ novi Cardinales prius addicere, quæ in  
 „ Consistoriis & Congregationibus fieri con-  
 „ sueverunt, quàm de iis loqui præsumant;  
 „ quæ tamen nullis obstit adibus legitimis,  
 „ quin eos validè exequi possint.

„ N. 17. „ Fuit tunc prædicto Dominico  
 „ Cardinali ( Firmano dicto ab ejus Ecclesiæ  
 „ administratione ) à Secretis Æneas Sylvius  
 „ ( postea Pius PP. II. ) cujus nomine sepiissi-  
 „ mè illustrantur hi Annales, & cum eo pri-  
 „ mum Basileam venit: qui nobili familia Pi-  
 „ colominæ Senensis patre Silvio, matre Vi-  
 „ ctoria annò Christi 1405. 14. Calend. No-  
 „ vemb. Corsiniani, quod est oppidum agri  
 „ Senensis, ortus; Romæ humanioribus li-  
 „ teris & Jure Civili apprime excultus, hoc  
 „ anno vigesimum sextum ætatis agebat; Bar-  
 „ tholomæus etiam tertio nomine appellatus.  
 „ Cujus extat vita à pluribus descripta ante  
 „ ejus opera; & uberior in Commentariis no-  
 „ mine Joannis Gobelini Vicarii Bonnenfis  
 „ amanuensis sui ab ipsomet, ut verius puta-  
 „ tur, conscriptis.

„ N. 18. „ Sed ut ad Concilium redeamus;  
 „ eum acceptis Eugenii literis Julianus Le-  
 „ gatus hæssisset in earum executione, videns  
 „ tamen crescere indies Antistitem numerum  
 „ undique adventantium; itémque Oratores  
 „ Regum ac Principum, ac nonnullos Car-  
 „ dinales concurrere, consideransque præci-  
 „ puam jam causam revocationis Eugenii,  
 „ quæ erat Antistitem paucitas, & itinerum  
 „ difficultas, cessare; nec tam dissolutionem  
 „ Eugenius injunxisse, quàm rebus sic, ut nar-  
 „ rabat, stantibus potestatem dissolutionis  
 „ fecisse videretur; maximèque necessariam  
 „ esse ad res Germanicas & Boëmicas Synodi  
 „ continuationem; nec denique posse am-  
 „ pliùs absque pudore, & Principum ac Præ-  
 „ latorum injuria & querimonia, rem in alium  
 „ locum, aliudve tempus remitti; decrevit  
 „ E c

„ omnino

omnino ulterius procedere. Habitâque generali congregatione die Veneris septimâ Decembris, primam Synodi Sessionem indixit in sequentem diem Veneris decimam quartam in Ecclesia Cathedrali celebrandam. Eâque de re per nuncios incunctanter certiore reddens Sigismundum Romanorum Regem, qui jam (ut post explicabimus,) Mediolanum pervenerat ad iter Romanum pro corona Imperii accipiendâ; litteras ab eo recepit tam ipsi quàm universo Concilio directas, datâsque Mediolani die undecimo ejusdem mensis Decembris; quibus eos valde laudavit de eorum proposito, hortatusque est vehementer ad rem constanter prosequendam; & si qui forent, qui Concilium protrahere, aut dissolvere conarentur, illos tanquam membra putrida præciderent: quippe ex ejusmodi induciis, aut dissolutione Ecclesiam Dei in totalem interitum ruituram. Quo eodem sensu scripsit jam antea idem Rex ad Pontificem, cum audisset eum decrevisse Concilium dissolvere aut protrahere, hortans magis ad illud fovendum & augendum. - - - - -

N. 20. „Alia verò parte Eugenius occasione arrepta invitationis Boëmorum ad Concilium Basileense pro collatione articulorum controversarum, quod id diceret esse in injuriam Apostolicæ auctoritatis, Sacrorumque Conciliorum Constantiensis & Senensis, à quibus iidem Boëmi fuissent solemniter damnati, & postea publicis bellis, uti perfidi & pertinacissimi hæretici impetiti, quibus propterea juxta Patrum Decreta, & Legum Statuta omnis audientia deneganda esset: tam ex hac causa & periculis atque scandalis, quæ ex ejusmodi collatione imminerent, quàm ex illis aliis, quas inseruisse vidimus litteris de revocatione Synodi Basileensis ad Julianum Legatum scriptis: publicò edictò de consilio & assensu decem Cardinalium, quos penes se habebat, decimò quintò Calendas Januarii (quariduo post celebratam prædictam Concilii Sessionem, ac proinde antequam rescire potuisset, quæ in ea gesta fuissent) promulgatò; de plenitudine potestatis Apostolicæ, Concilium, si quod Basileæ congregatum videretur, omnino dissolvit; aliudque post annum cum dimidio Bononiæ, qui ipsemet interesset, rursumque aliud in decennio vi decreti Constantiensis Avenione celebrandum indixit. Dêque ea re speciatim scribens eodem die ad Sigismundum Regem, ceterosque Reges ac Principes, majoresque Prælatos; veritus

ne existimarent fugere ipsum omnem Synodi celebrationem, asseruit se in proposito constantem esse, ac Concilii celebrationem necessariam putare. Quodque præcipuam revocationis causam insinuaret unionem Græcorum Bononiæ tradendam, Sigismundum rogavit, ut per litteras & nuncios Joannem Imperatorem, & Josephum Patriarcham Constantinopolitanum nuncupatum sollicitaret promissos oratores ad Synodum Bononiensem destinare.

N. 21. „Quid verò Sigismundus responderit, dicitur anno sequenti. † Quem interea præsentis Alpius transmissis Mediolanum pervenisse, & die S. Catharinæ viginti quintâ Novembris in Basilica Ambrosiana Regium diadema (nempe coronam ferream, quæ aliâs Modoëtiæ in Ecclesia S. Joannis Baptiste, ubi servabatur, recipi consueverat) assumpsisse memoranda celebritate; idem ipse prædictâ ad Julianum & Synodum epistolâ significavit: meministque Corius solemni in ejus coronatione observatorum per Bartholomæum Capram Archiepiscopum Mediolanensem; nimirum impertitæ benedictionis, atque annuli pretiosi, gladii nudi, coronæ ferreæ, sceptri & pomi auri in signum Monarchiæ traditionis, quibus tamen noluit interesse Philippus Mediolani Dux, Placentiæ interim morbum simulans, jâque ad Sigismundum abalienatus: eò quod suspicaretur eum promiorem esse in Venetos & Florentinos ipsius Philippi hostes (quorum inter se his temporibus bellica dissidia, cladésque utrimque illatas & acceptas præter auctores domesticos fusiùs describit Blondus) quamvis præcipuus is fuisset auctor ipsius adventûs, suis eum se opibus & copiis per Italiam deduciturum pollicitus. Quod tamen non solum non præstitit, verum etiam nec potestatem introeundi cum paucis in arcem Mediolanensem visendi causâ concedere unquam voluit: unde & inimicissimus postea factus est ei Sigismundus; qui interim Placentiæ ac Parmæ hycemavit, res suas inde prosecuturus.

† Idem ad annum sequentem n. 16. „Ad quæ decernenda (qua decreta sunt Sess. 7. & 8.) putamus eos (qui in Concilio congregati erant) audientiores factos, ex eo, quod inter hæc Sigismundus Romanorum Rex Senis existens die vigesima secunda Novembris diploma promulgasset; quo restatus est se ab initio fuisse Concilio Basileensi, & impostero ei pro viribus patrocinaturum, nec permissurum ejus auctorita-

tem

„ tem & libertatem in aliquo labefactari. Qui  
 „ quidem post transactam Parmæ & Placentiæ  
 „ hyemem, Lucam & Senas civium vocatio-  
 „ ne adversus Florentinos ipsos vexantes acce-  
 „ dens, totum pene reliquum anni iis partibus

„ nihil aut perparum agens consumpsit &c. „  
 [4. 5. 6.] Jacobus Rehwien civis Viena-  
 nensis in Annotationibus suis.  
 [7.] Ex litterarum monumentis.  
 [8.] Ex libello Magistrî vinearum.

## Annus Christi MCCCCXXXII, Monasterii CCXCIV.

*Pont. Rom.*  
 Eugenius IV.

*Imp. Rom.*  
 Sigismundus.

*Archi-Dux Austriae*  
 Albertus V.

*Episcopus Pataviensis*  
 Leonardus.

*Abbas Zweilensis*  
 Joannes I.

Cum anno priori Bohemi tam Con-  
 cilio, quam Sigismundi litteris  
 vocati essent Basileam, ut fidei suæ rati-  
 onem ostenderent, ipsi tamen tergi-  
 versantes in hunc usque annum iter di-  
 stulerunt. „ Nam inter ipsos erant duæ  
 „ sententiæ: Orphani & Thaboritæ &  
 „ plebs ferè omnis, eundem esse nega-  
 „ bant, Joannis & Hieronymi exem-  
 „ plum in medium afferentes, qui Con-  
 „ stantiani ad Synodum profecti sub  
 „ fide Sigismundi publicè combusti  
 „ fuissent. Nobilitas verò Mainardum  
 „ secuta Principem Novæ-Domus, Vi-  
 „ rum cordatum & ingenio dextrò, pe-  
 „ tendum esse Concilium prorsus aje-  
 „ bat, nec tolerandos videri, qui no-  
 „ vas peregrinasve de fide sententias,  
 „ novumque ritum religionis invenis-  
 „ sent, nisi didorum, factorumque  
 „ rationem Universali Ecclesiæ redde-  
 „ rent, & quæ vulgo inculcaverant,  
 „ coram doctis defenderent. Vicit  
 „ hæc sententia. Legatio trecento-  
 „ rum equitum Basileam missa, cujus  
 „ Principes fuere Gulielmus Cosca, non  
 „ tam equestri dignitate quam Eccle-  
 „ siarum direptione insignis: Procopius  
 „ cognomento Rafus, idemque magnus  
 „ multis victoriis, magnisque sceleribus  
 „ nobilitatus: Joannes Rochezana,  
 „ Pseudo-Pragensium Apostolus: Nico-  
 „ laus Galecus Thaboritarum Sacerdos,  
 „ & Petrus Anglicus patriâ profugus,  
 „ ac tolis elenchis in disputatione con-  
 „ fidens. „ \* [1.] In his legatis Bo-  
 hemorum tum evocandis, cum dedu-

cendis securè, magnam præstitère  
 „ operam Concilii jussu & nomine, Jo-  
 „ annes Gelhusius ob dexteritatem in-  
 „ genii ac regionum & rerum experi-  
 „ entiam excellens, Monachus Ordinis  
 „ Cisterciensis, Mulbrunnæ professus.  
 [2.] Et Abbas Eberaccensis ejusdem Or-  
 dinis Monasterii in Franconia, aliique  
 plures. Bohemi non adeo fidebant,  
 unde hic quoque annus protractus est,  
 nec inchoatum iter: interea tamen per  
 legatos Concilii atque finitimos Principes  
 Egæ, ubi conventus indictus utrius-  
 que partis erat, eò res deducta est,  
 ut præfatos Principes legatos Bohemi  
 cum aliis eorundem focis Basileam to-  
 tius regni nomine tandem dirigerent,  
 [3.] qui anno sequenti primùm ad Con-  
 cilium pervenerunt.

Dum hæc circa Bohemos aguntur,  
 Alberto Archi-Duci Austriae per Sigis-  
 mundi Cæsaris absentiam res in Moravia  
 & Austria satis quietæ fuerunt. Solus  
 turbare aliquid conatus Soccolius, vul-  
 gò Scheckl, cum tumultuaria prædona-  
 rum manu Austriae fines ingressus, vin-  
 demiatores infestabat, qui a vicinis Pro-  
 ceribus fufus ac fugatus est, sexcenti  
 abjectis armis capti, Viennam deducti  
 sunt. [4.] Fuit Soccolius Moravus  
 homo facinorosus, qui in Austria bello  
 intestino Laam civitatem astu occupa-  
 verat, & presidio latrunculorum muni-  
 erat, unde tunc quoque in vicinis  
 agros excurrens prædas agebat, quæque  
 agi aut ferri minùs poterant, ferro &  
 igne corrumpebat, [5.] Memorat

E c 2

Gerar.

Gerardus suprà citatus hoc anno Soccolium à vicinis Proceribus solum ac fugatum esse, inter quos ego numero etiam Chünringios Fundatores nostros, qui in castro Seveldensi tunc sedebant in finibus Austriæ & Moraviæ sito. De Soccolio plura scripsi anno priore & certiora.

Porro Sacer Ordo noster Cisterciensis tanquam membrum S. R. Ecclesiæ in Generali Basileensi Concilio deesse non debuit, unde quidam ad id Concilium in Generali Capitulo lecti Abbates mittendi, petierunt ab universi Ordinis ejusdem Coabbatibus suis tum itineris, cum moræ Basileæ trahendæ expensas, sine quibus neque ipsi proficisci, neque vivere ibi valerent. Quare etiam in Germania, & in Austria à Monasterio- rum Ordinis nostri Abbatibus ejusmodi subsidium petutum est. Petiit à Monasterio Zwetlensi licet ab Hussitis destructo & combusto (quod miror) Joannes Abbas Runensis, Saltzburgerensis Diocesis, à Generali Capitulo ejusmodi

subsidii collector per Austriam constitutus certam pecuniam, utrum tamen petitam omnem acceperit, non constat. Fatetur autem chyrographò suò se à Joanne Abbate in Zwetl recepisse sex florenos pro subsidio à Capitulo Generali novissimo injuncto, & in expensas & sumptus Ambasiatorum dicti nostri Ordinis ordinato, qui ad præsens Sacrum Generale Basileense Concilium missi sunt, aut adhuc mittentur. Data est littera in Monasterio Zwetl in die S. Udalrici Episcopi, 4. Julii, annò 1432. [6.] Fuerunt in Concilio sæpefatto nostri Ordinis Abbates: Joannes Abbas Cisterciensis Generalis; Abbas Eberacensis ex Franconia; Joannes Abbas Mulbrunnensis ex Wirtenberga una cum Monacho suo Joanne Gelhusio Viro prudenti, de aliis mihi non constat. [7.] Ex littera autem præfata conicitur Monasterium Zwetlense jam in aliquot tectis fuisse resecum, & loca ad habitandum parata, cum hinc Abbas cum nonnullis Fratribus moraretur.

## ADDITIONES.

\* [1.] Aeneas Sylvius c. 49. exscriptus, ubi sic profequitur: „ Effusus extra mcenia „ Urbanus populus, ex Synodo quoque complures adventum fortissimæ gentis pro portis expectavere. Alii frequentes in plateas, quæ transitus esset, convenere, matronæ, pueri, puellæ fenestras atque tecta complere: Alii hunc, alii illum digitò designare, peregrinos habitus, non visa prius vestimenta mirari, horribiles hominum facies, truces notare oculos, non esse alienum dicere ab ea hominum specie facta, quæ fama prodiderat. In unum tamen cuncti Procipuum designare lumina, illum esse, qui toties fidelium fudisset exercitus, qui tot oppida subvertisset, tot hominum millia necidisset, quem sui pariter atque hostes metuerent, invictum ducem, audacem, intrepidum, neque labore, neque timore superandum. „

[2. & 3.] Idem in Additione ad cap. 50. Historiæ Bohemicæ, editionis Germanicæ, ex Bibliotheca C. V. Marquardi Freheri An. 1602. „ Cum Bohemi in erroribus suis peristerent, „ & primitivam ac Apostolicam Ecclesiam ja- „ stantes à Romana Sede perinatius evaria-

„ rent: exulceratis nimirum illorum animis ob „ Joannis Hussi & Hieronymi Pragensis ex- „ stionem missus est in Germaniam Legatus „ Julianus, Cardinalis titulo S. Angeli, ut „ expeditionem appareret in rebelles Bohemos, quam Romana consuetudo Cruciatam „ appellat. Putabar enim Romanus Pontifex hanc gentem à Germanis facile posse superari. Verum res aliter evenit. Nam „ nostris sapius in fugam versis, tantum vicinis omnibus terrorem incusserunt, ut nihil aliud quam pacem optaret Germania. Rebus itaque non succedentibus, cum semper Bohemi superiores essent, quamquam à novo jam Pontifice Eugenio sententiâ anathematis damnati, opimum factu visum est, si Basileam, ubi nuper indictum erat Concilium, vocarentur. Quare Cardinalis Julianus eò loci præmisit Johannem Polomarium Pontificii Juris Doctorem, Sacrique Palatii Auditorem, & Johannem de Ragusio Theologiam Professorum Ordinis Prædicatorum tum Procuratorem Generalem, qui postea Argensis Episcopus factus, etiam in Cardinalium numerum meruit recipi, titulum Sancti Xisti indeptus. Qui cum Basileam „ venis-

venissent, An. 1437. mense Augusto, voca-  
runt literis ad Concilium Johannem Mul-  
brunnæ Abbatem, & Joannem Gelhusium  
ejusdem Coenobii Monachum. Nam hoc  
homine propter dexteritatem ingenii, & re-  
gionum ac rerum experientiam, inprimis  
opus erat ad obeundas legationes. Abbas  
aliis negotiis distentus non venit: Johan-  
nem tamen morbo paulò antè vexatum, &  
adhuc valetudine non satis confirmata, Ba-  
sileam misit. Quò non multis post diebus  
Julianus quoque pervenit, ut promiserat.  
Is statim Johannem Gelhusium, & Hamma-  
num Offenburgium, Consulem Basileensem,  
primum ad Sigismundum Cæsarem, Feldkir-  
chii tum agentem, deinde ad Fridericum  
Ducem Austriæ mittit pro componendo  
bello, quod huic erat cum Philippo Duce  
Burgundiæ. Fiebat hoc ut reddita pace,  
tutò liceret Basileam venire, non solum  
Proceribus Ecclesiasticis, sed & mercatori-  
bus, atque adeo omnia, quæ ad victum per-  
tinent, importare. Hanc legationem  
obeuntes, litteras acceperunt à Sancta Sy-  
nodo, Sigismundo Cæsari reddendas, qui-  
bus Bohemi & Moravi ad Concilium vo-  
cabantur: has ille mox in Bohemiam per-  
ferendas curavit. At eum in Italiam pro-  
ficisceretur Imperialem à Pontifice coronam  
suscepturus, protectorem interim velut Vi-  
carium Sacro Concilio dedit Wilhelmum  
Baviæ Ducem. Porro cum Synodus mo-  
nita fuisset, nostros condiciones pacis à Bo-  
hemis accipere velle post scdam illam fu-  
gam, arbitrans hoc ignominiosum esse,  
misit Joannem Niderium Ordinis Prædica-  
torum Theologum, & Johannem Gelhu-  
sium, qui commodum redierat, ut vicinum  
Bohemis populum consolarentur, & Mora-  
vos Bohemosque ad Concilium antè voca-  
tos, ad veniendum sedulò urgerent. Hi  
tertiò Calendas Novemb. Basileà disce-  
dentes, Monacum versùs (oppidum id est  
Baviaræ) iter instituerunt. Ubi cum pri-  
mum Wilhelmum Ducem, & hujus fratrem  
Ernestum, atque Ernesti filium Albertum

salutassent, & mandata legationis suæ ex-  
posuissent, ipsūque Wilhelmum monuis-  
sent, ut quamprimum Basileam veniret,  
quòd ei tutela Concilii commissæ esset à  
Cæsare, mox Fridericum Marchionem  
Brandeburgi, Johannem Ducem Baviaræ,  
& Senarum Nurenbergensem, ac alios Prin-  
cipes & Dominos partim litteris Synoda-  
libus, partim etiam ore suo sunt adhor-  
tati, ut nullo pacto fœdus cum Bohemis  
inirent, quod Ecclesiæ nocere posset: ad-  
futurum mox auxilium. Rogabantque no-  
mine Concilii, ut si Bohemi legatos suos  
Basileam mittere vellent, deducerent eos  
per suam quique regionem salvos. Omnes  
se hoc facturos receperunt. Hæc Syl-  
vius, qui historiam fusè prosequitur.

[4.] Gerardus de Roólib. 5. ad litteram,  
ubi sic prosequitur: „ Taboritæ verò ob ir-  
ritos exteriorum conatus insolentiores facti,  
& pro libito omnia per Boëmiam admini-  
strantes, domesticis quoque graves fieri  
cœperant. Nobiles igitur nonnulli, præ-  
sentem rerum statum commiserati, arma in  
eos capiunt, præliis aliquot superiores,  
utrumque Procopium cadunt. Reliqui  
amissis ducibus parvo negotio subjugati.  
Nobilium primi erant Meinardus à Nova-  
Domo, & Alcio Rosembergicus, cum qui-  
bus Pragenfes, & Pelsinenses socia arma  
conjunxerant. „

Cuspinianus in Cæsarib. sub Alberto V.  
Cum verò prædones quidam duce Sockol  
per Austriam palantes, ac vagabundi ober-  
rarent, ab Australibus capti, laqueis, igne,  
ferroque mox absorpti sunt. „

[5.] Gerardus de Roólib. 4. ad litteram.  
[6.] Ex Autographo ipsius.

[7.] Sylvius suprâ sub n. 2. & 3. relatus.  
Jongelinus in Notitia Abbatiar. Ord. Ci-  
sterc. lib. 2. in serie Abbatum Mulbrunnen-  
sium fol. 68. „ Decimus octavus, Joannes de  
Geylenhausen, ex Carthusiano factus Prior  
in Stams Ordin. Cisterc. deinde hujus loci  
Abbas, Concilii Basileensis Legatus ad Bo-  
hemos. „

Ann. Christi MCCCCXXXIII. Monasterii CCXCV.

Pont. Rom.  
Eugenius IV.

Imp. Rom.  
Sigismundus.

Archi-Dux Austriæ  
Albertus V.

Episcopus Pataviensis  
Leonardus.

Abbas Zwetlensis  
Joannes I.

Imperator Sigismundus cum jam sex  
menses Senis substitisset cum magna

populi Senensis expensâ, tentatam fru-  
stra cum Florentinis pacem omittens, ad  
F f



ad Eugenium conversus, inito cum eo foedere Annò MCCCCXXXIII. septimâ Aprilis, pax inter eundem Eugenium & Sigismundum Regem Romanorum die Martis publicata tubarum sonitu, hilaritas populi, & publica lætitia habita. Prædictò igitur annò MCCCCXXXIII. die 21. Maji Sigismundus Rex Romanorum in urbem venit, magnâque pompâ ingressus per portam Castelli pergens ad Basilicam S. Petri, ante cujus gradus à Pontifice solenniter susceptus est, & ambo Basilicam ingressi sunt. Ulkima verò die Maji Sigismundus ab Eugenio Imperator coronâ aureâ redimitus in dictâ Basilica omni populo Romano inspectante salutatur, post breve colloquium Papa equum ascendit, cujus frænum Imperator tribus passibus tenuit, inde ipse quoque consensò equò, Pontifice illum usque ad Castellum Sancti Angeli comitante, ad Lateranensem Basilicam tetendit, ubi Arâ Templi maximâ osculatâ ad SS. Quatuor Coronatos pransurus accessit, atque hinc in palatium ad gradus S. Petri quieturus devenit. Tandem cum bona Eugenii gratia Annò MCCCCXXXIII. die 13. Augusti abiens

per portam Salariam, per Picanos & Flaminiam iter faciens, Ferrariam atque Mantuam pervenit, ubi dies aliquot immoratus Joannem Franciscum Mantuæ Dominum Marchionali dignitate additis Imperii insignibus ornavit. \* [1.] Deinde Basileam ad Concilium perveniens dissiديوque Patrum, quod tunc erat cum Eugenio, ad tempus sedatò, Ulmam se contulit. Ea est Sueviæ civitas ad ulteriorem Danubii ripam sita. Licius amnis, qui Suevos à Bojariis disterninat, è regione urbis in majori flumine exoneratur.

Porro Jacobus Reuchwin de Austria sequentia hoc anno refert: „ Annò „ 1433. sextâ post Annuntiationis S. „ Mariæ, vel in die Rudberti, Elisabeth „ consors Alberti V. Ducis Austriae, & „ Filia Regis Sigismundi Romanorum, „ Ungariæ & Bohemiæ &c. peperit pri- „ mogenitam filiam Annam nomine „ horâ quintâ post medium noctis, quæ „ ætatis prædictæ Ducissæ XXV. „ Hæc citatus. [2.] Cuspinianus dat eam Gulielmo Saxoniz Duci uxorem „ [3.]

## ADDITIONES.

• [1. 62.] Ciaconius in Eugenio IV. sermè ad litteram ita prosequens: „ Quem „ (*Imperatorem*) progredientem ad Basilicam „ Lateranensem Papa comitatus est usque ad „ Molem Hadriani, in cujus ponte multos „ tum Italos, tum Germanos, ut Imperato- „ rum mos est, in Equestrem Ordinem adsci- „ vit, qui sculpti sunt in valvis arcis S. Petri „ versùs dexteram. Papa verò ad S. Petrum „ rediit. „

Æneas Sylvius Hist. Bohemic. c. 52.

Gerardus de Roë lib. 5. „ Sigismundus „ Cæsar in Italiam profectus, Romæ ab Eu- „ genio coronam solenni ritu suscepit. Post „ in Germaniam reversus, Basileam primùm, „ unde post conciliatum Synodi Patribus Eu- „ genium Ulmam venit. „

Cuspinianus in Cæsarib. sub Sigismundo.

Ottavius de Strada sub Sigismundo,

Aventinus Annal. Boior. lib. 7.

Spondanus ad hunc ann. n. 14. „ Verùm „ ut ---, expediamus jam expectatam diu

„ Sigismundi coronationem; cùm is Urbi ap- „ propinquaret, Eugenius Pontifex obviam „ illi destinavit aliquos Cardinales, & plures „ Prælatos, ac Procures Romanorum; qui „ magno honore eum deduxerunt, Clero, „ populòque ingenti pompa ac plausu comi- „ tante. Ipseque Pontifex ad gradus Basilicæ „ Vaticanæ cum magno apparatu eum exce- „ pit ad pedis & oris osculum, ipso die Ascen- „ sionis Dominicæ duodecimò Calendas Ju- „ nii. Prædie verò earundem Calendarum, „ nempe festò Pentecostes, sollemnissimis cæ- „ remoniis coronatum, Imperatorem Augu- „ stumque appellavit; præstitò priùs ab eo con- „ suetò juramentò de fidei Catholicæ & Ro- „ manæ Ecclesiæ aliarumque, ac iurium „ omnium privilegiorumque earundem de- „ fensione & conservatione.

„ Redeuntem à Vaticano, ubi coronam „ accepit, ad Lateranum, ubi diverterat, Pon- „ tifex usque ad pontem Hadriani comitatus „ est eques equitem, sed stratoris munere „ in

„ in ascensu Pontificis, & aliquot passuum  
 „ incessu pedibus de more functum. E ponte  
 „ redeunte Pontifice ad S. Petrum, ibi Imperator,  
 „ uti mos erat, multos tum Italos, tum  
 „ Germanos in Equestrem Ordinem ascivit.  
 „ Moratus aliquandiu pacificè Romæ, cum  
 „ bona venia Eugenii Pontificis abiens per  
 „ Picentes & Flaminiam, Ferrariam atque  
 „ Mantuam pervenit; & Joannem Franciscum  
 „ Gonzagam Mantuæ Dominum Marchionali  
 „ dignitate additis Imperii signis ornavit, ac  
 „ per singulas civitates pluribus contulit mi-  
 „ litiam, Doctoratum, & varias dignitates.  
 „ Demumque trans Alpes abiit; & quidem  
 „ tanta varietate animi, vel fortunæ, ut ini-  
 „ micissimus Philippo Mediolanensi abierit,  
 „ ejus hortatu Italiam intrasset; Venetorum  
 „ autem, quibus maxime inimicus venerat,  
 „ amicissimus: à quibus etiam magnis hono-  
 „ ribus per eorum fines iter faciens affectus est.  
 „ Ita enim de coronatione & subsecuto iti-  
 „ nere Sigismundi Blondus, Antoninus, Pla-  
 „ tina, & alii. Qui autem ejus coronatio-  
 „ nem anno præcedenti posuerunt, errasse  
 „ certum est. „  
 „ [3.] Jacobus Rechwein in Annotatione  
 „ sua.  
 „ [3.] Cuspinian. in Austria sub Alberto V.

„ Genuit & Albertus V. filias duas, Annam  
 „ scilicet, Guilhelmi Ducis Saxonie uxorem,  
 „ & Elizabetham Casimiri Regis Polonie con-  
 „ jugem, quæ longè superavit Lampedonam  
 „ illam apud Veteres; quæ scilicet fuit filia  
 „ Regis, Alberti scilicet V., soror Regis La-  
 „ dislai; mater quatuor Regum, Joannis Ale-  
 „ xandri, Alberti, Vladislai, Sigismundi, &  
 „ Friderici Cardinalis, avia Regis Ludovici  
 „ Regis Hungarie & Bohemie, & uxor Regis.  
 „ Quis mihi similem ostendet matronam, quæ  
 „ filia Regis, soror Regis, uxor Regis, & ma-  
 „ ter quatuor Regum, & avia Regis fuerit?  
 „ At talem faminam produxit Domus Austrie  
 „ decantatissima, Deo amabilis & accepta „  
 „ Piespordius. „ Anna IV. Austriaca nupta  
 „ Wilhelmo Duci Saxonie, Friderici Land-  
 „ gravii Thuringie, ejusdemque familie Ele-  
 „ ctoris Saxonie primi filio, Friderici II. Ele-  
 „ ctoris fratri. „

Pontus Heuterus de Habsburg. origine in  
 Apparatu suo cap. 4. „ Reliquit Cæsar Alber-  
 „ tus ex Elisabetha Lutsemburgica, aut potius  
 „ Bohema, liberos tres; Elizabetham uxorem  
 „ Casimiri Polonie Regis, quem post fratris  
 „ mortem Hungarie ac Bohemie Regem fecit;  
 „ Annam uxorem Guilhelmi Saxonie Du-  
 „ cis &c. „

## Ann. Christi MCCCCXXXIV. Monasterii CCXCVI.

*Pont. Rom.*  
 Eugenius IV.

*Imp. Rom.*  
 Sigismundus.

*Archi-Dux Austrie*  
 Albertus V.

*Episcopus Pataviensis*  
 Leonardus.

*Abbas Zwetlensis*  
 Joannes I.

**E**ugenius Pontifex Romæ in magna  
 discrimine versabatur, nam popu-  
 lus Romanus ad libertatem aspirans, ex  
 eo quod de ablatis ejus pecoribus nul-  
 lum ei auxilium à Pontifice præstaretur,  
 insuper à Camerario ejus nepote lude-  
 rentur, ad arma conelamavit, his sum-  
 ptis in Capitolium irruunt, multis vul-  
 neribus Senatorem fauciant, & trans Ti-  
 berim prætergressi, ubi Papa existerat,  
 Camerarium ejus capiunt, & in Capi-  
 tolino carcere recludunt. Eugenius au-  
 tem his auditis Anno MCCCCXXXIV.  
 die tertiâ Julii ex palatio suo Transtibe-  
 rino lintre vectus, mutato habitu sum-  
 ptoque Monastico cucullo, unâ cum  
 Arsenio Monacho S. Pauli navigans,

ad Ostia Tiberina pervenit: cùm subi-  
 to Romani quidam cognitâ hominis fu-  
 gâ selectam juventutem transmittentes,  
 qui ejus cursum sagittis & saxis jactis  
 impedirent, ad Ostia usque Tiberina  
 cum injuriis & contumeliis lacescen-  
 tes & inclamantes furem, prædonem &  
 pædiconem. Ad Ostia verò prædicta  
 paratam triremem inveniens Pontifex  
 in eandem conscendit Nonis Julii, ea-  
 demque Pisas deinde Florentiam per-  
 venit. Ubi ad tollendum Concilium  
 Basileense conversus, illud quidem pri-  
 mò ex Basilea Bononiam transfert, Car-  
 dinalium omnium qui secum aderant  
 consensu, sed Imperator, alique Prin-  
 cipes & Prælati, qui tunc Basileæ erant,  
 F f 2 non

non mōdò Pontifici non obtemperarunt, sed etiam ipsum bis tēque monuerunt, ut Basileam unā cum Cardinalibus proficisceretur, aliter se in eum acturos ut in prævicatorum & contumacem. Motus istis verbis Eugenius Basileense Concilium litteris Apostolicis confirmavit. Vexabatur enim undique bellis, ut vix ei respirandi facultas daretur. \* [1.]

Dum hæc Romæ geruntur, interea Bohemorum Legati in Concilio Basileæ rationem suæ fidei dabant, proponentes quatuor articulos, quos sibi resolvere postulabant. Erant autem sequentes: „ I. De Communione Divinæ Eucharistiæ sub specie panis & vini. II. De Civili Dominio, quod Clericis interdictum divina lege dicebant. III. De Prædicatione Verbi, quam liberam omnibus arbitrabantur. IV. De publicis delictis, quæ nulla ratione toleranda putabant. „ [2.] Hos articulos cū Bohemi vehementer defenderent, & contra Patres Concilii vehementius impugnarent, nihilque remittere Bohemi vellent, dicentes se sinē populi Bohemiæ consensu, nihil diffinitum accipere audere: Legatos unā cum ipsis Concilium in regnum ablegavit, qui fuere: „ Philibertus Constantiensis in Normannia Antistes; Petrus Augustensis Episcopus, Joannes Polomarius Archi-Diaconus Barcinonensis, Juris Pontificii Professor; Fredericus Parsperger Præpositus Ratisponensis; Ægidius Carlerius Decanus Cameracensis; Alexander Sparur Juris-Consultus, Anglus; Thomas Haselbachius Theologus Viennensis; Henricus Toccius Canonicus Magdeburgensis, Theologus; Martinus Bernerius Decanus Turo-nensis, & Joannes Gelhusius Monachus Mulbrunnensis. „ [3.] Hi 14. Aprilis hoc anno Basileā discesserunt. Et tandem Pragæ sollemnissimè recepti, quo populus ingens tam Hussitarum, quàm orthodoxorum conflue-

rat, ubi quatuor illos articulos publicè nomine Concilii declararunt, qui ad longum in Ænea Sylvio describuntur, [4.] quò Lectorem cupidum remitto.

Vix rediērant Legati, dum Thaboritæ & Orphani suam belli fortunam considerantes superbiunt. Mainardo Novæ-Domus Principi ceterisque Nobilibus infensi esse caperunt, eorūque suspectas actiones habere, tanquam Concilio auscultarent. Neque vana opinio. Convenēre namque sæpe inter se Barones, errorem suum recognoscere, miseros se dicere, qui cū Regis imperium abdicaverint, Procopii jugum ferant, illum Dominum esse, illum pro sua libidine provinciam regere, vexigalia exigere, tributa imponere, delictum habere militum, exercitum, quò velit, ducere, rapere, spoliare, occidere, nullum pati, qui suis consiliis adverteatur, nobiles juxta atque ignobiles ei mancipia esse, &c. Placet igitur accersire publicè conventum procerum & civitatum, in quo regni status reformetur. In eo Meinardus, ubi Bohemos ex præsentī rerum statu deplorasset, deligendum unum esse ex nobilitate ducem, cujus potestas annua sit, nonnullosque ei adjungendos, quorum consilio domi bellique Remp. administret. Ne verò usurpare sibi Barones imperium viderentur, ex media nobilitate assumendum ducem consuluit. Itum est favente conventu in sententiam Mainardi, Alscio Risenburgensis antiquæ nobilitatis homo sed tenui censu dux gentis declaratus, quem Capitaneum vocavere. Ceterum majestatis insignia penes eum fuere, autoritas apud Mainardum extitit. Procopius his cognitis, Orphanos & Thaboritas in expeditionem ducens ad urbem Pelzinam, quam fideles incolebant, castra ponit, atque undecim continuis mensibus pertinaci obsidione crebrisque oppugnationibus urget. Oppidani extrema omnia passi ac jam fame pereuntes ad Synodum Basileensem misere oratum, ne fidelem urbem

bem in manus hæreticorum pervenire sinerent. Patres, quibus non esset publicum ærarium, ex privato argento symbolum dedere, auri octo millia nummum Mainardo mittentes, qui collecto exercitu subveniret obsessis. [5.]

Circa Monasterium nostrum hæc occurrunt: Joannf de Lewbs in officio & dignitate Abbatiali succedit per Canoniam electionem Joannes ejus nominis II. dictus à patria sua Raftenvelder. De successione hujus omnes loquuntur, attamen non Joannem de Lewbs, quem nullum seiverunt, sed vel Michaëlis vel

Alberti fisci successorem pronuntiant, Testimonium hujus meæ sententiæ de duobus Abbatibus Joannis nomine insignitis infra suò loco (Annò 1436.) subijciam, ex quo ista clariora fiant. Ceterum Joannem II. Abbatem factum esse recentior Abbatum Catalogus Annò MCCCCXLI. Chronosticorum verò Authòr Annò MCCCCXLIII. opinantur: verum patet ex frequentibus ipsam Abbatem extitisse A. MCCCCXXXVII. MCCCCXXXIX. MCCCCXL. Atque hæc de illo; suprà (Annò 1429.) vide plura.

## ADDIT IONES.

\* [1.] Ciaconius in Eugenio IV. „ Militaverat priùs sub Eugenio Nicolaus, & ejus  
„ nomine Præfectum Vici, Vetralla, & Civitate Veteri spoliaverat. Verum cum postea Nicolaus stipendia sua posceret, respondit Eugeniùs, tantum prædæ ex castellis cum  
„ avexisse, maximè ex direpto Vico, ut ei pro stipendio sat esse possent.  
„ Quamobrem indignatus Nicolaus, Agrum Romanum ingressus tantum tumultum concitavit, ingenti præda tum hominum tum pecorum abacta, ut Eugeniùs aliquamdiu incertus remanserit, quorsum iret.  
„ Concurrebant Romani cives ad Eugeniùm questum de illatis injuriis, quos Pontifex bonè potissimum tempore consilii expers & còpæ valetudinis ad Franciscum Camerarium remittebat: qui otio & voluptatibus deditus nihil aliud respondebat, cum crebrè de ablatis pecoribus querelæ fierent, nisi eos nimiam spem in pecoribus collocasse, Venetos quidem sine gregibus & jumentis longè urbaniorè vitam ducere. Indignati hujusmodi responsò Romani, invitatis Colunnensibus sub alto clamore ad arma, & libertatem conclamârunt, pulsus omnibus Eugeniùs Magistratibus, ac capto Francisco Camerario, novos ipsi Magistratus creant. Septem fuerunt è civibus Romanis, quos ipsi gubernatores appellabant, penes quos vitæ ac mortis hominum summa potestas erat. Magistratus præterea creârunt annò 1434. die vigesima sexta Octobris, in Vigilia Sanctorum Apostolorum Simonis & Judæ clamantes: Vivat populus, & Romana libertas; Sabbathò horâ vigesimâ secundâ & nocte mox sequente Capitolium occupâ, vère, & multis vulneribus Senatorem sauciârunt, & trans Tiberim prætergressi, ubi

„ Papa existerat, Camerarium S. R. E. ejus nepotem ceperunt, & in Capitolino carcere recluserunt: eo die profecti Cardinales Ursinus, & de Comitibus, intra ædes Pauli Gocci se addiderunt usque ad diem 2. Julii. Cùmque publicè edictò caveretur sub capitali pœna, ne quispiam Princeps aut Baro Romæ existeret; Cardinalis de Comitibus scaphâ vestus, quartâ horâ noctis occultè ad Arcem se S. Angeli recepit.

„ At verò Eugeniùs in tanta rerum perturbatione, incertus quid potissimum faceret, de fuga cogitare cœpit. Annò igitur 1434. die 3. Julii è Palatio suo Transiberino lintre vestus mutato habitu, sumptuòsè que monastico cucullo, unâ cum Arsenio Monacho S. Pauli navigans ad ostia Tiberina pervenit, &c. - - - Eugeniùs ad tollendum Concilium Basileense &c. „ *ut in textu nostro.*

Spondanus hic n. 4.  
[2. & 3.] Paralipomenon ad Urspergensè sub Concilio Basileensi  
Spondanus rejicit hoc ad annum præcedentem n. 15.

[4.] Æneas Sylvius suprâ ad annum 1432. sub n. 2. & 3. relatus ita profecquitur: Proposuerunt autem apud Pragam in publico nobilium & plebejorum conventu, declarationes trium articulorum in forma sequenti:

„ Quoniam circa doctrinam veritatis sic sobriè & cautè incedendum est, maximè à Sacro Generali Concilio, ut veritas declaretur, verbis sic ordinatè conceptis, ut nulli sit in futurum offendiculum, ubi possit impingere, & habere occasionem erroris, & (ut verbis utamur Beati Isidori) *ne aliquid per obscuritatem in captione contineat.* Circa materiam de cohibitione & correptione

G g

„ ne

ne peccatorum, in qua posuistis articulum sub iis verbis: *Omnia peccata mortalia, & praesertim publica, per eos, quorum interest, rationabiliter & secundum legem Dei cobibentur, corrigantur, & eliminantur.* Ecce verbum, per eos, quorum interest, nimis est generale, & posset esse offendiculum. Et juxta Scripturæ sententiam non debemus ponere offendiculum ante cæcum: & claudendæ sunt fossæ, ne bos vicini ibi lædatur: omnis talis occasio tollenda est. Dicimus ergo, quod secundum Scripturæ Sacræ sententiam, Sanctorumque documenta Doctorum sic catholicè est tenendum: *Quod omnia peccata mortalia, praesertim publica, quantum rationabiliter fieri potest, secundum legem Dei, & Sanctorum Patrum instituta sunt cobibenda, corrigenda, & eliminanda.* Potestas autem puniendi criminosos, non ad privatas personas, sed ad eos tantummodo pertinet, qui jurisdictionem habent in eos fori, distinctione juris, & justitiæ ordine observatis.

Circa materiam de prædicatione Verbi Dei, in qua posuistis articulum hoc tenore: *Quod Verbum Dei à Sacerdotibus Domini, & Levitis idoneis liberè ac fideliter prædicetur:* Ne ex verbo: *liberè*, sumeretur occasio vagæ & dispendiosæ libertatis, quam nec vos (ut sæpe dixistis) intenditis, circumstantionandum est. Dicimusque quod secundum Scripturæ Sacræ sententiam, Sanctorumque documenta Doctorum sic catholicè est tenendum: *Quod Verbum Dei à Sacerdotibus Domini & Levitis ad hoc idoneis, & per Superiores, ad quos pertinet, approbatis & missis, liberè, non tamen possim, sed ordinatè & fideliter prædicetur:* Salva auctoritate Pontificis, qui est præordinator in cunctis, juxta Sanctorum Patrum instituta.

Circa materiam articuli ultimi sub his verbis expressi: *Non licet Clero Christi, tempore legis gratia super bonis temporalibus seculariter dominari.* Meminimus, quod dum in Sacro Concilio super hoc disputatio ageretur publica & solennis, ille, qui ad disputandum per Sacrum Concilium extitit deputatus, duas conclusiones posuit sub his verbis: Prima, quod Clerici non Religiosi, seu qui votò se ad hoc non obligant, licitè possunt habere & possidere quacunque bona temporalia, hereditates paternas, aut aliorum, si eis relinquantur, & alia bona justè acquisita ex causa donationis, vel alterius licitè contractus, vel arte licita. Secunda, quod Eccl-

sia potest licitè habere & possidere bona temporalia mobilia & immobilia, domos, prædia, villas, oppida, castra, & civitates, & in eis habere privatum & civile dominium. Ille siquidem ex vestris Ambasiatoribus, qui disputabat, concessit easdem, dicens illas sensui sui articuli bene intellecto non contradicere. Cum ipse articulum suum intellexerit, de dominio civili formaliter intellecto. Ex quo & aliis posset intelligi, quod verba, seculariter dominari, in præferto articulo exposita ad aliquem specialem dominandi modum vel usum videantur referri. Sed quoniam doctrina Ecclesiæ non est verbis ambiguis pertractanda, sed plenè; propterea id, quod secundum legem Dei, & Sanctorum documenta Doctorum catholicè tenendum est, duximus exprimendum: Videlicet præmissas duas conclusiones esse veras, quodque Ecclesiastici veri bona Ecclesia, quorum sunt administratores, debent fideliter administrare, juxta Sanctorum Patrum salubria instituta. Ipsaque bona Ecclesia ab aliis, quam ab his, quibus administratio canonice est commissæ, usurpari sine sacrilegii reatu non possunt.

Sacrum Concilium, circa materias istorum trium articulorum curavit, semota omni ambiguitate, secundum veritatem Evangelicæ doctrinæ veros sensus exponere. Verum si circa ipsas materias aliquid dubietatis adhuc restat, juxta informationes, quas in Sacro Concilio accepimus, parati sumus super illis, prima veritate (quæ Deus est) largiente, vobis declarare veritatem. Si declarationem istorum trium articulorum, quæ veritati Sacræ Scripturæ innititur, suscipitis & amplectimini (prout tenemini) ac unitatem puram, simplicem & perfectam realiter & cum effectu vultis habere, super libertate Communione Sacramentissimæ Eucharistiæ sub duplici specie, quam postulatis, & desideratis, quàmque sine licentia Sanctæ Matris Ecclesiæ licitè non potestis habere, nos habemus potestatem à Sacro Generali Concilio, certò modò vobiscum tractandi, & concludendi, speramus taliter, ut mansuri sitis meritò confortati.

His explicatis, quia Domini Bohemi habita sua deliberatione, dixerunt se nolle super prædictis dare responsum, nisi prius super materia Communione, quid esset eis offerendum, audirent, opus fuit explanationem rei ita facere: quæ facta fuit, & in scriptis tradita sub forma sequenti:

,, In

„ In nomine Domini, & Salvatoris nostri  
 „ JESU Christi, de cuius Sacratissimæ Eucha-  
 „ ristis Sacramento tractaturi sumus, ut ipse,  
 „ qui hoc Sacratissimum Sacramentum insti-  
 „ tuit, quod est unitatis, quod designat, ut videli-  
 „ cet simus unum in ipso Domino JESU Capite  
 „ nostro, & ut ipse contraerit versutias  
 „ diaboli, qui suâ malignâ astutiâ ex Sacra-  
 „ mento pacis & unitatis occasionem bello-  
 „ rum ingessit: ut dum de modo communi-  
 „ candi Christiani contendunt, communionis  
 „ fructu priventur. Unde Beatus Augustinus  
 „ in sermone de Infantibus, in Decretis de  
 „ Consecrat. dist. 2. Quia passus: *Ita Domi-  
 „ nus noster JESUS Christus nos significavit,  
 „ nos ad se pertinere voluit, mysterium pacis  
 „ & unitatis nostra in mensa consecravit.*  
 „ Qui accipit mysterium unitatis, & non te-  
 „ net vinculum pacis, non mysterium accipit  
 „ pro se, sed testimonium contra se. Hoc  
 „ ante omnia duximus præmittendum, quod  
 „ consuetudo Generalis Ecclesiæ (quam etiam  
 „ patres vestri, & vos ipsi olim servastis) per  
 „ longissima tempora hoc habuit, & habet;  
 „ quod non deficientes, sub specie panis  
 „ tantum communicant. Quam consuetudi-  
 „ nem ab Ecclesiâ & Sanctis Patribus rationa-  
 „ biliter introductam, & diutissimè observa-  
 „ tam, non licet reprobare, aut sine Ecclesiæ  
 „ auctoritate pro libito immutare.

„ Igitur dictam consuetudinem Ecclesiæ  
 „ immutando, assumere usum communicandi  
 „ populum sub utraque specie, absque autho-  
 „ ritate Sanctæ Matris Ecclesiæ licitum non  
 „ est, sed illicitum. Sancta verò Mater Ec-  
 „ clesia suadentibus causis rationabilibus fa-  
 „ cultatem communicandi populum sub utra-  
 „ que specie potest concedere & elargiri. Et  
 „ talis communio, quæ sine auctoritate Ec-  
 „ clesiæ attentata, esset illicita; cum de au-  
 „ thoritate & licentia Sanctæ Matris Ecclesiæ  
 „ fiet, erit licita, si alia non impediunt. Si  
 „ alia non impediunt, propterea diximus;  
 „ quoniam (ut ait Apostolus) qui manducat  
 „ & bibit indignè, iudicium sibi manducat &  
 „ bibit. Unde Beatus Isidorus, & habetur de  
 „ Consecrat. distinct. 2. Qui sceleratè vi-  
 „ vunt, & in Ecclesiâ communicare non desi-  
 „ nunt, putantes se tali communione man-  
 „ dari, discant nihil ad emendationem profe-  
 „ cere sibi. Et Augustinus eadem Distinct.  
 „ Et sancta malis nocere possunt, bonis sunt  
 „ ad salutem, malis ad iudicium. Sunt ad  
 „ hoc plures auctoritates. Etenim inter pri-  
 „ mos communicantes Apostolus Judas fuit;  
 „ sed quia indignè suscepit, prodicionis pec-

„ catum habens in corde, sibi nihil profuit.  
 „ Quin imò ex tunc diabolus in eum majore  
 „ rem exercuit potestatem. Ratio hoc ma-  
 „ gna demonstrat. Quis vestrum Dominum  
 „ suum in hospitium suscepturus non cum  
 „ omni cura domum suam studeret mundare  
 „ pariter & ornare, ut ipsum Dominum pos-  
 „ set honestè suscipere? suscepturus igitur Do-  
 „ minum, & Salvatorem nostrum in hospitio  
 „ animæ, debet ipsam animam diligenter mun-  
 „ dare & ornare. Mundare per Sacramentum  
 „ Pœnitentiæ, cum amaritudine & contritio-  
 „ ne cordis, peccata sua humiliter purè &  
 „ integrè veraciter confitendo, & suscipiendo  
 „ satisfactionem debitam, & pœnitentiam  
 „ salutare. Ornare verò purpurâ sanctæ de-  
 „ votionis, ut sic corde purgato & fervore  
 „ devotionis ornato, accedat ad divinissimum  
 „ Sacramentum, in quo Deus est, mundum  
 „ reconcilians sibi. Admonet igitur exhorta-  
 „ tur, & præcipit Sancta Synodus, ut omnes  
 „ Sacerdotes exhortentur diligenter, & mone-  
 „ neant populum, & omne studium & solli-  
 „ citudinem adhibeant, ut nullus ad tam Sa-  
 „ cratissimum Sacramentum, nisi debitè præ-  
 „ paratus accedat, cum magna reverentia &  
 „ devotione, ne, quod pro animæ salute sus-  
 „ cipitur, in iudicium condemnationis re-  
 „ dundet, dum suscipitur indignè.

„ Præterea dicunt Doctores, quod dicta  
 „ consuetudo communicandi populum sub  
 „ specie panis tantum, ab Ecclesiâ & Sanctis  
 „ Patribus fuit rationabiliter introducta pro-  
 „ pter rationabiles causas, specialiter propter  
 „ duo pericula, scilicet erroris & irreveren-  
 „ tiæ. Erroris: fuit enim error Nestorii, cre-  
 „ dentium, quod sub specie panis sit sola caro  
 „ Christi, & sub specie vini solus sanguis Chri-  
 „ sti, quod est error. Nam veritas est, quod  
 „ sub qualibet specie est totus Christus vivus,  
 „ & integer, caro, sanguis, anima & divini-  
 „ tas. Et sub specie panis est totus Christus,  
 „ vivus & integer. Et sub specie vini non est  
 „ tantum sanguis, sed totus Christus vivus &  
 „ integer. Quoniam (ut ait Apostolus)  
 „ Christus resurgens ex mortuis jam non mori-  
 „ tur. Semel ergo tantum mortuus est, jam  
 „ non moritur, nec sanguis à corpore separa-  
 „ tur. Ut igitur huic errori obviaretur, &  
 „ magis imprimeretur fidelium mentibus,  
 „ quod sub qualibet specie est totus Christus:  
 „ dum non solum verbò, sed etiam ipsò signò  
 „ indicaretur, visum fuit utile esse sub una  
 „ specie tantum ministrari. Efficacius enim  
 „ imprimitur, quando cum doctrina verbali  
 „ sensuale aliud signum concurrit; id eo Sa-  
 „ cramenta & Sacrificia instituta sunt, ideo &  
 „ G g a „ Domi-

„ Dominus noster JESUS Christus in parabolis loquebatur, & Sapientes in parabolis loquuntur, ut dum cum doctrina sua similitudo representativa concurret, efficacius mentibus imprimatur.

„ Secundum periculum est irreverentiae. Etenim quamvis omnia Sacramenta cum magna reverentia sint tractanda, istud tamen divinissimum Sacramentum super omnia alia cum maxima & summa reverentia tractandum est. Alia siquidem Sacramenta sunt vasa gratiae divinae, non tamen per eam realem Domini nostri JESU Christi praesentiam obtemus: in hoc verò sacratissimo Sacramento Dominus noster JESUS Christus sub alia quidem forma, in propria verò substantia est nobiscum: ideo tractandum est cum omni studio & cautela, ne aliquid contingat, quod cedat in irreverentiam ipsius Sacramenti. Et cum in calice sit sub specie liquida, multa possunt contingere, quae cederent in irreverentiam ipsius Sacratissimi Sacramenti, tam ex parte ministrantis, quam ex parte suscipientis, quam etiam ex parte speciei vini, quae est magis ad alterationem suscipiendam disposita, quam species panis. Vos, qui praedicastis, per experientiam nostis. Nam Doctores de hoc multa dicunt, & nobis à fide dignis multa relata sunt: quae cum audivimus, exhortuerunt pili corporum nostrorum, & animi nostri nimio terrore concussi sunt. Dicitur est nobis accidisse, quod cum Sacerdos ad infirmum Sacramentum sub duplici specie distulisset, quando infirmo voluit de calice ministrare, nihil ibi reperit, totum, dum per viam agitando veniret, distillaverat. Et alibi cum manè diei Dominicæ ministraretur, quod ex praecedenti die fuerat reservatum, talis alteratio facta erat, ut qui suscipiebat, ferre non valens, emisit. Heu casus horrendi, & non sine magna cordis amaritudine referendi. Et multa alia hujusmodi nobis relata sunt. Et quisque volens prudenter advertere, poterit, quanta possint accidere, cogitare. At verò quam sint haec gravia ex Decreti sententia poteritis intelligere, de Consecr. Dist. 11. *Si per negligentiam aliquid de sanguine spillaverit in terra, lingua lambatur, tabula radatur: si non fuerit tabula, ut non conculeret sanguis, locus radatur, & igne consumatur, & cinis in Altari recondatur, & Sacerdos quadraginta diebus punitur. Si super linteam Altaris, & ad aliud stilla pervenerit, quatuor diebus punitur: Si usque ad tertium, octo diebus punitur: Si usque*

*que ad quartum, viginti diebus punitur. Et linteamina, quae tetigerit stilla, trabus vicibus minister abluit calice subterpositis, & aqua ablutionis sumatur, & juxta altare recondatur.* Præterea audivimus saepe contingere, quod Sacramentum in calice non sufficit multitudini communicantibus, & tunc fit noviter consecratio calicis tantum, & à Presbytero non communicante: quod est à Sanctorum Patrum doctrina plurimum alienum. Et etiam dicitur, quod aliqui interdum vinum non consecratum pro consecrato ministrant: quod maximum periculum est.

„ Fiet igitur isto modo, quod vobis suscipientibus Ecclesiasticam unitatem & pacem realiter & cum effectu, & in omnibus aliis, quam in usu Communionis utriusque speciei, fidei & ritui universalis Ecclesiae vos conformantibus: vos qui talem usum habetis, communicabitis sub duplici specie cum autoritate Ecclesiae. Et articulus ille in Sacro Concilio dicitur ad plenum, & videbitis, quid circa illum articulum pro veritate Catholica sit tenendum: & agendum pro utilitate & salute populi Christiani. Et omnibus maturè & digestè pertractatis, nihilominus si perseverantes in desiderio vestro, hoc vestri Ambasiatores postulaverint: Sacrum Concilium Sacerdotibus vestris communicandi sub utraque specie populum vestrum, eos videlicet, qui in annis discretionis constituti, reverenter & devotè postulaverint, auctoritatem & facultatem in Domino largietur; hoc semper observatò, quod Sacerdotes sic communicantibus semper dicant: *quod ipsi debent firmiter credere, quod non sub specie panis caro tantum, nec sub specie vini sanguis tantum: sed sub qualibet specie est integer totus Christus.*

„ Haecenus Decretum Sacri Concilii retulimus. Ad dubia autem & quaestiones Bohemorum, quas Magistri & Sacerdotes postea movebant, sic responderunt Oratores Sacri Concilii.

„ Primò dixerunt, quod non est intentionis Sacri Concilii permittere Communionem sub duplici specie permissione tolerantiae, vel sicut Judaeis fuit permissus libellus repudiij: quia cum Sacrum Concilium viscera maternae charitatis exhibere dictis Bohemis & Moravis intendat, non est intentionis Concilii permittere tali permissione, quae peccatum non excludat: sed taliter elargiri, ut auctoritate Domini nostri JESU Christi, & Ecclesiae verae sponsae suae sit li-

„ cita,

„cita, & dignè fumentibus utilis & salutis.

„Item cùm circa materiam de punitione peccatorum, fuisset per dictos Bohemorum Magistros & Sacerdotes dictum, quod ex Scripturis Sacris habetur, quòd interdum Deus excitat corda privatarum personarum ad correptionem & punitionem peccatorum; & sic videretur licere inferioribus corrigere suos Superiores, & punire.

„Responderunt, & ostendentes textum S. Augustini in Decretis. 33. *Qui percutit malos tu eo quòd mali sunt, & habet causam interfectionis, minister Dei est: qui vero sine aliqua publica administratione maleficum, furem, sacrilegum, adulterum, perjurum, vel quemlibet criminiosum interfecit, aut trucidaverit, vel membris debilitaverit, velut homicida iudicabitur: & tanto acrius, quanto non sibi à Deo concessam potestatem abusive usurpare non timuit.* Et certè molestius susciperet ista civitas, si aliquis privatus attentaret punire unum criminiosum, & erigeret furcam in platea, & ibi eum suspenderet, quàm si unus homo interficeret unum hominem in rixa vel per insidias: Et alios textus Beati Ambrosii & Hieronymi eidem concordantes etiam allegantur.

„Dixerunt, quòd nemo dubitat, quòd lex Dei sanctè & debitè posita est: & in ea legitur simpliciter; *Non furum facies.* Et tamen mandatò Dei filii Israël asportarunt bona Aegyptiorum, quæ receperant commodata. Item in eadem lege scribitur simpliciter: *Non occides.* Ex quo Beatus Augustinus lib. 1. de Civit. Dei probat, quòd nemini licet occidere seipsum. Et cùm facit instantiam de Sampson, respondet & dicit hæc verba: *Cùm autem Deus jubet, seseque jubere sine ulla ambagibus intimat, quis obedientiam in crimen vocet, quis obsequium pietatis accuset?*

„Hic in proposito verba Beati Augustini habeatis pro responso. Si videat quisque si Deus jubet, & se jubere sine ambagibus intimat, & probet spiritus, si ex Deo sint. Sed de talibus non est lex danda, nec est multùm agendum. Nam per hoc facile insurget occasio faciendi seditiones, & inferioribus insurgendi contra Superiores. Et quando aliquis furatus esset, vel interfecisset, diceret, quòd spiritu Dei motus est: sed certè nisi de hoc bene constaret, puniretur.

„Dixerunt denuò, quòd aliqui sunt casus, in quibus Laici habent potestatem in Clericos,

„Fuit responsum, quòd certi sunt casus in Jure, in quibus Laici habent potestatem super Clericos, & etiam aliquando super Cardinales. Nam si mortuò Papà Cardinales non velint intrare Conclave ad electionem Papæ faciendam: Rex, Princeps, vel alius Dominus seu potestas secularis potest eos compellere. Sed in illis casibus jam ille non est privata persona, sed auctoritate Juris utitur jurisdictione. Similiter est intelligendum de aliis casibus in Jure expressis.

„Dixerunt ulterius, quòd nullum jus fori habet iustitiam, nisi jus poli illud approbaverit.

„Fuit responsum, quòd nullum jus fori habet iustitiam, si sit contra legem Dei: quia lex Dei est regula omnium legum; sed exigitur magna peritia in applicando regulam ad regulatum. Nam interdum aliqui videtur, quòd sit tortuositas in regulato, & non est; sed est defectus in applicando, quia non applicatur debitò modò regula ad regulatum.

„Circa articulum de prædicatione Verbi Dei fuit motum, quòd interdum aliquis Prælatus ex sua invidia vel malitia sine causa rationabili bonum & idoneum prædicatorum bene & catholicè prædicantem inhibet prædicare.

„Fuit responsum, quòd satis intellexerunt, quòd abusus Prælatorum inordinatè agentium, magnam occasionem præstitit his turbationibus, & quòd in eorum partibus nunquam audiverunt tales querelas. Sed Prælati favent bonis prædicatoribus, & eos ad prædicandum excitant precibus, favoribus & honoribus. In talibus autem casibus jam sunt à Jure prædicta remedia. Quando aliquis prohibetur uti Jure suo, habet remedium appellandi: & si bene confidit, quòd sit appellatio justa, utatur Jure suo, omni violentia brachii utriusque, spiritualis videlicet & secularis, semota. Nam exitus causæ declarabit, si ipse habebat justam causam appellandi. Tunc declarabitur superiorem malè prohibuisse, & appellantem justè fecisse. Et superior injustè prohibens debet corripi. Si autem justè fuerit prohibitus, & ipse sua temeritate, superioris justum mandatum sprevit dignum est, quòd ipse digna animadversione puniatur.

„Circa quartum articulum fuit motum, an liceat Prælati Ecclesiasticis, & quibus secularis domini in propria persona exercere.

„Fuit responsum, quòd si per verbum, H h „ alius



„*actus secularis domini*, intelligantur actus,  
 „quos unus secularis dominus posset agere  
 „seu exercere: Tunc dicendum, quòd ali-  
 „quos tales actus potest licitè Prælatus in  
 „propria persona exercere: sicut sunt ven-  
 „dere, impignorare, inf feudare, modis &  
 „formis à jure ordinatis. Aliqui sunt, quos  
 „non licet in propria persona exercere, sed  
 „debent habere Oeconomum, Vicedomi-  
 „num, vel procuratorem, qui hæc exerceat,  
 „de quibus actibus in jure cavetur in rubrica:  
 „*Ne Cleric. vel Monach. secul. negot. se immisc. & aliis in rebus.*

„Fuit motum, an illa potestas coactiva,  
 „quæ debet exerceri per Oeconomum &c.  
 „sit apud Prælatum Ecclesiæ?

„Dictus Joannes Polomair respondit, quòd  
 „hæc quæstio præsupponit aliam: de qua  
 „sunt diversæ opiniones inter Doctores,  
 „apud quem sit dominium Ecclesiæ. Et ul-  
 „terius, an actiones sint in persona tutoris  
 „vel procuratoris, vel licet non sint in ea-  
 „rum persona, tamen per constitutionem  
 „actoris vel procuratoris, cujus exercitium  
 „ipsarum demandant ipsi actori vel procura-  
 „tori, & alias intricationes, de quibus non  
 „est opus ad præsens agere. Sed cum mul-  
 „tùm instaretur, dicere opinionem suam, di-  
 „xit: Quòd si etiam otium haberent, & li-  
 „beret solatiari in disputando, daret optio-  
 „nem arguenti. Sed magis esset opinio sua,  
 „quòd dominium rerum Ecclesiæ est apud  
 „Christum, & Prælati & alii Ecclesiastici,  
 „sunt canonici administratores ad instar tu-  
 „torum, sed ampliorem habent potestatem  
 „seu administrationem, quàm tutores. Et  
 „constituendo Oeconomum seu Vicedomi-  
 „num &c. eorum constitutione debite facta,  
 „Oeconomus seu Vicedominus habet illam  
 „potestatem coactivam, seu exercitium ju-  
 „risdictionis.

„Item circa quartum articulum pro de-  
 „claratione primæ conclusionis est concor-  
 „datum, quòd verba: *iustè acquisita*, in-  
 „ipsa posita, omnia in eadem contenta de-  
 „terminant.

„Item circa secundam conclusionem;  
 „cum Sacri Canones, & Doctores Sancti  
 „sic loquantur: *Bona Ecclesia, res Ecclesiæ  
 „facultates Ecclesiæ*, & inter Doctores variæ  
 „sunt opiniones, apud quem sit ipsarum rerum  
 „dominium, prout not. Gloss. in cap. Ex-  
 „pedit. 18. quæst. 1. Ad nullam illarum  
 „opinionum intendunt aliquem coartare;  
 „nec aliquam illarum opinionum excludere,  
 „sed sit unicuique facultas illam, quæ sibi  
 „melior videbitur, probabiliter sustinere.

„Dixerunt præterea dicti Bohemi, quòd  
 „ipsi tenent, quòd Clerici, aut viri Ecclesi-  
 „astici rerum temporalium Ecclesiæ sunt ad-  
 „ministratores, & non domini, ad modum  
 „loquendi scripturæ, Doctorem Sanctorum  
 „& Canonum.

„Item Bohemi dicunt, quòd in omnibus  
 „emergentiis stare volunt dictamini judicis  
 „ex unanimi consensu in Egra compactati.  
 „Hunc in modum nostri Bohemis respon-  
 „derunt.

„Tandem post multos tractatus, ultro ci-  
 „troque habitos, inita est concordia, & ma-  
 „num stipulatione firmata: promiserunt,  
 „que se Bohemi declarationem trium articu-  
 „lorum, ac pacem & Ecclesiasticam unitatem  
 „accipere. Factum est id annò millesimò,  
 „quadragesimò trigésimò octavo, circa  
 „festum Martini. Convenit est postea,  
 „cum à Legatis sacri Concilii, tum ab Ora-  
 „toribus Bohemorum, ut, quæ reliqua erant,  
 „componerentur: primum Ratisponæ, de-  
 „inde apud Brunnam Diocesis Olmutzensis,  
 „item apud Albam Regalem in Ungaria co-  
 „ram Sigismundo Cæsare. Verùm nullibi  
 „res tota confici potuit: nunc enim erat  
 „consulenda Synodus, nunc alia sunt exor-  
 „ta impedimenta. Postremò statui Iglaviam  
 „oppidum Moraviæ concordia instrumentis  
 „ac Sigillis roborata est, *Compactata* vocant,  
 „quinto die mensis Julii Cæsare præsentè.  
 „Hucusque Sylvius.

[5.] Idem ibidem c. 51. in compendio  
 relatus.

Gerardus de Roó lib. 5. „Thaboritæ  
 „verò ob irritos exteriorum conatus, in-  
 „fentiores facti, & pro libito omnia per Boë-  
 „miam administrantes domesticis quoque  
 „graves fieri cœperant. Nobiles igitur non-  
 „nulli præsentem rerum statum commiserati,  
 „arma in eos capiunt, &c. ut suprà in addi-  
 „tionibus ad ann. 1432. n. 4. „

Dubravius Histor. Bojem. lib. 27. „Qui-  
 „bus rebus (*Marchione Misnia capto, Lusatia &  
 „Silesia populatis, urbiisque Imperii pecuniâ pa-  
 „cem ab iis redimentibus*) inflati Thaboritæ,  
 „quotidie insolentibus agere, nobilitatem  
 „contemnere, Pragenses parvipendere, simul-  
 „tates inter Novam & Veterem Pragmam dis-  
 „seminare, ubique Religionem deprimerè,  
 „denique regimen totius regni usurpare:  
 „qui digniores erant, ut porcos pascere,  
 „quàm homines regerent, utpote omnes se-  
 „re apostatæ omnibus sceleribus contaminati:  
 „aut prævaricatores malè conciliati;  
 „nam alios magis præcipuos rectores non  
 „habebant, hæque indignitas non minùs  
 „quàm

„ quàm solitudo terræ & vastitas saniores ali-  
 „ quando tandem Ordines commovit, ut de  
 „ somno surgerent, & ad abolendas ejusmo-  
 „ di pestes vigilarent. Aut, quod verius est,  
 „ tempus ultionis jam advenerat, ut redde-  
 „ ret illis iniquitatem ipsorum, & in malitia

„ eorum disperderet illos Dominus Deus no-  
 „ ster. - - - Ullores autem primarii &  
 „ proceribus nobilitatis erant Menardus à  
 „ Nova Domo, Ptaczko, & duo Alexiones,  
 „ Sternbergius, & Wressliovius, dein Pra-  
 „ genses & Pellsinenses „

## Ann. Christi MCCCCXXXV. Monasterii CCXCVII.

*Pont. Rom.*  
 Eugenius IV.

*Imp. Rom.*  
 Sigismundus.

*Archi-Dux Austriae*  
 Albertus V.

*Episcopus Pataviensis*  
 Leonardus.

*Abbas Zwetlensis*  
 Joannes II.

**P**ragæ inter Lupum Presbyterum  
 Præfectum Orphanorum Novæ  
 Civitatis & Rochezanam magnæ erant  
 inimicitiae, ita ut crescentibus odiis  
 Orphani aditus Veteris-Civitatis, in qua  
 Rochezana ad Lætam Curiam habita-  
 bat, in Novam clausierint, turræque  
 ligneas plurium tabulatorum crexerint,  
 quibus oppidanos in adversa civitate  
 misilibus infestarent. Ea occasione  
 usus Alsicio, convocata nobilitate, cum  
 ea manu militum, quam Mainardus  
 comparaverat, Pragam petit. Quam  
 ingressus, cum Orphani duces nega-  
 rent illum esse, quem neque ipsi, neque  
 Thaboritæ suscepissent, Alsicio ipsos in-  
 vadit, committitur in urbe prælum,  
 Lupus cum suis in fugam vertitur. At-  
 que ita urbs Alsicionis in potestatem de-  
 venit. Hærebat tunc Procopius ad mœ-  
 nia Pelzinenfis civitatis, qui Pragæ suo-  
 rum periculum intelligens soluta obsi-  
 dione eò properabat, non prius copiam  
 pugnae facturus hosti, quàm prærogati-  
 vam victoriæ perspiceret. Neque no-  
 bilitas Pragæ in dubiæ fidei urbe hostem  
 expectare, regno utile fore judicans, in  
 occursum hostium properabat. \* [1.]  
 Hi Thaboritas inter Brodam & Cauri-  
 mam planitie latissima affecuti, locum  
 pro se ad pugnam aptum esse censebant,  
 quoniam equitatu abundarent. ideoque  
 & à fronte & à lateribus & à tergo per-  
 sultabant, ut hostes multitudine carro-  
 rum circumdatos ad certamen apertum  
 eliciant, ad quod non celerabant. Qui

ultimos circubant currus, animadver-  
 tunt illos non satis inter se catenis co-  
 hære, nec multò præsidio firmos esse:  
 impetum illuc magna vi faciunt, inter-  
 ruptaque carrorum serie cæde in pedi-  
 tum nil minus in eum locum, quàm  
 equitum assultum expectantium, insi-  
 gnem edunt. Quod ubi Procopius Mi-  
 nor conspexit, in medium certaminis  
 discrimen cum aliquot globis se trans-  
 fert, sed cum statim novum equitum  
 robur excipit, ac tam vehementer pre-  
 mit, ut & ipse pugnans caderet, & qui  
 superfuerat, fugam capesseret. Qui  
 tamen rursus mox collecti, pugnam cum  
 Procopio Majore totius exercitus duce  
 instaurarunt, pugnaruntque cum aliis  
 acerrimè, donec Czapco equitum illo-  
 rum, sed malæ fidei, præfectus pugnantes  
 desereret, aciesque pedestris labe-  
 scere inciperet. Ceterum Procopius,  
 ut decebat strenuum ac desperatum  
 Monachum, in desperatione salutis mor-  
 tem vitæ prætulit, occidique se passus  
 est, nè vivus in manus inimicorum eru-  
 ciandus veniret. Mox reliqui deditio-  
 nem obtulerunt, quorum non parvus  
 numerus restabat, partim indomitum  
 illorum Orphanorum, partim eorum,  
 qui ex pagis coacti ad pugnam pertracti  
 sunt. Jubent itaque Victores pronun-  
 ciari, nondum bellum esse profligatum,  
 equitibus superstitibus, qui cum Czap-  
 cone Coloniam profugissent: ad hanc  
 expugnandam qui dare nomina vellent,  
 ij in proxima horrea fecederent, hac

H h 2

arte

arte discretos cum ipsis horreis milites concremant omnes, qui militiam appetebant, paganos autem rusticos in servitutem redigunt. Atque ita exercitus ille diis, hominibusque invisus atque infestus, eisdem diis, hominibusque plaudentibus deletus est, apparuitque Bojemos nonnisi à Bojemis, vel ipso Sigismundo teste, non facile subdomari posse. [2.] Hanc Hussitarum historiam, tum vel maxime interitum eorum placuit fusiùs proferre, ut posteri intelligant, qualia sub hominum effigie monstra fuerint, quòve interitu Deus ipsos delèrit, qui inter innumeras fidelium clades, & templorum Monasteriorumque direptiones nostrum etiam Zwetlense Monasterium directum & prophannatum igne cremarunt.

Sigismundus Thaboritas jam debellatos intelligens, litteris in Bohemiam missis, procerum ac reliquorum in compescendis rebellibus operam & pro-pensa in Regem suum studia comprobavit, utque in iisdem perseverarent hortatus est. Inde Ratisponam profe-

ctus obvios habuit Bohemiæ proceres quàm plurimos, qui Imperatorem ipum ac Regem suum consalutabant, quos ad fidem & concordiam tuendam adhortatus, in Hungariam secundò fluviò navigavit. [3.]

Instituitur hoc anno Visitatio Academicæ Generalis Viennensis per Philibertum Episcopum Constantiensem; Joannem de Palomar Decretorum Doctorem, Archidiaconum Barcinonensem; F. Nicolaum Præpositum Monasterii D. Dorotheæ Viennæ; & Nativissimum de Perchingen Theologiæ Professorum, Visitatores in Concilio Basileensi ad hoc singulariter deputatos. [4.]

Interea Joannes Abbas Zwetlensis Viennæ morabatur, ubi conveniens Episcopum Pataviensem ab eodem petiit confirmari Wernhardi quondam Episcopi Antecessoris sui Privilegium super sales nostros per terram suam liberè deducendos concessum, quod etiam impetravit. Datum Viennæ, Annò Domini 1435. 29. Augusti. [5.]

## ADDITIONES.

\* [1.] Aeneas Sylvius c. 51. „ Per idem  
„ tempus ea pars Pragæ, quæ Nova Civitas  
„ appellatur, ab Orphanis impositò præsidio  
„ tenebatur: cujus Præfectus erat Presbyter  
„ Lupus, Rochezanæ insensissimus: adversum  
„ quem prædicando plebem incitabat. Ille in  
„ Veteri-Civitate apud ædem S. Mariæ ante  
„ Lætani-Curiam habitabat, Lupumque suis  
„ & ipse sermonibus probrosisque maledictis  
„ lacerabat. Ob quam rem crescentibus odiis,  
„ clauserunt Orphanæ aditus Veteris Civitatis  
„ in Novam: turtresque ligneas plurium tabu-  
„ latorum crexere, quibus oppidanos in  
„ adversa civitate missilibus infestarent. Ea  
„ occasione usus Alscio convocata Nobilitate,  
„ nihil esse imperium suum dicit, quod Tha-  
„ boritz, Orphanique continent, regnum  
„ maturè perituum, nisi Magistratibus pa-  
„ reatur. Rogat Proceres, in medium con-  
„ sulant. Placet omnibus cum ea manu mi-  
„ litum, quam Mainardus comparaverat, Pra-  
„ gam peti. Nec morati, Veterem-Civitatem  
„ ingrediuntur, ligneas turres amoveri, pare-  
„ reque omnes Alscioni jubent. Negant  
„ Orphanæ ducem esse, quem neque ipsi, ne-

„ que Thaboritz suscepissent. Fit tumultus,  
„ committitur in urbe prælium. Lupus ubi  
„ suos cedere animadvertit, pluresque cadere,  
„ salutem pedibus petiit. Disiectæ turres  
„ civitatis omnes, in potestatem Alscionis  
„ factæ. Pelzinenfes re cognita, Procopio  
„ è muris illudere, hortari, suis civibus opem  
„ ferat, alienos nec lacescit. Stultum esse  
„ eum, quia sua tueri nequeat, infestari aliena:  
„ nisi suoapte ingenio ab obsidione discedat,  
„ venturos brevi Proceres, qui nolentem co-  
„ gant. Ficta ea Procopius credere, atque  
„ oppidanis ad ferendam fortis obsidionem  
„ blandimenta oblata. At ubi certum nun-  
„ tium de gestis Pragenfibus accepit, soluta  
„ mox obsidione, plenus irarum cum omni-  
„ bus copiis versùs Pragam iter dirigit. Pro-  
„ peranti communes amici occurrunt, de pace  
„ inter eum & Nobiles agunt: divisum inter eos  
„ regnum stare non posse, consulendum communi  
„ quieti, neque concordiam sine viribus, neque vi-  
„ res sine concordia sufficere: evitatibus ejus populis  
„ inexpugnabile munimentum esse, qui concordibus  
„ animis armativalaret: Lites ex arbitrio duci con-  
„ poni posse, delictis ut utraque pars pari numero  
„ viris

„*viris, quorum consilio leges pacis dicerentur.* Pro-  
 „*copius demum ita se pacem habiturum re-*  
 „*sponder; si nova Praga sibi restitatur: si mun-*  
 „*itiones dejecta reficiantur: si Pelzina eo in statu*  
 „*reponatur, in quo fuerat ante dissolutam obsidio-*  
 „*nem: nam commutatus jam eo importati fuerant.*  
 „*Nobiles ubi res factu difficillimas peti vi-*  
 „*dent, Procopiumque vincula, verbera, cæ-*  
 „*des minari, cum aliâ viâ pax inveniri non*  
 „*posset, armis decertare constituunt. Re-*  
 „*lictâ itaque civitate, cuius nutare animos*  
 „*non ignorabant, obviam hosti pergunt.* „  
 „[2.] Dubravius Histo. Bohem. lib. 27.  
 exscriptus.

Prosequitur Sylvius. „*Ventum est ad*  
 „*locum inter Brodam Bohemicam & Burim*  
 „*quatuor millibus & quingentis passibus à*  
 „*Praga distantem in agris late patentibus. Ibi*  
 „*curtus contra curtus incurunt, & sublato*  
 „*clamore alteri alteros contumeliosè com-*  
 „*pellant.*

„*Decreverat Procopius haudquaquam*  
 „*pugnæ copiam facere, nisi ex occasione*  
 „*prærogativa daretur. Erat ei animus rectâ*  
 „*viâ Pragam petere, ubi non dubitabat No-*  
 „*vam Civitatem sibi portas aperturam. At*  
 „*equitatus Nobilium munitiones ejus præ-*  
 „*tergressus, dum fortè ultimam partem aper-*  
 „*tam videt, raptim ingreditur, cædemque*  
 „*magnam facit. Hostes improvisò malò*  
 „*præventi, quid agant, nesciunt. Trepida-*  
 „*tur totis castris: insolita res terrorem au-*  
 „*get. Neque enim intra munitiones cur-*  
 „*rum intrasse priùs equites aliquando vide-*  
 „*rant. Cæduntur passim pedites, fit fuga*  
 „*aperta ex altera parte mole quadrigarum.*  
 „*Instant Nobiles, sternuntur ubique fugien-*  
 „*tes. Procopius ubi suos retinere non po-*  
 „*test, nec audire hortamenta periculum me-*  
 „*tusque sinit, inter confertissimos hostes di-*  
 „*lapsus, cum cohorte, quam sibi ex forissi-*  
 „*mis magis quàm amicissimis delegerat, ali-*  
 „*quamdiu hostis impetum sustinet: multisque*  
 „*cæsis victoriam pene hostibus eripuit. Sed*  
 „*circumventus multitudo equitum, non*  
 „*tam victus, quàm vincendo fessus, telò in*  
 „*incertum missò transfoditur. Pari modo*  
 „*& alter Procopius (quem Minorem appel-*  
 „*lari diximus) in eodem globo fortiter pu-*  
 „*gnans occumbit. Atque is finis duobus illis*  
 „*perniciosis ac deterrimis monstis fuit.*

„*Sic Thaboritarum & Orphanorum sce-*  
 „*lerati exercitus invicti priùs, victi ac deleti*  
 „*sunt. Procopium Rastum quis occiderit*  
 „*ignoratum est, quamvis Coscha (de quo*  
 „*suprà meminimus) id facinus honestum di-*  
 „*gnumque præmiò suum dixerit, qui tum*  
 „*partes Nobilium sequebatur. Primus ejus*

„*victoriæ author habitus est Mainardus, post*  
 „*eum Ptarsconis magna virtus visa. Coaphe-*  
 „*verò, qui Thaboritarum equitatum ducta-*  
 „*bat, rei militaris apprimè peritus, & qui*  
 „*multis aliquando damnis Prutenos affecer-*  
 „*rat, & à Rege Poloniae vocatus usque Ge-*  
 „*danum & mare Balticum victorem exerci-*  
 „*tum duxerat, ex hoc prælio dilapsus, cum*  
 „*magna parte equitatus in Coloniam sese*  
 „*tecepit. Confessò bellò cum multa millia*  
 „*captivorum essent, Mainardus consiliò Pro-*  
 „*cerum accessitò, perdere pessimam plebem*  
 „*statuit, quæ nutrita in armis, omnem ara-*  
 „*tem in castris egerat, nec sub legibus vi-*  
 „*ctura crederetur, rapinis & cædibus atque*  
 „*adulteriis assueta. Qua stante pacatum re-*  
 „*gnum stare non posset. Sed veritus, ne*  
 „*simul innocentes interficeret, qui ex agris*  
 „*coacti ad pugnam venerant, voce præconis*  
 „*edici jubet: Nondum bellum peractum esse,*  
 „*fugisse Coapchonem, Coloniam expugnari*  
 „*oportere, vicinasque per circuitum gentes,*  
 „*quæ regnum popularentur, armis doman-*  
 „*das. Ad eam rem necessarios, qui sub Pro-*  
 „*copiis militassent, viros fortes, & in bello*  
 „*exercitados: decretum eis ex publico sti-*  
 „*pendium, donec regnum pacaretur. Pro-*  
 „*inde omnes, qui stipendia facere vellent,*  
 „*in horrea sese proxima recipient, caverent,*  
 „*ne rudes inexperitosque belli secum admit-*  
 „*terent: illos sua rura, suosque lares repe-*  
 „*tere posse. Introierunt horrea, quæ apud*  
 „*Bohemos in villis ex materia culmò tecta*  
 „*frequentia sunt, pleraque Thaboritarum &*  
 „*Orphanorum millia, homines nigri, ad so-*  
 „*lem & ventum indurati, aspectu tetri, acque*  
 „*horribiles, & qui circa fumum in castris vi-*  
 „*xissent, æquilinis oculis, impexo crine, pro-*  
 „*missâ barbâ, corporibus proceris, membris*  
 „*hispidis, cute adeo dura, ut ferrum quasi*  
 „*lorica repulsura videretur. Clausa sunt*  
 „*confestim ostia & ignis immixtus horreis,*  
 „*quo sex illa & colluviès hominum, igno-*  
 „*miniosum agmen, post multa, quæ patra-*  
 „*verat scelera, exusta, contemptè demum*  
 „*religionis poenas dedit.* „

[3.] Gerardus de Roò lib. 5. exscriptus.  
 Sylvius ubi suprà cap. 52.

Dubravius in textu nostro præced. n. rela-  
 tus ita prosequitur: „*Ab hoc post victoriam*  
 „*confestim datæ ad Boiemos literæ, ut sublatis*  
 „*de medio impiis hominibus, ad pietatem*  
 „*& pacem regni conciliandam se converterent,*  
 „*Satis belligerarum esse cum irrecoverabili*  
 „*totius patriæ damno; cum tamen nulla*  
 „*digna causa tam exitiali bello in eum di-*  
 „*em prætendi queat. si quid est, quod ipsi*  
 „*peccaverit, se correcturum esse, idem ipsi*  
 11 „*quo-*

quoque faciant, Regemque tandem suum cum bona fide agnoscant, recipiantque. Quibus perlectis, conventum sibi Moravique Pragam indicunt, ad quem in magna frequentia omnes Ordines conveniunt, satis inter se quoque convenientes, ut finis aliquando bellorum constitueretur; sed de conditionibus dissentientes, quibusnam recipi in regnum Rex, & ad Sedem suam reponi deberet. Metuebat sibi videlicet adversa factio, ne à Rege opprimeretur, nisi per tempus rebus suis provideret. Decretum postremò, ut Rege propius regnum accedente, de hoc coràm ab universis Ordinibus ageretur. Interim Budam missi honoratissimi qui fundamenta pacis jacta esse docerent; sed opus esse præsentem Architecto, qui pacem consummaret. Rex sexaginta millia aureum nummum Legatis,

& præterea equos & boves plurimos largitus est, iussitque renunciari, se brevi Iglaviæ ad limites Boemiæ præstò futurum esse, illic, quorum intereret, ut appareant. Cuspinianus in Cæsarib. sub Sigismundo. Imperator Sigismundus ab initio cùm rediret (ex Italia) sedatò quantum potuit Patrum dissidiò, quod cum Eugenio erat, Concilium derelinquens Ulmam venit, in Boemiam Oratores præmittens, qui adventum suum denunciant. Vix Imperator Ratisponam attigerat, cùm Proceres magnò numero adsunt, Regemque salutant, ac de omnibus rebus actis certiores faciunt, & ut regnum tutò ingrediatur, cohortantur. Per Danubium dehinc vectus Budam pervenit. [4.] Ederus in Catalogo suo Rectorum Archi-Gymnasii Viennensis ad litteram. [5.] Ex Autographo ipsius.

## An. Christi MCCCCXXXVI. Monasterii CCXCVIII.

*Pont. Rom.*  
Eugenius IV.

*Imp. Rom.*  
Sigismundus.

*Archidux Austriae*  
Albertus V.

*Episcopus Pataviensis*  
Leonardus.

*Abbas Zwettlensis*  
Joannes II.

Cum Sigismundus Budæ esset, Legati ad eum ex Bohemia missi, omnia in eo regno tranquilla esse, jamque cum Synodo ipsi convenire nuntiant, superesse ut ipse veniat, pacemque præfens ac concordiam stabilitat. Cæsar mox omnibus in Ungaria constitutis, assumptò secum Albertò generò suò Iglaviam ad diem dictum venit, quo frequentes jam Bohemi confluerant. Aderant quoque Fridericus (aliàs Philibertus) Constantiensis Episcopus, & alii nonnulli Basileensis Concilii Legati. Ibi postulatis aliquot Bohemorum auditis atque comprobatis, concordia inter ipsos ac Synodum pacta, Imperatoris autoritate confirmatur; subsequitur mira animorum mutatio. Sigismundus antè invisus fausto festoque omnium Ordinum plausu exceptus Pragam deducitur, ubi in verba ejus denuo juratum, & uxori Barbaræ corona ab Episcopo Constantiensis imposita est. \* [1.]

Porro circa Austriam hoc anno ea

contigerunt, quæ Jacobus Rechwein Viennensis civis sic describit: „Anno 1436. fuerunt multæ inundationes, tonitrua, coruscationes, & pluvie multæ & magnæ, quæ inceperunt circa festum Philippi & Jacobi, & duraverunt in terra Austriæ, & specialiter Wiennæ usque ad festum Ægidii, & illo anno incepit pestilentia Wiennæ circa festum Urbani, & duravit usque festum Lucæ, & obierunt Wiennæ ultra 8000. hominum, & pro majori parte fuit illa pestilentia ab omnibus Phisicis quasi incurabilis; & eodem anno crevit vinum summ (foris accosum) &c. „ [2.] Hæc ille. Cujus filium Stephanum infantem hæc quoque pestis rapuit.

Legitur demum hoc anno in sancto Bernardo Monialium Monasterio in Bojorum regno sito non jam ampliùs religiosus Procurator, sed sæcularis fuisse, cujus nomen est Thomas Spetner, qui in Dominica Lætare in media Quadragesima rationes de acceptis & distributis po-

posuit Abbati in Zwetl tanquam Visitatori domus illius, à dicta Dominica Anni MCCCCXXXVI. usque ad Dominicam post S. Viti An, MCCCCXXXVII. Unde confirmatur Monasterium illud non igne combustum ab Hussitis, sed tantum exspoliatum fuisse. [3.]

Reperi inter Monasterii Privilegia unum instrumentum in membrana scriptum, quod elucidat dubium suprà Anno MCCCCXXXIV. motum de duobus Abbatibus Zwetlensibus nomine Joannis insignitis. Cujus instrumenti

titulus talis est : „ Instrumentum super „ protestatione & reclamazione Con- „ ventus contra violentam intrusionem „ Heinrici Fewchter in Ecclesia B. V. „ in Cifersdorff factam per Joannem „ de Lews quondam Abbatem Zwet- „ lensem, qui tandem de officio cessit „ &c. „ [4.] Unde pater, quod super- „ prioribus annis dixi, Joannem de Lews ejus nominis primum Abbatem in Zwetl successisse Michaëli II. & illo deposito Joannem II. Rastenveldensem in Abbatem electum fuisse.

## ADDITIONES.

• [1.] Gerardus de Roß lib. 5. exscriptus, Dubravius ad præcedentem ann. sub n. 3. relatus ita profecquitur : „ Venitque ille „ (*Sigismundus*) ad diem, secum Præfulem „ Constantiensem, & quosdam alios Orato- „ res autoritate Concilii Basiliensis compro- „ batos adducens. Ibi cum Boiemi nullam „ inire pacem, nec aliter Regem agnoscere „ vellent, nisi illis communionem utriusque „ speciei confirmaret, Oratores de sententia „ Patrum promulgant, hac lege illis, quod „ exigunt, concedi, ut iis demum illa uti li- „ ceat, qui pacem & unitatem Ecclesiæ am- „ plectentes, usu illam longo usurparunt, qui „ rationis compotes fuerint, qui reliquos Catho- „ licæ Ecclesiæ ritus custodierint, eamque „ secundum fidem attulerint, ut credant tam „ sub specie panis, quam sub specie vini, to- „ tum & integrum Christum contineri. Pe- „ tebant insuper Pragenfes, ne exules Pragam „ restituerentur, ne ad Monasteria restauran- „ da compellerentur, ne alius illis, quam Ma- „ gister Rokiczanus, qui primas inter Con- „ cionatores illorum habebatur, Archi-Epi- „ scopus præficeretur. Nihil tum Sigismun- „ do facilius ad subscribendum omnium vo- „ tis, ut omnes lucrificeret, fuit. Secura „ rerum mira in Sigismundo mutatio : quem „ enim paulò antè pejus angue oderant, quem „ convitiis atque calumniis laceraverant, pul- „ sümque in ultimas terras videre concupisce- „ bant, hunc Pragam venientem effusa obvi- „ am tota urbe cum frequentissima nobilitate, „ ut legitimum regni hæredem, ut Dominum „ ac Regem suum factis omnibus salutabant, „ magnoque certatim studio in verba ejus de- „ nuo jurabant, ac læti interfuerant, cum „ Barbaram uxorem ejus Præsul Constantiensis „ coronâ Regiâ coronaret, cum idem omnes „ execrationes tolleret, quibus Pragenfes de- „ voti fuerant, cumque Rokiczanus obedi-

entiam Ecclesiæ Romanæ præstaret, quasi „ Archi-Episcopus futurus, qui parum absuit, „ quin mox inturbasset omnia. Solenne „ Sacrum faciebat Legatis coram, illoque „ peracto, temperate haud sibi valuit, quin „ veteri suo instituto, idiotæ cuidam Sacra- „ mentum ex calice offerret sinistra Polomaro „ Legato reclamante. Sedata res fuit per „ alios inquietes, propter unum pastorum „ conventorumque violatorem communem „ concordiam non esse rupendam. Ex eo „ tamen tempore Rokiczanus de perfidia sus- „ pectus haberi, negotiorumque ejus de Archi- „ episcopatu confirmando de die in diem „ prolata, ut ad extremum fumi instar eva- „ nesceret. Sensit hoc callidus ille, puni- „ cæque invicem religione datam Ecclesiæ „ Romanæ fidem servabat, in paucissimis illi „ obsequens, cetera sibi arrogans audaci- „ us & impudentius, quam disciplina habet Ec- „ clesiastica, petulans inprimis adversus Mo- „ nachos, quos sensum Pragam Sigismundus „ reducebat, ut sanâ doctrinâ egros curarent, „ rêmq; Divinam solito more facerent : hos ille „ organa dæmonis, ad obtundendam verita- „ tem, ab eodem dæmone immissa nominabat, „ pellendosque protinus censebat. At eos- „ dem Sigismundus non modò sibi tuendos, „ verum etiam augendos, sicut alios quoque „ Romanæ professionis Sacerdotes, qui pauci „ numerò superfluerant, prophanas passim „ Templis profugi, susceperat, nec ullo pacto „ Tempa ejusmodi ingredi voluit, nisi denuo „ fuissent à Philiberto, hoc nomine erat Præ- „ sul Constantiensis, inaugurata, Altaria cum „ ornatu suo restituta, fontes Baptismi con- „ stituti, imagines repositæ &c. „

Bohemia Pia lib. 2. sub Sigismundo.

[2.] Annotat. Reichwein in suo lib. Secu-

[3.] Ex Autographo ipsius.

[4.] Ex literarum monumentis.

Annus

## An. Christi MCCCCXXXVII. Monasterii CCXCIX.

*Pont. Rom.*  
Eugenius IV.

*Imp. Rom.*  
Sigismundus.

*Archi-Dux Austriae*  
Albertus V.

*Episcopus Pataviensis*  
Leonardus.

*Abbas Zwetlensis*  
Joannes II.

**T**Andem Sigismundus pacatâ utcuque Bohemiâ cum ætatis & curarum incommodis aggravari se indies sentiret, de successore regnorumque hærede constituendo sollicitus esse cœpit. Barbara quoque uxor, ætatis suæ & dignitatis parum memor, de regnorum hæreditaria successione post viri mortem, quam brevi affore augurabatur, in se transferenda cogitabat, novâsque sibi nuptias animò concipiebat. Unde ex Procerum quorundam consilio clandestino res apud ipsam agitata eò deducta est, ut Vladislaus Poloniæ Rex in ejus consortium & regnum vocaretur, quem duorum regnorum accessione (quæ nullâ filiæ ac Generi ratione habitâ, in dote sua numerabat) permotum iri sperabat, ut vetulam juvenis non aspernaretur. Cæsar verò hæc omnia perspecta habens, cum non longè abesse vitæ terminum & ipse præfentiret, & à medicis admoneretur, fluxam quorundam Bohemorum fidem suspectam habens, sparsâ in vulgus famâ, loci mutationem valetudinis curandæ gratiâ suaderi, cum nonnullis Bohemorum fidelium & Ungarorum proceribus, de more suo virenti ferto redimitus, apertâ lecticâ per mediam urbem in vectus, Pragâ discedit, & Znoymam Moraviæ urbem petiit. Ubi ægritudine pariter & itinere fessus substitit, uxori Barbaræ custodes additi, & gener Albertus unâ cum Elisabetha conjuge sua quoque advolat. De Generi successione in utrumque tam Bohemiæ quàm Ungariæ regnum locutus pauca ad proceres præfentes, in lacrymas solvit. Qui unanimis resolventes se in Cæsaris manum jurant, se Albertum Regem declarare suum, neque alterum eò vivò agnitu-

ros. Ipsum quoque Albertum ejusque conjugem Elisabetham intromissam, læta acclamatione Regem & Reginam salutant: postmodum verò Sigismundus rebus ita constitutis obiit Znoymæ quintò Nonas Decembris. \* [1.] Atque ita mirabili Dei dispositione Domus Serenissima Austriaca florentissimorum duorum regnorum accessione, & Marchionatu Moraviæ & Silesiæ utriusque Ducatu, aliisque incorporatis regnis & provinciis ditata est, & donata in compensationem civitatum & provinciarum in Suevia olim amissarum, & quidem ab eodem Imperatore Sigismundo Alberto V. Austriaco genero suo recompensatum damnum, qui olim in Concilio Constantienfi Fridericum item Austriacum Tyrolensium Principem ob fidem Pontifici Joanni præstitam multis civitatibus & provinciis multavit. Unde sicut plures civitates provinciæque in Suevia amissæ sunt in hodiernum usque diem, quæ partim Imperio cedentes libertatem perpetuam, mordicus tenuere, partim ab Helvetiis occupatæ nunquam restituentur, nisi armis recipiantur: sic quoque regna illa duo Ungariæ & Bohemiæ apud Austriacam Familiam perpetuò duravere, nisi quòd illud à Turca ex parte occupatum sit, alterum nonnunquam in fide vacillavit. Ceterum de obitu Sigismundi Cæsaris, & de electione Alberti tam in Regem Bohemiæ quàm Ungariæ ac etiam Romanorum Jacobus Rechwein civis Viennensis sic loquitur: „Anno 1437. Obiit invidissimus Sigismundus Romanorum Imperator, Ungariæ & Bohemiæ Rex, nonò die Decembris in oppido Znoymæ terræ Moraviæ, & sepultus „ in

„ in Waradino civitate terræ Ungariæ.  
 „ Cui successit in regno Ungariæ Al-  
 „ bertus V. Dux Austriæ, qui electus  
 „ est in Pofonia 17. Die Decembris  
 „ eodem anno, & coronatus in Alba-  
 „ Regali prima die Januarii, hoc est,  
 „ quartâ, (*scilicet feriâ*) in Circumci-  
 „ sione Domini, Annô 1438. qui ha-  
 „ buit in uxorem filiam Imperatoris  
 „ nomine Elisabeth &c. Etiam suc-  
 „ cessit sibi in regno Bohemiæ, quia  
 „ fuit ad hoc electus Pragæ 27. die,  
 „ mense Decembri, hoc fuit feriâ sextâ  
 „ in die Joannis Evangelistæ in Anno  
 „ 1437. & coronatus anno sequenti  
 „ Pragæ in festo Apostolorum Petri &  
 „ Pauli vigesimâ nonâ die Junii. „  
 „ [2.] Hæc Jacobus citatus. Unde pa-  
 „ tet electio ipfius tam in Regem Ungariæ,  
 „ quam Bohemiæ hoc adhuc anno  
 „ facta fuisse, coronatio verò anno se-  
 „ quenti contigisse. Atque hæc de obitu  
 „ Sigismundi & Electione Alberti.

Porro vivente adhuc Sigismundo  
 Imperatore Joannes Abbas in Zwetl  
 Monasterium suum paulatim veteri sta-  
 tuti restituere laboravit, unde jam tem-  
 pli fornice, locaque regularia tecta ha-  
 bitantibus usui fuerunt. Restabat igitur,  
 ut loca sacra prophanata reconcilia-  
 rentur, quæ reconciliatio ab Antiquitate  
 Monasterii ita describitur : „ No-  
 „ tum sit Christi fidelibus universis,  
 „ quod Rev. in Christo Pr. & D. D.  
 „ Matthias Dei & Apostolicæ Sedis  
 „ gratiâ Episcopus Viëticensis de spe-  
 „ ciali commissione Reverendissimi in  
 „ Christo Patris & Domini nostri, Do-  
 „ mini Leonhardi Episcopi Patavienfis  
 „ Ecclesiam cum summo altari ac aliis  
 „ altaribus, capellis & cœmeterio ejus-  
 „ dem post crudelem stragem homi-  
 „ num & lamentabile exterminium jam  
 „ dictæ Ecclesiæ per nephandissimos  
 „ hæreticos Hussitas perpetratum, ad  
 „ instantiam Venerabilis & Religiosi  
 „ viri & D. Joannis dicti Rastenvelder  
 „ pro tunc Abbatis Cist. Ord. Monasterii  
 „ in Zwetl, de sua benigna paternitate

„ consecravit, & reconciliavit, in ho-  
 „ nore Sanctæ & Individuæ Trinitatis,  
 „ & specialiter in honore Beatæ &  
 „ Gloriosæ Virginis Mariæ, quæ à re-  
 „ troactis temporibus patrona præfa-  
 „ tæ Ecclesiæ asseritur extitisse. Ad-  
 „ jiciens idem Rev. P. de uberiori sua  
 „ largitate ad alias indulgentias à Re-  
 „ verendiss. in Christo Patribus, Papa,  
 „ Cardinalibus, Patriarchis, Archi-Epi-  
 „ scopis & Episcopis dictæ Ecclesiæ ri-  
 „ tē concessas, omnibus verè pœnitentibus  
 „ & confessis quadraginta dies  
 „ indulgentiarum, iisdem videlicet die-  
 „ bus prout in aliis literis indulgentia-  
 „ rum lucidiùs continetur. Hæ sunt  
 „ autem reliquæ, quæ in summo altari  
 „ continentur, videlicet de domuncu-  
 „ la B. Virginis, in qua mortua est : de  
 „ tunica inconsutili &c. (Hic Cata-  
 „ logus ponitur reliquiarum, quem ob fa-  
 „ stidium lectoris omitto.) „ Dedicatio  
 „ autem præfatæ Ecclesiæ cum suis al-  
 „ taribus & capellis totius Monasterii  
 „ de speciali mandato & auctoritate  
 „ Rev. Patris D. Matthiæ prælibati,  
 „ annuatim observabitur in secundâ  
 „ Dominica post Resurrectionem „  
 „ Domini, qua cantatur in Ecclesia  
 „ Dei, Misericordia Domini. Acta  
 „ sunt hæc Annô ab Incarnatione Do-  
 „ mini 1437. 5. Idus Mensis Junii,  
 „ Combustum & execratum est Mo-  
 „ nasterium B. Virginis Gloriosæ unâ  
 „ cum omnibus altaribus, nec non ca-  
 „ pellis ejusdem Monasterii in Zwetl  
 „ per nephandissimos hæreticos Hussi-  
 „ tas Annô Domini 1426. in die Cir-  
 „ cumcisionis Domini. „ [3.] Huc-  
 „ usque tabula antiqua. Melius & corre-  
 „ ctius posuisset, combustum esse Mo-  
 „ nasterium Annô MCCCCXXVII. in die  
 „ Circumcisionis, cum prius in die Syl-  
 „ vestri Anni MCCCCXXVI. ab Hussi-  
 „ tis iisdem fuisset spoliatum, sicut annis  
 „ iisdem suprâ (*Annô 1426. & An. 1427.*)  
 „ videre est.

Deinde post quatuor ferme menses  
 parochiam S. Laurentii in Windigsteig  
 K k per



per eundem Joannem Abbatem in Zwetl reedificatam quoque reconciliari Abbas præfatus impetravit. Unde Matthias prælibatus Episcopus Viaticensis, suffraganeus Pataviensis, nomine Domini Leonardi Pataviensis Episcopi Ecclesiam Parochialem in Windigsteig per nefandissimos hæreticos Hussitas enormiter destructam una cum cæmeterio reconciliavit, & de novo summum altare consecravit. Dedicationem autem ad Dominicam proximam post Octavam Corporis Christi celebrandam instituit. Datæ desuper litteræ Monasterio nostro Annò Domini MCCCCXXVII. 4. Oðobris. [4.] Atque ita patet, quod supra dixi (Annò 1427.) non tantum Monasterium Zwetlense, sed etiam grangias ejusdem & Parochias destructas & in cineres redactas fuisse.

Demum quoddam reperitur autographum, per quod indulgentiæ cui-dam Monasterii nostri Professo Viennæ tunc in studiis moranti largiuntur, est autem talis tenoris: Joannes SS. Theologiæ Professor, Canonicus Ecclesiarum Olomucensis & S. Stephani Viennensis, Olomucensis item & Pataviensis Diocesis Commissarius principalis Indulgentiarum à SS. Synodo Basileensi constitutarum, fatetur se dedisse indulgentias F. Joanni Balpeck Professo Monasterii in Zwetl, Diocesis Pataviensis, Ord. Cist. Datum Viennæ apud S. Nicolaum, Annò Domini MCCCCXXVII. 24. Februarii. [5.] Hoc officium conferendarum indulgentiarum post centum annos Lutherum, quia obtinere illud non potuit, ita excæcavit, ut novam hæresim texerit, uti patebit.

## ADDITIONES.

\* [1.] Gerardus de Roô lib. 5. paucis mutatis & omisiss; oratio verò, qua Sigismundus primos quosque procerum ad se vocatos allocutus est, ita à Gerardo profertur: „Cum ab inito statim Imperio in hunc usque diem ad publicam tranquillitatem constituendam, omne studium contulerim, decursò jam vitæ spatio, cavendum maximè video, nè reliquis meis actionibus extrema non congruant. Itaque de vestra salute, deque regnorum meorum incolumitate sollicitus, hoc primum egi: ut Pragæ mœnibus, atque adeò Boëmiae finibus, sub honesto instaurandæ valetudinis prætextu, egredieremur, nè si apud suspectæ fidei homines, mori me contigisset, secus aliquid de vobis statueretur. Nunc verò una ea apud animum meum cura residet, quo pacto regnis meis consuli possit, ne post discessum meum turbulentis bellorum ac dissensionum motibus subvertantur. Ad quam rem, cum justo aliquo accordato rege opus sit, neminem equidem esse video, qui vel vestro ipsorum iudicio Alberto Austriaco, genero meo, præferri debeat. Siye enim generis nobilitatem, siye prudentiam multo rerum usu instructam, siye virtutes alias viro principe dignas quaerimus, omnia in eo, DEI concessu, eximia invenientur. Hunc ego mihi generum adscivi, hunc filium adoptavi, hunc hæredem ultimæ voluntatis declara-

„tione constituo. Nec est, quod ipsius tantum aut filiarum mearum amore moveri me, quantum publicæ incolumitatis ratione quis putet. Video enim felices vos fore, qui sub Alberti Imperio vivetis. Habetis præter iudicium meum, præclara ejus in vos merita, quibus jam dudum ille effecit, ut à vobis non minus, quam à me amaretur, ac magni fieret. Itaque agite, & hunc vobis Regem me etiamnum vivo & vidente declarate, ut de relicto securus æquiori animo spiritum DEO commendem. Hæc locutus in lacrymas erupit. Quotquot autem aderant, bonò eum animò esse jubent, seque Albertum Regem declarare, neque alterum eo vivente agnituros recipiunt, & in ipsius manum jurant.

Æneas Sylvius c. 53. „Ægrotare interea Sigismundus cœpit, ex augente morbum senectutis incommodo. Barbara Imperatrix de retinendo imperio sollicita, Henricum, Patrasconem, Sternbergium, Georgium Poggiebracium, & alios pleròsque Barones, quorum auctoritas apud Bohemos prior, clanculum ad se vocat, Sigismundum brevi moriturum asserit, futuras in regno turbas, nisi rei suæ quam celerrimè consulant: quietis unicam viam esse, si se viduam Rex Poloniæ ducat uxorem. Idei suavis facili. Nam quis matrimonium renuat, quod dotalia duo regna sequantur,

„câ.

„ eaque maxima & opulentissima? Suo nomine & in Hungaria & in Bohemia oppida munificentissima custodiri; Comites Ciliæ, alterum fratrem, alterum nepotem, auxilia præbituros, multosque in Hungaria procures suas partes complexuros. Placet Bohemis Imperatricis consilium, datisque dextris scædus ineunt. Mulier jam anus novum conjugium mente complexa, filiam, quæ in spem regni creverat, & Alberto Duci Austriæ nupserrat, ex animo dimovet, nec aliud, quàm novi concubitûs gaudia meditatur. - -

„ Non latuerunt Imperatorem furentis scæminæ excogitatus. Qui postquam refectentibus medicis moriendum sibi esse cognovit, ex Bohemia (cujus sibi dubia fides erat) in Moraviam se vehi jussit, visurus filiam, priusquam vitâ excederet. Illa cum viro ad eum in civitatem venit, quàm Snoima vocant, ibi mox Barbara virum secuta, custodiæ traditur. Ulricus Ciliæ Comes præmonitus fugam arripuit. Imperator vocatus in cubiculum Hungariæ ac Bohemiæ primoribus adventasse resolutionem sui corporis, nec jam ampliùs se vivere posse affirmat, irurum se patrum viam. Ceterùm priusquam oculos claudat, de salubri statu regnorum suorum velle cum eis agere. Albertum Austriæ Ducem, generum suum esse, & virtute præstantem, & generis nobilitate sublimem: eum se non minùs amare, quàm filium, successorem itaque suum nominare, rogare supremam voluntatem suam exquantur. Beatum id regnum futurum, cui Albertus imperaverit. Exin legatos nominat, qui se mortuò Bohemiam petentes, in conventu procerum testamentum suum patefaciant. Inter quos Gaspar Slik princeps fuit, &c.

Cap. 54. „ Albertum Batones, qui aderant ex Hungaria & Bohemia concordibus animis Regem salutavere. Ipse missis in Bohemiam suis à Sigismundo delegatis versùs Posonium iter flexit. Miserabile spectaculum, & humanarum rerum singulare documentum, Imperatrix captiva, & Imperatoris cadaver unà vehitur. Occurrunt lugubres Hungari, nec tenere lacrymas in tanta rerum novitate possunt. Hic defuncti Regis corpus fletum elicit: inde Regina vincula commiserationem excitant. Solatur tamen miseris novi Regis electio; cuius virtutis multa extabant documenta. Duæ inter se pugnantes curæ occurrebant, altera sepeliendi Regis, plena mœroris, altera coronandi, læta jocundæque.

Dubravius lib. 27. in finè. „ Barbara Cæsaris Coniunx superstitè adhuc viro Boemiæ & Hungariæ regnis, quæ in dote sua numerabat, non successorem modò, sed sibi etiam maritum, eumque juvenem petulantè ambiabat, nempe Vladislauum Poloniæ Regem, quem tanta regnorum dote persuasum sibi sperabat; ut cum anù matrimonium iniret. Accendebant spem Ulricus Ciliæ Comes Barbaræ frater, sorori assentiens, & complures Boemiæ diversæ factionis Proceres, qui Polonium Germano præferebant. Quod ubi Sigismundus intellexit, sensisque tum Hungaros, tum Boemos seniores magno cum dolore accipere, id à matre agi, idque patari, ut filia suæ Alberto desponisè spem regnorum, in quæ adoleverat, eriperet, vocatis ad se Hungaris consiliis eis suum de discessu ex Boemia aperit &c. ut supra ex Sylvio paucis mutatis.

Bohemia Pia lib. 2. in Sigismundo.  
Piespordius in Alberto V.  
Pontus Heuterus in Apparatu suo c. 4.  
Cuspinianus in Cæsarib. sub Sigismundo.  
Inter manus amicorum veluti lucerna oleo deficiente extinguitur (Sigismundus) non finè maximo astantium planctu, non à Decembris millesimò quadringentesimò tricesimò septimò annò, Imperii ipsius vicesimò septimò, regni Hungariæ quinquagesimò primò, Boemiæ decimò septimò. Corpus dehinc Regio cultu in cutru, quo etiam capta ferebatur Imperatrix, Varadinum delatum, ac honorificè est sepultum. Ubi hi versus leguntur sepulchro ejus insculpti:

„ Cæsar & Imperium tuus en ego Romæ Sacratum  
„ Rexi non ense, sed pietatis opè.  
„ Pontificem Summum feci, spreto tribus, unum;  
„ Lustravi mundum Schismâ negando malum.

„ Ità autem auxit opibus hoc templum, ut continuatis diebus ac noctibus semper laudes Deo immortalè personent Clerici ac Sacerdotes.

Idem in Austria.  
Megizerus Annal. Carinth. lib. 9. cap. 51.  
Ciacconius in Eugenio IV.

Thweroz in Chronica Hungarorum de obitu Imperatoris Sigismundi.

„ Et cum senex Princeps veneranda canitie tumque florido adornatus crinali mediam per (Pragensem) civitatem ferebatur, undique sexus utriusque juvenum censum, que sit concursus, & lacrymantibus intuentes cum luminibus, quasi illum amplius non  
K k a

„ virtutis

„visuri, genuum curvatione pariterque &  
 „jocundò salutationis oraculò cum venera-  
 „bantur. Ille circumquaque oculis intuitu  
 „depastis eisdem Imperialis tantummodo ca-  
 „pitis inclinatione respondebat. Egressus  
 „igitur Pragensi de civitate optatam ve-  
 „nire ad patriam nequivit; sed in Znay-  
 „mam civitatem Moraviæ delatus, Domini  
 „MCCCCXXXVII. annò, in festo Conce-  
 „ptionis gloriosissimæ Virginis MARIÆ,  
 „ætatis suæ septuagesimò; regnorum autem  
 „suorum, Hungariæ quinquagesimò primò,  
 „Romanorum septimò & vigesimò, Bo-  
 „hemie decimò septimò . . . . .  
 „diem obiit. Qui postmodum suorum.

„non sinè uberrimo fletu in Hungariam por-  
 „tatus; & in Ecclesia Waradiensi honori-  
 „ficè suorum prædecessorum adinstar tradi-  
 „tus est sepulturæ. Fuit Imperator Sigismun-  
 „dus homo in sui vultus qualitate & personæ  
 „quantitate satis idoneus, pulchra facie, cri-  
 „nibus crispis & glaucis, ac sereno intuitu à  
 „summo rerum conditore adornatus. Hic  
 „in favorem Hungarorum quondam longæ  
 „barbas deferentium prolixam barbam de-  
 „ferebat. „

[2.] Annotationes Jacobi Reckwein in  
 lib. suo Secretorum.

[3.] Tabula antiqua MS.

[4. & 5.] Ex Autographis ipsorum.

## Annus Christi MCCCCXXXVIII. Monasterii CCC.

*Pont. Rom.*  
 Eugenius IV.

*Imp. Rom.*  
 Albertus II.

*Archi-Dux Austriae*  
 Idem Albertus.

*Episcopus Pataviensis*  
 Leonardus.

*Abbas Zweitenfeldensis*  
 Joannes II.

**A**lbertus V. Archi-Dux Austriae &  
 gener Sigismundi Imperatoris de-  
 fundi electus ad Socris sui commenda-  
 tionem tam in Regem Bohemie quam  
 Ungariæ anno priori, hoc anno Calen-  
 dis ipsis Januariis in Alba-Regali in Re-  
 gem Ungariæ inungitur, & coronatur  
 cum magno statuum omnium applau-  
 su. \* [1.] Inde rebus in Ungaria con-  
 stitutis in Bohemiam ad regnum maturè  
 occupandum properat. Ubi verò Vien-  
 næ in Austria substitit, interim septem-  
 viri Imperii Electores Francofurti comi-  
 titia creandi Imperatoris habebant,  
 qui Sigismundi de Alberto iudiciò, Un-  
 garorum, item & Bohemorum electio-  
 ne, & sua de ipsius virtutibus æstima-  
 tione confirmati, & felicem sub eo  
 Reip. statum fore ominati, Imperato-  
 rem cum uno consensu creant. Ab ea  
 electione Austriacæ gentis Principes  
 Imperii dignitatem Majestatemque in  
 hæc usque tempora quasi per manus  
 acceptam cum summa rerum gestarum  
 gloria ac gratia tuentur: atque ità uno  
 eodémque anno Albertus bis in Regem,  
 & tertio in Imperatorem electus ac co-  
 ronatus est magnò felicitatis exemplò,

[2.] Commoranti igitur Alberto Vien-  
 næ, Legati ab Electoribus missi præstò  
 sunt, qui electionis ordine enarrato  
 ipsum à principibus expectari nuntiant.  
 Erant omnes ipsi admonitores Frideri-  
 cus Senior Tyrolensium Princeps, item  
 Fridericus Junior, & Albertus ejus fra-  
 ter Austriaci, Basilienses Legati, mul-  
 tique alii ex utroque regno & reliquis  
 ditionibus Viri nobiles, Academia  
 item & Viennensis civitas, ut Imperium  
 oblatum non recusaret. Soli Ungari  
 ex omnibus refragabantur, quibus an-  
 te susceptam coronam sanctè receperat  
 Albertus, Imperium se nec ambiturum,  
 nec si offeratur, accepturum absque il-  
 lorum assensu ob timorem Turcarum  
 vicinorum, ne Rege in Imperii negotiis  
 detento regnum omnibus illorum in-  
 juriis exponeretur, quod Ungari sub Si-  
 gismundo experti fuerant. Tandem  
 ramen Ungari præsentés à principibus  
 & aliis nobilibus eò deducti sunt, ut  
 assenserint; & ità motus Albertus quo-  
 que in preces eorum consensit, seorsum  
 tamen à consilio parumper digres-  
 sus magnam lacrymarum vim profudisse  
 fertur. [3.] De coronationis ipsius  
 tem-

tempore variant Scriptores, [4.] ego aliis relictis coævum authorem meum sequor, cujus hæc sunt verba de Alberti in Romanorum Regem electione : „ Annò Domini 1438. Indictione prima, tempore Eugenii Papæ IV. annò Pontificatus sui octavò, quintà ferià post Dominicam, quā canitur „ Oculi, vel 18. diei Martii horâ „ quasi nonâ ante meridiem in Francfordia in Basilica S. Bartholomæi „ ibidem in præsentia à Rev. Nobilibus, Magnificis, Honorabilibus „ Magnatibus, Treverensi, Colonienfi „ Episcopis, Ottone Palatino Duce „ Baviaræ, Friderico Duce Saxonie, „ Friderico Marggravio Brandenburgensi (*Albertus Dux Austriae*) electus „ in Regem Romanorum, & humiliat „ (*foras consensit*) se hoc recipere per „ Oratores illorum Wiennæ in Ecclesia „ S. Stephani. „ [5.] Hæc Jacobus citatus. Unde constat ipsum Albertum prius in Romanorum Regem coronatum fuisse Aquisgrani quàm Pragæ in Regem Bohemorum. Nam sanctiosi quidam Bohemiarum Proceres Hussiticæ Sectæ studebant Calimiro Poloniae Regi tredecim annorum puero, quem in Regem suum sibi elegerant, in regnūque vocārant, unde tempus protractum est, ut coronatio aliquandiu differretur. Tandem Albertus Cæsar perveniens Pragam unā cum conjuge sua tertio Calendas Julii, die nimirum Apostolis Petro & Paulo sacrā, adhibitis ritè cæremoniis diademate Regio insignitur. [6.] Coronatione verò peracta quid egerit Albertus, Jacobus suprā memoratus sermone vernaculo pluribus describit, tempus pulchrè deducendo, quæ hic inferere placet, tum pro prædictorum majori lumine, tum ut perspiciantur Alberti Austriaci Principis, Regis & Imperatoris in tam brevi vitæ suæ tempore, quo Regna & Imperium moderatus est, res gestæ eximiarque virtutes: ego fideliter stylo simplici ipsius Jacobi citati idioma per interpretationem referam, quod ita

sonat: „ Sciendum est, cū Albertus „ Romanorum & Ungariæ Rex &c. in „ Regem Bohemiæ Pragæ in festo SS. „ Petri & Pauli Apostolorum coronaretur, adversabantur eidem Domini „ Alscio de Sterenberg Baro, Zepesko, „ (*aliis Profionem ipsum Gerardus & Dubravius, Aeneas verò Pearsonem vocat.*) „ Item Wedersly (*à Dubravio Wressio-vius nominatur*) Hussitarum Sacerdos, aliique multi sectam Thaboritarum tunc sequentes: præterea civitates quædam & oppida illorum partes fovebant, ut Zateczium, Launum, Grettum, Colonia, Thabor &c. Hi omnes in Regem Bohemiæ elegerant puerum Poloniae Regem nomine Casimirum, qui unā cum fratre, Rege quoque Poloniae militem exercitatum & copiosum electoribus suis prædictis Bohemis in auxilium transmissit, itā ut exercitum justum contra Albertum in campos educerent conjurati, ea spe freti, quòd Albertum Bohemiā expellere valerent, atque itā Pragam versùs currus dirigentes castra movebant, jamque Brodam-Bohemicam attigerant, pugnam cum Alberto Rege appetentes. Fideles autem Alberti, qui ei à consiliis erant tam exteri quàm Bohemi, præsertim Rosenbergicus, Neo-Domenfis, Colubradius, Cygnæus, Chrysantius, aliique fideles Bohemiæ reguli unā cum Pragensibus aliisque nonnullis regni civitatibus, Pragæ copias quasque suas Alberto in obsequium offert. Idem præstitit Fridericus Dux Saxonie, & Marchio Misnie octo millia tam peditum quàm equitum adducentes. Præterea venerant quoque Marggravius Brandenburgicus, Dux Christophorus de Amberg, & Dominus de Plaben: quidam ex civitatibus Imperii auxilium miserunt, Dux de Brunonis. Vico, Legatus Mediolanensis, & Venetiarum &c. Deinde Regem suum & Ducem non destituebant Ungaria, „ L I „ Au-

„ Austria & Moravia. Atque ita illius  
 „ exercitus unius mensis spatium excre-  
 „ verat, ut equitatus numeraretur pu-  
 „ gnatorum viginti quatuor millia: in-  
 „ super parati erant multi carri, quos  
 „ armatos vocant, è quibus pugnatur,  
 „ cum quibus hostium ordo perturbabatur;  
 „ curruum quoque munitio mobilis,  
 „ quæ castra metabantur, & secum  
 „ ubique ducebant. Rex igitur ita  
 „ armatus egressus est contra supradictos  
 „ hæreticos & Polonos, & ad pugnam  
 „ se præparat. Quam hæretici cum  
 „ Polonis declinantes, inde ad Thaboritarum  
 „ oppidum, fugientibus similes, se recipiunt.  
 „ Rex vestigiis eorum insistentem usque  
 „ ad Thabor præfatum in hostium conspectum  
 „ processit, hostes verò obsessi, cum  
 „ Albertus per viginti quatuor dies ipsos  
 „ in campos quotidie evocaret, pugnae  
 „ copiam ipsi facere detrectabant, sed  
 „ clandestinè hæretici & Poloni ex oppido  
 „ die nocturne fugam inibant, ex quibus  
 „ multi capti, occisi & combusti sunt.  
 „ Hæc Rex intelligens cum Principibus  
 „ præfatis Pragam repetiit, ubi Principes  
 „ à se domum remisit, qui sibi in auxilium  
 „ venerant. Quare Dux Saxonie, Brandenburgicus,  
 „ Brunsvicensis, Dux Christophorus de  
 „ Amberga, & nonnulli de Imperii civitatibus  
 „ iter instituebant. In quo, cum inter  
 „ Zateczium & Launum procederent, præfati  
 „ hæretici & Poloni collecti, in curruum  
 „ munitione conclusi contra Saxonem &  
 „ prædictos Principes exibant: uterque  
 „ exercitus mox arma parabat, ac prælium  
 „ ambæ partes iniierunt, in quo Saxo cum  
 „ sociis suis commilitonibus superior hæreticos  
 „ & Polonos in fugam vertit, qui Zateczium  
 „ & Launum diffugerunt. Hostium ceciderunt  
 „ plures quam duo millia, capti verò sunt  
 „ ex eis millia duo supra centum: in hoc  
 „ prælio Dux Saxonie militie cingulum  
 „ accepit cum aliis Principibus

„ pluribus & nobilibus, atque rebus  
 „ ita prosperè gestis cum victorioso  
 „ exercitu suo domum victor rediit.  
 „ Post hæc Albertus Rex profectus est  
 „ Sittaviam, Gorlicium, aliasque in  
 „ civitates Lusatie. Interea fratres  
 „ Polonie Reges de regno exierant  
 „ cum viginti millibus Bohemiam &  
 „ Moraviam invasuri, jamque Oderam  
 „ fluvium superarant, quod cum Albertus  
 „ accepisset, Brandenburgicum cum mille  
 „ equitibus nonnullisque suis militibus  
 „ additis Wratislaviam ablegavit, ipse  
 „ paulò post secuturus. Hæc ut intellexerunt  
 „ Poloni, non diu in Silesia morati,  
 „ domum cum suis duobus regibus  
 „ properant fugientes, iter in uno die  
 „ tantum tunc conficientes, quantum in  
 „ egressu suo vix dierum duorum  
 „ spatium antè confecerant. Quare  
 „ Brandenburgico Rex in mandatis dat,  
 „ ut cum mille equitibus in Polonorum  
 „ agrum excurrat, latè prædas agat,  
 „ obvia quæque ferro & igne vastet:  
 „ quæ ille diligenter executioni  
 „ mandans civitates duas cum multis  
 „ pagis & villis exussit, multaque  
 „ spolia tulit, adeoque hostem vexavit,  
 „ ut armis diffusus obviam tendere  
 „ nullus ausus fuit, sed ipse salvus  
 „ Wratislaviam rediit. Interea illuc  
 „ quoque Albertus pervenerat, quæ  
 „ omnia hæcenus narrata contigere  
 „ à festo SS. Petri & Pauli Apostolorum  
 „ usque ad festum S. Martini, Anno  
 „ Domini 1438. Wratislavie autem  
 „ Albertus Rex mansit usque in  
 „ Quadragesimam, ubi interea de  
 „ pacis conditionibus inter Cæsarem  
 „ & Polonum, sed frustra disceptatum  
 „ fuit. „ [7.] Hucusque Jacobus citatus  
 „ hoc anno narrat Alberti in Bohemia  
 „ & Silesia res gestas à tempore,  
 „ quo coronam regni suscepit; ceteræ  
 „ ipsius relationes, quæ anno sequenti  
 „ contigere, anno quoque eodem à me  
 „ referuntur.

„ Circa Monasterium Zwetlense hoc  
 „ anno sequentia contigisse reperiuntur:  
 „ „ Joan-

„ Joannes dictus Raftenvelder Abbas,  
 „ Joannes Egrer Prior, Nicolaus Sub-  
 „ prior & totus Conventus Monasterii B. Mariæ V. in Zwetl in Capitulo capitulariter constituti, Procuratorem, & in Romana Curia Syndicum legerunt & approbârunt Magistrum Joannem Resch in quibuscunque Monasterii præfati sui causis agendis, præsertim in causa litis contra Heinricum Fewchter assertum Rectorem Parochiæ in Cystersdorff Patav. Diocæs. de & super nonnullis decimis ibidem; item in petitione infulæ, infulandique privilegii, & aliarum causarum quarumcunque. Hac super constitutione Instrumentum publicum à Publico Notario à Luca dicto Weiß Clerico Transylvensis Diocæs. confectum. Actum in loco Capitulari Monasterii in Zwetl, Annò Domini 1438. 11. Augusti, Indictione I. Feriâ secundâ, Pontificatus Eugenii IV. annò octavo., [8.] Sciendum hîc causam dedisse liti decimas, quas Parochia in Cystersdorff possidebat: nam cum eadem Parochialis Ecclesia unâ cum aliis à Monasterium Zwetlense jure patronatûs & fundationis spectaret ab initio, Monasteriumque in Curia Romana incorporationem ejusdem cum aliis perpetuam sollicitaret, primùm obtinuit incorporationem primam ejusdem dictæ Ecclesiæ à Bonifacio Papa IX. Annò Domini MCCCXCVI. & ab eodem altera vice Annò MCCCXCIX. confirmatam renovatamque impetravit: item Annò MCCCCXXIII. Martinus Papa V. dictam incorporationem tum à se, tum à suo prædecessore revocatam denuò concessit, ac Annò MCCCCXXIV. 25. Junii per commissionem dicti Papæ Abbati Altenburgensi in Austria executioni prius per Bullam suam mandatam ad finem ipse deduxit. Unde contigit, ut eodem anno 11.

Julii post ultimi Rectoris obitum dicta in Cystersdorff Ecclesiæ, ab Abbate & Conventu in Zwetl in eandem Ecclesiam institueretur Vicarius F. Stephanus Grabner Monasterii Zwetlensis Professus, quo in Curia Romana defuncto supradictus Heinricus Fewchter quondam in Antiquo-Pœlan Plebanus, Cystersdorffensem Ecclesiam fraude obtinuit, eamque resignare noluit requisitus, insuper litem movit, cum Monasterium jure incorporationis perpetuæ decimas & alios proventus occuparet, ipse verò apud Sedem Apostolicam per Syndicum suum ageret, quatenus ipsi ad dies vitæ suæ integri Parochiales proventus ascriberentur, ex eo capite deducens accusationem erga Monasterium nostrum, quod illud contra Bullam incorporationis suæ Vicario vel Plebano in dicta Ecclesia congruam vivendi portionem denegaret. Quare ad hanc injuriam & calumniam suam propulsandam Abbas & Conventus in Zwetl Romam in Curiam prædictam M. Joannem Resch postea Vicarium suum in Schweikers prædictam ob causam ablegavit. Deinde constat etiam ex hoc instrumento Abbates Monasterii in Zwetl jam tum infulâ usos fuisse, quorum hucusque à condito Monasterio fuerunt numerò viginti novem.

Fit demum hoc anno mentio Commissionis cujusdam per Abbatem in Zwetl peractæ, nam Wolfgangus Gossner Judex Zwetlensis civitatis bona quædam hæreditaria occupavit, quæ ad Dorotheam uxorem Joannis Rewfs civis in Zwetl pertinebant: hanc litem composuere Abbas Zwetlensis præfatus, & collega ipsius Nobilis Dominus Ulricus Eytzinger equestris Ordinis per Austriam Magister Hubarum. Datum Annò Domini MCCCCXXXVIII. in festo S. Matthæi Apostoli & Evangelistæ. [9.]

## ADDITIONES.

\* [1. 2. 3.] Gerardus de Roß lib. 5.

Sylvius ad priorem annum sub n. 1. relat-  
tus ita prosequitur: „Iusta pridè defuncto  
„Regi perfoluta corpus ejus in Varadino, ut  
„in ultima voluntate placuerat, sepultum.  
„Albertus in Alba-Regali cum conjugè sua  
„Elisabeth, Kal. Januarii summo consensu &  
„applausu populi coronatus est.

Cap. 55. „Legati in Bohemiam profe-  
„ci, vulgato Sigismundi testamento, Al-  
„bertum vicinum, potentem, nobilem, vir-  
„tute præstantem, Bohemis amicum, Regem  
„assumi petunt. Joannis, Caroli, Vences-  
„lai, & ipsius Sigismundi erga regnum me-  
„rita commemorant. Natam ex eorum san-  
„guine Elisabeth non esse paternâ hereditate  
„privandam. Inter Bohemiæ Reges & Aus-  
„triæ Principes fœdus extare, Procerum  
„consensu, & Imperiali autoritate firmatum:  
„ut deficientibus in alterâ dono masculis  
„hæredibus, alterâ regnum accipiat. Defe-  
„cisse masculos in Bohemia Regiæ stirpis,  
„successorem ex Austria vocandum. Neque  
„aliud regno idoneum viderunt, quàm Al-  
„bertum, qui & uxoris, & suo jure, & so-  
„ceri judicio præferendus sit. Futurum cum  
„Regem, quem Bohemi ex cœlo missum pu-  
„tent. Hungari quem cupidè Regem acce-  
„perint, Bohemis haud aspernandum.

„Flectitur his Bohemorum conventus.  
„Albertus pridie Nonas Majas Rex designa-  
„tur. Verùm Proceres, qui cum Barbara  
„conspiraverant, non aliò pacto in Albertum  
„consentiunt, quàm si postulatis suis mos-  
„geratur. Alscio Sternenbergius eorum no-  
„mine Albertum adiit; sed frustra ejus pre-  
„ces fuere. Albertus ea ferme Bohemis,  
„quæ socer affirmavit. Interea Barbara, di-  
„missis quæ possidebat in Hungaria inex-  
„pugnabilibus castellis, libertati reddita est,  
„duodecim millia aureûm nummum, locis  
„parentibus, quoad viveret, ei singulis annis  
„constituta.

„Ptarco de voluntate Alberti ab Alscio-  
„ne certior factus, accessit eis factione sua  
„primoribus, quorum pars potior hæretica  
„fuit, Hussitarum sequax erroris, Casimir  
„Regis Poloniæ Germani, tredecim an-  
„nos natum, Regem appellat, missisque Ora-  
„toribus auxilia petit, quibus nobile regnum  
„ei conservari possit. Inter hæc & Electores  
„Imperii apud Francfordiam convenientes  
„rem Romanam Alberto commendant. At  
„illi acceptare Imperium injussu Baronum  
„Hungariæ haudquaquam licebat. Id enim

„eis promiserat, cùm se Regem accepere.  
„Vocati primores regni negabant ex usu esse  
„Hungariæ Regi, Theutonicis ceterisque  
„gentibus imperare: dum Sigismundus Ro-  
„manæ rei consulturus, Germaniani, Italiam,  
„ceteras provincias peragraret, Hungariam  
„Turcarum direptioni patuisse. Multa in  
„utramque partem dicta, postremò victi præ-  
„cibus Frederici Ducis Austriæ tunc adole-  
„scantis, assensum dedere: imperium summè  
„Germanorum congratulatione ab Alberto  
„susceptum. Nec mora, legati ad Regem  
„Poloniæ, nomine gentis Bohemicæ missi,  
„Joannes Rabeusticius, & Henricus Placius  
„oratum, ne fratrem turbare Bohemiæ re-  
„gnum patiat, meminert inter Bohemos  
„ac Polonos veteris amicitiae: Albertum ex  
„Sigismundi testamento, & provincialium  
„decreto Regem esse: non potuisse paucos,  
„qui Casimirum vocavere, jus regni in alte-  
„rum transferre. Si pergat alienum regnum  
„fratri parare, caveat, ne de suo cedere co-  
„gatur. Polonus ad ea, Bohemos sibi ami-  
„cos esse fatetur, cupere benevolentiam per-  
„petuò stare: at fratri, quem primarii Baro-  
„nes Regem vocaverint, jus auferre non pos-  
„se: Polonis ac Bohemis unam esse linguam,  
„& unam utrique genti originem: cum Teu-  
„tonicis nihil Bohemis esse commune: nihil  
„provincialibus incommodius, quàm sui Re-  
„gis vocem non intelligere, atque in omni  
„colloquio interpretis egere. Regnum sibi  
„suum satis tutum, fidumque esse, neque se  
„externam vim ullam timere. Proinde orare,  
„ut fratrem potius ipsi recipiant, quàm ipsi  
„ab eo recipiant: donatōsque pretiosis  
„pellibus, ut est mos gentis, oratores dimi-  
„sit. Legatis autem alterius partis, missurum  
„se propediem auxilia pollicitus.

Dubravius Hist. Boiem. lib. 28. „Justis  
„omnibus defuncto Cæsari persolutis, pla-  
„cuit Hungaris Inctum maturè poni, & ab  
„inferiis ad festum coronationis diem Alber-  
„tum converti, priusquam latius tumultus  
„serperet, quem inter se Germani atque Hun-  
„gari Budam incolas ex æmulatione con-  
„civerant, dum alteri priores partes alteris  
„sibi in civitate vindicant. Sed ut plures  
„numerò Hungari erant, ita vi majore insta-  
„bant, primùm rapinis, mox cædibus in Ger-  
„manos, qui ibi domicilia, aut domos con-  
„ductas negotiandi gratiâ habebant, quorum  
„stragem ingentem mense Decembri edide-  
„runt. Ergo Kalendis statim Januarii so-  
„lennia Regis, Reginaeque ad locum solitum,  
„quem

„ quem Albam-Regalem vocant, promulgata,  
 „ & magnâ omnium Ordinum frequentia ce-  
 „ lebrata. Compositis deinde Budæ rebus,  
 „ & Præfectis ac Magistratibus per regnum  
 „ constitutis Albertus in Boëmiâ accelera-  
 „ bat, ut electionem ibi de se factam præfens  
 „ comprobaret, confirmarétque contra omnes,  
 „ qui ab illa non solum dissentiebant, sed  
 „ alium jam sibi Regem, planè puerum dele-  
 „ gerant. - - Sed in Alberto tantus animi  
 „ vigor erat, ut nulli inimicorum terrori suc-  
 „ cumberet; itaque in arcem Pragensem, quam  
 „ suam esse sciebat, cum paucis turmis & co-  
 „ hortibus se contulit, magnòque favore fa-  
 „ ctionis suæ Procerum exceptus est. Nec  
 „ Pragenses alieni apparebant, quanquam diu  
 „ peterent, ut quædam nova & parùm licita,  
 „ priusquam Rex coronaretur, illis diplomate  
 „ roboraret, tamen non alia, quàm ea, in  
 „ quæ antehac Socer Sigismundus consense-  
 „ rat, rata habuit. Horum igitur, & qui ex  
 „ nobilitate aderant, Procerum assensu, Re-  
 „ gium diadema unâ cum conjugè, nullâ am-  
 „ pliùs interpositâ morâ induit, incassum re-  
 „ clamantibus Henrico Pafcone, Alexio  
 „ Sternbergio, Georgio Bodiebradio, & aliis  
 „ sectam Thaboritarum tunc sectantibus, qui à  
 „ Casimiro stabant, ejusque nomine duo millia  
 „ equitum Polonorum subsidio sibi missa ha-  
 „ bebant. At interim fortuna propitia Im-  
 „ periali præterea coronam ipsi Alberto in  
 „ conventu Francfordiensi per suffragatores  
 „ Principes adornabat, suffragiis in eum in-  
 „ clinatis, ut sicut in regnis ita in imperio  
 „ Cæsari Sigismundo succederet. „  
 „ Bohemia Pia lib. 2. „ Albertus, Domi-  
 „ nico die, qui fuit SS. Petri & Pauli à Phi-  
 „ liberto Constantiensi Episcopo fuit inaugu-  
 „ ratus, nec consensit in ea, quæ Bohemi  
 „ priùs à Sigismundo contra Religionem Ca-  
 „ tholicam perperam petierunt. „  
 „ Cuspinianus in Cæsarib. sub Alberto II.  
 „ Item in Austria sua sub Alberto V.  
 „ Megizerus Annal. Carinth. lib. 10. c. 5.

Octavius Strada à Rosberg sub Alberto V.  
 Annales Ungarorum antiqui, & alii plures.  
 [4.] De Roó, ubi suprâ. „ Variant  
 „ hoc in loco Scriptores, ex quibus sunt, qui  
 „ Albertum protinus in Boëmiâ & corona-  
 „ tum Pragæ, Francofurtum porro, atque in-  
 „ de Aquisgranum ivisse affirmant; mihi verò  
 „ eos ut potiores sequi visum est, qui aliter  
 „ sentiunt; neque enim semel Boëmiâ in-  
 „ gressus, tam subito se inde expedire potu-  
 „ isset. Albertus igitur adversæ factioni reli-  
 „ quos secum sentientes opponens, Franco-  
 „ furtum ad Principes ibi præstolantes, atque  
 „ inde cum iis Aquisgranum perrexit, ubi cum  
 „ fausta omnium gratulatione coronatus est. - -  
 „ Iuxta hæc Cæsar collectio per Austriam  
 „ milite Boëmiâ ingreditur. Huic Udalri-  
 „ cus Rosenfis, Meinardus à Nova-Domo,  
 „ multique alii Proceres Iglaviam usque ob-  
 „ viam processere, Regemque omni honorum  
 „ significatione expicientes, ut in regnum  
 „ veniret, rerumque statum præfens intropi-  
 „ ceret, rogare, id quod literis antea quo-  
 „ que petierant. - - „

[5.] Annotationes Jacobi Rechwein Ci-  
 vis Viennæ, in lib. secretorum.

[6.] Gerardus de Roó ubi suprâ. „ Ed  
 „ (Pragam) cum venisset (Albertus) animos  
 „ civium offendit satis promptos. - - Itaque  
 „ volentibus quotquot extra adversam factio-  
 „ nem aderant Ordinibus, ac majore civium  
 „ numero Albertus unâ cum Elisabetha con-  
 „ jugè, adhibitis ritè cæremoniis diademate  
 „ Regio insigniuntur tertio Calend. Julii.  
 „ Aliter hæc ab aliis, & Dabravius (in nota  
 „ marginali) quartum Maji habet, quem non  
 „ sequor, libri MS. fiducia, qui diem coro-  
 „ nationis, Divorum Petri & Pauli memoriæ  
 „ sacratum fuisse asserit. „

Theodoricus Piespordius sub Alberto II.  
 [7.] Annotationes Jacobi Rechwein ubi  
 suprâ.

[8.] Ex instrumento ipsorum.

[9.] Ex Autographo Commissionis.

**Annus Christi MCCCCXXXIX. Monasterii CCCI.**

*Pont. Rom.*  
**Eugenius IV.**

*Imp. Rom.*  
**Albertus II.**

*Archi-Dux Austriæ*  
**Idem Albertus.**

*Episcopus Pataviensis*  
**Leonardus.**

*Abbas Zweitenfis*  
**Joannes II.**

**E**ugenius Papa IV. in publico Con-  
 sistorio Basileense Concilium, quod  
 antè approbaverat, Ferrariam transfert,  
 quòd diceret Græcos cum Ecclesia Ro-

mana in fide conventuros, eundem lo-  
 cum sibi delegisse. Instabant tunc Con-  
 cilio Basileensis Præsides & precibus &  
 pollicitationibus Græcos adhortaban-  
 tur,

M m



tur, ut omisso Eugeniô ad se proficiscerentur. Neque hoc contenti, abrogaturos se Eugenium prædicabant, nisi ipse quoque eò proficisceretur. Interea Ferrariæ, ubi jam inchoatum erat Concilium, pestis grassari cœpit, unde Eugenius coactus Florentiam illud transtulit. Patres autem Concilii Basileensis depositô Eugeniô, triumviros legunt cum auctoritate ex sententia Gulielmi Archi-Diaconi Mirensis F. Thomam Abbatem de Donduno, Scotum, Ordinis Cisterciensis; Joannem Segobiensem Hispanum; Thomam Corcellum, Viros graves, prudentes, eximieque probitatis, & SS. Theologiæ Doctores, ut singuli tot collegas ex quatuor nationibus, Italicâ scilicet, Gallicâ, Hispanicâ & Germanicâ, quæ Concilio intererant, sibi cooptarent, qui cum ipsi triginta duorum numerum complerent. Trium-viri verò quartum sibi collegam adfiscunt Christianum de Gretz Germanum; nam totidem erant nationes. Hic igitur Electores cum Præsede Cardinale Arelatensi, qui inimicus erat Eugenii, Nonis Novembris hoc anno Amadeum, olim Sabaudie Ducem, tunc verò in solitudine Ripaliæ Gebbenensis Diocesis vitam Eremiticam agentem, Romanum Pontificem renuntiârunt, qui electioni de se factæ assensum præbens, Felix Papa V. appellatus est. \* [1.] Hunc Pontificem Ciaconius Antipapani nuncupat, quem ego hætenus secutus, inter legitimos Pontifices quoque non numero, præsertim quia sese abdicavit. De hoc Papa B. Malachias Hibernus Archi-Episcopus sic prophetavit: Amator Crucis. Felix enim V. qui vocabatur antè Amadeus, erat Dux Sabaudie, cujus insignia Crux.

Redeo ad Austriam, in quam anno priori Albertum Imp. Wratislaviâ profectum fuisse quadragesimali nimirum tempore scripsi, & prosequor citatum Jacobum Rechwein de hoc anno scribentem, qui sic loquitur: „Inde (si-

„ licet *Wratislaviâ*) Albertus Rex in „ Austriam abiit, ubi post dies aliquot „ Viennam relinquens, Budam descendit. Ibi Ungari aulicorum ejus & „ Germanorum suppellectilem orta similitudine diripiebant, quæ res Regi „ summè displicebat, idque Ungari advertentes se non impunè dimittendos fore, in Turcas expeditionem „ excogitabant, unde Regem Zigethum „ usque deducebant, ubi ad eum sup- „ plices veniebant Despotes, uxor illius, & filius eorum, cujus munitissimum castrum (Synderoviam Dubravium, Æneas, Gerardus, & alii „ vocant) obsidione firmissima Turcæ clauferant, quod Rex omnimodè defendere cogitat, inde Cubinum per „ Arundinetum in Danubii ripis descendit, quem comitata est Regina uxor „ Waradinum, & in castris per menses „ duos integros juxta Danubium in summo solis fervore confedit. Incidit igitur ibi dysenteriam, quacum „ duobus penè mensibus consistebatur; quare de castris Budam deducitur, ubi per aliquot dies in aula magis morbus invalescere cœpit. Descendentibus autem quibusdam Austriæ Proceribus ipsi à consiliis, invisi sui Regis gratiâ, ipse Viennam cogitat: qui Longam-Villam in insula „ Schütt attingens, obiit in præsentia „ Alberti Ducis Austriæ, Regina verò aberat imprægnata. Hinc corpus „ ejus in Albam-Regalem deductum, & „ ibi sepultum fuit annô Domini 1439. „ Obitus ejus contigit 23. die Octobris, „ vel tertiâ (*scilicet Feriâ, in*) Vigilia „ Simonis & Judæ. „ [2.] Hæc ex annotationibus citatis. Unde constat Alberti hujus cognomentô Honorifici obitus, in quo omnes Austriaci Scriptores conveniunt. [3.] Hoc eodem anno ad septimum Calendas Julii obiit quoque Fridericus Senior Austriacus, Tirolensem Princeps, cum vacua per quondam cognominatus, sepultus in Stampfiano Monasterio Ordinis Cister-

stercienſis celebri apud utramque uxorem & liberos. Poſt ejus obitum Fridericus Junior Erneſti filius ex Stiria ad Tirolenſes profeſtus, Sigismundi agnati tutelam accepit: percepto quoque Alberti obitu in Auſtriam Principis ſui deceſſu percuſam ſe contulit: ubi in conventu Procerum ad S. Berchtoldivicum celebrato, Auſtriæ gubernatio Friderico quoque committitur, qui ſi Al-

berty Cæſaris vidua melioris ſexûs problem edidiſſet, pro tutore: ſin alterius, pro hærede ſe geſturus eſſet, adſcito in commercium fratre. Fridericus itaque cum fratre ipſiſ Divi Nicolai feriis Viennam ingreſſus cum ſummis honoribus à civibus excipitur. [4.] Hæc pluribus tradi debuerant ob Principum Auſtriacorum in regnum Ungariæ ſucceſſionem.

## ADDITIONES.

\* [1.] Ciaconius in Eugenio Papa IV. & Amadeo de Sabaudia Antipapa Felice V.

Spondanus ad hunc ann. n. 1. „ Annò  
„ Chriſti milleſimò quadringentèſimò trigèſi-  
„ mò nonò, Indiſtione ſecunda, menſe Janua-  
„ riæ egreſſi Ferrarià Eugeniùs Pontifex Roma-  
„ nus, Joannes Imperator & Joſephus Patriar-  
„ cha Conſtantinopolitanus, unà cum aliis Syn-  
„ nodalibus Patribus tam Græcis quàm Latinis,  
„ ſuo quique itinere diverſis diebus menſis Fe-  
„ bruarii Florentiam pervenerunt, ad conti-  
„ nuandam ibi Synodum Ferrariæ inchoatam.

N. 43. „ Omnibus igitur conſtitutis, &  
„ conclavi in medio urbis parato, in domo,  
„ quam Nobiles quondam in uſum ſtruxerant  
„ chorearum ( quod nec myſterio carere pu-  
„ tamus ) habita Sèſſione publica 38. tertio  
„ Calendas Novembris, qua rem divinam fecit  
„ Cardinalis Arelatenſis, omnes Electo-  
„ res communicarunt. . . . .

N. 44. „ Cùm ventum eſt ad ſuffragia,  
„ ait *Æneas* ( *Sylvius* ) primò ſcrutinio ſeptem  
„ & decem ex diverſis nationibus fuiſſe nomi-  
„ natos, nullum tamen habuiſſe neceſſa-  
„ rium ſuffragiorum numerum; unum tamen  
„ omnes ſuperàſſe Amadeum Ducem Sabau-  
„ diæ. . . . Cùm autem ſingulis ſcrutiniis,  
„ ut *Æneas* addit, creſcerent ſuffragia erga  
„ Amadeum; demum poſtquam auditæ fuere  
„ & conſideratæ rationes unius ex Electori-  
„ bus de vita ejus in Principatu optimè tranſ-  
„ acta, de juſtitia ſtudio, prudentia, chari-  
„ tate in ſubditos, pacis amore, de pietatis  
„ exercitiis in ſuo reſceſſu Ripalleniſi, de opi-  
„ bus & potentia: rejeſtis ut nullius mo-  
„ menti nonnullorum obſectionibus, quæ ejus  
„ electionem diſſuadere videbantur, quòd ad-  
„ huc Laicus eſſet, quòd conjugatus fuiſſet,  
„ quòd liberos haberet, quòd Doctor non  
„ eſſet; ſequenti ſcrutinio, quòd factum eſt  
„ Nonis Novembris, compertum eſt, ſex &  
„ viginti voces in eundem Amadeum concu-  
„ rere, quàm plures eſſent, quàm neceſſe fo-

ret ad legitimam ejus ex decreto Concilii electionem. . . .

N. 45. „ Delecti poſt hæc Legati, qui  
„ eam Amadeo deferrent, (nempe ipſemet Car-  
„ dinalis Arelatenſis cum nonnullis Episcopis,  
„ Abbatibus, Magiſtris & Doctoribus, & Co-  
„ mite Tierſtein ſubprotettore Concilii cum  
„ aliis Nobilibus, omnes viginti quinque nu-  
„ merò, ut Acta Patritiana habent ) obtule-  
„ runt illam ei apud Ripallam die 17. Decem-  
„ bris; ac multis ſuaſionibus apud reluſtan-  
„ tem egerunt, ut ſpecie neceſſitatis obſequii  
„ & affectu publicæ ſalutis, flexis genibus &  
„ obortis lacrymis humiliter ſuſceperit; electo  
„ ſibi nomine Felice ejus nuncupationis Quin-  
„ ti.

Qui, mox promiſſa barbâ crinèque, toto denique eremitico habitu depoſito, emiſſoque juramento Sèſſionis 37. ornamen-  
„ tis Pontificalibus indutus eſt, atque in Ec-  
„ cleſia Monaſterii S. Mauricii ſuper Altare de  
„ more inthronizatus; ut ſeriatim narratur in  
„ Sèſſione 40. menſe Februarii anni proximi  
„ habita: meminertque *Æneas* in Commenta-  
„ riis rerum ſuarum nomine Gobellini editis.  
„ Habentque inſuper Acta Patritiana, statu-  
„ tum inter alia à Concilio fuiſſe ut in ſcri-  
„ bendis à Felice ad illud literis, is nomen  
„ ſuum poſtponeret; ita ut ſcriberet: Sacto-  
„ ſanctæ Baſilienſi Synodo &c. Felix Epi-  
„ copus Servus Servorum Dei. Ita enim bel-  
„ luli illi abuti voluere facilitate optimi Prin-  
„ cipis, quem & poſtea veluti mancipium,  
„ ſeu, ut Catholici Eugeniiani vocabant, idol-  
„ lum, ad omnia, quæ vellent, in deprava-  
„ tiſſimorum ſuorum conaminum ſtabiliſac-  
„ tum, & omnimodam auctoritatis Sedis Apo-  
„ ſolicæ depreſſionem habere voluerunt;  
„ præparatis ad id rebus per temeraria quàm  
„ plurima Superiorum geſtorum facinora, &  
„ plauſibilem atque popularem Supremiatis  
„ Conciliorum exaltationem.

„ Nam quod Poggius, Blondus & alii il-  
„ lius ac poſteriorum temporum Scriptores in  
„ M m a „ Feli-

„Felicem invehuntur, non planè rem tan-  
 „gunt. Tot enim Basilenses pigmentis fu-  
 „cisque res suas adumbrabant, tot etiam ali-  
 „unde criminibus malevolorum invidià Eu-  
 „genius per orbem impetebatur; ut non adeo  
 „crimini imputandum fuerit Principi pietati  
 „dedito, solitudinem colenti, & salutem  
 „Ecclesiæ sitienti, si aliorum, qui nihil præ-  
 „ter fidei defensionem, Christianitatis restau-  
 „rationem, & disciplinæ reformationem  
 „prætexebant, addo, & quorum plerique  
 „non solum doctrinâ, sed etiam moribus  
 „præstabant, verborum lenociniis dociles aures  
 „re commodaverit; omnino si non ab errore,  
 „à quo illum nullatenus liberem, certè à tem-  
 „meritate (si nullus ambitus fuit) immunis;  
 „qui non tam actione, quàm passione pecca-  
 „verit. Peccârunt verò vel maximè ac ma-  
 „litosissimè alii, qui Ecclesiæ regimen, &  
 „administrationem sibi tribuentes, quorùm-  
 „que propterea erat officium ac debitum  
 „æqua rationis lance singula ponderare, &  
 „quædam mala, etiam si apertissima fuisse con-  
 „cederemus (non enim fortè usquequaque  
 „Eugenius, quamvis Gabriel, propterea Ar-  
 „changelus) ad tempus tolerare, quàm tan-  
 „tò Ecclesiæ ac fidei periculò, & totius Chri-  
 „stiani orbis subversione, in obstinatissimis  
 „suis ac nefariis propositis perseverare.”

[2.] Annotationes Jacobi Rechwein in libro suo Secretorum.

Dubravus hist Bohem. lib. 28. „Habuit  
 „(Albericus) itaque in animo bellum Poloni-  
 „cum alio tempore gerere, nam tunc ei ab  
 „Amurathe Turca gravius impendebat, Ser-  
 „viam, Rasciamque Georgii Despoti regio-  
 „nes, qui sub tutela Regum Hungariæ vive-  
 „bat, latè populante, oppidâque in illis di-  
 „ripiente, ac jam Synderoviam arcem quar-  
 „to lapide à Taururo (al. Tauruno) quam Al-  
 „bam-Græcam vocant, dissitam, arcem pro-  
 „fus firmissimam obsidente.”

Æneas Sylvius Hist. Bohem. c. 55. „Per  
 „idem tempus Despotus Serviz, quam Ras-  
 „ciam vocant, cum Sacerdotibus & Nobili-  
 „bus in Hungariam profugerat, Turcarum  
 „impetus veritus, uno tamen relicto filio,  
 „qui castellum Synderoviam in ripa Danubii  
 „situm, & à Turcis obsessum tueretur.

Idem capit. sequenti. „Albertus ubi ex-  
 „pugnatam Synderoviam, Turcas abiisse co-  
 „gnovit, dimisso exercitu, Budam rediit.”

Annales Hungarici Antiqui.

Cuspinianus in Cæsarib. sub Alberto.

Gerardus de Roó Hist. Austriac. lib. 5.

„Bellum etiam Hungariæ ab Amurate Tur-  
 „carum Tyranno imminere nunciabatur.” Is

„morte Sigismundi audita, in superiorem My-  
 „siam (quæ nunc Rascia appellatur) vires &  
 „arma sua converterat. Georgius ejus Pro-  
 „vinciæ Regulus (Despoten Græcò vocabu-  
 „lò dicunt) viribus impar in Hungariam ad  
 „imploranda vicini Regis auxilia, venerat.  
 „Interim Amurates Synderoviam arcem cum  
 „oppido, in quo Georgius filios cum præsi-  
 „dio reliquerat, obsidione cingit, & pro in-  
 „sita genti ferocia acerrimè oppugnat. Cre-  
 „bri itaque nuntii ad Cæsarem advolant, me-  
 „tum ab hoste immanissimo, præsensque adeò  
 „periculum regni cervicibus impendere nu-  
 „tiant, sociam ac vicinam civitatem in extre-  
 „mo versari discrimine, solius Savi amnis ob-  
 „jectu, Turcam à Pannoniæ finibus submo-  
 „veri, quare copias eò mittendas, quam ad  
 „rem præsentia Regis opus esse.

„Cæsar hoc rumore percussus, quanta  
 „potest celeritate in Hungariam pergit, ac rei  
 „necessitate moram non admittente, nec ex-  
 „pectatis majoribus copiis castra intra Tibis-  
 „cum & Danubium amnes munit, eò undi-  
 „que auxilia properari mandat. Turcæ,  
 „quò propius Hungarorum auxilia adesse au-  
 „diunt, eò acrius oppugnationem urgere,  
 „omnia moliri, pericula contemnere, dies  
 „noctēsque pugnam continuare, fessis requie-  
 „tos submittere, nihilque ad extremam dili-  
 „gentiam reliquum facere, quoad oppidum  
 „vi expugnarent. Victores pro suo more  
 „cædem in omnes cujusvis ætatis, & sexus  
 „exercent. Georgii filios duos Stephanum  
 „& Gregorium captos, candentis aris laminâ  
 „oculis obtentâ excœcant. Hoc genus car-  
 „nificinæ, castigandi mitiorem modum inter-  
 „pretabantur, quo oculi fervore exsiccati, vi-  
 „dendi usum amitterent, formam retinerent.  
 „Eorum soror, Tyranno in concubinatum aut  
 „mœchimonium data, seu potius in fœdissi-  
 „mam servitutem mancipata est. Tertius  
 „frater Lazarus cum patre in Hungariam pro-  
 „fugerat. Magnus ex hac Turcæ victoria ter-  
 „ror vicinorum animos invaserat, sed Turca  
 „firmatis præsidio locis opportunis retro-  
 „cessit.

[3.] „Orta deinde in castris Regiis seditione  
 „Albertus exercitum dimisit, non tam  
 „ea re motus, quàm quòd ex ventris proflu-  
 „vio multos miserè absumi videret, ac ipse  
 „eandem quoque huc laborare inceperet.  
 „Causam tam perniciosi mali, nimium fuisse  
 „æstum perhibens, quem ipse sibi immoderate  
 „pepenum esu immedicabilem reddiderat.  
 „Budam primùm delatus, cùm morbum in-  
 „gravescere sentiret, Viennam versùs iter ar-  
 „ripuit, vel quod aëris mutationem morbo  
 „„reme-

„ remedium allaturam sperabat, vel si omnino  
 „ moriendum esset, in paterno solo potius,  
 „ quàm inter externos mori volebat. Dissua-  
 „ debant iter Medici, meliùs esse & valetudi-  
 „ ni commodiùs eodem in loco commorari  
 „ demonstrantes, cùm omnis agitatio intesti-  
 „ na exulceret. Ille verò omnibus medico-  
 „ rum placitis patriæ desiderium præferens  
 „ ità eam anhelabat, ut palàm diceret, se non  
 „ dubitare, si in Austriam eò pervenire, unde  
 „ Vienna videri possit, liceret, quin Sanita-  
 „ tem esset recuperaturus. Itaque iter Ingres-  
 „ sus Strigonium venit, ubi ad tempus ab agi-  
 „ tatione conquievit, mox resectis paulisper  
 „ (ut videbatur) viribus cùm in pagum quandam  
 „ Nesmel dictum venisset, vi morbi victus,  
 „ ultimam voluntatem literis mandari iussit,  
 „ & Christianis sacris munitus obiit sexto Ca-  
 „ lendas Novembris annò redempti Orbis  
 „ millesimò quadringentesimò tricesimò no-  
 „ nò. Sunt qui sub ipsam mortem hac ora-  
 „ tionis formula usum esse, prodidèrunt: Om-  
 „ nipotens æterne Deus ignosce iis, qui mor-  
 „ ti meæ causam præbuèrunt, quibus & ego ex  
 „ animi sententia propter te ignosco, atque  
 „ ut mei miserearis, oro.  
 „ Obiit Albertus cum non minore suorum

„ ac Christianæ Reipubl. jactura, quàm dolo-  
 „ re, Princeps longè optimus, pietatis ac  
 „ æquitatis observantissimus, summæque li-  
 „ beralitate, unde Honorifici cognomen obti-  
 „ nuit, præditus, de quo magna sibi optimi  
 „ quique speranda proposuerant. Fuit Albertus  
 „ staturà paulò supra mediocrem, colore sub-  
 „ fusco, aspectu venerando, fortitudine mira,  
 „ intentus in Religionem, & singularis pieta-  
 „ tis cultor, vestibus utebatur non nimis  
 „ splendidis, sed quas baltheus pretiosus de-  
 „ corabat, gladium semper ad manum habuit.  
 „ Filias superstites reliquit duas, Annam, quæ  
 „ Guilielmo Saxoni, & Elisabetham, quæ Ca-  
 „ simiro Polono postea nupsèrunt. Sustulerat  
 „ melioris quoque sexus prolem, quem Guili-  
 „ elmum quidam; alii Georgium nomen  
 „ habuisse, & infantem obiisse, prodidèrunt.  
 „ Uxorem verò reliquit gravidam. Ea viri  
 „ corpus Albam-Regalem deduxit, ubi in ma-  
 „ xima hominum frequentia, lugentibus cer-  
 „ ratim, seque ipsos magis quàm ipsum mise-  
 „ rantibus, iusta ei perfoluta, corpusque  
 „ Regio sepulchro illatum est.

Sylvius ubi suprà.

[4.] Gerardus de Roó ubi suprà paucis  
 mutatis & omisiss.

## Annus Christi MCCCCXL. Monasterii CCCII.

*Pont. Rom.*  
 Eugenius IV.

*Imp. Rom.*  
 Fridericus IV.

*Archi-Dux Austriæ*  
 Idem Fridericus.

*Episcopus Pataviensis*  
 Leonardus.

*Abbas Zwetlensis*  
 Joannes II.

**A**nni hujus initiò Septemviri Impe-  
 rii Electores Francofurtum de more  
 ad electionem novi Cæsaris conven-  
 nère, & ad tertium Calendas Aprilis  
 Fridericum Austriacum cognomentò  
 Pacificum & Juniorem uno consensu  
 Romanorum Regem creavère. Missi  
 ad eum Legati Neapolim Austriæ, ubi  
 tum agebat, Electorum voluntatem &  
 electionem exponunt. Ipse nec opi-  
 nato hoc nuntio perculsus sumit delibe-  
 randi spatium, quo exacto Legatis re-  
 spondit: Electorum atque ad eò totius  
 Imperii judicium se nec elevare nec  
 contendere, ideòque electionem ratam  
 habere, ac gratò animò accipere. Hoc  
 responso accepto Legati Francofurtum  
 ad Electores læti redièrunt. \* [1.]

Interea Elisabetha Regina vidua  
 post curatum viri funus puerum exactis  
 mensibus peperit, cui Ladislai nomen  
 datum. Natus autem est, 21. Febru-  
 arii Alberti posthumus. Qui ex proce-  
 ribus Ladislao additiore erat, (nam  
 quidam eorum Vladislauum Poloniæ Re-  
 gem ad coronam Ungariæ suscipien-  
 dam vocaverant, ejusque partes fove-  
 bant) de corona illi imponenda, ante-  
 quam Polono regni possessio firmare-  
 tur, solliciti consilium inièrunt. Cùm igitur  
 jam in itinere, neque procul abesse  
 nunciaretur, Dionysius Zecchius Stri-  
 gonienfis Metropolitæ Cardinalis, Mat-  
 thias Vespriinensis, & Benedicùs Jau-  
 rinensis Episcopi, nec non alii multi  
 primates cum tota sua factione Albam

N n

„ advo-

advolant. Ibi Strigoniensis Ladislaum in matris gremio vagientem, necdum quadrimestrem adhibitum ritè cæremoniis in Regem Ungariæ initiavit, sacramque ei coronam imposuit. Juramentum à Rege præstari solitum Udalricus Ciliæ Comes pueri nomine dixit, moxque alii protensis ad coronati pueri caput manibus, fidos se illi ac obsequentes fore juravere. Inter faustas omnium acclamationes Regina ab uberissimo lachrymarum imbri temperare non potuit, quam vagienti Regi complorantem nemo siccis oculis aspicere sustinuit. Peracta coronatione Regina Friderico Cæsari omnia quæ circa regnum, & se, & puerum aguntur, nuntiat, uti qui viduarum & pupillorum defensionem Rex Romani Imperii suscipere ex officio deberet, pueri Regis agnati curam & tutelam ne deferat. Inde cum proceribus Regina Vissegradum munitissimam arcem contendit, in qua sacram Regni coronam recondi mos erat. Ibi Regina futuri temporis discrimina animò quasi prædivinans, astu quodam omnes quotquot aderant sefellit, ac nè quis præter filium alius regno inaugurari posset, coronam suo loco reponendam subtraxit. [2.] Modum Gerardus sic describit, quem referre placet: „ Solebant Ungari coronam suam pannis quibusdam sericis involutam in

„ capsulam reponere, eamque proce-  
 „ rum aliquot sigillis consignatam mul-  
 „ tis seris includere. Regina igitur,  
 „ quæ hæc noverat, cuidam ex pedif-  
 „ sequis fasciculum quendam eodem  
 „ modo ex pannis convolutum jam  
 „ antea dederat, cui nescio quid rei,  
 „ quod & pondere & tactu coronam  
 „ referebat, indiderat. Huic puellæ  
 „ (ex Fraunaverorum gente fuisse per-  
 „ hibeant) inspectantibus Ungaris co-  
 „ rona cum pannis datur, quæ magna  
 „ cum dexteritate pro vera adulteri-  
 „ nam protulit, ea capsulæ inclusa ob-  
 „ signatur. „ Adveniente demum Vla-  
 „ dislao Polono Elisabetha suis rebus me-  
 „ tuens cum Rege puero & corona in  
 „ Austriam ad Fridericum evasit. [3.]  
 „ Dum hæc in Ungaria geruntur, agunt  
 „ quoque Pragæ Bohemi conventus ad  
 „ novum eligendum Regem. Fama illuc  
 „ jam venerat de Posthumo Alberti Regis  
 „ recenter nato, unde Legatos ad Regi-  
 „ nam in Ungariam mittunt, petuntque,  
 „ cum jam eligendi novi Regis in Bohe-  
 „ mia incantur comitia, ipsa Oratores  
 „ suos illuc dirigat, qui, si quid juris in re-  
 „ gno illo ad se spectare confidit, rem  
 „ suam agant. Erat inter Legatos Pro-  
 „ copius Rabensteinius nobilis Eques, qui  
 „ habiturum se curæ ait, quæ Regina man-  
 „ daret. [4.] Interea hic annus elapsus  
 „ est.

## ADDITIONES.

\* [1.] Gerardus de Roó ubi suprà præced. annò.

Piespordius: eodem. „ Fridericus VI. cognomen à Junior & Pacificus, Rom Imp. hoc nomine IV. ( *et. III.* ) Archi-Dux Austriæ, Dux Stiriæ, Carinthiæ, Carniolæ, Comes Habeburgi, qui se etiam Regem Hungariæ scripsit &c. Natus Oenoponti annò 1415. IX. Calend. Octobris. Annò 1440. mortuò paulò antè Albertò II. Francosurti Rex. Rom. declaratus, anno 1442. sequenti, 17. Junii „ Aquisgranî coronatur. „

Spondanus hic n. 1. „ Annò Christi millesimò quadringentesimò, quadragesimò „ Indictione tertia, convenientibus Franco- „ fordîæ Electoribus ad novum Cæsarem Al-

„ berto nuper defuncto subrogandum; con- „ cordi omnium consensu electus est Frideri- „ cus, Imperatorum ejus nominis Tertius „ ( Quartus tamen, si pulchrum æmulum Lu- „ dovici Bavari numeraveris ) Austriæ Dux, „ Ernesti filius, & Alberti nuper Regis pa- „ truelis, juvenis viginti sex tantummodo an- „ norum, pietate insignis, cujus etiam ardore „ Terram Sanctam inviserat, aliisque virtuti- „ bus principe dignis apprime dotatus, pa- „ cisque tuendæ adedò studiosus, ut Pacifici „ cognomentum obtinuerit. „

Discrepant vel maxime in chronologia ele- „ ctionis Scriptores.

Magnum Chronicon Belgicum. „ Fride- „ ricus hujus nominis Tertius fuit post de- „ „ ces-

„cessum prædicti Alberti per omnes Electores Imperii concorditer electus annò Salutis 1440. mensis Februarii die secunda inter Octavam & Nonam horas : cujus electio fuit publicata circa decimam horam ejusdem diei. „

Ita & Fuggerus in Speculo ad hunc ann. nobis pag. 516. ad finem. „ Unter dessen hatten des Reichs Churfürsten umb Liechtmes sich nach Franckfurth versamlet, die Keyserwahl vorzunehmen. Weil sie der löblichen Regierung K. Alberti sich erinnerten, und dannhero, auch sonst aus dessen guten Gerüchte, von Hertz. Friderichen die beste Hoffnung schöpffen: als ward einmüthlich auf ihn gestimmt, und er mit allgemeiner Bewilligung zum Römischen König und künftigen Keyser am Tag der Liechtmes den 2. Februarii erwählt, und ausgerueffen; auch solches also fort an alle Fürsten, Stände und Städte geschrieben und berichtet. Wie dann auch hiervon ein Schreiben der Stadt Franckfurth an die Stadt Angsburg abgangen dises Inhalts: „ Unfern freundschaftlichen Dienst zuvor &c. - - Datum zu Franckfurth in die festo Purificationis B. Mariæ Virginis, annò 1440. „

Cuspinianus in Cæsarib. sub Friderico III. Francofordiæ - - post Alberti obitum est ab Electoribus Imperii concorditer circiter Kalend. Januarii, annò quadragesimò post millesimum quadringentesimum in Romanum Regem declaratus; dehinc Aquisgrani mense Augusto à Theodorico Coloniensi Archiantistite coronatus, præsentem Ludovico S. Cæcilie Cardinali, ac Sacri Concilii Basileensis Legato, electionem ac Regis coronationem nomine universalis Ecclesiæ approbante & confirmante. „

Spondanus nuper relatus n. 2. „ Quòd verò cum (Albertum) Onuphrius Calendis Januarii electum esse, octavo Idus Januarii coronatum scribit; videtur ex condictione eodem ipsos dies Friderico tribuere voluisse, quos & Alberto tribuerat, utrobique aperte falsus, &c. Quomodo enim potuit Fridericus eligi Calendis Januarii; cum per Bullam Auream Caroli IV., quam Electores ad amissum observabant, statueretur, ut à die intimationis per Archi-Episcopum Moguntinum faciendæ infra tres menses Electores Francofordiæ convenirent; ab obitu autem Alberti ad prædictas Calendas Januarias nonnisi duo menses & quatuor dies intercurrent? Denique Trithemius (in Chronico Sponheim.) ait, in medio Quadragesimæ Electores convenisse ad electionem. Inci-

dit autem eo anno, quo Pascha contigit vigesimo septimo Martii, fuitque Bissextilis, media Quadragesima in quintum Nonas Martii. Et Nauclerus disertè electum Fridericum tradit tertio Calendas Aprilis: cum nihilominus Acta Patritiana Concilii Basileensis, quibus non parum fidimus, id contigisse ponant quarto Nonas Februarii. Major verò error est prædicti Onuphrii; cum Fridericum coronatum ponit octavo Idus Januarii hujus ipsius anni; cum certum sit non accepisse coronam Aquisgrani, nisi post biennium, ut tunc dicitur. Regnavit autem ab hoc electionis suæ tempore amplius quinquaginta tres annos. Atque in ejus posteritate feliciter firmata est hæc Imperialis dignitas, cum amplissima multorum insigniumque regnorum adjunctione. „

Salva quacunque horum & aliorum Scriptorum autoritate compiler textus nostri secutus est sæpè laudatum à nobis Gerardum de Roß, quem decurrate refert, eique de Recentioribus Joan. Palatius adscriptatur in Aquila Austriaca sub Friderico V. Pacifico, fol. 36. hisce:

„Fatis functò Albertò II. Imp. Septemviri jacturà optimi Principis mortui ac solliciti, Francofurtum convenère, & III. Calendas Aprilis Fridericum Austriacum, qui ex Hierosolymitana peregrinatione revertens, adhuc penulatus stabat, uno consensu Romanorum Regem creavère. Missi ad eum Legati Neapolim Austriæ, ubi tunc agebat, Electorum voluntatem exposuerunt. Ille sumptò deliberandi spatiò primùm ad pedes Crucifixi Redemptoris accurrit, humiliter rogans, ut eum non pateret regnare, quando aliter regnaturus esset, quam à Cruce Domini N. J. C. Fidissimos inde accivit, ut, quid agendum, consulerent. Incumbebat ei magna curarum moles, quòd Alberto Cæsar, ac Friderico Tirolensi mortuis, solus omnium provinciarum Austriæ gubernationem suscepisset; frater verò Albertus cognomine Prodigus, à prima ulque Adolescentia ita vitam instituisset, ut parum præsidii in ipso collocaret. In Bohemia quoque & Hungaria Austriæ vicinis turbati multa videret. Ex adverso secum reputans, magnam sibi suæque genti dignitatem, magnum ab Imperio emolumentum, opesque & auxilia, quibus præsens rerum status indigeret, accessura; exadò, quod ad consulendum sumplerat spatiò, die D. Gregorii memoriæ sacro, electioni consensit. „

N n a

[ 2 ]

[2.] De Roß ubi suprà. „ Inter hæc Elisabetha Regina post curatum viri funus, Pontifices ac regni Proceres ad se vocat, eosque oratione ad præsentem rerum statum accommodata alloquuta per Ludovici avi materni, per patris Sigismundi, perque Alberti mariti memoriam, & præclara in ipsos merita obtestatur, nè se viduam, nè conceptam ex Rege suo, eodemque Roman. Imperatore prolem negligant, sed utriusque ratione habitâ de creando interrege idoneo consilium ineant, in quo liberam se ipsis potestatem permittere, quod se & scæminam & juvenculam, tantæ rerum molis sufficere agnosceret. Hæc ubi multis cum lachrymis exposuisset, Proceres bene sperare iussam relinquentes, potestatem sibi concessam contra Reginæ mentem interpretati, statim comitia creando Regi indixere. Quæ ubi haberi capta, placuit Vladislauum Poloniæ Regem accerere, eique Reginam viduam cum regno dotali tradere. Intercessit Regina, potestatem se non creando Regis, sed Inter-Regis dedisse, ut electionem saltem differrent, quoad peperisset, precata est. Perfuasa tandem ab illis, quorum potentia refragari nec auderet, nec posset, ut Legati mitterentur, assensu est. Id tamen exorari nitebatur, ac tandem obtinuit, ut Legatis expressè mandaretur, si enixa masculum ipsa fuisset, re nondum cum Polono transacta, ut revocati, omnia legatione, in Hungariam revertèrentur.

„ Sunt, qui decretum in consilio fuisse, affirmant, quicquid Regina diceret, omnino vocandum esse Vladislauum, puerum autem, si masculum etiam peperisset, eum longum sit ejus ætatem expectare, Boemiâ ac Austriâ contentum esse debere. Ex hoc eorum factio magna discordiarum semina utrinque jacta, multaque inter Hungaros ac Polonos bella exorta sunt, quæ utrisque incommodo, Regi etiam exitio fuere. Missi igitur in Poloniam Legati, cum in itinere adhuc essent, Regina exactis mensibus scitum admodum infantem peperit, cui Vladislao nomen datum. Mater Regina, quicquid aderant Proceres, nuncium celerem post Legatos mittunt, qui eos affectus, Regem Hungaris natum, neque Polono amplius conventu opus esse nuntiat: quare pedem referant, sciântque Legationem sibi, omnemque cum Vladislao agendi potestatem esse sublatam. Legati hoc nuncio commoti, quid potissimum agendum sibi esset, vehementer dubitabant. Cum verò quid peturi advenirent, jam rumor antè latus, in

„ aula vulgasset, nec absque periculo regredi liceret, rectâ ad Regem profecti, rem sibi ab initio mandatam, exponunt. Læto omnium plausu Legatio excipitur, nec mora, exercitus, qui Vladislauum in Hungariam comitaretur, decernitur.

„ Elisabetha paternum infanti regnum suum culpâ auferri dolens, animò angebatur, & consiliò suorum convocato, pactum cum Vladislao matrimonium rescindit, ejus potestatem nullam, post acceptum de puerperio nuncium, Legati habuissent. Erant eo tempore, qui dicerent, non desuisse Polonos, qui Regi authores essent, ut Hungariam nato legitimo Regi relinqueret; contra autem ex Hungaris fuisse, qui ipsum animarent, neque ab eo consilio immunem fuisse Corvinum, quod Vladislauum magnâ animi fortitudine ac potentiâ pollentem, Turcarum viribus opponere jam tum ageretur. Qui verò ex Proceribus Ladislao, Alberti Posthumo addidiores erant, de corona illi imponenda, antequam Polono regni possessio firmaretur, solliciti consilium iniere. Erantque non in Aula solum, sed in aliis regni partibus Episcopi & Proceres non pauci, apud quos Sigismundi & Alberti memoria effecit, ut nefas esse ducerent, eorum hæredem avito regnò defraudari. Nonnullos movebant beneficia ab illis accepta, reliquos ætas pueri, matris sexus, ac utriusque orbitas & commiseratio. Itaque qui ex Legatis redire ausi fuerant, in carcerem conjiciuntur. Cum verò Polonum jam in itinere, neque procul abesse nuntiaretur &c., *ut in textu nostro.*

Dubravius Histor. Bohem. Lib. 28.

Bohemia Pia lib. 2. sub Ladislao.

Æneas Sylvius Histor. Bohem. c. 57. „ Regina Elizabeth jam filium ex Alberto pepererat VIII. Cal. Martii, Ladislauum nomine, atque Hungarorum coronam ei imposuerat. „

Piespordius sub Ladislao. „ Ladislauus posthumus Rex Hungariæ & Boemiæ, Archi-Dux Austriæ, Dux Silesiæ &c. Natus Albæ 21. Februarii annò 1440. quadrimestris in gremio matris Rex Ungariæ coronatur, & unâ cum corona in Austriam ad Friedericum Cæsarem abducitur, sub cujus cura educatus est usque ad ann. 1452. quo ipsum Austriæ restituit. Hungari autem post abductum Regem puerum Vladislauum Polonum Regem diligunt, quo ad Varnam cæso, Ladislauum secundò eligunt, & confirmant constituto Prorege Joanne Corvino. „

[3.] Gerardus ubi suprà.

[4.]

[4.] *Aeneas Sylvius* ibidem. „Mittun-  
tur ad eam (*Reginam Elisabeth*) legati, qui di-  
cant, ad eligendum Regem diem statutum:  
„si quid juris in regno Bohemiae ad se spe-  
„rare confidat, oratores mittat, qui rem  
„suam agant. Regina natum ex Alberto fi-  
„lium in cunabulis ostendit, rogat, ne pa-  
„ternā hereditate pupillum exuant. Tem-

„pus mittendi legatos arctum esse, neque  
„enim amplius quam dies quindecim super-  
„erant. Si prorogetur terminus, missuram,  
„qui pueri iura edisserant. Erat inter Lega-  
„tos *Procopius Rabensteinus* nobilis Eques,  
„doctrinā ac morum lenitate præstans, cu-  
„jus nos amicitia pluribus annis oblectavit. „  
De Roß suprā cit. loco.

## Annus Christi MCCCCXLI. Monasterii CCCIII.

*Pont. Rom.*  
Eugenius IV.

*Imp. Rom.*  
Fridericus IV.

*Archidux Austriae*  
Ladislav Rex.

*Episcopus Pataviensis*  
Leonardus.

*Abbas Zwetlensis*  
Joannes II.

**F**riderico Imperii initia difficilia fuê-  
re, nam præter alia angebat ipsius  
animum Ecclesiasticorum dissidium,  
quorum nonnulli cum Eugenio contra  
Synodum Basileensem stabant, reliqui  
Amadeum Allobrogum regulum Pon-  
tificem Maximum agnoscebant. Ex  
hoc Schismate cum magna in Remp.  
incommoda redundarent, nihil non at-  
tentabat Fridericus, ut dissentientes in-  
ter se partes in concordiam redigeret.  
Itaque conventum primū Moguntiae  
indicit, deinde ad dissuasionem Jacobi  
Trevirensis Francofurti. Interea Fri-  
derico domesticum bellum exortum est,  
unde minimè debuit. Albertus enim  
VI. ejus frater (Prodigum nonnulli vo-  
cant) iniquam paternæ hereditatis di-  
visionem causatus, Udalicum Cilien-  
sem, & alios quosdam sibi adjunxerat,  
quorum viribus adjunctus Carniolam in-  
vasit. Inde verò profligatus abiit. Cum-  
que exercitui solvendo non esset  
ipse, milites ab eo dilapsi, uti pecuniam  
à Friderico extorquerent, Austriae fines  
rapinis infestabant. \* [1.] Ex his ini-  
itiis majora post incommoda exitere,  
de quibus suo loco, quæ etiam Mona-  
sterium nostrum Zwetlense contigere.

*Procopius Rabensteinus* egregiam  
Ladislav operam, id quod Regina ma-  
tri promiserat, navans, æquiores illi  
quorundam animos reddebat. Ptasco  
verò, & qui cum eo sentiebant, ob Al-

berti memoriam filio ejus heredi & su-  
turo aliquando vindici iniquiores erant.  
Erant & alii nonnulli, qui ob turbulen-  
tum ex superioribus bellis regni statum  
non expectandam pueri ætatem, nihil-  
que in eo præsidii esse contendebant.  
Post longam disceptationem placuit le-  
gationem ad Albertum Bavariae Prin-  
cipem mittere, eique regnum certis  
quibusdam conditionibus committere.  
Albertus hac super re Cæsaris denun-  
tiatione accepta legatis respondet:  
Gratias Bohemis agere, quod se unum  
ex omnibus elegerint, cui parere vel-  
lent, dignumque tantò regnò judicaf-  
sent. Multa se idcirco ipsis debere,  
neque id unquam beneficii oblivioni  
daturum. Adesse autem Alberti Cæsa-  
ris sobolem legitimum regni heredem,  
quem suo jure dispoliare, cuique inju-  
riam facere neque divino neque huma-  
no jure liceret. Ità Albertus rarò in-  
ter Principes exemplò oblatum ultrò re-  
gnum recusavit, & majorem se spectò  
regnò monstravit. Hac spe dejecti  
Bohemi alios iterum Legatos ad Fri-  
dericum mittunt, utque regnum tutorio  
nomine gubernandum suscipiat petunt.  
Ptasco verò legatorum unus seorsim ab  
aliis Cæsari Author erat, ut neglectò pu-  
pillò regnum ipse sibi vendicaret, cui  
ut Austriacorum maximo natu id ex  
fœdere liceret. Cæsar explosæ ejus sen-  
tentia palam legatis respondet, se variis  
Im-



Imperii negotiis distentum non posse una Bohemici regni curam gerere, ipsi Proceres & regni status Magistratum sibi crearent, qui rem ex æquo & bono ita administraret, ut meminerit rerum bene ac secus gestarum reddendam esse rationem. Se verò curaturum, ut puer Rex bene educetur. Huic Cæsaris consilio acquiescentes Bohemi Prasconem & Meinardum suæ utrumque factionis principem rebus præficiunt. Prasconi mortuo Thaboritz Georgium Podiebradium substituunt. Hic postea Meinardum Novæ-Domûs regulum in vincula conjecit, in quibus vir egregius indignè obiit. [2.]

In Ungariam verò Elisabetha Regina rediit, ubi suorum fluxam fidem, multaque sibi contraria invenit. Decreta enim coronatione Vladislai Poloni, & non inventâ coronâ, fraudèque Reginz detectâ, Vladislaus factionem Reginz opprimere conabatur, contrâ Ulricus Cilienfis pro Regina pugnans non minora iis damna inferebat, qui cum Vladislao sentiebant. Coronatus igitur coronâ Divi Stephani Ungarorum olim Regis, quam ex calva mortui abstulere, quod ipsi quidam in funestum augurium trahebant. [3.]

## ADDITIONES.

\* [1.] Gerard, de Roô ubi suprà præced. anno.

Cuspinianus in Cæsarib. sub Friderico III. „Dum autem Fridericus coronam regni Teutonici apud Aquisensem civitatem peteret, „Ulricus Comes Ciliæ, & Albertus Imperatoris frater, conjunctis viribus Labacum insignis Carniolæ oppidum, ex flumine, cui „adjacet, dictum, obsidione cinxere, diuque machinis omnis generis oppugnâre. Sed „à Friderici militibus non sine clade repulsi, „& castris exuti, divitem suppellectilem perdidere. „

[2.] Gerardus de Roô citatò locò.

Sylvius ubi suprà ad annum præcedentem. Bohemia Pia lib. 2. „Ladislaus Alberti posthumus Ungariæ Rex, quartum mensem „agens à Dionysio Strigonenfi Cardinali coronatus, per factiones multas Bohemorum „quorundam impediabatur, nè coronam Bohemiæ obtineret, ideoque ad Fridericum „Imperatorem missum, ut ille regnum reciperet vel tutelam. Qui respondit alii viderint, quid illis adversum sanguinem suum „liceat, se nihil in filium patruelis facere „posse, quo jus necessitudinis, & officium suum expleat, nisi, ut illi paterna regna pro virili conservet, ac restituat, nedum illi aliquid adimat. Nec tutelam regni se recipere; sed curam illam Bohemis delegare, „qui ut regni commoda & incommoda notiora habeant, ita utrisque se melius consulere posse, relaturi olim à Domino suo bene aut secus administratæ tutelæ gratiam „aut odium. Illi tamen Georgius Podiebradius multas à principio usque ad finem stru-

xit insidias, sicut & Ulricus Comes Ciliæ „Administratorem regni. „

Dubravius Histor. Boiemic. lib. 28. „Albertus verò Baviaræ Princeps præter omnium opinionem regnum sibi Boiemiæ delatum deprecatus est, morisque se male respondit, quam eo modo, quo Boiemi velint, regnare. Volebant autem, ut Communionem utriusque speciei non solum approbaret, sed omnibus etiam opibus & potentia sua adversus quoscunque adversarios protegeret. Item, ut Magistrum Rokiczanum, veritatis prævaricatorem, patrocinio suo tutum præstaret. Dein, ut bona Templis & Sacerdotibus erepta ne repeteret. Ab illo per bona verba ablegati novam denuò „Pragæ deliberationem ineunt, legatosque rursus decernunt, qui eant ad Fridericum Romanorum Regem petiit, ut tutorio „Ladislai nomine regnum Boiemiæ tuendum regendumque susciperet. Inter Legatos „Prasco erat Ladislao ob memoriam Alberti parentis non amicus. Is nactus facultatem seorsum alloquendi Friderici, ei suadet, ut ipse Regem Boiemiæ semet constituat, tanquam Princeps Austriæ Senior, id quod ei antiquo foedere inter Boiemos & Domum Austriacam de successione regni isto liceret. Ad quæ Fridericus: Alii, inquit, viderint „&c. *ut in textu nostro paucis mutatis.* Hinc duo Proceres designati Meynardus & Prasco caput uterque suæ factionis, qui consulari potestate regni negotia administrarent, gubernarentque &c. - Solus per idem tempus, Prascone collega per mortem sublatò, „Meynardus in Boiemia summæ rerum præ-

„ fuit

„ fuit, magna cum invidia diversæ partis, quæ  
 „ Meynardum causâ religionis Romanæ sem-  
 „ per malè oderat, eoque minùs æquò ani-  
 „ mò ferebat, unum illum omnes honore &  
 „ autoritate anteire, Pragâque in potestate  
 „ habere, quæ ipsorum sectæ caput esset, quo  
 „ diminuto, capitis omnium diminutionem  
 „ consecutum iri, si non primo quoque tem-  
 „ pore periculo occursum fuerit.

„ Instruunt mox Rokiczanum, & alios  
 „ seditiosos Pragæ Sacerdotes idoneis ad con-  
 „ citandam plebem adversùs Meynardum con-  
 „ siliis, quasi ad hoc Magistratum gerentem,  
 „ non ut communi regni tranquillitati con-  
 „ sulat, sed ut extollat suam factionem, &  
 „ ipsorum deprimat. Congregantur deinde  
 „ plerique eorum cum Thaboritis ad Cuth-  
 „ nas, ibique Georgium Podiebradium, to-  
 „ tius Gradicensis regionis Præfectum pro-  
 „ nunciant, ac tacite inter se conspirant ad  
 „ recipiendam Pragam, tacitos in illa se pro-  
 „ ditores habere dicentes, nec falsò, inerant  
 „ enim, & uti cum Georgio convenerant,  
 „ appropinquant paulò antè lucem moeni-  
 „ bus, casulam longius ab aliis ædificiis se-  
 „ motam accendunt, portâque inde statim  
 „ referant, per quam Georgius intra Urbem  
 „ Veterem receptus est cum sexcentis ferè  
 „ veteribus, symbolum succinentibus, Cun-  
 „ stat, eja Cunistat, ut sui adesse suos scirent,  
 „ nihil mali merentes: apud ceteros rei igno-  
 „ ros trepidatio fuit, cum paucorum cæde, qui  
 „ armis sumptis resistere ceperant, aliàs nemi-  
 „ ni nocitum. In hoc tumultu Meynardus nul-  
 „ lius culpæ reus capitur, & cum indigna ca-  
 „ ptilitate Podiebradium abducitur, ut Ge-  
 „ orgius Pragâ solus liberè potiretur, tantâ  
 „ potentiâ, ut Senatam Pragæ sua autoritate  
 „ constitueret, quod munus antea Regium  
 „ fuerat. Dedit mox Meynardo quoque suc-  
 „ cessorem Zdenconem Sterenbergium, ut  
 „ summum in arce Pragenfi ageret Præfectum,  
 „ ipse tamen Pragam in potestate sua habere  
 „ voluit. Mors denique Meynardi, quæ pau-

„ lò post subsecuta fuit, non caruit veneni  
 „ undecunque dati suspitione.

[3.] De Roß ubi suprâ exscriptus.

„ Item Dubravius cit. loco. „ Inter hæc  
 „ mater Ladislai Elisabeth, dum regnum Hun-  
 „ garie filio retinere studet, multa hostilia ab  
 „ Vladislao occupatore perfert, & vicissim  
 „ illi infert non dispari eventu, ac tam animo  
 „ constanti, ut cum in prælio quodam acerrimo,  
 „ factio adversa opera Joannis Hunniadis,  
 „ pulsò fugatòque Ladislao Bano superiot  
 „ evaserit, non minùs tamen intentam, quàm  
 „ priùs continuaverit militiam: haud sine Ul-  
 „ rico Ciliæ Comite, avunculo suo, cujus  
 „ consilio arces deinde & oppida nobiliora  
 „ prædiis Boiemorum firmavit.

„ Thwrocæ de coronatione Regis Vladislai.  
 „ Postquam autem Rex Vladislau castro  
 „ Wissegradensi potius est, mox sacræ ten-  
 „ tata sunt conservatoria coronæ. In qui-  
 „ bus res quæsitæ dum non invenitur, magna  
 „ in Regis Vladislai parte turbatio orta est.  
 „ Non ergo Regem ipsum absque corona fieri  
 „ voluerunt. Commotus enim est omnis  
 „ cœtus regnicolarum, quos benevolentie  
 „ animus Regi junxerat, & simul cum ipso  
 „ Rege venerunt in Albam. Ibique ordine  
 „ Sacerdotali laudum in concionem altis vo-  
 „ cibus dissoluto, Regem eundem coronâ pro  
 „ ornamento Reliquiarum Capitis Sancti Re-  
 „ gis Stephani olim mirò operis artificis præ-  
 „ paratâ magno cum tripudio coronârunt.  
 „ Tota inter hæc plebs Hungarica scinditur,  
 „ omnisque dilectio dissoluta mutuum ruit  
 „ in damnum, & velut Magnò olim Alexan-  
 „ dro Macedonum vitâ functo, duces illius  
 „ unitate (qua ipso vivente non minùs quàm  
 „ armis vastum subegerant orbem) animi spreta  
 „ illius latum dilaniâverant imperium: sic Du-  
 „ ces Dominive Pannonici agri regnum Re-  
 „ gibus sub divis tranquillitatis aménitate  
 „ tutatum, magnarumque rerum (quæ con-  
 „ cordiâ crescere solent) ubertate undique  
 „ refertum diro Marte lacerârunt.

## Annus Christi MCCCCXLII. Monasterii CCCIV.

*Pont. Rom.*  
Eugenius IV.

*Imp. Rom.*  
Fridericus IV.

*Archi-Dux Austria*  
Ladislau Rex.

*Episcopus Pataviensis*  
Leonardus.

*Abbas Zwettlensis*  
Joannes II.

**F**ridericus Cæsar annum istum per  
 Imperium transiens consumpsit, pri-  
 mum enim Francofurti comitia anno  
 priori indicta inchoavit, in quibus de

coronatione sua transactum est. Qua  
 decreta Aquisgranum cum Principibus  
 petiit, ubi die Dominica, quæ erat de-  
 cima septima dies mensis Junii, in sum-  
 mo

O o a

mo

mo templo peracta fuit coronatio, sacra solennisque ritus procurante Colonienſi Præſule. Aderat ibi inter ceteros quoque Ludovicus S. Cæcilie Cardinalis, à Baſileenſis Synodi Patribus eò miſſus, ut electionem ratam haberet, ac coronationis ſolennitatem præſens condecoraret. Egit ibi Cæſar cum Helvetiis, à quibus Ergoviam aliisque Auſtriacas ditiones, quæ Friderico Seniori patruo ſuo adempta olim erant, repetebat, alioquin ſe ipſorum privilegia non confirmaturum declarabat. Tigurini cum Auſtriaciſ rursus ſœdus faciunt. Norimbergam quoque Principes convocati aſſuere, ubi de componendo Eccleſiaſticorum diſſidio conſultari cæptum eſt. Legati hinc inde miſſi, Baſileam, & inde Norimbergam, ſed fruſtrâ, Concilio non cedente. Deinde Fridericus per Alſatiam & Briſgoviam loca quædam viſens Friburgi dies aliquot commoratus eſt. Inde Tigurum perveniens, ac per lacum navigavit Raperſvillam. Reſiſt accepto à civibus ſacramentò fidei Tigurum, & inde Vitodurum. Kyburgum deinde arcem viſit. Conſtantiam quoque viſurus impedimenta cum parte comitatûs aulici præmiſit. Badenam item, atque inde Regii-Campi Cœnobio proavorum fundatione ac ſepulchris quibusdam inſigni obiter perluſtrato, Brugas divertit. Aroviâ inde, Zoffingâ, ac aliis Ergovię locis aditis, Solodurò Bernam petiit. Bernates ſummos venienti honores exhibuere. Multi eo tempore mirabantur, quòd Cæſar cum paucis tam ſecurè per Helvetiorum agros iter faceret, erântque nonnulli, qui id nimis inconfideratè ab eo fieri putabant. Bernâ Friburgum abiit, ubi cum ſummo hominum gaudio exceptus eſt. Cæſar poſt hæc in Allobroges proſectus, Loſannam atque Geneviam venit, ubi ei Sabaudie Princeps, Feliciſ Pontificis filius, cum ſororibus adfuit. Inde Biſontium pergens Burgundiæ Ducem convenit: mox alio itinere, quàm vene-

rat, per agrum Montis peligardicum ad Germanos reverſus ad tertium Idus Novembris Baſileam ingreſſus eſt, deducenſibus ipſum Eccleſiaſticis cum magna ſacrorum pompa, longoque Epiſcoporum ac procerum Eccleſiaſticorum ordine. Ubi Feliciſ Antipapæ quidem honorem habuit, verùm non potuit ab eo induci, ut abjuratò Eugeniò ſe legitimum Pontificem agnoſceret, aut Concilio Baſileenſi ſubſcriberet; licet ſint, qui narrant Felicem Friderico filiarî etate ac forma ſtorentem cum ducentiſ aureûm nummûm millibus eam ob rem obtuliſſe, ſed ab eo recuſatam eſſe. Inde Conſtantiam petiit: ſequenti verò anno primûm domum venit. \* [1.] Atque hæc de itinere novi Cæſariſ fuſiùs quàm volebam in gratiam Lectoriſ.

Interea in Ungaria Ulricus Cilie Comes oppida nobiliora præſidiis Boemorum firmavit. Inter præſides Bohemos manu & bello præſtantiffimus Joannes à Brandeſio Giſcra cognomine erat. Hic cùm toti territorio Biſtricensi, in quo aurarię argentarięque in hunc diem largè aurum argentûmque ſuppeditant, Præpoſitus fuiſſet, non ſolùm ea ſalva, quæ accepit, præſtitit, ſed plura etiam numerò municipia, quàm quot tenebat, adverſariis vi eripuit, Polonos crebris præliis fudit, ipſum Hunniadem caſtris bis exiit, tanto denique terrori Ungariſ fuerat, ut auctore ipſo quoque Vladislaus pacis conditiones cum Regina Eliſabeth inire non abnue- rit. [2.] Regina apud Jaurinum, Vladislaus apud Budam degebat, inter quos pacem formare Julianus Cardinalis ad- venerat.

Fuit tunc temporis in Monafterio Zwetlenſi Cellerarius F. Joannes Walpeckh, qui inter rationes ſuas reliquas etiam pecuniam in Curiam Romanam miſſam annotavit. Illius annotationum titulus talis eſt: „ Annotatio eorum, „ quæ ego ad annos quatuor nimirum „ 1442. 1443. 1444. 1445. expendi pro „ lite

„litein Curia Romana prosequenda. „  
[3.] Fuit hic F. Georgius de Amberga

Baccalaureus in Decretis, qui deinde  
Abbas factus est, de quo suo loco plura.

## ADDITIONES.

\* [1.] Gerardus de Roó lib. 5. in compendio exscriptus.

Spondanus hic n. 5. „Nunc ut ceteras res Ecclesiasticas hujus anni tractemus, celebrarunt Basileenses quintò Idus Augusti Sessionem 44., qua miseri sibi & suis providere quærentes sanctionem ediderunt de restitutione in integrum eorum omnium, qui occasione Concilii spoliati suis beneficiis fuissent, pulsus invalioribus & detentoribus cum auxilio brachii secularis.

N. 6. „Quo tempore (ut narrant Acta Patritiana) agebatur Francofordiæ conventus magnâ Principum frequentia, cui præerat ipse Fridericus Cæsar. Ad quem accesserunt quoque Legati Concilii, Cardinalis Arelatenfis, & Panormitanus ac Segoviensis Cardinales Felicis: iussi tamen, ut aliâs, legationis insignia dimittere: nec non Joannes Carvaial, Nicolaus de Cusa, & Jacobus Ferrariensis ab Eugenio missi. Quod verò antequam negotia tractari inciperent, eundem fuerit Cæsari unâ cum Principibus Aquisgranum ad suscipiendam primam coronam, quam nondum aliis negotiis detentus commodè accipere potuerat; constituit interim nonnullos Episcopos aliosque viros graves, qui Legatorum utriusque partis propositiones & jura audirent; unâ cum aliis, quos Principes suo quique nomine iis adjunxerunt. Coram quibus primùm Panormitanus, Juris utriusque peritorum sui temporis excellentissimus, (ut Acta nominant, & reverà erat) explicata imprimis longa narratione rerum serie, multis argumentationibus & infinitâ Jurium allegatione conatus est probare causam Concilii, & quæ ab eo gesta erant in Eugenium; ac deinde Adversariorum objecta, & libellum quemdam Eugenii plurimis rationibus confutare. Auditi quoque sunt Basileenses sine arbitris per tres dies. Deinde admissis eodem modo Eugeniensis, Nicolaus de Cusa primùm iniquum fuisse ait damnatos Amedeisitas audiri; deinde causam Eugenii & translationis Concilii valide egit: addens Basileensis Concilii fructum Schisma esse, divisionem, & abominationem in Ecclesia DEI: Florentini, unionem & conversionem Græcorum, Armeniorum, Jacobitarum, Iberorum: proinde ejiciendos Basileenses cum suo idolo; ac recipiendum honorandûmque ut verum Christi Vicarium Eugenium &c. Dederunt

„insuper utrique in scriptis suas contradictiones, ut fidelius pleniùsque Cæsari & Principibus cuncta referrent.

N. 7. „Interim verò Fridericus coronam accepit Aquisgrani à Theodorico Archiepiscopo Colonienfis, decimo septimo die mensis Junii: ut præter Acta habent Tritheimius, Annales Treverorum, Suevorum, ac multi alii; ex quibus refellas eos, qui eodem mense, quo electus fuerat, etiam coronatum scripsere. Narrat item Cuspinianus accessisse etiam ad ejus coronationem Ludovicum Cardinalem Arelatensem nomine Concilii Basileensis; sed restitisse ei Leodienfem Præfulem pro Eugenio confluentem, eumque è civitate fugasse (erat is Joannes Heinsbergius nobilissimâ prosapia ortus, & egregius virtutibus præditus: ejus exant res gesta in Actis Ecclesiæ Leodienfis; reformationes Cleri suæ Diocesis sub Eugenio conditæ, & à Nicolao V. ejus successore confirmatæ, in Tomis Conciliorum Generalium) sed Colonienfem Archiepiscopum hanc turbam sedasse.

„Rediens autem inde Fridericus cum Principibus Francofordiam initio mensis Augusti, auditis, visisque, quæ interim ibi fieri contigisset; post multas demum disputationes, multaque consilia, statutum est (quod etiam aliis conventibus deliberatû vidimus) aliud Concilium indubitatum esse celebrandum: mittendos nuncios super ea re Basileam ad Patres, & Florentiam ad Eugenium; interim Germanos in sua suspensione mansuros. Conquerentibusque Basileensibus, quod Cæsar & Principes partiarî viderentur, non indifferentes, eò quod nuncios ad Eugenium, non etiam ad Felicem mittere statuisset; respondit Cæsar, se æqua lance rem tractaturum. Deditque in mandatis nunciis, ut venerantur Eugenium ut Romanum Pontificem: excusarentque Cæsarem & Principes, cur tamdiu in neutralitate perseverarent: Peterent celebrari intra Germaniam aliud Generale Concilium ad pacem conciliandam, quod usquàm videretur remedium: nihil omnino ab eo postularent, vel etiam sponte oblatum reciperent: Felici autem non exhiberent reverentiam ut Pontifici sed per internuncios cum eo agerent. Ità in Actis Patritianis: quæ tangunt & alii, sed non ità diligenter.

N. 8. „Pergunt porro, Cæsarem decipere

„mò

„mò octavò Calend. Octobris prope Basileam iter agentem, cùm à Cardinalibus & aliis ei occurrentibus rogaretur urbem intrare, omnino negasse, nisi priùs consentirent celebrationi alterius Concilii. Quod post multas contentiones concessum deum est, sub conditionibus positus in responsione nunciis Cæsaris ac Principum data in sua Congregatione secundò Nonas Octobris, quæ habetur inter Epistolas Synodales Concilii. Quà post declarata pericula, quæ ex mutationibus ac translationibus imminerent, (quorum præcipuum fuisse putamus, quod tamen ipsi tacuerunt, quoniam per translationem dissolutum videri poterat; semel autem dissolutum, non poterat amplius congregari nisi post decennium, & cum consensu Pontificis ex Decreto Concilii Constantiensis, cujus auctoritatem ipsi semper in ore habebant) nihilominus ut Cæsaris & Principum votis pro pacificatione Ecclesiæ complacerent, offerebant se paratos ad locum accommodum, & Regiæ Celsitudinis gratum se transferre, dummodo adessent securitates, & illud Concilium pro legitimo haberetur. Qui boni viri si tantundem dixissent, aut præstitissent in gratiam Eugenii, quando ipsum pro vero Pontifice agnoscebant; minimè constatum fuisset schisma. Sed Venerabiles Patres cogente necessitate temporali dicerunt Cæsari reddere, quæ abundante protervia obliiti fuerant DEO, ejusque lupremo Vicario reddenda esse; sic vexatio dat intellectum.

N. 9. „His peractis Cæsar (pergunt A. & a) tertio Idus Novembris Basileam solemnè pompa ingressus est, medius inter Cardinales Arelatensem & Tridentinum, (Alexander iste vocabatur, filius Ducis Mazoviorum, patruelis Regis Poloniæ, ipsiusque Friderici Cæsaris consanguineus, Episcopus Tridentinus & Patriarcha dictus Aquileiensis) ceteris præcunctibus: subsequenter autem Principibus, ceterisque Prælatibus. Altero die Felicem visitaturus, sub crepusculo vespertino cum paucis ejus domum nudo capite adiit, & in camera, quam pagalli vocant, substitit. Illuc Felix cum suis Cardinalibus accessit. Cæsar cum modestâ reverentiâ excepit, & per Episcopum Chiemensem se excusavit, quòd non exhiberet ei reverentiam Romano Pontifici debitam, ut paci aptior esset, ad quam eum hortatus est. Et Chiemenfis, nè illum Pontificalibus titulis unquam appellaret, clementem benignitatem tuam dice-

bat, non Sanditatem aut Beatitudinem. Felix autem Pontificalibus verbis usus, benignè Cæsari respondit, egitque gratias de visitatione. Multis præterea hinc inde dictis, Cæsar domum rediit, & sequenti die à Basilea discessit. Paucisque post diebus Felix valetudinis gratiâ (*ut dicebat*) Laufrannam petiit, pollicitus transactâ hieme ad Concilium se rediturum, &c.

[2.] Dubravius Histor. Bohemic. lib. 28. exscriptus.

Æneas Sylvius Histor. Bohemicæ c. 58. Venere plurimi ex Bohemis ad Fredericum, visendi Regis gratiâ. Inter quos Georgius, cognomine Giscra, armorum gloriâ clarus, qui partes ejus unus ferme defenderat in Hungaria, cum Rex Poloniæ regnum invasisset, prædones sæpe acie fuderat: Joannem Huniadem bis castris exuerat: rebellantes Hungaros magnis cladibus affecerat. Is ubi ad conspectum Regis intromissus est apud Novam Civitatem, quo iam loco tunc aderamus, astantibus pluribus illachrymans, Ladislai manum excolans in hunc modum verba fecit: Video te tandem tenebâque, mi Rex, si scires, quæ pericula propter te adivi, quibus me laboribus implicui, quot adverso corpore vulnera accepi. En cicatrices testimonio sunt, patri ego tuo, tibi que vitam devovi. Nulla vis est, nulla fortuna, quæ alienare animum à te meum possit, officia mea sola tibi auferet mors. Sed tu hæc per ætatem non intelligis. Et subridens: Quod ergo, (inquit) mihi præmium fidei ac laboris erit? & quod das militi tuo stipendium? Sextum tunc annum agebat Ladislaus: qui, postquam Giscra finem dicendi fecit, oculos huc atque illic circumvolvens, loculos Joannis Magistri cameræ suspiciens ex phylacterio pendentes, quæ ille nummos more Teutonico pauperibus erogandos asservabat: hanc tacitus arripuit, ætæque sex tantum (neque enim plura invenit) illinc deprompta Giscræ donò dedit. Admirati omnes pueri factum, & providum, & liberalem futurum judicavere. Giscra innexos postmodum auro nummos è collo suspendit, Regiæ gratitudinis monumentum.

[3.] Ex Registro ipsius.

NB. Spondanus Concilium Basileense non hoc vult finitum esse, sed sequenti annò, ad quem ita scribit N. 6. „Habita sessiòne publica decimo septimo Calendas Junii præsentis anni, (malè nonnulli notatur annus præteritus 1442.) quæ 45. & ultima numeratur &c. „ Econtra Collectio Re-

gia

gia Conciliorum, quæ editione Biniana, quam secutus Spondanus, posterior est, Parisiis Anno 1644. divulgata, Collectore Dionysio Exiguuo Tomo 30. in Notis in Conc. Basileense fol. 908. ita habet: „ Anno 1442. XVII. Kalendas Junii habita est Sessio ultima, qua ad Conciliis Constantiensis & Basileensis obtemperandum pro loco futuri Concilii nominatur Lugdunum urbs Gallie &c. „ Ubi & folio 895. ita notatur

c. Oecumenicum. „ Oecumenicum fuisse nemo negaverit, quod auctoritate Pontificis indictum sub præsidio Juliani Cardinalis continuatum est eo usque, donec illa potestate usurpata in Pontificem Romanum, omni iudicio & subjectioni coactivæ jure Divino exemptum, iudicium suum ipsi converterent, & Pontifex Legatum suum, omnesque alios Episcopos avocaret. Quando verò post horum discessum, Synodus sub præsidio Cardinalis ejusdem Arelatenensis continuata, invitòque Pontifice prorogata est, non tantum Oecumenicum, sed etiam legitimum Concilium esse desit.

d. Ex parte reprobata &c. „ Hanc Synodum auctoritate legitima reprobata esse constat ex Sessione undecima Concilii Lateranensis infra sub Leone X. celebrati; ubi Conciliabulum Schismaticum, seditiosum, & nullius prorsus auctoritatis non immerito appellatur. Nam eo tempore, quo Concilium in Pontificem sententiam pronuntiare ausum est, non erat in Concilio Legatus Pontificis, omnesque præcipui Episcopi discesserant, & quidem Cardinalis Arelatenensis munus præsidendi sibi assumpsit: & quia Episcopi paucissimi erant, introduxerunt in Synodum ingentem multitudinem Presbyterorum, ita ut contra omnem formam Conciliorum non Episcoporum, sed Presbyterorum Synodus esset. Deinde eodem tempore agebatur Florentiæ Concilium alterum, in quo præsidebat Summus Pontifex, & cum eo sedebant Episcopi Latini & Græci sine comparatione

„ plures, quàm essent Basileenses, & unà cum Episcopis aderat Imperator Græcorum, & Legatus Imperatoris Latinorum, ut nullò modò dubitari posset, utrum ex duobus esset verum Concilium Ecclesiæ generale.

„ Tertiò, Deus quoque sententiam suam dicere volens tam horribili peste Basileam tunc affligebat, ut major pars eorum Patrum, qui ibi erant, vel extincti, vel secedere coacti fuerint. Quæ omnia refert Aeneas Sylvius in historia Concilii Basileensis, cui ipse interfuit.

„ Quartò, Patres Concilii eos, qui missi erant ab Eugenio IV. ut Concilio præficerent juxta morem Conciliorum universalium, recipere noluerunt.

„ Quintò, Quia nulla decreta Concilii unanimi consensu conclusa fuerunt: tum quia multi Prælati & Doctores utriusque juris ejusmodi decretis resisterunt: tum etiam, quia in fraudem Legatorum, quos à Castellæ & Angliæ Regibus missos in itinere esse, atque Synodo jam appropinquare cognoverant, Sess. 18. festinabant finire illud, cui dictos Legatos nolle assentiri sciebant.

„ Dixi, hanc Synodum ex parte tantum reprobata esse; quia cum Felix V. Antipapa Schismaticus ad unitatem & concordiam Ecclesiæ componendam, hortatu Friderici Tertiî Imperatoris Pseudo-Pontificatum resignasset, Adhuc omnia Basileensis Conciliabuli sui ipsius judicio quasi improbasset, Nicolaus V. pacis gratiâ approbavit eas Constitutiones, quæ de beneficiis Ecclesiasticis edictæ ac promulgatæ fuerunt: reliqua omnia, quæ aliorum Conciliorum Decretis & Constitutionibus non sunt definita, iudicio ejusdem Nicolai, sententiam prædecessoris sui Eugenii hac in re imitantis, rejecta & improbata fuerunt. Viderit ergo Paulus Langius, qua ratione erroris maculas huic Synodo inultas abstergere nitatur. „

Annus Christi MCCCCXLIII. Monasterii CCCV.

Pont. Rom.  
Eugenius IV.

Imp. Rom.  
Fridericus IV.

Archi-Dux Austria  
Ladislaus Rex.

Episcopus Pataviensis  
Leonardus.

Abbas Zwetlensis  
Joannes II.

Eugenius Papa IV. hoc anno 21. Septembris Romam Florentiâ, ubi per aliquod tempus moratus fuerat,

Conciliumque celebrârat, revertitur, cui per portam Flaminiam obviam effusus populus ingenti cum lætitia eum  
P p 2 ex.

excepit, verùm hæc lætitia diu non duravit, nam exortus tumultus ob vectigal novum impositum non priùs sedabatur, quàm cùm publica voce Pontifex (ibat enim tunc in habitu Pontificio mediam per Urbem mitratus cum Clero ad Lateranum) illud revocando abrogaret: quo abrogato tumultus quievit. \* [1.]

Fridericus Cæsar dimissis Helvetiorum Legatis, qui ad eum Constantiam petendæ privilegiorum suorum confirmationis gratiâ acceperant, neque aliquid impetrârunt, donec priùs Austriacis ablata restituerent; Arbonam navigavit, Eques inde Sangolum civitatem pergit, ubi exactò à civibus fidei sacramentò, Veldkirchiam, atque inde per montem (vulgò Arleberg) in Noricum penetrans Austriam ingressus est, quò cum negotia vocabant. Eam omnem provinciam Cæsar offendit minime pacatam, grassantibus passim rapinis & latrocinis, necdum enim Alberti milites, quos ad Labacum in fugam actos fuisse diximus, quieti sese dederant. Itaque ut fratrem hujus domesticis incendiis quasi fomitem abs se dimitteret, certis quibusdam conditionibus cum illo egit, ut decretâ satis magnâ pecuniæ summâ in Sueviam & vicinas Helvetiis ditiones habitatum ad sex annos concederet. Fratre in Sueviam profecto Fridericus Cæsar ad purgandam rapinis Austriam animum convertit. Cum Alberti militibus, quòd hi juris aliquam speciem prætere de culpæ suæ viderentur, primùm transigit, ut pro stipendio debito, quibus defraudari se querebantur, acceptis septuaginta aureûm nummûm millibus quiescant. [2.]

Interim Bohemi repetebant Regem suum puerum in Bohemia tanquam in avito regno educandum sibi concedi, ubi mores & instituta gentis unâ cum lingua à primis statim annis addisceret, suorumque animos sibi conciliare posset. Cæsar teneram pupilli ætatem

excusans in medium produci illum, suisque videndum exhiberi iussit. Legati re non impetrata domum indignabundi reverterunt. [3.]

Elisabeth interim in Ungaria Ladislai mater, cùm jam inter ipsam ac Vladislaum de concordia propè convenisse videretur, conciliante illam Juliano Cardinale, diem suum obiit, non absque veneni suspicione, sepulta est apud maritum. [4.] Vigebat eo in regno tunc excellens Turcarum victor Joannes Huniades Corvinus Transylvanæ regionis (quam Germani Septem-Castra nuncupant) regulus, hic unâ cum Vladislao Rege Amurathem Turcarum tyrannum tanta clade affecit, ut ad pacem ultrò petendam animum inclinârit, quam Rex admisit facilius, quòd intestinis bellis fluctuare Poloniam nunciaretur, & Fridericum Cæsarem adversarium haberet, à cujus amicitia Ungari plerique non erant alieni. Pax igitur in decem annos facta est, Ungaris in Evangelium Christi, Turcis in suum Alcoranum jurantibus. [5.] Hanc pacem Julianus Pontifex Legatus suâ persuasione disturbavit. Unde Rex rursus tantum cum quindecim millibus equitum, peditatu ex cruce signatis non ita magno contra Amurathem ducit, fœdera pacis dirumpendo. Regi ad Nicopolim occurrit Dracula Valachia Montanæ regulus, qui Regem dehortatur, nè cum tam paucis hostium cædi se subjiciat, sæpe Turcam majores secum copias venatum educere. At ille spretò prudentis viri consiliò, pugnam instante potissimum & suadente Huniade cum Amurathe ad Varnam init, ejusque equitatum fudit, fugatque, ac tandem Rex ipse in Janicerorum phalangem incidens, fortitèrque pugnans occubuit. Ferunt Amurathem inclinata suorum acie Christi numen invocasse, ut si DEI filius esset, pœnas à suis violati fœderis exigeret, ac tum demum fortunam belli mutatam fuisse. Fuit verò & Turcis victoria non incruenta, ità

ità ut Amurathes dixerit, actum de se fore, si iterum ad eum modum vincendum sit. Incidit hæc pugna in quartum Idus Novembris anni sequentis.

Porro anno isto contributiones Ordinis Cisterciensis per Austriam à Monasteriis ejusdem Ordinis exiguntur, unde etiam à Monasterio Zwetlensi petita contributio, super qua data Monasterium quittance recepit talem: Joannes Abbas Morimundi Cister. Ord. Lingonensis Diocesis Receptor contributionum novarum & antiquarum in natione Germanica per Capitulum Generale specialiter deputatus, fatetur se recepisse pro tribus annis, quadagesimo primo, secundo & tertio, florenos quindecim Rhenenses, residuam pecuniâ triennalis contributionis Monasterio in Zwetl, considerata ipsius desolatione,

de gratia speciali remissâ. Committit item absolvi licentiam à Capitulo Generali & Abbati Cisterciensi reservatis in biennium duraturam. Datum Viennæ nonâ Martii, Anno 1443. [6.] Forſan hic Abbas Morimundensis tunc per Austriam Monasteria Ordinis visitabat, de cujus Monasterio Austria primos Monachos accepit, atque Pater quilibet Monasteriorum primorum quatuor, tanquam mater filias suas, Monasteria de linca sua egressa visitare tenetur.

Item mense Novembri Joannes Rastenvelder Abbas Viennæ fuit, ubi tunc vineam in Grinczing sitam cuidam locavit. Litteræ desuper datæ sunt Viennæ, Anno Domini 1443. in festo Catharinæ. [7.]

## ADDITIONES.

\* [1.] Ciaconius in Eugenio Papa IV. Spondanus hic n. 9. „Eugenius - - relictis Senis Romam invitatu civium petens eò pervenit 28. die Septemb. post decennium propemodum absentia. Ibiq; honorificentissimè receptus, cum in ipso ingressu tumultuantem populum intelligeret ob duplicatum tributum vestigalque novum vino impositum; factò silentio, audientibus omnibus exactionem illam ut minus liberalem sustulit, miris inde acclamationibus exaltatus. Aliquot verò post diebus ad Lateranum profectus, Concilium Generale eò loci se habiturum denunciavit, missis ad Principes litteris & nuntiis, quibus ea de re certiores fierent. Hac enim ratione (inquit ista narrans Platina) infirmari ac tolli omnino Concilium Basileense volebat.

[2.] Gerardus loco sæpe citatò exscriptus.

Cuspinianus in Cæsarib. sub Friderico. Fridericus - - susceptâ (*Aquigrani*) coronâ rediit in Austriam, multos perpeſſus labores ingentisque difficultates: partim ob tutelam Regis Ladislai, partim ob paternæ hæreditatis cum fratre divisionem. Nam milites, qui sub Alberto meruerant, cum stipendiò se fraudatos dicerent, provinciam latrociniis ac incendiis vastavere. Eorum vexatio septuaginta millibus aureis à Friderico est redempta, cum Boëmi excursions in Austriam facerent. Ad hæc Joan-

nes Hunniades cum frustra à Friderico coronam regni Hungariæ repeteret, cum duodecim millibus equitum Austriam ingressus, omnem agrum inter Viennam & Stiria montes diripuit, atque incendit.

Piespordius. „Albertus VI. Austriacus cognomento Prodigus & Mitis inæqualem divisionem ditionum paternarum causatus, auxilio Udalrici Ciliæ Comitis, fratri Cæsari in Carniola bellum movet, à quo pecuniæ summa quadam pacatus ad 7. annos in Sueviam, & Helvetiis vicinas ditiones abiit.

[3.] Gerardus de Roß ubi supra.

Æneas Sylvius c. 58. Histor. Bohemic. Diu inter Hungaros & Imperatorem ob negatum Regem inimicitia fuit, & armis quoque tentata res est. Joannes Huniades infestis copiis Austriam ingressus, quamvis ferro atque igne agros vastaverit, Regnum tamen coronamque, & quæ repetebat in Hungaria castella, obtinere non potuit. Pugnavit iterum contra Turcas, à quibus magnò præliò victus, humilior factus, Cæsaris benevolentiam & petiit & inpetravit. Ob quam rem quamvis sæpe & ab Hungaris, & à Bohemis Ladislaus peteretur: res tamen ad duodecimum ejus annum protracta est. At cum Fredericus Imperialis coronæ suscipiendæ gratiâ Italiam petere statuisset, rursus Bohemi, Hungari & Australes legationibus seorsum missis, Imperatorem sati-



„gavere, Ladislaum repescentes, postulata  
„omnibus negata sunt.”

Dubravius lib. 28. Histor. Boiem.

[4.] De Roó ubi suprà.

„Thwroc in Chronica Hungaror. „Cu-  
„ria Romana tantorum pulsatæ fremitibus  
„malorum; virum Reverendum Dominum Ju-  
„lianum Cardinalem ad componendos dicta-  
„rum strepitus guerrarum Summi Pontificis  
„miserat de latere. Hic dum pro pace la-  
„borat Regis Vladislai & Regina Elizabeth  
„cordibus non parum ad concordiam incli-  
„natis, pace ipsa nondum composita, Regi-  
„na diem obiit: mors cujus plures ex Baro-  
„nibus illam sequentibus Regis Vladislai re-  
„stituit in sinum.”

Spondanus ad ann. præcedentem n. 13.  
„Misso inter hæc in Hungariam ab Eugenio  
„Pontifice Juliano Cardinale Cæsarino, cum  
„ad pacem inter Vladislau Poloniæ Regem  
„ab Hungaris, ut vidimus, evocatum,  
„& Reginam Elisabetham, de regni posses-  
„sione armis discrepantes, conciliandam,  
„tum ad res contra Turcos promovendas,  
„quorum Imperator Amurates Belgradum  
„( aliis Albam-Græcam, antiquis Taurunum  
„Pannoniæ inferioris urbem ad confluentia  
„Savi in Danubium ) firmissimum Hungariæ  
„propugnaculum ingenti exercitu obsederat.  
„----- Quod verò pacem attinet,  
„egit ad eò Julianus frequentibus ultro citro-  
„que commeatibus, ut ea certis quibusdam  
„conditionibus componeretur: inutilis ta-  
„men illa ob repentinam ferè supervenientem  
„Reginæ mortem, defendentibus nihilo se-  
„cius partes Ladislai pueri iis, qui cum Re-  
„gina priùs fenserant: quorum tamen pleriq-  
„que demum vel vi, vel metu, aut sponte  
„Vladislao accesserunt. Turci verò præ-  
„ter id, quòd Amurates à Septimestri Bel-  
„gradi oppugnatione re infecta turpiter di-  
„scedere coactus est, tribus insuper magnis  
„cladibus eodem tempore à Joanne Hunia-  
„de Vaivoda, sive Palatino Transilvaniæ  
„( qui & Jancus à proprio nomine à Turcis  
„dictus; & ab aliis Corvinus à vico, in quo  
„natus est matre Græca patre Valacho  
„Strenuo Viro, & Sigismundo Imperatori  
„ob virtutem charo, à quo etiam Huniadum  
„arce in extrema Transilvaniæ ora, & inde  
„cognomen sive priùs ipse, sive filius accepit )  
„affecti fuere, unà apud idem Belgradum,  
„alterà in Transilvania, tertià apud Vasca-  
„pum in finibus ejusdem Transilvaniæ: qua-  
„rum causâ multi illarum partium populi ad  
„Christianos redierunt, Turcorumque vires  
„admodum diminutæ fuerunt.”

[5.] Gerardus de Roó citatò locò ex-  
scriptus; & plures alii.

Spondanus hic n. 12. „In Hungaria bel-  
„lò in Turcos horrationibus maximè Juliani  
„Cardinalis Legati decretò; missæ quoque  
„legationes ad Fridericum Romanorum Re-  
„gem, & ad Prussenses ac Livonenses Cru-  
„ciferos, nominatim in hostes Christiani no-  
„minis militiam professos, nec non ad Po-  
„lonos & Valachos, pro auxiliis fuere. Sed  
„Fridericus fluctantem Boëmiam causatus,  
„Cruciferi exhaustam longò bellò provin-  
„ciam, nulla misere, Poloni & Valachi  
„equitum peditumque non pauca, etiam cum  
„semestri stipendio ministravere. Cùmque  
„Eugenius Pontifex piam Crucis militiam  
„per omnes gentes prædicari jussisset, adfuit  
„ingens voluntariorum multitudo, etiàmque  
„è Gallia & Germania. Motis castris ubi  
„transmissus est Danubius, post Sophiam ur-  
„bem ( quam antiquam Sardicam, Concilii  
„sub Constantio Imp. celebratione insignem  
„esse volunt ) aliàque multa oppida capta,  
„cùm propè adesse Turcos ad Moravam flu-  
„vium Rex Vladislau intellexisset; præmis-  
„sus ab eo Joannes Huniades Vaivoda cum  
„decem millibus equitum, qui eos per silen-  
„tium noctis adoriiretur; adeò feliciter rem  
„gessit, ut triginta eorum millia occiderit,  
„quatuor millia unà cum novem signis cepit;  
„ceterisque fugâ lapsis (centum millium fuisse  
„exercitum volunt ) castra opulentissima di-  
„ripuerit, vix quingentis è suis amissis.

„Procedentes ulteriùs Christiani cùm  
„ad fines Thraciæ & Macedoniæ pervenis-  
„sent, iterum ad montem Hæmum alium  
„exercitum hostium ( quem Amurates ex  
„Asia accitum, non ad pugnam, quam omni-  
„no prohibuit, sed ad vetandum ingressis mon-  
„tium angustis Christianorum transitum,  
„Carambejo Asiæ Præfecto, Viro manu &  
„ingenio prompto, ducendum tradiderat )  
„grandi pariter cæde prostraverunt; ipso eo-  
„rum duce Carambejo capto: qui perspecta  
„Christianorum præ suorum multitudine pau-  
„citate, & ex locorum difficultate, rerum  
„penuriâ, & hybernæ temporis inclementiâ,  
„fatigatione; pugnæ prohibitione postposita  
„pridie Natalis Christi in eos impetum fecerat.  
„Cùm tamen nihilominus angustissimum  
„à reliquis Turcis occuparentur, nec facilis  
„esset Christianis transitus; nequequam-  
„Juliano Cardinale, Georgio Despote Ra-  
„sciæ, ipsòque Huniade, quinimmo & Re-  
„ge patientiam exercitui suadentibus, ne-  
„cesse fuit eum in Hungariam reducere: ubi  
„Rex ingenti gaudio & sacra pompa exce-  
„„ prus,

„ptus, Budæ nudis pedibus ex voto, prius-  
 „quam Regiam adiret, Ecclesiam Beatissimæ  
 „Virginis petens signa hostium in ea affixit.  
 „Quæ prolixè prosequuntur Historici, non-  
 „nihil tamen, ut sit, in quibusdam leviori-  
 „bus diversis: maximumque harum victoria-  
 „rum fructum esse volunt, ( præter Religio-  
 „nis Christianæ plurimis locis restitutionem )  
 „ut didicerint Turci posse etiam se à Chri-  
 „stianis vinci, quod rarò hætenus contige-  
 „rat. Quare & has suorum clades levi cursu  
 „illorum Annales apud Leunclavium transi-  
 „liunt; eas insuper non Christianorum vir-  
 „tuti, sed suorum ducum inconsiderantiis  
 „tribuentes. Nec tamen celamus Æneam  
 „Sylvium, qui tunc Secretarium agebat Fri-

„derici Cæsaris, de prædicta Huniadis vi-  
 „ctoria breviter agentem scribere, Hungaros,  
 „qui huic bello interfuere, cupiditate glo-  
 „riæ res suas ampliantes, ac de magnis ma-  
 „jora tradentes, eidem Friderico scripsisse,  
 „triginta millia hominum cæsa, captæque  
 „multò plura: Julianum autem Cardinalem  
 „sex milia duntaxat hominum ex prælio ce-  
 „cidisse ex suis litteris affirmasse, eique fidem  
 „habitam: quinimmo & alibi nonnisi duo  
 „millia Turcorum occisa esse, & quatuor mil-  
 „lia capta, inter quos ductores tredecim fuere,  
 „signa militaria novem ex ejusdem Juliani  
 „litteris ad Fridericum scriptis asserit.

[6.] Ex Autographo ipsius.

[7.] Ex literarum monumentis.

## Annus Christi MCCCCXLIV. Monasterii CCCVI.

*Pont. Rom.*  
 Eugenius IV.

*Imp. Rom.*  
 Fridericus IV.

*Archidux Austriae*  
 Ladislaus Rex.

*Episcopus Pataviensis*  
 Leonardus.

*Abbas Zwettlensis*  
 Joannes II.

**T**igurini hoc anno fideles manent  
 Aultriacis cum quibus foedus inié-  
 rant, & ob hoc ab Helvetiis simul jun-  
 ctis obsidentur. Verùm Ludovicus  
 Caroli Galliae Regis filius, ( Delphinum  
 vocabant Principem à Rege dignitatis  
 gradu secundum ) cum triginta pugna-  
 torum millibus adveniens, Tigurum ob-  
 sidione solvere ac Helvetiorum contu-  
 maces spiritus frangere properavit. Huic  
 obviam profecti Helvetii, dum  
 pauci cum plurimis egregiè pugnant,  
 propè ad unum cæsi victoriam multo  
 suorum sanguine emptam reliquere ra-  
 rò exemplò. Ad Tigurum quoque ma-  
 le ab Helvetiis pugnatum, & obsidione  
 urbs soluta est. \* [1.]

Pugna anno isto ab Ungaris cum  
 Turcis ad Varnam infelicitè gesta est,  
 Rege Vladislao unà cum Cardinale Ju-  
 liano cæso. [2.] Huniades evasit è  
 prælio sanus, qui occisum cum exerci-  
 tu Christiano Regem inultum nolens in  
 Misiam Superiorem ad Savum amnem  
 legionibus novo milite expletis hostem  
 aggreditur imparatum, quo fuso ac fu-  
 go victor in Pannoniam rediit. [3.]

De Monasterio nostro sequentia no-

tantur. Domini Otto & Wilhelmus  
 fratres de Toppel possessores castri Was-  
 ferberch fatentur se habuisse lites cum  
 D. Joanne Abbate in Zwetl propter  
 pascua à Sylva Wasserberch usque ad  
 villam Ossarn percurrentia, quæ colo-  
 ni Monasterio Zwetlensi subiecti præsa-  
 tis fratribus negabant, qui tandem con-  
 cordiam iniéruunt, terminum conve-  
 niendi sibi in Hertzeburgo apud Judi-  
 cem ibidem præfigentes festum S. Jo-  
 annis Baptiste, in quo suo conventu  
 compositionis litteras erigerent, litæ-  
 que finem darent. Datum Annò Domini  
 1444. feriâ sextâ ante festum S. Viti. [4.]  
 Fuit hoc prædium in Ossarn Monaste-  
 rio nostro donatum à Gisla Chünringia  
 de Sonnberch sorore Hadmari Fundato-  
 ris nostri secundi.

Demum occurrit etiam notandum,  
 quòd cum milites Alberti Prodigii Ar-  
 chi-Ducis Austriae, qui ante Labacum  
 Carniolæ fugerant, per Austriam graf-  
 sarentur, illamque spoliis & prædis ve-  
 xarent, fuisse quoque è Monasterii sub-  
 ditis quendam perversum colonum no-  
 mine Aggidium de Hermans, qui se eis-  
 dem militibus in prædæ & spoliòrum  
 Qq 2 socium

socium addixerat, qui cū à Monasterii Judice nimirum à Ulrico de Glocknitz Allodiorum Magistro ad rationem perversitatis suæ reddendam conquiretur, ipse fugiens & Monasterii colonos ubique spoliens, nonnullos etiam interficiens, manifestum hostem Monasterii se declaravit. Qui tandem Lit-

schoviam perveniens ibi ob alia maleficia sua detentus meritis forsā dedit meritis suæ pænas, unde Senatus illius oppidi Monasterium de Ægidii vita & facinoribus requisivit, præcipuè quia erat subditus illius, cujus litteræ datæ sunt in Litschaw Annò Domini 1444. in die S. Clementis. [5.]

## ADDITIONES.

\* [1.] Gerardus de Roß ubi suprà præcedenti anno.

[2.] Item ibidem in textu nostro relat.

Æneas Sylvius in Europa, cap. 5. „Turcis hæc Christianorum victoria (priore anno à Rege Vladislao & Huniade obtenta) „plus pavoris quàm damni attulit, non Hungaricas tantum vires, sed Germanicas quoque in se commotas arbitrantibus. Consternati ergo ac percussī metu, perinde ac totus Occidens conjurasset, pacem petière. „Hungari qui suas vires non ignorarent, nec tam potentie suæ, quàm casui victoriam imputarent, periculolum existimantes sæpius tentare fortunam, oblatas ultro condiciones pacis non recusarunt. Inducie belli in decem annos dictæ, iusjurandum per sua sacra ambæ partes præstitere, Despotæ Servie, quæ bellò amiserat, reddita. Molestæ ea res Juliano Cardinali fuit, cui professenda victoria videbatur. Eugenio quoque Romano Pontifici nihil molestius nuntiari potuit, cujus menti nulla major cura infedit, quàm Christianæ fidei propagandæ. Scripsit igitur Cardinali, nullum valere scodus, quod se inconsulto cum hostibus Religionis percussum esset. Vladislao Regi Poloniæ, qui eo tempore Hungariam occupabat, ut convenita dissolveret, imperavit: jura menta remisit: novum instaurari bellum tum precibus tum minis extorsit. Ex Christianis Principibus auxilia petiit, præter Philippum tamen Burgundiæ Ducem, neminem Christianæ Religionis zelus commovit: hic solus classem instruxit, quæ usque in Hellespontum profecta, Turcis ex Asia transitum prohibere in Europam conata est. „Franciscus Cardinalis Venetiarum, Eugeni nepos cum pluribus eò missis classis præfuit. Vladislao, qui alienum regnum invasisset, è re sua visum est, sollicitudinem belli provincialibus non deesse.

„Accersitis igitur ex Polonia & Bohemia, ceterisque vicinis gentibus auxiliis, coactis ex Hungaria copus, Turcarum agros inva-

„dere statuit, Joanni Huniadi castrorum cura commissa, quadraginta circiter equitum milia fuisse tradunt, plerique dimidiò minorem numerum prodidère, Reguli Hungariæ, Pontificesque quàm plurimi interfuerunt. „Julianus S. Angeli Cardinalis milites cruce signatos non paucos secum duxit. Iter per Walachiam receptum, deinde transitò Danubiò in Mysiam ventum, ut per plana & campestria loca in Romaniam transirent. „Amurates hostium cognito adventu eum Græcis ac Turcis in Europa manentibus non satis consideret, exercitum ex Asia misitibus comparavit. Sed angebat animum traiciendis freti non mediocris cura, qui classem Apostolicam obtinere pelagus non ignorabat. Anxio (ut ajunt) & multa volenti animo, Genuenses quidam curas ademere, qui suis navibus accepta pecuniâ transportare copias promiserunt. Locus est, ubi non amplius quàm stadia quinque latitudo freti obtinet, inter Propontidem & Euxinum pelagus: tantum est spatium, quod Europam Asiæque disternat. Bosphorum Thracium dixerè majores, à Bizantiarum cornu sexaginta ferme stadiis distantem. Hic Amuratis exercitus transvectus est, aureò nummò vectores per capita traditò, quæ, si vera est fama, centum millia fuisse ferunt. Nam Christiani locum attigerant, cui Varna est nomen, cū adventare innumerabiles hostium copias nunciatum est. Cedendum Vladislao Cardinalique videbatur, & ne circumveniri ab hoste possent, munitionum montanumque locum petendum. Huniades adversari ac resistere, Turcarum se nosse vires dicere, famam semper majorem esse, quòd si Turcæ omnes adfint, Hungaris tamen impares fore. Illos aurea & discolori veste, Hungaros ferro atque ære fulgere, Christianum agmen & stare paratum, & se, qui, nec turba, nec sarcinis prægrave intentum, quo Dux non modò signet, sed etiam innuat. Contrà si Turcarum mores inspiciantur, fæminas magis existimari debere, quàm viros, si fugiat exercitus Christi-

„stia.

„Stianus, quem Rex Hungariæ ducit, in quo  
„Legatus Apostolicus adest, in quo tor no-  
„bilibissimi Proceres militant, nunquam dein-  
„ceps Hungaris contra Turcas futurum ani-  
„mum.

„Vicit Huniadis sententia, expectati hos-  
„tes, postera die, sive majoris exercitus spe-  
„ciem præbuere, quam fama ipsa vulgaverat,  
„sive quòd metuentibus omnia vero majora  
„videntur, sive quòd Amurates in cogendo  
„milite vulgatæ opinioni haudquaquam de-  
„fuerat, territus Huniades eo conspectu tum  
„primum periculi magnitudinem animò vol-  
„vens de fuga Regem admonuit. Ille serum  
„consilium arguens, perniciosam magis fu-  
„gam quam pugnam dixit. Commisso præ-  
„lio sperari victoriam posse, sæpe minoribus  
„exercitibus celsisse majores, nec tam mul-  
„titudinem bellatorum, quam audaciam &  
„ordinem præstare victoriam. Deum quo-  
„que respicere meliorem causam, præstantio-  
„remque se paucis (si modò audeant) ex-  
„hibere, fugientes victoriam hosti tradere,  
„feriendâque terga, & multam suorum cædem.

„Magnifica quoque verba Joannis pridie  
„dicta, plenus irarum Rex exprobravit, jus-  
„sisque omnibus arma capere prælium expe-  
„ctavit.

„Amurates in proximo colle confederat,  
„ex quo suos pariter atque hostes spectare  
„potuit, datò belli signò quindecim millia  
„equitum, qui pugnam provocarent, factò  
„globò in Christianos impetum fecere. Sin-  
„gulis albæ super loricas vestes fuisse, quæ  
„ventò agitatae instar alarum præ se ferebant:  
„totidem viridibus induti sagulis sequeban-  
„tur. Aurea equorum fræna multorum visa,  
„& multis galearum argenti atque gemma-  
„rum nitor, ipsas quoque gladiatorum vaginas  
„prægrandes uniones ornabant. Non de-  
„trectavere Christiani certamen. Itum est  
„ferocibus in pugnam animis: Superior acies  
„nostra Turcas in fugam vertit, quam plu-  
„rimis primo impetu prostratis. Perculit  
„ea res magno metu Amuratem, nihil tale  
„verentem, fugisset protinus prodito exer-  
„citu, nî circumstantes satrapæ comprehensò  
„ejus equi frenò, ignaviam ejus increpâssent,  
„fugientique comminati necem fuissent. Per-  
„stitit ergo vel invitatus, jussisque fortissimis  
„arma sumere, prælium instauravit. Pugnatum  
„est summa contentione pluribus horis, nunc  
„Turcis, nunc Christianis propinquiore vi-  
„ctoria sese præbente. Cadebant hinc at-  
„que inde quàm plurimi, plures ex Turcis,  
„quorum corpora parum recta facili sagitta  
„ensisque penetrabant.

„Postremò, cùm novus in hora hostis in-  
„cederet, & sauciorum loca integri occupa-  
„rent, non tam virtute, quam numero su-  
„perati Hungari, paulatim referre pedem cœ-  
„pere. Tum Vladislaus cum globo suorum,  
„quos erga se non minùs fortes, quam fidos  
„habuit ex Polonia, ut hostes ex acie victo-  
„res diverteret, Christianisque animum red-  
„deret, in cumulum, quem teneri ab Amu-  
„rate diximus, circumjectòsque undique cur-  
„rus impetum fecit. Ibi nova pugna com-  
„missa, novus injectus Amurati pavor trepi-  
„datum totis castris, nec jam consistendū  
„animus aderat. Quod si Huniadi par ani-  
„mus ac Regi fuisset, & arridenti fortunæ  
„dedisset manus, haud dubium, quin ea dies  
„& Amurati vitam, & posteris ejus imperium  
„Græciæ abstulisset.

„Verùm ipse, ut primùm cedere Christia-  
„na signa conspexit, cum militibus Hunga-  
„ris ac Valachis ex acie se subtraxit, atque  
„insalutato Rege nutante adhuc victoria fu-  
„gam arripuit. Fortasse rei militaris perito  
„nulla in pugna salus visa, & salvare aliquos  
„quàm perire omnes maluit. Poloni acce-  
„ptam eo prælio cladem, Huniadis vœcordiæ  
„atque ignaviæ tribuerunt, ipse sua consilia  
„spretâ conquestus est. Vladislaus suæ sor-  
„ti dimissus, dum fortiter circa munimenta  
„hostium pugnat, equo dejectus, & obrun-  
„tatus est. Caput ejus hastâ infixum per  
„Græciam atque Asiam in signum victoriæ  
„populis ostentatum. Poloni ad unum cæsi  
„omnes, direpta castra, & quæ munitiones  
„curruum tuebantur: necati Episcopi, & Pro-  
„ceres Hungariæ, qui aderant, eadem cala-  
„mitate oppressi.

„Julianus Cardinalis, dum fugit amissò  
„prælio, cùm jam hostes evasisset, Hungari-  
„cani perfidiam evadere non potuit. Potum  
„equo dantem apud stagnum fortè repertum  
„latrunculi quidam novère, & arbitratu pe-  
„cuniam apud eum esse, dejectum equo ne-  
„caverunt, & ablatis vestimentis nudum ca-  
„daver feris ac volucris dimiserunt. Hic exi-  
„tus viri fuit magni certè & admirabilis, in  
„quo neficias doctrina major an eloquentia  
„fuerit. Grata hominis præsentia, blandi  
„mores, vita in omni ætate nitida, Religio-  
„nis zelus, qui omnia pro Christo, & mor-  
„tem ipsam ferre suaserit. Huniadem (ut  
„antè diximus) fugientem Despotus Serviæ  
„cepit. † Poloni Regem suum jam pera-  
„tò bellò pluribus annis vivere crediderunt,  
„captum, non interfectum arbitrati. Cardi-  
„nali Venetiarum ejus culpa cladis magna in  
„parte imputata est, qui neque fictum (ut  
„R r

„p r

„ par fuerat ) custodivit, neque transveſtos  
 „ hoſtes Chriſtianis Ducibus (quod ſecun-  
 „ dum fuerat ejus officium) nunciavit.

„ De numero cæſorum minimè conſtat:  
 „ illud exploratum eſt, longè plures ex Tur-  
 „ carum acie cecidiſſe; ceterùm pro numero  
 „ copiarum longè majus damnum Chriſtianis  
 „ illatum. Viſtor Amurates neque fugien-  
 „ tes hoſtes inſecutus eſt, neque gloriabun-  
 „ dus inter ſuos magnifica verba jaſtavit, ne-  
 „ que, ut antè aſſueverat, hilarem vultum  
 „ oſtendit. Interrogatus quidnam triſtior  
 „ eſſet, & cur non viſtis hoſtibus exultaret:  
 „ Nollem (inquit) hoc modo ſæpiùs vincere,  
 „ jubènsque vaſa colligi, copias, quæ ſuper-  
 „ fuerant, domum remiſit. Ipſe Adrianopo-  
 „ lim reverſus, Deo ſuo, quæ pro victoria fe-  
 „ cerat, vota perſolvit. Exin volvens ani-  
 „ mō, regni curas veræ felicitatis expertes eſ-  
 „ ſe, inconfantiam quoque fortunæ veritus,  
 „ quæ nulli perpetuò bona eſt, accerſitis pro-  
 „ viaciariis majoribus, Mahumetem ex libe-  
 „ ris ſuis natu majorem pro ſe Regem conſti-  
 „ tuit. Ipſe privatam deligenſ vitam in Aſiam  
 „ profeſſus, cum paucis oſti ſui cominibus, re-  
 „ ligioni cuidam ſolitarie ſeſe addixit. Ca-  
 „ libaſſa inter Satrapas Turcarum opibus &  
 „ Authoritate major Mahumeti, qui nondum  
 „ per ætatem aptus eſſet Imperio, gubernator  
 „ datus. Reliqui Regis Filii, nè quas re-  
 „ gno turbas excitarent, more gentis necati  
 „ ſunt. Feliciùs apud Turcas privatis, quàm  
 „ Regibus liberi naſcuntur.

Dubravius Hiſtor. Bohem. lib. 28.

Annales Antiqui Ungariæ ſub Vladislao  
 & Huniade.

Fuggerus in ſpeculo, & alii.

† Nauclerus recitans Æneam Sylvium ità  
 ſubjicit „ Scriptor verò Hungaricus reſert,  
 „ quòd occiſo Vladislao Hungari caſtris re-  
 „ liquis in fugam ſunt veſti: aderat nox,  
 „ quam nonnulli rerum adhuc ad plenum non  
 „ certi ducebant anxii; luce verò facta Turci  
 „ de fuga hoſtis dubii compoſitis agminibus  
 „ caſtra Hungarica viſa ſibi deſerta invadunt,  
 „ cunctis in eis repertis aut captis aut occiſis,

„ ubi & Julianus Cardinalis multique alii Re-  
 „ ligioſi viri ultima ſolviſſe debira ſeruntur.  
 „ De captivitate verò Huniadiſ ità inquit:  
 „ Waivoda Joannes dum redeundo in par-  
 „ tes pervenit Tranſalpinas, incidit in hoſtem  
 „ non proviſum. Nam Dracoles deducendi  
 „ hoſpitis cauſa à Waivoda petitus, in eum  
 „ violentas manus injecit, atque incarceravit.  
 „ Tandem cùm Dracoles Huniadem capere ſi-  
 „ bi non licuiſſe reminiſceretur, poſt dies pau-  
 „ cos multis cum muneribus, ut ipſe ſpera-  
 „ bat, placatum traduxit in regnum; qui Jo-  
 „ annes Huniades ſcilicet, paulò poſt in  
 „ gubernatorem regni electus, annò 1445,  
 „ copias ſuas duxit contra Dracolem, tran-  
 „ ſcenſiſque Alpiſus ſe ingeſſit in illius do-  
 „ minium, univerſoſque agrò perdomitò eun-  
 „ dem cepit, ſimulque cum filio decollari fe-  
 „ cit. Non deſunt, qui dicant Dracolem  
 „ propter theſaurum graudem oppreſſum, &  
 „ ſic à Deſpota Huniades id temporis captus  
 „ non fuit; ſed poſtea, ut dicitur.

M. Johannes de Thwroc à nobis ſæpe  
 citatus, parte 3. Chronicæ Hungarorum in re-  
 centiore editione Francofurtenſi ſub Anno  
 1600. cap. 43. & 44.

[3.] De Roò ubi ſuprà. „ Poſt Vladis-  
 „ laum à Turcis caſum, Corvinus domum  
 „ reverſus, omni ope adnitebatur, ut convul-  
 „ ſum Reipub. ſtatum reſtitueret. Cùmque  
 „ hinc à Turca, illinc ab Imperatore Friderico  
 „ metueret, ſtatuit illi priùs obviam ire. Ita-  
 „ que legionibus novo milite expletis &c.  
 „ *ut in textu noſtro.* „ Cujus Authoritati in-  
 „ nitatur hic clariffimus Scriptor, nobis incom-  
 „ pertum eſt. Ut ut ſit, hoc anno, & brevè poſt  
 „ ſtragem ad Varnam Chriſtianis inſiſtam, hoc  
 „ non videtur contigiſſe; Sylvius enim Scriptor  
 „ cœvus, locò ſuprà citatò cap. 6. ſic habet:  
 „ Effluxit deinde non parvum tempus, in quo  
 „ nec Hungari Turcas, nec Turcæ Hungaros  
 „ armis laceſſere præſumpſerunt. Sua quem-  
 „ que calamitas domi attonitum tenuit, cruen-  
 „ tiſſima Varnenſis pugna vires utriusque par-  
 „ tis eliferat.

[4. & 5.] Ex litterarum monumentis.

Annus Chriſti MCCCCXLV. Monafterii CCCVII.

<i>Pont. Rom.</i>	<i>Imp. Rom.</i>	<i>Archi-Dux Austria</i>
Eugenius IV.	Fridericus IV.	Ladislao Rex.

*Episcopus Pataviensis*  
 Leonardus.

*Abbas Zwetlensis*  
 Joannes II.

Occiſo Vladislao Hungarorum Rege  
 comitiorum Regalium dies adve-

nerat, quæ primores regni ad campum  
 Racos (id loco nomen) ipſis feriis Pen-  
 teco-

tecotes indixerant, & omnium suffragiis in Regem Ungariæ denuò eligitur & confirmatur Ladislaus Alberti filius Posthumus. Qui quòd esset puer (nam annum agebat quintum) placuit Pro-Regem creari, qui interim summæ rei præflet cum Imperio, donec Rex ad ætatem regno maturam pervenisset. Is factus est Joannes Corvinus Huniades Princeps Transilvaniæ. Mox de communi consilio ad Fridericum Cæsarem Legati mittuntur, qui electionis ordinem exponentes Regem simul & Coronam Regiam repeterent, neque regnum absque Rege esse diutius posse, & sacram coronam alibi quàm in regno asservari nefas esse dicerent. Fridericus audita legatione respondet: Regem puerum esse, tutelâque adhuc indigere, sibi que illum à matre non sine gravibus causis commendatum esse. Habere jam eos Pro-Regem, Virum prudentiâ ac fide insignem, eum interea sequerentur, donec Rex ad ætatem rebus maturam adoleſcat. Hæc ubi Legati ad suos retulêre, illicò Pro-Regi bellum contra Fridericum decernitur. Corvinus itaque contraſto duodecim millium exercitu in Austriæ fines hyberno tempore irrumpit, agrum Sempronianum ac Neapolitanum depopulatur, ad Viennæ montes usque ad Hamburgum prædas agit, quæ ferri aut agi nequeunt, flammis corrumpit. Cæsar à militibus imparatus Neapoli se continuit. Pro-Rex igitur Neapoli frustrâ tentata, cum & hyems instaret, neque à Cæsare quicquam extorqueri posset, prædâ gravis domum rediit. \* [1.]

Eodem hoc anno Albertus Friderici frater cum trecentis equis Tigurum ingressus, bellum in Helvetios urgebat. Inter quos & Tigurinis multa prælia & velitationes & castrorum oppidorumque obsidiones tam terrâ quàm lacu hoc anno committebantur. Sequenti anno Hugo Montfortius Joannitarum (ut vocant) Magister apud utrosque obtinuit, ut factis induciis de pace concilian-

da ageretur. Interposuit suam quoque auctoritatem Ludovicus Elector Palatinus, qui vocatis ad se Constantiam partium Legatis judices dedit: Austriæ Principibus ac Helvetiis Ulmenſem Senatû; Tigurinis ac Suitenſibus Forotiberiensem vulgò Kayserstulensem; quorum arbitrio controversia omnis tolleretur. Ita post longam disceptationem pax tandem facta est. [2.]

Porro hoc anno circa Monasterium nostrum occurrit, quòd causa litis cum Heinricho Fewchter in Curia Romana ventilata, ad finem tandem perducta fuerit. [3.] Arbitri verò, arbitratores & amicales compositores fuerunt sequentes: Joannes Abbas Scotorum in Wienna B. Virginis Joannes de Meyrs Licentiatuſ in Decretis, Aulæ Ducalis Austriæ Cancellarius Martinus Decretorum Doctor, Monasterii S. Joannis Evangelistæ Canonicoſum Regularium in Walthausen Præpositus. Casparus Hornſperger Licentiatuſ in Decretis, Officialis Curie Episcopalis Patavienſis, & Joannes Poltzmacher Decretorum Doctor. Hi omnes inter Henricum Fewchter ex una, & inter Abbatem & Conventum Monasterii in Zwetl ex altera parte concordiam & pacem pronuntiârunt. [4.] Confirmatio verò Pontificis super hac compositione amicali data est Romæ apud S. Petrum, annò Eugenii Papæ IV. quintodecimò, Annò verò Christi MCCCCXLV. Noſtis Auguſti. Eodem hoc anno, menſe & die Eugenius Papa IV. per Bullam suam Abbati Monasterii S. Lamberti in Altenburg, Patav. Diœceſ. committit, quatenus Monasterio Zwetlenſi Parochias in Cisterdorf & Schweickers denuò in perpetuum uniat, incorporet, & annectat, licet antè per Martinum Papam V. eidem eſſent dictæ Parochiæ incorporatæ, ait tamen ſe in primordiis ſui Pontificatû omnes uniones & incorporationes Eccleſiaſticas nondum ad effectum suum deductas certis ex cauſis revocâſſe & annihilâſſe. In Henrici au-

R r 2

tem

tem Fewchter de Ecclesia sua cessionem voluntariam, & ad compositionem promovendam pro dicta incorporatione in Abbatis & ipsius quoque Henrici præfati supplicationem instantem Papa libenter consensit, dictamque commissionem D. Abbati in Altenburg præfato imposuit, ut nimirum Ecclesias prædictas cum omnibus juribus & pertinentiis suis eidem dicto Monasterio in Zwetl incorporet, uniat & annectat; & cedentibus de Parochia Cistersdorf Henrico Fewchter, & alio Rectore de Parochia in Schweickers, liceat Abbati & Conventui in Zwetl, qui tunc erit, per se vel per alium seu alios corporalem Ecclesiarum, juriūque & pertinentiarum prædictorum possessionem autoritate propria liberè apprehendere, ac fructus, redditus, & proventus in suos, nec non illarum Ecclesiarum, & ipsius Monasterii usus & utilitatem convertere & perpetuò retinere, Diocesani loci & cujuslibet alterius licentiā super hoc minimè requisitā: liceat etiam Abbati & Conventui quamlibet Ecclesiarum earundem per aliquem sæcularem Presbyterum portione illi congrua vivendi relicta, aut dicti Monasterii Monachos ad nutum Abbatis & Conventus prædictorum communiter ponendos & amovendos regi facere, ac gubernari, &c. Datum Romæ apud S. Petrum, Annò Domini 1445. Nonis Augusti, Pontificatùs verò annò quintodecimò. [5.] His à F. Georgio Joannis de Amberga Monasterii Zwetlensis Professo, Syndico & Procuratore dictæ Domus suæ professæ, Bullis Pontificiis Româ allatis circa Septembrem mensem, finitis vindemiis mense Octobri executioni Abbas & Conventus mandari curaverunt. Conradus igitur Abbas Monasterii S. Lamberti in Altenburg Ordinis S. Benedicti, Pataviensis Diocesis Judex & Commissarius causarum præfatarum à Papa specialiter deputatus fatetur se recepisse à FF. Joanne Walpeck Cellario, & à Georgio Joannis de Amberga

Professis Monasterii in Zwetl Bullam Eugenii Papæ IV. integram coram Notario Publico, per quam in instrumento publico insertam publicè citavit ad commissionem suam exequendam Dominos Henricum Fewchter & Joannem Resch, illum Cistersdorfensis, hunc Schweickersensis Ecclesiarum Rectores. Datum & actum in Monasterio Altenburg, Annò Domini 1445. septimâ Octobris, annò verò Pontificatùs Eugenii Papæ IV. quintodecimò, præsentibus D. Joanne Priore de Gerungs, Conrado Pachanders, Ulrico Uchalt, Presbytero & Clericis Patav. & Ratisponens. Dioces. [6.] [7.]

Porro reperi obligationem quandam inter litteras antiquitatis, qua se civitas in Cistersdorf obligat Magistro Henrico Fewchter Juris Canonici Licentiatò in Cistersdorf tunc Plebano ad solvendum ipsi septuaginta novem talenta cum quatuor solidis denariorum, quæ ad Capellam S. Wenceslai extra dictam civitatem sitam spectarant, quæ civibus dictus Fewchter mutuò dederat. Datum Cistersdorffii, annò Domini 1445. in festo S. Joannis Baptiste. [8.] Has obligationis litteras Henricus à civibus postulavit; cum jam se Parochiam resignaturum sciret, sicut illam mense Octobri etiam resignavit.

Ceterum cum Monasterium nostrum Zwetlense litem incurrisset cum vicinis quibusdam Dominis ratione campi & agrorū inter Ruedmans & Friederspach sitorum, Fridericus Romanorum Rex, Archi-Dux Austriæ, Stirie, Carinthiæ & Carniolæ, Comes Tirolis &c. ad imponendum liti finem citavit Abbatem in Zwetl, quatenus unà cum adversariis suis Joanne & Jacobo fratribus cognomine Hawser Neapolim accedat responsurus & acturus super discordia agrorum suprâ dictorum. Datum Neapoli Austriæ, Annò Domini 1445. Sabbatò post Tiburtii festum. [9.]

Mense Octobri Parochiâ in Cistersdorf Monasterio Zwetlensi resignatâ, &c

& incorporatione ad effectum suum per-  
ducta, Joannes Abbas in Zwetl memor  
laborum & itineris longi frequentati F.  
Erhardi Smidel Monasterii sui Professi

eum promovere studuit, atq; in Parochia-  
li Ecclesia in Schweikers jure incorpo-  
rationis instituit suum Vicarium annò  
Domini 1445. ultimà Novembris. [16.]

## ADDITIONES.

\* [1.] Gerardus de Roó lib. 5. Histor.  
Austriac. exscriptus.

Annales Ungarorum antiqui.

Thwroc 3. p. c. 44. „ Post hanc tan-  
dem belli tempestatem; postque Regis Vla-  
dislai lugubrem interitum, ne quis in regno  
in alterius offensam moveretur, per Domi-  
nos Prælatos & Barones regni interdictum  
est. Et nihilominus ut adveniente festo  
Pentecostes in campo Rakos conventio fie-  
ret omnium regnicolarum generalis, com-  
muni voto extitit statutum. Volvebatur  
1445 Domini annus, & festum Pentecostes  
prædictum instabat; ipsaque conventionē  
multorum adventu nobilium inundata; ac  
latas dissi campi Rakos per planities undi-  
que diffusa; omnes, qui aderant, voto  
unanimes de regni commoditate, deque eo,  
quem interim donec Rex Ladislaus filius  
Regis Alberti puellus suæ ætatis quintum  
agens annum mentem ad consilia, manum-  
que ad arma extendere valeret, ejusdem  
regni in protectorem eligerent, multa cum  
dilectione tractabant. Pendebat totius  
communitatis ante oculos exactarum per  
ipsum Dominum Johannem Wayvodam  
clara memoria rerum, & ideo multis hanc  
dignitatem in se deicendere sperantibus,  
hanc eandem solus ipse Dominus Wayvo-  
da tulit. Electus est igitur omnium regni  
& Regis negotia tangentium rerum in gu-  
bernatorem. Quapropter cuncta Hunga-  
rici regni plebs tali sulta protectore magnam  
mox dissoluta in exultationem alta voce  
Deo laudes reddebat, campanarumque &  
tubarum sonus vicinum per ætherem fereba-  
tur; peractamque tantæ electionis post glo-  
riam solis his, qui se hoc honore dignos  
esse credebant, eodem frustrati corde tristi,  
vultu tamen simulata sub imagine læto in-  
cedentibus; quisque regnicolarum gaudens,  
propria reveris est ad habitacula.

Cap. 45. „ Inter hæc Domini Hungariæ  
pertristite ferebant, quòd factum diadema,  
quo Reges Hungariæ coronari solent, pue-  
rulumque Regem, qui jure naturæ illis do-  
minari debebat, Rex Romanorum Frederi-  
cus detinebat. Timebant enim, nè puer ali-  
ena enutritus in terra à moribus & labio

„ Hungarorum alter fieret. Conventum est  
„ igitur, ut repeteretur, aut iretur in ultio-  
nem. Et dum Rex Romanorum petitis non  
flectitur, ingentibus damnis pullatur. Nam  
Dominus Gubernator secundò sui officii  
annò pluribus armatorum agminibus com-  
positis, omnem Catinthe & Carneolæ agrum  
& magnam partem Stiria crudeli cum seve-  
ritate pervagatus est; res in prædam; ho-  
mines in captivitatem, civitatesque ac op-  
pida & villas ardentes in flammam redigen-  
do. Cum tandem ipsum Romanorum Re-  
gem suorum regnotum depopulatione mo-  
veri vidit minimè, multarum rerum & capti-  
vorum congerie onustus felix rediit.

„ Aneas Sylvius Histor. Bohem. c. 58. „ In  
„ conventu deinde (post prælium ad Varnam)  
„ civitatum Procerumque Ladislaus Rex ap-  
„ pellatus: missa legatio ad Fredericum Cæ-  
„ sarem, in qua regni primores fuere, decre-  
„ tum electionis exposuit, Ladislai in Hun-  
„ gariam mitti coronandum postulavit. Re-  
„ sponsum est: Rectè Hungaros egisse, qui  
„ Regem tandem suum recognoverint: ele-  
„ ctione tamen haudquaquam opus fuisse in  
„ eo, quem natura Regem dedisset, neque  
„ coronandum esse, qui semel coronatus sit.  
„ Puerum adhuc egere tutore: nullius tute-  
„ lam salubriorem esse, quam Frederici Imper-  
„ ratoris, & proximi consanguinei: expecta-  
„ rent ætatem regnò idoneam, interea per  
„ se regnum administrarent. Diu inter Hun-  
„ garos & Imperatorem ob negatum Regem  
„ inimicitia fuere, & armis quoque tentata  
„ res est. Joannes Huniades infestis copiis  
„ Austriam ingressus, quamvis ferro atque igne  
„ agros vastaverit, Regem tamen, coronam-  
„ que, & quæ repetebat in Hungaria castella  
„ obtinere non potuit.

Dubravius Histor. Bohemic. lib. 28.

[2.] Gerardus de Roó, ubi suprà.

[3. & 4.] Ex instrumento super compo-  
sitione amabili confirmationis Papalis.

[5.] Ex Bulla Eugenii IV.

[6.] Ex instrumento citationis.

[7.] Ex instrumento citationis suæ,

[8.] Ex litterarum monumentis,

[9.] Ex Decreto Cæsaris.

[10.] Ex litterarum monumentis.



## Annus Christi MCCCCXLVI. Monasterii CCCVIII.

*Pont. Rom.*  
Eugenius IV.

*Imp. Rom.*  
Fridericus IV.

*Archi-Dux Austriae*  
Ladislau Rex.

*Episcopus Pataviensis*  
Leonardus.

*Abbas Zwetlensis*  
Joannes II.

Occurrit hoc anno præclare indolis Regiæ exemplum, dum Ladislau Rex Ungariæ & Bohemiæ & Archi-Dux Austriæ liberalitatem virtutem Regiam uni suorum puer adhuc exhibuit. Erat inter nobiles Bohemorum Legatos, qui frequenter Regem suum puerum visitare solebant, Joannes à Brandesio cognomento Giscra, homo bellicosus, & qui per ea tempora contra Vladislai factionem in Ungaria fortiter se gesserat. Is Regis manum exosculatus narrare exorsus, quantis se periculis pro caro ipsius capite objecisset: „Tu verò, *inquit*, „mi Rex, quo animo hæc excipis? qua „tandem remuneratione operam tibi „fideliter navatam compensabis? „Puer ad hæc tacitus (sextum enim tunc agebat annum) circumspicere cœpit, ac Cæsaris dispensatori sacculum, ex quo stipem dare solitus erat, clam, aut forsitan ipso dissimulante eripit, depromptos inde sex nummos Giscræ in volam ingerit. Ille crumenæ infutos palam omnibus ostentabat Regiæ liberalitatis argumentum. \* [1.]

Per eosdem dies ex arbitrio Alberti Brandenburgici sublata est, quæ de Sigismundi Tirolensis hæreditate paterna inter Fridericum Cæsarem ejusque fratrem Albertum, & Tirolenses intercesserat disceptatio, & Sigismundus tutelæ exemptus provinciæ suæ gubernacula suscepit, indulta omnium injuriarum & incommodorum oblivione & veniâ subditis promissâ, ac utriusque Principis firmata fide. [2.]

Porro Joannes Abbas in Zwetl commendat Sufannæ Abbatissæ ad S. Bernardum F. Joannem Conventualem su-

um in Confessorem. Monet etiam Priorissam & Subpriorissam, quatenus regulares observantias hætenus ob Bohemicos tumultus & irruptiones omittas recipiant, sequæ tanquam seniores junioribus suis sororibus Virginibus ad piæ sobriæ, justæ & castæ vivendum exempla demonstrent. Datum in Monasterio Zwetl, annò Domini 1446. in Oâva Epiphaniæ. [3.]

Ceterum Monasterium Zwetlense multis incommodis tunc laborabat, nam præter æ alienum, quo plurimum astringebatur, affligebat illud annuæ pensiones inevitabiles. His accessere quotidianæ prædonum Austriæ & nobilium quorundam grassatorum emunditiones pecuniarum, licet Austria ab Archi-Duce suo, Cæsare nimirum Friderico nunquam ab his facibus hominum purgaretur, prædæ tamen & spolia ipsos in scelus retrahebant. Horum exactiões diligenter linguâ vernaculâ annotavit F. Joannes Walpeckh Cellerarius Monasterii, qui Indici suo talem præfigit titulum: „Notandum, quid ego „locò Domini mei quasi gratis, & po- „tenter coactus per annos novem qui- „bus Cellerarius fueram, expenderim, „unde Monasterio nostro notabilia „damna emersere &c. „ [4.]

Fuit tunc temporis in Monasterio Zwetlensi allodiorum Magister nomine Wolfgangus Schachinger, cujus Sabbatò post diem S. Valentini hoc anno fit mentio, forsân sæcularis, dum ab antiquo Religiosi professi fuissent, qui susceptò officio juramentum fidelitatis præstare tenebantur, uti in antiquis codicibus passim illud annotatur. [5.]

ADDI.

## ADDITIONES.

\* [1.] Gerardus de Roô locò sæpe citatò exscriptus.  
Æneas Sylvius suprâ ad ann. 1442. sub n.  
2. relatus.  
Dubravius lib. 28.

[2.] Gerardus de Roô ubi suprâ,  
[3.] Ex literarum monumentis.  
[4.] Ex Registro ipsius PMS.  
[5.] Ex literarum monumentis.

Annus Christi MCCCCXLVII. Monasterii CCCIX.

*Pont. Rom.*  
Nicolaus V.

*Imp. Rom.*  
Fridericus IV.

*Archi-Dux Austriae*  
Ladislauus Rex.

*Episcopus Pataviensis*  
Leonardus.

*Abbas Zweilensis*  
Joannes III.

Eugenius Papa IV. Religioforum amator egregius, & Vir ingenio & rebus gestis insignis hoc anno Salutis vitæ suæ sexagesimò quartò, & Pontificatûs sui decimò sextò Romæ in Palatio Apostolico Vaticano septimò Calendas Martii rebus humanis excessit, sepultus in Basilica S. Petri Vaticana sepulchrò marmoreò. Post quem eligitur Thomas Lucanus Sarzanus septemdecim Cardinalium votis in Pontificem Romanum pridie Nonas Martias Annò MCCCCXLVII. coronationisque suæ insignia fuscipiens Nonis Martii, vocatus est Nicolaus ejus nominis V. \* [1.] Hunc Pontificem B. Malachias ita prædixit: De modicitate Lunæ. Erat enim Lunensis de Sarzana humilibus parentibus natus.

Præterea Joannes Abbas Zweilensis vendidit M. Joanni de Meyres Plebano in Gars 15. tal. denar. minùs sedecim cum quadraginta metretis tritici mensuræ Pölanicæ, sita in Veteri & Novo Pölan, atque in alijs circum villis ibidem, certa tamen cum conditione, ad venditionem rursus novam eodem pretio offerendam. Testis adducitur nobilis Vir D. Stephanus Kolb. Datum Viennæ annò Domini 1447. in festo Nativitatis B. Mariæ. [2.]

Fuit item hoc anno disceptatio continuata inter Monasterium ex una, & inter Dominos dictos Hawser ratione campi & agrorum inter Ruedmans & Fri-

derspach sitorum. Joannes enim de Egra, præ senio & morbo continuo gravi deficiente Joanne Raftenveldensi Abbate in Zwetl, Administrator Monasterii constitutus, vel potius in temporalibus adjutor, quondam Prior, litem & causam eam urgebat, ut ad finem tandem deduceretur, unde tantum effecit, ut ex testimonio Matthæi Wurmecker Præfecti arcis in Liechtenvels ob antiquam possessionem Monasterio causa ascriberetur. Annò 1447. Dominicâ ante diem S. Augustini circa sextum Calendas Septembris. [3.]

Oritur hic rursus dubium, siquidem invenitur Joannes II. de Raftenveld oriundus hoc anno 4. Cal. Decembris obiisse, & tamen jam Joannes de Egra Bohemus Abbas legitur, nam Joannes quidam de Stuppenstain chyrographò suò fatetur se cum D. Joanne de Egra Abbate in Zwetl gratiam inisse. Adducit hujus compositionis amicitiae testes Nobilem D. Wolfgangum Rorbeckh, D. Georgium Plebanum in Cistersdorf, & Lambertum Schilicher. Datum in Cistersdorf, annò Domini 1447. feriâ quartâ ante festum Erasmi, nimirum circa Calendas Junias. [4.] Igitur Joannes Raftenveldensis vel resignavit penitus, vel certe Joannem de Egra quondam suum Priorem in Coadjutorem temporalium curarum assumpsit, in omnibus enim Monasterii hujus Abbatum catalogis Abbas mortuus reperitur.

ritur, quod etiam mortilogia tam Monachorum quam Abbatum confirmant. [5.] Litteris ergo undique revolutis, quicquid antiquitatem sapiebat, percurri diligentius, ex quibus tandem, præsertim ex antiquis Mortilogiis, tres istos sibi invicem succedentes Abbates reperi, Joannem I. de Longo-Lojo, succedentem Michaëli II. deinde Joannem II. de Raftenveld, ac tandem istum Joannem III. de Egra Bohemum, qui antea Prior Monasterii extitit, deinde Coadjutor Abbatis in temporalibus, ac tandem Abbas ipse electus & confirmatus.

Demum Joanni III. Abbati constituto prima erat cura & studium, ut incorporationes obtentæ conservarentur imposterum integræ, ne denuo alia lis super his oriretur, quæ Monasterio importabilis foret. Igitur audita Eugenii Papæ IV. morte, & electo Nicolao V. Papa, quem Fridericus Cæsar quoque approbârat, posthabito Felice V. Antipapa à Concilio Basileensi creato, venit opportunè Viennam electi Papæ novi Legatus, D. Joannes S. R. E. Diaconus Cardinalis tit. S. Angeli specialiter deputatus, [6.] quem Abbas Joannes adiens, & destructionem Monasterii sui Zwetlensis per Hussitas factam enarrans, unde

Monasterium apud Eugenium IV. incorporationes antiquas in litem & jus vocatas denuo sibi conferri supplicare coactum fuit, humiliter ab eo petiit, ut nomine Papæ & Autoritate Apostolica, qua tunc gaudebat, præfatas incorporationes, uniones & annexiones Parochiarum duarum Monasterio nostro perpetuò factas nimirum in Cistersdorf & Schweikers stas confirmaret, quod protinus impetravit. Unde idem Apostolicus Nuntius iisdem in sua confirmatione utitur clausulis (mutanda mutandis) quibus Eugenius Papa IV. in sua Bulla utebatur. „ Datum Wien-  
„ næ Patav. Diceces. in domibus nostræ  
„ solitæ residentie, nonò Decembris,  
„ Annò Domini 1447. Pontificatûs au-  
„ tem Nicolai Papæ V. primò. „ [7.]

Idem Abbas Joannes porro vendidit villam in Hafnerpach & Stain juxta Hohenegk sitam ad dies vitæ patris, filii, & filie, nimirum D. Joanni Neudecker D. Wolfgangi Neudecker filio de Obrechtsperg pro ducentis libris denariorum. Datum annò Domini 1447. [8.] dies mensis hîc non ponitur, quia tamen hic Abbas plura vendidisse reperitur; illi, & non antecessori suo imputari potest.

## ADDITIONES.

\* [1.] Ciaconius in Eugenio IV.  
Item in Nicolao V. „ Nicolaus V. Thomas Lucanus Sarzanus antea vocatus à Sarzana oppido Lucensis agri - - - Pontifex  
„ Maximus omnium consensu à septemdecim  
„ Cardinalibus creatus pridie Nonas Martias  
„ ann. 1447. inter optimos sanctissimisque  
„ Pontifices numerandus censetur.  
„ Gerardus de Roò loco sæpe citatò.  
„ Naclerus Generat. 49. „ Annò 1446.  
„ ut ferè omnes, sed ut ex supputatione Successoris sui colligitur, annò septimò moritur Eugenius Papa, Pontificatûs sui annò  
„ XVI. Calend. Martii, Vir ingenio & gestis  
„ rebus insignis, & in B. Petri Basilica sepelitur sepulchrò marmoreò. Vacat Sedes  
„ dies 12. ut refert Platina. Annò nostri Salvatoris 1447. pridie Nonas Martias in Rom.  
„ Pontificem creatus est Thomas Sarzanus,  
„ humili loco & familia natus matre Andreola,

„ patre Bartholomæo Physico, Nicolaus V.  
„ vocatus, sed it annis 8. Vir certè tanto Principatu dignissimus; adeo tamen modestus,  
„ ut tanto se Magistratu indignum arbitratus,  
„ rogaverit Cardinales omnes, supplex etiam,  
„ ut Ecclesiæ Dei maturiùs consulere. Verùm Tarentino Cardinale eum adhortante,  
„ ne cursum Sancti Spiritus impediret, collum  
„ tanto oneri subiecit. Interrogatus, ut sit,  
„ Cardinalis Portugalenfis è conclavi prodicens, quem Pontificem creassent, respondit:  
„ Non nos Nicolaum, sed Deus Pontificem designavit &c. „

Spondanus ad præced. annum n. 8. „ Missi  
„ ad finem anni ex conventu Francofordiensis  
„ Legati Romam ad Eugenium Papam, honorificè tanquam Angeli pacis susceperunt;  
„ tertiæque die in Consistorio Secretò auditi,  
„ nomine omnium Æneas à Friderico Cæsare  
„ directus orationem habuit de rebus, propter

„pter quas venissent; & cujus partem Coch-  
 „læus recitat. Ad cujus finem dixit, asserre  
 „pacem Germaniæ Principes, sed pacem  
 „etiam expetere: cupere enim aliqua, quæ  
 „nisi obtinerent, nec curari vulnera possent,  
 „nec pax nationis haberi. Quatuor autem  
 „principalia esse: primum, ut Generale Con-  
 „cilium in tempore locoque designando con-  
 „vocaretur: alterum, ut professio potestatis,  
 „auctoritatis & præminentię Generalium  
 „Conciliiorum per Oratores Eugenii facta  
 „ipsius literis approbaretur: Tertium, ut Na-  
 „tioni Germanicæ super gravaminibus op-  
 „portunè provideretur: Quartum, ut quæ  
 „in præjudicium Principum Electorum Archi-  
 „episcoporum Colonienfis & Treverensis acta  
 „essent, ex ipsius Eugenii clementia revoca-  
 „rentur, ipsique in pristinum statum redige-  
 „rentur. In prima petitione communem ver-  
 „sari utilitatem, in secunda Eugenii humili-  
 „tatem, in tertiâ æquitatem, in quarta be-  
 „nignitatem atque humanitatem.

N. 2. „Ait verò Gobellinus, seu potiùs  
 „Æneas, ipseniet sua haud aspernari solitus,  
 „ipsius orationem cùm à Papa tum à Cardini-  
 „alibus mirum in modum laudatam esse:  
 „Eugenium verò eadem ipsa die correptum  
 „ægritudine in lectum se dedisse, Cardinali-  
 „busque rem tractandam commississe. Cùm  
 „autem omnia, quæ petita fuissent, Eugenius  
 „approbasset, atque literas super his decre-  
 „visset; ad ejus cubiculum omnes Legatos  
 „intromissos, jacenti Pontifici obedientiam  
 „præstitisse: illum confestim Bullas Aposto-  
 „licas in manus Æneæ dedisse: nec moram,  
 „tursus in Consistorio publico præsentibus  
 „Cardinalibus, publicatis Cæsaris & aliorum  
 „Principum mandatis, repetitis esse cæremoni-  
 „as. Inde tota urbe ob publicam lætitiâ  
 „ignes factos, & campanas, tubasque sine  
 „modo sonuisse. Sequenti die iustitium in-  
 „dictum, Superisque rogationes decretas:  
 „Cardinales ceterosque Prælatos cum populo  
 „in ordine procedentes, Silvestri coronam  
 „(sive Mitram, quam non ita pridem Ave-  
 „nionè delatam magnâ veneratione Eugenius  
 „à Vaticano ad Lateranum detulisse cum  
 „Letania Sacerdotum omnium Populique  
 „Romani, Platina refert; eamque à Petro  
 „Cardinale Fuxensi Legato Avenionensi re-  
 „stitutam esse, legimus in ejus vita) Joani-  
 „nis Baptistæ caput, præcipuasque Sancto-  
 „rum Reliquias, ex Templo S. Marci Late-  
 „ranum detulisse, ibique sacrificium, atque  
 „de Friderico Eugenique laudibus habitum  
 „esse sermonem. Ita Æneas: quæ brevius  
 „referens Antoninus ait se iis interfuisse, tunc

„ Archi. Episcopum Florentinum ex Ordine  
 „ Prædicatorum.

N. 3. „Extat Bulla Eugenii, cujus Æneas  
 „meminit, data septimò Idus Februarii anni  
 „sequentis; quâ (ut ait Cochlæus, & ex ejus  
 „lectione apparet) pacis gratiâ multa Ger-  
 „manis circa beneficia Ecclesiastica, jurisdi-  
 „ctionem Principatum vel diocesum, eor-  
 „umque subditorum ac vassallorum, annuatim  
 „& servitiâ &c. dispensativè indulgit, admi-  
 „sit, approbavit & confirmavit; quæ tempore  
 „schismatis facta circa & contra Sedis Apo-  
 „stolicæ auctoritatem per se invalida erant.  
 „Insuperque omnes illos, qui Congregationi  
 „Basileensi post Concilii ibi incepti dissolu-  
 „tionem adhæserant, tam qui jam ad obedi-  
 „entiam redierant, quàm qui intra sex men-  
 „ses reversuri essent, ab omnibus censuris &  
 „pœnis absolvit, & in pristinas dignitates,  
 „officia & beneficia plenissimè restituit, de  
 „consilio (ut ait) & assensu S. R. E. Cardi-  
 „naliuni. Fuitque hoc concordie diplomâ  
 „ultimum Eugenii opus publicum: in quo  
 „assimilari possit cygno, quem sub finem vitæ  
 „dulcissimè canere ferunt. Obiit enim de-  
 „cimò sextò post die; nempe vigesimâ ter-  
 „tiâ Februarii, sepultus in Basilica S. Petri  
 „sepulchrò marmoreo: sed post translatus  
 „ad Monasterium S. Salvatoris in Lauro Con-  
 „gregationis Canonicorum Secularium, cu-  
 „jus ipse Professor fuerat. Vixit annos sexa-  
 „ginta quatuor (ut plures volunt, cùm qui-  
 „dam sexaginta sex tribuant) sedit sexdecim  
 „minùs octo diebus.

{ 2. & 3. } Ex literarum monumentis.  
 { 4. } Ex Autographo ipsius.  
 { 5. } Mortilogium antiquum.  
 { 6. } Gerardus de Roë Histôr. Austriæ  
 lib. 5. ad annum sequentem in textu nostro re-  
 ferendus.

Spondanus ubi suprà n. 6. „Post Nico-  
 „lai electionem, indistincto per Fridericum apud  
 „Asciasburgium oppidum Diocesim Mogunti-  
 „nensis conventu Principum imperii tam Ec-  
 „clesiasticorum quàm Secularium ad festum  
 „B. Margaritæ 20. Julii; approbata in eo est  
 „obedientia primum Eugenio, deinde ipsi  
 „Nicolao ab Oratoribus Romam missis exhi-  
 „bita: abrogatæque penitus neutralitas, &  
 „omnis cum Felice ac Basileensibus commu-  
 „nicatio. Eaque de re edictum Fridericus  
 „promulgavit secundâ feriâ ante festum Bar-  
 „tholomæi Apostoli (nempe 21. Augusti)  
 „quod recitat Cochlæus, quo mandavit Ni-  
 „colæum pro vero & indubitato Papa, Vi-  
 „cario Christi, & vero Successore S. Petri sine  
 „dolo & fraude ab omnibus recognosci &  
 „T t  
 „ firmi.

„ firmiter teneri, atque ipsius mandatis plenarie obedire: aliâque cuncta vel nomine  
 „ Felicis, qui Papatum usurpaverat, vel communis Basilæ emanantia spernere, &  
 „ penitus rejicere. Unde factum est, ut brevi exaruerit Schismaticorum Basilæ ægrè jam  
 „ à multo tempore spiritum ducentium evanida auctoritas, ipsèque Felix de abdicatione seridè cogitare cœperit; eoque maxime, quod à Carolo Francorum Rege continuis hortationibus sollicitaretur pacem dare Ecclesiæ. „

Idem ad sequentem ann. n. x. „ Annò  
 „ Christi 1448. Indictione undecima cum Nicolaus Papa V. post suam electionem Legatum misisset in Germaniam Joannem Carvajalem tit. S. Angeli Diaconum Cardinalem natione Hispanum ad componendam provinciam longa neutralitate dissipatam „ &c. „

[7.] Ex confirmatione Nuntii Apostolici in Originali.

[8.] Ex literarum monumentis.

## Annus Christi MCCCCXLVIII. Monasterii CCCX.

*Pont. Rom.*  
 Nicolaus V.

*Imp. Rom.*  
 Fridericus IV.

*Archidux Austriae*  
 Ladislaus Rex.

*Episcopus Pataviensis*  
 Leonardus.

*Abbas Zwetlensis*  
 Joannes III.

**F**ridericus Cæsar Pontificis creationem ratam habens crebris mandatis Basileenses urget, ut Concilii Patribus comiteam, quem litteris caveant, renuntiant, parere detrectantes inobedientiæ accusat. Illi missis Legatis se purgant. Cum verò Cæsar nihil remitteret, solvitur tandem Concilium, manente nihilominus Schismate. Qui verò Basileæ erant, novam Concilio sedem eligunt Losannam in Sabaudia Ducatu Pontificis sui. \* [1.]

Notatur Stewra seu census quidam à Rege Romanorum provincialibus Austriæ impositus hoc anno ad dotem numerandam. [2.] Hic nullas scio nuptias contractas neque à Friderico, neque à Ladislao: sed judico illam pecuniam à fratre fuisse Alberto Prodigio Sueviæ Principi pro dono promissam, ut dotis nomine sponsam ille suam ex pecunia donare posset, duxit enim eo tempore Albertus Austriacus præfatus in uxorem Mechtildem Ludovici Palatini filiam, Ludovici Wirtembergici viduam, sceminam divitem & pecuniosam, quod percommode matrimonium ei cessit, jam enim pecuniam omnem à Cæsare assignatam in sumptus bellicos aliosque usus expenderat. [3.]

Circa Monasterium nostrum porro

notantur hoc anno sequentia: „ Anno „ no Domini 1448. 18. die mensis Aprilis Reverendissimus in Christo Pater „ ac Dominus noster, D. Joannes Carvial, Diaconus Cardinalis S. Angeli, sanctissimi Domini nostri, Domini „ Nicolai divinâ providentiâ Papæ V. „ per Germaniæ partes à latere Legatus fuit in nostro Monasterio Zwetlensi, & vidit destructionem ejusdem „ cum magna amaritudine & cordis „ compassionem. Qui cum in Capitulo à D. Joanne de Egra ejusdem loci „ Abbate susceptus fuisset, omnes Fratres in Capitulo existentes ab omnibus eorum peccatis absolvit, insuper magnas indulgentias nobis contulit. „ [4.] Hæc in citato loco. Causa tamen hujus itineris reticetur, utrum vocatus tantum huc accesserit, aut per transitum ut hospes duntaxat hic diverterit. Fuit aliàs in Monasterium nostrum bene affectus, unde ad petitionem & instantiam Abbatis, qui eidem quoque Sacellum S. Thomæ Cantuariensis in Daxgraben situm ostenderat, indulgentias devotè visitantibus ad illud contulit.

Præterea Leonardus Pataviensis Episcopus Parochiæ in Cistersdorf Monasterio nostro perpetuò incorporatæ Cappellam

pellam S. Wenceslai extra oppidum sitam ad instantiam D. Joannis tunc temporis in Zwetl Abbatis incorporat, unit, & annexit ea de causa, quia domus Parochialis extra oppidum sita ab hostibus concremata fuit, nec Vicariis ibidem cum Capellanis suis habitandi locus supererat, præfata verò Capella fundum in oppido ipso intra mœnia possidebat, super quo domus Parochialis construi congruè posset, sic Episcopus præfatus Capellam dictam eo nomine Parochiæ incorporavit. Datum Wiennæ annò Domini 1448. 24. Januarii. [5.]

Fit hoc anno mentio litis inter Joannem Abbatem in Zwetl ex una, & inter Georgium de Puechaim ex altera, quæ constituto Alberto de Potendorf

à Georgio, & ab Abbate quoque aliis in arbitros lectis componi cœpta est, quid tamen effecerint, nondum constat. Datum in Horn civitate annò Domini 1448. feriâ secundâ post Judica. Præfatus item Georgius de Puechaim Architriclinus Austriæ fatetur in aliis suis litteris se discordem fuisse cum Joanne Abbate in Zwetl, verum litis origine deprehensâ concordasse usque ad Nativitatem Domini, quo tempore utraque pars per suos advocatos ad audiendum in Consilio comparere decernitur. Adducit in hujus rei testimonium Albertum de Eberstorf cum sigillo suo. Datum annò Domini 1448. feriâ tertiâ post festum S. Matthæi. [6.]

## ADDITIONES.

\* [1.] Gerardus de Roô lib. 5. exscriptus, Spondanus ad hunc ann. n. 8. „Hoc anno (ut Monstreletus narrat, & ex eo alii) missi Legati à Carolo VII. Francorum Rege, nec non à Ludovico Delphino ejusdem primogenito, & à Renato Siciliæ Rege ad Nicolaum Papam, tum ad obedientiam ei ut vero Pontifici præstandam, tum ad exponenda, quæ cum Felice Sabauda tractata fuissent anno superiori pro unione Ecclesiæ. . . . . Laborante in his præce-  
teris magnâ diligentia, immensis sumptibus & summâ curâ Carolo Francorum, ac cooperante egregiè Frederico Romanorum Rege, instantèque adeò Ludovico Sabaudicæ Duce, Felicis primogenito, ut cum Bolomerius quidam Felicis gratiâ potens abdicationem ei dissuadere conaretur, Ludovicus cum

„ multorum criminum reum ingenti lapide ad collum suspensio in lacum Lemanum præcipitem egerit: cum interea residui illi Basileensium Patrum, qui Concilium jactabant, sive, ut Wanderburchius habet, tunc metu dilapsi, cum venit in eas oras Delphinus; seu potius, ut Gobellinus, pulsî à civibus Basileensibus jussu Frederici Cæsaris Lausannam se transfuissent. „  
[2.] Ex literarum monumentis.  
[3.] Gerardus de Roô. „Circa eam tem-  
pora Albertus Austriacus uxorem duxit Mechthildem Ludovici Palatini filiam, Ludovici Wirtembergici viduam, formam diviti-  
um & pecuniosam &c. „ *ut in textu nostro.*  
[4.] Chronicon MS.  
[5.] Ex Autographo ipsius.  
[6.] Ex literarum monumentis.

Annus Christi MCCCCXLIX. Monasterii CCCXI.

*Pont. Rom.*  
Nicolaus V.

*Imp. Rom.*  
Fridericus IV.

*Archi-Dux Austria*  
Ladislavus Rex.

*Episcopus Pataviensis*  
Leonardus.

*Abbas Zwetlensis*  
Joannes III.

**F**ridericus Cæsar, instante Nicolao V. Pontifice legitimo, Felicem V. Antipapam compulsi, ut se Pontificatu abdicaret, quod cerneret, tantam seditionem & tam diuturnam Ecclesiæ Romanæ perniciosam esse; usus tamen

hac benignitate erga Amadeum Nicolaus est: homini namque galerum Cardinalatus misit, eundemque Episcopum Cardinalem Sabinum, Collegii Cardinalium Decanum, ac perpetuum Germaniæ Legatum fecit, ne sine dignitate

Tt a

gnitate viveret, & cum honore se posset sustentare. Venerunt autem & in arbitrium Pontificis Cardinales illi, quos Amadeus creaverat: tres enim illorum in numerum Cardinalium legitimorum sunt recepti. Hæc contigere Annò MCCCCXLIX. die 23. Aprilis, & sic hoc schisma finitum fuit. Obiit Amadeus non longè post Laufannis beatè, ibique in Cathedrali sepultus est. \* [1.]

Circa hæc tempora multi per Austriam prædones agros viasque publicas infestabant, quorum nonnulla latibula Udalricus Eitzingerus à popularibus ad-

jutus, reliqua Joannes Buechaimius & Christophorus Liechtenstainius destruxerunt. Erant verò inter prædones, qui loca munitiora occuparant, quàm ut à tumultuario milite expugnari possent. Igitur ex provincialibus iustus conscribitur exercitus, cui Cæsar cum imperio præfecit Udalricum Ciliensem, eique septingentos equites ex suis misit. Is quod reliquum erat prædonum in Austria sustulit, multi ferrò cæsi, qui vivi in manus venerunt, suspensi sunt. [2.]

Ex duabus apochis apparet, Joannem III. Abbatem adhuc vixisse. [3.]

## ADDITIONES.

\* [1.] Gerardus de Roó ad annum præcedentem in textu nostro relatus ita prosequitur: „ Qui verò Basilæ fuerant, novam Concilii Sedem eligunt Lofanam, ubi annò demum nonò & quadragesimò adniventibus Cæsare, Galliæ, Angliæque Regibus, aliisque Principibus, Felix Pontificatu sese abdicans, in Cardinalium ordinem redactus est. Nicolaus verò à Synodo confirmatus, & sublati dissidiis pax & concordia inter Ecclesiasticos constabilita est, „

Ciaconius in Felice Antipapa. Item in Nicolao V. ex quo textus noster paucis mutatis & omisissis exscriptus est: ubi addit: „ Hæc verò concordia lætatus est non modò Clerus omnis, verùm etiam populus Romanus adeo, ut in sequenti nocte ejus diei, quo hæc audita sunt. 1449. die 23. Aprilis, cum faculis per urbem in equis incederent, clamantes: Vivat Nicolaus! Tum verò ingens gaudium, lætitiâmq; percepit, schismate penitus extincto, quod imposterum nullum fuit, atque utinam ne sit! tantus est enim morbus, ut eo semel infectæ mortalium mentes ad sanitatem non faciliè redeant. Ne ergo ingratus erga Deum Pontifex tanti beneficii videretur, supplicationes admodum celebres tum Clero & populo in Vaticano habuit. Idem fecere & reliqui Italiæ populi tam perniciosâ seditione liberatam Ecclesiam Dei cernentes, bravium velocius currenti 50. aureorum propositum. Tanta præterea fuit Pontificis auctoritas, & gratia, ut animos Principum ad bellum jam concitatos aliquamdiu represserit. „

Spondanus ad hunc ann. n. 3. „ Ubi verò

„ hæc concordia audita est (inquit Platina) adeo lætatus est non modò Clerus omnis, verùm etiam Populus Romanus, ut in sequenti nocte ejus diei cum faculis per urbem in equis incederent, clamantes: Vivat Nicolaus! . . . Denique decantatus tunc ubique versiculus ille fuit, quem mihi referunt:

„ Fulsit lux mundo, cessit Felix Nicolaò. „ Sùntque nonnulli, qui admirandum non immeritò moncant; quòd Vir humillimæ originis Nicolaus sic prævaluerit contra Ducem Sabaudie, qui vel consanguinitate vel affinitate cunctis ferme Christianis Principibus conjunctus esset, à quibus nihilominus omnibus desertus fuerit. At mirari desinent, qui consideraverint, non hæc carnis & sanguinis esse; sed Dei opus curantis sua, & infirma atque abjecta mundi eligentis, ut fortia quæque & illicitè elata conterat ac confundat. Omnis enim plantatio, quam Pater Cœlestis non plantaverit, eradicabitur, inquit Dominus. Denique quòd potentior apud homines Felix videri poterat, eò gratior Deo quæsit esse, perpetuò & eximio veræ humilitatis exemplò. Quod & Deus adeo acceptum habuit, ut ejus solo fortè meritò concefferit, nunquam hætenus ab eo tempore illum succrescere in Ecclesiâ Romanâ Christi Sponsâ schisma, quibus antea frequentissimè concutiebatur. „

[2.] Gerardus de Roó Histor. Austriæ lib. 5. exscriptus.

[3.] Ex Autographis eorum.

Annus

## Annus Christi MCCCCL. Monasterii CCCXII.

*Pont. Rom.*  
Nicolaus V.

*Imp. Rom.*  
Fridericus IV.

*Arch-Dux Austriae*  
Ladislaus Rex.

*Episcopus Pataviensis*  
Leonardus.

*Abbas Zwettlensis*  
Joannes III.

**A** Trigerat jam Annus Jubilæi MCCCCL. cum subito tanta multitudo Romam venit, quanta nunquam antea, unde Nicolaus Pontifex omni studio & diligenter annixus, ut cuncta abundarent, nihilque populo undique confluenti ad victum deesset. Prædicto anno Jubilæi, Sabbato 19. Decembris post ostensum Vultum Sanctum, Pontifex solemnem benedictionem populo in platea S. Petri largitus est. \* [1.]

Circa hoc tempus Ungari novos iterum Legatos, novos ad Fridericum Cæsarem nuntios itentidem mittunt, Regem & coronam reddi postulant. Austriaci quoque de Principe tutelæ eximendo suisque tradendo mussitabant. Bohemi verò minaciùs etiam urgebant, qui cum audivissent Fridericum Romam ad coronationem iter parare, Legatos ad eum ex suis mittunt Udalicum Rosenbergicum, Zdenconem Sternbergicum, & alios quosdam proceres, qui Regem sibi dari expolcunt, aliter se alium sibi regem creare cogi, cujus rei gratiâ jam indicta esse comitia. Cæsar Legatos abs se Pragæ ad comitia præsto futuros dicit, per quos ad ipsorum postulata sit responsurus. Austriacis verò ac Ungaris idem quod antea responsum dedit. Postquam verò comitiorum dies advenisset, proceres regni Pragâ ob infectum aërem relicta, Beneficiam (*Benefchau*) frequentes convenère. Adfuerunt & Cæsaris Legati, ex quibus Æneas Silvius coram Consilio, cui præsidebat Podiebradius, verba fecit, & oratione admodum leni usus cum favore Bohemorum peroravit. Unde Bohemi utcumque deliniti Cæsaris consilio acquiescere sese dixere. Cæsar pacatis Bohemis, quorum motus

maximè timuerat, iter in Italiam parat, ut coronam & approbationem Imperii à summo Pontifice susceperet, quod hætenus propter dissensiones Ecclesiasticas fieri non potuerat. Sciebat præterea Eleonoram Eduardi Lusitanæ Regis filiam sibi desponsam in itinere esse, quam Romam secum ad coronationem ducere ac matrimonium illic perficere cogitabat. Ex Ungaria verò quietiora omnia nuntiabantur. Soli ex Austriacis nonnulli, cum Ladislaum iter comitaturum audivissent, aliquid moliri videbantur. Sed quoddam multi ex proceribus se cum ipso ituros recepissent, ceteros parùm curabat. [2.]

Hoc porro anno in feriis Divi Hippolyti ædificari cæpit altera turris apud Divum Stephanum Viennæ, ubi primum lapidem posuit Clerus: secundum Fridericus III. Rex Romanorum. [3.] Stat hæc turris è regione alterius, majori facta artificio à ministro Magistri alterius perfectæ turris, nondum tamen deducta ad finem.

Venio ad Monasterium nostrum Zwettlense, cujus Ecclesiæ Parochiali in Cistersdorf denuo eidem incorporatæ præerat Vicarius F. Georgius Joannis de Amberga, Professor Monachus Zwettlensis. Hic à Nicolao Papa V. obtinuit, ut præfatæ suæ Ecclesiæ, propter quam ille multos in Curia Romana labores sustulit, libertates omnes & immunitates à prædecessoribus ejus Romanis Pontificibus sive per privilegia, sive per alias indulgentias sibi ac Ecclesiæ suæ prædictæ indultas confirmaret; specialiter autem decimas, terras, possessiones, domos, vineas, prata, pascua, nemora, omniâque alia mobilia & immobilia bona, nec non libertates

U u

&amp;



& exemptiones rationabiliter eidem & Ecclesiæ ipsius prædictæ concessas, salva in prædictis decimis moderatione Concilii Generalis. Datum Romæ apud S. Petrum, pridie Calendas Februarii Annò Domini 1450. Pontificatús verò Nicolai Papæ V. quartò. [4.]

Fuerunt hoc anno in Romana Curia F. Georgius modò dictus & F. Erhardus, Rectores Ecclesiarum Parochialium in Cistersdorf & Schweickers, qui pro bono Monasterii apud Pontificem Summum multa sollicitabant & impetrabant. Inter cetera obtinuerunt, ut Nicolaus Papa V. Abbati in Altenburg commiserit, quatenus Parochiali Ecclesiæ in Cistersdorf Capellam S. Wenceslai extra mœnia oppidi Cistersdorf sitam cum fundo in eodem oppido situato, supra quem domus vel dos pro eodem Rectore construi posset, cum omnibus iuribus, & pertinentiis suis per Pataviensem Episcopum Leonardum jam incorporatam Autoritate Apostolica confirmaret. Datum Romæ apud S. Petrum, Nonis Maji, Annò Domini 1450. Pontificatús verò Nicolai Papæ V. quartò. [5.] Sciendum domum præfatam Parochialem extra mœnia Cistersdorf sitam à prædonibus fuisse unà cum Ecclesia combustam.

„ Nam, *usq. Gerardus loquitur*, erat  
 „ Pancratius quidam Polonus, qui Ga-  
 „ litziò in Ungariæ finibus oppidò oc-  
 „ cupatò, multis incommotis vicinos  
 „ diu affecerat, nec ullis passionibus,  
 „ ut ab injuriis superfederet, adduci  
 „ potuerat. In hunc profectus Udalricus  
 „ (*Ciliensis Comes*) oppidum validis  
 „ tormentis quatit. Moram obsidio-  
 „ ni fecit pulveris defectus, quo sub-  
 „ vecto rebus suis diffidens Pancratius  
 „ Proregis Corvini fidei ac tutelæ se  
 „ committit, qui datis ad Ciliensem  
 „ litteris, quibus promittit, nihil im-  
 „ posterum damni Austriacis ex eo  
 „ loco illatum iri, oppidum ipse præ-  
 „ sidio munit. „ [6.] Hæc Gerar-  
 „ dus. Unde constat ab his prædonibus

Cistersdorfium quoque eorúmque vicini-  
 nos vexatos fuisse.

Idem præfati Fratres Zwetlenses Romæ constituti impetrârunt etiam ab eodem Nicolao V. Bullas quatuor, quibus Monasterium in Zwetl in protectionem S. Petri suscipit, atque ejusdem locum, personas, bona confirmat & roborat autoritate Apostolica. Datæ sunt omnes Romæ apud S. Petrum, 15. Cal. Julij, Annò Domini 1450. Pontificatús ejusdem annò quartò. [7.]

Idem quoque Pontifex præfatorum Fratrum supplicatione nomine Abbatibus sui facta motus, de liberalitate Sedis Apostolicæ D. Joanni Abbati Zwetlensi omnibûsque ejus successoribus Privilegium Annò MCCCCXXXVIII. datum ampliavit, ut in quavis solemnitate publica Ecclesiastica uti possint infulâ, ornamento Episcopali, atque etiam omnia ornamenta Ecclesiastica unâ cum calicibus consecrare possent. Datum Romæ apud S. Petrum, Cal. Decembris, Annò Domini 1450. Pontificatús sui annò quartò. Atque hoc jam sub Eugenio IV. Joannes Raistenfeldensis Abbas in Zwetl per Joannem Resch tunc Monasterii in Romana Curia Syndicum impetravit. [8.]

Vendidit Joannes Abbas in Zwetl villam in Hollenbach infra limites Parochiæ Puech sitam, quotannis 24. talentorum denar. redditus de lanceis cultis & incultis servientem, Haidenrico Dapifero de Grueb Capitaneo Castelli Waidhofen ad Teyiam siti, ejusque hæredibus, qui pro eisdem bonis, redemptione perpetua Monasterio Zwetlensi, terminò infra Natalem Domini & carnisprivium positò, quocunque placuerit anno 400 talent. denar. solvit. Datum Annò Domini 1450. in festo S. Georgii. [9.]

Item Casparo Felebrunner ad redimendum præfato sub termino idem Abbas propter creditorum importunam instantiam bona tam intra quàm extra civitatem Egenburgensem & in Warperg sita vendidit certis sub conditio-  
 nibus

nibus, quarum erat etiam, ut si rursus vendenda forent, Monasterio ipsorum venditio uno mense prius intimaretur, atque pro 80. libris denar. redderetur. Datum Annò Domini 1450. in die S. Udalrici. [10.]

Obtulit demum hoc Anno Mona-

sterio in Zwettl in remedium animæ suæ Petrus Habman vineam unam in Liubs sitam, Hewndl dictam, tradens eam cum omni jure suo in manus Joannis Abbatis ibidem. Datum in Dominica Judica, Annò Domini 1450. [11.]

## ADDITIONES.

\* [1.] Ciaconius in Nicolao Papa V.

Chronicon Magnum Belgicum sub eodem.

Spondanus ad hunc ann. n. 1. „ Annò

Christi 1450. Indictione decima tertia ipsis

„ Calendis Januarii (seu potius de more præ-

„ cedente Natali Domini) celebrari coepit

„ Jubileus Romæ, anno superiori, ut vidimus,

„ promulgatus, cum indulgentia plenaria visi-

„ tantibus Ecclesiis urbis Sanctorum Petri &

„ Pauli, S. Joannis Lateranensis, & S. Mariæ

„ Majoris, diebus designatis olim à Clemente

„ VI in reductione Jubilei ad annum quin-

„ quagesimum; quam Nicolaus ratam habuit,

„ & confirmavit. Ad quam indulgentiam

„ consequendam ait Antoninus, qui vidit,

„ convenisse ex omni natione, quæ sub cælo

„ est, fidelium plurimos mares & feminas.

„ Platina, tantam subito multitudinem Ro-

„ mam venisse, quantam nunquam antea:

„ cavissèque diligentissimè Pontificem, ne

„ commeatus, & omnia ad victum necessaria

„ in urbe decissent; ac curassè execrationibus

„ & satellitibus, ne grassatores in peregrinos

„ in urbem accedentes sequirent.

„ Ex multitudine verò illud funestè acci-

„ disse uterque idem auctor narrat, confir-

„ mâtque Aeneas Sylvius ejusdem & ipse tem-

„ poris Scriptor, aliisque post multi; ut, cum

„ semel ab Ecclesia S. Petri in Vaticano visa

„ Salvatoris Imago Veronica dicta in urbem

„ redirent, in ponte Sancti Angeli occurren-

„ tes aliis turbis innumeris, quæ ad eandem

„ Ecclesiam itabant; occasione cujusdam mu-

„ læ facta hominum compressione; cum ne-

„ que venientes, neque redeuntes ob infe-

„ quantem multitudinem cedere possent, ad

„ ducentos & amplius homines, (quadrin-

„ gentos Antoninus habet) aut conculcati

„ aut in Tyberim lapsi perierint: quorum cor-

„ pora collecta & sepulta fuere: eamque ob

„ rem Nicolaus casulas quasdam, quæ viam

„ angustiores ad pontem faciebant, omnino

„ sustulit. Plurimos item alios propter labo-

„ rem longi itineris, & incommoda, atque

„ etiam ob pestem per Italiam grassantem defe-

„ cisse, Antoninus & alii tradunt. Rursùm-

„ que Platina, Pontificem totum ferè annum

„ illum in celebratibus consumpsisse, Sta-

„ tiones quotidie invisentem cum cætu Car-

„ dinalium. Qui etiam ob immensam homi-

„ num multitudinem, sæpe habuit tempus

„ quindecim dierum extraneis ad visitatio-

„ nem Ecclesiarum constitutum breviare. „

[2.] Gerardus de Roó ubi suprà,

„ Aeneas Sylvius Historic. Bohemic. c. 58.

„ Diu inter Hungaros & Imperatorem ob ne-

„ gatum Regem inimicitia fuere, & armis quo-

„ que tentata res est. Joannes Huniades in-

„ festis copiis Austriam ingressus, quamvis

„ ferro atque igne agros vastaverit &c. ....

„ Ad Bohemos, qui ea de re conventum Pra-

„ gæ habituri erant, ac ferocius agere vide-

„ bantur, Regem alium electuri, nisi viros eis

„ gereretur, Legatos mittere placuit, quibus

„ & nos additi sumus. Provinciales, quibus

„ apud Pragam dies statuta fuerat, grassante

„ illic peste, in Beneficentia convenere, quos

„ in frequenti conventu, præsidente Geor-

„ gio Poggiebracio, in hunc modum allo-

„ quiti sumus: Petivistis ex Cæsare, Viri Bo-

„ hemi, Ladislaum Regis quondam vestri

„ filium ad vos mitti: idem Hungari, idem

„ Australes importunis precibus exigunt. Si

„ vobis mos geritur, illos offendere necesse

„ est: si preces aliorum audiantur, contem-

„ nere vestras oportet. Si necessarium sit

„ alterum ex duobus, vestram amicitiam præ-

„ feret Imperator. Vetus enim Majorum suo-

„ rum cum Bohemica gente foedus, & acce-

„ ptorum ultro citroque beneficiorum me-

„ moria recens. Sin virtus claritasque pen-

„ sitanda est, quis Bohemico nomini non

„ invidet, cujus victorias tempestate nostra

„ plures numerare licet, quam reliquæ gen-

„ tes omnibus seculis comparare poterint?

„ Verùm Cæsari hoc tempore in hanc ele-

„ ctionem descendere haudquaquam necessa-

„ rium videtur, quando ea pueri ætas est,

„ quæ neque vobis, neque Hungaris usui esse

„ potest. Esto, veniat in Bohemiam Ladis-

„ laus, quod inde regno emolumentum ce-

„ det? illène jus litigantibus dicet? statum

„ Reipublicæ reformabit? adversus hostes co-

„ pias ducet? belli, pacisve munia obibit?

U u a

„ Nihil

„ Nihil horum præstare potest , cui rectè tu-  
 „ telà opus est. Illud inprimis ejus adventus  
 „ faciet, Regis pompa ducenda est, ornanda  
 „ regia, adhibendi ministri, curia more pro-  
 „ genitorum apparanda. Ad hæc grandi pec-  
 „ cunia opus. Vobis nullum ærarium esse  
 „ audio, nullos census, nulla vestigalia pub-  
 „ lica. Ad vestras igitur opes recurendum,  
 „ vos præstare sumptus, vos Regem alere, vos  
 „ inexplebilem curiam & insatiabiles mini-  
 „ stros explere oportebit. Video præterea  
 „ inter vos non paucos esse Proceres, con-  
 „ silio, autoritate, atque opibus bene pa-  
 „ res. Cura Regis uni committenda erit,  
 „ non omnibus: ille Dominus, ille Rex vester  
 „ judicabitur, qui Regis corpus in potestate  
 „ habebit. Et quis vestrum est, qui non eum  
 „ honorem sibi quam alteri malit? Semina  
 „ inter vos discordiarum petitis, nisi prius in  
 „ unum convenieritis, qui Regis curæ præsit.  
 „ Vos his incommodis Fredericus liberat, qui  
 „ suo sumptu pupillum regni gubernans, dis-  
 „ sensuum vobis fomitem aufert. Nec vos  
 „ latet, quandoquidem tenera Regis ætas est,  
 „ corpus ejus in potestate Cæsaris rectius esse  
 „ quam in alterius cujuscumque. Ille enim  
 „ consanguineus est, ex eadem familia natus,  
 „ & Imperator. Et quis pupillo Regi con-  
 „ venientior tutor detur, quam Princeps Prin-  
 „ cipum? Si sit inter vos & Hungaros con-  
 „ tentio coram extraneo iudice, de custodia  
 „ corporis Regis, par causa vestra atque illo-  
 „ rum judicabitur. Utrique Regem petitis,  
 „ utrique fidelitatis documenta præstatis.  
 „ Verum in hoc illi Superiores erunt, quia  
 „ natum apud se Regem coronatumque di-  
 „ cent. Apud Cæsarem vestra causa longè  
 „ iustior est, quam Hungarorum: seipsum ta-  
 „ men in curâ patruelis vobis præfert. Cu-  
 „ rate regnum, pupillum sibi dimitтите, quem,  
 „ postquam pubes fuerit, vobis inprimis cre-  
 „ det. Quoddam verò Oratores vestri dixerunt,  
 „ alium Regem accersendum à vobis esse, id  
 „ magis terroris incutiendi causâ dictum Im-  
 „ perator existimat, quam quod animo vestro  
 „ ea sententia sedeat. Neque enim vestra  
 „ fides incorrupta prius, hoc reponit, ne-  
 „ que progenitorum Ladislai in vos collata  
 „ beneficia hoc exigunt, nec innocens ejus  
 „ ætas quicquam demeruit. Ceterum vol-  
 „ vite animò prius, ut sapientes decet, quem-  
 „ nam Ladislao præferre possitis? cujus fan-  
 „ guinem, si matris originem memoriâ tene-

„ tis, quatuor Romanorum Imperatores pro-  
 „ duxere. Si paternam prosapiam exquisitis,  
 „ quinque Imperatoria dignitas in Australi  
 „ domo refedit. Obsecundatatem quærat ne-  
 „ cesse est, cui tanta claritas non satisfacit.  
 „ Addite potentiam, amicitias, clientelas,  
 „ Austriam vobis vicinam possidet: Moravia,  
 „ Silesia illi parent; Hungari, & si res novas  
 „ moliri videantur, ab officio tamen non re-  
 „ cedent. Imperator, à quo regnum vestrum  
 „ dependet, sanguini suo non deerit, nec  
 „ jus familiæ suæ negliget. Boioaria, Saxo-  
 „ niæque Duces, Marchiones quoque Bran-  
 „ denburgenses, & omnes ferme Germaniæ  
 „ Principes, Ladislau propinqua necessitudi-  
 „ ne attingunt. Non potest hic pupillus  
 „ offendi, nisi & tota Germania lædatur.  
 „ Hæc superflue vobis commemorari non am-  
 „ bigo: verum ita iussit Imperator. Ille in  
 „ Italiam pupillum secum adducet: reductum,  
 „ puberemque factum, si perstiteritis in fide,  
 „ ad vos primum mittet. Vos interea pro  
 „ gravitate integritatæque vestra, quod in rem  
 „ Bohemici regni, pupillique sit, consulere  
 „ admonet. Verisimilis oratio visa, neque  
 „ sine favore excepta est: acceptiorémque  
 „ Procopius noster collega reddidit, qui pa-  
 „ trio sermone latinæ linguæ ignaris verba  
 „ nostra interpretatus est. Iussi sumus ex con-  
 „ ventu paululum abire, mox revocatis res-  
 „ ponsum datum, Reddidit Imperatori gra-  
 „ tiæ, qui eam legationem misisset, atque in  
 „ dimittendo Rege, Bohemos præferret ceteris.  
 „ Accipere se bene consulta consilia,  
 „ missuros ex nobilitate sua primarios juve-  
 „ nes, qui Cæsarem Italiam petentem sequan-  
 „ tur, etque ministrarent. Expectaturos quærere  
 „ redditum, quem felicem fastumque Superum  
 „ benignitate futurum exoptent.

Dubravius Histor. Boiemic. lib. 28.

Annales Austriæ Superioris Strunonis hoc anno.

[3.] Ederus in Catalogo Rectorum Vi-  
 ennensis Archi-Gymnasi hoc anno.

[4.] Ex Bulla Nicolai Papæ V. inter no-  
 bis ab eodem datas n. 1.

[5.] Bulla Nicolai V. secunda.

[6.] Gerardus de Roë Histor. Austriacæ  
 lib. 5.

[7.] Bullæ Nicolai V. quatuor nimirum,  
 tertia, quarta, quinta, sexta.

[8.] Bulla Nicolai Papa V. nona.

[9. 10. 11.] Ex litterarum monumentis.

## Annus Christi MCCCCLI. Monasterii CCCXIII.

*Pont. Rom.*  
Nicolaus V.

*Imp. Rom.*  
Fridericus IV.

*Archi-Dux Austriae*  
Ladislau Rex.

*Episcopus Pataviensis*  
Ulricus III.

*Abbas Zwettlensis*  
Georgius.

Cum annus hujus sæculi quinquagesimus primus ageretur, Fridericus Cæsar jam certus eundi, litteras ac nuntios ad Ordines Imperii misit, quibus, quo tempore Italiam ingressurus sit, significat, atque uti omnes, qui eum de more comitaturi sint, ad diem dictam conveniant, jubet. Interim ipse Austriae gubernationem Proceribus quibusdam committit, inter quos erant Udalricus Schawnburgicus Senior, Georgius Puechaymius, Rudigerus Stubenbergicus, Sigismundus Eberstorfius, & Conradus Eitzingerus, \* [1.] Sylvius vocat eum Udalricum Itzingerum. Verùm alios administratores Sylvius dictus numerat, qui tunc aderat: nimirum, Comites de Monte-Pulchro patrem & filium, vulgò de Schawnberg, Georgium de Puechaimb, Rodericum de Stahrenberg, Sigismundum de Villa-Aprorum, hodie de Eberstorf, & alios plerosque Barones. [2.] Mox Cæsar cum Ladislao pupillo præcipiti jam autumnò Græciam Stiriam profectus ibi quoque res omnes constituit. Villacum denique pergit, ubi ei præter alios Albertus frater præstò fuit cum pulcherrimo equitatu. Cæsar eo cum parte copiarum præmisso, ipse cum Ladislao & reliquo comitatu Villacò discedens, postridie Calendas Januarii ad Italiæ fines pervenit. [3.] Iter reliquum anno sequenti Romam usque consummatum fuit. Unde hallucinantur ii, qui non modò iter, sed quoque coronationem hoc anno factam referunt, ut sunt Ciaconius, in Nicolao Papa V., & Cuspinianus, in vitis Cæsarum; Nam ut Æneas Sylvius, in Austria sua, comes ipse hujus itineris insignuat, non tantùm Alphonsus Arragonius

Neapoleos Rex, sed quoque ipse Pontifex Summus itineris tempus Cæsari petenti præscripserunt hyemem, æstate Germanis sanguine abundantibus in solo Italico mortifera longò exemplò probata. Deinde testatur etiam id Chronicon Procerum Austriae Ungenadiorum, quod Eleonore Reginæ de Portugalia patria exitum per mare narrat factum 25. Octob. Anni MCCCCLI. navigavit verò ad littus Latinum usque ad Purificationem anni sequentis, septimanis quatuordecim. [4.] Æneas quoque confirmat non hoc anno coronationem ac nuptias factas esse, sed sequenti; cum ait Fridericum unà cum Ladislao ingressum Italiam Calendis Januarii annò post Jubilæum primò nimirum completò. [5.]

Interea Austriaci conspirant contra Cæsarem ob Ladislaum non sibi redditum incentore Ulrico Itzingerò, quì primùm sub Alberto II. Cæsare omnium Cameræ redituum receptor solus, distributòrque fuerat. Id officii vulgaris Magistratus Hubarum appellatur. Hinc ditatus ingentes opes cum Baronatù titulo sibi comparavit, aliàs homo industrius & laboris patiens fortunæ ludibrium maximè sensit. Hic absente & de itinere Italiæ sollicito Friderico meditatur, quomodo eidem Austriam extorquere, & Ladislao naturali suo Domino resignare valeat. Conventum itaque Procerum molitur, quibus omnibus convenire placet. Nè tamen conventiculum illicitum monopoliumque videretur, Barones de Liechtenstain in Austria Moraviæque potentes, dum fortè de finibus cum Itzingerò litigabant, quæ res conventioni colorem præbuit. Rogati igitur sunt ex

X x

more

more vicini quique Nobiliores ad litem definiendam in locum cui Mailberg nomen est cis Danubium inter Austriæ Moraviæque fines. Conveniunt igitur cum Itzingero ex ordine Baronum Joannes & Henricus de Liechtenstain fratres, ac Wilhelmus nepos, Cadoldus Vanger, Georgius Chünringius de familia nostrorum Fundatorum, & Nicolaus Druchsefs. Ex militaribus Georgius Drachsner, Georgius Fritzensdorfer, Wolfgangus Ruckendorffer, & alii quam plures natu nobiles, quos omnes Itzingerus eò deduxit oratione sua, ut omnes laudârent ejus in patriam sollicitudinem, & in Principis sui restitutione gratitudinem singularem. Ab his igitur Fridericus, dum adhuc Grætii & Villaci moram traheret, ob Ladislaum non redditum vexatus connivere potius statuit, quam iter semel diffinitum relinquere, ideoque eos mera spe restituendi Ladislai in Imperium dimisit ratus eos sicut Bohemos & Ungaros interea quieturos. [6.] De Georgio Chünringio, qui huic conventiculo interfuisse ab Ænea scribitur, potius judico cum venisse cognationis & affinitatis gratiâ, quam animò in Cæsarem Principem suum conspirandi, nam soror ejus Agnes Chünringia Joannem Liechtenstainium de Niclaspurgo in matrimonio habebat; insuper ipsorum Familia à Potendorffis, qui Chünringios sanguine attigerant, olim descenderat. Ceterum Georgius Chünringius filius erat NitZonis de Seveld ex Agnete de Wertenberg, Marschallus Austriæ, habuit fratres Achatium II., Joannem, Albertum, Bernardum, & Sororem præfatam Agnetem. [7.] Verum non tantum Æneas Georgii meminit, sed etiam Struno, unde citat litteras conventum indicentes Austrarium, quibus se subscripserunt: Datum in Wulderstorf, & signatum sub Sigillis Wilhelmi de Liechtenstain, Georgii de Chünring, Chadoldi de Wehing, Magistri de Mortperg, Nicolai Dapise-

ri, Sigismundi Fritzensdorfer, Wolfgangi de Ruckendorf, & Wolfgangi dicti Stathorner, feria 5. ante Elisabeth, Annò Domini 1451. [8.] Unde ex his litteris patet, ipsum unâ cum Liechtenstainio subsignasse decretum. Cum igitur Fridericus Cæsar conspiratorum paucos esse audivisset, noluit in Ladislao reddendo ipsis morem gerere, sed iter suum prosequi definivit. Interea Viennam omnes conspiratores unâ cum Itzingero, qui prius plebem in suam partem traxerat, atque deinde quoque Senatam, venerunt cum triumpho & tripudio recepti, ubi in Domo Provinciali omnes provinciæ ordines, Prælati, Barones, sed pauci, (nam major pars Cæsarem in itinere comitabantur) Nobiles, & civitates congregantur, ibi Itzingerus adductâ per manum Elisabethâ Ladislai Regis sorore, quæ Viennæ in palatio relicta fuerat, ambonem ascendit Capistrano quondam ascendere consuetum, præsentésque alloquitur, ut Fridericum Cæsarem à tutela sumptis armis ejusque Gubernatores abjiciant, quos in absentia sua constituit Austriæ præsides, misceantur pupilli Regis in quavis arce firmissima inclusi ac circumducti, præsentis item Principissæ jam nubilis in vestibus lacerae, ac ex victu parco macilentæ, atque datis litteris Ladislaus ultimò repetatur. Ejectis igitur Gubernatoribus Austriâ, duodecim viri deliguntur, hisque belli pacisque potestas permittitur. Capitaneus terræ Ulricus Ciliensis Comes assumitur: Nicolaus Druchsefs Hubarum Magister dicitur, hujus est publicas pecunias exigere, atque in usum Reipubl. convertere. Magistratus ceteri pro necessitate constituuntur. Erant inter conspiratores nulli pertinaciores & in Fridericum animi acerbioris, ut Cilienses Comites, hos sibi Fridericus, uti potentes, prius conciliare studuit, sed frustra. Harthungus de Cappel ad Ungaros in fide Cæsaris tenendos missus erat, hic

hic quoque Legatos ad Cæsarem misit graves viros repetendi Regis sui, sed nihil obtinuerunt: quieverunt tamen inducias antè factas observare. Processum jam erat in itinere usque ad S. Vitum, quod oppidum est Carinthiorum caput, ibique Cæsar Nativitatis Dominicæ festa peregit: ibi Reimperus de Walsee cum Wolfgango fratre majore clam recedit, per litteras tamen suum recessum excusans. Deinde egit multa cum Cilienfium Legatis Cæsar, sed nihil profecit. Austriaci demum decernunt legationem ad Pontificem Nicolaum V. ad accusandum Cæsarem, qui fuerunt Thomas Haselbachius Theologus, Ulricus Zidrer Jurisconsultus, & Henricus Sentsleben Scriptor Apostolicus. [9.]

Obiit hoc anno Leonardus à Layming Pataviensis Episcopus podagricus ipsa die Corporis Christi, Annò MCCCCLI. sepelitur Patavii apud S. Stephanum sub marmore, quod sibi primò gubernationis suæ annò eleganter & affabre incidi ipse curavit. Huic successit Ulricus III. ex celebri familia à Nussdorf natus, Canonicus Pataviensis, & Frisingensis Ecclesiæ Præpositus, unanimibus suffragiis electus in ipso S. Margarethæ profesto, Annò Domini MCCCCLI. Habuit diu malè propitium Fridericum Imp. quòd is apud Canonicos pro Alberto Comite à Schawmberg Præposito Viennense egregio adolescente frustrà intercesserat: huc accessit, quòd nec Pontificiam confirmationem Romæ impetrare posset, nisi esset priùs Friderico Imperatori reconciliatus, cujus tandem favorem emeritus est per Æneam Sylvium Secretarium Imp. ctsi satùs difficulter. [10.]

Porro de electione novi, & resignatione prioris Abbatis talia in antiquitate Monasterii reperiuntur annotata, quæ ita sonant: „ Annò Domini „ 1451. fuit festum S. Georgii in Vigilia Paschæ, id est octavo Kalendas

„ Majj, & in eadem septimana quartâ „ feriâ ante festum prænominatum „ venerunt tres Rev. Viri, videlicet, „ Hermannus de Runa Abbas, & Gerhardus Abbas de Victoria, & Abbas „ de S. Trinitate Novæ civitatis ob „ causam visitandi & reformandi Monasterium Zwetl & etiam alia Monasteria Ordinis nostri, qui deposuerunt Abbatem voluntariè cedentem, „ & in locum ejus substituerunt ex „ communi & majori electione & consensu Fratrum Conventuum Fratrem unum nomine Georgium de „ Amberga. „ [11.] Hucusque antiquitas. Item litteræ eorundem Visitorum desuper datæ. [12.]

Notatur etiam hujus anni tempestas taliter: „ Annò 1451. in festo S. „ Urbani Papæ, quod tunc temporis „ venit quartâ feriâ post Dominicam „ Cantate, & festum S. Georgii eodem „ anno in Vigilia Paschæ, & festum S. „ Joannis Baptiste, Corporis Christi, in supradicto festo, ad cænâ „ venit sub silentio tam maxima tempestas, & tam grandis & horribilis „ grando, ita quòd eo tempore nullus hominum retroactis temporibus „ cogitare potuit tam grandem plagam, & fuerunt ferè lapides quasi ad „ quantitatem ovorum pullorum, & „ duravit quasi per mediam horam, & „ magnum damnum intulit colonis „ Monasterii in frumento. „ [13.]

Demum mense Octobri contigit F. Joannem de Capistrano, Ordinis Minorum Vicarium Generalem, nostrum transire Monasterium, in quod benigne susceptus & humaniter tractatus, Monasterium Zwetlense, Dominum scilicet Abbatem Georgium Joannis de Amberga & Conventum ejus, item Familiars, benefactores, & colonos fraternitati suæ incorporavit singulari gratia, ut præfati participes fierent omnium meritorum Ordinis sui universi. Datæ desuper litteræ in Monasterio Zwetl, feriâ tertiâ ante diem Coloman.

ni, Annò 1451. [14.] Quis verò Capistranus hic fuerit, graphicè depingit eum pluribus Dubravius Historic. Bohemic. cujus textum ex parte afferre placet; „ Optimam, *inquit*, ea tempestate famam in concionibus ad populum faciendis Johannes Capistranus, natione Italus, professione Franciscanus Minoris Ordinis obtinuit, summa homini dicendi facultas, incredibilis memoria, vitæ sanctitas rara, mirumque studium in vitiis insectandis, & corrigendis erroribus: Hunc allegare Boiemis, qui cuncta apud illos exploraret, quique concionibus suis devios in viam reduceret, Pontifici Romano summe placuit. Antea ille tamen in Moraviam divertit, mansitque Olomucii apud Sodales suos haud parvo tempore, docens populum tanta celebritate frequentem, ut illum vel capacissimum templum non caperet, sed necesse habuerit in foro fermocinari duobus semper assistentibus interpretibus, altero Boiemo, altero Germano, quia, quæ latinè diceret, vernaculâ linguâ pronuntiarent. --- Iter in Boemiam tetendit, venitque Crumloviam, Procerum Rosensium oppidum, & inde mox abiit. Ceterum à Regiis civitatibus Pelsina, Ponte, Cadana cupidissimè honorificentissimèque fuit exceptus, & pro Sancto ab omnibus viris probis habitus, quoniam sancta inculpatæque & diceret, & faceret. „ [15.] Hæc Dubravius, unde in itinere Olomucio Crumlovium pergens fortè tunc ad Monasterium nostrum circa hoc tempus tetendit; vel certè inde veniens & Viennam petens hic transit. Sed placet quoque de eo audire Æneam, qui fusiùs laudes ejus ornatissimò stylò prosequitur, cujus textum ex parte tantum referre visum est: „ Per idem, *inquit*, tempus Joannes de Capistrano ex Apostolica jussione Teutoniam ingressus est, ac per Carinthiam & Stiriam ve-

nit in Austriam: Cui Sacerdotes & plebes cum Sanctorum Reliquiis obviârunt, eumque velut Apostolicæ Sedis Legatum & DEI nuntium susceperunt. Et quasi vel Petrus vel Paulus aut alius Apostolorum illac iter faceret, omnes accolæ montium descendere, Joanni occurrere, vestimentorum ejus fimbrias avidè contingere, ægrotos & malè habentes ante pedes ejus afferre, & quibus plebrosque sanitati redditos rumor fuit. Moratus est autem in Nova-Civitate diebus aliquot &c. Invitatus autem Joannes Viennam petit, tantus undique populi motus fit, tantus concursus, &c. Apud Minores deinde sui Ordinis --- Fratres exceptus est. Ibi cibaria sibi suisque comitibus publicitus ministrata sunt, &c. „ [16.] Describit deinde ipse vitam apud Viennenses transactam, in qua, ait, sermonem ipsum ad populum latinè pronuntiâsse, interpretem verò, quæ dicta ab eo fuere, quantum capax erat, exposuisse populo, tres aut amplius horas labi, priusquam fiat interpretatio, loco sublimi apud Carmelitas in foro, unde fermocinaretur, extracto, nam capi alibi multitudo non potuit. Tandem eum sic deferibit: „ Joannem pusillum corpore Viennæ vidimus, ætate senectâ, annos, ut ipse agebat, quinque & sexaginta natum, siccum, aridum, exhaustum, sola cute nervisque & ossibus compactum, lætum tamen & in labore fortem, sine intermissione singulis diebus prædicantem, altas atque profundas materias absolventem, doctis ac rudibus satisfacientem, aures mentium demulcentem, ad sædus quod voluit, impellentem. Ad cujus sermonem diebus viginti & triginta hominum milia conveniebant, majorique ipsum attentione, quamvis non intelligerent, quàm interpretem audiebant. Inde in Moraviam profectus est, multos Hussitarum ab errore revocavit: „ hunc

„ hunc & Cæsar cupidè audivit, mul-  
 „ tisque sermonibus ejus interfuit, ac  
 „ vestimentis cum satís dotalibus do-  
 „ natum dimisit. „ [17.] Hæc hinc  
 inde Æneas de Capistrano. Sub quo  
 etiam sui Ordinis Monasteria tria in Au-

stria sunt fundata, unum ad S. Hippoly-  
 tum, alterum Loyssii, tertium Egenbur-  
 gi, quorum fundatio infra Annum  
 MCCCCLI. quo primùm venit in Au-  
 striam, & MCCCCLVI. quo obiit, facta  
 fuisse ratio dictat,

## ADDITIONES.

\* [1.] Gerardus de Roó locò sæpe lau-  
 datò paucis omiſſis exscriptus.

Dubravius Histor. Boiemic. lib. 28. & alii.  
 Cuspinianus in Cæsarib. sub Friderico III.

Æneas Sylvius in Austria sua, nobis hodie  
 in Historia rerum Friderici III. Imperatoris.

„ Magnus eo tempore apud Austros erat Ul-  
 „ ricus Eizinger (*Compilator textus nostri seculi*  
*est primam editionem Auctoris, qua fortè per*

*incuriam Scriptoris aut Typographi habet lrainger*)

„ qui parentibus quamvis ingenuis, tamen  
 „ obscuris, in Bavaria natus; cùm fortuna sibi

„ in patria non attrideret, pauper & modicus  
 „ in Austriam venit. Sed homo industrius

„ & laboris patiens in gratiam Alberti Ducis,  
 „ qui Cæsar ante Fridericum fuit, cùm venis-

„ set, acceptus in consilio Principis, res do-  
 „ mi bellique ducere cepit; interque rudes

„ & desides terræ Barones facillè crevit, adeo-  
 „ que auctus est, ut omnium Cameræ reditu-

„ rum receptor solus distributòque fieret.

„ Australes id officii Magistratum Hubarum  
 „ appellant. Hinc ditatus ingentes opes con-

„ gregavit. Edes cgregias, agros, villas, castra  
 „ coëmit, pleraque in pignus accepit: Barona-

„ tibus quoque titulos emeruit; Alberto, quæcun-  
 „ que dixit, Deorum oracula videbantur. Sunt

„ qui ajunt, hominem futuræ vitæ incredu-  
 „ lum, neque confessioni neque communioni

„ operam dare, rem divinam spernere, quam-  
 „ vis timore populi Ecclesiam visitet: Pito-

„ nissam quampiam sequi, quæ sibi ventura  
 „ prædicet. Hujus seculi voluptates amare,

„ præter famam nihil habere post obitum ho-  
 „ mines, rerì. Verùm hæc mihi de fide ho-

„ minis mindus explorata sunt: quamvis ea non-  
 „ nulli Procere me præsentè in Consilio Cæ-

„ saris affirmaverint. „

[2.] Idem ibidem. „ Cæsar de transitu  
 „ suo sollicitus, civitates Austriæ munit: res-

„ bus modum statuit; Rectoris legit, qui se  
 „ absente Austriam gubernent, Comites de

„ Monte-Pulchro, patrem & filium, Georg-  
 „ gium de Puechaim, Rudigerum de Starn-

„ berg, Sigismundum de Villa Aprorum, &  
 „ alios plerosque Barones; ex civitate autem

„ Viennensi solum Burginagistrum, Judicem,  
 „ & paucos de Consulatu accersit, hisque

„ suum iter, & quid velit eos facere, mani-

„ festat; sed malè cum paucis transigitur,

„ quod multorum est. Cives indignati, tan-

„ quam spernerentur, animum inde à Cæsare

„ alienarunt. Eizingerus autem priùs ex Vi-

„ enna tumida mente recesserat; quòd se lu-

„ dibriò habitum & affectum damno videbat,

„ moliturumque aliquid, quo vir intelligere-

„ tur inter suos, sese minabatur. Neque id

„ Cæsarem latuit, qui animum ejus, ut mol-

„ liorem redderet, eum cum fratribus inier

„ gubernatores Austriæ suscepit, misitque sibi

„ nuncios, qui munus ei gubernationis susci-

„ piendum suaderent. Sed incaſsum tem-

„ ptatus est: quippe gubernationi, quæ sine

„ consensu terrigenarum decreta fuisset, nullo

„ pacto se velle immiscere respondit, atque

„ vereri se non parùm, ne terrigenæ eam gu-

„ bernationem impugnent, cùm Ladislaus ex

„ voto cunctorum ad Viennam non mitatur.

„ Quòd si miſſus fuisset, aut Romam cum Cæ-

„ sare se profecturum; aut accepturum gu-

„ bernandi laborem; eo verò negato, factu-

„ rum, quod bono viro, aut patriæ servienti

„ conveniat. Fridericus verò, qui sibi jure-

„ jurando Viennenses obnoxios, Australes-

„ que omnes obligatos fidelitate nôrat, haud

„ arbitrari poterat rebellionì posse locum. „

„ patere. Compositis itaque rebus, ut

„ ex usu ratus est, ad Novam-Civitatem se

„ contulit, atque itineri ad Italiam faciendo

„ graviter intendit. „

[3.] De Roó ubi suprâ ad litteram.

[4.] Megizerus Annal. Carinthiæ lib. 10.

cap. 1. „ Als nun schon alle Dinge zu der

„ Reife zugericht waren, da nam noch im

„ lauffenden 1451. Jahr Christi den 25. Octob.

„ an S. Crispini und Crispiniani Tage, die

„ Königin Lebnora von ihrer Frau Mutter,

„ ihren Brüdern, Schwestern und Freunden

„ Urlaub, und begab sich an demselben Tag

„ auf das Meer, als in ein Schiff, Carata

„ genannt, schiffeten also auf dem Meer biß

„ auf den Tag Unser Frauen Liechtmeßabend,

„ und kamen gen Pisa, in die Stadt. „

[5.] Sylvius ubi suprâ. „ Cæsar, Al-

„ bertò cum parte copiarum præmissis, Regem

„ Ungariæ Ladislaum secum ducens, Kal. Ja-

„ nuarii



„ nuarii Italiam intravit, annò post Jubilæum  
 „ primò: atque apud Venzonum, quod est  
 „ primum Italiæ oppidum murò cinctum, Le-  
 „ gatus Venetorum, Viros Patricios, domi-  
 „ potentes obvios habuit: qui se, Regémque  
 „ Ladislaum ingenti gaudio summæque reve-  
 „ rentiæ exceperunt. „

[6.] Idem citatò locò,

[7.] Genealogia Chünringica.

[8.] Richardus Struno in Annalibus  
 Austr. Superior. Annò 1451.

[9.] Sylvius ubi suprà.

[10.] Hundius in Episcopis Pataviensibus  
 sub ambobus. „ Obiit &c. - *ut in textu nostro.*

„ Inscriptio marmoris est talis: annò Domini  
 „ 1451. obiit Reverendus in Christo Pater &  
 „ Dominus, D. Leonhardus de Layming na-

„ tus, hujus Ecclesiæ Præful bene meritus, &  
 „ castri & Ecclesiæ munificus reparator, die  
 „ S. Joannis Baptiste.

„ Udalricus III. ex celebri familia à Nus-  
 „ dorf natus, Canonicus Pataviensis, & Fri-  
 „ singensis Ecclesiæ Præpositus, doctrina &  
 „ virtute præditus nequitiam vulgari, unani-  
 „ mibus suffragiis eligitur Episcopus Patavi-  
 „ ensis &c. „ *ut in textu nostro.*

[11.] Chronic. MS. in Calendario suo.

[12.] Ex copia literarum eorundem.

[13.] Chron. MS. ubi suprà.

[14.] Ex Autographo ipsius, quod usque  
 hodie in Archivio Cœnobii nostri cum magna  
 reverentia reservatur.

[15.] Dubravus Histor. Bohemic. lib. 29.

[16. & 17.] Sylvius citatò suprà locò.

## Annus Christi MCCCCLII. Monasterii CCCXIV.

*Pont. Rom.*  
 Nicolaus V.

*Imp. Rom.*  
 Fridericus IV.

*Archi-Dux Austriae*  
 Ladislaus Rex.

*Episcopus Pataviensis*  
 Ulricus III.

*Abbas Zwetlensis*  
 Georgius.

Cum in hunc annum incidat Friderici IV. Romanorum Regis coronatio, matrimonium & iter, atque ille ultimus è Domo Austriaca fuerit, qui à Summo Pontifice Romæ in Augustum coronatus sit, operæ pretium est, ejusdem Cæsaris & iter & matrimonium & coronationem pluribus referre, fusiùs autem qui vult præfata cognoscere, legat ille Æneam Sylvium ejusdem & itineris socium & coronationis promotorem non postremum. Ceterùm Gerardi verba refero: „ Fridericus postridie Calendas Januarii ad Italiæ fines pervenit, atque prope Cornelianum oppidum à quatuor Senatoribus Venetis summo cum honore exceptus est. Dein ab iis Tarvisium, Veronamque ac Pataviam deducitur; per omnem Venetorum ditionem commeatu liberaliter exhibito. Interim ex Germania complures Ferrariam usque profecti Cæsarem ibi operiebantur, qui cum eò tandem venisset, multò jam comitator Bononiam, atque inde Florentiam venit, ubi ex itinere substitit dies aliquot quieti da-

„ turus, Inter hæc sponsa ipsius Eleo-  
 „ nora post longam maris jactationem  
 „ ex Hispania advecta ad Liburnum He-  
 „ truriae portum appulerat, unde Ni-  
 „ colaum Longi-Mannum à Falcken-  
 „ staino Sacerdotem, qui cum Jacobo Metio Legatus ad ipsam venerat,  
 „ Cæsari obviam mittit. Is in itinere,  
 „ ubi Cæsar erat, percontatus, ad No-  
 „ nas Februarii Florentiam venit. Ad  
 „ Cæsarem intromissus, quo in loco  
 „ Reginam reliquisset, narrat, à qua  
 „ missum se, uti rogaret, quo eam por-  
 „ tu navem egredi juberet. Cæsar ve-  
 „ hementer eo nuntio gavisus litteras  
 „ ad Sponsam dat, utque Pisas se con-  
 „ ferat jubet. Mox ad excipiendam  
 „ illam mittuntur: Michaël Magden-  
 „ burgi ac Rudolphus Silesiæ Princi-  
 „ pes, Udalricus Sternbergicus, Al-  
 „ bertus Eberstorffius, Comes quidam  
 „ Schaumburgicus, Joannes Ungna-  
 „ dius, & Udalricus Sunpergerus Pro-  
 „ thonotarius cum aliis multis. Præ-  
 „ ter illos diverso itinere Pisas profecti  
 „ sunt, Æneas Sylvius Episcopus Se-  
 „ nensis, Albertus Potendorffius, Geor-  
 „ gius

„ gius Volckenstorffius, Bernardus Ta-  
 „ henhstainerus, Balthasar Ratemberge-  
 „ rus; uxores item Potendorffii, & Ta-  
 „ henhstaineri, aliæque illustres matro-  
 „ næ ac Virgines, in quibus Margare-  
 „ tham & Walburgam Zinzendorffias,  
 „ Ursulam ac Dorotheam Neidecceras  
 „ formæ gratiâ præcelluisse proditum  
 „ est. His Cæsar ad Sponsam missis Se-  
 „ nas ipse perrexit, ubi eam operiri de-  
 „ creverat. Quæ postquam propius  
 „ jam adesse nunciaretur, Senensis Ma-  
 „ gistratus cum tota nobilitate ac civi-  
 „ bus obviam primi processerunt. In-  
 „ de Ladislaus Rex & Albertus Archi-  
 „ Dux cum suo uterque comitatu, post-  
 „ quam comitum, nobilium, & ex Im-  
 „ perii civitatibus missorum ingens mul-  
 „ tudo longo ordine ingrediebantur.  
 „ Hos secuti sunt viri Ecclesiastici. Cæ-  
 „ sar verò cum Cardinale Romani Pon-  
 „ tificis Legato ad ingressum civitatis  
 „ intra duas portas substitit, ubi exop-  
 „ tatam diu sponfam amplexatus est.  
 „ Eo loco Senenses ad rei memoriam  
 „ signum ex marmore posuere. Post  
 „ aliquot dies Cæsar Romam versùs  
 „ movens Viterbium venit, quò cum  
 „ postridie assecuta est sponsa. Ibi  
 „ cum Cardinale conventum est de ju-  
 „ risjurandi Romæ præstandi formula.  
 „ Nicolaus verò Pontifex, postquam  
 „ & litteris multorum & nuntiis paca-  
 „ tum advenire Cæsarem, ac omnia  
 „ quieta didicisset, cum Viterbii, tum  
 „ aliis suæ ditionis locis, quæ Cæsar  
 „ aditurus esset, magnos ei honores  
 „ comeatùsque, ac lautia adhiberi ius-  
 „ serat, utque Romæ pro dignitate ex-  
 „ ciperetur, omnia præparabat. Ad  
 „ octavum Idus Martias ubi in agrum  
 „ Romanum atque sub Urbis conspe-  
 „ ctum venissent, castris de more po-  
 „ sitis confedere. Postero die Alber-  
 „ tus ordinem ex omni equitatu insti-  
 „ tuit, & quo quisque loco incedere  
 „ debeat, præscribit, Urbemque Cæ-  
 „ sar ita ingressus est: Primi omnium  
 „ Sævi reliquum agmen præcedebant,

„ hos sequebantur, qui à S. P. Q. R.  
 „ obviam missi erant, purpureis sagu-  
 „ lis induti omnes: Dein Cæsar ipse  
 „ cum Rege Ladislao, Alberto fratre,  
 „ cui Imperii aquila commissa erat,  
 „ aliisque Principibus, Comitibus, Ba-  
 „ ronibus, ac Nobilibus, eorùmq  
 „ famulis ac comitatu aulico ingredie-  
 „ bantur. Proximus ab eo locus Eleo-  
 „ noræ assignatus erat, quam sequeba-  
 „ tur Imperialium Civitatum equita-  
 „ tus. Obviam verò ad portam usque  
 „ castelli venere purpurati Senatùs Pa-  
 „ tres tredecim cum multis Episcopis,  
 „ Abbatibus & omnium Ordinum Viri-  
 „ ris Ecclesiasticis, ex quibus Pontificis  
 „ vice præerat Spoletinus Præsul. Ip-  
 „ se verò Pontifex ad Divi Petri, sellâ  
 „ eburneâ in gradibus collocatâ sedens  
 „ advenientes exspectabat, cujus ma-  
 „ num ac pedem dextrum Cæsar, La-  
 „ dislaus Rex, Albertusque & Eleono-  
 „ ra postquam deosculati sunt, assur-  
 „ gens omnes Ordine excepit. Qui  
 „ Templum ingressi post absolutas pre-  
 „ cationes in designata quisque sibi ho-  
 „ spitia concessere. Sequentes ali-  
 „ quot dies Cæsar delubris, Divin  
 „ Templis, & Urbis terrarum olim Do-  
 „ minæ reliquiis visendis insumpsit.  
 „ Ad decimum sextum Calendas Apri-  
 „ lis Pontifex in D. Petri Æde sacris  
 „ operatus Fridericum Cæsarem &  
 „ Eleonoram adhibito solenni ritu so-  
 „ litisque cæremoniis matrimoniali  
 „ vinculo conjugavit, benèque ipsis,  
 „ ac ipsorum posteritati ominatus est.  
 „ Tertio post die (quam Dominicam  
 „ Lætare vocant) Cæsar de more un-  
 „ ctus & in Romanum Imperatorem  
 „ consecratus coronam & alia Roma-  
 „ ni Imperii insignia accepit accla-  
 „ mante populo Romano: Friderico  
 „ Pacifico à DEO coronato Impera-  
 „ tori vita & victoria. Coronatur &  
 „ sponsa solito ritu saustisque omnium  
 „ precationibus Augustorum nomine  
 „ uterque salutatur. Peracto corona-  
 „ tionis ritu & gratulationis hymnò

„ decantatō Fridericus Imp. ex veteri  
 „ majorum instituto in ponte Tyberino  
 „ ante palatium S. Angeli fratrem  
 „ primum, deinde alios multos eque-  
 „ stri dignitate insignivit. Ad trecen-  
 „ tos fuisse memorant, in quibus Mag-  
 „ denburgicus, & alii nonnulli., \* [1.]  
 „ Atque hæc fusiūs de matrimonio &  
 „ coronatione Friderici.

„ Per hos dies Alfonso Aragonius  
 „ Rex Neapoleos Cæsarem per Lega-  
 „ tos suos, uti ad se cum Imperatrice  
 „ veniret, precatus est, qui id ob Regis  
 „ affinitatem, erat enim Sponsæ  
 „ suæ avunculus, facile abs se impe-  
 „ trari passus est. Itaque Ladislai cu-  
 „ ra Æneæ Sylvio commissæ, & civita-  
 „ tum equitibus Romæ apud illum re-  
 „ lictis, ipse cum Sponsa ac reliquo co-  
 „ mitatu Neapolim se contulit, ubi  
 „ summis cum honoribus exceptus Pas-  
 „ sionis ac Resurrectionis Dominicæ  
 „ memoriam celebravit, urbemque re-  
 „ gionemque circa amænissimam per-  
 „ lustravit. Interim nuptias ei Alfon-  
 „ sus Regali pompa ac luxu instruxit,  
 „ quibus adjuncta est venatio ad Ag-  
 „ nianam paludem quarto ab Urbe la-  
 „ pide tentoriis sub diu collocatis, ad  
 „ triginta hominum millia epulis adhi-  
 „ bita, vini omne genus copia ex fon-  
 „ tibus affabrè factis scatiente, qui  
 „ spectatum advenerant, refecti & ali-  
 „ quot dierum esculentis onerati do-  
 „ mum rediēre. Neapoli de fugæ La-  
 „ dislai molitione Fridericus certior fa-  
 „ ctus Romam advolat, ubi de tumultu  
 „ Austriæ edoctus reditum in Ger-  
 „ maniam maturandum ratus, valedi-  
 „ cto Pontifice, eodem itinere, quo  
 „ venerat, Ferrariam pervenit. Ubi  
 „ Suevorum ac Imperii civitatum co-  
 „ mitatu abs se dimisso ipse cum reli-  
 „ quo secundò Erydani fluviò Venetias  
 „ navigavit, ubi summis cum ho-  
 „ noribus exceptus est; Octavo post  
 „ die Eleonora Imperatrix Neapoli ter-  
 „ restri itinere Manfredoniam, aliàs  
 „ Apeneſte Apuliæ oppidum, atque in-

„ de navibus Venetias delata est, quam  
 „ ad Divi Nicolai obviam profecta  
 „ Principis Venetorum uxor cum du-  
 „ centis primariæ dignitatis matronis  
 „ excepit, lætæque eam Urbis plausu  
 „ & gratulatione in hospitium usque  
 „ deduxit. Inde Cæsar relictis Vene-  
 „ tiis Portum-Naonis petiit, unde per  
 „ Fori-Julii & Carnorum fines in Sti-  
 „ riam profectus adulta jam ætate Nea-  
 „ polim Austriæ venit., [2.]

Redeo cum Friderico in Austriam,  
 in qua in Cæsaris absentia Australes  
 suasore Ulrico Eitzingero sumptis ar-  
 mis præsides provinciæ à Friderico in-  
 stitutos vi pellunt, gubernatores ex seip-  
 sis duodecim eligunt, summam rerum  
 Eitzingero committunt. Incentorem  
 quoque novitatum alterum Ulricum Ci-  
 liæ Comitem in Societatem accipiunt,  
 auxilia à vicinis gentibus accerfunt:  
 reversum Imperatorem missis Legatis  
 aut Regem Ladislaum tradere aut bel-  
 lum expectare jubent. Postulatis non  
 tam rejectis quàm suspensis, impatientes  
 magis moræ quàm belli infestis si-  
 gnis Novam-Civitatem petunt. Ibi post  
 eruptionem Cæsareanorum, & prælium,  
 eorumque in civitatem repulsionem fir-  
 mata obsidio & oppugnata machinis  
 mænia. Ex Bohemis solus Henricus  
 Rosenfis cum ducentis equitibus, pedi-  
 tibus ferme octingentis in castris fuit.  
 Ungari nondum venēre. Australes cir-  
 citer duodecim millia milites expedi-  
 tos in armis habuere. Georgius Podie-  
 bradius Administrator Regni Bohemiæ  
 Cæsari, cujus erat amicus, opem laturus  
 sedecim millia militum congregaverat:  
 sed auditâ concordia in agrum  
 regularum Rosenfium exercitum duxit,  
 villasque latè populatus est. Imperator  
 enim interventu Caroli Marchionis  
 Badensis, Sigismundisque Salzpurgen-  
 sis Archiepiscopi, qui erat de familia  
 Dominorum de Wolckerstorff oriundus,  
 Ladislaum è manu sua dedit Au-  
 stralibus multa promittentibus, quæ  
 postea barbara fide negaverunt; verum  
 puer

puer postdic in urbem ductus summis  
 novisque honoribus exceptus est. [3.]  
 De quibus sic Gerardus : „ Ad Vien-  
 „ nā montem cum venisset Ladislaus,  
 „ obvios habuit pueros ad quatuor  
 „ millia : eorum singuli vexilla mani-  
 „ bus presentabant, in quibus gentili-  
 „ tia Principis insignia depicta erant,  
 „ festisque eum cantilenis excipiebant.  
 „ Ex monte in planitiem descendenti  
 „ occurrit Elisabetha soror cum fre-  
 „ quenti lectissimarum Virginum ac  
 „ Matronarum aulicarum comitatu :  
 „ Ladislaus equo desiliens sororem am-  
 „ plexus tentorium illic tensum ingre-  
 „ ditur, ubi nonnihil refectus, cum  
 „ ulterius paulo progrediretur, Vien-  
 „ nensium civium uxores fertum quod-  
 „ dam ex unionibus artificiosè concin-  
 „ natum ei obtulere. Post eas præsto  
 „ fuit Academiæ Rector cum suis, quos  
 „ longo ordine sequebantur Ecclesi-  
 „ astici cum infinita hominum multitu-  
 „ dine. Itā inter sautas gratulantium  
 „ voces per mediam Urbem ad Divi  
 „ Stephani deducitur, ubi ob acce-  
 „ ptum tandem Principem DEO opti-  
 „ mo Maximo laudes decantantur, &  
 „ pro ejus salute vota nuncupantur.  
 „ Inde in palatium deducitur, tota ci-  
 „ vitate in lætitiā festosque ludos ef-  
 „ fusa. „ [4.] Hæc Gerardus; por-  
 „ ro Æneas sic prosequitur historiam  
 „ suam : „ Posthæc Ladislaus evefti-  
 „ gio magistratus in civitate creavit:  
 „ præfecturas totā provinciā instituit:  
 „ Sacerdotia donavit; regio more cu-  
 „ riam erexit. Ungari ad eum venere,  
 „ inter quos Joannes Huniades fuit,  
 „ qui tum comitatum Histricensem Re-  
 „ giā beneficentiā consecutus, haud  
 „ aliter quā principes consuevere,  
 „ novæ dignitatis insignia suscepit.  
 „ Accersunt & Regem suum Bohemi  
 „ cum Georgio Poggiebracio, quibus  
 „ non minora Ladislaus pollicitus quā  
 „ pater atque avus promiserant. Post-  
 „ quam dies affuit cum Imperatore con-  
 „ stituta, Ludovicus Boioariæ & Gu-

„ lielmus Saxonie Duces, Albertus  
 „ quoque Marchio Brandenburgensis,  
 „ Carolus Badensis, & multi ex Ger-  
 „ mania Prælati ac Principes adven-  
 „ re. Frequens conventus habitus,  
 „ in quo præfidente Ladislao Oratores  
 „ Imperatoris (inter quos & ipsi fui-  
 „ mus) itā auditi sunt, ut victi apud  
 „ victorem. Postremò infectis rebus  
 „ conventus dissolutus. Ladislaus  
 „ quamvis Rex appellaretur, alieno ta-  
 „ men arbitrio ductus in Regnis suis  
 „ triumphatum deduxit. Joannes Hu-  
 „ niades Ungariam rexit, Poggiebra-  
 „ cius Bohemiam, Ulricus Ciliensis  
 „ Austriam. „ [5.] Hæc Æneas. In-  
 „ de Rex Pofonium deductus ab Ungaris  
 „ fidelitatis sacramentum denuo suscepit.  
 „ Cum verò à Bohemis ad coronam su-  
 „ sciendam quoque invitaretur, Inte-  
 „ rea hic annus elapsus est.

Porro quoad Monasterium Zwet-  
 lense; D. Ludovicus Comes Palatinus  
 Rheni, utriusque Baviaræ Dux ad Geor-  
 gii Abbatis petitionem super sales à Sa-  
 lisburgo devehendas dat libertatem,  
 nè quicquam de illis in teloniis Duce-  
 rūs sui à nostris exigatur, omniumque  
 Ducum Baviaræ suorum antecessorum  
 privilegia ea super re concessa Mona-  
 sterio nostro confirmat. Datæ in Burck-  
 hausen Annò Domini 1452. feriā quin-  
 tã post Pascha. [6.]

Hoc item anno Ulricus de Eitzing  
 Summus Austriæ Capitaneus dat Apo-  
 cham Abbati in Zwetl Georgio pro  
 ducentis libris denariorum, quas ac-  
 ceperat de Summa trecentarum libra-  
 rum & dimidiæ. Datum Viennæ An-  
 nò Domini 1452. feriā secundā ante  
 Pentecosten. [7.] Videtur hæc pe-  
 cunia indicta & collecta fuisse ab omni-  
 bus Austriæ Ordinibus & Proceribus,  
 unde etiam Monasterium Zwetlense  
 præfatam pecuniā summam portigere  
 tenebatur, non in alios usus, nisi ut  
 exercitus comparetur, quo vel invito  
 Friderico Imperatore Ladislaus rebus  
 imponatur: unde Neapolis Austriæ ob-  
 fidione

fidione in reditu Cæsaris cincta fuit, non liberanda, nisi prius pupillus tutelâ exemptus ipsis in Dominum tradatur, sicuti supra attigi. Hujus exactionis mentionem facit Æneas [8.] binis locis, in reditu Friderici ex Italia in Austriam, & in epistola responsoria Joannis Ungnadii ad Eytzingerum factionis caput; item Struno, [9.] ait quidem Fridericum Cæsarem datis ad provinciales litteris dari quicquam vetuisse, sed litteras ejusmodi serò evulgatas fuisse.

Erat eo tempore Magister vinorum vel etiam curiæ in Lewis F. Thomas, è cujus rationibus vel certè de Registro Magistri alterius (cujus nomen perijt) curiæ tamen in Chambarn inter ceteras expensas illud quoque notatur: „Item „D. Stephano Capellano de Gobalspurck, qui Missas in Capella S. Thomæ in curia Chambarn celebrat, „dantur quatuor talenta denariorum „annuatim „ [10.]

## ADDITIONES.

\* [1.] Gerardus de Roß Histor. Austriac. lib. 5. prope finem excerptus.

Æneas Sylvius in Austria sua fusè, & in Histor. Bohemic. c. 59.

Cuspinianus in Cæsarib. sub Friderico III. Piespordius in Friderico VI.

Dubravius Histor. Boiemic. lib. 28. Ex quo notat

Spondanus ad hunc ann. n. 1. „Honorificentissimè ubique atque lautissimè Fridericus exceptus, subministrato etiam omnibus copiis abundanti comœatu; Venetiis cùm discessuro abacus ex vitro elegantissimo offerendus paratus fuisset, annuit ille morioni suo, ut mensam, qua repositus erat, commovens vitra everteret; quibus sic confractis arridens Fridericus, dicēnsque, nunquam aurea vel argentea vasa ad tam levem casum comminuta fore, pro vitreis aurea à Venetis munera extorsit. „

Nauclerus Generat. 49. „Annò Domini „1452. Fridericus III. Romam coronæ Imperialis gratiâ venit, qui etsi longè antè electus fuerat, intercedente tamen schismate, usque ad Nicolaum V. coronationem Imperialem distulit. Rebus autem Germaniæ compositis ordinatisque præsidibus Austriæ, profecutus est iter; ad oppidum S. Viti per- venit, ibique Nativitatis Dominicæ festa peregit - - - - - Calendis Januarii Italiam intravit. Et, ut refert Æneas Sylvius, Ladislaus sæpe fugam molitus est, consilio pedagogi fretus, cum quo postea captus, pædagogò in vincula conjectò. - - - - - Franciscus autem Sporcia tum Mediolani Dux, Imperatorem per Legatos ad coronam ferream Mediolani suscipiendam, ut mos erat, invitavit. Qui renuens, Romam alio itinere profectus est. Cæsar è Bononia digressus, montes Apenninos ascendit; ingressusque Florentiam, exceptus est hono-

„re maximo. Advenienti totus Clerus cum „Areh-Episcopo in processione, præsentibus urbis Magistratibus obviam facti fuere. „Locatus fuit in conventu S. Mariæ Novellæ, „mansit quatuor diebus, deinde Senas profectus est cum Legatis Apostolicis. Cùm „Fridericus Senis esset, Leonora filia Regis Lusitanæ seu Aragonum sibi desponsata, „Pisas venit, Virgo statura mediocri, annos „nata 16. læta fronte, nigerrimis atque illustribus oculis, ore parvo, genis ad gratiam rubescentibus. Imperatrix igitur Senas deducta est Jejunii secunda die. Occurrunt primò cives natu majores, deinde Albertus & Ladislaus, postea Clerus &c. „serè eadem habet quæ suprâ de Roß.

[2.] Gerardus de Roß ubi suprâ. Æneas Sylvius in Austria sua fusè. Item in Historia Bohemic. c. 59.

Spondanus suprâ cit. locò n. 3. „Abiens post hæc Imperator unâ cum uxore Neapolim... Romamque deinde rediens per Æneam duas orationes habuit auditorio publico quarum alterâ gratias egit Summo Pontifici & Cardinalibus de maximis ab eis acceptis beneficiis: alterâ eosdem hortatus est ad generale passagium, hoc est: expeditionem militarem adversus Turcos indicendam, atque instruendam in auxilium Græcorum. Iter dehinc in patriam arripiens &c. „

[3.] Æneas Sylvius Histor. Bohemic. cap. 60. sermè ad literam; ubi atrocem impugnationis modum ita effert: „Committitur „primo adventu atrox pro portis prælium, „nullus sagittis modus, cadunt sine numero „tela; bombardæ stragem hostium horrendam edant. Miserabile visu; disjecta passim membra equorum atque hominum cernere, cruorem latè fluentem aspicere. Quà densissima „fuit, unus perfregit aciem lapis emissus, „idem

„ idem alius atque alius fecit, prostratis qui-  
 „ cunque occurrere inermibus atque armatis:  
 „ nec tamen intermissa pugna. Conglobati  
 „ hostes, magis ac magis insistere. Ubi res  
 „ gladii geri coepit, ac vir virum manu pre-  
 „ hendit, equus equum impulit, pugnatum  
 „ est aliquamdiu aequo Marte. Postremo  
 „ Cæsarianorum acies non tam virtute, quam  
 „ multitudine superata terga dedit, atque in  
 „ urbem trepidè se recepit, unius militis An-  
 „ dreæ Poumkircher (postea à Cæsare ad Ba-  
 „ ronatum suffecti) audacià civitatem tutata  
 „ est. Qui, ne victores cum visis uno agmine  
 „ irrumperent, tam diu pro porta solus im-  
 „ petum tenuit, donec conversi fugientes,  
 „ globò factò ex loco difficili, hoste repulso,

„ januam clausere. Firmata est deinde obli-  
 „ dio, & oppugnata machinis incenia. „  
 „ Item in Austria sua.

Gerardus de Roò Histor. Austr. lib. 6. in  
 initio.

Cuspinianus in Cæsaris. sub Friderico III.

[4.] Gerardus de Roò suprà citatur.

[5.] Æneas Sylvius & Gerardus de Roò

ubi suprà.

Item Cuspinianus sub Friderico III.

Piespordius in Friderico VI.

[6. & 7.] Ex Autographis ipsorum.

[8.] Æneas Sylvius in Austria sua.

[9.] Richardus Strano in Annalibus Au-  
 stræ Superioris hoc anno.

[10.] Ex Rationibus illius.

## Annus Christi MCCCCLIII. Monasterii CCCXV.

*Pont. Rom.*  
 Nicolaus V.

*Imp. Rom.*  
 Fridericus IV.

*Archi-Dux Austriae*  
 Ladislaus Rex.

*Episcopus Pataviensis*  
 Ulricus III.

*Abbas Zwetlensis*  
 Georgius.

**A** Nnus iste toti Christianæ Reipub.  
 valde infaustus & plangendus ex-  
 titit: nam Imperator Turcarum adoles-  
 cens ferocissimus & in pacis perfidus,  
 Christiani nominis persecutor acerrimus,  
 & Mahometicæ pravitatis zelo-  
 sissimus ampliatus; qui & ipse Maho-  
 metæ nomen habet, & à suis magnus  
 Amira dicitur, cum exercitu maximo  
 Constantinopolim obsedit anno adhuc  
 priori, & omnibus castris & munitio-  
 nibus, quæ in circuitu erant, expugna-  
 tis & captis, plurimisque in eis suorum  
 amissis mense Augusto ad patriam suam  
 rediit: post septem verò menses hoc an-  
 no tandem rediit, obsidionemque totis  
 viribus & oppugnationem aggressus,  
 tandem celeberrima Urbe Orientalis  
 Imperii capite potitus est, \* [1.] cu-  
 jus oppugnatio & expugnatio taliter de-  
 scribitur, quam licet prolixior, in  
 gratiam tamen Lectoris placet referre:  
 „ Rediit igitur circa Aprilem mensem  
 „ Tyrannus cum trecentis armatorum  
 „ millibus, inter equites & pedites ha-  
 „ bens præparatas triremes inter par-  
 „ vas & magnas ducentas viginti, &  
 „ bombardas plures quam mille addu-

„ xit, inter quas erant tres grandes,  
 „ quarum prima projiciebat lapidem  
 „ undecim palmatarum in circuitu, qui  
 „ 1400. libras appendebat: secunda la-  
 „ pidem decem palmatarum 1200. li-  
 „ brarum: tertia novem palmatarum  
 „ & mille librarum, habuit & alias ma-  
 „ gnas, & colubrinas infinitas. Per  
 „ has autem bombardas tres majores  
 „ quinquaginta una diebus sine inter-  
 „ missione Constantinopolim oppu-  
 „ gnavit, similiter & per alias infinitas  
 „ ac infinita ingenia. Per illas au-  
 „ tem tres majores, quibus bene septin-  
 „ gentos lapides contra diversas par-  
 „ tes muri Urbis projecit, in diversis  
 „ locis muros rupit & disjecit. Insu-  
 „ per alia agit, quæ incredibilia, & vix  
 „ humano ingenio possibilia videntur.  
 „ Fuit enim tempestivè provisum, ut  
 „ portus Constantinopolitanus catenâ  
 „ fortissimâ clauderetur, nè Turcarum  
 „ naves introirent, & ad custodiam ca-  
 „ tenæ ordinatæ fuerunt illic quinque  
 „ triremes Venetorum, & duodecim  
 „ magnæ naves cum instrumentis, ar-  
 „ mis & custodibus necessariis. Quod  
 „ videns Imperator Turcarum fecit de

Z z 2

na-

navibus suis septuaginta extrahi de mari, & eas super ligna rotunda (quæ ad id fieri & substerni iusserat) per montes & colles, circumeundo urbem plusquam per tria millia mirabili artificio perduxit, erectis etiam velis & vexillis, ac si per mare ducerentur: & ita eas traduxit ad portum maris circa Constantinopolim, ut non opus esset transire catenam. Istud facilius intelligunt, qui viderunt situm portus. Deinde construxit pontem ligneum super mare, qui adhuc manet, fecitque trecentas turres ligneas, quarum aliquæ magnò ingenio ab armatis intus existentibus movebantur, quas ad muros urbis (quos in altitudine excedebant) applicabat. In aliquibus autem partibus fossis repletis turres terræ infixit, & ita undique urbem ipsam quinquaginta una diebus sine intermissione impugnavit. Scalas etiam habuit innumerabiles, quæ hamos habebant ita factas, ut quando adhibebantur muro, si unum defensorem haberent, ad inferiora deijci non possent: & erant scalæ istæ velatæ tabulis à sursum usque deorsum, ut ascenderentur sine vulnere & læsione usque supra murum. Per has autem scalas, & ex his turribus, quas applicari fecit ad partes muri disruptas, quinquagesimo secundo die, qui fuit 29. dies Maji, anno isto, cum tota die ac nocte præcedente insultus factus fuisset asperimus, & utriq; per laborem defatigati fuissent, Turcarumque exercitus & augeretur & innovaretur momentis singulis, Turcæ violenta manu per murorum rupturas urbem viatores intraverunt, & post innumerabilem Christiani sanguinis effusionem reliqui omnes, qui supersuerunt, capti sunt, inter quos eos, qui nobiles erant (quorum erat magna multitudo) tamen vitam promississet, tamen in conspectu suo unâ cum filiis & uxoribus iussit occidi crude-

lissimè. Nam primò uxores & filios in præsentia parentum & maritorum: & postea viros ipsos se vidente fecit in frustra minutatim concidi: sceminasque virgines & moniales violari & inhonestissimè tractari, sicut nec pecudes tractarentur. Plurimos autem de parvulis ac puellis popularibus vendidit, & totam urbem infra paucos dies omni habitatione vacavit: mechanicos tamen, & præsertim fabros, & constructores navium vivos reservavit, & eos suis operis addixit. Dum igitur coram eo sanguis Christianus ita funderetur, adportata sunt in conspectu ejus in tribus lanceis per tres Turcas tria capita, quorum unum erat Imperatoris Constantinopolitani, aliud cujusdam militis Turcici, qui contra Turcas urbem cum Christianis viriliter defenderat, & tertium erat cujusdam Senis barbati Monachi de Ordine S. Basilii, quod illi dicebatur esse caput Cardinalis Rutheni, licet in veritate non fuerit. Nam quomodo ex illo excidio evaserit, postea dicam. Quæ autem nefanda commiserit in sanctas Ecclesias, Reliquias & Sanctorum imagines, horribile est dicere. Nam omnia templa Urbis Turcæ spoliaverunt, & imaginem quandam B. Virginis manu B. Lucæ pictam, quæ in maxima veneratione habebatur, detractis gemmis, argento & auro, quæ erant in circuito, per civitatem ignominiosè traxerunt, eamque sordidis pedibus conculcantes tandem in frustra confregerunt, corpusque B. Theodosiæ Virginis, quod illic maximis miraculis crebrò claruit, omnesque alias Sanctorum reliquias, quæ penè innumerabiles erant, laniando in frustra canibus tradiderunt, & in lutum projecerunt, Ecclesiâque illam insignem S. Sophiæ, cui parem non habet nostra Religio Christiana, Imperator sibi in Moscheam (ut suò utar vocabulo)

bulò) delegit. Pavimenta altarium, stolas & tapetas, in quibus depicta erant miracula Christi vel Christi, Sancti aut B. Virgo, pedibus conculcabant & permingebant, & aliàs foedissimè pertractabant deridentes nostram fidem; crucemque quæ erat in sublimitate templi dejicientes confregerunt; Flamines etiam eorum in sacra altaria ascendentes & saltantes clamabant jubilantes, & Machometum glorificabant, & ut maximum prophetarum ac Christianæ fidei destructorem prædicabant. Quæ etiam infanda egerint in Monasteriis Monachorum, Monialium, in Hospitalibus & piis locis, est incredibile. Venetos etiam, Genuenses, & Arragonenses, quorum illic plurimi erant, ferè omnes cum filiis & uxoribus trucidavit, paucos passus redimi. Deinde post in fine Junii Peram civitatem fortissimam prope Constantinopolim sitam, quæ Genuensium erat, similiter expugnavit, & muros ejus solo æquavit, turrimque magnam, in cujus vertice crux erat, funditus dejecit. --- Cardinalis autem Ruthenus natione Græcus, qui per Papam Nicolaum annò jam elapsò Constantinopolim ad inducendum Græcos, ut primatum Ecclesiæ Romanæ etiam quoad jurisdictionem in omnes Ecclesias Orbis recognoscerent, missus fuit, evasit per hunc modum: Capta quidem urbe prope Ecclesiam S. Sophiæ accessit, putans ibi esse armatos aliquos, qui Turcis obstitissent: cum verò nullos inveniret paratos ad resistendum & omnes fugerent, bonus Pater voluit Turcis obviam procedere, & pro Christi fide sanguinem effundere. Verùm per aliquem servorum suorum coactus fugit in Ecclesiam, ubi captus est à Turcis, & tanquam incognitus mansit tribus diebus in magno exercitu Turcarum: qua in re multum ei proderat, quòd ex communi rumore ab Imperatore

Turcarum crederetur occisus. Tandem igitur Cardinalis iste redemptus quinquaginta ducatis & vestus est in Peram, mansitque ibi absconditus octo diebus, fugiendo de domo in domum occultè: sed postquam percepit Turcas etiam petere Peram, judicavit non esse tutum ibi subsistere: & cum non posset per loca Christianorum fugere, intravit triremes Turcarum, in quibus mansit tribus diebus incognitus. Obvolutus enim erat in facie pannis, eò quòd in facie sagittà vulneratus esset. Petiit ergo Persas cum triremibus Turcarum, quibus in partibus finxit se pauperem captivum & redemptum esse, & quærere, ut suos filios redimat captos Constantinopoli. Quo modo paulatim cuidam Turcæ semper associatus usque ad quendam locum dictum Tigis pervenit. Deinde pertranseuntem Cardinalem quidam Genuenses agnoverunt, & clam illo manifestare coeperunt: unde metu, quia locus ad Turcas pertinebat, in parvam navim ingressus devenit Chium, & inde Cretam; deinde Romam. [2.] Hæc ex magno Chronico Belgico: alia plura qui desiderat, idem Chronicon sub Imp. Friderico III. legat, & mirabilia inveniet.

Hoc anno porro de concordia Cæsarem inter & Ladislaum aliquoties actum, & quanquam Nicolaus quidam Cardinalis Legatus Pontificius ac alii Principes intercederent, nihil tamen ad summam rei transigi potuit. Ungari interim pro se quoque adnisi sacrum regno coronam & arces quasdam reddi petebant. Imperator sumptus, quos fecerat excusat, neque nisi numeratà priùs pecunià aliquid impetrari abs se passurum dicit. Sed re hinc inde tentata conditionibus non satis æquis Cæsari propositis nihil decerni potuit. Inter hæc Udalricus Comes assiduus Bohemorum petitionibus fatigatus diem illis per litteras indicaverat, quo ad ipsos proficisci Rex decrevisset. Dum igitur Bohemi ad excipi-



ciendum pro dignitate Regem se parant, Ciliensis jam ob superbiam atque avaritiam plerisque invisus, cum minime id putaret, variantis fortunæ vices experiri machinatione Eytzingeri coactus est. Nam ubi ad aulam pervenit Viennæ Comes, Eytzingerus illi iussu Regis, qui præfens aderat, familiaritate Regia, consilioque & aula interdicat. Ipso verò diu renitente, Regique persuadere suam innocentiam conante, frustrà erant omnia; cum igitur nihil spei reliquum esse videret, necessitati ac invidiæ locum dare statuit, atque ex aula se proripiens cum quatuor tantum comitibus extra urbem evasit. Insultabant abeunti Viennenses, erantque nonnulli, qui lapidibus ipsum petere in animo habebant, neque eorum manus effugisset, nisi eum Marchio Brandenburgicus ad portam usque deduxisset. [3.] Rebus ad hunc modum constitutis, Ladislaus sub initium mensis Octobris Iglaviam venit, ubi à Bohemis magna cum lætitiæ significatione exceptus Pragam deducitur. Quatuor equitum millia cum Rege ivisse memorant, nec minorem fuisse Bohemorum numerum. Quinto Calendas Novembris in Summo Templo, quod in D. Wenceslai monte situm, coronatio solito ritu peracta est, impo-  
nente capiti Regis diadema Cardinale Strigoniensi. Sumptus omnis à Bohemis collatus est adeo liberaliter, ut superfuerit, quo arces nonnullæ regni magnâ pecuniâ oppignoratæ redimerentur. [4.]

Scribit etiam cœtaneus quidam author fuisse hoc anno magnam Viennæ pestilentiam, eamque durasse quasi ad duos annos, & fuisse mirabilem per venenosas pustulas & vesicas, & promajori parte obiisse multos & juvenes & virgines: [5.] forsân fuit morbus, quem Franci vocant Neapolitanum, eo tempore non adeo cognitus.

„Antequam Ladislaus Rex Bohemiarum petisset, quosdam Austriæ Proceres pro fidelitate sibi præstita largè re-

„muneratus est, nam Pangracio Domino de Planckenstain & Sigismundo Eytzingero de Eytzing silvarum per Austriam Magistro in feudum confert castrum S. Petri ad Augeam unâ cum oppido & pertinentiis. Item Oswaldo Eytzingero de Eytzing castrum unâ cum civitate & Dominio dictum Drosendorf, Tirnaviam, & Weickerslagum, commemorans causam eam, quia fideliter & strenuè laborassent pro sua libertate, cum à patre suo Cæsare Friderico sub tutelæ nomine detineretur, ut nimirum in hæreditarias suas provincias & regna sit restitutus. Item donat etiam Georgium de Eckerzaw & Georgium de Chünring, qui ante castellum Cæsareum Ortense vulnerati graviter fuerant, uti in Principis litteris apparet, libro quodam debitorum pleno cum hac inscriptione: Debita Regis Ladislai; quod Hieronymus cognomento Beckh possederat. [6.] Hæc Struno. De obsidione castri Ortensis plura videre est apud Æneam, quod nomine Cæsaris ejus duo cubicularii Mitterdorffius & Aspanius strenuè diu defenderunt, sed tandem ab Australibus expugnatum est. [7.]

Venerat hoc anno Joannes Abbas Morimundi visitatum Ordinis nostri Cisterciensis utriusque sexûs per Austriam Monasteria; & cum in Monasterium Zwetlense quoque divertisset, ibidem accepit ab Abbate florenos duodecim Ungaricos, octo nimirum pro summa de contributionibus Ordinis, & quatuor pro expensis, habens rationem destructionis per Hussitas factæ. Datum in Monasterio Zwetl annò Domini 1453. 26. Augusti. [8.]

Contigit præterea, dum Georgius Abbas unâ cum Joanne Priore Viennæ existeret, D. Symon Præpositus, Joannes Decanus, totûsque adeo in Neuburga Australi Conventus, præfatos Zwetlenses Abbatem & Priorem unâ cum Conventu suo in confraternitatem adificerent, face-

facerentque eos participes omnium meritum suorum. Datum annò Domini 1453. in die S. Marci Evangelistæ. [9.] Reperi porro multas hinc inde litteras confraternitatis illius indices, quibus Monasterio nostro mortuorum Canoniorum Regularium dicti Monasterii Neoburgensis nomina significantur, ut ipsorum tanquam Confratrum animæ sacris hinc quoque expientur.

Plebanus hoc anno in Cistersdorf fuit F. Nicolaus, qui utique Georgio Abbati ibidem successit ab eo institutus, in cuius absentia, dum Romæ causas ageret, vicarium ejusdem se quoque diligentem demonstravit. [10.]

Occurrit demum ex Indice F. Joannis Cellarii, quòd coloni nostri [11.] sicut passim ferme per Austriam etiam aliorum Dominorum agros colere anno præcedenti nequiverint „ Quoniam, „ ut inquit Sylvius, cum Cæsar Neapolim Austriæ unà cum Ladislao attigisset, Georgius de Buechaimb, Rudigerus de Stahrenberg, Sigismundus de Eberstorf, atque alii quàm plures Barones, ut Joannes Nypergius, Joannes Ungnadius, & Gualterus Zebinger præstò Cæsari fuere, quibus indigna videbantur, quæ Comes Ciliæ atque Eytzingerus agitant. Inter quos Rudingerus de Stahrenberg munitionem quandam cis Danubium aggressus, tandem cum multa suorum cæde expugnavit ac diripuit, usque ad pontes Danubii excurrens, eorumque munitionem quoque aggreditur, à qua ægtè tandem repulsus est. Idem facinus præstitit Marefchalcus Cæsareus, qui Hainburgum oppidum, castellum antea Cæsaris erat, in quo nova moliri audiebantur, clam per arcem intromissus cepit igne & ferro illud ad obedientiam reducere. Wolfseutter quoque non incognitus tunc apud Austriales nobilis iisdem diebus nonnullas cis Danubium villas diripit atque incendit, nec Comitum Magdeburgen-

sis equitatus quiescit. - Ubique rapinae atque incendia fiunt, hic Cæsareani vastantur, hic Austriales diripiuntur, quoniam castra intra se commixta sunt amicorum atque inimicorum, nusquam in tota Austria quietus angulus invenitur. Bellum domesticum & intestinum nihil usquam tutum reliquit, horrida & miserabilis terræ facies, cognati cognatos oppugnant, fratres contra fratres, filii contra patres, & patres adversus filios arma gerunt. Comes de Pulchro-Monte, aliàs de Schawmberg, & filius ejus senior partes Austriales juvabant, duo filii mediocres Cæsareanum fovebant nomen. Ex domo Potendorfia, Eberstorfia quoque alii Cæsarem, alii Austriales sequebantur, rara non divisa familia fuit. „ [12.] Hæc Æneas, unde non mirum, quòd agricolæ ab opere suo repulsi fuerint.

Ceterum Georgius Abbas, F. Joannes Prior, & F. Joannes Cellarius fatentur se nomine Monasterii à Nicolao Krambhofer Cive Viennensi comparasse 400. lib. denar. monetæ nigre Viennensis pro modis octo tritici boni, & totidem modis avenæ bonæ annuatim porrigendis ad dies vitæ suæ, & hoc cum auctoritate & consensu Domini Domini Ladislai Ungariæ, Bohemiæ, Dalmatiæ, Croatiae &c. Regis, Archiducis Austriæ, & Marchionis Moraviæ, tanquam Monasterii Zwetlensis Advocati, ad redimendas villas Sprednitz & Mangoltz, quæ erant impignoratæ Joanni de Neydegg in Dobersperg pro trecentis libris den. Datum in Monasterio Zwetl annò Domini 1453. in festo S. Joannis Evangelistæ, nimirum in Octava festi ejusdem, [13.] quæ erat tertia dies Januarii anni currentis: & hoc patebit ex confirmatione Principis, qui consensum suum dedit ad eandem emptionem & redemptionem feriâ secundâ post festum Trium Regum Viennæ, regni sui Ungarici decimo tertio. Subscriptio est: Commissio Domini Regis per

Aaa 2

Do.

Dominum Ulricum Eytzinger. [14.] Supraſcriptam emptionem frumenti confirmat apocha, quæ ſequitur, nam Nicolaus Chrambhofer civis Viennensis fateſtur ſe recepiſſe à Georgio Abbate in Zwetl octo modios tritici & totidem avenæ in ſolutionem pecuniæ ſibi venditæ. Datum Viennæ annò Domini 1453. feriâ ſecundâ ante Pentecoſten. [15.] Unde intelligo precariam eſſe uſuram, quam debitor annuatim creditori de re vendita aut mutuo data ſolvere ſe obligavit.

Obiit hoc anno D. Georgius Abbas Calendis Septembris, utrùm Raſingæ

in curia, vel in Monaſterio ſuo, non æquè conſtat. Eo ſepulto juxta Indicem F. Joannis Cellarii ſuprà citati novus Abbas electus eſt F. Joannes cognomenò Walpeckh ſeu Walperckh (utrumque enim nomen ita exaratum invenitur) quondam Cellarii ſedulus, & tandem Prior. Abbas Wolfgangus dicit eum Magiſtrum quoque fuiſſe curiæ in Weinzierl. De cuius ſucceſſione omnes Abbatum Zwetlensium Catalogi conveniunt, annum tamen verum non attingunt præter recentiorem quendam. [16.]

## ADDITIONES.

\* [1.] Magnum Chronicon Belgicum ſermè ad litteram.

Ciaconius in Nicolao V. Papa. „ Fuit „ autem capta Conſtantinopolis IV. Kal. Junii annò 1453. die Martis, Gennadio Patriarcha Conſtantinopolitano atteſtante, à Mahometo Ottomano Amuratis filio, Mahometi nepote, die Lunæ Imperatore Conſtantino XV. Palæologo, Emmanuelis II. filio Auguſto, occiſo. Imperium Chriſtianorum in Oriente finitum Nobile & Antiquiſſimum, quod ſub poteſtate Chriſtianorum duraverat 1191. annis; & quod mirabile exitit, Conſtantine Primus Helenæ filius illud fundavit & crexit; alter autem Conſtantine XV. filius item Helenæ amiſit, ut initium fini concordaret.

Spondanus ad hunc ann. n. 1. „ Annò „ Chriſti 1453. Indictione prima adimpleta eſt prophetia † quam vidimus, Nicolai Romani Pontificis, ſuper obduratione Græcorum in ſchismatis & hæreſis ſuæ deſenſione.

† Ad annum 1451. n. 12. „ Nicolaus „ autem Pontifex ad rem Chriſtianam attentus, ut audivit Amuratis obitum, ſive etiam legatione Conſtantini Imperatoris Græcorum ſupplicas poſtulantis adverſus minas Mahometis motus, ut obicem tolleret, quem Græci opponebant, ne deſcenderet in eos auxilium cœleſte, abſque quo in vanum laboraretur, eòſque ad pœnitentiam & receptionem decretorum in Florentina Synodo juratorum, comminatione etiam judicii divini proximè in eos adſuturi adduceret: literas dedit (inquit auctor Gennadius Patriarcha aſſertus, obſtinatum eorundem Græcorum animum exprobrans poſt cladem Conſtantinopolitanam) plenas ti-

„ moris & horroris, quibus apertè cum ex- „ cratione vaticinatus eſt excidium & inter- „ necionem extremam infelicium Græcorum: „ cùm probè gnarus convicioſum & probro- „ rum, quæ à Græcis quotidie impudentiſſimè „ in Occidentalem Eccleſiam & Romanum „ Pontificem jaſtabantur; ſcripſit tolerare ſe „ illa, exemplò Jeſu Domini ſempiterni Sacer- „ dotis, qui ſterilem ſicum uſque ad annum „ tertium juſſit aſſervari, agricola jam ad eam „ excidendam ſe accingente, quia nullum fru- „ ctum ferebat. O magnam calamitatis rui- „ nam! (exclamat auctor) Annò milleſimò, „ quadringentiſimò quinquageſimò primò „ hanc Nicolaus conſcripſit epiſtolam, & mil- „ leſimò quadringentiſimò quinquageſimò „ tertio, capta eſt Conſtantinopolis. Tres „ inquebat, annos expeſtabimus, ſi vos fortè „ à ſchismate converteritis, & vos verè de- „ creto Synodi adjunxeritis ſecundùm Salva- „ toris de ſicu præceptum: ſin minùs, excin- „ demini, ne terram otioſam & inutilem red- „ datis. Hoc miraculorum miraculum ma- „ ximum; quod, ut in epiſtola ipſa ſcribit „ Nicolaus Papa, Græcorum gens illa magna, „ & formidabilis, ſapiens, clara, fortis ter- „ rarum Domina, ob divinam ultionem, ita „ in barbarorum ſervitutem abduſta eſt. Ita „ rem deplorat auctor. Tantùmque abuſit, „ ut miſeri illi auſcultare Pontifici voluerint, „ ut contra epiſtolam hoc ipſo anno ſcripſe- „ rint nomine Eccleſiæ Conſtantinopolitanæ, „ matris (ut vocant) omnium orthodoxo- „ rum & Magiſtræ, ad Boëmòs Huſſitas; qua „ eos laudantes, quòd non attenderent ullis „ Romanis innovationibus, ſed in funda- „ mento fidei perſiſterent, hortati ſunt in ea „ perdurare & ſecum uniri, non ſecundùm „ ſimu-

„ simulatam unionem Florentinam à recto ab-  
 „ errantem, sed secundum immutabile decre-  
 „ tum à Patribus traditum, quod ipsi Græci  
 „ fervarent: quæ illorum epistola extat, Græ-  
 „ cè & Latine in collectione Auctorum re-  
 „ rum Boëmicarum reperta in Bibliotheca  
 „ Collegii Pragenfis Caroli IV. „

Idem ad hunc ann. n. 12. „ Capta autem  
 „ est urbs, ut diximus, feriâ tertiâ sive Martis  
 „ vigesimâ nonâ Maji, seu 4. Calend. Junii,  
 „ ut omnes consentiunt. Quod verò non-  
 „ nulli recentiores addunt, fuisse tunc tem-  
 „ pus Pentecostes; dixerunt id ipsi, sive per-  
 „ suasi cladem contigisse annò 1452. quo dies  
 „ Pentecostes incidit in diem vigesimam octa-  
 „ vam Maji, ut sic argumentarentur illatam  
 „ Græcis illam esse in pœnam eorum hæresis  
 „ de Spiritu Sancto: sive absque ullo tempo-  
 „ ris examine, etiam si cladem ponant annò  
 „ 1453. noluerint argumentationem illam de  
 „ Spiritu Sancto prætermittere: cum cetero-  
 „ qui dies Pentecostes præsentis anno 1453.  
 „ quo Pascha contigit primâ Aprilis, incidit  
 „ in vigesimam Maji, ac proinde clades bi-  
 „ duò post illius festi octavas, & alterò bi-  
 „ duò ante celebrationem Corporis Christi.  
 „ In quibus habent satis, qui mytheria quæ-  
 „ runt, quæ philosophentur.

„ Nos, quamvis non abnuamus cum aliis  
 „ asserere præcipuam miseriam Græcorum  
 „ causam fuisse schisma ab Ecclesia Romana;  
 „ & hæresim de processione Spiritûs Sancti à  
 „ solo Patre; haud tamen alligatum volumus  
 „ Deum ullis diebus ad faciendam vindictam  
 „ in nationibus: cum habeat ipsius providen-  
 „ tia suos numeros & terminos, quibus res  
 „ convenientius peragat, quam quod homi-  
 „ nes cogitare, aut philosophari possint. De-  
 „ nique antiquiores illius temporis auctores  
 „ diem prædictum annuumque consignantes,  
 „ de feriis Pentecostes nihil penitus memine-  
 „ runt &c.

N. 13. „ Cum primùm Mahometes intro-  
 „ vit in urbem (ut Phranzes pergit) studio-  
 „ sissimè de Imperatore sciscitatus est: cumque  
 „ nihil certi reperiretur, alicujus tandem in-  
 „ vestigatione inventum est inter cadavera  
 „ corpus exanime, quod ex calceamentis, in  
 „ quibus aquilæ auræ de more pictæ erant,  
 „ ejus esse agnitum est. Unde confirmetur,  
 „ quod multi scribunt, eum, cum hostes vi-  
 „ deret irrumpere, ne majestas ludibrio esset,  
 „ deposuisse cetera Imperii insignia. De ejus  
 „ autem corporis inventione summo opere ga-  
 „ visus Mahometes (metuebat enim, ut ob-  
 „ servat Zygomalas, ne si adhuc viveret, nô-  
 „ vis auxilium urbem recuperare moliretur)

„ mandavit his, qui supererant, Christianis,  
 „ corpus ejus cum honore Imperatorio sepe-  
 „ liri. Ita namque Phranzes. Cui nec con-  
 „ tradicit Chalcondyles, cum scribit caput  
 „ Imperatoris ad Mahometem ab aliquo de-  
 „ latum esse, cui ipse in præmium præfectu-  
 „ ram, & dona contulerit. Potuit enim ca-  
 „ put à cadavere abscondi (nam & Isidorus  
 „ Cardinalis, qui interfuit, Imperatorem ca-  
 „ pite truncatum fuisse tradit; & confirmant  
 „ Annales ipsi Turcorum) etiâque tum se-  
 „ pulturæ tradi. Cùm sint tamen non pauci,  
 „ qui caput Imperatoris hastæ infixum per to-  
 „ tam urbem & castra circumlatum esse scri-  
 „ bant. Quod fortè ad securitatem Turcis  
 „ insinuandam, & omnem spem Christianis  
 „ adimendam factum sit: tuncque demum unâ  
 „ cum reliquo corpore honorificè sepulturæ  
 „ traditum. „

[2.] Magnum Chronic. Belgicum citat.  
 sub Friderico III. Cæsare.

Cuspinianus in Cæsarib. Germanorum sub  
 Friderico III. & in Cæsarib. Græcorum sub  
 Constantino VIII. & ultimo. In Cæsarib.  
 Turcarum sub Mahomete.

Dubravius Hist. Bohemic. lib. 29.

Chronicon dictum Belgicum, quod textus  
 noster benevolam Lectorem plura desidera-  
 tem remittit, inter cætera notat hoc: „ Ter-  
 „ tium verò mirabile, quod præcessit captio-  
 „ nem civitatis, fuit visum per Turcas, Chri-  
 „ stianis nihil videntibus.

„ Cùm enim quadam nocte vigilantes Tur-  
 „ cæ in obsidione respicerent versùs civitatem,  
 „ viderunt subitò multitudinem luminum ad  
 „ modum candelarum undique super turres  
 „ & muros civitatis: quod respicientes &  
 „ admirantes valde timerunt arbitrantes ex  
 „ hoc miraculo civitatem esse sub divina pro-  
 „ tectione. Et cùm retulissent, quæ vide-  
 „ rant Imperatori Turcarum, ipse etiam tunc  
 „ dissimulavit. Altera verò nocte apparentes  
 „ rursus prædictæ candelæ super turres & mu-  
 „ ros visæ sunt elevari in cælum. Tunc igitur  
 „ Turca interpretans visionem dixisse fer-  
 „ tur: Candelas quæ apparuerunt elevatæ in cælum,  
 „ res significasse, quod Deus temporibus præ-  
 „ teritis hanc civitatem protexisset. Sed can-  
 „ delas, quæ apparuerunt elevatæ in cælum,  
 „ contrâ significare, quod Deus ab ea, & ab  
 „ ejus custodia discesserit. Nunc ergo, ait,  
 „ est tempus bellandi contra eam. Et sic  
 „ ardenti rabie irruerunt in nobilissimam ci-  
 „ vitatem, & ceperunt eam, ut dictum est.  
 „ Hæc Alfonso bellò centesimò quinquagesi-  
 „ mò sexto. „

B b b

[3.]

[3.] Gerard. de Roß lib. 6. Histor. Austr.  
Æneas Sylvius in Austria sua. Item Histor.  
Bohem. c. 60. & 61.  
Dubravius Histor. Bohem. c. 28.  
Cuspinianus in Cæsarib. sub Friderico III.  
[4.] Gerardus ubi suprà citat. exscriptus.  
Æneas Sylvius Histor. Bohemic. cap. 62.  
Bohemia Pia lib. 2. sub Ladislao Rege.  
Dubravius Hist. Bohemic. lib. 29. in initio.  
[5.] Annotationes Jacobi Reckwein  
Civ. Vicen. in lib. suo Secretorum.

[6.] Struno in Annalib. Sup. Austriae sub  
hoc anno.  
[7.] Sylvius in Austria sua.  
[8. & 9.] Ex Autographis ipsorum.  
[10.] Ex litterarum monumentis.  
[11.] Registrum F. Joannis Cellerarii.  
[12.] Sylvius ubi suprà.  
[13.] Ex litterarum monumentis.  
[14.] Ex diplomate Principis.  
[15.] Ex Apocho ipsius.  
[16.] Recentior Abbatum Catalogus.

## Annus Christi MCCCCLIV. Monasterii CCCXVI.

*Pont. Rom.*

Nicolaus V.

*Imp. Rom.*

Fridericus IV.

*Archi-Dux Austriae*

Ladislao Rex.

*Episcopus Pataviensis*  
Ulricus III.

*Abbas Zwetlensis*  
Joannes IV.

**D**Um Rex Pragæ moratur, venerat illuc Albertus Eberstorffius, qui provincialium nomine Regi indicavit, ita eos, quos Eitzingerus ex ordinibus lectos rebus imposuerat, Magistratum gerere, ut nisi aliud statuatur, timendum sit, ne quid turbæ excitetur. Constituitur igitur eisdem Regi Wolfgangus à Waltès Supremus Austriae Præfectus, qui omnia provinciae negotia administrare, Viennensi regimine (uti vocant) exautorato novum creare jubetur. Offensi ea re Viennenses, quia sua privilegia violari videre debebant, ad Ulricum Ciliensem exulem literas ac nuntios mittunt, uti Ladislai gratiam quovis modo recuperet, monent, non defutura illi sua studia. Eitzingerus ubi per suos, quid Viennæ fieret, didicisset, Pragam advolat, (nam Schrattendalii aliquot dies fuerat) ubi Blanckenstainium inimicum suum aulæ Regiæ ejicit arte eadem, qua antè Viennæ Comitem Ciliensem ejecerat. Ladislao inter hæc cum annò ferè integrò Pragæ fuisset, Vratislaviam primam Silesiæ urbem profectus est. Neque enim persuaderi potuerant Silesii, uti extra regionis suæ limites Regi contra leges patrias & privilegia sua fidei Sacramentum dicerent. Ibi Ladislao acceptò Sacramentò à Regulis sororem suam Elisabetham Casimiro Po-

loniæ Regi despondit. Aderant illi præter Silesiæ Regulos multosque ex utroque regno, Austriacæ & Moravia Proceres, Gulielmus & Otto Bavarie, Fridericus & Albertus Brandenburgii Principes. Inde Viennam iter convertit, ubi adventus ipsius, quò minus eotempore expectatus, eò gratior fuit. \* [1.]

De Monasterio Zwetlensi occurrat, cum illud & ære alieno multo obnoxio & censu Regio indicto gravatum esset, quærere aliam & excutere quercum, qua pecuniam sibi compararet. Invenit igitur remedium commodius pro tempore non esse, quàm bona Monasterii immobilia ad tempus distrahere. Joannes ergo Abbas Zwetlensis villam Ossarn prope Ducumburgum vendidit Petro tunc Abbati Campi-liliorum cum omnibus juribus suis ac iudicio villæ ad annos decem duntaxat fruendam pro octingentis talentis denar. Viennensem, reservato tamen Monasterio Zwetlensi perpetuo redimendi villam eam jure: Datum annò Domini 1454. in festo Epiphaniæ. [2.] Porro eodem anno & die præfixis Joannes Abbas in Zwetl fatetur se quoque debere Ægidio nunc Altaris Corporis Christi in Crembs Sacellano quinquaginta talenta denariorum Viennensem. Datum in Crembs uti suprà. [3.]

Ven-

Vendidit præterea Joannes Abbas Leonardo Frölich, Catharinæ ejus uxori atque hæredibus eorum pro quadam pecuniæ summa domum Monasterii in civitate Zwetlensis sitam inter plateam, quæ vulgò dicitur Strayssergassen. Datum in civitate Zwetl, annò Domini 1454 post Matthiæ Apostoli festum. [4.]

Item idem Abbas Joannes Jacobo Fischer, Agneti ejus uxori, & Paulo filio ipsorum in Reinprechtspruck habitantibus quædam bona in pratis & agris, ipsi ab antecessoribus suis Abbatibus concessa & litteris roborata denuo cõfirmat, quas litteras ipsi in Hussitarum ubique vastantium in Austriam irruptione perdiderant. Datum annò Domini 1454 in

die Servatii Martyris. [5.] Constat etiam sub hoc Abbate fuisse in Cisterciensibus Plebanum F. Nicolaum ejusque in spiritualibus coadjutorem F. Paulum Monasterii Zwetlensis Professos, qui faciunt mentionem circa Dominicam Quasi modò geniti Procuratoris ibidem Domini de Potendorf, unde constat jam diu Potendorfos successisse Chünringiis de Tiernstain in eorum bonis, quæ per Austriam olim latè possidebant. Zwetlensis verò civitas ad Principem terræ post præfatorum Chünringiorum extinctam familiam devoluta est: & sic supra aliquoties jam memini Præfecti Regis Ladislai Principis, qui in ea præsidebat.

## ADDITIONES.

\* [1.] Gerardus de Roë lib. 6.

Aeneas Sylvius Histor. Bohem. c. 6a. „Gravis hæreticæ factioni jam mora Regis in Bohemia esse coeperat, cujus Sacramenta ab eo, & à ceteris Principibus dietim confluentibus contemnebantur. Et jam, qui decepti errabant, aliorum contemplati mores, suas ineptias cognoscentes, reliquæ Hussitarum perniciem, ad Ecclesiam revertebantur. Ob quam rem cupientem in Austriam reverti Regem, nullus hæreticorum est adversatus. prius tamen, quàm rediret, Vratislaviam nobilem urbem revisit, Slesitarum caput. Ibi cùm Divinis interesset in æde Pontificali, frequentesque Principes convenissent, Poggiebracius quoque proximus Regi astaret, fama est, eaque pervulgata, Chilianum, quendam parasitum ex his, qui stultitiam simulantes alios stultos faciant, Poggiebracium his verbis compellasse: Quo vultu facra nostra inspicias, planè adverto; animum non intueor. Fare, obsecro, nonne satis nitida tibi nostra videtur Religio? Vidēsne quàm multi & magni Principes & ipse Rex noster unum ritum sequantur? Cur non his potius, quàm Rochezanæ consentis? An plus sapere paucos Bohemos, quàm reliquam Christi Ecclesiam censēs? Quin reliquæ incondita plebe, nobilitati te jungis nobilem? Ad quem Poggiebracius: Si tua hæc

„sunt verba, inquit, non es, quem simulas; tibi tanquam prudenti respondeo. Sin aliena, satisfacere me illis oportet: audi ergo. Ecclesiasticas caeremonias sua quisque pro fide gerit. Sacrificia ea facimus, quæ credimus Deo grata: neque nostri arbitrii est credere, quod velimus. Videlis magnis rationibus mens humana, volens nolensque capitur; utque natura instituta est, altera faciliè trahitur, altera elabatur. Mihi persuasa est meorum Sacerdotum Religio. Si tuam sequar, homines fortasse fallam, animæ meæ contrarius: Deum, qui corda inspicit, nequeo fallere. Neque me tui similem esse decet. Aliud histroni, aliud verò nobili convenit. Hæc vel tibi habeto, si sapias, vel his referto, qui te submisere. „

Dubravius Hist. Boemicæ lib. 29. „Constituto igitur Pragæ in utraque civitate per semet, ut moris erat, Senatu, præsidibusque regno duobus præpositis, Sbincone Lepore, & Henrico Strazio, cum Georgio gubernatore Vratislaviæ profectus est, ubi præterea sponsalia consummavit, desponsa Elizabethæ sorore sua Casymiro Regi Poloniæ, quam ut ad diem, qualiter oportuit, adornatam, in Poloniam mitteret. De Slesia in Austriam se transtulit. „

[2. 3. 4. & 5.] Ex litterarum monumentis.

## Annus Christi MCCCCLV. Monasterii CCCXVII.

*Pont. Rom.*  
Callistus III.

*Imp. Rom.*  
Fridericus IV.

*Archi-Dux Austriae*  
Ladislaus Rex.

*Episcopus Pataviensis*  
Ulricus III.

*Abbas Zwetlensis*  
Joannes IV.

**N**icolaus Pontifex hoc anno sive tædiō animi, quo maximè cruciatur post captam Constantinopolim, sive febri & podagra, qua potissimum vexabatur, Pontificatūs sui annō octavo, nonō Calendas Aprilis Romæ obiit, ac in Basilica S. Petri Vaticana honorificentissimè sepelitur. Mox ad sextum Idus Aprilis duæ partes Concilii in Alphonsum Borgiam, Hispanum, Valentinum, Presbyterum tunc Cardinalem tit. SS. Quatuor Coronatorum consenserunt, qui Calendis Maji coronatus mox in publico Consistorio bellum sacrum, quod Cruciatam appellant, Turcis hostibus nostræ sanctæ fidei infensissimis indixit, qui paulō antè Constantinopolim & totum Orientale Imperium pulsīs Christianis occupaverant. \* [1.] De eodem Pontifice diu ante locutus est Prophetico sermone B. Malachias Primas & Archi-Episcopus Hiberniæ taliter: Bos pascens. Nam Callistus III. erat natione Hispanus, cujus insignia Bos pascens.

Udalricus Ciliæ Comes per amicos hoc anno clām Regi reconciliatur, reversusque Viennam magno & splendido apparatu, mille ducens equites expedito armis, adit: advenienti Rex obviam extra urbem factus est. Proceres, nobiles, populares omnes secuti salutare, amplecti, laudare Comitem: certare invicem, contumeliosius ejecerint, an magnificentius revocaverint. Mira rerum turbatio. Eitzingerus, qui culmen potentiæ consecutus eum dejecerat, quod in alium statuit, in seipsum pati cogitur. Intrante namque urbem Comite ipse cum amicis egreditur, spontaneum exilium eligens. Ferunt Comi-

tem Eitzingeri cognito recessu laudasse hominem, qui fortunæ ludibrio se subtraxerit. [2.] Ungari postquam Regem in Austriam rediisse accipiunt, Legatos ad eum evestigio mittunt; utque in Ungariam veniat suum regnum visitatum, petunt. Joannes Huniades per idem tempus Ungariam ferè universam in potestate habuit, Regiæ arces in manu ejus fuere, equestres, pedestresque copiæ uni ei parvære. Id nonnullis regni Baronibus invidiosum ac molestum erat, atque inprimis Comiti Ciliæ, qui locum ejus optabat. Criminari ergo Joannem, Regi odiosum efficere statuit. Inde Viennam ad Curiam à Comite Regis nomine vocatur Huniades, antè à suis certior factus de structis sibi per Comitem insidiis, comparere extra regnum non voluit: persuasus tandem Viennam venit, sed urbem intrare noluit, ubi cum Comite loquens & deprehendens insidias, evitans illas rediit indignabundus in Ungariam, & Regi castra sua restituens quievit. Deinde Rex ipse Budam profectus est. [3.]

Cùm Monasterium Zwetlense post Hussiticos furores etiam aliquoties in subditis suis spoliatus fuisset, usuræ in dies accrescerent, aliæque necessitates variæ quotidie ingruerent, Joannis Abbatīs animum sollicitabat providentia diligentis œconomiz futuræ, ut aliquando Monasterium è debitis emergere valeret. Cogitavit igitur pauciores alere homines, ut verò illud commodius & licentius faceret, D. Georgium de Chünring tanquam de Fundatorum Monasterii sui sanguine progenitum adiit, necessitatem illi suam explicuit, aed nondum omnes resectas, colonos paucos, eosque quotidianis spoliis obnoxios esse, debita

debita multa, usuras annuas, creditores importunos, censusque improvisos nasci, neque amplius tantam alere familiam posse: quare se petere, ut numerum pauperum, quorum triginta in claustrali Hospitali nutrire tenebatur, diminueret, donec meliora tempora & Monasterii status pristinus efflueret. Commotus his causis prægnantibus, quas antè satis perspectas habebat Chünringius, numerum restrinxit, ut per decennium tantum pauperes decem de more antiquo, uti fundatio Majorum suorum postulat, nutrentur. Datum annò Domini 1455. feriâ sextâ post Martini. [4.] Hujus Chünringii annis præcedentibus mentionem habui, cujus insignia sunt clypeus divisus, à sinistra campus albus cum lineis rubeis à dextra in sinistram declinantibus, à dextra verò aquilam habet dimidiatam nigram in campo flavo. Nitzo Chünringius pater ejus tulit insignia Chünringiorum quondam de Tiernstain dictorum, quæ erant clypeus flavus lineis nigris à dextra in sinistram ductis exornatus. Utrum autem Georgius præfatus primus prædicta insignia acceperit, nondum litterarum testimonium vidi, quamvis videtur in eadem à Ladislao Rege obtinuisse, cum ex ejus parte contra Fridericum Imperatorem steterit, & munere donatus legatur. Hic item Chünringius de Seveld suscepit à Joanne Abbate Zwetlensî advocatiam super sex lancos in Fünenfeld, quos ab Alberone Chünringio eidem Monasterio fundatos refert. Datum in Monasterio Zwetl annò Domini 1455. in festo Martini. [5.]

Cujusdam campanæ nostri Monasterii inscriptio talis est: „Maria Mater „gratiæ, Mater misericordiæ, tu nos „ab hoste protege, & horâ mortis „suscipe. Annò Domini MCCCCLV. [6.] Hucusque inscriptio, in qua imagines visuntur in modum statuæ formatæ, Beata Virgo in ulnis Christum

bajulans, S. Margaretha, & S. Dorothea ex utroque latere. Deinde visuntur duo ducati Venetiis sub Chyngino cusi, & tertius cum inscriptione tali: „Sigismundus D. G. Rex Ungariæ. „Vocatur hæc Schlamingerinna à pago, ubi inventa fuisse fertur, qui in Ungariæ finibus situs esse dicitur. Accepi ego per quandam traditionem illam fuisse de turri in oppido ipso dejectam sive casu sive studio inimicorum, aut vi fulminis, caret enim ansis suis seu auriculis, quibus ligno adaptatur, & locum ipsarum clavi grossi supplet: deinde fuisse in fossam humo superjectam immersam; tandem post aliquot annorum spatium à porcis detectam, terram de more suo proboscide revolventibus, quæ in hoc Monasterium vendita creditur. Est altera post majorem campanam, grato fonò, & hoc anno fusa. De hac campana infra (Annò 1483.) plura.

Eodem hoc anno Joannes Abbas in Zwetl Curiam in Retschen ad triennium Thomæ Gaslein ejusque uxori Catharinæ liberisque ipsorum hæredibus incolendam concedit. Datum anno Domini 1455. in festo Purificationis B. Virginis Mariæ. [7.]

Item Nicolaus Chrainhofer Civis Viennensis se recepisse fatetur à Joanne Abbate in Zwetl octo modios tritici, totidénique avenæ ratione precariæ, cujus suprà mentionem feci. Datum Viennæ annò Domini 1455. in Pentecoste. [8.]

Demum Joannes Abbas Nobili Viro Ulrico Chlem se obligat pro se suisque successoribus singulis per annum angariis solvenda 5. talenta ad dies vitæ ipsius pro summa sibi aliqua pecuniæ concessa. Datum annò Domini 1455. [9.] Dies tacetur & mensis. Eodem anno idem Ulricus fatetur se à Joanne Abbate recepisse 5. lib. denar. Datum feriâ sextâ ante Reminiscere. [10.]



## ADDITIONES.

\* [1.] Ciaconius in Nicolao V. & Calisto III. Papa.

Magnum Chronicon Belgicum.

Item Spondanus hoc anno n. 4. „ Mortuus est autem Nicolaus Romæ nono Calendas Aprilis anno Pontificatus octavo, die decimo nono, ex febre & doloribus articulis, quibus toto ferè Pontificatu graviter laboravit: nec non ex tædio animi, quo post captam Constantinopolim continuè cruciatus est: ea sola clade infelix, cum & pace Ecclesiæ, & Italiæ parta, ac multis aliis operæ pretiis omnium iudicio beatissimus sit habitus.

N. 5. „ Piè verò, post Sacramenta Ecclesiæ ritè suscepta, defunctus sepultus est in Basilica S. Petri honorificentissimâ pompâ &c.

N. 6. „ Peracto ejus (Nicolai) funere, Cardinales quindecim, qui in urbe erant, conclave ingressi, plerique Bessarionem Cardinalem Nicænum eligere decreverunt (ut „ Aeneas, sive ejus Amanuensis Gobellinus narrat) quod is omnium aptior ad Rempub. gubernandam videretur; conveniebátque numerus in eum sufficiens, adeo, ut jam ad eum supplicationes deferrentur: cum Alanus Coëstivus Brito Archi-Episcopus Avenionensis illos Cardinales arguens, quod neophytum eligere, ac Ecclesiæ Latine Græcum Pontificem dare vellent, contestansque se & qui sibi deberent in Græcum Præsulem nunquam consensuros: movit adeo ceterorum nonnullos, ut factò scrutiniò Bessarion numerò exciderit. Quod Platina in Panegyrico Bessarionis ab adversariis factum ait; quod leves ac voluptuosi existentes ejus integritatem & modestiam vererentur. Electusque deinde est, de quo minor erat expectatio, Alfonso Cardinalis Presbyter SS. Quatuor Coronatorum, natione Hispanus, patriâ oppidò Setabensi Valentiniæ Diocesis, nobili familia Borgia, patre Joanne, matre Francisca; jam propemodum decrepitu, qui natus postremo die anni 1378., præsentis, quo electus est sexto Idus Aprilis, nonum jam ac nonagesimum diem in septuagesimo septimo agebat. Qui etsi ante aliquot annos, & vacante dum Sede Apostolica suam assumptionem ferè omnibus prædixisset, sèque procul dubio futurum Pontificem affirmasset; nemo tamen ei credens, delirare potius more Senum existimabatur. Fuit tamen ejus vaticinium verax; quod à B. Vincentio Ferrerio con-

„ terraneo suo se habuisse narrabat. Quem „ & forsàn propterea, etiam multis aliis nominibus longè dignissimum, hoc ipso anno „ in festo Apostolorum Petri & Pauli solemnè ritu inter Sanctos Christi Confessores retulit: literas verò ejusmodi relationis, cum „ vivente Callisto publicatæ non fuissent, „ promulgavit Pius ejus successor.

N. 7. „ Mirandum verò ait Ciaconius „ Hispanus in vita Callisti, Hispanos, nationem (ut sibi videretur) natam imperio, ante „ hoc tempus nullum protulisse Romanum „ Pontificem, nisi Damasum, & Joannem Hadriani V. successorem, & utrumque Lusitanum. Quibus tertius hic accedens, non „ absòne eà etiam ex parte Tertius dictus est „ nomine Callistus; duodecimò Calendas Maji „ suæ coronationis insignia suscipiens &c.

[2.] Sylvius in Histor. Bohemicæ, cap. 63. excerptus.

Gerardus de Roó locò sæpe cit. „ Erant „ inter Proceres, qui Eitzingeri consilia minus probabant, qui veteri cum Comite amicitie aliquid dandum esse putabant, qui Eitzingro, ne & ipse insolereset, opponendus esse videbatur. Hi captato cum Rege colloquio, malè actum esse dicebant ab Eitzingro, qui Ciliensem calumniis „ oppressum per invidiam aulæ ejecisset, uti „ ejus locum ipse occuparet; ea fide Comitum, eo rerum gerendarum usu ac dextertate præditum, præsentis rerum statui quàm maximè necessariū videri. Hæc & alia „ dicentes, cum secundis à Rege auribus accipi, quæ dicebantur, viderent (magis „ enim ex aliorum instinctu, quàm ex animo „ suo Rex ipsum ejecerat) nuncios ad ipsum mittunt, quo loco res ipsius sit, docent, „ uti, quàm honestissimò comitatu potest, in „ aulam postliminio redeat, Regénique nihil in se gravius consulturum condât &c.

[3.] Ibidem, qui & ubi suprà præcedenti n. relati, quorum prior Sylvius scripserat rei fusiùs describit cap. 64.

Item Annales Ungariæ antiqui sub Joanne Huniade.

[4.] Ex Autographo ipsius Chünringii, atque etiam ex Apographo.

- [5.] Item ex Autographo ipsius.
- [6.] Ex ipsa campana.
- [7.] Ex literarum monumentis.
- [8.] Ex Apocha ipsius.
- [9.] Ex literarum monumentis.
- [10.] Ex Apocha ipsius.

Annus

## Annus Christi MCCCCLVI. Monasterii CCCXVIII.

*Pont. Rom.*  
Callistus III.

*Imp. Rom.*  
Fridericus IV.

*Archi-Dux Austriæ*  
Ladislaus Rex.

*Episcopus Pataviensis*  
Ulricus III.

*Abbas Zwetlensis*  
Joannes IV.

**C**allistus Pontifex, quem ferunt ante Pontificatum vovisse odium in Turcas vatinianum, & omnem quantum in se esset persecutionem, mandavit, ut assiduo rogatu Deus fleberetur, in meridie campanis signum dari fidelibus omnibus, ut orationibus eos juvarent, qui contra Turcas continuo dimicabant; creditum precibus communibus fidelium, Christianos ad Belgradum contra Turcas dimicantes, duce Joanne Weiwoda Viro clarissimo, astante etiam Joanne Capistrano Ordinis Minorum, Crucemque pro vexillo hostibus inferente, cum Belgradum impugnarent, ingenti clade superasse. \* [1.] Ob hanc victoriam Pontifex festum Transfigurationis Domini instituit & composuit, iussitque eo modo atque his indulgentiis haberi debere, quibus & solennitas Corporis Christi. [2.] Callistus autem sedatis Italiæ rebus, novem Cardinales, & inter eos Æneam Piccolomineum, Senensem Episcopum, Cardinalem creavit, cuius sæpe mentionem in his Annalibus feci, qui apud Fridericum IV. Austriacum Augustum Secretarium egit, cuius commendatione tum Episcopatus Tergestinum & postea Senensem adeptus; tum Cardinalatum à Callisto obtinuit. Fuit autem factus primum Diaconus Cardinalis tit. S. Eustachii, postmodum Presbyter Cardinalis tit. S. Sabine, [3.] à Friderico Poëta Laureatus, in epistolis scribendis jucundissimus, & historicus sui temporis excellens. Hic autem Æneas oppugnationem Albæ ornatè describit, non tantum in libro historiæ Bohemicæ, sed quoque in epistolis suis, cuius historiam ex parte referre placet, licet mei instituti non sit, Ungaricas aut Bohemicas

res Annalibus hisce inferere, quia tamen quædam historiæ connexio est, cum Ladislaus, qui Archi-Dux Austriæ extitit, Ungariæ quoque regnum tunc, quam modò, florentius habebat. Sic autem scribit: „Mahumetes Constantinopolitanâ victoriâ superbus congregatis ingentibus copiis in Thraciam per Triballos in Hungariam properans centum quinquaginta millium pugnatorum ducere ferebatur. Et inflatus opinione sui, tantoque tumens exercitu nil dubitare, quin devictâ Hungariâ Illyricos penetrare sinus, atque intima rura, regna Liburnorum & fontem superare Timavi, rerumque caput Italiam atque Romam uno impetu subigere posset. Verum parva urbs & alioquin ignobilis tantos ejus conatus retinuit. Taurunum appellavere majores, nostra ætas Belgradum, alii vocant Albam ad confluentes Danubii Savique sitam. Hanc primam oppugnare statuit propter opportunitatem transeundi fluminis. Joannes Capistranus Ordinis Minorum Professor, vitæ sanctimoniam clarus ea tempestate Hungaros in arma publicis sermonibus excitabat. Qui ubi appropinquare Turcas accepit, nihil moratus in Albam se contulit, haud parvam cruce signatorum manum adducens. Joannes quoque Huniades contractis raptim copiis eò profectus est. Joannes Cardinalis S. Angeli Apostolicus Legatus Budæ remansit auxilia undique ciens. Rex ubi advenisse Turcas cognovit, nec vires Hungaris esse, quæ tantam vim ferre possent, mobiles gentis animos veritus, neque satis tutam Budæ moram arbitratus, sub specie ve-

„ na-

„ nationis urbem egressus in Austriam  
 „ properè se recepit. Turca interim  
 „ apud Albam castra metatus, summis  
 „ viribus eam urbem partem oppugnare  
 „ adoritur, qua planus patuit aditus,  
 „ dispositisque tormentis æneis rarè at-  
 „ que insolitæ magnitudinis priores mu-  
 „ ros aperuit. Vacuum haud parvum  
 „ spatium intus erat usque ad murum  
 „ alterum. Hic Crucesignati stationes  
 „ habuerunt. Parum tectæ armis acies,  
 „ gladiis, hastisque tantum hispida,  
 „ verum ferocitate animi & cœlesti  
 „ auxilio tuta. Ingressi per muri rui-  
 „ nas Turcæ, atrox cum his prælium  
 „ commiserunt. Capistranus ex turri cla-  
 „ mitans, Christianos hortari, vexil-  
 „ lum Crucis ostendere, openi de cœ-  
 „ lo promittere, maledicere hostibus,  
 „ Dei præsentiam implorare. Hunia-  
 „ des modò huc modò illuc cum glo-  
 „ bo militum currere, instaurare Or-  
 „ dines, pro fessis validos, &c. Postre-  
 „ mò Turcæ Christiana virtute repulsi  
 „ denuo periculi magis quàm pudoris  
 „ anxii oppidum scèdâ fugâ relinquere.  
 „ Rursus sequentibus Crucesignatis ex-  
 „ tra muros pugnam instaurare. Mox  
 „ eo proposito fugere, ut quàm remo-  
 „ tissimè ab oppido Christianos pro-  
 „ traherent. Interim aciem à latere  
 „ immittere, quæ reditum in urbem  
 „ egressis interciperet: furentes nostri  
 „ ac victoriâ exultantes, in quod præ-  
 „ cipitarentur discrimen, non adver-  
 „ tere, paululum processuris & à fronte  
 „ & à tergo periculum imminere. Vi-  
 „ dit ex muris Capistranus transversam  
 „ hostium aciem, infidiâsque cognos-  
 „ cens, revocare suos cœpit. Cum  
 „ parum exaudiretur, tympanis ac tu-  
 „ bis confundentibus vocem, præceps  
 „ in pugnam dilabitur; atque inter duas  
 „ acies, inter tela volantia percurrens,  
 „ clamoribus ac signis Crucesignatos  
 „ redire cœgit: apud quos nulla erat  
 „ Huniadis vel fides vel autoritas;  
 „ quorum magna pars Teutonica fuit  
 „ Ungarico insensibilis generi. Frau-

„ dati magna spe Turcæ in castra redi-  
 „ runt, cum quatuor & viginti horis  
 „ interdiu noctûque nunc muros qua-  
 „ tientes, nunc manu pugnantes præ-  
 „ lium protraxissent. Multi ex utra-  
 „ que parte cecidère, plurimi ex Turcis,  
 „ & hi quidem præstantiores. De cæs-  
 „ sis hostibus varia sententia est: qui-  
 „ dam supra quadraginta millia periisse  
 „ tradiderunt, nonnulli viginti millia,  
 „ alii ad summum quatuor millia cæsa  
 „ esse affirmant, quod nobis infra ve-  
 „ rum fuisse videtur. Neque enim in  
 „ tâto exercitu videri clades ea occidio  
 „ potuisset. - - - Traditum est Tyran-  
 „ num sub papilla confossum salutem  
 „ desperâsse, vulnus ejus obsidioni fi-  
 „ nem dedisse, inter fugiendum plures  
 „ quàm in acie periisse. Victoribus ea  
 „ tantum præda relicta est, quæ non  
 „ potuit ignis absumere, tormenta sci-  
 „ licet ænea, & arietes ferrò graves,  
 „ machinarumque ingens vis. „ [4.]  
 Hæc Æneas citatus in gratiam Lectoris.

Venerat post adeptam de Turca vi-  
 ctoriâ Viennam Legatus Apostolicus  
 Joannes Diaconus Cardinalis tit. S. An-  
 geli, apud quem Abbas Zwetlensis Jo-  
 annes sollicitavit Indulgentias pro Ca-  
 pella B. Mariæ Virginis in Rafings, quæ  
 paulò antè fuerat ædificata. Datum an-  
 nò Domini 1456. 29. Decembris. [5.]

Habebat porro hoc tempore Joannes  
 Abbas in Zwetl litem cum quodam de  
 Fundatorum progenie exorto, Georgio  
 de Chünring, qui se Monasterii hære-  
 ditarium Advocatum esse assererat, ne-  
 que ab opinione sua divelli se patiebatur,  
 unde conquestus Abbas Principi  
 terræ de ejusdem injuriis, impetravit  
 Commissarium à Ladislao Rege Udali-  
 cum Pataviensem Episcopum Austriæ-  
 que Cancellarium, qui litem compo-  
 nens rem Monasterio adjudicavit, ex-  
 pensis utrinque suspensis. Datum Vi-  
 ennæ Sabbatò ante diem Matthæi, an-  
 nò Domini 1456. [6.]

Porro Joannes Abbas, F. Stephanus  
 Prior, F. Joannes Subprior, F. Wolf-  
 gan-

gangus Cellarius, & totus Conventus in Zwetl dederunt literas obligationis cum consensu Ladislai Ungariæ, Bohemiæ, Dalmatiæ, Croatiae &c. Regis, Archiepiscopi Austriæ, Marchionis Moraviæ, &c. Monasterii in Zwetl Advocati ad dies vitæ Nicolao Kramhofer, pro porrigendis quotannis circa Pentecosten 32. tal. denar. Datum in Monasterio

Zwetl, annò Domini 1456. feriâ 5. post S. Agidii. [7.]

Venditi quoque sunt duo coloni in Meyssaw habitantes pro Joannem Abbatem in Zwetl Casparo Felebrunner ejusque hæredibus ad viginti tantum annos fruendi pro aliqua pecuniæ summa. Datum annò Domini 1456. die suppressa. [8.]

## ADDITIONES.

\* [1.] Ciaconius in Callisto III.

Spondanus hic n. 1. „ Annò Christi millesimò, quadringentesimò quinquagesimò sextò Indictione quarta, Callistus Pontifex de bello contra Turcos sollicitus, ad implorandam in eos divinam opem instituit per universum Christianum orbem singulis diebus inter Nonas & Vesperas pulsari in omnibus Ecclesiis campanas ad trinam recitationem Orationis Dominicæ & Salutationis Angelicæ, concessâ recitantibus indulgentiâ trium annorum & trium quadragenarum. Itemque singulis primis mensium Dominicis processiones generales fieri cum Missa & prædicatione ad rem apta: datâ iis, qui afforent pœnitentes & confessi, septem annorum & septem quadragenarum indulgentiâ. Et celebrantibus, qui adderent orationem pro victoria contra Turcos, tres item annos, trèsque quadragenas. Cùmque apparuisset per aliquot dies cometa crinitus & ruber (quem duplicem fuisse Annales Turcici scribunt) idem Callistus ad avertendam iram Dei adversùs Turcos aliquot dierum supplicationes instituit. „

N. 2. „ Audivit Dominus de cælo preces piorum, & exaudivit; insigni concessâ victoriâ, quam describunt S. Antoninus & Æneas, atque ex iisdem, & ut putamus ex Thurozio Naclerus: Bonifinio de more Thurosi orationem dilatante: præter græcum Chalcondylem, qui eandem victoriam non paucis explicavit &c. „

[2.] Ciaconius ubi suprâ.

Item Spondanus n. 4. „ In memoriam autem hujus victoriæ, festum Transfigurationis à Papa Callisto anno sequenti per universum orbem sub officio duplici die sexta Augusti celebrandum jussum esse plerique volunt. Verùm longè antiquius illud fuisse tam apud Latinos, quàm Græcos certum est. Officium autem ejus composuisse Callistum Antoninus & Platina tradunt, concessâque easdem indulgentias, quæ officio Corporis Christi.

N. 5. „ Post abscissum Turcorum, & reditas de tanto beneficio Deo gratias; ne quid utriusque Ducis Christianorum felicitati posset adjici, divina utrumque benignitas haud multis post diebus non modò mortali, sed cœlesti quoque gloria donavit. Sed prior vocatus Huniades, qui longo intolerabilique belli labore defatigatus in æstuantissimam febrim incidit, qua absumptus est in oppido Zemplen quartò Idus Septembris: Sacramentis Ecclesiæ ritè procuratus (ad Sacram tamen Eucharistiâ sumendam in Ecclesiâ se deferri jubens, quòd indignum diceret Dominum ad servum venire) & Capistrani, qui nunquam ab ejus latere discessit, hortationibus ad pium transitum roboratus, ac post obitum lugubri carmine lamentatus. Corpus, sicuti legârat, in Transilvaniam delatum ad eandem, quani in Alba-Julia fuudârat.

N. 6. „ Capistranus defuncto Huniade nunquam ampliùs ridere visus, veluti qui triumphante jam victoriæ collega, ipse debità laureâ privaretur; demum ut qui in vita dilexerant se, in morte non separarentur, & ipse in languorem incidens, coronâ donatus est decimò Calendas Novembris; septuagenariò major mortuus ad Villachium diocesis Bombergensis in agro Sirmienfi, atque in Sancti Francisci æde sepultus. Cujus corpus centum circiter post annis, cùm captò per Turcos Sirmio in Zolozianum Monasterium delatum fuisset, ab impio hæretico Francisco Perenio directò Monasteriò, pulsisque Monachis aut cæsis, confractum, & indignis modis profanatum, in profundum puteum projectum est: non sinè divina in Perenium vindicta. „

[3.] Item Ciaconius locò cit.

[4.] Sylvius Histor. Bohem. cap. 65. Item epistola 266. & alii sæpe citati.

[5.] Ex Autographo ipsius.

[6.7. & 8.] Ex literarum monumentis.

D d d

Annus

## Annus Christi MCCCCLVII. Monasterii CCCXIX.

*Pont. Rom.*  
Callistus III.

*Imp. Rom.*  
Fridericus IV.

*Archi-Dux Austriæ*  
Ladislaus Rex.

*Episcopus Pataviensis*  
Ulricus III.

*Abbas Zwetlensis*  
Joannes IV.

**L**adislaus Rex audita Huniadis morte, suadente Ciliæ Comite, in Ungariam rediit. Comiti non minus Huniadis obitus quàm Turcarum confictus cordi fuit, qui sublato Adversariò Ungariam jam sibi parere non dubitabat. Metu igitur vacuus Regem in Albam ducit hostium spolia recogniturum & campos visurum, ubi prælia gesta, ubi barbara castra fuere. Eam urbem Ladislaus Huniadis filius validò præsidio retinebat. Qui venienti Regi purpuratus, togatusque portas aperuit, armorum circiter quatuor millia ab ingressu prohibuit. Quod ægrè Comes Ciliensis ferens, Ladislaum apud Regem infensum reddidit. Odium enim, quod in patrem tulit, in filios omne suum convertit. Quæ omnia Ladislaus intelligens, in conventum nonnullorum Ungariæ Procerum eundem advocat, quo diploide vix penetranda ferrò indutò veniente, Corvinus eum proditorem compellat, ipse contrà rebellem Regi suo: inde Comes arreptò ab armigero gladiò Ladislaum petit, ejusque digitos nonnullos amputat caputque vulnerè perstringit. Ladislaus verò & ipse educò gladiò frustrà Comitem loricatum ferit, inde clamore exorto Ungari irrumpunt, defendentemque magnò se animò Comitem, multis consilium vulneribus obtruncant. Cæde perpetratà Regem adeunt, occisum Regni hostem dixere. Rex quamquam vehementer commotus magna virtute dissimulavit, jurèque cæsum affirmavit necessitate exigente. Mox igitur Albà relictà comitante Ladislao Rex Budam petere statuit; inter equitandum ad oppidum Huniadum, Themesvarum vo-

cant, pervenit. Ibi conjunx Huniadis obviam facta est ob mortem mariti lugubri veste induta simul & puellæ pedissequæ. Rex matronam complexus eidem persuasit, ut lugubres habitus pullasque vestes exueret, Joannis animam gaudiis jam frui beatitudinis. Filii autem Huniadis his blandimentis allecti posito metu Regem usque ad Budam secuti sunt, erant hi Ladislaus & Matthias, qui postea Rex fuit, aulamque inprimis æstimati cultique frequentabant. Rex à Consiliariis suis Comitibus cæsi quondam amicis aut sanguine conjunctis permotus, adolèscentes unà cum ipsorum amicis quibusdam Proceribus in ipsa aula sua capi jubet atque in carcerem rapi. De Ladislao sumptum est supplicium, frater ejus in vinculis retentus est. De ceteris captivis suspensum judicium, qui tamen paulò post effractis carceribus evasere. Rex Budæ non diu moratus in Austriam se recepit, Matthiam Huniadis filium cœvum captivum ducens. \* [1.]

Cùm Rex Ladislaus ex Ungaria redisset Viennam, Abbas Joannes eundem accessit, petiit & impetravit confirmari Monasterii sui Zwetlensis privilegia, unde Rex tales exhibuit confirmationis litteras: „ Nos Ladislaus „ D. G. Ungariæ, Bohemiæ, Dalmatiæ, Croatia &c. Rex, Dux Austriæ, „ & Marchio Moraviæ, fatemur & notum facimus præsentium tenore omnibus in perpetuum, quòd ad nos venerit Venerabilis ac Nobis devotus „ Abbas in Zwetl nomine suo & totius „ sui Conventus, & litteras tres seu privilegia obtulerit ab Illustribus „ quondam Principibus Leopoldo & „ Friderico Austriæ Ducibus emanatas, „ Lit.

„ Litteræ primæ Leopoldi prædicti  
 „ Ducis in se continebant, quod ipse  
 „ imitatus Majorum & prædecessorum  
 „ suorum Zwetlensis Monasterii Fun-  
 „ datorum clementiam, omnium bo-  
 „ norum Monasterio donatorum aut  
 „ adhuc donandorum advocatiam sibi  
 „ reservet, quod etiam eidem Claustro  
 „ denuò confirmat, atque in omnibus  
 „ pedagiis ac teloniis suis dicto Mo-  
 „ nasterio jus suum donavit. Datæ  
 „ ab Incarnatione Domini 1201. Lit-  
 „ teræ alteræ ab eodem Leopoldo Du-  
 „ ce datæ in se continent bona illa,  
 „ quæ Hadmarus de Chünring cum  
 „ consensu Offemiæ uxoris ejus, item  
 „ Alberonis, Hadmari, & Heinrichi filio-  
 „ rum, nec non Gislæ filie ipsorum  
 „ Monasterio Zwetlensi dedit, atque  
 „ in iis se ab omni jure proprietatis &  
 „ advocatiæ singuli abdicarunt. Hæc  
 „ bona Dux Leopoldus auctoritate sua  
 „ confirmavit, perpetuum robur ha-  
 „ beant & apud Monasterium mancant.  
 „ Datæ sunt annò Domini 1213. Lit-  
 „ teræ tertiæ à Friderico Duce Austriæ  
 „ & Stirię porrectæ, in quibus bona in  
 „ iisdem litteris suis numerata Mona-  
 „ sterio in Zwetl perpetuò confirmat,  
 „ quæ præfatus Chünringius aliisque  
 „ nonnulli largiti sunt, insuper sibi ad-  
 „ vocatiam reservat, atque etiam Mo-  
 „ nasterio per omnes suas terras libe-  
 „ ram agendi facultatem & per peda-  
 „ gia sua transitum donat. Datæ sunt  
 „ hæ litteræ annò Domini 1234. Item  
 „ Albertus I. Romanorum Rex, cum  
 „ adhuc Dux esset, & ejusdem Ducis  
 „ filii Otto & Rudolphus Duces Aus-  
 „ triæ propatruï magni nostri Felicis  
 „ memoriæ, Monasterio litteras & di-  
 „ plomata sua dederunt, in quibus ei-  
 „ dem libertatem, jus & gratiam super  
 „ advocatia aliisque immunitates, quas  
 „ Monasterio eidem Fridericus II. Ro-  
 „ manorum Imperator, tam in perso-  
 „ nis, quam in bonis dedit aut confir-  
 „ mavit, præsertim quæ in judiciis per  
 „ Monasterii prælibati possessiones præ-

„ fati nostri propatruï magni concess-  
 „ sere, exceptò judiciò sanguinis, ita  
 „ ut si reus mortis in Zwetlensis Clau-  
 „ stri bonisprehendatur, eundem  
 „ ipsius Claustri Præfessus judici com-  
 „ petenti absque rebus cum eo captis  
 „ cingulotenus tradat, quem judex ille,  
 „ cui præsentatur, ita accipere, & prout  
 „ meritis est, pœnâ afficere tenetur.  
 „ Præterea suprâ memoratus Abbas  
 „ Nobis significavit, quatenus ipsis  
 „ Charissimus Dominus ac Progenitor  
 „ Noster Albertus Romanorum, Ungar-  
 „ riæ, & Bohemiæ Rex bonæ memo-  
 „ riæ, cum adhuc Dux tantum esset,  
 „ omnia privilegia, immunitates & li-  
 „ bertates suas diplomate suo confir-  
 „ masset, quod diploma in bello Bo-  
 „ hemico, cum Monasterium dictum  
 „ flamma vorax devastasset, unâ perisset  
 „ & combustum est. Rogavit itaque  
 „ supplex Abbas, ut sibi ac Conventui  
 „ suo præfatorum Austriæ Principum,  
 „ Majorum Nostrorum litteras, diplo-  
 „ mata, libertates, gratias, & jura de  
 „ benignitate Regia renovaremus &  
 „ confirmaremus: Nos igitur &c. „  
 „ [2.] Confirmat ergo Rex privilegia  
 „ non tantum suprâ memorata & ipsi ex-  
 „ hibita, sed omnia & singula Monasterii  
 „ quæcunque extant, tanquam Archi-Dux  
 „ Austriæ & Princeps terræ. Signatum est  
 „ hoc diploma Regium sigillò, quali in  
 „ Austria ipse uti solet. „ Datum Viennæ  
 „ seriâ secundâ ante festum Exaltationis  
 „ S. Crucis, annò Domini 1457. regno-  
 „ rum Nostrorum, Ungarici octavo deci-  
 „ mō, & Bohemici quartò. Ex hoc const-  
 „ stat diplomata Monasterium Zwetlense  
 „ ab Austriæ Principibus tam de familia  
 „ Habspurgica, quam Babenbergica fuisse  
 „ semper defensum, atque exinde injuria  
 „ patet, quam Chünringii postremi super  
 „ advocatia Monasterii movere, quæ à  
 „ Fundatoribus ejusdem familiæ primis  
 „ Monasterio nostro tradita, & à Princi-  
 „ pibus Austriæ suscepta, & hæcenus  
 „ semper custodita fuit.

Joannes Abbas porro laboravit, ut  
 D d d 2 privi-

privilegia Monasterii reformarentur, quæ hæcenus tum ob bellum Austriæ intestinum, cum ob Bohemorum excursiones enervabantur. Adist inprimis Pataviensem Episcopum antiqua petens confirmari privilegia, deinde Principem Austriæ, ut pacis tempore, pace quoque vi privilegiorum suorum frui posset. Hujus præmissi diploma, jam indultum refero Pataviensis Episcopi. Erat Monasterio Zwetlensi ab Archi-Episcopo Salisburgenſi tal certum fundatum, (*vid. Tom. I. ad Annum 1243.*) id per flumina nonnulla usque Cremsbium aut Ipsium deducebatur. Telonia verò erant sequentia: Burckhusii ad Salsam; Braunovæ, Obernbergæ, & Schardingæ, & Patavii ad Oenum, & Lintzii ac Ipsii ad

Danubium; quorum Domini Duces Bavarie, Pataviensis Præful, & Austriæ Princeps. Petiit igitur Abbas Joannes Zwetlensis à moderno Episcopo antiquum renovari & confirmari privilegium de sale sine telonio aut muta (ut ipsi loquuntur veteres) per Oenum sui juris devehendum. Dederat autem Leonardus Udalrici III. Episcopi Pataviensis antecessor Monasterio confirmationem super sale liberè deducendo, in qua Bernardi quondam Episcopi sui prædecessoris similem gratiam inseruit. Has litteras in suis inclusit Udalricus quoque Episcopus, renovans & confirmans indultum antiquum. Datum est privilegium Udalrici Viennæ 31. Januarii annò Domini 1457. Atque hæc de sale.

## ADDITIONES.

\* [1.] Aeneas Sylvius Histor. Bohemic. c. 66. 67. & 68.

Dubravius Histor. Boiemic. lib. 29. „Nul-  
lus magis acerbus casus (*occisò Comite Cilii*)  
„Regi contingere potuit, tam alta in juvene  
tamen animi moderatio fuit, ut summum  
„illum dolorem intra se penitus contineret,  
„mœstitiâque nec in vultu ostenderet, nec  
proderet gemitu; denique non dubitavit  
„(quoniam ita Hungaris videretur) Comitem,  
qui loricatoris inter togatos incedere  
„ausus fuerit, jure cæsum proſiteri &c. „

Gerardus de Roß Histor. Austr. lib. 6.  
„Erant in aula Regis nonnulli, quibus vetus  
cum Cilienſi necessitudo fuerat, multis Cor-  
vinorum potentia gravis & invidiosa vide-  
batur, timentibus, ne si Ladislaus ad gu-  
bernationis munus evehatur, nimis juveni-  
liter dominatione abuteretur. Hi Regis  
animum ad perpetrare cædis vindictam sol-  
licitabant, audax id facinus fuisse, impuni-  
tatem majores illis animos parituram, occur-  
rendum esse Corvinorum potentie, quâ freti,  
ne de regno occupando consilia aliquando  
ineant, cavendum. Inter alios verò Ladislaus  
Garus præcipui nominis vir erat, & cæsi  
Comitis sorore genitus, is etsi, Corvino,  
ut supra diximus, filiam desponderat,  
avunculi tamen cædem agrè ferens, fluctu-  
antem Regis animum ad sumendam de ge-  
nero (qui nondum filiam traduxerat) vin-  
dictam confirmabat. Cum enim Rex ad  
opprimendam fratrum factionem, non satis  
sibi virium adesse diceret, subjecit Garus,

„nihil ob eam rem cunctandum, satis superque  
„præsidii in Giscra esse, qui cum Germanis  
„cruce signatis Pesthi subſtiterat. Itaque  
„persuaso jam Rege Giscram cum militibus  
„accerſiri, & clam in arcem intromitti placuit.  
„Interim Corvini fratres, securi debebant,  
„& officii causâ cum æqualibus subinde Re-  
gem viscebant nihil timentes, & eorum, quæ  
„mater abeuntibus præcepta dederat, parum  
memores. Ea enim materna sollicitudine,  
„sive augurio quodam ducta, multis cum la-  
crymis utrumque monuerat, ne unquam  
„ambo simul in aulam se conferrent. Cum  
„igitur de more in Regiam venissent, occlu-  
sis portis ac militibus ex latebris prodeun-  
tibus, in vincula conjiciuntur. Capti cum  
„illis quotquot aderant amici, qui aut cædis  
„conſcii, aut administri fuisse putabantur.  
„Inter eos præcipui fuere Joannes Varadinus  
„Episcopus, Sebastianus Roſgonius, Ladis-  
laus Canyſa, Paulus Madaratzius, ac alii  
„nonnulli honesto loco nati, ac egregiâ sub  
„Joanne Corvino militiâ functi. Tertio poſt  
„die qui erat duodecimus Cal. Aprilis Ladis-  
laus Corvinus capitali supplicio afficitur,  
„indignantem ac multa in Regem ipsum, ce-  
terosque Proceres convicia jaciente plebe.  
„Varadinus postea intercedente S. Angeli  
„Cardinale vinculis exemptus, ac Strigoni-  
ensis Metropolitæ judicio permiſſus fuit.  
„Reliqui captivi exceptis Matthia Corvino,  
„& Madaratzio nocte quadam effraſtis clau-  
stris evasere. Rex verò, ne quid illi, qui  
„evalerant, molirentur, veritus, reliquos duos  
„secum

secum abducens, Viennam ex Hungaria re-  
versus est. „  
Spondanus hic n. 1.  
Annales antiqui Hungariæ sub Joanne Hu-  
niade & Ladislao Rege.

Thwrocz in Chronica Hungarorum cap.  
58. & seqq. & alii.

[2.] Ex Autographo ipsius seu Diplo-  
mate Regio.

[3.] Ex literarum monumentis.

## Annus Christi MCCCCLVIII. Monasterii CCCXX.

*Pont. Rom.*  
Pius II.

*Imp. Rom.*  
Fridericus IV.

*Archi-Dux Austriae*  
Ladislao Rex.

*Episcopus Pataviensis*  
Ulricus III.

*Abbas Zwettlensis*  
Joannes IV.

**C**allistus III. Pontifex morbo cor-  
reptus intra quadraginta dies, &  
extremò senio confectus moritur Romæ  
in Palatio Vaticano octavo Idus Augu-  
sti. Perfolutis Callisti exequiis, Cardi-  
nales octodecim præsentis Conclave in-  
gressi 14. Kal. Septembris elegerunt in  
Papam Æneam Sylvium Picolomineum,  
Senensem, Presbyterum Cardinalem  
tit. S. Sabine, qui Pius Papa II. appel-  
latus est. Coronationis suæ insignia  
suscepit tertio Nonas Septembris. \* [1.]  
Suscepit Pontificatu historiam Bohe-  
micam hucusque continuatam, sicut  
etiam Austriam suam, sic librum inscri-  
bit, imperfecta reliquit, qui hoc anno  
expirat. Ceterum de eodem Pontifice  
sic prophetavit B. Malachias Hiberno-  
rum Archi-Episcopus: De capra &  
Albergo. Quia Æneas fuit à secretis  
Cardinalibus Capranico & Albergato.

In Austria de conjugē Regi tradenda  
diu agitatum, multæ virgines offereban-  
tur tantum conjugium expetentes. Ve-  
rùm nobilissimo Regi quæ conjungi méri-  
tò posset, nulla dignior visa est Magdalenā  
(*al. Margarethâ*) Caroli Regis Franciæ fi-  
liā, tum propter ætatem convenientem,  
egregiam formam, pudicos mores, tum  
propter sanguinis excellentiam rarāque  
nobilitatem, & Majorum ejus latè  
vulgatam gloriam. Placet Legatos mite-  
tere, qui sponsam petant. De loco  
nuptiis eligendo contentio exoritur:  
Ungari Budam, Australes Viennam,  
Bohemi Pragam tantæ celebritati depu-

tandam ajunt. Diu res trahitur nutante  
Rege. Ob eam causam Georgius Podie-  
bradius cum octingentis expeditis equi-  
tibus in Austriam usque ad Danubium  
proficiscitur, atque eò Regem deducit,  
ut Pragæ nuptias suas celebrare conclu-  
dat. Ordinatis igitur Austriæ rebus,  
Rex Pragam petit, ubi à Rochezana hæ-  
retico cum sacrilego presbyterorum co-  
mitatu primùm exceptus vix gratias egit,  
torvo vultu eum cum clero suo respici-  
ens: Canonici verò majoris Ecclesiæ  
obviam factus, de equo desiliens consula-  
tatis omnibus reverenter, sacram Cru-  
cem osculatus est. Inde duæ legationes  
missæ, altera ad Fridericum Imperatorem  
de pace actura, in qua Princeps fuit Eit-  
zingerus; altera ad Carolum Franciæ Re-  
gem, ejus filiam petitura. In hac primas  
partes gessit Ulricus Pataviensium Præsul,  
quem tradunt octoginta equos albican-  
tes duxisse. In ea legatione septingenti  
equites profecti sunt, quadrigæ auratæ,  
matronæ ac virgines quadringentæ splen-  
dido apparatu, quæ sponsam ducerent:  
vestes præterea donaque tantò matrimo-  
niò digna missa sunt. [2.] Ladislao  
autem 10. Calendas Decembris horā cir-  
citer duodecimā noctis ægrotare cœpit,  
atque post sex & triginta horas extinctus  
est. Corpus defuncti in sinu proavi sui  
Caroli IV. Romanorum Imperatoris se-  
pultum. Mortem ejus alii morbo, alii  
veneno imputavere. [3.] Medici  
Teutones in Austriam reversi palam di-  
xere, in Rege ægrotante manifesta mor-  
tis ac veneni signa comprehendisse, ne-

E c c

que



que ausos in aliena terra manifestare quæ viderant: Regi tamen clam aperuisse omnia, respondisse illum, non ignorare toxicum datum, silentium imperasse, ne Regiæ morti suam adjicerent. Senatus Viennensis ubi vulgari eam famam animadvertit, medicorum sermonem prohibuit, ne Bohemorum adversus se ferociam provocarent. [4.] „Mortuò & conditò Ladislao, ubi dies comitiorum novi Regis creandi advenit, affuerunt plurimi regni competitorum: Carolus Rex Franciæ pro uno filiorum suorum, aut marito sponsæ defuncti Ladislai futuro regnum petebat. Casimirus Poloniæ & Guillelmus Saxonie Dux nomine conjugum suarum, quæ erant Regis mortui sorores. Fridericus Imperator ejusdem Regis ordinationem suam esse affirmabat, in qua feudi solennia neglecta fuissent. Sigismundus verò & Albertus Austriæ Duces sine spe non erant, qui deficiente Rege Bohemie sine virili sobole ex Austria vocandum veteri foedere Principem norant. Verum his omnibus sepositis Georgius Poggiebradius Rex pronuntiatur, militiæ domique apprimè clarus, cui ad res gerendas nec consilium nec ætas decisset. [5.] Huc usque Sylvius, & finit suam Bohemiam. De regno Ungariæ mihi quoque dicendum foret, quis illud hæredum obtinuerit, verum cum mei instituti non sit longioribus periodis id tractare, paucis expediam. Mortuò Ladislao, qui secum Viennam Matthiam Corvinum Huniadi filium captivum deduxerat, ibique sub custodia firma tenebatur, Georgius Podiebradius electus Bohemie Rex detractò Ladislai annulo nomine illius litteras Viennam dirigit, Matthiamque Pragam vocat, quo illum adducto & nihilominus bene custodito, interea Proceres Ungariæ coeunt, Regem-

que opera & contentione Michaelis Zylagii avunculi Matthiam declarant: Georgius facti illius inscium mensæ suæ adhibet, Regemque Ungariæ salutat, eique genero adoptato filiam suam formam elegantem despondet. Inde comitatus eum usque ad fines Moraviæ splendide in regnum suum abire finit. Hic Matthias Austriacis postmodum multa & magna damna intulit, Viennamque ipsam potitus est. [6.] De Austria controversia inter hæredes exorta est, qui erant Fridericus Augustus, Albertus VI. ejus frater, & Sigismundus Tirolensium Princeps utriusque patruelis; Albertus enim Austriam ad se trahere totis viribus nitebatur, Sigismundus miti & placido ingenio facile quiescebat, Fridericus autem primogenitorum suorum jura fortiter defendebat. Igitur provincia nulli legitimo commissa Domino iterum latrocinii, furtis ac rapinis crudelius quam unquam antea vexari coepit, Udalricus Eitzingerus, Michael Burggravius Magdemburgicus, Wolfgangus à Waltsee, Bernardus Schaumbergicus, & alii quidam Proceres à Principibus impetrarunt, ut sibi potestas gubernandæ Austriæ traderetur, quoad proximus Ordinum conventus concordiam inter ipsos stabiliret. [7.]

Porro Balthasar de Chünring Dominus in Seveld scribit Joanni Abbati in Zwettl illum rogans, quatenus pauperem quandam in Hospitale Monasterii Majorum suorum fundationem ad suam præsentationem suscipere velit. Datum in Seveld annò Domini 1458. feriâ sextâ ante Pentecosten. Fuit hic Balthasar filius Georgii Marschalci Austriæ, nepos Nitzonis, & Schetsonis pronepos; uxor ejus Elisabetha filia Nicolai de Liechtenstain in Muraw ex Stiria: liberi eorum Joannes Chünringius, Ehrentudis Jacobo de Arberg ejus familiæ ultimo nupta, & Anna. [8.]

ADDI.

## ADDITIONES.

\* [1.] Ciaconius in Callisto III. & Pio II.

PP.

Spondanus hic n. 7. „ Pontificis autem  
„ Callisti molitiones in Ferdinandum (*filium  
„ ex obliquo Joannis Ferdinandi Regis Aragonia  
„ & ab hoc haredem Regni Neapolitani institutum*)  
„ ejus obitu dissipatæ sunt; qui contigit Ro-  
„ mæ octavo Idus Augusti, extremò propè  
„ ipsius senio, nempe ætatis annò octogesimo,  
„ cum sedisset annos tres, menses quatuor, mi-  
„ nùs tribus diebus, ac morbum quadraginta  
„ dies pertulisset. - - - Sepultus est autem  
„ in Sacratio S. Petri marmoreò tumulò: re-  
„ lictis centum & quindecim (ut Platina, seu,  
„ ut Antoninus, centum & quinquaginta)  
„ millibus nummùm aureorum in usus belli-  
„ cos contra Turcos. „

N. 9. „ Finitis Callisti exequiis decima  
„ die post ejus obitum de more octodecim  
„ Cardinalibus tunc Romæ existentibus con-  
„ clave ingressis; tertia pòst die, nempe de-  
„ cimò quarto Calend. Septembris electus  
„ est ei successor frequentissimè superiùs no-  
„ minatus Æneas Sylvius Bartholomæus (tri-  
„ nominis enim fuit) patriâ Senensis è pago  
„ Corsiniano, duo & viginti circiter millibus  
„ Senis distante, ubi fundi gentilitii erant;  
„ patre Sylvio Piccolomineo, matre Victoria  
„ Fortiguerra, nobili sed tenuiori prosapia;  
„ Presbyter Cardinalis tit. S. Sabinae per omni-  
„ um dignitatum gradus ad munus Aposto-  
„ licum evectus, literis, eloquentia, dexte-  
„ ritate, & prudentia nulli Secundus. - - -

Qui nomine Pii II. suscepto, & symbolo:  
„ *Protektor noster aspice DEUS, & respice in  
„ faciem Christi tui*; coronationis insignia -  
„ suscepit tertio Nonas Septembris, annos na-  
„ tus quinquaginta tres. De cujus matre  
„ tradunt; cum per quietem visa sibi esset in-  
„ fantem cum mitra parere, veritatem ne somni-  
„ um illud puero & familiæ ignominiam por-  
„ tenderet (quòd solerent mitræ chartaceæ  
„ supplicio afficiendis imponi) nunquam po-  
„ tuisse hujusmodi suspicionem deponere,  
„ quousque intellexit filium Tergestinum Epi-  
„ scopum designatum fuisse. Confestim verò  
„ post coronationem scribens de sua assump-  
„ ptione literas, orationes omnium Christia-  
„ norum humiliter flagitavit: ut videre est ex  
„ iis, quæ datæ reperiuntur pridie Nonas  
„ Septembris ad Universitatem Parisiensem. „

[2.] Æneas Sylvius Histor. Bohem. c. 69.

Bohemia Pia lib. 2. „ Erat Rex magni  
„ animi, optimorum consiliorum & multa  
„ pro tuenda Republ. Christiana, Turcisque

„ evertendis secum cogitabat: sed incertæ va-  
„ næque cogitationes hominum. Dum in-  
„ signes Oratores cum muneribus splendidis  
„ in Galliam pro sponsa Margaretha Regis  
„ Galliæ filia mittit, ea nuptias solennes ap-  
„ parat: quadam die tristis & illacrymans cer-  
„ tam sibi mortem instare dixit interrogatus.  
„ Et licet fuerunt, qui consolarentur, & licet  
„ cum purpuratis solito more canârît, iturus  
„ cubitum rapulas comedit, ex quibus dolo-  
„ rem sine somno sensit, nihil ampliùs me-  
„ dicis proficientibus per totam noctem, do-  
„ nec post sex & triginta horas, quàm ægro-  
„ tare cepit, innocentem animam Deo Opt.  
„ Max. offerret. Sed et ipse Georgius priùs  
„ convocatus, percunctari ex Rege quid do-  
„ leret, quid morbi esset, spem bonam præ-  
„ bere, ne sibi ipsi deesset, hortari, peteret,  
„ quæcunque vellet, omnia in arbitrio suo  
„ posita, mandaret parere cupientibus. Ad  
„ quem Rex tua mihi Georgi jam pridem  
„ cognita est fides, spectatâque virtus, per te  
„ Bohemus usque in hunc diem me Regem  
„ appellavit. Speravi me potiturum regnò,  
„ quod ipse paraveras: nunc contrà jubent  
„ Superi. Mihi moriendum est, Regnum in tua  
„ manu erit. Duo ex te peto: alterum, uti pro-  
„ vinciales justè regas, pupillis, viduis, imbe-  
„ cillibusque rectum judicium patrociniùm-  
„ que ne subtrahas: alterum, ut qui me  
„ secuti sunt ex Austria, cæterisque pro-  
„ vincijs, in patriam suam inviolatos remit-  
„ tas. Hoc mihi supremum beneficium ne  
„ deneges. Præmaturas Regis cogitationes  
„ Georgius esse respondet: Futurum brevè  
„ sospitem, ex suo arbitrio regnaturum, de-  
„ sineret ea proloqui, quæ & sibi incommoda  
„ & alijs forent molesta: Tum Rex appre-  
„ hensâ manu. Age, inquit, promitte, quod  
„ cupio, nam me mori certum est. Si fece-  
„ ris, quæ jubeo, Deum propitium tibi red-  
„ dam. Neque enim ita vixi, ut cælum mihi  
„ negari putem: pro cælestibus terrena re-  
„ linquo: tu cave postularis adverteris. Non  
„ potuit tenere lachrymas Podiebradius,  
„ deditque fidem se facturum, quod Rex im-  
„ perâisset. Finito sermone, intromissis Sa-  
„ cerdotibus, de curatione animæ actum,  
„ Christiana more Sacramenta exhibita. Rex  
„ ornamenta sua Ecclesiæ Prageni legavit,  
„ jussitque crines in auri modum fulgentes,  
„ ne qua superesset vanitas, amputari. Id  
„ ministri causas moræ vertentes neglexere.  
„ Ubi anima ægra ampliùs demorari non po-  
„ tuit, sacram candelam petiit, càmque ma-  
„ E c c a „ nu

„ nu prehendit, & intuens Salvatoris imagi-  
 „ nem Crucifixi, Orationem Dominicam di-  
 „ cere orsus, ad finem usque perduxit: pro-  
 „ nuntiatisque ultimis verbis: *Sed libera nos à*  
 „ *malò*, nihil ampliùs locutus, non extrema  
 „ pati, sed quietem arripere visus, mortalis  
 „ vitæ lumen reliquit. Ego cùm haberem sub  
 „ custodia mea corpora Imperatorum, Re-  
 „ gùmque mortuorum, dum nova Cæsarea  
 „ sepultura in Templo Metropolitano con-  
 „ strueretur, & Serenissimus Maximilianus  
 „ Archi-Dux Austriæ Ordinis Militum Theu-  
 „ tonicorum Supremus Magister, &c. videret  
 „ Ladislai corpus integrum, & ex omni parte  
 „ incorruptum, etiam quoad vestimenta sacra,  
 „ quibus indutus erat, caligas item & calceos,  
 „ ungues excrevisse, & per me brachium Ladis-  
 „ lai moveri sine ulla difficultate, quæreret ex  
 „ me de tempore & causa mortis suæ, respondi  
 „ mortuum annò millesimò, quadringentesi-  
 „ mò, quinquagesimò septimò, causam verò  
 „ mortis Bohemos asserere rapulas superdictas.  
 „ Ad quæ bonus Princeps post paucum silen-  
 „ tium & suspirium respondit. Deus in illo ex-  
 „ tremo iudicio declarabit, quæ causa fuerit. „  
 „ Dubravius Histo. Boiemie, lib. 29. prope  
 finem.

Gerardus de Roó lib. 6.

Spondanus ad annum præcedentem n. 10.  
 „ Cùm appropinquaret ingenti apparatu die  
 „ festo S. Michaelis, fine Septembris egregius  
 „ ac generosus adolescens Pragæ (annos  
 „ tantum natus decem & octo) &c. - Missæ  
 „ inde legationes ad Imperatorem de pace,  
 „ ad Carolum Francorum Regem pro filia ejus  
 „ adducenda, ad Callistum Papam pro con-  
 „ troversis de Religione dirimendis, regnò-  
 „ que Boëmiæ Romanæ Ecclesiæ ex integro  
 „ conjungendo: eratque quarta cura de com-

„ parando contra Turcos valido exercitu:  
 „ Cùm hos tantos cogitatus, has pulcherri-  
 „ mas institutiones, tantum rerum Ordinem &  
 „ apparatus immatura & repentina mors Re-  
 „ gis interrupit; quæ seu ex ulcere pestifero in  
 „ inguine, seu ex intempestivo rapularum, quæ  
 „ apud Boëmos dulcissimæ sunt, multa nocte  
 „ esu, ut nonnulli jactarunt, seu, ut commu-  
 „ nior fuit opinio, venenò ei à Podiebracio  
 „ & Rockysana præbitò, vel etiam, ut apud  
 „ Michovium reperimus, ab Ulrico Eyzingero,  
 „ de quo aliàs; contigit 9. Calendas Decem-  
 „ bris triginta & sex horis postquam ægro-  
 „ tare cæpisset &c. - - - Nonnulli cùm mor-  
 „ tem Ladislai in annum sequentem ( *nobis*  
 „ *presentem* ) referunt, falli eos certissimum  
 „ est. „

Idem ad hunc ann. n. 1. „ Annò Christi  
 „ 1458. Indict. 6. tam in Austria & Hungaria  
 „ quàm Boëmia laboratum est in succedore  
 „ dando Regi Ladislao ad finem anni præte-  
 „ riti defuncto. „

Item Hagecius disertè ait Legatos pro-  
 „ sponis in Galliam missos, mortemque Ladis-  
 „ lai contigisse annò 1457.

Verùm his non attentis aut non visis Com-  
 „ pilator textus nostri contendit Regem Ladis-  
 „ laum hoc, & non præcedenti anno è vivis  
 „ excessisse, secutus Dubravium, de Roó, & vel  
 „ maximè Chronicon MS. nostrum, cui multum  
 „ fidei tribuit, ad annum sequentem relatum.

[3. 4. 5.] Æneas Sylvius suprà cit. cap.  
 70. cap. 71. & cap. 72.

[6.] Gerardus de Roó ubi suprà.

Annales Ungarorum antiqui præter alios  
 suprà dictos Authores.

[7.] Item Gerardus de Roó loc. cit. &  
 Piespordius in Alberto VI. Prodigo.

[8.] Ex Autographo ipsius.

## Annus Christi MCCCCLIX. Monasterii CCCXXI.

Pont. Rom.

Pius II.

Imp. Rom.

Fridericus IV.

Arch-Dux Austriae

Idem Fridericus.

Episcopus Pataviensis

Ulricus III.

Abbas Zwetlensis

Joannes IV.

**P**ROCERES Austriæ cùm viderent Prin-  
 cipes suos cogitare ea quæ belli  
 sunt, ipsorum animos in concordiam  
 redigere omni studio conantur, nihil  
 tamen efficere potuerunt. \* [1.] Fue-  
 runt præcipui ex quovis Statuum Ordine  
 octo lecti sequentes inter eos arbitri:  
 „ Ex Ecclesiasticis, Præpositus D.

„ Stephani Viennensis. Abbas Mellicensis,  
 „ Gotvicensis, Campi-litiorum, S. Cru-  
 „ cis, Cellæ-Mariæ, Lambacensis, &  
 „ Prior Maurbacensis. Barones, Ge-  
 „ orgius Puechaymius, Albertus Poten-  
 „ dorfius, Georgius Chünringius, Ul-  
 „ ricus Stahrenbergius, Albertus Eber-  
 „ storfius, Georgius alter Potendorfius,  
 „ Vitus

„ Vitus alter Eberstorffus, Georgius  
 „ Struno. Equites, Nicolaus Druch-  
 „ sessius, Sigismundus Eitzingerus, Ber-  
 „ nardus Tahenstainerus, Christopho-  
 „ rus Pottingerus, Sigismundus Fri-  
 „ tzenstorffus, Georgius Sawfenecke-  
 „ rus, Wolfgangus Missendorffus,  
 „ Wolfgangus Oberhaymius. Civi-  
 „ tates, Jacobus Starchius Consul,  
 „ Oswaldus Reicholfus, Christianus  
 „ Wisingerus, Ulricus Cramerus, Vi-  
 „ ennenses omnes. Petrus Wolckius  
 „ de Corneoburgo; Michaël Marck-  
 „ feldius Tullensis; Ipferus Stainen-  
 „ sis; Rupertus Lincensis Judex. [2.]  
 „ Cùmque Principes Viennam venis-  
 „ sent, Imperatori privatæ Petri Straf-  
 „ feri ædes, Alberto Pragensis domus,  
 „ Sigismundo Laurentii Heydemi do-  
 „ mus hospitia præbuere. Arx Vien-  
 „ nensis propria Principis Sedes pro-  
 „ vincialium firmò præsidio tenebatur,  
 „ nulli aperienda, priusquam inter ipsos  
 „ convenisset. Conventu Procerum  
 „ deinde coactò res proposita est à par-  
 „ tibus, verùm in alium & alium con-  
 „ ventum semper prolata. Inter hæc  
 „ Matthias Ungariæ Rex Legatos Nea-  
 „ polim ad Imperatorem mittit, qui sa-  
 „ cram regni coronam, eaque loca,  
 „ quæ ab illo tenebantur, repeterent,  
 „ reddere nolenti bellum denuntiarent.  
 „ Verùm Proceres plerique Zelagii fa-  
 „ ctioni adversantes Ungariæ citerioris,  
 „ contrarium Cæsari suadebant, eum-  
 „ que Regem elegere, eique fidem,  
 „ opesque, militem item ac comea-  
 „ tum se daturus pollicentur. Sunt  
 „ qui Fridericum ab illis Neapoli Regem  
 „ Ungariæ creatum, atque ea de causa  
 „ tam illic, quàm Viennæ supplicatio-  
 „ nes publicè habitas meminere. Ad-  
 „ firmat idem Nicolaus Langmannus  
 „ Friderici Sacellanus, notatque Fri-  
 „ dericum uti ante septennium Romæ,  
 „ eo die, quo canitur Lætare Hierusa-  
 „ lem, Imperii: ita tunc eodem die  
 „ regni Ungarici coronam suscepisse,

[3.] Hæc ex manuscriptis Gerardus  
 supra citatus referre se fatetur. „ In-  
 „ terea Matthias Corvinus Rex Simo-  
 „ nem cognomentò Magnum in Un-  
 „ gariam Superiorem & Austriæ fines cum  
 „ exercitu ablegat, cui à Friderico op-  
 „ ponitur Udalricus Graueneggerus,  
 „ cui se Nicolaus Vilachus Croatiae Dy-  
 „ nastæ & alii conjungere. Verùm  
 „ Teutonica virtute repulsi Ungari vi-  
 „ cti campum reliquere, victoria tamen  
 „ incruenta non fuit. Nascitur sub  
 „ idem tempus Friderico filius 22. Mar-  
 „ tii, cui Maximiliani nomen datum,  
 „ puer sacri Baptismi undis tinctus à  
 „ Sigismundo Volckendorffo Salisbur-  
 „ gensi Præfule. Interea Matthias Rex  
 „ Fridericum denuo leniter tentat de  
 „ restitutione coronæ, cui spes de ipsa  
 „ assequenda facta fuit. Induciæ in-  
 „ terim firmæ servari jubentur. Ve-  
 „ nerat rursum Cæsar Viennam, ibique  
 „ inter ipsum & fratrem Albertum no-  
 „ væ discordiæ oriuntur, quas ægrè  
 „ admodum composuere Proceres.  
 „ Tandem eò res deducta fuit, uti Cæ-  
 „ sari Austria Inferior usque ad Anasum  
 „ relinqueretur, ea verò regio, quæ  
 „ supra Anasum est, Alberto cederet,  
 „ Sigismundo Superior Carinthia Ti-  
 „ rolli contermina traderetur, in arce  
 „ Viennensi suum quisque hospitium  
 „ seorsum ab aliis haberet. Circa Ju-  
 „ lium Fridericus Neapolim rediit, Al-  
 „ bertus autem inquietus Austriam in-  
 „ tegram cupiebat fratre Cæsare exclu-  
 „ so, & ad hoc etiam antea propensum  
 „ Conradus Fraunauerus seditiosis vo-  
 „ cibus exstimulabat, quæ res maxima  
 „ belli civilis incendia excitavit. Pro-  
 „ ceribus itaque quibusdam sibi asso-  
 „ ciatis, insuper de Bohemiæ Rege in  
 „ societatem vocando consilia agitabat.  
 „ Id improbant Udalricus, Step-  
 „ hanus, Oswaldus & Sigismundus Eitzin-  
 „ geri reliquò Albertò Cæsaris partes se-  
 „ cuti sunt. „ [4.] Hæc quidem  
 Gerardus; Struno tamen se ex actis Fri-  
 derici habere affirmat, Regem Bohemo-  
 rum

rum Alberto auxilia misisse, ac demum ipsum venisse armatum, non contra Cæsarem, sed contra Eitzingeros, qui arma in Albertum majora pararent, quam ipse putabat. „ Viennam autem advolans Albertus Udalricum ex Eitzingeris primum, omnia dissimulans, ad colloquium vocatum capi jubet, ac in Austriam Superiorem secum ducit. Unde ceteri ejusdem familiæ concitati, Austriæ præfatæ agrum populabundi percurrant, Bohemi insuper Procere vocati cum auxiliis jam adveniant. Bohemi ad quinque hominum millia carrorum objectu se munientes aperto Marte congressi detestabant, & retrogredientes, Albertus Laam usque infecurus castra ibi metatur. Cum verò Regem majore cum exercitu adventare rumor esset, Corneoburgum rediit, & præsidio illic collocatò, Viennam secundo fluvio descendit. Inter hæc Bohemi Rex in Austriam progressus castra prope Cremsium habebat. A Cæsare monitus, ne in se Austriæ Dominum nihil in ipsum molitum arma injusta contra fœdera ferret, ille acceptis conditionibus Austriâ relicta domum rediit. Friderico deinde laborante inter Albertum fratrem & Eitzingeros pacem componit, liberatque Udalricum, ut in Strattendalium arcem Eitzingerorum liberè restituatur, aliâque, quæ in bello capta sunt, reddantur. „ [5.] Hæc omnia ex Gerardo.

Quidam anonymus MS. Author Abbas aut Monachus Zwetlensis obitum Ladislai in annum suum rejicit, atque inde secundum mentem Scriptorem res alias anno isto gestas sub uno quasi fasciculo comprehendit, cujus verba ista sunt: „ Annò Domini 1458, in die S. Clementis Nobilis & Inclytus Ladislaus Rex Ungariæ & Bohemiæ; Dux Austriæ & Marchio in Moravia interfecit (venenò sublatu per Podiebradium & Rochezanam, ut rumor erat) est à perverfis & nefandis hæreticis in

„ civitate sua Pagraß (*Praga*) non in prælio, sed dolose & in occulto, in cubiculo suo. Unus magnus planctus factus fuit in universis regnis, unde factum est sequenti anno, quòd quasi tota terra Austriæ devastata est per Bohemos, & multa castra sunt destructa, & villæ succensæ sunt igni. Et magna Karistia (*annonæ caritas*) secuta est per totam Austriam, ita quòd una metreta siliginis vendebatur pro sex solidis denariorum, & magna persecutio facta fuit in Clero, & præsertim Monasteriorum „ [6.] Hucusque ille. Verum recurrendum est ad suprâ dictas belli Bohemici causas, quòd non propter vulgatos hos sermones Bohemi in Austriam excurrerint, sed in auxilium vocati ab Alberto Principe contra Eitzingeros sibi adversantes, qui per Austriam potentes multa castra & ditiones habebant. De Bohemorum & Eitzingerorum devastationibus litteræ post subjungendæ plura dicent. De annonæ quoque caritate facit mentionem Struno, sed causam dat monetæ novæ multumque valenti, de qua anno sequenti dicam; denique devastationis pedissequa plerumque solet esse agrorum nuditas & rerum caritas, sic quoque tunc potuit evenisse. Ceterum litteræ quædam annum quidem præcedentem respicientes misissæ sunt Cistersdorfio Viennam, quæ nova sequentia ferebant: „ F. Nicolaus Senginger Monachus Zwetlensis, Plebanus in Cistersdorf scribit Ulrico Chlem de Dieppach, qui eum ad se Viennam vocaverat, nova talia: „ Eytzingeri cœperunt Valckenstainnam, inde deprædantur Austriam, præsertim agros circa Cistersdorfum devastant, quoniam illud castrum à Cistersdorfio duobus & dimidio miliaribus distare fertur. Prædatur etiam in eodem territorio quidam Nedwenco dictus, & quotidianum velut hostis in conspectum mœnium educit, mellores capit, obvios spo-

„ liat,

„liat, armatos cædit, & oppidum Thabor vetus dictum in Ungariæ limitibus situm præsidio munivit, qui uno quoque milliari à Cistersdorfio castra metatur. Rex item Bohemiæ fertur habere exercitum quinque millium virorum, cujus statio est in Wisternitz & Teyntz, & dicitur Cistersdorfum cum castro & omni dominio ibidem petiturus, idque invadere, nî dedatur, ferro & igne, donec in suam redigat potestatem. Unde ci-ves hîc præmoniti sunt, ut diligenter vigilent, omniâque ad defensionem parent, cùm ipse post tres aut quatuor dies civitatem sit obsessurus, qui quatuor tantum milliariibus inde abest. Hinc Plebanus præfatus excusat se non posse venire Viennam, cùm sit velut Simius in cavea inclusus. Datum in Cistersdorf feriâ quintâ post Jacobi, annò 1458. „ [7.] Ubi ait Bohemum quinque millium virorum in Austria habere (*exercitum*), sciendum absque Rege illos fuisse Proceres, qui Alberto Principi usque ad Laam eos infecuto pugna copiam facere volebant, usque dum cum Rege suo, cujus adventum rumor prævenerat, conjungerentur. Qui deinde adveniens non ad Cistersdorfum descendit, sed ad Cremsbûm ascendit, ibique terram circumquaque devastavit, unde postea annonæ caritas secuta fuit. Reperi in Gerardo, quæ erat ratio tumultûs Austriæ, quem litteris suis Viennam nuntiavit Plebanus Cistersdorfensis: „ Milites quippe, *ait Gerardus*) „ atque ex his Bohemi præcipuè, quorum operâ Albertus usus erat, ob stipendia integrè non soluta per provinciam latrocinia passim exercebant, ac subditis undique damna inferebant gravissima, quos contrâ ci-ves & rustici ex locis circumvicinis eduçti mille & quingentos ex eis capiunt, cæteris suis fugatisque. Erant insuper in ea Austriæ parte, quæ Marchæ-Campus vocatur, pagi ali-

„ quot, quos Cæsar tutor adhuc Ladislai Eitzingerò dederat, hos ille fidei Sacramentò obligatos habebat, „ Egrè eam rem ferebant ex Ordinibus nonnulli, contra libertatem id esse factum dicentes. Multi præterea ditiones quasdam & prædia tenebant, super quibus diplomata à Ladislao sibi concessa ostendebant, „ Ea Cæsar irrita esse volebat, quæ Ladislaus nondum sui potens, nec crederet, nec ordine fecisset. „ [8.] Hæc Gerardus; unde Eitzingeri commoti Valchenstainam occupârunt Cæsareanos ubique devastantes, cujus partes sequebantur Potendorfii, ad quos castrum Cistersdorfense unâ cum civitate pertinebat, qui per Præfectum illud gubernabant. Demum in monumentis litterarum Monasterii sequentia quoque reperiuntur: „ Annò Domini 1459. „ quintâ, (*scilicet feriâ*) in die Cœnæ „ post Benedicti, (*scilicet festum*) vel 21. „ die Martii, Leonaria (*Leonora*) filia „ Regis Portugalliæ, Imperatrix, Friderico Imperatori Regi Ungariæ, „ Duci Austriæ peperit secundum filium Maximilianum, baptizatus per „ Episcopum Salzpurgenssem Volckerstorfer. „ [9.] Notandum hîc Fridericum Imperatorem vocari Regem Ungariæ, unde verum erat ipsum talem creatum fuisse, uti suprà scripsi.

Dum hæc in Austria geruntur, Ordo Cisterciensis apud Pontificem Romanum Pium II. sollicitat & impetrat notabile privilegium, suam exemptionem confirmans, quod incipit: Pius Episcopus Servus Servorum &c. Datum Mantuæ 7. Calendas Augusti, annò Domini 1459. Pontificatûs autem sui annò primò. [10.] Erat tunc Mantuæ Pontifex, ibique Conventum Principum celebravit, in quo de expeditione in Turcas actum est. [11.]

Porro cùm Monasterium Zwettlense ratione Parochiarum suarum in territorio Weitraçensi sitarum, nimirum in Schöenaw & Schweickarts, vexaretur,

F f f 2

sup-

supplicatum ab Abbate Friderico Imp. fuit, quatenus illud hac de molestia liberaret, unde tale diploma largitus est: „ Fridericus Romanorum Imperator „ semper Augustus, Ungariæ, Dalmatiæ, Croatiæ Rex, Dux Austriæ, „ Stirie, Carinthiæ, Carniolæ, Dominus Marchiæ & Portûs-Naonis, „ Comes Habspurgi, Tirolis, Phyrdt, „ & Kyburg, Marggravius Burgoiæ, & „ Landgravius Alfatæ confirmat Plebanorum omnium in Dominio Weitracensi residentium privilegium, quod illis Archi-Dux Austriæ Albertus V. antequam Rex Romanorum fieret, donavit, & in se continet, nè ullus omnino Capitaneus seu Castellanus, aut Præfectus, seu quocunque nomine vocetur, domini in Weitra relicta Plebanorum prædictorum defundorum bona jure aut nomine domini Weitracensis conscribere, aut sibi attribuere jure patronatûs audeat, sed illa vel ex testamento cedant legitimis hæredibus, aut ipsis Ecclesiis usveniant. - - „ Datum in Weitra feriâ quintâ post Assumptionem, annò Domini 1459. „ Imperii autem sui octavò, & regnorum Romani vigesimò, & Ungarici primò. „ [12.] Notandum in hoc diplomate ipsius, seipsum vocare Ungariæ, Dalmatiæ, Croatiæ Regem, quoniam electus & coronatus erat in Regem à quibusdam Proceribus illius, ut supra scripsi.

Non solum autem Abbas Zwetlensis apud Imperatorem laboraverat, cui Austria Inferior erat adjudicata, sed etiam antea impetravit ab Alberto, qui

Ducatum Austriæ prætendebat, privilegiorum suorum confirmationem. Unde tale diploma Principis accepit: „ Albertus Archi-Dux Austriæ, Dux Stirie, Carinthiæ, & Carniolæ, Comes Tirolis, &c. confirmat privilegium „ datum à Ladislao Rege felicis recordationis patruæ suo super sales Monasterii per Danubium & terras suas liberè, sine censu telonii deducendos. „ Datæ in Lintz, feriâ quintâ post festum Georgii, annò Domini 1459. „ [13.] Sciendum Albertum hunc VI. Prodigum cognomentò, Friderici Imperatoris fratrem, Austriam Superiorem sortitum in Lintzio residentiam suam habuisse. Ubi sales nostri Monasterii in Danubio navibus erant deducendi.

Vendidisse Joannem Abbatem in Zwetl curiam in Gundrambsdorf sitam litteræ quædam ejusdem declarant. Quorum est datum annò Domini 1459. in die S. Viti. [14.] Coactus vendidit, cum Monasterium debitis pluribus gravatum extiterit, eaque de re forsan à Capitulo Generali licentiam obtinuerit, cum nunquam ea curia ad Monasterium redierit.

Fuit tunc temporis in Zwetlensi oppido Decanus & Plebanus Gregorius Talheimerus, cujus cooperatores in spiritualibus vocantur Nicolaus Cespeckh & Joannes Rewß presbyteri, inter Abbatem & eos commissio quædam instituta est. Datum in oppido Zwetl feriâ secundâ, quæ incidit in 24. Septembris, annò 1459. [15.] Hæc ob notitiam vicinitatis.

## ADDITIONES.

\* [1.] Gerardus de Roó Histor. Austriac. lib. 6.

[2.] Struno in Annalibus suis Superior. Austriæ.

[3. 4. 5.] Gerard. loc. supra cit. Spondanus ad hunc ann. n. 2. „ Ibidem „ (Senis) receptis Friderici Imperatoris Regumque Henrici Castellæ, Matthiæ Hungariæ, Alphonsi Portugalliæ, & Georgii

„ Boëmiæ &c. - - Oratoribus, qui Christi Vicarium pro veteri more adoraturi advenunt: cum indignè ferrent Imperiales, „ Matthiam Hungariæ Regem à Pontifice „ appellatum fuisse, cum ipsum Imperatorem „ Barones Regem supra se elegerint, Pontifex injustam querelam esse dixit, quando „ mos esset Apostolicæ Sedis eum Regem „ appellare, qui regnum tenebat, & prior „ ante

„ ante se Callistus Marthiam Regem appel-  
 „ läset. „

[6.] Chronicon MS.  
 [7.] Ex litterarum monumentis.  
 [8.] Gerardus de Roß Histor. Austriae,  
 lib. 6. in fine.

[9.] Annotationes Reuchwein civis Vi-  
 ennensis, qui hoc anno obisse conjicitur.

Hundius in Metropol. Salzburg. sub iis-  
 dem Archi-Episcopis in Sigismundo. „ Si-  
 gismundus Primus à Volckenstorf, Präpo-  
 „ situs Salisburgensis fit Archi-Episcopus annò  
 „ 1452. - - Maximilianum Regem & Ge-  
 „ orgium Ducem Bavarie è sacro fonte le-  
 „ vavit. „

[10.] Ex litteris Pontif.  
 [11.] Ciaconius in Pio II. „ Mantuum  
 „ postremò undequaque ventum est; magnus  
 „ aderat Principum numerus, magna Lega-  
 „ torum vis; ex tota enim Europä nulla na-  
 „ tio, gens nulla fuit, quæ non aut Princi-  
 „ pes, aut Legatos eò miserit. Actum de-  
 „ nique est in illo celeberrimo conventu,  
 „ Pio ipso dicente, ut bellum communi omni-  
 „ um decreto Turcis indiceretur: dictæ sen-  
 „ tentiæ, qua id ratione geri posset, pro-  
 „ positum periculum, quod cervicibus Chri-  
 „ stianorum immineret. „  
 [12. & 13.] Ex Autographis ipsorum.  
 [14. & 15.] Ex litterarum monumentis.

Annus Christi MCCCCLX. Monasterii CCCXXII.

Pont. Rom.  
 Pius II.

Imp. Rom.  
 Fridericus IV.

Archi-Dux Austriae  
 Idem Fridericus.

Episcopus Pataviensis  
 Ulricus III.

Abbas Zwettlensis  
 Joannes IV.

**A** Ultriæ Proceres communicato cum  
 Fraunauero in Stockeraw consi-  
 lio, Gellersdorfii conventum indicunt  
 futurum, postmodum rursus Wol-  
 dersdorfii coeunt, non enim Cæsar  
 pro eorum votis responderat. Au-  
 daciores ibidem facti capita nonnulla  
 postulatorum ac gravaminum descripta  
 templorum valvis affigebant. Inter illa  
 præcipuum erat de moneta, cujus ra-  
 tione à nonnullis malè administrata,  
 rerum pretia intendi, paucisque dite-  
 scentibus reliquos ad inopiam redigi  
 graviter conquerebantur. \* [1.] An-  
 no priori promissi aliquid ex Strunonis  
 Annalibus de hac moneta referre, de  
 qua sic ille scribit: „ Dux Albertus  
 „ tum Anasi, tum alibi novam cudi mo-  
 „ netam cepit, quæ Schindering, vel  
 „ Schinderling dicta est, sicut etiam Cæ-  
 „ sar Græcii & Neapoli Austriae contra  
 „ Ungelti ut vocant libertatem. „ Hæc  
 „ ipse ex Haselbachio habet. Deinde ex  
 „ eodem alibi sic loquitur: „ In moneta  
 „ vili Schindering florenus ascendit ad  
 „ duodecim, tredecim, & quatuorde-  
 „ cim solidos, unde rerum omnium  
 „ incrementum tam per Austriam,  
 „ quam extra illam provenit. Adæ

„ Friderici sic de ea loquuntur: Numo-  
 „ rum horum ratio primùm ea fuit,  
 „ ut pro floreno talentum denariorum  
 „ daretur, ubi suum rebus adhuc pre-  
 „ tium constitit: deinde valebat decem  
 „ solidos: postmodum 2. 4. 6. 8. & tan-  
 „ dem duodecim talenta, atque omne  
 „ vendibile secundùm florenos daba-  
 „ tur, quare tanta pretii caritas facta est,  
 „ ut lepus pro decem solidis, ligularum  
 „ duodena (ein Duzet Neßl) pro dimi-  
 „ dio talento, gallina pro quatuor solidis,  
 „ libra unius pondi piperis pro quatuor  
 „ talentis den. modius tritici pro quin-  
 „ quaginta florenis venderentur. Hoc  
 „ monetæ primum incrementum agri-  
 „ colæ arridebat, qui sua tantò pretiò  
 „ distrahebat, verùm dulcedo demum  
 „ transit in amaritudinem, cùm pecu-  
 „ niæ majorem partem rursus in valore  
 „ amitteret. „ [2.] Hucusque ex Stru-  
 „ none. Atque hæc causa erat, ut Fri-  
 „ dericus Cæsar postea in tantam incide-  
 „ rit calamitatem. Nam Albertus mox  
 „ Magistrò monetæ spoliato, qui magno  
 „ cum thesauro pecuniæ jam fugam medi-  
 „ tabatur, provinciales suos conquirere  
 „ fecit: Cæsar autem segnius rem agens  
 „ videbatur nolle quicquam immutari,  
 „ G g g unde



unde Proceres Austriaci in Albertum respicientes ipsum in Austriæ regimen introducere conabantur, Cæsare excluso. Fridericus ob Procerum factionem Viennenses suspectos habens scrutatur ipsorum animos, iisque immunitates ac privilegia sua confirmatum se spondit, si prius denuo in verba ejus jurent. Primo quidem tumultus exortus; verum re intellecta ipsi sese offerunt ultro, fidem se atque obsequium præstaturos, conceptis verbis jurant. Venerat iis diebus Viennam Udalricus Eitzingerus cum aliis quibusdam Proceribus ad trecentos equites, impetratis à Cæsare fiduciæ tabulis. Aderant & Regis Bohemiæ Legati, qui ejus nomine tanquam arbitri honorarii lites omnes dirimerent. His coram Eitzingerus ac reliqui Ordines postulata sua exponunt, de moneta, vini, frumenti, falis aliarumque mercium portoriis, in quibus esse querebantur, quæ immunitates suas ac privilegia

labefactare viderentur. Re diutius disceptata nihil eo tempore transigi potuit, præterquam de monetæ reformatione, eaque de re confecta sunt diplomata. Post hæc Fraunauerus comparuit vocatus, qui per eos dies aliquot Præpositi Claustrii-Neoburgensis ac aliorum, qui in judicio sententiam contra ipsum dederant, loca sui juris fecerat: sed nihil cum eo transactum. Mox verò Trebenseium insigne Pataviensis Episcopi municipium occupat, præsidio munit, incolas in verba jurare cogit, novum vectigal loco imponit. Eodem anno Tulnæ quoque in publico conventu cum Fraunauero actum est, sed frustrà, jamque audacior ille ac Procerum quorundam opibus fretus pagos & municipia non pauca occupabat, tributaque subditis imperabat; moxque dissidio iterum inter fratres recrudescente ad Alberti se partes contulit. [3.]

## ADDITIONES.

\* [1.] Gerardus de Roó Hïstor. Austriæ lib. 6. prope finem. „ Cum illis (*nonnullis*  
„ *ex Ordinibus agrè ad postulata sua ferentibus*  
„ *Cæsaris responsonem*) causam suam sociabat  
„ Cunradus Fraunauerus, & communicatis  
„ inter se in pago Stockeraw consiliis diem  
„ futuro Conventui dicunt Gelesdorffi, in  
„ Octavum Idus Januarii. . . . Lib. 7. Ad-  
„ venerat dictus conventui dies, & Provin-  
„ ciales, qui frequentes aderant, ne quid con-  
„ tra Cælatem moliri videantur, per inter-  
„ nuncios eum orant, uti Legatos eò mittat,  
„ qui in re præsentia adsint, quæque illic acta  
„ essent, ad ipsum referre omnia possint: quod  
„ si minus videretur, tum se ex suis ad ipsum  
„ missuros, qui, quid actum sit, exponant;  
„ interim de libera commende securitate,

„ fiduciæ tabulis caveatur. Fridericus priore  
„ postulatorum parte rejecta alteram appro-  
„ bavit. Mittuntur itaque ex Conventu, qui  
„ Ordinum nomine ipsum orant, uti liber-  
„ tatem Austriæ, veteraque privilegia ab Al-  
„ berto, Ladislao, & Majoribus concessa fir-  
„ met; contrà: quicquid superiorum tempo-  
„ rum iniquitate invecum ea labefactare vi-  
„ deretur, id irritum esse jubeat. Eam sese  
„ rem pro sua quemque facultate adiuturos  
„ convenisse. Ad hæc ubi Cæsar non eo mo-  
„ do, quo sperabant, respondisset, novum  
„ rursus conventum indicunt Woldersdorffi;  
„ jamque audaciores facti &c. *ut in textu nostro.*  
[2.] Annales Richardi Strunonis Super-  
ioris Austriæ annò 1459.

[3.] Gerardus de Roó ubi suprà.

## Annus Christi MCCCCLXI. Monasterii CCCXXIII.

Pont. Rom.  
Pius II.

Imp. Rom.  
Fridericus IV.

Archidux Austriæ  
Idem Fridericus.

Episcopus Pataviensis  
Ulricus III.

Abbas Zwettlensis  
Joannes IV.

Georgius Bohemiæ Rex anno isto de  
Cæsaris consensu Olomucium

Provinciales Austriæ ad se vocavit, uti  
dissensiones omnes componeret, sed  
quod

quòd animi partis utriusque obstinationes essent, re infecta discessum est. Albertus deinde Lincii, ubi tum agebat, audita Procerum legatione non neglegendam esse occasionem ratus, non futurum se Reipublicæ aut subditorum libertati respondet. Igitur arma iterum in fratrem fumens iniquam hæreditatis divisionem ac Austriæ privilegia ab ipso violata causam bello prætexit. \* [1.] Struno (*in Annalibus Superioris Austriae annò 1460.*) vult causam huius belli fuisse monetæ confusionem, cujus anno superiori mentionem feci. Albertus igitur è Divi Hippolyti fano, ubi milites conscripti convenerant, Tulnam movet, missoque è castris nuntiò Viennenses sollicitat. Hi frustra fidei Cæsari rejurando datæ à Præfectis Cæsareis commoniti, se suæque omnia in adventantis Alberti potestate fore, mox paciscuntur. Interea Præpositus civésque ac Magistratus Claustrii-Neoburgenses ad Fraueneri suasionem præsidium ab Alberto accipiunt. Deinde sub initium Augusti Albertus cum suis rectà Viennam pergens suburbanum D. Nicolai Cœnobium occupat. Viennæ ad arma concursum est Cæsareanis populum utcumque in officio continentibus. Præerant illis Giscra Bohemus nobili Brandorum genere natus, vir impiger, Udalricus Gravenecerus, & Andreas Paumkircherus viri militares, qui urbe egressi cum Alberti milite propiùs muros subeunte manum conservare, & Albertum retrocedere coëgere. Bohemorum Legati tandem inter Viennenses atque Albertum inducias in diem usque Calendarum Julii anni sequentis impetrârunt, in quibus Alberti instantiæ dabatur, uti ea loca, quæ ipsius præsidii tenebantur, retineret. Ea conditio, cum Cæsari non probaretur, induciæ utrinque violari cœptæ, & Cæsareani aliquot municipia Alberto eripiunt. Viennâ enim egressi Dreskirchiam expugnant. Mox adulta jam hyeme, Guntram-vicum, vulgò *Guntramstorff* aggrediuntur, loci

Templum tumultuario opere vallo ac sepibus munitum machinis concutiunt, terrâque ac simum noctu diùque aggerunt, uti aggerem exæquare ac in Templum irruere possent. Obfessi viribus impares ad dolum confugiunt, æque magnam vim aggeri superfundunt, quæ gelu durata subeuntem per declivia militem firmo pede consistere prohibebat; ea res promptissimo cuique exitiosa ceteros ab ipso insultu deterruit. [2.]

Bohemi, qui impune in Austria tumultuariâ prædonum manu nonnunquam grassabantur, auxiliantibus ipsis Austriæ quibusdam primoribus, quibus cum Cæsare discordiæ & inimicitie erant, Monasterium quoque Zwetlense non munitum, non ubique clausum inopinato adventu suo invaserunt. De quorum irruptione antiquitas Monasterii sic loquitur: „Annò Domini 1461. „Bohemi inimici fuerunt in Monasterio nostro, & spoliârunt illam provinciam &c. Item debuimus inimicis „dare mille, ducentos florenos, & sex „fasciculos serici, & decem vulpina „pellicca, & combusserunt nobis villam Ruedmars &c. „ [3.] Hucusque antiquitas, de eo quòd spoliârint provinciam illam, accipiendum est de territorio Zwetlensi & circumquaque, alias enim non intelligo. Verùm hanc Monasterii calamitatem fusiùs & clariùs litteræ quædam ab ipsis Bohemis Monasterio super pace datæ describunt, quarum placet referre tenorem: „Conditiones sequentes pacis sunt positæ „inter Generosum Virum D. Albertum „de Jewspitz, & inter Nobiles Wolfgangum Gasner & Wolfgangum Schachinger Claustrii in Zwetl Alodiorum Magistrum: Item inter Honorabiles ac prudentes Viros Nicolaum Pruegl Judicem Zwetlensem, Joannem Slosser, & Georgium Liechtenberder cives ibidem ex una, & inter „Nobiles ac strenuos Capitaneos Hermannum Rewtter, Georgium Marchschalch, aliòsque Fronawer secretos

G g g 2 con-

„ confiliarios & aulæ suæ seniores viros  
 „ ex altera parte taliter : Inprimis con-  
 „ clusum est inter præfatas partes, ut  
 „ Monasterium Zwetlense tam pro  
 „ fundo suo, quàm pro colonis & sub-  
 „ ditis suis omnibus intra & extra sil-  
 „ vam Norticam habitantibus mille du-  
 „ centos florenos in auro & pondere  
 „ justos, aut pro floreno unam denario-  
 „ rum libram communis aut Wiennens-  
 „ lis monetæ jure homagii Fronawer  
 „ persolvant. Item decem è pellibus  
 „ vulpinis pallia ( vocant *Süchse*  
 „ *Schauben* ) quatuor volumina serici  
 „ operis, duos fasciculos lini Italici.  
 „ His infra sex septimanas porrectis se-  
 „ curi tutique tam Monasterii, quàm  
 „ civitatis inquilini manebunt, quam-  
 „ diu bellum inter Fronawer aliósque  
 „ ipsi additos, & inter Cæsarem ho-  
 „ stem ejusque Capitaneos durabit, ad  
 „ cujus executionis fidem majorem  
 „ Conventus pro Abbate absente spo-  
 „ pondit. Testes autem sunt prædicti  
 „ omnes nominati D. Albertus de Jew-  
 „ spitz cum aliis, ac vades seipsos pro  
 „ Monasterio Capitanei præfati obtu-  
 „ lerunt. Si verò pax fieret inter ipsos  
 „ & Cæsarem, tunc in ea pace Mona-

„ sterium quoque includeretur. Ca-  
 „ pitanei demum sigillis suis has pacis  
 „ conditiones munièrunt, & parti uni-  
 „ cuique schedam unam reliquerunt.  
 „ Datum in Claustro Zwetl, in festo  
 „ Annuntiationis Beatæ Mariæ, annò  
 „ Domini 1461., [4.] Abbas tunc  
 „ temporis potuit fuisse in Conventu Pro-  
 „ cerum Olomucii, quem Rex Bohemiæ  
 „ jussu Cæsaris celebrabat, ubi de com-  
 „ ponendis Principibus actum est, sicut  
 „ suprà retuli. Ubi quoque Fraunau-  
 „ rus fuit, ubi multa cum Rege de alio  
 „ Austriæ imponendo Principe, Cæ-  
 „ sare excluso, transegit. [5.] Verùm  
 „ Rex candidè respondit, nunquam se ipsis  
 „ authorem fore, uti nova cujuspiam im-  
 „ peria sequantur, si Friderici ferre ne-  
 „ queant. Atque ita in absentia Frau-  
 „ nauri relictis aliquot Capitanei ipsius in  
 „ Austria, cujus curia fermè aulam Prin-  
 „ cipis frequenti satellitio & non supera-  
 „ bat, at saltem æquabat, insolentes facti,  
 „ pecuniam interim corradabant, loca  
 „ sacra sine munimentis extantia in-  
 „ volantes & spoliantes, aut certè pauperes  
 „ homagiantes, seu exactionibus & tri-  
 „ butis emungentes. Quod tunc Mona-  
 „ sterio nostro & colonis ejus contigit.

## ADDITIONES.

\* [1. & 2.] Gerardus de Roó lib. 7.  
 „ Cuspinianus in Cæsarib. sub Friderico III.  
 „ Albertus autem descendens ad Lyntzium  
 „ Provinciales in suas partes deducit, ac ple-  
 „ risque oppidis Austriæ subactis coacto ma-  
 „ gno exercitu contra fratrem Imperatorem  
 „ Viennam obsedit; quem Bessarion Cardina-  
 „ lis, qui Viennæ tunc erat, obsidionem  
 „ solvere hortabatur, ac arma in Turcos at-  
 „ ripienda suadebat. At is amore patriæ,  
 „ quæ laceßita passim omnibus exponeretur  
 „ latronibus, se contra fratrem lites agere  
 „ causatus, nibili fecit Cardinalis admoni-  
 „ tiones, & studii Viennensis persuasiones :  
 „ à quo item oratores missi, verba fecerunt  
 „ Alberto. Dissolutus est exercitus tum in-

„ gens interventu Oratorum Imperatoris, &  
 „ Regis Bohemiæ, Albertusque cum copiis  
 „ suis Austriam reliquit. Hungari item do-  
 „ mum repedarunt. Sed non defuerunt,  
 „ qui inter Imperatorem & Ducem Albertum  
 „ fratres discordiam ampliorem quotidie fe-  
 „ rent. Multi sunt civium ac Procerum  
 „ facti conventus. Viennæ quoque plebs  
 „ impetum in nobiliores cives faciens, quos  
 „ Consules vocamus, plerosque in carceres  
 „ dejiciunt, vimque illis faciunt. Albertus  
 „ habet, qui cum sequuntur, plures.

[3.] E Codice quodam MS. Bibliothecæ  
 „ Monasterii Zwetlensis.

\* [4.] Ex literarum monumentis.  
 „ [5.] Gerardus de Roó ubi suprà.

## Annus Christi MCCCCLXII. Monasterii CCCXXIV.

*Pont. Rom.*  
Pius II.

*Imp. Rom.*  
Fridericus IV.

*Archidux Austriae*  
Idem Fridericus.

*Episcopus Pataviensis*  
Ulricus III.

*Abbas Zwettlensis*  
Joannes IV.

**M**iserrima hujus anni erat Austriae conditio, quæ non tam iusto bello quam latrocinii vexabatur, Templis pagorum jam in prædonum receptacula conversis, qui non prædas tantum ex agris agebant, sed pueros, facinore hæcenus inaudito passim raptos, ante se uti bruta pecora abigebant, non nisi magnâ à suis pecuniâ redimendos. Hunc rerum statum primi quidam ex Proceribus pertæsi, ac iniquam subditorum conditionem miserati, conventum Stettldorfii indixerant, ubi de pace & patriæ remedio consultant. Mittuntur inde ad Cæsarem & ad Viennenses Rudingerus Stahrenbergicus, Henricus Liechtenstainius, & Vitus Eberstorfus Procerum haud postremi, quibus è Magistratu Viennensi viri sex delecti additi, qui unâ cum Rudingero Græcium Stirie proficiscuntur, ubi tunc Cæsar erat. Similiter Albertus ad D. Hippolyti sanum jam primum habitum, & alterum Tulnæ conventum celebrandum indixerat, in quo de pace acturus, Viennenses quoque illos suos ablegarent, mandavit. Sed illis se excusantibus, quod jam ad Imperatorem ea de causa ablegassent suos, neque sibi interim alios frequentare conventus integrum esse. Graviter inde Consul conquirerit, esse inter Principis milites (ex iis Georgium Potendorfum nominabat) qui nullâ adversus fas nefasque reverentiâ ducti sacras ædes in profanos usus convertant, imbellem turbam more barbarico prædentur, vineas erutis passim radicibus evertant. Ita tunc discessum est. Legati ad Cæsarem missi ab eo impetrant, ut Viennæ conventus Procerum celebretur, ad quem ipse suos quoque dirigat. Primus congressus ad

D. Jacobi ferias celebratus est in Augustinianorum Cœnobio, sed Udalicô Holzerô in partes à seditionis advocatô, magnis utrinque clamoribus certatum est, donec solutum est consilium. Iterum postridie convenitur ad Franciscanos, ubi, cum duæ essent factiones, quarum una Senatus & potior pars Cæsari studere videbatur, reliqua multitudo cum Proceribus ab eo deficientibus sentiebat, nihil diffiniri poterat. Non multo post Kirchaymerus quidam cum sexaginta suis armatus in Senatum irrumpit, potiores cum Consule capit, & in vincula conjicit, Holzerum autem tanquam Tribunum plebis præficit. Hæc à suis edoctus Cæsar æstate jam propè exacta cum quatuor equitum Stiriorum millibus Viennam ire maturavit. Urbe exclusus ad D. Marci divertit. Cives considerata rei indignitate, aut poenitentia ducti, impunitatem ejus rei prius pacti ipsum intro mittunt. Qui mox novum Consulem Magistratûmque se præsentem creari jussit, qui tamen postmodum rursus mutatus ex inquietorum factione Consulem sortitus est Holzerum. Suscepto igitur à novo Consule & Magistratu fidei sacramentò Stirios urbe emittit. Quibus dimissis mox tumultus exoritur ob licentiam militum, qui Cæsari prioribus bellis pars & Alberto stipendia fecerant. Hi solutionem importuniùs efflagitabant, eaque non ad plenum exhibitâ agros infestabant. Cæsar à pecunia imparatus, cum neque Viennenses pecuniam ipsi nuquam numerare vellent, iratus, neque cum militibus transigere curavit, neque eorum rapinas inhibuit. Jamque illi vindemiantibus molestiam exhibebant, neque vinum in urbem importari sinebant; hæc causa malorum fuit.

H h h

Mox

Mox Alberto fratri hæc nuntiantur, instigantur contra Cæsarem infimi de plebe homines & opifices, renuntiatu ei fides, negatur ei ex publicis vectigalibus & portoriis pecunia dari, verum in suum ærarium redigunt. Cæsar qui cum uxore & liberis in palatio agebat, Legatos ad componendam seditionem misit Udalricum Riedererum & Graveneccerum in curiam urbanam, sed isti è subelliis trahuntur, & in carcerem conjiciuntur. His itaque transactis Cæsar gravissimè de hac suorum injuria conqueritur, arcemque pro præsentī copia contra subitos incurfus muniri jubet. Auditò Cæsaris periculò Andreas Paumkircherus & Hinc Bohemus cum non contemnendis uterque copiis advolantes denuntiatio Viennensibus bellò agros ferro & igne devastare coeperunt. Ea res ipsos ab arcis oppugnatione distinebat: tandem Viennenses magnam hominum agrestium manum conducunt, qui moenia tumentur, & propulsatis hostibus, quantum vini possint, inducerent. Ipsi arcem sibi oppugnandam desumunt. Fuere cum Cæsare illustriores in arce conclusi tunc Udalricus & Hugo Werderbergici fratres, Joannes Preisingus Marechalculus, Sigismundus Sebrichus, Georgius Kunachius, Sigismundus Spaurerus, Hartnidus Buchaimius, Matthias Wilhelmus, Matthias & Christophorus à Spaur, Joannes Rorbachius, Joannes Sibenhirterus, Christophorus Morsbergerus, Wolfgangus Kadauerus, Wilhelmus Bebringerus, Fridericus Ungerpacherus, Justus Hauserus, Henricus Vogtius, Georgius Teufenbachius, Wilhelmus Saurauerus, Antonius Himmelsbergicus &c. Qui in arce erant, ducenti ferè viri majori ex parte Nobiles animo impertertito defensionem parant, & Cæsar ipse præter omnium & opinionem & spem suorum animos confirmans circumibat, oportuna hostibus loca muniens & custodias suis locis disponens, identidem alta voce, ita ut ab hostibus exaudiri posset,

clamitans: arcem eam suum cœmitem fore, neque Deum justæ causæ vindicem sibi defuturum. Missilibus inde agi cœptum est, qua in re superior erat Cæsarianorum fortuna, qui saxa immani pondere ex tormentis bellicis, atque iis maximè, quæ mortaria vulgò appellant, in urbem ejaculabantur. Erant apud Cæsarem Zirckendorffius quidam & alii nonnulli tormentorum in hostes dirigendorum artifices, qui ex editioribus murorum pinnis ac fenestris collimantes, quoscunque incautiùs sese exhibentes petebant, & ne quis temerè muros subiret, prohibebant. Igitur in proximis sese ædibus continebant, quique illis egrediebantur, dolia ante se agebant. Tertia obsidionis die tres ex terra tumulos aggerunt, ad quos singula tormenta bellica adducunt, quartum verò in Viri Eberstorffii ædibus constituunt. Saxa postmodum & pilas in pistrinum maximè ejaculantur, quò dejectò fontem proximum obrui aut corrumpi posse putabant, quod metuens Christophorus Quossius, qui illic curabat, publicis & asseribus ita fontem munebat, ne ruderibus ullis aut macerià illapsà obstrui posset. Cùm verò nihil ferè incommodi cuiquam ab hoste eveniret, domesticum Cæsar periculum vix evitavit. Nam dolum quoddam in tutri pulvere plenum, ubi tum Cæsar bellicam machinam inspexerat, fomite temerè ventilante, quo illa incendi solet, Udalrico Werderbergico, igne concepto erupit, ac Cæsar hoc advertens summa faciei cute leviter ustulatus è turri se proripuit. Viennenses verò admotis undique machinis omnes oppugnationis modos experti, nunc hanc nunc illam arcis partem tentabant, & quod in tam incondita multitudine solet, insolentiùs agebant: contrà qui apud Cæsarem erant, omnia ex militari disciplina agere, taciti quisque sua munia obire, ad omnem hostium strepitum intenti esse. Tormentarii verò ac pyrotechnitæ suadebant, ignita ex pulvere pice, oleo, resinæque

ac

ac similibus tela in domos urbanas conjicienda. Sed Cæsar ipsos id facere prohibebat, nec eò descensurus videbatur, nisi major aliqua vis ab hoste ingueret. Recensetur hoc loco singulare pietatis exemplum in quodam adolescente Franco (Cronbergerum vocant) qui bonis litteris operam illic dabat. Is iniquam Cæsaris fortunam, inprimis verò Maximiliani pueri ætatem miseratus, aviculas, quas habere potuit, & carnes per occulta viarum compendia in arcem detulit, magnis ob eam rem præmiis meritò postea remuneratus. Victorinus interea Regis Bohemiæ filius cum Joanne Vitobitio, Schaumburgico, Sebriacho, Georgio Volckensdorfio, Guillelmo & Heinricho Buchheimis, aliisque Austriacis cum exercitu Viennam versùs movet. Albertus similiter à Viennensibus vocatus & ipse sub Mensis Novembris initium in urbem cum suis venit. Erant in exercitu ipsius Guillelmus Thirstainius, Sigismundus, Wolfgangus, ac Georgius Schaumbergici Comites, Henricus Liechtenstainius, Georgius Potendorfius, Vitus Eberstorffius, Sigismundus & Andreas Buechalmii, Udalricus & Joannes Starckenbergici, Hartungus Traunius, Sigismundus Tepelius, Hartnidus Losenstainius, Rembertus Waldsejus, Sigismundus Eitzingerus, Georgius Stainius & plures alii. Fraunaucerus præter opinionem omnium in partibus manere noluit, itaque Viennâ discessit. Ceteri duobus magnis tormentis quæ Albertus secum adduxerat, contra arcem collocatis oppugnationem instant. Cùmque aperto Marte nihil effici posse viderent, actis clam cuniculis muros suffodere incipiunt, & processura res videbatur, si absque Thoma Septemcastrensi (Siebenbürgero vulgò) fuisset, qui tres in arcem sagittas conjecit, quibus obvolutæ membranæ ejus rei indicium obsessis fecere. Advolant igitur ad eam muri partem jam perfoßam nonnulli cum suis, magna vi hostem subeuntem repellunt,

picem tædâsque & pulverem aggerentes, quibus incensis fumus molesti odoris oppugnatores infestabat, donec congestâ intus materiâ foramen obstrueretur. Igitur cùm neque ab hac parte neque alibi procederet expugnatio, de pace aliquoties agi cœptum est, sed nihil convenire potuit. Urgebat verò obsessos frumenti, vini, ac aliarum rerum vitæ necessariorum penuria, aded uti relicto Cæsari ejusque uxori & Proceribus triticò, reliqui vel pisa & hordeum ex dimenso acciperent, vel furfuraceo pane uterentur, vinum etiam parcè admodum distribuebatur, nonnulli aquâ contenti erant, quam melle temperasse nonnemo ex Proceribus legitur. Sigismundus Schawnbergicus rerum humanarum memor puerò Maximiliano ova aliquot, farinam & alia, quibus ea ætas gaudet, ad portam arcis miserat, non prohibente id nec Alberto Principe, neque Holzero, aut quopiam alio ex civibus. Agrestes verò conductitii, qui stationem illic habebant, omnia illa famulo crepta corrumpere & solo illisa pedibus conculcare. Ad medium Novembrem Victorinus cum ceteris Austriacis & exercitu suo Gumpendorffium ducit, unde post quietem instructo agmine per vineas ad D. Udalrici Suburbium veniunt, summâque cum alacritate & hostium contemptu vallum oppugnant. In prima acie erant Guillelmus Buechalmius, Henricus Streinius, Wolfgangus Roggendorffius, quibus commissum erat vexillum Austriacum. Hos sequebantur Georgius Volckenstorffius, Pancratius Planckenstainius, Joannes Hofkirchius, Haidenricus Dapifer. Pugnatur utrinque acriter, Cæsareani magno clamore sublato in vallum insiliunt, unde telis repulsi iterum atque iterum fortunam tentant, sed pauciores à pluribus semper deturbabantur, & nix quæ ceciderat, firmare pedem non sinebat. Jámque multis occisis reliqui passim recipere se coacti Gumpendorffium abiére. Viennenses

H h h a

D.

D. Udalrici portâ effusi fugientes insecti duo tormenta secum in urbem adduxere: ducenti ex Cæsarianis & Bohemis desiderati sunt. Paucis diebus post Georgius Podiebradius Bohemorum Rex cum exercitu Corneoburgum ipse venit, octo hominum millia fuisse proditum est. Conventus ibidem agitur, ac de pace tractatur, ad quem Albertus & Holzerus fide publica interposita profecti, Legatos quoque suos Cæsar illuc destinavit. Rex autem voluit, pacem prius fieri non posse, nisi Cæsar ipse in colloquium veniat. Concedente itaque Alberto Cæsar arcem egressus conjugem Eleonoram cum puero Maximiliano in D. Theobaldi Suburbium comitatus, Stiriis & Carnis Neapolim deducendam tradit, ipse Corneoburgum ad Regem pergit, deducente eum Victorino cum mille equitibus. Cæsar ubi ad Regem venisset, amplissimas illi gratias egit, suam vicissim operam promittens. Articuli autem seu pacis leges

Rex jam antè in hunc modum confecit: Uti captivi utrinque liberi dimitterentur; Albertus arces, oppida, ditionesque omnes bellò occupatas fratri restitueret, Austriæ Inferioris gubernationem vicario nomine ad annos octo gereset, quatuor ducatorum millia quotannis fratri exsolveret. Postridie Cæsar summo mane cum Rege Ensfedorfium, quod majus vocant, concessit, ubi post triduum in venatione & convivio exactum, Rex in Bohemiam rediit, Cæsar ad Pontem Leytæ, atque porro Neapolim se contulit. Albertus Viennam reversus palatium sibi tradi postulat, utque sibi fidem & obsequium jurejurando astringant tam Magistratus quàm Academicæ Primates. Utrumque sine magno negotio obtinuit ipsis D. Stephani feriis. [\*] Atque hæc in gratiam curiosi Lectoris scripsisse sibi volui, tum quia intestinum Austriæ bellum huc spectat, tum quia multa exinde sequentia patebunt.

## ADDITIONES.

[\*] Gerardus de Roë lib. 7.  
Cuspinianus in Cæsarib. sub Friderico III.  
Struno in Annalibus Superioris Austriæ hoc anno.

Megizerus in Annal. Carinthiæ lib. 10. cap. 13.

Lazius Genealog. Austriacæ Commentarior. lib. 2. longè & latè in Histor. Alberti VI. Naclerus Generatione 49. „ Annò Salutis 1463. Imp. Fridericus obsessus est in arce „ Viennensi à civibus, quibus auxilio frater „ Dux Albertus erat; oppugnabatur autem arx

„ bombardis & omni genere tormentorum.  
„ Vidisses impleri fossas, admoventi scalas, cominus eminisque pugnam misceri, vulneribus & sanguine multo rem geri. Unde „ coactus fuit auxilium à Rege Boëmæ Georgio, qui se antè pro hæretico declaraverat, postulare, immò Pio Pont. Maximo „ scribere, ne interim in Georgium, quamvis hæreticum se declarasset, juris pœnas fulminaret; quod necessitate cogente Pontifex „ admisit. Liberavit Bohemus Fridericum, „ arte usus, ut neque periret, neque vinceret. „

Annus Christi MCCCCLXIII, Monasterii CCCXXV.

Pont. Rom.  
Pius II.

Imp. Rom.  
Fridericus IV.

Archi-Dux Austriæ  
Idem Fridericus.

Episcopus Pataviensis  
Ulricus III.

Abbas Zwettlensis  
Joannes IV.

Albertus Princeps Viennæ & Austriæ gubernationem potitus eo successu lætus conventum omnium Ordinum ad Epiphaniæ festum Viennæ edixit. Interim neque bellò occupata Cæ-

sari restituuntur, neque hic illi gubernationem attribuit, uti à Rege constitutum erat. Igitur edictis passim promulgatis Cæsar omnibus gravi denunciata pœna interdicat, ne conventum

fre-

frequentem, cujus indicendi jus penes fratrem nullum sit. Deinde missis ad Imperii Principes Legatis ac litteris gravissimè de fratris injuria conqueritur, qui contra jus gentium adjudicatam sibi hæreditariam ditionem eriperet, subditos in legitimum Principem armaret, cum summo Cæsare Majestatis adeoque totius Imperii contemptu. Interea Andreas Paumkircherus Corneoburgi ex mandato Cæsaris, cui pro sua in eum fide sex aureum nummum millia ex redditibus loci assignarant, præoccupatò oppidò arcem excitat, præsidium in ea collocat, crebrisque excursibus vicinos hostium agros infestat. In armis quoque erant Sigismundus Buechaimius, & alii Cæsaris Duces. Bellum inter hæc utrinque restauratur. Primarii Viennæ cives ab Alberto majestatis postulati, ac in vincula conjecti ex fidei litteris hebraicè formatis, cum de objecto maleficio nihil probari poterat, solum tamen mutare coacti sunt, bonaque eorum fisco adjudicata, quos omnes Cæsari addictos esse constabat. Principes verò ac Status Imperii acceptis Imperatoris litteris circa festos Resurrectionis Dominicæ dies comitia Ratisbonæ habebant, de quorum consilio & consensu Cæsari publicò edictò fratri aqua & igni interdicat, omniæque commoda, quæ ab Imperio habebat, omnesque tam intra quam extra Austriam ditiones adimit. Albertus hoc modo ab Imperio proscriptus appellationem ad Romanum Pontificem interposuit. Is erat Pius II. qui, quòd utrumque fratrem domesticè novisset, non tantum Albertum excommunicationis gladiò ferit, sed omnibus eis, quotquot Cæsarem Viennæ obsederant, aut obsidionem adjuverant, sacrorum usu interdixit, à quibus censuris absolvi sibi reservavit. Albertus de novo ad Pontificem meliùs (*ut loquuntur*) informandum provocat. Verum ejus purgatio multum momenti non habebat, unde neque Pontifex, neque Cæsar ipse aut Imperii Principes quic-

quam mutabant. Interea temporis milites nonnulli non persolutò stipendiò propè Medlingam oppidum cœtus agunt, agrum Viennensem Alberto insensù percurant, vineatoribus insidiantur, multos capiunt, abducunt, & fumo in cellis vinariis inclusos enecant. Deinde per vicina nemora in agrum Tulnensem excurrunt, Herzogburgum Cœnobium cum pago adjuncto captum aggre ac septis muniunt, unde agros longè latèque populati agrestes capiunt, captos pecuniâ muldant. Nec minus in urbe inter cives & plebem indies dissidium gliscebatur. Albertus ipse ludis equestribus interim & comestationibus otium suum oblectabat. Holzerus homo inquietus & novarum rerum studiosus à Principe deficiens ad Cæsarem transire molitur, unde consilium capit urbis ipsi tradendæ cum spe veniæ consequendæ. Quare quadringentos equites, quos non procul ab urbe Gravenccerus sub Augustino quodam Tristramo Præfecto reliquerat, in urbem introduxit. Unde tumultus exortus & Principis jussu equites summo cum periculo urbe pelluntur, captis nonnullis, qui tamen rursus dimittuntur præter Augustinum. Holzerus verò diu quæsitus nusquam comparuit. Captus tandem post fugam Nusdorfii, in urbem reducit, ubi cum nonnullis ejus rei consciis capite plexis, inter quos & Tristramus fuit, acerbissimò supplicio affectus est. Dissecto enim corpore caput attollens & exempta jam viscera aspiciens, invocato Divæ Deiparæ Virginis auxilio, lucrantem inter cruciatu spiritum reddidit. Corporis partes ante quatuor urbis portas palis alligantur, caput ad Suburbium illud suffixum est, per quod equites introduxerat. Hunc finem habuit Udalricus Holzerus, qui Cæsarem in arce Viennensi obsederat. Per id tempus Rupertus quidam Creutzerus homo militaris occupatò Leupoldsdorfio agrum Viennensem quotidie incurfabat, donec arcem loci Dominus, numera-



meratis quingentis florenis, eam recepit. Alius item miles cognomentò Sweitzerus arcem Ralpergam prope Berchtoldorfium occupat, qua capta ipse quoque in Principis Alberti manus captivus incidit. Alii porro Rauhenecium, Mitterdorfium, aliásque arces in potestatem redactas communiunt, nováque receptacula excitant (vulgò tabernæ vocabantur) ex quibus agros & itinera infestabant. Hæc tum erat Austriæ facies. Interea Matthias Corvinus cum Friderico transfegerat, ut coronam reciperet Ungariæ sacram, quare numeratis sexaginta nummum aureum millibus res processit, & inter alia pactum fuit quoque illud de titulo, uti Cæsar ab omnibus regni statibus Ungariæ Rex vocaretur. Quare Cæsariani cum pecunia in civitatem, Ungari cum corona læti Sempronium abiēre. Dum hæc cum Ungaris aguntur, Legatus Pontificius pacem inter Principes formare advenerat, jamque Tulnenfis conventus ea de re agebatur, ubi conditiones utrinque servandæ factæ sunt, inter quas erat quoque, ut receptacula & tabernæ à militibus excitatæ destruerentur: quo tempore multas arces destructas ego tam intra, quam extra Noriticam silvam existimo prædonum nimirum receptacula. Conventus postmodum Neapoli agitur Pontificis Legato adnitante. Interea quoque optimi quique & intimi Consilarii ab Alberto spreti ab eo deficiunt, qui nominantur: sunt Stephanus Hohenbergicus, Vitus, Remperus & Albertus Eberstorffii, Christophorus Potendorffius, ac Nicolaus Liechtenstainius; hi omnes pro eis & cum eis supplicantibus Sigismundo Posingico, Udalrico Gravenecero & Paumkirchio in gratiam à Cæsare recipiuntur. Viennæ quoque Legatus Papæ cum Alberto multa transfegerat ad effectum pacis consequendum, tandem cum Neapolim rediisset, Albertus subito quodam morbo correptus obiit Viennæ in Palatio quartò Nonas Decembris, & quinto

die post ad D. Stephani Majorum sepulchro illatus est. Mortem ejus partim ultioni divinæ, partim veneno imputaverunt, alii ob vitæ incontinentiam apoplexiâ percussum putavere. Prodigii cognomen tulit, quòd nulla unquam pecunia ei ad domesticos & bellicos sumptus fatis magna fuerit. Atque ita eo mortuo ipsius partes secuti præsertim Viennenses graviter suspirant, Austriaci verò respirare cœperunt Friderici Cæsaris clementiâ suffulti. \* [1.]

Annales Superioris Austriæ commemorant hoc anno Dominicâ Invo-cavit Fridericum Cæsarem Domino de Stahrenberg oppidum cum castro Weitracense tradidisse, è quo vicinos Proceres Albertum secutos impugnavit, atque etiam ipsum Albertum in Austria Superiori spoliis, incendiis, & exactionibus tandem invast. [2.] Hoc castrum cum suo dominio ad Austriæ Duces devenerat, cujus Purckgravi aliquid diu fuerunt Waldseienles Reguli.

Venio ad Monasterium Zwetlense, cujus Abbas hoc anno Coenobium Monialium ad S. Bernardum in regno Bojorum situm vîstavit. [3.]

Erat tunc temporis Magister vini & D. Abbatis Sacellanus F. Georgius de Aychstätt, qui de perceptis & distributis indicem fecit plenum historiis & molestiis, quibus tunc Monasterium Zwetlense gravabatur, & utinam antiquiores simile quid edidissent, clarior Monasterii nostri status jam eluceret, propterea dignus, quem annis sequentibus frequenter citem, qui hoc quidem anno cœpit à festo Michaëlis, & finivit annò MCCCCLXXIV. usque dum obiisset Joannes Abbas suus. Hoc igitur anno inter cetera ponit distributa, quòd unum vini ternarium Rassenhardo pro homagio dederit. [4.] Homagium autem, cujus vocis sæpius mentio habebitur, & antiquis valde familiaris fuit, est astrictio servitutis facta Domino cuidam, qui violenter id expetit per petitionem, promittente homine libero fide-

fidelitatem, seque constituyente hominem vel vassallum ipsius. [5.] Erant enim tunc milites, sicut supra scripsi, qui arces aut loca opportuna insidentes, ipsa muniêrunt, quæ vulgariter tabernæ nominabantur, è quibus vicina quæque devastare, aut exactionibus ejusmodi aggravare solebant. Horum unus Rassenhardus appellabatur, qui in

Nortica silva opportunum insidiis locum occupaverat. Contra quem Buchaimius castra ponere jussus est. Quas miseras tunc quoque Monasterium Zwetlense pertulit, cujus initium respectu finis valde lene contributionis genus fuit, unum nimirum vini ternarium: duriora verò sequuntur.

## ADDITIONES.

\* [1.] Gerardus de Roô & reliqui Scriptores uti supra ad annum priorem. „Matthias Hungariæ Rex, secundis aliquot præliis in Turcam usus, cum majora jam animò concepisset, quod unum deesse videbatur, sacram regni coronam à Cæsare tandem redimere statuit. Igitur cum Joannes Præsul Varadinus, cui id negotii injunctum fuerat, per fidos interpretes cum Cæsare collocutus, eò rem adduxisset, uti numeratis sexaginta aureum nummum millibus, coronam Hungari reciperent; ex Proceribus nonnulli pretii magnitudine deterriti, quò negotium impedirent, Fridericum per litteras monent, videat ne verba sibi à Varadino dentur, cui soli non liceret absque aliorum adfensu de re tanta transigere, & ea promittere, quæ præstare minimè posset &c. „

Spondanus ad annum sequentem num. 1. „Annò Christi millesimò quadringentesimò sexagesimò quartò, Indidione duodecima Matthias Rex Hungariæ sextò demum electionis suæ annò coronatus est sacrâ regni coronâ, quæ in potestate Friderici Imperatoris viginti quatuor circiter annos manserat; nec ut restitueretur, ullis precibus, aut pretio aut armis impetrari unquam potuerat. - - - Cum verò ob ejus defectum Matthias, quamvis aliàs acceptissimus Hungaris, despectior nonnihil tractu temporis fieret; pluresque Friderico, quem etiam olim elegerant in Regem, auscultarent: exorabilior is factus periculo Viennensi (de quo ante biennium) consensit tandem coronam reddere gravibus quibusdam conditionibus: quæ leviores Hungaris visæ fuere, præ vehementissimo desiderio eam recipiendi, à qua Regni incolumitatem ipsūque regnum pendere existimabant. Fuere autem istæ: ( uti habentur in concordia li-

„teris, quæ insertæ reperiuntur Historiæ Bonfinii, datæ in Nova-Civitate feriâ tertiâ ante festum Mariæ Magdalene decimò nonò Julii annò præteritò 1463. ) ut Imperator Matthiam filii adoptivi locò haberet, cumque Matthias patris, sicque inter sese nominarent. Si Matthias absque filiis seu nepotibus legitimis decederet, regnum Imperatoris esset, aut unius ex filiis ejus, quem regnum eligeret. Interimque etiam nonnulla intra regni fines oppida cum titulo Regio retineret: veteres injuriæ abolerentur, & firma concordia inter Principes, populosque esset; ac sine ullo discrimine utriusque subditi ab utroque Principe tractarentur. Nulla verò sit in iis mentio sexaginta aureorum millium, quæ præterea pro ejusdem coronæ restitutione soluta fuisse idem Bonfinius tradit; aliique septuaginta, vel etiam octoginta numerant. Turpe enim nimis fuisset, hanc nundinationem, quæ & aliunde satis iniqua plerisque videbatur, publicis actis apponeret. Ad coronam autem pro dignitate deferendam, equitum circiter tria millia cum Legatis missa fuere: eaque singulari pompa advecta, haud aliter atque res de cælo demissa ab Hungaris præreverenter adorata est, & in arce Budensi collocata.

„Quibus, ut diximus, anno superiori gestis, cā Matthias præsentì, post reditum à bello Turcico, quo Jayzam cepit, apud Albam celeberrimo regni conventu coronatus est, in die Cænen Domini, ut Thurosius, & Nauclerus habent, sive die Parasceves, ut Bonfinius. „

[2.] Annales Austriæ Superioris Strunonis hoc anno.

[3.] Ex Autographo ipsarum.

[4.] Ex Autographo ipsius.

[5.] Cæsarius in Proœmio Dialogorum.

## Ann. Christi MCCCCLXIV. Monasterii CCCXXVI.

*Pont. Rom.*  
Paulus II.

*Imp. Rom.*  
Fridericus IV.

*Archi-Dux Austriae*  
Idem Fridericus.

*Episcopus Pataviensis*  
Ulricus III.

*Abbas Zwettlensis*  
Joannes IV.

**P**ius Papa II. cum per totum Christia-  
num orbem Cruciatam fecisset  
prædicari, classisque jam Anconæ expe-  
ctaretur, illuc profectus, dumque Ve-  
netorum Ducem belli socium sustinet,  
diutina & lenta febris afflicto moritur,  
Annō MCCCCLXIV. 17. Cal. Septem-  
bris. Tumulatō Piō pridie Cal. Se-  
ptembris habitō scrutiniō Petrus Bar-  
bus, Venetus, Presbyter Cardinalis tit.  
S. Marci eligitur, cui prius nomen in-  
ditum Formosus, postea Marcus, tandem  
Paulus vocari placuit: coronatus est  
quintō Idus Septembris Romæ in gra-  
dibus ante fores Basilicæ S. Petri, cum  
in Laterano electus fuisset. \* [1.] De  
eodem B. Malachias sic prophetavit:  
De Cervo & Leone. Erat enim Ve-  
netus, & Commendatarius Ecclesiæ  
Cervienfis, & Cardinalis tit. S. Marci,  
qui cum Leone pingitur.

Anno adhuc priore Austriæ Inferio-  
ris nonnulli Proceres, partes præser-  
tim Alberti secuti, Hederstorffii apud  
Cambarn Monasterii nostri prædium  
conveniunt, sicut etiam hoc anno Lin-  
cii Austriæ Superioris Primates; ubi  
Sigismundus Princeps per Legatos suos  
Cæsari patrueli tertiam Austriæ partem  
ex Ladislai Regis morte ad se devolutam  
dono dedit. Itaque jam omnia Cæsari  
secunda eveniebant, passimque ex omni  
Austria multi quotidie ex Alberti fa-  
ctione ad eum sese conferebant, quibus  
pro animi sui lenitate admissorum ve-  
niam haud gravatim largiebatur. Soli  
verò e civitatibus Viennenses in perva-  
cacia sua manserant, qui & ipsi omni  
præsidio ac spe destituti serius quàm  
oportuit, de rebus suis cœperunt cogi-  
tare. In memoria enim habebant of-  
fensas & contumelias, quibus Impera-

toris iram & vindictam in se provoca-  
verant. Sola igitur spes in misericor-  
dia & clementia supererat, quam antea  
quoque experti erant. Mittuntur ergo  
de communi consilio Neapolim Frideri-  
cus Ebmerus Consul, Jacobus Storchius,  
Joannes Kirchaimius, Valentinus Lieb-  
hartus cum aliis civibus ad septuaginta,  
quibus per Gurcensem Cæsar respondit  
supplicibus: Cæsarem famæ quàm pœ-  
næ amantiorem, ubi primum ipsi ac hæ-  
redibus ipsius melioris sexus fidelitatis  
sacramentum dixissent, injurias illis &  
contumelias omnes condonaturum.  
Inde dimissos comitabantur duo Sedis  
Apostolicæ Legati, Georgius item Vol-  
ckensdorffius, Heidenrichus Dapifer,  
Joannes Mülsfelderus, Hartungus Ca-  
pellius, & Joannes Potendorffius Cæsari  
à consiliis. Qui Viennæ nomine Fride-  
rici fidei Sacramentum acceperunt ini-  
tiō Februarii mensis, Pontificii autem  
Legati ab omni excommunicatione Vi-  
ennenses solenni ritu absolvère. Resti-  
tuti quoque sunt cives exules ab Alber-  
to aut Holzero pulsi. Rebus ita con-  
stitutis majus incumbat negotium in  
exhausta militum sentina, qui non  
perfoluta sibi stipendia causati omnia  
circum loca rapinis scœdabant. Jam  
enim agros inter Viennam & Neapolim  
depasti ad Ungariæ fines Edinburgum  
usque progressi, absumptis quæ esui  
erant, locum subinde mutabant, ma-  
gnisque damnis & incommodis agrestes  
tota regione vexabant. Utque latius  
prædas agere possent, in cœmeteriis  
nonnullis aliisque oportunis locis re-  
ceptacula munita habebant, eò tandem  
audaciæ progressi, uti Cæsari & toti pro-  
vinciæ bellum palam denunciarent. Cæ-  
sar illis æquas condiciones offerebat, sed

gra-

gratis. Unde spretis conditionibus Sanctæ-Crucis & Mariæ-Cellæ Monasteria spoliant, vinitores & rusticos multos capiunt, pecuniâ & reliquis fortunis mulctant. Smicoscius quidam ex eorum ducibus assumpta mille latrunculorum manu Stiria fines invadit, & priusquam incolæ ad defensionem concurrere poterant, prædas agit, quæque agi & ferri nequibant, igne corrumpit. Tandem post multam cum militibus transactionem habitam Cæsar provinciales arma in eos sumere jubet, qui post Resurrectionis festa id præstantes aliquo modo Austriam pacatam reddiderunt. Interea Viennæ ab opificibus nonnullis novæ iterum turbæ motæ sunt, quas Wolckenstorffii, qui ibidem Vicarius Cæsaris in aula residebat, summa vigilantia & dexteritas statim composuit. [2.]

Interea Joannes Abbas Zwetlensis Viennam descenderat in causa Monasterii, ubi ad dies vitæ agricolæ cuidam vineam in Grintzinge sitam concessit, quæ ob militum grassantium licentiam effrænem coli diu non potuit, uti ex suprâ dictis patet. Datum Viennæ Sabbarô ante Magdalænæ festum, annô Domini 1464. [3.]

Porro ex Indice F. Georgii de Aychstet, cujus anno priori mentionem feci, referuntur sequentia hoc anno contigisse: „ Item Starenbergico ad Weitra „ unum ternarium vini pro reverentia „ vel gratis. „ Sciendum hic est, Starenbergicum in Austria Superiori Albertum, qui ibi bona sua habuit, quæque illi Princeps confiscavit, bello persecutum esse, suâque recuperâsse, cui præfatus F. Georgius ternarium præfatum gratis obtulit. „ Item ait se Schermero „ ad fortalitium unum medium ternarium gratis dedisse. „ [4.] Fortalitia vel sunt ea munimenta, quæ milites contra Cæsarem & provinciales excitârant, aliôque nomine tabernæ tunc vocabantur, aut in cœmeteriis Templorum muratis præferentia castelli speciem, è quibus vicinos devastant: ubi tamen hoc fortalitium ( ut vocatur ) situm fuerit, non proditur &c. Tales dein violentas præstationes plures enumerat, è quibus miser Monasterii status cognoscitur, miserior tamen fuit, qui sequebatur, & cum annis crescebat, ut assiduò legentibus annos sequentes patebit.

## ADDITIONES.

\* [1.] Ciaconius in Pio II. & Paulo II. PP. Naclerus ubi suprâ ad annum præcedentem relatus, hoc anno.

Spondanus hic n. 8. „ Pontifex Laurentum accedens, persolutis ibi votis, Anconam ad medium serè Julii pervenit. Confluxerat turba multa ex variis gentibus notis satis consideratè domo egressa. Etenim cum eos solos evocasset Pius, peccatorum propositâ veniâ, qui vel annum vel anni dimidium suo stipendio in exercitu militarent; illi tamen venerunt credentes stipendium ac victum ministrante Pontifice non defuturum; cum autem non invenirent, quod sibi amissum finxerant ( neque enim Pius unum alere tantum concursum equitum ac peditum poterat ) venditis armis, regrediebantur in patriam. Quos nihilominus ne omnino frustrâ se venisse angerentur, decreti sui de peccatorum veniâ participes fecit &c.

N. 9. „ Nuntiò interim allatò, Turcum

„ non longè à Ragusia confedisse, quasi eam civitatem obsessurus; voluit Pontifex, quam duplici febre consumeretur, quam altera concepta in venis cessabat nunquam, & magnis membrorum doloribus detineretur, cum classe, quæ aderat ad obsidionem repellendam, accurrere, sperans si res succederet, se in omnem partem vulgata, incitatum iri Principes ad eum sequendum. Verùm quattiduò post nunciato recessu hostium parcendum concilio fuit. Recreatusque Pontifex adventu Mauri Venetiarum Ducis cum instructa classe ad expeditionem; ingravescente nihilominus morbo, cum venisse jam horam suam intelligeret, vocatis ad se Cardinalibus, qui aderant, commendavit eis prosecutionem sancti propositi; & petita, datâque invicem offensarum veniâ, post recepta piissimè Sacramenta Ecclesiæ consueta ( acerrimè tunc quidem, ut scribit Platina, disputans cum Laurentio „ Ro.

K k k

„ Roverella Episcopo Ferrariensi Theologo  
 „ doctissimo, liceretne Extremam Unctionem  
 „ iterare, qua semel inunctus fuerat, dum  
 „ Basilæ pestilentia gravissimè ægrotaret )  
 „ expiravit placidè in Domino decimò nonò  
 „ Calendas Septembris, ipsa nocte Vigilæ  
 „ Assumptionis Beatissimæ Virginis, annò æta-  
 „ tis quinquagesimò octavò, mense nono, die  
 „ vigesimo septimo, Sedis sextò, minùs quin-  
 „ que diebus. Visceribus ibidem Anconæ in  
 „ Ecclesia S. Cyriaci humatis, corpus Romam

„ relatum conditum est sepulchrò marmoreò  
 „ in Basilica S. Petri Sacello, ubi ipse Ca-  
 „ put S. Andræ Apostoli deposuerat.

N. 10. „ Fuit porro vir verè magnus, cu-  
 „ jus meritissimas laudes cuncti celebrant. „  
 „ Cui & præsentis Annales grates debent cum  
 „ laudibus immortales, quos sæpiùs eruditissimò  
 „ calamò suò illustravit.

- |        |                            |
|--------|----------------------------|
| [ 2. ] | Gerardus de Roò lib. 7.    |
| [ 3. ] | Ex literarum monumentis.   |
| [ 4. ] | Ex Registro F. Georgii MS. |

## Ann. Christi MCCCCLXV. Monasterii CCCXXVII.

*Pont. Rom.*  
 Paulus II.

*Imp. Rom.*  
 Fridericus IV.

*Archi-Dux Austriæ*  
 Idem Fridericus.

*Episcopus Pataviensis*  
 Ulricus III.

*Abbas Zwetlensis*  
 Joannes IV.

**V**iennenses anno priori novis quo-  
 rundam molitionibus in Cæsarem  
 excitati, hujus anni initio frequentem  
 ad ipsum legationem decreverunt, qua  
 paucorum motus deprecantes, ne toti  
 civitati succenseret, per Pataviensem  
 Præsulem responsum & veniæ & gratiæ  
 obtinuerunt. Inter hæc bellum adhuc  
 gerebatur inter provinciales & externos  
 milites, qui Wenceslao quodam duce  
 pagum Petersdorfium per eos dies inva-  
 serant, Templumque loci & cæmiterium  
 communiérant. Cæsar Georgium Po-  
 tendorfium Supremum militiæ Præfe-  
 ctum, eique omnes dicto audientes esse  
 jubet. Is Tulnam primum Proceres  
 convocat, deinde Egenburgam con-  
 ventum provincialium transfert, sed  
 parùm admodum ad rei summam actum  
 est. Viennenses quoque, ne quid ab  
 ipsis moveretur, æstate jam adulta de-  
 nuo in verba sua jurare jubet. Id in  
 præsentia Ernesti Saxonix Ducis Electo-  
 ris, Pataviensis & Gurcensis Episcopo-  
 rum, aliorumque nonnullorum è con-  
 silio suo missorum præstitère. Post hæc  
 Tulnæ rursus conventus indicitur, sed  
 propter raptores, viarumque infessores,  
 nemo eum tutò frequentare potuit.  
 Circa ea tempora Sigismundus Comes  
 Posingicus Cæsari quoque bellum intul-  
 lit, arcemque Berchtoldsdorfium occu-

pavit, inde vicinum agrum rapinis in-  
 festabat. Tandem Fridericus arcem  
 eam obsidet, & occiso Smicoscio eà po-  
 nitur, quem in belli societatem Comes  
 adduxerat. \* [ 1. ]

Sublato hoc quoque bello intestino,  
 Austriæ paululum respirante Proce-  
 res ad pietatem animos convertère, me-  
 mores quondam Divi Leopoldi Mar-  
 chionis Austriæ, qui per eos dies mira-  
 culis coruscabat. Hic erat Fundator  
 Monasteriorum Neoburgensis ad radi-  
 ces montis Cæcii in ripa Danubii, &  
 alterius in Viennensi nemore nuncupati  
 ad Sanctam-Crucem, quorum illud  
 Canonicis Regularibus, hoc Cisterci-  
 ensis incolendum concessum erat.  
 Sepultus autem in Neoburgensi Clau-  
 stro miraculis clarescebat. Pro cuius  
 nomine in Sanctorum Catalogo in-  
 ferendo jam aliquoties Romana Sedes fuit  
 tentata, sed semper aut suspensum, ut  
 miracula ibidem facta examinarentur;  
 aut bellorum motibus intervenientibus  
 impeditum hucusque manserat. Quare  
 quietem aliqualem affecti Austriaci,  
 instantiam, ut vocant, apud Pontifi-  
 cem fecère sequentes Proceres Sæcula-  
 res: „ Michaël Comes Hardeccius S.  
 „ Rom. Imperii Burggravius de Magde-  
 „ burg. Georgius Wolckerstorhus.  
 „ Rudgerus Scharfenbergicus. Joannes  
 „ Liech-

„ Liechtenstainius. Oswaldus Eitzingerus. Heinricus Puechaimius. Sigismundus Eitzingerus. Vitus Eberstorffius. Joannes Kranbergius. Sigismundus Toppelius. Georgius Rhoorius. Bernardus Tiernstainius, Barones omnes, anno nimirum isto, 10. Decembris. Idem præstitere Prælati Austriæ 12. Decembris, qui fuerunt: Joannes Melicensis, Martinus Gotvicensis, Hieronymus Scotorum Viennæ, Georgius Sanctæ-Crucis, Petrus Campi-liliorum, Laurentius in Cellis Sanctæ Mariæ, Joannes in Zwetl, & Wolfgangus in Altenburg, Abbates S. Benedicti & Cistercienses. Verum hoc anno nihil adhuc obtinere potuere aliis Austriæ tumultibus superuenientibus. [2.]

Porro Nicolaus Stockhorner dictus de Starchin vendidit Ecclesiæ Parochiali in Schöenaw, cui tunc Parochus præsedebat quidam Michaël, villam suam Stierberg nominatam de consensu uxoris suæ jam defunctæ Dyemudis Georgii Grassini filie pro 204. lib. den. Datum in festo Martini, annō 1465. [3.]

Recipio F. Georgii Magistri vini in Zwetl Indicem, qui hoc anno vinum acetosum maximè crevisse refert, ejus hæc sunt verba: „ Et omnia vina acerbata, & præ nimia acerbitate homines non potuerunt nec voluerunt bibere gratis, & quamplures effuderunt ad plateam, & cognominaverunt *Reißbeisser* (quasi audires calculi & colicæ causam esse.) Prosequitur deinde idiomate vernaculo citatus: Item eodem anno feriâ sextâ & Sabbatō ante Dedicationem Ecclesiæ (quæ tunc feriâ tertiâ Pentecostes celebrabatur) ita Campius inundavit, ut supra pontem lapideum trunci ferræ secandi defluerint, nobisque ea inundatio magnum damnum intulerit in molendino & in pecore, oves & porci submersi sint. Item in Refing misit D. Abbas pro ædificatione curiæ Peregrino famulo duos ternarios. [4.] Scilicet ad cæmentum seu calcem eodem præparandum, nam vinum, uti suprà retuli, acetosum nimis creverat, quod potanti morbum aut calculi aut colicæ causabat.

## ADDITIONES.

\* [1.] Gerardus de Roß lib. 7.

[2.] Polzmannus Præpositus Claustro-Neoburgensis in vita S. Leopoldi.

[3.] Ex litterarum monumentis.

[4.] Ex Registro F. Georgii MS.

## An. Christi MCCCCLXVI. Monasterii CCCXXVIII.

*Pont. Rom.*  
Paulus II.

*Imp. Rom.*  
Fridericus IV.

*Archi-Dux Austriæ*  
Idem Fridericus.

*Episcopus Pataviensis*  
Ulricus III.

*Abbas Zwetlensis*  
Joannes IV.

**P**aulus Pontifex anno isto Georgium Bohemiæ Regem, quod neque Basileensis Synodi decretis acquiescebat, & Hussi dogmata soveret, Sacrorum communione & Regia dignitate privat, omnibusque illi fidem & obsequium exhibentibus fulmen Apostolicum denuntiat, eaque de re interdicta Olomutii, Wratislaviæ, Brunnæ, ac aliis in locis promulgari jubet. Viennæ quoque

Crucis commilitum prædicatur, largæque peccatorum veniæ arma in hæreticum sumentibus proponuntur. Id ne antea fieret, Fridericus potissimum intercesserat, Matthiâque Ungariæ Rex à Pontifice contra Regem Bohemiæ socerum suum ad occupandum regnum sollicitatur, promittente ei auxilium Friderico Cæsare. Inter hæc cum Inferior Austriæ pars à diuturnis belli molestiis

Kkk 2

respi.

respirare videbatur, Imperator ad Superiorem pacandam animum adjecit, ea enim Alberti partes secuta magnis Procerum & Nobilium dissensionibus æstuabat. Eam in rem Lincii conventum indicit, quò ille quoque profectus est. \* [1.]

Imperator cùm adhuc Neostadii existeret, Abbati Joanni in Zwetl commisionem quandam dedit, ut duos vicinos inter se dissidentes lite ipsorum sublata & articulis firmatis, in concordiam revocare studeret. Datum Neostadii annò Domini 1466. feriâ secundâ post Jacobi. Unde colligitur Fridericum primò circa finem anni Lincium ad conventum sese contulisse. [2.]

Porro in manus venit quædam Templi Monasterii nostri, Sacellorum ejusdem ac cœmeteriorum reconciliatio facta, cujus tenor talis est: „Wolfgangus Episcopus Ypponensis, Udalricus Passaviensis Episcopi Suffraganeus ad instantiam Joannis Waltpeckh Abbatis in Zwetl Chorum seu Ecclesiam cum omnibus Capellis ibidem, Claustrum & cœmeterium intus & foris cum Capellis eorumdem reconciliavit. Datæ sunt literæ propterea annò Domini 1466. in Vigilia Natalis Domini. „ [3.] Mirabar primùm, quid hæc sibi reconciliatio significaret, cùm denuo nusquam post Hussiticas faces Monasterium Zwetlense invenerim execratum aut spoliatum: verùm annis prioribus (Annò 1461. & 1464.) repetitis reperi de fortalitis ante civitatem Zwetlensem posito milites aliquando viginti, plures semper, nonnunquam etiam centum frequentasse Monasterium, in eoque potitasse vinum: unde forte ebrii inter se duellum commisere aut bellum è rixis bacchicum, in quo tumultu aliqui occisi fuerint, unde Ecclesia vel Claustrum, vel cœmeteria humano sanguine defædatis & profanata fuerint, quare ad Abbatis instantiam indiguerint reconciliatio: nam post Hussitarum execrationem præfata loca

omnia de novo fuere jam antè consecrata. Atque hæc de expiatione Monasterii.

Florebat eo tempore de Fundatorum nostrorum progenie mirum in modum Georgius Potendorfius non tam muneribus publicis quàm virtutibus egregius Heros. Erat enim Summus Austriæ & Pincerna & Marschallus, qui civitatem Cistersdorfensem hæreditariam sedem tum possidebat. A bellis igitur intestinis abhorrens, animum ad pietatem convertit, justitiæque tenax suum cuique tribuit, liberalis in pauperes. Hic memor Majorum quoque suorum, Parochiæ in Cistersdorf Monasterio nostro incorporatæ decimas integras minutas, ut vocant, in, & extra civitatem ibidem porrigendas legavit. Datum annò Domini 1466. in Dominica infra Octavam Corporis Christi. [4.]

„ Idem Georgius Potendorfius Summus Pincerna, Marschallus & Capitaneus Austriæ nuntiat Abbati Joanni in Zwetl ejusque Conventui, quòd bellum seu potius litem inter eum suumque Conventum ex una, & Nobilem Dominum Haidenricum Drucksefs, Joannem de Hofkirchen, Bernardi Drucksefs relictam viduam ejusque filiam domicellam Barbaram ex altera parte, his literis sublatam velit & pronuntiet, induciis à festo nimirum Martini (quousque partes modò dictæ jam inter se convenerant) usque ad Nativitatem Domini proximam duraturis. Nam Imperator comitia provincialia indixerat, ad quæ partes conveniant & compareant jubet, ut amicabile aliqua compositio possit iniri. Datum Viennæ annò Domini 1466. feriâ tertiâ post Colomanni, circa Idus Octobris. „ [5.] Credo ego hanc litem suscitatum fuisse tempore tumultus, quo Sæculares potentes præsertim in Monasteriorum bona cupidi ferebantur. De hoc autem Georgio Potendorfio sic Gerardus loquitur:

tur : „ Interim qui ex prædonibus  
 „ (per Austriam) adhuc in armis erant,  
 „ à Provincialibus sub Potendorffii du-  
 „ ctu adversis aliquot præliis attriti in  
 „ Ungariæ fines sese proripuerunt, &  
 „ propè Tirnaviam excitatâ de more  
 „ tabernâ agros populabundi infesta-  
 „ bant. Igitur Matthias Rex milite  
 „ Posonii & in vicinis locis collecto ab  
 „ excursionibus prohibitos obsidione  
 „ circumvallat. Accurrit ad ipsum in  
 „ castra Potendorffius cum sexcentis  
 „ Austriacis, urgetur totis viribus ob-  
 „ fusio, & munimentum noctu diuque  
 „ oppugnatur. Prædones viribus suis

„ diffisi & veniam desperantes, eruptio-  
 „ ne factâ, quâ possunt effugere, ten-  
 „ tant, sed in hostium manus incidunt :  
 „ centum ex illis suspendio dati, reli-  
 „ qui in custodias & ergastula distri-  
 „ buti. „ [6.] Hæc Gerardus, ubi  
 „ quoque hujus Potendorffii nostri præ-  
 „ claræ in bello res gestæ describuntur.  
 „ Habebat hic Vicarium Leopoldum de  
 „ Wulzendorf, fortè Wolckerstorff, qui  
 „ litem etiam quandam Monasterii nostri  
 „ hoc anno in præfati Georgii absentia  
 „ tanquam Vice-Mareschalcius compo-  
 „ suit sub dato Viennæ. [7.]

## ADDITIONES.

\*[1.] Gerardus de Roô lib. 8. „ Erant  
 „ per idem tempus Romæ Matthiæ Regis Le-  
 „ gati Joannes Rosgonius unus è principibus  
 „ Optimatum, & Joannes Quinquecelesien-  
 „ sis Antistes, quibuscum multa Pontifi-  
 „ cem antea collocutum ferebatur. Nemo  
 „ certè ad bellum Georgio inferendum magis  
 „ idoneus reperiatur, quàm Matthias, sive  
 „ animi robor, sive militares copias, quas ille  
 „ paratas, multisque præliis exercitatus ha-  
 „ bebatur, spectes. Hunc igitur Pontifex cre-  
 „ bris litteris ac nunciis exhortatur, juvenem  
 „ laudis & belli avidum, uti qui secundis ali-  
 „ quot præliis Turcæ sævissimi Christianorum  
 „ hostis vires fregerat, hunc quoque contu-  
 „ macem hæreticum, à quo non minùs, quàm  
 „ ab illo, rei Christianæ periculum metueret-  
 „ tur, debellandum sibi desumeret, quam  
 „ rem immortale Corvinæ domui decus esse  
 „ parituram, neque tam arctum affinitatis esse  
 „ vinculum, quod ab hoc tam sancto nego-  
 „ tio absterre eum debeat. Præter has ex-  
 „ hortationes quinquaginta aureum num-  
 „ mûm millia in belli sumptus missa, Bonfi-  
 „ nius meminit. Instigabat Matthiam Frideri-  
 „ cus quoque, & auxiliares copias se missu-  
 „ rum pollicebatur, Pontificis autoritate  
 „ potissimum inductus: etsi non deerant ei  
 „ auctores, uti Matthia neglecto, sibi regnum  
 „ illud aut Maximiliano eximia spe ac indole  
 „ puero compararet. Matthias verò multa  
 „ animò secum volvens, nihil agendum statuit  
 „ absque Procerum suorum consilio. Vide-  
 „ batur enim id, quod res erat, negotium  
 „ tam arduum longiori deliberatione indi-  
 „ gere, neque enim arma quàm facillè sumun-  
 „ tur, tam facillè deponi quoque possunt.

„ Metus etiam à Turca erat, ne si & ipse in  
 „ Hungariam duceret, utrique impar esset. „  
 „ Spondanus hic n. 1. „ Acta est apud  
 „ Sedem Apostolicam causa Georgii Regis  
 „ Boemiæ annis præteritis cepta & conti-  
 „ nuata. Suspensa illa fuerat, ut vidimus,  
 „ intuitu Friderici Imperatoris, qui Georgii  
 „ protectionem spe emendationis susceperat.  
 „ At novo superveniente casu, resumpta illa  
 „ est, & judicata. Quam rem gestam pluri-  
 „ bus describit Cardinalis Papiensis, qui in-  
 „ terfuit: ex quo breviter eam referemus.  
 „ Erat inter Proceres Regni Hynco quidam  
 „ (Zdenconem vocat Dubravius, alii Sten-  
 „ conem) fide & Religione Catholicus. Hunc  
 „ Georgius, quod minùs ceteris sibi consen-  
 „ sisset, per occasionem criminum bellò ador-  
 „ tus, ceteris ademptis intrâ Zarasten oppi-  
 „ dum obsidebat. Is noctu per stationes  
 „ elapsus, Romam implorandæ opis causâ  
 „ accedens, & à Paulo Pontifice in fidem  
 „ acceptus; impetravit etiam, ut ad Im-  
 „ peratorem de ferendo auxilio scribere-  
 „ tur, & anathema in eos pronuntiaretur,  
 „ qui ab obsidione acturum non abirent.  
 „ Georgius hoc audito, ceterorum Procerum  
 „ nomine, quantumvis plerisque rem ignoran-  
 „ tibus scribi Romam curavit, & obsidionis  
 „ causam in crimina Hynconis rejici, petique,  
 „ ut mitteretur noscendorum omnium causâ  
 „ Orator ad Imperatorem, apud quem etiam  
 „ de reducenda Boëmia agi necessaria possent.  
 „ Pontifex fraudem subodoratus perstitit qui-  
 „ dem in iussione solvendæ obsidionis; verum-  
 „ tamen Rudolphum Laventinum Episcopum  
 „ hominem natione Germanum ad Imperato-  
 „ rem misit cum mandatis, ne quid cum Ge-  
 „ „ orgio



„ orgio aut suis prius tractaret, quàm & so-  
 „ lutam obsidionem, & arma deposita cogno-  
 „ visset. At Georgius contemptis monitis,  
 „ Zaratenses demum annuali obsidione ad  
 „ extrema redactos deditione recepit &c.  
 „ Ceterum memorat quoque Michovius, hoc  
 „ eodem anno Joannem Rockysanam Boëmi-  
 „ cæ hæresis verticem, & aurigam dolosum,  
 „ subita paralyti percussum, apud Pragam lo-  
 „ quendi usum amisisse; justissimò Dei judi-  
 „ ciod, ut qui linguâ sceleratissimam hæresim  
 „ extulisset & prædicasset, linguâ languidatâ  
 „ puniretur. Haud tamen perfidus iste tunc

„ obiit, sed in aliquot adhuc annos vitam  
 „ propagavit: de cujus obitu dicitur suò lo-  
 „ cò; sicuti & de prosecutione causæ Geor-  
 „ gii.

- [2.] Ex litterarum monumentis.
- [3. & 4.] Ex Autographo ipsorum.
- [5.] Ex litterarum monumentis.
- [6.] Gerardus de Roó ubi suprâ.

Annales Ungarorum antiqui sub Matthia Rege.

Fuggerus in speculo lib. 5. cap. 18. prope finem.

- [7.] Ex litterarum monumentis.

## Ann. Christi MCCCCLXVII. Monasterii CCCXXIX.

*Pont. Rom.*  
 Paulus II.

*Imp. Rom.*  
 Fridericus IV.

*Archi-Dux Austriæ*  
 Idem Fridericus.

*Episcopus Pataviensis*  
 Ulricus III.

*Abbas Zwetlensis*  
 Joannes IV.

**I**mperii Principes Norimbergæ con-  
 veniunt, & Fridericus ob domesti-  
 cos motus in Austria retentus Udalicum  
 Pataviensem Epistolarum Magistrum eò  
 cum mandatis misit. A Pontifice aderat  
 Laurentius Præsul Ferrariensis. Adum  
 fuit ibi de bello Turcis & Hæreticis infe-  
 rendo, verum motus intestini suere  
 huic expeditioni impedimento. Lega-  
 tus autem Pontificius id operam se da-  
 turum pollicitus, soluto conventu in  
 Austriam proficiscitur; Puechaimio,  
 Stainio, ac aliis nonnullis ad se vocatis  
 pacem & concordiam suadet, obsequi  
 nolentibus sacrorum usu interdicat.  
 \* [1.] Sub initium Septembris deinde  
 obiit Eleonora Augusta Neapoli Austriæ  
 pia ac multis exornata virtutibus fœmi-  
 na; sepulta est ibidem in Choro Mona-  
 sterii ad S. Trinitatem dicti, Ordinis Ci-  
 sterciensis. [2.]

Friderico Imperatore Austriam ple-  
 no jure occupante & à provincialibus  
 fidei Sacramentum recipiente, Abbas Jo-  
 annes in Zwetl noluit suo quoque deesse  
 Monasterio, sed Imperatorem Neapoli  
 supplex conveniens petiit omnia sui Mo-  
 nasterii privilegia & immunitates diplo-  
 mate Cæsareo confirmari, & impetra-  
 vit, cujus diplomatis initium & finis ta-

lis est: „ Fridericus D. G. Romano-  
 „ rum Imperator semper Augustus, Un-  
 „ garie, Dalmatiæ, Croatiae Rex, Dux  
 „ Austriæ, Stiriae, Carinthiae & Car-  
 „ niolæ, Dominus Marchiæ & Portus-  
 „ Naonis, Comes Habsburgi, Tyrolis,  
 „ Pfürth & Kyburg, Marggavius Bur-  
 „ govie & Landgravius Alsatiæ, &c.  
 „ Datum in Nova-Civitate annò Do-  
 „ mini 1467. feriâ secundâ S. Viti, an-  
 „ nò Imperii decimò sextò, Regni verò  
 „ Romani vigesimò octavò, & Un-  
 „ garici nonò. „ [3.]

Porro F. Georgius de Aychstât pro-  
 tunc Magister vini & D. Abbas Capel-  
 lanus in suo vini Indice sequentia com-  
 memorat: „ Annò Domini 1467.  
 „ Item Victorin hæreticus venit ad Mo-  
 „ nasterium nostrum in die Agnetis Vir-  
 „ ginis cum exercitu quasi quinque mil-  
 „ lia, & Dominus de Puechaim Wil-  
 „ helmus, & Georgius de Stain, & Crey-  
 „ der, & manserunt in Monasterio us-  
 „ que ad tertium diem, & ebiberunt  
 „ ad minus quinque ternarios, quia tan-  
 „ tùm Domini cum certis fuerunt in  
 „ Monasterio, cæteri in diversis villis  
 „ Monasterii. „ [4.] Hucusque In-  
 „ dex; ubi sciendum hos Dominos unâ  
 cum Victorino Georgii Regis Bohemiæ  
 filio

filio, qui hæreticus vocatur, eò quòd Hussitica labe infectus erat, fuisse Cæsaris inimicos, & Austriam non solum Superiorem devastasse, sed quoque Inferiorem incurasse ultra Altenburgense Cœnobium descendentes, uti paulò post patebit. Nam Austriæ Nobiles præfati, cum à Laurentio Ferrariense Legato Pontificio, eò quòd pacem inire cum Cæsare nolebant, excommunicationis gladiò percussi fuissent, in Monasteria passim grassabantur. De quorum excursione hostili talia Struno refert: „ Postmodum absque mora Stainius & Puechaimius grassabantur in provincia suprâ Anasiana ferro, igne & hominibus, illudque summè devastabant, Monasterium Montis-Pomerii effringebant, simili modo impetum faciebant in Monasterium Lambacense, quod non poterant occupare, hominibus quoque Monasterium Florianense, omnèsque indigenas undique usque ad Gamundium. In oppido Kirchdorfio agricolas ducentos occidebant, tantæque damna provincie inferebant, quæ vix credi poterant. Invadebant quoque bona Waldseii reguli, eaque incendio devastabant: nemo denique fuit, qui sese ipsis opponeret. „ [5.] Hæc

Struno. De eodem bello Gerardus clarius sic loquitur: „ Imperator ejusdem mensis (*Septembris nimirum*) sine Udalrico Graueneccerum in Superiore Austria summum militiæ Præfectum creat. Is conscripto milite rebellium aliquot locis ex itinere captis ac dejectis Stiram ducit. In oppidum à civibus receptus arcem pertinacius resistenter post dies aliquot vi in potestatem redigit. Inde ibidem, vulgò Ipsum quoque capit, nam Victorinus Boëmorum Regis filius, qui ad ferendam opem accurerat, Danubium transire non potuit. Igitur Altemburgum Cœnobium expugnat ac diruit. „ [6.] Hæc Gerardus.

Fuit tunc temporis in grangia seu curia Weinzierl (ita dicta, quòd inter vinitores sit sita) Magister curiæ F. Hainricus Gapler Monasterii Zwetlensis Professor, qui subditos quoque sub cura sua habebat non tantum villæ curiæ adjacentis, sed etiam illos, qui in Fuersprun, Ossarn & Hafnerbach habitabant, ipse sub officio suo continebat. Hic facit in eodem suo Indice mentionem quoque F. Andræ tunc Monasterii Zwetlensis Cantoris. [7.]

## ADDITIONES.

\* [1.] Gerardus de Roó lib. 8. ubi inter ea in textu nostro relata & hæc habet: „ Laurentius . . vir pietate ac rerum usu, „ prudentiæque insignis. Is luculenta oratione Principes quotquot aderant, hortatur, uti pro officio suo, ac fide, qua Deo inprimis, ac Ecclesiæ, ejusque Summo Pastori, quæque Imperio ac patriæ suæ devincti essent, imminentes à Turca & hæreticis calamitates profligare aditarent. Respondent Principes; paratos se esse, pro sua quemque facultate quod possint præstare, sed si Pontifex expeditionem in Turcam seriò cogitaret, ante omnia opus esse,

„ ut pace inter Christianos confirmata, extra suæ ditionis limites cum armis exire liceat. „ Spondanus ad hunc ann. n. 8. [2.] Piespordius in Friderico VI. Gerardus ubi suprâ. Cuspinianus in Cæsarib. sub Friderico III. [3.] Ex literarum monumentis. [4.] Ex Registro F. Georgii MS. [5.] Annales Austriæ Superior. Richard. Strunonis hoc anno. [6.] Gerardus de Roó suprâ cit. locò. Et ex eo Struno citatus. [7.] Ex Registro F. Heinrici Gabler MS.

## Ann. Christi MCCCCLXVIII. Monasterii CCCXXX.

Pont. Rom.  
Paulus II.

Imp. Rom.  
Fridericus IV.

Archi-Dux Austriæ  
Idem Fridericus.

Episcopus Pataviensis  
Ulricus III.

Abbas Zwettlensis  
Joannes IV.

**M**atthias Rex Ungariæ in conventu Procerum totius regni Agriæ de bello Regi Bohemorum Georgio Podiebradio focero suo inferendo retulit, Pontificisque ac Imperatoris literas in consilio legi iussit. Post aliquot consultationes tandem omnium sententiis bellum in Bohemos decretum est, & foedus cum Cæsare denuo instauratum approbata Austriacorum successione, si absque prole Regem mori contigisset. Igitur incunte hujus anni vere Matthias cum exercitu Posonium primum, inde Laam Austriæ oppidum venit, quod Austriaci equites ad ipsum gratulatum mittunt; quos cum peditatu secuti castra prope Regios locant. Georgius verò Rex Bohemiæ Trebitiò, ubi tunc erat, movens Znóymam ducit cum tribus armatorum millibus, unde Victorinum filium cum copiis assumens Laam profectus in hostium conspectu castra metatur, eaque essedorum & curruum objectu undique circumvallat. Inter utrumque exercitum Marus amnis erat (quem alias Marcham, quasi litem vocant)

qui Ungariam ab Austriæ finibus & vicina Moravia determinat. Ibi post aliquot tractatus inter utrumque Regem nihil effectum est, sed Georgius Trebitium retrò castra movit cum Victorino. Hos secutus Matthias Znóymam primò venit, deinde Trebitium pulsò inde Victorinò (Rex autem Georgius in interiora regni loca secesserat) occupat, mox Brunnam pergit, & ab obviis civibus excipitur, ubi arcem Spilbergam situ, opere, & presidio validam obsidione cinxit. Relictis autem ibi Præfectis Rex in Ungariam hibernatum abiit. \* [1.]

Sub initium Novembris Cæsar res in Austria satis jam quietas, & Matthiæ ob foedus fidendum ratus suscepto in Italiam itinere vesperi ante diem Natalis Domini nostri Romam venit, ubi canoste sacra faciente Pontifice Evangelium de edito Cæsaris Augusti decantasse dicitur, exemplo Imperatoris Sigismundi. Sedecim dies illic commoratus domum rediit. [2.] Varii varias causas afferunt ejus itineris Romani.

## ADDITIONES.

\* [1.] Gerardus de Roó lib. 8. „ Erant „ qui bello hoc abstinendum, & Hungariæ „ Regi abundè ad laudem sufficere dicerent, „ quòd Turcam suo Marte à Christianorum „ finibus submovisset. Pars verò, quibus superiorum temporum injuriæ, & damna à Boëmis accepta, cordi & vindictæ erant, bellum suadebant, ne Hungari, Turcâ in „ Asia occupatâ, pacem ac ocium nacti, remissò bellandi exercitiò degenerantes, hosti aliquando prædæ ac ludibrio sint. Ad horum sententiam Rex ipse pronior, eam orationem habuit, ex qua satis cum ad hoc bellum animatum esse faciliè intelligebant. Variantibus adhuc sententiis, Legati à Turca missi interveniunt, qui à Nicolao Vilacho

„ Inferioris Pannoniæ Præfecto introducti, „ eodem interprete, pacem petierunt, atque „ impetrarunt. Eam verò legationem Turca „ miserat, ne dum ipse rebus Asiaticis distinebatur, metus ab Europa relinqueretur. „ Id etsi ab Hungaris satis intelligeretur, „ omnium tamen sententiis bellum contra „ Boëmos decretum est &c. „

Dubravius Histor. Bohemic. lib. 30.  
Spondanus ad hunc ann. n. 4. „ Matthias Rex Hungariæ . . . in Moraviam „ ducens, obvium habuit Georgium cum forti „ exercitu; paribus, ut apparebat, utrimque „ viribus, ducibus pari virtute & prudentia, „ sed longè impari ætate, cum septimum vix „ Matthias & vigesimum clauderet annum, „ „ Geor-

„ Georgius sexagenarius jam fortassis esset.  
 „ Sejunctis post quasdam velitationes exerci-  
 „ citibus, Matthias nonnulla oppida quâ ob-  
 „ sidione, quâ spontanea deditione recepit.  
 „ Rursûmque ad Brunam, quæ Moraviæ caput  
 „ est, exercitibus prope admotis, cùm  
 „ Georgius, objecta Matthiæ affinitate filiali,  
 „ obtulisset etiam singulare certamen in an-  
 „ gusto loco; respondit Matthias, potio-  
 „ rem sibi esse causam fidei: respisceret pater, &  
 „ de fide sacrosancta rectè sentire studeret:  
 „ quoad verò certamen, non se rusticum esse,  
 „ qui in angusta fornace tribulis frumentum  
 „ tereret; sed Principem, cujus sit armatum  
 „ in campo decertare: proinde si Princeps  
 „ Georgius esset, equestri certamine depu-  
 „ gnarent. Non accipiente illo conditio-  
 „ nem, cùm ad mutuum colloquium de pace,  
 „ quinimò & post nonnullas contentiones  
 „ ad convivium inter media castra descendis-  
 „ sent, intèrque prandendum duo histriones  
 „ Regii joci suis serâ solerent; proponente  
 „ quodam ex Proceribus Boëmis Catholicis,  
 „ ut in histrionibus fidei periculum fieret, &  
 „ qui in palæstræ certamine victor esset, ejus  
 „ fides præstantior haberetur; approbantibus  
 „ sententiam Regibus, nequicquam reluctante  
 „ Legato, qui aderat, (numquam à latere  
 „ Matthiæ discedens, ne in suscepto tituba-  
 „ ret) commissi inter se histriones, quorum  
 „ Catholicus Hungarus staturâ longè minor  
 „ erat, post longam colluctationem Hunga-  
 „ rus tandem insanam Boëmi molem in aëra  
 „ sustulit, humum continuò inverfurum, nî  
 „ Boëmus quidam dextram objecisset. Exactò  
 „ conviviò, rebus infectis, singuli in castra  
 „ redièrunt: & Matthias post quædam capta  
 „ oppida, appropinquante hyeme, relicto  
 „ exercitu in Moravia, in Hungariam rediit:  
 „ ut hæc prolixè Bonfinius refert. De qui-  
 „ bus est etiam Cardinalis Papiensis epistola  
 „ ad Paulum Pontificem ex secessu Pientino  
 „ scripta, qua ei congratulatur de indicto à  
 „ Matthia bello Georgio: hortaturque ad in-  
 „ dicendas preces pro felici susceptæ rei suc-  
 „ cessu. Aliæque ad Rovarellam Legatum,  
 „ de præclara navata ab eo in his opera.

N. 5. „ Verùm quod Bonfinius omisit,  
 „ habent alii, Matthiam cum Georgio inducias  
 „ pepigisse in prædicto ipsorum congressu us-  
 „ que ad finem anni. Sed Bonfinius, qui  
 „ non nisi laudes Matthiæ quæsit, nihil ferè  
 „ umquam quod vitio aut dedecori verti ei  
 „ possit, historiæ suæ inferi passus est. Id  
 „ verò de induciis habent disertè auctores Po-  
 „ loni: ac distinctiùs Cromerus, postulante  
 „ Georgio de pace inter eos agi cœptum esse;

„ & fortasse conventuram fuisse sine arbitris,  
 „ nisi Legati Pontificii & Proceres Hungari  
 „ & Boëmi piò zelò incitati Matthiam aver-  
 „ tissent: Inducias igitur dumtaxat inter Re-  
 „ ges factas esse ad finem usque anni. Quas  
 „ tamen Naclerus pacem vocavit, cùm scrip-  
 „ sit, abeunte Imperatore ex Germania,  
 „ (quem paulò post videbimus Romam ac-  
 „ cessisse ad finem anni) statim Matthiam pa-  
 „ cem cum Boëmo percussisse, contra pacta cum  
 „ Imperatore inita: quæ fecit irrita, inquit,  
 „ quòd hac ratione confirmari vires & adver-  
 „ sus Turcum & contra ipsum Imperatorem  
 „ putaret. At verò restauratum esse bellum  
 „ annò proximo, dicitur ibi.

[2.] De Roë, ubi suprâ.

Cuspinianus in Cæsariis. sub Friderico III.  
 Megizerus Annal. Carinth. lib. 10. c. 15.  
 Spondanus citatò suprâ locò, num. 15.  
 „ Calendis Decembris (ut Papiensis narrat)  
 „ cùm nunciatum esset Romæ Fridericum Im-  
 „ peratorem in Italiam descendisse voti sol-  
 „ vendi causâ, quod ad Ecclesiæ Apostolo-  
 „ rum ex Germania seceerat; conversus Ponti-  
 „ fex ad ejus suscipiendi curam, unum ex Se-  
 „ cretariis Ordine quàm longissimè ire ob-  
 „ viam jussit, negotiò injunctò, ut crebris  
 „ nunciis de ratione viæ, & ceteris quæ co-  
 „ gnovisset, sine mora significaret. Inde qua-  
 „ tuor ex diversis nationibus Episcopos des-  
 „ signavit, Judicēsque Rotæ duos, & consi-  
 „ storiales Advocatos totidem, qui Secreta-  
 „ rio succedentes secunda salutationis officia  
 „ exhiberent. Denique delegit Cardinales,  
 „ Guillelmum de Estoravilla Gallum Roto-  
 „ magensem dictum, Episcopum Ostiensem,  
 „ & Franciscum Piccolominum Pii II. nepotem  
 „ Diaconum tituli S. Eustachii, qui præsta-  
 „ rent tertia, non tamen ultra bidui viam  
 „ progredierentur. Ingressum deinde in ur-  
 „ bem describit speciatim idem Papiensis;  
 „ quòd, ut ait, ejusmodi solemnitas neque ex  
 „ caremonialibus libris, neque ex omni hi-  
 „ storia reperiri tunc posset; quippe aliter cùm  
 „ coronam petit, aliter cùm privatæ rei causâ  
 „ venit, accipi debeat Imperator. Qui ergo  
 „ singula cupièrit, legat apud illum; nos so-  
 „ lidiora videamus. Ingressus est igitur pro-  
 „ vecta jam nocte Natalis Domini, eùm jam  
 „ Pontifex in Ecclesia sacrum Matutinum  
 „ inchoasset: ibique à Pontifice ad osculum  
 „ pedis, manus & oris exceptus, in propinquâ  
 „ sede collocatus inter Pontificem & Cardi-  
 „ nales, donec completum esset Sacrum: cò-  
 „ que absolutò Diaconi Cardinales duo ad  
 „ Altare cum deduxerunt; ad cujus ille pri-  
 „ mum gradum in genua procidens, tamdiu  
 „ M m m „ per-

perseveravit orans, donec & votum absol-  
veret, & divinæ preces super eum à Ponti-  
fice recitarentur. Inde in cubiculum &  
quietem ductus: paulò ante diluculum re-  
diens in Ecclesiam ad secundum Sacrum,  
quod solemnitus celebratum est, quia pri-  
mum ferè tumultuarium fuerat; ense tunc  
de more benedicto à Pontifice donatus,  
quem ille, ut nudus erat, armigero ad-  
stanti tradidit; camisèd, stolà, & pluviali  
ornatus inter duos Diaconos Cardinales  
Evangelium lectionis septimæ cantavit, le-  
ctionem ipsam eorum alteri prosequendam  
relinquens. Manè tertii officii tempore,  
Missam Pontifex celebravit: in qua post  
communicationem suam, Eucharistiæ par-  
tem in hoc ipsum servatam Imperatori por-  
rexat. Finitò Sacrò, & ostensò ad venera-  
tionem Sanctò Sudariò, Pontifex benedi-  
cens plebi, quæ innumera convenerat, sum-  
mam peccatorum veniam impertiit. Et ad-  
monitæ turbæ à Diacono Cardinali, ut ac-  
ceptæ hujus gratiæ memores pro Romana  
Ecclesia & Pontifice suo orarent; additum  
est, & pro Friderico Imperatore nostro, ut  
contra infideles gentemque hæreticam di-  
vinum illi semper subsidium adsit. Atque  
hæc hactenus de celebratibus.

N. 16. „ Quarto post die in Consisto-  
rium veniens, quod dari sibi ob publicam  
causam poposcerat, cum unà cum Cardi-  
nalibus quidam Germani Proceres, & Regis  
Hungarorum, & Cypri & Venetorum Lega-  
ti frequentes adesset; per Laventinum  
Episcopum itineris sui causam proposuit;  
tam videlicet ad reddendum Deo votum,  
quàm ad inquirendum modum providendi  
saluti Christianorum adversus Turcos; sæpe  
à se pluribus in Germania conventibus quæ-  
situm, nec inventum. Cum Pontifex ad  
hæc respondisset, tam se quàm antecessores  
multum in eo laborasse, nec quid modò  
aliud consilii habere, rogatque, ut si quod  
Imperator attulisset, promeret; is post con-  
sultationem cum Proceribus suis & prædi-  
ctis Legatis habitam exposuit in tanta con-  
siliorum inopia nihil melius invenisse, quàm

„ ut Constantiæ, quæ Germaniæ civitas esset  
„ Italiæ propinqua, conventus Principum in-  
„ diceretur, ad quem Pontifex & Imperator  
„ accederent, & reliquos omni diligentia  
„ convocarent. Quod cum Pontifex præte-  
„ ritorum exemplo inutile futurum ostendisset,  
„ post alias subsequentes consultationes,  
„ duo communi animo sunt constituta, vide-  
„ licet ut literæ ad Principes utriusque nomine  
„ scriberentur, quibus ad Calendas Novem-  
„ bris anni venientis Legatos suos Romam  
„ mittere rogarentur, de ratione tuendæ fidei  
„ cum Pontifice acturos: & ut Venetis diu-  
„ tinò Turcorum bellò exhaustis decimæ Cle-  
„ ricorum, Hebræorum vigesimæ, & Sæcula-  
„ rium trigessimæ in ditione sua concederen-  
„ tur; quales decreto Mantuanò Pius olim  
„ Italis quibusque indixerat. Nec multò post  
„ cum totos septemdecim dies Romæ Impe-  
„ rator fuisset, in Germaniam reversus est,  
„ multis interim à Pontifice officiis, & mu-  
„ neribus gratisque spiritualibus honoratus:  
„ adde ut etiam quamdiu Romæ, atque in  
„ reditu intra Statum Ecclesiasticum fuit, vi-  
„ dum sibi, & comitatu, qui sexcentorum  
„ amplius equitum extitit, largissimum acce-  
„ perit. Quæ omnia eò studiosius illi collata  
„ fuere, quòd notissimum erat, propugna-  
„ torem se cum ostendisse Romanorum Ponti-  
„ ficum, & nec absisse unquam in eorum con-  
„ silia, quibus transalpinæ nationes sæpe in  
„ Romanam Curiam tumultuari consueverant.  
„ Hæc Papiensis pluribus, qui omnium fuit  
„ particeps. Meminitque eorum Platina,  
„ qui æquè tunc fuit Romæ; sed in ærumnis,  
„ ex falsis, ut profiteretur, accusationibus. Ast-  
„ que Pontificem ad Imperatoris adventum  
„ equitum & peditum suorum magnam partem  
„ in Urbem vocasse, veritum ne quid tumultus  
„ à Populo Romano excitaretur præsentem Im-  
„ peratore. Cùm is alioqui (ut loquitur  
„ Krantzius) parvo comitatu ingressus esset  
„ Italiam, nemini formidabilis, paucis etiam  
„ fortè venerabilis. Vivere tamen tunc vi-  
„ derunt, (inquit in fugillationem Imperato-  
„ ris) quod antea difficulter credebant, qui  
„ nulla insigni opera se vivere declararet.

Ann. Christi MCCCCLXIX. Monasterii CCCXXXI.

*Pont. Rom.*  
Paulus II.

*Imp. Rom.*  
Fridericus IV.

*Archi-Dux Austria*  
Idem Fridericus.

*Episcopus Pataviensis*  
Ulricus III.

*Abbas Zweilensis*  
Joannes IV.

**M**atthias Rex constitutis domi re-  
bus, initio Februarii mensis in

Moraviam cum exercitu accelerato iti-  
nere profectus est; uti suis, quos in ob-  
sidio.

fidione arcis Spilbergæ reliquerat, in tempore subveniret. Ad famam adventus ejus obsessi deditionem fecere. Non multo post duo Reges prope arcem Leuchtenbergam in colloquium venere. Variant hic Scriptores Bonfinius & Dubravius. Gerardus è manuscriptis loquitur, convenisse Reges memoratos in Suburbano Sternbergæ Olomucio vicini oppiduli, ibique ad anni exitum inducias secum pepigisse. Interea Matthias Rex Bohemiæ & Marchio Moraviæ Olomucii ab Ordinibus orthodoxæ fidei additis appellatur, præterea à Silesiis vocatus Wratislaviæ Princeps, eam ditionem in fidem recipit. Revocatus in Moraviam Victorinum novi quippiam molientem, & in oppido Weßfale obsessum fugam tentantem capit, inde abducto secum Victorinò in Ungariam rediit. \* [1.]

Habetur porro vicinorum Monasterii nostri mentio anno isto sequentium:

Domini Hartnidi Puechaimii de Gmünd, Joannis Hofkircheri de Cholumtztz, sub cujus jurisdictione Ludweigs villa tunc erat, de qua inter ipsum & Joannem Abbatem in Zwettl, atque Georgium Pilgrimum Magistrum curiæ in Raßing lis & contentio versabatur, & Domini Friderici Chraßtonis de Missingdorf. Datum in curia Raßing annò Domini 1469. Dominicà Oculi in Quadragesima. [2.] Horum ideo mentionem feci, quia successu temporis lites novas & bella Monasterio gravia suscitarent sub Wolfgango I. Abbate Zwettlensi, uti suo tempore patebit.

Erat hoc anno Allodiorum nostrorum Magister Wolfgangus Schachinger, qui pietate tactus Monasterio nostro centum denariorum talenta legavit. Datà desuper literæ annò Domini 1469. in Vigilia Assumptionis B. V. Mariæ. [3.]

## ADDITIONES.

\* [1.] Gerardus ubi suprà ad priorem ann.

Spondanus hic n. 9. „ Matthias Rex Hungariæ Idibus Februarii (ut Bonfinius ait) „ iter iniens in Moraviam adversus Georgium „ Boëmiæ Regem hæreticum; --- Olomutium „ insigne Moraviæ urbem accedens, ibi à Catholicis Boëmis & Moravis Rex Boëmiæ & „ Marchio Moraviæ declaratus est, quò honestius ac justius pro additis sibi ditionibus dimicare videretur. Inde Wratislaviam „ Silesiæ petens, ibi quoque in Silesiæ Principem receptus est. Mittens verò ad Imperatorem in Austriam, qui pecunias, quas „ in eam expeditionem promiserat, reciperent, „ hi verba pro nummis habuerunt, adeo parum aut nihil exigere potuerunt. Ex quo „ discordiarum, quæ Matthiæ cum Imperatore intercesserunt, bellique Austriæ semina profluxere. Interim verò in Moravi-

„ am rediens, Victorinum Georgii Boëmi „ filium ad quoddam oppidum obsidione cepit, & honestà custodià detinuit. Indèque „ in Hungariam ad hiberna rediit, & ad supplementa legionum conquirenda. Hæc „ quæ secundo belli Boëmici annò (quod „ septennium duravit) gesta esse, Bonfinius „ describit. Dubravius autem Victorinum, „ dum iter ageret ad sororis suæ virum, interceptum ab Hungaris ait, Budámque perdu- „ ctum, & omnibus miseris modis ab iis habitum: projectum videlicet in quandam turrim tectò carentem, ut die ac nocte nivibus aut pluviis complueretur, ac ceteris aëris „ tempestatibus vexaretur, quasi parum esset famem & sitim cum siccissimam tolerare, „ Michovius tamen de captione Victorini „ Bonfinio consentit: quem denique Cromerus per prodicionem captum scribit. „ [2. & 3.] Ex literarum monumentis.

## Ann. Christi MCCCCLXX. Monasterii CCCXXXII.

*Pont. Rom.*  
Paulus II.

*Imp. Rom.*  
Fridericus IV.

*Archi-Dux Austriae*  
Idem Fridericus.

*Episcopus Pataviensis*  
Ulricus III.

*Abbas Zwetlensis*  
Joannes IV.

**O**biit hoc anno hæreticus à Pontifice Romano excommunicatus ac ab Imperatore proscriptus Georgius Podiebradius Bohemorum Rex, unde Matthias hyeme nondum finita hibernis excedens properans Iglaviam venit. Sunt, qui ex hoc itinere Viennam divertisse eum affirmant; & benignè exceptum, insidiarum metu an alio consilio incertum, non salutato hospite abiisse. Gliscebatur enim jam inter ipsum & Cæsarem simulas, qui ægrè ferebat se inconsultò Bohemiæ Regis titulum illi esse tributum, & indignū Moraviæ statum miserebatur, quem acerbè nimis ab illo vexari dicebat. Unde amicitia illius spretà ad scedus cum Polono ineundum respexit, qui Viennam Legatos mittens suos positos utrinque fœderis novi capitibus illud conclusit. Erant inter regni competitors præter Matthiam, Fridericus Cæsar, Vladislaus Polonus & Henricus Georgii defuncti Regis filius. Item proximi his Albertus Misnensis Marchio, Ludovicus Bavarus, & Galliæ Rex. In Polonum ex his plerique Bohemi promiores erant, soli ex Proceribus Joannes Rosenbergicus, Sdenco Sternbergicus, & Hainricus à Nova Domo Matthiam postulabant. \* [1.]

Dum hæc in Bohemia geruntur, in Austria denuo in Curia Romana pro Divo Leopoldo quondam Marchione in Sanctorum Catalogum inferendo Proceres Sæculares laborarunt, qui fuerunt ferè iidem, qui supra An. MCCCCLXV. notantur. [2.] Non tamen canonizationem, ut vocant, ejusdem Beati à Paulo II. Papa impetrarunt, rursus belis per Austriam flagrantibus.

Porro Guillelmus Abbas Morimundi Monasteriorum Cisterciensium per Ger-

maniam Visitator ordinarius deputatus & contributionum Ordinis collector dum constiterat Cremsbii, cum ibidem Joannes Abbas in Zwetl conveniens, Monasterii sui statum miserum exposuit, sèque de contributionibus porrigendis excusavit; qui ejusdem intelligens desolationem ipsi misericorditer compatiens Monasterium Zwetlense pro annis tredecim incipiendo ab Annò Salutis MCCCCLVIII. usq; ad MCCCCLXX. de quinquaginta florenis Rhenensibus liberum & absolutum pronuntiavit respectu multarum infortunarum (*pro multorum infortuniis*) ut gwerrarum, incendiorum, ac quàm plurium gravaminum, quæ dictum Monasterium tum à Bohemis hæreticis & prædonibus, tum ab aliis inimicis terræ publicis sustinuit, & toleravit. Datum in oppido Cremsb, annò Domini 1470. 12. Julii. [3.]

Præterea Joannes Abbas in Zwetl censum solvit quinquaginta duorum florenorum Rhenensium Matthiæ Abbati Scotorum Viennæ in Vigilia S. Joannis Baptiste, annò Domini 1470. [4.] datà desuper apochâ. Censui iste de anno in annum crevit ob belli continuos apparatus faciendos, modò contra Bohemos, modò contra Ungaros, aliòsque Austriæ prædones, uti hoc annis sequentibus patebit.

Inter cetera quoque F. Georgius in Indice suo sæpè memorato refert sequentia gesta: „ Annò 1470. Item „ eodem anno in Krenis habuimus no- „ va vina tredecim ternarios cum di- „ midio, & unum ternarium vini à Do- „ mino Abbate de Campo-liliorum, & „ obligatur Monasterio nostro dare per „ quinque annos ex parte Oßarn, pro- „ pe Ducumburgum, & Dominus Cister-

„stercienſis concordavit nos & ipſos. „  
 „[5.] Hæc ex Indice. Fuit liſ orta de  
 „prædiſta villa Oſſarn, quam Monafterium  
 „Zwetlenſe eidem Abbati ad tem-

pus impignoravit, quam litem Genera-  
 lis Ordinis determinare tandem debuit.  
 Petrus tunc Abbas Campi-liliorum  
 erat.

## ADDITIONES.

\* [1.] Gerardus de Roô lib. 8. „Hoc  
 „anno pridie Nonas Decembris, Imperator  
 „Fridericus Viennam rediit, eodem die, quo  
 „ante ſeptem annos, cum uxore & filio, ſo-  
 „luta palatii obſidione exierat, & maxima  
 „cum lætitia ac plauſu exceptus eſt. Se-  
 „quenti anno, qui ejus ſeculi ſeptuageſimus  
 „fuit, Matthias hieme nondum exita, hiber-  
 „nis excedens, Boëmicum bellum ſatis ha-  
 „ctenus feliciter ſuccedens proſequi ſtatuit.  
 „In itinere cum eſſet, prope Jaurinum illi nun-  
 „cius adfertur, de Georgii Boëmorum Re-  
 „gis obitu. Igitur magis properandum ra-  
 „tus, Iglaviam contendit. Sunt &c. *ut in  
 „textu noſtro.* Quare (Imperator) alienatô  
 „jam à Matthias animô Legatum ad Caſimi-  
 „rum Poloniæ Regem miſerat Raphaëlem  
 „Leſcinium equitem Polonum, ſed diu in  
 „aula ſua verſatum. Is graves de Matthias  
 „querelas expoſuit. Cultum cum multis à  
 „Cæſare officiis, & Pontifici commendatum,  
 „ex belli Boëmici ſucceſſu ſuperbibus ſe ge-  
 „rere, & iniquam pro acceptis beneficiis gra-  
 „tiam reponere, dùmque ipſe in Italia Rei-  
 „publ. cauſâ abeſt, novam in Stiria & Aſtria  
 „ſeditionem excitâſſe, Paumkircherum &  
 „alios rerum turbatores patrociniô ſuô fo-  
 „vere, idque agere, uti occupato motibus  
 „dometiſtis Cæſare regni ſui pomeria pro-  
 „ferat, & effraznem dominandi libidinem  
 „cum vicinorum injuria expleat. Quibus  
 „rebus motum Fridericum diutius cum eo  
 „amicitiam nolle, & ad fœdus Polonicum  
 „reſpicere, quod ſi affinitate aliqua firmari  
 „placnerit, non reprobaturum. Caſimirus,  
 „qui & ipſe Boëmiæ regnum, ad filium ſuum  
 „majorem natu Vladislau trahere niteba-  
 „tur, hac Cæſaris legatione exhilaratus, ſuos  
 „quoq; Legatos Viennam mittit, ſitque inter  
 „ipſos fœdus, quod Polonis quibusdam non  
 „ſatis probabatur, qui agrè ſerebant, Hun-  
 „garici regni titulum à Friderico uſurpari,  
 „cujus ſucceſſionem ſuis deberi Regibus con-  
 „tendebant. Inter fœderis capita & illud  
 „erat: Uterque ad alterius regna ditiones-  
 „que aditum ſibi ſtrueret. Fridericus quo-  
 „que tertiam dotis partem, quæ Eliſabethæ  
 „Ladislai Regis forori debebatur, certis pen-  
 „ſionibus ſoluturum ſe pollicebatur. Inter  
 „hæc Matthias in Moraviam profectus, ex

ſuis in Boëmiam miſit, qui Procerum non-  
 nullorum animos quâ precibus & promiſſis,  
 quâ metu belli injecto, in ejus partes ad-  
 ducerent. Erant inter regni competitores  
 &c. „*ut in textu noſtro.*

Dubravius Hiſtor. Boiemic. lib. 36. in fine.  
 Præter autem curas alias, valde cum (Geor-  
 gium) anxium habuit regni ſucceſſor, quis  
 nam ille futurus poſt mortem ſuam eſſet,  
 unûsne è filiis, quod omnium maximè de-  
 ſiderabat, an externus aliquis nihil ad ſe  
 pertinens. Hunc ſcrupulum ut ſibi de ani-  
 mo eximeret, tum fortè etiam corpore im-  
 becillior, vocat ad ſe primores ex omnibus  
 Ordinibus, & illis coram: Sentio, inquit,  
 finem vita, quem mihi natura conſtituit,  
 appropinquare. Nollem autem, quantum  
 in me ſitum eſt, libenter committere, ut poſt  
 obitum meum ipſum regnum in aliquod  
 diſcrimen adduceretur, propter dubium  
 regni ſucceſſorem. Proin ſcire ardeo, quid-  
 nam in hac cauſa agere, quæntve Regem vo-  
 bis legare deſtinaveritis? Reſpondentibus,  
 nullam, ipſo Rege ſuperſtite, ſucceſſoris  
 faciendam eſſe mentionem, inſtabat avidus,  
 donec ab illis extorqueret, non admodum  
 ſibi gratam ſententiam, qua ſe dicerent  
 ſentire, apud Polonos Regem eſſe quæren-  
 dum, cum quibus & linguâ convenirent,  
 & moribus non multùm diſſentirent. Adeſſe  
 præterea vires Polonis, quibus regnum  
 Boiemiz tutari poſſent. Georgius ea ſpe,  
 quam velut certam de ſucceſſione ſuorum  
 conceperat, dejectus, in rem ſuam aliena  
 convertere, arces, oppidâque regni, & alio-  
 rum bona filiis ſuis attribuire, omne at-  
 gentum ex montibus Cathnenſibus, quos  
 Loculum ſuum cognominabat, in arcem  
 Podiebradam convehere, id denique agere,  
 ut dites atque opulentos filios relinqueret.  
 Priùs tamen Rokiczanum omnium malo-  
 rum archirectum mors oppreſſit, quàm Ge-  
 orgius ſuum diem obiret. De ſepultura  
 contentio ſuborta, quibusdam vetantibus,  
 ne ad ædem Divi Viti, Romanæ religioni  
 devotam, ſepeliretur: ſed vicit factio va-  
 lentior, ut in illa ipſa æde juxta Regum  
 conditoria conderetur.

Notæ marginales ad allatum Dubravii tex-  
 tum. „Mors Rokiczani, quam & Regis ſe-  
 N n n „qui



„sequitur mors quatuordecimo die hydropæ defuncti annò 1470. aliì 1471. die 22. Martii. „

Inter hos est Hagecius in Histo. Bohemic. in Georgio ad annum 1471. ita scribens: „Am Tage Petri Stuhlfeyr, ist M. Joannes Rokyczan, welcher eines Schmides Sohn, aus der Stadt Rokyczan bürtig, und ein gelehrter Mann, auch erwählter Ertz-Bischoff in Böhmen, und Pharrherr bey Unser Frawen zum Tein in der alten Stadt Prag gewesen, gestorben, und in derselben Kirchen, vor dem hohen Altar, chrllich begraben worden &c.

„In vier Wochen hernach, nemlich am Freytag nach Oculi, umb die vierde Stunde in die Nacht, ist König Georg gestorben, und ward des Montages nach Mariæ Verkündigung in der Prager-Schloß-Kirchen, in dem Chor zu Unser Frauen, neben anderen Bömischen Königen seiner Vorfahren, von denen so ihn lieb gehabt, nach Königl. Ehren begraben. Wiewohl etliche Herren, und besonders die jenigen, so ihm nicht günstig gewesen, neben der

„Priesterschaft des Capitals darwider waren, sagende: Dieweil er diejenigen Kirchen, darinnen die Christliche Römische Ordnung gehalten, bey seinem Leben gehasset, so wäre es billich, das er dieselben nach seinem Tode auch meiden solte. Zudem, hätte er den Kirchen, welche Kayser Carl reichlich versehen, viel entzogen; dero wegen er darinnen nicht begraben werden solte. So sagten die andern: Ob gleich in dem Leibe böse Neigungen gewesen, so müste darum der Körper derselben nicht entgelten &c. Und ward also nach weitläufiger Disputation und Streite, wie gemeldet, begraben. „

Astipulator sæpè relatus Spondanus ad ann. sequentem n. 5.

Verùm Fuggerus subscribit compilatori nostro lib. 5. c. 19.

[2.] Poltzmannus Præpositus Claustrineoburgensis in vita S. Leopoldi.

[3.] Ex literarum monumentis, & autographo ipsius.

[4.] Ex Apochis ipsorum.

[5.] Ex Registro F. Georgii MS.

## An. Christi MCCCCLXXI. Monasterii CCCXXXIII.

*Pont. Rom.*  
Sixtus IV.

*Imp. Rom.*  
Fridericus IV.

*Archi-Dux Austria*  
Idem Fridericus.

*Episcopus Pataviensis*  
Ulricus III.

*Abbas Zwetlensis*  
Joannes IV.

**O** Bist hoc anno quintò Calendas Augusti Paulus Papa II. apoplexiâ tactus Romæ in Palatio Vaticano, sepultus in Basilica ibidem S. Petri. Eo sepulto eligitur in novum Pontificem M. Franciscus de Ruvere Albizzola Savonensis Ligur, Ordinis Fratrum Minorum Generalis Minister, Presbyter Cardinalis S. Petri ad Vincula tit. Eudoxiæ: Vocatur Sixtus IV. Coronationis autem suæ insignia suscepit Romæ ante fores Basilicæ S. Petri octavò Calendas Octobris. \* [1.] Hunc Pontificem prædixit B. Malachias: Piscator Minorita. Nam piscatoris filius & Franciscanus seu Minorita fuit, licet sint, qui eundem piscatoris filium esse negent.

Ad septimum Calendas Junias re in Concilio Bohemorum, qui anno præcedenti Cuthnæ coierant, ob suspectam

Pragam deliberatâ, Vladislaum Casimiri Poloniæ Regis filium quindecim annorum adolescentem Bohemiæ Regem renunciant, & decreta legatione in regnum vocant. Hujus electionem, quam Pontifex Paulus II. improbare conabatur, quia ab hæreticis excommunicatis facta fuisset, Imperii Principes, qui tum Ratisbonæ comitia celebrabant, Friderico Cæsare suadente ratam habuere, diplomate desuper confecto. Quod postmodum Cæsari Pontifex literis dolenter proposuit. Matthias verò Rex repulsâ irritatus, nam & ipse Legatos eò miserat pro sui confirmatione, bellum Austriæ grave intulit, uti patet. [2.]

Interea Joannes Abbas Zwetlensis reperitur supplicasse pro salium fundatorum consueta deductione apud Bernar-

nardum Archi-Episcopum Salisburgensem. Datum in Monasterio Zwetl, annò Domini 1471. ferià tertià Pentecostes, [3.] Fuit hic Bernardus oriundus ex Austria è familia Dominorum de Rohr, Plebanus antea Salisburgensis, electus annò Domini 1468. [4.] cujus posterì in Ottenstein castro non procul à Monasterio nostro confederunt.

Porro inter Monasterium & dominium Liechtenfeldense secundò lis magna exorta fuit super agro inter Ruedmars & Friderspach villas sito, cum utraque pars illum ad se spectare contendere, quare res ad Cæsarem delata est, qui illam regimini Viennæ determinandam dedit. Joannes igitur Abbas in Zwetl dat plenipotentiam, ut vocant, F. Wolfgango Conventuali suo & Monasterii sui tunc Cellerario apud Regimen præfatum Cæsareum Viennæ transigendi modò & formà, uti Juris regula permittit. Datum in Monasterio Zwetl, ferià tertià ante Jacobi, annò Domini 1471. [5.] Fuit hic F. Wolfgangus postea Abbas ejus nominis primus hujus Monasterii, sub quo primùm lis de agro prædicto terminata fuit.

Ceterum de more suo subjungam ea, quæ modò de tempore, modò de Monasterio Zwetlensi aliisque hujus anni gestis variis F. Georgius annotavit, sunt autem sequentia: „Item eodem anno „ 1471. vindemium fuit pro majori „ parte circa festum Exaltationis S. „ Crucis, & fuerunt optima vina, sicut „ in triginta annis fuerunt & ultra, prout „ antiqui dixerunt. Item eodem „ anno incepimus communire, & construere Monasterium contra inimicos cum fossatis & sepibus, & desolavimus domum seniorum & infirmorum in divisione Apostolorum. „ 1471. cum consensu & voluntate „ Domini Abbatis, Prioris, & totius „ Conventus. Item eodem anno circa festum Omnium Sanctorum in septem diebus receperunt nobis inimi-

„ ci undecim optimos equos, & duos „ equos Magistro curiæ in Rasing. Item „ eodem anno ad Yembnitz (*Jemnitz*) „ pro pace perpetua Monasterii & colonorum centum florenos Ungaricales, de vulpinis pellibus pallium, duos fasciculos lini Italici, Scriptori duos florenos Ungaricales. Item eodem „ anno à festo Martini usque ad Purificationem Mariæ ad Frann pro homagio à colonis dati 204. floreni Ungaricales, Scriptori pro --- (*legi nequit*) „ duo floreni, item pallium. Item eodem „ anno familiares propter inimicos: Joannes Troppiscus Alodio- „ rum Magister, Joannes Reifs &c. „ Enumeratis per ordinem personis ita concludit: „ Summa centum sex personarum „ quotidie enutritæ, absque laboratoribus & operariis diurnis, & absque aliis militibus & vigilibus, omni tempore sufficienter. Item Magistris „ piscinarum unum vini ternarium & sex urnas dedimus pro fossa in Monasterio ducenda, uni (*scilicet Magistro piscinarum*) 44. tal. den. & modium siliginis, duas metretas tritici, „ duas metretas hordei, unam metretam pisarum, carnem mensuratam, „ (vulgò ut auctor loquitur) ein bachert „ Gletsch/ quatuor octavia butyri, & viginti caseos &c. „ [6.] Hucusque Index suprà citatus, in quo aliqua produntur, quæ alias in tenebris oblivionis sepulta jacerent. Nam primùm hoc anno Monasterium muniri cœptum est, sicut modò ex parte conspiciamus, nam antea (*modò est anatemurale seu Zwingen vulgò ad Cancellariam & Sartorium*) cœmeterium erat à templo antiquo, ejus occidentali parte mensurando, usque ad turrim horologii porrectum, de quo tam in templum, quam per scalas lapideas in S. Bernardi Sacellum ascendebatur. Sacellum autem S. Bernardi tunc erat illud spatium, (*hodiè Abbatia vocatur*) quod hodiè non modò sacellum abbatiale ejusdem Sancti, sed etiam atrium, hypocaustum & camera Abbat-

tis occupat, sicut hoc fornix ejusdem super contignationes altitudinis & æqualitatis & formæ, & nonnullæ fenestræ (*rotundæ*) demonstrant: Abbas autem Wolfgangus II. Sacellum in hodiernas angustias, Abbatiamque sibi in eodem cum camera construxit, Udalricus verò II. Abbatiam eandem magis tantum exornavit. Cœmeterium igitur dictum fossatâ munitum est, atque ita domus seniorum cum Infirmitorio Conventorum exclusa fuit, & desolata, ut author loquitur, nam alterum ad S. Nicolai Sacellum, quod Monachorum appellatur, constructum erat. Quod Infirmitorium unâ cum domo præfata ædificatum stetit videtur eo in loco, ubi modò Abbatialis hortus foris conspicitur. Fossa verò, cujus hic mentio habetur, ducebatur profunda à turri majori angulari meridiem respiciente usque ad Infirmitorium Monachorum. Agger porro per Magistros piscinarum ducebatur ab horto Abbatiali hodierno in modum lunæ usque ad Ebronis Abbatiam antiquam, ubi hodie granarium, ut vocant, à munimento (vulgò *Pastepfasten*) situm est: sicut etiam idem agger, qui superest, id declarat. Alebat nihilominus Abbas Joannes in Conventu domi pro tanta rerum angustia & temporum confusione Fratres viginti quatuor, cum in univèrsam essent triginta

quatuor, qui partim in Parochiis Monasterii, partim alibi morabantur. Munitione igitur Monasterio contra hostes, qui undique quotidie augebantur, Friderico Cæsare contra nihil aut parum audente, necessarium erat homines plures alere, quorum tunc ultra centum cum familiaribus fuisse numerantur præter operarios, vigiles &c. qui Monasterium contra prædonum impetus sustinere potuissent. Hostis autem erat Cæsaris Matthias Rex Ungariæ ob supra allatas causas, unde per Austriam grassabantur non tantum Ungari, sed etiam Bohemi, qui partes Matthiæ fovebant, quorum nobis vicini potissimum erant Joannes Rosenbergius, qui circa Budviciam & Crumloviam castra sua possidebat, Sdenico Sternbergicus, qui ad fines Austriæ castra & oppida nonnulla cum factione sua occupaverat, & Henricus à Nova-Domo, qui omnes à Monasterio nostro ultra unius diei iter, aut ad summum duorum non distabant. Nominantur illorum quidam, qui jam hoc anno Monasterium vexarunt, loca imprimis Jemnitium, Frana-castrum, Placium in Moravia & Bohemia, Domini verò inimici, Joannes & Petrus Sterenbergici seu de stellis Bohemiæ reguli, quorum iste Otenslagum castrum occupaverat, alique Ungari inimici.

## ADDITIONES.

\* [r.] Ciaconius in Paulo II. „Post discessum Borzii Estensis, quem ad urbem cum magno equitatu venientem, magnificentissimè, & laute susceperat, Ducemque Ferrariæ creaverat, Pontificatus sui annò 6. mense decimo, V. Kal. Augusti, annò 1471. „Pontifex ipse apoplexiâ moritur, secundâ horâ noctis, solus in cubiculo, nemine vidente, cum eo die lætus consistorium habuisset, cœnasset hilariter: pituitosis humoribus, quos ex nimio esu fructuum, præsertim melonum contraxerat; suffocatus apoplexiâ fuisse creditur. - - - In Basilica Vaticana, Sacello S. Andræ, mausolæo marmoreo à Marco Barbo Cardinale S. Marci constructo - - - tumulatus est. Idem in Sixto IV.

Spondanus hic N. 9. „Paulus - - Pontifex, - - ad sextum, ut quidam, seu ad octavum, ut plures, Calendas Augusti noctu apoplexiâ extinctus est, nemine astante, cum eo die Consistorium lætus habuisset, hilariterque cœnasset. Ita namque Platina, ac ceteri quique. - - - Quod verò Paulum tangit, si de ceteris ejus rebus (præter illas, quas pro Ecclesia & Republ. Christiana gestas singulis propè annis retulimus) eos, qui de illo egerunt, consulas, (nec Platinam quidem excipiens, quamvis dolore plenus non pauca in eum amarò animò scripserit) talem fuisse reperies, ut nec valde laudandus, nec vituperandus dici possit.

N. 10. „Finitis Pauli Pontificis exequiis

„ quibus ingressi conclave octavo Idus Augusti  
 „ Cardinales octodecim - - - ad Franci-  
 „ scum Ruverum Presbyterum Cardinalem S.  
 „ Petri ad Vincula vota sua convertentes,  
 „ cum ab eo omnia, quæ postulerent, obti-  
 „ nuissent, manè ad quintum Idus Augusti  
 „ scrutiniò factò curarunt eum in Pontificem  
 „ eligi: patriâ Savonensem Ligurem, patre  
 „ Leonardo de Ruvere, matre Luchinâ Mun-  
 „ lionâ, natum Cellis pago maritimo quin-  
 „ que passuum millibus distante à Savona,  
 „ cum eo parentes fugissent virandæ pestis  
 „ causâ: sive fuerit familia nobili, ut Onu-  
 „ phrius in ejus Vita contendit; seu potius,  
 „ ut alii, obscurâ, cujus & patrem, ipsum-  
 „ metque piscatorem fuisse velint: Baptista  
 „ Fulgosus, nauticam exercuisset. Denique  
 „ Bernardus Justinianus vir gravis, & disertus,  
 „ Senatûsque Veneti ad ipsum pro obedientia  
 „ præstanda legatus, oratione ad ipsum ha-  
 „ bita de laudibus ejus apertissimè declarat,  
 „ non eum à Majoribus nobilem, sed à sei-  
 „ plo ob propriam virtutem & scientiam fuisse,  
 „ &c. Factus Pontifex nomen Sixti ejus  
 „ nuncupationis IV. assumpsit, quod die festo  
 „ Sixti Papæ & Martyris Patres Conclave in-  
 „ gressi fuissent: Symbolumque ex psalmis  
 „ Davidis cepit: *Auxilium meum à Domino,*  
 „ *qui fecit celum & terram.* Coronatus apud  
 „ S. Petrum octavo Calend. Septembris: cum  
 „ ad Basilicam Lateranensem de more ad pos-  
 „ sessionem adeundam lecticâ veheretur, ma-  
 „ ximum vitæ periculum adiit; dum Romanis  
 „ quibusdam civibus, ab equitibus Pontificiis  
 „ pressis, faxis seu casu seu ex composito ap-

„ petitus est. Fuit autem cùm electus est, an-  
 „ norum quinquaginta septem; natus videli-  
 „ cet annò 1414. 12. Cal. Augusti. „  
 „ [2.] Gerardus lib. 8. „ Dum hæc in  
 „ Boëmia sunt, Fridericus Cæsar, & Imperii  
 „ Principes Electores, ac Reliqui Ordines Ra-  
 „ tisbonæ in Comitibus, publicam totius Ger-  
 „ manie pacem stabilire, & missis in omnes  
 „ ejus partes edictis, arma deponi, & quas-  
 „ cunque controversias æquæ juris discepta-  
 „ tioni cognoscendas, dijudicandasque com-  
 „ mitti imperatum. Adum etiam est de Boë-  
 „ morum electione, quæ an rata haberi debe-  
 „ ret, disceptatum. Improbabat verò tam  
 „ Pontifex ut ab hæreticis factam, ac irritam  
 „ fieri debere per Legatum suum in Comitibus  
 „ contendeat. Matthiæ quoque Legati,  
 „ nè ea ab Imperii Ordinibus approbaretur, in-  
 „ tercedebant; quod ipse prior electus esset,  
 „ ac Pontificis confirmationem haberet ob  
 „ egregia in Rempubl. Christianam merita, à  
 „ cujus finibus Turcam toties submovisset.  
 „ Principes verò plerique Imperatoris Fride-  
 „ rici judicium secuti ad Vladislaum pronio-  
 „ res erant. „

Dubravius hist. Bohemic. lib. 31.

Hageccius in Chronic. Bohemic. sub Rege  
 Georgio in fine.

Spondanus hic N. 5.

- [3.] Ex litterarum monumentis.
- [4.] Hundius in Metropoli sua sub Ar-  
 chiepiscopis Salisburgensibus in Bernardo.
- [5.] Ex litterarum monumentis.
- [6.] Ex Registro F. Georgii MS.

## Ann. Christi MCCCCCLXXII. Monast. CCCXXXIV.

*Pont. Rom.*  
 Sixtus IV.

*Imp. Rom.*  
 Fridericus IV.

*Archi-Dux Austriæ*  
 Idem Fridericus.

*Episcopus Pataviensis*  
 Ulricus III.

*Abbas Zwettlensis*  
 Joannes IV.

**P**ontifex hoc anno animum conver-  
 tit ad pacem inter Principes Chri-  
 stianos faciendam, unde in Austriam  
 Legatum Franciscum Piccolomineum  
 Senensem Cardinalem ad Cæsarem mi-  
 sit: missus etiam ad Polonorum Regem  
 Marcus Barbus Venetus Cardinalis ean-  
 dem ob causam. Summum enim illi  
 studium erat, ut conjunctis viribus in  
 Turcam iretur. Jamque Pontificii Le-  
 gati & aliorum quorundam Principum  
 intercessu pax quædam inter Fridericum

& Matthiam convenerat, & pulcher-  
 rima benè gerendæ rei occasio sese osten-  
 tabat, si tam facile Matthias cum Polo-  
 no pacificare voluisset. \* [1.]

Erat tunc etiam vicinus Monaste-  
 rio nostro Rudigerus Stahrenbergicus,  
 qui castrum Rapotenstainium seu Rapo-  
 tonis Lapidem possidebat, hic quando-  
 que Monasterio nostro fuit contra in-  
 micos auxilio ac adjumento. Mentio  
 autem ipsius habetur seriâ secundâ post  
 S. Ulrici. [2.]

000

Re-

Refero item gesta circa Monasterium nostrum per F. Georgium conscripta, quorum tenor talis est. „ Item ad „ Platz homagium à festo S. Jacobi „ Apostoli hujus anni usque ad festum „ S. Georgii Martyris anni septuagesimi tertii dedimus cum colonis ducentos florenos Ungaricales, scriptori quatuor florenos Michaëlis. Item

„ eidem quinque ternarios vini, & „ quinque modios avenæ &c. „ ubi „ plures graves tales exactiones specificat. [3.] Quæ de Indice F. Georgii excerpta demonstrant, Austriam æquæ ac Bohemiam turbulentissimo statu tunc commotas fuisse, unde quoque Monasterium Zwettlense multas miseria perferre debuit.

## ADDITIONES.

\*[1.] Gerardus de Roo lib. 8. „ Ur- „ gebat eandem quoque rem (*pacem inter „ Christianos*) Usumcassanus Perfarum Tyrannus, qui per id tempus Trapezunte & Sinopoli expugnatis, ac Asia minore omni ferè armis sub potestatem redacta, Turcam gravi bello vexabat, quare Christianos adhortabatur, uti Græciam, militari robore exhaustam, invaderent. Jámque Pontificii Legati &c. *ut in textu nostro.* Angebat ingentis spiritûs virum (*Matthiam*) prærepta præter spem à Polonis Boëmia, & ab iisdem concitata Procerum in Hungariæ regno Seditio, & res bellò felicitè gestæ, animum addebant. Præterea, quod neque à Turca bellum timeret, & cum Cæsare pacem haberet, Casimiri inopiam divitiis ipse ac prædâ affluens contemnebat, & res suas in Boëmia superiores fore, certam in spem adducebatur. Nam oppidula aliquot ac arces à Viâdorino dimissionis ac libertatis precium in eo regnò acceperat. Igitur vix aliquot mensium inducias abs se impetrari passus est; cùmque Casimirus conditiones pacis proponeret non satis ipsi gratas, non opus sibi esse ea pace respondit, venturum se brevi, & calvo reliquos crines evulsurum.

Spondanus hic n. 1. „ Annò Christi „ 1472. Indictione quinta emissi Legati Sedis „ Apostolicæ - - - primus viam ingressus „ Marcus Cardinalis Aquileiensis, (de cujus „ vigesimo secundo Februarii Româ discessu „ sunt epistolæ Papiensis) mandata à Pontifice accepit ad Fridericum Imp., ut Advocatum se Ecclesiæ Romanæ atque Defensorem Reipublicæ Christianæ meminisset; ac propterea arma contra Turcum assumeret, inhiantem Hungariæ & Germaniæ. Reges Poloniæ & Hungariæ de Regno Boë-

„ miæ contententes, ad concordiam, quantum cum Romanæ Ecclesiæ & Imperialis Majestatis dignitate posset, revocare „ contenderet, ac Boëmorum hæreticorum audaciam reprimeret. Ad Matthiam Hungariæ Regem; nè timeret delictum se iri „ à Sede Apostolica & Imperatore, à quibus „ ad bellum contra Boëmos excitatus fuerat: „ Neque enim Sedem Apostolicam electionem Boëmorum de Polono approbare voluisse: Et quoniam procliviores viderentur „ Boëmi ad Polonum, faciendam esse cum „ illo aliquam pacem; quam arbitrio Pontificis & Imperatoris permittere deberet: Curaturum utrumque ut intestini quoque Hungariæ contra eum motus quiescerent. „ Ad Casimirus Poloniæ Regem; haud probè factum, ut qui à Sede Apostolica ad capeffendum Regnum Boëmiae olim invitatus, recusasset illud accipere, postea hæreticis „ postulantibus filium suum Regem dederit, armâque pro Boëmis contra Matthiam Hungariæ & Bohemiæ Regem sumpsit. &c. Ceterùm profectus Marcus in Poloniam, valde quidem honorificè à Rege exceptus est: at parùm vel nihil pro pace profecit; difficilior rem se ad eam Matthiam præbente, ob pacem „ cum Imperatore, quamquàm non adeò firmam, pacem. Cum Matthia autem Legatus non nisi per internuncios tunc egit: „ adeò ut nec minimum de eo verbum apud Bonfinium reperitur in tractatibus, qui inter eum & Polonos habiti de pace fuere. „ Diligentiore Poloni in iis recensendis, „ quoniam Legatum penes se habuerunt. Res „ autem in sequentes annos per varios indurciarum tractatus dilata. „

[2.] Ex literarum monumentis.  
[3.] Ex Registro F. Georgii de Aych-  
ster MS.

## Ann. Christi MCCCCLXXIII. Monast. CCCXXXV.

*Pont. Rom.*  
Sixtus IV.

*Imp. Rom.*  
Fridericus IV.

*Archidux Austriae*  
Idem Fridericus.

*Episcopus Pataviensis*  
Ulricus III.

*Abbas Zwetlensis*  
Joannes IV.

**F**ridericus Cæsar hoc anno cum Maximiliano filio Augustam Vindelicorum, & inde in Ubios Treverim proficiscitur, quod & Carolus Burgundus advenit, qui uti cum Friderico congregaretur, diu summis votis exoptaverat. In eo congressu Carolus Maximiliano filiam suam Mariam despondit: verum postea à Carolo conditionibus quibusdam Cæsari non probatis propositis nuptiæ impeditæ fuere & suspensæ usque ad Novesium obsidionem, quæ anno sequenti contigit. Inde Cæsar relicto Carolò Augustam reversus est. \* [1.]

Interea dum Cæsar abest, Austria variis tumultibus & clandestinis cum Ungaris, hostibus contra Fridericum, sermonibus colludens & actibus æstuabat. Proceres enim quidam partes Regis Matthiæ foventes Cæsarianis insens, ipsos tum homagiis, cum cædibus, incendiis, & spoliis invadebant, & qui fortior erat, contrariam factionem opprimebat. Monasteriis præsertim & bonis Ecclesiasticorum vis inferbatur. Hæc Fridericus Cæsar, dum Augustæ adhuc staret, edoctus, quosdam suorum Comitum & arcani sui consilii participum Viennam cum mandatis remisit, ut initis provincialium comitiis consulere, quibus mediis & quibus modis hostibus patriæ obviam eundum, & pertinaces exterminandi essent. Defensionem interea sui pararent usque ad suum reditum. Diploma datum Augustæ Vindelicorum, feriâ quartâ ante Ascensionem Domini, Annò à partu Virgineo 1473. Imperii verò sui vigesimo secundò. [2.] Sub hoc dato litteræ Abbati Zwetlensi missæ sunt ipsam Viennam ad comitia præfata convocantes.

Vix Abbas Viennam descenderat, ecce magnum Monasterio bellum movetur à Baronibus DD. Joanne & Laurentio Hofkircheris de Kolmuntz. Istis se pro Monasterio opposuit Wilhelmus Puechaimius Archidapifer Austriae, Monasterii Advocatus à Cæsare constitutus. Qui præfatos Dominos de pace commonefaciens, ab eis responsum accepit, se nescivisse, ipsum Monasterii Zwetlensis Advocatum esse: deinde minimè se teneri ad restituenda ea, quæ flagrante inter eos bello abstulerint &c. Datum in Kolmuntz Annò Domini 1473. in Vigilia SS. Simonis & Judæ. [3.] His Puechaimius acceptis litteris magis instat, suamque in Monasterium sibi commissum voluntatem ipsis declaravit, cui præfati Hofkirchenes superbe satis respondent sciscitantes ex eo, qualem ipse in se Liberos Barones in Kolmuntz, Austriae æquè regulos ac ipse sit, animum gerat, quòd ita pro Abbate Zwetlensi hoste suo stare non desistat &c. Datis itaque ultrò citròque litteris, [4. 5. 6. 7.] interponente etiam D. Abbate Altenburgensi, causa (quæ erat miseria & afflictio subditorum nostrorum continuò ab illis illata) devoluta est ad Excelsum Regimen, quò pars utraque dein citata per decretum fuerat. Datum Viennæ feriâ sextâ post Martini festum, Annò Domini 1473. [8.] Atque ita videtur hoc bellum per Regimen à Monasterio Zwetlensi sublatum fuisse.

Porro in quantis tribulationum fluctibus hoc anno Monasterium nostrum jactatum fuerit, luculenter coævus & plurima pars miseriæ illius F. Georgius describit sequentibus: „ Item (*sic incipit*) in annò 1473. post Pascha De-

„ genhardus Dachsnerus de Marckarts-  
 „ dorf Austriæ provinciæ bellum in-  
 „ dixit, atque D. Stephanum cum filio  
 „ ejus Joanne de Jemnitz in terram in-  
 „ tromisit, & multa damna provinciæ  
 „ intulerunt spoliis & incendiis &c.  
 „ Item fruebamur homagiò annò 1471.  
 „ illis factò, nè nobis & nostris damna  
 „ magna inferrent isti de Jemnitz &c.  
 „ Item eodem anno 1473. homagium  
 „ nostrum, ad Platz incoepit in die Geor-  
 „ gii, & coloni nostri inopes ampliùs  
 „ homagium præstare nolebant, post-  
 „ quam iste de Platz pro pace continua  
 „ postularet mille florenos Ungarica-  
 „ les, neque minus acciperet &c. Item  
 „ iste de Platz Domino de Strahenberg,  
 „ Dominis Henrico, Hartnido & Joan-  
 „ ni de Puechaim & aliis multa etiam  
 „ damna intulit. Item villam Side-  
 „ naw serià quartà post Michaëlis to-  
 „ tam combusserunt. Item Deraßpur-  
 „ gum castrum coepit Krazzer, quod  
 „ erat viduæ Vollenbrunnerin, hoc  
 „ iste de Pernstain pecunià sibi compa-  
 „ ravit, & indè provinciæ multa dam-  
 „ na intulit, & homagiis coëgit ho-  
 „ mines usque huc, D. Henricum Stru-  
 „ nonem per quadringentos & quin-  
 „ quaginta florenos; Dominum de  
 „ Rohr per ducentos florenos; Domi-  
 „ num Hartnidum de Puechaim unà  
 „ cum Monasteriis Altenburgenfi & ad  
 „ S. Bernardum pro sexcentis florenis,  
 „ aliòsque plures tam superioris hujus,  
 „ quàm inferioris provinciæ. „ [9.]  
 „ Specificat hìc præfatus Georgius per  
 „ longum, flebile nostrum Monasterii sta-  
 „ tum, damna quasi innumera, continua  
 „ spolia, pagorum incendia, incarcerationes,  
 „ coedèsque hominum, ac inau-  
 „ ditas pecuniarum emunctiones &c.  
 „ Quæ tanquam Lectori fastidiosa creden-  
 „ tes, præterire cogimur. Ubi tunc circa  
 „ nos impleri videbatur: à septentrione  
 „ panditur omne malum; Bohemia no-  
 „ bis ab illa Cæli plaga adjacet, è qua  
 „ tempestas belli exurgens Monasterium  
 „ nostrum sæpiùs multum exagitabat, do-

nec contagione Hussitica invalescente  
 totum ædificium in cineres redactum  
 fuit. Demum hoc anno Bohemis in  
 Austriam à vicinorum regularum invi-  
 dia immisissis tam atrociter afflictum ge-  
 mit. Causa hujus Bohemicorum regu-  
 lorum excursionis erat, quòd iniquè  
 Cæsar Fridericus, ut ipsis videbatur,  
 Matthiæ Ungariæ Regi, cujus tunc par-  
 tes fovebant, Regnum Bohemiæ præ-  
 ripuisset, atque Vladislao Polono illud  
 contulisset: unde exacerbati Austriam  
 continuis excursionibus vexabant, quos  
 reguli quidam rebelles apertis portis in  
 Austriam non tam vocarunt, quàm in-  
 tromiserunt. Proditores hujusmodi &  
 patriæ perduelles nominantur Degen-  
 hardus Dachsnerus de Marckartsdorf,  
 Krazerus latronum Dux, Pernstainius  
 incubator Teresburgi arcis, Wilhelmus  
 Missingdorff de Dobra, Joannes &  
 Laurentius de Hofkirchen reguli inexo-  
 rabiles, qui non tam provinciæ quàm  
 Monasterio Zwetlensi damna non par-  
 va intulerunt. Hi Bohemos exciverunt  
 jam antea affluos vivere raptò, Ste-  
 phanum & Joannem Jemnicenses regu-  
 los, atque insatiabilem tyrannum Placensem Dominum. Iste præsertim in  
 D. Wilhelmum Puechaimium, qui se-  
 derat in Gmünd, nostri causà spoliis &  
 incendiis debacchatus est: præterea in-  
 vasis Strahenbergium Rapottenstainæ  
 arcis dominum, Hartnydum, Henri-  
 cum & Joannem de Puechaim Cornu-  
 tenses (*Horn tsvitas*) in Austria regu-  
 los. Pernstainius autem prædo Hen-  
 ricum Strunonem de Schwarzenaw,  
 Rohrium Dominum in Ottenstain, Hart-  
 nydum Puechaimium Cornutensem,  
 Monasterium Altenburgense & Coeno-  
 bium Monialium ad S. Bernardum ad  
 numerandos insuetos census sub ho-  
 magii nomine superbè coëgit. Pagos  
 etiam nobis tum incendiis, tum colo-  
 norum incarcerationibus, tum pecu-  
 niarum summis non parvis destruxerunt  
 plures quàm quatuordecim &c. De his  
 nunc sufficiat.

ADDI-

## ADDITIONES.

\* [1.] Gerardus de Roó, Histor. Austr. lib. 8. „ Inter hæc Fridericus Cæsar, cum „ Maximiliano filio Augustam Vindelicorum „ profectus, fidei Sacramentum ab ejus urbis „ civibus exegit, magnisque & ipse & filius „ ejus muneribus affecti sunt. Indixerat illic comitia Cæsar, & Polonorum ac Boëmorum legationem, de fœdere & Vladislai confirmatione ad se missam, eò venire jussit, sed ad alia vocatus, comitia eo anno obire non potuit. Erant enim in Ubiis, & reliqua Imperii ditione ad Rhenum negotia, quæ ipsius præsentiam flagitabant. Igitur ad ea loca profectus, ad quartum Calendas Octobres, magno Principum comitatu, Trevirorum Augustam venit. Aderat & Carolus Burgundus, qui uti cum Friderico congregaretur, diu summis votis exoptaverat. In eo congressu Carolus Maximiliano filiam suam Mariam despondit; eum nuptias illas primo quoque tempore celebrari Cæsar vellet, Carolus nimis ambitiosè prius Burgundiæ se Regem, quod Regnum ea olim fuerat, & Imperii Legatum ac vicarium quem vocant, creari postulabat. Id si fieret, omnia se ab aliis Imperio erepta, armis recuperaturum. Hæ ipsius petitiones Friderico improbæ videbantur, & ad quas nonnisi de communi Principum Electorum, & omnium Ordinum consilio responderi deberet. Post longam disceptationem, Carolus Cæsarem Nonis Octobri-

bus ad prandium vocavit, eo luxu iisque divitiis instructum, uti passim illud per totam Germaniam & Galliam omnium ore fuerit celebratum. Dein de Geldriæ ductu, aliisque ditionibus suis Imperio obnoxii, fidem Cæsari de morte dedit. Offendebat verò Cæsarem, Caroli in congressu fastus, & affectatus in omnibus rebus splendor, quo continentiam suam & frugalem modestiam superari, atque adeò in contemptum adduci videbat.

Cum igitur Carolus nihil minus, quam repulsam se illarum rerum, quas petierat, passurum cogitaret, sceptrumque & coronam ac cætera dignitatis regis insignia fieri, subellia in templo & solium, quæque ad coronandi & inungendi ritum faciunt, parari jussisset; Cæsar neque ex re Imperii, neque ex sua dignitate esse videns, uti competentem voti ipsum faceret, non datò ei responsò, in Ubios abiit, & Coloniam Agrippinam ingressus, magno cum honore exceptus est.

Cuspinianus in Cæsaribus sub Maximiliano I.

[2.] Ex Autographo ipsius.

[3.4.5.6.] Ex litterarum monumentis.

[7.] Ex Autographo ipsius.

[8.] Ex Autographo ipsorum.

[9.] Ex Registro F. Georgii de Aychstet PMS.

An. Christi MCCCCLXXIV. Monast. CCCXXXVI.

*Pont. Rom.*  
Sixtus IV.

*Imp. Rom.*  
Fridericus IV.

*Archi-Dux Austriae*  
Idem Fridericus.

*Episcopus Pataviensis*  
Ulricus III.

*Abbas Zwetlensis*  
Wolfgangus I.

**A**Num istum totum sibi vendicat Monasterium Zwetlense, (dum interim Cæsar Fridericus contra Carolum Philippi Boni filium Burgundiæ Ducem gerit, qui Episcopo contra Colonienfes opem tulerat, eamque sibi ditionem Ubiorum præsertim vendicare cupiebat) \* [1.] D. Wilhelmus Puechaimus Summus Austriae Dapifer Joanni Abbati in Zwetl scribit ratione belli Jemnicensis, quod circa ipsum gerebatur. Datum in Gmündt, Annò

Domini 1474. feriâ quintâ ante Lætare in Quadragesima. [2.] Unde Joannes Abbas Zwetlensis adhuc in vivis fuisseprehenditur.

Præcedenti item anno mentionem feci excursionis Jemnicensis, qui arcem quandam suis spoliis commodam in Austriae finibus occupaverat, unde in omnem provinciam, supra & infra Mainhardi montem prædari commodè poterat. [3.] Hic in arce Marckartsdorf ab Austriae Proceribus obsessus tandem

P p p

eò



edò redactus est, ut acceptâ aliquâ pecuniâ summâ arcem illam resignârit, de cuius transactione sic Abbati in Zwetl scribit Georgius Halmer quondam Monasterii tubicen, vel ab eodem cum aliis missus, vel sponte nomine militiæ dato militans; „ Quod heri Dominus „ de Jämnitz ratione Marckartsdorf „ cum Provincialibus convenerit in „ pacis articulos sequentes, nimirum: ut „ octingenta talenta den. sibi prorsus „ numerentur; ipse autem contrâ infra quatuordecim dierum spatium D. „ Daxnero arcem Marckartsdorfensem „ atque adeò totum ejus dominium integrum restituere teneatur; deinde „ ut inter Gemnicensem & Eytzingenum, qui Austriacorum Capitaneus „ erat, captivi utrinque redderentur, „ è quibus tamen præstantioris fortis „ viri pecuniâ redimendi utrique potestas esset. Idem autem præfatus Halmerus rogat sibi butyrum & caseum „ in campum dirigi. Demum nuntiat se nihil adhuc cum Domino de „ Ludmanstorf agere potuisse ob Proceres in rebus provinciæ publicis „ semper ferè occupatos. Datum è „ campis Annò Domini 1474. „ [4.]

Bellum porro alterum Monasterio, sed non diuturnum succrevit, nam quidam Dominus dictus Heroldus de Kunstat, Dominus in Plumaw oppugnârat Monasterium in Zwetl, ejusque colonos vexare incipiebat. Unde cum ipso Joannes Abbas transigens, numeratis priùs centum florenis, pacem obtinuit, datis in testimonium literis in Teresburg, qui Domino de Pernstain hosti provinciæ adhærebat ut cliens, fautor, & amicus. Datum annò Domini 1474. feriâ quartâ post Lætare in Quadragesima. [5.]

Viduatum hoc anno Monasterium fuit Abbate suo vigilantissimo & multis miseris exercitato Joanne dicto Walpeckh, cujus obitus annò & die sic F. Georgius Indicem suum sæpissimè in annis superioribus à me citatum conclu-

dit: „ Item, *inquit*, obiit Dominus „ Pater noster Joannes Walpeckh de „ Ottensheim in vigilia Annuntiationis „ Mariæ Annò 1474. nocte, horâ quasi „ nonâ; & optimè viginti annis cum „ dimidio rexit, & totidem annis fuit „ Capellanus suus, & cum hoc Magister vini; & invenit Monasterium in „ debitis ad minus in tribus millibus talentorum &c. „ [6.] Hucusque F. Georgii supradicti Index, & finitur. Hunc Joannem Abbatem commendat quoque Wolfgangus II. Abbas sequentibus: „ Joannes Walpeckh. Iste fuit „ Magister curiæ in Weinzierl, gratus „ omnibus penè hominibus, multas „ lites perpessus est, ædificavit murum „ apud portam sive apud turrim Monasterii, & alia defencicula multa „ fecit, obiit autem circa annum Domini 1474. „ [7.] Conveniunt in ejusdem obitu quoque recentior author in suo Abbatum Catalogo, [8.] atque ad Martyrologium Romanum MS. commemorationes Abbatum defunctorum; [9.] Item Mortilogium MS. commune Zwetlensis Monasterii, ubi habetur: „ Oâvò Cal. Aprilis, „ obiit D Joannes Abbas quondam „ Zwetlensis Annò 1474. quo die vigilia Annuntiationis celebrabatur. „ [10.] Construxisse porro Joannes iste refertur murum apud portam sive ad turrim Monasterii, unde sciendum, portam tunc dedisse transitum hominibus, equis & curribus per turrim horologii, sicut adhuc in muro verisimiliter apparet, unde à præfata turri murus ductus est rectâ lineâ usque ad alteram turrim versùs meridiem sitam. Portam verò hodiernam, sicut & hypocæstum in turri horologii Abbas Wolfgangus II. primùm construxit, quod tum annus, cum insignia ipsius Wolfgangi picta, probant. Non tantùm autem murò præfato Joannes Abbas Monasterium contra occidentem munivit, sed fossâ quoque per Magistros piscinarum factâ illum præmunivit, quæ fossa sicut &

& murus ille seu paries hodie adhuc conspicitur, hic quidem ad granarium accommodatus, illa verò antemurali durabilior facta est. Atque hæc de ædificiis ejus. Sepulto igitur Joanne Abbate in Capitulo nostro, electio nova suscepta alium hoc adhuc anno substituit. [11.] Fuit is Wolfgangus ejus nominis primus, cognomentò Joachimi, fortè filius, sicut apud latinos mos est dicere, Petrus Georgii (*subinsellendo*) filius.

Quòd autem hoc anno Wolfgangus

jam Abbas extiterit, clarè demonstrat apocha quædam Canonici Viennensis, qui Paulus Tag de Hertzogpierbaum Capituli S. Stephani in Vienna Procurator nominatur, hic à D. Wolfgango Abbate in Zwetl se recepisse fatetur pro annis MCCCCLXXIII. & MCCCCLXXIV. 52. libras den. sub dato Viennæ Annò Domini 1474. Dominicâ tertiâ Adventûs. [12.] Atque ita constat Wolfgangum I. jam Abbatem fuisse.

## ADDITIONES.

\*[1.] Gerardus de Roó Histor. Austr. lib. 8.

[2. & 2.] Ex literarum monumentis.

[4.] Ex Autographo ipsius.

[5.] Ex literarum monumentis,

[6.] Ex Registro F. Georgii de Aychstet MS.

[7.] Abbas Wolfgangus in sua Abbatum serie.

[8.] Recentior Abbatum Catalogus.

[9.] Martyrologium Romanum MS. ad 10. Kal. Aprilis.

[10.] Mortilogium Zwetlense commune eadem die.

[11.] Recentior Abbatum Catalogus.

Abbas Wolfgangus in sua Abbatum serie.

[12.] Ex Apocha ipsius.

An. Christi MCCCCLXXV. Monast. CCCXXXVII.

Pont. Rom.  
Sixtus IV.

Imp. Rom.  
Fridericus IV.

Archi-Dux Austriae  
Idem Fridericus.

Episcopus Pataviensis  
Ulricus III.

Abbas Zwetlensis  
Wolfgangus I.

**F**ridericus Cæsar in Ubios contra Carolum Burgundiæ Ducem profectus; cum circa Novesium (*Neus in Coloniensi districtu*) utriusque exercitus hæreret, Pontificis per Germaniam Legatò, & aliis quibusdam Principibus operam dantibus pax facta est. Inter alias pacis conditiones, quæ occultæ habebantur, scriptores ferè omnes affirmant, Mariam Caroli filiam unicam Maximiliano desponsam fuisse cum omnibus provinciis hæreditariis, si nulla alia prole autus ipse moreretur. Tandem Cæsar domum profectus, idò cum Poloniæ ac Bohemiæ Regibus scedere, in sequentem annum statuit Matthiam bellò aggre-di. Interim acceptis ab Vladislao quatuor millibus Bohemorum militum,

Austriacos quosdam occultè cum Matthia sentientes ad obsequium redigere conatus est, imprimis verò quendam Nicolaum Comitem persequitur, nullaque hyemis asperitate deterritus receptacula ejus demolitus est. \* [1.]

Porro habemus autographum Cardinalium quorundam super Sacello S. Thomæ Cantuariensis Archiepiscopi, ad quod illi indulgentias concedunt, sunt autem sequentes: Bartholomæus dictus Roverella titt. S. Clementis, Philippus de Levis Gallus Archiepiscopus Arelatenfis, Presbyter titt. SS. Petri & Marcellini, & Franciscus Gonzaga, titt. Sanctæ Mariæ-Novæ Diaconus, S. Rom. Ecclesiæ Cardinales. Hi devotè Sacellum S. Thomæ Cantuariensis in

Ppp 2

Dach8

Dachsgraben visitantibus in festis frequentibus, nimirum in festis S. Thomæ Cantuariensis, Resurrectionis Domini, Thomæ Apostoli, tribus feriis sextis semper post festum Michaëlis de mense Septembri proximè sequentibus (*post ad Quadragesimam translatis*) centum dierum indulgentias de injunctis pœnitentiis concesserunt. Datum Romæ in ædibus solitarum residentiarum nostrarum annò Domini 1475. 10. Decembris Sixti Papæ IV. annò quartò. [2.]

Deinde Dominus Georgius S. Crucis Abbas in Austria omnibus Ordinibus nostri Cisterciensis utriusque sexus Monasteriis scribit & nuntiat Jubilæum Ordinis nostri personis specialiter concessum ad preces RR. Cisterciensis Generalis, unde etiam filiæ suæ Monasterio Zwetlensis illud significat, qui anno eodem fortè fuit in Capitulo Generali. Datum in sanctæ Crucis Monasterio, Annò Domini 1475. feriâ sextâ ante festum omnium Sanctorum. [3.]

Discordiæ & lites præterea Monasterio nostro moventur à quibusdam vicinis Dominis, qui impatientes quietis colonos quosdam nostros in vincula conjecerant. Unde D. Wolfgangus Abbas in Zwetl injuriâ colonorum suorum motus scripsit Domino Wilhelmo de Puechaim, Archidapifero supremo Austriæ, Advocato tunc Monasterii, eidemque conquestus est, Judicem Poëlanum Monasterii colonos in iustitia sua molestiis affecisse sine ulla querimonia apud se tanquam ipsorum Domino deposita: Datum in Monasterio Zwetl, Dominicâ Reminiscere, Annò Domini 1475. [4.] Mox perceptis litteris Advocatus Puechaimius dicto Judici litteris significat, ut rem eam aut se arbitro componi curet, aut ad adventum Cæsaris differat, vel ad Regimen ejusdem deferat. Datum in Gmündt feriâ secundâ post Reminiscere, annò præfatò. [5.] Judex igitur prædictus Poëlanus non diu moratus, absente Cæsare, rem apud Regimen Viennæ relictum per

viam juris defendere noluit, hoc tantum Domino suo in Chrumpenawe ad Campium habitanti notificat. Et actum fuisset de colonis captivis, nisi Puechaimius apud Regimen ea de injuria Monasterio illato nomine Abbatis conquestus fuisset. Quapropter D. Michaël S. R. Imperii Burgravius Magdeburgensis, Comes Hardeccensis Marschallus Austriæ, item Hugo Comes de Wendenberch & in Sancto-Monte, aliique in Consilio Assessores citant Viennam ad certam diem coram se in judicio comparendum D. Wilhelmum de Awersperg, seu locum ipsius tenentem in Chrumpenawe præfectum, ut in causa quorundam colonorum Monasterii Zwetlensis de Neitzen, Glogniz & Kiebach à Judice suo in Novo Poëlan captorum respondeat jus suum prosequendo. Datum Viennæ annò præfatò feriâ quartâ ante Judica. [6.] Hanc citationem cum ipsis famulus Georgius Halmer nomine Monasterii præsentasset, illi dictum in famulum iram suam effuderunt, illumque captum in vincula & carcerem conjecerunt. Unde rursum apud Regimen Abbas conquestus, mandatum ab eodem obtinuit, quo Præfecto in Chrumpenaw dicto Grimifer præcipitur, ut protinus Monasterii colonos, quos in vinculis tenet, solvat, & Georgium famulum Monasterii de Judicis Novi-Poëlani manibus liberet, nam Judicium Novo-Poëlanum ad Chrumpenaw castrum pertinet, unde penes Præfectum ipsos eripiendi & liberandi potestas est. Datum Viennæ mandatum anno isto feriâ quartâ ante festum Georgii. [7.] Tandem dimissò famulo Præfectus circa colonos liberandos tergiversari cœpit, unde rursum D. Wolfgangus Abbas coactus ipsum apud Regimen denuo detulit, alterum mandatum accepit, quatenus cum Abbate Zwetlensi concordaret, qui eum jam altera vice accusasset, eò quòd contempro die judiciali ipsius subditos vexare non desinat. Indicit igitur ipsi

Marc-

Marescallus supradictus diem alterum Viennæ nomine Cæsaris coram se comparandi. Datum Viennæ, Annò Domini 1475. feriâ secundâ post diem Viti [8.]

Vix autem lites prædictæ sopiebantur, aliud bellum Monasterium sustulit, nam quidam Bohemus Nobilis pacem tam Abbati quàm colonis nullam ferme ob causam renuntiârat. Hic igitur dictus Heinricus Ruobikh de Klalbawiz in Nottelitz sub sigillo suo fatetur, quòd cum D. Wolfgango Abbate in Zwetl & omnibus ejus subditis pacem fecerit mensuram à dato literarum harum numerando, tali signatam conditione, ut si quis suorum latellitum vel clientum interea durante pace Monasterii colonos vel bona illius læderet, aut raperet, aut quomodocunque devastaret, ille arbitrio Illustri ac Nobili Domino Zdencone de Sternberg ad ablata restituenda, ad devastata resarcienda, & ad injuriam læsæ parti deprecandam teneretur: si verò præfatus Dominus Sternbergicus onus hoc arbitri negaret, tunc pars quælibet Nobilem aliquem Virum inter se & illam arbitrum constituere obligaretur, cujus sententiâ starent discordantes. Actum in Nottelitz annò Domini 1475. feriâ quintâ, in quam festum D. Bartholomæi incidit. [9.]

Item Austria tota bellò flagrabat, cum Cæsar Fridericus quosdam rebellium suorum persequeretur, & Bohemi quoque frequenter hostes incurrerent obvia quæque vastantes. Unde Conradus Holtzler hubarum in Austria Magister ab Abbate in Zwetl postulat nomine Cæsaris indictum de Guntarstorf censum &c. Datum Viennæ, annò Domini 1475. feriâ quintâ ante Gregorii festum. [10.]

Præterea quidam de stirpe Chünringiorum Fundatorum nostrorum hoc anno quoddam sibi advocatiæ nomen super colonos Monasterii in Terenberg, Haslach, & Weickerstorf excogitavit, quæ causa fuit magnæ postea litis inter

Chünringios & aliquot Abbates, uti suo tempore patebit. [11.] Scribit autem ea de re Chünringius Abbati eum ferè in sensum: Balthasar de Chünring, Dominus in Seveld, Domino Wolfgango Abbati in Zwetl nuntiat censum novum ad militum stipendia persolvenda indictum esse, quem censum ipse tanquam Monasterii suæ suorumque Majorum foundationis advocatus se à villis advocatiæ suæ postulare cogitet &c. Datum in Seveld annò Domini 1475. Dominicâ post Tiburtii. [12.] Fuit hic Balthasar Chünringius filius Georgii de Chünring, Mareschalci Austriæ, cujus patrum fuerunt Bernardus, Achatius, Albertus, Joannes; avus verò Nitzo, proavus Schethso, descendens de familia Weitracensi, quæ quondam in Bohemiam migravit, & tandem Austriam, extincta Austriaca Weitracensi familia, uti hæres intravit, & in castro Seveld reledit. Balthasar uxorem habuit Elisabetham Liechtenstainiam de Muraw Stirensi. Tuli insignia patris sui plena, nimirum, quatuor campis distincta, in quorum uno aquila nigra media in flavo campo, cum lineis rubris per alterum album campum sinistrorsum deflexis: in secundo campo albo ruber circulus seu annulus conspicitur: in tertio campo albo flavus leo nigris aleis distinctus videtur: in quarto autem flavæ & nigræ lineæ à sinistra ad dextram ductæ cum transversali viridi contemplantur. Quæ insignia singulæ olim familiæ Chünringiorum in plures ramos distinctæ circumferebant, sicuti circulum, Chünringii de Chünring castro juxta Egenburgam sito; Leonem, Weitracenses Chünringii, quem à Rege quondam Bohemiæ ac Duce Austriæ Ottocaro impetrarunt; clypeum lineis nigris & flavis pictum, Chünringii de Thirnstain possidebant; aquilam demum mediam, postremi Seveldenses Chünringii obtinuerunt. Talibus insigniis clara hæc Familia hæcenus usa fuit. Ut verò ad Balthasarum nostrum redeam, natus conjectatur annò

MCCCCLVII. quo tamen obiit anno, nemo est, qui profert. Sororem unam habuit Ameleiam dictam in matrimonium Hainrico de Kranichperg collocatam. Filias duas & filium ex uxore sua suscepit; Annam & Ehrentudum, quarum hæc virum sortita est D. Jacobum de Arberg, ultimum suæ familiæ, altera verò cui nupsit, vel innupta obiit, ignoratur: filius autem Joannes vocabatur, qui uxorem duxerat Annam Zelckingensem de Weinberg. Legitur hic Joannes natus annò Domini

MCCCCLXXXI, [13.] Atque hæc de Familia Chünringiorum, qui à Monasterii fundatione tuenda deficientes, in familiæ suæ propagatione quoque defecerunt, nam posteri ferè omnes Zwetlensem Majorum suorum fundationem destruere, aut bona Monasterii dissipare, sèque ipsis ditare tentarunt, sed fovæam quam alteri foderunt, inciderunt in eam, ubi enim ad hæresim Lutheranam deflexerunt, ibi ultimus familiæ sinè mascula prole decessit.

## ADDITIONES.

\* [1.] Gerardus de Roó lib. 8.

Cuspinianus in Cæsarib. sub Friderico III, „ Ingens profectò erat amor pacis Friderico, „ bella undique, quoad licuit, detestatus. „ Ad Nussiam ergo profectus, quam Carolus „ Burgundionum Dux, Martis fulmine expugnare, & Renatum Lotharingæ Ducem vincere cupiebat, bellum crudele extinxit, furorem sedavit, & hostem Carolum socerum filio Maximiliano reddidit. Per inferiorem dehinc Germaniam vagatus totum Imperium circumibat, pacem ubique Principibus persuasit; filium ex Brugenium custodia liberavit &c. „

„ Naclerus generat. 50. „ Erat Friderico „ Romanorum Imp. filius Maximilianus 21. „ annum agens, cum hoc nuptiarum fœdera „ conciliant. Convenit erat, ut res hæc „ apud Francofordiam publicis comitiis ageretur ad Cal. Junias. Ea re cognita, Ludovicus Rex Francofordiam nuncios mittit. Summa legationis fuit, ut refert Robertus, qui unus ex missis erat, in conventu ipso memorare, quæ amicitia inter Imperatores, Regesque Francos diu permanferit, quibus legibus atque institutis perseveraverit, Mariam Burgundi hæredem feudi legibus erga Ludovicum adstringi, longo usu observatum esse, nequa illustris inter Francos fœmina viro peregrino nuptiarum Rege inconsulto conjungatur, decere illam patris institutis obtemperare, Imperatorie dignitatis & fidei esse, non violare amicis jura. Temperet ergo Fridericus, ne id committat, quo veteris amicitie sanctitudo offendantur. Talibus mandatis Legati sequuntur Maximilianum, qui per Rhenum descendens, Coloniam petit. Post dies 20. quibus Maximilianus professionem in Flandriam parat, edocti fuerunt nuntii Regis,

„ tardè se venisse, nuptias firmatas esse, ideo „ ad Ludovicum mox rediit. - - - Annò „ 1477. Maximilianus Austriæ Dux, Friderici „ Imp. filius, adolescens magni animi, à Maria „ adolescentula Caroli Burgundionum Ducis „ filia, ex concilio Procerum invitatus, cum „ satis iusto exercitu accessit Flandriam, & „ ipsam Mariam Illustrissimam Virginem sibi „ in conjugem desponsavit, ob hoc dotis nomine Burgundiam, Brabantiam, Flandriam, „ Limpurgam, Lucemburgum, Hannoniæ, „ Hollandiam, Selandiam, Artesium, Geldriam cum nonnullis aliis tetrarum accepit, quamvis Ludovicus Francorum Rex nonnulla, quæ locer possederat, ademertit. Eapropter gravia inter eos bella fuere suborta: leviæque primùm prælia hinc inde habita, „ &c. „

Piespordius in Habsburgic. „ Maximilianus I. Romanorum Imperator natus Neapoli „ Austriæ annò 1459. 22. Martii. Annò ætatis XVIII. Mariam Burgundiam uxorem ducit, & ab ipsis statim nuptiis animum ad constituendum Reipublicæ Belgicæ statum convertit; Ludovicum XI. Galliarum Regem, Artesiæ, & multarum aliarum ditionum dotalium violentum occupatorem bello aggreditur, & maximam ablatorum partem recuperat. „

Subscribit Fuggerus in Speculo aperte agens non præfenti sed 77. anno dictas nuptias esse celebratas.

Spondanus ad ann. 1477. n. 1. „ Annò „ Christi 1477. Indictione decima, rebus in „ Burgundia & Belgio ex morte Caroli Ducis „ ad principium hujus anni obita, - - - perturbatissimis; cùm minùs prudenter Rex „ Francorum Ludovicus erga Mariam Caroli hæredem, satis alioquin ad res Gallicas „ propensam, sese gessisset; nec deessent muli „ alii

„ alii tantæ hereditatis prefatores; tandem  
 „ tamen vicit pars Maximiliani Austrii, filii  
 „ Friderici Imperat., cui Maria jussu viventis  
 „ patris fidem de matrimonio dederat. - -  
 „ Gandavum accedens, matrimonium cum  
 „ Maria consummavit ad finem mensis Julii:  
 „ (ut disertè Krantzius scribit) & intra verten-  
 „ tem annum Philippum filium ex ea suscepit;  
 „ qui pater fuit Caroli V. & Ferdinandi I.  
 „ Imperatorum. „

Verùm hæc nuptias hoc præfenti anno  
 celebratas fuisse contendit Lazius Genealo-  
 giæ Austriac. Commentar. lib. 2. „ Itaque  
 „ cùm mediocriter literis à Sacerdote indo-  
 „ cto erudiretur (*Maximilianus*) eos tamen  
 „ fecit progressus, in moribus præferti, ut

„ annò ei ætatis 14. pulcherrima ac opulentiff-  
 „ sima virgo Caroli Burgundiæ Ducis poten-  
 „ tissima filia, & unica hæres ab utroque pa-  
 „ rente desponderetur. Cum qua in Belgium  
 „ profectus, sub ipsam obsidionem Viennæ.  
 „ à Matthia Hungariæ Rege factam, nuptias  
 „ splendide celebravit, annò Salutis 1475.  
 „ annos natus ferè X. & VIII. &c. „

[2. & 3.] Ex Autographis ipsorum.

[4. 5. 6. 7. 8.] Ex literarum monumentis.

[9.] Ex Autographo ipsius.

[10. & 11.] Ex literarum monumentis.

[12.] Ex Autographo ipsius.

[13.] Ex Genealogia Chûringiorum  
 approbata.

An. Christi MCCCCLXXVI. Monast. CCCXXXVIII.

*Pont. Rom.*

Sixtus IV.

*Imp. Rom.*

Fridericus IV.

*Archi-Dux Austriæ*

Idem Fridericus.

*Episcopus Pataviensis*

Ulricus III.

*Abbas Zwetlensis*

Wolfgangus I.

**T**urcæ hoc anno ad medium Octo-  
 bris per Bosniam irruentes Carnio-  
 lam, Carinthiam, & Stiriam depopu-  
 lati multas abegerunt prædas, magnam-  
 que hominum multitudinem in barba-  
 ricam servitutem nemine resistente ab-  
 duxerunt. Hanc cladem Cæsar Matthiæ  
 acceptam ferebat, Turcæque vel ab eo  
 in suas ditiones immisos, vel impunè  
 eousque penetrare permisos ratus, Po-  
 lonorum ac Bohemorum auxilia contra  
 eum invocabat. \* [1.] Atque hæc  
 causa una videbatur belli Ungarici ex-  
 orti.

Imperator porro tum ad rebellium  
 quorundam Austriæ Procerum, cùm ad  
 Bohemorum Matthiæ Ungaro adhæren-  
 tium depopulationes prohibendas, qui  
 hætenus Austriam vinculis, homagiis,  
 rapinis, flammâ & ferrò descœdârunt,  
 duo millia equitum & mille peditum  
 conscripsit, quibus stipendium tum ex  
 suo ærario, cùm è provincialium pecu-  
 lio solvere decrevit. Cùm igitur neces-  
 sarium sit, ut hostes & latrunculi dome-  
 stici abigantur, priusquam potentior  
 hostis superveniat, ne cum ipso jungan-  
 tur: jubet Abbati in Zwetl Cæsar, ut

pro novem equitibus, quos Monaste-  
 rium in bellum mittere cogebatur, nume-  
 ret pro singulis militibus singulis septi-  
 manis singulos novem solidos, quos ad  
 Jobum Hawserum censum horum de-  
 signatum collectorem dirigi mandat,  
 qui tamen census ultra menses duos du-  
 rare non debet. Datum in Nova-Ci-  
 vitate, annò Domini 1476. feriâ sextâ,  
 in quam incidit S. Francisci festum, an-  
 nò verò Imperii sui trigessimò quintò.  
 [2.] Hoc utique mandatum Abbas ex-  
 secutioni protinus dedit, qui æquè cu-  
 piebat debellatos provinciæ hostes.

Tandem conscripto & ordinato ex-  
 exercitu Cæsar summum militiæ hujus Ca-  
 pitaneum creaverat D. Hugonem Comi-  
 tem de Werdenberg & Sancto-Monte,  
 qui protinus nomine Majestatis Cæsa-  
 reæ omnibus & singulis Austriæ pro-  
 vinciam supra Montem Mainhardi inco-  
 lentibus Regulis, Prælatiis, civibus &  
 oppidanis mandat, quatenus mox omnes  
 & singuli cum suis illis, quibus maxime  
 possunt, viribus accedât ad Jobum Haw-  
 serum jussu Cæsaris castrum Schawn-  
 stain obsidentem, & ipsi ad omne impe-  
 rium præfati sint, ut dictum castrum in

Qq q a

Cæ.

Cæsaris potestatem redigat, & vult ut sine mora & equites & pedites in campum producantur, eamque esse voluntatem feriam Cæsareæ Majestatis. Datum in campo ante Espestorf annò Domini 1476. feriâ tertiâ post Lucie. [3.] Contigit hic apparatus circa Idus Decembres, mediâ ferè in hyeme, adeo Cæsar pacem sanctam Austriæ diu exoptatam restituere laborabat.

Nec hoc anno intereâ Bohemi vicini quiescebant, sed Austriam invadentes impunè cum præda repatriabant. Horum unus Bohemiæ regulus Zygneus cognomentò hostili transitu pervaserat provinciam Regno vicinam, unde causa fuit, ut D. Wolfgangus Dachperckh de Graillenstein Abbatem in Zwetl monuerit, quatenus sibi ablata à subditis suis restitueret. Nam Domino de Schwanberg Bohemiam suam repetente milites ejus accusavit rapinæ, quam in villa sua Dachperck exercuisse narrat, cùm equos & pecora cuidam colonò suæ jurisdictionis rapuissent, & co-

lonis Zwetlensibus vendidissent, &c. Actum in Graillenstein Annò Domini 1476. feriâ tertiâ in die S. Hedwigis. [4.] Hoc tunc erat inventum vicinorum dominorum, quo Monasterio novam belli causam imputare possent.

Præterea aliud bellum Monasterio imminere, nisi D. Wilhelmus Puechaimius tunc Zwetlensis advocatus à Principe terræ constitutus sese interposuisset. Nam Wilhelmus de Missingdorf Eques partes fovebat Stahrenbergici Rudigeri, ad quem tunc castrum in Rapotenstein pertinebat, cum hujus autem præfatio erat lris Abbati in Zwetl. Puechaimius igitur præfato Missingdorfio imponit, nihil intereâ cum Abbate in Zwetl transigat, priusquam diem sibi tanquam ejus Monasterii advocato in judiciò comparendi pronuntiârît, ut res sinè armorum strepitu componi queat. Datum in Schwarzenaw Annò Domini 1476. feriâ quintâ in festo SS. Joannis & Pauli. [5.]

## ADDITIONES.

\*[1.] Gerardus de Roò lib. 8. ad litteram.

Bzovius Continuator Baronii tom. 18. ad hunc annum n. 2. „ Ad medium Octobris „ Turcæ facta è Bosna excursionè Carnio- „ lam, Carinthiam, & Stiria partem vastâ- „ runt, prædâque ingentem, & plurimos „ mortales captivos abegerunt; & mox mu- „ nitiones ligneas ab ipso Matthia supra Da- „ nubium paulò infra Smideroviam extructas, „ & quinque millium militum præsidio firmas, „ quatuor quidem expugnârunt, quintam „ verò per deditionem acceperunt, ipso Ma- „ homete cum majoribus copiis haud longè „ successum Regis expectante. Fecit istos „ progressus Mahometes, eo tempore, quo „ Matthiam cum tota Pannonia, nuptiis Beatrixis sive parandis sive celebrandis, inten- „ tum fuisse cognovit. Hoc enim anno Bea- „ trix Albam Regalem veniens, Regina inaugu- „ rata, & ritè coronata, Budæ paulò post, „ Idibus Decembris in leges matrimonii con- „ cessit, totâ ferè Ungariâ ad Regalium nup- „ tiarum celebritatem confluentè. Quod „ cùm Turcus apertè sensisset, tempus con- „ silio suo nactus idoneum, quadraginta ho-

„ minum millia, ad eas munitiones expugnân- „ das misit. Iis in potestatem redactis, cum „ stratum glacie Danubium conspicaretur, „ cum expeditissimo triginta millium equita- „ tu, Daciam invasit, & longè latèque vaga- „ tus, igni ferroque cuncta vastavit: quæ res „ mentem Matthia, toriusque Pannoniæ us- „ que adeò consternârunt, ut nihil tale post- „ hac in Turcum audientius molitus sit. Ma- „ ximè intercedente inter illum & Fridericum „ Imperatorem dissidio. Fridericus enim, su- „ spicatus Turcas à Matthia in ditiones suas „ immisso esse, simulque ratus, oblatam sibi „ occasionem, perducere suos, illius federa- „ tos, quorum Princeps erat Comes Nico- „ laus, ulciscendi, delectu suorum habito, „ quatuor millium Bohemorum auxiliis à „ Wladislao Rege acceptis, nihil retardatus „ hyemis asperitate, munitiones ipsorum per- „ duellum partim per vim, partim per dedi- „ tionem recepit, ac in æstatem anni insequen- „ tis bellum majus contra illum paravit.

Lazius Genealog. Austriac. Commentar. lib. 2. sub Friderico Imp. „ Fuit illi (Frideri- „ co) interea etiam longè gravissimum ab- „ senti cum Matthia Hungariæ Rege bellum: „ qui

„ qui non modò victor exultabat quorundam  
 „ Austriæ regulum prodicione: verùm etiam  
 „ totam pene Austriam cum Vienna Metropo-  
 „ li præripuerat, in eâque rapinas agebat an-  
 „ nis novem continuis: ab anno scilicet 1476.  
 „ usque ad annum millesimum quadringente-  
 „ simum octuagesimum quintum: cùm captâ  
 „ Viennâ, ad clavum quoque sedisset septem  
 „ annos. Hujus belli causas aliquot eviden-  
 „ tes adnotatas in Annalibus invenio. Mane-  
 „ bat primò omnium Matthiæ Regis alta men-  
 „ te reposita captivitas, atque carcer Austria-  
 „ cus, cùm à Vladislao Rege, Austriæ Prin-  
 „ cipe, decollato fratre, ipse victus primùm  
 „ in arcem Gutensteyn, postea Pragam etiam  
 „ missus fuisset. Deinde verò, quòd mortuo  
 „ Georgio Bohemiæ Rege, Polonum sibi Vla-  
 „ dislaum Regem, tam in Regni Bohemici be-  
 „ neficio, quod à Friderico ùt Imp. petierat,  
 „ quàm etiam in viduæ nuptiis, semina opu-  
 „ lentissimæ ac formosissimæ gentis Brande-  
 „ burgicæ, prætulisset, vehementissimè utrùm-  
 „ que ambient. Præterea evenerat, quòd  
 „ Joannes quidam Strigoniensis præsul, in-  
 „ dignatione Regis parva, cum ingenti the-  
 „ sauro ad Cæsarem profugisset, quem Fride-  
 „ ricus non modò non reddiderat exigenti,  
 „ verùm insuper Viennensem inprimis præ-  
 „ sulem, deinde Salisburgensem quoque ar-  
 „ chiepiscopum designarat. Quæ res, ut ani-  
 „ mum Matthiæ Regis, suapte natura fero-  
 „ cem, maximè exulcerarat: ita non deerant

„ Austriæ reguli quidam, qui ob liberatas à  
 „ Friderico pignori oppositas arces, & pro-  
 „ hibita nova ab illis constituta portoria ac  
 „ vectigalia, frigidam fufundebant &c. An-  
 „ no eodem igitur, de quo diximus (qui fuit  
 „ à nato Servatore nostro, 1476.) eductis in  
 „ aciem copiis, Matthias Austriam infestis si-  
 „ gnis invadere cœpit, misso Selenc quodam  
 „ cum aliquot millibus levis armaturæ equi-  
 „ tibus: quos ponè sequebantur pedites, &  
 „ cataphracti equites, Moravi magna ex par-  
 „ te, ac Silesii, duce Dobeslao à Czernaho-  
 „ ra Moraviæ regulo. Qui ut latrocinia com-  
 „ modius exercere possent, ac locis municio-  
 „ ribus eo in agro sitis, qui est ad fines Hun-  
 „ garicæ, potiri; Graveneckius, quem dictum  
 „ est belli incantorem extitisse præcipuum, li-  
 „ mitaneas arces, Scharfeneck & Trautmans-  
 „ dorf Hungaro tradidit. Unde inflammatis  
 „ pagis & arcibus, castellisque ac oppidis ad  
 „ deditionem coactis, Haynburgo, ponte  
 „ Lytahæ, Newnkirchio, Medlinga, Gum-  
 „ pelsdorfio, Perichtolsdorfio, Grinczinga,  
 „ Nusdorfio, & ipsa Neuburga, quam Claustra-  
 „ lem appellant, divi Leopoldi tumulto clara,  
 „ ad Viennam castra posuit, die Jovis ante  
 „ festum beati Bartholomæi Apostoli, anno  
 „ quo dictum est &c. „

[2.] Ex diplomate Cæsaris seu manda-  
 to ipsius.

[3. 4. 5.] Ex Autographis ipsorum.

An. Christi MCCCCLXXVII. Monast. CCCXXXIX.

*Pont. Rom.*  
Sixtus IV.

*Imp. Rom.*  
Fridericus IV.

*Archi-Dux Austriæ*  
Idem Fridericus.

*Episcopus Pataviensis*  
Ulricus III.

*Abbas Zweilensis*  
Wolfgangus I.

Cum per Austriam eousque jam bel-  
 lum excrevisset, ut nemo quem  
 cavere, quem sequi deberet, sciret, in-  
 colæ hostes æque ac externi sese demon-  
 strarent; sùsque deque humana divina  
 haberentur, ac passim in imbellem Ec-  
 clesiasticum statum grassarentur prædo-  
 nes, templa spoliarentur, Sacramen-  
 ta conculcarentur, Monasteria vasta-  
 rentur; Clerus Pataviensis Diœcesis  
 per Austriam constitutus Summo Pon-  
 tifici conquestum misit quendam ex suis  
 legatum. Hic auribus paternis auditus  
 à Sixto Papa impetravit, quod petist.

Nam bullam protinus fulmine excom-  
 municationis armatam dedit in eos, qui  
 subditos Ecclesiarum, aut Monasterio-  
 rum exactionibus sinè sacerdotum illis  
 præpositorum consensu vexarent, aut  
 bona illorum seu vivorum seu mortuo-  
 rum diriperent, aut sibi quavis arte,  
 quovis dolo, aut modò juri contrariò  
 appropriare studerent. Datum Romæ  
 Annò Domini 1477. septimò Cal. Julii.  
 \* [1.] Verùm quanti hanc bullam hos-  
 tes fecerint, patebit ex sequentibus.  
 Statum porro Austriæ (*Vide etiam Ge-  
 rardum de Rob & alior.* [2.]) rudi &  
 Rrr sim.



simplici calamo descriptum reperio inter cetera Monasterii nostri monimenta sequentibus, præfixo tali titulo :  
 „ Facta & acta in terra Austriæ tempore Imperatoris Romanorum Friderici Ducis Austriæ. Annò 1477. Item obseſsum fuit caſtrum propè Vienneſem nomine Eversdorf per ſtipendiarios Friderici Imperatoris hyemali tempore quaſi incluſivè ad feſtum S. Jacobi, & valde deſtructum & annihilatum, ſed non receptum propter Regem Ungariæ. Item in eodem anno exivit filius (*Casimiri Vladislaus*) Regis Poloniae de Bohemia ad Vienneſem, & infra Octavam Corporis Chriſti conſtitutus, & in Dominica infra Octavam, mandat (*Cæſar nimium*) & in Octava omni populo ſolenniter agere propter filium Regis, qui cuncta vidit, & omnes caeremonias, & eundem Imperator confirmat, & feudum eidem conceſſit in loco, qui dicitur Cujam (*curia ſeu Aula, vulgo am Hof*) manifeſtè & publice. Item idem Rex Bohemiæ in favorem Imperatoris tranſiit ultra Novam-Civitatem ad caſtrum Perneck; & ibidem pertranſiit, Stirenſes oppugnaverunt per totum (*dicitur autem ſem*) caſtrum, & Dominus caſtri Perneck invocat Regem Ungariæ, qui miſit illic populum, & obſiderunt Stirienſi (*Stiram civitatem*) audito autem quòd Rex Bohemiæ adventabit, reſceſſerunt Ungari. Item idem Rex Bohemiæ circa feſtum Mariæ Magdalene intravit Bohemiam, & Imperator remuneravit eundem in centum vaſis boni & electi vini, & pluribus bobus & muneribus. Item circa idem tempus cernens Rex Ungariæ Matthias nomine, quòd Rex Bohemiæ ſubripuit ſibi benediſſionem, quam ipſe ſperabat, ſe eſſe Regem Bohemiæ, & ſe confirmari ab Imperatore, ſicut tunc eidem antea aſcriptum fuerat à Paulo Papa, & à Friderico Imperatore realiter & publi-

„ cè. Item circa idem tempus recentior ſuit populum Rex Ungariæ Matthias ad ſeptendecim millia equeſtrium & pedestrium, & obſedit Hamburg octo millia infra Vienneſem, & prima fronte perdidit tres Sturm. (*infulsus in mania*) Item deinde miſit partem populi ſui & obſedit civitatem Pruck firmam & bonam. Item tertiam obſidionem fecit ante Trautmanſtorff, & propter penuriam victualium dederunt caſtrum ad manus Regis Ungariæ. Item obſidionem civitatum audiens Imperator exivit de Vienne ad Krems cum notabili populo ſecundà ferià proximà poſt Jacobi Annò MCCCCLXXVII. iſdem temporibus poſt captionem Trautmanſtorff obſedit Vienneſem. Item Neuburgum Clauſtralem civitatem ſuperiorem & inferiorem recepit, & multos ibidem de civitate interfecit, facta expugnatione, nullo reſiſtente, dederunt ſe in civitate in manus Regis, & peſſimè tractati fuerunt ab Ungaris, nec quicquam habuerunt in manibus liberè, ſed ſunt ſervi cum timore. Item aliam Neuburgam (*Corneoburgum*) ſimili modo recepit nullo reſiſtente. Item civitatem Tulnam expugnaverunt, iſti potuiſſent bene reſiſtentiam ſeciſſe, quia plures pedestreſ habuerunt, & iſti prohibiti ſunt ad reſiſtendum Regi, & tradiderunt ſe peſſimè. Item poſt hæc circa feſtum Michaelis præciſe, cum debuiffent collegiſſe vineas, obſederunt civitatem Krems cum vallo, ſimiliter & civitatem Stain. Item de Mautarn cum pixidibus (*ſcolopetis*) ſagittaverunt ad Stain, ſed nihil prævaluerunt, & tandem turrem extra civitatem Stain occupaverunt, ſed modicum noceverunt civitati. Item ante civitatem Krems multi Ungari ſunt interfecti per ſagittarios (*ſcolopetarios*) manualium pixidarum. Item notabiles viri magnifici interfecti & capti ad civitatem, & mirabiliter turbati ſunt à ci-

„ à civitate, numerum autem interfe-  
 „ ctorum de civitate solus DEus scit.  
 „ Item dicebatur, quòd septuaginta duo  
 „ castra propter timorem Regis Ungar-  
 „ riæ tradidissent se in foedus & amicitiam  
 „ Regis. Item castrum Maricheck  
 „ expugnavit. Item Greisenstain. Item  
 „ ad S. Yppolytum. Item Pruk. Item  
 „ Hainburch non expugnavit. Item  
 „ in Anno Domini MCCCCLXXVII.  
 „ infra Octavam S. Joannis Baptistæ  
 „ Dominus de Rohr de castro Otten-  
 „ stain, item Missingdorfer de Dobra,  
 „ & Vintz de Waltreith concordarunt,  
 „ & unanimi voluntate contradixerunt  
 „ Imperatori & terræ Austriæ, & om-  
 „ nibus bonis suis. Item à Monaste-  
 „ rio pro homagio ducentos florenos  
 „ & quinque mut (*modios*) siliginis per  
 „ angariam, & expirat (*scilicet unga-*  
 „ *riæ*) Michaëlis; Item alterâ angaria  
 „ iterum tantum usque ad festum Cir-  
 „ cumcisionis inclusivè (*scilicet, Mo-*  
 „ *nasterium Zwetlense debebat dare.*)  
 „ Item multa spolia & vastationes fe-  
 „ cerunt, rusticos quoscunque potue-  
 „ runt capere, taxaverunt. Item duò  
 „ Domini --- magna incendia & vastationes  
 „ fecerunt, & hi omnes cum  
 „ complicitibus suis adherent Regi Ungar-  
 „ riæ, & inaudita spolia fecerunt, par-  
 „ vulos pueros, puellas, mulieres cap-  
 „ tivârunt & exactionaverunt, ideo  
 „ maledicti & excommunicati ab Apo-  
 „ stolico Sixto majori excommunicatione ipsi  
 „ & omnes adherentes, favorem,  
 „ auxilium, consilium dantes.  
 „ Item Dominus de Zelcking depre-  
 „ dat decem barones (*forte decem colo-*  
 „ *nos*) Domini de Rohr, & plures cap-  
 „ tivavit, & cum incendio eundem  
 „ & populum suum angariat, quòd fe-  
 „ cerunt homagium supradicto Domi-  
 „ no, & magnam prædam vaccarum  
 „ in die Octava Petri ad vincula, (*ni-*  
 „ *mirum abstulerunt*) & Ecclesiam Töl-  
 „ lershaym evacuaverunt, & oppi-  
 „ dum & plures villas spoliaverunt &  
 „ totas domos combusserunt Anno

„ MCCCCLXXVII. „ [3.] Hucus-  
 „ que simplici stilo Monasterii nostri an-  
 „ tiquitas. Unde Austriæ status universus  
 „ miser patet, quæ ita per Ungaros lace-  
 „ rabatur, quos Monasterium quoque sen-  
 „ sit, eorumque jugum ferre debuit, ut  
 „ patebit. Ex his autem sequentia pluri-  
 „ ma explicabuntur, quòd recurrendum  
 „ erit.

Porro ante Ungarorum in Austriam  
 excursus prædictos, Fridericus Cæsar  
 quosdam Procerum suorum sibi rebel-  
 „ lium ad obedientiam armis redigebat  
 „ præsertim pertinaces & potentiores, ut  
 „ pacem provinciæ tandem reddere pos-  
 „ set tam diu desideratam. E perduel-  
 „ lium eorum numero erat Ulricus regu-  
 „ lus in armis non impiger de Graveneck,  
 „ cum quo, Fridericus Cæsar scribens ad  
 „ Abbatem in Zwetl ait, se convenisse,  
 „ ut præfatus Ulricus ex Austria migret,  
 „ omniâque sua castella ipsi resignet, ex  
 „ adverso verò Cæsar quandam pecuniæ  
 „ summam ipsi porrigat, quæ cum è ca-  
 „ mera sua tam citò numerari non possit,  
 „ à provincialibus illam mutuam accipe-  
 „ re decrevit. Inde ab Abbate petit sibi  
 „ mutuos portigi sexaginta florenos au-  
 „ reos Jobo Hawsero camerario suo &  
 „ Præfecto Cremsensî numerandos, at-  
 „ que de censu proximo publico dele-  
 „ ndos. Datum Viennæ, Anno Domini  
 „ 1477. seriâ sextâ ante Dominicam Ju-  
 „ dica, Imperii verò sui trigésimò sextò  
 „ annò. Hanc expeditionem Cæsar an-  
 „ no jam priorî inchoaverat, sicut ibi vi-  
 „ dere est.

Ungaris præterea in Austriam ir-  
 „ ruentibus Rex eorum Matthias Austri-  
 „ am superiorem petebat rectâ ad Fride-  
 „ ricum Cæsarem hostem suum, qui tunc  
 „ Lincii morabatur, ut etiam Gerardus  
 „ loquitur, interea tamen per legatos suos  
 „ Cremsensem tripolim tentabat, & in  
 „ suam potestatem redactam volebat. Le-  
 „ gati igitur non tantum oppugnationem  
 „ urgebant civitatis, & Mautterni oppi-  
 „ dum jam ceperant, verum etiam cir-  
 „ cum circa omnia castra, castella, oppi-  
 „ da,

da, vicos, villas, Monasteria Regi suo aperta & subiecta desiderabant. Sic quoque Monasterium Zwetlense ipsis nomine Regis sui homagium præstare hortabantur, Abbati mittentes sequentem denuntiationem: „ Paulus de „ Kynyz, nec non Joannes Zeleny de „ Slanow gentium serenissimi Principis Domini Domini Matthiæ Regis „ Ungariæ & Bohemiæ &c. campestrales capitanei Vos Venerabilem Virum Dominum Abbatem Claustrii Swiethla præsentibus ammonemus, quatenus mox agnitis præsentibus, universis & singulis vestris subditis ad vestrum Claustrum pertinentes (*pertinentibus*) committatis, ut ad nos veniant pro homagio disponendo, eadem si non feceritis, ex tunc nos eosdem diversis gravaminibus ad homagium compellere curabimus, vosque etiam factum vestrum cum Claustro provideatis, ita ut sitis Regi (*scilicet Matthiæ Ungariæ & Bohemiæ*) subditus & fidelis, secus non facturus, ut si damna irrecuperabilia cupitis evitare. Datum in loco campestri circa expugnationem civitatis „ Crembs Annò Domini 1477. feriâ „ sextâ ante festum Simonis & Judæ. „ [4.] His Abbas Wolfgangus acceptis litteris tristis nonnihil factus est, neque quid ageret, protinus occurbat. Suspendit itaque aliquamdiu responsum, neque interea subditos quoque dirigebat ad præstandum homagium putans ita hostes suæ comminationis fore oblitos, neque ante captam urbem Zwetlam ascensuros. Verùm illi non immemores denuntiationis suæ primæ, cum minis majoribus alteram instituunt, nuntiântque Abbati denuò: „ Quatenus „ sinè mora lectis litteris suis, subditos „ suos omnes & singulos ad castra dirigat homagii faciendi gratiâ, si neglexerint, sciat subditos suos ab iisdem „ gladio, igne, aliisque diversis gravaminibus perdendos fore, & Claustro „ damna irrecuperabilia inferenda. Da-

„ tum in exercitu sub civitate Crembs „ Annò Domini 1477. feriâ sextâ post „ Leonhardi, nimirum septimò Novembris. „ [5.] Hæ literæ quid ab Abbate impetrârint, compertum non habeo: credo hoc primo Ungarico bello nullum Ungaris homagium præstitisse, nec subditis Monasterii permisisse. Nam ubi Cæsar cum Rege pacem iniisset suafu maximè Pontificis, & Capitanei præfati à Crembsensi oppugnatione avocarentur, neque etiam tunc ulterius Abbatem futurum homagium, aut minas præfatas Ungarorum timuisse. Unde constat binis vicibus Viennam à Rege obsessam fuisse, & altera vice eam primùm deditione cepisse. Præterea ex præmissis Capitaneorum literis colligitur Crembsium per aliquot septimanas obsidione clausum fuisse, & loca circumquaque devastata, sicut etiam grangia nostra inter vinitores (vulgò *in Weinzierl*) sita, de cujus sacello mentio habebitur. Non tamen Crembsium neque Stainam urbes capere potuere, licet jam turrim unam è regione portæ Mauterenensis in Stain sitam occupârint, non tamen inde civitati quicquam detrimenti afferre poterant. Atque ita Wolfgangus Abbas hoc quoque timore hostium liberatus est.

Antequam verò Ungari Austriam invaserunt, Rex illorum Matthias Huniades Friderico Cæsari Viennæ moranti bellum indixit, cum Vladislaus Rex Bohemiæ & Poloniæ adhuc adesset, & hoc contigisset Junio mense, nam circa festum Magdalene jam Bohemiam suam Rex attigerat: unde etiam ab Vladislao Cæsar contra Matthias auxilium petiit, & promissum retulit, licet nulum expectare deinde potuerit, sicut in Gerardo videre est. Rex igitur Ungariæ non tantum Cæsari pacem renuntiavit, sed quoque privatis litteris suis studuit quosdam in armis strenuos Austriacos Proceres contra eundem in partes suas deducere, quorum nonnullos, prout ipsis affectus in dominum suum inerat,

inerat, paratos & promptos invenit. Inter quos non contemnendus erat Wilhelmus Missingdorsius de Dobra ex Equestri ordine, hic non alia de causa renuntiavit pacem & bellum Wolfango Abbati in Zwetl, ejusque colonis universis indicit, quàm quia Rex suus Ungariæ sibi literas misisset, quibus inclusam pacis renuntiationem ab eo Cæsari factam perspexisset suas ob causas justam, atque ideo & ipse tanquam regius vasallus Cæsari unâ cum Rege suo renuntiavit atque omnibus ejus fidelibus. Datum Dobra, Annô Domini 1477. in Vigilia SS. Petri & Pauli Apostolorum. [6.] Præstitit Abbas huic homagium ducentis florenis & quinque modis filiginis per angariam sicut suprâ retuli, ubi ejus focii nonnulli commemorantur, qui partes Ungari secuti sunt, & contra Cæsarem dominum suum militârunt ejusdem fideles devastando.

Scripsi præterea de Ulrico Gravenneckio, quod contra Cæsarem rebellis insurrexerit, atque fideles ejus persecutus fuerit, sic quoque fidelis Cæsaris Wilhelmus Puechaimius de Gmünd Baro bellum Ulrico indixit, ab hoc bello co-

natur ipsum litteris suis avocare patruelis ejus Joannes Puechaimius Architrachelinus Austriæ hæreditarius, nam olfecit bellum Ungaricum, quocum satis Cæsari negotiorum moles incumbet, atque ita timendum esset, nè Gravenneckius auxiliantibus Ungaris Cæsareanum ipsum aut gravissimè mulctaret, aut penitus à Cæsare desertum de libro viventium resistentem deleteret. Suadet igitur, ut cum eodem ineat concordiam. Datum in Haidenreichtain Annô Domini 1477. feriâ sextâ ante diem Joannis ante Portam Latinam, nimirum circa sextum Maij. [7.] Inde colligitur, Ulricum vix Austriâ excessisse ante Ungarorum adventum, quibuscum deinde contra Cæsarem pertinaciùs bellum continuavit.

Fatetur demum Georgius S. Crucis Abbas se à Coabbate suo in Zwetl duodecim florenos Rhenenses contributionum Ordinis de annis MCCCCLXXV. MCCCCLXXVI. & MCCCCLXXVII. recepisse suarum testimonio litterarum. Datum Viennæ Annô Domini 1477. Dominicâ Viti, id est, 15. Junii. [8.]

## ADDITIONES.

\* [1.] Ex Transumpto Bullæ Pontificiæ.

[2.] Gerardus de Roô, lib. 8. in fine.

Annales Strunonis Austr. Super. hoc anno.

Megizerus Annalib. Carinth. lib. 10. cap.

21.

Cuspinianus in Cæsarib. sub Friderico III.

[3.] Ex MS. Codice Bibliothecæ Zwetlensis.

[4. 5. 6. 7.] Ex Autographis ipsorum.

[8.] Ex Apocha ipsius.

An. Christi MCCCCLXXVIII, Monasterii CCCXL.

*Pont. Rom.*  
Sixtus IV.

*Imp. Rom.*  
Fridericus IV.

*Archi-Dux Austriae*  
Idem Fridericus.

*Episcopus Pataviensis*  
Ulricus III.

*Abbas Zwetlensis*  
Wolfgangus I.

**P**AX quidem inter Cæsarem & Regem Ungariæ anno priori cœpta, hoc anno inter partes concluditur, de qua sic Gerardus loquitur, qui etiam aurei velleris comitia recenset: „ Cæsar igitur Pontificis auctoritati obsecuturus

„ oratores prior ad Matthiam de pace  
„ legat. Paci conditiones dictæ, uti  
„ Imperator capta abs Rege loca reci-  
„ peret, quàm primùm ipsi centum  
„ quinquaginta aureum nummum millia  
„ numerasset, utque obsidiones omnes  
S s s „ ab

„ ab eo die solverentur. \* [1.] Hoc verò  
 „ anno Maximilianus à Belgio universo,  
 „ Brabantia, Hollandia, & Seelandia Sa-  
 „ cramentum fidei uti Princeps à subdi-  
 „ tis suis recepit, inter cujus gratulation-  
 „ nes etiam ipsi Maria Princeps peperit  
 „ Philippum filium primum ex Austria-  
 „ cis Habsburgicis Hispaniarum Regem  
 „ postea potentissimum, eo maxime  
 „ tempore, cum periculosum cum Lu-  
 „ dovico Francorum Rege bellum suc-  
 „ cessu quidem prospero, sed semper me-  
 „ tuendo ob aleam belli dubiam habe-  
 „ ret. Toto autem eo tempore, quo  
 „ hæc in Belgis facta sunt, Friderico  
 „ Cæsari in Austria res satis quietæ fuê-  
 „ re. Matthias enim Polonico bello  
 „ implicitus, cruciferorum Magistro  
 „ in Borussia opem ferebat. „ [2.]  
 „ Hæc Gerardus citatus, qui causam pa-  
 „ cis aliquam cum Ungaro pacis quidem  
 „ affert, sed ceterum in Austria Cæsari  
 „ non omnino res quietæ fuere, nam Bo-  
 „ hemi quidam vicini eam satis cis Danu-  
 „ bium vexarunt, uti antiquitas Mona-  
 „ sterii nostri Zwetlensis anno priori etiam  
 „ citata pluribus commemorat, tali prius  
 „ præmissa pacis mentione : „ Item  
 „ treugæ pacis (*compositio pacis*) factæ  
 „ sunt inter Regem Ungariæ & Impera-  
 „ torem firmæ, & proscriptiones, (*id*  
 „ *est, oblitio malorum illatorum*) & pro  
 „ damno Imperator dat Regi Ungariæ  
 „ centum millia florenorum ad duos  
 „ terminos Annò 1478. circa festum  
 „ Ascensionis. Item anno eodem,  
 „ 1478. populus trium dominorum exi-  
 „ vit de Bohemia videlicet istius Leo-  
 „ nis de Vronburck, item de Rosenberg,  
 „ & de Schwanberg, & angariaverunt  
 „ à Mathausen usque ad Zwetl Mona-  
 „ sterium longè latèque cum incendio  
 „ ad homagium. Item incenderunt  
 „ nobis Obernhof. Item Grossenweil-  
 „ senbach, & dedimus eis ducentos  
 „ florenos pro pace. Item illi iidem  
 „ eodem tempore spoliaverunt in  
 „ Schoënew Ecclesiam, & omnes ru-  
 „ sticos angariaverunt nostros ad ho-

„ magium in dominatu castri de Wei-  
 „ tra, & dederunt ad ducentos flore-  
 „ nos. Item inter Regem Ungariæ &  
 „ Regem Bohemiæ facta est pax eodem  
 „ tempore & anno pro magnâ summa  
 „ pecuniarum annò Domini 1478. item  
 „ in eodem anno 1478. Dominus Leo  
 „ de Vronburck homaginat Monaste-  
 „ rium nostrum & nostros ad trecentos  
 „ florenos. „ [3.] Hæc antiquitas  
 „ unde quoque colligitur status Austriæ  
 „ nec tunc in pace ipsa fuisse quietus. His  
 „ adstipuantur etiam Annales Austriæ  
 „ Superioris, qui referunt Cæsarem ipsum  
 „ certis positis conditionibus iussisse Au-  
 „ striæ supra Anasum regulis inire cum Bo-  
 „ hemis eos incurstantibus concordiam &  
 „ pacem, quam etiam ab ipsis violari in  
 „ comitiis provincialium Crembsii hoc  
 „ anno habitis conquesti fuerant. Ve-  
 „ rum convenire non poterant Austriaci  
 „ cum Bohemis, qui erant regulus unus  
 „ Rosenbergicus & alter de Strakonitz,  
 „ in pacem universalem, sed tantum ar-  
 „ morum suspensionem impetrarunt us-  
 „ que ad diem S. Viti proximam, inte-  
 „ rea verò dies conventui præfigeretur  
 „ vel Crembsii vel Zwetlæ utriusque par-  
 „ tis, in quo de pace firma convenirent.  
 „ Hæc ab Hugone comite de Wertenberg  
 „ scripta fuere Christophoro Strunoni  
 „ Weitracensi Burgravio, cui castro de  
 „ mandato Cæsaris præsidebat. Datum  
 „ Viennæ feriâ tertiâ post Lætare Annò  
 „ 1478. Præterea in suprâ citatis An-  
 „ nalibus nominantur Bohemi præfati,  
 „ qui Austriam devastarunt, nimirum  
 „ Bocko Rosenbergenfis, Leo de Ro-  
 „ senthal, Janus Swanbergius seu Cy-  
 „ gnæus in Strakonitz, Hancko item  
 „ de Swanberg Bohuslai filius, item  
 „ Dietboldus de Lobkowitz, Petrus  
 „ Caplanus de Windenberg & Vitus  
 „ Stupensky. „ [4.] Atque ita pa-  
 „ tet Austriæ miseriam nondum tunc fuisse  
 „ finitam.

Porro Gerardus refert hujus anni ge-  
 „ sta sequentia : „ Turcæ verò Carin-  
 „ thiam ingressi prædas agebant, quos  
 „ in-

„ incolæ concursu facto abire coëgerunt. „ [5.] Hæc succinctè Gerardus; pluribus antiquitas Monasterii nostri illa rudi calamo ita perstringit: „ Item in anno 1478. Turci intraverunt „ Carnioliam, vulgaverunt Crainlandt/ „ item Carinthiam & Stiriam, & deportaverunt omnem populum, quem rapere poterant nulli parentes ætati, „ item Ecclesias, villas, civitates, Monasteria combusserunt. Item multi „ boni Barones, Proceres & militares „ sunt interempti in istis terris à Turca „ & capti. „ [6.] Hucusque de Turcarum in Christianorum ditiones incursum: atque ita non tantum Austria, sed finitimæ quoque provinciæ vastabantur.

Præterea de comitiis provincialibus Cremsii futuris, in quibus pax cum Matthia Rege firmata fuit, sic à Notario civitatis Cremsiensis Joanne Scharger dicto Abbati Wolfgango in Zwetl nuntiatur: „ Cæsarem nimirum ipsum Cremsium esse venturum, & idem Stainæ expectatur, quem jam præcesserunt „ Proceres sequentes: Waldseius, Stahrenbergius, Eitzingerus, Puechaymius, Spawrerus, atque alii plures; „ sperat etiam (*scribit præfatus Notarius*) „ se Dominum de Zwetl ibidem visurum. Datum in Crems anno Domini 1478. in Circumcisione Domini. „ [7.] Atque exinde patet, comitia mense Januario adhuc Cremsii fuisse habita.

Nuntiat item Wilhelmus Puechaimius Architrictlinus Austriæ Wolfgango Abbati in Zwetl, quod juxta sententiam suam fecerit ipse Abbas & Allodiorum ejus Magister Joannes, quia Domino de Swanberg in moneta Ungarica sicut petiit, pecuniam non dedit. Deinde scripsisse se eidem Domino ait, ut à se ducentos florenos homagii Zwetlensis ab Abbate sibi missos numeratos acci-

peret in moneta Rhenensi, vel certè in Grätzen à Chadoldo postulare, quibus acquiescere Zygnæus noluit. Datum in Gmünd annò Domini 1478. feriâ quartâ ante Barnabæ Apostoli. [8.] De incurfione in Austriam Bohemorum horum suprà jam mentionem feci, atque etiam quomodo armorum suspensionem iniierint per Austriæ regulos de mandato inducti Cæsaris: causam verò belli hujus fuisse præcipuam Annales Austriæ Superioris [9.] produnt, quòd Bernardus Scharffenbergius Austriæ Superioris Capitaneus civitatem Rosenbergam admotis scalis ex improviso cepit, universam spoliavit, damna magna intulerit, aliquot famulos & subditos Rosenbergenfis captivos abduxerit, aliâque hostilia exercuerit. Unde non tantum commotus Rosenbergus, sed quoque alii ejus vicini amici & clientes arreptis armis in Austriam Superiorem prius, ac deinde in Inferiorem, nimirum in Norticam silvam, tractum Weitracensem & Zwetlensem moverunt.

Instrumentum item publicum reperi, talia declarans: Annò Domini 1478. 20. Februarii, annò Sixti Papæ IV. septimò, Wolfgangus Abbas in Zwetl supplicanti Sigismundo Laher de Weythofen super Teyia Clerico Patavienfis Diocesis contulit Parochiam in Schöenaw prope Weitra ad S. Laurentium & Leonardum, indicta eidem annua pensione viginti trium talentorum singulis angariis per quinque talenta & sex solidos solvendorum. Acta sunt hæc in oppido Crems Patav. Diocesis in Stuba Monasterii Fratrum Prædicatorum, & dicti Wolfgangi Abbatis habitatione, præsentibus ibidem Joanne Schaden, Andrea Atzpeckh, Michæle Kerkember, ac Wolfgango de All Laicis litteratis Patav. Dioc. testibus. [10.] Hucusque instrumenti sensus.

# ANNALES AUSTRIO- ADDITIONES.

\* [1.] Gerardus de Roó lib. 8. „Beat-  
rix verò Matthiæ uxor, quæ Pofonii erat,  
per frequentes interuencios ac litteras, &  
maritum Regem, uti mitius ageret, & Cæ-  
sarem cognatum, uti ad æquas pacis con-  
ditiones inclinaret, exhortatur. Pontifex  
item & Veneti pacem summis studiis pro-  
curabant, uti conjunctis Christianorum  
viribus, Turcarum violentiæ obviam iretur,  
qui per id tempus maris Adriatici littus in-  
festabant, & excursionem in Forum Julii fa-  
cta, ac superatis præter hominum opinio-  
nem fluviis, multas secum prædas, multos-  
que mortales abegerant. Hungari quoque  
Proceres, & ipsi ab hoc bello alieni, arma  
in Turcas convertere malebant.

„Cæsar igitur, &c. *ut in textu nostro.* Ad  
perficiendum ejus (*Maximiliani*) cum Ma-  
ria matrimonium animum adjecit.

[2.] Idem in compendio relatus lib. 9.  
ubi & sequentia habet: „Post nuptias, Ma-  
ximilianus ad negotia publica animum ad-  
jecit, & cogitare cepit, quo pacto novum  
imperium optimè administrans, pace domi-  
parta, & subditorum animis sibi concilia-  
tis, ea recuperaret, quæ post Caroli mor-  
tem Gallus occupaverat. Imprimis verò  
vicina ejus regni loca, & ob hoc ipsum,  
injuriam magis oportuna, adire statuit, &  
octo millium exercitus, ex Germanis & Flan-  
driis parato, Insulas primùm, & inde per  
Tornacensem agrum Duacum perrexit, mox  
Valencenas iter flexit. Ubique magnis cum  
honoribus exceptus, & de more inaugura-  
tus, Montes petiit primam Hannoniæ civi-  
tatem, ubi totius ejus regionis ordines in  
ipsius verba juravere.

„Dum adhuc in Batavis ageret Archi-Dux,  
autem velleris comitia, ad finem Aprilis, in-  
stituta erant Brugis, & per Oliverum Mar-  
chianum ea curabantur, quæ ad ejus rei  
actum adhiberi solent. Is ordo, ad annum  
humanæ redemptionis millesimum, quadring-  
entesimum vigesimum nonum, à Philippo  
Bono institutus, paucis annis ad summam  
dignitatem evectus erat: sed tum ob Car-  
oli obitum, supremo defensori, & quasi  
capite carere videbatur. Mittuntur igitur  
feciales ac nuntii, qui Reges, Principes, cæ-  
terosque Proceres Ordinis equites, convo-  
carent. In Galliam qui missi erant, non  
satis benignè excepti sunt. Nam Ludovi-  
cus Rex Burgundiæ Principatum, à morte  
Caroli, ad se devolutum esse contendebat,  
& aurei velleris ordinem à nemine alio,

quàm à se conferri posse. Cùmque equi-  
tes quosdam in suo regno haberet, nemi-  
nem eorum Brugas ad comitia proficisci  
permittibat. Hi erant Joannes Novoca-  
strensis Montis acuti Dominus, Philippus  
Crevecurinus, quem Cordæum appellant,  
Jacobus Lûcemburgicus Dominus de Rus-  
burg, & Philippus Pottius, qui suis quis-  
que de causis aut potestati Regis sese per-  
miserant, aut fidei commiserant, Antonius  
verò Burgundus Caroli frater nothus, ad  
Nancetum captus, à Rege in libera custodia  
tenebatur. Cum Maximiliano erant Jo-  
annes Lanoius, Adolphus Ravensteinus,  
Ludovicus Gruthusius, Carolus Croyus  
Chymaj regulus, Engelbertus Nassovius di-  
ctus Dives Bredæ Dominus, ac præter hos  
officialis quos vocant ordinis.

„His igitur atque absentium aliquot le-  
gatis, ultimo die Aprilis, quo die Ascensio  
Christi celebrabatur, in sacra ejusdem Sal-  
vatoris æde, comitia haberi cœpta, & Tor-  
nacenſis Episcopus Ordinis Cancellarius,  
luculenta oratione de ejusdem institutione,  
incrementis, ac dignitate quædam præfa-  
tus: ejus tutelam Archi-Duci commendavit.  
Ad eam Maximilianus, per Joannem  
Boverium consilii sui præsidem, respondet,  
ad Dei opt. max. honorem, orthodoxæ  
fidei defensionem, & equestris dignitatis  
augmentum, omnia se pro virili præstitur-  
um, quæ à majoribus hætenus & instituta  
& servata essent. Atque ita Cancellarius,  
nudatum vaginâ gladium, à feciali acce-  
ptum, Ravensteinio in manus dedit, qui  
Principi, solempni more, equestrem contu-  
lit dignitatem. Inde in Sacrarium Templi  
deductus, solitum Ordinis habitum induit,  
mox in medium Templi progressus, loco  
æditore, uti ab omnibus videretur, post-  
quam in verba jurasset, Lanoius, qui col-  
legas ætate anteibat, catenam cum vellere  
aureo illius collo circumdedit, in hæc ver-  
ba ipsum allocutus: Quod felix faustum fa-  
xit Deus, Serenissime Princeps, ob summas  
virtutes, animique fortitudinem generis tui,  
ac fortunæ celsitudine dignam, equestris au-  
rei velleris Ordo, in suum te collegium assu-  
mit, summumque & Ordinis & Collegii  
Principem ac defensorem creat. - - - - -  
- - - - - Interim Brugis Maria nono  
Calend. Julii filium peperit, qui sexto post  
die ad D. Donati à Tornacensi Præsule sacris  
aquis lustratus, ex matris voluntate (uti se-  
rebat) avitum Philippi nomen sortitus est.

„Fide-

„ Fidejussere pro eo Adolphus Ravensteinius  
 „ Imperatoris, Petrus Lücemburgus Comes  
 „ S. Pauli Edvardi Anglorum Regis nomine,  
 „ & Margaretha Caroli vidua. Ingens non  
 „ Brugis tantum, sed in aliis quoque civita-  
 „ tibus gaudium, ob natum Principem fuit,  
 „ multique festi ludi, aliæque publicæ lætitiæ  
 „ argumenta celebrata sunt. Imprimis verò  
 „ baptisimi apparatus magnificus, & pompa  
 „ pene Regia fuit. Inter hæc cum Maximili-  
 „ lianus ad pontem Salicis, & Rex prope At-  
 „ trebatum cum exercitu uterque valido ef-  
 „ sent, Proceres nonnulli de pace inter ipsos  
 „ faciendâ egere, à qua, post adversam suo-  
 „ rum pugnam, & amissum Baugimontium,

„ non alienus erat Regis animus, qui per eos  
 „ dem dies Archi-Duci equum donò misit,  
 „ pulcherrimis ephippiis & phaleris ornatum. „  
 [3.] Ex Codice MS. quodam pervetu-  
 sto Bibliothecæ Zwetlensis.

[4.] Richardus Struno in Annal. Super.  
 Austr. hoc anno.

[5.] Gerardus de Roó lib. 9.  
 Megizerus Annal. Carinth. lib. 10. cap. 24.

& 25.  
 [6.] Ex Codice MS. Bibliothecæ Zwet-  
 lensis.

[7. & 8.] Ex Autographis ipsorum.

[9.] Richardus Struno hoc anno.

[10.] Ex instrumento publico.

## Ann. Christi MCCCCLXXIX. Monasterii CCCXLI.

*Pont. Rom.*  
 Sixtus IV.

*Imp. Rom.*  
 Fridericus IV.

*Archi-Dux Austriae*  
 Idem Fridericus.

*Episcopus Pataviensis*  
 Ulricus III.

*Abbas Zwetlensis*  
 Wolfgang I.

**A**ntiquitas Monasterii nostri sequen-  
 tia rudi stylo de more suo prodit:

„ Item annò 1479. fuerunt Turci in  
 „ Ungaria inter fluvium Raab & in Gu-  
 „ nis, & in metis Stiriae & Sclavoniæ  
 „ inclusivè fluvio Muer. Item in eo-  
 „ dem anno concordati sunt Veneti  
 „ cum Turcis, & certas civitates tradi-  
 „ derunt ipsis & dominia. Item in eo-  
 „ dem anno Sixtus Papa obsedit Flo-  
 „ rentinos, & omnia in circuitu va-  
 „ stavit. Item in eodem anno circa  
 „ festum Matthæi fuerunt inquieti Bo-  
 „ hemi penes Greüstat / & in circuitu  
 „ usque ad Dornbach / & vastaverunt  
 „ incendio quasi omnem terram Au-  
 „ striæ cum incendio & rapinis, & mul-  
 „ tos captivos & pecora deduxerunt. „

\* [1.] Hæc ex antiquitate. De Pon-  
 tificis expeditione in Florentinos Cia-  
 conius refert, quòd Sixtus Laurentium  
 Medicum contra Ecclesiam superbè in-  
 surgentem armis compescere debuit,  
 [2.] Meminit item citatus Ciaconius  
 Turcicæ Tyrannidis, quòd nimirum  
 Scodram (*nunc Scutarium dicitur*) ditio-  
 nis Venetæ oppidum oppugnârint, quòd  
 Sixtus comæatu & pecuniâ juvit, ne  
 Turcæ munitissima recepta arcæ ea ad

occupandum Epirum & deinceps Illyri-  
 cum uterentur.

Obiit hoc anno quartò Nonas Se-  
 ptembris Ulricus III. cognomentò à  
 Nusdorf, Episcopus Pataviensis, sepe-  
 litur Patavii, in æde Cathedrali: post  
 cujus mortem Canonici alterius Episco-  
 pi electionem celebraturi potentium pre-  
 cibus ita omnes distrahi fuerunt, ut ne-  
 que libera ipsorum neque rata esse po-  
 tuerint suffragia, Fridericus enim Im-  
 perator pro familiari suo Doctore Ge-  
 orgio Hæslero Ecclesiæ Romanæ Pres-  
 bytero & Cardinali: Georgius verò Bo-  
 jorum Dux pro Doctore quodam Le-  
 gum Friderico Maurkirchero Bavaro, ac  
 Aulæ suæ Cancellario, sedulis & cum  
 necessitate penè conjunctis precibus in-  
 tercedebant. Potior tamen pars Ca-  
 nonicorum Bavaro adhærebat, S. P. Q.  
 Pataviensis cum aliquot Canonicis cum  
 Cæsare sentiebat. Unde factum, ut ex  
 hac dissensione Canonici Bavarum fe-  
 stantes è civitate Schardingam cesse-  
 rint, Bavarus autem arcem superiorem  
 capiens in civitatem inferiorem crebrò  
 fulminârit, armisque res dirimi videba-  
 tur. Cardinalis autem in Austria in-  
 terea ditiones Episcopales circumqua-

T t t

que



que occupavit, & in Canonicos Patavienſes ſibi adverſos, & in Bavaros & nonnullos alios excommunicationis fulmen extorſit. Duravit hæc tempeſtas totò bienniò, quo nunquam ab armis ceſſatum eſt, quoad Cardinalis Hæſlerus in vivis fuit. [3.] Ego igitur per hoc biennium nullum etiam Epiſcopum nominabo, ſed vacantem Epiſcopatum ponam.

Donârunt hoc anno Monasterio noſtro quidam Nobiles Bernardus &

Balthaſar fratres dicti Tanner domum ſuam cum omnibus ad eam pertinentibus ſitam in Otten villa in remedium animarum ſuarum. Datum annò Domini 1479. in die Gregorii. [4.]

Erant hoc anno F. Ægidius Magiſter vini in Cifterſtorf, item F. Colomannus Magiſter curiæ in Raſing, & F. Nicolaus quondam Vicarius in Cifterſtorf, nunc Magiſter curiæ in Chambarn circa vindemiam, è quorum numero F. Colomannus poſtea Abbas extitit. [5.]

## ADDITIONES.

\* [1.] Ex Codice MS. Bibliothecæ Zvetlenſis.

Megizerus ad ann. præcedent. ſub n. 6. relatus.

Fuggerus in ſpeculo lib. 5. cap. 29. in initio.

Item cap. præcedente. „Die Herrſchaft  
„Venedig, weil ſie nun bey 20. Jahren mit  
„dem Türcken gekrieger, vil Niederlagen und  
„Schâden von ihnen erlitten, und auf ſo  
„viſſältiges anſuchen von anderen Chriſt-  
„lichen Potentaten keine Hilff erlangen kon-  
„te: ward endlich gedrungen mit diſem  
„mächtigen Feind einen Frieden zu ſchließen.  
„Diſen Frieden erhielten ſie im folgenden  
„1479. Jahr durch ihren Secretarium Johan-  
„nem Darium aus Candia bürtig, der wohl  
„Türkisch reden, und daher die Barbaren  
„bereden konte. Die Signoria bekam zwar  
„hierbey einen ſtarcken Erbrech-Tranck,  
„muſte die Stadt Scodra in Dalmatien ſamt  
„Croja in Epiro (deren diſe von den Tür-  
„cken 11. Monath lang belägeret, jene aber  
„mit Kugeln mit 550. in 700. auch mit Feuer-  
„Kugeln von 750. Pfunden, doch ohne Schaden,  
„beſchoſſen worden) ſamt dem Vor-  
„gebürge Tenaro in Laconien, der Inſul  
„Lemno und andern Plätzen von ſich ge-  
„ben, und der Pforte abtreten, über das  
„innerhalb Jahrs-ſriſt, 100000. Ducaten baar  
„darzehlen, und jährlich 8000. Ducaten zu  
„liefern verſprechen. Hingegen haben ſie  
„die freye Schifffart und Handelfchafft durch  
„das Türkische Gebiethe, ſamt etlichen  
„Plätzen erhalten; aber durch diſen Frieden

„bey der gantzen Chriſtenheit ſich gar  
„ſchwartz eingeſchrieben. „

Spondanus ad hunc ann. n. 1.

[2.] Ciaconius in Sixto Papa IV. ad litteram.

[3.] Wig. Hundius in Metropol. Salisb. ſub Ulrico III. Patav. Epiſcopo, de quo etiam hæc notat: „Idem iſte Antiſtes Venerabilis  
„Judæos, qui in Illicenſi oppido crudele fa-  
„cinus in Euchariſtiæ Sacramentum designa-  
„verant, triſtibus quæſtionum formulis ad  
„commiſſi ſceleris confeſſionem adegit, reſo-  
„que variis tormentorum generibus è medio  
„ſuſtulit, reliquos funeſti negotii ignaros  
„perpetuò exiliò damnavit; in locum verò,  
„ubi horrendum illud ſcinus perpetratum  
„fuit, Reverendiſſimus Princeps Ulricus col-  
„legiatam S. Salvatoris Ecclēſiam perelegan-  
„tem ſanè in forma ſphærica erexit, ſuiſque  
„manibus conſecravit Annò 1478. Obiit an-  
„nò 1479. quartò Nonarum Septembris ſe-  
„pelitur in ſeptentrionali principalis Templi  
„Patavienſis abſide ante Altare S. Joannis  
„ubi adhuc hodie inſigne & ſumptuoſum  
„marmor, honoris ac memoriæ ergò, ei po-  
„ſitum, & parieti inſertum eſt cum tali in-  
„ſcriptione: Annò 1479. 4. Nonas Septem-  
„bris obiit Reverendiſſimus in Chriſto Pater  
„& Dominus, D. Udalricus de Nuſdorff, Pa-  
„taviienſis Epiſcopus.

„Poſt hujus Antiſtitis toti Reipublicæ  
„lugubrem obitum Canonici alterius Epiſcopi  
„electionem &c. ut in textu noſtro. . . .

[4.] Ex Autographo ipſorum.

[5.] Ex diverſis Autographis ipſorum.

## Ann. Christi MCCCCLXXX. Monasterii CCCXLII.

Pont. Rom.  
Sixtus IV.Imp. Rom.  
Fridericus IV.Arch-Dux Austriae  
Idem Fridericus.Episcop. Pataviensis  
Vacat.Abbas Zwetlensis  
Wolfgangus I.

„ Bellum inter Fridericum Cæsarem  
 „ & Matthiam Regem iterum hoc  
 „ anno récrudit, pacem frustrà sua-  
 „ dente Prospero Asculano Pontificis  
 „ Legato, Mariæ-burgum ab Hungaris  
 „ obsessum à Cæsareanis liberatur. In  
 „ Stiria verò Pétoviam & Racolsbur-  
 „ gum Matthias capit, sed quòd eo  
 „ tempore Turcæ Transylvaniam va-  
 „ stabant, inducias cum Cæsare facit. „  
 „ \* [I.] Hæc Gerardus de Austria summa-  
 „ tim perstringit. Antiquitas verò Mo-  
 „ nasterii nostri hujus anni gesta sic de-  
 „ scribit: „ Item in anno Domini 1479.  
 „ cùm in fine anni, & incipiente anno  
 „ 1480. in Annuntiatione Dominica  
 „ exiérunt Bohemi spoliantes terram  
 „ circumquaque ab Haslach & suprà &  
 „ infrà quasi usque ad Pataviam homa-  
 „ ginantes & devastantes terram cum  
 „ incendio, nullo resistente. Item in  
 „ eodem anno in festivitibus Pascha-  
 „ libus venerunt ad Arbepach & Kü-  
 „ nigswisen, suprà & infrà devastan-  
 „ tes inclusivè usque ad Monasterium  
 „ Zwetl, & plurima damna fecerunt  
 „ comburendo Grädnitz, Gerotten,  
 „ Haslawe, insuper deprædârunt omnia  
 „ pecora de villis istis, & homagina-  
 „ verunt Monasterium propter colo-  
 „ nos in ducentis & viginti duobus ta-  
 „ lentis. Item iisdem temporibus &  
 „ eodem anno prope (Dominicam) Qua-  
 „ simodogeniti venerunt ad Gravens-  
 „ lag, & in circuitus versùs ad Danubium  
 „ hominaverunt, & descenderunt  
 „ de istis partibus versùs Rastenveld,  
 „ & versùs Poëlan & circumquaque de-  
 „ vastaverunt, tandem aliqui ex ipsis  
 „ citra octo personas invitati fuerunt ad  
 „ prandium quoddam in Wegshaidt,  
 „ & ibidem unus nomine Süßenbott

„ fuit perfoßus gladiò, ceteri verò capti.  
 „ Ceteri autem Bohemorum rescientes  
 „ factum, statim discesseerunt versùs Bo-  
 „ hemiam. Item Rex Ungariæ misit  
 „ exercitum contra Venetos per ter-  
 „ ram Stiria & Carinthia cum consensu  
 „ Imperatoris Friderici, cùm pervenit ad  
 „ mediam terram Stiria, occupat eam  
 „ vastando, homaginando, & occu-  
 „ pando eandem, tamen omnia bona  
 „ Ecclesiæ Saltzburgenfis occupando,  
 „ libenter enim (anno sequenti ista elu-  
 „ cidabuntur) dederunt se expertæ Ec-  
 „ clesiæ, & Episcopus, & recepit Ra-  
 „ karspurck, Pettau, Ciliam civitatem,  
 „ & plurima alia damna & infinita fe-  
 „ cerunt, & omnia mentitus fuit Im-  
 „ peratori, quæ promissit, & obsedit  
 „ Grätz, & obsedit Fürstenveld, &  
 „ obtinuit eam, interfec - - - - -  
 „ (desunt quedam) ad octingentos bo-  
 „ nos homines cum civitate - - (de-  
 „ sunt quedam) Annò 1480. Item Im-  
 „ perator istis temporibus disposuit re-  
 „ sistere Regi Ungariæ. Item in anno  
 „ 1480. - - - à festo Paschatis inclu-  
 „ sivè festum SS. undecim millium Vir-  
 „ ginum, fuerunt spoliatores unà cum  
 „ sociis & complicibus eorum de Bo-  
 „ hemia de Holco unus, cui dedimus  
 „ centum florenos & viginti florenos.  
 „ Item D. Leo de Vronburck, cui de-  
 „ dimus ducentos florenos. Item ter-  
 „ tius nomine Hasel, qui spoliavit Rued-  
 „ mans, provincialis - - - - - quasi  
 „ omnia pecora. Item quartus D. de  
 „ Nova-Domo, qui plures villas spoliavit  
 „ nobis, Erckenbrechts, Ertpach,  
 „ Wurmpach. Item quintus Regis  
 „ Ungariæ Capitaneus Sellene, qui plus-  
 „ quam cum mille equitibus venit pro-  
 „ pe Marcksdorf, & dedimus eidem

Ttt 2

„ du-

ducentos florenos & vina & farinam. Item eodem anno circa festum Michaelis subtraxerunt (*castra mesati sunt ad arcem*) castrum nomine Saxendorf, & circa festum S. Martini obsederunt. Item Marckastorf obsederunt circa idem festum, & circa illam obsidionem habuimus populum nostrum ad sexaginta pedestres cum curribus & equestres octo: Item Saxendorf obsederunt & destruxerunt, simili modo Marckastorf ad terram prostraverunt. Item Dominus Petrus de Sternberg in eodem anno circa festum undecim millium Virginum plures villas in territorio gramineo, vulgò in der Graß, Gegend quasi usq; ad Danubium, & multos boves & vacas, & cetera animalia, porcos, vitulos, capras deportaverunt ad Bohemiam in æstimatione plurimorum ad tria millia. Item omnes isti de Bohemia Domini habuerunt treugas pacis cum terra Austriæ, & cum Domino nostro Imperatore Friderico inclusivè usque ad festum S. Georgii. Item Dominus Imperator congregavit exercitum, qui Regem Ungariæ prohibuit exire de Ungaria ad terram Austriæ, & intentio Regis fuit hominibus & spoliare tempore vindemiæ, pro parte fecit, & pro alia parte impeditus fuit ab exercitu Imperatoris. Item dicebatur, quòd populus de exercitu Imperatoris certam & notabilem summam populi Regis Ungariæ obtinuisse in campo in Ungaria, & multa spolia fecerint in Ungaria. Item eodem tempore multi Domini exiverunt de Bohemia ad stipendium Imperatoris, alius ad Ungariam, alius ad Stiriam verò designatur. [2.] Hucusque antiquitas Monasterii nostri, quæ annum hunc patefacit non tantum molestum fuisse Austriacis ob Bohemorum & Ungarorum incursum, sed quoque Stiriam Ungarorum vires sensisse. Stiriacæ calamitatis literæ quædam ad Wolfgangum

Abbatem datæ mentionem faciunt, quibus Joannes Schaden fortè tunc Alldiodorum Magister Viennæ existens domum nunciat, exercitum Ungaricum quandam in Stiria Cæsaream obsedisse civitatem nomine Rackaspurum: Cæsarem verò in Neapoli sua morari cum Domino de Liechtenstain. Datæ Viennæ annò Domini 1480, feriâ secundâ post Oculi. [3.] Meminit quoq; hujus devastationis Stiriae Megizerus sequentibus: „ Interea „ Rex Matthias per egregium Capitaneum suum Maubitzium aliquot civitates, castra, & munitiones Carinthiæ, Stiriae, & Austriæ Superioris occupari jussit, ubi quoque ipsi aliquot ab Archiepiscopo Salisburgensi (& hoc contra Cæsaris voluntatem in maximum ditionum Austriacarum detrimentum) tradita fuere, unde multi hominum cæsi, provincia incendiis & exactiõibus ruinæ subiecta, civitatum muri tormentis dejecti, & pugnae quædam velitationes inter utramque aciem commissæ fuere, victoriâ modò ad Cæsarem, modò ad Ungarum declinante. „ [4.] Hæc Megizerus. Bohemorum verò in Austriam incursum non ita noti Historicis tacentur, quippe perpetui quasi fuere præsertim supra & infra Maynhardi montem. A quibus potissimum Monasterium nostrum semper damnum accepit. Quòd verò Capitaneus etiam Ungaricus Sellenus Austriam invadendo ad Zwetlam usque nostram ascenderit, sciendum est, ipsum cis-Danubianam tantum plagam ita cum exercitu suo omnia devastando nullo se opponente percurrisse, quoniam ultra-Danubianam ripam miles Cæsareanus contra ipsos incursum defendit, & illuc idem tentantes prohibuit. Majorem lucem huic anno dabit anni sequentis post Antiquitatis nostræ citationem explanatio, ad quam curiosum Lectorem remitto.

Videtur hoc quoque anno Viennæ fuisse Georgius Comes Palatinus Rheni, utriusque Bavarie Dux, nam Monasterio

sterio nostro concessit seu potius confirmavit libertatem salium ejusdem deducendorum per Burckhausen & Scherdingen, sub dato Viennæ annō Domini 1480. feriā sextā post Ascensionem Domini. [5.]

Fit porro mentio homagii facti ad Froburgum Domino Leoni à Monasterio Zwetlensi pro una angaria annō Domini 1480. feriā secundā post Palmas. [6.] Hujus homagii mentio supra quoque habita fuit.

## ADDITIONES.

\* [1.] Gerardus de Roó sæpè citatus lib. 9.

Non solum Transylvania sed & Rhodus & Calabria Turcarum sensit furias, immò toti Italiæ tremor incussus est. De quibus Spondanus ad hunc annum n. 2. „Ægrè admodum ferens Mahometes, Rhodiani urbem, Equitumque Jerusalemitanorum ditionem finitimam, non solum liberam à suo iugo esse, nec unquam induci potuisse ad solvendum ei tributum, verum etiam continuis maritimis excursionibus mare infestissimum Turcis reddere; postquam diversis temporibus immixtis classibus eorum castella & agros nunquam non cum gravi suorum cæde & ignominia adortus esset; sæpè & prodicionibus eorum perniciem quasisset; & ut inanum suorum conatum pudorem aliquo modo contegeret, frequentibus suasionibus pacem firmam & perpetuam obtulisset, si vel leve tributum, vel saltem munus aliquod annum penderent; hæcque etiam in parte repulsam passus semper esset: Deum tam infestissimò ex his odiò in eos delatus, quàm etiam nonnullorum ad eum deficientium, qui res ejus urbis & insulæ planè perspectas habebant, sollicitationibus persuasus, omnino decrevit urbem aggredi. Et post longam de his consultationem, parata quàm secretò potuit ingenti classe, præfecit ei Mesitem, sive ut alii vocant, Misacum Vezirem Bassam Græcum, gente Palæologā; qui decimò Calendas Junii exscensionem in Insulam fecit. Erat tunc Magister Ordinis Petrus Albussonius Gallus Arvernus, magno & excellenti ingenio ac prudentia, parique fortitudine: qui mira sollicitudine rebus omnibus providens, non solum apertas, easdemque horrendas oppugnationes Turcorum, quibus etiam disjectis vi tormentorum mœnibus aliquando intra ipsam urbem irruerunt; verum etiam clandestinas quorundam prodiciones ita repulit; ut post novem & octoginta dierum obsidionem Mesites novem milibus è suis fortissimis amissis, quindecim millibus sauciis abductis, insulam turpiter deserere coactus fuerit; cum etiam interim audisset de suppetiis, quas

„Sixtus Pontifex & Ferdinandus Rex ad opem „Rhodiis ferendam parassent; & maximè ter- „riti fuissent Turci de prodigiis divinis, qui- „bus urbs defensa est ab eorum impetu. A- „jant enim, cum in ultima universarum copia- „rum impressione, Magister Albussonius, vul- „neribus quinque in corpore susceptis, quo- „rum unum lethale censebatur, nihilominus „scalam conscendens, Vexillum Imaginis „Domini nostri JESU Christi, & Religionis, „cum Imaginibus Beatissimæ Virginis & S. „Joannis Baptistæ, expandi & ad dejecta mœ- „nia erigi jussisset; Crucem auream in aëre „splendidissimam Turcis apparuisse: insuper- „que candidissimam virginem clypeum & ha- „stam gestantem, atque hominem vili veste „obstitum, splendidissimo comitatu ad defen- „sionem urbis accurrere: hisque visionibus „adeò Turcos perculsos esse, ut ingenti pa- „vore pedem retulerint, nec ampliùs ausi sint „quicquam attentare.

N. 3. „Eodem propè tempore, quo Ma- „homeres per Vesi rem Mesitem Rhodum op- „pugnabat, ut erat homo vasti animi & im- „moderatæ cupidinis, alium misit Vesi rem „Bassam Geducem Achmetem, rei militaris „peritissimum Ducem, cum æquè valido exer- „citu in Italiam; sive ad eam tentandam, ut „paulatim occupare posset; sive speciatim ad „oppugnandum Ferdinandum Regem Nea- „polititanum; in quem per Venetos impulsus „fuisse à nonnullis dicitur, invidiā tentatæ „ab eo contra ipsorum jura regni Cypri oc- „cupationis: seu denique propriò Turcorum „in Ferdinandum odiò, ob suppetias non- „nunquam ab eo Christianis in Turcos latas. „Quacumque verò de causa Achmetes ex Va- „lona, quondam Aulone Epiri oppido, sexa- „ginta duntaxat interfecto mari milliaribus „ab Hydrunte Calabriae maritima civitate di- „stante, cum classe solvens, eò ad quinatum „Calendas Augusti appulit; èamque obfes- „sam, & diu noctūque tormentorum impetu „quassatam, decimo septimo diè expugnavit. „Ferunt ad duodecim propè Christianorum „millia vel cæsa fuisse, vel in captivitatem ab- „ducta; matronis stupratis, virginibus raptis, „sanctimonialibus scædatis, prægnantibus „U u u „cum

„ cum semivivis corpusculis dilaniatis, seni-  
 „ bus hominum & equorum calcibus concu-  
 „ catis, sacerdotibus intra Ecclesias jugulatis;  
 „ Archiepiscopo sene & annofo, Pontificali-  
 „ bus induto, sacratissimam Crucem manibus  
 „ tremulis tenente, & Christianos ad con-  
 „ stantiam fidei exhortante, capto & ferrâ li-  
 „ gneâ in duas partes diviso; ut Breidenba-  
 „ chius habet: quem alii vivum excoriatum  
 „ volunt. Occingenti circiter educi oppidò  
 „ nudi, cum nollent fidem Christi abnegare,  
 „ inter se ad constantiam cohortati, in parva  
 „ valle (quæ deinceps Martyrum vallis vocata  
 „ est) trucidati sunt. Expugnationem verò Hy-  
 „ druntis tantum terrore universæ Italiæ at-  
 „ tulisse tradunt, ut de illa deferenda magis,  
 „ quàm defendenda, cogitatum passim fuerit.  
 „ Item Naucleus Generatione 50. ad hunc  
 „ annum, ubi sic concludit: „ Et nisi Ma-  
 „ humetes citò de medio sublatus fuisset, non

„ modò de Apuliæ regno, sed de tota Italia  
 „ actum fuisset credebatur. Alphonfus Cala-  
 „ brorum Dux, qui tum Senam Hetruriæ ur-  
 „ bem obsidebat, audiens hæc, mox obsidio-  
 „ nem solvens cum exercitu in Apuliam pro-  
 „ perat. Verùm statim ut barbarus Impera-  
 „ tor diceretur mortuus, Alphonfus ipse,  
 „ confestim urbem Hydruntum valida obfi-  
 „ dione cinxit, & Turci auditò sui Principis  
 „ obitu diffusi urbem se posse tueri, salvâ vitâ  
 „ & rebus, Alphonso sese tradidère, qui ur-  
 „ bem introgressus, universa sibi retinuit, &  
 „ Turcos pro suis mancipiis reservavit. „  
 „ [2.] Ex codice quodam MS. pervetusto  
 „ Bibliothecæ Zwetlenfis.  
 „ [3.] Ex Autographo ipsius.  
 „ [4.] Megizerus Annal. Carinth. lib. 10.  
 „ cap. 26.  
 „ [5.] Ex diplomate ipsius.  
 „ [6.] Ex literarum monumentis.

## An. Christi MCCCCLXXXI. Monasterii CCCXLIII.

*Pont. Rom.*  
Sixtus IV.

*Imp. Rom.*  
Fridericus IV.

*Archi-Dux Austriae*  
Idem Fridericus.

*Episcopus Pataviensis*  
Vacat.

*Abbas Zwetlenfis*  
Wolfgangus I.

**A**Num istum Antiquitas Monasterii nostri sic describit: „ Item D. Imperator misit exercitum suum ad Stiriam, ubi Rex Ungariæ obsederat civitatem Marpurck cum populo suo, & veniens Archiepiscopus Strigoniensis cum exercitu Imper. propria in persona, & fugat Ungaros de civitate Annò 1481. in festo Pentecostes. Item dicebatur, quòd Archiepiscopus misisset de exercitu ad Ungariam, qui multa damna, homagia, & incendia fecissent. Item quidam provincialis Baro nomine de Hohenberg intromisit in castra sua de populo Regis Ungariæ, qui devastarent terram trans Danubium homaginan- do, devastando cum incendiis, captivando pauperes rusticos. Item fraudulenter obtinuit Ecclesiam Wilhalsburck. Item Meirling prope Gotwigium. Item istud castrum obsederant provinciales trans Danubium ad mille quingenti equestres &

„ pedestres. In die autem Kiliani, qui  
 „ erat Dominica die, venerunt latro-  
 „ nes istius de Hohenwerck 81. fuerunt  
 „ quingenti equestres & nostrates; (*sen-  
 „ sus est, quòd Hohenbergius tantum octua-  
 „ ginta & unum milites habuerit, Casarea-  
 „ norum autem ad 500. fuerint*) & Capi-  
 „ taneus de Potendorf aptat se cum  
 „ equestribus suis contra eos auß der  
 „ Wagenburg. Tunc unus baro no-  
 „ mine Tursch von Osterwerth (*Arx est  
 „ Osterberg*) fecit fugam cum pedestri-  
 „ bus & equestribus de campo, & isti  
 „ prævaluerunt, & receperunt arma,  
 „ equos, currus, & omnia clinodia eo-  
 „ rum cum omnibus paxidibus, (*sunt  
 „ tormenta bellica.*) Item ob quam cau-  
 „ sam in procinctu D. Imperator scri-  
 „ psit & mandat, quantò citiùs potuit  
 „ esse, promptos iterum congregari  
 „ omnes in campo circa Dominum de  
 „ Potendorf. Item in ejusdem litteris  
 „ scriptum erat sub poena privationis  
 „ honoris & libertatis & privilegio-  
 „ rum,

rum, & minimè curaverunt &c. Item in Anno 1481. certus populus & stipendiarii Imp. fuerunt revocati ab Ungaria ad terram Austriæ, videlicet Bohemi, & - - - (*desit aliquid, non potest legi*) Capitaneus Wulskiwassla & Cunschwab, cum duobus millibus equestribus & pedestribus, qui unum integrum annum spoliaverunt terram Austriæ, & habuerunt fortiticia prope Stettldorf. Item Purck-Sleintz. Item Clemens. Item Ludweis. Item Gruenaw super Danubium. ,  
 \* [1.] Hucusq; Antiquitas quam in nonnullis interpretandam existimo, ut clariùs Lector benevolus rerum seriem intelligat. Memini me anno præcedenti scripsisse ex eadem Monasterii nostri Antiquitate citata, Regem Ungariæ Matthiam per Stiriam transitum à Cæsare petiisse & impetrâsse quasi bellum Venetis illaturus: verùm illuso Cæsare eandem multis damnis affecisse, donec tandem Rackaspurgum, Petoviam, & Ciliam civitatē occupârit, sicut etiam Stirix metropolim Græcium tentavit, item Fürstenfeldam in sinibus Ungariæ sitam civitatem multis cæsis expugnavit, ut nimirum terminis Stirix potenter occupatis, ipse, si bellum procederet, commodiùs & faciliùs Ducatum reliquum invadere, aut si pax rediret, conditionibus sibi utilibus aut occupatis locis frui posset, licèt in successu rerum suarum prospero in Cæsarem exacerbatum nimium, pacem minimè cupiebat. Hoc autem anno terminos regni sui dilataturus tentavit quoque supra Petoviam oppidum Marpurgum dictum ad Dravum fluvium situm, verùm Archiepiscopus Strigoniensis milite Cæsareano circumdatus cives ab obsidentibus liberavit. Ut autem planius pateat, quare hic Antistes Ungarus Ungaros in Stiria invaserit & fugârit, operæ pretium est rem altiùs repetere. Erat hoc tempore Archiepiscopus Salisburgensis Bernardus de Rohr Austriacus, qui variis de causis, quæ in Metropoli ab Hundio ex par-

te proferuntur, Archiepiscopatum alteri cedere voluit: hoc Fridericus Cæsar intelligens, eundem convenit, ut sinè consensu suo cessionem non faceret. Fuit autem his temporibus apud Matthiam Ungariæ Regem quidam Archiepiscopus Strigoniensis Joannes nomine Wratislaviæ oriundus, qui paulatim plurima beneficia in Ungaria adeptus, à Cæsare quoque infcio Rege Ungariæ, magnâ pecuniæ summâ totum dominium Steir cum pluribus castris perpetuis temporibus possidendum emit. Tempus porro jam advenit, quo Bernardus Cæsari significat, sese jam abdicare velle, unde ut res in occulto maneret, Cæsar Bernardum Græcium vocavit, atque paucis è consilio utriusque arcano vocatis pro præfente tunc Strigoniensē, ut Bernardus eidem Archiepiscopatum resignaret, intercessit, quod & impetravit. Verùm postea Consiliarii Salisburgenses quidam ab eodem actu exclusi, & quid actum fuisset edocti, Bernardum eò adduxerunt, ut resignationem suam priùs factam & jam scripto confirmatam revocaret: insuper re in Concilio Salisburgi provinciali propalata, maxima pars provincialium eundem ita precibus ad retinendum Archi-Episcopatum onerârunt, donec & ipsis consentiret, & huic Concilio Legati Cæsaris interfuerent: A quibus omnia edoctus Cæsar, ob tam insignem contumeliam omnes munitiones & castra ad Ecclesiam Salisburgensem pertinentia in Ducatibus Austriæ & Stirix occupavit, Tackenpeunt & Vanstorf funditus evertit. Bernardus autem cum ei resistere non posset, sædus inijt cum Matthia Rege Ungariæ tunc hoste Cæsaris, eique omnes arces & civitates, quæ ab Imperatore nondum occupatæ erant, in tutelam tradidit. [2.] Inde jam intelligitur illa anno priori adducta periodus, quæ ita sonat: „Tamen „omnia bona Ecclesiæ Saltzpurgenſis „occupando, libenter enim dederunt „se (*id est, Matthia*) expertæ Ecclesiæ  
 Uuu 2 „&

„ & Episcopus. „ [3.] Sed Bernardus tandem homo quietus & tranquillus, & malorum horum pertæsus, liberè pluribus renitentibus anno sequenti ad Cæsarem veniens, Joanni suprâ fato Strigoniensi Archi-Episcopatum suum resignavit, atque Salisburgum ipse deduxit. Atque ita, Matthiæ hoc anno Marpurgum obsidenti, Strigoniensis auxilio Cæsaris in faciem restitit, atque eundem obsidionem solvere coëgit. Porro de Barone Hohenbergico sciendum, ipsum non procul à Monasterio Campi-liliorum quondam sedisse, qui Ungaris è Stiria sibi proxima advocatis traditò suò castrò provinciam adjacentem circumquaque devastandam donavit, unde Wilhelmi-burgum & Meirilingum castrum fraude occupârunt. Quod Meirling juxta Monasterium Gottwicense situm Austriaci jubente Cæsare protinus collecto milite obsederunt, à qua obsidione Austriaci ab Hohenbergicis prædonibus, quos citata Antiquitas numerat tantùm fuisse octuaginta & unum milites, pulsî fuerunt. Inde Fridericus cladem acceptam novo milite delere cupiens, provinciales ad novos milites conscribendos & mittendos, & sub duce Potendorffo rursus militandos colligere jussit, unde quoque Abbati in Zwetl mandata Cæsarea missa fuere, quorum postremum in manus meas tantùm devenit, cujus tenor talis est secundùm sensum: „ Fridericus „ Romanorum Imperator, postulat altera vice ab Abbate in Zwetl, ut milites tam peditum quàm equitum certum numerum mittat ad militiæ suæ Ducem, seu ut vulgò dicitur, ad Campi-ductorem suum D. Georgium de Potendorf Austriæ summum Pinernam, in Ducis-Burgo, seu Hertzogenburg provincialium militem colligentem, ut quamprimum hostium conatibus obviam ire possit. Adit quoque se jam cum Serenissimo Rege Bohemiæ Ladislao in conventu Principum de quadam inter Bohe-

„ miæ Proceres Austriæ vicinos, atque „ Austriacos discordia convenisse, li- „ tèmque omnem composuisse, unde „ timendum non sit de ipsorum ampliùs „ excursionè. Datum Viennæ annò „ Domini 1481. Dominicâ post Bar- „ tholomæi, nimirum 26. Augusti. „ [4.] Hucusque mandatum Friderici: Hæc multam lucem asserunt tam anno præcedenti quàm sequentibus, unde pluribus ea referre debui.

Præterea Wolfgango Abbati in Zwetl Joanne Turnero cive in Crems è novis sequentia nuntiantur: „ Cæsarem feriâ sextâ ante (Dom.) Quasimodo: Viennâ discessisse infra horam „ 10. & 11. comitante illum Wolferstorffo cum aliis Dominis & Proceribus, ducendo secum mille quadringentos milites & currus multos & viginti modios farine, cujus discessum multi in omen malum accipiunt. Dicitur etiam Comes Hugo (foras Werthenbergicus) Capitaneus provincialis constitutus esse. Discessum Cæsaris protinus secutus est incursum in Suburbana Claustri-Neoburgensis, quæ tunc igne perdiderunt, & circa Krieczendorf omnia vastaverunt: inde timendum ait, Ungarum vix civitates præteriturum, nisi rursus obsidionibus eas vexet. Dicitur etiam in Stain civitatem nuntius à juniore Principe missus venisse, qui ad Cæsarem festinus properat: unde quoque timor cujuslibet animum pervadit, qui omnibus futura capitis & fortunarum damna præfigere videtur. Datum raptim in Crems annò Domini 1481. feriâ tertiâ post Quasimodo: „ [5.] Literis istis nonnulla confirmantur, quæ suprâ scripsi, nimirum Græcii in Stiria tunc morantem Cæsarem cum Bernardo Salisburgensi ad se vocato egisse de Archi-Episcopatu cedendo Joanni Strigoniensi, unde Viennâ Græcium migrasse hic perhibetur, & inde in Völcklmarckt (Völmarchia) Carinthiæ oppido, quò priùs Ber-

Bernardum vocarat, ab Hundio fuisse memoratur. [6.] Postea meminit incursus hostium in Noviburgi Suburbia, quæ civitati huic ab occasu adjacent, nam Ungari venerant è Wilhelmburgo, quod supra fraude occupatum scripsi, agrósque, vineasque incensis Suburbis, circa Krieccendorf devastavere. Demum juniorem Principem intelligit Maximilianum Burgundiæ Ducem, Belgarum Principem, Cæsaris filium, qui occulti cujusdam negotii gratia ad patrem nuntium direxerat.

Item Abbatem in Zweil nonnihil jam vexare incipiebant Ungari, quorum unus Capitaneus in Dürnpach nomine Watzlaw Martinsky postulat à Monasterio sex curus, octo fabros lignarios, & viginti laboratores, si Abbas petita negarit, damna minatur. Datum Dürnpach annò Domini 1481. feriâ quintâ infesto S. Stephani. [7.] Hæc potuisse videtur ad muniendum locum.

Habetur demum mentio Rudolphi Comitis de Wertenberg, Fratris Ordinis Militaris Hierosolymitani Baiolini

Brandenburgensis, Commendatoris Domus S. Joannis in Freyburg &c. Commissarii etiam negotii Indulgentiarum Apostolicarum pro defensione Fidei Catholicæ & insulæ Rhodi per Sixtum Papam IV. contra perfidos Turcas per universum orbem motu proprio concessiarum specialiter subdelegati, qui concedit Indulgentias D. Wolfgango Schenweiss. Datum annò Domini 1481. 25. Junii. [8.] Turca hoc tempore Christianis Principibus inter se gladiantibus optimam occasionem nactus, Rhodum insulam & urbem tentavit in suam redigere potestatem. Quod Papa percipiens per Legatos suos Cardinales aliquot pacem tam Cæsari quam Regi suadebat, ut conjunctis armis & viribus Turcam superbum & Christiani cruoris avidum hostem persequerentur, atque ut promptiores nonnullos ad nomen suum militiæ tali dandum efficeret, Indulgentias plenissimas, seu peccatorum suorum veniam largissimam concessit, quarum Commissarius præfatus Rudolphus tunc erat.

## ADDITIONES.

\* [1.] Ex Codice MS. pervetusto Bibliothecæ nostræ.

Spondanus ad hunc ann. n. g. „ Cùm „ verò mortuo Mahomete, & filiis ejus inter „ sese digladiantibus, præclara sese obtulisset „ occasio Matthiæ Regi, Mysiam, Illyricum, „ Daciámque recipiendi; haud cunctanter copias undique contrahens, dum eò versùs „ castra moveret, certior factus de vastatione „ à præfectis Frederici Imperatoris Superiori „ Pannoniæ illata; . . . deserta Turcica „ expeditione, ad ulciscendam Imperatoris „ pertinaciam, universas animi vires intendit, „ inito fœdere cum Stephano Vajvoda Wallachiae. Ingressusque Austriam, primò Hamburgum totius provinciæ propugnaculum, „ deinde & alia oppida cepit, varia certamina „ inivit; demùmque continuatò impigre bellò, „ Viennam Austriæ Metropolim obsidione „ cepit annò Domini 1485. ut pluribus Bonfinius describit.

Lazius in Genealog. Austriac. suprâ ad ann. 1476. sub n. 1. relatns ita proseguitur: „ Mittitur à Pontifice Max. Bessarion Cardin „ nalis Græcus, ad componendos Principes.

„ Qui collatis consiliis cum Gabriele Cardinale S. Georgii, & Bachi Agriensis Episcopo, „ Matthiæ Regis Consiliario præcipuo, diem „ partibus ad Kremsium dixit: ubi conventu „ Provincialium Legatorumque constituto „ annò 1478. formula concordiæ hæc concepta, ac vulgata fuit. Uti acceptis XVI. „ millibus ducatorum à Cæsare, Hungarus „ arma deponeret, atque abiret. Sed hæc „ non totum annum rebus tranquillis pax „ mansit. In Styria enim & Carnis, cùm „ fraude interea comparasset Leybniciam, „ Frisacum, & Wandsdorfum arcem, bellum „ non extinctum, sed aliò translatum videbatur. Nec multò post Viennam quoque „ ab Hungaris reversum fuit, aucto exercitu „ decem millibus Moravorum, Slavorumque, „ quæ Czernahorius adduxerat, & quidam „ Waczlavius. Ad quam solvendam, cùm „ Imperii comitia Cæsar ad Noribergam indixisset, XX. millia Germanorum navigiò „ Viennam properarunt, à Principibus Germaniæ passim laboranti Austriæ subsidio „ missa annò 1481. Hic rursus interponentibus auctoritatem suam, Vladislao Bohem „

X x x



„ miæ Rege, & Alexandro Foro-Julienſi Epi-  
 „ ſcopo nuncio Apoſtolico, pax recuperatur.  
 „ Quæ altero mox anno reſciſſa, & latroci-  
 „ nationes Auſtriæ, & obſidionem Viennæ  
 „ reduxit: quibus tam provincia, quàm urbs  
 „ exhausta, annis ſerè quinque: poſtremo,  
 „ ſæviente præſertim in miſeros ac innocen-  
 „ tes cives quodam Laurentio Ketner Juris-  
 „ Conſulto, Fiſci Imperialis Advocato, Vi-  
 „ ennæ à Cæſare miſſo ( ut qui conſulem  
 „ urbis Laurentium Haydem, antiquiſſimæ  
 „ proſapiæ patricium, ac de domo Auſtriæ  
 „ bene meritum, fidèque integerrima ſemper  
 „ adhærentem, cuſtodiam nullis cauſis tradi-  
 „ derat: & ob ſolam ſuſpicionem, capitis  
 „ pænâ Thomam Tenck Senatorem innocen-  
 „ tem adſecerat ) deditionem fecit, in pro-  
 „ feſto Corporis Chriſti, annò à reparata ſa-  
 „ lute 1485. poſteaquam ademptò ſuburbio  
 „ Landſtraß / & Abbacia S. Nicolai iſthic ab  
 „ Hungaris expugnata, nec in Cæſaris auxi-

„ liis, nec in re frumentaria, cujus nihil pe-  
 „ nè ſupererat, quidquam præſidii collocari  
 „ potuerat. A quo tempore Matthias Hun-  
 „ garia Rex exactò à civibus & provincialibus  
 „ proximis juramentò, Regiam ſuam perpe-  
 „ tuò Viennæ tenuit, uſque ad obitum ejus,  
 „ qui fuit annò 1490. in fine Quadrageſimæ:  
 „ totiùſque Auſtriæ Inferioris, exceptò  
 „ Krempſiò & Nova-Civitate, potitus, ſive  
 „ connivente Cæſare, ſive aliis occupato,  
 „ moderatè & planè remiſſò Regiòque animò  
 „ gubernacula tam Auſtriæ quàm Viennæ,  
 „ quinquenniò ſerè capeſſivit „

[2.] Hundius in Metropoli ſua ſub Ar-  
 chi-Epiſcopis Salisburg. in Bernardo Præ-  
 ſule 53.

- [3.] Relata Antiquitas anno præcedenti.
- [4.] Ex Autographo mandati Cæſarei.
- [5.] Ex Autographo ipſius.
- [6.] Hundius ubi ſuprà.
- [7. & 8.] Ex Autographis ipſorum.

Ann. Chriſti MCCCCLXXXII. Mon. CCCXLIV.

Pont. Rom.  
Sixtus IV.

Imp. Rom.  
Fridericus IV.

Archi-Dux Auſtriæ  
Idem Fridericus.

Episcopus Pataviensis  
Fridericus I.

Abbas Zwettlensis  
Wolfgangus I.

**S**ub hyemis finem Maria Burgundica  
 Maximiliani uxor cum ſuis egreſſa  
 Brugis, uti animum venando oblecta-  
 ret, ex equo prolapſa lumbos & femur  
 graviter offendit, & dies viginti ex eo  
 caſu decumbens, rebus ex ultima vo-  
 luntate ordinatis, obiit quintò Calend.  
 Aprilis, magnum marito, cujus aman-  
 tiſſima vixerat, & ſubditis omnibus lu-  
 ſum ac turbulentum rerum ſtatum re-  
 linquens. Corpus ejus Brugis ad D.  
 Deiparæ Virginis ſepulchro illatum eſt.  
 Superſtites reliquit liberos Philippum  
 primum è Domo Auſtriaca Hiſpaniarum  
 potentiſſimum Regem, & Margaretham  
 Carolo Delphino Galliarum Regis filio  
 poſtea deſponſam. \* [1.]

Ut autem revertar ad Auſtriam, de  
 eadem antiquitas noſtra ſequentia refert:  
 „ Item in anno Domini 1482. in Qua-  
 „ drageſima miſerunt certi Domini &  
 „ Principes Romani Imperii, inſuper &  
 „ civitates Imperiales ſtipendia in ad-

„ jutorium Imperatoris exercitui, qui  
 „ pro eiſdem ſibi militarent contra Re-  
 „ gem Ungariæ. Item in diverſis tem-  
 „ poribus habuerunt conſictum cum  
 „ Rege Ungariæ & populo ſuo, & gra-  
 „ tiâ Dei ſemper victores extiterunt.  
 „ Item meliorem populum captivârunt  
 „ & interfecerunt incluſivè uſque ad fe-  
 „ ſtum S. Joannis Baptiſtæ, & tribus vi-  
 „ cibus fuit proſtratus. Item eiſdem  
 „ temporibus exercitus Imperatoris ob-  
 „ federat caſtrum Domini de Hohen-  
 „ werckh, videlicet Merckentſtain,  
 „ quos revocaverat Imperator, & mi-  
 „ ſit eos contra Regem Ungariæ &  
 „ populum, & multos ex ipſis pro-  
 „ ſtravit & cepit. Item Weſpiach (pro  
 „ Weisbriach Baro Carinthia) quidam  
 „ Nobilis de Stiria habuit ad duo millia  
 „ equeſtrium & pedeſtrum ſtipendia-  
 „ rios omnes militantes Imperatori, qui  
 „ ex illa parte, & in alia parte Danubii  
 „ ſpoliaverunt, & magna damna fece-  
 „ „ runt

„ runt in 1481. & 1482. anno. Item  
 „ Sellene circa festum Nativitatis &  
 „ Purificationis Capitaneus Regis Un-  
 „ garie cum quatuor millibus perlustra-  
 „ vit & homaginavit à Vienna incipi-  
 „ endo terram Austriæ longè latèque  
 „ inclusivè usque ad provinciam deß  
 „ Land ob der Enns! (*ad Austriam su-*  
 „ *per Anasim*) immò & in eadem pro-  
 „ vincia damna majora faciendo, & in  
 „ pace iterum descendit in anno 1482.  
 „ Item per totum integrum annum in  
 „ anno 1481. & secundo fecimus ho-  
 „ magium ad Wulski-wasla ex parte  
 „ pauperum nostrorum tantummodo  
 „ pro sex septimanis, & nullum diem  
 „ ultrà dederunt, qualibet vice ducen-  
 „ tos florenos, & pixides & pulveres,  
 „ piper & crocum, pellicia vulpina,  
 „ & alia plurima, quæ postulabant, præ-  
 „ fertim laboratores pro fortaliis con-  
 „ struendis, & hoc quod deterius est,  
 „ nostri & alieni æquè fuerunt spoliati,  
 „ & tot fures equos, ovès, porcos, bo-  
 „ ves, & quæ potuerunt invenire rece-  
 „ perunt; omnia ista exceperunt in ho-  
 „ magio præter capere rusticos & cre-  
 „ mare, & alia omnia fuerunt ipsis li-  
 „ cita facere secundum æstimationem  
 „ ipsorum. Item villam Erckenprechts  
 „ combusserunt nobis propter unum  
 „ hominem, qui ex ipsis erat, qui tra-  
 „ didit Ludweis in manus latronum,  
 „ qui fuit interfectus ab eisdem rusti-  
 „ cis. Insuper pro morte ejusdem ho-  
 „ minis solverunt 32. florenos, cum  
 „ hæc omnia bona eorundem abstule-  
 „ runt in anno ut supra circa festum  
 „ Corporis Christi, aut propè antè. „  
 „ [2.] Hucusque rudis antiquitas, ex  
 „ qua provinciæ miser status apparet,  
 „ cum non tantum Ungari uti hostes Au-  
 „ striam vastando percurrerent, sed etiam  
 „ Cæsareanus miles ducibus Wulskiwasla  
 „ Bohemo, & Balthasaro de Weisbriach  
 „ Carinthiæ Præfide (sicut cum Megizerus  
 „ in Annal. Carinth. lib. 10. c. 27. nominat)  
 „ inobedientiam Austriacorum Cæsare  
 „ puniente, juxta ripam Danubii grassa-

batur, ita ut plena omnia tumultu & lu-  
 tu conspiciebantur.

„ Sub tanto rerum turbine anno  
 „ 1482. (*ait Hundius*) Cardinalis Hæsl-  
 „ rus Pataviam centum septuaginta  
 „ equitum comitatu (quorum duces  
 „ erant Bernardus Scherffenbergicus  
 „ & Christophorus Hochenfelder) in-  
 „ gressus, & à Senatu Populòque Pata-  
 „ viensi receptus est: perpetuis autem  
 „ tormentorum globis ex arce in civi-  
 „ tatem emissis ita exterritus est, ut sub-  
 „ inde locum vix occupatum mutare  
 „ cogeretur. Reversus itaque in Au-  
 „ striam paucis diebus post è vivis ex-  
 „ cessit; aliqui eum in aquis prope Me-  
 „ licum periisse annotarunt. Sepelitur  
 „ Viennæ ad B. Virginem in ripa. Hæs-  
 „ lero Cardinali rebus humanis exem-  
 „ pto omnis bellorum motus coepit con-  
 „ quiescere, Canonici è Scherdingo,  
 „ quò confugerant, Pataviam redi-  
 „ runt, de competitoris fato & Fride-  
 „ rico legitimè electo triumphantes,  
 „ Fridericus autem hic fuit cognomine  
 „ dictus Maurkircher Bavarus, à Geor-  
 „ gio Bojorum Duce commendatus,  
 „ & à priori Canoniorum parte ele-  
 „ ctus, tandem à Pontifice etiam con-  
 „ firmatus est. „ [3.]

Dum hæc Patavii geruntur, Un-  
 garia interea, sicut supra retuli (*Annò*  
 1480.) duce Sellene trans-Danubianam  
 plagam exactionibus & incendiis vexa-  
 bant, nec minùs cis-Danubianam duci-  
 bus Wulskiwasla & Cunschwab Cæsa-  
 reani, unde hoc anno mentio habetur  
 homagiorum duorum, quorum unum  
 Monasterium in Mautern Ungaris, alte-  
 rum in Stettldorf Cæsareanis mittere  
 cogebatur, ne bona illius incendiis de-  
 formarent. [4.] Præterea cum po-  
 tentes per Austriam prædones in minùs  
 potentes idem quod hostes tentarent,  
 Conradus Dachsnerus Wolfgangum  
 Abbatem sibi quoque ad homagium  
 præstandum compulsi; unde quinquaginta  
 quinque florenos sub eodem no-  
 mine in Hardeccum mitti sibi protinus  
 postu-

Xxx 2

postulat, quò famulum suum direxisse scribit, nam cùm partes Regis foveret, propter Cæsareanos ausus non erat in Monasterium vel ipse ascendere vel alium mittere; petit item unâ duas balistas, quæ à famulo Monasterii dicto Weichselpackh recipiendas esse scribit. Datum in Niclasburg annò Domini

1482. feriâ secundâ post Pentecosten. [5.] Utrum verò hanc pecuniam ab Abbate receperit, mihi non constat. Fuit autem Ludovicus Weichselpackh Allodiorum Magister tunc in Monasterio, cujus aliàs hoc anno feriâ tertiâ post Annuntiationem sit mentio.

## ADDITIONES.

\* [1.] Gerardus de Roß lib. 9. exscriptus. Naclerus. „ Mortua erat jam antea annò 1482. Maria filia Caroli Ducis Burgundiae, uxor Maximiliani Archi-Ducis Austriae, mater prædictæ Margarethæ miserabiliter. „ Cecidit namque in venatione de equo, „ qui calce eam jacentem percussit neci dedit. Alii ajunt in equi strepa hærentem „ discerptam esse. Reliquit Philippum atque „ Margaritam. Probiùs sic dicitur, quòd de „ equo in venatione ceciderit, ipsa læsa lum-

„ bos & femora, ex quo jacuerit usque in „ 11. diem, 27. die mensis Martii expiravit „ imprægnata. „ Piespordius ad dexteram Maximiliani I. sub Burgundionum Ducibus, & aliis. „ [2.] Ex Codice quodam MS. Bibliothecæ Zwetlensis. „ [3.] Hundius in Metropoli sua sub Episcopo, in Episcopo 63. „ [4.] E literarum monumentis. „ [5.] Ex Autographo ipsius.

Ann. Christi MCCCCLXXXIII. Monast. CCCXLV.

*Pont. Rom.*  
Sixtus IV.

*Imp. Rom.*  
Fridericus IV.

*Archi-Dux Austriae*  
Idem Fridericus.

*Episcopus Pataviensis*  
Fridericus I.

*Abbas Zwetlensis*  
Wolfgangus I.

„ Hoc anno in Austria Cæsari res parum quietæ fuere. Matthias „ enim Ungariæ Rex retentam diu coronam ac ingenti pecunia redemptam, aliàsque veteres offensas nondum ex animo deponens, quoties „ à Turca quietem habere poterat, arma in Austriam movere non desistebat. Tenebantur adhuc ab eo oppida nonnulla, nondum numeratâ eâ pecuniâ, quæ ei pro belli sumptibus promissa erat. Illis superiore anno Hamburgum, monitam ad primum in Austriam ex Hungaria ingressum civitatem, adjecerat, & vicinum latè agrum perpopulatus multa cum præda domum redierat. Hoc verò anno ex hibernis movens Pontes ad Leitham „ amnem longa ac difficili obsidione cinctam expugnavit, multosque mortales occidit. Cæsareani in arcem confugere, quam post mensem tra-

„ dere coacti sunt, inediâ magis, quam „ armis impulsî. „ \* [1.] Hæc Gerardus.

Porro Bohemi nonnulli versùs Austriæ fines sedentes Matthiam sequebantur, è quorum numero unus etiam erat D. Jutha de Lewchtenburgk, Dominus Vetoviæ, quod castrum olim erat munimentum latronum, & sæpè à Ducibus Austriæ Babenbergicæ stirpis expugnatum & dirutum, at semper restauratum ob locum aptum invadendæ Austriæ, qui Dominus præfatus scripsit Abbati in Zwetl propter quendam famulum suum Laurentium dictum, forsân ab ipso fugerat, & ab Abbate in prædium susceptus fuerat, unde ipsum repetiisse videtur. Datum in Gemnitz annò Domini 1483. feriâ quartâ post Ægidii. [2.] Gemnitzium, legitur etiam Kemnitzium in sinibus Moraviæ situm est oppidum munitum, non

non procul Iglaviâ distans; aliud autem est castrum dictum Jemnitzium atque Jamnitzium supra Caroli-lapidem (Carlstadt) & infra Bistritz situm, cujus reguli aliquando Monasterium multis & magnis tam exactionibus quam spoliis & devastationibus affecerunt, sicut suo loco retuli.

Inter cetera præterea loca, quæ Ungari nomine Bohemi per Austriam occupata tenebant, erat etiam castellum Schoënberga seu Bellus-Mons, cujus tunc Præfectus vocatur Joannes Guiffis, Dominum autem nominat suum Joannem de Künigsterg Bohemum infra Egram dominium suum habentem, qui Matthiæ partes contra Austriacos fovebat. Prædictus autem Præfectus illius Abbati Zwetlensi scribit, quatenus colonos Monasterii de villa Weissenalbarn ad censum sibi debitum solvendum hortetur, quærens nimirum causam Monasterium exactionibus vexandi. Datum in Schoënberg annò Domini 1483. feriâ quintâ post Elisabethæ. [3.] Reperi autem Indicem exactionum, unde colligitur censum supra nominatum accipi ibidem pro homagio, quod à eolonia præfatis postulaverat Præfectus, atque ita sonat: „Annotatio homagii „ad Schoënberg facti feriâ 5. ante Tri- „um Regum ad 12. hebdomadas. Item „ducentos quadraginta florenos pro „toto mensē cum tribus septimanis, „unus florenus valet 10. solidos & 10. „den. summa facit trecenta & decem „talenta. Item duos ternarios vini „cum vestura, sexaginta talenta. Item „duas libras croci, undecim talentis „& octoginta quatuor denariis. Item „duos fasciculos boni lini, septem ta- „lents. Item quinque modios tritici, „quinquaginta talentis denariorum. „Item quinque modios avenæ 15. tal. „Item quinquaginta libras pulveris 5. „tal. Item campanam unam 10. tal. „3. sol. & 10. den. Item octo partes „laridi, 6. tal. Item unum vasculum „halecum, & duas metretas canapis

„10. tal. Item promissimus, &c. duos „Ungaricos florenos. Summa sum- „marum facit 486. talenta absque com- „putatione vesturæ, expensarum & „honorarii: item colonorum. „[4.] Hucusque Index citatus. Quantum ad campanam, non ego existimo, illam etiam Belli-montensi Præfecto nomine homagii datam, sed potius à milite Cæsareano pecuniâ comparatam fuisse. Nam cum superioribus annis Cæsareani Ungariam devastassent, campanam quoque præfatam in oppido Schlamminga in finibus Ungariæ sito, à porcis proboscide terram exerentibus proditam effoderunt & rapuerunt, atque in Austriam secum venale deduxerunt, quæ Annò Christi MCCCCLV. consecrata nomen accepit Margarethæ & Dorotheæ, ut eo anno retuli. Cum autem Monasterium pecuniam homagii nomine Cæsareanis juxta Stettldorf castra metantibus collectam illic porrigere teneretur, milites dictam campanam Schlamingerinna Monasterio pro decem talentis, tribus solidis, & decem denariis vendiderunt.

Interea cum Abbas videret susque deque per Austriam ferri omnia, & à Cæsareanis atque Ungaris cuncta devastari cerneret, & ipse Monasterii sui securitati prospiciens, milites etiam in præsidium sui, suorumque conscripsit, & Monasterium jam antè aliquo modo munitum contra primos grassantium impetus defendere paravit. Cum autem milites, hoc hominum genus sit prædæ avidum, itinera quoque circum Monasterium diligenter observabant, viatoresque obvios spoliabant, neque enim amicus aut inimicus tunc discernebatur, Procures ipsi Austriaci spoliis inhiabant, inde miles Cæsareanus, inde Bohemus Matthiæ addictus, inde Ungarus idem facitabant. Wolsfango igitur Abbati in Zwetl scribunt Thomas & Laurentius vocati Perimer & Georgius Swab forte cives in Gmündt, ut ea, quæ præfidiarii ejus sibi transeuntibus rapuere,

Y y

restit-

restitui curet. Datum in Gmündt annō Domini 1483. in Vigilia Corporis Christi. [5.] Atque ita quis rerum status tunc fuerit, faciliè appareat.

Porro inter hos tumultus securius iter semper præeligendum erat etiam per hostes, sed fidem quis in hoste requirat? pecunia tamen fidem invenit. Igitur Abbas Zwetlensis, qui Ungaris quoque homagii nomine pecuniam solverat, inter ipsos etiam invenit transitum tutum. Unde vina forsan ex Nusdorf per suos adducturus trans Danubium egit cum Capitaneo in Greitzensteten nomine Klein Gaims, quatenus ad curus vel plures vel pauciores quàm viginti daret inter suos saluum, ut vocant, conductum. Dedit autem literas hujusmodi securitatis præfatus Capitaneus in Greitzensteten annō Domini 1483. in die S. Barbaræ. [6.]

Non tantum autem Zwetlense Monasterium calamitatibus multis afficiebatur, verum etiam alia per Austriam Monasteria fundata. Ita eam ob causam Christophorus Abbas Viennæ Scotensium Wolfgango Abbati in Zwetl scripsit, & misit F. Wolfgangum Monasterii sui Professum ipsi nomine suo aliqua expositurum, cui respectu sui fidem adhiberi rogat. Facit autem mentionem in genere calamitatum, quibus agitur & fluctuat, quas ait ex fama notas esse. Cogitabat quidem prolixè rem perscri-

bere, sed omissionis causam afferunt discrimina viarum, infestationesque prædonum & nebulonum. Datæ Viennæ annō Domini 1483. in festo S. Elisabethæ viduæ. [7.] His è literis constat, quòd viæ per Austriam ubique à prædonibus obsessæ nulli securum iter præstabant.

Præterea Georgius Potendorfius consanguineus Fundatorum nostrorum bellum Monasterio nostro movere coepit, significans F. Wolfgango in Cisterstorf tunc Vicario per literas, quòd neque hujus neque præcedentis anni vindemiam domum in Monasterium deduci velit, omni viæ impedimentum allaturus. Hic quondam egregius Capitaneus Cæsareus contra Ungaros multa tentavit, & successissent ipsi stratagemata sua, si non perfidiam quorundam tam minorum suorum Capitaneorum aut tribunorum, quàm Austriacorum Procerum auxilii denegationem sustulisset. Illi enim fugâ suâ hostibus victoriam, hi autem inobedientiâ suâ ignominiam & multa damna peperere. Atque ita suis rebus ipse studens arma sua domi continuit, paratus hostem potiùs à cervicibus suis repellere, quàm in ejus cervices gladium intentare, eoque res Austriæ publica devenerat, ut quilibet domi suæ consulere cogeretur. Res tamen inter ipsum & Monasterium paulò pòst fuit composita.

## ADDITIONES.

- \* [1.] Gerardus de Roó lib. 9.  
[2.] Ex literis ipsius.  
[3.] Ex Autographo ipsius.

- [4.] Ex literarum monumentis.  
[5. & 6.] Ex Autographis ipsorum.  
[7.] Ex literarum monumentis.

An. Christi MCCCCLXXXIV. Monast. CCCXLVI.

*Pont. Rom.*  
Innocentius VIII.

*Imp. Rom.*  
Fridericus IV.

*Archidux Austriae*  
Idem Fridericus.

*Episcopus Pataviensis*  
Fridericus I.

*Abbas Zwetlensis*  
Wolfgangus I.

**R**omæ hoc anno Idibus Augusti obiit Sixtus Papa IV. senio & podagrâ confectus, ad S. Petrum sepultus. Cui

Pontifex subrogatur Joannes Baptista Cibo Genuensis, Presbyter Cardinalis S. Laurentii in Lucina quartò Calendas Septem-

Septembris electus, coronatus autem  
pridie Idus Septembris. \* [1.] Hunc  
Pontificem prædixit B. Malachias :  
Præcurfor Siciliæ. Innocentius enim  
vocabatur ante Pontificatum Joannes  
Baptista, & vixit in Curia Alphonsi Re-  
gis Siciliæ.

„ Redeo ad Austriam, quam Mat-  
 „ thias Rex iterum ingressus Corneo-  
 „ burgum obfedit. Cæsar verò exer-  
 „ citum ex Noricis & Vindelicis con-  
 „ sumpsit eò mittit. Fit pugna, ex qua  
 „ Germani cedere coacti in vicina se  
 „ oppida recepêre. Manent nihilomi-  
 „ nus in fide Corneoburgenses, etsi in  
 „ summa commeatuum inopia, equis  
 „ selibusque vefci coacti. Pugnatur  
 „ quotidie sub ipsis mœnibus, & in fos-  
 „ sis, ubi Stephanus David Hazy non  
 „ ultimus inter Matthiæ duces perist.  
 „ Rex vi expugnari posse diffidens, fa-  
 „ me oppidanos domare statuit. Itaque  
 „ suis ad obsidionem relinquens ipse in  
 „ Valachos ire parat ad liberandam  
 „ Achilleam. In itinere acceptò nun-  
 „ tiis de Achillea & Nestoralba jam ca-  
 „ ptis in castra redit. Corneoburgen-  
 „ ses verò neque auxiliis neque com-  
 „ meatu sublevati, ne ad extremum fa-  
 „ me perirent, dedicationem fecêre. „  
 „ [2.] Hæc Gerardus, unde jam patet  
 „ ea, quam anno priori ex literis ad Ab-  
 „ batem perscriptam retuli, expeditio,  
 „ quæ ad liberandum Corneoburgum à  
 „ Matthia obsessum, in Austriam deduc-  
 „ ta fuit. Turcæ autem rursus in Croatiam,  
 „ Carinthiam, Carniolam septem mili-  
 „ bus equitum irruerunt, magna damna  
 „ facientes; unde Cæsar in illos dubitans  
 „ credebatur: verum Turca in reditu per  
 „ Croatiam à regulis illius regni ad interne-  
 „ cionem usque deletus est, liberatis de-  
 „ cem millibus captivis, magnâque præ-  
 „ dâ receptâ. Quare in Matthiam Cæsar  
 „ conversus ipsum de Austria sua expellere  
 „ nitebatur: verum pugna insuavis victo-  
 „ riam Matthiæ cessit. [3.]

**Interea tamen cum provincialibus**

Auftrix egit Fridericus , ut contra hostem suum conferrent auxilium , quare in eodem negotio Wolfgangus Abbas ad Cæsarem nomine suo ablegavit F. Thomam Capellanum Sacerdotem Monachum in Zwetl Professum suum , ut referret , quid à cæteris provincialibus ea in re concluderetur , quid Cæsar in hostis propulsionem decerneret . Datæ in Monasterio Zwetl annò Domini 1484. 24. Septembris. [4.] Interea Conradus Cirkendorffius arcis Weitra-censis Præfexus ab Abbate accipit mandatum Cæsareum , quò fortè Cæsar , ut conscriptis militibus in districtum suum hostem irumpere non pateretur , adhortatus eum fuerat , nam præfatus Conradus scribit se Regias literas cum reverentia accepisse , velle se feriâ sextâ vel Sabbatò proximò ad Monasterium venire , licèt viribus planè destitutus sit , consiliò tamen Abbas uti se cupere & desiderare . Datæ sunt hæc literæ in Weitra annò Domini 1484. feriâ sextâ post Michaëlis. [5.] Mandatum igitur Cæsareum Weitracenses effectui daturi , censum omnibus in districtu suo habitantibus colonis pro conscribendo milite indixerunt , unde quoque Monasterii colonos eodem aggravabant , quibus ea super re conquestus Abbas cum à Weitracensibus nihil impetrare posset , eos apud Imperatorem detulit , unde Fridericus Cæsar Sigismundo Junghern Officiali suo in Weitra mandat , quatenus colonos Monasterii in Zwetl amplius non gravet . Datum Græcii annò Domini 1484. Dominicâ post Dionysii , annò verò Imperii sui quadagesimò tertio. [6.] Mandat præterea Cæsar Nobilibus Viris Heinrico Prűfchenck Libero Baroni in Sterenberg & de Sermyngstain Consiliario suo , & Casparo de Rogendorf Camerario & in Ips Castellano suo , quatenus ab Abbate in Zwetl pro tempore tantum centum denariorum libras accipiant , reliquas dimittant , usque ad alterum mandatum suum . Datum locò , annò , & die ut

Yyy 2 suprà

suprà. [7.] Hæc pecunia pro scribendo milite contra hostes porrigebatur loco censûs, verum hostes nihilominus Austriam occupârunt. Demum post adversam pugnam juxta Corneoburgum factam, ut obsessos liberaret & cladem suorum ulcisceretur, Fridericus Imperator provinciales rursus Austriæ Inferioris publico edictô convocat Cremsium, ut illuc vel arma adferant, vel armati compareant, vel pedites equitêsque mittant, ut Corneoburgum ab hostibus obsessum liberari possit. Datum in Lintz annô Domini 1484. Sabbatho post Ursulæ. [8.] Neque hac vice quisquam in armis comparuit, unde tandem fame coacta civitas Corneoburgensis se dedit Regi Matthiæ.

Convocatis igitur provincialibus in Cremsium & nemine comparente, Georgius de Egckharzaw magni apud Cæsarem nominis literis suis Abbatem Wolfgangum monet, quatenus ipse primus Cæsarem, qui jam in Austriam Superiorem venisse fertur, adeat, & de singulis suis gravaminibus, atque adeo totius provinciæ calamitatibus eundem certiorare faciat, ne per moram immergerem à Cæsare aliquâ, pulsus nebulis & sole redeunte, inobedientiâ notari aut ipsi ascribi possit. Datum Meissaw annô Domini 1484. in vigilia Simonis & Judæ. [9.]

Porro sequuntur quædam nova à Cellerario de Sancto Bernardo domum nuntiata, utrum autem de Cæsaris milite, aut de Ungaro loquatur, perspicuum non est. Scribit autem Abbati Wolfgango in Zwetl, quod in S. Bernardo fuerit, ubi quam primùm Abbatissam cum Grunnawer contulisse ait de faciendis homagiis, cujus sicut & Abbatis Altenburgensis tunc præsentis consilium erat, ne homagium præstaremus, quia fidem homagiatores non servant. Ipsis autem ita consultantibus Vitus Puechaimius de Horn per velitem suum Abbatem Altenburgensem & in S. Bernardo Abbatissam moneri curat, ut

suis rebus disponant, hostes enim cum quibus pacem constituerat, oppidum suum Gelestorff Sabbatho vesperi insultibus vehementer oppugnâsse, sed tamen binis vicibus à munimentis repulso, tertio insultu illud expugnâsse, omnia ipsorum bona pretiosiora nimirum in curru sex collegisse, & septuaginta florenos pro redimendis laribus extorquentes abiisse; quæ eum valde perturbasse nuntiat. [10.] Modus autem homagiandi illorum talis est: Omnes villæ conscribi debent, quas homagiant, pecuniam recipientes, quod neque vinculis, neque flammis nocere velint; & ne aliquis sub eorum homagio constitutus ulli civitati quicquam de comœtu afferat: quos verò transgressores harum conditionum offendunt, hos capiunt, æstimant, & acceptâ pecuniâ homagiô suô excludunt. Significat porro Altenburgi Abbatem omnia sua pretiosa ad arcem Rosenbergensem vicinam servanda adduxisse & dedisse. Idem se cum Confessore Monialium conatum fuisse persuadere Abbatissæ memoratæ, sed eam ad hæc tardiorē inveniri: unde subornat Abbatem in Zwetl suum, ut ipse per literas suas ipsam compellat, ut ad loca tuta cum clenodiis Monasterii sui confugiat. Datum festinanter anno Domini 1484. Dominicâ Palmarum. [11.]

Nuntiat item Wolfgango Abbati in Zwetl F. Colomannus Magister curiæ in Rasing juxta Pulka, quod puer dicti Grunnawer nomine Erhardus de Stockeraw rediêrit cum tali relatione, quod hostes (*quos Daynger vocat*) qui Neoburgum obsidebant, carrorum suorum munitionem contra Danubium moverint, vel si fortè munimentum ante Neoburgum præsidio muniissent, scribit, se non omnino exploratûm habere, Vitus tamen Puechaimius plura Abbatissæ in S. Bernardo retulisse de hostibus narratur, nimirum ea, quæ suprà retuli. Datum annô Domini 1484. feriâ quartâ ante festum S. Bernardi. [12.]

Porro

Porro cùm Austria undique tumultu indies streperet, quietis & pacis amans Sigismundus Lacher Plebanus Ecclesiæ S. Leonardi in Schönewar prope Weitra, eandem Parochiam Monasterio Zwetlensi resignavit propter Austriæ Ducatus patriæ turbationem suamque salutem, rogavitque, & D. Wolfgango Abbati in Zwetl commendavit Joannem Staindel Presbyterum Passaviensis Diocesis in Vicarium ibidem perpetuum instituendum cum pensionis aliorumque Parochiæ onerum reservatione Monasterio semper libera. Acta sunt hæc in

Monasterio Zwetl in Stuba Abbatiali per Notarium Publicum Wolfgangum Toplar de Kirichperg super Wagran, annò Domini 1484. 17. Martii, annò Sixti Papæ IV. quartò decimò, præsentibus Wolfgango Scherntatzel Plebano in Sweickers, Michaële Raufcher tunc sæpè dicti Monasterii Judice curiæ, aliàs Magistro possessionum, Andrea Arzenpeckh, Martino Heltzl, Hermannò Rastenvelder, Stephano Pecham clientulis & servitoribus ibidem, Presbytero & Laicis testibus. [13.]

## ADDITIONES.

\* [1.] Ciaconius in Sixto IV. & Innocentio VIII.

Spondanus ad hunc annum n. 2. „Sixtus, sive domesticò contra Columnenses bellò, quos occasione Ursinorum adversarios patiebatur, fatigatus; seu animi dolore, quòd præter ejus voluntatem, immò se neglecto & infcio, Veneti jam pene confusi Bellò Ferraricò, fradique præliis, pacem à sociis obtinuissent: podagra insuper aggravante, qua ultimis annis maxime laboravit, in graviorem morbum incidens: accedente (ut quidam volunt) apoplexia, obiit in Palatio Vaticano Idibus Augusti, annò ætatis septuagesimò, die vigesimo secundo, horà duodecimà, (ut in ejus Epitaphio legitur) Pontificatus annò decimò tertio, die quinto. Corpus gutture inflatum, ad Basilicam S. Petri deductum cum viginti tantummodo faculis, atque aurea planeta lacerata, ærò monumentò conditum est, quod in Sacello à se constructo Julianus Cardinalis S. Petri ad Vincula fratris filius, structuræ elegantia inter cetera urbis ornamenta in primis conspicuum, faciendum curavit.

N. 5. „Mortuò Sixtò post Novemdialia, septimò Calendas Septembris Cardinales viginti quinque conclave ingressi; Juliano Ruverco Episcopo Ostiensi, & Roderico Borgia Cancellario maxime annitentibus; ex Presbytero Cardinale tituli S. Laurentii in Lucina à Sixto factò, (Melitenis tamen vulgò dictò ob Episcopatum ejus urbis olim acceptum) creatus est Pontifex Joannes Baptista Cybo ex nobili familia Genuensi ortum ex Græcia trahente: filius Aaronis

„Equestris Ordinis viri, & virtute militari clari, quique & Vicariatum urbis Neapolis pro Regibus Renato & Alfonso gessit, & Romanæ urbis amplissimam Senatoriam dignitatem laudabiliter exercuit. Ipse verò Joannes, cùm primò inter Alfonso Regis Neapolitani, deinde ejus filii ministros egisset, posteaque Romæ longo tempore in contubernio Philippi Calandrini Cardinalis Bononiensis, fratris Nicolai V. Pontificis, commoratus fuisset; per diversarum dignitatum optimè obitarum gradus ad Cardinalatum, ac nonnullis legationibus dignissimè in eo gestis demum ad Pontificatum pervenit; formà egregià & liberali, staturà procerà, humanitate & mansuetudine insignis; parcior tamen de more gentis, præterquam in pauperes & afflictos. Renunciatus est autem Pontifex die Dominica 4. Calendas Septembris: Et accepto nomine Innocentii ejus nominis VIII. in recordationem Innocentii IV. æquè Genuensis; ac sententià sive symbolò: *Ego in innocentia mea ingressus sum*; coronatus est pridie Idus Septembris, annum agens ætatis unum & quinquagesimum.

[2.] Gerardus de Roò Histor. Austr. lib. 9. in fine.

Fuggerus lib. 5. cap. 31.

[3.] Megizerus in Annal. Carinth. lib. 10. c. 32. in fine.

[4.] Ex literis testimonialibus.

[5.] Ex literarum monumentis.

[6. 7. 8.] Ex mandato Cæsareo.

[9. 10. 11. 12.] Ex literarum monumentis.

[13.] Ex instrumento ipsius in Originali.



An. Christi MCCCCLXXXV. Monast. CCCXLVII.

Pont. Rom.  
Innocentius VIII.Imp. Rom.  
Fridericus IV.Archi-Dux Austriae  
Idem Fridericus.Episcopus Pataviensis  
Fridericus I.Abbas Zwetlensis  
Wolfgangus I.

IN Epiphania anni 1485. Pontificatus primi, Innocentius VIII. Pontifex Max. inter Sanctos Confessores retulit Leopoldum IV. cognomento Pium, VI. Marchionem Austriae, qui vitam sanctissimam aetate miraculorumque gloriae claritatem dignus est habitus consortio Sanctorum: supplicantiis & instantibus Friderico III. & Maximiliano I. Imp. „ \* [1.] Hæc Ciaconius. Sed quædam occurrunt circa nomina Austriacorum hic annotanda: vocat enim Author hic Leopoldum cononizatum IV. ejus nominis secundum Genealogiam Babenbergicorum in Austria Principum, in hoc secutus Cuspinianum, qui à Leopoldo Illustri suam Austriam aufpicatur, primum illum ejusdem nominis & stemmatis constituens Marchionem, verum ego alios auctores in genealogia Babenbergicorum secutus alium Leopoldum Illustri præmisi, eoque mortuo fratrem Albertum in Marchionatu successisse, ac tandem hujus filium Leopoldum Illustrum, neque primum ejus nominis, sed secundum; neque primum, sed tertium Marchionem Marchiam ut hæredem acceptasse retuli, de quibus fusiùs in Apparatu meo hac de re tractavi, quo cupidum Lectorem remitto. Igitur si numerum Leopoldorum inibimus, inveniemus D. Leopoldum V. non IV. esse. Leopoldus enim primus erat, qui sine liberis obiens Marchiam reliquit Alberto fratri. Leopoldus II. cognomento Illustris. Leopoldus III. cognomine Fortis seu etiam Fulmen belli, quod nomen à devictis Ungaris reportavit. Leopoldus IV. Pulcher, & Leopoldus V. Pius, Pulchri modò dicti filius, qui

ab Innocentio Papa VIII. in numerum Sanctorum relatus dicitur. Præterea Ciaconius citatus vocat D. Leopoldum sextum Austriae Marchionem, quod etiam non subsistit: nam Marchio primus erat Leopoldus I. qui eam ab Henrico Aucupe Imperatore suscepit, qui non diu supervivens eandem fratri suo Alberto reliquit, unde secundus Marchio: hic quoque post brevem vitam Marchiam filio suo Leopoldo II. Illustri hæreditariam dedit, unde hic tertius Marchio: Quartus erat hujus Leopoldi filius Henricus I. cognomento Rebellis. Hujus filius Albertus II. Victoriosus dictus, quintus erat Marchio: Sextus autem Marchio Ernestus strenuus nominatus, qui Patri in Marchionatu successit. Septimus Marchio Leopoldus IV. Pulcher, Ernesti præfati filius, ac tandem octavus Leopoldus V. Pius; igitur hic Leopoldus, qui inter Sanctos relatus est, non VI. sed VIII. Marchio Austriae erit. Deinde Fridericum Imperatorem de Domo Habsburgica Austriacum nominat Cæsarem ejus nominis III. quod inde procedit, quia Fridericum cognomine Pulchrum ex eadem Domo progenitum è catalogo Imperatorum nonnullos Scriptores secutus delevit. Verum licet Pulcher cum Ludovico Bavoro in schismate Cæsar electus fuerit, electio hic examinanda foret, sed eandem pluribus suo loco demonstravi veram ex parte Friderici, falsam autem ex parte Ludovici stare; unde verus Cæsar Fridericus, non Ludovicus erat, quare etiam post adversum prælium & captivitatem Austriaco Bavarus Imperium contulit, eumque in collegam Imperii suscipiens Fratrem appellavit: atque ita usque ad mor-

mortem Imperator Romanorum permansit, igitur è catalogo Cæsarum mihi excludendus non videtur. Quare Fridericus cognomentò Pacificus non III. sed IV. erit: nam primus ex Cæsaribus germanis Fridericus cognominabatur Barbarossa seu Ænobarbus. Fridericus II. erat simul Rex Siciliæ & Hierosolymorū. Fridericus III. cognomine Pulcher cum Ludovico Bavaro in schismate Cæsar electus: & tandem Fridericus IV. Pacificus dictus, Austriacus, quo sollicitante unā cum filio Maximiliano, Leopoldus V. Marchio VIII. in numerum Sanctorum Confessorum inscriptus fuit. Atque hæc fusiùs quàm volebam de Austriacorum nominibus. Instantiam autem pro hoc Sancto apud Sedem Apostolicam fecerunt plurimi Austriacorum, inter quos etiam Abbas fuit Zwetlensis, non tamen nomen Wolfgangi reperitur, sed Joannis ejus nominis IV. cognomentò Walpceckh, & hoc ante plures annos. Et hæc de Divi Leopoldi canonizatione sufficiant.

Ceterum de Austria sic Gerardus scribit: „ Annò ejus Sæculi octogesimo „ quintò Matthias Ungariæ Rex Austriam ingressus Viennam ipsam arcta „ obsidione cinctam cum expugnatu „ difficilem esse videret, fame ad „ ditionem adigere statuit. Igitur ne „ comæatus alicunde inferretur, omnes „ viarum aditus interclusit, futurum „ sperans, uti ea quæ antè conve- „ sta erant, ab ingenti hominum multitudine „ brevi absumerentur. Inde „ cum Prætorianorum exercitu castris „ egressus, dum Eberstorfum capere „ animò destinat, vitæ periculum „ propè adiit. Dum enim in humili „ quodam tugurio cum familiaribus „ accum- „ bit, ferreus globus ex oppido „ emissus perrupto pariete proximè „ ipsum „ decedit. Hinc animò jam „ commo- „ tior oppidum summa vi aggressus „ capit, ac victor in castra revertitur. „ [2.] Et post unum aut alterum folium „ sic rem Gerardus prosequitur: „ Per

„ eosdem dies in Austria Matthias Rex „ Viennam semestri obsidione cinctam „ acerrimè oppugnabat. In urbe „ magna comæatum inopia erat, neque „ ab equina, nec à scædiorum animantium „ carne abstinebatur. Itaque fame „ coacti Calendis Junii dediti- „ onem fecere Cæsariani, & Matthias „ potiori „ parte Austriæ unā cum urbe „ Vienna „ potitus est. Mox victoriam „ profecutus Rhetium, Egemburgum, & alia „ quædam loca in potestatem suam „ redegit. Tandem & Neapolim „ post „ septem mensum obsidionem fame „ ad dediti- „ onem compellit. Fridericus „ verò cum octingentis equitibus „ Austriā excesserat, Germaniæ „ Principum „ auxilia operiens, & fortunam „ suam animò non nimis iniquò „ ferens. Unde hæc verba symboli „ locò „ passim „ usurpasse ipsum referunt: Summa „ felicitas est rerum „ irrecuperabilium „ obli- „ vio. „ [3.] Hæc Gerardus de „ Vienna obfessa & capta sic quoque „ Catalogus „ Rectorum „ Viennensium „ loquitur: „ Vigesima „ tertiâ „ Januarii „ secun- „ dò „ obfessa est „ Vienna „ à „ Rege „ Matthi- „ a: „ in „ qua „ obsidione „ tanta „ fuit „ penuria, „ ut „ modius „ farinæ „ venderetur „ 107. „ floren. Deditio „ autem „ urbis „ facta „ est „ Matthiæ „ 2. „ Junii. „ [4.] Hæc „ ex „ Catalogo, „ unde „ patet „ Austriam „ nobilem „ terram „ tunc „ sub „ jugum „ Ungaricum „ venisse „ integram, „ præter „ Cremsium „ & „ nonnulla „ alia „ sed „ perpauca „ loca, „ in „ quibus „ fides „ Habsburgicis „ data „ constanter „ servabatur.

Porro captâ Viennâ & omnibus ferè Austriacis ad Regem declinantibus Fridericus Cæsar Lincii morabatur, qui scribens Abbati in Zwetl eundem admonet, ne cedat Regis Ungariæ machinis, neque illi se subiciat, sed viriliter pro Domo Austriaca se cum ceteris ejus fidelibus opponat. Promittit Cæsar se non defuturum auxilio, atque ait jam properare ad comitia Principum cogenda, qui contra suos hostes auxilium spondere, „  
Zzz 2 „ ac

„ ac etiam filium Regem velle manu mi-  
 „ litum fortiori instruere. Datum Lin-  
 „ cii annò Domini 1485. seriâ quartâ  
 „ ante Corporis Christi, annò verò  
 „ Imperii sui quadagesimò quartò. „  
 [5.] Filium Regem intelligit Maximilianum Belgarum Principem & Burgundiae Ducem, quem ideo Regem nominat, quia cùm Fridericum ætas & curæ Imperii quotidie enervarent, Principibus Electoribus potestatem dedit novum eligendi Romanorum Regem, qui in negotiis Imperii sibi collega foret, ipsi verò in unum Maximilianum prædictum convenientibus, filius Cæsaris Rex Romanorum electus est, & anno sequenti coronatus: licet Gerardus electionem ejusdem concitaret in tertium Calendas Martii anni sequentis Francofurti habitam, attamen Fridericus Pater in hoc suo mandato modò citato filium suum appellare Regem non potuisset, aliud enim regnum ante Romanum non habuit. Deinde etiam apparet è mandato Cæsareo, Austriacos non omnes à Friderico discessisse. Post aliquot septimanas Sigismundus I. Friderici senioris filius, Cæsaris Friderici patruelis, Tyrolensium Princeps in hunc sensum quoque Abbati in Zwetl scripsit: „ quatenus perceperit  
 „ Regis Ungariæ in Austriam Domum  
 „ suam hereditariam intentum, & machinamenta, & cogitaverit militem  
 „ mittere in præsidium civitatum Austriacarum; præterea intellexisse se  
 „ nuntiat Cæsarem Cremsii conventum Austriæ Procerum decrevisse, ad  
 „ quem etiam suos Consiliarios ablegare proposuit: quare Abbatem etiam ad idem conventum, & in cunctis Cæsari ad obediendum invitat, neque  
 „ tam facile alicui contra se aut Cæsarem ipse sese dedat, sed fortiter cum  
 „ aliis repugnet & resistat. Datum Oeniponti annò Domini 1485. seriâ  
 „ sextâ post Ulrici, vel septimâ Julii. „  
 [6.] Hucusque mandata Cæsaris & Principis Tyrolis, quæ sub eodem sensu non

tantum Abbati, verum etiam mutatis mutandis aliis Austriæ Proceribus transmissa videntur; quia, si tantum Abbati Zwetlensi fuissent ita à Principibus præfatis tradi iussa, ridiculum esset, ut unicuique Monasterium etiam adjunctis sibi vicinis Nobilibus tanto hosti, tam potenti, tam bellicoso debuisset se opposuisse, cùm integræ civitates antea magis populosæ, magis bellaces, imo ipse Cæsar resistere Ungaris non valuere. A Lazio quidem Zwetla oppidum metropolis Norticæ silvæ & Bojorum regni nuncupatur, verum tantæ ipsi vires nunquam fuerunt, ut à prædictis locis hostem minùs potentem quàm Matthiam arcere valeat, licet nonnullis munimentis & castris loci naturâ munitis sit quasi turribus vallata.

Matthias porro Ungariæ Rex uti bellicosus Princeps capta Austriæ Metropoli non quiescebat, donec Austriam universam suo regno adjiceret, unde ad festum Joannis Baptistæ Viennam omnes Austriæ status convocavit ad comitia ineunda, in quibus de censibus Regi porrigendis agebatur, utique etiam fidei Sacramentum præstare ipsi debuerunt. Convenientibus igitur provincialibus Viennæ dictam ad diem & inter sese consulentibus Matthias Rex Ungariæ & Bohemiæ à quatuor Austriæ Inferioris statibus rogatur, quatenus novas auctiones & census insuetos auferat, ne provincia antè devastata penitus destruat, & in desolationem terra abeat, qui ad supplicationes ipsorum protinus terminum sex hebdomadarum spatiò conclusum illis concessit, quo Austriæ Proceres consilia ineant secumque concludant ad census sibi porrigendos. Datum à Rege diploma Viennæ annò Domini 1485. in vigilia Petri & Pauli Apostolorum, annò verò regnorum suorum Ungarici quidem vigesimo quintò, Bohemici autem decimo septimò. [7.] Hæ Ungari actiones causam dederunt mandatis postremis duobus suprâ allatis à Principibus Austriacis ad Abbatem Zwetlensem

lensem aliisque provinciales dirigendis, ut in fide confirmarentur.

Castrum Belli-montense vulgo Schöenberg, occuparunt Bohemi Matthiæ additi, qui tandem suscepto Ungarorum præsidio illud hucusque possederunt, finitimis magnum homagiis suis damnum inferentibus. Sic quoque colonos Monasterii homagiis suis subdiderunt, ita tamen ut neque ipsos spoliis, incendiis, aut vinculis ultrò molestant; verumtamen à spoliis non abstinerunt. Unde Wolfgangus Abbas in Zweit Nicolao Stedlitz & Petro Pogen in Schöenberg scribit, quatenus equos septem colonis Monasterii in homagium & fidem à se susceptis raptos restitui curent, qui respondent eidem, si mille rapti fuissent, nec unum quidem eorum ipsis restitui curare se velle, quoniam dolose censum dictum Husslag Regiæ Majestati suæ deputatum coloni spoliati præterierint. Datum in Schöenberg annò Domini 1485. post Exaltationem S. Crucis feriâ sextâ, nimirum, 15. Septembris. [8.]

Dum hæc in Austria geruntur, interea obiit in oppido Bavarico Brannaw ad Oenum sito Fridericus I. Episcopus Pataviensis hoc anno, tertio Calendas Decembris. Quo defuncto, anno primo sequenti alter substitutus fuit, uti vult Hundius. [9.] Sed patebit ex subjiciendis, Fridericum II. Comitem Oetingensem ex Ricca, quæ Sueviæ particula est, natum, Guillelmi Comitis ex Beatrice Veronensi Scaligera filium, hoc adhuc anno electum fuisse Episcopum Pataviensem, & Fridericum I. non Novembri mense, sed ante Septembrem mortuum fuisse. Sic enim Officialis Pataviensis titulum suum format: Michaeli Lochmayr, Artium, SS. Theologiæ & Decretorum Doctor, Canonicus Ecclesiæ, & Curia Pataviensis in Vienna Officialis per D. Fridericum electum & confirmatum Pataviensem Episcopum ad hoc specialiter Commissarius deputatus, &c. Datum Viennæ, annò Domini 1485. 22. Septembris. [10.] Quo mense jam electus & à Pontifice confirmatus fuisse legitur.

## ADDITIONES.

\* [1.] Ciaconius sub Innocentio VIII. Item vita S. Leopoldi à Balthasare Poltzmanno Claustro-Neoburgensi Præposito edita. Spondanus ad hunc ann. n. 1. „ Annò Christi millesimo quadringentesimo octogesimo quinto, Indictione tertia, Innocentius Pontifex, octavo Idus Januarii ipso sacro die Epiphaniæ, Leopoldum, olim Austriæ Principem, Pium Marchionem cognomento appellatum, annò Domini 1236. vitæ functum, & innumeris miraculis clarum, Friderici Imperatoris & Principum Germaniæ precibus inter Sanctos retulit; statuens festum ejus die decimo septimo Calendas Decembris. De cujus laudibus & miraculis est apud Surium oratio egregia Francisci Patavi. Atque in ejus sine sit insuper mentio alterius libri de ejusdem miraculis &

„ canonizatione per Joannem Franciscum de Pavinis conscripti. „

Item Bzovius Tom. 18. ad hunc annum n. 14. ubi ad litteram producit diploma canonizationis.

[2. & 3.] Gerardus de Roó lib. 10.

Lazius in Genealog. Austr. lib. 2. supra ad ann. 1481. sub n. 1. relatus.

Fuggerus ubi supra ad ann. præcedentem.

[4.] Georgius Ederus in Catalogo suo Rectorum Viennensium ad annum præced.

[5.] E Mandato Cæsareo.

[6.] E Mandato Principis Sigismundi.

[7. & 8.] E litterarum monumentis.

[9.] Hundius in Metropoli sua sub Episcopis Pataviens. in Udalrico III. & Friderico II.

[10.] Ex Autographo ipsius.

An. Christi MCCCCLXXXVI. Monast. CCCXLVIII.

Pont. Rom.  
Innocentius VIII.Imp. Rom.  
Fridericus IV.Archi-Dux Austriae  
Idem Fridericus.Episcopus Pataviensis  
Fridericus II.Abbas Zweifels  
Wolfgangus I.

Cum Principes Imperii Cæsar Francofurtum convocasset Annò Salutis humanæ MCCCCLXXXVI. 16. die Februarii, unanimi Principum consensu Maximilianus Romanorum Rex eligitur, ac postea reversus in Flandriam se adornavit ad futuram coronationem, publicò gaudiò à suis exceptus. Dehinc cum mille quingentis electissimis & ornatissimis equitibus rediit coronam accepturus. Ubi pater Fridericus filio non sine ingenti lætitia occurrit, eumque paternè amplexatur. Ac simul urbem ingressi, mox Aquisgrani honorificè inunctus coronatur. \* [1.] Hæc Cuspianus & Gerardus referunt, hos sequitur Megizerus & Heuterus, [2.] sed uti anno priori è mandato Cæsareo Friderici demonstravi, jam Rex illo anno Romanorum electus fuerat Maximilianus, igitur non electio, sed coronatio hoc anno transacta est. Piesporidius quoque cum suprà citatis sentire videtur, verùm declaratum Francofurti tantum fuisse Regem Romanorum non electum scribit, [3.] quod vocabulum Gerardus pro electione posuit, aliud enim est eligi, aliud electum declarari, sicut aliud est electum declaratum coronari.

Peracta Francofurti electione solenni Maximilianus Rex protinus animum ad recuperandam Austriam adjecit, ideòque Austriacis mandatum suum dirigit sub tali stylo: „ Maximilianus Romanorum Rex semper Augustus, Archi-Dux Austriae, Dux Burgundiae, Brabantiae, Geldriae, Comes Flandriae & Tyrolis &c. mandamus vobis nostri Archi-Ducatus Austriae Inferioris Prælati, Comitibus, Prioribus, Baronibus, Nobilibus, aliisque nostris

„ fidelibus, nec non civium Reſtori-  
bus, Judicibus, Præſectis &c. in quo  
„ mandato refert ſibi patrique Cæsari  
„ in comitiis Imperialibus Francofurti  
„ celebratis à Principibus robuſtum  
„ exercitum promiſſum fuiſſe, quem  
„ contra Regem Ungariæ educiturum ſe  
„ ait, ut nimirum Matthiam de civita-  
„ tibus, caſtris, caſtellis, aliisque Au-  
„ ſtriæ locis & angulis ejiciat. Jube-  
„ itaque ut Princeps & Dominus legi-  
„ timus, atque etiam rogat omnes &  
„ ſingulos provinciales dictæ Auſtriæ,  
„ quatenus & ipſi arma ſua expediant,  
„ miſſo ex Imperio militi ſe conjun-  
„ gant, eiſque commeatu aliſque vitæ  
„ & belli neceſſariis ſubveniant, ſequæ  
„ tandem poſt coronationem ſuam, ad  
„ quam more ſolito peragendam ait  
„ jam ſe cum patre Cæsare iter ſuum  
„ Aquisgranum verſus inſtituiſſe in Au-  
„ ſtriam ipſis auxilio venientem exſpe-  
„ ſcent. Datum Francofurti, annò  
„ Domini 1486. ſeriâ 2. in Paſchate,  
„ annò regni ſui Romani primò. „ [4.]

Hæc Regia diplomata cum ad manus Matthiæ veniſſent, nihil aliud apud intemperatum militem effecerunt, niſi ut eò citiùs quàm ſibi opportuniùs omnes Auſtriæ regulos, civitates, Monasteria, caſtra, & oppida ſubjiceret, unàmque Auſtriam contra Maximilianum poſſet opponere murum, licet Auſtriæ limite ſolo contentus non fuiſſet. Quapropter in obſidione Egenburgæ juxta Pulka oppidum ſitæ conſtitutus ulterius ſemper proceſſit, militem ſuum in reliquam Auſtriam univerſam emittens occupandam. Miſit igitur etiam Abbati in Zwetl diploma ſuum tali cum titulo: „ Nos „ Matthias D. G. Rex Ungariæ & Bo- „ hemiæ, &c. in quo mandat eidem,  
„ qua-

„ quatenus militem suum in Monasterii  
 „ sui tutelam & præsidium suscipiat,  
 „ & hoc, ait, se jam antea illi signifi-  
 „ casse: monet igitur ipsum altera vice,  
 „ & jubet, ut Capitaneum suum Nico-  
 „ laum Spanobsky, quem illis in par-  
 „ tibus cum commilitio nomine suo  
 „ regnare commisit, intra Claustrum  
 „ pro præsidio intromittat. Datum in  
 „ Campo ante Egenburgam, annò Do-  
 „ mini 1486. feriâ tertiâ post Martini,  
 „ annò autem regnorum suorum Un-  
 „ garici vigesimo sexto, & Bohemici  
 „ decimo octavo. „ [5.] Atque ita  
 „ Monasterium milite hostium comple-  
 „ tum, Abbate nullum in promptu auxi-  
 „ lium habente, atque ad resistendum  
 „ non potente in manus Ungarorum de-  
 „ venit, qui illud, sicut Abbas Wolfgan-  
 „ gus tunc vivus & præfens scribit, du-  
 „ centis viris ad annos penè tres tenuerunt.  
 „ [6.] Hinc continuè graves-  
 „ que exactiones, sacrorum turbationes,  
 „ & flebilis undique status, uti ex variis  
 „ literis constat. [7.8.]

Quia non tantùm Monasterium  
 „ Zwetlense Ungari in suam receperant,  
 „ verùm etiam castella circumcirca aut  
 „ deditione, aut vi, aut proditione oc-  
 „ cuparunt; „ unde Nicolaus Spanob-  
 „ sky Zwetlensis Monasterii Capita-  
 „ neus Ungarus, & Wilhelmus Te-  
 „ tauerus quendam suorum famulorum  
 „ Thomam nomine ad Abbatem mise-  
 „ runt, ut ipsi quæcunque nomine suo  
 „ referret, fidem habeat. Datum  
 „ Alentsteig, annò Domini 1486. feriâ  
 „ 5. ante Conceptionem B. Virginis Ma-  
 „ riæ. „ [9.] Sic quoque Ungari  
 „ Alentsteig castrum occuparunt.

„ Præterea Nicolaus Zwitter Re-  
 „ gius Burggravius & Homagiator in  
 „ Grätzen scribit nobili Viro Petro Po-  
 „ gen Regio etiam Homagiatori in Grä-  
 „ tzen & Schöenberg, quatenus se cer-  
 „ tiorem faciat de civibus Zwetlensi-

„ bus, quem Dominum, Regemne  
 „ Ungariæ aut Cæsarem agnoscant, cu-  
 „ jus homagio addicti sint, cujus par-  
 „ tes sequantur: milites enim sui equos  
 „ ipsis rapuerunt, pro quibus reddendis  
 „ Abbas in Zwetl intercesserat. Datum  
 „ in Grätzen annò Domini 1486. feriâ  
 „ 2. ante Inventionem S. Crucis, ni-  
 „ mirum 2. Maji. „ [10.] Ex his li-  
 „ teris colligitur, Ungaros etiam in Bo-  
 „ hemiam usque devenisse, siquidem in  
 „ Gratio Bohemico resederint, tali au-  
 „ tem deditione civitas dicta in hostium  
 „ manus devenit, sicut hoc ex anno præ-  
 „ cedenti patet apud Strunonem, qui sic  
 „ loquitur: „ Annò 1485. scripsit Fri-  
 „ dericus Imperator Regi Bohemiæ Vla-  
 „ dislao, quòd Udalricus de Graveneck  
 „ castrum & civitatem in Grätzen, quæ  
 „ ipse ab N. de Rosenberg locò pigno-  
 „ ris tenuit, hostibus suis (*Ungaris ni-  
 „ mirum*) tradiderit, qui tentant in Du-  
 „ catum suum Austriæ supra Anasum  
 „ excurrere illumque devastare, rogat  
 „ igitur, curet Rex, ut à prædicto ca-  
 „ stro & civitate provincia sua nullum  
 „ detrimentum capiat, neque oppu-  
 „ gnetur. Datum in Wyspaden feriâ 2.  
 „ post Nicolai annò Domini 1485. „  
 „ [11.] Itaque ab illo tempore Ungari  
 „ dictum castrum cum civitate potenter  
 „ tenuerunt, & non tantùm in Superio-  
 „ rem, sed quoque in Inferiorem Austriam  
 „ excurrerunt.

Demum cum per Austriam omnia  
 „ bellò ferverent, qui aliquarum opum  
 „ erant tam Ecclesiastici, quàm politici,  
 „ singuli pro sui defensione milites con-  
 „ scribebant, & castra, oppida, civitates,  
 „ pagos, curias, domus suas præfidiis mu-  
 „ niebant contra subitos prædonum quo-  
 „ rumcunque incurfus, nisi vis aliud sua-  
 „ deret; hinc etiam Zwetlense Monaste-  
 „ rium ita sibi ante Ungarorum irruptio-  
 „ nem providerat, sed frustra.

\* [1.] Cuspinianus in Cæsarib. sub Maximiliano I.

De Roô lib. 10. „Fridericus cum septem-  
„viris Imperii Electoribus, de filio in Regem  
„Romanorum eligendo, consilia agitabat.  
„Eam rem impedire pro virili conabantur  
„Gallorum Legati, multis & donis & pro-  
„missis, animos Principum oppugnantes.  
„Maximilianus verò, dexteritate quadam &  
„gratia effecit, uti literæ, ad plerosque ea  
„de re, jussu Regis, perscriptæ, sibi trade-  
„rentur, quas Virodunenſi Præsuli, lega-  
„tionis Principi, multa excusanti, ostendit:  
„qua re turbatus ille, & attonitus, nihil ul-  
„terius movit. Itaque ab omnibus simul  
„Electoribus, Maximilianus consors Imperii  
„declaratus, & in æde summa D. Bartholo-  
„mæi, receptò titulò, Romanorum Rex pro-  
„clamatus est, ad decimum tertium Calen-  
„das Martii. Sunt qui Fridericum, renun-  
„ciata filii electione, largire illachrimasse,  
„affirmant. Id variè pro suo quisque judicio  
„interpretabantur. „

Naucerus Generatione 50. „Anno 1486.  
„die 20. mensis Januarii Maximilianus Au-  
„striæ Archi-Dux, cum genitore Friderico  
„Rom. Imp. Francofordiam urbem ingressus,  
„exin 16. die Februarii peractò officio divi-  
„dend in Basilica S. Bartholomæi, Electores  
„Rom. Imperii, observato ordine Bullæ aureæ  
„felici auspicio Maximilianum in Regem Ro-  
„manorum elegerunt: postea verò eodem an-  
„no, die X. mensis Aprilis, in civitate Aquisi  
„cum ingenti pompa coronâ Caroli Magni,  
„ex archivis Norinbergensibus allatâ, coro-  
„natus est, vir summa virtute, rei militaris  
„scientiâ insignis, in quo relucebat justitiæ  
„fervor ac zelus, singularis benignitas atque  
„clementia, cum vitæ ac morum observantia,  
„quibus Regiis virtutibus ornatus, ex Regia  
„domo nulla ex parte Majorum suorum lau-  
„dibus inferior evasit. Eodem anno mense  
„Martio Fridericus Imperator assistente Ma-  
„ximiliano Rege, Principibus atque commu-  
„nitatibus sacri Imperii, eorumque missis  
„consentientibus, legem tulit de pace te-  
„nenda per integrum decennium, qua man-  
„davit universis & singulis sacro Imperio  
„subjectis, ut pacem invicem servarent, nemo  
„alterum in persona aut rebus offenderet  
„viâ facti. Et quòd contrarium facientes,  
„cujuscunque gradus, statûs aut præminen-  
„tiæ essent, cum sibi adhaerentibus, consi-  
„lium, auxilium, aut favorem præstantibus,  
„ipso jure & facto bannum Imperiale incur-  
„rerent: ita ut possent nulla præmissa decla-

„ratione, in personis suis & rebus impunè  
„offendi à quocunque tanquam violatores  
„pacis promulgatæ, non obstantibus quo ad  
„præmissa quibuscunque constitutionibus,  
„statutis, consuetudinibus, ligis aut socie-  
„tatibus, juramento vel quacunque confir-  
„matione roboratis. Hæc pax postquam pu-  
„blicata fuit per Imperium, à multis extitit  
„recepta, & præsertim à Suevis, qui sequenti  
„anno ad mandatum Imperatoris Majestatis  
„in societatem vigore pacis hujusmodi coi-  
„erunt, ligamque fecerunt de pace illa invi-  
„cem conservanda, & quòd mutuis auxiliis  
„& consiliis contra quoslibet violatores hu-  
„jusmodi pacis sese defenderent ac manu-  
„tenerent, non obstantibus omnibus his quæ  
„Princeps ipse voluit non obstat. Unde  
„formidabiles facti sunt vicinis suis in tan-  
„tum, ut ad eorum ligam nonnulli poten-  
„tissimi Principes venerint, & societatem  
„virtute pacis decennalis cum eis inierint,  
„qui etiam hac liga freti, satis remanserunt  
„quieti. „

Spondanus ad hunc ann. n. r. „Kran-  
„tzius ait indixisse antea Imperatorem Prin-  
„cipibus Electoribus ibidem Francofordiæ  
„conventum, ut de Rege novo constitueretur:  
„mutasse quippe jam sententiam, qui  
„superioribus annis ea de re à Principibus  
„interpellatus responderat, filium se suum  
„propius agnoscere, scireque non esse rebus  
„gerendis idoneum. Id sive ex sententia diceret,  
„sive simulatione proferret, sive etiam  
„magnum onus administrandi Imperii eviscerati  
„filio averteret, incertum esse; potuisse  
„tamen illum ad mutandam sententiam in-  
„flectere & maturiorem ætatem filii, & re-  
„centes de Francis ac Flandris, sine paternis  
„armis, sine amicorum ope partas victorias,  
„igitur cunctis annuentibus Rex creatus Ma-  
„ximilianus, inde Aquisgranum deductus est;  
„ac nonâ Aprilis (ut in Adis coronationis  
„habetur, quæ erat Dominica secunda post  
„Pascha: ex quibus corrigas Naucerus, qui  
„diem 10. signat; & magis Michovium, qui  
„vigessimam octavam Martii) ab Archi-Epi-  
„scopo Colonienſi de more inauguratus est  
„coronâ Caroli Magni ex Archivis Nurem-  
„bergensibus allatâ. Conatum autem esse  
„Matthiam Hungariæ Regem hanc Maximilianum  
„assumptionem studio magnò impedire,  
„idem Krantzzius scribit. „

[2.] Megizerus in Annalib. suis Carinth.  
lib. 11. c. 1.

Pontus Heuterus lib. 2. rerum Belgicar.  
sub Maximiliano & Philippo.

[3.]

[3.] Piespordius in Maximiliano I., An-  
no 1486. 13. Cal. Martii Francofurti Rex  
Romanorum declaratus, 3. Idus Aprilis  
Aquisgrani coronatur, & patre mortuo ple-  
no jure in Imperio succedit. „  
[4. & 5.] Diploma Regium in Autographo.

[6.] Wolfgangus in serie Abbatum  
Zwetlensium.

[7. 8.] E literarum monumentis.

[9. 10.] Ex Autographis ipsorum.

[11.] Richardus Struno in Annal. Austr.  
Superior. sub anno 1485.

## An. Christi MCCCCLXXXVII. Monast. CCCXLIX.

*Pont. Rom.*  
Innocentius VIII.

*Imp. Rom.*  
Fridericus IV.

*Archi-Dux Austriae*  
Idem Fridericus.

*Episcopus Pataviensis*  
Fridericus II.

*Abbas Zwetlensis*  
Wolfgangus I.

**F**ridericus Imperator iterum hoc an-  
no Norimbergæ conventum Ordini-  
um habuit, in quo multa fuerunt acta  
de auxiliis, & in communem Christiano-  
rum, & in privatam ipsius hostem Mat-  
thiam, decernendis. In eo conventu  
foedus Suevicum initium sumit, mutuis  
auxiliis & consiliis adeo firmum, uti &  
suis præsidio & exteris terrori sit. \* [1.]

Interea Matthias Rex uti jam Dux  
& Dominus Austriae rem suam promo-  
vere studebat, inde ut stabile sibi regnum  
in Austria faceret, conventum Austriae  
Statuum celebravit circa Viennam, non  
tamen in urbe, sed in campis, quod di-  
ploma Regium demonstrat ad Capita-  
neum suum datum sequentibus: „Mat-  
thias Rex Ungariae & Bohemiae, &  
Dux Austriae (*ita se nominas ipse*) scri-  
bit Nicolao Spanobsky castellano suo  
in Gmündt, quod in comitiis proxi-  
mis in campo celebratis cum Austriae  
Proceribus ita egerit, ut omnes cen-  
sus hactenus consueti imposterum  
cessarent, uno tantum per Austriam  
relicto, fisco suo Regio solvendo. De  
qualibet nimirum vini carrata extra  
provinciam portanda quatuor flore-  
nos monetæ Ungaricæ. Item de  
singulis cuppulis salis tres nummos.  
Item de quatuor bobus unum flore-  
num, & de centum arietibus etiam  
florenum, & de aliis mercaturis sive  
intra sive extra provinciam ducendis  
vigefimum florenum. Hoc tantum,  
ait, intelligendum esse de exteris, de

„indigenis autem & provincialibus  
„non ita accipiendum, illos liberos  
„pronuntiat. Item qui in uno loco  
„solvit Quæstori Regio accepta quit-  
„tancia, non est, ut apud alterum  
„Quæstorem, ad quem fortè venit,  
„solvat. Deinde constituit præfatum  
„Nicolaum talem Quæstorem in-  
„Gmünd, in Zwetlensi Monasterio, &  
„in Alentsteig, atque ibidem circum-  
„quaque modo & conditione præfatis.  
„Datum in campis anno Domini 1487.  
„feriâ sextâ ante Joannis Baptistæ „  
„[2.] Videntur autem apud Regem con-  
„questi fuisse Austriaci super tot censibus  
„solvendis, & super importunitatibus Ca-  
„pitaneorum ejus, qui præter onera alia  
„gravia quotidiana, quibus colonos suos  
„aggravant, etiam census multos & va-  
„rios minis & vinculis sat superbè extor-  
„quent, sive Regem sive alium sequantur.  
„Rex autem in subiectos clemens per su-  
„pradictum suum diploma querelis Au-  
„striacorum ad votum respondit.

Porro Matthias bellis continuis mo-  
dò cum Bohemis & Moravis, modò  
cum Austriacis, modò cum Turcis ge-  
stis, ærarium suum exhaust, unde per  
Austriam census tum veteres restituit,  
cùm novos superaddidit, quibus fiscum  
suum Regium redintegraret. Quapro-  
pter ubique per Austriam censores &  
quæstores suos constituit, sicut supra  
scripseram, in provincia supra Main-  
hardi montem Nicolaum Spanobs-  
ky quæstorem suum creavit, ad S. Hip-

Bbb b

polyti



polyti fanum autem Joannem Newhau-  
 ser promovit; „ cui diploma suum di-  
 „ rigit, quo ille censor super vina &  
 „ talentum quadragesimum ibidem eli-  
 „ gitor & confirmatur, sicut cum pro-  
 „ vincialibus Austriæ in comitiis habi-  
 „ tis Rex se convenisse testatur: limita-  
 „ tur autem collecta censuum præfatorum  
 „ tractu Cremsensi & Stainensi &  
 „ Wachovia; item quidquid supra Tul-  
 „ nenses campos & Trasmam amnem  
 „ incolitur, hoc omne Rex illius offi-  
 „ cio subiecit. Datum Viennæ feriâ  
 „ 3. post S. Ægidium, nimirum 4. Se-  
 „ ptembris, annô Domini 1487. annô  
 „ verò regni sui Ungarici trigesimo pri-  
 „ mō & Bohemici vigesimo. „ [3.]

Scripsi suprà Fridericum Cæsarem  
 Norimbergæ conventum Principum ce-  
 lebrasse, ubi contra Matthiam in auxi-  
 lium impetravit Saxonie Ducem Alber-  
 tum, qui cum exercitu Austriam ingres-  
 sus Cremsi substitit, ea enim civitas  
 ex aliis ferè omnibus sola Cæsari fidem  
 constanter præstitit. Hic Princeps  
 quendam Virum Illustrum Gozzonem  
 de Wulferstorf Auratum Equitem tra-  
 ßui cis-Danubiano & Cremsensi Ca-  
 pitaneum suum præfecit, qui in hanc  
 sententiam Wolfango Abbati in  
 Zwetl scribit: „ quatenus Abbas ex  
 „ mandato Principis Domini sui Al-  
 „ berti Ducis Saxonie, Cæsareæ Ma-  
 „ jestatis & Imperii Generalis, omni-  
 „ bus homagiis, pacis conditionibus,  
 „ salvis conductibus & exactionibus ad-  
 „ versariorum renuntiet, eadem sibi uti  
 „ Cæsareano præstet, atque Cremsi-  
 „ um ad se proximâ sextâ feriâ ipsum  
 „ Principis sui mandatum visurus de-  
 „ scendat. Datum Crems, annô Do-  
 „ mini 1487. feriâ 3. post Nativitatem  
 „ B. Mariæ, nimirum 11. Septembris. „  
 [4.]

Interea bello Austriaci tædiô affecti,  
 cum etiam Matthias ipse à pace non alie-  
 nus videretur, pacem omnes inter Cæ-  
 sarem & Ungarum desiderabant: de qua  
 jam rumor spargebatur. „ Unde talia

„ nova Wilhelmus Missingdorffius de  
 „ Dobra Alberto Rohrio scribit, quod  
 „ pacem Cæsar & Rex iniierint, jamque  
 „ literis confirmata sit. Quapropter  
 „ Fridericus ad festum Sandorum  
 „ Omnium Melici, Matthias in Sancto  
 „ Yppolito, ubi de pace constante &  
 „ integra Regni Ungariæ & Ducatus  
 „ Austriæ acturi dicuntur, expectantur.  
 „ Datum Viennæ annô Domini 1487.  
 „ feriâ 4. ante Simonis & Judæ, ni-  
 „ mirum 24. Octobris. „ [5.] De  
 „ pace hac sciendum, eandem nomine  
 „ Cæsaris fuisse factam à Duce Saxonie  
 „ ad tempus tantum, qui Matthiam tam  
 „ invictum militem in Imperium irritare  
 „ noluit, sciens bellum facile excitari, sed  
 „ difficulter sopiri rursus, præsertim cum  
 „ honori potius quam utilitati tunc ex ne-  
 „ cessitate serviendum erat. Licet Fri-  
 „ dericus ex cognomine Pacificus pacem  
 „ bello semper præferret, atque etiam jam  
 „ in comitiis Norimbergenfis eandem  
 „ per universum Imperium proclamari fe-  
 „ cerat, ad exemplum Pontificis Romani,  
 „ qui idem per Italiam præstitit, atque  
 „ exulem diu pacem tandem revocavit;  
 „ tunc tamen in Matthiam hostem suum  
 „ acerbum durior erat ad integram pacem  
 „ conficiendam. Matthias verò pecuniâ  
 „ contentus Austriam reddere, & in suam  
 „ Ungariam redire non videbatur mul-  
 „ tum reluctari, nam & Maximilianum  
 „ Regem Romanorum verum Austriæ hæ-  
 „ redem (sive timebat, sive diligebat eum)  
 „ ab hereditate sua excludere nolebat,  
 „ modò conditiones non sibi incommo-  
 „ das acceptare vellet. Verum mors in-  
 „ tervenit, & quæstionem omnem de  
 „ pace sepelivit post biennium, cum Mat-  
 „ thias Viennæ moreretur.

Pacem autem hujus anni tempora-  
 neam scribit Nicolaus Spanobsky  
 Regius in Gmünd Capitaneus Wolf-  
 gango Abbati in Zwetl: „ quod nimi-  
 „ rum Regis sui voluntas sit, ut in pace  
 „ hac temporanea homagia, servitutes,  
 „ auctiones, telonia ab utraque parte  
 „ sicut antea servantur, arma tantum  
 „ offen-

„ offendendi gratiâ suspendantur. De-  
 „ inde renuntiat, cùm Præfectus in  
 „ Alentsteig non sui juris sit, consilium  
 „ dat, ut ipsum apud Tettauera de-  
 „ ferat, qui iustitiam administrabit.  
 „ Datum Gmündt annò Domini 1487.  
 „ in festo Martini. „ [6.]

Quamdiu verò pax hæc temporanea  
 duratura sit, patebit ex literis sequen-  
 tibus, ubi Zwetlensis civitas pacem il-  
 lam (*potius armistitium nominandum*)  
 Monasterio etiam nuntiat: „ Notifi-  
 „ cat autem Wolsgango Abbati & Il-  
 „ lustri Domino Bohuslao de Swanberg  
 „ Ungarico Capiteo in Zwetlensi  
 „ Monasterio Iudex & Senatus Zwet-  
 „ lensis pacem temporaneam, quam se  
 „ ita accepisse refert: Scripsit civitati  
 „ in Zwetl D. Ditracus Harras Eques  
 „ Mareſchallus Cremsfîd, quòd medi-  
 „ ante nobili Viro Domino de Wey-  
 „ temmill pax sit conclusa inter Cæsa-  
 „ ream Majestatem & Ducem Saxonie  
 „ ut Cancellarium ex una, & Regem  
 „ Ungarie ex altera parte; quæ pax in-  
 „ cipit feriâ 6. post Martini, & durat  
 „ usque ad feriâ secundam post Cæsar-  
 „ tharinæ, qua die utraque pars Cæsar  
 „ & Rex conventum habituri sunt, &  
 „ tractaturi ea, quæ pacis sunt, unde  
 „ pax ab ea die continuabitur, quàm  
 „ diu simul manebunt, & post ipsorum  
 „ ab invicem discessum adhuc quatuor-  
 „ decim dies duratura est: quam man-  
 „ dat quoque nuntiari sine mora Waid-  
 „ hovensibus, D. Chonrado Zircken-  
 „ dorfer, & Weitracensibus. Datâ à  
 „ Mareſchallo sunt litteræ Cremsfîi fe-  
 „ riâ 5. post Martini, nimirum 15. No-  
 „ vembris, annò Domini 1487. [7.]  
 „ Iudicis autem de Zwetl Datum in  
 „ civitate Zwetlensi annò præfatò,  
 „ Dominicâ ante Elisabeth 18. Novem-  
 „ bris. „

Ceterum sanguisuga colonorum Mo-  
 nasterii Homagiator seu Exactor Un-  
 garicus in Schönberg non cessavit B. Ma-  
 riæ in Zwetl mancipia vexare, unde  
 Wolsgango Abbati scribens, ex man-

dato ac voluntate Regis sui mandat:  
 „ ut de universis villis suis Abbas ad se  
 „ mittat centum laboratores seu ope-  
 „ rarios securibus instructos, & comea-  
 „ tu osiduario provisos, deinde viginti  
 „ currus. Datum Schöenberg annò  
 „ Domini 1487. feriâ 3. post Floriani,  
 „ nimirum 8. Maji. „ [8.]

Cùm autem subditi viderent, se du-  
 ros labores suos importunis militibus  
 obtrudere debere, nullumque à Domi-  
 nis suis præsidium expectare posse,  
 ipsi sese armis suis accinxerunt, atque  
 etiam milites hinc inde tutò vagantes  
 ac palantes ex improviso invaserunt,  
 & nonnulla ipsis rapuerunt, talionem  
 ipsis oportunè referentes, verum ut  
 agreste hominum genus rustici sunt,  
 gloriantes in taberna vinaria incautè in  
 rebus pessimis, sese militibus in prædo-  
 nes suos intentis prodiderunt, atque  
 reos repertos apud Abbatem Dominum  
 suum accusarunt minis adjunctis, nî ipse  
 prædones illos suos ad restitutionem co-  
 geret, ignominiam sibi ab eis illatam  
 non tantum non velle vi delere, sed  
 quoque plus damni inferre, quàm spo-  
 lia illa valeret, non parvo cum Mona-  
 sterii detrimento. „ His Abbas percul-  
 „ sus, licet reorum & facti notitiam  
 „ non haberet, scripsit tamen Iudici  
 „ Officiali suo in Glognitz de quodam  
 „ furto, seu potius rapina, quam qui-  
 „ dam de villa sui officii fecisse argue-  
 „ batur, nam militibus duobus arma,  
 „ togas, & indusia rapuisse ferebatur,  
 „ eaque apud tabernarium ibidem ven-  
 „ didisse proclamabatur. Quare ju-  
 „ bet, ut inquirat, in reos & in rapi-  
 „ nam, quos deprehensos examinet,  
 „ & reis repertis injungat restitutionem  
 „ ablatorum, ne propter unum omnes  
 „ pereant, aut à minaci ac furioso mi-  
 „ lite innocentes cum nocentibus om-  
 „ nibus suis spolientur. Datum in Mo-  
 „ nasterio Zwetl annò Domini 1487.  
 „ feriâ 2. ante Corporis Christi, mense  
 „ Junio. „ [9.]

Accusatus quoque fuerat famulus  
 Bbb b 2 qui.

quidam Strunonis de furto facto in villa Hörmanns subdito cuidam ibidem Monasterii Zwetlensis, & hoc sub induciarum tempore, unde tales redditæ sunt literæ: „Fridericus Framitz Capitaneus de Schwarzenawe respondet Bohuslao de Swanberg Capitaneo Monasterii Zwetlensis, quod acceperit ipsius literas super furto unius capræ & vaccæ facti in villa Hörmanns subdito uni Zwetlensi nomine Jagentewsi per famulum Domini sui Johannem Fidler, qui omnino factum negat, mendaciūque in authorem colonum retorquet, neque curat ad Regem appellari, se tunc non ut reum, sed ut accusatorem pariturum, & Abbatem eò redacturum, ut ob injuriam illatam Domino suo satis facere teneatur. Datum in Schwarzenawe, annō Domini 1487. Dominicā post Bartholomæi, nimirum 26. Augusti. „[10.] Ex his literis colligitur, & Strunonem partes Regis, non Cæsaris secutum fuisse, siquidem Capitaneum Ungaricum in castrum suum admiserit, & ipse Viennæ quoque Matthiæ Regi inservierit, ejusque aulam frequentarit.

Non satis malorum erat, quod externi Monasterium vexarint, sed Fundatores quoque ipsi, qui eo & nomine & sanguine se iactabant, idem in colonis ejusdem persequi tentarunt, unde à Balthasaro de Chünring in Seveld ad Wolfgangum Abbatem literæ reperiuntur, quibus nuntiat: „secolonis Monasterii in villis Haslach, Weickerstorf, & Ternberg uti eorum Advocatus censum imposuisse, quem illi porrigere denegantes, gravamina insuper sua hac de re apud Abbatem deponere ausi sint. Declarat igitur erga Monasterium animum suum Chünringius, quod paratus sit jure cum Monasterio contendere, & coram Rege aut Marchschalco Austriæ suam in dictos colonos jurisdictionem demonstrare, licet non existimet eò rem deductum

„iri. Datum Seveld annō Domini 1487. feriā 3. ante Michaelis, nimirum 27. Septembris. „[11.] Ex his literis colligitur Chünringium istum Regis Ungariæ partes etiam secutum fuisse, cum ad eum appellare & coram illo jus suum prosequi minetur. Scribit autem Wolfgango Abbati suo etiam ea super re F. Martinus forsan tunc Magister vini, seu decimarum vini & juris montani in Haslach & Weickerstorf collector: „quod nimirum præfatus Chünringius nuper proximā Dominicā elapsā (23. Septembris) Reinerum, aliosque suos famulos in Weickerstorf direxerit, subditisque Monasterii nuntii mandavit, quatenus censum sibi solverent, nisi facerent, se ipsos variis modis perditurum esse, à quo diffculter dilationis terminus usque ad feriam quintam proximam obtineri potuit, quare subditis subvenire maturandum censet. Datum annō Domini 1487. Dominicā Hieronymi, id est, 30. Septembris. „[12.]

Præterea cum colligendi, domumque comportandi vini tempus esset, Abbas apud præsidia tam Cæsareana quam Ungarica pro tuto itinere laborabat: „Unde quoque à Gozzone de Wulferstorf, Equite, Summo cis-Danianæ hujus plagæ atque Crembsii Capitaneo saluum conductum impetravit ex Weinzierl deducendi doliā, vina, currus, equos in Lewbs, & ex eodem oppido in Monasterium suum: & hoc quatuor hebdomadarum spatiō, obtestando omnes illos, qui partes Cæsaris seu Ducis Saxonie Generalis illius sequuntur, aut sibi addicti sunt, ut securos ubique pertransire permittant Zwetlensis Monasterii vina, currus, equos, homines: in quem conductum consensit Dominus ejus Illustris Dux Saxonie. Datum in Crembs annō Domini 1487. feriā tertiā ante Francisci, nimirum 2. Octobris. „Unde itinera diligenter tam à Cæsareanis quam Ungaris obser-

observabantur, ita ut qui saluum conductum ab una parte tantum obtinuerit, & non ab alia, illi necesse erat incidere in scyllam, qui se putavit vitasse charybdim. „ Quare Monasterium à Regiis sibi quoque praevidit, & à Joanne Zepusense, Wolfgango Welfensi (*dicti Quaslores Loienfer*) saluum conductum impetravit, qui de Regio mandato super ternarios vini sex minus dimidiò domum deducendos litteras suas concesserunt. Actum Loyse annò Domini 1487. ferià 3. ante Colomanni, nimirum 9. Octobris. „ [13.]

Dum autem induciæ inter Ungaros & Cæsareanos durarent, Waidhofense praesidium quoque inclusum erat; „ unde Vitus Duerst Capitaneus ibidem Cæsareus unam curiam in Gotschaligs sitam in remedium animæ suæ pro perpetua missa ferià 2. celebranda Monasterio nostro fundavit. Datum annò Domini 1487. Sabbathò ante festum Jacobi, nimirum 21. Julii. „ [14.]

„ Varia rursus domum nuntiat F. Colomannus, quòd nimirum à Bethlemo tandem impetraverit licentiam vindemiandi vineam in Lewbs Stockhaimer dictam, cujus literas Regias se F. Petro misisse ait, ut colligat uvas. Scribit porro Münchenzenses Waidhofensium & Zwetlensium curus spoliasse contra homagii & pacis conditiones. Timet etiam ipse vina doliis & viæ committere, licet saluum conductum habeat, maxime verò se angustari ait itineris difficultate, quoniam ipsa vina ab hostibus in silva Spiefs diu nocturne in insidiis collocatis expectantur. Demum ait Chünringium

„ adhuc à colonis censum repetere, se verò ipsis prohibuisse quicquam dare. „ Datum in curia Rasing, annò Domini 1487. in pro-festo Michaëlis, 28. Septembris. „ [15.] Ex his literis docemur summum Regis Ungariæ Capitaneum sedisse Rhetii, cujus potestas in minores suos Capitaneos derivabatur usque ad Crembsium, Loium enim & Rechbergum praesidium Ungaricum susceperant; sicut per Norticam silvam Nicolaus Spanobsky nomine Regis sui in Gmündt residens longè latèque regnabat. Præterea jam ab eo tempore silva non procul à Rasing sita nomen hodiernum tenet dicta Spiefs, quasi hasta, nam habet tales arborum acies in acumen porrectas, ut longè latèque conspiciantur representantes hastarum cuspides versùs orientem præsertim, quæ silva prædonibus & latronibus sicut hodie, ita etiam eo tempore commodum præbuit receptaculum, in qua multi & fortunas & vitam amiserunt, sicut hodie nonnullæ cruces & lapides pro memoria erecti testantur.

„ Demum ut hunc annum concludam, Paulus Ornswald forsàn apud S. Yppolitum Decanus aut Procurator Capituli rogat Wolfgangum Abbatem pro pecunia parata sibi transmitti quinque cados olei. Pacem etiam nunciat duraturam usque ad diem S. Urbani, nimirum, usque ad 25. Maji, & abhinc usque ad diem Ægidii pacis actio celebrabitur. Datum in S. Yppolito annò Domini 1487. in festo S. Thomæ Apostoli 21. Decembris. „ [16.] Pacem hanc intelligit, quam Rex cum Saxone inivit anno sequenti, sicut suprà pluribus retuli.

## ADDITIONES.

\* [1.] Gerardus de Roó, lib. 10. ubi addit: „ Multa quoque de pace in Imperio firmanda, omnibusque controversiis amicè componendis consultationes sunt habitæ. „ Et quamvis adnitente maxime Friderico, pacem servari debere, omnes decernerent,

„ nihil tamen ad rei summam transigi potuit, „ quin malè facta inter inimicos gratia iterum dissolveretur. Soli ex omnibus Suevi foedus inter sese inière, cui Principes nonnulli, & vicinæ civitates subscripsere, idque per multos annos in hodiernum diem usque „ tenuit,

CCC c

„ tenuit, mutuis auxiliis & consiliis adeo fir-  
 „ mum, uti & suis praesidio & exteris terrori  
 „ esset, „

Naclerus ubi supra ad praecedent. ann.  
 sub n. 1. relatus ad hunc annum subjungens :  
 „ Id, quod nemo servavit. „ scilicet quod  
 conclusum erat, praeter solos Suevos, ut patet  
 ex verbis dicto loco ab illo allatis.

Spondanus ad hunc ann. n. 1. „ Fride-  
 „ ricus Imperator conventum magnum habuit  
 „ Nurembergæ &c. - - - quod tamen nemo  
 „ servavit. Ita Naclerus. Mox subdicens,  
 „ Innocentium Papam Clero per Germaniam  
 „ imposuisse decimam: sed Clerum interces-  
 „ sisse, & ad eundem ipsum Pontificem melius  
 „ informandum provocasse: atque Imperato-  
 „ rem sese interponentem intrasse, ut ab  
 „ exactione superfederetur. „

Item ad ann. praecedent. n. 2. „ Habet  
 „ verò insuper Naclerus, eodem conventu  
 „ Francofordiensi mense Martio Imperato-  
 „ rem, assistente Maximiliano Rege, & Prin-  
 „ cipibus atque communitatibus Imperii con-  
 „ sentientibus, legem tulisse de pace servanda  
 „ per integrum decennium toto Imperio, ita  
 „ ut nemo alterum in persona aut bonis of-  
 „ fenderet; & qui legis praevicatores quo-  
 „ cunque modo, & cujuscunque conditionis  
 „ essent, proscriberentur, facta quibuscunque

„ facultate eos ut pacis violatores impunè  
 „ offenderendi. Fuisseque hanc pacem à mul-  
 „ tis receptam, ab aliis verò neglectam: à  
 „ Suevis autem inita inter se societate ita fir-  
 „ matam, ut formidabiles facti sint vicinis  
 „ suis, ac plures civitates Imperii, potentissi-  
 „ mique Principes isti iungi quæsierint: unde  
 „ Suevicum Fœdus nomen accepit, in Hi-  
 „ storiis Germanorum & Helvetiorum non  
 „ incognitum. Quod annò millesimo qua-  
 „ dringentesimo octogesimo octavo ceptum  
 „ plerique volunt; impositumque ei præterea  
 „ nomen Clypei Georgianæ Societatis,  
 „ eò quod omnes, qui eà comprehendeban-  
 „ tur, gestare deberent clypeum S. Georgii. „

[2.] Ex diplomate Regio in Autogra-  
 pho.

- |               |                          |
|---------------|--------------------------|
| [3.]          | Ex literarum monumentis. |
| [4.]          | Ex Autographo ipsius.    |
| [5.]          | Ex literarum monumentis. |
| [6.]          | Ex Autographo ipsius.    |
| [7.]          | Ex Autographo ipsorum.   |
| [8.]          | Ex Autographo ipsius.    |
| [9.]          | Ex literarum monumentis. |
| [10. 11. 12.] | Ex Autographis ipsorum.  |
| [13.]         | Ex literarum monumentis. |
| [14. & 15.]   | Ex Autographis ipsorum.  |
| [16.]         | Ex literarum monumentis. |

An. Christi MCCCCLXXXVIII. Monasterii CCCL.

*Pont. Rom.*  
 Innocentius VIII.

*Imp. Rom.*  
 Fridericus IV.

*Archi-Dux Austriae*  
 Idem Fridericus.

*Episcopus Pataviensis*  
 Fridericus II.

*Abbas Zwetlensis*  
 Wolfgangus I.

**M**aximilianus Rex & Archi-Dux  
 pridie Calendas Februarias Bru-  
 gas se contulit, ubi seditioforum tumultu  
 exorto, quem verbis & praesentia sua  
 ipse sopire frustra tentavit, capitur, &  
 in ædibus vulgò Craneburgum vocatis,  
 ut in libera custodia, custoditur. In-  
 teresa familiares ejus quoque captivi in  
 carcerem, cui lapis nomen est, rapiun-  
 tur, quorum nomina ita Gerardus enu-  
 merat: Vitus Wolckenstainus, Marti-  
 nus & Wolfgangus Polhaimil, & Man-  
 gonalius Aulæ-Praefectus. Item Can-  
 cellarius Burgundiae, Abbas S. Bertini  
 & Philippus Loëtus suis hospitibus extra-  
 cti. Adolphum Nassovium, Joannem  
 Teschitzium Stabuli-Praefectum, & Mel-

chiorem Masmunsterum quoque postu-  
 lant, sed hi commodum aberant.  
 Hanc filii calamitatem pater percipiens,  
 factis cum Matthia induciis, ipse cum  
 totius Imperii viribus (*Cuspinianus in*  
*Cesarib. sub Maximiliano I. triginta duo*  
*millia militum cum adduxisse affirmat*)  
 Belgium involat. Nec minùs interesa  
 Innocentius Pontifex feriat missis in  
 Flandriam literis & nuntiis, Brugen-  
 sibus eorumque focis, sacris omnibus in-  
 terdicturum sese minatur, nisi Roma-  
 norum Regem libertati restituant. Ve-  
 rum Maximilianus omnibus angustiis  
 circumdatus, non tantum pacem cum  
 hostibus suis inire laboravit, sed quo-  
 que Regiae virtutis memor, parcere sub-  
 jectis

jectis & debellare superbos, postea ad-  
 huc pro inimicis suis apud Patrem inter-  
 cessit, ut ipsis eandem placaret. Quam-  
 vis in pacem Fredericus durior esset,  
 quoniam nontantum filii, sed etiam  
 suam, atque aeo totius Imperii autho-  
 ritatem contesptam esse diceret, po-  
 stea tamen filicbellum Flandricum reli-  
 quit, negotiis Imperii revocatus. Re-  
 versus autem Cæsar in Germaniam,  
 Norimbergæ (rdinum conventum egit,  
 ubi graviter è Matthia Rege conque-  
 stus copias auxiliares impetrat, cum qui-  
 bus postea in Austriam missus est Alber-  
 tus Saxonie Princeps. \* [1.] Hæc  
 Gerardus de Saxonis in Austriam in-  
 gressu sentit, nimirum illum primò post  
 Cæsaris è Belgio in Germaniam reditum  
 missum fuisse contra Matthiam, quod  
 anno prior à me allatæ nonnullorum li-  
 teræ omnino negant, Ducem Saxonie  
 Crembis auxiliorem passim nomi-  
 nantes, eumque Cæsareum Generalem  
 contra Matthiam missum appellantes.  
 Unde quoque anno priori induciæ cum  
 Matthia Rege coeptæ, primùm hoc an-  
 no conclusæ fuerunt. De quibus porro  
 sic Gerardus loquitur: „ Inter hæc  
 „ Albertus Saxo cum auxiliis in Au-  
 „ striam missus, quod Matthiæ vires  
 „ illic firmiores esse cerneret, nec Ger-  
 „ maniam bello implicare vellet, post  
 „ velitationes aliquot pacem tolerabili  
 „ aliqua conditione facere studuit, &  
 „ colloquio mense Decembri (*anno*  
 „ *nimirum priori*) institutò inducias ad  
 „ octo menses pepigit, & relicta Austria  
 „ in Belgium ad Maximilianum Regem  
 „ descendit. „ [2.] Hucusque Ge-  
 „ rardus citatus: unde Maximilianus Au-  
 „ striæ statum intellexit, qui annis se-  
 „ quentibus eam recuperaturus intravit.  
 Ad quam ego quoque redeo.

„ Stahrenbergensium familia tunc  
 „ castrum Rapottenstain non procul à  
 „ Zwetla situm possidebat, cujus Do-  
 „ minus Ludovicus Stahrenbergius, qui  
 „ partes Cæsaris sequebatur, Wolfgan-  
 „ go Abbati scribit, uti Monasteriū ad

„ S. Bernardum Montsalium ordinario  
 „ visitatori, quatenus cujusdam coloni  
 „ sui substantiam à præfati Monasterii  
 „ Abbatissa confiscatam sibi restituat,  
 „ ne ipse ad alia minùs utrique tam  
 „ Zwetlæ quàm S. Bernardi Monaste-  
 „ rio proficua descendere cogatur.  
 „ Datum Rapottenstain annò Domini  
 „ 1488. feriâ 5. post Erhardi, nimirum  
 „ 9. Januarii. „ [3.]  
 „ Conqueritur item Abbat in Zwetl  
 „ Philippus Altenburgensis Cellerarius,  
 „ quatenus Monasterii sui coloni in  
 „ Mayrhoven à Capitanei Zwetlensis  
 „ gravamine seu molesta servitute libe-  
 „ rentur, qui ad comportandum ipsi  
 „ fœnum onerantur, minisque cogun-  
 „ tur. Datum in Altenburg annò Do-  
 „ mini 1488. in festo Epiphaniz Do-  
 „ mini. „ [4.]

Abbat suo F. Colomannus porro  
 nova nuntiat sequentia: „ Quòd nimi-  
 „ rum post Stronsdorf septingenti mi-  
 „ lites convenerint, pluresque ibi ex-  
 „ pedientur, quare monet vina ex Has-  
 „ lach quamprimum deportari, ne in-  
 „ disciplinato militi cedant in rapinam.  
 „ Præterea significat Matthiam Regem  
 „ ad Rhetium iter adornare, quare in  
 „ Pulka ab incolis centum avenarum mo-  
 „ dii petuntur Rhetium afferri, & vi-  
 „ varium ibidem piscatur, jejuniū  
 „ enim Quadagesimale tunc celebra-  
 „ batur. Nuntiat etiam Abbatissam in  
 „ S. Bernardo per Joannem Varadien-  
 „ sem Episcopum à Rege impetrasse  
 „ diploma & mandatum, quo à Castel-  
 „ lano Cornutensi advocatia super di-  
 „ ctum Monialium Coenobium tollitur,  
 „ & Capitaneo Egenburgensi traditur:  
 „ & hæc omnes, se excepto, latere,  
 „ qui se diploma legisse fatetur. Datum  
 „ ad S. Bernardum annò Domini 1488.  
 „ feriâ 6. in die S. Benedicti, nimirum  
 „ 21. Martii. „ [5.]

„ Iverunt porro missi Viennam F.  
 „ Thomas Cellerarius, & F. Coloman-  
 „ nus Magister curiæ in Rasing, qui  
 „ ibidem convenisse etiam se scribunt  
 Ccc c 2 „ Capi-

„ Capitaneum Spanobsky, quem in  
 „ causâ contra Præfectum de Alentsteig  
 „ promptum invenerunt, sicut hoc di-  
 „ plomata ipsius nomine Regis data  
 „ demonstrant. Nuntiant deinde no-  
 „ va, de partis utriusque in Stira con-  
 „ ventu nihil commodi aut consolatio-  
 „ nis sperandum esse, quia Rex illuc  
 „ tantum misit Cancellarium suum,  
 „ aliis Proceribus, qui mittendi erant,  
 „ retentis: & pax decima post Ægidii  
 „ die expiratura dicitur. Fuerunt  
 „ quoque apud Regem Viennæ Turcarum  
 „ Legati, quibuscum ipse triennalem  
 „ pacem conclusisset à Spanobsky  
 „ affirmatur. Hic præterea narravit in  
 „ singulis Austriæ provinciæ partibus  
 „ fore Capitaneum, penes quem rerum  
 „ summa futura sit, ipse verò Spanobsky  
 „ se brevi domum venturum  
 „ sperat. Porro significant apud Regem  
 „ Ducis Georgii Legatos esse, sicut  
 „ etiam Helvetiorum. De Belgio autem  
 „ fama Viennam pervenit, Regem  
 „ Gallorum Gandavensibus succurrisse,  
 „ & sicut Spanobsky refert, Cæsarem  
 „ unâ cum filio Rege Romanorum ibidem  
 „ obsidisse. Regem item Ungariæ  
 „ petere à Statibus Austriæ Superioris,  
 „ quatenus sibi Oberhaimerum  
 „ vivum cum satellitibus & bonis  
 „ omnibus ejusdem quamprimum dedant,  
 „ ex eo, quod Helveticorum  
 „ Legatos ad se descendentes literis &  
 „ mandatis spoliare ausi fuerint: pro  
 „ damno verò & injuriis legatis & suæ  
 „ Majestati illatis ducenta florenorum  
 „ millia sibi porrigi postulat. Demum  
 „ causam afferunt, cur Rex Legatos in  
 „ Stiram deputatos non miserit, quia  
 „ Episcopus Strigoniensis illorum præcipuus  
 „ venire illuc ad conventum recusavit.  
 „ Adum Viennæ annò Domini 1488.  
 „ Dominicâ ante Ægidii, nimirum 31. Augusti, [6.] Hucusque  
 „ præfatorum literæ. De pace hic sciendum,  
 „ à Duce Saxonie in Flandriam abeunte,  
 „ non pacem, sed inducias tantum factas fuisse, & has quidem certo

tempore duraturas: donec Stira in Superiori Austria tam Cæsarei quam Regii Legati convenirent in pacem universalem conspiraturi, qui conventus à præfatis ex absentia Strigoniensis Episcopi, qui omnem pacis potestatem à Cæsare accepisse mox dicitur, ianis evanuisse dicitur: unde induciæ quoque post Ægidii diem expirabunt. De hujus quoque spe pacis Struno liteas refert datas Aschparn feriâ 3. post Floriani annò Domini 1488. [7.] Perro sit mentio pecuniariæ multæ Austriæ Superioris provinciæ à Rege Mattha impostæ, quod nimirum Helvetiorum Legatos per eam transeuntes pacificè in olæ spoliare ausi fuerint: unde provinciales censum non tantum ad multam hanc persequendam, sed quoque ad aliarum provinciarum necessitates sublevandas incidis imposuere, quem etiam citatus Struno enumerat. [8.] Causa porro legationis Helveticæ, sicut etiam Ducis Georgii non exprimitur: conjecturam tamen habeo, Georgium hunc Ducem Bavarie fuisse, qui contra intrusum à Friderico Imperatore Georgium Hæslereum Cardinalem in Episcopatum Pataviensem, armis Cancellarium suum in Episcopum quoque electum potenter defendit Pataviæ, uti Hundius id refert. [9.] Intercessisse autem præfatus Dux Georgius pro Friderico II. è Comitibus Oettingensibus electo Patavienfi apud Regem Ungariæ per hanc legationem videtur, ut nimirum castra, oppida, & civitates in Austria sitas & à Rege occupatas ipsi uti Episcopo restitueret, qui hoc in bello partes Imperatoris secutus fuit, licet ipse domi quieverit. Revertor ad Monasterium nostrum.

„ Nicolaus Zwittar Regius in  
 „ Gmünd Burgravius mittit Wolfgango Abbati in Zwettl unum ad benedicendum antipendium pro Sacello ibidem comparatum. Datum in Gmünd annò Domini 1488. feriâ 2. post S. Thomæ Apostoli festum, nimirum 22. Decembris. „ Ex his literis

litteris colligitur Nicolaum Spanobsky Viennâ non rediisse domum in prædictum castrum, sed aliò à Rege ablegatum fuisse, cùm hic, qui antea Graetzense in Bohemia castrum nomine Regis sui tenebat, Nicolaus Zwyttar Burgavium se ipse in Gmündt Regium nominet. [10.]

Demum cùm Academia Viennensis

Matthiam in Austria tota rerum potiri videret, neque eandem ad Habsburgicos redituram crederet, cùm bellò Flandricò tenerentur, pro majori securitate privilegia sua abs Rege Matthia sibi confirmari petiit sub M. Hieronymo Hollnbrunner Rectore pro tempore & Canonico Viennensi. [11.] Ita Ederus quondam Rector ejusdem Academiæ,

## ADDITIOES.

\* [1.] Gerardus de Roë, lib. 10. Bzovius ad hunc ann. n. 1. Spondanus hic n. 1. Et præter alios, Pontus Heuterus enucleatè in Maximiliano & Philippo lib. 3. cap. 3. ad hunc annum, ex quo placuit sequentia deliberare. „Brugenses - - - concitantibus Gandensibus „in carcerem conjiciunt Willervalli Dominum, nobilem Burgundum, Dudzellium, „Cancellarium Carondeletum, Joannem Lanoium, D. Bertini Abbatem. Tunc comitati Gaudensium Legatis Romanorum Regem adeunt, dictos Nobiles in carcerem se conjecisse affirmantes, quò facilius pax, Nobilibus exorta, iniretur: deinde ut pravaos injustosque gubernatores, prædatores, „ac extortores punirent, offerentes Regi quatuor millia librarum Flandricarum, quibus domesticis Nobilibus satisfaciatur; aliâque quatuor millia, quæ corporis sui custodiis numeret. Adis Rex gratis pecuniam non petit: eodémque die in ejus cubiculum irruunt, aliquotque nebulones, capiuntque Martinum Pollainium, majorem Pollainium, Philippum Nassavium, Wolquestainium, Mingovallium, Lalanum, Philippum Wettavum, Reinerum Meinium, „Gauera Præfectum, ac aliquot alios: qui à Rege discessuri, in genua ac pedes ejus procumbunt, rogantque in bonam partem accipere dignetur quam hætenus ei præstitissent operam; constituisse se ad mortem usque eodem animò perseverare, obsecrantes sui memoriam animo deponere nollet. Respondet, se memorem officiorum ac beneficiorum ab iis acceptorum in perpetuum fore, alia ratione quam Brugenses faciant, pro quibus, inquit, non minùs quam pro me, filioque meo, contra Francorum Tyrannidem vitam non semel periculo exposuistis, fortunas exhaustistis, ingenii vires continuis laboribus obruistis. Post hæc ad carcerem ducuntur, mansitque tantùm cum Rege Sorra Comes, cum alio Germano Comite, - - -

Cap. 4. „Verentes (*Brugenses*) ne Rex „aliqua ratione aut arte è domo Craneburgica elaberetur, ei in aedes Philippi Clivii migrandum nuntiant. Respondet, se Craneburgicâ non discessurum, nisi succolantes inde se deportassent. Non redè eos facere, quòd, nullo personæ suæ respectu habito, non aliter secum agerent, quàm cum minimo comitatus sui famulo. Meminissent missa in Germaniam honorifica legatione se invitatum, rogatumque ab Ordinibus Belgarum iniquissimo durissimoque tempore fuisse, nuptias cum Maria Burunda, Flandriæ Comite, maturaret, seque in maxima Belgicæ Provinciæ perturbatione, relicto Cæsare patre, paternaque ditione, omnibus propinquis ac amicis, ad ignotam pervenisse regionem, duxisse Comitum eorum in uxorem, suscepisse liberos, decimumque jam agi annum, quòd cum maxima cura, diligentia, ac labore Belgas rexerit ac defenderit, restiteritque potentissimo Europæ Regi, Belgarum libertati, quanquam aliud simulet, semper insidianti. Proinde meminissent, se Cæsaris Friderici unicum esse filium Romanorum Regem, è nobilissima, potentissimâque Germanorum familia ortum, quem pro personæ suæ conditione alia ratione tractare debuissent, & adhuc deberent. Scire se mortalem esse, constitutum in eorum potestate, non justò bellò devictum captum, sed qui ad eos ut amicos, ac fideles subditos, sinè justo præsidio, quæ in rem eorum essent futura, cum ipsis tractaturus, sponte bonoque animò venisset; quem si nunc vellent occidere, possent: quod si fecissent, non omnes Austriacos secum occubituros, nec Brugenses planè tum compotes voti futuros, multò minùs si se Gandensibus aut Francorum Regi captivum tradidissent, in id enim omnes ingenii nervos hos tendere, ac hunc procurare tumultum, scire se certò. Proinde finem hujus tumultus rectè ac prudenter ut secum perpenderent, seriò se admo-

Ddd d

„nere,



„ nerc, ac uti patrem consulere. Moverat  
 „ his verbis, Imperatoriæ Regiæque Majesta-  
 „ tis auctoritate animique præsentia prola-  
 „ tis, omnes qui ad eum aliò deducendum  
 „ advenerant, vixque lacrymas continentes,  
 „ eo deserto, ad forum revertuntur. Abituri  
 „ Gandenses, decem à Brugenſibus petunt  
 „ captivos. Consentunt ea conditione, da-  
 „ tis literis sigillò urbis Gandensis corrobora-  
 „ ris promitterent, se eos Brugas (Deo  
 „ vitam relinquente) vivos restitutos,  
 „ cùm repetiſſent. Erant autem hi, Can-  
 „ cellarius Carondeletus, Joannes Lanoius,  
 „ Abbas D. Bertini, uterque Pollainius, Min-  
 „ govallius, Naffavius, Willeruallius, Wol-  
 „ questainius, Wettæus, Mainæus. Hi tri-  
 „ bus impoſiti plauſtris, additòque militari  
 „ præſidio, Gandavum perveniunt. Quo  
 „ animo fuerint, facilè ex eo lector conjectu-  
 „ ram facere poſſet, perpendens Imbercur-  
 „ tium ac Hugonetum, tam recenti adhuc  
 „ memoria, Gandavi in dicta causa occiſos.  
 „ Omnibus remoris famulis, et Gravenſteini in  
 „ arcem concluduntur custodiam &c. - -  
 „ Cap. 8. Prædie feſti Paſchatis Brugenſes,  
 „ reliſſò forò, quod per ſex ſeptimanas con-  
 „ tinuas inſederant, domos ſuas quiſque re-  
 „ perunt, magna ad hanc rem obſervata ſo-  
 „ lemnitate. Fuerant enim in foro cum ar-  
 „ mis circiter ſeptemdecim virorum millia.  
 „ Paulò poſt literæ à Summo Pontifice Inno-  
 „ centio Octavo ad Brugenſes ſcriptæ adſe-  
 „ runt, quibus magnà conſtitutà poenà ju-  
 „ bebantur Romanorum Regem dimittere.  
 „ Ejusdem etiam literæ ad Ordines Hanno-  
 „ niæ veniunt, quibus bellum Flandris fa-  
 „ cere jubebantur, ſi poſt ſuam moniti-  
 „ onem Romanorum Regem non liberäſſent.  
 „ Cap. 9. Interea Gandavum pervenerat  
 „ pars major Legatorum Ordinum Belgarum,  
 „ Agitur de liberatione Romanorum Regis  
 „ acerrimè, quæ tandem, poſt aliquot die-  
 „ rum ingentes diſceptationes, his eſt ob-  
 „ tenta conditionibus: Philippus Clivius,  
 „ Comes Hannonius, ac Wolqueſtani Do-  
 „ minus obſides Romanorum Regis nomine,  
 „ donec conditionibus ſatiſfecerit, Brugis ac  
 „ Gandavi manento, nominèque Clivii pater  
 „ ejus Adolſus interea Sluzam ejusque arces  
 „ gubernato. Exteros milites omnes intra  
 „ tertium liberationis ſuæ diem Rex è Flan-  
 „ dria, ac poſt ſeptimum è Belgio, ſine male-  
 „ ficio dimittit. Rex Philippum Clivium  
 „ cæterosque obſides à dicto ſibi Sacramento  
 „ liberato, poteſtatem eis faciens militandi  
 „ cum Flandris contra ſe, ſi hanc pacem vio-  
 „ larit, permittens, ut Clivius ceterique ob-

„ ſides Flandris in hanc rem Sacramentum  
 „ dicant, ac tabulas propria manu ſignatas  
 „ donent. Pacem Romanorum Rex Ordini  
 „ omnium auxiliò, ſi fieri poſſit, cum  
 „ Franco facito. Flandri ac Romanorum Rex  
 „ militem omnem dimittunt, Regiſque pro  
 „ ſeditionis compenſandis damnis incommo-  
 „ diſque ternis vicibus quinquaginta millia  
 „ aurorum liliorum perſolvunt, tabulasque  
 „ ea de re conſignatas Romanorum Regi tra-  
 „ dunt. Rex proprio ære redimi curato  
 „ Gruthuæ Dominum, Conſulem Brugen-  
 „ ſem, ac alios, qui ejus libertatem procu-  
 „ rantes capti fuere. His multæ aliæ nugæ  
 „ additæ fuere: quibus propria manu Roma-  
 „ norum Rex ſubſignatis, in libertatem po-  
 „ ſtridie Idus Maji reſtituit, quarto ſerè à  
 „ captivitate menſe, adveniente publicæ  
 „ ſupplicationi comitem ſe jungit; ſubſequen-  
 „ tèmque aſpiciens populum, hilari vultu ma-  
 „ num levans, alta inquit, ſubridens, voce:  
 „ jam tandem pacem habemus. „

[2.] Gerardus ubi ſuprà.  
 [3.4.] Ex Autographo iſorum.  
 [5.] E literarum monumentis.  
 [6.] Ex Autographis iſorum.  
 [7.&8.] Struno in Annal. Super. Aus-  
 triæ. „ Annò 1488. beſchleicht ein Fri-  
 „ dens Tractation mit Ungarn, davon ſchreibt  
 „ Herr Hanns von Wiſſerſdorff Ritter, Frauen  
 „ Ameley Herrn Hannſen von Franckenſtein  
 „ Wittib: Ich laß euch wiſſen, daß der Bi-  
 „ ſchoff von Gran und des Königs von Un-  
 „ garn Rath auf den nächſten Auffarts-Tag  
 „ bey Steuer zuſammen kommen ſollen, und  
 „ zwischen des Röm. Kayſer und des Königs  
 „ Taidungen thun werden, auf etlich Jahr  
 „ ein friedlich Anſtand, oder ein gantzen  
 „ Friden zu machen. Dan der von Gran hat  
 „ völligen Gewalt von Röm. Kayſer &c.  
 „ Geben Aſparn Erchttag nach Floriani. „  
 Ex litteris penes me.

„ Item beſchleicht ein Bewilligung von  
 „ Hauß 1. Gulden und dreinhalb der Tonau  
 „ 3. ſ. und wird verrait zu Lintz in den  
 „ Pfingſt-Feyrtagen annò 1489. als von Virl  
 „ zwischen der Traun und Enns 2761. Pf. 5. ſ.  
 „ 20. dn. Von Virl am Hauſruckh 2791.  
 „ Pf. 2. dn. Von den Virl in Mühlant  
 „ (Mühl Virl) 1414. Pf. 6. ſ. 17. dn. Das  
 „ Virl im Machland 1775. Pf. 79. dn. Von  
 „ den Urbers Leithen (oder Holden) 699.  
 „ Pf. 50. dn. Von abſezen der Prieſter  
 „ allein von Miniſtern Pfahrhern zu Wels  
 „ 178. Pf. 5. ſ. 13. dn. Summa 9608. Pf. 2. ſ.  
 „ 16. dn. „ Ex lib. Herrn Achaz Hohen-  
 „ felder,

[9.] Hundius in Metropoli sua sub  
Udalrico III. & Friderico II. Episcopo. Pa-  
taviens.

[10.] Ex Autographo ipsius.  
[11.] Ex Catalogo Rectorum Viennen-  
sium hoc anno.

# Ann. Christi MCCCCLXXXIX. Monasterii CCCLI.

*Pont. Rom.*  
Innocentius VIII.

*Imp. Rom.*  
Fridericus IV.

*Archi-Dux Austriae*  
Idem Fridericus.

*Episcopus Pataviensis*  
Fridericus II.

*Abbas Zwetlensis*  
Wolfgangus I.

„ Circa hoc tempus Sigismundus  
„ Tyrolensium Princeps, quod le-  
„ gitimam prolem haberet nullam, Ma-  
„ ximilianum patruelis filium adoptio-  
„ nis jure hæredem omnium suarum  
„ ditionum instituit.

„ Eisdem diebus tentata etiam pax  
„ est inter Fridericum Imperatorem &  
„ Matthiam, ad quem Viennæ graviter  
„ ægrotantem Legati à Friderico &  
„ Maximiliano, qui Lincii erant, missi  
„ sunt, cum quibus ad eos venit Joan-  
„ nes Varadiensis Præsul, uti pacem  
„ conficeret. Imperator Austriam sibi  
„ absque ulla sumptuum restitutione  
„ reddi volebat. Matthias septuaginta  
„ aureum nummum millia sibi exsolvi  
„ postulabat. Maximilianus improba  
„ Regis postulatione & paterna tena-  
„ citate juxta offensum, medioeritatem  
„ inter duo extrema amplectendam sua-  
„ debat. Hunc Matthias aut ex animo  
„ diligebat, aut suis de causis id facere  
„ videri volebat, quadringentas enim  
„ vini urnas cum totidem bubus, &  
„ duodena aureorum millia donò ei  
„ misisse dicebatur, quam ob causam  
„ Bonfinius patri suspectum & collo-  
„ quiò prohibitum fuisse filium prodi-  
„ dit. Et sic frustra tunc de pace actum  
„ fuit. Cum verò Rex æger secundo  
„ flumine Budam descendisset, mittitur  
„ eò cum septem collegis Otto Bava-  
„ riæ Princeps splendida legatione. Hi  
„ magnificè excepti & multis muneribus  
„ culti, nihil de pace transigere  
„ potuerunt. Interim Maximilianus  
„ ulterius paulò in Austriam descen-  
„ dens crebros de Matthiæ valetudine

„ nuntios quotidie accipiens animos  
„ quorundam provincialium sibi con-  
„ ciliare studebat. Jamque in omnium  
„ ore erat ex Astrologorum divinatione  
„ Matthiam eo anno moriturum. Tan-  
„ dem missis ultrò citròque Legatis  
„ pax Budæ proclamatur, & ad Idus  
„ Septembris dies dicitur, ad quem  
„ diem Imperator & Rex præsentem eam  
„ ratam haberent. Sed in gravescente  
„ indies morbo conventus ille semper  
„ in sequentem mensem prolatatur.  
„ \* [1.] Hæc Gerardus, quæ multam  
„ lucem afferent sequentibus, quæ ex ve-  
„ tustate Monasterii eruuntur.

„ Nicolaus Spanobsky Regis Ungæ-  
„ riæ in Gmündt Capitaneus Wolf-  
„ gango Abbati scribit, se percepisse co-  
„ lonum unum Monasterii nomine Rai-  
„ del de Ruedmans unà cum compli-  
„ cibus suis equos duos cuidam de in-  
„ feriori Eberharts rapuisse, quem pe-  
„ tit eò compelli, ut quamprimum ra-  
„ ptos equos restituat. Si autem Ab-  
„ bas recusarit hoc, minatur Mona-  
„ sterii colonis quoque vincula & car-  
„ ceres aliàsque molestias, donec satis-  
„ factum sibi putet. Datum Gmündt  
„ annò Domini 1489. feriâ 6. post Cir-  
„ cumcisionem Domini 2. Januarii.  
„ [2.] Hæc literæ docent, Nicolaum hunc  
„ primarium jam castri Gmündensis Ca-  
„ pitaneum Regium fuisse, ceteros autem  
„ ejusdem tantum vasallos, quorum anno  
„ superiore mentionem hinc inde ex co-  
„ rum literis feci. „ Ex his unus Nico-  
„ laus Zwitter ab Abbate in Zwetl pe-  
„ tit currus ad avenam ex Strallbach  
„ in Gmündt afferendam. Datum  
„ Ddd d 2 „ Gmündt

„ Gmündt annò Domini 1489. feriâ 3.  
 „ ante Antonii 13. Januarii. „ [3.]  
 „ Descenderat interea Wolfgangus  
 „ Abbas Viennam valetudinis suæ cu-  
 „ randæ gratiâ, cui Conventus Zwet-  
 „ lensis ita scribit, se à Michaële Sla-  
 „ gero de Waidhofen atque à pistore  
 „ de Windigsteig percepisse Plebanum  
 „ ibidem Joannem diem suum obiisse;  
 „ successorem in dicta Parochia tum  
 „ civis Waidhofensis, cum Parochiani  
 „ rogant sibi nominari Slageri filium,  
 „ unde responsum postulant. Deinde  
 „ affirmant se ad relicta ipsius confi-  
 „ gnanda & conservanda F. Petrum  
 „ constituisse, qui interea simul ibidem  
 „ omnia Plebani officia exhibet & ad-  
 „ ministrat. Actum in Monasterio  
 „ Zwetl annò Domini 1489. feriâ 3.  
 „ post Invocavit, nimirum, 17. Fe-  
 „ bruarii. „ [4.]

„ Conqueritur porro Erasmus Gärt-  
 „ ner Cæsareus Capitaneus in Tiernstain  
 „ Wolfgango Abbati in Zwetl propter  
 „ quosdam in Langenslag Abbatissæ  
 „ Tiernstainensis colonos ibidem à  
 „ Monasterii Zwetlensis Capitaneo  
 „ molestiis, variis servitutis oneribus,  
 „ atque homagiis vexatos, quos tamen  
 „ Regi Ungariæ homagii nomine cen-  
 „ sum porrexisse affirmat. Capita-  
 „ neum igitur Zwetlensem eò deduci  
 „ rogat, ut à vexatione præfatorum  
 „ colonorum absteineat, ne ad Regem  
 „ ipsius ille appellare cogatur, & in-  
 „ terea vice versa Monasterio Zwet-  
 „ lensi damna inferre compellatur.  
 „ Datum in Tiernstain annò Domini  
 „ 1489. feriâ 3. ante Philippi & Jacobi.  
 „ [5.]

Inter cetera Monasterii Zwetlensis  
 monumenta extat diploma sequentis  
 tenoris: „ Maximilianus D. G. Roma-  
 „ norum Rex semper Augustus, Archi-  
 „ Dux Austriæ, Dux Burgundiæ, Bra-  
 „ bantiæ & Geldriæ, Comes Flandriæ  
 „ & Tirolis, &c. Datum Oeniponti  
 „ annò Domini 1489. 5. Maji, regni  
 „ verò sui annò quartò. „ [6.] Ex

quo docemur Maximilianum jam Tiro-  
 lim à Sigismundo patruele suo accepisse,  
 cum exinde se jam scripserit, qui etiam  
 eidem ex parte sua Austriam celsit atque  
 ceteras hæreditarias ditiones.

Venerat jam in Austriam Superio-  
 rem Fridericus cum Maximiliano filio  
 pacem cum Matthia tentaturus, quo-  
 rum Rex adventum percipiens, bellum  
 præ soribus esse reputans, cum ipse in-  
 firmaretur, alium sui loco belli ducem  
 constituit Comitem Stephanum, ut  
 nudo nomine indigitatur, de quo  
 ita Wolfgango Abbati in Zwetl Ni-  
 colaus in Bethlem Regius in Retz Ca-  
 pitaneus scribit; „ quòd à Rege suo  
 „ in mandatis acceperit, ut omnibus &  
 „ singulis in ea parte Austriæ, quæ su-  
 „ pra Mainhardi montem limitatur,  
 „ provincialibus ejus nomine mandaret,  
 „ quatenus in armis parati inveniantur,  
 „ quancumque in campum à Comite  
 „ Stephano Regis Ungariæ & Bohe-  
 „ miæ, nec non Ducis Austriæ &c. Su-  
 „ premo Capitaneo evocabuntur, ut  
 „ sese in auxilium Regis præsentent.  
 „ Deinde nuntiat nulli amplius præ-  
 „ standum esse homagium, nec etiam  
 „ hostibus, nisi prius ipsi notificetur.  
 „ Demum omnes prædatores & viarum  
 „ infensores atque sine officio vagabun-  
 „ dos, capiendos & in vincula conj-  
 „ ciendos pronuntiat. Datæ in Retz  
 „ annò Domini 1489. feriâ 6. ante Pen-  
 „ tecosten 15. Maji. „ [7.] Hæc man-  
 „ data ideo Rex Austriacis offerri jusserat,  
 „ tum ut eorum in se animos discere pos-  
 „ set, cum si Cæsar contra se irrumperet,  
 „ si non omnes, saltem nonnullos, quos  
 „ sibi fideliores jam aliquoties probarat,  
 „ ipsi cum suo exercitu opponere valeret.  
 „ Sublatis autem per has literas omnibus  
 „ homagiis, etiam Cæsareanis præstitis,  
 „ sublatis quoque fuerunt salvi conductus,  
 „ atque ita itinera ubique ab hostibus ob-  
 „ fessa incolas ubique domi continebant,  
 „ nisi manifestis periculis se suâque obji-  
 „ cere vellent.

Erant rursus lites Abbati cum Mis-  
 sing-

„singdorfio de Dobra, ad quas diri-  
 „mendas partes suas interponebant  
 „Albertus de Rohr & Paulus Stado-  
 „legk, qui Abbati nuntiant, quatenus  
 „responsum ejus super lite exorta signi-  
 „ficari Wilhelmo de Missingdorf curā-  
 „rint, qui contentus quidem est, sed  
 „ultrā coram D. Christophoro de  
 „Liechtenstain Austriæ Mareschalco  
 „causam suam decidi petit, & hoc ut  
 „fiat ante comitia provincialia proxi-  
 „mē ventura postulat vel feriā 3. vel  
 „4. unde sibi quid Abbati videatur,  
 „rescribi petunt. Datum Ottenstain  
 „annō Domini 1489. feriā 2. post Mar-  
 „garethæ, nimirum 13. Julii. „ [8.]

## ADDITIONES.

\* [1.] Gerardus de Roó lib. 10. Histor.  
 Austr.

Piespordius in Sigismundo I. „ Sigis-  
 „mundus I. Austriacus Sueviæ & Tyrolensium  
 „Princeps, Marchio Burgoviæ, Landgravius  
 „Alsatie, Hohenbergensis, Veldkirchen-  
 „sis, Hegovien-  
 „sis, Lauffenbergensis, Ferettæ,  
 „Sundgoviæ, & Brisgoviæ Comes, &c. . . .  
 „Successorum & heredem in omnibus præ-  
 „dictis Principatibus instituit Maximilianum  
 „Primum. „

Hundius in Metropoli sua sub Episcopis  
 Brixinensibus in Episcopo 68. Georgio sub hoc  
 anno.

Bzovius Tom. 18. ad hunc annum n. 7.  
 „Convenit tandem inter dissentientes. Dūm-  
 „que festa Sanctissimæ Eucharistiæ celebra-  
 „rentur, in longissima sacræ pompæ trans-  
 „vectione, Budæ, cū Matthias Rex ex alto  
 „spectaculo præsideret, in frequentissima  
 „concione pax inter Fridericum Imperato-  
 „rem, Maximilianum Romanorum Regem,  
 „& Matthiam publico edicto promulgata fuit  
 „Concordiæ verò præsentia partium confir-  
 „mandæ; Comitium ad Idus Septembris in-  
 „dictum, ubi Imperator & Reges pactis con-  
 „ditionibus satisfacerent, & de reliquis tran-  
 „sigerent. Increbrescente Matthiæ morbo,  
 „res in alterum mensem prorogata. Inde  
 „postea Novembre & Decembre nihil actum,  
 „illo tertiana febri laborante. Inter alia quæ  
 „Angelus Hortanus Antistes Nuntius Apo-  
 „stolicus apud Regem Matthiam egit, fuit li-  
 „beratio Petri Archi-Episcopi Colociensis,  
 „quem Matthias ob libertatem consiliorum  
 „jam ab aliquot annis in custodia habuerat.  
 „Bonfin. dec. 4. lib. 8.

Porro coloni Monasterii in Wurm-  
 prant & Behaimbstorf circa hoc tem-  
 pus à Weitracensi præsidio homagiis  
 vexati fuerant: „ unde Alexandro  
 „Schiffer Præfecto Weitracensi Abbas  
 „conquestus est, cur ipse ausus sit etiam  
 „contra Cæsareum diploma eam ob  
 „causam Monasterio Zwetlensi tradi-  
 „tum, subditos suos vexare, castrum  
 „enim Weitra sicut etiam civitas sub-  
 „jecta Cæsareum tenebat præsidium:  
 „verum Præfectus dicti castri negat ea,  
 „quæ ipsi obijciuntur. Datum in  
 „Weitra annō Domini 1489. feriā 2.  
 „in festo Laurentii. „ [9.]

N. 8. „Impulit Matthiam ad hanc pacem  
 „fanciendam, præter Pontificis authoritatem,  
 „merus à Polonis & Bohemis. Wladislaus  
 „Bohemiæ Rex, & privata & communi inju-  
 „ria movebatur ad bellum illi inferendum.  
 „Multa de Wladislao is partim bello, partim  
 „iniquo fœdere quæsierat: pluraque in dies  
 „appetebat, Ducēsque Silesios, Joannem Ze-  
 „ganensem, & Henricum Munsterbergensem,  
 „durissimis pactis ad dedendas sibi munitiones,  
 „Zegantum, Sprotaviam, Cozuchoviam,  
 „Suebodinum, Grunbergam, Polcoviciam,  
 „Vartambergam, & Franchesteinum adege-  
 „rat: Joannem Ducem Glogoviensem Ducatu  
 „exuerat, & expulerat; quin & Bohemiæ  
 „quoque imminere videbatur, & in Wla-  
 „dislai caput Bohemos quosdam Sicarios  
 „comparasse dicebatur. Ergo ad eas inju-  
 „rias propulsandas, bellum Matthiæ inferre  
 „statuerat; maxime quando etiam Friderico  
 „Imperatori, velut cliens Imperii deesse rectè  
 „non potuerit. Sed omnia domi, forisque  
 „suspecta habens, & in paupere regno tam-  
 „men, alieno quoque nomine valde obæra-  
 „tus, cū se Matthiæ viribus imparem esse,  
 „& Fridericum non modò nihil opis afferre  
 „sibi posse, verum etiam ope sua indigere  
 „cerneret, cum Casimiro patre Rege Polo-  
 „niæ, societatem armorum junxit. Casimi-  
 „rus ne quid interea à Bajafete pateretur,  
 „cum barbaro fœdus icit, hac lege, ne quid  
 „alter, alterius ditioni incommo-  
 „daret. Unde Matthias omnium non ignarus, cū non  
 „tantum vires conjunctas Bohemorum &  
 „Polonorum metueret, verum etiam Bajafe-  
 „tem suspectum haberet; ne se bellis cum tot  
 „Regibus implicato aliquid contra Ungariam  
 „Ecc e „moli-

„ moliretur, ad pacem inclinavit. Cromerus  
 „ lib. 29. rerum Polonicarum. „  
 { 2. & 3. } E literarum monumentis.  
 { 4. } Ex Autographis ipsorum.

{ 5. } E literarum monumentis.  
 { 6. } E diplomate Regio Maximilianæ,  
 { 7. } Ex Autographo ipsorum.  
 { 8. & 9. } E literarum monumentis.

## Annus Christi MCCCCXC. Monasterii CCCLII.

*Pont. Rom.*  
 Innocentius VIII.

*Imp. Rom.*  
 Fridericus IV.

*Archidux Austriae*  
 Maximilianus I.

*Episcopus Pataviensis*  
 Christophorus.

*Abbas Zwetlensis*  
 Colomannus.

„ **M**atthiae Ungariae Regi conjecto-  
 „ res Novembrem aut Decem-  
 „ brem fatalem praedixerunt, quibus  
 „ jam exactis spe plenius, & ex tertia  
 „ febre paululum, uti videbatur, re-  
 „ creatus, Viennam rediit, ubi apople-  
 „ xia correptus amisso loquendi usu in-  
 „ ter maximos cruciatus & rugitus leo-  
 „ nis more editos animam Deo reddi-  
 „ dit, Nonis Aprilis, anni nonagesimi  
 „ super mille quadringentos. „ \* [1.]  
 „ Hæc Gerardus de Matthiae bellicissimi  
 „ Regis obitu. Post cuius mortem regni  
 „ Ungarici competitores numerat Fride-  
 „ ricum Cæsarem, & Maximilianum ejus  
 „ filium, Joannem item Corvinum Mat-  
 „ thiae naturalem filium, Vladislaum Bo-  
 „ hemiae Regem, & fratrem ejus Alber-  
 „ tum Poloniae Principem. Ex his ta-  
 „ men vicit fortuna Vladislai, quem in  
 „ regni & thalami consortem maximè ju-  
 „ vabat relicta Matthiae Beatrix Arrago-  
 „ nia, scemina latini eloquii non ignara,  
 „ & linguâ potens. „ Interea Austriaci  
 „ (*Gerardi sunt verba*) Ungariam do-  
 „ mesticis turbis laborare videntes, ad  
 „ Fridericum ejusque filium legitimos  
 „ suos Dominos respiciebant. Igitur  
 „ Viennenses advenientem cum equi-  
 „ tibus Maximilianum undecimò Ca-  
 „ lendas Septembris gratulabundi ac-  
 „ ciipiunt, ad Divi Stephani deducunt,  
 „ libertatis hymnum decantant. Postri-  
 „ die arx oppugnari cœpta, ubi Maxi-  
 „ milianus inter primos rem strenuè  
 „ gerens, pectus vulneratur. Ungari  
 „ verò deditione facta discedunt mitiùs  
 „ opinione habiti. Eodem modo &

„ Neapolim civitatem, & Pontes ad  
 „ Leytham recepit, ac paulò post Clau-  
 „ strum Neoburgum armis in potesta-  
 „ tem redegit. „ [2.] Hucusque  
 „ Gerardus, qui deinde bellum Ungari-  
 „ cum latius describit, cujus causa fuerat,  
 „ quia Maximilianus à regno sibi ex pactis  
 „ conventis debito cedere omnino nole-  
 „ bat, unde conscripto exercitu Semprom-  
 „ nium, Sabariam, ac tandem Albam-  
 „ Regalem capit & munit praesidiò, Bu-  
 „ dam quoque regni Metropolim cœpisset,  
 „ nisi militum seditio suorum ipsum  
 „ impedivisset. Rediens igitur in Austriam  
 „ Maximilianus, ex primis barbarum au-  
 „ thoribus aliquot suspensio, partim Vi-  
 „ ennæ adductos gladiò percuti jubet.  
 „ Hamburgi arx per eosdem dies in po-  
 „ testatem quoque venit, jamque Austria  
 „ penè omnis ad obsequium redierat, ne-  
 „ que enim Vladislaus, quæ extra regni  
 „ limites à Matthia capta erant, defendere  
 „ curabat, domi suarum rerum satagens;  
 „ & Ungarorum praesidia passim dilabe-  
 „ bantur.

„ Porro Fridericus II. Pataviensis  
 „ electus, dum apud Imperatorem pro  
 „ Regalium collatione & investitura  
 „ nimis laborat, in oppido Lintzensi  
 „ præter omnium spem profluvio ven-  
 „ tris fatis concessit initio Quadragesi-  
 „ mæ. Sepultò Patavii Fridericò, Ca-  
 „ nonici festinabant ad alterius Episco-  
 „ pi electionem, igitur unanimi omni-  
 „ um consensu in ipsa Quadragesima  
 „ 11. nimirum Martii hoc anno ex De-  
 „ cano Episcopus designatur Christo-  
 „ phorus cognomentò Schachnerus ex  
 „ „ nobili

„ nobili apud Bavaros familia exortus.  
 „ Electus Episcopus confirmationem  
 „ ab Innocentio VIII. Pontif. Max. Ro-  
 „ mam profectus absque difficultate  
 „ obtinuit. „ [3.]

„ Redierat jam sanior Matthias ex  
 „ Ungaria Viennam, apud quem tunc  
 „ morabatur Nicolaus de Bethlem Re-  
 „ gius in Retz Capitaneus, qui Wolf-  
 „ gango Abbati scribit, quod à Rege  
 „ suo in mandatis habeat, ut censum  
 „ dictum Aufschlag juxta Zwetlam col-  
 „ ligat, viasque una securas reddat, ne  
 „ bona Regis sui fiscalia subtrahantur  
 „ aut rapiantur. Quapropter missu-

„ rum suum famulum petit, quatenus  
 „ illum suscipiat; quod ipsi coram Re-  
 „ ge suo fore commodo promittit: si  
 „ verò aliter egerit, timendum pluri-

„ mis incommodis inde emanaturis.  
 „ Datum Viennæ annò Domini 1490.  
 „ feriâ quartâ post Antonii, nimirum

„ 20 Januarii. „ [4.] Conjecturam  
 „ aliquam mihi pariunt hæ litteræ, præ-  
 „ sidium Ungaricum jam è Monasterio  
 „ discessisse aut revocatum esse. Conje-  
 „ cturam meam confirmat Wolfgangus  
 „ Abbas, qui ait Ungaros cum ducentis

„ viris ad annos penè tres Monasterium  
 „ tenuisse. [5.] Si igitur Annò Domini  
 „ MCCCCLXXXVI. feriâ tertiâ post  
 „ Martini in campis ante Egenburgam  
 „ dato Regio diplomate Spanobsky cum  
 „ milite Monasterium Zwetlense violent-  
 „ ter occupavit, utique jam Annò  
 „ MCCCCLXXXIX. circa Martini tres  
 „ anni integri effluxerunt, atque Mona-  
 „ sterium Ungari reliquerunt. Quare  
 „ etiam Bethlemus præfatus petit in Mo-  
 „ nasterium famulum suum suscipi; quod  
 „ minimè scriberet, si Ungarorum præsi-  
 „ dium adhuc Monasterium tenuisset.

„ Vix abiérant Ungari, & agricolæ ar-  
 „ tem à Mercuriano milite rapiendi quo-  
 „ que didicerant; „ unde Wolfgango  
 „ Abbati conquestus Joannes de Mali-  
 „ ckenn Novæ-Domus Burgravius,  
 „ subditis suis duobus de Schomars in  
 „ suburbiis Zwetlensibus Reydelium &

„ Zimmereccerum de Ruedmars noctu  
 „ è diversorio furatos esse duos equos,  
 „ quos sibi restitui postulat. Ex Nova-  
 „ Domo annò Domini 1490. feriâ quin-  
 „ tâ post Conversionem S. Pauli, nimi-  
 „ rum 28. Januarii. „ [6.]

„ Erat tunc temporis Plebanus in  
 „ Edelbach Georgius Klinger, hic unâ  
 „ cum Laurentio Plebano in Buech li-  
 „ tes habuerat cum Joanne Träthändl  
 „ Plebano in Windigsteig, erant hi  
 „ Presbyteri Sæculares ab Abbate ad  
 „ Monasterii nostri Parochias in Edl-  
 „ bach & Windigsteig promoti, unde  
 „ à Wolfgango Gabler Decano & Ple-  
 „ bano in Gmündt ad suam citantur  
 „ præsentiam, responsuri querelis Jo-  
 „ annis prædicti. Datum Gmündt  
 „ annò 1490. „ [7.] Docemur ex

„ his literis Decanatum de Zwetlensi Pa-  
 „ rochia translatum fuisse in Gmündt.  
 „ Nam Andreas Königstainer, qui prio-  
 „ ribus annis se Plebanum & Decanum in  
 „ Zwetl scripserat, modò Præposituræ  
 „ titulò ornatus non ampliùs se nominat  
 „ Decanum, sed tantum Præpositum, cujus  
 „ hoc anno 25. Januarii mentio habetur  
 „ in literis suis in causa hæredum Buech-  
 „ ecker de Moydrants datis. Hic autem  
 „ Annò MCCCCLXXXIII. 19. Novem-  
 „ bris se Plebanum in Zwetl & Decanum  
 „ scribit, inde Annò MCCCCLXXXVII.  
 „ 9. Octobris, Præpositum jam se & De-  
 „ canum simul vocat: hoc tandem anno  
 „ solum Præpositum sese nuncupat, qui  
 „ à Friderico Imperatore Præpositi titu-  
 „ lum, Parochiâ in Præposituram mutatâ,  
 „ recepit. Litteræ Fundationis hujus  
 „ Præposituræ cum titulo: Ad Sanctum  
 „ Salvatorem Claræ-Vallis, à Fride-  
 „ rico Imperatore datæ sunt in Nürnberg  
 „ añò 1487. in die S. Lucie; ubi Præpositus,  
 „ Decanus, & duodecim Canonici specia-  
 „ libus privilegiis muniti constituuntur.

„ Porro Wolfgangus Abbas in Zwetl  
 „ variis bellis, molestiis, curis, & labori-  
 „ bus fatigatus, insuper ætate confectus,  
 „ morbis affligi cœpit, unde à Conventu  
 „ Ee c 2 suo

fuo rogatus sese Medicis ad corporis valetudinem conservandam traderet, ipse Viennam eum in finem descendit. Ubi cum lecto decumberet, memor suorum domi relictorum Venerabilis Senex ad Priorem suum Wolfgangum Oertl admonitionem vitæ suæ finis præfagam ipse perscripsit, cujus hæc sunt verba : „ Dilecte Prior, ex quo nos gravi detinemur infirmitate, & cuncta in „ Dei voluntate sunt posita, & ignoramus, quidquid sua omnipotentia nobiscum disposuerit, ut autem fatis fiat institutionibus antiquorum Patrum, „ & ne salubritas aniniarum negligatur, damus & concedimus vobis auctoritatem super omnes Fratres in „ Monasterio existentes, eos ad confessionem generalem recipiendos, & „ sitis circumspectus, ne aggravetis conscientiam vestram, & habeatis „ vobis Conventum recommissum, scienter confidimus, quia quicquid in „ ovibus delinquitur, hoc de manu „ Pastoris requiritur. Datum Viennæ „ annò Domini 1490. feriâ secundâ post „ Oculi, nimirum 8. Martii. „ [8.] Hæ ipsius litteræ nos docent, quàm servens Ordinis Sacri zelator & amator Abbas Wolfgangus fuerit, qui etiam inter tumultus bellicos, inter milites Ungaros disciplinam regularem non omiserit promovendam, insuper infirmitate gravi detentus cogitavit de animarum salute Fratrum suorum. Capitula autem Patrum nostrorum generalia fanxerunt, ut quilibet Fratrum circa festa Paschalia generalem seu potiùs annualem Abbati suo confessionem faceret, vel ei, cui auctoritatem suam Abbas cessisset. Unde quoque infirmitate impeditus eam potestatem Wolfgangus Priori suo commisit.

Dum hæc circa Monasterium geruntur, obiit interea Episcopus Pataviensis, sicut suprâ retuli, atque alius in ejus locum mox subrogatus fuit, atque etiam Andreas Künigstainer Præpositus Zwetlensis Præposituræ cessisse videtur; nam

alius quidam eandem occupavit, atque eodem titulo usus fuit. „ Hanc obrem „ Michaël Lochmayr Canonicus & „ Magister Fabricæ Ecclesiæ Pataviensis scribit Magistro Wolfgango Gabler Decretorum Baccalaureo, Decano & Plebano in Gmündt, quatenus collectam in Austria ad Fabricam „ secundum mandatum apud se signatum detineat, & propterurbationem jurisdictionis officialis in Austria in Vienna, ipsi prædicto Magistro Wolfgango committit Officialatus munus interea obire, donec Reverendissimus electus ab Urbe, quò ob confirmationem suam profectus est, redierit, & aliter disposuerit. In „ majoribus verò causis ipsi intimat recursum habere ad Capitulum Pataviense. Deinde jubet, si Sacerdotes Swerzeri, qui se gerebat Zwetlæ Præpositum, citati comparere noluerint, citari eos faciat ad Capitulum. Swerzerus enim solus à jurisdictione Officialis in Austria exemptus esse reperitur. Ait porro ipsum Swerzerum cedere debere Præposituræ titulo, & deinceps se non scribere Præpositum, sed tantum Plebanum in Zwetl, sicuti articuli concordie sonant, quorum copiam dicit se mittere ipsi velle, quamprimum ex Lintz Joannes Prenner Canonicus domum redierit. Datum Pataviæ annò Domini 1490. in Cæna Domini 1. Aprilis. „ [9.] Ex hac literarum copia duo occurrunt notanda; inprimis quòd referatur propterurbationem jurisdictionis Officialis Viennæ Pataviensis, resignare se Officialatum in Inferiori Austria Pataviensem, sciendum, hoc tempore Viennæ Episcopatum tenuisse Urbanum Agriensem Episcopum Matthiæ Regis Ungariæ Quæstorem, quò, dum Rex præfatus urbem cepisset, defunctò, administratorem se gessit Episcopatus ejusdem Matthias quidam Episcopus Seccoviensis, sed ex catalogo Episcoporum expungitur, [10.] quia neque

neque præsentatus, neque confirmatus fuit, huic anno præsentè Episcopus IV. successit Joannes Vesprinienſis, qui reliſſo Vladislao partes Maximiliani ſibi facta de Viennensì Episcopatu, ut Gerardus de Roó Hiſtor. Auſtr. lib. 10. loquitur, ſecutus eſt. Sub his Episcopis Viennensibus jurisdictio Pataviensìs Episcopi in urbe oppugnabatur ex occasione, quia Patavii quoque diverſorum Episcoporum electio diſſona, & cum Matthia Ungaro diſcrepans audiebatur, unde Officialis Viennæ Pataviensìs à ſuis auxiliò deſtitutus mirum in modum ab adverſa parte vexabatur, ut inde cedere coactus fuerit, commendato interea Officialatù munere Decano Gmündensì, ne in tota Auſtria poteſtas Officialis exſtingueretur. Noviter enim electus Pataviensìs Chriſtophorus Schachnerus Romæ apud Papam confirmationem ſuam ſollicitabat, uti ſuprà memoravi. Alterum notandum eſt, & quidem nonnullam ſecum fert difficultatem, cur Swerzerus ſe Præpoſitum in Zwetl nominet, vivò adhuc Andream Königſtainer primò Præpoſitò ibidem, ſicut inſrà ejus mentio ſæpiùs occurret: inſuper cur Swerzerus, quatenus Plebanus in Zwetl à jurisdictione Officialis eximatur, niſi forſan Dominum non patiebatur Officialem, quia Dominum habebat Præpoſitum ſuum. Verùm cum Præpoſiti titulò uſus ſit, à quo abſtinere jubetur, apparet eum cum Andream Königſtainer legitimo Præpoſito habuiſſe diſcordias, unde quoque ab Officiali Pataviensì Sacerdotes Swerzeri ſeu ſocii divinatorum ad Decanum vel ad Capitulum Pataviensè citari mandantur, utique Præpoſiti ſui querelis reſponſuri. Tempus autem referet tum turbationem jurisdictionis Officialis, cum Swerzeri diſcordias.

Nicolaus Spanobſky adhuc in Gmündt Capitaneum Regium agebat. „ Hic Ungarum quendam ſibi additum, „ ſed idiomate Ungarico ignarum, Ma- „ giſtrum manipulare cum milite ad

„ S. Yppolitum ſe mittere ſcribit, cui „ in villis Monafterii binis vicibus per- „ noſtandum eſſe ait, ſi vult Abbas tutus „ eſſe in colonis ſuis, quamvis antea „ illos non lædendos eidem inhibuerit, „ duos tamen de Monafterio viros „ cum ipſo mittere jubet, quic colonos „ Monafterii ipſi ſignificent. Datum „ Gmündt annò Domini 1490. Domi- „ nicà poſt Philippi & Jacobi, nimi- „ rum 2. Maji. „ [11.]

Matthia Rege Nonis Aprilis defun- ſto, Fridericus Cæſar & Maximilianus Romanorum Rex ad recuperandam Auſtriam animum adjecerant, unde Proceres Auſtriæ percuſſi, præſertim qui partes Matthiæ ſoviſſent, pedetentim gratiam Cæſaris & Romanorum Regis requirebant. Sic quoque Abbas Wolfgangus (quia Ungaros hætenus in Monafterio ſuſtinere cogebatur, ut ſuprà dixi) Lincium F. Thomam Magiſtrum vinorum dirigi mandarat, ut ſi de Monafterio Zwetlenſi Rex Romanorum quæſtionem moveret, cujus partis eſſet, quémque Dominum agnoſceret aut agnoſciſſet, eſſet qui reſponderet de præſenti & præterito.

„ Porro Stephanus Rettenberger „ Commiſſarius Jubilæi ſubſcripti rogat „ & petit mutuam ſibi dari ab Abbate „ veſtem pro inſtanti inthronizatione „ Eccleſiæ B. Mariæ V. in oppido Zwetl, „ ſicut eſt pluviale, ad cujus inthroni- „ zationem (*potius dedicationem*) Inno- „ centius Papa VIII. Indulgentias ple- „ narias ſeu Jubilæum conceſſiſſe ſcri- „ bit. Datum in oppido Zwetl annò „ Domini 1490. penultimà Maji. „ [12.] Apparet ex his, antea Parochia- „ lem Eccleſiam in monte ſtetiſſe, ubi „ modò Præpoſitus ſedem habet, nam ante „ unum ſæculum ferme eadem Parochia „ à Bonifacio Papa IX. Monafterio Zwet- „ lenſi unà cum Parochiis Cifterſdorf, „ Sweickers, & Windigſteig incorpora- „ tur, cujus hæc ſunt verba: „ Ac Pa- „ rochiam, *inquit* Papa, S. Joannis „ Evangelistæ dictam in monte Zwetla „ Fff f „ ad



„ ad collationem Episcopi Patavienſis  
 „ pro tempore exiſtentis pertinentem;  
 tandem circa hoc tempus Eccleſiam  
 B. Mariæ, quæ hodie Parochialem juriſ-  
 dictionem habet, ædificatam fuiſſe, at-  
 que pro ejus dedicatione ab Innocentio  
 Papa VIII. Indulgentias plenarias per  
 modum Jubilæi accepiſſe.

Præterea Joannes Træthan quon-  
 dam in Windigſteig Plebanus cum ad-  
 huc in vivis eſſet, & jam Parochia Ste-  
 phano Aspenhawſer collata fuiſſet, at-  
 que ex infirmitate eam ſponte reſignâſ-  
 ſet, in extremis cum morte diu collu-  
 ctatus, legavit dictæ ſuæ quondam Pa-  
 rochiæ in animæ ſuæ remedium vineam  
 unam Rhetii in Gallingsperg ſitam, &  
 pratum in Windigſteig im Neutt dictam.  
 Datum annò Domini 1490. in feſto SS.  
 Trinitatis, 30. Maji. [13.]

„ Scribit porro Abbati in Zwetl  
 „ Stephani Aspenhawſer Sacellanus &  
 „ Monafterii Vicarius Parochiæ in Win-  
 „ digſteig, quòd cum D. Mattſchacher  
 „ ratione tumultûs ruſticorum ejus lo-  
 „ cutus ſit, quem iratum ſibi reſpon-  
 „ diſſe ait, ſi ipſos præſentes haberet,  
 „ velle ipſos ſe ante oculos ejus neci  
 „ dare. Demum invitat Cellerarium  
 „ & F. Thomam Hawnholdt atque alios  
 „ Fratres, quos mittere placet, ad ſo-  
 „ lennitatem B. Virginis ad Nives pro-  
 „ ximè à ſe celebrandam cum viginti  
 „ quatuor Sacerdotibus in Capella B.  
 „ Virginis in Raſing ſolenni ritu ob ho-  
 „ norem Monafterii majorem. Ex Win-  
 „ digſteig annò Domini 1490. feriâ ter-  
 „ tiâ in feſto S. Petri ad Vincula, nimi-  
 „ rum 1. Auguſti. „ [14.] Citatum  
 ſuprà D. Mattſchacher credo ego tunc  
 poſſeſſorem fuiſſe caſtelli in Mewres,  
 cujus ſubditi in Windigſteig tumultua-  
 bant. Cauſa tumultûs latet. Præterea  
 conſtat jam ab hoc tempore Sacellum  
 B. V. Mariæ in Raſing cultu & devotio-  
 ne frequentari cœptum eſſe, præfertim  
 à vicinis, unde etiam à Waſdhofenſi-  
 bus civibus tam peregrinatio frequens,  
 quàm congregatio Deiparæ dolorosæ  
 culta fuit.

Interea Fridericus & Maximilianus  
 à morte Matthiæ conſcripto milite Au-  
 ſtriam recuperare ſtudebant, quod qui-  
 dam Auſtriæ Proceres videntes & peri-  
 culum ſibi imminere attendentes, iram  
 Principum ſe humiliando per alios lenire  
 tentabant. „ Quare Sigismundus Ha-  
 „ ger Capitaneus Cæſareus & Regius  
 „ in Crembs ſcribit de Nobilibus Viris ac  
 „ Dominis Alberto de Rohr & Wilhel-  
 „ mo de Miſſingdorf, ſe nuper apud  
 „ illos fuiſſe cauſâ quorundam articu-  
 „ lorum Cæſari ab eis offerendorum,  
 „ quos ita enumerat: Primus, ut Cæ-  
 „ ſar ipſos in gratiam ſuam recipiat,  
 „ & parcat, quia Regis Ungariæ partes  
 „ ſecuti fuiſſent, cùmque adjuviſſent:  
 „ Secundus, ut Cæſar literas renuntia-  
 „ torias pacis reddat & ipſis reſtituat:  
 „ Tertius, ut Cæſar in collatis feodis  
 „ nihil immutet, nec quicquam circa  
 „ illa renovet: Quartus, ut privilegia  
 „ & nomen familiæ ipſis integra relin-  
 „ quat: Quintus, quòd rogent ſub-  
 „ miſſo animò diploma gratiæ Cæſa-  
 „ reum, ut vulgò vocant, ſibi conferri,  
 „ atque demum ſe offerunt Majeſtati  
 „ Cæſareæ totos fideles & ad omnia  
 „ paratos Miniſteriales ſeu provincia-  
 „ les. Hos omnes articulos præſatus  
 „ Capitaneus Crembsenſis ſe Cæſari  
 „ obtuliſſe nuntiat, quibus contentus  
 „ Cæſar remiſit eis culpam & pœnam  
 „ omnem, & promiſit gratiæ ſuæ di-  
 „ ploma, ſi contrà ipſi fidelitatis literas  
 „ ſibi contraderent: vel ſi ipſi diploma  
 „ præſatum non petentes Cæſari fidem  
 „ darent & haberent, ipſe quoque illis  
 „ ſuam veller ſervare fidem. Quam  
 „ ultimam reſolutionem ſibi quoque  
 „ placere ait Capitaneus, hoc inſuper  
 „ conſilium eſſe D. Wolſgangi de Mey-  
 „ lerſtorf, cujus in aliis conſiliò uſus  
 „ eſt. Promiſit inſuper Majeſtas ſua  
 „ Cæſareæ ipſos in ſuam ſuſcipere &  
 „ defendere, in eum finem jam D.  
 „ Debuſch atque aliis ſuis Capitaneis  
 „ Cæſarem dediſſe in mandatis, ut præ-  
 „ ſatos Dominos Rohrium & Miſſing-  
 „ dor.

„ dorfum neceffitate compellente cir-  
 „ ca pauperes fuos fubditos ab omni  
 „ homagio aut vexatione liberos con-  
 „ fervarent. Idem ut renuntient ce-  
 „ teris vicinis fuis Dominis eòsque ad  
 „ Cæfaris gratiam pelliciant, Capita-  
 „ neus Cremlenfis petit, atque de-  
 „ mum quid profecerint fibi refcribi  
 „ hortatur. Datum Cremlfii annò  
 „ Domini 1490. ferià 6. poft feftum  
 „ Affumptionis, nimirum 20. Augufti.,  
 „ [15.] Hi duo Domini graviter Cæfa-  
 „ rem offenderant, miffis ad eum tabulis  
 „ publicis pacem eidem renuntiârunt, at-  
 „ que bellum ipfi ejùsque fidelibus indixe-  
 „ runt, unde eas tabulas fibi reddi poftu-  
 „ lant.

Porro F. Colomannus Magifter cu-  
 riæ in Rafing & Confellor Monialium  
 ad S. Bernardum bonum œconomum  
 fefe exhibebat, fcribens Venerabili  
 Abbati fuo Wolfgango ultimò de re  
 fua domeftica, vino & frumento,  
 nihil tunc fomnians de obitu pii Pa-  
 tris aut electione fua. „ Datum in cu-  
 „ ria Rafing, annò Domini 1490. in die  
 „ Ægidii, 1. Septembris. „ [16.]

Wolfgangus interea Abbas Viennæ  
 morabatur caufâ malæ valetudinis, qui  
 dum nimium viribus fuis crederet, at-  
 que nondum integræ fanitati redditus,  
 negotium Monafterii aliquod apud Ma-  
 ximilianum procuraturus, qui ante pau-  
 cos dies Viennam urbem deditione, &  
 arcem vi ceperat, exiffet, atque dein-  
 de domum reverfus in gradibus testu-  
 dinis curiæ Zwetlenfis confiftens & vi-  
 res amiffit & fpiritum emiffit pius & Ve-  
 nerabilis Pater. Cujus obitus diem &  
 annum omnes attingunt præter unicum  
 recentiore auctorem, qui uno die ab  
 aliis difcedit. Sic autem ad Martyro-  
 logium illius annua fit commemoratio:  
 „ Tertiò Idus Octobris obiit D. Wolf-  
 „ gangus quondam Abbas Zwetlenfis  
 „ annò Domini 1490. Wiennæ nofta  
 „ in curia. „ Ita quoque refert Mor-  
 „ tilogium Zwetlenfe commune. Ejus  
 „ gefta, ætatem, & obitus annum nemo

melius & clariùs perfcipfit quàm ejus-  
 dem Prior F. Wolfgangus Oertl, qui  
 Abbatum Zwetlenfium Catalogum uf-  
 que ad fua tempora perduxit, fcribit ve-  
 rò de Wolfgango I. fequentia: „ Wolf-  
 „ gangus Joachim 31.<sup>mus</sup> Iſte abbatiza-  
 „ vit 18. annos, omni tempore fuæ  
 „ Abbatix habuit lites nunc à Bohe-  
 „ mis, nunc ab Ungaris, qui tenuerunt  
 „ Monafterium cum ducentis viris pe-  
 „ nè ad tres annos. Quapropter Zwet-  
 „ lenfes nos maximè moleſtârunt, cora-  
 „ burentes piſtrinum, & horreum cum  
 „ omnibus frumentis, ablatis omnibus  
 „ ovibus. Iſte conſtruxit murum apud  
 „ Cœmeterium pro defenfione: infu-  
 „ lam majorem fieri fecit: duâs ſtubas  
 „ magnas videlicet in Conventu & ſtu-  
 „ bam hoſpitum conſtruxit: ſub quo  
 „ nos Ordinem intravimus, qui & in  
 „ Priorem nos inſtituit. Deſunctus  
 „ tandem Viennæ, in teſtudine (heu!)  
 „ prævocatus circa annum Domini  
 „ 1490. fuit homo quaſi octuaginta ſex  
 „ annorum, optimè rexit, bonus do-  
 „ meſticus fuit, longo tempore Cel-  
 „ lerarius extitit. „ Hucusque de  
 „ Wolfgango I. Wolfgangus II. Abbas  
 „ in ſuo Catalogo. De Bohemorum in  
 „ Auftriam excuſſione quaſi quotidiana  
 „ ejùsque devaſtatione abundè ſub Wolf-  
 „ gangi I. Abbatis regimine ſcriptum eſt,  
 „ ſic quoque de Ungarorum bello.

De ſepultura verò illius non con-  
 ſtat, utrum Viennæ conditus ubi de-  
 ceſſit; an in Monafterium deductus fue-  
 rit ſepeliendus. Tertiò igitur Idus Octo-  
 bris deſuncto pio Patre, atque ejus exe-  
 quiis peractis, Conventus ritè ad novi  
 Abbatis electionem convenit, atque  
 votis datis unanimiter Colomannum  
 Magiſtrum curiæ in Rafing & in S. Ber-  
 nardo Confellorem in Abbatem Zwet-  
 lenſem elegit. De cujus electione &  
 ſucceſſione omnes catalogi conveniunt  
 præter chronofticorum Authorem, qui  
 neque annum, neque ſucceſſionem te-  
 net confuſo ordine & tempore, quem  
 etiam hoc loco reſpuo. Recentior Au-  
 thor

thor sic de eo scribit: „Colomannus „(*anno sub isto*) electus 10. Novembris. De quo etiam Wolfgangus Abbas: „Colomannus 32.<sup>us</sup> Annò Domini 1490. electus, quinque annis abbati- „zavit, Confessor Monialium in Mo- „nasterio S. Bernardi, & Rector curiæ „in Ratisburg fuit. Alius quidam anno- „tavit de eo taliter: „Annò Domini „1490. in profecto S. Martini (*nimirum* „10. Novembris) Confessor Coloman- „nus electus est in Abbatem. „

Excepit autem ipsum in primo sta- „tim limine suæ Abbatie gravis hostium „exactio, à qua tamen se expedivit, non „tantum autem hostibus, sed quoque „Cæsari & Romanorum Regi censum per- „solvere cogebatur.

Porro Abbas apud Imperatorem in „supplici suo libello sic conquestus esse „reperitur: „Item ab hostibus de Egen- „burga, Horn, aliisque municipiis, „quæ adhuc ab eis tenentur, cædibus, „spoliis, & incendiis coacti sumus jam „à festo Michaëlis binas exactiones gra- „ves, seu homagia dura, insuper de „vino censum, & censum alium dictum „Musschlag / atque talentum quadra- „gesimum, ipsis tantum hostibus por- „rigere. [17.] Unde Joannes Kam- „roski Regis Ungariæ & Bohemiæ „Censor in Egenburg fatetur se cum „Abbate in Zwetl convenisse de qua- „dragesimo talento & homagio. Da- „tum Egenburgæ annò Domini 1490. „feriâ 4. ante Elisabeth, nimirum 17. „Novembris. „[18.] Hic à Mona- „sterio homagii censum recepit feriâ ter- „tiâ post Lucie, nimirum 14. Decembris, „ut chryographò suo fatetur. Ita quo- „que Cornutenes Ungari Abbatem ve- „xarunt, quod inde patet; „nam Jo- „annes Wigstensky & Bernardus Ta- „binger Regis Ungariæ & Bohemiæ in „Horn Castellani dederunt securitatis „literas, seu saluum conductum Abbati

„pro aliquot centum curribus in Horn „mittendis. Data ibidem annò Do- „mini 1490. feriâ quartâ ante Catha- „rinæ, nimirum 24. Novembris. „[19.]

„Demum F. Thomas Cellarius „scribit Viennâ Colomanno Abbati „suo, quòd Crembsii apud Fuchsin „vina Monasterii deposuerit unâ cum „pecunia sigillò suo signata, quam sibi „colonos de Ossarn dedisse ait, nimi- „rum 22. tal. den. testem oculatum „horum adducit Cellarium Campi- „liliorum. Deinde certiorum eum „facit de censu dicto Musschlag. Item „de conductis vinitoribus in Lews & „Crembs. Item Viennæ ait se ratio- „nes inuisse vinearum cultarum cum „Sigismundo Gûrtner. De novis „nuntiat eidem, quòd Alba-Regalis „sit à Maximiliano expugnata, & tria „millia ascendant seu pergant adversùs „Budam, & dicitur Romanorum Rex „morari ante Budam veterem, ubi ejus „ingressus expectatur, &c. Datum „Viennæ annò Domini 1490. in Vigi- „lia S. Andreæ Apostoli. „[20.] „Quoad nova, recurrendum est ad ini- „tium hujus anni, de quibus Lectorem „cupidum Gerardus instruit plenius: ad „hujus tamen relationem F. Thomæ Cu- „spinianus magis accedere videtur quàm „Gerardus; sic enim loquitur de Maxi- „miliano: „Et si peditum pertinacia, „qui ulterius progredi recusabant di- „tati prædâ, quam in Alba-Regali ce- „perant, non obstitisset, captâ Budâ „regni Metropoli, violenter regnum „occupasset. Judex enim Budensis „cum nonnullis civibus jam urbis cla- „ves obviam progressus afferebat, „quod ejus ex ore ipse audiivi. Sed „cum facta obstarent, reversus in Au- „striam Maximilianus &c. „[21.] „Atque hæc Cuspinianus.

## ADDITIONES.

\* [ 1. ] Gerardus de Roë lib. 10.

Cuspinianus in Cæsariis sub Maximiliano I.  
Catalogus Rectorum Viennensium Ederi hoc anno.

Bzovius ad hunc annum n. 4. „ Viennæ ( *Matthias* ) in celebri festivitate Palmarum, in theatro temporario, quod in areis subdialibus pridie crexerat, ornaveratque, ante aram pretiosissimo instructam apparatu, cum Legato Apostolico, omnibus Oratoribus, & cunctis Procerum Ordinibus, sex circiter horis, donec Palmarum festa ex more agerentur, interfuerat; ac inde in Palatium revertens, tres adhuc horas prandere distulerat, Reginam expectans, sacro die urbana templa lustrantem. Indè debilitatò stomachò languorem incurrit; excandescens paulò post in famulum, à mensa jejunos surrexit; vertigine capitis, & confusione oculorum, deinde apoplexià correptus, ex qua die Martis proximo, Nonis Aprilis annò ætatis 47. extinctus est. . . . . Quidam Moravi Proceres, nuncio mortis tardius crediderè; quoniam memorià tenebant, aliquoties famam mortis ejus antea sparsam fuisse, ac semper illum magnò alicujus malò surrexisset. Postquam certò apparuit sepultum, unus è Proceribus illis: „ à centum, inquit, annis, malus thesaurus melius tempestiviusque in terram conditus non est: malè enim ille fuerat multatus à *Matthia*. „

Spondanus ad hunc ann. n. 4. „ Quod autem belli Turcici, de quo nuper dicebamus, consilia maximè disturbavit, obitus fuit *Matthiæ* Regis Hungariæ; non solum quòd ei gerendo nemo illo aptior videri poterat, verùm etiam, quòd post ejus obitum nonnulli potentes Principes regnum Hungariæ jure suo quique ad se trahentes, vires Germaniæ ac vicinorum regnorum distraxerunt. Mortuus autem est Viennæ in Austria ex apoplexià, qua repentè correptus Dominica Palmarum, quæ incidit in quartam diem Aprilis, die Martis subsequenti animam efflavit. Inter moriendum pilula nuciis instillatè stomacho repentè suborta, & inter agendam animam sensim ad os subiens, cum ad epiglottim pervenisset, ille continuò expiravit. Inter alia mortis ejus portenta, leones qui Budæ detinebantur, omnes eodem die quo Rex interièret. Itemque nulli eo tempore corvi, qui Corvinæ domus insignia referebant, Budæ inspecti sunt: contrà Albæ, ubi Regum mo-

„ numenta erant, tanta corvorum inter se crocitantium multitudo spectata, ut omnes Regis mortem faciliè ariolarentur. Delatus igitur Albam-Regiam ad conditoria Regum, magnificam nactus est sepulcrum: quam Bonfinius, unà cum obitu describens, simul in ejus laudes, dotèsq; animi & corporis stylum copiosè effudit. . . . De *Matthiæ* obitu ait ( *Joannes Linturius* ) cum in extremis mugitum, ut bovem emisisset. Mortuus est autem annò sæ ætatis quadragesimò nonò, regni trigèsimò secundò, mense tertio. „

Joannes Sambucus in Appendice ad Indicem 36. Epitomes Rerum Hungaric. Ranzani, Annò 89. supra CCCC. omnes cum domi exortos motus amanter composuisset, ( *Matthias* ) ac totius corporis lassitudine & podagrà nimis affligeretur: Viennam se deportari jussit. Ubi sequenti anno, ruinis passim quibusdam restitutis, misso etiam paulò antè in Silesiam contra quendam seditiosum exercitu, ex apoplexià moritur. Sunt qui mortis causam fuisse Beatricem, satis deformem velint. Quòd hæc cum negligi se videret, atque in Italos quiddam cum Frederico parari animadverteret: à quibusdam Italiæ Principibus corruptam, sitienti ex adverso nuntio *Matthiæ*, sicut totas, & eas venenò imbutas, ante frigidè potum, nimis blandè exhibuisse devorandas. Quibus ille comestis, quasi dolum sentiens, Germanos & Ungaros exhortari, atque orare non destitit, suum filium ad regnum ut evocarent: *periculosum aliande accitorum esse imperium*: deinde Beatricem cum sua dote & muneribus expeditent: postremò turmas illas suas nigras, quæ non tumultuariò præliò, sed statariò vincere consueverant, ne negligerent, quod nisi facerent, eversionem regni, uti accidit, subsecuturam. Hæc ut aliquoties repetiverit, octavo à veneno exhibitò die, hoc est 4. Aprilis, illum ad regionem Sandorum commigrasse. Alii etiam veru per nates dormienti immisso, necatum à quibusdam suis ajunt, quod affirmare non ausim. Cadaver ejus Albam-Regiam deductum, inque Regum conditorio magnificè depositum est. Hic fuit decursus imperii, & felicissimè sive domi, sive militiæ gestorum *Matthiæ*, per Annos XXXVII. „

Spondanus ubi suprà n. 5. „ Sed de scelerè Beatricis quàm longissimè ab eo sunt, quæ de ejus in *Matthiam* exhibitis in moribundum officii idem Bonfinius narrat. G g g g „ Nisi

„ Nisi hæ fuerint artes muliebres, fingere sci-  
 „ entissimæ. Et quod Sambucus addit, fuisse,  
 „ qui assererent Matthiæ veru per nates dor-  
 „ mienti immisso necatum à quibusdam suis  
 „ esse; id quidem omnino falsum esse non  
 „ dubitamus. Laudandum verò maximè,  
 „ quod Bonfinius ait fuisse ei præter armorum  
 „ studium, etiam litteras in commendatione,  
 „ ac viros in quibuslibet scientiis qualibet-  
 „ que arte præstantes undique disquisisse,  
 „ magnisque sumptibus conduxisse; denique  
 „ Bibliothecam in arce Budensi construxisse,  
 „ mira utriusque linguæ secunditate, cultu,  
 „ que librorum luxuriosissimo completam;  
 „ multasque linguas calluisse, adeo ut præter  
 „ Turcicum & Græcum omnium Europæ glo-  
 „ sematum cognitionem habuerit. „

[2.] Gerardus ubi suprâ.

Catalogus Rectorum citatò locò. „ Hoc  
 „ anno D. Maximilianus Rex Romanorum re-  
 „ cuperavit Viennam, Neapolim, & totam  
 „ ferè Austriam occupatâ à Matthia Rege  
 „ Hungariæ patre Friderico III. adhuc vi-  
 „ vente. „

Cuspinianus ubi suprâ. „ Habuit tum  
 „ Maximilianus Rex Comititâ Principum Im-  
 „ perii Norinbergæ, cùm mors Matthiæ Regis  
 „ Hungariæ nunciaretur, qui Viennæ annò  
 „ Christi 1490. in vigilia Coenæ Domini mor-  
 „ tuus est, cùm jam Austriam annis penè  
 „ sexdecim occupasset, libenterque cum Rege  
 „ Maximiliano, si pater admisisset, ante mor-  
 „ tem suam convenisset. Coactis igitur co-  
 „ piis descendit in Austriam, dehinc in Hun-  
 „ gariam: expugnatâque Alba-Regali urbe in-  
 „ signi, in qua Reges Hungariæ coronari con-  
 „ sueverunt, Hungaros eò penè redegit, ut  
 „ cum Regem Hungariæ agnoscerent. Et si  
 „ peditum pertinacia, qui ulteriùs progredi  
 „ recusabant, ditati prædâ quam in Alba-  
 „ Regali ceperant, non obtitisset, captâ Budâ  
 „ regni Metropoli, violenter regnum occu-  
 „ passet. Iudex enim Budensis cum non-  
 „ nullis civibus jam urbis claves, obviam pro-

gressus, afferbat, quod ejus ex ore ipse  
 „ audivi. Sed cùm fata obstarent, reversus  
 „ in Austriam Maximilianus, cùm Hungari  
 „ ductu Beatricis Reginæ, viduæ Matthiæ  
 „ Regis, in Vladislau consentirent, quem  
 „ illa oprabat maritum, annò Christi mille-  
 „ simò quadringentesimò nonagesimò primò,  
 „ in Posonia facta est compositio & tractatus  
 „ unionis, quòd si Vladislau nullam ex lum-  
 „ bis suis masculam prolem produceret, ut  
 „ ad hoc regnum Hungariæ solus Maximilia-  
 „ nus, aut ejus hæredes rectâ lineâ descen-  
 „ dentes, liberè sine omni impedimento tran-  
 „ sirent. Interea titulò uteretur, quemad-  
 „ modum Tractatus Posonienfis longè latè-  
 „ que in se continet. „

[3.] Hundius in Metropoli sua sub Fri-  
 „ derico Pataviensi.

[4.] Ex Autographo ipsius.

[5.] Wolfgangus Abbas in sua Abba-  
 „ tum serie sub Wolfgango.

[6. & 7.] Ex literarum monumentis.

[8.] Ex Autographo ipsius.

[9.] Ex literarum monumentis.

[10.] Catalogus Rectorum Viennensium  
 „ Georgii Ederi An. 1483. „ Episcopus Vien-  
 „ nensis Urbanus Episcopus Agriensis, Mat-  
 „ thiæ Regis Hungariæ Quæstor.

„ Quò defunctò Matthias quidam Episco-  
 „ pus Secoviensis administratorem se hujus  
 „ Ecclesiæ appellari voluit: sed cùm neque  
 „ præsentatus fuerit, neque confirmatus, in-  
 „ ter Episcopos Viennenses non numeratur. „

[11.] Ex literarum monumentis.

[12.] Ex literarum monumentis.

[13.] Ex copia ipsius.

[14. 15. 16.] Ex Autographis ipsorum.

[17.] Ex literarum monumentis.

[18.] Ex Autographo ipsius.

[19.] Ex literarum monumentis.

[20.] Ex Autographo ipsius.

[21.] Cuspinianus in Cæsarib. sub Ma-  
 „ ximiliano I.

Annus Christi MCCCCXCI. Monasterii CCCLIII.

Pont. Rom.  
 Innocentius VIII.

Imp. Rom.  
 Fridericus IV.

Archi-Dux Austriae  
 Maximilianus I.

Episcopus Pataviensis  
 Christophorus.

Abbas Zwetlensis  
 Colomannus.

„ **M**aximilianus cupidus Ungariæ  
 „ occupandæ cùm apud patrem  
 „ nihil impetraret, cui satis esse vide-  
 „ batur Austriam recepisse, reliquos

„ Germaniæ Principes de auxiliis ad  
 „ continuandum in Ungaria bellum sol-  
 „ licitabat. Verùm nihil impetrare po-  
 „ tuit: quare in pacem cum Vladislao  
 „ Rege

„ Rege Ungariæ descendere cgebatur,  
 „ quæ post longam disceptationem in  
 „ hunc modum facta est: uti pacta con-  
 „ venta, quo tempore corona redime-  
 „ batur, inita restaurentur. Vladislao  
 „ sine prole moriente regnum ad Au-  
 „ striacos devolvatur. Maximiliano  
 „ in belli expensas centies mille num-  
 „ mûm numerentur. Regis titulus utri-  
 „ que relinquatur; summi honores,  
 „ uti sunt duûm-viratus, palatinatus,  
 „ & cetera ejusmodi munia ex utrius-  
 „ que consensu tribuantur. Uterque  
 „ eosdem socios amicôsque, eosdem  
 „ inimicos atque hostes habeat. Jure  
 „ societatis uterque alterum juvet. Ger-  
 „ manus ac Ungarus eodem loco ha-  
 „ beantur. Nemini ex his fraudi sit,  
 „ ad Maximilianum defecisse. Cum  
 „ his pacis articulis legati malè ferme  
 „ domi à populo, servitutem hanc esse  
 „ iniquissimam clamante, excepti fuere.  
 „ [1.] Hæc omnia ex Gerardo desump-  
 „ ta sunt. Refumo gesta Monasterii.

„ Scribit F. Joannes dictus Reyter  
 „ pro tunc Vicarius in Cifersdorff D.  
 „ Colomanno Abbati suo rogans ac  
 „ consulens, ut vina præteriti anni inibi  
 „ relinquuntur, donec salvus conductus  
 „ jam semel in Egenburg à Supremo  
 „ Capiteano Hawbitzio impetratus,  
 „ verum in Cisterstorf revocatus, de-  
 „ nuo obtineatur. Datum Viennæ  
 „ annò Domini 1491. Dominicâ Septua-  
 „ gesimæ, nimirum 23. Januarii. „  
 „ [2.] Vocatur his in literis Hawbitzius  
 „ Summus Regis Bohemiæ in Egenburga  
 „ Capiteanus, sciendum enim nonnulla  
 „ præsidia Ungarorum mortuò Matthiâ,  
 „ quædam loca, castra, civitates, muni-  
 „ cipia, præsertim tam naturâ quàm arte  
 „ munita, servasse & tenuisse adhuc per  
 „ Austriam nomine Vladislai Bohemiæ  
 „ Regis, qui jam Rex Ungariæ coronatus  
 „ fuerat, quem Capiteanei Ungari bellum  
 „ cum Cæsare & Rege Romanorum pro-  
 „ secuturum credebant. Verum ipse in  
 „ Ungaria recuperanda occupatus non  
 „ tantum non promovit in Austria regnum

suum, sed etiam postea facta cum Maxi-  
 „ miliano pace Viennam unâ cum integra  
 „ provincia restituit; unde præsidia Un-  
 „ garica paulatim dilabi cgebantur mu-  
 „ nicipiis reliâis.

Prodit præterea Antiquitas ea, quæ  
 „ anno priori de homagiis in Egenburg  
 „ faciendis retuli, molestias nimirum,  
 „ quibus Colomannus Abbas in initio sui  
 „ regiminis exagitabatur. Erat autem ho-  
 „ magium non leve tribulationis genus  
 „ Egenburgensi Capiteano Hawbitzio  
 „ pendendum, cujus Index ita incipit:  
 „ „ Annò 1491. Notanda homagii com-  
 „ „ putatio in Egenburgam feriâ quintâ  
 „ „ ante Agnetis, nimirum 20. Januarii. „  
 „ [3.] Omisi verò rerum in eo Indice  
 „ conscriptarum seriem pertexere, quia  
 „ illius homagii aliàs non infrequens men-  
 „ tio occurrit.

Interea Abbatem in Zwetl apud  
 „ Cæsarem detulerat Matthæus de Spawr  
 „ hæreditarius Tirolis Pincerna & Came-  
 „ rarius, cui Fridericus Tulnenses in Au-  
 „ stria campos ob pecuniam in belli Un-  
 „ garici sumptus mutuò acceptam oppigno-  
 „ raverat, ex eo quòd ipsum Advocatum  
 „ colonorum Monasterii & judicii provin-  
 „ cialis in campis dictis possessorem agno-  
 „ scere nollit, atque etiam colonis in Of-  
 „ sarn, qui ad Monasterium nostrum spe-  
 „ ctant, quicquam ipsi Matthæo uti Ad-  
 „ vocato porrigere, & censum dare pro-  
 „ hibuerit. Fridericus igitur diplomate  
 „ suo Colomanno in Zwetl Abbati man-  
 „ dat, quatenus dicto Matthæo Camera-  
 „ rio suo ad redimendam advocatiam &  
 „ provinciale judicium in agro Tulnensi  
 „ sita florenos centum Ungaricos nume-  
 „ ret: quod si facere neglexerit, coloni  
 „ Monasterii in dicto agro habitantes à  
 „ præfato Matthæo sine suo impedimento  
 „ in vincula conjicientur. Datum Lin-  
 „ cii annò Domini 1491. feriâ quartâ Ci-  
 „ nerum, nimirum 9. Februarii, annò verò  
 „ Imperii sui quinquagesimò nonò. [4.]

Porro homagio gravi seu potius ini-  
 „ quissima pecuniarum emundione anno  
 „ isto Monasterium ab Ungaris vexatum  
 „ Ggg g 2 fuit,

fuit, qui cum præsidio adhuc tenebant Egenburgam, de qua ita in Indice suo Colomannus Abbas: „Homagii com-  
 „putatio ad Egenburgam à feria quinta  
 „ante Matthiæ (nimirum 17. Februarii)  
 „anni 1491. usque ad Pancratii vel  
 „Ascensionis Domini. (videlicet 12.  
 „Maji.) Item 165. talenta. Unum vas  
 „Malvasir. (est vinum Fori-Julianum)  
 „Centum libras olei. Quinque libras  
 „piperis. Duo volumina lini optimi.  
 „Scribæ 6. talenta. Pellem martis. Et  
 „paulò post. Homagium ad Egenbur-  
 „gam à die Pancratii vel ab Ascensione  
 „Domini usque ad feriam quintam  
 „post festum Stephani inventi. (nimi-  
 „rum 4. Augusti.) Annò 1491. summa  
 „pecuniæ sine æstimatione clenodio-  
 „rum est 184. talenta, cum medio ta-  
 „lento. Item duo volumina lini opti-  
 „mi. Item quinque libræ piperis. Item  
 „decem octalia butyri. „[5.] Huc-  
 „usque Index, qui ea confirmat, quæ an-  
 „no priori de gravi regiminis initio quo-  
 „ad Colomanni Abbatiam retuli.

Reperi quoque inter alia Ruperti Aichpeck in Zwetlensi oppido coo-  
 „peratoris Parochi literas, quas F. Wols-  
 „gango Priori Zwetlensî misit; „invi-  
 „tans ipsum unâ cum duobus aut plu-  
 „ribus Sacerdotibus de Conventu ad  
 „tricefimum D. Adamo persolvendum,  
 „diem nominans feriam tertiam post  
 „Judica, nimirum 15. Martii. Ex  
 „Zwetl oppido annò Domini 1491.  
 „feriâ quintâ ante Judica, nimirum  
 „10. Martii. „[6.] Hæc ideo retuli,  
 „quia plures tunc in Zwetlensi Parochia  
 „Sacerdotes alebantur, qui divina ibi-  
 „dem officia fundata persolvebant, unde  
 „quoque Capitulum constituebant, cuius  
 „suo tempore mentio non omittetur.

Mentio item fit Dorotheæ Abbatissæ  
 „ad S. Bernardum, quæ adhuc memor  
 „præcepti Wolsgangi I. Abbatis in Zwetl  
 „Ordinarii Visitatoris sui, ne quid abs-  
 „que illius consilio aut consensu faceret:  
 „scribit Colomanno Abbati, suo quon-  
 „dam Confessario, & jam Visitatori,

„ & nuntians quædam, petit consili-  
 „um, quid agere, quid omittere de-  
 „beat; significat autem se fuisse in  
 „Egenburg apud Homagiatorem &  
 „Juniorem Steger ibidem ratione cu-  
 „jusdam deprædationis suis factæ. Qui  
 „ipsi consilio fuerunt, uti Regi Bohe-  
 „miæ scriberet, se quoque literas suas  
 „addituros. Datum in S. Bernardo  
 „annò Domini 1491. feriâ tertiâ post  
 „Trinitatem, nimirum 24. Maji. „  
 „[7.]

A morte Matthiæ Regis Fridericus  
 „& Maximilianus defectionem Procerum  
 „Austriæ diligenter inquisiverunt & exa-  
 „minaverunt, illorum præsertim, qui  
 „gratiam Principum præfatorum, legiti-  
 „morum nimirum Dominorum suorum  
 „querere neglexerunt; sperabant enim  
 „nonnulli fore, ut Vladislaus Rex Bohe-  
 „miæ & Ungariæ jam à Maximiliano bellò  
 „provocatus & irritatus, non tantùm  
 „Ungariam integram sibi recuperaret,  
 „sed quoque Austriam ex parte occupa-  
 „tam, totam suis regnis adjicere labo-  
 „raret, atque ita ipsis quoque auxilio fu-  
 „turus esset. Spes ista tamen illos fefel-  
 „lit, cùm Vladislaus cum Maximiliano  
 „pacem iniêrit, sicut in frontispicio hu-  
 „jus anni illius memini, atque etiam to-  
 „tam eidem Principi Austriam cesserit,  
 „imò quoque Ungariam, si absque mascula  
 „prole decederet. Rex igitur Romano-  
 „rum ad Austriacos quosdam puniendos  
 „adjiciens animum, Joannem & Wil-  
 „helmum Puechaimios Architrilinos  
 „Austriæ hæreditarios de fide mutata exa-  
 „minare cœpit, quorum hic in Gmünd  
 „castrum suum cum civitate, alter Teyiam  
 „oppidum Ungaris tradiderant, præsi-  
 „diumque ipsorum susceperant, necdum  
 „sefe apud Cæsarem aut filium ejus Re-  
 „gem insinuârunt. Re itaque Joannis  
 „Puechaimii examinata, Colomannus  
 „Abbas in Zwetl rogatus instrumentum  
 „Vidimus, ut vocant, tale confecit:  
 „Dominus Joannes de Puechaym hæ-  
 „reditarius Austriæ Architrilinus fa-  
 „„tetur, quòd Nobilis Vir Balthasar  
 „„Sum-

„ Summer de Pirschach Capitaneus  
 „ suus fuerit in Ecclesia & oppido dicto  
 „ Teyia, quod oppidum de iussu &  
 „ voluntate sua propter Cæsareanorum  
 „ insolentias ille tradidit Capitaneis  
 „ Regis Ungariæ & Bohemiæ Matthiæ  
 „ custodiendum & præsidio suo defen-  
 „ dendum &c. Data est à Puechaymio  
 „ litera in Haidenreichstain feriâ quar-  
 „ tâ post Lætare. Vidimus verò datum  
 „ est in Claustro Zwetl annò Domini  
 „ 1491. Dominicâ ante Ulrici, nimi-  
 „ rum 3. Julii. „ [8.] Quid verò  
 „ Puechaimius à Rege Romanorum ob-  
 „ tinuerit, an in gratiam receptus fuerit,  
 „ nondum reperi.

Eligitur etiam arbiter inter partes  
 Colomannus Abbas, ita enim ipsi D.  
 Gabriel de Neudegg scribit; „ quòd  
 „ nimirum lites habeat cum Cadawero  
 „ in Sicharts propter decimam unam,  
 „ neque adhuc cum ipso convenire  
 „ potuerit. Rogat itaque Colomannum  
 „ Abbatem eam sibi gratiam præstare,  
 „ si placeret, quatenus unâ cum adver-  
 „ sario suo in Monasterio Zwetl coram  
 „ eo tanquam arbitro inter illos & Ju-  
 „ dice agere valeat, atque pacem inire  
 „ possint. Petit responsum. Datum  
 „ Liechtenawe annò Domini 1491. Do-  
 „ minicâ in die S. Alexii 17. Julii. „  
 „ [9.] Unde colligitur Neudeccios re-  
 „ gulos non tantum Ottenstainam castrum,  
 „ sed quoque aliud vel emptionis vel ma-  
 „ trimonii jure acquisitum castrum Liech-  
 „ tenawe seu Claram-Augeam dictum in-  
 „ coluisse, de quorum familia Monialis  
 „ quædam in S. Bernardo nostri Ordinis  
 „ Elisabetha nomine facta est.

Ex Proceribus illis, qui nondum  
 Friderico aut Maximiliano sese tradi-  
 derant, erat quoque Georgius Eitzin-  
 gerus de Schrätental, qui adhuc illos,  
 qui Cæsaris partes sequebantur, impu-  
 gnabat, præsertim tamen Religiosos ve-  
 xabat, qui apud Cæsarem de eo con-  
 questi tale diploma impetrârunt: „ Fri-  
 „ dericum Imperatorem nimirum per-  
 „ cepisse, quatenus Georgius de Ei-

„ tzing variis homagiis & exactionibus  
 „ gravet Abbates Zwetlensem & Alten-  
 „ burgensem, nec non Abbatissam de  
 „ S. Bernardo, & Barbaram Hawserin,  
 „ aliòsque Nobiles, quod sibi maximè  
 „ displicere fatetur, præsertim cum an-  
 „ teâ multas ab hoste exactiones per-  
 „ tulerint. Quapropter ei mandat, ut  
 „ captivos & ablata reddat, perdita re-  
 „ cuperet, amicum se illis exhibeat,  
 „ pacemque cum iisdem stabilem ineat.  
 „ Sin fecerit, minatur se illud filio suo  
 „ Romanorum Regi indicare debere,  
 „ quocum pressos à potestate Eitzin-  
 „ geri eripere velit. Datum Lintzi,  
 „ annò Domini 1491, feriâ quintâ ante  
 „ Magdalene, nimirum 21. Julii. „  
 „ [10.] Præfata Barbara Hawserin in  
 „ Bojorum regno cujusdam reguli de fa-  
 „ milia Hawserorum relicta, arcem quan-  
 „ dam incolebat, cujus subditos præfa-  
 „ tus Eitzingerus vinculis, igne, homagiis  
 „ quoque vexaverat. Erat autem de ead-  
 „ dem Hawserorum familia quidam Au-  
 „ striæ regulus Leopoldus Hawser dictus,  
 „ qui castrum Greitzenstain possidebat,  
 „ hujus D. Barbare affinis, cujus hoc an-  
 „ no Calendis ipsi Januarii mentio ha-  
 „ bebatur. Inter ceteros tamen magis ve-  
 „ xârat imbellem Abbatissam præfatam,  
 „ quæ ab Imperatore contra eundem Eit-  
 „ zingerum diploma singulare obtinuit,  
 „ in quo refertur; „ quòd ipse Cæno-  
 „ bii Monialium ad S. Bernardum sub-  
 „ ditos in Waizendorf ratione juris  
 „ Advocatiæ, nomine fratris ejus in  
 „ Kayia nova vestigalia, census, labo-  
 „ res portare coëgerit, quos ab hosti-  
 „ bus seu prædonibus incendiò con-  
 „ sumptas casas suas reædificare impe-  
 „ dit. Quapropter Fridericus Cæsar  
 „ ipsi quoque mandat, ut ab ejusce-  
 „ modi molestiis & vexationibus præ-  
 „ dictæ Abbatissæ cesset, aliàs se Mo-  
 „ nasterii illius fore defensionem: invi-  
 „ tat verò ipsam ad diem, qua utraque  
 „ pars conveniat, & res componatur,  
 „ si non amicè, saltem secundum viam  
 „ juris sententia expectetur. Datum  
 „ Hhh h „ in



„ in Lintz feriâ sextâ in S. Mariæ Mag-  
„ dalenæ festo. „ [11.]

Continuatur grave ad Egenburgam  
solvendum Ungaris vestigal seu homa-  
gium, cujus in Indice quodam talis  
mentio habetur: „ Homagium ad E-  
„ genburgam à feria quinta post S. Ste-  
„ phani Inventionem (*nimirum à quarta*  
„ *Augusti*) usque ad feriam quintam  
„ ante Simonis & Judæ (*nimirum usque*  
„ *ad 27. Octobris*) Annò 1491. In pec-  
„ cunia summa est 188½ talentorum.  
„ Cetera sunt, duo volumina lini opti-  
„ mi. Quinque libræ piperis. Quar-  
„ tale unum butyri liquati. Quinque  
„ modii farinæ. Quinque modii aven-  
„ næ. Item ex decimis duo modii fari-  
„ næ & totidem avenæ. Hæc ex Mo-  
„ nasterio, alia sunt ex pagis illuc con-  
„ tribuenda. „ [12.] Hucusque Co-  
„ lomanni Index.

„ Majoris securitatis gratiâ Wilhel-  
„ mus Missingdorsius Austriæ Ministe-  
„ rialis in Monasterium Zwetlense vina  
„ sua servanda deduxerat, unde scri-  
„ bens Colomanno Abbati, quatenus  
„ eadem D. Stahrenbergium de Rap-  
„ pottenstain gustare sinat, si fortè pa-  
„ lato ejus saperent, atque emeret.  
„ Datum Dobra annò Domini mille-  
„ simò quadringentesimò nonagesimò  
„ primò feriâ secundâ ante festum S.  
„ Francisci, nimirum 3. Octobris. „  
„ [13.] Erat hic Missingdorsius quon-  
„ dam Monasterio insensibilis hostis, ve-  
„ rum reconciliatus, eidem inter vicinos  
„ amicus non postremus effectus est.

„ Qui petiit etiam fieri certior à  
„ Colomanno Abbate de vini censu,  
„ quatenus nimirum sibi mitteret non  
„ tantum in scripto censum vini, sed  
„ etiam censum de quadragesimo ta-  
„ lento in comitiis à Cæsare nuper ha-  
„ bitis statutum, & in articulum reda-  
„ ctum. Datum in Dobrà annò Domini  
„ 1491. Sabbatò post Francisci, nimi-  
„ rum 8. Octobris. „ [14.]

„ Monasterii quondam Zwetlensis

„ adversarius Georgius Eitzingerus jam  
„ cum Colomanno gratiam iniisse com-  
„ peritur, donat eum ipsum salvo con-  
„ ductu ad omnia sua ad victum spectan-  
„ tia, sive in vino, sive in frumento  
„ domum comportanda. Datum in  
„ Schrättenthal annò Domini 1491.  
„ feriâ secundâ ante Colomanni, 10.  
„ Octobris. „ [15.]

Annotatur rursum gravis exactio  
Egenburgensis taliter: „ Homagium  
„ ad Egenburgam à feria quinta ante  
„ Symonis & Judæ (*nimirum 27. Octo-*  
„ *bris*) usque ad feriam quintam ante  
„ Agnetis (*nimirum 19. Januarii*) Annò  
„ Domini 1492. Homagii census est,  
„ 190. tal. Magistro Census, seu Cen-  
„ sori 19. tal. additis 11. tal. scribæ,  
„ pro singulis schedis singulos 24. den.  
„ facit 10. tal. duas libras croci, duas  
„ libras cinnamomi, duas libras cario-  
„ philorum, duas libras cinciberis,  
„ quatuor volumina lini optimi, unum  
„ modium siliginis, unum modium  
„ avenæ, centum libras olei ex papa-  
„ vere confecti, decem ostia butyri  
„ elixati; item quadringentas trutas seu  
„ ferretes, aut pro eis tinam halecum.  
„ Item de quadragesimo talento ad  
„ Egenburgam 120. tal. sine expensa-  
„ rum & laborum computatione. Sum-  
„ ma Summarum: 400. tal. „ [16.] Huc  
„ usque Index, quod homagium hoc tan-  
„ tum anno Egenburgensibus helluonibus  
„ factum, si omnibus computatis numerab-  
„ bitur, non parva inde summa resultabit,  
„ unde non immeritò gravem hanc ex-  
„ actionem vocavi, sicut etiam de eadem  
„ apud Cæsarem Fridericum Abbas quon-  
„ dam conquestus est.

„ Nuntiat præterea domum Abbati  
„ suo F. Thomas Hawnolt tunc in-  
„ Crems vindemiator: Cistersdorsium  
„ captum esse, omnesque in arce inter-  
„ sectos usque ad Capitaneos. Item  
„ famam esse narrat, quòd Schönber-  
„ gam seu Bellum-Montem castrum,  
„ & Egenburgam civitatem Cæsareani  
„ obsidere cogitent, ideòque aulicos  
„ om-

„ omnes Cremsis in festo Symonis &  
 „ Judæ summo mane ad conscriben-  
 „ dum militem & exercitum contrahen-  
 „ dum exivisse. Hæc se ab Abbate  
 „ de Monte-Pomerio habere significat.

„ Datum in Krembs annô Domini  
 „ 1491. in festo Symonis & Judæ. „  
 „ [17.] Exinde colligitur, municipia  
 „ Ungarica & præsidia per Austriam con-  
 „ stituta fuisse manipulatim expulsa.

## ADDITIONES.

\* [1.] Gerardus de Roô lib. 10.

Cuspinianus ad ann. præcedentem sub n. 2.  
 relatus.

Bzovius ad hunc ann. n. r. „ Pontifex  
 „ Innocentius de pace inter Wladislaum  
 „ Regem Ungariæ, & alios Reges competi-  
 „ tores sollicitus, Legatos in Germaniam ad  
 „ Fridericum Imperatorem & ad Maximilia-  
 „ num Romanorum Regem, nec non ad Ca-  
 „ zimirum Poloniæ, Joannem Albertum, à  
 „ quibusdam Ungaris electum, & ad Wladis-  
 „ laum, quem diximus, Cardinales Raymun-  
 „ dum & Reginum destinaverat. His inter-  
 „ pellantibus, ac interventu Procerum ex Aus-  
 „ tria, Ungaria, Polonia & Bohemia, ad li-  
 „ tes dirimendas evocatorum. Maximilia-  
 „ nus, ne ambitionis ac avaritiæ argueretur,  
 „ pacem cum Wladislaio fecit &c. „

Nauclerus Generat. 50. „ Annô Salutis  
 „ 1491. Rex Maximilianus conventum Na-  
 „ tionis Norimbergam indixit, per quæ tem-  
 „ pora Illustrissimam Ducissam Britonum, per  
 „ Legatos sufficientibus mandatis suffultos  
 „ uxorem duxit, quod Carolus Rex Franciæ  
 „ molestissimè tulit. Ideoque infestis signis  
 „ Ducatum Britonum aggressus, in potestatem  
 „ suam redegit, moxque Illustrissimam Virgi-  
 „ nem Margaritam Serenissimi Maximiliani  
 „ Regis filiam, quam diu antea vivente ad-  
 „ huc patre Ludovico Rege, ut supra dictum  
 „ est, desponsaverat, repudians, præfatam  
 „ Ducissam Britonum Serenissimo Maximilia-  
 „ no solenniter desponsatam rapuit, uxorem  
 „ duxit, carnali copula subsecuta, nulla vel  
 „ honestatis, vel juris ratione habita, ut vulgò  
 „ dicitur. Veruntamen Franci nihil in his  
 „ perperam affirmant actum. Nam, ut ajunt,  
 „ Domina Margarita annum nondum agens  
 „ quartum, ad Carolum tunc Delphinum Vi-  
 „ ennensem sperati ad pacem matrimonii gra-  
 „ tiâ deducta est, quod quidem pactum de  
 „ nuptiis Rex Romanorum semper improba-  
 „ verit, tum quòd à Flemingis, se inconsulto  
 „ & reclamante, constatè conjuratæque es-  
 „ sent, tum quòd major æquo dote designata  
 „ fuisset. Accessit his odium implacabile Re-  
 „ gis Romanorum in Carolum. Unde non  
 „ mirandum, si ipsa, his cognitis, nondum  
 „ adulta, remissa est, cum impuberis ante pu-  
 „ bertatem inanis sit assensus: & dum pube-

„ scunt, licitum est illis sponsalium poenitere,  
 „ ut indicant Canonæ sacri. Quin certior  
 „ factus Carolus, nullo conjugali fœdere cui-  
 „ quam mortalium virginem obnoxiam te-  
 „ neri, sed omnia per simulationem acta cum  
 „ Rege Romanorum, ne scilicet gens Britan-  
 „ niæ Franco Regi se dederet, quod ex eo  
 „ constare volunt: nam etsi procuratores à  
 „ Rege Romanorum quatuor essent missi,  
 „ nulli illorum tamen erat in solidum con-  
 „ jugii gerendi decreta facultas, prout de ju-  
 „ re fieri debebat. Et si legitimo aliquo pro-  
 „ curatore matrimonio gestum fuisset, illud  
 „ nihilominus pro non ratihabitione confir-  
 „ mari lex statuit, cum quæ instituta in eo  
 „ negotio, omissa inveniantur. Unde cum  
 „ spes alia pacis nulla compendiosior occur-  
 „ reret, quàm virginem à Franco Rege duci  
 „ uxorem, duxit: quibus quidem nuptiis  
 „ religiosè celebratis, accidit ut Britonum  
 „ omnium assensione pax facta sit. „

Pontus Heuterus in Maximiliano ac Phi-  
 „ lippo lib. 4. cap. 4. „ Initiò Januarii anni  
 „ 1492. Romanorum Rex, & Anna Britonum  
 „ Dux, filia natu major Francisci postremi  
 „ Britonum Ducis, qui sine liberis masculis  
 „ obiit, de ineundo matrimonio invicem dant  
 „ fidem, mittitque Romanorum Rex ad Bri-  
 „ tones Aurantii Principem, ac Pollanium  
 „ Germanum, cum duobus peditum Germa-  
 „ norum millibus, qui Duci Annæ præsidio  
 „ essent, decubuitque Aurantius cum ea no-  
 „ mine Romanorum Regis armatus, ut est  
 „ Principum mos. Erat tum temporis Dux  
 „ Anna in civitate Renesio, alam centum no-  
 „ bilium Britonum equitum secum habens,  
 „ ac mille ducentos Anglos pedites, resistens  
 „ Carolo Francorum Regi, qui Anglorum  
 „ cum Britonibus societatem suspensam ha-  
 „ bens, bellum Duci Annæ intulerat, atque  
 „ universum ferè Ducatum occupaverat. Lata  
 „ igitur adventu Aurantii, Pollanii, ac pedi-  
 „ tum Germanorum acerbis resistebat, majores  
 „ à sponso expectans copias. At Rex Caro-  
 „ lus, easdem appetens nuptias, copias quo-  
 „ que suas augebat, summa ope annitens,  
 „ Ducem Annam cum urbe Renesio, antequam  
 „ justas Romanorum Rex copias submittere  
 „ posset, sui juris facere, - - - - -  
 „ Carolus Francorum Rex, occupato Brito-  
 „ H h h h 2 „ num

„ num Ducatu, Renesium, in quo Dux Anna  
 „ erat, longa obsidione vexatum, in potesta-  
 „ tem redigit, Romanorum Regis militibus  
 „ trium mensium stipendio ad dedicationem  
 „ coöemptis, urbemque ei cum Duce Anna  
 „ tradentibus: quam post paucos dies in ux-  
 „ orem ducit, remissâ Romanorum Regi filiâ  
 „ Margaritâ intactâ, uxoreque legitima ei vi-  
 „ erepta. Legati Romanorum Regis, qui  
 „ hæcenus cum Duce Anna fuerant, Mech-  
 „ liniam ad Archi-Ducem Philippum reversi,  
 „ omnem actâ rei historiam exponunt; paulô-  
 „ que post dicti Regis Caroli Legatj eodem  
 „ appellant, reperiuntque cum Archi-Duce  
 „ Saxonem, Legatos Regis Angliæ, ac Bel-  
 „ garum Proceres, de pace cum Gandensibus  
 „ stabilienda in vanum laborantes. Dato  
 „ Regijs Legatis ad Archi-Ducem accessu,  
 „ dicebant, Cæsarem Fridericum ac Roma-  
 „ norum Regem sæpissimè per litteras non  
 „ solum Regi Carolo, sed disertis etiam ver-  
 „ bis apud omnes ferè Germaniæ Principes,  
 „ non semel esse conquestos, contra suam  
 „ voluntatem Margaritam Austriacam, Ordini  
 „ aliquot Belgarum violentiâ, Regi Caro-  
 „ lo in uxorem fuisse traditam: quæ indi-  
 „ gnitas cum Francorum Regi nulla ratione  
 „ esset ferenda, quævisse ac reperisse cum  
 „ aliam, remissurumque Margaritam intactam,  
 „ ac uti deiecit, educatam. Petunt insuper  
 „ conditiones pacis Anni 1482. propter ma-  
 „ trimonii dissolutionem renouentur, tumut  
 „ Romanorum Rex, ac Archi-Dux Philippus,  
 „ foederi Hispanico ac Anglico renuntient.  
 „ Ad hæc Burgundiæ Cancellarius Caronde-  
 „ letus ita respondit: Francorum Regem nec  
 „ suo, nec Romanorum Regis, nec Archi-  
 „ Ducis Philippi, nec sponsæ suæ Margaritæ  
 „ Austriacæ honori satisfecisse, nec consu-

„ luisset, memorésque Austriacos loco ac tem-  
 „ pore injuriarum fore. Quod ad pacem at-  
 „ tinet anni 1482. eorum esse eam servare in-  
 „ violatam, qui primi ejus leges conceperint,  
 „ subsignassent, atque appensis sigillis robo-  
 „ rassent. Id autem fecisse Francorum Re-  
 „ gem, ejusque Proceres. Opus quoque  
 „ esse, Rex ad eam rem conficiendam digno-  
 „ res mittat Legatos. Quod ad foederum  
 „ renuntiationem attinet, non esse Franco-  
 „ rum Regis ea in re præscribere Romano-  
 „ rum Regi, nec ejus filio, leges. Contentus  
 „ sit Regni Francici limitibus, nisi eos præ-  
 „ tergessus non pauca Francorum millia (ut  
 „ non semel contigit) alienis in finibus sum-  
 „ mum diem claudere, extrema cum ignomi-  
 „ nia ac dedecore, malit. Austriacos enim  
 „ Principes neque Angliæ neque Hispaniæ  
 „ Regi, neque ulli unquam Principi aut ci-  
 „ vitati, cui se conjungere visum fuerit, Fran-  
 „ corum causâ amicitiam nec foedus renun-  
 „ tiaturos: Francorum autem amicitiam tanti,  
 „ quanti inimicitiam, ac è contrâ facere. „

Spondanes hic n. 2.

- [2.] Ex Autographo ipsius.
- [3.] E litterarum monumentis.
- [4.] E diplomate Cæsaris.
- [5.] Ex Indice Colomanni Abbatis PMS.
- [6.] E litterarum monumentis.
- [7. & 8.] Ex Autographo ipsorum.
- [9.] E litterarum monumentis.
- [10. & 11.] E diplomate Cæsaris.
- [12.] Ex Indice Colomanni Abbatis PMS.

PMS.

- [13. & 14.] Ex Autographo ipsorum.
- [15.] E litterarum monumentis.
- [16.] Ex Indice Colomanni Abbatis.
- [17.] Ex Autographo ipsius.

## Annus Christi MCCCCXCII. Monasterii CCCLIV.

*Pont. Rom.*  
Alexander VI.

*Imp. Rom.*  
Fridericus IV.

*Archi-Dux Austriae*  
Maximilianus I.

*Episcopus Pataviensis*  
Christophorus.

*Abbas Zwettlensis*  
Colomannus.

„ **O**ccubuit lethali morbo Innocen-  
 „ tius Papa VIII. Romæ in Vati-  
 „ cano octavô Calendas Augusti, cor-  
 „ pus ejus æreô monumentô in Basilica  
 „ S. Petri sepultum est. Post Cardina-  
 „ les viginti octo 3. Idus Augusti ele-  
 „ gerunt in Romanum Pontificem Va-  
 „ lentinum (*Rodericum Lenziolum vo-*

„ *catum*) Hispanum, Episcopum Car-  
 „ dinalem Portuensem & S. Rufinæ,  
 „ Collegii Decanum, & S. R. E. Vice-  
 „ Cancellarium, qui Alexander VI.  
 „ appellatus 7. Calendas Septembris  
 „ solenni pompa coronatus fuit, „  
 „ [1.] Hunc ita prædixit Pontificem B.  
 „ Malachias Hibernas: Bos Albanus  
 „ in

in portu. Nam Alexander hic erat Episcopus Cardinalis Albanus & Portuensis, in cujus insigniis bos conspiciatur.

„ In Austria hoc anno milites aliquot ex eorum numero, qui sub Matthia assiduis bellis assueti pacem ac otium ferre non poterant, in Moravia finibus munimenta quædam excitaverant, unde vicinum agrum rapinis & incendiis divexabant. Eos Fridericus obsideri jubet, qui dejectis latibulis fugâ evasere ab Austria Proceribus, alii alio loco aut cæsi aut capti: omnes mala morte periire. Viennenses trecentos ex illis suspendere. Eitzingerus, quos nactus est, in fornaces, quibus calx decoquitur, conjici jussit. Ita tunc Austria omnis ab ea hominum sentina repurgata est. „ [2.] Hæc Gerardus. Horum latronum dux erat Hawbitzius quidam Ungarus, qui Monasterium etiam Zwetlense gravi odio & exactione persecutus est, qui satellites suos tum Egenburgæ, cum Rhetii, atque in Horn ab obitu Matthiæ retinuit, Capitaneis Ungaricis ceteris domum redeuntibus. Unde toti provinciæ tam supra quam infra Mainhardi montem multa incommoda intulit, usque dum ab Imperatore Georgio Eitzingerus jussus fuit bello præ-

dones dictos persequi, qui Schrattentalii in medio illorum constitutus multa quoque damna ab ipsis prius acceperat.

Viguerat non tantum in Monasterio Zwetlensi sub Wolsfango Abbate regularis disciplina, sed quoque sub Colomanno ejus successore, ita, ut ex diversis Ordinis nostri Monasteriis apud nos Abbates pro Religiosis suis gratiam hospitandi petierint, ut ex Autographis eorum constat.

Mentio rursus habetur Neomagensis seu Domini de Spawr, qui per Tullenses campos judicium provinciale à Cæsare acceperat; hic autem Abbates tam Zwetlensem quam Altenburgensem ob quosdam in dictis campis eorum colonos vexarat: unde tam Colomannus in Zwetl, quam Paulus Altenburgi Abbates Friderico Imperatori supplices fuere, quatenus ipsos ab impetitione absolveret. [3.] Qui alterum ab eo mandatum obtinuerunt, quo huic D. Matthæo de Spawr, Pincernæ Tirolis, sibi à consiliis & camera, præcipit, ut Abbates de Zwetl & Altenburg ratione advocatiæ judicii juxta Tulnam amplius impetere desinat, vel si noluerit, ipsis pecuniam jam datam restituat, & aliud non faciat. „ Datum in Lintz annò „ Domini 1492. feriâ quintâ ante Pentecosten, 31. Maji. „ [4]

## ADDITIONES.

\* [1.] Ciaconius in Innocentio VIII. & Alexandro VI.

[2.] Gerardus de Roß Histor. Austr. lib. 10.

Nauclerus Generatione 50. „ Per hæc tempora restabant adhuc reliquæ exercitus Matthiæ Regis Hungariæ, quam nigram legionem vocabant, qui tædiō longæ pacis, quam Maximilianus Hungaris procuravit, affecti, partito agmine, in diversas utriusque Pannoniæ partes eruperant, duo milia ad confinia Moraviæ & Austriæ infesta acie confederant, fortalitiō, quod ipsi gentiliter Tabernam vocant, sese munientes,

„ ex quo excursionibus suis omnia loca castris & latrociniiis turbabant. Qui tandem Friderici Cæsaris jussu obsidione cincti sunt. Expugnatio fortalitiō, multis ex his castris, aliis captis, qui septingenti supererant, hi oppidis & Baronibus, quorum fines invaserant, traditi sunt, ut digna illis supplicia irrogarent. Itaque trecentos ferme Viennenses laqueo necarunt, ceteros Eicingerus vir clarus sustulit, partim excoxiatos, partim ad rogiem assatos, partim furnis immisos, vitâ illis adeptâ. „

[3.] E literarum monumentis.

[4.] E mandato Cæsareo,

## Annus Christi MCCCCXCIII. Monasterii CCCLV.

*Pont. Rom.*  
Alexander VI.

*Imp. Rom.*  
Maximilianus I.

*Archi-Dux Austriae*  
Idem Maximilianus.

*Episcopus Pataviensis*  
Christophorus.

*Abbas Zweitensis*  
Colomannus.

„ **F**ridericus Imperator pace jam in  
„ Austria ac reliqua Germania par-  
„ ta gravi morbo laborare coepit Lin-  
„ cii, quem nimio melonum esu auctum  
„ esse nonnulli meminere. Alterum  
„ illi crus sphacelô affectum per eos-  
„ dem dies ex Medicorum consilio re-  
„ sectum erat. Id cùm inspexisset,  
„ quævisse ferunt, quid inter Cæsa-  
„ rem & quemvis rusticum interesset  
„ mox verò subiecisse, rusticum sanum  
„ ægroto Cæsare longè esse felicior-  
„ em. Non multò post rebus ex ultima vo-  
„ luntate constitutis, obiit decimò  
„ tertio Calendas Septembres, annò  
„ ætatis octavo & septuagesimò, post  
„ susceptam Imperii curam tertio &  
„ quinquagesimò, quo Cæsarum nemo  
„ post Augustum diutius imperavit.  
„ [1.] Hæc de obitu ipsius Gerardus,  
„ qui ab aliis tam in morte, quàm in se-  
„ pulchra discrepat dicens: „ Corpus  
„ ejus Neapolim delatum, apud ux-  
„ orem conditum esse. „ Quod falsum  
„ esse Cuspinianus tunc scribens affirmat  
„ sequentibus: „ Exenteratum, ait,  
„ corpus (*nam intestina in Lincio sepe-*  
„ *hantur, quod etiam Strabo refert*)  
„ maximâ pompâ Viennam per Danu-  
„ bium delatum, tota urbe obviam ef-  
„ fusa honestissimè exceptum, in ædem  
„ D. Stephani deferretur, ac in crypta  
„ Principum reservatur, donec sepul-  
„ chrum, quod viginti annis, cùm vi-  
„ veret, ab ipso inchoatum erat, per-  
„ ficeretur. „ Et post sepulchri descri-  
„ ptionem sic prosequitur Cuspinianus  
„ historiam: „ Maximilianus verò Cæ-  
„ sar pientissimus filius imperfectum  
„ hoc opus à patre summâ curâ annis  
„ penè duobus de triginta elaborare &  
„ perfici curavit, erogatis plus quadra-

„ ginta millibus aureis nummis. Licet  
„ Fridericus priusquam moreretur, su-  
„ premam sepulchri tecturam in vita sua  
„ perfecisset. „ [2.] Hucusque Cu-  
„ spinianus.

„ Porro Theodoricus Rhenanus Cle-  
„ ricus Argentinenfis Diœcesis ad petitio-  
„ nem Colomanni Abbatis in Zwetl liti-  
„ ras Georgii Pataviensis Episcopi „ sub  
„ dato in Anaso annò Domini 1408.  
„ 12. Octobris in instrumentum publi-  
„ cum ex integro inserit, quibus fun-  
„ dationem Capellæ S. Wolfgangi in  
„ Pfaffenslag à Schaleris factam con-  
„ firmat, ac tanquam filiam matri, Ec-  
„ clesiæ Parochiali in Pulchra Augea,  
„ vulgo Schöenaw subjecit. Actum in  
„ oppido Zwetl in domo Monasterii  
„ nostri annò Domini 1493. 3. Janua-  
„ rii, annò verò Pontificatus Alexan-  
„ dri Papæ VI. primò. „ [3.] Præ-  
„ fatam Parochiam unâ cum filiali sacello  
„ suo Monasterium nostrum titulò fun-  
„ dationis acquisivit.

„ Conventum Cremsii & Viennæ  
„ Cæsar Provincialibus Austriæ indixerat  
„ ob conscribendos milites, quantum ex  
„ sequentibus colligere possum; „ circa  
„ quem Laurentius Abbas S. Lamberti in  
„ Altenburg Colomannum Abbatem  
„ in Zwetl rogat sibi significare diem,  
„ utrum ad illum, qui ad feriam quar-  
„ tam post Pascha constitutus est, sit  
„ iturus &c. Datum in Altenburg an-  
„ nò Domini 1493. in die Cœnæ, ni-  
„ mirum 4. Aprilis. „ [4.] Credo  
„ autem Colomannum descendisse ad in-  
„ dictum conventum; „ nam Christo-  
„ phorus de Liechtenstein in Nicola-  
„ spurg Marschalcus Austriæ fatetur  
„ apochâ suâ se recepisse ab Abbate in  
„ Zwetl triginta duo talenta denario-

„ rum

„ rum pro stipendio sedecim militum  
 „ peditum. Datum Crems annò Do-  
 „ mini 1493. feriâ sextâ ante Tiburtii,  
 „ 12. Aprilis. „ [5.] Mandatum au-  
 „ tem convocationis à Cæsare Friderico  
 „ Datum est in Lintz annò Domini  
 „ 1493. feriâ quartâ in die Gregorii. „  
 „ [6.] Ex præcedentibus & sequenti-  
 „ bus adhuc literis manifestatur hoc, de  
 „ quo loquuntur, bellum, quod in an-  
 „ num nonagesimum secundum hujus Sæ-  
 „ culi à Gerardo rejicitur, sicut eundem  
 „ ibi citavi, nam quidam sub Matthia Un-  
 „ garorum Rege Austriæ hoste bellò assi-  
 „ duò assueti, munimenta quædam in Mo-  
 „ ravie & Bohemiæ finibus occupave-  
 „ rant, è quibus vicinum agrum infesta-  
 „ bant, in quos Fridericus Imperator tot  
 „ querelis excitatus, bellum decrevit,  
 „ unde Proceribus illud gerendum com-  
 „ misit, ad quod Prælatorum status mili-  
 „ tes æquè mittere tenebatur, uti suprâ  
 „ retuli. Inter cetera verò munimenta  
 „ prædones præfati occupârunt quoque  
 „ Teyia oppidum à fluvio, quo alluitur,  
 „ itâ nominatum, & muniêrunt, in quo  
 „ obfessi ab Austriacis aliquandiu sese de-  
 „ fenderunt, ex quorum castris Colomanno  
 „ Abbati in Zwetl quidam ex suis mi-  
 „ litibus dictus Stephanus Rechwein scri-  
 „ bit sequentia: „ Nos hodie feriâ tertiâ  
 „ summo mane exivimus & Teyiam  
 „ gyravimus, & quamprimum majori-  
 „ bus balistis fulminare incepimus, qua  
 „ oppugnatione totum diem usque ad  
 „ quartam horam combussimus, qua  
 „ insultum in vallum fecimus, & adju-  
 „ toriò Altissimi ac Virginis Gloriosæ  
 „ Mariæ idem eodem insultu & incen-  
 „ dio expugnâvimus, omnésque præter  
 „ interfectos telis cepimus, sed pluri-  
 „ ma pars eorum nocte præcedenti ma-  
 „ nus nostras per fugam evasit, ante-  
 „ quam obsidionem fecimus. Hæc  
 „ raptim ex campo ante Teyia, dicit  
 „ craftinâ se conferre debere ad Pey-  
 „ garten obsidendum. Annò Domini  
 „ 1493. feriâ tertiâ ante Pancratii, ni-  
 „ mirum 7. Maji. „ [7.] Non tan-

tum autem in Teyia, sed quoque in  
 Peygarten munimenta sua habuere,  
 siquidem etiam Monasterium Altenbur-  
 gense incommoda ab aliis ejusdem fa-  
 rinæ prædonibus illata nonnulla susti-  
 nuit; de quo scripsit Colomanno Ab-  
 bati in Zwetl Laurentius Abbas S. Lam-  
 berti Altenburgensis. „ Datum Alten-  
 „ burgi annò Domini 1493. 3. Idus  
 „ Maji. „ [8.] Præcipui prædones  
 erant Hawbitzius, ex annis superioribus  
 notus, nec non Matschacherus & Wacz-  
 laus Bohemus citatis in literis nominati.  
 Interea Imperator Lincii ex hac vita  
 migrârat: ex cujus obitu prædones ani-  
 mosiores facti, plura indies tentabant,  
 unde nihilominus Austriaci in armis  
 persistabant, bellum majori apparatu  
 promoventes. Maximilianus autem  
 occupabatur funere patris & exequiis,  
 cum interea Turcæ per Croatiam in  
 Carniolam, Carinthiam, & Stiriam ir-  
 rumpere audirentur. De his scripsit  
 Colomannus Abbas F. Georgio Cellerio  
 domum, nam ad conventum Pro-  
 cerum Viennam descenderat, ubi ad-  
 huc morabatur: „ Maximus timor  
 „ omne territorium invadit Turcorum  
 „ occasione, qui ad duas potissimum  
 „ aut tres diætas, si voluerint, in fini-  
 „ bus Stiriae esse possent. Deus hoc  
 „ avertat. Ex Vienna annò Domini  
 „ 1493. Sabbatò ante Octavam Nati-  
 „ vitatis B. Mariæ, nimirum 7. Septem-  
 „ bris. „ [9.] De adventu verò Re-  
 „ gis Romanorum Maximiliani Viennam,  
 sciendum est, ipsum funus patris Impe-  
 ratoris Danubiò secundò deportâsse, de  
 cujus per Mellicium transitu, sicut etiam  
 de curruum equorumve conduçione  
 Prior Mellicensis à Colomanno Abbate  
 Zwetlensè rogatus sic scribit: „ Occa-  
 „ sione, *inquit*, curruum Vestra Pater-  
 „ nitas informari cupit, dudum requi-  
 „ siti fuimus ex mandato Regis, qui, ut  
 „ novi ex ore D. Abbatis, numerum  
 „ curruum Rex ipse imposuit, sed non  
 „ cum tali gravamine, quo nos oppri-  
 „ munt Nobiles, mitius egit D. Rex  
 „ „ quàm

„ quàm isti agunt. Mandatum Regis  
 „ est, nec aliud scribere P. V. possum,  
 „ quàm negotium in se est. Dominus  
 „ Abbas cum Rege in nave descendit,  
 „ feria sexta sequenti cùm intrasset  
 „ Wiennam, omnes currus rapuit &  
 „ abduxit, & nostros, quos pro vinis  
 „ adducendis conduxeramus, & quod  
 „ gravius est, coactus fuit emere cur-  
 „ rus in instanti & mittere, nec fuit  
 „ mora, cùm coloni nostri dispositi  
 „ erant ad exercitum &c. Ex Mellicio  
 „ annò Domini 1493 feriâ quintâ ante  
 „ festum Simonis & Judæ, nimirum  
 „ 24. Octobris. „ [10.] Conductio  
 „ ista curruum ad bellum Turcicum fiebat,  
 „ qui Stiriam, Ciliæ Comitatum & Carin-  
 „ thiam invaserant, quorum tyrannidem  
 „ Lector benevolus plenius videre poterit  
 „ apud Megizerum. [11.] Atque hæc  
 „ de bello contra prædones Austriæ gesto  
 „ sufficient: revertor ad alia anni hujus  
 „ acta.

„ Petrus de Seranis Rector Para-  
 „ chialis Ecclesiæ de Segna-villa Baj-  
 „ ætensis Diocesis in utroque Jure Bac-  
 „ calaureus, Aulæ Sacri Palatii Late-  
 „ ranensis Comes Palatinus, Alexandri  
 „ Papæ VI. familiaris, ac subsidii unius  
 „ integræ decimæ, super fructibus re-  
 „ ditibus & proventibus omnium & sin-  
 „ gulorum Monasteriorum ac aliorum  
 „ beneficiorum Ordini Cisterciensi  
 „ dudum per Innocentium PP. VIII.  
 „ impositæ, collector chyrographò suò  
 „ fatetur se à Colomanno Abbate in  
 „ Zwetl quinquaginta florenos Rhe-  
 „ nenses recepisse. Datum in ipso Mo-  
 „ nasterio Zwetl annò Domini 1493.  
 „ 15. Julii. „ [12.] Causam hujus  
 „ subsidii nullam aliam reperio, quàm ex-  
 „ haustum Ecclesiæ ærarium, quod bel-  
 „ lum Gallicum exhaustit. Ubi autem  
 „ suprâ fit mentio subsidii unius integræ  
 „ decimæ, quam Innocentium VIII. præ-  
 „ decessorem Alexandri VI. Ordini Cister-  
 „ censi imposuisse dudum refert: scien-

dum, Innocentium præfatum pace per  
 Italiam constituta, bellum decrevisse in  
 Turcas Christiani nominis hostes, eos-  
 que tripartito exercitu petere, nimirum  
 ab Imperatoribus Friderico & Maximi-  
 liano uno, altero ab Ungariæ Rege,  
 tertio in mari classe suis auspiciis con-  
 ducta, associatò sibi unò trium Regum,  
 Galliæ, Castellæ, vel Angliæ, cum parte  
 Collegii Cardinalium. [13.] Habe-  
 bat autem Pontifex sub honesta custo-  
 dia Romæ in Vaticano Gemem seu Zi-  
 zimum nonum Bajazetis tunc Impera-  
 toris Turcarum fratrem, qui contra di-  
 ctum Bajazetem pro imperio infelicitè  
 pugnans ad Christianos confugit, auxi-  
 lium contra fratrem implorans. Quo  
 ductore Pontifex usus fuisset, si non  
 invida mors Innocentium cum summo  
 totius Reipublicæ Christianæ luctu sur-  
 ripuisset. Unde quoque illa expeditio  
 cum Papâ expiravit. Intentus autem  
 Pontifex in id bellum, de omnibus &  
 singulis Ordinis Cisterciensis Monaste-  
 riis eorundemque beneficiis integræ unius  
 decimæ pretium sibi porrigi mandavit.

Tandem Colomannus Abbas cùm  
 Viennæ existeret, ac Maximilianus Ro-  
 manorum Rex in cryptam Austriæ Prin-  
 cipum apud D. Stephanum patrem su-  
 um Fridericum sepelisset, memor ad-  
 huc litium sui prædecessoris Wolfgangi  
 I. cum vicinis habitarum, nè Monaste-  
 riî libertates & privilegia forti ariete  
 impugnarentur, nulla habita Cæsaris  
 confirmatione, Maximilianum supplex  
 adiit, atque ab eo privilegiorum Mona-  
 sterii confirmationem protinus impe-  
 travit, cujus initium tale est: „ Maxi-  
 „ milianus D. G. Romanorum Rex sem-  
 „ per Augustus, Ungariæ, Dalmatiæ,  
 „ Croatia &c. Rex, Archi-Dux Au-  
 „ stræ, Dux Burgundiæ, &c. Datum  
 „ Viennæ annò Domini 1493. feriâ ter-  
 „ tiâ post festum Conceptionis B. Ma-  
 „ riæ, 10. Decembris. „ [14.]

ADDI-

## ADDITIONES.

\* [1.] Gerardus de Roó Histor. Austr.  
lib. 10.

Megizerus in Annalib. Carinthiæ lib. 11.  
cap. 1.

Pontus Heuterus in Maximiliano ac Phi-  
lippo lib. 5. cap. 2. „Decimo tertio Cal-  
„Septembris moritur Lintzii Austriæ oppido  
„Cæsar Fridericus Tertius, Regis Maxi-  
„liani pater, Archi-Ducis Philippi avus, cùm  
„vixisset annos septuaginta septem, menses  
„undecim, dies tres. Regnavit ac impera-  
„vit annos quinquaginta tres, menses qua-  
„tuor, dies quatuor.”

Naucerus Generat. 50. „Annus 1493.  
„insignior factus est ex morte Divi Friderici  
„Tertii Imperatoris Roman., quo nullus à  
„Cæsare Augusto Octaviano, Romani Impe-  
„rii sceptræ diutius tenuit. Nam 53. annis,  
„mensibus quinque imperavit. Ernesti Du-  
„cis Austriæ filius, mox ut discretionis an-  
„nos attigit, tutelamque exivit, ut locum  
„videret, in quo nostra redemptione celebrata  
„est, adhuc adolescens mare transivit, sacra  
„visens loca, ubi natus Salvator, passus, cru-  
„cifixus & sepultus, felicemque reditum cum  
„gloria habuit. Fuit Princeps Catholicus  
„& pius. Qui Alberto Rege Romanorum  
„defuncto annò Salutis nostræ 1440. com-  
„muni voto Cæsar electus est, coronamque  
„regni Germanici apud civitatem Aquis-  
„granensem summo honore suscepit. Fuerunt in eo,  
„teste Ænea Sylvio, multa laude digna, ani-  
„mus sedatus & tranquillius, ingenium per-  
„spicax, memora tenacior, religionis zelus,  
„ingens cupiditas pacis & ocii, singularem  
„virtutem in quovis homine diligebat, di-  
„gnamque præmiò ducebat. Edificavit  
„splendide, hortos tamen & gemmas plus  
„quàm admirabatur, & in rebus gerendis  
„tardior ac remissior visus est. Tenacem  
„plerique accusaverunt, & ad rem nimis in-  
„tentum: ceterùm nec sua profudit, nec alie-  
„na diripiebat, verbis factisque temperans  
„habitus. Hic neutralitatem Ecclesiæ Ro-  
„mænæ nocentissimam, ex natione Germa-  
„nica sustulit, & obedientiam magno labore  
„& sumptu Eugenio & Nicolao restituit. De-  
„inde Leonoræ filiam Regis Lusitanie vir-  
„ginem illustrissimam uxorem duxit, ex qua  
„primum filium Christophorum dictum su-  
„scipit, quem tamen immatura mors abstu-  
„lit. post quem Maximilianum hodie Roma-  
„norum Imperatorem cum filia Margarita,  
„uxore Ducis Alberti de Bavaria generavit.  
„Hunc Maximilianum adultum factum, an-  
„nò Salutis 1486. consortem regni fecit, ut

„quod ipse præ ætate adimplere non posset,  
„per filium Regem perfici posset. Qua fu-  
„rit mansuetudine, fide, constantia, & quas  
„in Imperio passus sit adversitates, in supe-  
„rioribus annotavi. Circa cultum corporis  
„& victum nec parcus, nec sumptuosus fuit,  
„vini verò parcissimus, quo extra cænâ ra-  
„rissimè est usus, in cæna verò levissimum  
„bibit, & id aquâ perdomitum. Leonoræ  
„Augustæ, refert Æneas Sylvius, quæ pater-  
„na in domo nunquam vinum gustasset, sua-  
„debant medici, in Germania regione frigi-  
„da, si mater fieri vellet, vinum biberet:  
„quod cùm accepisset Fridericus: Abi, in-  
„quit, Ænea, atque Imperatrici dicito, ste-  
„rilem me conjugem, quàm vinosam malle:  
„proinde, me si amat, vinum oderit. Ad  
„hæc Leonora libenter paruit. Idem refert  
„Fridericum nunquam jurasse, nisi cùm in  
„civitate Aquisgranensi apud Belgas, & cùm Ro-  
„mæ coronatus esset, idque juramentum con-  
„stantissimè tenuit. Cùm enim iurejurando  
„promississet, quæ bona possideret, ab Impe-  
„rio se nullatenus alienaturum, & modò  
„hoc, modò illud ex eo peteretur, maluit  
„avarus negando, quàm concedendo perju-  
„rus videri: eamque ob causam, petenti Bor-  
„sio Marchioni Eßensii Ducatum Mutinæ &  
„Rhegii, tamdiu restitit, donec intellexit  
„eum Ducatum, qui sub annuo tributo con-  
„cederetur, lucrî magis quàm alienationis  
„speciem habere, præsertim cùm Mutina &  
„& Rhegium in sua potestate non essent.  
„Fridericus hic interrogatus aliquando, quid  
„homini optimum contingere posset: respon-  
„disse fertur, bonus in hac vita exitus. Quod  
„sibi contigisse piè credendum. Ipse enim  
„in senectute bona venerabiliter susceptis  
„Sacramentis Dominicis, annò Salutis no-  
„stræ 1493. in vigilia Nativitatis Gloriosæ  
„Virginis Mariæ in oppido suo Lyncea quàm  
„devotissimè migrasse dicitur de seculo, cor-  
„pus verò ejus inde delatum, & in civitate  
„sua Viennensi sepultum est.”

[2.] Culpinianus in Cæsaribus sub Fri-  
derico IV.

Annales Austriæ Superior, Strunonis de  
Schwarzenawe hoc anno.

Pontus Heuterus ubi suprà ita proseguitur:  
„Sepultus est Viennæ in Templo Divi Ste-  
„phani perfectò à Romanorum Rege Maxi-  
„miliano insigni Mausoleo, quod pater Fri-  
„dericus ante annos viginti inchoarat. Est  
„autem illud è puro lapide alabastrite vario,  
„candidoq; artificiosissimè sculptum, in  
„quo præter alia hoc legitur Epitaphium:

Kkk k

„Frede-



„ *Fredericus Tertius, Rom. Imperator semper Augustus, Austria, Stiria, Carinthia & Carniola Dux, Dominus Marchie, Slavonia, ac Portus Naonis, Comes Hassurpi, Tyrolis, Ferrette, ac Limburgi, Marchio Burgovia, Landgravius Alsatie.*  
 { 3. & 4. } Ex literarum monumentis.  
 { 5. } Ex Apocha ipsius.  
 { 6. } E mandato Cæsaris.  
 { 7. 8. 9. 10. } Ex Autographo ipsorum.  
 { 11. } Megizerus in Annalib. Carinth.  
 lib. 10. cap. 34.

Gerardus de Roß ubi suprà sub n. 1. relatus, in fine. „ Paucis diebus post ( *sepultus* *Friedrich* ) Turcæ ad novem millia per Croatiam in Carinthiæ & Carniolæ fines irruere, adducti ( uti ferebatur ) à Bernardino Frankepano Venetorum Legato, quo illos ab obsidione breviter civitatis averteret. Igitur ad Juliam usque & Petoviam populabundi, ingentemque hominum pecudumque ac aliarum rerum prædam secum abigentes, obvios habuere Hungaros & Croatios, cum quibus commissa pugna superiores, quinque millia occidere. Maximilianus verò contra hæc quindecim millium exercitu, mira quadam celeritate victores assecutus multis in fuga occisis, prædam omnem recepit,

„ & provinciarum limites ab hostium metu liberavit. „

Lazius in Genealog. Austriacæ lib. 2.  
 „ Quintum ( *bellum Maximilianus* ) absens per suos in Carniola & Wyndorum Marchia adversus Thurcos administravit; qui facta incursione annò 1493. miserè Carniolam, Ciliensem ditionem, Carinthiam ac Stryam depopulati fuerant: quo bello Georgii ab Herberstein virtus enituit. „

Nauclerus ubi suprà sub n. 1. ita prosequitur:  
 „ Eodem anno mense Octobri Turcorum multa millia descendentes in Croatiam, non parvam stragem hominum fecerunt, decem millibus hominum ferè partim caesis, partim abactis, ferro quoque & igne cuncta vastantes, magnam prædam abstulerunt. Cladem hanc Croatis evenisse ajunt, quòd temerè prælium incautes, auxiliares copias Germanorum prætolari neglexerant. Erat enim tum in Austria Maximilianus Rex, qui mox quindecim millia equitum & peditum contrahens, se ad insequi parat, Turci fugam maturantes, se ad propria receperunt. „

Spondanus ad hunc annum n. 7.

- { 12. } Ex Apocha ipsius.
- { 13. } Ciaconius in Innocentio VIII.
- { 14. } E diplomate Cæsaris.

Annus Christi MCCCCXCIV. Monasterii CCCLVI.

*Pont. Rom.*  
 Alexander VI.

*Imp. Rom.*  
 Maximilianus I.

*Archidux Austria.*  
 Idem Maximilianus.

*Episcopus Pataviensis*  
 Christophorus.

*Abbas Zwetlensis*  
 Colomannus.

„ **R**Everfus anno adhuc priori Vienne Maxilianus, Legatos in Ungariam ad Vladislaum misit, cum quibus ab eo advenere Agriensis Præsul & Nicolaus Bamii. Hi Imperatoris Friderici exequiis interesse, quæ per eos dies magnifico apparatu celebratæ sunt. Quid inter ipsos actum sit, vulgo non innovit. Pax actædus denuo instauratum putabatur, cujus summa erat, uti Maximilianus Vladislao, quòd cognatus esset, regnum permitteret, retento successione, jure, si absque prole mascula decedere ipsum contingeret. „ \* [ 1. ] Hæc Gerardus. Hundius tamen has exequias in annum

priorem rejecisse videtur, si non de exequiis Lincii, sed Viennæ celebratis loquitur, dum ait: „ Fridericum V. ex Comitibus de Schawmberg Archiepiscopus Salisburgensem ipsis interfuisse, eundemque tunc Viennæ regalia sua ab Imperatore accepisse, ac demum hoc anno 4. Octobris obiisse. „ [ 2. ] Credo tamen magis Cuspiniano ea etate viventi & præfenti; „ qui annò 1494. septimo Decembris. inquit, in D. Stephani Templo Maximilianum Cæsarem iusta persolvisse patri, corpus in cryptam Austriæ Principum interea condendo, donec sepulchrum novum perficeretur, cujus deinde translatio cor- „ poris

„ poris facta est annò Domini 1513. „ Calendis Novembris „ [3.] Cuspianio præfato funebrem orationem faciente. Idem enumerat Principes, qui ejusdem primis exequiis Viennæ interfuere: „ Oratores inprimis Summi Pontificis Alexandri VI. Regis Franciæ, Cardinalis Rothomagensis, „ Dux Auranæ, Edwardus Rex Angliæ „ junior, Regis Ungariæ Oratores Thomas Jauriensis tum Episcopus, regni „ Cancellarius, post Cardinalis, aliique Proceres; Albertus Saxonie, & „ Albertus Bavarorum Duces, omniumque penè totius Imperii Principum Oratores. „ Atque hæc de exequiis Imperatoris. [4.]

Antequam autem funebria celebrasset Maximilianus, ad secundas nuptias animum adjecit, quas hoc anno Oeniponti apud Sigismundum patrum cum Blanca Maria de Sfortiarum ac Vicecomitum familia oriunda, filia Ludovici Sfortiæ Ducis Mediolanensis habuit postridie Idus Martias. [5.]

„ Porro Colomanus Abbas in Zwetl „ accusat apud Regimen in absentia Regis Viennæ constitutum, cujus Præses „ Casparus Roggendorffius, Georgium Puechaimium de Raaps, eò quòd „ miserè quinque Monasterii sui colonos tractaverat, eos uti reos mortis „ ad latrones in carceres & turres conjiciendo, se quoque Abbate ipsorum „ Domino non requisito, minatur ipsis „ infra dierum decem spatium sententiam ea in causa ultimam se laturum. „ Datum in Monasterio Zwetl annò „ Domini 1494. feriâ tertiâ post Jacobum, nimirum 29. Julii. „ [6.] Ad hunc supplicem libellum Abbas vel ab ipso Maximiliano, qui in Austriam fortè jam redierat, vel à Regimine Viennæ relicto nomine Cæsaris, mandatum obtinuit contra præfatum Puechaimium, quo viso ipse jubetur protinus captos sine omni pensione libertati restituere, seque Viennæ ad Regimen feriâ quartâ ante festum Bartholomæi præsentare,

cum Abbate in causa dicta acturus secundum viam juris vel per se vel per procuratorem suum. „ Datum annò „ Domini 1494. in Inventione S. Stephani, nimirum 3. Augusti, annò „ autem regnorum suorum, Romani „ nonò, & Ungarici quintò. Incipit autem mandatum taliter: „ Nos Maximilianus D. G. Romanorum Rex „ semper Augustus, Ungariæ, Dalmatiæ, Croatiae Rex, Archidux Austriæ, Dux Burgundiæ, Brabantiae, „ Geldriæ, Comes Flandriæ, Tyrolis „ &c. „ [7.]

„ Obierat jam 11. Septembris Plebanus in Schoënow, secularis Presbyter, quod Wolfgangus Prior Colomanno Abbati Viennæ tunc exstenti per literas nuntiat. Datum „ in Monasterio Zwetl annò Domini „ 1494. feriâ sextâ ante Exaltationem „ S. Crucis, 12. Septembris. „ [8.] „ Reconciliavit Nicolaus Yponensis Episcopus, D. Christophori Patavienlis Præfatus Suffraganeus Ecclesiam cum cœmeterio S. Laurentii in Windigsteig Parochialem. Datum „ ibidem annò Domini 1494. 25. Novembris. „ [9.] Item prænominatus idem Suffraganeus corpus Ecclesiæ B. Virginis Mariæ in Rafing cum duobus Altaribus (quorum primum in dextro latere in honorem SS. Wolfgangi & Floriani, Sebastiani & Christophori, secundum autem à sinistro in honorem S. Leopoldi & Omnium Sanctorum sita sunt) de novo consecravit, & Chorum ejusdem cum suo Altari reconciliavit. „ Datum ibidem annò Domini 1494. „ feriâ sextâ 28. Novembris. „ [10.] Ex his reconciliationibus colligere est Ecclesiam tam Parochialem in Windigsteig quàm filialem ejus in Rafing à prædonibus Austriam invadentibus profanatum fuisse: insuper Sacellum Rafingense tunc fuisse dilatatum adjecto ab occidente corpore, quo populus frequentior capi posset in Ecclesia, atque ita Chorum ejusdem Sacelli antiquitate

Kkk k a

præ-

præstare reliquo corpore. Non tantum autem præfatus Pataviensis Suffraganeus prædictas Ecclesias consecravit & reconciliavit; „ sed etiam denuo „ Capellam S. Nicolai in Monasterio „ Zwetlensi firam in honorem Sancto- „ rum, qui à sæculis retroactis ibi coli

„ consueverunt, benedixit, & sequenti die Sacellum S. Pauli Apostoli in Dürrenhove in honorem S. Apostoli „ modò dicti, Wernhardi Abbatis & „ Leopoldi Marchionis Austriæ solenni „ dedicatione sanctificavit. Datum annò „ Domini 1494. 6. Decembris. „ [11.]

## ADDITIONES.

\* [1.] Gerardus de Roó lib. 11. in initio Histor. Austriac.

[2.] Hundius in Metropoli Salisb. sub Archi-Episcop. in Friderico V.

[3.] Cuspinianus in Cæsarib. sub Friderico III.

[4.] Cuspinianus in Cæsarib. sub Maximiliano.

[5.] Gerardus de Roó Histor. Austriac. lib. 11.

Cuspinianus in Cæsarib. ubi suprâ.

Piespordius sub Maximiliano I.

P. Heuterus in Maximiliano ac Philippo sub hoc anno 15. c. 2. „ Cæsar in Austriam reversus, „ exercitum dimittit, paulòque post Oeniponte in uxorem ducit Blancam Mariam, filiam „ Galeacii Mariæ Sfortiæ, Ducis Mediolanensis, sororem Joannis Galeacii, qui à patruo „ Ludovico Sfortia imperio Mediolanensi fuit exutus, ac tandem venenò sublatu. „ Mirabantur complures Cæsarem Maximilianum ad tam impares descendisse nuptias: sed rerum ignari, non considerabant Cæsarem ob prodigam liberalitatem continuâque bella semper pecuniæ indigum, cum ea in dotem, ac pro diplomate, quo Ludovicus „ Sfortia, sponsæ patruus, Dux Mediolanensis renunciabatur, accipere quadringenta „ millia aureorum Ducatorum; pro mundo „ ejus muliebri ducenta millia, aliâque centum millia, quibus sponsæ nuptias cognati

„ ejus ac affines honorare dicebantur. Sed „ biennium † integrum Blanca Maria non „ supervixit. Inter venandum enim (ut Maria Burgunda, prior Cæsaris uxor) equò delapsa, paulò post è casu, cum foetu, quem „ uterò gerebat, nullis relictis liberis ablente „ Cæsare perit; qui ex eo tempore à nuptiis „ abstinens viduus obiit. „

† Discordat cum Heutero cit. Cuspinianus reticens genus mortis ita habens: „ Tertiam duxit (Maximilianus) uxorem, Mariam „ Blancam Galeacii Ducis Mediolanensis filiam, cum qua annis sedecim tranquillissimè „ vixit, sed sinè sobole, in Stams Monasterio „ sepulta. „

Item Gerardus de Roó locò cit. sub anno 1511. „ Prædic Calendas Januarii, dum Maximilianus Friburgi agit, ejus uxor Blanca „ Maria diem obiit, nulla relictâ prole. „

Piespordius. „ Blanca Maria. - - ducta à „ Cæsare Maximiliano Oeniponte annò 1494. „ - - - Annò 1502. inter venandum, ut Maria Burgunda prima Maximiliani uxor, equò „ lapsa paulò post è casu unâ cum foetu, quem „ uterò gestabat, nullis relictis liberis obiit. „

Ostavius de Strada secutus & exscriptis allatum Cuspinianum.

[6.] E literarum monumentis.

[7.] E mandato Cæsaris.

[8.] Ex Autographo ipsius.

[9. 10. 11.] Ex Autographo ipsius.

Annus Christi MCCCCXCV. Monasterii CCCLVII.

Pont. Rom.  
Alexander VI.

Imp. Rom.  
Maximilianus I.

Archi-Dux Austriæ  
Idem Maximilianus.

Episcopus Pataviensis  
Christophorus.

Abbas Zwetlensis  
Wolfgangus II.

**W**ormatiæ celebri Vangionum urbe Maximilianus conventum Principum celebravit, ubi de inhibenda Bajazetis Turcarum Tyranni violentia, ne in penitiora Germaniæ loca penetraret, deque Caroli Regis Galliæ cona-

tibus, quibus obviam eundum esset, deinde de concordia domi stabilienda, & pecunia, belli nervo, publicè colligenda, actum fuit. Itaque de pace per Imperium servanda statutum est, & tributum perexiguum in singula capita impe-

imperatum, quod proximo quinquennio exigeretur. \* [1.] Maximilianus autem exercitum congregans opus habebat pecuniâ, neque tributum ante quinquennium expectabat, mutuat illam à subditis suis accepit, ex promisso tributo restituendam. Unde Cæsar etiam Abbati in Zwetl scribit, & petit sibi ad res magnas peragendas dari mutuas centum denariorum libras valde necessarias, quas vult Regimini suo Viennæ consistenti tradi, ex censu Statuum Imperii sibi promisso solvendas. „ Datum Wormatiæ annò Domini 1495. „ feriâ secundâ post Palmas, nimirum „ 13. Aprilis, annò regnorum suorum „ Romani decimò & Ungarici sextò. „ [2.] Gerardus ait rem tandem obvariantes Principum sententias effectu caruisse. Non tantum autem à Prælati Austriæ pecuniam petiit Maximilianus, sed etiam à ceteris Statibus Sæcularium milites postulavit; monet autem tantum Nobiles Austriæ, quatenus ad secundas suas literas parati sint procedere in campum armati quocunque ab ipso evocati. „ Datum Wormatiæ annò Domini 1495. feriâ secundâ post Palmas, „ mas, [3.] regnorum suorum uti „ suprâ. „ Cum Pontifice enim, Hispano, Venetis, ac Mediolanensi contra Gallum Cæsar fœdus iniêrat, ut Carolum ex Italia, qui Neapolitanum mira celeritate regnum Arragoniis abstulerat, expelleret: [4.] inde ut nobilitatem Austriacam secum in bellum educeret tanquam Archi-Dux, ipsos præ ceteris elegit. Sciebat enim nonnullos jam militiæ assuetos esse, domique pacis impatientes fore, præsertim cum sub tyrocinio Matthiæ Ungariæ Regis quondam militârint: qui tam Friderico Imperatori, quàm Turcarum tyranno multa intulit incommoda.

Erat his temporibus utilis & laudabilis consuetudo, ut Monasteria sese invicem in confraternitatem susciperent, cujus erant certi dati & accepti pietatis & charitatis pleni articuli, ut nimirum

talium Monasteriorum membra se invicem occasione data ex pietate, humanitate omni foverent, & unum alteri in necessitate succurrerent, deinde ex charitate defunctos fratres Missis & precibus juvarent, ubi illis aliquorum obitus significaretur. Unde quoque Zwetlense Monasterium confraternitatem contraxerat cum Monasteriis Neoburgensi Canonico Regularium D. Augustini, cum ejusdem Instituti ad S. Hippolytum, & in Bohemia cum Wittinaugensi; præterea cum Altenburgensi & Mellicensi Ordinis S. Benedicti, item cum Crembsensi Ordinis S. Dominici, atque etiam cum Ranensi Ordinis S. Pauli primi Eremitæ, & aliis. [5.] Hæc autem consuetudo promanavit à majoribus eorum, qui nonnullos tam Religiosos quàm Sæculares solebant participes facere bonorum operum & meritum suorum, atque ita in confraternitatem suscipere. Ubi deinde bona opera atque simul merita decreverent, communicationem illam omitentes, confraternitates iniêrunt certis sub articulis, quibus & vivis & defunctis integra Monasteria prodesse possent.

„ Tandem egregius œconomus „ Colomannus Abbas viam etiam universæ carnis ingressus est, sicut hoc „ F. Wolfgangus Prior, Georgius Cellerarius, alique Conventus Seniores „ cuidam comprofesso suo scribunt, „ ubi ajunt Abbatem suum in profesto „ S. Lucæ Evangelistæ circa horam „ duodecimam, nimirum 17. Octobris „ hujus anni obiisse. „ [6.] Conveniunt etiam in anno ceteri Abbatum catalogi, è quibus Chronostichorum auctorem referre placet, cujus de obitu Colomanni Abbatis tales Versus repertiuntur:

„ Hic quoque scepra capit, Colomannus, vivit is, at non

„ Ceu reliqui, longo tempore, Cœnobio.

„ Præfuit ille piè completo tempore vitæ

L 11 1

„ CVr-

„ CVrsVs, MoX tVnVs Con-  
CaVa faXa LoCant.

Quo ille morbo ex hac vita sublatus fuit, scribit successor ejusdem Wolfgangus Abbas, ubi ait: „ Tandem ex „ hychtericia vitâ functus est, annò „ Domini 1495. „ Hychtericia, aliàs Aurigo & Arquatus dicitur, seu Icteria, quæ è facie maximè innotescere solet cotonei colorem referente. „ [7.] Commendat verò ipsum, quòd Ecclesiam consummârit in latere occidentali magnis sumptibus; octo fenestras Templi perfecit, villam Zwetlern à Monasterio per vim alienatam pro septingentis & quinquaginta libris denariorum emerit à Joanne Puechaimio; novam in Conventu Abbatiam ædificârit &c. Ex his diligentia illius nonnihil elucet, qua in Monasterii commodum omnia tentavit, ut Ecclesiam vel perficeret cœptam, vel produceret usque ad finem, nam ab occidente nondum murò conclusa fuerat, sed tantum asseribus tecta, ne pervia tempestatibus & cœli injuriis esset.

Inveni autem de electione alterius Abbatis sequentia: „ Annò 1495. in „ die Theodori Martyris, nimirum 9. „ Novembris factus est Abbas F. Wolfgangus Oertl pro tunc Prior. „ [8.] Quæ eadem ille ipse, quo nemo melius & certius scribere potuit, ita confirmat: „ Wolfgangus 33.<sup>us</sup> Abbas cognomen- „ tò Oertl electus anno Domini 1495. „ iste fuit Prior, &c. „ [9.] Idem quoque alibi diem electionis suæ etiam enarrat: „ Incipit Registrum Compu- „ tationum Domini Wolfgangi Abbat- „ tis Monasterii in Zwetl de perceptis „ & distributis dicti Monasterii annò „ Domini 1495. 9. die mensis Novem-

„ bris ex Priore Abbas effectus &c. „ De electione illius in anno ceteri omnes catalogi conveniunt, è quibus unius Versum Authoris placet his Annalibus inferere de Wolfgango isto loquentis:

„ xCeLLens MoX eCCe xXstat  
WoLfgangVs, honesta

„ Cujus fama viget non moritura  
Viri.

Vix Wolfgangus in Abbatem electus fuerat, Prælatorum Status Austriæ, „ nimirum Wolfgangus Mellicensis, „ Matthias Görtwicensis Abbates; „ Gregorius in Tiernstain Præpositus; „ F. Andreas Gemicensis ( *de Garing* „ *aliàs* ) & F. Benedictus Axpachensis, „ Priores; per litteras Zwetlensem cert- „ tiorem faciunt, se in Mellicio conven- „ tum habuisse, licet plures Prælati in- „ vitati fuerint, nusquam tamen ullum „ alium apparuisse. Nuntiant autem „ rediisse à Regia Majestate, quem mi- „ serant Dominum Hainricum Struno- „ nem, non uti sperabant bonum secum „ responsum afferentem. Diem ita- „ que alterum, proximam Dominicam „ post Conceptionis Mariæ, nimirum „ 13. Decembris Cremsii Prælati com- „ parendum indixerunt, ad quem con- „ ventum Wolfgangum quoque vo- „ cant. Datum in Monasterio Melli- „ censi annò Domini 1495. feriâ quin- „ tâ ante Barbaræ festum 3. Decem- „ bris. „ [10.] Quid autem ab Im- „ peratore petierit hic Status, nondum „ compertum habeo: existimo supplicem „ fuisse ob pecuniarum exhibitionem; „ sicut suprâ retuli, ubi quoque Colomano „ Abbati diploma missum erat, quo „ centum talenta sibi mutua porrigi Cæ- „ sar postulavit, ita quoque aliis Mona- „ steriis per Austriam missa fuisse,

## ADDITIONES.

1. [1.] Gerardus de Roß lib. 11.

Naucerus Generatione 50. „ Annò Sa- „ lutis 1495. mense Martio, Maximilianus Ro- „ manorum Rex conventum Germaniæ in „ urbe Vormatia celebravit, in quo ( ut fama „ est ) de duobus deliberandum fuit, quem-

„ admodum Turcis occurrendum esset, qui „ indies magis ac magis Christianorum ter- „ ras opprimebant. Deinde, quod Rex Fran- „ ciæ Carolus immensis copiis Italiæ incum- „ bebat, aliqua Imperii, nonnulla Ecclesiæ „ Romanæ bona occupans, urbemque Romanam „ ingres-

„ ingressus, nonnulla indigna à Romano Pontifice extorserat, Apuliámque ferè totam expugnaverat. Propter quæ Rex Romanorum tanquam Advocatus Ecclesiæ, ut illius & Imperii jura tueretur, crebrò vocatus est. Sed interim dilata res est, Principibus ad intestina incommoda spectantibus. Nè tamen nihil ageretur, de tribus tandem deliberatum est: de judicio Cameræ, ubi nni cuique justitia redderetur, forma & modus dictus. Placuit & Sapientibus ad hoc, ut vel contra Turcum, vel contra Regem Franciæ justus mitteretur exercitus, duo fore neccessaria, pax in Imperio, & commeatus tantis copiis dignus. Quo enim modo foris bellum feliciter geri potuisset, si domi lites fuissent? sed & sine impensis frustra belligeratur. Si enim alimenta vel stipendia desunt militi, obsequium negabitur & fides. Fuit igitur provisâ inprimis pax, & principali statuto mandata: tributum per capita impositum perexiguum, duntaxat in quinquennium. Sed quia non placuit omnibus, nihil ad effectum est deductum, fortè ut adimpleatur tritum quod dicitur: Sicut Germani virtutibus meruerunt imperium, ita ignaviâ & vitiis amittere possunt. Tum insimulatus est Rex, quod nihil cum consilio agat Principum. . . . . Venit ad conventum Vormatiensem vocatus celebri fama Eberardus Comes illustis & excelsus Wirtembergæ & Montispeligardi, Senior dictus, magnâ Nobilium comitatûs catervâ, quem Serenissimus ac Invisissimus Rex Romanorum Maximilianus venerabiliter suscipit, ejus consiliò nonnihil usus. Cognitâque hominis probitate & animi celsitudine, & quod Majores sui plerosque Principes potentiâ multis temporibus anteceluisent, ipsum motu proprio & solenni pompa, 21. die mensis Julii ad hoc indicta, ex Comite Ducem creavit, titulôque Ducali auctis armis in Wirtemberg & Tedâ propria manu insignivit, adhibitis debitis solennitatibus & consuetis, presentibus totius Conventûs Principibus habituatis, nec non Regum, Ducum, aliorumque Principum plurimorum, communitatum quoque Oratoribus, concionem mirificè decorantibus & prospera precantibus. „

Spondanus hic n. 22. „ Hoc anno in comitiis Imperii Wormatiæ à Maximiliano Cæsare habitis, supremum Cameræ Imperialis Judicium institutum est, ex consilio Bertholdi Archi-Episcopi Moguntini, Viri sapientissimi. Qui cum diu Imperatoris aulam secutus Archi-Cancellarii per seipsum partes obûisset; vidissetque, maxima cum populorum molestia causas ad Imperatoris, qui modò hic, modò illic, & interdum quidem longissimè erat, aulam referri: pro insigni sapientia sua perpexit, próque præstante sua eloquentia omnibus persuasit, ut firmum fixumque litibus disceptandis prætorium, in quo prudentes jurêque consulti sederent complures viri, statueretur. Quod primùm ibidem Wormatiæ stetit; ac post aliquos annos Ratisponam, demumque Spiram translatus est, ubi hæcenus confidet. Cui præest Princeps aliquis, seu Comes, seu Baro: Judices partim ab Imperatore, partim ab Electoribus, atque à Circulis Imperii præscriptò numerò nominantur. „

[2. & 3.] Ex diplomate Cæsaris.

[4.] Gerardus ubi suprâ.

P. Heuterus ubi suprâ ann. præcedenti relatus cap. 4. „ Annò 1495. postridie Nonas Aprilis Cæsar in Germaniam reversus cum Summo Pontifice Alexandro Sexto, & Ferdinando, ac Elizabetha Hispaniarum Regibus, ac cum Venetis contra Carolum Octavum Francorum Regem ab expeditione Neapolitana redeuntem fœdus in speciem facit. Aliis enim impliciti negotiis nec Cæsar nec Hispanus quicquam fœderi contulit. „

Spondanus ubi suprâ n. 6.

[5.] Ex Autographo ipsorum.

[6.] Ex literarum monumentis.

[7.] Abbas Wolfgangus II. in sua Abbatum serie sub Colomanno.

[8.] Ex quodam MS. Breviario & Missali conjunctis Annotationibus.

[9.] Wolfgangus Abbas ubi suprâ.

[10.] Ex Autographis ipsorum.

## Annus Christi MCCCCXCVI. Monasterii CCCLVIII.

*Pont. Rom.*  
Alexander VI.

*Imp. Rom.*  
Maximilianus I.

*Archi-Dux Austriae*  
Idem Maximilianus.

*Episcopus Pataviensis*  
Christophorus.

*Abbas Zwetlensis*  
Wolfgangus II.

**S**igismundus Archi-Dux Friderici Senioris Austriaci filius Oeniponti in palatio suo diem obiit pridie Nonas Martii. Interanea illic in Divi Jacobi æde, corpus in Monasterio Stirpinensi vulgò Stampß vocato apud Majores conditum. Princeps fuit prudens, liberalis, ac subditorum amans, ad quietem & pacem quàm ad bellum proclivior. Hæredem reliquit Maximilianum Cæsarem patruelis filium. \* [1.] Qui rebus in Tirolensi regione constitutis cum parte copiarum in Italiam profectus est, atque bellum Florentinis, qui Gallum fovebant, cum aliis Italiæ regulis intulit. [2.]

„ Interea dum quidam Romæ ex  
„ Fratribus Zwetlensibus esset, impe-  
„ travit à Cardinalibus aliquot pro S.  
„ Maria nova in Rasings indulgentias.  
„ Datum literarum est Romæ annò Do-  
„ mini 1496. 25. Martii. „ [3.] S. Ma-  
„ ria nova in Rasings tunc ideo vocabatur,  
„ quia in hoc Seculo constructa fue-  
„ rat, ac Sacellum dilatatum adjecto cor-  
„ pore, cum antea ejus latitudo & lon-  
„ gitudò tantum Altaris hodie Summi  
„ Chorum contineret, uti suprà Annò  
MCCCCXCIV. memini.

„ Porro Marcus Præpositus, & Jo-  
„ annes Decanus in Wittingaw Pra-  
„ gensis Diocesis Ordin. S. Augustini  
„ Canonicorum Regularium cum au-  
„ dirent novum in Zwetl Abbatem esse  
„ electum, ipsum Wolfgangum antea  
„ sibi notum unà cum Michaële Priore  
„ ac toto Conventu in suam Confrater-  
„ nitatem susceperunt. Datum in Wit-  
„ tingaw annò Domini 1496. sextò Ca-  
„ lendas Aprilis. „ [4.] De lauda-  
„ bili hac consuetudine anno præcedenti  
„ scripsi.

Visitavit Monasterium Zwetlense Jacobus Morimundensis Abbas, unus è quatuor primis Monasteriis, nam in Ordine nostro consuetudo est, ut quilibet Abbas è quatuor primis possit suæ lineæ Monasteria per orbem dispersa visitare obtentà à Generali Capitulo licentià, tunc enim agit quasi subdelegatum à Cisterciensi. Ita quoque cum Monasterium nostrum, atque adeo totius Austriæ ejusdem Ordinis Cœnobita de linea sint Morimundi, Abbas ejusdem Monasterii Austriam intravit, illiusque Monasteria visitando percurrit. „ Coad-  
„ jutorem autem habuit Abbatem Montis-Pomerii, qui in charta suæ visitationis Monasterium Zwetlense maxime commendat. Data est annò Domini 1496. 19. Maji. „ [5.]

Maximilianus Imperator anno præcedente ex Decreto Principum Wormatiæ in conventu facto pecuniam in suis hæreditariis provinciis colligere mandavit, ut vires contra Turcam Germaniæ atque adeo toti Reipubl. Christianæ imminentem congregaret, sicut etiam ceteri Principes in suis idem præstitere. „ Mandat ergo Prælatis, Parochis, Plebanis, Vicariisque eorum, quatenus in singulis suis Ecclesiis, ubi Cathedræ & ad populum sermones habentur, è suggestibus hoc mandatum Regium promulgent, ut omnes & singuli post tres Dominicas accepto hoc diplomate in usum & commodum Reipublicæ Christianæ solvant de quingentis florenis medium, & de mille integrum florenum, qui verò infra quartam partem ejusdem, qui supra quingentos, census etiam augeatur: item „ admoneant fideles, ut huic censui „ de bona voluntate & pietate sua in „ hono-

„ honorem & augmentum Christiani-  
tatis aliquid superaddant. Datum  
„ Inspruckh annò Domini 1496. 1. Au-  
„ gusti. „ [6.] Hæc tamen pecunia  
contra Turcam petita an data, aut in  
usum belli præfati adhibita fuerit, Ge-  
rardus anno priori citatus declarat.

„ Wolfgangus Abbas memor huma-  
næ conditionis & confraternitatis  
„ quondam inter vicina Monasteria tam  
„ Austriæ quàm Bohemiæ inita, literas  
„ piis Confratrum precibus animas de-  
functorum commendantes, vulga-  
„ riùs Rotulam vocant, ad diversos mi-

„ sit, in quibus denominat diem annò  
„ suppressò de hac vita emigrantium,  
„ nimirum Colomannus quondam Ab-  
„ bas 15. Kal. Novembris. F. Georgius  
„ Cellerarius 5. Idus Februarii. F. Wen-  
„ ceslaus Senior 3. Nonas Februarii.  
„ F. Martinus Rector curiæ in Rasing  
„ 4. Nonas Januarii. F. Joannes Reyt-  
„ ter Plebanus in Cisterstorf 3. Kal. Se-  
„ ptembris Presbyteri & Monachi in  
„ Zwetl professi. Datum in Monaste-  
„ rio Zwetlensi annò Domini 1496.  
„ 2. Augusti. „ [7.]

## ADDITIONES.

\* [1.] Gerardus de Roó lib. 11.

Piespordius sub Sigismundo I. Austriaco.

[2.] Item de Roó cit. locò.

Pontus Heuterus lib. 5. cap. 5.

„ Erat  
„ hoc tempore Cæsar in Ditione Mediola-  
nensi, sociorum cogens exercitum. Evo-  
cârânt eum in Italiam Ludovicus Sfortia,  
„ Veneti, ac Papa Alexander Sextus, ut Ca-  
rolo Francorum Regi, auxilio Florentino-  
rum in Italiâ bellum renovanti, obviam iret.  
„ Sfortia cum uxore insignique comitatu Bur-  
mum usque ad Abduræ fontes, in extrema  
„ Italiæ ora situm, Cæsari, qui ad Malzum  
„ pagum pervenerat, in occursum proficiscit-  
„ tur; corâmq; eum eo transfigens, ingenti  
„ numerata pecuniâ summa, Mediolanum re-  
diit. Nactus erat Cæsar apud Italos, ob  
res fortiter ac feliciter in Austria contra  
„ Hungaros, ac apud Belgas contra Francos,  
gestas, ingentem bellicæ virtutis opinio-  
nem, ejusque ductu facile Francos se Italiâ  
„ depulsuros, eorûmq; fautores in ordinem  
redacturos, ac ex utriusque ruina limites  
„ se suos amplificaturos confidebant. Cæsar  
hac apud Italos innixus fama, ingentia ab  
„ iis munera, veterâque Imperatoribus à ci-  
vitatibus conferri solita expeditabat tributa,  
„ aureâmq; à Romano Pontifice sperabat  
„ Imperii coronam. Sfortiæ pecuniâ mili-  
tem in Germaniæ ac Italiæ finibus conscribi  
„ jusserat; præcedensque cum peditum le-  
gione una, quingentisque lanceariis equi-  
tibus, per Rheticas Alpes, Lariûmq; la-  
cum in Italiam descendit. Præstò ei Ita-  
tim adfuerè, ut dixi, Ludovicus Sfortia,  
„ ac Bernardinus Carvaial, Papæ Alexandri  
Legatus; deque belli ratione differentes,  
„ numeratâ Cæsari pecuniâ, Florentinos ag-  
gredi statuunt. Cæsar septingentos socio-

„ rum equites copiis suis jungens, Genuam  
„ contendit; magnificèque ab Adurnis ex-  
ceptus, circa Nonas Octobris Pisas profi-  
ciscitur, summòque cum gaudio, tormento-  
rûmq; reboatu, ad Nedicchori ædes perdu-  
„ citur, ubi contrafractis per cives Regis Caroli  
liliatis insigniis, ac in amnem Arnûm præ-  
cipitatis, Aquilam Romanam ejus loco  
„ substituunt. Oppugnabantur enim hoc  
tempore, auxilio Francorum, Pisani à Flo-  
rentinis, ab omni antiquitate libertati eo-  
rum invidentibus. Defendebantur verò à  
„ Summo Pontifice, Venetis ac Sfortia, qui  
Cæsarem in fœdus ac ad ferendum auxilium  
„ pertraxerant. Conveniunt omnium con-  
fœderatorum legationes, inter quos erat  
„ Philibertus Sabaudia Dux, ducentos addu-  
cens lancearios equites, ac clientela Cæ-  
sari Sacramentum de Sabaudia dicens: De-  
cernunt Liburnum Florentinorum portum  
„ terra marique oppugnandum, ne ejus op-  
portunitate ad invadendam Italiam Franco-  
rum classis uteretur. Cæsar oppidi situ ter-  
ra marique perlustrato, copias terrestres ad-  
„ ducit: Veneta classis mari premebat. Flo-  
rentini justum Liburni habebant præsidium,  
„ cui nec commeatus nec tormenta deerant.  
Præerat eorum nomine Bettinus Ricafolis,  
„ qui mox adjutus Nortmannica nave, quæ  
secundò ventò, contemptis Venetis, in  
„ Portum se intulerat, ac odtingentos Vasco-  
nes, cum multo comœatu exposuerat, in-  
„ signiter se defendebat, tantò felicis, quòd  
„ Veneti & Sfortiani malis artibus oppidum  
oppugnarent, dissidentes de Liburni pos-  
„ sessione, quæ nondum erat in potestate.  
„ Sed cùm media hieme oppidum obfidentes,  
„ sæva tempestas aliquot Venetorum tirenes  
„ perrefigisset, ceterasque in altum eiecisset,  
„ mili-



„ milites terrâ Liburnum prementes, eadem  
 „ coacti tempestate, è castris magno numero  
 „ Pisas perfugere. Quare Cæsar soluta ob-  
 „ sidione, reductisque copiis, Ticinum ad  
 „ Sfortiam, indeque per Larium lacum in  
 „ Germaniam est reversus.. „

- [3.] E literarum monumentis.  
 [4.] Ex Autographo ipsorum.  
 [5.] E Charta Visitationis.  
 [6.] Ex Autographo diplomatis Cæsarei.  
 [7.] Ex Autographo ipsius.

## Annus Christi MCCCCXCVII. Monasterii CCCLIX.

*Pont. Rom.*  
 Alexander VI.

*Imp. Rom.*  
 Maximilianus I.

*Archi-Dux Austriæ*  
 Idem Maximilianus.

*Episcopus Pataviensis*  
 Christophorus.

*Abbas Zwetlensis*  
 Wolfgangus II.

„ **H**oc anno Maximilianus Cæsar  
 „ paternas ditiones inprimis eas,  
 „ quæ ex Sigismundi hæreditate ad re-  
 „ liquas accesserant, & quasi avulsa  
 „ prius membra ad corpus redierant,  
 „ perlustrans; cum ad lacum Acroni-  
 „ um venisset, colloquiò cum Helvetiis  
 „ Lindaviæ institutò, id agebat, uti, pa-  
 „ ce jam per omnem Germaniam conciliata,  
 „ ipsi quoque Suevorum vicini-  
 „ næ gentis foederi subscriberent, eam  
 „ conjunctionem paci & concordie pu-  
 „ blicæ conservandæ commodam fore.  
 „ Id cum majoris esse momenti videretur,  
 „ quàm uti statim responderi posset,  
 „ Legati, qui populares suos ab ea so-  
 „ cietate abhorreere noverant, tempus  
 „ concedi postulant, quo ad suos de  
 „ his referant. Helvetii re deliberata  
 „ nuncios Oenipontum misere, qui di-  
 „ cerent, ob sedes domesticum, &  
 „ privilegia suæ genti à multis Impera-  
 „ toribus confirmata, integrum non  
 „ esse, uti Suevico foederi accedant;  
 „ orare, hujus petitionis Cæsar gratiam  
 „ faciat aliàs ad obsequia promptos sese  
 „ exhibituris. „ [1.]

Wolfgangus Abbas utebatur mira  
 quadam in rebus agendis dexteritate  
 & prudentia, unde in commissionibus  
 frequenter adhibebatur; „ habuit au-  
 „ tem tunc collegam D. Albertum de  
 „ Rohr in lite exorta inter D. Sigis-  
 „ mundum Prüfischencken Liberum

„ Baronem de Stahrenberg Summum  
 „ Austriæ Pincernam & Stiriz Dapife-  
 „ rum ex una, cui Wolfgangus scribit,  
 „ & inter D. Joannem de Puechaim  
 „ Austriæ hæreditarium Dapiferum in  
 „ Haidenreichstain ex altera parte,  
 „ propter pontem super rivum nigrum  
 „ vulgò Schwarzenbach à Puechaimio  
 „ contra morem veterum ædificatum.  
 „ Citatis diem ponit feriam sextam an-  
 „ te Invocavit in civitate Zwetl. Da-  
 „ tæ in Monasterio Zwetl annò Domini  
 „ 1497. feriâ tertiâ ante Purificationem,  
 „ nimirum 31. Januarii. „ [2.]  
 „ Frater Joannes Messingslaher Prior  
 „ Ordinis Prædicatorum in Crembs  
 „ contulit Monasterio Zwetlensi par-  
 „ ticipationem bonorum operum suo-  
 „ rum. Datum in Crembs annò Do-  
 „ mini 1497. 14. Junii. [3.] Ita quo-  
 „ que D. Wolfgangus Abbas, F. Mi-  
 „ chaël Prior in Zwetl fraternitatem  
 „ conferunt D. Wenceslao de Budweis  
 „ Parocho ibidem, Canonico Pragenfi  
 „ & Decano Bechinensi, quæ confrat-  
 „ ternitas consistit in lectione nominum  
 „ Defunctorum in Capitulo, & in cæ-  
 „ remoniis circa taliter lectos habitis,  
 „ ac in celebratione Missarum. Datum  
 „ in Monasterio Zwetl annò Domini  
 „ 1497. Collata item fuit confrater-  
 „ nitas Wolfgango Winther Plebano  
 „ in Rapottenstain hoc anno, 12. No-  
 „ vembris. „ [4.]

ADDI-

## ADDITIONES.

\*[1.] Gerard. de Ro6, lib. 10. ad literam.  
[2.] E literarum monumentis.

[3.] Ex Autographo ipsius.  
[4.] E literarum monumentis.

Annus Christi MCCCCXCVIII, Monasterii CCCLX.

*Pont. Rom.*  
Alexander VI.

*Imp. Rom.*  
Maximilianus I.

*Archi-Dux Austriae*  
Idem Maximilianus.

*Episcopus Pataviensis*  
Christophorus.

*Abbas Zwetlensis*  
Wolfgangus II.

IN finem hujus anni inciderunt belli Helvetici (*ipsi Suevicum vocant*) initia & apparatus, cujus hæc potissimum fuerunt causæ. A primo tempore, quo Maximilianus à Sigismundo adoptatus, ipso adhuc vivo, ditionum ejus imperium suscepisset, sæpe ab Helvetiis confederatis petierat, uti concordiam & fœdus, quod ipsi cum Sigismundo intercefferat, secum quoque confirmarent. Illi eo prætextu id quæri suspicati, uti Suevico fœderi implicarentur, respondent: Cùm Sigismundus suarum ditionum imperio sese abdicaſſet, nullo fœderis jure aut religione amplius se teneri, neque ex re sua videri, fœdus ullum cum quoquam facere. Hoc eorum responſo nova animorum exacerbatio orta, & belli quasi femina jacta esse videbantur. Jam enim à multis annis plerique Principes & Nobilitas omnis; Helvetiis infensi infestique erant, ob assertam armis libertatem: quod cùm scirent ipsi: à Suevico fœdere, in quo plurimum poterat Nobilitas, tantopere abhorrebant, atque ea de re non apud illos tantùm, sed apud Suevos etiam, ceterasque vicinas Germaniæ gentes odium incurrabant, cui obstinatò animò obviam ire, quàm libertatem amittere malebant. \* [1.]

Visitavit hoc anno Wolfgangus Abbas in Zwetl Monasterium ad S. Bernardum Monialium Ordinis nostri prope Horn situm, & in præsentia suorum Assessorum & Conventus dicti

Monasterii ab Abbatisſa rationes dati & accepti sibi præsentari curavit. Invenit autem tunc temporis ibidem personas velatas duodecim, duas Conversas, & unam Novitiam. Datum & actum in prænominato Monasterio S. Bernardi, annò Domini 1498, 24. Februarii. [2.]

Mirum erga Ordinem nostrum zelum Wolfgangus Abbas demonstravit, unde studia sua & labores pro Ordine in Austria habitos Generali Capitulo Cistercii celebrato significari curavit, mittens eò cum contributionibus Ordinis F. Michaëlem in Zwetl Subpriorem. Dedit autem ipsi etiam inter cetera gravamina provincie ibi explicanda, nimirum incursiones Turcarum factas, atque etiam intestinis tumultibus agitatoſſe: item defensionem privilegiorum contra quosdam Sacro Ordini nostro concessorum cceptam: curam etiam Collegii Viennensis pro studentibus nostri Ordinis, in quo, ait, & Baccalaurei & Magistri pro incremento Fratrum in laudem Dei nunc promoti sunt, sæpèque indies promovenſur: labores demum & sollicitudinem non minimam ad Monasteria propria conservanda refert. De quibus singulis plurima Fratrem prædictum habere in mandatis referenda significat. Datum in Monasterio Zwetl annò Domini 1498. 18. Augusti. [3.] Hujus sollicitudo & cura erga Ordinem nostrum habita post annos aliquot ulterius patebit, ubi ab Abbate

M m m a

S. Cru.

S. Crucis Generali Cisterciensi Wolf-  
gangs uberius commendatur, uti suo  
loco & tempore referetur.

„ Alexander Papa VI. omnes & sin-  
„ gulas Urbis & Orbis Universi Indul-  
„ gentias omnium Ordinum suspendit

„ propter Jubilæum annò quingente-  
„ simò majori cum devotione cele-  
„ brandum. Datum Romæ apud S.  
„ Petrum annò Domini 1498. pridie  
„ Idus Aprilis, annò verò Pontificatûs  
„ sui sextò., [4.]

## ADDITIONES.

- \*[1.] Gerardus de Roó lib. 11. exscriptus.  
[2.] Ex Autographo ipsius.  
[3. & 4.] Ex literarum monumentis.

### INCIDENS.

Pontus Heuterus in Maximiliano ac Phi-  
lippo lib. 5. cap. 5. „ Septimò Idus Aprilis  
„ annò 1498. obiit Francorum Rex Carolus  
„ Octavus, annos natus viginti & octo, è qui-  
„ bus regnavit tredecim. . . . Fessus luddò  
„ parvæ pilæ, in quo se cum reticulo exer-  
„ cuerat, in cubiculum secedit; ceteròsque  
„ è fenestra ludentes aspiciens, subito nervo-  
„ rum stupore, quem Græci apoplexiam vo-  
„ cant, corripitur, privatusque sensu ac mo-  
„ tu, ingentique casu in terram decedens  
„ paulò post expirat. Hanneronius scribit,  
„ ab astantibus Regem à casu sustentatum ac  
„ servatum. Quintò Cal. Junii ejus locò  
„ Rhemis inungitur Ludovicus Aureliano-  
„ rum Dux, Rex hujus nominis Duodecimus.  
„ Comparat interea Cæsar justum ex Helve-

„ tiis exercitum, cum quo in Burgundiæ Du-  
„ catum, filii sui maternam hæreditatem,  
„ quam Franci vi occupatam tenebant, con-  
„ tendit. Præerat Francorum nomine Bur-  
„ gundis Tremulius Dux vetus, qui cum in  
„ urbem Divionensem se cum copiis inclu-  
„ dere esset coactus, Cæsari sinè dubio ces-  
„ sisset, nisi pecuniâ corrupti Helvetii, subito  
„ stipendia ac missionem petissent. Carolus  
„ quoque Egmondus à Francis concitatus,  
„ magnisque pollicitationibus ad suscipien-  
„ dum bellum inflammatus, contemptâ Se-  
„ ptem-Virum Germaniæ sententiâ, quòd  
„ contra se fuisset, Belgis è Geldria bellum  
„ infert. Quare faciliè Cæsar cum Rege Lu-  
„ dovico, id summopere expetente, indu-  
„ cias aliquod mensium, dimissa exercitûs  
„ majori parte, facit: cùmque Lovanium  
„ pervenisset, Joanna, filii Philippi uxor fi-  
„ liam parit Leonoram, matris Cæsaris Ma-  
„ ximiliani nomen referentem. „

## Annus Christi MCCCCXCIX. Monasterii CCCLXI.

*Pont. Rom.*  
Alexander VI.

*Imp. Rom.*  
Maximilianus I.

*Archi-Dux Austriae*  
Idem Maximilianus.

*Episcopus Pataviensis*  
Christophorus.

*Abbas Zwetlensis*  
Wolfgangus II.

**B**ellum hoc anno Maximilianus Im-  
perator cum Helvetiis gerere cœ-  
pit, in quo licet multum sanguinis effu-  
sum fuerat, præter velitationes ad præ-  
lium integrum & justum nunquam de-  
ventum fuit. \* [1.] Interea Cæsar  
in Austria Superiore fuisse legitur; „ qui  
„ commissionem injungit Wolfgango  
„ Abbati in Zwetl, & Sigismundo  
„ Prűfchenckhen Baroni de Stahren-  
„ berg Summo Austriæ Pincernæ &  
„ Stiriæ Dapifero, ac Ludovico de Stah-  
„ renberg sibi à consiliis, super lite ex-  
„ orta inter Nicolaum Spanobsky Præ-  
„ sectum suum in Gmünd locò uxoris

„ ejusdem D. Cæcilie ex una, & inter  
„ D. Magdalenam Holkoyn ex altera,  
„ & inter Wolfgangum Gewarlich Li-  
„ centiatum Juris sibi à consiliis & Ca-  
„ meræ suæ Procuratorem fiscalem ex  
„ parte tertiâ: cui commissioni termi-  
„ num imponi mandat infra duode-  
„ cim septimanarum spatium. Datum  
„ annò Domini 1499. Sabbatò post Er-  
„ hardi, nimirum 12. Januarii, annò  
„ verò regnorum Romani 13. & Un-  
„ garici 9. „ [2.] Ex his literis con-  
„ stat, Nicolaum Spanobsky olim Regium  
„ Capitaneum Matthiæ in silva Nortica  
„ constitutum venisse in potestatem Ma-  
„ ximi-

ximiliani, quem Præfectum suum in Gmünd nominat, vel per deditionem spontaneam, vel belli jure: verum probabilius mihi videtur, quia sese unâ cum castro in Gmünd Cæsari in gratiam tradiderit, unde præfecturâ illâ donatus fuit. Deinde quoque notatur castrum istud in Gmünd cum Dominio venisse in potestatem Maximiliani, & Wilhelmum Puechaimium ob multam perduellionis inde cedere coactum fuisse.

„ Mandavit præterea Maximilianus „ Romanorum, Ungariæ, Dalmatiæ; „ Croatia Rex &c. Archi-Dux Austriæ, „ Dux Burgundiæ, Brabantæ, Geldriæ, „ &c. Comes Flandriæ, Tyrolis &c. „ omnibus Prælatibus extra Austriam habitantibus atque in ea bona possidentibus, ut dotem Serenissimæ filiæ suæ „ D. Margarethæ Reginæ Hispaniæ, & „ sororis suæ D. Chunegundis Ducissæ „ utriusque Bavaræ promissam ad „ 12000. florenorum persolvant. Datum „ annò Domini 1499. feriâ sextâ „ post Assumptionem B. Mariæ, nimirum „ 16. Augusti, annò autem regnorum „ Romani 14. & Ungarici 10. „ [3.] Hoc mandatum Cæsareum tangit illos, qui extra provinciam domicilium

habentes, in Austria bona immobilia possident, ut sunt Archi-Episcopus Salisburgensis, Episcopi Pataviensis, Fribingenfis, Ratisbonensis &c. Abbates plerique Bavaræ Inferioris tam Benedictini quàm Cistercienses, aliorumque Ordinum. Nominat autem filiam suam Margaretham Reginam Hispaniæ, de qua sic scribit Piespordius Belga, „ Desponsa, *inquit*, annò 1485. Carolo „ Delphino Franciæ Ludovici XI. filio „ Annò 1493. patri remittitur. Annò „ 1497. mense Aprilis Burgis Joanni „ Ferdinandi Catholici filio nupta, illò „ eodem anno defunctò, vidua in Belgium remittitur, & Philiberto Sabaudie Duci annò 1502. conjugatur &c. „ [4.] Chunegundis verò filia FridERICI IV. Imperatoris, & soror Maximiliani habebat maritum Albertum „ IV. Sapientem dictum utriusque Bavaræ Ducem, quæ tum à pietate, „ tum à virtutibus omnibus commendatur, post mariti obitum in Monasterio Ridlerorum Monachii tertiam S. Francisci regulam professâ est, „ & annò 1520. defuncta. „ [5.] Atque ita diploma suprâ allatum patet.

## ADDITIONES.

\* [1.] Gerardus de Roó ubi ad annum præcedentem. „ Sub finem Februarii à Legatis Philippi Palatini, Basiliensis, Argentoratensis, & aliarum civitatum tentata pax, obstinatis utrinque animis, convenire non potuit. Ludovicus verò Gallorum Rex, ad primum hujus belli nuncium, missis ad Helvetiorum pagos Legatis, pacem iis ac fœdus amicitiamque obtulit. Sperabat enim hac occasione, implicito iis bellis Cæsare, Mediolani imperium, cui jam dudum inhiabat, facilius occupari posse. Neque Helvetii, hoc rerum statu, tanti Regis conjunctionem sibi negligendam putabant. Fit igitur fœdus ad annos decem, frustra id „ suis artibus impedire satagente Mediolanensium Duce, „ Interim Maximilianus, bellò Geldricò „ tum occupatus, acceptis de Helvetiorum „ rebus, & fœdere cum Gallis icto nunciis, „ præfecto castris Alberto Saxonie Duce, ma-

„ gnis itineribus Friburgum advolat, inde ad „ Imperii Principes missis passim nunciis, ac „ literis, auxilia convocat. In Walgovia „ (quæ olim Drusiana est dicta) quindecim „ pugnatorum millia, ex Tirolensi agro evocata, collocat. Hi, ad sextum Calendas „ Aprilis Rhenum trajecti, pagos aliquot agri „ Sangallensis exurunt, Helvetios suis auxilio missos, Werderbergam vicinam oppidum se recipere compellunt. Inter hæc „ qui Constantiæ erant, eum hostem ad septem millia haud procul abesse audivissent, sub Wolsfango Fürstenbergico Comite „ egressi, non expectantibus eorum adventum Helvetiis, pagos quosdam in hostili „ solo diripiunt & incendunt. Præda onustos, & negligenter absque ordine domum redeunt, adortus hostis, nonnullos cædit, & aquis mergit, reliqui Constantiam „ fugâ evasere. Ita variante Martis alea, uno „ eodemque die, utriusque & victi & victores „ Nnn n „ fuere.

„ fūere. . . . Itaque Cæſar ad medium Julium  
 „ Conſtantiâ egreditur; ſequentibus eum  
 „ longo ordine, omnibus Civitatum Imperia-  
 „ lium & Conſœderatorum copiis. Cùmque  
 „ rectâ in hoſtium exercitum ducere ſtatiſ-  
 „ ſet, qui, tormentis ante aciem in ædificiorum  
 „ colle diſpoſitis, in prociñſu ſtabant, Prin-  
 „ cipes quidam illum adeunt, prælium depre-  
 „ cantur, magnas inter Imperiales animorum  
 „ diſſenſiones, varia eſſe conſilia; verendum,  
 „ nè in tam variis hominum voluntatibus,  
 „ conſuſione orta, res in diſcrimen adduca-  
 „ tur. Cæſar prudenter hæc ab iis conſide-  
 „ rata, & diem jam propè vergentem videns,  
 „ diſpoſitis tormentis in civitatem rediit. Per  
 „ eosdem dies Ludovicus Mediolanenſium  
 „ Princeps, uti pacem faceret, Galeacium  
 „ Vice-Comitem propinquum ſuum, cum  
 „ mandatis in Sueviam legaverat. Gallorum  
 „ etiam Rex, quamvis Helvetiis auxilia &  
 „ mitteret & polliceretur, nè tamen bellum  
 „ inter ipſos quàm pacem malle videretur,  
 „ ſuum & ipſe Legatum miſit, Caſtellæ præ-  
 „ ſulcm. Factis igitur decem dierum indu-  
 „ ciis, utroſumque Legati Tigurum conve-  
 „ nire. . . . Ita finem habuit bellum  
 „ Helveticum, quo, eſſi nunquam ad ſummæ  
 „ rei dimicationem ventum, multi tamen ab  
 „ utraque parte mortales periire, quorum  
 „ numerum quidam ad viginti millia prodi-  
 „ dere. Acer erat Maximilianus, & belli  
 „ ſciens, magnâque Suevorum & Imperialium  
 „ auxilia habebat, ſed quorum viribus Hel-  
 „ vetii quaſi pro communi omnium una qua-  
 „ dam civitate, & ex unis mœnibus depu-

„ gnantes reſiſtebant, neque inferiores ſeſe  
 „ declarabant, donec utriusque bello defati-  
 „ gati, pacem æquis conditionibus lubentes  
 „ acceperunt. „

„ Lazius in Genealogia Auſtriaca lib. 2. ſub  
 „ bello octavo à Maximiliano Imperatore geſto.  
 „ Naucleus Generation. 50. „ Annò Sa-  
 „ lutis 1499. circa finem Februarii in Superiori  
 „ Alemannia haud longè à fontibus Rheni  
 „ fluminis, inter Domum Auſtriæ, & Helve-  
 „ tios, aliàs Conſœderatos ſeu Suitenſes, exor-  
 „ ta eſt grandis turbatio, quæ paulatim deſcen-  
 „ dens per lineam Rheni quaquaſeverſum uſque  
 „ ad Baſileam, bellum ſulcitavit atrociffimum.  
 „ In eo nàmque bello eſſi nunquam totis co-  
 „ piis bellatum ſit, cæſa tamen diverſis in lo-  
 „ cis & pugnis referunt viginti millia pugna-  
 „ torum, quale non memoratur, niſi falſior,  
 „ à centum annis & citrà, in omnibus bellis  
 „ illarum partium fuiſſe viſum vel auditum. „  
 „ Pontus Heuterus lib. 5. cap. 9. „ Hoc  
 „ bellum ſecretis artibus, magno aſtu, Lu-  
 „ dovicus Francorum Rex procurabat, nè  
 „ ſibi in Italia bellum gerenti, Cæſar aut  
 „ Helvetii (ut aliquando fecerant) negotium  
 „ facceſſerent. „

[2. & 3.] Ex diplomate Cæſareo.

[4.] Piespordius in Habsburgico Au-  
 „ ſtriacorum ſtemmate ſub Margaretha IV. Au-  
 „ ſtriaca.

Gerardus de Roë lib. 11. ſub anno 1497.

[5.] Chriſtophorus Gewoldus in Ge-  
 „ nealogia Bavarie Principum.

Piespordius in Chunigunde prima Au-  
 „ ſtriaca.

## Annus Chriſti MD. Monasterii CCCLXII.

*Pont. Rom.*  
 Alexander VI.

*Imp. Rom.*  
 Maximilianus I.

*Archi-Dux Auſtriæ*  
 Idem Maximilianus.

*Episcopus Pataviensis*  
 Wigileus.

*Abbas Zwetlensis*  
 Wolfgangus II.

**A**uſpicio hoc Sæculum ab anno Ju-  
 bilæi magni, quem Alexander  
 Papa VI. ſolemniter celebravit populis  
 ex toto orbe Romam ad limina Apoſto-  
 lorum conſluentibus, & veniam pecca-  
 torum admiſſorum petentibus. \* [1.]

Interea vigefimo quinto die Februa-  
 rii, qui D. Matthiæ Apoſtolo confecra-  
 tus eſt, natus fuit Philippo Belgarum  
 Principi filius Gandavi in Flandria, cui  
 Caroli nomen ab avo parentis mater-  
 no, poſt ad Imperii ſaſtigium erecto,

Quinti cognomen datum, iſque mul-  
 tis per Europam provinciis ſumma  
 cum laude præfuit. Hunc è ſacro rege-  
 nationis fonte ſuſtulere Carolus Cro-  
 yus, Princeps Bergenſis, & Margarethæ  
 duæ, Anglica Edvardi Regis foror, &  
 Auſtriaca Cæſaris Maximiliani filia. [2.]

Porro Chriſtophorus Pataviſis  
 Episcopus, qui annis decem præfuerat,  
 tactus apoplexiâ rebus humanis exem-  
 ptus eſt tertio Nonarum Januarii, annò  
 ſeſqui milleſimò in ipſo Jubilæo. [3.]

Quo

Quo sepulto Wigileus de nobili apud Bavaros Frocheliorum familia prognatus, decimo nono Calendas Februarii hoc anno è summo Templi Decano Pataviensis Antistes unanimi totius Cleri suffragio electus & pronuntiatus, statimque Romam profectus ab Alexandro VI. Pontifice in Jubilæo confirmatus est, cum hac insuper prærogativa, ut quicumque mortales primo ejus Sacro interessent verè poenitentes, scirent sese plenariam omnium criminum indulgentiam ac remissionem consecuturos. [4.]

„Vocatur per mandatum Cæsareum Wolfgangus Abbas Viennam, ubi comitia seu conventus Procerum Austriæ suo nomine per Legatos suos celebrabitur, ibique una cum ceteris concludat, quæ pro Reipubl. commodo fore noscentur. Datum annò Domini 1500. feriâ quintâ post Matthiæ Apostoli, nimirum 26. Februarii. [5.]

„Resignavit tandem Stephanus Aschpenhawser Rector Parochialis Ecclesiæ S. Laurentii in Windigsteig

„Ecclesiam hanc in manus Abbatis Zwetlenfis, eidemque pro illa conferenda commendavit Wolfgangus Winther Presbyterum Pataviensis Diocesis. Instrumentum desuper factum est à Notario Publico Joanne Snebolf de Zwetl Clerico Patav. Diocesis. Acta fuerunt hæc in oppido Zwetl in Stuba domus Viti pistoris annò Domini 1500. 27. Martii, annò Alexandri PP. VI. septimò, præsentibus Petro Lacher Capellano Capellæ S. Viti in Rosenaw, Martino Kriechbaum cive Pataviense, Casparo pellicie, Vito pistore civibus in Zwetl testibus. [6.] Eodem die & anno & sub iisdem testibus & in eodem loco alterum factum fuit instrumentum per eundem Notarium, quo Wolfgangus Abbas in Zwetl ad supplicationem Wolfgangi Winther prædicti inclinatus, concessit ei Parochiam in Windigsteig possidendam, conditionibus de annua pensione & aliis oneribus portandis exaratis. [7.]

## ADDITIONES.

\* [1.] Naclerus Generatione 51. Ciaconius in Alexandro Papa VI. Spondanus ad hunc annum n. 1. „Annò Christi 1500. Indictione tertia, cum ad Jubilæum Natali præcedenti apertum ingens undique Romam concurreret peregrinorum multitudo; multique essent qui propter diversas emergentes necessitates numerum quindecim dierum indulgentiæ in visitatione Ecclesiarum consequendæ præfinitum complere non possent; essentque pariter ex Romanis & aliis in urbe commorantibus, qui triginta dies eis præscriptos, ob infirmam valetudinem aut alia impedimenta impendere non valerent: concessit Alexander Pontifex poenitentiis, ut ejusmodi hominibus numerum dierum, peregrinis ad quinque, ceteris ad septem, impositâ elemosynâ, minuire possent: aliàsque insuper gratias & facultates impartitus est: atque in fine Jubilæum ibidem Romæ prorogavit usque ad Epiphaniam anni proximi: ac per universam Italiam concessit ab eo tempore usque ad Pentecosten ejusdem anni proximi; cujus commissarios fecit Fratres Ordini

„nis Minorum de Observantia: ut sunt de his singulis ejus constitutiones diversis hujus anni diebus promulgatæ: nec non de decima omnium reddituum, in auxilium Veneratorum contra Turcos, Clero Romano, adeoque ipsi Cardinalibus, ceterisque Prælati indicta; & subsidiis in eandem expeditionem Judæis imperatis. Denique ad aliena regna & provincias quaquaversum Nuncios misit, qui indulgentiam anni sancti publicarent, eamque iis impartirentur, quibus per bella, per itinera, per inimicitias difficile esset Romam petere; eaque occasione & Principes ad pacem hortarentur, & subsidia pecuniariam adversus Turcos comparent: ut de Anglia Polydorus, de Hungaria & Polonia Cromerus, de Germania Trithemius, de Gallia Continuator Monstreleti, de aliis alii testantur. „

[2.] Gerardus de Roß lib. 11. Piespordius in Genealogia Habsburgico-Austriaca sub Carolo.

Laurentius Surius in Commentario, sub hoc anno. „Observatum est etiam à nonnullis, quòd ab Augusto Cæsare (qui fuit N n n a a „ Chri-

Christi temporibus, quibus lux Christianæ fidei sedentibus in regione umbræ mortis illata est) totidem scire fluxere anni ad Carolum Magnum primum Germanorum Imperatorem (qui fuit longè potentissimus, & præter alios etiam Saxones multis bellis annis triginta ægrè tandem domitos coëgit recipere fidem Christi) quot ab ipso Carolo Magno usque ad hunc Carolum V. qui fidem Christi in amplissimas ab ipso reperti & occupati novi orbis provincias, piorum hominum operâ mirabiliter innoxit, ac propagavit. ----- Multa quoque hac die (qua sacro fonte ablucatur) ipsi eidem infanti præclarissima tum à sponsoribus, tum ab aliis quibusdam sunt dona oblata: & ea quidem ejusmodi erant, ut haud obscurè magnifica & rara quædam de illo infante potendere viderentur. Porro verò si ad genus ejus respicias, fuit illud perquam vetustum, illustre, & nobile: quippe ex Archiducibus Austriæ primò, deinde ex Comitibus Habsburgensibus, denique ex antiquissimis Francorum Regibus (fuerunt autem, nè quem id lateat, Franci origine Germani, non Galli, iique Galliam occuparunt, unde hodiè quæ Francis Germanis, Franciæ regnum nomen habet) quibus primus Pharamundus longè potentissimus Romanos Galliâ expulit, Clodius Rex Duros compulsi vestigal pendere, Meroveus Rex Saracenos ab Aurelia profigavit, Clodoveus primus Christianam est religionem complexus. Et Pharamundus quidem Rex Legem Salicam tulit, qua cautum est, nè fæminæ sint regni hæredes.

Pontus Heuterus in Maximiliano ac Philippo lib. 5. cap. 9. „ Sextò Calend. Martii, qui D. Matthiæ Apostolo tum erat sacer, quod annus esset bissextilis, alioqui quintò Cal. fuisset, natus est Gandavi Archiduci Philippo filius natu maximus Carolus, postea Cæsar nominis Quintus. Nonis Martii sacro fonti præsentatur, Margarita Eboracensi infantem ulnis gestante, cui dextrum latus clauderat Margarita Austriaca Hispaniarum Principis vidua, quæ non ita dudum ex Hispaniis cum Joanna puerpera redierat; sinistrum latus clauderat Carolus Croviacus, Chimai Princeps, qui infantem è sacro fonte susceperat, accedente quarto Joanne Bergarum ad Scaldim Domino, pa-

tre Antonii primi Marchionis. Antistes Tornacensis infantem lavit, nomen Caroli indidit Chimaus, in memoriam proavi Caroli Pugnacis. Rectores urbis Gandensis infanti obtulere navem argenteam, quinquaginta pondo, omen futurarum opum, quas ei successoribusque naves, incognitis insulis ac terris repertis, essent advekturæ. Ter post hæc in populum aurea argenteaque spargitur moneta; primùm ab Archiduce, infantis patre; deinde à Senatu Gandensi; tertio à Mercatore panni serici, urbis Gandensis cive, qui ante ædes suas, qua infanti iter erat, scenam crexerat, in qua quinquaginta stabant viri, singuli singulis manibus ardentis tedas tenentes. In medio conspiciebatur filius ejus, ac filia unica, quæ prætereunti infanti vas aureum magni ponderis donò dabat.

[3. & 4.] W. Hundius in Metropoli sua sub Episc. Patav. Christophoro & Wigileo. Præfuit annis 10. charus Clero & populo suo omni. --- Sepelitur cum omnium subditorum planctu & lacrymis honestè pompâ funebri, in gloriolæ Virginis Mattis Sacello à se constructo: in quo suam antea genitricem quoque honestè humari jusserrat, lapis ipsius Christophori Episcopi talem habet inscriptionem: Annò 1500. Reverendus in Christo Pater & Dominus, D. Christophorus Schachnerus, Episcopus Pataviensis, instaurator hujus Capellæ obiit. Wigileus --- Erat is magnis negotiis præclarè exercitatus, ac maxime experientia, qui antea etiam in bello Hæseriano legatus aliquoties fuerat, coëgit Synodum in Pataviensi civitate, & in oppido suo Austriaco Mauttern, sub Commageno, in quibus & Ecclesiasticam libertatem ab Austriæ quibusdam Regulis penè oppressam asseruit, & Cleri reformationem incepit quidem, sed non perfecit, tantæ rerum moli impar; Maximiliano Cæsari inprimis charus erat; cujus nomine aliquamdiu Ratisbonæ tribunal Imperiale Judex Cæsareus administravit magna cum laude, aluit amplam ex viris nobilibus familiam, bonos alioqui & probus Pater, qui nulla unquam suos subditos aut cives exactione gravare voluit: universis itaque & singulis mirè charus.

[5.] E diplomate Cæsaris.

[6. & 7.] Ex instrumento publico.

## Annus Christi MDI. Monasterii CCCLXIII.

Pont. Rom.  
Alexander VI.

Imp. Rom.  
Maximilianus I.

Archi-Dux Austriae  
Idem Maximilianus.

Episcopus Pataviensis  
Wigileus.

Abbas Zwetlensis  
Wolfgangus II.

Alexander Papa Indulgentias Jubilaei, quas Romae in die Epiphaniae clausit, ad ceteras quoque provincias disseminavit, missis jam anno praecedenti quaquaversum Cardinalibus & Praelatis, qui eas promulgarent, & Principes ac populos ad concordiam inter se, & ad bellum Turcicum, cui ipsemet praesto esse veller, atque ad subsidia pecuniarum praestanda, cohortarentur. Inter quos egregia est frequensque apud Krantzium & Trithemium mentio Raimundi tituli S. Mariae-Novae Presbyteri Cardinalis in Germaniam, Daniam, Sueciam & Prussiam Legati: qui praeclare munere per aliquot annos fungens, Ecclesias visitavit, Clerum ad pristinam disciplinam revocans, pacem inter Principes & Civitates dissidentes concilians. \* [1.]

Hoc anno sine haerede obiit Leonardus Goritiae Comes; cujus ditiores Austriae domui cedere, cui jam antea ex majori parte oppignoratae fuere. Per eosdem dies Ludovicus Rex, ne secundo rerum successui mora à Germanis objiceretur, veritus, Maximiliani Caesaris amicitiam omnibus modis ambiebat, à quo si diploma de Mediolanensi Principatu impetrasset, loca quaedam ad ejus jurisdictionem pertinentia à Venetis adimere in animo habebat. Ea in re postquam Cardinalis Rotomagensis fidelem diu operam navasset, spe tandem aliqua à Maximiliano facta, Tridentum ad eum profectus est. Ibi inter ipsos de Caroli cum Claudia matrimonio, deque Mediolani Ducatus possessione illis confirmanda facile convenit; quod ea res longa esse videbatur, & si quid intervenisset, non magno negotio irrita reddi posset. Hinc de bello Venetis inferendo agi coeptum,

qui multa Imperii Austriaeque Principum, nonnulla quoque Mediolanensis ditionis loca tenebant; & Ludovici successibus invidentes, pacem inter ipsum & Caesarem nolle videbantur. [2.]

Hoc quoque anno mense Novembri Philippus Archi-Dux Austriae, Maximiliani Caesaris filius cum Joanna conjugis sua Ferdinandi Regis Hispaniarum filia, amicitia cum Gallis conciliata per Franciam in Hispaniam proficiscitur, & ubique praesertim Parisiis honorificentissime excipitur. [3.]

Iverat anno priori Romam peregrinationis causam ad consequendum Jubilaeum Ecclesiae collegatae in Zwetl Praepositus (ita se scribit) „ Andreas Künigstainer, qui miserum Italiae statum „ Abbati Zwetlensi per litteras significat, de qua domum jam se rediisse, „ itinere satis periculoso peracto, sal- „ vus & incolumis sibi gratulatur. Ex „ Zwetl anno Domini 1501. pridie Calendas Februarii. „ [4.] Unde constat Andream istum jam ad triginta penè annos Praepositurae Zwetlensi praefuisse, qui à quodam Swerzero aliquando mirum exagitatus fuerat, ita ut Praepositurae titulo Swerzerus uteretur, & Andreas per aliquot tempus à Praepositura illius improbitate arceretur.

Interea Wolfgangus Abbas non tantum zelatore Ordinis, sed etiam economum diligentem agebat, primum querens regnum Dei in animarum salutem, deinde in temporalibus, quae ipsi per Dei benedictionem abundè adiciebantur, & augendis & conservandis fidelem se exhibens dispensatorem. Patet autem utrumque ex Indice ejus MPS. in quo proditur ipsum Cistercium ad Generale Capitulum profectum fuisse, ibidemque

000 0

que



que molestias, quas Ordo per Austriam à quibusdam Adversariis passus fuerit,

explicasse, remediumque contra ulteriora imminencia pericula quaesivisse. [5.]

## ADDITIONES.

- \* [1.] Spondanus hic n. 1.  
[2.] Gerardus de Roß lib. 11.  
[3.] Surius in Commentario brevi rerum in orbe gestarum sub hoc anno.

Gerardus ubi suprâ. „ Philippus Archi-  
„ Dux Austriæ, uti Hispaniæ populos præ-  
„ sens sibi conciliaret, cum Joanna uxore iter  
„ ingressus, sub finem Novembris Parisios ve-  
„ nit: ubi à mercatorum Præfecto (quæ per-  
„ ampla est in ea urbe dignitas) reliquisque  
„ Ordinibus, summo cum honore publicæque  
„ lætitiæ significatione exceptus est, præten-  
„ tis, quâ ingrediebatur, aulæis, & variis  
„ promore gentis exhibitis spectaculis. Ali-  
„ quot dies ibi commoratus: prætorium Re-  
„ gale ( *Parlamentum vocant* ) ingreditur, &  
„ agendis causis præsidens, Principem sese ex  
„ Galliæ Paribus ( *quos dicunt* ) unum, uti  
„ Burgundiæ Flandriæque Dominum ostendit.  
„ Parisiis profectus, Plebium venit, &  
„ à Rege ipso ea Regia obviis in arcem de-  
„ ductus multa cum eo colloquia habuit. ---  
„ Archi-Dux de pacis negotio apud Socerum  
„ Hispaniarum Regem promovendo, omnia  
„ benignè pollicitus, iter suum prosequitur.  
„ Pontus Heuterus lib. 6. cap. 3. „ Ber-  
„ gis Hannoniæ ( *Maximilianus cum comi-*  
„ *tatu suo* ) tendunt Valencenas, inde &c.  
„ - - - Parisios, Aureliam, postremò Blosum,  
„ ubi Rex ac Regina eos expectabant. Pro-  
„ cedunt eis obviam ad aliquot milliaria Pro-  
„ ceres Regii sanguinis; cum quibus ex equo  
„ Archi-Dux descendens, Palatium intrat.  
„ Viso Rege, caput nudat, corpus inclinat;  
„ paululùmque retrocedens, revertensque, ut  
„ tum moris erat, iterum se inclinat. Tertiò  
„ idem parante, Rex ablato capitis tegumentò  
„ non fert, sed obviam veniens, Archi-Du-  
„ cem arcè amplectitur, ac per duas ferè ho-  
„ ras soli deambulant. Lætabantur Prin-  
„ cipum congressu plerique, dolebant non-  
„ nulli, quisque pro ingenii ac iudicii capa-  
„ citate præfagiens. Deinde Archi-Dux à  
„ Comitibus Neveris, Valentinois, ac Candalæ  
„ uxoribus ad Reginam deducitur; exhibitò  
„ que ei ter decentissimè summo honore,  
„ cum osculo suscipitur: eadèque ratione  
„ Rex Archi-Ducem Joannam honorat. De-  
„ inde invisunt Claudiam Francicam, despon-  
„ satam Carolo Austriaeo, Archi-Ducum filio,  
„ cui adamantem auro inclusum, æstimatum  
„ mille quingentis aureis liliis, Archi-Dux  
„ Joanna dat dono. Post decem festos Blosum

- „ exactos dies, Ambrosiam Archi-Duces, co-  
„ mitante hucusque Rege, proficiscuntur: ac  
„ hinc in Turones, Pictavos, Congacos, ac  
„ Vascones &c. „  
[4.] Ex Autographo ipsius.  
[5.] Ex Indice ipsius.

### INCIDENS.

Naclerus Generatione 51. „ Annò Sa-  
„ lutis nostræ 1501. miranda sanè, horrenda  
„ & inaudita ostendit Deus hominibus. Si-  
„ quidem ut scribit Regi Romanorum Maxi-  
„ miliano Leodiensis Episcopus, à festis Pa-  
„ schalibus singulis diebus in uno vel alio loco  
„ diocesis Leodiensis, apparuit publicè &  
„ inopinatè aliquando in Ecclesiis, aliquando  
„ in plateis, aliquando in domibus, & in ipsis  
„ etiam cubiculis signum Dominicæ crucis  
„ perfectum, & fuit frequenter nigrum aut ru-  
„ bicundum, ita etiam, ut in aliquibus putaretur  
„ esse verus sanguis cum medulla & sanie  
„ effusus: & fuerunt plerumque cruces simpli-  
„ ces, aliquando tamen duplices, in forma  
„ signi sepulchri Dominici. Apparent autem,  
„ inquit, ut plurimùm super capita mulierum,  
„ & maximè puellarum, in earum peplis su-  
„ premo vertice. Et refert idem, se desuper  
„ inquisitionem solertem fecisse, ita quòd nec  
„ dolus nec fraus intervenire potuerit &c. „  
„ Bzovius ad finem hujus anni. „ Scripsit  
„ de his crucibus, & mirandis tractatum lu-  
„ culentum Matthæus Herbenus, Presbyter  
„ Ecclesiæ S. Servatii in oppido memorato  
„ homo fide & eruditione venerandus, Tri-  
„ themii Abbatis in litteris Græcis quondam  
„ auditor. Addit idem Trithemius, quòd  
„ & anno superiore & præsentì, prædictæ  
„ cruces apparuerint in lineis vestimentis ho-  
„ minum, in camisis, in mensalibus, & linte-  
„ minibus, non solum in his quæ habentur in  
„ usu, sed etiam in illis, quæ in cistis inclusa,  
„ nullum æris influxum habere videbantur.  
„ In corporalibus quoque, & pallis Altarium  
„ & albis similiter, multoties apparuerunt.  
„ In Sobernheim, & Meysenheim primò visæ  
„ sunt, cum maximo vulgi timore & horrore,  
„ tam subito, quòd aliquando, dum Salve  
„ cantaretur in Ecclesia, XXX. homines cru-  
„ ces habuisse, quas priùs non habuerant,  
„ inventi fuerint. Posthæc apparuerunt in  
„ Creutzenach, & villis circumjacentibus,  
„ deinde in Bingen, & in Moguntia, & con-  
„ sequenter in multis Alemanniæ locis. Erant  
„ autem cruces parvulæ, varii ac confusi co-  
„ loribus,

„loris, ac si pannus aliqua pinguedine mixti  
„coloris esset intinctus, nec poterant qua-  
„libet lotione deleri, sed post diem nonum

„aut decimum per se deficientes evanuerunt.  
„Has cruces magna pestilentia hominum in  
„multis locis post biennium secuta est. „

## Annus Christi MDII. Monasterii CCCLXIV.

*Pont. Rom.*  
Alexander VI.

*Imp. Rom.*  
Maximilianus I.

*Archi-Dux Austriae*  
Idem Maximilianus.

*Episcopus Pataviensis*  
Wigileus.

*Abbas Zwettlensis*  
Wolfgangus II.

„**D**ecimo Calend. Junii hoc anno  
„Rex & Regina in generali Ord-  
„inum Hispaniæ Castellâ dependen-  
„tium confessu declarant Archi-Du-  
„cem Philippum, ejus uxorem Joan-  
„nam, communēque liberos veros  
„legitimōsque Castellæ, eoque spectan-  
„tium Hispaniæ regnorum, hæredes,  
„statimque eis Principum Hispaniæ ti-  
„tulum tribuunt. Tum Nobiles utri-  
„usque Ordinis, Urbium, Ordinū-  
„que Legati, solemnī eis ritu Sacra-  
„mentum dicunt. „ \* [1.]

Vendidit Monasterio Zwettlensi Pe-  
trus molitor, tunc temporis molendini  
ad Campium juxta Rapottenstain siti  
possessor, molendinum novum; „ de  
„quo fatetur se à Wolfgango Abbate  
„34. tal. den. recepit. Signata est de-  
„super litera sigillis Viti Pistoris Sena-  
„toris in Zwetl & Wolfgangi Ambstet-  
„ter Notarii dictæ civitatis. Datum  
„in civitate annō Domini 1502. fe-  
„riā quartā post Pentecosten, nimi-  
„rum 18. Maji. „ [2.]

Pontifici Romano Alexandro VI.  
unica cura fuit, ut inter Principes Chri-  
stianos pacem componeret, & armā  
omnium in Turcas converteret, [3.]  
quare in eum finem Gallum, cum Italiæ  
nonnullis Regulis ut pacem iniret, per-  
suasit, licet ipsi Regi non esset cordi in  
Turcam, sed in Campaniam Neapolita-  
nūque regnam arma sua universā con-  
vertere. Persuasit etiam Imperatori  
Maximiliano, ut in bellum Turcicum  
consentiret, quare pecuniam ex subditis  
suis provinciis colligi mandavit, inde  
Wolfgangus Abbas in Zwetl comme-

moratur contra Turcas numerasse no-  
mine subditorum 360. tal. den. in manus  
Jacobi Præpositi Clauetro-Neoburgens-  
is. Non tantum autem subditi contri-  
buere tenebantur, sed etiam Ecclesiasti-  
cus Status, qui dare in universum debe-  
bat 6425. tal. den. Datum ibidem annō  
Domini 1502. feriā quintā post Petri  
& Pauli Apostolorum, nimirum 30. Ju-  
nii. [4.]

Possidebat hoc tempore castrum &  
dominium Lantstain in finibus Bohemiæ  
& Austriae situm familia Baronum de  
Kreyg, quæ simul etiam Vistritz domi-  
nium non procul à Nova-Domo distans  
ineolebat; „ unde Conradus Baro de  
„Kreyg Dominus in Vistritz & Lant-  
„stain Wolfgango Abbati in Zwetl  
„misit duos calices consecrandos, &  
„duas casulas benedicendas. Datum  
„Vistritz annō Domini 1502. 12. Se-  
„ptembris. „ [5.] Horum castro-  
rum & dominiorum possessores olim,  
Regibus Bohemiæ in Austriam hostiliter  
excurrentibus, Monasterio bona multa  
præstitere; dum & Reges suis consiliis  
à Monasterio deprædatione, & milites  
à rapinis & cædibus colonorum, & incen-  
diis casarum mandatis Regiis averterunt,  
nihil quidem fundantes, sed fundata  
bona facta testæ conservantes.

„Præterea Wigileus Pataviensis Epi-  
„scopus de plebis confluentis ad Virgi-  
„nem Rasingensem devotione certior  
„factus confirmat omnes Indulgen-  
„tias à Cardinalibus datas eidem Ec-  
„clesiæ. Deinde suas ipse addit In-  
„dulgencias illis, qui in tribus sextis  
„feriis immediatè sequentibus festum  
O o o o 2 „ Paschæ,

„ Paschæ ; itém in tribus Dominicis  
 „ immediatè sequentibus festum S.  
 „ Dionysii, item in decantatione Salve  
 „ Regina per circulum anni Sabbatinis  
 „ diebus in dicta Ecclesia filiali solita,  
 „ eandem visitaverint, aut ad ipsius re-  
 „ parationem & conservationem Divi-  
 „ ni cultus vel ornamentorum augmen-  
 „ tationem manus porrexerint adjutri-  
 „ ces. Demum etiam concedit, ut  
 „ provisores Ecclesiæ prædictæ peregrini-  
 „ nis adventantibus, quò domi suæ  
 „ protectionis in laudem gloriosissimæ  
 „ Virginis Mariæ majori gaudio & de-  
 „ votione recreentur, signa plumbea  
 „ pro more exhibere & tradere possint,  
 „ harum testimonio litterarum. Datum  
 „ Viennæ annò Domini 1502. 1. De-  
 „ cembris. „ [6.] Sciendum dictam

Rasfingensem Ecclesiam tantum tribus  
 Dominicis post Nonum Octobrem à pe-  
 regrinis frequentari olim solitum fuisse,  
 Waidhofensis autem civitas uti propior  
 ex situ loci, ita devotior ceteris quar-  
 tam Dominicam adjecit, nimirum il-  
 lam, quæ ante festum Dionysii & post  
 Michaëlis festum proxima illucescebat :  
 unde hodie quatuor his Dominicis tan-  
 tus concursus populorum est, ut vix  
 Templum alioquin spatiosum illum ca-  
 pere possit.

Ex Indice D. Abbatis Wolfgangi ha-  
 betur eum ad diætam Novæ Civitatis  
 illuc cum aliis Proceribus Austriæ profe-  
 ctum fuisse ad Imperatorem, ubi contra  
 Turcas pecunia colligenda decreta fuit,  
 quam etiam protinus Abbas Præposito  
 Claustro-Neoburgensi numeravit.

## ADDITIONES.

- \* [1.] P. Heuterus lib. 6. cap. 3.  
 [2.] Ex Apocha ipsius.  
 [3.] Ciaconius in Alexandro Papa VI.  
 „ Singulos Reges hortatus est, ut pacem co-  
 „ lerent domi; de bello autem nullo omni-  
 „ no cogitarent, nisi in ferocissimam Turca-  
 „ rum gentem Christianis exuviis superbam.  
 [4.] E litterarum monumentis.  
 [5. & 6.] Ex Autographo ipsorum.

### INCIDENTS.

Surius in Commentario. „ Hoc anno  
 „ sævissima pestis omnem Germaniam longè  
 „ latèque populata est. Multorum opinione  
 „ ii tum extincti sunt, quorum vestibus suprà  
 „ diximus cruces sanguineas incidisse; & quod  
 „ dictu mirum est, etiam illis in vestibus li-  
 „ neis cruces inventæ sunt, quæ cistis inclusæ  
 „ tenebantur, atque etiam in ipsis hominum  
 „ corporibus. Isthuc verò in tertium usque  
 „ duravit annum.

„ Hoc anno in dioecesi Spirensi à duobus  
 „ rusticis primum orta est conspiratio & re-  
 „ bellio adversus Episcopum & Canonicos,  
 „ contra jusjurandum & fidem illis datam,  
 „ tanquam Dominis suis. Crevit paulatim  
 „ seditionum hominum numerus, quos ii  
 „ rustici callidis persuasionibus in suas partes  
 „ pertraxerant : & nisi Numinis providentiâ  
 „ id malum brevi detectum fuisset, illa homi-  
 „ num fax postea præ multitudine opprimi  
 „ vix potuisset. Submittebantur clam ex his  
 „ fœderatis homines versuti in pagos & op-  
 „ pida, qui quoscunque possent, in Clerum,

„ in Principes & omnem Magistratum conci-  
 „ tarent, ipsorumque factioni adjungerent.  
 „ Jam duos sibi duces delegerant, penes quos  
 „ rerum esset summa potestas, quibûsque uni-  
 „ versi sinè ulla contradictione parerent.

„ Cùm diem certam designassent, ad quam  
 „ in locum unum omnes convenirent, ecce  
 „ capti sunt duo hujus perfidiæ authores, qui  
 „ quæstionibus & tormentis subiecti, omnia  
 „ sua nefanda consilia enuntiârunt, quæ eò  
 „ ferè spectabant, ut omni jugo excusso, per-  
 „ niciosa gauderent libertate, liceretque cui-  
 „ que suo vivere arbitratu : Magistratum om-  
 „ nem & Principatum profligarent, & si qui  
 „ ipsorum conatus retardare, aut ipsis obfistere  
 „ instituissent, eos immaniter trucidarent,  
 „ tanquam justitiæ divinæ hostes & adversa-  
 „ rios. Inprimis quidem statuerant invadere  
 „ Marchionem Badensem, inde Spirensen  
 „ Episcopum, postea Monachos & Clericos  
 „ &c. denique in omnimodam se vendi-  
 „ care libertatem. Qui conatus tametsi erant  
 „ seditiosi, impii, & omni supplicio digni,  
 „ tamen videbantur sibi homines deploratæ  
 „ cæcitatæ & stultitiæ æquam & bonam fovere  
 „ causam : atque ut res tam nefaria prosperos  
 „ haberet successus, certas eo nomine preces  
 „ quotidie à singulis dici volebant, scilicet  
 „ ut Deus tantæ nequitie se patronum & fau-  
 „ torem præberet. Preces erant quinque  
 „ orationes Dominicæ, & totidem Angelicæ  
 „ Salutationes, flexis genibus dicendæ. Nec  
 „ hîc contenti, etiam Symbolum sibi statuere  
 „ „ Virgi-

„ Virginem Matrem & Joannem Evangeli-  
 „ stam, quasi Sancti hominum sceleribus  
 „ faveant. Verum Maximiliano Cæsare  
 „ graviter in eos animadvertente, publicè suæ  
 „ temeritatis iustas dedere poenas, plurimis

„ eorum captis, & ultimò supplicio affectis.  
 „ Spondanus hic. n. 3. qui ait, hanc con-  
 „ spirationem vulgò dictam Ligam Rusticorum,  
 „ germanicè Bundschnuch.  
 „ Item Gerardus de Roë lib. 11.

## Annus Christi MDIII. Monasterii CCCLXV.

*Pont. Rom.*

Pius III.

*Imp. Rom.*

Maximilianus I.

*Archi-Dux Austriae*

Idem Maximilianus.

*Episcopus Pataviensis*  
 Wigileus.

*Abbas Zwetlensis*  
 Wolfgangus II.

**S**USTULIT hic annus Alexandrum Papam  
 VI. è vivis, qui senio gravis Romæ  
 in Vaticano ad 15. Calendas Septembris  
 extinctus est, quem Gerardus de Roë  
 haustò venenò, quod aliis paratum erat  
 interisise ait. \* [1.] Post aliqualem  
 † tumultum à Cæsare Borgia Papæ mor-  
 tui filio Romæ excitatum, cum urbe  
 ille exisset, Cardinales protinus triginta  
 & septem Conclave Vaticanum ingressi  
 sunt, suffragiis concordibus 10. Calen-  
 das Octobris annò 1503. Franciscus Pic-  
 colomineus, Cardinalis Senensis tit.  
 S. Eustachii, Diaconorum primus to-  
 tius Ecclesiæ Pontifex electus Apostoli-  
 cam Sedem conscendit, qui Pius III. in  
 avunculi Pii II. memoriam appellari vo-  
 luit. [2.] Hunc B. Malachias Hiber-  
 niæ Primas ita prævidit indigitando:  
**De parvo homine.** Quia nimirum  
 erat de familia Piccolominea oriun-  
 dus. Vix autem conscenderat summum  
 Ecclesiæ apicem, & ecce in crure ex sæ-  
 vo ulcere jam diu affligatus vicesima  
 sexta die Pontificatus sui, & 15. Calen-  
 das Novembris per mortem rursus de-  
 ponitur, & sedem successoris reliquit va-  
 cuam. [3.] Quo sepulto & Noven-  
 dialibus celebratis, Julianus de Ruvere  
 aliàs de Robore Savonensis, Episcopus  
 Cardinalis Ostiensis & Veletrensis, ma-  
 jor Pœnitentiarius à totidem, quibus  
 Pius, Cardinalibus eligitur mira ce-  
 leritate, atque Julius II. vocatur. De  
 illo sic B. Malachias Hibernas vaticina-  
 tus est: Fructus Jovis juvabit.

Nam Julius Ligur erat, ejus insignia  
 quercus, quæ arbor Jovi sacra est.

„ Porro ut ad Austriam redeam,  
 „ Wigileus Pataviensis Episcopus invi-  
 „ tat Clerum suæ Diocesis, etiam Præ-  
 „ latus cujusunque status ad provin-  
 „ cialem Synodum in Mauttern oppi-  
 „ dulo suo Dominicà *Misericordia Do-*  
 „ *mini* proximè venturà pro corrigen-  
 „ do vitiis dedito Clero celebrandam.  
 „ Datum Pataviæ sub nostro majori de-  
 „ creto annò Domini 1503. 1. Februa-  
 „ rii. „ [4.] Verùm tunc impedi-  
 „ tus ab hoc magno opere & labore,  
 „ diem indicat & locum mutavit; „ Sy-  
 „ nodum pro reformatione Cleri de  
 „ Mauttern in Pataviam transfert eo  
 „ fine, ut omnes tam supra quàm infra  
 „ Anasum constituti illuc confluant ad  
 „ Visitationem B. Mariæ, ibi in solitæ  
 „ suæ residentie Curia compareant.  
 „ Impedimentum autem diei priori in-  
 „ dictæ attulit, quia in obsequio Do-  
 „ mini sui Regis Romanorum Archi-  
 „ Ducis Austriae, Ratisbonæ Judicio  
 „ Cameræ-Regalis præesse cogebatur,  
 „ aliisque rationabilibus intervenienti-  
 „ bus causis impediabatur. Actum in  
 „ civitate nostra Pataviensi annò Do-  
 „ mini 1503. 10. Aprilis. „ [5.]  
 „ Hoc idem paucis at aliis verbis Hundius  
 „ in Metropoli sua sic narrat: „ Coëgit  
 „ Synodos in Pataviensi civitate & in  
 „ oppido suo Austriaco Mauttern sub  
 „ Comageno; in quibus & Ecclesiasti-  
 „ cam libertatem ab Austria quibus-  
 „ p p p p  
 „ dam

„dam Regulis penè oppressam asseruit,  
 „ & Cleri reformationem incepit qui-  
 „ dem, sed non perfecit, tantæ rerum  
 „ molis impar. Maximiliano Cæsari  
 „ inprimis charus erat, cuius nomine  
 „ aliquamdiu Ratisbonæ tribunal Im-  
 „ periale Judex Cæsareus administravit  
 „ magna cum laude. „ [6.] Hæc  
 „ de eo Hundius, verum facilè deceptus  
 „ putavit duas ab illo celebratas Synodos,

cùm unam tantùm Pataviæ celebrârit,  
 „ quam priùs in Mautterensi oppido in-  
 „ dixerat, ac deinde impedimento allato  
 „ transtulit in Sedis suæ Metropolim.

Paulò pòst Wigileus Episcopus ab  
 „ Abbate in Zwettl rogatus confirmavit  
 „ libertatem salium nostrorum deducen-  
 „ dorum per suam Diœcesin sinè telonio  
 „ quocunque. Datæ Pataviæ annò Do-  
 „ mini 1503. 16. Julii. [7.]

## ADDIT IONES.

\* [1. 2. 3.] Gerardus de Roô lib. 11. sub  
 „ hoc anno.

Ciacon. in Alexandro VI. Pio III. Julio II. PP.  
 „ Surius in Commentario sub hoc anno.

„ Mense Augusto obiit Alexander ejus no-  
 „ minis VI. Romanus Pontifex, incautè à  
 „ ministris illi oblatò venenò, quod in quodam  
 „ convivio aliis paratum erat. Sum-  
 „ pserat idem venenum etiam alius quidam  
 „ vir magni nominis: sed ille mulæ recens  
 „ occisæ utero inclusus, aliisque pharmacis  
 „ adhibitis, servatus est. Alexandro suc-  
 „ cessit Pius Tertius Cardinalis Senensis, ne-  
 „ pos Pii Secundi: sed dies tantùm sexdecim  
 „ aut septedecim ea potitus dignitate, exce-  
 „ sit è vivis, humanarum rerum vanitatem &  
 „ inconstantiam suò præproprio decessu mortalibus  
 „ ob oculos revocans, ut nè quis hu-  
 „ jus mundi fluxis, incertis ac momentaneis  
 „ rebus sese addicat. Eo quoque defuncto,  
 „ in ejus locum suffectus est Julius Secundus,  
 „ cuius Pontificatus annò primò, Hispanis &  
 „ Gallis de finium divisione in regno Nea-  
 „ politano inter se contententibus, Galli  
 „ tandem regnò Neapolitanò cum multa suo-  
 „ rum cæde depulsi sunt, Consalvo Hispano  
 „ Duce fortissimo, pro Ferdinando Rege suo  
 „ mirificè depugnante. „

Spondanus hoc anno n. 5. „ Hoc igitur  
 „ anno Alexander Pontifex, dum totus esset  
 „ in rebus filii Valentini provehendis, (utro-  
 „ que jam in partem Hispanam propensiore,  
 „ quòd Gallicam in Italia deteriori loco esse  
 „ animadverteret:) in summo majoris spei fa-  
 „ stigio, ut inania & fallacia sunt hominum  
 „ consilia; ex improvviso mortuus est decimò  
 „ quintò Calendas Septembris; venenò po-  
 „ tatus, ut volunt, cùm in hortis Adriani  
 „ Cardinalis Cornetani non longè à Vatica-  
 „ no cœnaretur, eò maturè adveniens unà  
 „ cum filio, firisq; ex gravi æstu sublevare  
 „ volens, errore pccillatoris vinum ex lagena  
 „ medicata, quam Valentinus eidem ipsi  
 „ Adriano Cardinali, aliisque opulentioribus

„ de medio tollendis, præmiserat, hauriens,  
 „ venenum ebibit, ipseque item Valentinus;  
 „ Deo scelerum vindice, quam paraverat frau-  
 „ dem in ejus caput & exitum convertente.  
 „ Rem enim ita gestam esse, plerique Itali,  
 „ ipsique Hispani scribunt, ut ceteras natio-  
 „ nes taceam; cùm sint nihilominus, qui de  
 „ falsam narrationem, quoad præparatum ve-  
 „ nenum eludant. Quos omnes habes in  
 „ unum collectos apud Bzovium diligentia  
 „ nonnullius ex ea familia. Venenò tamen  
 „ potatum Alexandrum, constans plerorùm  
 „ que omnium opinio fuit; quod ei à pin-  
 „ cerna pecuniâ corrupto propinatum, qui-  
 „ dam voluere. &c. „

† Collector Conciliorum Tom. 34. edi-  
 „ tione Parisiana in vita Pii Papæ III. fol. 65.  
 „ Pius III. antea Franciscus Piccolomineus  
 „ appellatus, Pii II. ex sorore nepos, factus  
 „ est Pontifex X. Calendas Octobris, annò  
 „ Christi Redemptoris 1503. tempore Maxi-  
 „ miliani Imperatoris. Cæsar Dux Valenti-  
 „ nus à morbo illo, quem ex sumptione ve-  
 „ neni contraxerat, liberatus, coactò duo-  
 „ decim millium armatorum agmine, conclave  
 „ quo Patres ad futuri Pontificis comitia ha-  
 „ benda congregati erant, obfederat: verùm  
 „ populi seditione, & Gallorum atque Hispa-  
 „ norum intercessionem, urbe excessit. Cùm-  
 „ que paulò pòst ad deosculandos novi Pon-  
 „ tificis pedes rediisset, Ursini illum armis  
 „ adorti sunt, pòstque magnam cædem utrim-  
 „ que commissam, Valentinus jussu Pontifi-  
 „ cis vivus in arcem Eliam perducitur. Ex  
 „ sævissimo ulcere, quod non sinè suspitione  
 „ superilliti veneni crus exederat, Pontifex  
 „ ætatis annum agens quartum & sexagesimum  
 „ interiit XV. Calendas Novembris, & sepul-  
 „ tus est prope avunculum in Vaticano, cùm  
 „ sedisset dies tantùm viginti sex. „

[4. & 5.] E literarum monumentis.

[6.] Hundius in Metropoli sua Salisburg.  
 „ sub Wigileo Episcopo Pataviensi.

[7.] Ex Autographo ipfius.

Annus

## Annus Christi MDIV. Monasterii CCCLXVI.

Pont. Rom.  
Julius II.

Imp. Rom.  
Maximilianus I.

Archi-Dux Austriae  
Idem Maximilianus.

Episcopus Pataviensis  
Wigileus.

Abbas Zwetlensis  
Wolfgangus II.

**M**aximilianus Cæsar hoc anno bellum Bavaricum gessit, de quo sic Cuspinianus paucis disserit, Gerardus id fusiùs describit. Ita verò ille ait: „ut Bavaricum est, quod in favorem suorum nepotum ex sorore Ducum Bavarie Guilhelmi, Ludovici, & Ernesti contra Rupertum Palatinum Rheni strenuè egit. In quo sua manu Bohemos haud longè à Ratisbona stravit, fuditque & fugavit, Virginei partus annò millesimò, quingentesimò quartò. „ \* [1.] Ad hoc bellum Prælatorum per Austriam utramque Status certum pecuniarum numerum porrexit; „ unde Michaël S. Crucis Abbas fatetur se ad bellum Bavaricum à Wolfgango Abbate in Zwetl recepisse censum impositum. Datum Viennæ annò Domini 1504. Domini nicæ Exaudi, nimirum 15. Maji. „ [2.]

Porro habita consultatione inter Abbates Cistercienses in Austria hoc anno ad Generale Capitulum Cistercium missus fuit quidam ex Ordine F. Joannes nomine, gravamina Monasteriorum Austriae in eo depositurus; cui inter alia etiam sequentia puncta Abbas S. Crucis consignavit. *Primum.* Quo modo Monasterium Viçtorienſe quondam infi-

gnis Abbatia ad pristinum statum iterum restitui possit. *Secundum.* De difficultate Monasterii Campililiensis orta circa jus immediationis seu dependentiæ. *Tertium.* Quomodo & ubi Monasterii Paumgartenbergensis & Hilariensis cepta dissensio componenda. *Quartum.* Querela ob quoddam petiitum subsidium charitativum. *Quintum.* A Reverendissimo D. Generali sollicitandum, quatenus privilegia Papalia ab uno aut duobus Notariis subscripta & vidimata transmittat: Sunt hæc privilegia Sixti IV. super decimis, quod incipit: Dispositione divina &c. Et Innoc. VIII. quod incipit: Ad Romani Pontificis &c. Et confirmationem moderni Papæ Julii. *Sextum.* Concernit Collegium S. Nicolai Viennæ ad Ordinem nostrum spectans, quod ex toto penè desolatur, nisi per contributiones aut aliâ viâ reparetur. *Septimum.* Exoptant Patres Abbates in certis causis rehabilitandi auctoritatem. *Octavum.* Abbas de Zwetl habet juvenem Professum studio aptum, ut is post adeptum Magisterii gradum, quem brevi consequetur, Juri Canonico operam dare possit, humiliter supplicat. Hæc dicto F. Joanni cum speciali instructione commissa fuerunt. [3.]

## ADDITIONES.

\* [1.] Cuspinianus in Cæsarib. sub Maximiliano I.

Lazius in Genealog. Austriaca Comment. lib. 2. sub bello nono Maximil.

Gerardus de Roô lib. 11. „ Obiit apud Germanos Georgius inferioris Bavarie Princeps, cognomentò Dives, unicam relinquens filiam Elisabetham, quæ Ruperto Palatino, Philippi Electoris filio nupta, duos ei filios Philippum & Othonem pepererat.

„ Huic omnia sua testamentò legaverat Georgius: sed Albertus & Wolfgangus Superioris Bavarie Reguli, contra leges & instituta id factum esse contendebant; extare „ vetustiora diplomata, quibus caveretur, si „ quem ex Bavarie Principibus absque hærede masculino decedere contingat, uti proximus ex laterali (quam vocant) linea agnatus, in bona ipsius & ditionem succederet. „ Hac ratione cum nihil proficerent, totius „ rei

Ppp p a

„ rei arbitrium ad Cæsarem detulerunt Is,  
 „ nè bello per Germaniam occasio inter Prin-  
 „ cipes cognatos existeret, magnopere in eam  
 „ curam incubuit, uti sublati ex æquo & jure  
 „ controversiis, pax & concordia servaretur.  
 „ Sed Rupertus, vix primæ juventutis annos  
 „ ingressus, & suoapte ingenio, & aliorum  
 „ consiliis ferocior, condiciones quantumvis  
 „ æquas, non admissurus esse videbatur. Igi-  
 „ tur sequentis anni initio, res in bellum  
 „ erupit. Cæsar verò, nihil amica tractatio-  
 „ ne obtineri posse videns, illum proscribit,  
 „ omnemque illius ditionem cuius diripiend-  
 „ dam permittit: patri Electori, nè filio opem  
 „ ferat, eadem multa proposita intermina-  
 „ tur. Philippus animi dubius, dum neque  
 „ filium deferendum, neque Cæsaris in se  
 „ iram provocandam putat, tandem pro-  
 „ missis ( uti ferebatur ) à Gallorum Rege  
 „ auxiliis fretus, & paterni animi affectu  
 „ victus, arma capit, filio defensorem se  
 „ præbet. Hinc & ipse omnibus Imperii  
 „ commodis ac beneficiis privatur. Reliquis  
 „ item Principibus, imprimis verò Udalrico  
 „ Wirtenbergenſi & Guilielmo Hassiæ regulo  
 „ injunctum, uti bellò illum, tamquam per-  
 „ duellem, adorarentur. Promptus in hanc  
 „ expeditionem erat Udalricus, cui Alberti  
 „ filiam Sabinam Cæsaris, qui avunculus ei  
 „ erat, autoritate collocatam suprà retuli-  
 „ mus. Itaque uti tam ipsi quam socero  
 „ operam suam commendaret, conscripto  
 „ octingentorum equitum, & bis mille pedi-  
 „ tum exercitu, in Palatini ditionem irruens:  
 „ Mulbrunnum Monasterium, muro, turribus  
 „ & præsidio munitum, expugnat: Abbatem,  
 „ qui cum Fratribus Spiram confugerat, in  
 „ verba juratum, pristino loco restituit. Be-  
 „ sicheum inde, Leostadium, Winsber-  
 „ gium, Neostadium & Meckmülam, oppida,  
 „ cum arcibus nonnullis capit. Guilielmus  
 „ quoque Clavam oppidum in potestatem re-  
 „ digit, Ingolthecum strenuè oppugnans, ca-  
 „ pere non potuit, & obsidione soluta, non  
 „ multò post obiit. In Bavaria verò Rupertus,  
 „ Alberto viribus impar, Bohemorum  
 „ non parvam manum conduxit. Eos prope  
 „ Reginoburgum excepit Maximilianus Cæsar,  
 „ qui & ipse in armis erat, neque Boemos in  
 „ Germaniam adduci, ferre poterat. Ade-  
 „ rant illi Albertus Bavarus, Fridericus Bran-  
 „ demburgicus, cum Casimiro & Georgio  
 „ filiis, quorum avia erat Elisabetha Austriaca,  
 „ Ladislai Regis foror: utrumque Cæsar mi-  
 „ litari dignitate, sub pugnæ tempus insigniè-  
 „ rat. Boëmis se cum suis conjunxerat Ru-  
 „ pertus. Utrisque pugnæ cupidus, acerrimè

„ pugnatum est, & Rupertus egregiè inter  
 „ primos se gessit, nutantem aliquoties aciem  
 „ instaurans, neque ullam de se timoris signi-  
 „ ficationem præbens, quoad consistere suos  
 „ vider. Cæsar verò suos & verbis & exem-  
 „ plo exhortatus, in densissimum hostium  
 „ agmen invecſus, vitæ periculum adiit, ex  
 „ quo suorum virtute ereptus, hosti pertina-  
 „ cids resistenti, victoriam extorsit. Boëmo-  
 „ rum multi in prælio, nonnulli in fuga cæsi,  
 „ reliqui domum, quæ venerant, per saltus  
 „ rediëre. Rupertus ipse fugâ salutem qua-  
 „ sivit. Post hoc prælium, multa passim lo-  
 „ ca, ultro dedicationem fecere. Est ad Oeni-  
 „ ripam in Tirolensibus Agri & Bavariz confi-  
 „ niis Kuststeinium oppidum, quod arcem  
 „ habet, ex solida rupe excisam, quæ in mon-  
 „ tis prærupta crepidine collocata, oppido  
 „ superimminet, ex quo una tantum semita  
 „ adiri potest, ingenio loci & opere muni-  
 „ tissima. ( Geroltzeggum vocant ) Hanc per  
 „ id tempus cum præsidio tenebat Joannes  
 „ Benzenauerus domi nobilis, & rei militaris  
 „ peritia insignis, qui Palatinorum partes se-  
 „ cutus, ac fiducia loci elatus, insolenter se  
 „ gerebat. Igitur Cæsar eò profectus, arcem  
 „ cum oppido sibi tradi postulat, vitam & ve-  
 „ niam Præfecto ejusque militibus promittit.  
 „ Id cum impetrari non posset, oppugnationem  
 „ nem etsi difficilem, Cæsar aggressus, cre-  
 „ bris tormentorum ictibus arcem verberari  
 „ iussit. Ferunt Præfectum, post explosa tor-  
 „ menta, scopis exteriorem muri partem  
 „ verri jussisse, cujus rei indicio, nihil magis  
 „ incommodi loco adferri posse demonstra-  
 „ bat. Non bene cessit ei superbia, & Cæ-  
 „ saris contemptus, qui ea re irritatus, ob-  
 „ stinatò animò expugnationem urgere per-  
 „ tendit; multaque animo agitant, locum  
 „ quandam ex adverso in monte observavit,  
 „ qui arcis stum altitudine nonnihil excedens,  
 „ collocandis machinis idoneus esse videba-  
 „ tur. In hunc igitur locum tormenta ali-  
 „ quot majora, magnis operibus, longoque  
 „ circuitu, per clivosa montium juga, subvehi  
 „ curavit, quibus non mœnia, quæ ex rupe  
 „ excisa erant, sed milites ipsi, qui pro mu-  
 „ ris stabant, & interiora arcis domicilia pe-  
 „ tebantur, neque usquam tutus dabatur re-  
 „ cessus. Ea res præter opinionem allata,  
 „ contumaces Præfecti spiritus fregit, qui præ-  
 „ sens adeſſe exitium videns, dedicationem fe-  
 „ cit, veniamque & admissorum gratiam, quam  
 „ antea oblatam repudiaverat, serò petit.  
 „ Nam cum nobilibus aliquot commilitoni-  
 „ bus capitali supplicio affectus est. Cæsar  
 „ arcem cum oppido Tirolensium ditioni af-  
 „ ſeruit,

„feruit, partemque montis illam, ex qua  
 „tormenta explosa fuerant, ita destrui cura-  
 „vit, nè ab eo loco arce deinceps vis ulla  
 „adferri posset. Tormenta verò grandiora  
 „illa, in flumen demersa esse, sunt qui asse-  
 „rant. Rupertus non multò post ex animi  
 „ægritudine, ( quidam venenò sublarum vo-  
 „lunt ) Landishuti diem obiit, quem secuta  
 „est uxor. Cùm itaque Palatinorum fami-  
 „lia, graves ex hoc bello clades accepisset,  
 „jamque totis viribus in Philippum iretur,  
 „Christophorus Badensis Marchio, & alii  
 „quidam pro illo intercessere. Quorum  
 „precibus motus, & qua erat animi modera-  
 „tione, Electoratis dignitatem conculcari  
 „nolens, & ipse à bello illi faciendo destitit,  
 „& reliquis Principibus, idem uti facerent  
 „imperavit, quoad proximis Imperii comitiis  
 „de tota illa controversia statueretur. „

Surius in Commentar. ad ann. 1504.

P. Heuterus in Maximil. ac Philippo lib. 6.  
 sub hoc anno cap. 6. „ Principes qui Cæsari  
 „auxilia adduxerant, domum proficiscentes,  
 „ingentem è Palatinatu prædam præ se age-  
 „bant. Robertus pauper ac exul ad patrem  
 „reversus, animi morore vitam cum morte  
 „commutavit, ætatis annò vigesimo tertio.  
 „Post hæc Cæsar, aucto exercitu, in Bohe-  
 „miam contendit. Proscriptus enim fuerat  
 „cum Philippo ac Roberto Rex, ob missa  
 „contra Cæsarem auxilia. Sed Ladislaus  
 „corpore animoque æger, Cæsarique omni-  
 „bus rebus impar, adventum ejus non expe-  
 „ctandum censens, missa honorifica legatione,  
 „ususque deprecatoribus aliquot Principibus,  
 „pacem petit, impetratque, multatus certè  
 „in militum stipendium pecuniæ summâ.

„ Hoc Cæsar defunctus bello, mox pa-  
 „cem sancit cum Ludovico duodecimo  
 „Francorum Rege, hac formula: Claudiam  
 „Regis filiam Carolo Austriaco desponsatam,  
 „ratum maneto. Rex ejusque Proceres ei  
 „sanguine juncti sponsalia subsignant. Cæ-  
 „sar, rescisso diplomate Sfortianis concessio,  
 „novum Regi, ejusque masculis legitimis li-  
 „beris; iisque deficientibus, è filiabus natu  
 „maximæ Carolo Austriaco nuptæ, aut ejus  
 „fratri, concedit: quæ nuptiæ si Francorum  
 „culpâ effectû caruerint, tum Carolus Au-  
 „striacus ejus frater, & ex iis nati liberi,  
 „nepotisque, in Ducatum Mediolanensem,  
 „omnibus aliis aliorum actionibus ac juribus

„ cessantibus, soli succedunt. Cædenti cum  
 „Papa Julio contra Venetos isto Cæsar ac-  
 „cedit. Pro diplomate Ducali ditionis  
 „Mediolanensis Cæsari ducenta millia aureo-  
 „rum liliorum solvito. Palatinum contra  
 „Cæsarem iturum rebellantem re nec con-  
 „silio juvato. Ludovicum Sfortiam carcere  
 „liberato. Quamquam hæ conditiones  
 „non diu sint servatæ, nec Sfortia carcere  
 „emissus, fuit tamen posthæc multò mitius  
 „habitus, facta scribendi ac legendi libera  
 „potestate.

„ Quintò Calendas Decembris Medinæ-  
 „Campi, quinquennid post filii Joannis  
 „mortem, obiit Elizabetha Hispaniæ Re-  
 „gina, Ferdinandi Catholici Arragoniæ  
 „Regis uxor, vita ac moribus scemina aliis  
 „multis præstans, quæque apud suos ingen-  
 „tis prudentiæ nomen obtinebat, ad quam  
 „spectabant Castellæ regna, Hispaniæ longè  
 „maxima præstantissimæque pars. Quin-  
 „que Ferdinando in Arragoniam, eâ mortuâ,  
 „jure esset migrandum, ac relinquenda  
 „Principi Philippo Austriaco, ejusque uxori  
 „Joannæ regnorum Castellæ gubernatio; hæc  
 „de causa se Rex Ferdinandus opposuit, quòd  
 „factò Elizabetha testamentò sibi Castellæ  
 „gubernationem ad vitam legasset. At eam  
 „id juris non habuisse, Hispaniæ Proceres  
 „differebant: à quibus Princeps Philippus  
 „concitatus, iter in Hispaniam, invitò so-  
 „cerò, adornabat, Castellæ hæreditatem vi-  
 „vel amicitia aditurus. Sed tandem Fridericus  
 „Toletanus, Albæ Dux, Franciscus  
 „Puvensesis, Archi-Præsul Toletanus, Cas-  
 „tellæ Cancellarius; Joannes Lutzenbur-  
 „gius, Villæ Dominus; ac Joannes Ema-  
 „nuel, Ætarii Præfectus, controversiam in-  
 „ter socerum ac generum his conditionibus  
 „composere: Princeps Philippus nil sinè so-  
 „ceri Ferdinandi voluntate nec consiliis in  
 „Hispania agito. Hispaniæ regni titulus com-  
 „munis esto. Regni vestigalia æqua por-  
 „tione dividunt, idemque de novarum In-  
 „sularum in mari Indico repertarum rediti-  
 „bus faciunt. Donatio muniõrum Divi Ja-  
 „cobi Calatravæ, & Alcantaræ, juris Ferdinan-  
 „di manento. Alter alteri militum auxilia,  
 „belli tempore, recipientis sumptu submittito,  
 „Cæsar his conditionibus comprehenditor. „

[2.] Ex Apocha ipsius,

[3.] Ex literarum monumentis.



## Annus Christi MDV. Monasterii CCCLXVII.

Pont. Rom.

Imp. Rom.

Archi-Dux Austriae

Julius II.

Maximilianus I.

Idem Maximilianus.

Episcopus Patavienfis  
Wigileus.Abbas Zwetlensis  
Wolfgangus II.

**C**æsar Maximilianus bellis occupatus à provinciæ Austriacæ Proceribus postulat, ut quilibet à centum libris pecuniæ equum, & unum peditem armatum in bellum comparet & dirigat, ipse autem Cæsar de Imperiali suo fisco promittit duplicare numerum. Datum Grebing annò Domini 1505. 25. Januarii. \* [1.]

„ Vixit è Fundatorum Monasterii nostri familia Illustris Dominus Joannes Chünringius de Seveld, qui scribens Wolfgango Abbati in Zwetl, ab eo sibi exhiberi rogavit equum coloris punicej, qualem eum habere se audivisse asserit. Datum Seveld annò Domini 1505. feriâ quartâ ante Pentecosten, nimirum 7. Maji. „ [2.] Fuit hic Joannes Chünringius ejus nominis IV. filius Balthazaris & Elisabethæ Liechtenstainæ de Muraw ex Stiria, cujus sorores erant Ehrentrudis Arbergica, & Anna innupta obiens: quatuor ex Anna de Zelcking in Weinberg conjugæ suæ tulit filios Marquardū, Florianum, Christophorum, Balthazarem II. Ex quibus Marquardus familiam conservavit, generans ex uxore suâ secunda Catharina de Polhaym in Leibnitz Joannem Ladislaum ultimum hujus præclarissimæ familiæ marem, tulit quidem etiam Alberonem ejus nominis VII. ex prima uxore Elisabetha de Stahrenberg, sed ipse quoque liberis in pueritia ipsorum per mortem destitutus fuit.

Erat igitur hic Joannes VII. avus ultimi, qui cœpit Monasterium nostrum ratione villarum Haslach, Weickerstorf, & Terenberg inquietum reddere, ut jam suprà retuli.

„ Nuntiat porro domum F. Joannes Burfarius Viennâ varia, inter cetera Wolfgango Abbati scribit, milites Viennâ contra Danubium ascendere omnes, præter quadraginta, qui Stockeraue præsidij locò sunt positi. Datum Viennæ annò Domini 1505. die S. Colomanni, nimirum 13. Octobris. „ [3.]

„ Interea in Schweickers Parochia residebat Monasterii Vicarius, secularis quidam Sacerdos dictus Wolfgangus Scherntätzel, qui ex eo, quod parentes sui in Monasterio Zwetlensi conditi jaceant, vineam unam in Lewbs sitam & Stainhauff dictam fundavit Monasterio post obitum suum fruendam. Datum annò Domini 1505. in die S. Elisabethæ. „ [4.]

Ex cujusdam Magistri Viennensis literis colligo, Fratres Juniores Religiosos Zwetlensis Monasterii domi instrui solitos esse, nam Collegium S. Nicolai Viennæ studiorum gratiâ à Religiosis Ordinis nostri incolis & frequentari solitum abisse quasi in desertum discordiâ paucorum, timendumque, nè penitus ab Ordine abalienetur. Datum Egenburgæ annò Domini 1505. 7. Decembris.

## ADDITIONES.

\* [1.] E literarum monumentis.

[2. &amp; 3.] Ex Autographo ipsius.

[4.] E literarum monumentis.

I N C I D E N S.

P. Heuterus anno præcedente sub n. 1. relatus c. 6. „ Postridie Idus Januarii annò 1505.

„ celebrat Princeps Philippus Bruxellæ Brabantia, in Templo Divæ Gudilæ, exequias Elisabethæ Reginæ Hispaniæ; cujus cæremoniæ in longum tempus extraxit, quum tandem essent finitæ, Principis Philippi Legatus Castrensis alta voce in Templo proclamat: „ *Obit*

„ *Obiit pia memoria Illustrissima, Excellentissima,*  
 „ *Potentissima, Catholica Elizabeth Regina Castellæ,*  
 „ *Legionis, Toleti, Granada &c. Quibus ver-*  
 „ *bis ter repetitis, scipionem, quem manu*  
 „ *tenebat, in terram conjicit; accedensque*  
 „ *ad Principem Philippum, ter flexis genibus*  
 „ *honorem ei ac reverentiam exhibet, umbel-*  
 „ *lâmq; sub qua sedebat, auferens, in sum-*  
 „ *mo deponit Altari, deinde iterum alta voce*  
 „ *proclamat: Vivat Dominus Philippus, ac Do-*  
 „ *mina Joanna, Rex ac Regina Castellæ, Legionis,*  
 „ *Toleti, Granada &c. Quo etiam ter facto,*  
 „ *ad Principem redit, atque: Illustrissime Do-*  
 „ *mine, more Imperatoribus ac Regibus consue-*  
 „ *to, iuberis Ducale capitis tegumentum deponere.*  
 „ *Non enim te, qui Rex es, id posthac gerere de-*  
 „ *bet. Accedensque eodem momento summus*  
 „ *Archi-Ducis Consiliarius, cum dicto Cas-*  
 „ *trensi Legato, ei, quem posthac Castellæ*  
 „ *Regem nominabo, Ducale capitis tegum-*  
 „ *tum auferunt; rediensque Legatus ad Al-*  
 „ *tare, nudum gladium acie arreptum, ostensô*  
 „ *capulô, in altum effert, ac inquit: Domi-*  
 „ *ne, hic gladius tibi est datus, ut iustitia sit pa-*  
 „ *tronum, ac Regna, Ditiones, subditosque tuos de-*  
 „ *fendas, non ut opprimas. Tum Rex Castellæ,*  
 „ *ad summum Altare facie versa, in genua*  
 „ *procumbit, factâque prece surgit, ac gladi-*  
 „ *um capulô arreptum, sublata acie, aliquam-*  
 „ *diu ostentat. Interea omnes Legati Cas-*  
 „ *trenses, quique eorum more vestiri sunt*  
 „ *soliti, exutis togis, quæ Archi-Ducis re-*  
 „ *ferebant insignia, quibus eo tempore erant*  
 „ *induti, ac capitis iisdem tegumentis, novis,*  
 „ *Regiisque vestiuntur, quemadmodum &*  
 „ *quatuordecim Regii tubicinis. Finitis cæ-*  
 „ *remoniis, Castellæ Rex posthac in Tabulis*  
 „ *& Diplomatis titulum mutavit, hoc mo-*  
 „ *do scribens: Philippus Dei Gratia Rex Castellæ,*  
 „ *Legionis, &c. Princeps Arragoniæ, Sicilia, &c.*  
 „ *Archi-Dux Austria, Dux Burgundiæ &c. ....*

Cap. 7. „ Sub idem tempus Rex Castellæ  
 „ *Philippus Archi-Dux Austria*) ad patrem Cæ-  
 „ *sarem in Germaniam proficiscitur. Hage-*  
 „ *nœ propinquus, Fürstenbergii Comitem*  
 „ *cum multa nobilitate ac ducentis equitibus*  
 „ *à patre obviam missum excipit. Tandem ipse*  
 „ *Cæsar cum Germaniæ Principibus adveniens,*  
 „ *filiumque Regem amplexus, in civitatem*  
 „ *deducit, ubi sæpius habito consilio, tan-*  
 „ *dem pacem cum Francorum Rege à filio fa-*  
 „ *ctam approbat, in eam præsentè Ambosio*  
 „ *Cardinale jurans. Tum patri clientale di-*

„ *cit Sacramentum de Geldria, Zutania, ac*  
 „ *pro filio Carolo de Lutzenburgo. „*  
 „ *Sucus in Commentar. „ Eodem anno*  
 „ *sub mensis Julii initium Maximilianus Cæsar*  
 „ *Comitia habuit Coloniz Agrippinæ, multis*  
 „ *eô Principibus, Comitibus, ac Nobilibus*  
 „ *confluentibus. Ibi pax conciliata est inter*  
 „ *Albertum Bavarum & Philippum Palatinum*  
 „ *Principes. Conditiones pacis in medium*  
 „ *propositas, Cæsar sub gravissima læsæ Ma-*  
 „ *jestatis pœna servari jussit. Interim verô*  
 „ *dum conventus hic Coloniz agitur, Ma-*  
 „ *ximilianus de Geldrensi rebellione sit*  
 „ *certior. Itaque convocatis Principibus,*  
 „ *Comitibus & Nobilibus omnibus, qui tum*  
 „ *Coloniz aderant, navigio in Geldriam pro-*  
 „ *ficiscitur, opem laturus Brabantis, qui Arn-*  
 „ *hemium Geldriæ oppidum obsidebant.*  
 „ *Dux ubi sensit non contemnendas Cæsaris*  
 „ *vires, saniori usus consilio, sub certis con-*  
 „ *ditionibus urbem dedit, quam illæsis ci-*  
 „ *vibus Cæsar accepit, & Ducem quoque qui-*  
 „ *budam interpositis pactis in gratiam rece-*  
 „ *pit. Inde Coloniam multâ Principum ac*  
 „ *Nobilium frequentia stipatus rediit, magna*  
 „ *ejus amplissima urbis civium gratulatione*  
 „ *exceptus, cunctis tota urbe campanis ala-*  
 „ *criter conceperantibus. „*

Item Gerardus de Roô lib. 11. sub hoc  
 anno. „ Maximilianus peractô cum Roto-  
 „ *magenfi (Cardinale à Ludovico Rege Gallia ad*  
 „ *Cæsarem missô) colloquiô, Hagenoâ disce-*  
 „ *dens, Coloniam Agrippinam, secundô Rhe-*  
 „ *nô descendit, ubi indistincta erant comitia,*  
 „ *sub Julii mensis initium, quibus inter alia*  
 „ *de bello Venetis inferendo, & itinere Ro-*  
 „ *mam versus instituendo actum. Ibi Philip-*  
 „ *pus Palatinus, à Friderico Saxoniz Ele-*  
 „ *ctore ad Cæsarem introductus, veniam sup-*  
 „ *plex, & pacem orans, in gratiam ab illo*  
 „ *receptus est, ipsûmq; inter & Albertum*  
 „ *ac Wolfgangum fratres Bavariz regulos,*  
 „ *pacis & concordiz leges dictæ, & sub gra-*  
 „ *vissima læsæ Majestatis pœna observari jus-*  
 „ *sæ. Ruperti quoque puerorum rationem*  
 „ *Cæsar habere voluit, quibus eam contro-*  
 „ *versæ regionis partem attribuit, quæ inter*  
 „ *Danubium & Nabum amnes, ad veteres*  
 „ *Palatinæ ditionis limites, adjacet. Omnem*  
 „ *quoque controversiam, quæ inter Palatinos*  
 „ *& Wirtembergos multis annis agitata*  
 „ *proximô bellô invaluerat, æquis conditio-*  
 „ *nibus fustulit. „*

## Annus Christi MDVL. Monasterii CCCLXVIII.

*Pont. Rom.*  
Julius II.

*Imp. Rom.*  
Maximilianus I.

*Archi-Dux Austriae*  
Idem Maximilianus.

*Episcopus Pataviensis*  
Wigileus.

*Abbas Zwettlensis*  
Wolfgangus II.

**M**emorabilis hic annus est, & Austriae gloriosus, quia familia ejusdem regnorum plurimorum accessione aucta fuit & augustior reddita, & hoc per connubia, cum alii armis tantum non occupare potuerint, licet tentarent: Germania, per quam Maximilianus imperitabat, virtuti Austriae angusta, erat, accessit Belgium cum Flandria & Burgundia, florentissimis provinciis, sed neque hae Heroas Austriae capere poterant; tandem Hispaniarum regna ditissima & celeberrima Austriae sanguinem vocavere, sibi que regnare voluere. Unde hoc anno Philippus Maximilianus filius, Belgarum Princeps prudentissimus una cum conjugis Joannae haerede regnorum Hispaniae nonnullorum, & secundo filio Ferdinando, per Angliae & Britanniae citerioris oras, in quas per tempestatem navis praetoria fuerat delata, inde salutato Rege Heinricho VII. felicibus votis & sereno caelo in Hispaniam adnavigavit, ubi magnam omnium Ordinum laetitiam & effusam multitudinis plausu exceptus fuit. In Philippum aetate florentem, commodis moribus, eruditione, bonisque artibus & facundia praeditum Hispani Principes & reliqua Nobilitas quodam studio accensi ferebantur, quare ipsum una cum Joannae conjugis in oppido Pincia, quod Valledolid vocant, in Castellano regno, solenni ritu, dicto Sacramento, Reges creant, majoremque illorum filius Carolus, Castellae Princeps dictus. \* [1.]

Interea dum haec in Hispaniis geruntur, Maximilianus crebris ex Pannonia nuntiis de novo Ungarorum tumultu certior factus, intermisso itinere Italico, quod parabatur, in Austriam ex Tirolis descendit. Deinde Posonium cum ex-

ercitu profectus magnum Ungaris a bello imparatis, inprimis Regi pacis quam belli artibus magis idoneo, terrorem fecit. Erat autem de successione regni causa belli; clamabant enim Ungari, nullum se ex Germanis Regem accepturos, unde Stephano Transilvaniae regulo magnam potentiam multisque clientelis subnixo Annam Vladislai Regis filiam infantem despondere, Regem prope coegerunt. Ad Calendas autem Julias Regina puerum enixa, cui Ludovici nomen datum est. Post natum puerum Maximilianus pacem cum Ungaris fecit, pactis de successione denuo confirmatis. [2.]

Funesti porro nuntii ex Hispania adferuntur de Philippi Regis morte, qui Burgis Castellae urbe ardenti febre ad septimum diem Calendis Octobris sublatus, non minorem suis omnibus lucum reliquit, quam spem de se excitaverat, cum viginti octo vitae annos explevisset. [3.] Filios reliquit Carolum & Ferdinandum, Romanorum postea Caesares, Leonoram Manuelis Lusitani prius, inde Francisci Galli, Catharinam Joannis item Lusitani, Isabellam Christierni Dani, & Mariam Ludovici Pannonici Regum uxores. Atque haec de Austriae Domo Serenissima.

Scripti supra Maximilianum in Ungariam cum exercitu profectum esse ad Ungarorum motus compescendos, unde dum Posonii moratur, Austriae milites mittere imperavit. [4.] „Quare „Wolfgangus Abbas in Zwettl scribit „Joanni Weidacher Allodiorum Magistro in castris Regis moranti, ut „agat Monasterii nomine apud Regem „Romanorum, quatenus acceptis qua- „tuor equis in curru ad arma parato

„con-

„ contentus esse velit. Datum Vien-  
 „ næ annò Domini 1506. feriâ terciâ  
 „ ante Corporis Christi, nimirum 9.  
 „ Junii. „ [5.]

Missus erat demum in Germaniam  
 F. Joannes de Zuffenhufen Professor  
 Monasterii Cistercii à Reverendissimo  
 Domino Jacobo Ordinis Generali de-  
 putatus specialiter Nuntius & Rece-

ptor tam contributionum, quàm sub-  
 sidii charitativi; „ qui fatetur se à  
 „ Wolfango Abbate in Zwetl rece-  
 „ pisse de hoc anno ratione charitativi  
 „ subsidii 20. florenos, item ratione  
 „ contributionum de annis 1505. &  
 „ 1506. florenos decem. Actum in  
 „ Zwetl annò Domini 1506. terciò No-  
 „ vembri. „ [6.]

## ADDITIOES.

\* [1.] Gerardus de Roó lib. 12. Histor.  
 Austriacæ.

P. Heuterus lib. 6. cap. 8. „ Narravimus  
 „ sub finem anni 1504. Regem Castellæ cum  
 „ focero Ferdinando de gubernatione Hispani-  
 „ niæ convenisse, quibus conditionibus quam-  
 „ vis cum Rex Ferdinandus vix statuum cre-  
 „ debat, naves tamen multas, quibus cum  
 „ uxore in Hispaniam veheretur, mittit. Jun-  
 „ git Belgicæ Castellæ Rex quinquaginta, ac  
 „ cum universa familia, Reginæque Joanna,  
 „ maximam ornatissimamque Middelburgi,  
 „ (ubi paulò antè in Abbatia Equitum Aurei  
 „ Velleris numerum suppleverat) in Zelandia  
 „ conscendens, quartò Idus Januarii annò  
 „ 1506. sublatis velis in altum contendit.  
 „ Dederat illi Cæsar comitem ac Achatem in-  
 „ dividuum Wolfgangum Comitem Fürstem-  
 „ bergii, virum multis animi corporisque do-  
 „ tibus insignitum. Cùmque Angliam in con-  
 „ spectu haberent, navis Regia fortuito cor-  
 „ ripitur igne, tanta omnium consternatione,  
 „ ut extremam adesse horam vererentur. Sed  
 „ sociorum navalium diligentia ignis restin-  
 „ guitur. Exinde tempestas adeo horribilis  
 „ ac sæva eos excipit, ut haud procul naufra-  
 „ gio abessent, ægreque in Portum oppidi  
 „ Hamptonnæ (quod est in Anglia) navis Re-  
 „ gia paucis comitata appellit, tribus cum  
 „ omnibus rebus ac hominibus fluctibus ab-  
 „ sorptis, ceteris per varios Britonum An-  
 „ glorùmque Portus variâ fortunâ, magno  
 „ cum incommodo, disiectis. Excepti sunt  
 „ à Rege Heinrico Septimo summa cum be-  
 „ nevolentia ac humanitate, maris tranqui-  
 „ litatem ac ventum secundum expectantes.  
 „ Rogatus Castellæ Rex invisit Angliæ Regem  
 „ in arce Windesora, haud procul Londi-  
 „ nò sita, aq post aliquot dierum festivitatem  
 „ renovant pacis conditiones ante multos an-  
 „ nos inter Hispaniæ Angliæque Reges con-  
 „ ceptas. Cùmque earum Tabulas Angliæ  
 „ Cancellarius attulisset, Castellæque Rex  
 „ perlegi jussisset, statim propria manu sub-  
 „ signat; neque ulla in re sese difficilem præ-

buit, quàm in traditione Suffolciæ Ducis,  
 „ quem bello Geldrico Hattemi captum, in  
 „ arce Namurencis honestâ custodiâ detine-  
 „ bat. Eum enim Rex Henricus summopere  
 „ expetebat, quòd in Regnum Angliæ, è con-  
 „ traria factione natus, jus prætenderet, pol-  
 „ licitus sese eum non interfectorum; quod,  
 „ dum vixit, servavit; sed filius Henricus odis-  
 „ sus, crudelis tyrannus, infelicem senem mox  
 „ post patris mortem securi percussit. Deinde  
 „ Rex Angliæ, in perpetuæ amicitia testimo-  
 „ nium, Castellæ Regem in Ordinem Equi-  
 „ tum qui Periscelidis gestatione gaudent, ad-  
 „ seiscit. Rex Castellæ eodem momento in  
 „ Aurei Velleris Equitum numerum legit Ar-  
 „ thum, Regis Henrici filium natu maximum.  
 „ Posteaquam Rex Castellæ serè per tres men-  
 „ ses apud Angliæ Regem summo cum honore  
 „ ac lætitia exceptus fuisset, secretòque de  
 „ nuptiis Caroli Austriaci ac Margaritæ filia-  
 „ rum Regis Henrici natu maximæ tractassent,  
 „ vento ex oriente flante, naves instrui jubet.  
 „ Certiores enim jam facti erant, Francorum  
 „ Regem Ludovicum filiam Claudiam secretò  
 „ despondisse Francisco Engulemæ Comiti.  
 „ Nonò Calendas Maji consensu navibus in  
 „ Hispaniam dant vela; adeoque felici urun-  
 „ tur navigatione, ut quintò Calendas Maji  
 „ Coronnam (vel Coronna) in Galicia ap-  
 „ pellerent, ubi cum summa læticia ab omni  
 „ hominum sexu ac genere sunt excepti. Ac-  
 „ currere ex universa serè Hispania Proceres;  
 „ quique dudum Regi Ferdinando non ad-  
 „ modum equi fuerant, Regi Philippo, no-  
 „ vas focero conditiones extorqueat, suadent,  
 „ fore asseverantes, ut nil neget: quod astu-  
 „ tus senex aperit perspicere, Procerum po-  
 „ pulique majorem partem animis ad generum  
 „ defecisse. Paret horum consilio Castellæ  
 „ Rex, novas focero adferens difficultates,  
 „ cui id minis durum fuit, quòd jam tale quid  
 „ eventurum animò praverat, certòque futu-  
 „ rum statuerat. Nè igitur invitus cogere-  
 „ tur, oblatas conditiones, paucis mutatis,  
 „ subsignat, ac in hanc formulam, genero

Rrr r

„ con-

consentiente acceprantēque, mutat: Rex Ferdinandus Castellæ regnorum administratione, omnique jure quod in iis habere potest, cedito, è Castella migrato, nec se amplius regnandi causâ reversurum promittito. Regnum Neapolitanum cum Sicilia Rex Ferdinandus habeto. Indiæ occidentalis vespigalia Regi Ferdinando cedunto. Donatio dignitatis Equitum Ordinis D. Jacobi Alcantaræ, ac Calatravæ, juris Ferdinandi maneto. Quorannis è regno Castellæ viginti-quinque millia aureorum ducatorum recipito. Reliqua sub finem anni 1504. Lector reperies. Post hæc statim Rex Ferdinandus in Arragoniam, indeque paulo post Neapolim est profectus, constitutis, que ejus regni negotiis permansit, donec, apud Rege Philippo, ad Castellæ gubernationem revocaretur, abducto in Hispaniam Magno Consalvo, quod cum ad regnum aspirare Neapolitanum suspicaretur, Piespordius sub Philippo I. Austriaco.

[2.] Gerardus ubi suprâ.

[3.] Idem Gerardus addens: „Ex ultima ejus (Philippi) voluntate (ut quidam asserunt) intestina illic ubi obierat, corpus Granatæ Beticæ, cor Bruxellis conditum cum tali Epitaphio:

„Urbes & populos, diversâque regna tenebam,

„Spes dabat Imperium, spes dabat orbis opes.

„Si spes in quenquam fuerat mihi gloria prima,

„Heu, heu! quanta fuit spes mea, tanta tacet.

Cuspinianus in Maximiliano I.

Heuterus ubi suprâ cap. 10. „Fine mentis Augusti Rex Castellæ, cum uxore Joanna, urbem Burgos intrat, statimque loca pia Mirastorum ac Carthusianos invisit. Post dies aliquot ad ludum parvæ pilæ cum reticulo se exercitaturus contendit: cùmque pomeridiano tempore, summis cœli caloribus, nimio exercitiò sanguis æstuaret, ac stomacho, humorem petenti, frigidam avidius infudisset, statim malè habere cœpit. Invalescens morbo, decumbere cogitur; animùmque extemplo ad Deum convertens, testamentum condit ac consignat, Sacramentis Ecclesiæ Catholicæ se munit: tantâque fuit interea continuò, sinè ulla intermissione, savientis validissimi morbi vis, ut paucis diebus virum robustissimum, in ipso ætatis flore constitutum, corporis temperatissima compagine, ac elementorum ad-

mirabili proportionē dissoluta, summo omnium cum dolore septimò Calendæ Octobris è vivis violenter raperet, annò ætatis vigesimò octavò, relicta uxore Joanna gravida, quæ posthumam paulò post peperit Catharinam: intellectâque Regis mariti morte, adeo intemperanter doluit, ut ex eo tempore nunquam amplius mente satis valuerit, cùm tamen septuagesimum prætergressa sit ætatis annum. Scio esse qui aliam vitiati in Regina cerebri causam adferant, à Rege marito profectam, quod zelotypiæ vitiò laborans, cum importuno tempore ac loco ad iram provocasset. Sed quoniam mihi de hujus rei veritate parùm constet, malim ab alio quàm à me asseverari ac narrari. Conditum est Regis corpus apud Carthusianos, juxta urbem Burgesem. Cor Brugæ Flandriæ, in Templo D. Virginis Mariæ, matris ejus sepulchro est illatum. Mortem ejus Comes magnus in Occidentem per aliquot dies flammescens præcessit, ac prædicere est visus. Diversæ de ejus morte hominum fuisse opinioniones, variæque ejus causæ in vulgus sparsæ, de quibus cùm nihil certi affirmare possem, subitendas duximus, ne imprudenter temerarias opiniones efferendo, hominibus credulis, ac ad sinistras interpretationes admittendum pronis, causam alicujus famæ lædendæ præberemus. Sunt enim qui datum ei venenum à non parvi nominis hominibus eo tempore fuisse, dicere ausi fuerint.

Spondanus hic n. 2. „Philippò, in flore ætatis, nempe annò vigesimò octavò, & prosperrimæ fortunæ Burgis in Hispania mortuò septimò Calendæ Octobris, & à multi crediderunt, ex veneno; ut medici asseruerunt, ex intemperantia; idem Ferdinandus à suis amicis atque fautoribus ad Castellæ administrationem revocatus, anno sequenti rediit: Joannâ Philippi relicta, nec volente, nec præ mentis infirmitate valente animum ad res gerendas applicare. De qua Anglerius post biennium scribens ad Joannem Ruffum Legatum Apostolicum in Hispania, ubi ipse quoque Anglerius erat in obsequio Regio, ait eam viri sui corpus è capsa extractum secum continuò habuisse, & ad illud officium velut recens mortuum fieri jussisse: cùm quidam Carthusianus Cœnobii Mirastores, ut Reginæ gratiam aucuparetur, ei persuasisset se legisse, post decimum quartum ab interitu annum Regem quemdam à tumulo surrexisse, sperâsseque propterea Reginam redditurum ad suos vi-

rum,

„ rum, Summi hoc indicium amoris in virum  
 „ fuit; ex cujus etiam zelotypia, eam in  
 „ amentiam incidisse vidimus. „

[4.] E literarum monumentis.  
 [5.] Ex Autographo ipsius.  
 [6.] Ex Apocho ipsius.

## Annus Christi MDVII. Monasterii CCCLXIX.

*Pont. Rom.*

Julius II.

*Imp. Rom.*

Maximilianus I.

*Archidux Austriae*

Idem Maximilianus.

*Episcopus Pataviensis*  
 Wigileus.

*Abbas Zwetlensis*  
 Wolfgangus II.

**G**ENUA in obsequium Ludovici Regis Galliae redacta Julius Papa magno in metu versabatur; ne ille ulterius progressus, de suo imperio aliquid decerneret, Caesari ipsi, tum in Belgio rem nepotis sui Caroli gerenti, inque Conventu Lovanii indicto Margaritam filiam suam illis gubernatricem danti, ceterisque Imperii Principibus significat, Gallum & Pontificiae ditionis invadendae & Imperatoriae Majestatis sibi vindicandae gratia cum exercitu adesse. Constitutis Belgii rebus Caesar in Germaniam reversus, Constantiam ad comitia illic indicta se contulit. Aderant Septemviri Electores omnes personaliter, ceterique Ecclesiastici & Saeculares Principes plerique, & ex liberis Germaniae civitatibus honorificentissimus quisque, solito frequentiores, in quorum concilio Caesar Pontificis, Venetorum, ac aliorum aliquot literas variis ex locis scriptas legi iussit: ex quarum nonnullis intelligere erat, Ludovicum Gallorum Regem hoc agere, uti Cardinalis Rothomagensis, Julio dejecto, in Sedem Apostolicam collocatus, Imperii coronam ipsi imponat. Commotos ea re cunctos Caesar gravissima oratione compellavit. Sunt qui, Caesarem hoc in conventu dixisse & productis rationibus demonstrasse, prodidere, centies centena aureum nummum millia ex suis opibus Reipubl. impensa fuisse haecenus, quo tempore ab Imperii Ordinibus vix quadringenta millia accepisset. \*[1.]

Obiit hoc anno in Monte-Pomerio Abbas Joannes 15. Calendas Januarii, nimirum 27. Decembris Mellicii sub

Medicorum manibus; unde F. Wilhelmus Prior totusque Conventus ibidem Wolfgangum Abbatem in Zwetl invitavit ad ejus exequias, & rogant insuper ipsum, ut novae alterius Abbatis electioni interesse velit, praesertim cum eum Abbas S. Crucis quoque adesse peroptet. Datum ex Monte-Pomerio anno Domini 1507. in festo S. Joannis Evangelistae, nimirum 27. Decembris. [2.]

Fit praeterea mentio hoc anno Monasterii Monialium S. Mariae Magdalenae, in quo quaedam Monialis Anna Hawgin de Lewbs peste obiit, sicut hoc litterae declarant datae ad patruelem suum Loisensem dictum Wilibaldum Hawg (qui in Monasterio Zwetl victu Conventus vivebat, ob quem ille vineam suam in Lewbs, 4. quartalia, an dem Haslach sitam Monasterio nostro fundavit) a Magdalena tunc matre illarum Monialium. [3.] Situm autem fuit hoc Coenobium in suburbiis ante Scriptorum portam, quod Turcae in obsidione Viennensi, vel potius nostri ob moenium vicinitatem destruxere.

Demum Wolfgangus Abbas ob dexteritatem suam plurimum commendatus ubique innotescit, unde ipsi D. Abbas Cisterciensis Generalis humanissime scribit, & mittit ipsi duos Fratres ex Cistercio cum commissione in causa quaedam Ordinis nostri, committitque illi vices suas taliter: „ Desideramus in „ super vos fidelem diligentiam adhi „ bituros in executione aliarum com „ missionum nostrarum tam ad visitan „ dum, quam ad contributiones colli „  
 Rrr r 2 „ gen-

„ gendum & similiter subsidium &c.  
 „ Datum Cistercii annò Domini 1507.  
 „ 1. Decembris. „ [4.] Atque ita  
 Wolfgangus Abbas bonus Oecono-

mus, egregius Zelator Ordinis, Commissarius per Austriam utramque in causis Ordinis Generalis ubique adhibebatur.

## ADDITIONES.

\* [1.] Gerardus lib. 12.

P. Heuterus in vita Maximiliani lib. 7. cap. 1. sub hoc anno. „ Cæsar . . . acceptis à Pontifice Julio ac Venetis litteris admonebatur, dignitati Imperioque consulere. Ludo- vicum enim Francorum Regem cum ingenti exercitu in Italiam descendisse, Insu- briam Imperio suo adieciisse, Genuam rebellantem domuisse, Cardinalem Rotho- magensem astu vel armis Papam facere constituisse, ut accepta ab eo Imperii coronâ, à Germanis ad Francos dignitatem trans- ferret. Commotus litteris Cæsar Imperii Germanici comitia Constantiæ indicit, mensèque Junio Principibus dictas literas recitari jubet. Ardentissimis Principum sententiis summâque animorum consensio- ne ad defendendam Imperii Germanici di- gnitatem Cæsari ingentia promittuntur au- xilia, quæ non solum pellendis Italiâ Fran- cis, recipiendâque aurâ Romæ coronâ, sed ad recuperandam per universam Euro- pam veteris Imperii Majestatem amplitudi- nêmq; videbantur suffectura. Rex Lu- dovicus, his rebus intellectis: cùm nulla ratione bellum cum Germanis cuperet, di- misso post receptam Genuam exercitu in Franciam revertitur, extincto, sopitôque apud Germanos & Italos rumore, quem Pontifex ac Veneti de se sparserant. „ Gerardus ubi suprâ. „ Ad famam de Re- gis (Ludovici) discessu ex Italia, fervor ille

„ apud nonnullos in comitio (*Constantiensis*) de-  
 „ ferbuit, & erant, qui, Cæsaris potentia &  
 „ Austriacæ Familiæ incremento non satis æ-  
 „ qui, parcendum esse impensis contenderent,  
 „ non enim tam magno exercitu jam opus esse.  
 „ Pontifex quoque varia cum animo suo con-  
 „ silia agitans, quod veterum cum Cæsaribus  
 „ controversiarum causas nondum esse subla-  
 „ tas sciret, non minis suis rebus à Cæsare,  
 „ cujus apparatus fama in immensum auxerat,  
 „ quàm antè à Rege timere cœperat. Itaque  
 „ misso ad illum S. Crucis Cardinale, uti pa-  
 „ cato itinere veniat, hortatur, nullum se  
 „ honorem, in augurandis Imperatoribus ad-  
 „ hiberi solitum, esse omisurum. Ludovi-  
 „ cus quoque Gallorum Rex per idoneos in-  
 „ terpretes, sese apud Principes quosdam pur-  
 „ gat, idque eò facilius, quod ad invadenda  
 „ Pontificis & Imperii jura nihil palam atten-  
 „ tare videbatur. Tandem in comitiis de-  
 „ creta Cæsari fuere octo equitum, viginti  
 „ duo peditum millia, qui cum semestri sti-  
 „ pendio in Italiam euntem comitarentur,  
 „ in tormenta verò & reliquos belli sum-  
 „ ptus, centum viginti aureum Rhenensium  
 „ millia, ad medium Octobrem præsentanda,  
 „ Hæc illi suis auspiciis rem gerenti, sufficere  
 „ visa, quibus ex suis ditioribus, quas vel-  
 „ let, copias adjungeret. „  
 { 2. } Ex Autographo ipsius.  
 { 3. } E literarum monumentis.  
 { 4. } Ex Autographis ipsius.

## Annus Christi MDVII. Monasterii CCCLXX.

Pont. Rom.  
Julius II.

Imp. Rom.  
Maximilianus I.

Archi-Dux Austria  
Idem Maximilianus.

Episcopus Pataviensis  
Wigileus.

Abbas Zwetlensis  
Michaël III.

**H**ÆTENUS se Maximilianus Regem Romanorum & scribere & vocari passus est, hoc autem anno Tridentum profectus ad tertium Nonas Februarias publicis supplicationibus peractis, iter in Italiam edicit, & per Matthæum Lan- gium epistolarem Magistrum è suggestu non jam Regem, sed Romanorum Im-

peratorem deinceps appellandum, promulgari jubet. \* [1.] Ego quidem hætenus ipsum modò Imperatorem, modò Regem appellavi, non tamen credo Lectorem benevolum me hoc ti- tulo usum ignorantia damnaturum, cùm ipso diu antè dignissimus esset. Iter au- tem in Italiam ad coronam Imperialem susci-

susciendam per Venetos ipsi interclusum fuit. Bolzani deinde litteras à Pontifice accipit, quibus ille Imperatoris titulum Tridenti assumptum abs se confirmari significabat. [2.]

Infirmatur Wolfgangus Abbas in Zwetl, & Viennam, ad curandum se, descendit, ubi etiam ex hac vita discessit. Ejus quotannis in Capitulo talis commemoratio habetur: „Decimo Kalendas Martii obiit Dominus Wolfgangus quondam Abbas Zwetlensis anno Domini 1508. Wiennæ obiit nostra in curia, duodecim circiter annos rexit pius Pater &c. cujus anima faxit Deus coelicolarum choris annumeretur, qui multa bona fecit huic Monasterio cognomento dictus Oertl. „[3.] Omissis aliis, villas duas Metzleschlag & Limpfings à Dominis Strewn per multos labores in jure habitos ab eorum Dominio, sub quo quasi ad 80. annos tenebantur, liberavit, Monasterioque nostro reddidit. [4.] Zelandorem Ordinis mirum Abbatem Deus benedixit in multis filiis, quos in disciplina regulari & literarum studiis optime institui & instrui curavit. Cum autem Viennæ obiisset, creditur quoque ibi sepultus fuisse, nihil enim certi constat. Quo defuncto & sepulto Fratres ad præsentiam Ordinarii Visitatoris Michaëlis Abbatis S. Crucis eligunt in Abbatem F. Michaëlem quondam Subpriorem missum Cistercium, ex Rectore curiæ in Rasing, virum alioquin industrium & magnæ expectationis, si vivere diutius ipsi datum desuper fuisset. Ex litteris quibusdam, quarum Datum Ratisbonæ annò Domini 1508. Dominicâ Trinitatis, nimirum 18. Junii, [5.] constat Michaëlem ejus nominis III. in Zwetl Abbatem legitime electum & ritè consecratum fuisse, qui ex eo, quod paulò post obiit, in catalogo Abbatum vix invenitur.

Fuit hic Michaël dictus III. cum jam duo ejusdem nominis in dignitate Abbatiales præcesserint. „Defuncto

„autem Michaële III. F. Thomas Prior, F. Vitus Subprior, F. Gregorius Cellerarius, totusque in Zwetl Conventus jam altera hoc anno vice vocant Dominum Michaëlem S. Crucis Abbatem unâ cum D. Wilhelmo Montis-Pomerii Abbate, qui cognoscences obitum Michaëlis in Zwetl Abbatibus inopinatum, protinus venerunt, atque peracta Canonica novi Abbatis electione, è scrutinio singulorum. „Fratrum, quod coram præfatis Abbatibus celebratum fuit, deprehenderunt electum P. Ægidium in Zisterstorf pro tunc Vicarium unanimi consensu in Abbatem. Actum & datum in Monasterio Zwetl annò Domini 1508. 11. Augusti. „[6.]

„Nova etiam nuntiat Abbati in Zwetl Leopoldus Neudeccius de Râmia, quod Rex jam altera vice provinciales ad arma convocaverit, deinde se offert ipsi paratum. Datum Gars annò Domini 1508. feriâ sextâ. „[7.] Hæc litteræ conjecturam mihi pariunt, provinciales Austriæ non æquò animò tulisse horum armorum petitionem seu evocationem ad arma contra Imperii hostes extra Austriam ferendam, cum non tantum Princeps, sed quoque Optimates Austriæ privilegiis gaudeant, ut arma extra provinciam ferre, aut in bellum Imperio obnoxios esse, non teneantur aut cogi debeant, nisi contra Turcas in Ungaria duodecim milites ad mensis unius spatium alere obligentur, imò Imperium ad Austriam defendendam ex privilegiis tenetur, non autem econtrâ. Unde quoque postea in Conventu Principum Augustæ querelas super hoc suas Imperatori Maximiliano deposuere, qui inspectis privilegiis ipsis chyrographo suo testatus est, pecuniariam opem atque etiam armorum hanc evocationem in nullum ipsis Austriæ regulis apud posteros præjudicium cedere, aut pro servitute accipiendam esse, sed quòd utrumque ipsi pro bono Reipubl. Christianæ spontè & liberè sibi præstiterint



terint tantis privilegiis gaudentes. [8.] Plura de libertatibus Austriæ videre poterit Benevolus Lector apud Richardum Streinium in Apologia sua super Julii & Neronis Romanorum Cæsarium privilegiis Austriæ quondam concessis. [9.]

„ Reperiuntur quædam litteræ ad  
„ Michaëlem Abbatem in Zwettl datæ  
„ à Domino Wilhelmo de Neydeckh,

„ quibus rogat sibi pro pecunia tegulas  
„ vendi. Datum Raftenberg annò Do-  
„ mini 1508. feriâ sextâ post Viti, ni-  
„ mirum 16. Junii. „ [10.] Hæ lit-  
„ teræ confirmant, Michaëlem ejus no-  
„ minis III. Abbatem in Zwettl hoc anno  
„ vixisse, & ratione temporis inter Wolf-  
„ gangum & Ægidium, prædecessorem  
„ & successorem, Abbatem aliquando  
„ fuisse.

## ADDITIONES.

\* [1. & 2.] Gerardus de Roô lib. 12.  
P. Heuterus lib. 7. in Maximil. I. Cæsare  
cap. 2. sub hoc anno. „ Cæsari bellum cum  
„ Venetis oritur, varium, grave ac diutur-  
„ num. Causa fuit arrogantia Germanorum,  
„ ac ambitio Venetorum, ortumque est apud  
„ Austriacos Carnias Alpes vicinâsque di-  
„ tiones incolentes. Paulò antè recusarant  
„ Veneti transitum Cæsari Romam cum exer-  
„ citu, ut auræ à Summo Pontifice redime-  
„ retur coronâ, tendenti. Cæsar armis viam  
„ facturus, mense Februario cum mediocribus  
„ copiis Tridentò profectus, per montes Vi-  
„ centiam contendit; ac Roveretò per Mar-  
„ chionem Brandeburgi frustra tentatò, ca-  
„ ptisque septem Communitarum aliquot op-  
„ pidis [ *Ditionis Venetæ nomen est* ] quarto die,  
„ ex quo Tridentò excesserat, in Germaniam  
„ magna omnium admiratione per Bolgianum  
„ est reversus. Miserat illi Pontifex Triden-  
„ tum usque Diploma aureis exaratum litte-  
„ ris, quibus eum Cæsaris titulò ornabat, non  
„ aliter quàm si auream ejus capiti imposuif-  
„ set coronam. &c. „

Lazius in Genealogia Austriæ lib. 2. pro-  
pe finem. „ Duodecimum (*bellum Maximiliani*)  
„ Venetum memoratur, eorum, quæ antea  
„ gessit, omnium maximum, longissimūque,  
„ quippe quadriennid variâ fortunâ ab in-  
„ clyto Heroë id gestum fuit. Annò primū  
„ omnium millesimò quingentesimò octavò,  
„ non sinè maxima Austriæ clade, ac totius  
„ penè Foro-Julienfis Goricensisque ditionis  
„ amissione. Quam jacturam tamen splendi-  
„ diffima victoria, annis posterioribus, mil-  
„ lesimò, quingentesimò decimò, & millesi-  
„ mò, quingentesimò undecimò, commuta-  
„ vit: non solum receptis quæ amissa fuerant,  
„ verum adjectis quoque Austriacæ ditioni  
„ amplissimis Venetæ Reipubl. urbibus, Ve-  
„ rona, Patavio, Vincentia, Cennadio, Fel-  
„ tri, atque aliis quàm plurimis. Huic bello  
„ causam præbuerat fœdus, quod cum Julio

„ Romano Pontifice, & Carolo Galliæ Rege  
„ Cæsar inierat: fidem pro heris suis facienti-  
„ bus, Bernhardino Cardinali Sanctæ Crucis,  
„ & Trivultio. Antequam verò ad bellum se  
„ accingerent, qui fœdere juncti fuerant, Ve-  
„ neti scriptis decem milibus peditum, &  
„ duobus equitum, ducibus Nicolao Ursino,  
„ Bartholomæo Liviano, Georgio Emo, Vi-  
„ tellio Tiphernate, Jacobo Siccio, Lucio,  
„ Malacio & Coraciolo, priores in fines Cæ-  
„ saris, qui sunt ad Athesim flumen, atque  
„ Carnos, non denuntiato priùs bellò, impe-  
„ tum fecerunt. Itaque eodem propè tem-  
„ pore, quo rem in Histris ac Foro-Julio,  
„ Carnisque hi, quos memoravimus, duces  
„ agebant, Andreas Gritus eductis quinque  
„ milibus peditum, ac equitibus levis arma-  
„ turæ Epiroticis, quos Palæologus & Busi-  
„ chius ducebant, alpes Athesinas ex impro-  
„ viso invasit: ad quem reprimendum, subitò  
„ Sixtus Trautson, tredecim signis tumultua-  
„ riè ex provincialibus passim excitis, mense  
„ Februario per nive obritos scopulos eludat-  
„ us, ut fines defenderet, in valle Codora-  
„ vana in hostes incidit: consertaque manu,  
„ antequam locis angustis ac difficilibus ordi-  
„ nes instruere posset, funditur, omnibus pe-  
„ nè cum ipso duce occisis, pauci adeo in  
„ captivitatem celsère: quorum insigniores  
„ referuntur, Dominus à Turre, & Melchior  
„ à Masmunster Alfata. Quâ victoriâ clari  
„ reliqui de quibus dictum est Venetorum  
„ duces, antequam Cæsariani, qui omnia  
„ amica à Republica illa expectaverant, ex  
„ Carnis Foro-Julianis auxilia ferre possent,  
„ Clusum Cadoram ad Planum annem situm,  
„ Gradiscam, Cormanam, Goritiam, & Vi-  
„ pachum, quàm maximo potuere tumultu,  
„ eodémque tempore simul loca tum aperta,  
„ nullòque præsidio firmata adgressi, in de-  
„ ditionem compulère. Nec cessatum interea  
„ ab illis in mari fuit, eadémque celeritate  
„ atque fortuna Antonius Contarenius, qui  
„ classis

„ classi præerat, Duynum, Tergestum, flumen  
 „ Pisinum & Bistoyam in Istria, ex mari par-  
 „ tim expugnavit, partim ad deditiorem coë-  
 „ git. Et nisi intercedente Paulo Lychenten-  
 „ staynio Tridentino Præfule, induciæ in ipso  
 „ tempore fuissent constitutæ, arma in impar-  
 „ atos Carnos, & nihil hostile timentes tran-  
 „ sissent. Sic utrinque ab armis discessum  
 „ est: & loca quæ tum ditionis Austriacæ per  
 „ insidias occupaverant Veneti, cum validis  
 „ prædiis firmarunt, designato cuique eo  
 „ præfecto, cujus virtute ad fidem Reipublicæ  
 „ pervenisset: Tergesto, Francisco Capello:  
 „ Duyno, Nicolao Bardo: Goritiæ, Dominico  
 „ Gritto; Gradiscæ, Dominico Mauroceno:  
 „ Cormoni, Trojano Bono: & Portui Nao-  
 „ nis, ipso Liviano Imperatore, cui postea  
 „ municipium illud etiam præmium laboris,  
 „ ob bene navatam operam, Respublica do-  
 „ navit. Et nè interciperet mox Cæsariani  
 „ possent, Hieronymus Saornianus & Guydus  
 „ Vaynus, cum parte exercitus, ad limites  
 „ relictæ sunt. „

„ Heuteris nuper relatæ. „ Cæsar - eo  
 „ tempore imparatus Colonia Agrippinæ res  
 „ privatas ac Imperii tractabat. Quas ob  
 „ causas facillè Paulus Lichtensteinius, Præ-  
 „ sul Tridentinus, inducias inter Cæsarem &  
 „ Venetos in triennium pangit, ea lege, quæ  
 „ quisque tenebat, interea temporis posside-  
 „ ret, ac pro arbitrio muniret: quibus indu-  
 „ ciis Cæsariani nulla ratione induci potuere,  
 „ ut Geldriæ Dux comprehenderetur. Quere-  
 „ bat interea Cæsar rationem, quæ acceptum  
 „ à Venetis detrimentum ac dedecus sarciret.  
 „ Irritabant enim hoc bello Veneti, nimia  
 „ dominandi detecta libidine, non solum  
 „ Cæsarem, qui eos prior non læserat, sed

„ etiam Papam Julium, & hætenus socium  
 „ Ludovicum Francorum Regem, maxime  
 „ ob arrogantes induciarum condiciones, quas  
 „ se inconsultò neglectoque Geldrò præferi-  
 „ pserant. Retundendam igitur superbæ ur-  
 „ bis ambitionem Pontifex Julius, Cæsar, Fran-  
 „ cus, ac Hispanus judicantes, contra Vene-  
 „ tos conjurant, ac Cameraci apud Belgas  
 „ locum mittendorum Legatorum, faciendi-  
 „ que fœderis, tantò silentiò constituunt, ut,  
 „ cum fama tale quid agi spargeret, Veneti  
 „ non crederent. Venit Cameracum pro  
 „ Cæsare filia ejus Margarita, Belgarum Gu-  
 „ bernatrix, Matthæus Langius, Cæsari ab  
 „ Epistolis, ac Nicolaus Frisius; pro Rege  
 „ Ludovico Georgius Ambosius, Cardina-  
 „ lis Rothomagensis, tandémque & Ferdinan-  
 „ di Hispaniæ Regis Legatus; sparserântque  
 „ famam se coisse, ut pacem inter Castellæ  
 „ Principem Carolum Austriacum ac Geldriæ  
 „ Ducem facerent, factis inter eos hac de  
 „ causa quadraginta dierum induciis; tra-  
 „ ctântque multa variæque de rebus Geldri-  
 „ cis ac Navarræis, sed adeo frigide multis  
 „ verbis chartas implentes, ut facillè apparetet,  
 „ non hisce de rebus eos convenisse. „

Spondanus ad hunc annum n. 1. & 2.

[3.] Chronicon MS. hoc anno & die.

[4.] Wolfgangus Abbas in suo Indice MS.

[5. & 6.] E literarum monumentis.

[7.] Ex Autographo ipsius.

[8.] Struno in Annalib. Austriæ Supe-  
 „ rior. annò 1509. & 1510.

[9.] In libro qui Landhandvest vulgò  
 „ vocatur.

[10.] Ex Autographo ipsius.

## Annus Christi MDIX. Monasterii CCCLXXI.

*Pont. Rom.*  
 Julius II.

*Imp. Rom.*  
 Maximilianus I.

*Archi-Dux Austriæ.*  
 Idem Maximilianus.

*Episcopus Pataviensis*  
 Wigileus.

*Abbas Zwetlensis*  
 Ægidius.

**I**nitio hujus anni Gallorum Rex cum  
 Lotharingæ Duce, & potiori to-  
 tius regni nobilitate in Italiam venit,  
 missoque ad Venetos sociali Mongiojo,  
 bellum illis indicit: secutæque est nobilis  
 ad Giaradaddam pugna pridie Idus Ma-  
 jas cum magno rerum Venetarum de-  
 trimento. Rex eo loco Sacellum S. Ma-  
 riæ Victoriæ nomine dedicavit. Mox

victoriâ multo suorum sanguine partâ  
 utendum ratus, Caravagium primùm  
 ducens, deditibus sese incolis, dein-  
 de Bergomum quoque, & Brixiam ca-  
 pit. Cremona item & Crema civitates  
 per Legatos in potestatem redactæ, Pi-  
 scaria, aliquandiu resistere ausa, vi ex-  
 pugnatur præsedis unâ cum militibus ad  
 unum cæsi. Interim Maximiliani auspiciis  
 S s s s 2

Chri-

Christophorus Frangipanius Pisinium, Duiniūque in Istria arces, Ericus Brunsvicensis Feltrium ad Bellunium capit. Inde ad famam de Maximiliani cum Germanis adventu, Goritia, Tergeste, & alia non pauca ejus tractūs loca in ejus fidem redeunt. \* [1.]

Suscepit hoc anno in Magistrum Alodiorum Ægidius Abbas in Zwetl Philippum Gabler vel fratrem vel patrum aut patruem F. Heinrici Gabler Monasterii Zwetlensis Professi; „ qui si „ infra quindecim annorum spatium „ sine hærede moreretur, omnium rerum mobilium aut immobilium suarum substantiam Monasterio legavit; „ si verò hæredem haberet, singulis annis Monasterio post obitum suum de substantia sua decem denariorum libraræ solverentur, tot nimirum annis, „ quot ipse in prædicto suo officio Monasterio servisset. Addidit porro centum libras alias denariorum solendas. Receptus autem fuit in fraternitatem & participationem omnium bonorum operum. Item se inscribi in librum mortuorum petiit, „ atque pro se post concionem rogari. „ Acta sunt hæc & data in Monasterio Zwetl annò Domini 1509. feriâ sextâ ante Dominicam Lætare, nimirum 16. Martii. „ [2.] Reperi in Mortilogio de eodem sequentia: „ Quarta Nonas Aprilis obiit Philippus Gabler quondam Magister prædiorum. „ [3.] Fuit hæc familia alioquin frequens, & forsan ob beneficia in Religiosos collata multiplicata, & admodum Nobilis, nam Paulus Wasserberger Dominus in Grünenbach Philippum præfatum suum vocat affinem in litteris 29. Novembris hoc anno ad eum datis. Fit etiam in Mortilogio præfato alterius Gableri mentio talis: „ Unde, „ cimo Kalendas Aprilis obiit Hainrich

„ Gabler, Anna uxor ejus de Newburga Claustrali: Wolfgangus Sneyder, Kunigund uxor ejus de Grynnczing; & omnium consanguineorum „ eorundem, qui quatuor vineas dediderunt Monasterio, annò 1498. „ [4.] Hic Heinricus & Anna parentes videntur fuisse præfati F. Heinrici Professi Zwetlensis.

„ Fit etiam mentio Fraternitatis „ B. Mariæ in Rasing, quam audita illius devotione Provincialis Carmelitarum in fraternitatem omniumque bonorum operum participationem „ suscepit, sub dato litterarum suarum „ annò Domini 1509. 18. Octobris. „ [5.]

Castrum porro Weitracense atque adeo territorium ejus universum pertinebat ad Imperatorem; „ cujus se „ Purggrafium nomine Cæsaris esse D. „ Ladislaus de Prag Baro in Winthag, hæreditarius in Carinthia Marefchallus fatetur, scribens ad Ægidium Abbatem in Zwetl ratione subditorum Monasterii in Manshalm. Datum Weitra annò Domini 1509. feriâ sextâ post Leopoldi, nimirum 16. „ Novembris. „ [6.] Hoc castrum cum territorio suo olim spectaverat ad Chünringios Fundatores nostros, de quorum progenie erat Joannes Chünringius ejus nominis IV. cujus hoc anno in festo Assumptionis mentio habetur, fortè in Monasterio tunc Deiparam Assumptam devotione colebat. [7.] Erat autem hic Joannes filius Balthasaris Chünringii de Seveld ex Elisabetha „ Stiriaca de Liechtenstain, qui uxorem habuit Annam de Zelcking in Weinberg, hæc obiisse reperitur tali die & anno: „ Decimo tertio Calendas Aprilis obiit Generosa Domina Anna uxor „ D. Joannis de Khünrring 1533. „ [8.] Hæc Mortilogium.

## ADDITIONES.

\* [1.] Gerardus de Roó lib. 10. Lazius ubi suprà ad priorem annum sub

n. 1. relatus, sed discordans in anno; asserit enim hæc anno sequenti gesta esse.

P. Heu-

P. Heuterus in Maximil. I. l. 7. c. 2. „ Annò  
 „ 1509. decimò quartò Maji ad Geradadam  
 „ inter Francos & Venetos, collatis signis,  
 „ concurrirur. Superatur ingenti peditum  
 „ cum jacura Veneti, egregiè aperto in cam-  
 „ po vincentibus Francis. Capitur Bartho-  
 „ lomæus Livianus, amissò altero oculo, ac  
 „ cum eo non pauci primæ nobilitatis ordi-  
 „ num ductores, ductisque in Franciam libe-  
 „ rantur, cùm, rupto Cameracensi fœdere,  
 „ novum Franci cum Venetis iniissent. Post  
 „ hanc victoriam Rex Ludovicus spatiò quin-  
 „ decim dierum oppida quæ repetebat omnia  
 „ in fidem accepit; insuperque Pontifici ac  
 „ Cæsari occasionem dedit, nullo negotio  
 „ sua recipiendi, refugee Comite Nicolao  
 „ Petiliano, Venetorum Imperatore, cum  
 „ maxima exercitus parte, Mestrium, quod  
 „ est extremum Venetæ Ditionis in conti-  
 „ nente oppidum. Veneti, rebus afflictis  
 „ aliud remedium non reperientes, Pontifici  
 „ ac Cæsari, quæ repetebant, frustrâ offerunt.  
 „ Tantus enim eos ex adverso prælio incessit  
 „ terror, ut urbem munirent, subditos nomi-  
 „ na dare cogerent, & ad conciliandam be-  
 „ nevolentiam portoria remitterent, leges  
 „ frumentarias tollerent, ad Germaniæ Se-  
 „ prem-Viros, liberâsq; civitates, Legatos  
 „ mitterent, ut apud Cæsarem pro pace in-  
 „ terpellarent; misso eadem de causa ad ipsum  
 „ Cæsarem Antoniò Justinianò, qui oratio-  
 „ nem ad provocandum commiserationem exi-  
 „ miè composita, promissisque Cæsari singu-  
 „ lis annis aureorum nummum quinquaginta  
 „ millibus ( authore Francisco Guicciardino  
 „ Historiæ librò octavò ) frustrâ, ut infrâ nar-  
 „ rabimus, laboravit. Cæsar enim supra mo-  
 „ dum contra Venetos exacerbat, cum Lu-  
 „ dovico Francorum Rege in exitium Rei-  
 „ publicæ conjurâret. Una in re laudata  
 „ semper existit Venetorum eo tempore pru-  
 „ dentia, ac animi magnitudo, quòd oblata  
 „ à Turcarum Rege, in tanta rerum acerbi-  
 „ tate, parata auxilia repudiârunt, non pau-  
 „ cis tamen nec parvi nominis senatoribus ac-  
 „ cipere suadentibus. Exinde Veneti Lega-  
 „ tum in Apuliam misere, Regi Ferdinando  
 „ ejus ditionis oppida, quæ prædiis obtine-  
 „ nebant, liberaliter restituentes; pauloque  
 „ post aliquot civium operâ, ductu verò An-  
 „ dreæ Gritti, Patavium recuperant. Apertâ  
 „ enim portâ, ut plaustra aliquot frumentò  
 „ scenoque onusta intromitterentur, Grittus,  
 „ cum pedite equitèque succedens, eam oc-  
 „ cupat, pauloque post arcem expugnat, Leo-

„ nardò Trissinò cum quatuor aliis, qui ur-  
 „ bem Cæsari tradiderant, Venetò in foro  
 „ strangulatò. Exinde oppugnat Ligniacum,  
 „ Patavio propinquum. Cæsar suorum ne-  
 „ gligentia amissum recuperaturus Patavium,  
 „ iusto cum exercitu, sociorum auxiliis, ma-  
 „ gnòque tormentorum apparatu obsidet,  
 „ frustraè oppugnat. Erat enim in urbe  
 „ Comes Petilianus cum firma electaque pe-  
 „ ditum equitumque manu. Quare de ex-  
 „ pugnatione diffidens, pecuniæque inopia  
 „ pressus, dimisso exercitu in Germaniam re-  
 „ greditur, Marchione Brandeburgio cum  
 „ præsidio Veronæ relicto. . . . .

„ Sub hujus anni finem, Cæsar ac Rex Fer-  
 „ dinandus inter se ob Castellæ gubernatio-  
 „ nem dissidentes, conciliantur, ea lege, Rex  
 „ Ferdinandus Castellam regeret, donec com-  
 „ munis nepos Princeps Carolus annum æta-  
 „ tis vigesimum quintum attigisset & abstin-  
 „ retque Carolus Regiò in Hispania titulò,  
 „ quamdiu mater ejus Joanna viveret. Rex  
 „ Ferdinandus Cæsari quinquaginta millia  
 „ ducatorum numeraret, eumque, donec sua  
 „ à Venetis recuperasset, Hispanicis copiis  
 „ juvaret. Principi Carolo singulis annis du-  
 „ centa millia ducatorum penderet. Facile  
 „ utroque Principe in hoc fœdus consenti-  
 „ ente, quòd communis nepotis Caroli amor  
 „ in utriusque animo vigeret, quem potius  
 „ aliquando in Italia, quàm Francos, rerum  
 „ potiri malebant. „

Spondanus ad hunc ann. n. 1. 3. & n. 4.  
 sub quo ita: „ Scribit etiam Mariana ex pu-  
 „ blica fama, illos ( Venetos post tantam ab  
 „ hostibus illatam sibi cladem ) eidem Maximi-  
 „ liano misisse chartam candidam, præter sub-  
 „ scriptiones Senatûs nullis impressâ notis,  
 „ cui ipse, quascunque vellet condiciones ap-  
 „ poneret: Postremò tantam eorum extitisse  
 „ consternationem, ut de ipsa Venetiarum ci-  
 „ vitate Ladislao Regi Hungariæ dedenda co-  
 „ gitaverint, ejus viribus sperantes desperatis  
 „ rebus levamen: Cogitasse namque Maximi-  
 „ lianum minimè quiescere, nisi urbe ipsa au-  
 „ xiliò classium Gallicæ & Hispanicæ expu-  
 „ gnata; càmque quadrifariam partiri, toti-  
 „ dem impositis arcibus inter socios dividen-  
 „ dis: adeo fuit secundo somnis ingenio. „  
 „ [2.] Ex Autographo ipsius.  
 „ [3. & 4.] Mortilogium commune Zwet-  
 „ lense.

[5. 6. 7.] Ex Autographis ipsorum.

[8.] Mortilogium suprâ cit. 13. Calend. Aprilis,

## Annus Christi MDX. Monasterii CCCLXXII.

Pont. Rom.  
Julius II.Imp. Rom.  
Maximilianus I.Archi-Dux Austriae  
Idem Maximilianus.Episcopus Pataviensis  
Wigileus.Abbas Zwetlensis  
Ægidius.

**I**n eunte hoc anno in Conventu Principum & Ordinum Imperii Augustæ Vindelicorum ab Imperatore instituto de continuando in Venetos bello præcipue agebatur. Et quamquam Imperator à Julio Papa & Electoribus, aliisque Principibus assidue interpellaretur, nullam tamen pacis mentionem, nisi relicta sibi Veronâ, admittere volebat. Veneti verò oblata ingenti pecunia urbem eam sibi reddi postulabant. Suspectus non sine causa & Cæsari & Ludovico Regi erat Julii tantus rei Venetæ sublevandæ ardor; itaque inter ipsorum Legatos convenit, uti primo vere Ciamontius (Regis Ludovici Legatus) Germanis illis, qui in Veronensi agro erant, secum assumptis, ab ea parte: & Cæsar cum iis copiis, quas ab Imperio datum iri sperabat, quasque ex suis provinciis conscriberet, in Foro-Julii, & vicinis locis bellò Venetos adorirentur.

Finitur interim Conventus Augustanus; unde Maximilianus postquam Oc-

nipontum venisset, per celeres nuncios à Ciamontio petiit, nè cum suis, quod in mandatis habere dicebatur, Mediolanum priùs abiret, quàm ipse eò venisset. Interim Pontifex communicatò cum Venetis consiliò, uti uno & eodem tempore & Genuensibus & Ferrariæ Principi arma inferrentur, effecerat. Rex Galliae bellum ubi minimè putaverat, à Pontifice excitatum indignè ferens amicitiam & foedus cum Imperatore instaurare summa ope nitebatur, & auxilia ei non tantum ad ea recuperanda, quæ Veneti tenebant, sed ad Romam ipsam, & alia loca Imperio avulsâ occupanda pollicebatur. \* [1.]

Michael Abbas S. Crucis à Reverendissimo Domino Jacobo Abbate Cistercii & Ordinis Generali Receptor contributionum constitutus fatetur se ab Ægidio Abbate in Zwetl recepisse de annis MDVII, MDVIII. & MDIX. flores Rhenenses quindecim. Actum annò Domini 1510. 10. Aprilis. [2.]

## ADDITIONES.

\* [1.] Gerardus de Roó lib. 12.

Surius in Commentario. „ Annò 1510.  
„ Comitata habita sunt Augustæ frequentissimo  
„ Principum conventu: quò multi etiam exterorum Regum Legati advolarunt. Decreta  
„ est ibi belli continuatio in Venetos, quorum  
„ tum quædam functæ machinationes feruntur  
„ in lucem perductæ, quæ belli profecturandi  
„ causa non minima fuere. Proditum enim est,  
„ submissos fuisse à Venetis non minùs 50. nefarios  
„ homines, qui urbes & pagos Cæsareanæ ditionis  
„ inflammarent. Porro Veneti cum se potentissimis  
„ hostibus impares cernerent, Julium Pontificem  
„ suppliciter veniam petita sibi conciliandum  
„ statuunt, missaque legatione magnanimum  
„ Pontificem, qui afflictis Italiæ rebus non  
„ mediocriter doleret, facile placarunt: sed  
„ ea pax nova bella peperit „

Lazius in Geneal. Austriacæ l. 2: „ Quoniam  
„ niam nondum saturatò animò is (Maximilianus)  
„ erat, memor superiorum annorum injuriæ sibi factæ,  
„ cum non denunciato bellò, Foro-Julium, ac comitatum  
„ Goricensem, Karstiùmque per insidias interceptissent,  
„ insistentem victoriæ, bellum non solum in annum  
„ sequentem, qui fuit à nato Salvatore millesimus,  
„ quingentesimus, undecimus, protraxit: sed novis  
„ comparatis insuper ex Germania viribus, ac acceptis  
„ undique à Principibus Germaniæ Italiæque auxiliis,  
„ ad postremum exercitum armavit triginta octo  
„ millium peditum, & viginti equitum: è quibus  
„ provinciæ Austriacæ novem millia peditum, Hispaniæ  
„ Galliaque Reges novem millia equitum solvebant,  
„ reliquis omnibus stipendium de suo numerabat.  
„ Occasio verò atque causa auctarum virium fuerat, Patavium proditione „

„ 1510.

recuperatum : & in captivitatem abducti  
 „ Bartholomæus Firmianus Cæsar inibi Præ-  
 „ festus, Brunorius de la Scala, Leonhardus  
 „ Trissinus, & Manfredus Picinus. His igitur  
 „ tantis copiis, vindicaturus in hostes,  
 „ Jacobum à Landau, Dominum à Schellen-  
 „ berg, Ritschanum & Zucharum quendam  
 „ ad Athesium fluvium præmisit, junctis Hi-  
 „ spanicis auxiliis, quæ Ferdinandus Catholi-  
 „ cus in usum belli accommodaverat, quæ  
 „ Pischarius ac Gorzia ducebant &c. „

P. Heuterus l. 7. c. 3. „ Annò 1510. Cæsar  
 „ Augustæ Windelicorum Imperii comitia  
 „ celebrat, Pontificisq; Julii Legatum Pisau-  
 „ rensem Præsulem, discedere jussit, quod  
 „ ejus operâ Septem-Viri prius de pace cum  
 „ Venetis ineunda, quàm de ferendo auxilio,  
 „ agendum censuissent. Mense Februario  
 „ Pontifex Julius, rupto Cameracensi fœdere,  
 „ novum cum Venetis pangit, eoque jam an-  
 „ tea diris devotos, sacris restituit, quibus  
 „ voluit conditionibus in gratiam recipit. Ne  
 „ verò Cæsarem hac re offenderet, stipulatur,  
 „ certo Veneti tempore Cæsari Tervisum,  
 „ Tergestum, ac omnia quæ in Foro-Julii,  
 „ Carnis, ac Histris occupant, redderent.  
 „ Tabulas, quibus se in posterum ab alienis  
 „ temperaturos promittebant, darent. Ex-  
 „ torsere hanc Julio Veneti pacem magna  
 „ cum difficultate. Omnibus enim artibus,  
 „ ne concederetur, Cæsaris ac Regis Ludo-  
 „ vici Oratores erant conati. Impetravere  
 „ eam Dominicus Trivisanus, Leonardus

„ Moccenicus, Paulus Pisanus, Hieronymus  
 „ Donatus, ( qui apud Pontificem Veneto-  
 „ rum nomine Legatus mansit ) Paulus Ca-  
 „ pella, ac Ludovicus Mariprætor, provectæ  
 „ ætatis Venetorum Patricii. Pontifex, ho-  
 „ rum autoritate motus, non solum Venetis  
 „ pacem dedit, sed eorum etiam partes fo-  
 „ vendas juvandâsque ( ut bello Ferrariensi  
 „ apparuit ) suscepit. Exinde Cæsaris Legati  
 „ Vicentiam armis captam militi concedunt  
 „ diripiendam, agrè vitâ civibus concessâ: in-  
 „ signia enim sæpius odii testimonia in Cæ-  
 „ sarianos demonstrant. Interea in Foro-  
 „ Julii maximè calamitosum gerebatur bel-  
 „ lum: nunc Germani, nunc Veneti erant  
 „ superiores: aliquando à propria nobilitate  
 „ indignis tractabantur modis: ubique cla-  
 „ des, mœror, luctus, cædes, direptiones,  
 „ incendia, vis, ac injuria conspiciebatur.  
 „ Pontifex, occasionem secessionis à Franco  
 „ quærens, clam palamque bellum Ferrarien-  
 „ sibus ac Genuensibus, Francorum clientibus,  
 „ inferri curat, sperans ea ratione facile  
 „ Cæsarem à Francica amicitia divelli, ac sibi  
 „ Venetisque conjungi posse. Sed ii, novo  
 „ inter se fœdere sancito, separari nondum  
 „ poterant. Interea Francorum Rex Pon-  
 „ tifici in sequentem annum clam bellum pa-  
 „ rat, universamque Italiam Cæsari, ut simu-  
 „ labat, ( excepta Mediolanensi, Genuensi,  
 „ Florentina, ac Ferrariensi Ditione ) occu-  
 „ pandam præbere. „

[ 2. ] Ex Apocha ipsius.

## Annus Christi MDXI. Monasterii CCCLXXIII.

*Pont. Rom.*

Julius II.

*Imp. Rom.*

Maximilianus I.

*Archi-Dux Austria*

Idem Maximilianus.

*Episcopus Patavienfis*  
*Wigileus.*

*Abbas Zwettlensis*  
*Ægidius.*

**V**igebat bellum Ferrariense, & Pon-  
 tificex ipse, novi anni initiò, in ca-  
 stris profectus, quæ ad Mirandulam tunc  
 erant, non prius destitit quàm ea civitas  
 caperetur. Nullis enim suorum consi-  
 litiis, nulla & itineris & temporis diffi-  
 cultate, quò minùs id bellum præfens  
 ipse, & periculis sese offerens urgeret,  
 deterreri potuit, exemplò admodum  
 rarò, mirantibus plerisque illo ipso tem-  
 pore, quo Gallorum Rex quietus, ipse  
 per Legatos rem administrabat, Pontifi-  
 cem in castris versari. „ [ 1. ]

Cæsar persuasus à Rege Arragoniæ  
 Ferdinandò, pacem fermè cum Vene-  
 tis fecerat, mittens ad Pontificem, ac  
 Francorum Regem Legatos, qui testa-  
 rentur, se nil, quàm ut pax & quies  
 Christiano orbi daretur, dudum cupiisse,  
 adnixurumque omnibus animi corp: ris-  
 que viribus, eò aliquando ut pervenia-  
 tur. Nullus non, præter Francorum  
 Regem, hæc lætò audiebat animò. Ma-  
 lebat enim Cæsarem secum in fœdere  
 contra Venetos isto permanere, non  
 dubiam ex pace contra se tempestatem

Ttt t 2

Ponti.

Pontificis operâ emergentem conspiciens. Variis igitur artibus pacis mentione oblitterata, Cæsaræque in foedere confirmato, per Trivultium Pontifici bellum infert, ac mense Majo illi Bononiam, multâque alia loca eripit. Interea confucto more, ac pecuniæ extorquendæ causâ, Foro-Julienfes, Histri, Tergestini, ac Flumienfes omni bellica calamitate pervaltabantur, diripientibus eodem tempore Cæsarianis Utinam, Foro-Julii caput, Venetis timore fugientibus, ac paulò post universum Foro-Julium Cæsari relinquentibus; exceptâ Gradiscâ, cui Ludovicus Mocœnicus cum iusto præsidio ac tormentorum apparatu præerat. Sed cum muri insigniter verberati ingentem fecissent ruinam, præfidiarii timore correpti, traditò Cæsarianis Mocœnicò, deditiorem fecere. Sed hæc omnia paulò post, exceptâ Gradiscâ, Veneti recuperârunt. [2.]

Item hoc anno Maximilianus Cæsar comitia indixit apud Augustam, ubi illi oblatum est vir quidam prodigiœ vastitatis & crassitudinis, atque incredibilis ingluviei, ita ut integrum vitulum crudum, vel ovem incoctam una vice devoraret, & tamen necdum famem expletam diceret. Ferunt hominem Borealibus regionibus ortum fuisse, ubi ob locorum frigora solent esse homines edaciores; quanquam hujus edacitas propemodum incredibilis videri possit.

Eo ipso anno Senatus Constantiensis, adjunctis sibi aliquot popularibus; cum Helvetiis sese conjungere & foedus inire, urbemque illis dedere volebat. Sed eorum conatibus obviam itum est ab illis, quibus turpe videbatur ab Imperio desciscere. In iis facillè primas sibi vendicavit piscatorum societas. Itaque litteris ad Cæsarem Maximilianum datis, eum de Senatûs machinationibus certiores reddiderunt, nec ille sibi & Imperio desuit, sed propere eò advolans, piscatorum studio & viribus urbem ingressus, quos comprehendere potuit è conspirationis ejus authoribus, capite

damnavit: nam plerique fugâ dilapsi erant.

Item hoc anno Bernardinus Hispanus, Cardinalis S. Crucis, Sedis Apostolicæ in Germaniam Legatus, cum aliquot paucis in suam sententiam pertractis Cardinalibus, mirabili audacia Concilium Generale apud Pisas indixit, eoque ipsum, præter alios, Julium Pontificem Maximum citare non dubitavit. Convenerunt aliquot Episcopi ex Galliis & Insucribus: Primò Pisis, ubi cum parum tuti sibi viderentur, inde abiit ad Mediolanum: verum nec ibi satis suis rebus fidentes, Lugdunum sese transferunt, ubi etiam aliquot sessiones habitæ sunt, Rege Gallorum haud obscure illis favente, quippe qui in Pontificem alienò esset animò. Porro cum ea temeritas ad horrendum schisma spectare videretur, Julius Pontifex datis ad eos literis, monuit perbenigne, ut ad pacem & unitatem Ecclesiæ se reciperent: alioqui fore, ut vel invitus in ipsos animadverteret. Ea admonitio tres Cardinales permovit, ut cum Pontifice in gratiam redire maturarent, quos Pontifex liberaliter & clementer accepit: in alios, cum nollet ad sanitatem redire, gravem sanè tulit sententiam, qua illorum audacia nonnihil contusa est. Sed tamen cum Regis Gallorum fruerentur patrociniò, in sententia permanserunt. Monitus Gallus à Pontifice, uti nè eos soveret diutius, non magnopere curavit. Itaque à Pontifice excommunicatus est. Non longè aberat hac factione Maximilianus Cæsar, graviter commotus in Pontificem, quòd non bona fide à se recessisset, & cum Venetis foedus percussisset. Sed vir gravis & prudens, admonitus à bonis viris, sese collegit, & celeriter ab hac temeritate discessit. Non erat quidem Pontifex ab omni culpa alienus, sed tamen minimè decebat Cardinales paucos talem excitare turbam, & Ecclesiæ pacem cum maximo omnium scandalo perturbare. Et tamen non desunt fortassis,

tassis, apud quos etiam hoc conciliabulum habeat non vulgarem auctoritatem, maxime quòd ad Pontificis contumeliam pertineat, qua plerique admodum delectantur, perinde ut Cham olim nuditate Noë patris sui. Sed qualiscunque demum sit Pontifex, modò nè sit hæreticus, propter eum, cujus gerit vices, reverenter inprimis ac multo in honore habendus est. Atqui verò Julius Pontifex, ut Pisanum conciliabulum destrueret, Romæ Concilium indixit generale, quod sub Leone X. demum absolutum est. [3.]

„ Vixit adhuc anno isto Michaël  
„ Abbas S. Crucis per Austriam &c.  
„ contributionum & subsidiorum Or-

„ dinis Receptor à Reverendissimo D.  
„ Jacobo Abbate Cistercii constitutus,  
„ fatetur se à Coabbate suo Ægidio in  
„ Zwetl 20. florenos Rhen. de annis  
„ 1505. 1506. 1510. & 1511. recepis-  
„ Datum in Monasterio Zwetl anno  
„ Domini 1511. 12. Aprilis. „ [4.]  
„ Unde colligitur hic Ordinarius Visitator  
hic in Monasterio Visitationis gratiâ  
fuisse, Inde descendit Ægidio Abbate  
ipsum comitante ad Cœnobium Monia-  
lium S. Bernardi filiam Monasterii no-  
stri unigenitam, quam etiam visitavit,  
sicut hoc demonstrat Index Abbatissæ  
Barbaræ Rudolfsloverin, quæ bonam  
Matrem-familias egit, & indefessè œco-  
nomiæ insudavit. [5.]

## ADDITIONES.

\* [1.] Gerardus de Roë lib. 12.  
[2.] P. Heuterus in Maximiliano I. Cæsare lib. 7. sub hoc anno.

[3.] Surius in Commentario ad hunc ann.

Gerardus ubi suprâ.  
Spondanus ad hunc ann. n. 25. „ Quod  
„ verò magis Cardinales turbabat (ut idem  
„ Guicciardinus ait) erat quòd Maximilianus  
„ procrastinando nec Antistites nec procu-  
„ ratores mitteret. Qui quidem, tanquam  
„ ex ipsius dignitate non esset propriorum re-  
„ gnorum Antistites mittere, nisi totius quo-  
„ que Germanicæ gentis nomine idem fieret,  
„ Germaniæ Antistites Augustæ Vindelico-  
„ rum, ut ea de re cum ipsis tractaret, con-  
„ vocaverat. - - - De re autem conciliari  
„ in Conventu Augustano ab Antistitibus de-

„ cretum fuisse Guicciardinus ait; Pisanum  
„ Concilium seditiosum ac detestandum esse:  
„ hoc tamen addito moderamine, si pro eo  
„ validiora adducerentur argumenta, senten-  
„ tiam mutare se paratos esse. Coccius  
„ verò ait, Maximilianum statuisse Episcopum  
„ Brixensem ad Concilium Pisanum mittere:  
„ sed cum certis ex causis quas proposuit  
„ ejusmodi onere sublevatum esse: Maximi-  
„ lianum verò destinasse cum pleno mandato,  
„ Felicem Comitem de Werdenberg, Hiero-  
„ nimum Comitem de Tirol Veronensem,  
„ & Doctorem Faëllam Vicentinum, qui Tri-  
„ denti subsistentes, nondum, quando Coc-  
„ cius ea scribebat, pervenerant Mediolanum,  
„ quò jam Conciliares Pisani accesserant, „  
„ [4.] Ex Apocha ipsius.  
„ [5.] Ex Indice Abbatissæ.

## Annus Christi MDXII. Monasterii CCCLXXIV.

*Pont. Rom.*

Julius II.

*Imp. Rom.*

Maximilianus I.

*Archi-Dux Austriæ*

Idem Maximilianus.

*Episcopus Pataviensis*  
Wigileus.

*Abbas Zwetlensis*  
Erasmus.

**A** Nnum istum memorabilem fecit  
Viennensis Archi-Gymnasii bel-  
lum, ut vocant, latinum, quod bien-  
nio duravit, hoc autem anno inchoatum  
fuit, de quo sic legitur: „ Magister  
„ Sebastianus Tenckh ex Fronleyten  
„ Sententiarium Rector Archi-Gymnasii

„ hujus 271. Sub hoc Rectore ex levissi-  
„ ma duorum studioforum cum vinea-  
„ rum cultoribus contentione in festo  
„ Corporis Christi in suburbiis civitatis  
„ Viennensis, ingens fit ab utraque parte  
„ concursus & gravissimus exoritur tu-  
„ multus. Studiosi ex domo quadam  
Uuu u „ ad



„ ad horas tres sese contra maximam  
 „ rusticorum copiam fortissimè defen-  
 „ dunt. Quo cùm Judex hujus civita-  
 „ tis unà cum Academiæ Legatis ad  
 „ componendas seditiones intervenis-  
 „ set, Vir eruditissimus M. Quirinus  
 „ Teininger à Judicis liçtore quodam  
 „ & custode captivorum innocentissi-  
 „ mè trucidatus fuit. Joannes Eckher  
 „ Inclytæ Facultatis Artium Pedellus  
 „ circiter 25. vulneribus acceptis Me-  
 „ dicorum industriâ restituitur. Ab  
 „ utraque parte atrociter congressum  
 „ fuit, rustici tandem sibi fugâ consu-  
 „ lere coguntur. Quæ clades cùm in  
 „ urbe innotuisset, studiosi undique  
 „ confluunt, ac ter in Collegium Archi-  
 „ Ducale irruunt, quorum dolorem &  
 „ indignationem nisi D. Rector singu-  
 „ lari prudentia & humanitate mitigâ-  
 „ set, ad publicum devenit fuisset  
 „ tumultum. Ex hac turba studiosi oc-  
 „ casionem sumebant, ut peterent pu-  
 „ blicè legi privilegia & statuta Univer-  
 „ sitatis. Quod cùm Rector aliquoties  
 „ recusasset, nec studiosi ab hac sen-  
 „ tentia revocari possent, tandem lecta  
 „ sunt privilegia in arce Imperatoria  
 „ præsentè Regimine & tota Academia  
 „ in die Divorum Petri & Pauli in ma-  
 „ ximatotius Aulæ frequentia. „ \* [1.]  
 „ Hucusque citatus Catalogus.

Redeo ad Monasterium nostrum, in  
 quo Ægidius Abbas ex hac vita migra-  
 vit ip[s]is Calendis Februarii, nimirum in  
 Vigilia Purificationis, in cujus obitu  
 plerique conveniunt. Mortilogium  
 commune ita scribit: „ Kalendis Fe-  
 „ bruarii Dominus Ægidius quondam  
 „ Abbas Zwetlensis obiit annò 1512. „  
 „ De quo etiam sic Chronosticorum Au-  
 „ thor canit: [2.]

„ At nunc defuncti post funera mem-  
 „ bra quiescunt

„ nostro hic in saCro ContV-  
 „ MVLata LoCo. [3.]

Sepulto mox Ægidio quondam Ab-  
 bate, Fratres vocarunt Ordinarium su-  
 am Abbatem S. Crucis Michaëlem, qui

unà cum Joanne de Valle-Dei Abbate  
 huc advolans, constituit electum F. Eraf-  
 mum Leisser in Abbatem Zwetlensem,  
 cujus electio die nona Februarii cano-  
 nicè facta à Capitulo Generali Cisterci-  
 ensi dein approbata fuit. [4.]

Erasmus igitur Abbas creatus mox  
 ad solvenda Monasterii debita mone-  
 batur: „ unde cùm Michaël Eytzin-  
 „ gerus aliquam pecuniæ summam à  
 „ Monasterio expeteret, Erasmus ei-  
 „ dem ratione debitorum Monasterii  
 „ scribit, ut vel differret solvendi tem-  
 „ pus, vel ab eo terminum certum im-  
 „ petraret. Datum in Claustro Zwetl  
 „ annò Domini 1512. Sabbatò Valen-  
 „ tini, nimirum 14. Februarii. „ [5.]

Porro Axstain contra Danubium su-  
 pra Tiernstain arx in rupe sita adhuc in-  
 tegra mansit, atque ad Cæsarem seu Au-  
 striæ Principem spectabat, quam olim  
 Hadmarus Chünringius Fundator no-  
 ster Secundus ædificaverat, filii autem  
 ipsius aliquandiu perdiderant, reddi-  
 tum tamen ipsi est castrum, sed à ne-  
 potibus eorum penitus alienatum; nam  
 Dux Austriæ Albertus Rudolphi I. Habs-  
 burgici filius legitur Chünringios ali-  
 quot arcibus multâsse ex eo, quod contra  
 se insurrexerant, è quarum numero  
 & Axstain fuit. Quod autem hæc arx ad  
 Cæsarem immediatè spectârit hoc tem-  
 pore, declarant literæ illius castri Præ-  
 fecti ad Erasmus Abbatem Zwetlen-  
 sem datæ, cujus sensus talis est: „ Wil-  
 „ helmus Ynnprucker Cæsareus in Ax-  
 „ stain Præfectus Abbati in Zwetl &c.  
 „ - - - Datum Axstain in arce, an-  
 „ nò Domini 1512. feriâ sextâ post Mat-  
 „ thiæ, nimirum 27. Februarii. „ [6.]

Porro hoc anno Philippus Gabler  
 Allodiorum nostrorum Magister suam  
 ostendit devotionem & pietatem, qui  
 Monasterio nostro legavit ducenta ta-  
 lenta denariorum, & tres vineas sitas  
 in Cisterstorf. Datum annò Domini  
 1512. in festo SS. Trinitatis, nimirum  
 6. Junii. [7.]

Pragæ etiam conflata fuit campana  
 major

major Monasterii nostri, sed post aliquot annos primum ab Erasmo Abbate comparata : est autem in honorem Beatæ Virginis Mariæ consecrata, cujus refert imaginem. Fusa sunt in tertis suis verba sequentia : „ *En ego, campana nunquam denuntio vana, ignem vel festum, bellum aut funus honestum. Qui me fecit Magister Bartholomæus nomen habebat in Nova Civitate Pragensi. Sit laus DEO Patri Omnipotenti &c. Anno Domini 1511.* „ [8.]

Demum hoc tempore primus Abbatum Zwetlensium hic usus fuit insignibus gentilitiis cum Monasterii clypeo conjunctis ; „ de quibus F. Wolfgangus Rector curiæ in Cambarn Viennæ

„ seu Nusdorfii existens Erasmo Abbati suo scribit, quod majus Abbatiale sigillum aurifabro ad sculpendum jam dederit, simulque Abbatem S. Crucis tunc Generalem Ordinis per Austriam &c. Visitatorem consuluerit, an nimirum insignia proprii stemmatis in sigillum Abbatiale sculpi curare auderet ac liceret, quod in gratiam Abbatibus Erasmi Visitator specialiter concessit, cum alioquin in usu nondum esset, unde præfatus F. Wolfgangus sigillum unâ cum insignibus Abbatibus gentilitiis ita fieri curavit. Datum in Nussdorf annò Domini 1512. feriâ quintâ post Michaëlis, nimirum 30. Septembris. „ [9.]

## ADDITIONES.

\* [1.] Ex Catalogo Rectorum Viennens. Georgii Ederi quondam ibidem Rectoris hoc anno.

[2.] Recentior Abbatum Zwetlensium Catalogus.

Morologium commune eod. die.

[3.] Chronostichorum Author.

[4.] E literarum monumentis.

[5. & 6.] Ex Autographis ipsorum.

[7.] E literarum monumentis.

[8.] In ipsâ campana.

[9.] Ex Autographo ipsius.

### INCIDENTS.

Gerardus de Roó lib. 12. „ Pridie Calendaris Januarii, dum Maximilianus Friburgi agit, ejus uxor Blanca Maria diem obiit, nulla relicta prole. Julius interim, uti contra Gallum vires suas firmaret, Pisanumque conciliabulum impediret, sub anni finem, foedus cum Aragonio ac Venetis, de mutua sociorum defensione, percussit, in quo Cæsari & Anglorum Regi relictus est locus. Crucejus verò, ( *Bernardinus S. Crucis Cardinalis Hispanus* ) & qui cum eo Pisus erant, Cæsarem, uti suum quoque procuratorem edimitat, orant. Et Ludovicus, Andreas Burgium Cremonensem, Brunecam ad ipsum mittit, qui idem peteret, ac offensum ipsi amplius promissis reconciliaret. Is ad Regem reverfus, post multas de ipso querelas, Cæsarem postulasse refert, uti Rex, filiolam natu minorem, cum dotali Burgundia, Carolo nepoti desponderet, puellam statim traderet, Bononienses, Ferrarienses, & Concilii Pisani res, ipsius arbitratui per-

mitteret, exercitum Romanum versum ire nē juberet, neque enim permissurum, uti Regis potentia per Italiam extendatur. Rex alienatum abs se Maximiliani animum videns, uti cum hoste, antequam ille apertè cum eo se conjungat, debellaret, aut operæ precium aliquod insigne faceret, Gastoni Foisseio, qui Brixiam per eos dies ceperat, uti hostem aggrediretur, scripsit. Foisseius Ravennâ nequicquam tentatâ, ad Pontificis exercitum advenientem conversus, memorabili prælio victoriam adeptus, ab Hispanis, quibus, abire volentibus, fugam permittere noluit, occisus est. Cecidère utrinque fortissimi quique ad decem millia, quorum trientem ex Gallis, reliquos ex Italis & Hispanis fuisse memorant. Victoria penes Gallos stetit lucuosa, propter Ducis & Nobilium quorundam cædem, lætior futura si ille fugienti hosti, nē desperatio in fortitudinem vertatur, vel argentum pontem esse subternendum meminisset. Incidit hoc prælium in solemnem Dominicæ Resurrectionis diem, qui eo anno Aprilis erat undecimus. Ravenna victorius se dedit, à quibus direpta est. Post hanc Gallorum victoriam Julius, etfi de pace cogitabat, ( à qua neque Rex abhorere videbatur ) ab Aragonio tamen & Anglo confirmatus, & Helvetiis, magnò in Regem odiò, auxilia promittentibus, prosequi bellum statuit. Eodem verò tempore Maximilianus Imperator Coloniae & Trevirorum Augustæ conventus habuit, quibus de tollendo schismate actum. In Blaphelluu u u u „ 1003

„ mos quoque graves poenæ constitutæ , &  
 „ edictum ea de re singulis feriatis diebus pro  
 „ concione proclamari iussum. Adhuc item  
 „ de ebrietate & ei vitio deditis, Principum  
 „ familiâ pellendis, invenio. Propositâ item  
 „ læsæ Majestatis poenâ, omnibus Imperii sub  
 „ ditis prohibitum, ne Gallô militarent, Quod  
 „ cum Emicho Comes Liningensis fecisset,  
 „ proscriptus est, & jussu Cæsaris aliquot ar  
 „ cibus, à Palatino multatus. Alii quoque  
 „ ejus exemplum secuti, eodem loco habiti, &  
 „ Germani, qui ad quatuor millia in Palsciæ  
 „ castris erant, revocati, parvère; nam Tiro  
 „ lenses plerique erant. „

„ Surius in Commentario ad hunc annum.  
 „ Pontus Heuterus lib. 7. cap. 4. „ In

## Annus Christi MDXIII. Monasterii CCCLXXV.

*Pont. Rom.*

Leo X.

*Imp. Rom.*

Maximilianus I.

*Archi-Dux Austriae*

Idem Maximilianus.

*Episcopus Pataviensis*  
 Wigileus.

*Abbas Zwetlensis*  
 Erasmus.

**H**OC anno Julius Papa II. tot labori  
 bus fatigatus, aut ut alii volunt,  
 dolore animi, quod Venetos in amicitiam cum Maximiliano Cæsare reducere frustra tentasset, lenta tenacique febre, fluente sensim alvo corruptus, septuagenario major 9. Cal. Martii Romæ in Vaticano decubuit, domi, bellique clarissimus. Cujus Novendialibus obsequiis peraetis, Idibus Martii Cardinales omnes Joannem Medicem Florentinum Diaconum Cardinalem S. Mariæ in Dominica, S. Rom. Ecclesiæ Archidiaconum, Pontificem salutarunt, qui Leo ejus nominis X. appellari voluit.  
 \* [1.] De hoc ita B. Malachias Hibernus vaticinatus est: De Craticula Politiana. Leo enim X. filius Laurentii Medicei & Scholaris Angeli Politiani fuit.

Refero bellum latinum anno priori exortum, quod Studiosi Viennenses cum mechanicis ibidem gesserunt, de quo sic scribitur: „ Motu superiori etiam „ artificum & cerdonum turba in studiosam juventutem concitata varios „ excitavit tumultus, ob quam causam

„ Italia restituti à Confoederatis Florentiæ  
 „ Medicei numerant Cæsari centum quinquaginta millia ducatorum, coactique ad deditionem Brixiani ac Lineaci Germanos „ ac Hispanos milites admiscere. Exinde Gurenensis Cardinalis, Cæsaris Legatus, Romam „ ad Pontificem profectus, summo cum honore est receptus, adhucque magna animorum contentione de pace inter Cæsarem „ ac Venetos ineunda, sed frustra. Quare novum Pontifex cum Cæsare facit fœdus, „ quo utriusque consensu, Maximilianus Sfortia in Ducatum Mediolanensem restituitur, „ Cæsare tamen neque diploma neque titulum ei concedente. „

„ Studiosis armorum usus publico decretò interdicatur. Quo facto indolita multitudo Philosophiæ candidatis eingulis indutis illudere incipiebat. Quod cum Studiosi ferre non possent, cingulorum depositionem violentius etiam quam conveniret, petunt. Authores hujus turbæ in Vigilia D. Laurentii, ne graviorem excitarent seditionem, ab urbe discedere jubentur. Eo audito communis fit confederatio, ac eodem die octingenti Studiosi erectò vexillò egrediuntur urbem Welsam usque ad D. Maximilianum Cæsarem Augustissimum, à quo hanc scholam unice diligi sciebant, profecturi. Quò cum perventum, atque D. Cæsari Academicæ huic militiæ obviam exeunti, per Melchiorem Seuter ejus exercitus Oratorem, qui postea Illustrissimi Principis Electoris Friderici Palatini factus est Cancellarius, desiderium exulantis Scholæ fuisset explicatum: ibi tum pius Cæsar cum juventutis simplicitate, tum bonarum literarum amore permotus, milites hos scholasticos honestissimò viaticò donatos „ post

„ post clementissimam consolationem  
 „ remisit, atque hanc causam totam  
 „ Illustrissimo Principi & D. Domino  
 „ Ernesto Marchioni Badensi Majesta-  
 „ tis suæ vices hinc in Austria gerenti  
 „ commisit. Redeunt Studiosi huc  
 „ Viennam in Vigilia Nativitatis Mariæ,  
 „ atque non cingulorum tantum impe-  
 „ trant liberationem, sed de novo le-  
 „ guntur & confirmantur huic Gym-  
 „ nasio antiqua sua privilegia. Ubi  
 „ etiam publice admonitus fuit Magi-  
 „ stratus Civilis, ne Academiæ privile-  
 „ gia in minimo offendant. Atque  
 „ sic omnis controversia feliciter fuerat  
 „ composita. „ [2.] Hucusque ille.  
 Conjicio ex istis sub hoc bello latino  
 conflictum quoque contigisse illum, in  
 quo tantum sanguinis humani effusum  
 fuit, ut inde in urbe Viennensi quædam  
 platea nomen traxerit dicta propterea  
 platea sanguinis, (*vulgo vocatur Blut-  
 gäßl*) quia in ea Studiosi & Mechanici  
 ita concurrerant, ut rivus sanguinis in-  
 de effluere videretur. Ac propterea  
 etiam Studiosis armorum usus penitus  
 interdictus erat, & ut tamen à reliqua  
 plebe discernerentur, cingulis honoris  
 gratiâ uti jussi sunt, quos vulgus ipsis in  
 probrum convertit.

Obiit hoc anno Illustris Dominus Jo-  
 annes ejus nominis IV. Chünringius de  
 Seveld Balthazaris I. ex Liechtensteinia  
 Stira filius, tertio Calendas Maji, sepul-  
 tus in Templo Monasterii nostri ad Sa-  
 cellum S. Michaëlis sub lapide rubro  
 marmoreo literis & insignibus ejus scul-  
 pto, desuper autem in columna suspen-  
 sus est clypeus, in quo talis scriptura  
 reperitur: „ Joannes de Chünring  
 „ Dominus in Seveld obiit feria sexta  
 „ post diem S. Marci, cujus animæ  
 „ Deus sit propitius. 1513. „ Pluri-  
 bus refertur superscriptio in lapide se-  
 pulchrali. [3.] Reliquit ex uxore sua  
 Domina Anna Zelkingensi filios quin-  
 que, Christophorum, Florianum, Mar-  
 quardum, Wilhelmum & Balthazarem  
 II. Hujus tricesimus ab obitu dies venif-

set quinto Calendas Junii celebrandus,  
 verum Abbas Erasmus eum distulit, de  
 ejus dilatione tales accepit litteras:  
 „ Dominus Wilhelmus de Zelcking pla-  
 „ cere sibi scribit, quod Abbas tricesi-  
 „ mum Domini sui affinis de Chünring  
 „ fel: mem: usque ad feriam secundam  
 „ ante S. Viti, id est decimam tertiam Ju-  
 „ nii distulerit: potro ait se aliquot jam  
 „ Dominos per litteras ad eam solenni-  
 „ tatem invitasse, rogat etiam Abba-  
 „ tem vicinos quoque Dominos invi-  
 „ tati. Datum Seveld anno Domini  
 „ 1513. feria sexta post Ascensionem,  
 „ nimirum 6. Maji. „ [4.] His ac-  
 ceptis litteris Abbas quoque vicinos  
 invitavit Dominos, quorum nomina re-  
 peri sequentia: Sabbato post festum  
 Corporis Christi, nimirum 28. Maji in-  
 vitati fuerunt ad Tricesimum præfato  
 Chünringio fel. record. celebrandum  
 DD. Wilhelmus & Wolfgangus fratres  
 de Zelcking cum aliis duobus suis fratri-  
 bus, item eorundem sorores Anna reli-  
 cta Joannis defuncti, & Anastasia uxor  
 Balthazaris II. Chünringii defuncti filii:  
 DD. Ludovicus de Stahrenberg in Ra-  
 pottenstain, Georgius de Liechtenstain  
 in Niclasburg, Jacobus de Arnberg de-  
 functi affinis, Rudolphus & Sebastianus  
 de Hochenfeld in Kirchperg ad silvam,  
 Sigismundus de Eytzing in Schratten-  
 tal, Carolus de Hochenfeld, Petrus de  
 Hofkirchen, Dominus dictus Jame-  
 resgkli, Leopoldus & Wilhelmus de  
 Neudegg in Rastenberg, & quidam Pin-  
 cerna Sigismundus Augustanus, aliique  
 plures. [5.] Atque hæc de obitu, se-  
 pultura & Tricesimo Chünringii hujus.

Præterea hoc anno Confraternitas  
 Rasingensis à Diocesano confirmata  
 fuit, cujus confirmatio ita incipit:  
 „ Wigileus D. G. Episcopus Pataviensis  
 „ ad perpetuam rei memoriam. Ju-  
 „ stis petentium desideriis, per quæ  
 „ Christi fideles ad devotionis studia  
 „ & memoriam amarissimæ Passionis  
 „ D. N. JESU Christi incitantur, liben-  
 „ ter annuimus, consensum præbemus.

X x x x

„ Oblatâ

„ Oblatâ itaque nobis pro parte Dilectorum nobis in Christo Fratrum Fraternitatis in Rafanns ( *vulgo Rafing* ) in Capella B. Mariæ Virginis ibidem sub limitibus Ecclesiæ Parochialis in Windigsteig nostræ Diœcesis in honorem ac commemorationem Septem-Dolorum & Compassionis intemeratæ Virginis Mariæ, certis modis & formâ erecta, prout in literis erectionis sub sigillis Venerabilium

„ nobis in Christo Dilectorum Joannis Graff Præpositi in Zwetl & Wolfgangi Winther præfatæ Ecclesiæ Parochialis in Windigsteig Rectoris roboratis, supplex petitio continebat &c. Datum Pataviæ die Jovis, 30. mensis Julii, annò Christi 1513. „ [6.] Atque ita Confraternitas ista laudabilis hoc anno à Diœcesano privilegiò roborata fuit.

## ADDITIONES.

\* [1.] Ciaconius in Julio II. & Leone X. Gerardus de Roô lib. 12. & alii.

„ SURIUS in Commentario ad hunc annum. Successorem habuit ( *Julius* ) Joannem Medicem Florentinum, qui Leonis X. nomen accepit, quem Galli paulò antè captivum detinuerant, è quorum tamen manibus magno quodam casu elapsus, ad tantum honoris fastigium evasit. „

„ Spondanus ad hunc ann. n. 3. „ Post cuius ( *Julii* ) novemdiaria peracta, ingressis viginti quatuor Cardinalibus Conclave; inspiratione juniorum, omisissis senibus, quorum consilia ultimis temporibus juvenilia nimis experti fuerant; experturi forsàn num maturiora in juvenibus reperirentur; septimo die, nempe quintò Idus Martii creatus est faustis communibûsque omnium votis Joannes Medicus Florentinus; quem anno superiori prælio Ravennensi captum, deinde liberatum, & Florentiæ pristinæ paternæ potentæ restitutum vidimus: ætatis tempore electionis annorum triginta septem. - - - Mutato de more nomine, Leo dici voluit; ejus appellationis Decimus vulgò dictus; cum ex iis quæ alibi diximus, Nonus potius dicendus fuerit. Signumque, sive symbolum sumpsit, quo Alexander VI. usus fuerat, *Ad Dominum cum tribulaver clamavi, & exaudivit me.* Presbyter & Episcopus à Raphaële Cardinale Ostiensi consecratus, & inauguratus decimò quartò Calendas Aprilis; tertio Idus, ipso anniversario die, quo captus fuerat prælio Ravennensi, Basilicam Lateranensem de more visitavit; tantâ pompâ, ut Romam post Barbarorum inundationem eo die magnificentiorè splendidioremque non vidisset omnes faterentur. „ Quo quidem centum aureorum millia ab illo effusa fuisse dicuntur, facta etiam per vias ad populum pecuniarum largitione. „ Vetusque item est eo ipso equo Thraicio,

„ quo prælio adlitterat; quem ab hostibus pecuniâ redemptum ita adamavit, ut postea usque ad extremam senectutem summâ curâ ali voluerit. Denique eo spectaculo Alfonso Dux Ferrariæ, qui eadem pugna contra ipsum steterat, & tot vexationibus à Julio agitatus fuerat, magnâ ejus clementiâ fretus Romam appulsus, & interdicti suspensionem adeptus, Pontificium vexillum prætulit: Rhodiorum verò militum signum honoratiori loco de more, Julius Medicus, Leonis patruelis, armatus generosò equò insidens, qui paulò post factus Cardinalis, fuit etiam demum Pontifex Clemens Septimus. Ex Leonis autem assumptione universa Respublica Christiana maximam percepit voluptatem, quòd tum ex patris clara virtutis memoria, tum ex ipsius liberalitatis comitatusque fama, tum etiam quia castus, atque optimis moribus præditus habebatur; tum item quòd paternò exemplò eruditiorum, omniumque Illustrum ingeniorum amans futurus sperabatur, (sicuti & fuit) illum præstantissimum Pontificem fore persuasum erat. Ejus vitam prolixè ac luculenter Jovius conscripsit: sed nos Guicciardino tutius in rebus publicè gestis inhæremus.

N. 4. „ Ejus Pontificatum ab ipso illius initio visus est Deus suo nutu probare, ut Guicciardinus ait: quoniam quarto die postquam assumptus fuerat, Cardinales abdicati S. Crucis & Sanseverinus in ejus testamentum venerunt. Qui Julii morte audita, Lugdunò, unâ cum Galliæ Regis Legato, mari Romam contententes ut Pontificis creationi interessent; intellecta in portu Ligurni Leonis assumptione, ejusque lenitate freti, nulla alia cautione quæsita, spontè Pisas sunt profecti: ibique honorificè excepti, ac deinde Florentiam perducti, honestè ita custoditi fuerunt, ut diœcendi „ facul.

„ facultatem non habent; monente eos benignis verbis Pontifice, ut propriæ securitatis, & Pontificatus tranquillitatis causâ, donec quo pacto illis Romam esset veniendum decerneretur, Florentiæ morarentur, Cardinalatus insignibus abstinentes. „

[2.] Catalogus Rectorum Viennens. Georgii Ederi hoc anno.

[3.] Mortilogium Zwetlense commune. Genealogia Chünringiorum.

Lapis sepulchralis cum inscriptione. „ Hic liegt begraben der Wohlgebohrne Herr „ Herr Hanns von Khünring, der gestorben „ ist am Freytag vor Philippi und Jacobi, im „ 1513. Jahr, auch vil seines Geschlechts, „ die dann Stüffter, und Widerbringer des

„ würdigen Gottshauß seind. Dem Gott der „ Allmächtige barmhertzig sey. „

- [4.] Ex Autographo ipsius.
- [5.] E literarum monumentis.
- [6.] Ex Autographo ipsius.

## INCIDENS.

Surius ubi supra „ Eodem anno Venetorum exercitus à Cæsareanis adeo attritus est, ut ex illo una die, quæ fuit Nonis Octobris supra 5000. ceciderint, & in iis, quod nullo antè prælio acciderat, 400. equites cataphracti: tormenta currulia viginti quatuor cum omnibus signis militaribus capta; cum tamen è victoribus pauci desiderarentur. Item Pontus Heuterus lib. 7. cap. 6. fusè more suo.

## Annus Christi MDXIV. Monasterii CCCLXXVI.

*Pont. Rom.*  
Leo X.

*Imp. Rom.*  
Maximilianus I.

*Archi-Dux Austriae*  
Idem Maximilianus.

*Episcopus Pataviensis*  
Wigileus.

*Abbas Zwetlensis*  
Erasmus.

**I**nitio hujus anni Cæsareani ac Veneti in Foro Julii bellum renovant. Occuparant enim non ita pridem Germani oppidum Moravum, ad Aquileenses paludes situm. Veneti id statim propter opportunitatem terrâ, marique obsident. Opponit se cum Cæsaris copiis ejus Legatus Comes Christophorus Francapanes, cujus adventu Veneti numerò longè inferiores obsidionem solvunt, ac discedunt. Erumpunt in postremos præsidarii Germani, instat à fronte Francapanes; vulneratur Scipio alter Venetorum Dux, ceteri fugam capiunt. Veneta triremis unâ capitur cum aliquot onerariis, omnibusque hominibus ac impedimentis, ceteræ magno cum discrimine in altum evasere. Desiderarunt hic Veneti mille ducentos viros, cum oppido Monsalconio. Post hæc Cæsareani universum recipiunt Foro-

Julium, excepto Osopho. \* [1.] Quidam in [2.] hunc annum rejicit conventum Regum & Principum Viennæ factum, sed magis credo Cuspiniano [3.] tunc præsentem, qui illum in diario suo ad longum descripsit, quem etiam sequitur Gerardus, atque ille hunc anno sequenti contigisse commemorat.

„ Ceterum F. Stephanus Gröntaler „ Professus ad S. Trinitatem in Nova „ Civitate Diocesis Salisburgensis de „ mandato Domini sui Abbatis uti „ Commissarii Generalis, contributionum Ordinis nostri collector specialiter deputatus fatetur se à D. Erasmo „ Abbate in Zwetl recepisse 5. florenos, deinde pro portitore contributionum ad Cistercium florenos tres. „ Datum in Cœnobio Zwetl annò „ Domini 1514. 30. Martii. „ [4.]

## ADDITIONES.

\* [1.] Pont. Heuterus lib. 7. cap. 6. sub hoc anno.

[2.] Catalogus Rectorum Viennens. Georgii Ederi hoc anno.

[3.] Cuspinianus in Diario suo & in Maximiliano Imp.

Gerardus de Roó Histor. Austr. lib. 12.

[4.] Ex Apocha ipsius.

## INCIDENS.

Surius in Commentatio sub hoc anno, „ Bellum ortum est in Pannonia, quòd Vladislaus Sigismundi Poloni frater, qui Mar. „

„thiæ Corvino successerat, non eam adferret curam & diligentiam rebus gerendis, quàm oporteret. Plerique enim Proceres regni, cùm eum viderent non admodum rebus invigilantem, quod jam esset senio & corporis gravi pondere oppressus, regnum amplissimum prædæ habere cœperunt, & singuli suis studere commodis ac utilitatibus, premere intolerandis exactionibus subditos, atque id genus aliis studiis non bonis operam navare: unde factum est, ut regni opibus dissipatis, nervi bellorum pecuniæ Regi deficerent. Per id tempus factus est ingens concursus hominum, præsertim agrestium, propterea quod militaturis adversus Turcas in Illyrica Croatia à Legato Apostolico largissimæ essent condonationes oblatæ. Verùm ista hominum fæx, licet plerique essent jussi discedere ab armis ob nimiam multitudinem, jam consilium ceperunt de excutiendo à cervicibus suis nobilium jugo. Itaque Ducem sibi constituerunt Georgium Sichelum, hominem audacissimum: cujus auspiciis non paucas edunt nobilium cædes, matronis & virginibus ingenuis vim adferunt, Cinadium urbem ex cratibus materiæque constructam inflammant, concrematis omnibus ejus urbis incolis, iis demptis quos fumus vel tela consumplerunt: Episcopum urbis Georgium crudelissimè interfecerunt, & alios quosque genere & opibus clarissimos aut sacerdotibus insignes, exquisitissimis tormentis dilaniaverunt. Ita demum compulsi nobiles, sui defensionem quanta maxima possunt vi & celeritate parant, Ducèque Bornemissâ, multos seditiosæ multitudinis fundunt, nec

„multò post pluribus locis pene ad interecionem eos delent. Nec tamen Georgius se deserit, sed novis audus copiis bellum instaurat. Verùm ejus nefarii hominis hic fuit exitus, quod paulò post à Joanne Vaivoda captus, cæso ferè omni ejus exercitu, nudus & catenis victus, in equuleo constitutus, & corona candenti ex vomere confata, ut Regum mos est, coronatus, multisque aliis immanissimis & horribilibus est suppliciiis excruciat, ita ut non desinat, qui putent nimia & inaudita crudelitate in eum & ejus exercitum defævum. Atque hoc pacto illud sævum & nefarium perditæ multitudinis bellum extinctum est, quod nisi citò repressum fuisset, extremam Hungariæ calamitatem haud dubiè allaturum videbatur.

Spondanus hic n. 5. ita concludit: „Pontifex iis auditis, *(qua perperam à Cruce-signatis perperabantur)* confestim belli sacri diplomate revocato, Sigismundum Regem Poloniæ Vladislai Hungari fratrem, qui tunc contra Moscovitas bellum gerebat, ut eo bello aliquò honestò modò suspensio aut dilatio, fratri suppetias iret hortatus est. Verùm haud iis expectatis Joannes Vaivoda Scepusiensis Comes, magnæ spei juvenis, cū Regis Hungariæ & Boemiæ copiis seditiosos aggressus, eorūmq; præcipuo Duce Georgio Zechelio, sive Cæculo, aliisque captis, & horrendis suppliciis de medio sublatis, multa ceterorum cæde facta, factionem dissipavit; qua extincta fuisse dicuntur ad sexaginta hominum millia. Rem narrant illarum gentium historici.

Fuggerus in speculo suo, lib. 6. c. 17. n. 1. & 2. rem ceteris enucleatius efferre videtur.

## Annus Christi MDXV. Monasterii CCCLXXVII.

Pont. Rom.  
Leo X.

Imp. Rom.  
Maximilianus I.

Archidux Austriae  
Idem Maximilianus.

Episcopus Pataviensis  
Wigileus.

Abbas Zwetlensis  
Erasmus.

„**M**aximilianus, ut in Hungaria suam prosapiam firmaret, insignem conventum Viennæ fecit cum Regibus Ungariæ & Bohemiæ, Vladislao patre, Ludovico filio, Sigismundo fratre Poloniæ, cui est tunc reconciliatus, nam similitudines prius illi cum eo intercesserant. Incidit autem hic conventus in annum millesimum quingentesimum decimum quin-

„tum, in mensem Julii. Decimo quinto enim mensis Julii egressus Maximilianus Cæsar Viennam occurrit Regibus in Austriæ & Ungariæ confinibus campo quodam latissimo, cui patriâ linguâ Hart est nomen inditum: fraternisque sese amplexibus mutuo salutatis, non sine ingenti triumpho reversi simul altera die Viennam, matrimonia Mariæ neptis cum Ludo-

„ Ludovico, Annæ cum altero nepote  
 „ concluderunt. Quàm graviter autem  
 „ & prudenter in quadam arcis Vien-  
 „ nensis aula Senatû Regum & Prin-  
 „ cipum, Archi-Episcoporum & Anti-  
 „ stitum convocans peroraverit (*Cæsar*)  
 „ de statu universi Imperii & Christia-  
 „ nitatis coram iis tribus Regibus, Tho-  
 „ ma Strigoniensi, Matthæo Salisbur-  
 „ genfi, Cardinalibus; Archi-Episco-  
 „ pis Bremensi Christophoro, Grego-  
 „ rio Colociensi, ac aliis Episcopis, La-  
 „ dislao Vacienti Cancellario regni Un-  
 „ garie, Pataviensi Wigileo, Ratisbo-  
 „ nensi Joanne Palatino, Georgio  
 „ Quinque-Ecclesiensi, Joanne Bos-  
 „ nanienti, Matthia Vladislaviensi,  
 „ Stanislao Olomucensi, Petro Primis-  
 „ laviensi regni Poloniæ Cancellario,  
 „ coràmque Principibus Baviaræ Guil-  
 „ lelmo & Ludovico fratribus, Ulrico  
 „ Duce Wirtembergensi, ac innumeris  
 „ Comitibus, Baronibus ex Imperio,  
 „ regnis Ungariæ, Bohemiæ, & Polo-  
 „ niæ, Consiliariisque ejus, quos enu-  
 „ merare fastidium generaret: quàm  
 „ prudenter, inquam, dixerit Clemen-  
 „ tissimus Cæsar, quo pacto se purga-  
 „ verit, cur in eum usque diem nun-  
 „ quam ei licuerit contra Turcos pro-  
 „ gredi ac cum iis manus conferere. *(de multis suis remittentibus)* hoc satis sit  
 „ argumenti, quòd pluribus lacrymas  
 „ eduxerit, fletumque moverit sua ora-  
 „ tione. Postquam autem Regibus ac  
 „ Principibus convivia instituit, ac lu-

„ dos militares exhibuit, Cæsareis mu-  
 „ neribus donatos secum in Novam.  
 „ Civitatem duxit, venationes cervo-  
 „ rum, hinnulorum, damarumque ex-  
 „ hibuit, illisque debinc valedixit: Vla-  
 „ dislao Rege per Sempronium oppi-  
 „ dum in Ungariam cum filio redeunte,  
 „ Sigismundo verò per Viennam in Po-  
 „ loniam. Ipse verò Maximilianus  
 „ Imperator concessit in Imperium, ac  
 „ sequenti anno comitia Principum Im-  
 „ perii Augustæ celebravit, summò stu-  
 „ diò enixus, ut in sua vita Carolum  
 „ nepotem consortem Imperii faceret.  
 „ [1.] Hæc Cuspinianus citatus: clari-  
 „ us Reges, Archi-Episcopos, Princi-  
 „ pèsque enumerat Ederus Viennensis  
 „ Archi-Gymnasii Rector, quos tamen  
 „ ob fastidium repetere superfedeo.

„ Erasmus Abbas Zwetlensis ad  
 „ mensam Conventûs perpetuam susce-  
 „ pit nobilem Virum D. Christophoro-  
 „ rum Leysser patruelem suum, à quo  
 „ se multa ab incunabulis usque bene-  
 „ ficia accepisse fatetur, consentiente  
 „ Conventu, cui ideo literæ sigillis Ab-  
 „ batis & Conventûs munitæ datæ fuê-  
 „ re feriâ tertiâ post Dominicam Oculi  
 „ in Quadragesima annò 1515. nimi-  
 „ rum 13. Martii. „ [2.] Fuit aliàs  
 „ hæc familia in Stiria quidem nobilis,  
 „ sed tenuis, quæ postmodum in Austria  
 „ radices posuit & excrevit: dein ob fidem  
 „ alienam ab avita majorum suorum pie-  
 „ tate deficiens in propagatione sua quo-  
 „ que deficere cepisse videtur.

## ADDITIONES.

\* [1.] Cuspinianus in Cæsarib. sub Ma-  
 ximiliano I. & in Diario suo ad longum.

Gerardus de Roó lib. 12. referens, & re-  
 mittens cupidum Lectorem ad Cuspinianum  
 & Richardi Barusini itinerarium, ita prosequi-  
 tur: „ Diem proximum, quo Viennam in-  
 „ gressi sunt, minùs celebrem fecit pluvia,  
 „ quæ levis primùm, deinde intensior fuit.  
 „ Nihil tamen honoris festæque lætitiæ omis-  
 „ sum est. Aliquot inde dies colloquiis &  
 „ consultationibus dari. Erant Vladislao  
 „ Regi ex Anna Gandala (illustris ea in Va-  
 „ lconibus familia est) liberi Ludovicus &

„ Anna. De his ita inter ipsos convenit, uti  
 „ ambo Austriacis illigari nuptiis, perpetuæ  
 „ pacis amicitiaque fœdus confirmarent. Sunt  
 „ qui Vladislauum filia conjugium Cæsari priùs  
 „ obtulisse affirmant, eumque respondisse:  
 „ auditum sibi aliquando ex parente Friden-  
 „ rico; Principi ætate provecto minùs non  
 „ posse adferri mortem, quàm si ei juvenula  
 „ conjugetur. Itaque consultiùs videri,  
 „ uti Anna nepotum alteri collocetur. Ad  
 „ decimum Calendas Augusti, qui dies pub-  
 „ licæ sponsalium confirmationi dictus erat,  
 „ Maximilianum utroque Rege præfente,  
 „ Yyy y „ Annæ



„ Annæ coronam auream imposuit, & flo-  
 „ renti ferto ab ea donatus est. Hinc ad  
 „ D. Stephani itum est, ubi peractis sacris,  
 „ verba præeunte Strigoniensi, Anna, ac-  
 „ cepto in fidem annulò, ità Maximilianum  
 „ desponsa est, uti intra annum aut Carolo  
 „ aut Ferdinando conjungeretur. Dein Lu-  
 „ dovico Maria Cæsaris neptis, præfens ipsa  
 „ desponsa est, lachrymas ubertim fundente  
 „ Vladislao. His peractis, ducenti viri mi-  
 „ litari dignitate donati sunt. Inde ad epu-  
 „ las, ludòsque equestres, & choreas disces-  
 „ sum est. Per eosdem dies pax & fœdus  
 „ promulgatum, ex quo maximæ provinciis  
 „ illis & regnis commoditates redundarunt,  
 „ imprimis verò Austriacis Principibus, ad  
 „ Hungariæ Boëmiaeque regna stratus est ac-

„ cessus: nam undecimò annò post, Ferdi-  
 „ nandus, qui Annam duxerat, Ludovicò ad  
 „ Mohacium oppidum à Turcis cæsò, utrum-  
 „ que regnum, ex fœderis & matrimonii jure,  
 „ adeptus est. „

Pontus Heuterus lib. 7. c. 11. circa finem  
 addit: „ Mensè Julio Christiannus Secundus,  
 „ Daniæ Rex, in uxorem ducit Elizabetham  
 „ Austriacam, Principis Caroli alteram foro-  
 „ rem, nuptiæque Copenhavii (*Hafnia*)  
 „ magnificè celebrantur. Sed paulò post ob  
 „ tyrannidem regnò pellitur. „

Picspordius in Maximiliano I. & sub stirpe  
 Jagellonica in Vladislao II. Ludovico II. &  
 Sigismundo I. aliisque plures.

[2.] Ex Codicillo PMS. ipsius Erasmi  
 Abbatis.

## Annus Christi MDXVI. Monasterii CCCLXXVIII.

*Pont. Rom.*

Leo X.

*Imp. Rom.*

Maximilianus I.

*Archi-Dux Austriae*

Idem Maximilianus.

*Episcopus Pataviensis*  
*Wigileus.*

*Abbas Zwettlensis*  
*Erasmus.*

**H**oc anno & Rex Arragoniæ Ferdi-  
 nandus decimò Calendas Februa-  
 rii, & Vladislavus Rex Ungariæ & Boë-  
 miæ octavò Idus Martias diem suum  
 obiit. \* [1.] Imperator verò Ma-  
 ximilianus accepta Regis Ferdinandi  
 morte, ut studia Francisci Regis Gallia-  
 rum prævertat, in Italiam ducit exer-  
 citum. [2.]

„ Anno isto contributionum Rece-  
 „ ptor à Generali Ordinis Cisterc. con-  
 „ stituitur Joannes Abbas Runensis  
 „ Monasterii, qui fatetur se ab Erasmo  
 „ Abbate in Zwettl pro anno præfenti  
 „ 5. florenos Rhen. recepisse sub dato  
 „ S. Trinitatis in Nova-Civitate annò  
 „ Domini 1516. 21. Januarii. „ [3.]

„ Videtur hoc anno rebellio rusticor-  
 „ um fumpsisse initium, inter quos sub-  
 „ diti Monasterii fuerunt de Perndorf;  
 „ de quorum fuga Erasmus Abbas apud  
 „ D. Sebastianum de Hohenfeld in  
 „ Kirchperg conqueritur sub dato feriâ  
 „ quartâ ante Exaltationem S. Crucis,  
 „ nimirum 10. Septembris annò 1516. „

[4.]

Mentio etiam habetur Christophori

Leysser Magistri curiæ in Rasing, qui  
 patruelis Erasmi Abbatis extitit, quem  
 anno præcedenti ad mensam Conventu-  
 alem susceperat, & hoc anno illi cu-  
 riam in Rasing regendam commiserat,  
 quæ antea per Conventualem Fratrem  
 regebatur; „ hic Abbati litteras misit  
 „ sub dato Rasing annò Domini 1516.  
 „ in Vigilia Pentecostes, nimirum 10.  
 „ Maji. „ [5.]

Conquestus hoc anno Abbas Eras-  
 mus apud Provinciales de nonnullis gra-  
 vaminibus & violentiis suo Monasterio  
 à diversis illatis, sicut ea dinumerat:  
 „ nimirum 1. à Parochiis quinque Mo-  
 „ nasterio incorporatis census annuus  
 „ postulatur. 2. à Domino Christo-  
 „ phoro de Puechaym, qui à duobus  
 „ subditis in Rædleins censum similiter  
 „ extorquet. 3. Dominus Sigismundus  
 „ Hager aliquot subditos in Alentsteig  
 „ sub censum suum cogit. 4. Dominus  
 „ Spauer de Hoheneck censum ordina-  
 „ rium de Haffnerpach rapit. 5. Vi-  
 „ ce-Dominus Viennensis domui-Hu-  
 „ barum subditos de Oßarn cum censu  
 „ annuo subicit. 6. Comes Joannes  
 „ de

„ de Hardeck colonos Monasterii in  
 „ Weinzierl, Lanterstorf, Neudorf,  
 „ Neustift de censu vexat. 7. Idem  
 „ Comes Hardecus etiam subditos de  
 „ Sittendorf ad grangiam in Cammern  
 „ pertinentes stewart sibi solvere com-  
 „ pellit. Quorum tamen omnium su-  
 „ pra dictorum locorum census Mona-  
 „ sterio ascriptos nihilominus solvere  
 „ annis singulis Abbas tenetur ad do-  
 „ mum Provinciale, unde conque-  
 „ ritur apud D. Wolfgangum Liberum  
 „ Baronem de Rogendorf, & Mollen-  
 „ burg, Sac. Cæs. Majestatis Consilia-  
 „ rium, tunc Austriæ Mareschallum,  
 „ quem patrinum suum nominat. „ [6.]

Porro circa hoc tempus Abbas Eras-  
 mus etiam ad exornandum nostrum  
 Templum manus adjecerat, quare à Ma-  
 ximiliano Imperatore supplicem obtinuit,  
 ut dimidia stewart seu annuus census  
 medius per annum debitus ipsi dimit-  
 teretur, quod ipse sequenti apocha,  
 quam hic referre placet, faretur: „ Nos  
 „ Erasmus Abbas B. V. Mariæ Mona-  
 „ sterii in Zwetl, ac totus Conventus  
 „ ibidem, fatemur, cum Sacra Cæsarea  
 „ Majestas Clementissimus noster Do-  
 „ minus pro subsidio & reparatione  
 „ Templi nostri se nobis auxilio adesse  
 „ promiserit, & medium censum seu  
 „ stewart, quæ annò elapsò 1512.  
 „ nobis aliisque Provincialibus, nimi-  
 „ rum 16000. florenorum ad numeran-

„ dum imposita fuerat, dimiserit, ac  
 „ nihil peti à nobis mandaverit: quòd  
 „ Nobilis ac Discretus D. Laurentius  
 „ Saurer Sac. Cæsareæ Majestatis Con-  
 „ siliarius ac Vice-Dominus in Austria  
 „ infra Anasum nos de anno 1512, à  
 „ dimidio censu nimirum 138. Pf. 7. fl.  
 „ 17. den. apud D. Ambrosium Wisent  
 „ Prælatorum, Dominorum, Equitum  
 „ Quæstorem ordinarium liberârit, &  
 „ locò acceptæ pecuniæ munificentia-  
 „ am Regiam acceptârit, apochamque  
 „ desuper dederit. Quare prædictum  
 „ D. Laurentium Saurer Vice-Domi-  
 „ num hisce quitamus, & rogamus,  
 „ quatenus ei dicta summa 138. Pf. 7. fl.  
 „ 17. den. in rationibus suis pro expen-  
 „ sis computetur. Harum testimonio  
 „ litterarum sigillò nostrò & Conven-  
 „ tûs nostri munitarum. Actum Vien-  
 „ nâ 17. Maji annò 1516. „ [7.] Un-  
 „ de colligitur, quòd Erasmus Abbas Ec-  
 „ clesiam Monasterii picturis exornare cu-  
 „ raverit, & sicut ab anno MDXII. ince-  
 „ perat, & hoc ipso anno MDXVI. sum-  
 „ mum Altare ipsius incepisse conjectura  
 „ est, quod demum annò MDXXV. ab-  
 „ solvit, sicut in Altaris ala ex cornu Epi-  
 „ stolæ conspicitur, & tam in Altaris alis,  
 „ quam supra in Templi fornice ipsius  
 „ Erasmi Abbatis & Fundatorum nostro-  
 „ rum insignia sculpta & affixa id com-  
 „ probant.

## ADDITIONES.

\* [1.] Gerardus de Roò locò sæpe cit.  
 „ Rex (*Galliarum Franciscus*) Leone (*Papa*)  
 „ Bononiæ convento, Mediolanum reversus,  
 „ cum Helvetiis omnem controversiam com-  
 „ ponit. Hinc Carolò Borboniò Insubriæ re-  
 „ bus præfectò, sub anni initium in Galliam  
 „ reversus est. Hoc Francisci successu, Ara-  
 „ gonius de regno Neapolitano sollicitus;  
 „ uti alibi negotium illi facesseret, nova cum  
 „ Cæsare & Anglorum Rege consilia captare  
 „ cœperat, quæ expedire non potuit; nam  
 „ in morbum, quo dudum laboraverat, rela-  
 „ psum, diem obiit, postquam annos quadra-  
 „ ginta duos rebus magna cum laude præ-  
 „ fuisset. Fuit Ferdinandus optimis virtuti-

„ bus, summò ingenio, consilioque & rerum  
 „ gerendarum quadam dextertate insignis  
 „ Princeps. Mauros ex Betica regione, quam,  
 „ cum magno Christianorum probro, oclin-  
 „ gentos propè annos tenuerant, expulit.  
 „ Navarræ & Neapolis regna, & nonnullas  
 „ in Africa maritimas civitates, imperio ad-  
 „ jecit suo, & perpetuâ quadam felicitate, nec  
 „ ulla, præter liberorum, & uxoris Reginæ  
 „ obitum, calamitate interrupta usus, ad ter-  
 „ tium & sexagesimum vitæ annum pervenit.  
 „ Mortuus est decimò Calendas Februarii,  
 „ in pago Madrigalegio, prope Guadalupum  
 „ oppidum. „

Pont. Heuterus lib. 7. cap. 11.

Yyy y a

„ Annò  
 „ 1516.

„ 1516. Madrigali apud Estremaduros obiit  
 „ Ferdinandus Catholicus, Arragoniæ, Ca-  
 „ stellæ, ac Neapolis Rex, ardenti vehemen-  
 „ tique febre extinctus, ætatis annò sexage-  
 „ simò quintò. Profectus fuerat è Celtibe-  
 „ ria in Boeticam, ad delectus habendos, ac  
 „ classẽ, quæ novæ Carthagini parabatur,  
 „ invensam, quam Cæsari, ceterisque Italiæ  
 „ confederatis superiori anno erat pollicitus;  
 „ conditò ante aliquot menses testamentò,  
 „ in quo Principem Carolum, è filia Joanna  
 „ nepotem natu maximum, hæredem in soli-  
 „ dum instituēbat. Sepultus est Granadæ,  
 „ mausoleò pro se successorisque ad hoc  
 „ annò 1492. ædificatò. „  
 „ Spondanus hic n. 1. „ Ferdinandus Rex  
 „ Hispaniæ longò morbo --- consumptus, dum  
 „ Hispalim peteret, in itinere vicò Madriga-  
 „ legiò ad Castra Julia diem obiit decimò  
 „ Calendas Februarii, annò ætatis circiter  
 „ sexagesimò tertio, regni Aragoniæ ab obitu

„ patris trigessimò septimò, Castellani à morte  
 „ Henrici fratris Isbellæ conjugis quadra-  
 „ gesimò secundò cœptò: sepultusque est Re-  
 „ gio funere unà cum uxore Granatæ in Tem-  
 „ plo maximo. „

Idem N. 3. „ Obiit item hoc anno, octa-  
 „ vò Idus Martias (ut Jodocus Decius habet)  
 „ Wladislaus Rex Hungariæ & Boemiæ, lenta  
 „ febre & articularum doloribus absumptus,  
 „ anno ætatis altero & sexagesimo: cum paulò  
 „ antè literas à Leone Pontifice accepisset  
 „ de pace vel induciis cum Turcorum Impe-  
 „ ratore, à quo de iis sollicitabatur, non  
 „ contrahendis, promissò suò ac ceterorum  
 „ Principum auxiliò. „

[2.] Gerardus ubi suprà.

[3.] Ex Apocha ipfius.

[4.] Ex Codicillo PMS. Abbatis Erasmi.

[5.] Ex Autographo ipfius.

[6. & 7.] Ex Codicillo Abbatis Erasmi.

## Annus Christi MDXVII. Monasterii CCCLXXIX.

*Pont. Rom.*

Leo X.

*Imp. Rom.*

Maximilianus I.

*Archi-Dux Austriæ*

Idem Maximilianus.

*Episcopus Pataviensis*

Ernestus. ●

*Abbas Zwetlensis*

Erasmus.

**M**aximilianus Imperator jam à Fran-  
 cisco Gallorum Rege alienatus  
 cum Anglo foedus instauravit, cui &  
 Pontifex, & Carolus Rex Hispaniarum  
 subscripsere. Id etsi ad defensionem  
 factum esse videri volebant, Gallo ta-  
 men molestum suspectumque erat. Sub  
 anni finem Carolus ex Selandia solvens,  
 secundò ventò, in Hispaniam naviga-  
 vit, ubi singulari hominum gaudio ex-  
 ceptus, regnorum omnium imperium  
 solemnè ritu suscepit. \* [1.]

Wigileus Pataviensis Episcopus hoc  
 anno aliquamdiu valetudinarius ingra-  
 vescente morbo plenus dierum obiit  
 octavò Iduum Novembris, sepultus in  
 Cathedrali sua Ecclesia. Post quem Er-  
 nestus Alberti Bojorum Principis ex D.  
 Chunegunde Friderici IV. Romanorum  
 Imperatoris filia, illustris filius, Wilhel-  
 mi & Ludovici Ducum Baviaræ germa-  
 nus frater, Imperatoris Maximiliani è  
 sorore nepos, Pataviensis Episcopus eli-

gitur hoc adhuc anno, impetratà à Pon-  
 tifice Maximo Leone X. primùm ætatis  
 venià, postea ut à sacrorum Ordinum  
 initiatione abstinere posset, indulgentià  
 acceptà. [2.]

Anno etiam isto Maximilianus Im-  
 perator conclusit per sententiam diffini-  
 tivam litem inter Abbatem in Zwetl, &  
 Joannem Chünringium exortam, [3.]  
 quem suprà Annò MDXIII. mortuum  
 & in Monasterio nostro sepultum retuli.  
 Hic enim annò Domini MDVIII. Mo-  
 nasterium nostrum molestare cœpit su-  
 per advocatia prætenfà in villis Tern-  
 berg, Haslach, & Weickerstorf, qua-  
 rum colonos censibus, auctionibus &  
 laboribus variis vexavit, contra privi-  
 legia & indulta non tantùm Fundato-  
 rum ipforum, sed etiam Austriæ Archi-  
 Ducum, & Romanorum Imperatorum,  
 qui omne tam Monasterii Zwetlensis,  
 quàm ejus colonorum advocatiæ Jus  
 Austriæ Principibus tradiderunt, uti ipsa  
 privi-

privilegia & diplomata tam Hadmari Fundatoris II. quàm Leopoldi VII. VIII. Friderici II. Alberti I. Habspurgici, & successorum demonstrant. Conquesti autem præfatarum villarum coloni unâ cum Monasterio apud Imperatorem: causa Regimini Inferioris Austriæ discutienda & dijudicanda commissa fuit, à quo mandatum Chünringio fuit, ut in posterum ab Advocatiæ Jure discederet, colonos quietos non amplius turbaret, neq; privilegia Monasterii infringere ultro tentaret. Quæ omnia non curans Chünringius denuo colonos vexare coepit, quod actores præfati non amplius ferendum rati, eum apud Imperatorem altera vice prævaricatorem & contemptorem mandati detulerunt, petentes jure & lege contra eum decerni &c. Tandem ab Excel. Regimine Inferioris Austriæ sententia talis pro Monasterio data fuit: Joannem Chünringium contra Monasterii Zwetlensis privilegia injustè colonos in Ternperg, Haslach, & Weickerstorf super advocatia aliisque censibus & laboribus molestasse, definitum itaque esse, ut hæredes ipsius advocatiam resignent, ab eaque peni-

tus in posterum abstineant. „ Datum „ feriâ secundâ post Dominicam Remi- „ niscere in Quadragesima, nimirum 9. „ Martii. Annò ab Incarnatione Do- „ mini 1517. regnorum Romani 32. & „ Ungarici 27. „ [4.]  
Erasmus Abbas Monasterium ratione rebellium rusticorum in periculo esse videns, ab Imperatore aliquot obtinuit bellica tormenta, ob quæ accepta dat suam quittanciam sequentem: „ Nos „ Erasmus Abbas &c. hisce fatemur, „ quòd cùm nobis Sacra Cæsarea Ma- „ jestas Clementissimus noster Domi- „ nus ex gratia ad Monasterii nostri de- „ fensionem duos ferreos Falcones & „ duodecim duplones (vulgò *zwen ei- „ serne Balconeth und zwölff Haden- „ Büchsen*) ex armamentario suo hic „ Viennæ gratiòse dari jussisset, nos à „ Cæsareo Præfido dicti armamentarii nomine Joanne Hoüis Viennæ suprà dicta accepimus, idcirco ipsum quit- „ tamus harum testimoniò literarum „ nostra subscriptione & sigillo munita- „ rum. Actum Viennæ 25. Octobris, „ annò 1517. „ [5.]

## ADDITIONES.

\* [1.] Gerardus de Roó lib. 12.  
Pontus Heuterus lib. 7. cap. 16. „ Prin- „ ceps . . . Carolus instante mense Ju- „ lio in Hispaniam navigaturus, Middelbur- „ gum, Zelandiæ urbem primariam, ubi ju- „ stam classem, cui præerat Adolfsus Burgun- „ dus Beveræ Dominus, paratam habebat, „ proficiscitur. Sed, adversa coactus tem- „ pestate, in duodecimum usque mensis Au- „ gusti diem expectare cogitur. Tum pro- „ sperum nactus ventum, dat vela; felicique „ usus navigatione, octo dierum spatio è Ze- „ landia Villaviciosam apud Astures pervenit, „ unica desiderata cum rebus omnibus navi, „ quæ mediò Oceano sortuito igne correpta, „ cum nulla ei ratione succurrì posset, con- „ flagavit. Erat ea oneraria ingens, gene- „ rosos Procerum Belgarum vehens equos, „ qui omnes cum stabulariis, equisq; onibus, ac „ nautis ad unum perire. Exceptus est Prin- „ ceps Carolus summò Procerum ac populi „ gaudio, inter quos præcipui fuere qui pri-

„ mi accurrerant, frater Principis Caroli Fer- „ dinandus Austriacus, Conestablis Castellæ, „ Dux Albæ, multique alii Proceres. „ [2.] Hundius in Metropoli sua sub iis- „ dem Episcopis. „ Præfuit (*Wigileus*) annis „ 17. mensibus sex. . . . Sub hoc Episco- „ po annò 1517. feriâ sextâ Magnâ, cùm po- „ pulus frequens concioni de Passione Do- „ mini interesset, subitaneum incendium 300. „ ædes, & pene totum novum forum Patavi- „ num absumpsit, perièrunt multi homines „ cum jumentis, rem plane flebilem Jacob „ Philomusus carmine Elegiaco deploravit. „ [3. & 4.] E copia literarum.  
[5.] Ex Notatis Erasmi Abbatis.

Hoc anno tota Ægyptus in servitutem ces- „ sit Turcarum, trucidato miserandum in modum „ Tomumbejo ejus Sultano. Item Martinus „ Lutherus primam sectæ suæ jecit sementem, „ de quibus fusè Surius ad hunc annum, quem „ secutus est Spondanus, ad quos benevolam „ Lectorem remittimus.

Zzz z

Annus

## Annus Christi MDXVIII. Monasterii CCCLXXX.

Pont. Rom.

Imp. Rom.

Archi-Dux Austriæ

Leo X.

Maximilianus I.

Idem Maximilianus.

*Episcopus Pataviensis*  
Ernestus.*Abbas Zwetlensis*  
Erasmus.

**M**aximilianus hoc anno ætate jam provectum se considerans, sive mortem haud procubabesse animo præfagiens cum Septem-Viris Imperii Electoribus, qui præter Bohemiæ Regem Augustam omnes venerant, de Carolo nepote in Romanorum Regem eligendo agere coepit. Sed quia novi exempli res esset, nihil certi definitum fuit, quamvis nec Leo Pontifex, nec Imperii Electores abnuere viderentur. Quare proximis comitiis ea de re perferatur, decretum est. \* [1.] Soluta Augustano conventu Maximilianus Oenipontum profectus, audiendis & mittendis legationibus operam dabat, & nepotis successionem identidem urgebat.

Interea Leo Papa X. misit in Germaniam Indulgentias per Cajetanum Cardinalem publicandas, qui in Augustano Conventu Nuntius de Latere Apostolicus aderat. Hic Lincii in Superiori Austria illas præsentibus plurimis Notariis publicis & testibus proclamari facit, atque multa exemplaria per Germaniam utramque Episcopis transmittit. Quæ indulgentiæ in Germania magnos Martino Luthero tumultus excitârunt. [2.] Scripsit hoc anno Maximilianus Pontifici de turbis per præfatum Lutherum excitatis, oratque ut maturè rebus affectis opem ferat: quicquid decreverit, se curaturum, ut executioni mandetur. [3.]

Porro ad Monasterium nostrum venit F. Paulus Cistercii Professus contributionum Ordinis Generalis collector constitutus, qui postquam apochas Erasmus, Egidio, Michaëli III. & Wolfgango II. Abbatibus Zwetlensibus à Receptoribus contributionum Ordinis subdelegatis datas conspexisset, generalem

omnium contributionum Monasterii nostri debitarum ab anno MD. usque ad præsentem Erasmo Abbati apocham dedit. „ Datum in Zwetlensi Monasterio annò Domini 1518. 22. Februarii. „ [4.]

Videtur anno priori vel isto Philippus Gabler Magister Alلودiorum ex hac vita migrasse, qui aliquot vineas & pecuniæ summam Monasterio nostro legavit, cujus tanquam jam defuncti Erasmus Abbas mentionem facit. Datum „ in Monasterio Zwetl annò Domini „ 1518. feriâ tertiâ post Matthiæ, nimirum 2. Martii. „ [5.] Habet hic sepulturam suam sub rubro marmore insigniis suis & scriptura notata ante Sacellum S. Udalrici in Templo Monasterii majori ad plagam septentrionalem.

„ Bernardus Viennæ ad S. Dorothæam Præpositus, Joannes de Puchaim in Gelerdorf, & Ambrosius „ Wissennt, censuum Austriæ Receptores, ab Erasmo Abbate in Zwetl factentur se recepisse 380. Pf. den. & 3. „ ff. Datum Viennæ annò Domini „ 1518. feriâ quintâ post Luciæ, nimirum 16. Decembris. „ [6.] Sciendum est, Maximilianum, ut supra scripsi, soluto Augustano Conventu Oenipontum se contulisse, ibique Legatos Austriæ aliarumque suarum provinciarum audivisse, qui conventum ibidem celebrârunt; quibus Imperator per præcipuos Consiliarios suos propositionem facere mandavit, ac tandem ipse in persona coram suis provincialibus conventum conclusit, uti fusiùs est apud Streinium videre. Datum Oeniponti 24. Maji, annò Christi 1518. [7.] Unde quoque Abbas in Zwetl Erasmus partem Monasterium suum con-

concernentem protinus porrexat constitutus ea super pecunia Commissariis seu Censoribus.

Retuli suprà adfuisse Commissarium Professum Cisterciensem F. Paulum. „ Hic Abbatum Austriæ Viennæ celebravit conventum, iisque persuasit „ à Generali suo edoctus, ut Viennæ „ Collegium pro Fratribus Ordinis literis operam daturis communibus in „ unum collatis expensis constituerent, „ sicut etiam suprà, annò 1504. illud „ idem à Generali Cisterciensi per F. „ Joannem in Galliam ad Capitulum „ Generale missum petierant. Hinc Bernardus Abbas S. Crucis fatetur se recepiſſe ab Erasmo Abbate in Zwettl

„ pro reparatione Collegii Ordinis Viennæ siti talenta denariorum fedecim. Actum annò Domini 1518. „ 17. Decembris. „ [8.] Verum „ ceptum hoc non successit, Abbatibus postmodum non convenientibus & belò Turcicò aliisque incommodis intervenientibus.

„ Demum hoc anno Erasmus Abbas fratrem suum juniorem D. Wolfgango Libero Baroni de Rogendorf & Mollenburg ad servitia transmittit & commendat, quem aliquandiu „ apud se habuisse dicit. Litteræ commendatitiæ datæ fuere Dominicà post S. Augustini, nimirum 29. Augusti, „ annò 1518. „ [9.]

## ADDITIONES.

\* [1.] Gerardus de Roò lib. 12.

Cuspinianus in Cæsarib. sub Maximiliano I. Pontus Heuterus lib. 7. cap. 17.

[2.] Laurentius Surius in Commentar. priorii anno.

Richardus Streinius in Annalib. Austriæ Superior. hoc anno.

[3.] Surius cit. suprà hoc anno.

[4.] Ex Apocha ipsius.

[5.] E literarum monumentis.

[6.] Ex Apocha ipsorum.

[7.] Rich. Streinius hoc anno. „ An-

„ nò 1518. beschiecht die Zusammenkunft „ aller Oesterreicherischen Land Ausschus zu „ Insprug, denen erstlich Ihr Kayf. Majestät „ durch Ihre trefendliche Râth und zum „ Grund und Beschlus persönlich derselben „ und Ihrer lieben Söhnen, auch Dero Land „ und Leith Obligen und Notturfft gnediglich und vtreulich entdeckhet, und „ darüber volgeat die Notturfft abgeredt, bewilligt und beschloffen. Darunter diß die „ gemeinen und fürnembten Articul. Erstlich ein Ristung Ordinanz, oder wie es „ jetzundt ein defension Wefen; und wie „ ein Landt dem andern soll zu Hilff komen, „ die Kriegs Befehl bestelt werden, auch „ welcher gestalt Landt-Marschalch und „ Landts-Haube-Leith ihr Verrichtung darbey thun sollen, und was disen allen anhangig. 2. Ist Ihr Kayf. Maj. zu derselben „ Notturfft bewilligt worden 400000. fl. „ zu 4. termin, darunter ein drittheil 133333. „ fl. 20. kr. zu Ihr Maj. freyen Henden und „ die übrigen zwey drittheil 266666. fl.

„ 40. kr. zu Ablöſung Ihr Maj. Silber und „ Kupfer von den Kauffleithen, und zu Erledigung anderer verpendten gemeinen „ Camer Güetter, inhalt instruction so die „ Landtschafften denen Comissarien überdrwort, und daß solches Hilffgeld sonst „ mindert ausſer gemeiner Landtschafft Bewilligung gewendt noch ausgeben werde, „ welches Hilffgeldt auch also zwischen dem „ Land verglichen und angeſchlagen worden: „ Oesterreich ob und under der Ens 120000. „ fl. Steur Kärnten Crain 100000. fl. Tyrol „ mit beden Stüfften 120000. fl. die vorder Oesterreicherische Land, Herschafft und Stätt „ 60000. fl. inhalt des dariber aufgerichten und gefertigten Libels. Geben und beschehen „ zu Insprug 24. (Maji) An 1518. Und „ dis ist das erste Libell darauf sich auch Ihr „ Kayf. Maj. außführlich reſervirt de eodem die & anno. Zum dritten ist damalt aufgericht worden ein neue Ordnung des „ Kayf. Hoff-Raths und Wefens auch Regiments Landtrecht, und Reformation des „ Camergueths eodem die & anno. Und „ dis ist das andere Libel. Zum vierten „ haben Ihr Kayf. Maj. über der Ausschus, „ so etwo vill beschwerung gebrauchen und „ Notturfft gemeiner Landt Ihr Maj. fürgebracht, darauf dieselb Erklerung und Bewilligung damalt gethan eodem quo suprà die & anno. Und das ist das dritte gefertigte Libel. Der so einer E. Landtschafft „ in Steur Landthandvest zusammen gerragen, hat das erst Libell gar übergangen, „ setzt darnach præpollerè das dritt wegen „ Zzz z z „ Be-

„Befürwörung vor. Neben vorgehanten  
 „haben Ihr Kayf. Majest. auch ein Policei  
 „Libel verfaſſen laſſen, ūt in fine tertii Li-  
 „belli. Item ein ſondere Verſchreibung  
 „den Stenden von wegen der Münzt gefe-  
 „tigt, de eodem dato. Also auch den  
 „Stenden unter und ob der Ens ein Befrei-  
 „ung des anderen vierten theils der Lehen,  
 „auch von denſelben dato, in welcher Fer-  
 „tigung ſich aber Anfechtung zugetragen,  
 „also das vor Erledigung derſelben Ihr Kayf.  
 „Majest. Ihr Leben beſchloſſen, wie das in  
 „Kayſer Ferdinand Begnadung mit mehrern  
 „einkohmen. „

[8.] E literarum monumentis.

[9.] E Codicillo Abbatis Erasmi.

#### INCIDENTS.

Pont. Heuterus lib 7. cap. 16. „Menſis  
 „Februarii die ſeptimo Princeps Carolus Val-  
 „ledoleti apud Caſtellanos, in Templo D.  
 „Pauli, magna cum ſolemnitate in Hiſpa-  
 „niarum Regem inauguratur, ac cum matre  
 „Joanna coronā Regiā redimitur, deducen-  
 „te cum ad Templum coronationis que locum,

„exceptis Hiſpaniæ Proceribus ac Ordinum  
 „Legatis, fratre Ferdinando, ſorore Leo-  
 „nora, ac omnium ſerè Chriſtianorum Prin-  
 „cipum Legatis. Tum equeſtria belli ſimu-  
 „lacia eduntur, duobus Belgarum Proceri-  
 „bus, Baurini nimirum ac Zanzellæ Domi-  
 „nis, quosvis ad concuſum provocantibus.  
 „Hi cūm bideum Hiſpaniſ ac Belgis dediffent,  
 „tertio die Princeps Carolus Regali more  
 „armatus in arenam deſcendit, ac quater cum  
 „Zanzellio fortiter animoſeque concurrir.  
 „Primo congreſſu plumas à caſſide Zanzellii  
 „deterſit: ſecundo in ſiniſtra peſtoris Zan-  
 „zellii parte, haud procul humero, lanceam  
 „in multas partes conſegregit: tertio in fronte  
 „caſſidis lanceam quoque nonnihil lacera-  
 „vit: quarto concuſu lummo cum honore  
 „lanceam rupit in circulari clypeo, quem  
 „Zanzellius, more tum conſueto, circa ſini-  
 „ſtrum ferebat latus. Erat Zanzellius vir  
 „robuſtus, hiſce decuſibus exercitatiſſimus,  
 „quique in iis parem non habere putabatur,  
 „Caroliſque Principis Supremi Stabuli Præ-  
 „fectus &c. „

Item Gerārdus de Roó loco cit.

### Annus Chriſti MDXIX. Monasterii CCCLXXXI.

Pont. Rom.  
 Leo X.

Imp. Rom.  
 Carolus V.

Archi-Ducatus Austria  
 Vacat.

Episcopus Pataviensis  
 Ernestus.

Abbas Zweitenſis  
 Erasmus.

„**M**aximilianum, dum de ſucceſ-  
 „ſore in Imperio ex uno nepo-  
 „tum ſuorum promovendo laborat,  
 „invaſit lenta quædam febris, quæ uti  
 „ſoli cœlique mutatione aut ipſo iti-  
 „nere diſcuteretur, ſecundo amne in  
 „Austriam deſcendit, Welfam oppi-  
 „dum cūm veniſſet intendi morbum  
 „videns ſubſtitit. Mox Georgium  
 „( *Cuſpinianus eum Gregorium vocat* )  
 „quendam Carthuſianum, qui olim  
 „ipſi à confeſſionibus fuerat, Fribur-  
 „gō acciri juſſit, Virum doctri-  
 „æ & ſanctimoniz commendatione inſi-  
 „gnem. Qui cūm veniſſet, multa cum  
 „eo de animæ ſalute rebuſque divinis  
 „commentatus eſt. Aderant & Me-  
 „dici præter Domeſticos Guilielmus  
 „Polymnius & Georgius Collimitius ex  
 „Academia Viennenſi accerſiti. Hos

„perhumanè audiebat, ac ne aut mor-  
 „bi violentiā aut mortis metu deſcici vi-  
 „deretur, Conſiliarios interdū & Ora-  
 „tores admittebat, de nocte verò ( *quia*  
 „*inſomnia ad morbum acceſſerant* ) Joan-  
 „nem Stabium res geſtas legentem au-  
 „diebat. Poſtquam verò deſicere jam  
 „vires, animūque debilitari ſenſit,  
 „ultima voluntatis placita deſcribi  
 „juſſit, ubi & quomodo ſepeliri vel-  
 „let, Carthuſiano præcepit; hinc ul-  
 „timis ſacris ritè perceptis, animam  
 „Deo reddidit pridie Idus Januarii,  
 „annō 1519. cūm vixiſſet propè annos  
 „ſexaginta, imperaſſet triginta duos,  
 „Corpus ejus, uti ipſe juſſerat, in lecto  
 „collocatum, ſpectatores admiſſos ſuæ  
 „mortalitatis admonuit. Hinc Vien-  
 „nam, deinde Neapolim deportatum,  
 „ubi ſub Divi Georgii ara conditum eſt.

\* [1.]

\* [1.] Hæc de obitu Maximiliani Gerardus citatus, & suam historiam concludit, quem virum egregium & doctum potissimum ferè secutus sum: qui plura de obitu ipsius Cæsaris scire desiderat, is adeat Cuspinianum, ab illo enim cœvo scriptore plenius edocebitur. Sanxit autem Maximilianus, ut suarum provinciarum Rectores ac Præsides cum omnibus Officialibus in suo quisque statu, quoad alter nepotum huc commigraret, perseverarent: quod tamen post obitum illius servatum non fuit, quibusdam Provincialibus rerum summam ad se trahentibus, ut Cuspinianus præfens spectator enarrat. Item Streinius. [2.]

Miserat Erasmus Abbas hoc anno in Stiriam ad Udalricum Leisser Præfatum armamentarii Ducalis, cognatum ejus Sigismundum Leisser cum aliquot munusculis, qui Abbati rescribens mittit bellicum tormentum, quod Quartanam vocat: „Præterea, *inquit*, in-  
„tellexi, quòd Bohemi, ad quorum  
„fines Reverentia vestra habitat, Au-  
„striaci bellum inferre minati sint,  
„& ideo Reverentia Vestra confinis il-  
„lorum magis quàm alii periculo pro-  
„xima est, contra quos ut melius eos  
„excipere & Monasterium suum sa-  
„tum testumque conservare valeat,  
„transmitto unam ex metallo fusam,  
„non tamen adeo magnam, ligno in-  
„clusam Quartanam, cujus operâ vel

„contra dictos Bohemos, vel ubi ne-  
„cessitas postulat, contra alios uti  
„poterit &c. Datum Græcli in Stiria  
„feriâ quartâ post Lucæ, nimirum 14.  
„Decembris annò 1519. „ [3.]  
Quoad Bohemorum tumultum sciendum, supradictum Sigismundum dum hic erat, audivisse Proceres Austriacos de Præsidibus provinciarum disceptatos fuisse, uti suprâ Cuspinianus citatus loquitur, & hoc Bohemis occasionem obtulisse, ut in Austriam irrumpere tentârint, nisi maturus Caroli Electi Romanorum Imperatoris adventus id impedivisset.

Defundò Maximilianò & sepultò, Francofurti convenerunt Electores Principes, & in Maximiliani Cæsaris locum elegerunt Carolum Austriacum Principem potentissimum. Impedire conabatur hoc Franciscus Gallorum Rex, sed Carolus ei antelatus est. Fertur ea res exitiali illi bello causam dedisse, quod brevi postea inter illos exarsit. Missus est ad Carolum tunc in Hispaniis degentem Fridericus Palatinus, qui eum & oblatum honorem suscipere, & in Germaniam iter maturare hortaretur. Accepit eum Carolus liberaliter, & honorificè donatum à se dimisit. Hoc etiam anno apud Helvetios Tigurinos Ulricus Zwinglius unâ cum Carlstadio & Oecolampadio Indulgentias oppugnare cœpit, & dogma Berengarii de Eucharistia instauravit. [4.]

## ADDITIONES.

\* [1.] Gerardus de Roò locò suprâ cit. in fine.

Cuspinianus fufius in Maximiliani Cæsaris vita.

Surius hîc.

Item Richardus Streinius in Annal. Super. Austr. ad ann. 1518. in fine. „Als Kayser Maximilian zu Insprug sich erwas übel empfunden, in iram commotus febri incidit occultam, inquit Cuspin. haben sich Ihr Maj. auf dem Wasser hinab, und volgent gen Wels begeben, und weil die Schwachheit zugenommen, aldorten verhardt &c. Macht darauf ihr Testament den 30. De-

„cembr. annò 1519. zwischen 12. & 1. Uhr in der Nacht. Es ist aber des Jahr halber dahin zu verstehen, daß Secretari Finsterwalder, so es concipirt, das 19. Jahr à Natali Domini 1518. cingeradit, und verstanden hat. „

[2.] Cuspinianus suprâ citatus. „Mortuus est autem plentissimus Princeps, cum in universa Germania, Francia, Italia, Hungaria & pene toto Christiano orbe pax esset, quod nemo speravit, quum in omni ætate sua bellicosissimus Princeps innumera gessisset & atrocita bella. Sola patria ejus Austria intestinis & civilibus seditionibus  
Aaa aa „estua.



„*est*uavit. Cùm enim corpus Divi Maximiliani in Nova-Civitate (ut jusserat) sepe-  
 „*litur*, Viennæ in publico Provincialium  
 „*conventu* tumultus suboritur. Rectores  
 „*Provinciarum*, quos odiò habuerant, ple-  
 „*rique* suo Magistratu privantur; novi eli-  
 „*guntur* sinè Archi-Ducum fratrum consensu  
 „*ac* voluntate. Qui arreptis redditibus ac Pro-  
 „*vinciæ* censibus, moderari Austriam cœ-  
 „*père*. Veteres autem Provinciarum Præsi-  
 „*des* furorem vulgi infanientis timentes, in  
 „*Novam-Civitatem* abiierunt. Nam & cives  
 „*Viennenses*, nobilium secuti dissensionem,  
 „*in* duas scindebantur partes „

Pont. Heuterus lib. 8. cap. 3. addit: „ His  
 „*accede*bat aliud ingens malum, pullulans hoc  
 „*anno* per universam Austriam immedicabi-  
 „*lis* pestilentia, quæ statim à morte Cæsaris  
 „*Maximiliani* sævire incipiens, pagos, oppi-  
 „*dæque* non pauca vastans, vacua cultoribus  
 „*reliquit*. Unde sementia in agris perire,  
 „*reconditæ* in granariis fruges putrefactæ  
 „*muribus* gliribusque celsere, opimæ hære-  
 „*ditates*, iusto qui adiret hærede non re-  
 „*perto*, occupantium prædæ mansere. Nulla  
 „*enim* erat civitas, nullum oppidum, vicus,  
 „*pagus*, arx, villa, domus nulla à conta-  
 „*gio*sa lue libera. Nec tamen interea insa-  
 „*nire* desinebant Austriaci, donec Rex Caro-  
 „*lus*, opinione ac desiderio eorum citius  
 „*Hispaniâ* profectus in Germaniam venis-  
 „*set*, acceptæque Aquisgrani Caroli Magni  
 „*coronâ* Wormatiæ Principum Germaniæ  
 „*primum* ac celeberrimum habuisset conven-  
 „*tum*. Unde literis summa cum autoritate  
 „*scriptis*, ac Viennam missis, novis Præfectis  
 „*ac* Gubernatoribus præcipit, deposita ad-  
 „*ministratio*ne his obediant, quos missi à se  
 „*Legati* essent constituturi, additis minis  
 „*Cæsare* dignis, si quis in rebelli contumacia  
 „*persistisset*. Plebi omnia præterita condo-  
 „*nat*, pauci vitæ bonisque mutantur. „

Rich. Streinius in Annalib. Austriæ Super-  
 „*rior*. hoc anno.

[3.] Ex Autographo ipsius.

[4.] Surius suprà cit.

Pont. Heuterus lib. 8. c. 2. „ Hi (Septem-  
 „*Viri*) à Moguntino Archi-Præfule convo-

„*cati* ( ejus enim id est in Germania officii-  
 „*um* ) Francofurtum ad Moenum amnem  
 „*situm* conveniunt, acerrimisque orationi-  
 „*bus* Moguntinus pro Rege Carolo, Trevir  
 „*pro* Rege Francisco ( Gallo ) certat. . . .  
 „*Dum* dubii horum orationibus Septem-Viri  
 „*sententias* non explicant, tandem imperium  
 „*Friderico* Saxonie Duci Septem-Viro offer-  
 „*runt*. Sed is constanter dignitatem renuens,  
 „*docebat* Regem Carolum non esse exter-  
 „*num*, ut voluerat Trevir, sed Principem è  
 „*præcipua* Germaniæ nobilitate ortum, in  
 „*ea* natum educatumque, habere in Super-  
 „*iori* ac Inferiori Germania hæreditatem  
 „*amplissimam*, ejusque familiam Cæsares  
 „*complures* de Germania ac Imperio optimè  
 „*meritos* protulisse &c. Hanc Saxonis sen-  
 „*tentiam* ceteri Septem-Viri comprobant,  
 „*ac* vigesimo octavo Junii hujus anni Caro-  
 „*lum* Austriacum Hispaniarum Regem, Bel-  
 „*garum* Burgundionumque Principem Cæsa-  
 „*rem* renuntiant, mense quinto, ac die de-  
 „*cimo* septimo, ab obitu Cæsaris Maximiliani. „

Spondanus hic n. 3. „ Unum adhuc est,  
 „*quod* de prædicta Romanorum Regis ele-  
 „*ctione* addamus ex Erasmo: nempe pridie  
 „*quàm* Carolus eligeretur, delatum ab omni-  
 „*bus* Electoribus fuisse Imperium Friderico  
 „*Saxonie* Duci uni ex ipsis; sed ipsum in-  
 „*genti* animo recusasse: mox rogatum, quem  
 „*igitur* censeret eligendum, negasse sibi  
 „*quemquam* alium videri tanti nominis oneri  
 „*sustinendo* parem, quàm Carolum: ob hunc  
 „*insignem* animum, à Legatis Caroli oblata  
 „*triginta* millia florenorum constantissimè  
 „*rejecisse*: cùmque urgeretur, ut tantum de-  
 „*cem* millia pateretur dari famulis; accipe-  
 „*rent*, dixisse, si vellent, atram neminem  
 „*mansurum* postredie apud ipsum, qui vel  
 „*aureum* accepisset: ac postredie conscensis  
 „*equis* subduxisse sese, ne pergerent esse mo-  
 „*lesti*. Quod egregium illius Principis faci-  
 „*nus*, sibi uti compertissimum retulisse Epi-  
 „*scopum* Leodiensem, qui Comitibus Impe-  
 „*rialibus* intererat, Erasmus ait. Confir-  
 „*matæque* eadem reperimus testimoniò præ-  
 „*dicti* Cardinalis Cajetani, unâ ex episto-  
 „*lis*, quas diximus ad Leonem Pontifi-  
 „*cem*. „

## Annus Christi MDXX. Monasterii CCCLXXXII.

Pont. Rom.  
Leo X.

Imp. Rom.  
Carolus V.

Archi-Ducatus Austriae  
Vacat.

Episcopus Pataviensis  
Ernestus.

Abbas Zwetlensis  
Erasmus.

**C**AROLUS Cæsar electus ex Hispaniis venit in Belgium, inde petiturus Aquisgranum, & veteri instituto coronam accepturus. Sæviebat id temporis pestis Aquisgrani, eoque hortabantur Electores Carolum, ut alium locum inaugurationi designaret. Sed ille in sententia permansit, dicens se non temerè posse mutare Caroli IV. legem. Hinc Piespordius (*sub Carolo V.*) ait: „ Inde (*è Belgio*) Aquisgranum proficiens coronam argenteam Caroli, nam suscipit annò 1520. „ Itaque Ecclesiastici Electores cum aliis multis Principibus Viris, & tum aliorum, tum Saxonis & Brandenburgici Legatis eò venerunt, & omnibus ex more peractis primò Electores, post illos Cæsar inde Coloniam abiit, ubi Imperii Conventus indictus est, & iussi Principes omnes Wormatiæ præstò esse sextâ Januarii, \* [1.] annò nimirum sequenti. Notabile est in hac coronatione Carolum non tanquam Hispaniæ Regem, sed ut Austriæ Archi-Ducem in habitu Archiducali ad coronationem processisse, uti Streinius citatus loquitur ad annum MDXX.

Porro tunc temporis Ordinis Cisterciensis Generalis erat Dominus Guillelmus, qui Erasmo Leysser Abbati in Zwetl committit vicariatum suum in visitandis omnibus Ordinis nostri Monasteriis, per Austriam, Styriam, & Carinthiam, item mandat ipsi contributionum singularium collecturam. Datum Cistercii annò Domini 1520. 12. Maji. [2.] Accepit autem Erasmus Abbas unâ cum his litteris nomina quoque Monasteriorum visitandorum, sicut & singulorum censum. Quæ omnia in litteris Erasmi intimatoriis comprehen-

duntur, quarum hic sensus est: D. Guillelmus Abbas Cistercii in Cabilonenſi Diœcesi Generalis mandat omnibus & singulis totius Ordinis Cisterciensis Monasteriorum Abbatibus, Prioribus, & Commendatariis in Capitulo Generali apud Cistercium celebrato, atque etiam Abbatissis & Priorissis, quatenus subsidium conferant, pro Generali in Curia Romana caſarum Ordinis Procuratore D. Edmundo Clare-Vallis Abbate, cujus Ordinis antea Procuratores fuerant D. Augustinus Trivulcius, tr. S. Adriani Diaconus Cardinalis igitur Cisterciensis in Curia Romana Protector, & D. Matthæus de Paganis in dicta Curia Protector. Suspensò interea subsidio pro Collegio S. Bernardi Parisiensi solvi solitò. Subdelegatum igitur Capitulum Generale, illiusque caput præfatus Dominus Cisterciensis, per Austriam, Carinthiam, & Carniolam Monasteriorum constituit Abbatem in Zwetl Erasmus Collectorem dicti subsidii seu contributionis; cujus sicut & Monasteriorum talem accepit Indicem, quem placet quoque posteris referre, ut videant, quæ tunc temporis & quot in Austria & ad Austriæ Diœcesim Monasticam Ordinis nostri numerabantur sine ordine ætatis seu foundationis, ita verò sonat: „ De Hilaria 20. florenos Rhenenses: „ de Cella-Angelorum 10. fl. de Paumgartenperg 22. fl. de Seissenſtain seu de Valle-Dei 12. fl. de Zwetla 21. fl. „ de Sancta-Cruce 25. fl. de S. Trinitate in Nova-Civitate Austriæ 15. fl. „ De Novo-Monte 15. fl. de Runa 25. fl. „ de Victoria 20. fl. de Pûrtich 12. fl. „ de Landſtraß 7. fl. de Altvado 13. fl. de Alto-Fonte 7. fl. Nomina „ verò Monasteriorum Monialium sequen-

„ quentia erant : S. Spiritus citra civi-  
 „ tatem Ypsani 7. fl. de Felici-Valle  
 „ 20. fl. de Impulhofen seu Pulhofen  
 „ 10. fl. de Ybs 6. fl. de Schleibarich  
 „ (*Schlörbach*) 8. fl. de S. Nicolao Vi-  
 „ ennæ 8. fl. de Schönfeld Superiori  
 „ 10. fl. de Schönfeld Inferiori 8. fl.

„ de S. Bernardo de Peuchreich aliàs  
 „ in regno Boiorum 13. fl. Datum in  
 „ Diffinitorio Cisterciensi annò Do-  
 „ mini 1520. 8. Maji. „ [3.] Hæc  
 „ de collectura subsidii Ordinis : nihil ta-  
 „ men aliàs de visitatione Monasteriorum  
 „ præfatorum reperio.

## ADDITIONES.

\*[1.] Surius in Commentario hoc anno.  
 Streinius in Annalib. Austriæ hoc anno.  
 Cuspinianus in Cæsaris. sub Maximiliano.  
 Pontus Heuterus in Carolo V. lib. 8. cap.  
 10. „ Designatus erat à Carolo Septem-  
 „ Viris Octobris dies sextus hujus anni con-  
 „ veniendi Aquisgranum, sed qui in vicesi-  
 „ mum primum est translatus propter pullu-  
 „ lantem ea in urbe pestem. Rogarant eum  
 „ Septem-Viri, coronationis locum mutaret;  
 „ sed civibus morbi frequentiam ob fastos  
 „ sumptus extenuantibus, respondit se Caroli  
 „ Quarti Cæsaris legem infringere nolle. Con-  
 „ veniunt itaque Aquisgranum Archi-Præsul  
 „ Moguntinus &c. - - - Postridie (*corona-*  
 „ „ *tionem*) Cæsar dat cœnam Septem-Viris.  
 „ Tertio die inter Missæ solemnia Moguntinus  
 „ suggestum ascendens, populo exponit Sum-  
 „ mum Pontificem, approbata creatione ac  
 „ coronatione, Regi Carolo Cæsaris titulum  
 „ concessisse.

Cap. 11. „ Inde mense Octobri exeunte  
 „ Cæsar dimissis Septem-Viris Coloniam ve-  
 „ niens, Imperii conventum Wormatiæ in  
 „ sextum Januarii diem anni 1521. indicit.]  
 „ Spondanus ad hunc ann. n. 3. „ Non  
 „ ita Carolus Cæsar (*ut Fridericus Saxo, qui*  
 „ „ *in tuielam suam suscepit Lutherum*) qui è  
 „ contra pro munere Advocati & Defensoris

„ Ecclesiæ, Lutheri libros à Sede Apostolica  
 „ damnatos flammis ablumi iussit; factumque  
 „ est in Belgio & proximis Imperii civitati-  
 „ bus. Hoc enim anno proficiscens ab Hi-  
 „ spania in Germaniam ad coronam regni  
 „ Romanorum accipiendam &c. „

Joannes Cochläus de aët. & scriptis Lu-  
 theri sub hoc anno. „ Venerat Carolus V.  
 „ Imperator electus ex Hispaniis per Ocea-  
 „ num in Flandriam & Brabantiam, terras suas  
 „ hæreditarias, Imperialia comitia celebratu-  
 „ rus Wormatiæ. Qui ubi à Nunciis Apo-  
 „ stolicis Marino Caracciolo & Hieronymo  
 „ Aleandro accepisset Bullam Papæ Leonis X.  
 „ contra Lutheri libros editam, memor titu-  
 „ lorum suorum; cum diceretur & esset Rex  
 „ Catholicus Hispaniarum, ac Imperator Ro-  
 „ manorum, Religiosæ suæ & pietatis & obe-  
 „ dientiæ mox certissima exhibuit indicia, se-  
 „ verè præcipiendo, ut M. Lutheri libri à Se-  
 „ de Apostolica damnati publicè combure-  
 „ rentur. Combusti sunt igitur per lictores  
 „ & carnifices tum in Brabantiae urbibus, tum  
 „ in civitatibus Imperii, Coloniae, Mogun-  
 „ tiæ, &c. Lutherus verò irâ æstuans, cum  
 „ non posset gladio, calamò eam injuriam  
 „ vindicare statuit &c. „

[2.] Ex Autographo ipsius.

[3.] E literarum monumentis.

## Annus Christi MDXXI. Monasterii CCCLXXXIII.

*Pont. Rom.*

Leo X.

*Imp. Rom.*

Carolus V.

*Archi-Dux Austriae*

Ferdinandus I.

*Episcopus Pataviensis*  
 Ernestus.

*Abbas Zwetlensis*  
 Erasmus.

**P**ontifex Romanus Leo X. febrì in-  
 graveſcente pene quinquagenarius  
 Calendis Decembris ex hac vita ſublatus  
 eſt, cui anno ſequenti primum alter  
 in Petri Cathedra ſubſtitutus fuit, ſicut  
 ibi videre erit. \* [1.]

„ Poſtquam Carolus trajecit mare,

„ ut loquitur Cuspinianus, Aquisgrani  
 „ ſplendidiffimè coronatus, divertit  
 „ Wormatiæ, publicum celebraturus  
 „ Electorum & Germaniæ Principum  
 „ conventum, miſſis litteris præcepit  
 „ Viennensibus factioſis deponere ad-  
 „ miniſtrationem, quam ſibi vi uſur-

„ pave-

„ paverant, ac vivere moribus magis  
 „ compositis. Paulò post dehinc Au-  
 „ striam, Stiriam, Carinthiam, Carnio-  
 „ lam fratri tradidit Ferdinando Prin-  
 „ cipi Hispaniarum, Archi-Duci Au-  
 „ striæ possidendas. Qui Annam Vla-  
 „ dislai Regis Ungariæ & Bohemiæ fi-  
 „ liam uxorem duxit, ac illas jam feli-  
 „ citer Australes regiones moderatur. „  
 „ [2.] Hæc Cuspinianus, & paulò post:  
 „ Missis itaque Oratoribus cum man-  
 „ dato & consensu Regis Caroli, Fer-  
 „ dinando (*Anna sciùcet præfatæ*) de-  
 „ sponsatur. Qui vigesimo primò annò  
 „ post mille quingentos matrimonium  
 „ cum ea Lincii in Superioris Austriæ  
 „ oppido consummavit, ut paulò antè  
 „ scripsimus. [3.] Streinius diem  
 „ Lincii nuptiarum indictam ait fuisse  
 „ in Dominica Trinitatis, nimirum 26.  
 „ Maji: resignasse autem Carolum fra-  
 „ tri Austriam cum incorporatis pro-  
 „ vinciiis 24. Aprilis Wormatiæ in con-  
 „ ventu Principum. Austriaci verò  
 „ ad festum Corporis Christi Wellæ  
 „ Principi Ferdinando præstiterunt  
 „ homagium. Conventus deinde men-  
 „ se Julio apud Pœsenpeugen ac tan-  
 „ dem Lincii Provincialium utriusque  
 „ Austriæ indictus fuit, in quo Principi  
 „ Factiones querelas suas deposuere,  
 „ nam defunctò Maximilianò tumultu-  
 „ atui fuere, Magistratum Gerentes &  
 „ in eo post mortem permanendos con-  
 „ firmavit Cæsar decumbens, quos ipsi  
 „ deposuere, aliòsque substituere. [4.]  
 „ Addidit quoque Carolus Imperator  
 „ Ferdinando ad supradictas provin-  
 „ cias Tirolim, Comitatum Görcken-  
 „ sem, Wirtenbergensem Ducatum,  
 „ aliàsque à Maximiliano avo suo pos-  
 „ sessas provincias unà cum Ducatu  
 „ Burgundiæ in recompensationem. „  
 „ Neapolitani Legati resignati. „ [5.]  
 „ Scripsi suprà Carolum Wormatiæ  
 „ conventum Principum Germaniæ ce-  
 „ lebrissimum habuisse, in quo etiam Le-  
 „ gatus de Latere Nuntius Apostolicus  
 „ Hieronymus Alexander aderat, is multis

verbis, ut erat eloquentissimus, gravi-  
 simè accusavit Lutherum seditionis, re-  
 bellionis, impietatis, blasphemiæ & hæ-  
 reseos. Sed absentem tuebatur Frid-  
 ricus Saxoniæ Elector: donec è Princi-  
 pum decreto Lutherus accersiri jubere-  
 tur. Quò cùm devenisset, libros qui-  
 dem suos agnovit, sed eos revocare  
 noluit, inquiens, se nihil contra fidem  
 scripsisse. Carolus hæc percipiens,  
 tandem epistolâ sermone Burgundico  
 ad Senatum Imperii datâ, egregiè avi-  
 tam suam fidem ac in Sedem Apostoli-  
 cam Romanam reverentiam testatus est,  
 cuius datum est 19. Aprilis 1521. Tan-  
 dem è Wormatia dimissò Lutherò, &  
 insolentiùs se scriptis habente, Carolus  
 gravissimum edictum contra novatores  
 orthodoxæ ac Catholicæ Religionis pro-  
 mulgavit, in quo inter cetera dicit, Lu-  
 therum non hominem, sed diabolum  
 sub humana esse specie, qui in perni-  
 ciam humani generis permultas olim  
 damnatas hæreses in unam sentinam  
 congerierit. [6.] Hæc fusiùs habet  
 Surius.

Interea Solimannus Turca in Pan-  
 nonia seu Ungaria Belgradum insigne ad  
 confluentes Savum atque Danubium  
 munimentum, digladiantibus inter sese  
 Christianis, expugnavit, [7.] unde  
 ipsi postea non tantum in Ungariam  
 porta aperta, sed quoque in Austriam  
 ad obsidendam Viennam via facta est.

„ Præterea Status Austriæ Inferio-  
 „ ris ab Abbate in Zwetl petunt nume-  
 „ rari ducenta quinquaginta tria talen-  
 „ ta, 4. fol. 23. den. nam uti fatentur,  
 „ à Provincialibus ad 80000. florenor-  
 „ um promissa fuisse Ferdinando Prin-  
 „ cipi Hispaniæ & Austriæ Archi-Duci  
 „ &c. quando illi homagium Ipsii seu  
 „ Vspii præstiterè. Pecunia autem dan-  
 „ da est D. Joanni de Puechaim in Gel-  
 „ lersdorf, D. Bernardo Præposito ad  
 „ S. Dorotheam Viennæ, & Ambrosio  
 „ Wisent. Datum annò Domini  
 „ 1521. Sabbatò Achatii, nimirum 22.  
 „ Junii. „ [8.] Hanc pecuniam à  
 Bbb bb Caro-

Carolo Imperatore petitam Streinius affirmat 24. Aprilis sub dato WORMATIÆ diplomate Cæsareo, quam fratri suo resignasse affirmat. [9.]

Monasterium etiam Zwetlense aliquamdiu vexaverat homagiis & spoliis in subditis suis nobilis quidam dictus Georgius habitans in Slawings, qui tandem cum Erasmo Abbate pacem iniens acceptâ prius certâ pecuniâ harum testimonio literarum, & ut firmius eam observare velit, adducit testes subscriptos: Nobilem Virum D. Hieronymum Skusrowsky de Skusrowa, Stanislaum Hansko de Sachradko in Urbans cum sigillis suis, item honestos & sapientes viros Joannem Peirl Judicem in Slawings, Sigismundum pannificem Senatorem ibidem, item Joannem Obern-

dorsium Scribam ejusdem loci cum sigillis suis. Actum in Slabings feriâ sextâ ante festum Michaelis, nimirum 27. Septembris annô Domini 1521. [10.]

Demum Ferdinandus Princeps Hispaniæ, Archi-Dux Austriæ, Dux Burgundiæ &c. perrexit Græcium in Stiriam, ubi conventum Austriæ Procerum tertium habuit, cum unum Welfii, alterum in Poesenpeugen seu Ypsii celebrâset. Hoc probat ipsius quoddam diploma super Wolfgangi Strainperger supplicatione datum, quo satisfieri jubet mandatis suis positâ pœnâ 500. ducatorum. Datum Græcii annô Domini 1521. 3. Novembris. [11.] Quid tamen hoc diplomate Archi-Dux velit, hæcenus repetire non potui.

## ADDITIONES.

\* [1.] Ciaconius in Leone X.  
Pontus Heuterus in Carolo V. lib. 8. cap. 12. „Leo Papa epotò venendò in ipso  
„ætatis flore è vivis excedit; succeditque  
„illi Adrianus VI. Cardinalis Derthusiensis,  
„Cæsaris Pædagogus.”  
Spondanus hic n. 9. „Paucos autem  
„ante obitum dies Placentiam, & eodem quo  
„obit die Parmam captam intellexit. Qua  
„ratione in summa felicitate & gloria, si ho-  
„minum intueamur opinionem, obisse dici  
„potest. Quod quidem contigit Romæ,  
„quò se (ex villa Manliana) mox reduci cu-  
„ravit quartò Nonas Decembris: & ut suspi-  
„cio fuit, ex lento veneno, ipsi à quodam  
„ejus cubiculario, atque à poculis ministro,  
„propinato: cujus tamen inquisitionem (ut  
„Jovius ait) Cardinalis Medicæus sopitam  
„voluit, nè fortè in nomen alicujus magni  
„Principis inexpliabili cum invidia redunda-  
„ret. Vixit quadraginta sex annos, uno  
„minùs die: sedit annos octo, menses octo,  
„dies viginti. Cadaver in Basilica Vaticana  
„lateritio tumulò tum sepultum, postea Pau-  
„lo III. Pontifice ad ædem Minervæ, unâ  
„cum Clementis VII. corpore translatum, &  
„nobilissimò marmoreò monumentò condi-  
„tum est.”

[2.] Cuspinianus in Cæsarib. sub Maxi-  
miliano.

Pontus Heuterus ubi suprâ.

[3.] Idem ibidem.

Item Surius in Commentariò hoc anno.

[4. & 5.] Rich. Streinius in Annalib. Au-  
striæ Superior. hoc anno.

[6.] Surius ubi suprâ.

[7.] Idem eodem loco addens: „Cum  
„jam antea Amurathes ejus abavus & proa-  
„vus Mahometes magnis acceptis detrimen-  
„tis re infecta inde discedere compulsi fuiss-  
„sent. Facile id fuit Tyranno, quòd inter  
„Ludovicum Regem juvenem & Proceres  
„Pannoniæ parum conveniret, ideòque nulla  
„firma præsidia hosti barbaro opposuissent.”  
Spondan. ubi suprâ n. 14. „Solimanus Tur-  
„corum Imp. exercitum adversùs Hungaros  
„duens, mense Septembri, primitias expe-  
„ditionum suarum; Belgradum, (Albam etiam  
„Græcorum dictum, olim Taurunum ad consuetu-  
„tem Savi & Danubii inchoarum fluminum  
„situm) munitissimum totius Hungariæ oppi-  
„dum, & validissimum Christianitatis ea parte  
„propugnaculum, rebus omnibus necessariis  
„tunc destitutum, post bimestrem obsidio-  
„nem expugnavit; unâ cum Sabbatia, aliis-  
„que nonnullismunitionibus. Cujus suscepti  
„belli causam Spanduginus hanc exposuit,  
„quòd Legatus Solimani ad denunciandum  
„Hungaris bellum missus, nisi tributum sol-  
„vere vellent, malè habitus ab Hungaris fuiss-  
„set, in vindictam Legatorum Hungarico-  
„rum ignominiosè antea à Selimo Solimani  
„patre habitorum. Alii, quòd cum post  
„regnum paternum susceptum, de more fini-  
„timis Regibus promotionem suam annun-  
„ciâset, Hungari contumeliosè nuncium ejus

„tra-

» *ma*ffent. Nec verior ulla fuit, quàm  
» certa spes (ut Dubravius docet) illas mu-  
» nitiones obtinendi; cùm Rege Ludovico  
» adhuc adolescentulo annorum circiter quin-  
» decim, Proceres regni omiffâ Reipublicæ  
» curâ, fuis duntaxat commodis, voluptati-  
» bus & luxui studerent. Addit Spandugi-  
» nus, Solimanum detuliffe inde Constanti-  
» nopolim sacra corpora SS. Thæ & Vene-  
» randæ, Brachium S. Barbaræ, & Imaginem  
» Beatiffimæ Virginis: Ad quæ cùm undique

» Christiani concurrerent venerationis ergo,  
» & pecunias offerrent; Solimanum accer-  
» sito Patriarchæ minatum esse, nisi duode-  
» cim millia ducatorum solveret, projectu-  
» rum se illa in mare: Patriarcham collectâ  
» ægrè eâ summâ ex eleemosynis Christiano-  
» rum, Reliquias redemiffe. »

[8.] Ex Autographo ipsius.

[9.] Streinius in Annalib. Austriæ Su-  
perior. hoc anno.

[10. & 11.] E literarum monumentis.

## Annus Christi MDXXII. Monasterii CCCLXXXIV.

*Pont. Rom.*  
Adrianus VI.

*Imp. Rom.*  
Carolus V.

*Archidux Austriae.*  
Ferdinandus I.

*Episcopus Pataviensis*  
Ernestus.

*Abbas Zwetlensis.*  
Erasmus.

**L**eonis X. Romano Pontifici anno  
prioris è vivis abeunti, Hadrianus  
seu Adrianus ejus nominis VI. Trajecti,  
Inferioris Germaniæ urbe, patre Flo-  
rentio natus, quondam Carolo (Impe-  
ratori postea) à literis Magister, cui etiam  
Cardinali, dum in Germaniam ad co-  
ronationem suam transiret, totam Hi-  
spaniam suam uti Gubernatori commi-  
serat, 39. Cardinalium suffragiis 5. Idus  
Januarii Annò MDXXII. in Vaticano  
Summus Pontifex creatus fuit. \* [1.]  
De quo S. Malachias: Leo Florentius:  
Quia ejus pater Florentius vocabatur,  
& Leo ejus insignia fuere. Præcipua  
ipsius cura erat summorum Principum  
animos ad pacem reducere, ut arma

unanimis contra Turcam fumerent, qui  
Rhodum civitatem & insulam per mare,  
& terrâ in Ungaria fortissimum ac in-  
signe munimentum Belgradum jam ex-  
pugnaverat. Ejus tempore Lutherus  
cum suis affectis contra Christum Do-  
mini se magis erigere cœpit. [2.]

» Hoc porro anno Erasmus Abbas  
» contributionum Collector constitu-  
» tus petit ab Abbatibus Austriæ pro  
» Collegio S. Nicolai in studentium  
» Ordinis Religiosorum commodum  
» Viennæ restaurando subsidium. Da-  
» tum in Monasterio Zwetlensi 1. Mar-  
» tii annò 1522. » [3.] Hanc colli-  
» gendi subsidii provinciam accepit Annò  
MDXX. ut suprà videre est.

## ADDITIONES.

\* [1.] Ciaconius in vita Hadriani VI.  
Onuphrius Panvinus in ejusdem vita.  
Spondanus hic n. 2. » Fuit Hadrianus  
» verè Batavus Trajectinus, patre Florentio  
» aulæorum textore, seu ut alii volunt, cere-  
» visæ coctore; honesto, sed ita paupere,  
» ut præclarè indolis filium suo sumptu literis  
» imbui non posset. Lovanium igitur de-  
» ductum, in Collegio Portiorum gratuitò  
» alii obtinuit. Brevi literis, Philosophiâ &  
» Theologiâ apprime exultus, & egregiis  
» moribus conspicuus, Margaritæ Caroli Cæ-  
» saris amittæ, quæ Belgium procurabat, operâ,  
» cui ejus virtus nota fuit, primò Parochia-  
» lem quandam, deinde Decanatum Ecclesiæ

» Lovaniensis cum Vicecancellariatu Acade-  
» miæ obtinuit; præter vitæ integritatem,  
» etiam egregiis tum lectionibus, tum scri-  
» ptis quæ extant, insignis. Datus postea  
» præceptor Carolo, & Episcopus Dertulensis  
» in Hispania creatus, atque à Leone Pon-  
» tifice in numerum Cardinalium Presbytero-  
» rum tituli Pammachii SS. Joannis & Pauli  
» commendatione Maximiliani avi Caroli co-  
» optatus, denique à Carolo, cùm in Germa-  
» niam ad Imperium accipiendum iret, Hispaniæ  
» Gubernator relictus; electus est Ponti-  
» fex eo modo, quem diximus; & apud Vi-  
» ctoriam Cantabriæ oppidum nuncium suæ  
» electionis accepit; & antiquo nomine re-  
» Bbb bb a » tento

„tento Hadrianus dici voluit ejus nominis  
„Sextus &c.”

[2.] Surius in Commentario sub anno  
præcedenti.

[3.] Ex Autographo ipsius.

#### INCIDENTIA.

„Decimo sexto Calendas Novembris  
„literis docetur (*Carolus Imperator in Hispania  
„contra rebelles agens*) . . . In Germania  
„res etiam non admodum quietas esse intel-  
„ligit, quod Franciscus Sickingius, Lutheri  
„sectæ addictus, Archi-Præsuli Treverensi,  
„Ludovico Palatino, ac Philippo Hassæ Lant-  
„gravio bellum intulisset, haud dubie operâ  
„& pecuniâ Francicâ. Infestare Sickingium  
„mercatores ac viatores, latrocinari publicè,  
„ac, quod hæc tutius perpetret, Cæsaris Im-  
„perlique nomen insigniâque præferre. Sed  
„tandem detestâ dolo, eum à Ferdinando  
„Austriæ Archi-Duce, ceterisque Imperii  
„Principibus proscriptum, obsessumque in  
„propria arce Neustella, ibique tormenti  
„globò casu occisum, Ditionemque ejus  
„omnem esse occupatam.

„Eodem tempore Margarita Austriaca,  
„Cæsaris amita, Burgundiæ Comes, cum Ordi-  
„nibus Ducatus Burgundiæ, ut neutrius mane-  
„rent partis, convenerat, consentiente Fran-  
„corum Rege. Quare, ut Cæsar idem permitte-  
„ret, enixè petebat. Sinè ulla difficultate id  
„amitæ tribuit. Deinde fit certior, fratrem  
„Ferdinandum, rebus in Austria ex voto con-  
„stitutis, viros octo nobiles, præcedentis re-

„bellionis duces, capite puniisse. Obsedisse  
„Turcas in Carniola munitissimam arcem,  
„congressosque cum eis Austriacos tria mil-  
„lia interfecisse, ceteros in fugam egiisse.”  
Pont. Heuterus lib. 8. cap. 15.

„Cum igitur Lutherus complicisque sui  
„præ se contemnerent omne iudicium Eccle-  
„siasticum, rebelles non modò suis Priori-  
„bus & ordinariis iudicibus, verum etiam  
„summis Ecclesiæ verticibus, Papæ & Impe-  
„ratori, tantòque elati essent fastu despo-  
„tationis, ut ne Universali quidem Concilio  
„dogmata sua, quæ pro Evangelio habent,  
„submittere velint, & rem proximè jam ad  
„tumultum & seditionem popularem perdu-  
„xissent: miserunt condolensque Germanicæ  
„Nationi Christiana pietate Illustrissimus  
„Anglorum Rex Henricus, hujus nominis  
„Octavus, rarò nimis & cunctis sæculis ad-  
„mirandò devotionis exemplò, ex Regali fa-  
„stigio in literariam descendit harenam, con-  
„tra maledicum decertaturus mendicantium  
„fratrum Apostatam. Scripsit itaque Affec-  
„tionem Septem Sacramentorum, adversus  
„Captivitatem Babylonicam Lutheri, ad Leo-  
„nem X. Papam: adeo sanè disertè, eruditè  
„ac copiosè, ut eo labore promeruent, ipsius  
„Papæ omniumque Cardinalium iudicio  
„perpetuæ laudis titulum, ut publica dein-  
„ceps approbatione diceretur, fidei Catho-  
„licæ Defensor &c.” Cochlaus de actis &  
scriptis Lutheri hoc anno.

Item Surius ubi suprâ.

### Annus Christi MDXXIII. Monasterii CCCLXXXV.

*Pont. Rom.*

Adrianus VI.

*Imp. Rom.*

Carolus V.

*Archi-Dux Austriae*

Ferdinandus I.

*Episcopus Pataviensis*  
Ernestus.

*Abbas Zweilensis*  
Erasmus.

**A**drianus Papa VI. cum gravissimo  
renum dolore conflictatus in Va-  
ticano Romæ piè obiit, octavò Calen-  
das Octobris, annò MDXXIII. Sepul-  
tus primùm in Basilica S. Petri, deinde  
à Gulielmo Enkhavordio, quem uni-  
cum Cardinalem creaverat, in æde S.  
Mariæ Germanorum Romæ translatus  
fuit, in marmoreum sepulchrum figu-  
ris & imaginibus ornatum conditus. Cui  
in Petri Cathedra substituitur Julius Me-  
dices, Florentinus, Presbyter Cardi-  
nalis tit. S. Laurentii in Damaso, S. R.

Ecclesiæ Vice-Cancellarius 13. Calen-  
das Decembris, annò MDXXIII. De  
quo plura anno sequenti. \* [1.]

Dum hoc anno Carolus Imperator  
bellum cum Francisco Gallorum Rege in  
Imperii electione suo competitore &  
æmulo prosequitur, licet Adrianus VI.  
Pontifex maximè laboraverat bellum  
hoc impedire, qui Principes contra  
Turcam arma capeffere hortatus fuerat.  
[2.] Interea Ferdinandus Archi-Dux  
Austriæ Neapoli residens & Turcarum  
successum considerans, milites conscri-  
bere

bere cœpit ad provinciæ suæ defensionem, ideo omnibus Statibus subsidium pecuniarium imposuit. „ Unde Erasmus Abbas coactus unâ cum Conventu concedunt plenipotentiam F. Simoni Tyem conventuali suo, & Sigismundo Leysser, quem Abbas cognatum suum apud se tenebat, vendendi aliquot vasa argentea & clenodia ad comparandas pecunias pro subsidio petitas. Datum in Monasterio Zwet-

„ lensi, feriâ quartâ post Dominicam „ *Quasimodo*: nimirum 29. Aprilis, anno 1523. „ [3.] „ Unde Dominus Matthias Götvicensis, & Dominus Michael Scotorum Viennæ Abbates fatentur se accepisse à D. Erasmo Abbate in Zwetl pro auxilio contra Turcas 250. talenta denariorum. Actum Viennæ 21. Maji, anno 1523. „ [4.]

## ADDITIONES.

- \* [1.] Ciaconius in Adriano VI. Onuphrius Panvinius sub eodem & alii.
- [2.] Ciaconius ubi supra.
- Surius in Commentar. anno 1522. & 1523.
- [3.] Ex Autographo ipsius.
- [4.] Ex Apocha ipsorum.

INCIDENS.

„ Hoc anno Bruxellis, quæ est Brabantiae

„ præclara urbs, duo Professionis Augustinianæ ob Lutheri dogma flammis exusti sunt. Illos verò Lutherani non aliò quàm Martyrum locò habent, quemadmodum etiam Joannem Hussium & ejus farinae alios hæreticos. „ Surius ad hunc annum. Item Spondanus hic n. 14.

Annus Christi MDXXIV. Monasterii CCCLXXXVI.

*Pont. Rom.*  
Clemens VII.

*Imp. Rom.*  
Carolus V.

*Archi-Dux Austriae*  
Ferdinandus I.

*Episcopus Pataviensis*  
Ernestus.

*Abbas Zweilensis*  
Erasmus.

**P**Ræcedenti adhuc anno Julius Mediceus à 38. Cardinalibus decimò tertiò Calendas Decembris Pontifex Maximus fuit salutat, & proximò sextò Calendas Decembris thiarâ redimitus, vocatus Clemens VII. \* [1.] De quo ita S. Malachias: Flos pilæ nigræ. Erat enim Florentinus de domo Medicea, cujus insignia pila & lilia.

Interea in Italia bellum Gallicum cum Cæsare varios habuit eventus, in Germania verò Religio à Luthero ejusque affectis mirè proscindebatur: Lutheri acta egregiè depicta Lector inveniet apud Surium, hoc, præcedentibus, & sequentibus annis. [2.] Et ipse Lutherus verè tumultus rusticorum, qui anno sequenti erupit, causa esse perhibetur, ita enim Surius loquitur: „ Hæc autem omnia (*scilicet Acta Lutheri*) non parùm faciebant ad cien-

„ das turbas & seditiones concitandas: „ nec possunt Luteri studiosi ab illo „ amoliri culpam tumultus rusticorum, „ qui paulò post secutus est. Suis enim „ importunissimis scriptis nonnisi bellicum cecinit: nec tamen advertit „ misera plebs, quem hominem sequeretur. Miscebat enim seditionis vocibus verba quædam pietatis quam speciem præferentia, & hac arte tegebat animum sanguinarium. „ [3.] Hæc ille.

Porro cum Norimbergam conventus Principum causâ Religionis indictus fuisset, Carolus in Hispaniis degens illum ratum habere noluit. Interea antequam literæ Imperatoris venissent in Germaniam, Legatus Pontificis Campegius, Ferdinandus Austriacus, Episcopus Salisburgensis, Duces Bavarie Wilhelmus & Ludovicus, & aliquot

Ccc cc

Episco.



Episcoporum Legati, Ratisbonæ conventus habuere, atque inter se foedus percusserunt, quo Lutheranae hæræsi possent fortius ire obviam: multa quoque ibi saluberimè decreta sunt pro Catholica tuenda Religione, & Lutheri dogmatibus profligandis & extirpandis. Legatus quoque Pontificis Campegius, quod intellexisset Cleri malam vitam multis è vulgo ruendi in hæræses magnam præbere occasionem, quædam decreta promulgavit, quibus Cleri mores reformarentur, & abusus removerentur, quæ alii quoque Principes grata & rata habuere. [4.] Hæc Surius suprà citatus. Inde conspicitur Austriacorum Archi-Ducum in Ecclesiam Apostolicam, Catholicam, Romanam devotio, Ducum Baviaræ pietas, ac aliorum Ecclesiasticorum in tanta Religionis perturbatione constantia.

In Austria hoc anno Ferdinandus

Archi-Dux edictum divulgari facit de moneta, quæ iusta, quæ injusta sit, ac certum cuilibet pretium pronuntiat. Datum Viennæ 28. Julii, annò 1524. [5.]

„ Legitur etiam Erasmus Abbas Jo-  
„ anni Lechner de Gegend dicto, tunc  
„ Archiducali vendendarum rerum.  
„ Censori vulgò Ungelster in oppido  
„ Loyfs manenti, ad septennium curiam in Cammern certis sub conditionibus in literis desuper datis insertis concessisse, quarum datum est in Monasterio Zwetlensi in die Georgii, annò 1524. [6.] Eodem die & anno dictus Lechner etiam fatetur à D. Abbate prædicto accepisse librum fundi & calicem argenteum deauratum cum integro Missæ ornatu. Actum in Monasterio Zwetl uti suprà. Hanc postea curiam Cammern idem Abbas uni de familia sua ad perpetuū redimendam vendidit. [7.]

## ADDITIONES.

\* [1.] Ciaconius & Onuphrius Panvinius sub Clemente VII.

[2.] Surius in Commentario ab anno 1517. 1518. 1519. 1520. &c. & hocce anno. „ Hac ferè tempestate Bennonis olim Misnensis „ Episcopi, quem paulò antè Adrianus Pontifex Divorum Catalogo adscripserat, ossa „ & reliquæ venerabilitet è vetusto terræ „ tumulo elevatæ sunt, & annuæ feriæ in ejus „ honorem institutæ. Id supra modum malè „ habuit Luterum, quod cerneret muleum „ suis conatibus detractum iri eâ antiquæ pietatis famâ & observantiâ. Mox ergo libellum edidit hac inscriptione: Adversus „ novum idolum & antiquum diabolum, qui Misnæ exaltandus est. „ Ita ille insanus nec divis quidem jam beata „ apud Christum immortalitate fruentibus parcendum putavit. - - - Per hoc tempus Zuinglius non contentus à Lutero dici „ Luteranus, sed ipse potiùs de suo nomine sectam auspicari cupiens, non solum Catholicos Transsubstantiationis assertores, sed etiam Luterum ipsum, unâ cum pane & vino „ verum Christi corpus & sanguinem in Eucharistia haberi dicentem, oppugnare cœpit. Hoc quidem pessimè habuit Luterum, „ & hæc res occasionem præbuit atrocissimæ

„ illi inter Luteranos & Zuinglianos digladiationi, quæ in hunc usque diem componi non potest. Rectè hoc permisit sapiens & bonus Deus, ut Luteri arrogantia à proprio discipulo comprimeretur, & mortales omnes intelligerent, rectissimè dixisse D. Hieronymum, scripturas non in legendo, sed in intelligendo consistere. - - - Postea libellos aliquot Carolstadius Basiliæ edidit, quorum summa erat, non esse Christi corpus naturaliter in Eucharistia, nec tamen Zuinglii sententiam sequebatur, sed nova interpretatione ait, pronomine demonstrativo, Hoc est, monstrasse Christum corpus suum mensæ assidens, non autem sub panis specie contentum. Hanc stultissimam opinionem Anabaptistæ quidam amplectebantur, & Zuinglii atque Luteri interpretationem rejiciebant. Porro Zuinglius Carolstadium dicebat veritatem quidem agnoscere, sed quia troporum vim ignoraret, verba non recto ordine collocare. At ridicula fuit ea Zuinglii oratio, qui jam sibi de collega, licet inepto, nonnihil applaudebat: Alii Carolstadii expositionem ceu nimis duram & violentam respuebant. Inde accidit, ut Senatus Tigurinus caverit, ne libelli Carolstadii in urbe sua venderentur. „

[3.]

[3. & 4.] Idem ibidem. „ Sub hoc ferme tempus ex Hispaniis Carolus Cæsar litteras dedit ad Principes, quibus decretum Norinbergenſis conventus acriter reprehendit, & comitia Spiræ indicta fieri vetuit, ubi Principes & Ordines Imperii rationem inituri erant constituendæ religionis usque ad tempus Concilii. Id enim ad ipsos minime ait pertinere. „

Pontus Heuterus lib. 9. cap. 1. „ Hujus anni æstate Germani, Cæsar in Hispaniis agente, primum Norimbergæ, deinde Ratisponæ conventus egerant, tertiumque Spiræ mense Novembri indixerant. Sed

„ acceptis à Cæsare ex Hispania literis, conventus Spiranus omittitur, Norimbergicæ verò ac Ratisponensis pro parte decreta abolentur, quod disertis Cæsar verbis juberet, decreta conventus Wormatiani, in quo Lutherus ejusque doctrina communi Principum Germaniæ sententiâ erat condemnata, rejectæque, nisi suam promereri indignationem mallet, observarentur; confirmans tamen ac rata habens quæ frater Ferdinandus in conventu Ratisponensi proposuerat, ac à Principum sententiâ decreverat. „

[5.] Ex Edicto illius.

[6. & 7.] Ex Autographo ipsius.

## Annus Christi MDXXV. Monasterii CCCLXXXVII.

*Pont. Rom.*  
Clemens VII.

*Imp. Rom.*  
Carolus V.

*Archi-Dux Austriae*  
Ferdinandus I.

*Episcopus Pataviensis*  
Ernestus.

*Abbas Zwetlensis*  
Erasmus.

**J**ubilæum Clemens Pontifex hoc anno promulgavit, sed neque in Italia, ubi bellum agebatur horrendum inter Hispanum & Gallum, neque in Germania rusticis toto Imperio tumultuantibus, Jubilæum locum invenerat. \* [1.] Quem tumultum rusticorum Ciaconius citatus ascribit Thomæ Münzero, qui doctrinâ suâ perversâ Anabaptistas procreavit, qui omnia libera & communia esse dicentes, non solum prophana, sed Ecclesiastica etiam bona præcipientes invadebant, & pluribus remotisque regionibus, præsertim Italiæ hostilem impressionem minabantur. Sed partim vi, partim dolo ad centum & quinquaginta hominum millia cæsa sunt. [2.] Hæc Ciaconius. Onuphrius citatus supra causam hujus tumultus rusticorum ascribit Lutheri doctrinæ, quod etiam ad longum Surius [3.] egregie demonstrat, quem Lector cupidus prolixè scribentem adire poterit. Ubi verò coeperit, Onuphrius ita loquitur: Coepit exitiabilis superstitio in Pannonia Inferiore, mox latius serpens Superiorem etiam, & demum totam Germaniam pervasit. Et Münzerus Anabaptistarum hæresarcha, Lutheri discipulus, variè persequetur,

unde Surius, è Praga Bohemiæ, è Gutterbachio Marchiæ, ex Zwicaccia oppido Electoris Saxonie, ex Hallis Comitatus Tyrolensis, ex Alsteto, unde ipsum Lutherus ipse fecit expelli, Münzerum repulsum fuisse scribit, qui demum ab Ernesto Catholico Comite à Mansfeld in Franchusio captus, postea gladiò cæsus fuit, & dicitur in fine resipuisse. [4.] Talem libertatem Evangelicam etiam rustici Salisburgenses arripuere, cum enim Matthæus Langius Cardinalis, Archi-Episcopus Salisburgensis aliquot ejusdem facis Anabaptistas in ferri officinis servientes, vulgò *Bergknappen* / decapitari curasset, ceteri in ipsum insurgentes quamprimum cives in suam partem adduxerunt, unde capientes civitatem, illamque spoliantes Archi-Episcopum in arce sua obsederunt, donec à Ludovico Bavarie Duce copiis militaribus missis liberatus, certis cum ipsis factis conditionibus convenit, ipsosque ad quietem reduxit. Simili modo in Stiria & in Carinthia tumultuatum fuit, ubi rustici semper liberi esse voluerunt, nobilitatēque, & Ecclesiasticum statum deletum habere gestiebant, verum hi non nisi armis expu-

Ccc cc a

gnari

gnari & deleri debebant. [5.] Patavienſis etiam Epifcopus Erneſtus in Anabaptiſtarum ſaſſionis hæreticos, aliósque qui paſſim eo tempore odió Cleri ſuboriebantur, graviſſimè animadvertit, quàm plurimos ultimó ignis ſupplició cremandos vivos tradidit, atque demum ſupra triginta à Liechtenſtainio regulo in exilium miſſos, ſolique mutandi cauſà Pataviam confluentes, in carceres coniecit, donec totó trienniò morerentur partim, partim cuſtodum incurià elaberentur. [6.] Hucufque Hundius. Streinius etiam ad longum agit de rebellione ruſticorum tam in Inferiori quàm in Superiori Auſtria exorta, contra quos dicit concluſum fuiſſe, ut tria millia militum conſcriberentur, quorum uni Auſtria Inferior, alteri Auſtria Superior, & tertio Stiria, Carinthia, Carniola ſtipendia ſolverent, &c. [7.]

Dum hæc in Germania geruntur, Carolus in Italia cum Franciſco Gallorum Rege bellum proſequitur, donec ad Ticinum Gallorum Rex ipſe in acie fortiter pugnans, ſuo atque equi vulnere remoratus à Cæſareanis capitur, exercitus ejus in fugam vertitur, atque in Hiſpaniam Rex captivus deducitur. Interiøre hoc prælio nobiliſſimi quique Francorum Duces, capti Rex Navarræ, Hanno Metmorantius, & alii multi maximi nominis & dignitatis viri. Quæ pugna & victoria in feſto S. Matthiæ, nimirum in die Caroli Imperatoris natali, 24. Februarii contigit. [8.]

Interea Romæ mirabilis mutatio facta fuit, dum Pontifex cum Pompejo Columnenſi totâque familia rixas fovet. Columnenſes enim, Pontifice omnibus præſidiis nudato, Hugone Moncata ſibi adjuucto, copiis reparatis & brevi autis, Romam Cœlimontanâ portâ irrupunt, & Xiſti pontem ad Septimanâ portâ cum armatis inſtructisque agminibus ad Vaticanum contendunt. Clemens rebus deſperatis trepidus in arcem fugit, fruſtrâ auxilium opemque quærens. Ne-

mine igitur in tanto Pontificis periculo repugnante, Columnenſes in Urbem Leoninam irruerunt, & Palatió Vaticanó omni ſuppelleſtile ſacra & prophana direptó, in omnium quoque auguſtiſſimam Baſilicam S. Petri neſarias manus injeccere. Clemens ita circumventus, cùm, comeatu in arce deficiente, nullam in aliquo ſpem haberet, Hugonem Moncatam ad colloquium advocavit, qui cum eo certis cum conditionibus pacem facit, Pompejo graviter indignante, qui ſperabat capto vel quoquo modo ſublato Pontifice, ſe ſummum Sacerdotium adepturum. [9.] Atque hæc irruptio præludium poſt alterum annum futuræ erat: & mirabilis Romanæ Eccleſiæ facies.

Circa Monasterium Zwetlenſe occurrunt hoc anno ſequentia: „Dominus Joannes de Neudegk in Rana ſcribit Wolſgango Erndorfer Magiſtro Al lodiorum propter quendam Monasterii colonum ob exceſſus ſuos in ſe commiſſos puniendum. Datum in Rana ſeriâ ſextâ ante Invocavit, nimirum 17. Februarii annó 1525. „ [10.] Hic ruſticus etiam ex eorum numero eſſe videtur, qui contra nobiles conjurârunt.

„Ferdinandus Archi-Dux Auſtriæ ad Eraſmum Abbatem Zwetlenſem dat literas credentiæ, quibus mandat D. Doctori Joanni Fabri Coadjutori Episcopatus Novæ-Civitatis, ſibi à Conſiliis, & Nobili Viro D. Wolſgango Baroni de Rogendorf & Mollenburg, ſibi etiam à Conſiliis & Camera, quidquid nomine ſuo proponent, fidem dari. Datum Oeniponti 18. Aprilis annó 1525. „ [11.] Conjector ſecreta fuiſſe ob ſectam Anabaptiſtarum inter ſubditos impediendam, cùm hoc anno illa ruſticos adeó demenſarât, ut contra Dominos ſuos paſſim arma capeſſentes inſurgerent ac rebelarent. Quod magis ſequentes literæ ex Camera Archi-Ducali Inferioris Auſtriæ emanantes declarant, cujus Aſſeſſores

fores Erasmo Abbati scribunt; „ quatenus ad actionem D. Doctōri Fabri, cui pro tumultu rusticorum sedando (qui præsertim Religiosis & Sacerdotibus cujuscunque statūs vel Religionis formidabilis est & exitium minatur) in belli prosequendi subsidium tria millia florenorum dare promiserat, pro hac vice mediam ejus partem solvat, si totum dare non potest. Datum Viennæ 27. Maji, annō 1525.

[12.] Ad hæc magis intelligenda Rich. Streinius de Swarzenaw scribit, quosdam ex Inferiori Austria ex omni statu leſos ad Archi-Ducem missos fuisse, quos nominat: „ Reverendissimum Principem D. Joannem Geyman Magistrum Supremum Ordinis S. Georgii; N. D. Abbatem Campoliliensem; D. Christophorum de Zinzendorf; Joannem Hauserum; Sebastianum Grabnerum de Rosenberg; Gabrielem Guetrater Juris Licentiatum & Syndicum Viennensem; Paulum Freyhammer civem Cremsbensem. „ [13.] Quibus Archi-Dux puncta in comitiis provincialibus in Austria Inferiore ad 10. vel 12. Aprilis diem celebrandis consultanda proponit, nimirum consultationem de armis contra rusticos parandis, & pecunia in subsidium belli Turcici danda: unde Doctor Faber eam rem urserat, & Camera Aulicam saltem mediam promissæ pecuniæ partem ab Abbate petierat.

„ Rursum Ferdinandus Archi-Dux ad compescendos tumultus rusticorum Abbati in Zwetl mandat, ut tres equos in bellum instructos feriâ quintâ post Pentecosten, nimirum 6. Aprilis mittat absque mora Corneoburgum ad Camerarium & Consiliarium suum Comitem Nicolaum de Salm, qui in omnibus ipsis provideri curabit. Datum Viennæ 30. Maji, annō 1525. „ [14.] Hic Comes Salmenſis ductor exercitus Cæsareani in Italia Franciscum Gallorum Regem in prælio cepit, [15.] quo in Germaniam post

viſtoriam redeunte, Borbonius ex Gallia transfuga exercitum à Cæsare ducendum accepit, qui Romam non alterum Heinrichum malum contra Paschalem, sed contra Clementem Pontificem Maximum adduxerat temerarium militem.

Suprà Doctōri Fabri Consiliario Archi-Ducis Erasmus Abbas in belli subsidium tria millia florenorum promiserat, quam summam tam citò colligere non potuit; „ quare apud Archi-Ducem supplex rogavit, ut mediam partem solvendam differre possit. Qui ab Archi-Duce Ferdinando tale responsum retulit, se ad instantiam suam de pecunia promissâ trium millium florenorum, partem dimidiam, nimirum 1500. flor. infra annos tres solvendoſ remittere, nam nihil se donare posse ob rusticorum tumultuantium necessitatem undique emergentem. Datum Augustæ Vindelicorum 9. Augusti, annō 1525. „ [16.] Necessitas rusticorum rebellantium emergebat ex Pannonia Inferiore, & ascendit in Pannoniam Superiorem, ut suprà loquitur Onuphrius Panvinus, & jam Liechtenſtainius Austriæ regulus aliquot Anabaptistarum ad triginta capita in exilium ejecerat, qui Pataviæ in vincula jussu Episcopi conjecti fuerant, uti etiam suprà Hundius narravit.

Capitanei verò ad rebelles rusticos coercendos vel perdendos jam nominati fuerant, videlicet, Ditricus de Hartitsch & Georgius Windpassinger; quibus Archi-Dux mandat, ne illos Monasterii colonos homagiis (*vulgo Huldigung oder Brandschätzung*) lædant, qui Abbati Domino suo in laboribus & censu persolutione obediētes fuerunt, sed tantum discolos vexet. Datum Viennæ 9. Octobris, annō 1525. „ [17.] Streinius suprà citatus modum contra rusticos procedendi ex Aulico Camera Consilio præscriptum tradit. [18.] Sciendum, quòd coloni Monasterii contra Abbatem de quibusdam laboribus & servitiis

Ddd dd

pecu-

pecuniariis conquesti fuerint, uti sequitur: „ Inprimis quia frumentum tam  
 „ in agris Monasterii, quam ejusdem  
 „ grangiarum absque mercede pecuniarie metere debeant. 2. Eodem modo avenam. 3. Quia eadem in horrea deportare. 4. Quia caseos in pondere vulgò *Wagtsß* pendere. 5. Quia pro servitio caseos dare. 6. Item ova servitii loco. 7. Similiter silvæ pabulum porrigere teneantur. 8. Quia vina ex Cisterstorf, Viennâ, & ex aliis locis domum vehere, quæ vectura longo tempore pecuniâ redempta fuerat. 9. Quia agros parare & arare, quia dolia in vindemiis gratis deportare. 10. Quia arborum truncos pro ferrâ dejicere & afferre, uti antiquitus fuit, teneantur. 11. Quia fimus ad stercorendos agros educere cogantur. 12. Quia ligna pro focis Monasterii necessaria fecare frustra compellantur. „ [19.] Hæ erant rusticorum querelæ, à quibus si absoluti fuissent, planè liberi & non subditi vixissent. Hæc autem querelarum puncta, & exinde tumultum excitatum postmodum subditi Abbati Erasmo in Zwettl supplicando per publicas litteras revocârunt.

Ut autem Capitanei prædicti in multandis rusticis ac Dominorum subditis puniendis non impediatur, Ferdinandus Archi-Dux omnibus suis fidelibus cujuscunque status in Austria mandat, nè ullus unquam Ditricum de Hartitsch, quem suum in Retz Præfectum, Consiliarium Cameræ suæ, & Summum in Austria Inferiore Capitaneum nominat, item Nicolaum Comitum de Salm, quem Capitaneum Inferiorem (*Rtcb.*

*Screinius ubi supra annò 1526.*) vocat, (hic fuit junior ab illo, qui Regem Gallorum in prælio cepit) in persequendis rusticis tumultuantibus impediatur, quò illi ea omnia, quæ in mandatis habent, exequi possint, præsertim in multa pecuniaria (*vulgò Brandtschung*) ob delictum extorquenda, contrà delinquentes aliâ poenâ multabuntur. Datum Viennæ 27. Novembris annò 1525. [20.]

Præfatus autem Ditricus de Hartitsch hoc mandatum transgressus accusatur apud Archi-Ducem, cui per decretum suum mandat, nè Monasterii Zwetlensis colonos innocentes multa supradictâ gravet, sed potiùs nocentes secundum edictum suum & instructionem puniat, nè eam ob causam Abbas ulterius sibi conqueri cogatur. Datum Viennæ 23. Decembris annò 1525. [21.]

Demum Sebastianus de Hohenfeld ab Erasmo Abbate in Zwettl pro armatis equis solutionem se accepisse fatetur, quam se ipsius loco perfolvisse dicit. Datum in Kirchperg ad sylvam seriâ quartâ ante Simonis & Judæ, nimirum 25. Octobris, annò 1525. [22.]

Videtur hoc anno Joannes de Gagent, cui anno præcedenti Erasmus Abbas curiam nostram in Cambern ad septennium elocaverat, mortuus fuisse, & à vidua ipsius illam pecuniâ datâ redemisse, cum M. Jacobus Altinger Plebanus in Gobelsburg, & Wolfgangus Planck civis Loyfsensis, à Patre Joanne Schnabel Magistro curiæ in Weinzierl nomine Annæ dicti Joannis viduæ 40. tal. den. accepisse fatentur. Datum in Loyfs seriâ 2. post Corporis Christi festum, nimirum 5. Junii, annò 1525. [23.]

## ADDITIONES.

\* [1.] Ciaconius & Onuph. Panvinus sub eodem Pontifice.

[2.] Ciaconius citatò loco.

Joannes Cochleus de actis & scriptis Lutheri sub hoc anno. „ Pullus autem (*ex Praga* & aliis locis *Münzerus*) pervenit Mulhusen, „ oppidum Imperiale Turingiæ, atque ibi &

„ in circumjacentibus pagis & castellis, tam ci-  
 „ ves quàm rusticos ad nefandissimas quasque  
 „ impietates concionando pertraxit: nempe,  
 „ ut abolerent omnem cultum divinum, ejicerent Clericos & Monachos, spoliarent  
 „ Tempia, & Monasteria: diffingerent imagines,  
 „ Ciboria & Baptisteria: conculcarent  
 „ divina

„ divina Sacramenta, aliâque id genus multa  
 „ committerent dictu nefanda & piis auribus  
 „ abominabilia. Nec iisce facinoribus & sa-  
 „ crilegiis contenti, procefferunt ultrâ ad op-  
 „ primendas potestates sæculares, ad rapienda  
 „ bona aliena: ad subjugandos sibi Comites  
 „ à Stolberg, à Schwartzburg, à Honsteyn,  
 „ à Mansfelt &c. ad opprimendos Nobiles,  
 „ ad diruendas arces &c. - - - - Mira pro-  
 „ fectò & miserabilis erat tunc Germaniæ Su-  
 „ perioris facies, inaudita & irrecuperabilis  
 „ calamitas, terror & tremor maximus, quan-  
 „ do uno eodémque tempore omnium ferè  
 „ Principum ( qui Lutherico fermento minùs  
 „ cautè ac nimis leniter & negligenter obsti-  
 „ terant ) subditi, vel apertam intendebant  
 „ vim, vel occultam in corde rebellionem fove-  
 „ bant. Multa igitur millia rusticorum in-  
 „ surrexerunt in Suevia, multa in Alsatia,  
 „ multa in Franconia, multa in ripa Rheni,  
 „ multa in Turingia, profligatò unò cunctò,  
 „ mox obijciebatur alius. Antequam verò  
 „ iustos conscriberent exercitus Principes, à  
 „ tumultuantibus turbis gravissima passim &  
 „ undique illata fuerunt damna, in diripien-  
 „ dis diruendisque Monasteriis, Templis &  
 „ arcibus. Et intra unum menssem Majum,  
 „ majores clades, cædèsque & vastitates passa  
 „ est Superior Germania, quàm Decemnali  
 „ bello tum à Gallis & Hispanis passa sit Ita-  
 „ lia. Scribit enim D. Conradus Wimpina:  
 „ vir gravis & eruditus, homo senex & Francus,  
 „ in una Franconia devastata esse Mona-  
 „ steria & arces 293. Et unus Lotharingiæ  
 „ Dux Antonius in una Alsatia suprâ 26. mil-  
 „ lia rusticorum occidit. Quot autem occi-  
 „ dit Liga Suevica multis in Suevia & Fran-  
 „ conia præliis & conflictibus? quot Elector  
 „ Palatinus? quot Marchio Casymirus? quot  
 „ alii? &c. „

[3.] Onuphrius Panvinus suprâ citatus.  
 Surius in Commentario sub hoc anno.

[4.] Panvinus ubi suprâ.

Cochlæus ubi suprâ. „ Magnâ ( Münze-  
 „ rum ) fertur fuisse ductus poenitentia, sum-  
 „ ma devotione & errores revocavisse, & Ve-  
 „ nerabile Sacramentum prævia confessione  
 „ ritu Catholico sub una specie accepisse,  
 „ priusquam idum gladii subiret. „

Idem scribit de resipiscencia Münzeri cit.  
 Surius.

[5.] Hundius in Metropoli Salisburg. sub  
 Matthæo Langio Archi-Episcopo. „ Sub  
 „ hoc Matthæo orta est seditio rusticorum &  
 „ civium, qui Episcopatu præbant propter  
 „ quendam capitis suppliciò affectum, nomine  
 „ Stöckl, qui unâ cum aliis per vim eripuerat

„ Archi-Episcopo Sacerdotem, quem aliena  
 „ à fide Catholica docentem Matthæus Archi-  
 „ Episcopus jufferat perpetuè custodiæ tradi:  
 „ Isti tumultus sedati postea sunt, mediante  
 „ Ludovico Duce Bavarie annò 1526. - - - -  
 „ Rustici iterum violata fide, quam Domino  
 „ suo dederant, seditionem moliti sunt, sed  
 „ illis Archi-Episcopus 13. signis militum oc-  
 „ currens, dispulavit, & prostravit ipsorum  
 „ agmina. „

Megizerus Tom. 2. Annalib. Carinthiæ  
 lib. 11. cap. 19. „ Belangende nun die je-  
 „ nige Aufruhr, so sich An. 1525. im Stiff  
 „ Saltzburg angespunnen, ist solche folgen-  
 „ der gestalt entstanden. Es hatte in ge-  
 „ meldtem Jahr, Matthæus Lang, der Ertz-  
 „ bischoff zu Saltzburg ( dessen wir hievor in  
 „ seinem Leben nach längs gedacht ) etliche  
 „ Bergknappen von des glaubens wegen rich-  
 „ ten lassen: darauff seynd die andern all auff-  
 „ gestanden, haben die Stadt Saltzburg bald  
 „ auf ihre Parthey gebracht und zum Anhang  
 „ gehabt, die Stadt eingenommen und ge-  
 „ plündert, und den Ertzbischoff in dem  
 „ Schloß, nahend bey dem Berg gelegen,  
 „ belagert. Derwegen Ludwig, Hertzog von  
 „ Bayern, den nicht verlassen wolt, und  
 „ schickte jm den Edlen und weiterbüßten  
 „ Kriegshelden, Herrn Georgen von Freund-  
 „ sperg, eilends zu hülff. Und wie dieser  
 „ beneben den andern Hauptleuten in den  
 „ Kriegssachen überaus wohl geübt ware,  
 „ also funden sich auch ebener massen bey  
 „ den Pawren nicht wenig erfahrene Männer.  
 „ Under denen für die fürnehmsten gerech-  
 „ net seind worden, Sebastian Meyer, und  
 „ der N. Geismeyer, die dem von Saltzburg  
 „ viel leydes auffgethan haben. Als man  
 „ aber mit den Pawren täglich viel kleine  
 „ Scharmützel gehalten, und sie demnach der  
 „ Hertzog von Bayern in dem Gebürg ( in  
 „ welchem sich die Pawren mit grossen blö-  
 „ ckern und steinen gar wohl verbollwerckt  
 „ hetten, denen man dann daselbst nicht  
 „ leichtlich zukommen möcht ) wolte stür-  
 „ men, hat solches der von Freundspurg heff-  
 „ tig widerhatten, dieweil er als ein verständig-  
 „ diger Kriegsmann, gar wohl vermercket,  
 „ das man den Berg nicht ohne Gefahr be-  
 „ steigen, und alda an diesem Orth vil redli-  
 „ cher Leute verlihren würde, welchem  
 „ auch der Ertzbischoff gern zugefallen, da-  
 „ rumm endlich diese der Pawren Auffruhr  
 „ auff gewisse Conditiones, und Mittel, ist  
 „ gestillt worden. „

[6.] Hundius in Ernesto Episcopo Pata-  
 viensi.

Ddd dd a

[7.]

[7.] Rich. Streinius in Annal. Austr. Superior, hoc anno.

[8.] Piespordius in Carolo V. Ciaconius & Onuphr. Panvinus cit. locò. Spondanus hic n. 2. & sequentibus. P. Heuterus lib. 9. in Carolo V. c. 2. „Die „Februarii vigesima quarta anni 1525. post „mediam noctem, ad Papiam, olim Ticinum, „Carolus Lanoius, Carolus Borbonius, Ferdinandus Davalus, Alfonsus Vastius, Antonius Leva, Duces Caesariani, coadunatis „copiis castra Regis Francisci, quæ in ferarum „juxta urbem septo communita habebat, invadunt; commissisque variis locis „cruento acrisque prælio, tandem suis fugatisque Francis, Italis, Helvetiis, amplissimæque Francicæ nobilitatis equitatu diffipato, memorabilem victoriam, capto Rege Francisco, octodecim viris illustribus, multa nobilitate, ac militum multitudine ingenti in potestatem redacta, cæsisque circiter decem virorum millibus, ac inter hos viginti Proceribus, obtinuerunt. E Caesarianis circiter octingenti sunt desiderati, solusque alicujus nominis Ferdinandus Castricola, Fani D. Angeli Marchio, ac cum eo Hugo Cardona, perire. Vulnerati sunt Pilearius ac Leva. Itali, Francos universa ferè pullos Italiæ à Caesarianis conspicientes, ingenti formidine corripuntur, veteri Caesarem in Italia Imperio ac Monarchia ob oculos versante, ad quam Carolum Caesarem aspiraturum pro certo sibi persuadebant. Pontifex Clemens mense Martio cum Pro-Rege Lanoio, Caesaris nomine stipulante, foedus, pacemque facit: quæ tamen paulò post Caesarianorum in Italia Ducum culpâ, nimis properè animum detegentium, fuit rupta. Cæsar in Hispania decimo Martii Regis captivi ac Pro-Regis Lanoii literis de victoria certior factus, tanta moderati animi signa dedit, omnes ut summopere obstupescerent, mirarenturque ab adolescente Principe, aridentis fortunæ tam ingentem favorem tanta cum animi cum modestia perferre potuisse &c. „

„Surius ad hunc annum.

[9.] Ciaconius & Panvinus ubi supra.  
[10.] Ex Autographo ipsius.  
[11.] Ex literis Archi-Ducis.  
[12.] Ex Originali ipsorum.  
[13.] Streinius in Annal. Superior. Austr. ad annum 1526. in fine.

[14.] Ex Autographo Consilii Cameræ Aulicæ.

[15.] Melchior Soiterus à Vinda Juris-Consultus lib. 1. de bello Pan.

[16.] Ex Autographo Archi-Ducis.

[17.] Ex decreto ipsius Archi-Ducis.

[18.] Streinius in Annal. ad annum 1525. „Der bemeldt Baurenkrieg hat sich in Lande „ob der Enß je länger je mehr erhebt: Herr „Ciriac Freyherr von Pollhäm Landts-Haubtman thuet das Auffbort nach Corporis Christi. Herr Alexander Schifer ist Feldt-Haubtman wider die Bauren, der nimbt „durch Herrn Achazen von Losenstein Bescheidt von Ihr Fürstl. Durchleucht Statthalter Hoff unndt Camer-Rath der N. Oe. Lande über etliche Articul, wie hernach „folgt. Nachdem Herr Achaz von Losenstein auf Herrn Alexander Schifer Feldt-Haubtman ober der Enß Begehren, Ihro „Fürstl. Durchleucht Statthalter Hoff unndt Camer Rath der N. O. Lande etlich Articul mündtlich fürgetragen, darauf sie ihm „wie hernacher folgt Bescheidt geben. 1. mo „von wegen der Bursleith, wie aus den Pfahren von den Feldt-Haubtman mit Auflegung eines jeden Hoffs Hueben Güetter und Holden durch den Feldt-Haubtman Erforderung gethan, unndt durch sye Geldt mitbracht werden solle &c. Ist Hoff unndt Camer Rath bescheidt, daß der Feldt-Haubtman diser Zeit zu Gehorsam nit erfordere, sondern von welchen Enden die Baurn auffrichtig unndt ungehorsam sein, daß er denselben zu Rossen und Fuesßen zueziehe, unndt die mit Brandt oder ander weeg zu Gehorsamb bringe; Unndt wo sich aber die Baurn nit rotten oder besamlen, oder sich zu Gegenwöhr schicken wurden, alsdann abermahls, welche Pfahr, Marckht, oder Besamblung am meisten auffrichtig muetwillig unndt widerspenig gewesen, denselben zueziehe, unndt auch mit der Thatt dahin bringe, daß sye selbst Gnadt begehren, ehe er sye derhalben beschickh, unndt darnach die andern, so nit so gar auffrichtig, oder muetwillig gewesen, in Gehorsam unndt Glibb wie obsteht, erfordere, unndt so er also sie in Gnadt unndt Ungnadt annimbt, daß sye aus der beschenehen Bündtnus unndt nimer darcin zu kohnen schweren, unndt huldigen, auch all Rädelsiehrer unndt Ansfäher der Aufrehr. überantworten. Unndt darauf auch einen jeden sein Hoff unndt Güetter nach Gelegenheit eines jeden Vermögen zu Brandtschätzung geschlagen, unndt durch der Fürstl. Durchleucht auch einer Landschafft Verordens eingenommen, unndt halber Theil zu Ihr Durchleucht, unndt der ander halb Theil der Landtschafft, inmafs „sen

„sen die Fürstl. Durchleucht den Landtschafft-  
 „ten in Steur, Kärnten unndt Crain aus  
 „Genaden auch bewilliget, von Genaden  
 „wegen zuegestelt werde; doch ausgenoh-  
 „men die Rädelsführer so die einfsältige Baur-  
 „schafft in die Aufruehr bewegt, in solchen  
 „auszuscheiden, sondern dieselben an ihren  
 „Leben zu straffen. Aber welcher Marckht  
 „Pfahmenig oder Dorff glaublich in diser  
 „Aufruehr unschuldig weren, unndt sich nit  
 „in Bündtnus geben noch darzue geschwo-  
 „ren hätten, auf dieselben kein Straß zu le-  
 „gen, sondern ihnen von Fürstl. Durchleucht  
 „anzuzeigen, dieweillen sie sich hierin als  
 „getreu gehorsamb Unterthanen gehalten,  
 „wölle die Fürstl. Durchleucht dasselb mit  
 „sonderen Genaden gegen ihnen erkennen.  
 „Nach dem sich die Baurschafft durch den

„Glockhen-Schlag zusammen rotten, dem-  
 „nach sollen alle die groß Glockhen, so die  
 „Baur die in der Bündtnus unndt unge-  
 „horsam gewesen, unndt die zu der Aufruehr  
 „gebrauchen wollen, all zuschlagen unndt  
 „zu Ihro Fürstl. Durchleucht Handen genoh-  
 „men werden, unndt zu den Gottesdienst  
 „ein kleines Glöckhl zu leiten, unndt von  
 „den Bauren allen die sich wie obsteht in  
 „Gehorsam unndt Gnad begeben, sollen  
 „ihre Wöhren genohmen, unndt die hinsih-  
 „ran zu haben nit gestattet werden. Actum  
 „Wienn den 15. Julij an. 1525. „

[19.] E literarum monumentis.

[20.] Ex Editio Principis terræ.

[21.] E copia mandati Archi-Ducis.

[22. & 23.] Ex Apocha ipsorum.

## Ann. Christi MDXXVI. Monasterii CCCLXXXVIII.

*Pont. Rom.*  
 Clemens VII.

*Imp. Rom.*  
 Carolus V.

*Archi-Dux Austriæ*  
 Ferdinandus I.

*Episcopus Pataviensis*  
 Ernestus.

*Abbas Zwetlensis*  
 Erasmus.

**C**AROLUS Imperator pace per eos dies  
 cum Rege Francorum Francisco,  
 quem captum detinebat, certis condi-  
 tionibus factâ, & forore sua illi in ma-  
 trimonium traditâ, abire, duobus ejus  
 filiis obsidibus acceptis, permiserat.  
 Rex liber factus negavit se his condi-  
 tionibus teneri, quas Cæsar ultima carce-  
 ris necessitate expressisset, atque ita fœ-  
 dus cum Clemente Venetisque pro Ita-  
 lica libertate tuenda, & Sfortia pater-  
 no imperio restituendo, amicitiamque  
 percussit. Inde acre in Insuubris bel-  
 lum contra Cæsarem a consœderatis ge-  
 rebatur. Cæsareanorum Ducum egre-  
 gia tum facinora enituere, arce Medio-  
 lani non solum per deditionem recepta,  
 sed & hostibus procul ab urbe remotis.  
 \* [1.]

„Dum hæc in Italia geruntur, Tur-  
 „ca in Ungaria ulteriùs suum promo-  
 „vet imperium, atque Ludovico Pan-  
 „noniæ juveni Regi, & bellicis artibus  
 „propter ætatem non satis instructo  
 „bellum indixit. Tandem ægrè vi-  
 „ginti quinque millibus peditum &

„equitum coactis magna temeritate  
 „itum est obviam Turcis, quorum  
 „octuplò majores erant copię. Ubi  
 „ad pugnam ventum est, nullo nego-  
 „tio Turcæ Christianos protriverunt,  
 „ita ut & Rex ipse, cùm sibi fugâ salu-  
 „tem quærere vellet, lapsus in palu-  
 „dem, suffocatus sit, unde tamen ejus  
 „cadaver postea integrum extractum  
 „apud Albam-Regalem Regio funere  
 „tumulatum est. Solimannus hac vi-  
 „ctoria potitus, & incredibili tormen-  
 „torum æneorum copiâ auctus ac lo-  
 „cupletatus Budam occupavit, ubi ex  
 „arce nil aliud abstulit, nisi statuas  
 „æneas tres ingentes, quæ Matthiæ  
 „Regis fuerant. Maria Ludovici con-  
 „jux, Caroli Imperatoris soror ægrè  
 „ex hostium manibus dilapsa Viennam  
 „profugit. Strages ista Christianorum  
 „29. Augusti facta legitur. In locum  
 „Ludovici Regis primùm à Bohemis,  
 „inde ab Ungaris electus est Ferdinan-  
 „dus optimus & Christianissimus Prin-  
 „ceps, Caroli Cæsaris germanus frater.  
 „Sed ne quid deesset ad supremam re-  
 „Ecc ec  
 „gni



„gni Ungariæ cladem & excidium, à quibusdam Pannoniæ Rex electus est Ciliæ Comes Joannes Vaiuoda, qui non cessavit legitimum Regem Ferdinandum multis exagitare modis, donec tandem Ungaria tota ferè concessit in ditionem Turcarum. „ [2.] Hæc Surius. Qui fusiùs hæc legere desiderat, legat Salomonem Neugebauerum à Cadano. [3.]

E literarum Monasterii Zwetlensis monumentis sequentia eruuntur: Ferdinandus Archi-Dux mandat Abbati, ut coram D. Georgio de Puechaimb Barone in Raabs & Krumpach, Consiliario suo, & Austriæ Marechalco, Sebastiano de Hohenfeld, & Ditrico de Hartitsch Præfecto in Retz & Capiteano suo Commissariis suis, in civitate Zwetlensi cum colonis suis ratione mulctæ pecuniariæ quoad redimendum incendium ibidem acturus compareat, donec res componatur, ut rebelles rustici puniantur, & innocentes liberi relinquantur. Datum Viennæ 5. Januarii, annò 1526. [4.] Notandum, quòd Abbas Erasmus anno præcedenti de processu Ditrici de Hartitsch circa dictam mulctam impostam conquestus fuerit, unde lis per commissionem componi debuit, coram Marechalco, sub quo dictus Ditricus erat.

Status Austriæ Inferioris etiam nomine Archi-Ducis ab Abbate in Zwetl septem equos, decem pedites, & in pecunia ducenta quinquaginta tria talenta, 5. ß. & 6. den. ad unum tantum mensem petunt. Præterea ut singuli Status in provincia ista, quilibet de possessionibus suis in Austria sitis indicem quantocyus porrigant. Datum Viennæ, 8.

Julii, annò 1526. [5.] Dictos milites, equos & pecuniam subito Archi-Dux, qui tunc Spire in comitiis Imperii fuerat, promiserat Ludovico Regi in auxilium contra Turcas, qui Ungariam secundò inundarant, sed Rex non expectans auxilia Germanorum infelicitè pugnans occubuit in palude fugiens submersus, ut suprà dictum fuit.

Præcedenti anno demum summum Altare in Templo Monasterii Zwetlensis ad ultimam manum deductum fuit, sicut Annus MDXXXV. ad cornu Epistolæ ex Altaris ala legitur, ad cuius perfectionem M. Andreas Morgenstern dictus arcularius & civis Budvicensis in Bohemia collaborasse coniectatur, qui ab Erasmo Abbate se pecuniam pro tabula magna Chori ibidem accepisse fatetur. Adum in Monasterio Zwetlensi in die S. Colomanni, nimirum 13. Octobris annò 1526. [6.] Hujus Altaris sculptorum nomina non invenio, quorum sex fuisse feruntur, inter quos unus è civitate Zwetlensi aliquando nimium potus ad Monasterium rediens, & in silva ante portam ejusdem pedem suum ad truncum dejectæ arboris impingendo lædens, indignatus quasi trunco ob lesionem pedis, illum sibi notavit, ac postero die illum effodiens dixit, ego me de te vindicabo, & ita te conscindam & effingam, ut omnes ante te genua sua incurvare debeant: Sculptis enim ex eo imaginem Ecce Homo sedentis in trunco, & illam super Sacrarium, ubi Venerabile servatur, collocavit, quæ adhuc hodie ibidem conspicitur. Non quidem ut imago adoraretur, sed ut Venerabile Sacramentum ibi reconditum cultu latriæ coleretur.

## ADDITIONES.

\*[1.] Onuphrius Panvinus in Clemente VII.

Ciaconius ibidem.

Piespordius sub Carolo V.

Pontus Heuterus lib. 9. cap. 5. „ Con-

ditionibus † ( *paci Carolam inter & Franciscum facta* ) ultro citroque subsignatis, ac

„ jurejurando confirmatis, Rex ac Cæsar diu  
„ sæpèque publicè collocuti, eadèmq; qua-  
„ drigà vecti, sponsam Leonoram inviserunt.  
„ Tandem Rex Franciscus decimò octavò Mar-  
„ tii, cum Pro-Rege Lapio, ac Alarcone  
„ custodum suorum Præfecto, comitantibus  
„ quinquaginta equitibus, Fontarabiam ve-  
„ nit;

„ nit; mater ejus Ludovica cum Delphino,  
 „ ac Aureliæ Duce Bajonam, indeque pro-  
 „ gressi ad flumen, nomine Tolosam, quod  
 „ eò loci Hispaniam à Gallia dividit, in ripa  
 „ consistunt. Stabat in amnis medio navis  
 „ longa, anchoris firmata, hominibus vacua.  
 „ Hanc Rex, scaphâ advectus, cum Lanoio,  
 „ Alarcone, ac octo viris nobilibus ingreditur.  
 „ Idem ab altera ripa cum Regis filiis,  
 „ totidemque viris, Odetus facit Foxens  
 „ Lautrechî Dominus, tradens Lanoio Del-  
 „ phinum ac Aurelianum, qui eos per Alar-  
 „ conem, in Hispanicum litus expositos,  
 „ equitibus Hispanis tradit: eodemque mo-  
 „ mento Rex è navi in scapham alteram, in-  
 „ deque in Francicum exiliens litus, equum  
 „ conscendit Turcicum miræ pernicitatis;  
 „ subditisque calcaribus à cursu non destitit,  
 „ quoadusque ad fanum Joannis Lusî, indè-  
 „ que Bajonam pervenisset, ubi incredibili  
 „ matris totiùsque Aulæ, quæ celeberrima  
 „ convenerat, cum lætitia ac concursu est  
 „ exceptus. Tum Angliæ Regem, misso no-  
 „ bili viro, de recepta libertate certiorē  
 „ facit, gratiasque agit, quod ejus potissimum  
 „ operâ eam esset adeptus, pollicitus sese ab  
 „ ejus amicitia, quamdiu vixisset, nunquam  
 „ discessurum. „

† Inter conditiones, quas laudatus Au-  
 „ thor proluxit & exactè recitat, fuerunt & hæ:  
 „ Ducatum Burgundiæ, quæque inde depen-  
 „ dent, cum comitatu Charoloi, Noëtiî,  
 „ Chasteau-Chinonii, Vice-comitatu Auxo-  
 „ næ, ac Fani Divi Laurentiî juris Comita-  
 „ tûs Burgundici, quæque ab omni antiquitate  
 „ juris Burgundici fuere, sextâ à die libera-  
 „ tionis Regiæ septimanâ Cæsari restituito,  
 „ nulla in iis Regi, Regno, nec successoribus,  
 „ juris petitoriî, nec possessorii ( ut hodie  
 „ loquuntur Jurisconsulti ) actione servata;  
 „ sed in perpetuum hæc deferens, ea Cæsari,  
 „ utriusque sexûs ejus liberis, eorûmque suc-  
 „ cessoribus, cum omni prærogativa juris pa-  
 „ tronalis, reddito, restituito, ac in æternum  
 „ relinquito, cedens in perpetuum omni  
 „ Ducatûs Burgundiæ eoque pertinentium  
 „ Ditionum possessione, sive eæ occupatione  
 „ aut acquisitione ceteris Franciæ provinciis  
 „ Salicæ legis autoritate, aut quacunque  
 „ alia ratione sunt conjunctæ; iis omnibus  
 „ eadem potestate ac autoritate hanc juris  
 „ naturam derogans, auferensque, qua id  
 „ acquisierant, insuperque se & successores  
 „ omnes spoliatis potestate autoritatèque,  
 „ qua id jus, eandemque actionem, veri, ve-  
 „ risimilis, fidei, assumptique juris velamine  
 „ resumere possent, nullis in contrarium ju-

„ ris clausulis hic non expressis, quæ ad hanc  
 „ rem sibi suisque usui aliquando esse possent,  
 „ obstantibus, aut obstaculum aliqua ratione  
 „ exhibere præberèque valentibus. Rex ex-  
 „ templò Ducatûs Burgundiæ, ceterarûmque  
 „ dictarum Ditionum incolas à dicto sibi re-  
 „ gnòque Franciæ Sacramento promissâque  
 „ obedientia plenè absolvito. Civitates, op-  
 „ pida, arces, munitiones, in eo, quo sunt sta-  
 „ tu, cum omni bellico apparatu, commeatu,  
 „ ac quidquid Regii juris est, spatiò sex septi-  
 „ manarum à die liberationis restituito &c. „

Post plura ubi suprâ, prosequitur Heuterus  
 cap. 6. „ Vere hujus anni Cæsar Hispali recipit  
 „ Elizabetham filiam natu maximam Emanue-  
 „ lis Portugalliæ Regis, quam Marchio Vil-  
 „ leralis deduxerat, eamque, præcunte urbis  
 „ Præfule, ingenti totius Hispaniæ Ordinum  
 „ lætitia, quod dudum has expetierant nu-  
 „ ptias, uxorem ducit. Concurrerit uni-  
 „ versa Hispaniæ nobilitas Seviliam, omnique  
 „ magnificentiæ genere nuptias cohonestab-  
 „ bant. Annorum erat sponsa viginti duo-  
 „ rum, Cæsar viginti sex. Interea Spiræ Ne-  
 „ metum vigesimò quintò Junii convectus  
 „ Germaniæ fit Principum, in quo Cæsaris  
 „ recitatur literæ mense Martio Sevilie scri-  
 „ ptæ, quibus promittebat sese brevî in Ita-  
 „ liam coronationis causâ profecturum, actu-  
 „ rumque cum Pontifice, futuro Concilio lo-  
 „ cus tempusque designaretur, in quo certi  
 „ aliquid de religionis dogmatibus statui pos-  
 „ set. Interim se velle ac jubere, nec Princi-  
 „ pes nec civitates vel apicem unum in reli-  
 „ gione mutant, sed per omnia veterem ex  
 „ præscripto conventûs Wormatiæ obser-  
 „ vent. Sub hoc tempus Solymanus Tur-  
 „ carum Rex Ludovicum Bohemiæ ac Hun-  
 „ garie Regem præliò superatum occidit,  
 „ uxorque ejus Maria Austriaca, Cæsaris so-  
 „ ror, liberis non genitis, in Austriam ad  
 „ fratrem Ferdinandum est reversa, qui Lu-  
 „ dovico in Bohemiæ ac Ungariæ Regno,  
 „ causâ uxoris Regis, sororis ac hæredis uni-  
 „ cæ dicti Regis Ludovici, successit &c. „  
 „ Spondanus hic n. 3. & sequentibus.

[2.] Surius in Commentario hoc anno  
 „ subdens: „ Ita ut meritò dici possit, illius  
 „ barbari hostis vires non nisi intestinis Chri-  
 „ stianorum bellis, odiis, & simultatibus cre-  
 „ visse. „

Megizerus Tom. 2. Annal. Carinthiæ lib.  
 11. cap. 20.

Melchior Soiterus à Vinda J. C. de bello  
 Pannónico lib. 1.

Georgius Bartholdus Pontanus in Bohe-  
 mia Pia lib. 2.

Ecc ee a

Pict.

Piespordius in Ferdinando I.  
 Spondanus hic n. 10. & sequentibus, ubi  
 n. 11. hæc refert: „ In latissimis campis Mo-  
 haczii oppidi ad invadendos hostes com-  
 pellentis; factum est sub vesperam diei festo  
 Decollationis Sancti Joannis Baptistæ vi-  
 gesimò nonò Augusti, (pro quo malè non-  
 nulli natalem S. Joannis vigesimum quar-  
 tum Junii ponunt) ut post sesquihoræ cer-  
 tamen Hungari magna cæde fugati fuerint:  
 ipsèque Rex, rebus profligatis, fugâ sibi  
 consulturus, in vicina palude, cùm in al-  
 tiorem paulò ripam evadere conaretur, equo  
 cum sessor in dorsum corruente, ita ut erat  
 totus etiâque capite armatus, bipalmis in  
 aquæ lutilento gurgite depressus & suffo-  
 catus interiërit, annò ætatis vigesimò, men-  
 se secundo, regni post patris obitum annò  
 decimò, mense quinto; dignus omnino lon-  
 giori vita, quâ in virum præstantem evasit  
 sperabatur. Cæsi sunt in pugna & fuga,  
 unâ cum eodem Paulo Duce belli Archi-  
 Episcopo Colocensi, Archi-Episcopus Stri-  
 gonienfis regni Primas, aliique quinque  
 Episcopi; permulti Barones, immentus alio-  
 rum nobilium numerus, præter omnem  
 ferè peditatum: ex cujus ducibus vix evasit  
 quispian alius, præter Hannibalem Cyprium,  
 ducem copiarum, quas Clemens Pontifex  
 suo ære conduxerat. Ex captivis die se-  
 quenti mille & quingenti, & inter eos magna  
 primorum nobilium pars, in coronam positi  
 coram exercitu victore capite sunt truncati;  
 pauci servati. Inde Solimanus Budam ver-  
 sùs movens, primariam Hungariæ civitatem,  
 eam sinè ullo præsidio relictam reperit,  
 & combustit, unâ cum nobilissima Biblio-  
 theca Matthiæ Regis. Ubi cùm Ludovici  
 demortui & Mariæ uxoris imagines con-  
 templeretur, illacrymâsse serunt barbarum,  
 etiam in tanta victoriâ humanæ conditio-  
 nis memorem, quòd Rex in illa florenti  
 ætate pravorum consultorum impulsu se in  
 tam apertum exitum præcipitem dedisset:  
 quippe non eo se consilio venisse, ut cum  
 paternò regnò exueret, sed ut Hungaro-

rum insolentiam refrænaret, & ipsum bene-  
 ficiarium Othomanici Imperii efficeret. „

Item n. 13. „ Corpus Ludovici Regiæ  
 (ut Jovius refert) ab ejus armigero mor-  
 arenâ sepultum, nè eo potiretur hostis, post  
 Solimani recessum ad Albam-Regalem in  
 Regum conditorum delatum est. Quòd-  
 que nullam prolem reliquisset, facta est de  
 ejus successione contentio inter Ferdinan-  
 dum Archi-Ducem Austriæ fratrem Caroli  
 Cæsaris, qui tam Annæ uxoris suæ jure,  
 quæ soror erat defuncti Ludovici, quàm  
 Majorum ejus cum Matthiæ & Wladislao  
 Regibus Ludovici decessoribus conventio-  
 nibus, quas alias vidimus, utrumque re-  
 gnum Hungariæ & Boemæ ad se spectare  
 asserbat; & Joannem de Zapolia Vaivo-  
 dam Transilvaniæ & Comitem Scepusien-  
 sem, qui jam olim post mortem Wladislai  
 patris Ludovici Hungaricum ambierat. Hic  
 autem Joannes à multis proceribus die festo  
 S. Martini undecimò Novembris hujus ipsius  
 anni Rex salutatus, & à nonnullis Episcopis  
 inauguratus fuit. Verùm Stephanò Batho-  
 riò Palatinò regni, atque saniori Prælato-  
 rum ac Baronum parte, Ferdinando adha-  
 rente, suffragantèque Mariâ Reginâ viduâ  
 ejusdem Ferdinandi sorore; prævaluit de-  
 mum ejus electio. „

[3.] Salomon Neugebauerus Historiæ  
 Polonicæ lib. 7. hoc anno. „ Nuspiam hosti  
 magis repugnatum fuit, quàm ad Strigonium  
 in loco, cui Marotho nomen, Omnium  
 verò tam cæsum, quàm captorum nume-  
 rus utrinque putatur excessisse ad ducenta  
 fermè hominum millia. Citeriore Un-  
 garia hunc in modum vexata, terrore non  
 modico longinquis, & præsertim Viennen-  
 sibus incusso, ponte super Danubium facto,  
 Tyrannus in Ungariam ulteriorem transit,  
 emissis inde ad omnes partes inter Danu-  
 bium & Tibiscum, qui omnia similiter va-  
 starent. „

- [4.] Ex Autographo.  
 [5.] E literarum monumentis.  
 [6.] Ex Apocha ipsius.

## Ann. Christi MDXXXVII. Monasterii CCCLXXXIX.

*Pont. Rom.*  
 Clemens VII.

*Imp. Rom.*  
 Carolus V.

*Archi-Dux Austriae*  
 Ferdinandus I.

*Episcopus Pataviensis*  
 Ernestus.

*Abbas Zwetlensis*  
 Erasmus.

**T**umultuosus maximè hic annus tran-  
 sivit, nam Germania in Religione

perturbata, Ungaria à Joanne Comite  
 Ciliæ pro Rege se habente divisa, Au-  
 stria

stria in finibus suis devastata, Italia tota bellorum fluctibus commota & submersa, atque Roma ipsa, Pontifice in castrum S. Angeli fugato, ac obfesso, spoliata & devastata fuit. Borbonius enim ductor exercitus Cæsareani, qui antè à Gallorum Rege ad Carolum defecerat, spe potiundæ magnæ prædæ, ad quam immoderatiùs gregarium militem suum animaverat, Romam per avia & devia advolavit, & ipse in murum Leoninæ urbis impetum faciens in ascensu scalæ inhærens tormento tactus inter primos cecidit mortuus, temeritatis suæ poenas dans, Deo haud dubiè hominem ulciscente, nè urbis abs se captæ & direptæ spectaculò gloriaretur: milites verò prophani in Basilica S. Petri omnia prophanarunt, ingentes cædes perpetrarunt, & omnia depopulati sunt. \* [1. 2.] In qua tempestate pretiosissimam Vaticanæ Bibliothecæ milites perdidisse feruntur, quod omnes Catholici Historici, atque etiam ipse Cardinalis Baronius summè deplorant. De ista spoliatione Romana plura qui cupit scire, legat Ciaconium & Panvinium citatò locò, atque etiam Paralipomena alicujus Anonymi hoc anno ad Abbatem Urspergensè.

Ludovicò uti suprà sublatò, Ferdinandus Austriacus priori anno electus, hoc anno 24. Februarii Pragæ, & 28. Octobris in Alba Regali in Bohemiæ & Ungariæ Regem coronatur, qui contra Joannem Comitem Ciliæ seu Zepusiensem, Transilvaniæ Præsidentem bellum parat, qui contra Ferdinandum electus regnò cedere nolebat, sed potiùs auxilia undique conquerebat, ut regnum sibi stabiliret. [3.] Ferdinandus autem collecta subito manu militari Budam descendit & occupat, Joannes fugiens Toccaium castra metatur, quem Ferdinandus insequitur, & prælium ineunt, ubi Joannes victus in Poloniam fugit, atque apud Hieronymum Lascum Palatinum Satadiensem moratur. Ferdinandus Transilvianiam victor ingreditur, & mox in potestatem suam illam

redigit, indè ab Ungaris omnibus Rex eligitur, ac uti suprà coronatur, suamque in Bohemiam, constitutis primùm Ungariæ regno præsidibus, revertitur. [4.]

„ Venio ad Monasterii Zwetlensis „ acta, inter quæ invenio Ferdinandi, „ Regis Bohemiæ, Infantis Hispaniæ, „ Archi-Ducis Austriæ, Ducis Burgundiæ, &c. (*talitè titulus hic legitur*) decretum ad Erasmus Abbatem missum, ut per Joannem Genger Alodiorum Magistrum colonos suos rebelles conquirere, in vincula & compedes conjicere, & Judici in civitate Zwetlensi ad puniendum tradere maretur, qui jam in mandatis habet poenas ipsis debitas infligere. Nominantur autem in hoc decreto rebelles Monasterii subditi illi, qui annò 1526. tumultuaverant, sequentes: Leopoldus Pinder, Jacobus Toppelhofer, & Stephanus Maurer de Ruedmans; Faunder de Obernhof; N. Altreutter & Petrus Riedl de Haslawe; N. Wagner de Gerotten; N. Eisner de Pezles, & Hermannus de Germans, qui antea timore poenæ fugam inierunt, tandem ad sua redierunt, quos Rex capi jubet. Datum Viennæ 14. Februarii, annò 1527. Regni verò sui annò primò. „ [5.]

Ferdinandus Rex deinde petit ab Abbate in Zwetl sex equos cum aurigis seu rectoribus sufficientibus ad aliam evocationem præsentandos. Datum Viennæ 1. Junii, annò 1527. [6.] Jam Ferdinandus Joannis Weywodæ machinationes intellexerat, ita se armavit contra ipsum, ut regnò sibi hereditariè debitò ipsum ejiceret, quod postmodum factum fuit.

Ferdinandus Rex iterum (qui jam Rex Ungariæ & Bohemiæ nominatur) Abbati in Zwetl Erasmo mandat, quatenus promissos sex equos pro curru cum necessariis & servis suis ad Novam Civitatem quamprimum mittat, ita ut 2. Julii ibidem certè compareant. Datum  
Fff ff tum

tum Viennæ 22. Junii annô 1527. Regnorum verò suorum primò. [7.]

Porro Ferdinandus Ungariæ & Bohemiæ Rex scribit Ungariæ regni Optimatibus & Proceribus seu Banis, quòd Joannes Comes Zepusienfis injustè regnum sibi appropriarit, exactiones novas gravissimas imponens: admonet igitur omnes ejusdem regni incolas, quatenus sibi cum exercitu venienti portas omnes civitatum, castrorum, castellorum aperiant, nè in contrarium facientes tanquam in hostes & rebelles suos ipse jure belli animadvertere cogatur. Datum Viennæ 29. Junii, annô 1527. [8.]

Præterea Ferdinandus Ungariæ & Bohemiæ Rex mandat Abbati in Zwettl contra Ungaros rebelles, & limites Austriacos devastantes quatuor armatos equos ad festum Bartholomæi sibi Viennam sinè mora submittere. Datum Viennæ 13. Augusti annô 1527. Regnorum suorum primò. [9.]

Demum nomine Regis ab Excelso

Regimine Statibus provincie Austriacæ supra Mainhardi-montem dictæ habitantibus præcipitur, ut ad convocationem ultimam, vel per signa ignium, vel campanarum, aut etiam tormentorum faciendam, inprimis decimum, altera vice quintum virum armatum pro milite legant & constituent, & ad Capitaneum dictæ partis Austriæ D. Sebastianum de Hohenfeld & Wolfgangum, Handelberger Legatum dirigant, vel certè ita præscriptos suos armatos milites ad Egenburgam civitatem mittant, ut in campis Marchiæ Joannis Zepusienfis Comititis hostiles incursus præcaveantur, qui à Buda cum exercitu suo fugiens ad hæreditaria sua dominia conservanda remeare fertur, unde liberum in Austriam ex ea parte patentem prædandi gratiâ incursum haberet & recursum. Datum Viennæ 23. Augusti, annô 1527. Regnorum verò suorum primò. [10.] Hoc tempore Rex cum exercitu in Ungariam jam descenderat,

## ADDITIONES.

\* [1.] Ciaconius & Onuphrius Panvinius in Clemente VII.

Surius in Commentario, hoc anno.

Melchior Soiterus à Vinda de bello Panonico, lib. 1.

Spondanus hic n. 3. & 4. ubi funestissimam dicit fuisse hanc urbis direptionem. „ Adeo, „ ut calamitates, quas tunc Roma passa est, „ non modò explicari, sed ne cogitatione „ quidem comprehendi possint &c. „

[2.] Surius cit. locò, ubi præmiserat: „ Atque hæc quidem omnia insciente & invito Cæsare acta fuisse vel inde perspicui potest, quòd nec approbavit, nec rata habere voluit, quæ prophanus miles à Pontifice & Cardinalibus vi ac metu extorserat: & simul

„ atque in Hispaniam captæ urbis' nuntius al- „ latus est, illico cessare jussit ludos & spectacula, quæ propter recens natum ei filium „ Philippum celebrabantur, deditque operam, ut Pontifex in pristinam libertatem „ restitueretur. „

[3.] Piespordius in Ferdinando I.

Soiterus à Vinda ubi supra.

[4.] Neugebauerus à Cadano Histor. Polon. lib. 7. hoc anno.

Megizerus Annal. Carinthiæ lib. 11. cap. 81.

[5.] Ex Autographo mandati ex consilio.

[6. & 7.] Ex Autographo ipsius Regis.

[8.] Ex Edicto Regis.

[9. & 10.] Ex Autographis mandati ex consilio.

Annus Christi MDXXVIII. Monasterii CCCXC.

*Pont. Rom.*  
Clemens VII.

*Imp. Rom.*  
Carolus V.

*Archi-Dux Austriae*  
Ferdinandus I.

*Episcopus Pataviensis*  
Ernestus.

*Abbas Zwettlensis*  
Erasmus.

Joannes Weywoda exul conferens cum Lasco hospite suo, qua via re-

gnum suum amissum recuperare posset, unicum asylum esse posse refugium ad Tur-

Turcarum Imperatorem aiebat, atque ipsemet Lascus nomine Weywodæ se Constantinopolim contulit, effecitque, ut Solimannus Joannem in clientem susciperet, eumque potenter in regnum suum reducere promitteret. Hoc Ferdinandus intelligens protinus suum quoque ad Turcam Legatum misit, producens se jus in regnum Ungariæ hæditarium ex pactis Majorum suorum habere: quæ tyrannus parvisaciens durum & superbum Legato responsum dedit, siquidem proposuisset contumeliam acceptam armis vindicare, Ungariamque tanta armatorum multitudine iterum ingressurum, ut Ferdinandus in ipsa quoque Germania non sit tutus futurus. Quo responso Legatum præproperè Constantinopoli abire iussit. \* [1.]

Hoc anno Monasterium Zwetlense multis oneribus in belli subsidium fuit exhaustum: nam sicut D. Michaël Abbas Scotorum Viennæ fatetur, solvit à Rege petitam & à Prælatorum Statu promissam pecuniam in usum defendendæ fidei orthodoxæ contra ejusdem hostes Anabaptistas aliósque hæreticos, nimirum 33. tal. 2. ß. 6. den. sub dato Viennæ 20. Junii annò 1528. [2.]

Deinde quoque ab eodem Rex Ferdinandus per Commissarios in belli usum petiit equos octo armatos, coram quibus Abbas se excusât, tot se dare equos non posse, sed promittit tres equos quantocyus in bellum instructos expedire velle, atque in hoc Regi se obedientem præstare, respicerent ad alia onera, quibus modò gravatus esset, nimirum mille quingentorum florenorum singulis annis in domum provincialem solvendorum, item duorum equorum ad mensem quintum in Ungaria suis expensis alendorum. Actum 2. Augusti, an-

nò 1528. [3.] Unde etiam motus D. Ulricus Leisser apparatus bellici Magister Viennæ apud Regem Ferdinandum supplici libello pro Abbate intercedit &c. Datum Viennæ 8. Augusti, annò 1528. [4.] Ferdinandus tunc erat Budæ, ad quam petitionem, uti infra, Rex respondit: Præterea Erasmus Abbas apud Regem delatus erat, quòd nullum Conventum aut exiguum aleret, & pauperum numerum in Hospitali secundum fundationem non haberet, sed Rex postmodum audiens mandatum suum ab Abbate impleri, ipsum laudat, & ut compleat Fundatorum voluntatem hortatur. Datum in arce Regia Posonii, 22. Novembris, annò 1528. Regnorum verò suorum secundò. [5.]

„ Rursum Ferdinandus Rex ab Ab-  
„ bate Zwetlensi ad Viennensem Uni-  
„ versitatem augendam subsidium pe-  
„ tit; nimirum pro Religione Catho-  
„ lica propugnanda, quæ à Lutheranis  
„ impugnabatur: pro Austriaca Domo  
„ ornanda per doctrinæ excellentiam:  
„ pro Monastico Statu augendo, quem  
„ Lutherus diminuerat. Datum Vien-  
„ næ 3. Septembris, annò 1528. „ [6.]  
Et abhinc ita dictum subsidium Quæ-  
stori Universitatis Viennensis annuè à  
Monasteriis præstandum incepit.

Demum ad supplicem suprâ libel-  
lum Ferdinandus Rex Abbati in Zwetl  
respondet, se tribus equis ab eo promissis contentum esse, & modò mandat, ut illos benè armatos cum suis curatoribus tribus mensibus servituris Viennam quamprimum dirigat, contra Joannem Comitem Zepusensem hostem suum, qui ultro regna sua devastare conatur, licet antea penes se victoria steterit, utendos. Datum Viennæ 24. Octobris, annò 1528. [7.]

## ADDITIONES.

\* [1.] Soiterus à Vinda de bello Pannonico lib. 1. „ Quoniam autem potentia,  
„ Ferdinando Joannes se intelligebat impa-  
„ rem, propriis viribus diffusus, externa con-  
„ fugit ad consilia. Nam & interea tempo-

„ ris, dum hæc agebantur, veteris Marco-  
„ manniæ populi antiquo fœdere, quod olim  
„ præcos inter Bohemiæ Reges & Austriæ  
„ Principes percussum fuit, Ferdinandum sibi  
„ creavere Regem. Veritus itaque Joannes  
Fff ff 2 „ nò

„ nè regnò solum, cui inhiabat, excideret,  
 „ verum etiam, nè & comitatu, quem à Ma-  
 „ joribus suis habebat hæreditarium, pellere-  
 „ tur, Turcarum tyranni implorabat opem :  
 „ qui occasione nova, qua sibi ad regnum  
 „ parari intelligebat aditum, apprimè lætatus,  
 „ lubens hunc in suum accipit patrocini-  
 „ um : noverat enim callidus latro ille, quàm multa  
 „ regna Majores sui per similes hujusmodi oc-  
 „ casiones Christianorum Principum è mani-  
 „ bus, à Paleologi ipsius atque Cantacuzeni  
 „ temporibus usque jam pridem antea eripu-  
 „ is-  
 „ sent. Ferdinandus verò Rex, cum incen-  
 „ dium illud non suam in perniciem tantum,  
 „ verum etiam & totius Reipublicæ Christia-  
 „ næ in eversionem exarsurum præsentiret,  
 „ sibi quoque & communibus rebus in tem-  
 „ pore duxit prospiciendum. „

Neugebauerus à Cadano Histor. Poloniæ  
 lib. 7. hoc anno. „ Ferdinandus interim Un-  
 „ garie regnum sibi contra Turcæ vim stabi-  
 „ liendum existimans, Solymanni amicitiam  
 „ petere decrevit, ratus, ad eam facile eum  
 „ pertrahi posse, si ei jus, quo legitimus ejus  
 „ regni hæres sit, probasset suum. Ad quod  
 „ legationis munus delegit Joannem Ober-  
 „ danscum Ungarum, quem splendido exor-  
 „ natum comitatu, muneribusque Bassis exhi-  
 „ bendis instructum Constantinopolim able-  
 „ gat. Oberdanscus Constantinopolim ubi  
 „ pervenisset, licet à Solymanno comiter ac-  
 „ ceptus, patienterque in confesso purpura-  
 „ torum auditus fuisset, duro tamen & super-  
 „ bo cum responso fuit dimissus. Respondit

„ enim Solymannus, Ferdinandum induciis  
 „ magisque amicitia sua indignum videri, qui  
 „ alieni juris regnum invasisset, cum ejus jura  
 „ antiqua, quæ obtenderet, sua de Joanne  
 „ victoria reportata planè obliterasset, tan-  
 „ tisque etiam injuriis se ab illo affectum esse,  
 „ ut eum in gratiam recipere non nisi violatis  
 „ Majorum suorum institutis queat. Ideoque  
 „ sibi propositum esse contumeliam acceptam  
 „ armis vindicare, Ungariamque tanta arma-  
 „ torum multitudine iterum ingressurum, ut  
 „ Ferdinandus in ipsa quoque Germania non  
 „ sit tutus futurus. Quo responso Legatum  
 „ præproperè Constantinopoli abire jussit.  
 „ Oberdanscus Viennam reversus, omnia, quæ  
 „ de Solymanni adventu Regiis præditiis re-  
 „ ferebat, conficta ab ipso credebantur, ne-  
 „ mine Germanorum ei assensum præbente.  
 „ Quare ut eam calumniam effugeret, ad Fer-  
 „ dinandum Regem, qui Spira tunc comitiis  
 „ aderat, profectus, legationis responsum à  
 „ Turca retulit inexpectatum. Quo nuncio  
 „ non mediocriter Ferdinandus perculsus fuit,  
 „ ut qui probè sciret, Turcam, quæ esset  
 „ minatus, dubio procul executurum, metus-  
 „ que eò major erat causa, quod Cæsare fra-  
 „ tre bellis Italicis implicito auxilia à Ger-  
 „ manis petere non auderet, thesauri quin  
 „ etiam & Cæsaris & sui continuis bellis ex-  
 „ hausti essent. „

[2.] Ex Apocha ipsius.

[3. & 4.] E literarum monumentis.

[5. 6. 7.] Ex Autographo ipsius.

## Annus Christi MDXXIX. Monasterii CCCXCI.

*Pont. Rom.*  
 Clemens VII.

*Imp. Rom.*  
 Carolus V.

*Archi-Dux Austriae*  
 Ferdinandus I.

*Episcopus Pataviensis*  
 Ernestus.

*Abbas Zwetlensis*  
 Erasmus.

**D**E improvise hoc anno pestifer  
 morbus (sudorem Anglicum vo-  
 cant) totam Germaniam pervasit, mul-  
 tis hominum millibus intra 24. horas  
 extinctis antequam certum Medici re-  
 medium invenissent. Permulti verò,  
 ubi virus illud exsudassent, servati sunt.  
 Simul autem & annonæ caritas & tu-  
 multus bellici Germaniam per id tem-  
 pus premebant. \* [I.]

Conventus etiam Principum Spira  
 mense Februario celebratur; ubi cum

etiam Ferdinandus Rex esset, Legatus  
 ab eo Constantinopolim missus rediit,  
 & Tyranni superbum responsum retulit,  
 Cujus relatione Ferdinandus perterritus,  
 quia sciebat Imperatorem fratrem  
 suum bellis Italicis implicitum, & Prin-  
 cipes (qui ob Religionem convenire  
 non poterant & contra quosdam articu-  
 los fidei protestabantur, ideoque Prote-  
 stantes dicti sunt) in tanta rerum per-  
 turbatione fore difficiles ad auxilia sub-  
 ministranda, nihilominus in conventu

ora-

oratione ad ipsos à Rege habita, auxiliares copiae decretæ sunt, ac summa belli cura Friderico Comiti Palatino Rheni Bavariaeque Duci demandata fuit. [2.] Ferdinandus Lincium rediit, ubi hoc anno ferè semper mansit, nisi quòd Budvicii comitia regni celebràrit ob auxiliares copias conquirendas.

Interea Solimannus Turcarum Imperator Belgradò redià Budam cum exercitu innumerabili ascendit, ubi Joannes Comes Cilie ipsi, Ungaris quibusdam Proceribus & ipso Lasco Polono comitantibus, occurrit, ac manum osculatur, cujus ob causam Turca venisse in Ungariam videbatur. Budà igitur, quia ci-ves Tyrannum & ejus tyrannidem fugerant, desertà occupatà, arcem à quingentis germanis militibus sub Thoma Nadašta defensam oppugnare coepit, qua contra voluntatem sui Capitanei, quem in vincula conjecerant rebelles, Turcis traditā, vitam & fortunam pactos eos in exitu, cum Tyrannus fidem Regi suo datam ab eis fractam audisset, occidi mandavit, Nadaštā salvò dimissò, quem è vinculis Turcæ liberaverant. Locis deinde ad Danubium occupatis in Austriam ascendit, Viennamque subito movit. Quam 21. Septembris levis armaturæ equitibus adequitare & lustrare præcepit. Præmiserat autem sub Michalogli Bassarum supremo triginta millia Turcarum, qui usque Lincium & in partem Stiriae excursionem facerent, qui Christianæ plebi multa damna in tota ultradanubiana provincia intulerunt, maximamque stragem fecerunt. Erant ex Christianis exterius ad utramque Danubii plagam Duces egregii, Paulus Vagitius ex Græcia oriundus, & Sigismundus de Weixelberg cum aliquot centenis equitibus ad Turcarum itinera intenti, multosque ipsorum perinde deprehenso magistârunt. Viennenses quidem ad tanti hostis adventum primum trementes, urbem tamen omnino se usque ad mortem defendere velle decreverunt. Quemadmodum

Deò propitiò feliciter præstitère, uti ob-sidio hæc passim & fusè descripta habetur. [3.]

Solimannus Budam cum rediisset, Joannem Ungariæ Regem constituit, eumque amicum & beneficiarium diplomate solenni appellavit, adjuncto ei Ludovico Gritto, ut ejus consiliò usus, quæ ad regnum confirmandum necessaria forent, ordinaret. Nec multò post metu hyemis ingruentis, & invalescentis magis magisque frigoris jumentis, camelis præsertim summè infesti in Thraciam reversus est. [4.]

Eruuntur porro ex literis Monasterii Zwetlensis hoc anno sequentia: „ Dominus Franciscus Josephus Episcopus „ Segmensis Ordin. Fratrum Prædicato- „ rum Magnificis Dominis Regentibus „ Viennam scribit, quòd Abbas Zwet- „ lensis optimè se tractet, eumque ipsis „ commendat, & affirmat se jussu Regiæ Majestatis huc deportatum fuisse. „ Ceterum se velle sequi voluntatem „ Regis, ubicunque ipsum stare Regi „ placeret. Datum in Monasterio Zwetl „ in die Priscæ, nimirum 18. Januarii, „ annò 1529. „ [5.] Conjector ego dictum Episcopum à Turca de Sede sua ejectum & mutilatum per Monasteria Austriæ deportandum à Rege, ad quem confugerat, jussum fuisse.

„ Eousque hoc anno Erasmus Ab- „ bas ob continuos census solvendos „ devenerat, ut etiam quædam bona „ distrahere cogeretur, unde scribit „ Domino Gabrieli Comiti Ortenbur- „ genfi Baroni in Freyenstein & Carls- „ pach, Regi Ungariæ ac Bohemiæ à „ Consiliis & Camera, & Joannem Gen- „ ger Al lodiorum Magistrum de vendi- „ tione bonorum cum eo acturum mit- „ tit. Datum in Monasterio Zwetl 9. „ Martii annò 1529. „ [6.]

Deinde Ferdinandus Rex omnibus Dominis & Judicibus regnorum ac provinciarum suarum mandat, quatenus in omnes & singulos Anabaptistas rationis compotes secundum constitutionem

Ggg gg

nem



nem Spiræ in Imperii comitiis factam vel igne vel gladio, prout factum & persona postulare videbitur, animadverti curent. Datum Viennæ 18. Maji, annò 1529. Regnorum verò suorum annò tertio. [7.] Ex hoc mandato Regio apparet, quòd Anabaptistarum secta in comitiis Spirensibus damnata fuerit.

Porro fit mentio in quibusdam literis Joannis Kazianer Regii in campo Capitanei: Leonardi Baronis de Vels Junioris Capitanei super pedestres copias: Nicolai Jurischitz Regi à consiliis & ad militum stipendia distribuenda deputati Commissarii: Nicolai de Thurn Capitanei equestrium copiarum: Joannis Apholterer Campi-Mareschalli: Leonardi Guetenfelder conquistoris: & Ulrichi de Miltenberg præfecti ærarii milita-

ris, apud quos Christophorus Lang famulus Monasterii de stipendio equitum ab Abbate pro bello in campum missorum agebat. Datum in castris campestribus ante Trentschin, 18. Julii, annò 1529. [8.]

Abhinc de Solimanni in Ungariam reditu omnia turbabantur, ita quoque, ut ubi ille Budam receperat civibus vacuum, & arcem occuparat, omniæque loca Austriam versùs in suam redegerat potestatem, decimus vir à Provincialibus petebatur, unde etiam Monasterium Zwetlense virum decimum ex subditis mittere tenebatur, qui sub Joanne Enzeweifer & Richardo Iffanar Capitaneis militârunt, & stationes suas infra portam Scotensem Danubium versùs & portam Werderthor dictam habuerunt.

## ADDITIONES.

\* [1.] Surius in Commentario hoc anno. Paralipomenon ad Abbatem Ursperg hoc anno.

Soiterus de bello Pannonico in fine lib. 1. Spondanus hoc anno n. 13. „ Hujus anni „ autumnò pestilens morbus de improviso totam penè Germaniam, præcipuè verò Inferiorem, ac Belgium invasit, quo plurima „ mortalium millia sublata sunt: quem vel à „ notarum indicio vel potiùs ab efficientia, „ Sudorem, & quòd primùm olim in Anglia visus fuisset (ut suò locò vidimus) „ Anglicum vocitârunt. Describit illum „ plenius Ludovicus Guicciardinus; & Medicos memorat, qui utiles de eo libellos conscripserunt. Miræus autem narrat, cùm „ Antverpiæ (ubi tridui spatiò circiter quingentos ea lue extinctos esse, Erasmus quadam epistola scribit) solemnem supplicatio „ ad implorandum divinum auxilium facta fuisset ipso die S. Michaëlis, subito malum „ serpere desisse: atque in ejus beneficii memoriam deinceps Antverpienses quotannis „ simili die solemnem celebrare supplicationem. Idque ipsum Oliverius contigisse „ Senonis ad invocationem Beatæ Virginis scribit. Fuisseque hunc morbum, qui in „ Anglia ortum olim habuit, prænuncium „ hæreticæ pestis, quæ regnum Anglicum erat

„ paulò post infectura, Genebrardus existimavit. Simul autem gravissima annonæ „ caritate eandem Germaniam hoc eodem „ anno afflictam fuisse, præter bella ac seditiones, quas diximus, auctores narrant. „ Ita namque Dominus novis indies emergentibus hæresum ac scelerum portentis, „ nova adhibuit flagella: quibus tamen indurati ad malum homines deteriores magis „ quàm meliores effecti sunt. „

[2.] Neugebauerus à Cadano Histor. Polon. lib. 7. annò 1528. priori anno sub n. 1. relatus.

Soiterus à Vinda de bell. Pannon. lib. 1. Surius in Commentario hoc anno. Streinius in Annalib. Austr. Superior. hoc anno & alii.

[3.] Megizerus Annal. Carinth. lib. 11. cap. 28. fusè describit.

Surius in Commentario hoc anno. Soiterus à Vinda de bell. Pannon. lib. 1. Neugebauerus histor. Polon. lib. 7. hoc anno, aliique plures,

[4.] Neugebauerus & Surius ubi suprâ.

[5.] E literarum monumentis.

[6.] E copia literarum.

[7.] Ex Autographo ipsius Regis mandati.

[8.] E literarum monumentis.

## Annus Christi MDXXX. Monasterii CCCXCII.

*Pont. Rom.*  
Clemens VII.

*Imp. Rom.*  
Carolus V.

*Arch-Dux Austriae*  
Ferdinandus I.

*Episcopus Pataviensis*  
Ernestus.

*Abbas Zwetlensis*  
Erasmus.

**V**enit in Italiam Cæsar triremibus ab Andrea Auria Genuam advectus, deinde Bononiam accessit, ubi à Clemente VII. susceptus, Romani Imperii diadema de Pontificis manibus more Majorum accepit, & incredibili apparatu, magnificentissimæque pompa Augustus ipso natalis sui die, qua die etiam Franciscum Gallorum Regem devicit & cepit, sextò nimirum Calendas Martii, Annò MDXXX. appellatus est, cum Clementis & Venetorum precibus Franciscum Sfortiam in gratiam recepisset, redditò ei Insulrum imperiò, (Mediolani tamen arce ad tempus retenta) de quo tantis cladibus omni devastata Italia dimicaverant. \* [1.]

Interea cum esset in Italia Cæsar, conventum Principum & Ordinum omnium Imperii indixit apud Augustam Vindelicorum in diem 8. Aprilis, ubi maximè de Religione tractatum fuit, ubi Lutherani articulos suæ fidei, authore Melanchtone, quæ hodie Confessio Augustana nominatur, Cæsari obtulerunt, quæ jussu ipsius à Catholicis Theologis est refutata. Porro Cæsar cum Catholicis Principibus omnibus subcomitiorum finem omnino statuit, in ea fide & religione, quam à sanctis majoribus suis velut per manus traditam accepissent, constantissimè permanere. Ei sententiæ omnes & singuli subscripsere 19. Novembris. Deinde soluto conventu omnes discedunt, Cæsar cum fratre Ferdinando & non paucis Principibus Coloniam Agrippinam petunt. Hoc anno protestantes Lutherani Smalcediæ conventum primum celebrant, & sedes inter se contra Catholicos inuicem. [2.]

Hoc anno etiam Romæ Tiberis mi-

rum in modum inundavit cum magno damno adhabitantium: non multò post etiam in Inferiore Germania apud Flandros, Seelandos, Hollandos, atque etiam Fraciæ aliquot populos Oceano finitimos, mare ab imis visceribus exagitatum vehementer afflixit. [3.]

Joannes Genger Alldiorum in Zwetlensi Monasterio Magister hunc annum à reformatione rusticorum incepit, quæ dicitur Pontåding, qui superioribus annis tumultuantes in pessimam vitam declinaverant. [4.]

Porro Ferdinandus Rex cum Turcam ad bellum se præparare denuo perciperet, Provincialium omnium bona & subditos in suis hereditariis provinciis conscribere jussit, ut ad resistendum hosti pecuniam colligeret, de quolibet talento & domo rurali censum petiturus. Unde Erasmo in Zwetl Abbati præcipit, ut cum omnibus libris fundi ad Monasterium suum spectantibus, ac annotatione pagorum, domuûmque, enumerando etiam in pagis vel aliis bonis anno superiori per Turcam factam devastationem & illata damna, Viennæ coram Consilio Regio appareat ad singula responsurus. Item pecuniam, quam in præterita Turcarum rabie porrexisset tenebatur, secum afferat. Datum Viennæ 6. Februarii annò 1530. [5.] Censui tales vocantur talenta, vulgò Pfundtgeld oder Gült / quem Domini dare tenentur, de domibus verò singulis singuli coloni, quod adhuc hodie est in usu continuo. Quòd autem hoc anno repetat ipse Rex totius provinciæ Austriæ Inferioris libros fundi, pagorum, redituûmque numerum & quantitatem, cum tamen jam Annò MDXXVI. Provinciales hoc fecissent, in causa est, Ggg gg 2 quia

quia cū exactius ipse scire vellet, quot talenta, quot domus in tota provincia haberet, ita denuo omnes, præsertim Statum Ecclesiasticum requirebat; de quorum bonis ad bellum Turcicum sustinendum tertiam partem distrahendam à Summo Pontifice obtinuerat; sicut etiam hoc anno Erasmus Abbas in Zwetl partim cum consensu Regis plurima bona, uti infra patebit, divendit & distraxit.

Rursus Ferdinandus Rex omnibus Austriæ Inferioris incolis mandat, quatenus si Turcam redire contingeret, illi se in loca munita, in civitates, in castra, in castella, in arces, in oppida protinus conferrent, deinde modum confugientium talium suscipiendorum ac modum vivendi præscribit: item de nutriendis senibus, parentibus, & liberis, atque etiam ad alienos Dominos transeuntium jura & documenta ponit: rursus de militibus nominatenus tantū vagantibus, & de viatico militibus modestis porrigendo. Demum loca pro speculis alta, ex quibus incolæ tormentorum boatu, vel ignibus, aut aliis signis salutis suæ consulere admonentur, numerantur ista: „ Puttenberg, Semering, „ Hainburg, Kalenberg, Püßfenberg, „ Göttwey, mons ad Sitzendorf, Leis- „ serberg, mons S. Georgii apud Si- „ charts, Rauchmayß apud Schraten- „ thal, Prugg ad Lytam, Valckenstain, „ Krutt, Anger, Eyfentatt, Scharfen- „ eck, Gunns, Vorchtenstain, Land- „ see, Kirchschlag, Pernstain, & War- „ tenstain. „ Dicit etiam Turcarum Imperatorem ad instigationem Joannis Zepusienfis quondam Weywodæ in Transylvania, & complicitum suorum in Ungariam invitatum fuisse. Ait verò vires suas contra hostem hunc communem cum Imperatoris fratris sui Germaniam modò ingredientis exercitu potenti se conjuncturum. Datum Viennæ, 10. Junii annò 1530. Regnorum suorum annò quartò. [6.]

Præterea hoc anno Erasmus Leisser

Abbas in Zwetl fratri suo germano Sigismundo Leisser, qui fuit Regi à consilio bellico, & supremus armamentarii Præfectus, grangiam Monasterii Zwetlensis Neunzenhof dictam vendidit 24. Junii, annò 1530. [7.] cum pagis Erchenprechts, Oephlgeschwendt, Wurmpach, Stainbach, & Alentsteig. Eodem die & anno alteri germano fratri suo Maximiliano Leisser, qui Capitaneus Regius vexillum peditum sub se habebat, pagos Hollenbach, Mezenslag, & Limphings simili modo vendidit, de quibus bonis Monasterium Zwetlense adhuc cum familia Leisserorum longas coram Excelso Regimine lites habuit, quæ in hodiernum usque diem continuantur. Familia Leisserorum aliàs suam in Stiria originem habuit, sat nobilis, supradictorum parens fuisse videtur Georgius Leisser, qui ex Scholastica de Erna etiam nobili uxore sua genuit Sigismundum præfatum, cui hoc anno Neunzen grangia vendita fuerat. [8.] Præterea genuit Christophorum Leisser, qui se scribit de Neunzenhof & Idoltsperg, & in Viennensi obsidione sub fratre suo Maximiliano Capitaneo militavit, uxorem habuit Margaretham filiam Joannis de Eibeswald in Purgstall Equitis, Consiliarii Regiminis Regii, ac Rosinæ natæ de Herberstain Baronissæ, uterque conjunx in Parochiali Ecclesia in Edelbach, quæ ad Monasterium Zwetlense spectat, ad lapidem marmoreum sepultus. [9.] Idem Georgius procreavit Joannem Leisser, qui in obsidione sub Joanne Kazianero egit vigiliarum Magistrum: rursus Maximilianum Leisser suprâ nominatum, qui etiam Viennæ obessus habebat vexillum peditum: postmodum Ulricum Leisser, qui post Sigismundum etiam vocatur Regi à Consilio bellico & supremus armamentarii Præfectus: Ultimò Erasmus Leisser, qui in Monasterio Zwetlensi factus Ordinis Cisterciensis Professor, post Egidium Abbatem defunctum Abbas fuit electus & confirmatus, uti suprâ Annò MDXII. Atque ita

ita Georgius Leisser sex filios habuisse videtur. Non tantum autem hæc suprà dicta bona suis fratribus Abbas vendidit, sed etiam grangiam Monasterii in Cambern juxta Hädrestorf, Christophoro Leisser patrueli suo dedit; Item Joanni Fuxberger Ossarn pagum apud Herztogburg; D. Wilhelmo de Zelcking Zegerstorf pagum juxta Stockeraw; Joanni Ernst civi Cremsensi mageriam in Hafnerbach juxta Hohenegg; aliquot subditos in Alten-Poëlla Maximiliano fratri suo, & Abbatissæ ad S. Bernardum aliquot colonos in Hainfeld, non quidem omnia hoc anno, sed & sequentibus ista & plura cum Regis consensu distraxit.

Præterea mentio facta fuit Ulrici Leisser armamentarii Viennensis Præfetti, qui Erasmo Abbati fratri suo scribit, quod ad duo prius empta Viennæ illa tormenta bellica, quatuor adhuc comparaverit, quorum unum in pondere centum viginti quinque libras habet, centum autem libras metalli emit decem florenis Rhemensibus; scribit præterea se duo illa priora probasse, quæ passus quadringentos superant, & metam attingunt, nuntians, se insignia Abbatissæ & Monasterii singulis affundi curasse. Refert etiam in his literis se arces & dominia in Styria Inferiore Wyldon & Weinberg habere. Facit quoque mentionem fratrum suorum Maximiliani, Sigismundi & Joannis: item Alexandri vel patruelis, vel avunculi, item aliquarum sororum. Literæ hæ datæ sunt Viennæ 19. Augusti, annò 1530. [10.]

Ex his literis constat meam suprà de Leisserorum progenie conjecturam veram fuisse; præterquam quod Christophorus Leisser, qui se de Neuntzenhof & Idoltsparg scribit, ac Edelbachii sepultus jacet, omittatur, qui uti mihi videtur, Sigismundi, cui Erasmus grangiam Neuntzenhof vendiderat, filius & hæres fuisse debuit.

„ Demum etiam Ernestus Admini-  
strator Episcopatus Pataviensis, Co-  
mes Palatinus Rheni, Dux utriusque  
Bavarie scribit Abbati in Zwetl, &  
de privilegiis & libertatibus deducen-  
dorum per Oenum salium Zwetlen-  
sium absque telonio certior fieri pe-  
tit, eorumque privilegiorum descri-  
ptionem sibi transmitti postulat. Da-  
tum Augustæ Vindelicorum Domini-  
cæ post Bartholomæi, nimirum 28.  
Augusti, annò 1530. [11.] Cui  
Abbas Erasmus respondet, quod ipse  
Viennæ in comitiis provincialibus  
existens literas Principis ab Officiali  
suo Doctore Leonardo Mörz accepisset,  
seque ait, non modò ab Austriæ  
Ducibus, sed etiam à Ducibus Bava-  
riæ utriusque Majoribus ipsius, item  
ab Episcopis Pataviensibus suis præ-  
decessoribus privilegia & immunita-  
tes salium suorum liberè sine muta  
per Danubium & Oenum deducen-  
dorum habere, quorum copiam pro-  
tinus misisset, si in Monasterio suo  
tunc fuisset. Promittit tamen id  
postea se facturum. Datum Vien-  
næ 16. Septembris, annò 1530. „  
[12.]

## ADDITIONES.

\* [1.] Onuphrius & Ciaconius in vita Clementis VII.

Surius in Commentario hoc anno.

Megizerus Annal. Carinth. lib. 11. c. 13.

Spondanus hic n. 1. & seqq.

[2.] Surius in Commentario hoc anno.

Item Spondanus n. 4. & seqq.

Cochläus hoc anno, qui interfuit huic conventui. „ Inter primos igitur, qui Augu-  
stam convenerunt, fuit illustrissimus Prin-

„ ceps Elector, Dux Saxonie Joannes. In  
„ cujus comitatu erant & alii nonnulli Prin-  
cipes, nempe filius ejus Dux Joannes Fri-  
dericus; duo fratres Duces Luneburgenses,  
„ Ernestus & Franciscus: & Princeps ab An-  
halt Wolfgangus. Splendida præterea No-  
bilitas, & cum eis doctrinæ Lutherane Antef-  
signani: quorum præcipuus erat Philip-  
pus Melancthon. Adduxerat & Lutherum  
ipsum per bonam itineris partem, ad Au-  
Hhh hh „ gustam

„ gustam tamen usque non perduxit, eò quòd  
 „ esset à Cæsare in Ediò Wormaciensi pro  
 „ hæretico notorio damnatus & proscriptus.  
 „ Volebat eum sub salvo conductu reservari  
 „ in quadam urbe Imperiali propinqua, sed  
 „ responsum est ei à Senatu, non licere sibi  
 „ contra Cæsarem asscurare quenquam. Ita-  
 „ que reliquit eum in munitissima arce sua  
 „ Koburg. Cæsaris autem adventus fuit ali-  
 „ quantò tardior, propter magnos honores  
 „ & pomparum apparatus, quibus honorifi-  
 „ centissimè excipiebatur ubique per terras  
 „ Venetorum, per terras avitas Comitatus  
 „ Tyrolis. In quibus occurrebat & excipie-  
 „ bat eum summo & gaudio & splendore,  
 „ frater suus Rex Ferdinandus, ejusque pop-  
 „ ulus Suacienfis, qui nominatissimas habet  
 „ fodinas argenteas, donavit eum nummò  
 „ unò argenteò, qui mille ac DCC. aureos  
 „ precìò æquabat, omnia Cæsaris stemmata  
 „ venustissimè repræsentans. Et per terras  
 „ Ducum Bavarie, qui in pulcherrima ur-  
 „ besua, quæ Monacum dicitur, nullo non  
 „ exhibitò honoris genere, illum quatrindò  
 „ retinuerunt, simul cum Rege Ferdinando,  
 „ & Cardinale Campegio Sedis Apostolicæ  
 „ Legato. Die autem XV. Junii in profesto  
 „ Corporis Christi, cum Cæsar appropinquas-  
 „ set urbi Augustæ: occurrunt ei obviam  
 „ omnes Principes & Status Imperii, quorum  
 „ omnium nomine Reverendissimus & Illu-  
 „ strissimus Dominus Albertus, Cardinalis &  
 „ Archi-Episcopus Moguntinus, ac Magda-  
 „ burgensis Princeps Elector, velut Archi-  
 „ Cancellarius Imperii per Germaniam, de-  
 „ centissima oratione eum excepit: Verum-  
 „ tamen priusquam adirent, omnes ab equis  
 „ descenderunt in occursum ad L. aut LX.  
 „ passus. Sed & Cæsar ipse unà cum fratre  
 „ suo, ut viderunt, mox ab equis descende-  
 „ runt honoris gratiâ. Facti autem urbi pro-  
 „ pinquiores, excepti sunt supplices devotio-  
 „ ne à Senatu Populòque Augustensi, qui pe-  
 „ destres procedebant: habebant tamen &  
 „ Equites aliquot accuratissimè exornatos,  
 „ & cohortes quatuor ad duo millia pedi-  
 „ tum. In ipsa autem urbe expectabat adven-  
 „ tum ejus Reverendissimus Dominus, Chri-  
 „ stophorus à Stadio, Episcopus Augusten-  
 „ sis, cum omni Clero suo, qui Cæsarem sub  
 „ Tensa deduxerunt in Ecclesiam Cathedra-  
 „ lem, peractisque ibi ab Episcopo benedi-  
 „ ctionum ceremoniis, decantatòque hym-  
 „ nò, Te Deum laudamus: Cæsar in Episcopi  
 „ curiam, quæ Palatina dicitur, velut in ho-  
 „ spitium suum concessit, alique omnes in  
 „ sua redierunt diverforia, vespere jam in

„ crepusculum inclinato. Cæsar & illo ve-  
 „ spere adhuc, & altero die manè per suos  
 „ egit cum Electore Saxonie, aliisque Princi-  
 „ pibus Lutherane factioni adherentibus, ut  
 „ antiquo more irent simul cum Majestate  
 „ ipsius, aliisque cum Principibus ac Statibus  
 „ Imperii, in processione publica, qua depor-  
 „ taretur Venerabile Sacramentum Corporis  
 „ Christi. Illis autem excusantibus sese, & mul-  
 „ ta obtendentibus, quæ circa eam rem sum-  
 „ obstitent fidei: petiit tandem, ut si nollet  
 „ propter honorem Dei comitari, facerent sal-  
 „ tem propter ipsum Cæsarem, ut Vasalli &  
 „ Principes Imperii. At nec ea ratione per-  
 „ suaderi potuerunt. Unde factum est, ut  
 „ processionis tempus usque in meridiem pro-  
 „ tractum fuerit. Cæsar verò nihilominus  
 „ unà cum aliis Principibus ac Statibus Im-  
 „ perii, suisque cum Proceribus Hispanicis  
 „ Burgundisque eam processionem devotif-  
 „ simè simul & splendidissimè peregit. Ve-  
 „ nerabile Sacramentum portabat Primas Ger-  
 „ manie, Cardinalis & Archi-Episcopus Mo-  
 „ guntinus, quem deducebant Rex Ferdinan-  
 „ dus à dextris, & Marchio Brandeburgensis  
 „ Elector Imperii Joachimus, Domini Mogun-  
 „ tini frater germanus, à sinistris. Ante  
 „ ipsum Sacramentum procedebant sæculares  
 „ Principes, ante eos Magistri Curie, Cadu-  
 „ ceatores, Heroldi, Buccinatores tum Cæs-  
 „ saris, tum Regis, ante quos præcedebant  
 „ Proceres utriusque Curie totiusque Clerus.  
 „ At ponè Sacramentum sequebatur ipse Cæs-  
 „ sar nudo semper capite, quamvis in arden-  
 „ tissimo sole, quadrifidam in manu facem  
 „ ardentem gestans: Post eum omnes Archi-  
 „ Episcopi & Episcopi. Jussu autem & pro-  
 „ videntia Cæsaris, omnes tum Principes &  
 „ Proceres gestabant quadrifidas faces arden-  
 „ tes in cera albata: tum longissima processio-  
 „ ne diversi generis Musici decantabant in  
 „ laudem Dei, & Tensam, sub qua portaba-  
 „ tur Sacramentum, semper alternatis vicibus  
 „ gestabant seni Principes sæculares. Luthe-  
 „ ranorum verò contumaciam Cæsar ægerimè  
 „ ferens, voluit, ut mox altera die cum salvo  
 „ conductu abirent domum. Alii autem  
 „ Principes, pacis & concordie avidi suppli-  
 „ carent ejus Majestati, ut sedatà irâ, daret  
 „ eis publicam audientiam, juxta tenorem  
 „ Ediò, per quod vocati fuerant. Quorum  
 „ petitioni acquiescens Imperator, die XX.  
 „ Junii incepturus Aëa publica, jussit omnes  
 „ Principes ac Status Imperii adesse in Eccle-  
 „ sia Cathedrali. Ubi Missam quidem cele-  
 „ brabat Primas Germanie supradictus: Ora-  
 „ tionem verò latinam disertissimè habuit ad  
 „ Prin-

„ Principes R. D. Wicentius Pimpinella ,  
 „ Archi-Episcopus Rossanus, Nuncius Apo-  
 „ stolicus. Cardinalis namque Campegius ,  
 „ Summi Pontificis Legatus de latere, poda-  
 „ grâ & articulari morbo prædeditus, publicis  
 „ actibus raro interesse potuit. Aderant &  
 „ Lutherani Principes, tum in Missa, tum in  
 „ Concione : Quibus peractis, ad publicum  
 „ in Prætorio confesum ex Ecclesia solenni  
 „ more processum est: Elector Saxonie ante  
 „ Cæsarem de more equitans, gladium eva-  
 „ ginatum gestabat. In confessu autem pu-  
 „ blico, generalis facta est rerum agendarum  
 „ propositio. . . . . Ceterum  
 „ Cæsar antiquo Romanorum exemplo, ac  
 „ laudabili religiosoque Majorum instituto,  
 „ causam religionis omnibus aliis causis ne-  
 „ cessitatibusque præferens: In proximo con-  
 „ fessu publico audientiam dedit Lutheranis  
 „ Principibus, qui ex scripto fecerunt recitari  
 „ fidei suæ confessionem Teuthonicè, per D.  
 „ Christianum Beyer: quam & latinam exhibuerunt,  
 „ cujus Architectus præcipuus fuerat Philippus Melancthon. In qua sanè  
 „ post exordium commemorantur XXI. arti-  
 „ culi de fide ipsorum. Deinde annectuntur  
 „ alii articuli, in quibus recensentur abusus  
 „ (ut ajunt) mutati, quorum tituli sunt: De  
 „ utraque specie, de conjugio Sacerdotum,  
 „ De Missa, de Confessione, de discrimine  
 „ ciborum, de votis Monasticis, & de pote-  
 „estate Ecclesiastica. In articulis de fide mul-  
 „ ta dissimulabant, quæ antea aliter docue-  
 „ rant. . . . . Cæsar pro innata sua  
 „ clementia ac bonitate, omnia ad finem us-  
 „ que patienter audivit, acceptoque exemplari  
 „ cæterum dimisit: profunda enim jam erat  
 „ vespere. Examinandæ autem & confutan-  
 „ dæ illius confessionis curam negociumque  
 „ Theologis Catholicorum Principum deman-  
 „ davit. Qui cum intra paucos dies bene  
 „ acrem copiosamque responsionem adornas-  
 „ sent (in qua non solum quæ erronea erant,  
 „ scripturis & rationibus confutarentur: verum  
 „ etiam circa ea, quæ recta erant, ostende-  
 „ runt Lutherum suis cum complicitibus an-  
 „ tea longè aliter docuisse atque scripsisse)  
 „ exhibuerunt eam Cæsari: Cæsar Principibus  
 „ Catholicis. Quoniam verò avidi pacis &  
 „ concordie omnes erant, visum est eis, le-  
 „ nius respondendum, atque omittendum,  
 „ quidquid illorum concionatores antea do-  
 „ cuissent ac scripsissent aliter, quam eorum  
 „ habebat confessio. Dum autem mutaretur  
 „ confutandi modus, abierunt dies aliquot.  
 „ . . . . . Augusti verò post  
 „ „ Lutheranos, aliam fidei confessionem ex-

„ hibuerunt Cæsari Oratores quatuor civita-  
 „ tum Imperialium, Argentinenfis, Constan-  
 „ tiensis, Memmingensis, & Lindavienfis. qui  
 „ sectam sequebantur Zuinglii. Quamvis  
 „ verò Catholicis exosa esset ea secta, maxi-  
 „ mè, quod negabant, veritatem corporis &  
 „ sanguinis Christi in Eucharistia, Missamque  
 „ prorsus aboliebant, & demoliebantur Alta-  
 „ ria, Ciboria, Imagines sacras, & alia Ec-  
 „ clesiarum ornamenta: Juxta tenorem tamen  
 „ Edicti citatorii, concessa est illis publica  
 „ audientia. In qua coram omnibus Imperii  
 „ Statibus, recitata est eorum confessio: Adeo  
 „ sanè astute comptis verbis adornata, ut sim-  
 „ plicioribus, velut per omnia probabilis,  
 „ facile imponere posset, adeo bene fucata  
 „ habebat speciem pietatis. Quam Cæsar  
 „ per eosdem Theologos, qui Lutheranam  
 „ confutaverant Confessionem, confutari jus-  
 „ sit, quorum confutatio publicè itidem re-  
 „ citata est. Cæsar itaque seriò ab illis pe-  
 „ tiit, ut dimissis erroribus cum Majestate  
 „ sua, atque cum aliis Imperii Principibus ac  
 „ Statibus, in fide & religione consentirent.  
 „ Illi verò respondebant, se ad hoc non ha-  
 „ bere mandatum aut commissionem à suis  
 „ civitatibus. Perebant autem exemplar con-  
 „ futationis, ut suis exhibere possint: Quod  
 „ Cæsar justis rationibus denegavit, quamvis  
 „ vellet permittere, ut eis bis aut ter aut sæ-  
 „ pius recitaretur, si audire velint. At illi  
 „ pertinaces in opinione sua perstiterunt. Cæsar  
 „ discessurus Lutheranis certos proposuit  
 „ articulos in publico recessu: Nempe, ut  
 „ intra XV. diem Aprilis proximè futuri, da-  
 „ rent sigillatum responsum: An per omnia  
 „ cum sua Majestate, & cum aliis Principibus  
 „ Statibusque Catholicis in fide convenire  
 „ velint, nec ne. Item, ut interea temporis  
 „ nihil novi in causa fidei finerent in terris  
 „ suis edi aut venundari. Item, ut aliorum  
 „ subditos non allicerent (sicut hætenus fa-  
 „ ctum fuerat) ad suam sectam, nec ab anti-  
 „ qua fide abducerent. Et si quid adhuc esset  
 „ in terris eorum, qui fidem tenerent Catho-  
 „ licam, ne cogèrent eos in sectam suam, ne-  
 „ que ab antiquis ritibus arcerent. Item, ut  
 „ adversus Zuinglianos & Anabaptistas cum  
 „ Catholicis convenirent, ad consulendum,  
 „ quid contra eos agendum sit. Verum illi  
 „ ejusmodi articulos recipere noluerunt, &  
 „ sine concordia discesserunt. Cæsar autem  
 „ nihilominus postea cum omnibus aliis Ele-  
 „ ctoribus, Statibusque, & aliis Principibus  
 „ in generali recessu (ut vocant) firmiter  
 „ conclusit, ut omnes constantissimè in prisca  
 „ Majorum suorum religione ac fide perma-  
 „ nerent.

h h h h h a

nerent. Hæc acta sunt Augustæ, & ab omnibus sigillatim subscripta die 19. Novembris. Deinde discesserunt omnes, Cæsar & Rex frater ejus, & multi cum eis Principes descenderunt versùs Coloniam: alii domum reversi sunt.

Pont. Heuterus lib. 10. cap. 5. Cæsar cum fratre Ferdinando vigesimo tertio Decembris Augustâ discedit, nil à Germanis in causa religionis obtinens, jubens Septem Viros initio Januarii Coloniam Agrippinam sibi præstò adesse, ad eligendum nominandumque Romanorum Regem. Et quoniam his comitiis in urbe Augustana primum protestantes novæ religionis capita Cæsari exhibuissent, Confessio Augustana est appellata, eadem planè quæ Protestantium Secta. Tum varia inter se Germani ac cum vicinis fœdera ineunt; iterumque mense Decembri Smalcaldiam convenientes, fœdus mutue defensionis causâ faciunt, novosque aliquot socios recipiunt, ac ad Reges, Principes, Civitatesque, quæ nondum conjurarent, mittendum, ut se jungant, decernunt. Sumit verò Smalcaldicum fœdus hoc tempore serò initium, desistitque eodem anno Suevicum.

[3.] Surius in Commentario hoc anno. Onuphrius & Ciaconius ubi supra.

Spondanus cit. locò n. 12.

[4.] E literarum monumentis.

- [5.] Ex Autographo ipsius mandati.
- [6.] Ex mandato ipsius.
- [7.] E copiis literarum.
- [8.] Megizerus lib. 11. cap. 22.
- [9.] Lapis sepulchralis in Parochia Edlbach juxta Neünzenhof.
- [10. & 11.] Ex Autographo ipsorum.
- [12.] E copia literarum.

#### INCIDENS.

Heuterus ubi supra. Pridie Calendas Decembris sub mediam noctem Mechliniæ, è vivis decedit Margarita Austriaca, Cæsaris Maximiliani I. filia, Caroli Cæsaris amita, ætatis annò fere quinquagesimò secundò, Belgicæ gubernationis circiter vigesimo tertio, sepeliturque, ut jusserat, corpus Burgis in Hispania juxta fratrem, cor Brugis Flandiæ apud Matrem, Mechlinia ut patria, sibi viscera servante. Justis illi pro dignitate solutis Cæsar in ejus locum, se absente, Belgis præesse voluit forem Mariam Austriacam, viduam Ludovici Bohemiæ & Hungariæ Regis, quam ex Austria Augustam perductam, in Belgium se proficiscentem sequi voluit.

Cap. 6. Interea Francorum Rex Franciscus omnia pararat, quæ ad recipiendos obsides filios, & promisso fœderis Cameraensis erant necessaria, Cæsarisque pignora ab Angliæ Rege impetrarat.

Item Spondanus ubi supra n. 12.

## Annus Christi MDXXXI. Monasterii CCCXCIII.

*Pont. Rom.*  
Clemens VII.

*Imp. Rom.*  
Carolus V.

*Archi-Dux Austriae*  
Ferdinandus I.

*Episcopus Pataviensis*  
Ernestus.

*Abbas Zwettlensis*  
Erasmus.

Ferdinandus Rex Ungariæ & Bohemiæ pridie Epiphaniæ Domini Coloniam in primario Templo, ubi Trium SS. Magorum corpora condita asservantur, Electorum Principum suffragiis creatus est Romanorum Rex, & die 11. mensis Januarii Aquisgrani coronatus. Saxo eam electionem per filium suum irritam protestatur, habuitque Principes alios præsertim Lutheranos, qui ei consentirent. Verùm Cæsar, quod amplissimas haberet ditiones, nec posset semper esse in Germania, consultum omnino putavit, ut in Imperio haberent ali-

quem loco suo, qui ipso absente rebus præesset. \* [1.]

Dum hæc in Imperio geruntur, Excelsum Regimen ordinationem in provincia se tuendi & in loca tuta se conferendi conficit, & scriptò publicari voluit taliter: Ferdinandus Romanorum, Ungariæ & Bohemiæ Rex &c. Provinciales de improvviso impetu Turcarum & perduellium Ungarorum, qui Joanni Comiti Zepusensi adherent, ad fortiter hostibus resistendum admonet, & se armandi conveniendique modum præscribit, loca quadripartitæ denominat

nat Austriæ sequentia pro signis observanda. „ Inprimis factis signis adventantis hostis, qui in parte provinciae supra nemus Viennense habitant, protinus suos amandabant milites Tulliam, qui verò infra dictum nemus sunt, ad Novam-Civitatem suos dirigant. Qui ultra Danubium in parte supra Mainhardi montem juxta Marchiam & Pulkam torrentes manent, militem suum in Cisterstorf, vel quò à Capitaneo illius partis jubentur, transmittant; qui autem infra dictum montem Danubium versùs eam Austriæ partem incolunt, Corneoburgum abegent. Loca dandorum signorum in his Austriæ quatuor partibus sequentia constituuntur: Infra silvam Viennensem Püttenberg, Semeering, Hainburg, Wartberg, Calenberg, Prugg an der Leyta, Vorchtenstain, Landsee, Kirchschlag, Pernstain, Eyfentatt, Güns. In provincia supra silvam Viennensem, Götvicum,

„ Oëttcher, Sitzenberg, Nusberg ad Holenburg, Sontagberg, Hohenegg. „ In parte infra Mainhardi montem, „ Krutt, Anger, Falckenstain, Hertertanz apud Wulferstorf, Leysserperg, Pyfenberg, S. Michaëlis mons, „ Puechperg apud Meilberg, mons apud Sitzendorf. In parte supra Mainhardi montem, Rauhermays apud Schrätenthal, mons S. Georgii, Kolmüntzberg, Arbasbach, Weissenbach, in Ihaudnyng apud Rana. Datum Viennæ 24. Januarii annò 1531. „ annò verò regnorum Romani primò & ceterorum quintò. „ [2.]

Emit etiam hoc anno Wilhelmus Chünringius de Seveld ex Fundatorum nostri Monasterii familia ab Erasmo Abbate reditus quosdam & subditos in pagis Faundorf & Steltzerndorf. Datum in Seveld 19. Junii, annò 1531. [3.] Hic fuit filius Joannis IV. Chünringii, in Excelsò Regimine Regis Consiliarius.

## ADDITIONES.

\*[1.] Surius in Commentario hoc anno. Piespordius in Ferdinando I. Megizerus Annal. Carinth. lib. 11. c. 23. Soiterus de bello Pannonico lib. 2. Spondanus hic n. 1. & 2. Pont. Heuterus lib. 10. cap. 6. „ Decimò nonò Calendas Februarii, cùm se Magistratus civisque Aquisgranenses Romanorum Regi Sacramento obstrinxissent, postero die Cæsar cum sorore Maria in Brabantiam, Rex Romanorum in Austriam contendit. - - - „ Prötestantes Germaniæ Principes confidentes Cæsarem novæ religionis dogmata omnino averfari, ac proinde vim aliquando ab eo timendam, tertio Smalcaldiam conveniunt, literasque ad Reges Franciæ, Angliæ, Daniæ, maritimasque ejus tractus civitates, ac ad alias Imperii dant urbes, secum fœdus propagandæ novæ religionis causâ incant petentes. Dant omnes spem, nemine tamen subscribente. Ut verò ratione munire se viderentur, convocant Theologos ac Jurisperitos, proponunt, an salva æquitate, pietatèque contra legitimum Principem fœdus inter se facere possent? Negant Theologi arma rectè ac piè contra legitimum Principem sumi. Idem

„ affirmant Jurisconsulti, sed sub conditione: „ expressas enim esse legibus causas, quando id iustè pièque fieri possit. Fatetur Lutherus se id antea ignorasse. Arreptò igitur statim calamò, contrà quàm sapiens scripserat, ac in publicis concionibus docuerat, „ populum adversùs Cæsarem, omnèsque qui „ Prötestantibus essent arma illaturi, vehementer concitat, æterna comminatus supplicia „ his, qui ad Cæsaris ivissent castra, nunquam desitura promittens gaudia, qui re ac consiliò Prötestantes juvissent. „

Item præmisit adductus Heuterus. „ Initio anni 1531. Franciæ & Angliæ Reges alienò se à Cæsare animò declarare incipiunt: hic ob materteræ Cæsaris repudium, „ quod ægerimè eum ferre sciebat: Francus „ felicitatis ac gloriæ Cæsarianæ splendore invidia correptus, quiescere non poterat, „ sed nova consilia spectare, novòsque excitandos motus decernit. Quare ut Solymanum Turcarum Regem ac Prötestantes Germaniæ Principes in Cæsarem concitet, „ clam Legatos mittit, cum utrisque communicatis consiliis secretum fœdus iniens, hoc tamen anno, pudore coactus, à bello abstinens. „



Verum de hoc dubitanter scribit citatur Spondanus n. 3. hisce: „ Miramur Guicciar-  
„ dinum, quasi rem certam absque ulla hæsi-  
„ tatione asserere, Franciscum consilia cum  
„ Solimano Turcorum Imperatore commu-  
„ nicasse, ut eum in Carolum Imperatorem  
„ concitaret: cum Jovius haud Gallis parere  
„ sciens, ubi dixit fuisse, qui id credidissent,  
„ nihilominus addat de hoc nihil pro vero

„ fuisse compertum, censeréque se eum hac  
„ infamia liberum. Solent enim sic hostes  
„ hostibus omnia scelera impingere, & ca-  
„ lumniis eos deturpare. Si tamen Franciscus  
„ id commisit, quam id infame, ac planè in-  
„ dignum nomine, quod gerebat, Regis Chri-  
„ stianissimi extiterit, nemo non videt, „

[2.] Ex Autographo ipsius.

[3.] Ex literarum monumentis.

## Annus Christi MDXXXII. Monasterii CCCXCIV.

*Pont. Rom.*  
Clemens VII.

*Imp. Rom.*  
Carolus V.

*Archi-Dux Austriae*  
Ferdinandus I.

*Episcopus Pataviensis*  
Ernestus.

*Abbas Zwetlensis*  
Erasmus.

**A**lteram Turcarum in Ungariam & Austriam irruptionem Surius egregie describit, cujus placet textum referre: Annò 1532. Cæsar Carolus, *inquit*, comitia indixerat Spiraë, sed ob Turcarum irruptiones transtulit ea Ratisbonam, ut esset propinquior Austria, cui imminerebat Turcarum tyrannus Jam Turca cum incredibili exercitu imminerebat Germaniæ, nec poterat negotium ultrà protrahi. Itaque Cæsare in Protestantium Confessionem Augustanam consentiente in tanta rerum difficultate, pax publica totius Germaniæ sancita est, & ut ad Concilium usque nulli fiat molestia ulla Religionis ergò. Ubi verò Protestantes Cæsaris hoc decretum acceperunt, obsequentiam & officium illi deferunt, & auxilia contra Turcas pollicentur. Ferdinandus Rex certior factus de Solimanni expeditione, tres Legatos cum muneribus ad eum mittit, quos ille quidem humaniter suscepit, sed nihil impetrarunt aliud, nisi ut castra sequerentur. Itaque Ratisbonâ disceditur, & uno omnes animo ad arma se parant. Cæsar ex Italia instructissimas Italorum & Hispanorum copias accersit. Andree quoque Adriæ maris Præfecto dat negotium, ut comparatis trimenibus & onerariis navibus, adversus Turcarum classem in Græciam trajiciat. Clemens Pontifex ad id bellum immensam auri vim contulit, & eo officio suum

in Rempubliam animum verè paternum egregie testatus est, quamquam exactiones Sacerdotiis & Clero impositæ nimium graves plerisque videntur. Galliæ & Angliæ Reges, itémque Helvetii ejus belli spectatores otiosos sese præbuerunt. Legatum Pontifex misit Hippolytum Medicum Cardinalem, qui præter ingentem pecuniam, etiam multos viros fortes, ac militares equos adduxit. Sub hoc tempore Weywoda Aloysius Gritto, quem Turca illi socium reliquerat, negotium dat expugnandæ Strigonii arcis, quæ Ferdinandi præsidio tenebatur. Milites Germani eam oppugnationem aliquamdiu fortissimè sustinuerant, licet rerum propè omnium inopiâ laborarent, parùmque feliciter cum Turcis navali prælio manus conseruissent, qui eis subsidio missi fuerant. Solimannus interea ubi Belgradum pervenit, Savo amne multis simul pontibus constrato, innumerabilem equitum multitudinem in Pannoniam intulit, & in Valeriam provinciam, quæ Stiria hodie dicitur, rectâ contendit. Ex Legatis Ferdinandi & captivis quibusdam postea cognitum est, in exercitu ejus fuisse ad quingenta hominum millia, & in iis trecenta ferè equitum millia. In ipso itinere occurrit illi Guintium oppidum, quod Nicolaus Luxurius (vulgò Jurischitz dictus) parva suorum manu contra tantam hostium vim

vim defendere non dubitavit. Referebant Turcæ, se equitem districto gladio ipsis urbem invadentibus minas intentantem in aëre conspexisse, quem plerique pie crediderunt D. Martinum fuisse, qui Sabariensis, à quibus Guintium parum aberat, omnibus dubiis temporibus semper opitulari consueverit. In hac exigui ejus oppiduli oppugnatione diebus viginti tribus hæsit Solimannus, & cum vi expugnare non posset, quod mirum profectò fuit, certis tamen conditionibus transegit cum Nicolao Præfecto, atque ita non sine dedecore inde abscedens, in Carinthiæ fines iter habuit. Habebat in exercitu suo Tyrannus tormenta ænea curulia circiter trecenta, castra plena erant omnis opulentiae, securitatis, silentii, disciplinæ; univærsus exercitus vervecinis carnibus atque orizâ affatim reficiebatur. Verùm enim verò non fuit ausus unâ proficisci ad Cæsarem, cujus exercitus magna alacritate ejus adventum ad Viennam sustinebat. Ne tamen absque Germaniæ clade discederet, missus est Casonus Dux barbarus & impiger cum quindecim millibus equitum, qui omnia longè latèque depopularentur. Non defuit Casonus Solimanni votis: fit magna passim in agris & pagis cædes hominum: cuncta fumò, flammis, & ignibus per multa milliaria collucent. Ad Lincium usque oppidum, ubi tum erat Ferdinandus Rex, ea barbarorum rabies progressa est. At ubi multâ onustus prædâ eodem ferè, quo venerat, itinere ad Solimannum redire contendit, in nostros pedites & equites incidit, qui diversis in locis ejus reditum operiebantur. In ipso autem itinere captivos ad quatuor millia, nè oneri essent, immanis barbarus crudeliter occidit. Progressus inde in Palatinum incidit, à quo magna equorum & hominum strage edita, ipse quoque Casonus fortissimè pugnans cæsus est. Qui supersuère, paulò post in Londronii & Joachimi Brandenburgici copias delati, pecudum modò mactati sunt,

captis tamen nonnullis, qui in servos venderentur. Postremi, qui effugerant Germanos, Ungaros sensere longè infestissimos, qui etiam fugientes per 60. amplius stadia, terga cædentes, persecuti sunt. Ita in diversis locis ad octo ferè millia perierunt. Solimannus itaque, licet equitatu nostros multis modis superaret, non tamen est ausus vires periclitari suas, sed (quod maxime dolendum est) plusquam triginta millibus Christianorum in fœdissimam servitutem (ut ferebatur) abductis, Constantinopolim ex turpi fuga sempiternam secum ignominiam reportans ita discessit, ut identidem respecaret, an Cæsar à tergo sequeretur. Sic immanis ille tyrannus intra paucissimos annos bis Germanorum è finibus cum dedecore profugit. Habuit in hoc bello Cæsar descriptorum peditum nonaginta, & equitum triginta millia, præter alios multos ultro in id sacrum bellum profectos. Ubi verò Cæsar de Solimanni discessu cognovit, in Italiam cum aliquot Germanorum & Hispanorum millibus profectus est. \* [1.] Hæc ex Surio. Ad longum hoc bellum describunt Soiterus à Vinda, [2.] & Megizerus. [3.]

Ceterum è literarum monumentis Monasterii Zwetlensis edictum tale invenitur: Ferdinandus Romanorum, Ungariæ & Bohemiæ Rex &c. mandat omnibus Austriæ Inferioris incolis, ut quilibet ad ignes in speculis positos, ad explosiones tormentorum, & ad fumos montium altiorum, item ad pulsus campanarum, propter hostium Turcarum irruptiones diligenter attendant, qui tunc per signa talia in Austriam involare significantur. Monet deinde, auditis & visis signis prædictis singuli cum uxoribus, liberis, rebûsque suis ad civitates, castella, castra, oppida contra incursum hostiles munita, præmissis antè comæatu suo se conferant. Item cives in oppidis & civitatibus quilibet è frumento farinam sibi sufficientem maturè fieri procurent. Et nihil de comæatu in

domibus desertis pro hostium spoliis à fugientibus relinquatur; Rex aliàs Joanni Catzianero Consiliario suo & summo Austriæ Capitaneo Carinthiæque Præfecto in mandatis dedit, ut inventos omnes post fugam possessorum commectus in usum militum suorum rapiat, aut si propter instantem hostem non potest, penitus perdat. Datum Viennæ 10. Junii, annò 1532. Regni Romanorum

secundò, aliorumque sextò annò. [4.]

Deinde Rex Ferdinandus ab Abbate in Zwetl pro expeditione contra Turcarum Imperatorem, quem in propria persona Ungariam rursum invadere scribit, pro curru sex equos ad tormenta bellica deferenda petit. Datum Viennæ 26. Junii, annò 1532. Romani regni secundò, aliorumque sextò annò. [5.]

## ADDITIONES.

\*[1.] Surius in Comment. hoc anno. Neugebauerus histor. Poloniæ lib. 7. hoc anno.

Spondanus hic n. 1. & seqq.

Pontus Heuterus lib. 10. cap. 7. in fine.  
 „ Habebat juxta Viennam in castris Cæsar  
 „ ducenta sexaginta hominum millia. At  
 „ flos peditum centum millia, equitum tri-  
 „ ginta millia non superabat: cum quibus, quòd  
 „ ex acerrimis Germaniæ, Hispaniæ, Italiæ, ac  
 „ Belgarum veteranis essent collecti, Cæsar acie  
 „ cum Solymano certare, si advenisset, ex om-  
 „ nium consilio statuerat. Non enim longius à  
 „ Danubio recedere, ne ab immenso hostium  
 „ equitatu commectui intercluderetur, decre-  
 „ verat. Tormentorum Cæsari ingens aderat  
 „ numerus, quæ percaletasta, & ad exo-  
 „ nerandum inidonea facta, plaustris, rotis-  
 „ que ejecta, hisque implicata, pediti contra  
 „ hostilis equitatus invasionem, valli loco,  
 „ objici jusserat. Sed Solymanus, consilio  
 „ Cæsaris perspectò, disciplinâ militum, vir-  
 „ tute, ac ardore motus, conversis signis  
 „ Dravum ac Savum amnes cum omnibus co-  
 „ piis trajicit, Belgradumque revertitur, ultra  
 „ triginta hominum millia in captivitatem  
 „ abducens, cum non minorem numerum di-

„ versis locis trucidasset. Dixisse Solyman-  
 „ nus ad familiares fertur; non se temulen-  
 „ tos Germanos, sed Caroli fortunam refor-  
 „ midare, quæ cum in hunc usque diem non  
 „ deserens, insignes victorias tribuisset.

C. 8. „ Cæsar, cognito Solymani regressu,  
 „ in Italiam reverti statuit, quicquid frater Fer-  
 „ dinandus rogaret, Joannem Vaivodam Hun-  
 „ gariâ ejiceret; cui nil aliud tribuit, quàm ut  
 „ Itali Austriacis juncti, Duce Fabritio Mara-  
 „ maldo, in Hungaria bellum gererent. Sed Itali  
 „ in seditionem versi, ad octo millia virorum,  
 „ invitis Ducibus, domum contendere, re-  
 „ liqui cum Maramaldo mansere. Cæsar cum  
 „ veteranis Germanis ac omnibus Hispanis  
 „ per Forum-Julii Venetorumque Ditiones  
 „ amicè & pacatè incedens, Mediolanum  
 „ pervenit, mensèque Novembri ad Ordines  
 „ Imperii ad literas, jubens pacem Ratisbo-  
 „ nensem observent, fratremque Romanorum  
 „ Regem agnoscant, sibi necessariò ex Italia  
 „ in Hispaniam proficiscendum. „

[2.] Soiterus de bello Pannonico lib. 2.

[3.] Megizerus Annal. Carinth. lib. 11.

cap. 24. & 25. ad longum.

[4.] Ex Autographo ipsius in Consilio.

[5.] Item ex Autographo ipsius.

## Annus Christi MDXXXIII. Monasterii CCCXCV.

*Pont. Rom.*  
Clemens VII.

*Imp. Rom.*  
Carolus V.

*Archi-Dux Austriæ.*  
Ferdinandus I.

*Episcopus Pataviensis*  
Ernestus.

*Abbas Zwetlensis*  
Erasmus.

**C**AROLUS hoc anno cum Clemente Pontifice Bononiæ colloquium instituit, ubi etiam cum ipso de futuro Concilio habendo plurima egit, sicuti Protestantibus promiserat. Verùm illi Principes fraude concionatorum suo-

rum ed adducti fuere, ut Concilium ve-  
 rum & legitimum prorsus repudiarent.  
 Nam Pontificem rei personam sustinere  
 volunt. Imo usque adeo eundem in  
 odium & contemptum adduxerunt, ut  
 apud omnes, qui Lutheri & discipulo-  
 rum

rūm dogmata complexi sunt, non alio quā ipſissimi Antichristi loco habeatur.

\* [1.]

Henricus porro Angliæ Rex à quibusdam improbis adulatoribus malè persuasus, repudiavit Catharinam Caroli Cæsaris materteram, & duxit Annam Bolanam sive Boleniam, ex qua nata fuit Elisabetha, quæ postmodum venenò hæreseos totam Angliam infecit; Rex propter illicitas nuptias à Clemente Pontifice fulmine excommunicationis

ſeritur, sed ille à suo proposito nulla se passus est ratione deduci. Quæ res florentissimum Angliæ regnum in multas calamitates coniecit. [2.]

Nuptiæ quoque Catharinæ Medicæ cum Henrico Francisci Regis Galliarum filio Massiliæ celebrantur, quibus non tam Franciscus ipse quā Clemens Pontifex, cujus neptis sponsa erat, præſentes fuerunt, quæ postea inter Cæsarem & Gallum magnum bellum peperere. [3.]

## ADDITIONES.

\* [1.] Surius in Comment. hoc anno. Ciaconius & Onuphrius in Clemente VII. Cochleus in Actis & scriptis Lutheri hoc anno.

Spondanus hic n. 11, ubi n. 13. refert Lutheri colloquium cum dæmone.

[2.] Surius, Ciaconius & Onuphrius ubi supra.

Item Spondanus n. 3. & 4.

P. Heuterus lib. 10. c. 9. ad finem. „Hoc quoque anno Henricus Octavus Angliæ Rex, repudiata Catharina Cæsaris materterâ, cum qua per viginti annos conjunctissime vixerat, filiumque ei, qui paucis diebus vixit, ac filiam Mariam, postea Cæ-

„saris filio Philippo nuptam, susceperat, „Annam Boulenam, Reginæ Catharinæ perdissequam, liberaliùs inter nobiles virgines educatam, ex se gravidam, in uxorem, (ut omnes credere volebat) reipsa pellicem, acceperat, ac Londini quartò Calendas Junii coronâ redimiri jubet. Peperit septimò Idus Septembris filiam Elizabetham, in adulterio susceptam, quæ sorori Mariæ in regno Angliæ successit, patrem Henricum impietate ac crudelitate, matrem ac patrem obſcenis libidinibus referens. „

[3.] Surius, Ciaconius, & Onuphrius ubi supra.

Item Spondanus n. 7.

Annus Christi MDXXXIV.

Monasterii CCCXCVI.

Pont. Rom.

Imp. Rom.

Archi-Dux Austriæ

Paulus III.

Carolus V.

Ferdinandus I.

*Episcopus Pataviensis*  
Ernestus.

*Abbas Zwettlensis*  
Erasmus.

**C**lemens VII. Pontifex diuturni stomachi vitiò tabefactus, sextò Calendas Octobris diem clausit extremum, annò Pontificatûs undecimò, ætatis verò quinquagesimò septimò. Per id tempus inter Cardinales principem locum obtinuit Alexander Farnesius patriâ Romanus. In eum propensò admodum fuit animò Clemens, adeo ut si Pontificatus hæreditate possit obtingere, cum se testamentò sibi hæredem scripturum affirmaret: hortareturque Hippolytum Medicem Cardinalem, ut modis omnibus cum sibi substituendum curaret. Quod etiam factum est. Qui à triginta

quinque Cardinalibus conclave ingressis Pontifex salutatus, Paulus III. vocari voluit, 3. Nonas Novembris coronatus. \* [1.] Hunc Pontificem S. Malachias indigitavit: **Hiacinthum Medicorum.** Lilia enim cærulea Farnesius in albo campo pro insignibus tulit, & Cardinalis fuit SS. Cosmæ & Damiani, qui fuerunt Medici, & Medicorum Patroni.

Anabaptistæ hoc anno Monasterii in Westphaliæ Metropoli, qui urbem illam Magistratu loco moto in suam redegerant potestatem, Regem sibi quendam

Kkk kk

dam

dam sartorem nomine Joannem Batavum (Johann von Leyden) creant, qui infanzie prodigiosæ deliramenta plurima edidit, ut apud Surium præcipua leguntur, & deinde capta urbe post duos annos Rex unà cum complicitibus suis horrendò ibidem supplicio exanimatus fuit. [2.]

Porro Ferdinandus Rex ab Erasmo

Abbate in Zwetl frumentum petit, unde cum mandato Pancratium Raiger in Monasterium dirigit, ut cum Abbate de frumento sibi mutuo dando tractet, cui in omni actione fidem adhibere jubet. Datum Viennæ 24. Novembris, annò 1534. Regnorum suorum Romani quartò & aliorum octavò annò. [3.]

## ADDITIONES.

\* [1.] Ciaconius & Onuphrius in Clemente VII. & Paulo III.

Surius in Commentario hoc anno.

[2.] Item Surius ubi suprâ.

Onuphrius sub Paulo III.

Spondanus hoc anno n. 25. & 26.

Pont. Heuterus lib. 10. latè cap. 10. & 11.

Cochlæus in actis & scriptis Lutheri sub hoc anno. „ Propheta igitur eorum (*Anabaptistarum*) præcipuus, Joannes à Leydis „ oppido Hollandiæ, artificio sartor, post op- „ pugnationem ab Episcopo frustrâ tentatam, „ suis persuasit, Deum sibi per spiritum man- „ dâsse, ut Rex fieret Israël & Justitiæ, sicut „ David fuerat, ac toti dominaretur orbi, „ perderetque omnem potestatem, tum sæ- „ cularem, tum Ecclesiasticam: & nemini par- „ ceret, nisi iis, qui suam reciperent fidem,

„ ferentque subditi justitiæ. Cùm ergo ne- „ mo auderet spiritus oraculo contradicere, „ constitutus est generali suorum consensu „ Rex. Qui regnò sic obtentò, mox magno „ apparatu Regalem instituit Curiam diversis „ officiis & Magistratibus, atque insigni pompa „ se suosque Ministros exornavit holotericis, „ auratisque & argenteis indumentis, quæ ex „ Templis abstulerat. Ipse autem gestabat „ coronam triplicem ex auro præcipuo, & „ catenam auream gemmis adornatam: pomum „ item aureum, cui parva crux aurea super- „ posita erat, cum hac inscriptione: Rex ju- „ stitiæ super terram. Gladium præterea au- „ reum, cum capulo argenteo. Sic & Regi- „ nam suam ejusque virgines pretiosissimo „ splendore fecit ornari &c. „

[3.] Ex Autographo ipsius Regis.

**Annus Christi MDXXXV.**

*Pont. Rom.*

Paulus III.

*Imp. Rom.*

Carolus V.

*Episcopus Pataviensis*  
Ernestus.

**Monasterii CCCXCVII.**

*Archidux Austriae*

Ferdinandus I.

*Abbas Zweilensis*  
Erasmus.

**C**arolus Cæsar invictus hoc anno in Africam ad opprimendum piratam famosum Barbarossam, expeditionem parat, cujus classis septingentis ferè navibus constitit. Paulus Pontifex ad Centumcellas (*Civita Vecchia*) subsistens, inde bene precatus est exercitui in Africam trajicienti. Ubi Carolus occupatâ Guletâ & Tunetò direptò, Barbarossam fugat, & Muleassem in regnum Tunetanum hæreditarium restituit. Victoriâ partâ redit per Siciliam Neapolim, & inde Romam, ubi cum Pontifice multa de communi pace, multa de Concilio collocutus, tandem oratione Hispanica

bellum Francisco Regi Gallorum per Legatos publicè indicit, præsentem Pontificem & Cardinalium Collegio, nec non multo Clero. \* [1.] De qua re plura Ciaconius citatus refert. Bello ita uno sopito, aliud Carolum exceptit.

Porro Ferdinandus Rex Romanorum scribit Abbati & Conventui Zweilensi, quòd, cùm ratione novarum Sectarum contra veram Religionem Christianam & contra omnem honestatem in Romano Imperio exortarum & excitatarum nobis periculum imminere videatur, legerit & nominârit Commissarios D. Paulum de Oberstain Præpositum Vien-  
nen-

nenſem, & Philippum Preiner Doctorem ſuos Conſiliarios, & tertium, quem de ordinatione ſua ipſi advocarent, quibus Abbatem & Conventum parere, fidem adhibere, benignè audire, & reſpectu ſummi periculi ita ſe reſolvere admonet, ut ipſi aliàs ad bonum Religionis Chriſtianæ & veræ fidei promovendum teneantur, & ille ab ipſis expectat, quo animo prompto ſe majori ſuæ gratiæ inſinuabunt. Datum Viennæ 24. Januarii annò 1535. Regnorum ſuorum Romani quintò, aliorumque nonò annò. [2.] Quid autem petierint hi Commiſſarii Regii, ſequens petitiſſimum declarat. Ferdinandus Rex enim ab Eraſmo Abbate in Zwetl petiſſit ſeptingentos florenos porrigi, quos unà cum Conventu promiſerat Commiſſariis, qui fuerunt Paulus de Oberſtain Præpoſitus Viennenſis, & Philippus Preiner, uterque à conſiliis Regis, & hos per modum mutui petitos. Datum Viennæ 15. Maji, annò 1535. Annò verò Regnorum Romani quintò, ceterorum nonò. [3.] Et ob

hanc mutuò petitam ſæpè pecuniā Prælatorum Status nimium exhaustus humiliter rogat Regem, ſibi cuilibet de Eccleſia vel Monaſterio ſuo licere ad tempus bona immobilia diſtrahere, ut Regiæ petitioni ſatisfacere queant: inde ob neceſſitatem ingruentem Rex Ferdinandus generalem Abbatibus præſertim, bonorum Monaſteriorum ſuorum vendendorum licentiam, ſed ad tempus tantum, & ut quamprimum ea redimere potuerint, redimant, concedit. Datum Viennæ, 28. Maji, annò 1535. annò verò Regnorum ſuorum Romani quintò, & aliorum nonò. [4.]

Inde Abbas Eraſmus Vladislao de Hoſkirchen Baroni in Kholmuntz, & Magdalene conjugi ejus pagum in Ternberg cum redditibus & bonis in Meyſſaw ad perpetuò à Monaſterio Zwetlenſi redimendum vendidit, cauſam afferens, ut Romanorum Regi pecuniā promiſſam ſolvere poſſit. Datum in die S. Nicolai, 6. Decembris, annò 1535. [5.]

## ADDITIONES.

- \*[1.] Surius in Commentario hoc anno. Ciaconius & Onuphrius in Paulo III. Piespordius ſub Carolo V. Heuterus in eodem lib. 10. & 11. Spondanus ad hunc annum n. 21. 22. 23. 24. & ad annum ſequentem n. 5. & ſeqq. [2.] Ex mandato Regis proprio. [3. & 4.] Ex Autographo ipſius Regis. [5.] E literarum monumentis.

### INCIDENTS.

Surius cit. locò. „ Hoc anno per Angliam facta eſt religionis inſauſta & funeſta mutatio, Rege ob odium Pontificis, qui ejus nuptias probare noluit, connivente, licet antea Lutheri dogma acerrimè oppugnàſſet. Hoc quoque humanæ mutabilitatis exemplum fuit, non facile oblivioni tradendum, ut qui ſtat, videat, nè cadat.

„ Erant per id tempus in illo regno inter alios „ duo præcellentes viri, pietate & eruditione clariſſimi, Joannes Fiſcherus Roſſenſis „ Epicoſopus, & Thomas Morus regni Cancellarius, qui eſt apud Britannos proximus „ à Rege Magiſtratus. Ii, utpote viri graves, „ neque divortium cum Catharina probare, „ neque Regis, caput Britannię ſe proſtitentis, ſententię ſubſcribere volebant. Id verò tulit animò periniquò, & Roſſenſi quidem majoris odii auctarium fuit, quòd capitivum Pontifex in Cardinalium ordinem „ cooptavit. . . . . Rex Anglię cernens neque Roſſenſem neque Morum ſibi obtemperare velle, utrumque capite damnavit per ſuos Adminiſtros. Roſſenſis quidem ad X. Calend. Julii, Morus autem „ ipſius Julii 7. die capite plexus eſt. „

## Annus Christi MDXXXVI. Monasterii CCCXCVIII.

Pont. Rom.  
Paulus III.Imp. Rom.  
Carolus V.Archi-Dux Austriae  
Ferdinandus I.Episcopus Pataviensis  
Ernestus.Abbas Zwetlensis  
Erasmus.

**P**ontifex Romanus sollicitante etiam piissimo Carolo Cæsare, volens perturbatæ Ecclesiæ mederi, hoc anno Concilium Oecumenicum apud Mantuam celebrem Italiæ urbem indixit. Verum is locus non placuit Germanis Protestantibus. \* [1.]

Præterea circa Monasterium Zwetlense nihil adeo memorabile occurrit, nisi quod quædam inter Præpositum Zwetlensem & Parochianos suos de equo Sacerdotis ad infirmos cum Eucharistia exeuntis disceptatio definiretur. Nam Joannes Rosinus Præpositus Claræ-vallis in Zwetl & Joannes Pſchönig Vice-Decanus ac totum Capitulum ibidem unum equum, vulgò dictum *Gottſt. Roß* (cò quod esset ad usum divinum tantum adhibendus) pro infirmorum longius à Parochia decumbentium salute procuranda fundatum, eumque à Præpositura & Parochia fuisse alitum fatentur, verum à suis aliquot anteces-

soribus neglectum, modò à Parochianis repetitum esse. Qui equus ab Anna quadam vidua Simonis dicti Erman annò Domini MCCCCLXXXVII. in festo S. Martini in civitate Zwetlensi cum consensu D. Michaelis Abbatis in Zwetl ut Feudatoris, in perpetuum fundatus erat, præsentibus tunc Plebano eo tempore Andrea Krumicher in civitate dicta existente, Judice, atque civibus universis assistantibus, tali cum conditione, ut quicunque decimas de quatuor integris lancis seu feudis in villa Gſwend sitis haberet, ille equum dictum pro Presbytero ad infirmum iter faciente aleret & paratum offerret. Unde prænominatus Joannes Rosinus Præpositus, & Vice-Decanus pro ejusmodi necessitate ex parte sua equum in similem usum alterum servare alerèque in Præpositura promiserunt, sub dato in Præpositura Zwetlensi seriâ quintâ ante Colomanni, nimirum 5. Octobris, annò 1536. [2.]

## ADDITIONES.

\* [1.] Surius in Commentario hoc anno, Ciaconius & Onuph. Panvinus in Paulo III. Cochleus ad annum sequentem. Spondanus hic n. 15.

[2.] E literarum monumentis.

## INCIDENS.

Heuterus lib. 11. cap. 3. „ Mense Januario  
„ anni 1536. obiit Catharina Arragonia, Cæ-  
„ saris Caroli matertera, ante triennium à  
„ marito Henrico octavo Angliæ Rege repu-  
„ diata, ac nunc tandem venenò sublata, nu-  
„ bili relicta filia Maria. Pellex Anna Bou-  
„ lena, non diu ejus thorò est gavisa. Nam  
„ mense Majo Regis jussu ob incesta adulteria,  
„ capite cum adulteris (inter quos & germa-  
„ nus ejus fuit frater) est punita, unica etiam  
„ relicta filia Elizabetha, adhuc hoc año 1598.  
„ (quo hic cit. *Autor scripsit*) Angliæ Regina.  
„ Januarii die decimo nono Rex Mona-  
„ sterii (*Anabaptista vid. supra Annò 1514.*)

„ cum duobus dictis Vatribus (*Cnipperdöllinco*  
„ & *Crechtingo*) ad urbem reducitur, ac, ci-  
„ vibus omnibus rebellione condonata, ad  
„ hujusmodi mortis genus condemnantur.  
„ Rex viginti sex tantum annos natus, die Ja-  
„ nuarii vigesima secunda in scenam ligneam,  
„ quæ in foro Monasteriensi erecta stabat, per-  
„ ductus, ad umbilicum usque nudus palo  
„ alligatur. Adstabant carnifices duo, sin-  
„ guli candentibus forcipibus carnem ejus  
„ frustratim à pectore, tergo, lateribus ac hu-  
„ meris vellicantes lacerantesque. Ad tres  
„ primas vellicationes Rex obticuit, deinde  
„ sine intermissione misericordiam ac gratiam  
„ à Deo magna voce implorabat. Cumque  
„ per horam hac ratione esset excruciatuſ,  
„ alter carnificum, jussu Magistratûs, adacto  
„ per præcordia pugione, vitam illi eripuit.  
„ Eodem modo de Bernardo Cnipperdöllinco  
„ Pro-Rege, ac Bernardo Crechtingo Can-  
„ cella-

„cellario, quos Rex Duces creārat, sup-  
 „plicium est sumptum, altero de alterius  
 „mortis genere ignaro. Fama erat, Regem  
 „Joannem Beukelarium, ejurata impietate,  
 „ad Catholicam Religionem reuerſum. Sed  
 „duo Vates obſtinatē in ſecta morientes nil  
 „aliud in tormentis vociferabantur, quā,  
 „Pater, Pater. Offea eorum cadauera ( caro  
 „enim vivæ calci injecta, ab ea erat consum-  
 „pta ) ferreis cancellatis incluſa caveis, ad  
 „ſummi Templi Divo Lamberto consecrati  
 „turris fastigium appenduntur. Rex medius,  
 „à dextra Crechtingum, à ſiniſtra Cnipper-  
 „döllincum habebat, hominis Rex longitu-  
 „dine ſublunior annō adhuc 1589. pendens.

„Utebatur autem Rex hoc titulo : Joannes  
 „verus Rex novi Templi, famulus Dei altissi-  
 „mi, annō ætatis ſuæ 26. Regni primō, ſe-  
 „cundo die primi menſis, ſumptæ à JESU  
 „Chriſto Filio Dei carnis annō 1535. Hic  
 „finis fuit Anabaptiſtici apud Monaſterien-  
 „ſes, primariam Weſtphaliæ civitatem, regni,  
 „quum paulō ampliùs quā biennium du-  
 „raſſet, urbs verò per ſeſquiannum obſeſſa  
 „fuiſſet. Miſère ad hoc bellum Antiſiti  
 „auxilia vicini omnes, ac inter hos præcipuè  
 „Maria Auſtriaca, Belgarum Gubernatrix,  
 „Cæſaris Caroli ſoror germana ; memores  
 „verſus Ovidii : Tunc tua res agitur, paries  
 „cūm proximis ardet. „

## Annus Chriſti MDXXXVII. Monaſterii CCCXCIX.

*Pont. Rom.*  
 Paulus III.

*Imp. Rom.*  
 Carolus V.

*Archi-Dux Auſtriæ*  
 Ferdinandus I.

*Episcopus Pataviensis*  
 Erneſtus.

*Abbas Zwetlensis*  
 Eraſmus.

**I**N Ungaria menſe Octobri clades Fer-  
 dinandi Regis exercitui à Turcis ad  
 Ezekum, quod ab illis firmō tenebatur  
 præſidiō, illata eſt. Inde Mahometes Bel-  
 gradenſis Præfectus, cui Turcarum Ty-  
 rannus limitum præſecturam commiſe-  
 rat, frequentes prædas agebat, ac damna  
 plurima ex inſidiis inferebat, inducias nil  
 moratus, quæ pro veteri conſuetudine  
 his in locis velitationes & extraordinariaſ  
 incuſſiones adittebant. His Fer-  
 dinandus Rex irritatus juſtum iterum è  
 Germanis, Italis, Ungaris, & Bohemis  
 exercitum cogit, octonum millium equi-  
 tum & ſedecim peditum, cum copioſo  
 omnis generis tormentorum apparatu.  
 Dux exercitus erat Joannes Kazianerus,  
 quem deſenſæ nuper Viennæ famâ cla-  
 rum Ferdinandus Rex ad ſummum mi-  
 litaris impetii decus evexerat. Maho-  
 metes eo cognito, ex proximis Ungariæ  
 præſidiis milites accerſit, & copias nec  
 numero, nec virtute Chriſtianis inferior-  
 res colligit, ad Ezekum Chriſtianos ex-  
 pectaturus. Kazianerus verò, ubi ex-  
 ercitus fame ac rerum neceſſariorum pe-  
 nuriâ laborare cœpit, & Turcæ ad Ga-  
 ram in proximis ſilvis Chriſtianis eorū-  
 que tormentis atque impedimentis iter

arboribus deſectis præcluſiſſent, omnes-  
 que vias obſeſſiſſent, deſperatus & quaſi  
 inermis ſe fugæ inter primos tradidit.  
 Inde Duce Lodronio Saxones, Auſtriaci,  
 ac Bohemi, qui ignominioſæ fugæ  
 ſe dare nolebant, à Turcis irruentibus  
 ceduntur & maſſantur. Kazianerus  
 interim non modò rei malæ geſtæ, ſed  
 perfidiæ accuſatus, & judicio experiri  
 non auſus ad Mahometem fugit, atque  
 etiam Nicolaum Serinium ad proditi-  
 onem incitavit. Is ſcelus deſectatus Ka-  
 tzianerum per ſuos capi & ſupplicio affi-  
 ci juſſit. \* [1.] In hac pugna tum ex  
 aliis multis ex Carinthia & Stiria Nobi-  
 libus occiſis, tum ex Auſtria etiam plu-  
 rimis Miniſterialibus deſideratis, qui ex  
 Auſtria ceciderunt, Megizerus ſequentes  
 numerat, ſcilicet, Dominum de Ve-  
 taw, Dominos de Hoſkirchen, de Ho-  
 henfeld, de Auersperg, duos de Neu-  
 degg, unum de Lamberg & Weltzerum.  
 [2.] Hi Monaſterio Zwetlenſi proxi-  
 mi habitârunt, ut Domini de Hoſkir-  
 chen in Kolmuntz juxta Raabs, Domini  
 de Hohenfeld & Neudegg in Kirchberg  
 ad ſilvas in Raſtenberg & Liechtenvels,  
 Dominus de Lamberg in Ottenſtain ; ex  
 quibus nonnulli benefactores Monaſte-  
 ri



rii nostri fuerunt, qui pro patria contra Turcas strenuè pugnârunt & ceciderunt.

Porro in Archivo Monasterii Zwetlensis literas Joannis Leiffer Junioris inveni, quas ad Erasmus Abbatem fratrem suum direxit; „ quibus significat, se nomen militiæ dedisse sub auspiciis Imperatoris Caroli contra Gallorum Regem pro Mediolano Longobardiæ, & propriis expensis jam aliquot gravis armaturæ milites conscripsisse, hoc tamen anno vix se abiturum, cum primùm sequenti hostium irruptio timeatur, sperat: inde siquidem Viennæ sibi interea manendum erit; & cum ob caritatem pabuli etiam pro pecunia avenam habere nequeat, sex equos unâ cum curatoribus suis ipsi transmittit, & eos usque ad proxi-

„ mam Quadragesimam sustentari rogat, quibus ad commodum Monasterii interea uti poterit. Datæ Viennæ in festo Trium Regum, annò 1537. „ [3.] Ex his literis colligitur, quòd Carolus Imperator jam exercitum contra Gallum parari iusserat, unde etiam Viennæ militum conscriptio facta fuit. Hoc tamen bellum ratione Mediolanensis Ducatus inter ipsos postea sopitum fuit.

Annotatio demum quædam reperitur talis: „ Annò 1537. Parochialis domus in Cisterstorf, & omnia in illa, conflagravit, quo etiam anno tacta domus in Petzleins fulmine, cujus flamma ibi devoravit quinque domos. De quo incendio Cisterstorfensi etiam inter alia sua gravamina Erasmus Abbas mentionem facit. [4.]

## ADDITIONES.

\* [1.] Surius in Commentario hoc anno. Neugebauerus histor. Polon. l. 7. hoc anno. Megizerus Annalib. Carinth. lib. 11. c. 78. Richardus Streinius in Annal. Superior.

Austria hoc anno.

Spöndanus hoc anno n. 7. „ Quo eodem item anno, autumnique tempore gravissimum duplici Ferdinandi Hungariæ Regis exercitui illatum est à Turcorum illius tractûs præfectis detrimentum; Alterum ab Amurate apud Elissiam munitissimum Dalmatiæ oppidum, multis sæculis à Pannoniis & Dalmatis magno labore & egregia virtute defensum; quod modò in præmium victoriæ Turcis cecit: alterum à Mahomete apud Essekum Turcorum oppidum, quod alter exercitus oppugnandum susceperat: quo nullum ea ætate (ut Jovius scribit) vel funestius, vel ignominiosius, si trucidatorum quatuor gentium militum, Germanorum, Hungarorum, Boëmorum, Italicorum, (nam & miserat Paulus Pontifex suppetias) & ducum florem reputemus, Christiano nomini extitisse visum est. Describit hæc ille pluribus: nec non Isthuanfussus in Historia Hungarica: breviusque Surius, & Belcarius. „

Ortelius Redivivus editus Francofurti ad Mænum annò 1665. sub hoc anno. „ Als aber der Katzianer wegen seiner Fluchte

„ von männiglich, als meineydig und feld- „ flüchtig gescholten ward, beehrte er vom K. Ferdinando zu seiner Verantwortung sicher Geleyt, welches ihm zugesagt und versprochen ward. Da er nun in einer ehrlichen Gefängnis, biß zu Austrag der Sachen verbleiben solte, machte er sich krank, bricht aus seiner Schlaffkammer, läßt sich an Leylachen herab, und flieht zu Mahomet, Türckischen Obersten, der ihme die Land-Vogrey Crabaten dieser gestaltt versprochen, wann er dem Sultan Solymann etliche Oesterreichische Stätt unterthänig machte; wie er denn solches nicht allein zu thun sich verpflichtet hat, sondern sich auch unterstanden, Niclas Graff von Serin darzu zu bereden, daß er vom Ferdinando abfallen, und sich in des Solymanni Schutz begeben solte. Aber Graf Niclas als ein hochverständiger, ehrliebender Oberster, hielte nicht allein seinen Eyd, sondern brachte auch den Katzianer in seinem Schloß nach dem Essen umb sein Leben, und schickte dessen Haupt dem König Ferdinando, der verehrete ihme (Grafen von Serin) des Katzianers Schloß, auch alle seine Haab und Güter. „

- [2.] Megizerus ubi suprâ.
- [3.] Ex literarum monumentis.
- [4.] Ex Archivo Monasterii.

Annus

## Annus Christi MDXXXVIII. Monasterii CCCC.

*Pont. Rom.*  
Paulus III.

*Imp. Rom.*  
Carolus V.

*Archidux Austriae*  
Ferdinandus I.

*Episcopus Pataviensis*  
Ernestus.

*Abbas Zwetlensis*  
Erasmus.

**C**AROLUS Cæsar & FRANCISCUS Rex Galliarum ad Aquas-mortuas in mutuos venere complexus, quod apud Niceam Paulus Pontifex impetrare non poterat, & pacem inter se firmarunt.

[1.]

Erasmus Abbas Zwetlensis, cum antea annum Parochia in Cisterstorf incendio conflagrasset, eamque jam reedificaverat, omnes ibidem res mobiles conscribi, atque novo Vicario Joanni Castner tradi iussit, sub dato Monasterii in Zwetl 9. Januarii, anno 1538. [2.]

Porro Ferdinandus Rex Abbati in Zwetl mandat, ut sex equos cum curru ad bellum paratos tradat. Datum Viennæ 26. Martii, anno 1538. Regnorum suorum Romani octavo, aliorum duodecimo anno. [3.] De hujus anni bello à Ferdinando habito nihil reperi, nisi forsitan ille Carolo Imperatori fratri suo pro defendendo Mediolani Ducatu suppetias promiserit, uti etiam anno præcedenti me scripsisse memini, nimirum ante pacem inter Cæsarem & Gallum factam.

In Saxonia, Hassia, Misnia Monasteria passim à religiosis personis evacuabantur, & bona eorum Principes Lutherani suum in usum rapiebant, Ferdinandus autem Rex in Austria & in aliis hæreditariis provinciis econtra Monasteria Religiosis impleri mandavit.

Ob bellum Turcicum, sicut & Ungaricum Erasmus multa bona à Monasterio suo distrahere coactus fuit, unde etiam Gulielmus à Neudegg in Rastenberg cum ipso commutationem pagi Zelderndorf inire voluit, cui Abbas respondet, se illum pagum à grangia Rastingenfi, à qua jam antea in distractione quartæ bonorum partis multa alienata

fuerant, alienare non posse, alioquin grangia illa conservari nequeat. Actum in Monasterio Zwetl 4. Augusti, anno 1538. [4.] Qui pagus tamen paulò post abalienatus fuit.

Obiit hoc anno Joannes Leisser, ille utique de quo anno præcedenti facta fuit mentio, hic testamentum condidit, cujus executores D. Georgium de Herberstein Baronem, & D. Achatium Schrotter ambos Regi à consiliis, quos Erasmus Abbas suos affines vocat, item Maximilianum Leisser fratrem suum habere voluit; cujus memoriæ ad diem trigessimam Græcii in Stiria 22. Augusti celebrandæ Abbas se adesse non posse excusat, sub dato Monasterii in Zwetl 7. Augusti, anno 1538. [5.] Ex his literis colligitur dies obitus præfati Joannis Leisser fratris Abbatis in Zwetl, tunc enim 24. Julii hoc anno obiisse debebat, cum 22. Augusti tricesima dies nominetur. Alius etiam quidam Leonardus de Ernaw avunculus Leisserorum in Stiria obiérat, actestamentum reliquerat, cujus executores rationes dare tenebantur, quare Erasmus Abbas & Sigismundus Leisser fratres in Austria constituti scribunt Maximiliano & Christophoro Leisseris, qui ultimus arcis Wyldonienfis Præfectus erat, fratribus suis, ut cum dictis Testamentariis rationes ineant & discutiant, Abbate à jure suo omnimodè cedente, Sigismundo verò vices suas aliis fratribus resignante. Actum in Monasterio Zwetl 25. Augusti, anno 1538. [6.] Hinc colligitur, ubi fratres Leisser residere solebant, nimirum Sigismundus in grangia Neuntzen, Maximilianus armamentarii Regii in Inferiore Austria Præfectus Græcii in Stiria, & Christophorus in arce Wyldonienfi in Stiria in-

LII 11 a

feriore:

feriore: Joannes verò, qui hoc anno mortuus scribitur, apud Maximilianum fratrem Græcii hucusque manserat. Deinde cum Leonardus de Ernaw supradictus avunculus vocetur, ille matris Leif-

serorum Scholasticæ de Ernaw frater fuisse videtur. Hic paulò fusiùs Leiffendorum familiam depingere volui, ut magis innotesceret.

## ADDITIONES.

\*[1.] Surius in Commentario hoc anno. Ciaconius & Onuphrius in Paulo III.

Spondanus hic n. 8.

Pontus Heuterus lib. 11. cap. 10. „ Genuâ Cæsar, valedicto Pontifice, in Hispaniam trajecturus, ad oppidum Aquæ-Mortuæ dictum (*olim Fossa Mariana*) contendit, iis in partibus Regem Franciscum hæc intelligens, cui per Legatum nunciari jussit, se cum amplecti salutaréque velle. Lætatus Rex, ad Cæsaris quadriremem accurrit, eamque cum paucis intrans Proceribus, per horam cum eo solus est collocutus, admisso paulò post ad manus osculum Andréâ Aurâ. Postero die Cæsar per præconem edici jubet, nè quis è classe in continentem exeat. Tum ad Regem pransurus contendit, qui cum Regina, duobus filiis, ac magnò Procerum numerò obviam Cæsari prodiens, ad Aulam deducit, apud quem & cænatus ea nocte dormivit, posteroque die iterum prandet. Exinde ad classem honorificè deductus, iterum Rex cum exiguo comitatu Cæsaris quadriremem intrat, ac aliquandiu hilariter compotantes, amicissimè tandem invicem amplexi, ac valedicentes, Cæsar sua cum classe Hispaniam versùs, Rex in citeriorem Franciam contendit. Hæc cum utriusque subditi intellexissent, factis ad Divorum Tempia supplicationibus, gratias Deo agebant; extruendisque publicis locis ignibus, inter se epulabantur. Ingentem enim animis lætitiâ conceperant, aurea in posterum sæcula ac perpetuam pacem sperantes. „

[2.] E literarum monumentis.

[3.] Ex Originali ipsius.

[4-5-6.] E literarum monumentis.

### INCIDENTS.

Heuterus ubi suprà c. 9. „ Sub initium sequentis anni (*hoc est præsentis 1538.*) Cæsar cum Pontifice Paulo Tertio, ac Venetis novum fœdus facit, stipulante pro Cæsare Joanne Ferdinando Manrico, Aguillarii Marchione; pro Venetis Marco Antonio Contareno. Pontifex ipse in Vaticano, ubi hæc agebantur, propria manu subscripsit. Igitur Cæsar cum Christianis Principibus quietem ad tempus nactus, arma in

„ Turcas vertenda, ac Græciam Christiano orbi vindicandam statuit. Sexto igitur Idus Februarii annò 1538. Cæsar, Pontifex Paulus, ac Veneti, divisâ inter se Græciâ, contra Solymannum, Italiæ minitantem, bellum decernunt, promittente Cæsare octoginta duas triremes, totidem Venetis, Pontifice triginta sex, quibus Cæsar atque Genuenses onerarias convolvendo commectui, pedestribusque copiis, addebant, Ferdinando Gonzaga, Siciliæ Pro-Rege, iis Præfecto: universæ verò Confœderatorum classi Andreas Auræ Cæsaris nomine erat imperaturus; Pontificiæ Marcus Grimannus, ac Paulus Justinianus; Venetæ Vincentius Capella præerat. Sed tantæ in unum coactæ vires, quamquam contrâ prodixisset Solymanni Præfectus Hariadenus Barbarossa, nil dignum memoriâ gessere, Auria pugnam vastò artificio detrectante, ac paulò post Turcarum classe ingenti tempestate fœdè disiecta. Qua re Veneti perspexta, soluto fœdere, vel cum Reipublicæ suæ incommodo, pacem à Solymanno petiti ac impetravere. „

Spondanus hic n. 13. „ In Anglia Rex Henricus in sua feritate perseverans, hoc anno Ecclesiam quoque triumphantem pro potestate Capitæ Anglicanæ, suæ jurisdictioni subjicere nihil veritus (quod omnem sive immanitatem dixeris, seu phrenesim superat) S. Thomam Archi-Episcopum olim Cantuariensem, totius Angliæ Primatem, vitæ sanctitate, constantiâ fidei, & immunitatis Ecclesiæ defensione præstantissimum, miraculorum editione celeberrimum, quem Reges Angliæ præ ceteris ferè omnibus Sanctis colebat, populus præcipua devotione sacri gloriosissimum Martyrem venerari, ac sancti peregrinationibus frequentare consueverat, jam ante quadringentos prope modum annos in Sanctorum Martyrum numerum solemnî celebritate ritè relatum; quòd cum præcipuè odîo prosequeretur, quoniam in causa non planè dissimili, licet infinitis partibus minore, videlicet in defensione libertatis Ecclesiæ, fortem se adversùs Henricum Secundum præstitisset, re in iudicium denuo deducta, eundem „ coram

„ coram se citavit, & tamquam contumacem  
 „ perduellionis condemnatum, inter Sanctos  
 „ amplius censerī vetuit, sacra ejus ossa è  
 „ theca aurea gemmis pretiosissimis ornata,  
 „ qua servabantur, exempta, per carnificem  
 „ publicè cremanda, cineresque in ventum

„ spargendos curavit; ac thesauros bonæque  
 „ omnia ejus memoriæ consecrata fisco Regio  
 „ addixit. Insupérque Monasterium S. Au-  
 „ gustini, à quo Christianam fidem Angli ac-  
 „ ceperant, ibidem Cantuariæ, pulsus Mona-  
 „ chis, in stabulum bestiarum convertit. „

## Annus Christi MDXXXIX. Monasterii CCCC.

*Pont. Rom.*  
 Paulus III.

*Imp. Rom.*  
 Carolus V.

*Archi-Dux Austriae*  
 Ferdinandus I.

*Episcopus Pataviensis*  
 Ernestus.

*Abbas Zwetlensis*  
 Erasmus.

**F**erdinandus Rex Romanorum hoc anno, mense Februario cum Joanne Ungariæ Rege pacem inist, iis conditionibus, ut Ferdinandus Joannem Regem appellaret, cum eum antea sermone & literis Waiwodam sive Palatinū è vetere Transilvaniæ præfectura vocare consueisset. In tabulis autem conscripti obsignatique foederis discretè fuerat appositum, subscribentibus Ungariæ Proceribus, ut si Joannes vità decederet Ferdinandus totius Ungariæ regnò potiretur. \* [1.] Joannes nihilominus hoc adhuc anno Isabellam Sigismundi Poloniæ Regis filiam in uxorem duxit, malè id Ferdinando ferente. [2.]

Ceterum Monasterium Zwetlense olim scholam puerorum habuit apertam plurimis, unde Erasmus Abbas D. Gulielmo Chiuringio in Regimine Austriæ Inferioris Regi à consiliis scribit ( ad

petitionem ipsius, quòd Sigismundus de Herberstein affinis filium suum ad scholas Monasterii dirigere vellet, si susciperetur ) se jam ab eo tempore, quo Turca Viennam obsedit, neque pueros neque Ludimagistrum habuisse, nam parentes & tutores illorum eosdem protinus domum revocarunt ac receperunt, unde etiam se Ludimagistrum tunc dimisisse. Datum in Monasterio Zwetl, 24. Aprilis, annò 1539. [3.]

Demum hoc anno quoque Ferdinandus Rex mandatum generale publicari fecit, quo ex Regnis, Ducatibus & Provinciis suis hereditariis tam Lutheranos præcones, quàm liberos & scripta eorum jam antea vetita, eliminari ac tolli iussit, pœnâ dictatâ. [4.] Ex quo Domus Austriacæ candida erga Catholicam Ecclesiam fides elucet.

## ADDITIONES.

\* [1.] Neugebauerus histor. Polon. lib. 7. hoc anno. „ Proximi anni mense Februario „ pax inter Ferdinandum & Joannem Ungariæ „ Reges Varadini conclusa est, sed eo rerum „ statu necessaria potius quàm honesta, Un- „ garis aures exoptata, quibus vel in partes „ ejus distractis conditionibus cavebatur, ut „ fortunæ incolumes manerent, vel his, qui „ antea Ferdinandum secuti solum vertissent, „ utresque, oppida, vicos, arces, quæ tum „ in potestate essent, sub quisque præsidio „ tueretur : Joannem verò Ferdinandus Re- „ gem appellaret, cum eum antea sermone „ ac literis Waiwodam sive Palatinum è vetere „ Transilvaniæ Præfectura vocare consueisset. „ In tabulis autem conscripti obsignatique

„ foederis discretè fuerat appositum, subscri- „ bentibus Ungariæ Proceribus, ut si Joannes „ vità decederet, Ferdinandus totius Un- „ garie regnò potiretur; Ea conditio tum sup- „ pressa est metu Turcarum tyranni, cujus id „ regnum esset tanquam belli jure captum, „ ac beneficiario duntaxat nomine Joanni „ concessum. Cùm de concordia Joannes „ Rex consuleret Tyrannum, is non proba- „ rat modò, sed amicè etiam suaserat, ut ca- „ lamitoso atque ancipiti bello certam ac ho- „ nestam pacem præferret, utpote qui con- „ tra Parthos in Asiam trajecturus nullam „ omnino novi belli materiam in Europa re- „ linquere vellet. Verùm res Tyranno post „ innotuit. Ferunt enim, Hieronymum La- „ M m m m „ scum

„ scum Palatinum Siradiensem, qui à Joanne  
 „ superioribus annis defecerat, pro Ferdinan-  
 „ do Rege suscepta legatione Constantino-  
 „ polim Tyranno conditiones detexisse, qui-  
 „ bus pacem duo Reges inter se iniissent.  
 „ Unde ingens odium Joanni conflatum.  
 „ Ceterum Joannes Rex re cognita vehemen-  
 „ ter sibi timens, per idoneos homines ope-  
 „ ram dedit, ut ejus facti calumniam multis  
 „ donis opportunò dilueret. Sed tantam  
 „ postea contumeliam, quæ non suam modò,  
 „ verum Reipublicæ salutem in discrimen vo-  
 „ caret, à Ferdinando Rege indignè sibi im-  
 „ positam apud Principes graviter esse conque-  
 „ stus, misso ad id Joanne Statilio Albæ Ju-  
 „ liæ Episcopo, qui ad Pontificem, Venetòs-  
 „ que, ac demum ad Franciscum Galliæ Re-  
 „ gem probrosum ejus injuriæ nomen detu-  
 „ lit. „

Spondanus secutus Historicum Hungari-  
 cum (*Istvaricum lib. 12. ad finem*) rejicit hanc  
 pacem ad annum 1536. ubi n. 21. hoc, quod  
 Neugebauerus non exprimit, addit: „ Quòd  
 „ si ducta uxore masculum hæredem relin-  
 „ queret, Transylvania ejus ditionis foret,  
 „ ac Joannis arces paternæ omnes ei resti-  
 „ tuerentur: quibus Ferdinandus in Silesia  
 „ Principatum aliquem superadderet. Si bel-  
 „ lum à Turcis uni aut alteri inferretur, com-  
 „ munitus viribus ei propulsando obstringe-  
 „ retur. „

[2.] Neugebauerus cit. locò: „ Eo-  
 „ dem anno Joannes Rex regnò in spem pri-  
 „ stinæ felicitatis restitutò, Budáque præter-  
 „ tim admirandis operibus communita, uxore  
 „ rem duxit Isabellam Sigismundi Regis filiam  
 „ ex Bonæ Sfortiæ conjugio primogenitam.  
 „ Abhorrebat ille quidem à nuptiis, jam ea  
 „ ætate valetudine infirma, verum Procerum  
 „ Ungarorum precibus id dederat, suaden-  
 „ tium, ut cælibatum abrumperet, & Un-  
 „ garici sanguinis proles legitimo illustrique  
 „ conjugio susciperetur, quæ Patri aliquando  
 „ succederet, stirpémque propediem inter-  
 „ morituram propagaret. Accedebat & affi-  
 „ nitas cum Sigismundo Rege, qui in priori  
 „ conjugio sororem Joannis habuerat: vide-  
 „ batur enim vicini Regis iterata affinitate res  
 „ Ungaricas maximè confirmatum iri. Pro-  
 „ babat & has nuptias Turcarum Tyrannus,  
 „ qui antea in Joanne cælibis vitæ statum

„ improbabat. Sed non æquè placuerat Fer-  
 „ dinando, quamquam & ipse Sigismundi  
 „ Regis filium Regem Poloniæ designatum sibi  
 „ generum adscivisset, utpote qui prævideret,  
 „ Ungaros contemptu odiòque externæ gen-  
 „ tis superbos puerò ex hoc conjugio susce-  
 „ ptò protinus in sui sanguinis prolem studia  
 „ conversuros. Deducta est nova nuptia in  
 „ Ungariam ad sponsum à Stanislao Tarlone  
 „ Episcopo Premisliensi, & Petro Opalinio  
 „ Castellano Gnesnenfi magna cum pompa  
 „ atque apparatu. „

{3.} E literarum monumentis.

{4.} Rich. Streinius in *Annal. Austr. Su-*  
*perior. hoc anno.*

Pontus Heuterus lib. 11. cap. 10. in fine.  
 „ Calendis Maji 1539. Toleti è partu obiit  
 „ Elizabetha Lusitana Cæsaris uxor, filium,  
 „ qui paucis diebus vixit, enixa, relictò filio  
 „ Philippò, Marià, ac Joannà filias. Rex  
 „ Franciscus celeberrimas ei Parisiis celebra-  
 „ vit exequias. „

Surius hoc anno. „ Testamento scriptis  
 „ (*Georgius Princeps integerrimus nullas reliquens*  
 „ *liberos*) hæredem fratrem suum Henricum,  
 „ & ejus filios Mauritium & Augustum, ea  
 „ conditione, nè quicquam in religione mu-  
 „ tarent. Missi fuerunt ad Henricum, qui hoc  
 „ ei proponerent, sed interim mortuus est  
 „ pius Princeps, & continuò Henricus diti-  
 „ onem omnem occupavit, atque in omnia  
 „ Misniæ, Thuringiæ, & Saxonie loca, quæ  
 „ Georgio Principi paruerunt, Luteri dogma-  
 „ ta innoxit. Jam enim Luterani, ut antè  
 „ dixi, eum in suam nassam pertraxerant. „  
 „ Item Spondanus hic n. 6. „ Ejus (*Geor-*  
 „ *gii Ducis*) porro obitu maxima recepit in  
 „ Germania incommoda Religio Catholica;  
 „ non solùm quòd tanto privaretur propu-  
 „ gnatore, verum & magis, quòd cum nullis  
 „ post se liberos reliquerit, (duo namque  
 „ quos habuerat, jam antè sine prole exceffe-  
 „ rant) Henricum fratrem ejusque filios Mau-  
 „ ritium & Augustum successores haberit:  
 „ qui quamvis ea lege fuissent ab ipso insti-  
 „ tuti testamentò hæredes, ut nihil in reli-  
 „ gione immutarent, & si secus facerent, Ca-  
 „ rolo Cæsari & Ferdinando Regi ditionem  
 „ omnem attribuisset, donec aut ipsi vel ex  
 „ ea familia proximus agnatus conditionem  
 „ impleteret. „

## Annus Christi MDXL. Monasterii CCCCII.

*Pont. Rom.*  
Paulus III.

*Imp. Rom.*  
Carolus V.

*Archi-Dux Austriae*  
Ferdinandus I.

*Episcopus Pataviensis*  
Wolfgangus I.

*Abbas Zweitelensis*  
Erasmus.

**R**ex Ferdinandus ab Austria venit Gandavum ad Carolum Cæsarem, qui ob religionis causam indixit primò Conventum Principum Spiræ, qui tamen ob pestis sævitiam translatus est Hagenoam, cui Ferdinandus Rex Cæsaris nomine præfuit, Cæsare aliis occupato. Colloquium etiam Wormatiæ petierunt Lutherani & impetrârunt, nihil tamen undique confectum est. \* [1.] Hoc etiam anno Carolus Cæsar gravi edicto proposito, per omnes ditiones suas hæreditarias Germaniæ Inferioris omnibus interdixit lectione librorum Lutheri, & quorumcunque aliorum hæreticorum, in immorigeros capitis pœna decreta est. [2.]

Moritur itidem hoc anno Joannes Ungariæ Rex, relicto infante sub tutela Georgii Monachi, qui Ungariam omnem, quæ illi parverat, in pueri etiamnum in cunis vagientis verba jurare compulit. Ea res nova bella péperit, quæ Ungariam Turcis occupandam objecere. [3.]

Præterea hoc anno à Pontifice Paulo III. approbatum est Institutum Societatis JESU, cujus auctor fuit Ignatius Loyola Cantaber nobili Baronum familia ortus, de quo plura Surius citatus, & alii. [4.]

Porto Ferdinandus Rex, audita Joannis Regis Ungariæ morte, protinus per Legatum Reginam relictam ac Proceres regni adit, pactumque antea sibi regnum petit, alioquin sibi non defore arma, quibus idem regnum occupare

possit. Regina tergiversari, e contra & eam Proceres instigare coeperunt, ut ad patrem suum Regem Poloniæ petitionem hanc deferre possit, ac inde responsionem dare. Ferdinandus autem Lascum mittens ad Solimannum Constantinopolim petens regnum Ungariæ, qui nihil impetravit, sed Tyrannus puerum Regem Ungariæ declarans, munera ipsi in clientelæ susceptæ signum transmisit. Ferdinandus igitur bellum, ad quod jam se paraverat, decernens misit Leonardum Vellium è Rhetia Superiori iusto cum exercitu, cui cum Imperio præerat, qui Strigonium descendens primò Vilegradum, deinde Pestum & Vacciam occupat, Budámque frustra obsidet. Albam tamen Regalem per deditionem accepit. Regina verò proximos Turcas excitat, qui tamen absque Imperatoris sui expresso mandato non venerunt. [5.] Hæc de hujus belli initio, anno sequenti cetera sequentur.

Anno rursus isto Ernestus Dux Bavarie, Episcopatus Pataviensis Administrator, Matthæo Langio Cardinale ac Archi-Episcopo Salisburgense defuncto, unanimi Canonicorum electione in Archi-Præfulem Salisburgensem electus fuit. Quo cedente Wolfgangus Comes à Salm, filius Nicolai Comitis, qui & Regem Galliarum Franciscum ceperat, & Pannoniarum adversus Turcas irruptiones murus diu fuerat, mense Novembri circa festum S. Martini Episcopus Pataviensis factus est. [6.]

## ADDITIONES.

\* [1.] Surius in Commentario. Heuterus sub hoc anno. Spodanus hic n. 1. & seqq.

Item Cochläus sæpe laudatus. „Hoc „anno Cæsar ex Hispaniis, per Gallias magni- „ficentissima hospitalitate deductus, in Ger- „maniam

maniam Inferiorem reuerfus est feliciter, & Imperialem Conuentum Spiræ habendum indixit. Verùm propter pestem, quæ Spiræ tunc erat, translatus fuit Hagenoiam. In quo Cæsaris locò (qui adesse non poterat) Imperii negocia tractabat Rex Romanorum frater ejus, qui Cochläum quoque à Vratislavia illuc proficisci iussit. A quo sanè petiit, ut ex actis colloquii Augustensis (quæ scripserat ac Majestati ejus tradiderat D. Hieronymus Vehus, Cancellarius Badensis) compendium breve colligeret, ac de 28. articulis Augustanæ Confessionis, quidnam bonæ conscientiæ & salva fide pacis gratiâ queat aut debeat admitti, animi sui sententiam explicaret. Is igitur per omnes articulos sigillatim, quid concessum, & quid reprehensum aut negatum fuerit, commemorans: quàm brevissimè potuit, affirmavit, se id religiosè summa cum fide fecisse, sicut coram Deo intendat confiteri, & in novissimo die. In fine tamen adiecit, complures alios esse contra Catholicam fidem Lutheri complicumque ejus articulos, qui in Confessione illa omitti, in aliis eorum scriptis evulgati sint: sinè quorum discussione & conciliatione firma pax aut concordia constitui non poterit. Lutherani autem, illic in publicis tractatibus nolebant ratam habere conciliationem eorum articulorum, qui Augustæ in Septenorum colloquio concordati

fuerant. Emiserunt autem duo scripta, quæ ad Cæsarem dederant: unum in Latino, alterum in Germanico. In quibus sanè sex præcipuos, ac velut necessarios proposuerunt, & sibi concedi petierunt articulos. Quid autem in iisce admitti salva fide Catholica possit, Cochläus brevi scripto indicavit. Petierunt illi aliud colloquium, & obtinuerunt, ut Wormaciæ institueretur post paucos menses eodem anno. Quid autem in illo factum ac disputatum sit, Melancthon & Bucerus editis libris in publicum evulgârunt.

[2.] Surlus ubi suprâ.

[3.] Surlus citatò locò.

Neugebauerus Histor. Polon. lib. 7. hoc anno.

Megizerus lib. 11. c. 31.

Spondanus hic n. 11.

[4.] Surlus ubi suprâ in laudem hujus celeberrimi Instituti fusè & pro merito excurrents.

Item Spondanus n. 14.

[5.] Surlus citatò locò.

Ciaconius & Onuphrius in Paulo III.

[6.] Neugebauerus Histor. Polon. lib. 7. hoc anno.

Megizerus Annalib. Carinth. lib. 11. c. 31.

Spondanus hic n. 12.

Hundius sub Episcopis Pataviensib. Ernesto & Wolfgango I.

Megizerus ubi suprâ c. 30.

## Annus Christi MDXLI.

## Monasterii CCCCIII.

*Pont. Rom.*

Paulus III.

*Imp. Rom.*

Carolus V.

*Archidux Austriae*

Ferdinandus I.

*Episcopus Pataviensis*  
Wolfgangus I.

*Abbas Zwettlensis*  
Erasinus.

Comitia hoc anno Imperii Ratisbonæ tum Turcis resistendi, tum Religionis componendæ causâ habita sunt, quibus Carolus & Ferdinandus, ac etiam Cardinalis Caspar Contarenus missus à Pontifice interfuere, Principes etiam Lutherani deesse nolebant, qui in despectum Religionis Catholice in ipsa Parasceve, venationibus oblectare animum ausi sunt. Sed & hæc comitia sinè fructu abierunt. \* [1.]

Interea nostri milites in Hungaria, quod antè occuparant, rursus amittunt, Solimannus enim ingentem Regi-

næ in succursum præmiserat exercitum, ipse Adrianopoli subsistens, non immeritò Caroli Cæsaris ac Ferdinandi Regis potentiam veritus, quò factum, ut nostrates in fugam verterentur apud Pestum, & passim cæderentur. Feruntur eo bello supra viginti Christianorum millia variis casibus interempta. Capta sunt ab hostibus eximie elegantie muralia tormenta triginta sex, minora autem, quæ cantheriis & curribus imponerentur, centum & quinquaginta, præter aliam pulveris tormentarii, ferrearum pilarum, armorum, telorum, comearius

meatūs mirabilem copiam. Ipsemet belli Dux Rogendorfius tormenti istū tactus, ex vulnere obiit. Solimannus verò suorum victoriam percipiens maximis usus itineribus in Pannoniam cum majoribus copiis advenit, ac Budā occupatā, Regināque cum Rege puero ultra Tibiscum in Lippam Transilvaniæ dimissā, potiori Ungariæ regni parte potitur. Deinde mox misit ē suis, qui Austriam & Moraviam rapinis, incendiis & cædibus vastarent, quibus tamen magno impedimento fuere plenīs imbris inflati amnes. Atque ita Tyrannus cum opimis spoliis ad sua repatriavit; cū prius in adventu suo ad Budensia castra ad octingentos captivos Christianos miserē trucidari curasset. [2.]

Venio ad Monasterium Zwetlense, & apocham unam invenio à D. Christophoro à Schrattenbach D. Erasmo Leisser Abbati, quem suum avunculum

nominat, datam pro quatuor ad bellum paratis & armatis equis pretiō 90. tal. hoc anno præsentatis. [3.] Hi utique equi in Ungaricum bellum adhibiti, & etiam perditī fuerunt. Ista in Pannoniam contra Turcas expeditio multū constitit, nam Abbas Erasmus de novo aliquot bona Monasterii distrahere debuit. Hinc colonos Monasterii circa Pölan pro quingentis viginti octo libris denariorum in supplementum duorum millium florenorum ad subsidium in Turcas Regi promissorum, fratri suo Maximiliano Leisser vendidit. Adu 9. Novembris, annō 1541. Similiter etiam D. Marquardo Chünringio bona in Zelderndorf & Siedendorf pro trecentis quadraginta florenis tradidit. Datum in Monasterio Zwetl annō 1541. [4.] Ex his patet, quantum Monasterio Turcica in Ungariam expeditio constiterit hoc adhuc anno.

## ADDITIONES.

\* [1.] Surius in Comment. hoc anno. Ciaconius sub Paulo III. Cochleus de actis & scriptis Lutheri sub hoc anno.

Neugebauerus Histor. Polon. lib. 7. hoc anno.

Spondanus hic n. 1. & seqq.

[2.] Surius ubi suprā.

Megizerus in Annalib. Carinth. lib. 11. cap. 31.

Neugebauerus ubi suprā. „Solymanus, „ubi de suorum victoria certius cognovit, „quintis demum castris Budam appulit. Ibi „consedit in adversa ad Budam veterem regione, „offensus foetore cadaverum & fæditate amnis tot corpora per omnes ripas „evolentis. Exinde statim captivos produci jubet, quorum erant circiter octingenti, „qui prælongis vincti restibus coram ducibus ac omni exercitu Turcico ludibrii „causā tracti, ex his duces nobilesque aliquot, „quibus parceretur, delecti sunt, reliquos ad unum omnes, aliqui clementiæ „laudem affectans, & nunquam antea in Christianos crudelior, eo conspectu abductos „tyronibus trucidandos dedit. Patrata ea „sæva clade, Tyrannus infanti dona misit, „phaleratos tres equos eximie pulchritudinis, „frenis habenisque aureis & gemmatis

„ephippiis exornatos, totidem textas auro „vestes: Proceribus verò præter singulares „togas talares, aureos etiam torques. Ceterum „Reginæ referri jubet, cupere se puerum „videre, petitque, ut in castra sibi mittatur. „Quò perterrefacta, cū aliud non „posset, hortatu Procerum mittit, unā cum „nutrice, comitatum turbā nobilium. Exceperunt „adventantem progressæ aliquantū „ē castris honoris causā ornatissimæ „equitum turmæ, & inter castrenses vias „procerum cohortes. Ubi in tabernaculum „Tyrannei ventum est, ille quidem infansem „humaniter inspicit, blandē cum ejus nutrice „loquitur, filios suos Selymum & Bajazetem „præsentem infansem completi exoscularique „jubet. Sed Interim dum Ungari Proceres „cum Bassis præstant, immisus in urbem „militibus Budam tradi sibi vult. Neque „enim ipsi eas vires esse, quibus ab hoste „eam defendere possint, & sibi subinde „redeundum eo cum exercitu fore, quod „valde & molestum, & sumptuosum sit. Atque „ita fraude ab ipso occupata est Buda. „Noctē ingruente Tyrannus infansem remittit „in urbem, sed Proceres detinet. In iis „erat Georgius Monachus, in quem totius „hujus Ungariæ calamitatis culpa præcipuè „conferebatur. Porro Regina his omnibus „con-



„ sternata supplices scribit ad Tyrannum lite-  
 „ ras, quibus eum datæ fidei admonet, lorât-  
 „ que ut Proceres remittat. Postridie Bu-  
 „ dam ingreditur Tyrannus, & in Templo D.  
 „ Virginis more suo expiato sacra facit: inde  
 „ Reginam ex urbe & arce excedere, cûmq-  
 „ puero in Transylvaniam ire jubet. Ipse ve-  
 „ rô præsidii Budæ Pestique relictis reliquum  
 „ exercitum domum reducit, & in itinere

„ Lascum Ferdinandi Regis Legatum, qui Bel-  
 „ gradi ob interceptos interfecitq; Cæsarem  
 „ Fregosum Genuensem, & Antonium Rinco-  
 „ nem Hispanum quondam apud se Regis  
 „ Galliæ Legatos detentus erat, liberaliter  
 „ dimittit. „

[3.] Ex Autographo.

[4.] E literarum monumentis.

## Annus Christi MDXLII. Monasterii CCCCIV.

*Pont. Rom.*  
 Paulus III.

*Imp. Rom.*  
 Carolus V.

*Archidux Austria*  
 Ferdinandus I.

*Episcopus Pataviensis*  
 Wolfgangus I.

*Abbas Zwetlensis*  
 Erasmus.

**P**AULUS Papa III. pacis studiosissimus  
 tum ut Christiani orbis Principes  
 in concordiam colligeret, tum ut Con-  
 cilio ad extirpandam sectam Luthera-  
 nam initium daret, mirum in modum  
 laboravit, unde mense Novembri hoc  
 anno Tridenti per tres Cardinales Con-  
 ciliium indixit, sed ob bellum inter Hi-  
 spanum & Gallum calamitosissimum ex-  
 ortum dilatum fuit. \* [1.] Erant  
 tum res Christianorum valde afflictæ,  
 Turcis in Ungaria grassantibus, & Ger-  
 maniæ dira quæque minitantibus, hæ-  
 resibus quoque mirum in modum ser-  
 pentibus & in varias formas abeunti-  
 bus.

Mense Junio Ferdinandus Ungariæ  
 Bohemiæque Rex expeditionem com-  
 munibus Germaniæ auxiliis adversus  
 Turcas suscepit. Ceterum decretò bel-  
 lō coacta sunt à Principibus & Imperia-  
 libus civitatibus Germaniæ ad triginta  
 peditum & equitum septem millia, Du-  
 ce belli supremo designato Joachimo  
 Brandeburgico Electore. Viennam ubi  
 devenit, accessere Ferdinandi Regis  
 copiæ, quæ præter Germanos ex Ungari-  
 sis, Bohemis, & Austriis constabant,  
 quibus Pontifex Romanus tria circiter  
 millia peditum auxilia miserat ductore  
 Alexandro Vitellio. Omnium igitur  
 animis ad expeditionem creditis Elector  
 Brandeburgicus nullâ morâ interpositâ  
 Danubium transiit castra ad Vaccei-

am oppidum promoveret, ad quod variâ  
 fortunâ Christiani cum Turcis congressi  
 præliati sunt, donec adventus Achme-  
 tis Bassæ cognitus, nostris è mœnibus  
 Vaccianis depulsis, duces inde castra  
 movenda Viennamque redeundum  
 commovebat, præsertim hyeme instan-  
 te, multisque millibus è contagione per-  
 euntibus. Hic fuit eventus belli in Un-  
 garia hoc anno gesti. [2.]

Circa Monasterium Zwetlense hoc  
 notandum occurrit, quod ob continuas  
 pecuniarias contra Turcas exactiones  
 Abbas varia Monasterii bona distrahere,  
 atque etiam in grangias nostras sæcula-  
 res præfectos suscipere cogeretur, un-  
 de Joannes cognomine Ernnt, civis  
 Crembfensis in grangia Weinzierl Annò  
 MDXXIX. in Ascensione Domini Mag-  
 ister constitutus erat, qui de vinearum  
 cultura aliisque transactis rebus Abbati  
 ab Anno MDXLI usque ad MDXLII.  
 rationes suas in Monasterio 13. Februa-  
 riis hoc anno fecerat; [3.] in vinde-  
 mias autem illuc quidam subditus Con-  
 radus Juncker de majori Weissenbach  
 ab Abbate missus fuerat, cui ob fide-  
 litatem postea piscinam ante grangiam  
 Behaimhof sitam ad dies vitæ suæ con-  
 cessit. [4.]

Bellò in Turcas decretò Ferdinan-  
 dus Rex postulat ab Abbate in Ungarici  
 belli usum duos currus & decem equos  
 sine mora mittendos. Datum Viennæ  
 18.

18. Aprilis, annò 1542. annò verò regnorum fuorum, Romani duodecimò, aliorum autem decimò sextò. [5.]

Porro Abbas undique angustiatuſ tot pecuniis numerandis, tot curribus & equis mittendis, fratres ſuos germanos pro auxilio & conſilio adhibuit Maximilianum ſcilicet, & Chriſtophorum Leiſſer, quos tales ſupplices Regi obtuliſſe inveni. „Sereniſſime ac potentiſſime „Rex, Clementiſſime Domine &c. Poſtquam „frater noſter Abbas in Zwetl, ſine dubio „ex ordinatione divina in ſua adhuc juventute ad Religioſum Statum vocatus fuerat, & jam quadraginta annis ſub Regulari diſciplina & obedientia (abſque laude noſtra ſcribimus) in religioſa modestia in Monasterio Zwetlenſi vixerat, in quo triginta & uno annis Abbatia non abſque laboribus & curis magnis, tum partim modò elapſa, cùm partim adhuc durante injuria temporis, quàm fideliffimè poruit, præfuit ac rexit, ſèque erga Regiam Majeſtatem Veſtram ſemper & hucſque in Ejusdem urgentiſſimis poſtulationibus ac ſubventionibus ita obediẽtem geſſit, quòd ipſe nomine Monasterii ſui Zwetlenſis, inprimis quartam partem bonorum Monasterii immobilium venditorum ſolvendo: deinde duobus millibus & quingentis florenis quaſi mutuo datis: item aliquorum equorum ad bellum propriis ſumptibus comparatorum & petitorum oblatione: ruſum aliquot modis frumenti abſque ſolutione datis: iterum curruum, equorum, ſervorum, aliorumque ad bellum neceſſariorum miſſione, quæ binis vicibus amiſſa fuẽre: demum ad alendos Uni-verſitatis Viennenſis Profeſſores ordinarios contributione, aliſque pluribus collatis non difficile ſe exhibuerit. Accedit, quòd Abbatem hoc elapſo 1541. anno Regiæ Majeſtatis Veſtræ Commiſſarii couſque adegerint (minis iſtis additis, quòd pro veſtigialibus Monasterii Quaẽtorem unum ærarium ipſi deneganti adungere vellent) quatenus duo millia florenorum unà cum ſeptingentis modis frumenti, menſuræ Vienneniſis, propriis Crembſium expenſis miſſurus, promittere & dare deberit. Ex quibus enarratis & allatis expenſis in tantam devenit impoſſibilitatem, eam maximè ob cauſam, quòd ultra quatuor millia talenta reddituum annuorum partim vendere, partim oppignorare coactus fuerit. Clementiſſime Rex, Majeſtati Veſtræ ſub veritate ſcribimus & atteſtamur, quòd Monasterium

„Zwetlenſe in majori fama veſtigialiumque „æſtimatione ſit, quàm proventus ipſius numerantur, ideòque in omnibus petitionibus cenſuum aut contributionum præ aliis „Monasteriis plùs illi attributum, taxatum, & inde maximè gravatum fuerit. Quando „porro dictum Zwetlenſe Monasterium à „deſtructione ab Huſſitis annò 1426. facta „per ſeptennium integrum planè combuſtum „ac deſolatum relictum fuerat, ejusque tunc „veſtigialia & proventus partim diſſipata, partim planè abalienata eſſent, ab illo profe- „cò tempore nulla ſuperſuitas, uti quondam, ſed tenuiores proventus ad neceſſitatem apparebant, qui tamen potiùs ex Prælatorum diligenti providentia & œconomia „eveniebant, ad nullam copiam, ad nullam „ubertatem reponendi, ſed ad readiſcendum, factum rectumque Monasterium conſervandum adhibebantur, quomodo nunc „ex Dei gratia in tali temporum injuria ſubſiſtere potuerit? Inde Regia Majeſtas Veſtra gratioſiſſimè conſiderare velit, quòd ad tam varias & plurimas expenſas cenſus annui ſufficientes eſſe non valeant, præſertim hoc turbulento tempore, quo unà cum Statibus provincię Monasterium multa portare onera cogitur, quæ Majeſtati Veſtræ ſat moleſtè enarranda forent: quòd inſuper Monasterium Zwetlenſe unà cum triginta pauperibus in Hoſpitali alendis, quotidianisque neceſſariis domorum rectorumque reparatione ac conſervatione tali cenſuum tenuitate ſe juvare ac ſubſiſtere impoſſibile ſit. Quapropter apud Regiam Majeſtatem Veſtram tanquam Clementiſſimum noſtrum „Dominum in omni ſubjectione humiles preces noſtras deponimus, Majeſtas Veſtra fratrum trium deſunctorum noſtrorum Udalrici, Sigismundi & Joannis Leiſſerorum, „(quorum aliorumque omnium animabus Deus ſit propitiſ) olim Majeſtatis Veſtræ fidelium famulorum, atque etiam noſtrum am- „borum fratrum ſervitorum fideliter præſtitorum, ac cum Dei auxilio inpoſterum à nobis præſtandorum memor vivat, & fratrem noſtrum ſæpeditum Abbatem in Zwetl tanquam humillimum Ejusdem Capellanum „clementiſſimè ſibi commendatum habere, „ipſum Monasteriumque illius, qui in eodem ſenuit, dies vitæ ſuæ potiores jam vidit, & ſæpè etiam debilis nunc inſirmetur, ab hiſce mutuo petendis ſubventionibus & exactio- „nibus dandis, tamdiu tantum quàm ille vixerit, clementiſſimè liberum pronuntiare „ac donare dignetur, ut fundatio Monasterii „ad Dei honorem & gloriam conſervetur, „neque ſub ipſo Abbate, ad noſtræ Leiſſe- „Nnn nn a „rorum

rorum familiæ & nominis exprobrationem perpetuam, ita detereretur; nam Clementissime Rex, si Abbas dictus non ad religionem animum habuisset, & in sæculo mansisset, æquæ Majestati Vestræ tam devotus ac fidelis uti nos inservivisset, absque dubio etiam à sua Majestate ipsi gratanter provivisset. Majestas Vestra scriptum hoc humillimum nostrum in gratia suscipere, nosque unâ fratres omnes clementissime sibi commendatos habere velit, quam gratiam apud Deum pro Regia Majestate Vestra devotione nostra atque exiguis nostris servitiis in omni obedientia submississime toto vitæ nostræ tempore referre non omittemus, Regiæ Majestatis Vestræ demississimi Maximilianus & Christophorus Leisleri fratres germani. [6.] Hunc libellum Regi porrectum prolixiorum quidem, sed ad nostram historiam magis accommodum ideo Annalibus nostris inseruimus, ut tunc Monasterii Zwetlensis faciem & statum Lectori benevolo ante oculos poneremus.

Porro F. Simon Magister curiæ in Rasing nuntiat Erasmo Abbati, se Viennæ fuisse, & quæ in comitiis Provincialium audierit, & quid in causa armaturæ censûs apud Deputatos egerit, significat, licet Hager ex Alentseig ex Deputatorum numero unus omnia impedierit. Deinde scribit, quod tormenta bellica & milites omnes in Ungariam ad Budam obsidendam avehantur & deducantur. Datum in curia Rasing 9. Septembris, annò 1542. [7.] Ex his colligitur, in omnibus aliis grangiis sæculares, in hac verò unica Professum Religiosum Magistrum egisse, quia aliæ jam vel venditæ, vel fuerant Laicis impignoratæ, uti supra vidimus. Deinde mense Augusto primum in Ungariam expeditionem factam esse.

## ADDITIONES.

- \* [1.] Surius in Commentario hoc anno. Ciaconius & Onuphrius in Paulo III. Spondanus hic n. 10. & sequentibus.
- [2.] Neugebauerus Histor. Polon. lib. 7. hoc anno.

Cochlæus de actis & scriptis Lutheri hoc anno.

Megizerus lib. 11. Annal. Carinthiæ c. 32. infelicis hujus expeditionis acta de die in diem referens ita concludit: „Diß ist der Ausgang „dieses unglückseligen Türkenzugs gewesen, in dem mancher redlicher Mann, der „für die Religion und das Vatterland, wider „den grausamen Feindt Christlichen Nahmens streiten wollten, umbkommen, erfroren, und Hungers gestorben ist. Man „achtet auch, daß bis in 20000. ihr Ende „dieses Zugs halben genommen haben, und „daß über 4. Million Golds Unkosten sey „darauff gangen.“

Spondanus hic n. 7. 2. & 3. ita concludens: „Utiq; rei malè gestæ foedus exitus, ad minuentam infamiam, avertendosque hominum „fermones, alicujus insignis facti novitate tegetur; Petrus Perennius Hungarorum nobilissimus, qui sortem & antea, & postremo hoc bello operam Ferdinando navaverat, affectati regni accusatus, captusque „est, ministerio Liscani Hispani; qui indignitatem augens, avarè & inhumaniter aureum

„torquem collo ejus detraxit, exustque pretiosa veste, qua indutus erat. Quod factum „uti clarissimo viro atque infanti indignum, „adeo Hungarorum animos contumeliæ dolore confternatos perturbavit, ut supra duodecim millia equitum, maledictis Germanicum nomen incessendo sublati continuò „signis domum redierint. Rem narrat Jo- „vius; innocentiam quidem in hoc Perennii „agnoscens, sed tamen mobilitatem ejus ingenii in fide erga Joannem defunctum Regem & Ferdinandum, & defectione ab utroque ad utrumque, atque etiam in rebus „Turcicis, fugillans, ob quam meruit sic ple- „di. Cui Isthuanus graviorem etiam causam adjungit; nempe, quod invexisset in „Pannoniam Lutheranam hæresim, propterea „divinam meritò sensisse vindictam, etiam si „in præsentī accusatione perduellionis insons „esset. Ceterum ut publicè audiretur, à Ferdinando impetrare non potuit: indicatque causâ in perpetuam custodiam ad Novam „Austriæ civitatem missis, ibique per quinquennium detentus, cum in eo esset, ut libertatem certis conditionibus adipisceretur, „diuturnò morbo oppressus extinctus est.“

[3.] E literarum monumentis.

[4.] Ex literis contractûs in Originali.

[5.] Ex Originali ipse.

[6.]

[6.] Libellus supplex ad Regem Ferdinandum.

[7.] Ex literis ejus in Originali.

## Annus Christi MDXLIII. Monasterii CCCC.V.

Pont. Rom.  
Paulus III.Imp. Rom.  
Carolus V.Archi-Dux Austriae  
Ferdinandus I.Episcopus Pataviensis  
Wolfgangus I.Abbas Zwetlensis  
Erasmus.

**M**isit hoc anno tres Cardinales Legatos Paulus Pontifex ad Concilium Tridentinum, sed fervente bello inter Cæsarem & Gallum in aliud tempus prorogatum est. Carolus enim in Sicambros profectus Ducem Clivensem partes Galli secutum devicit, & ad certas pacis conditiones per deditionem coëgit. \* [1.]

Interea Solimannus Turcarum Tyrannus in Ungariam cum exercitu rediens, primum Volponium, deinde Quinqueecclesias, inde Soclos capit, mox Strigonium petit, ac etiam post aliquot insultus occupat. [2.] Talis rerum in Ungaria tum status erat.

Erasmus Abbas in Zwetl quendam excellentem in arte organorum fabrum D. Jacobum dictum Königswerth de Strohof in Converforum Ordine ad professionem suscepit, de quo annis sequentibus sæpius fiet mentio, hoc autem anno ejus mentio habetur 19. Januarii.

Anno adhuc præcedenti F. Simon scripserat Erasmo Abbati suo de Sebastiano Hager, qui Viennæ suam pro Monasterio susceptam actionem impedire conabatur, unde à D. Christophoro Barone de Eytzing, Marechallo Austriae commissio inter Abbatem in Zwetl & dictum Hager in Alentsteig decreta fuit, Commissarii ergo, qui erant Joannes Rosinus Præpositus Zwetlensis, Erasmus de Puechaimb in Albrechtsperg, Melchior de Hohenegg, Wolfgangus Römer de Purgschleinitz, diem Erasmo Abbati 12. Martii Zwetlæ in civitate in domo Augustini Haunolt ad comparandum indicunt. Datum in Præpositura Clara-vallensi 16. Februarii, annò 1543.

[3.] Quæ autem hujus litis causa fuerat, nondum inveni.

Erasmus Abbas porro, ut petitos novos census persolvere posset, Christophoro Leisser fratri suo grangiam in Cambern hæreditario quidem jure possidendam, sed à Monasterio quandoque redimendam vendidit, unde colonos ejusdem grangiarum ab obedientia sua solvit, atque eos in manus Christophori Leisser jurare mandat. Datum in Monasterio Zwetl, 13. Martii, annò 1543.

[4.] Hæc grangia postmodum ab Udalrico Hackel Abbate redempta ad Monasterium rediit, uti suo tempore scribetur.

Ferdinandus Rex bonum agens ceconomum, braxandi cerevisiam rusticis inhibuit libertatem, unde ejus ad Monasterium Zwetlense mandatum deferretur, quo suo Regimini ab Abbate significari vellet, qua libertate, & à quo tempore braxatores coloni Monasterii in domibus suis braxatorium exercere ausi fuerint, item quibus privilegiis fulciantur. Ad hæc responsuri subditi citati una voce dixerunt, se quidem à nullo accepisse privilegia braxandi, sed hoc ex arte sua facere, qua vivere possent, atque etiam se illam ex antiqua loci consuetudine tenere. Unde Lucius Crajer advocatus Monasterii scribit, se sperare in præsentis ipsorum causa aliquid obtenturum. Datum Viennæ 9. Aprilis, annò 1543. [5.]

Comitia Provincialia tunc Viennæ celebrabantur, ad quæ F. Simon Magister curiæ in Rasing ab Abbate missus nuntiat, quid in ipsis propositum, quid conclusum fuerit. Deinde Prælatibus omnibus

O o o o o

nibus

nibus Austriæ per mandata contributionem ad Universitatem indictam esse refert, mirarique se ait, quod Zwetlense Monasterium præ aliis magis taxatum sit; nam Mellicense tantum 15. talenta, & Görvicense 12. talenta contribuere, annotatum vidit. [6.] Datum in Ratis, 10. Aprilis, annò 1543.

Abbatissa & Conventus ad S. Bernardum ab Abbate in Zwetl petunt rogantes, quatenus se ad Monasterium ipsarum conferat, & quasdam sorores jam per sexennium in probatione constantes in Moniales benedicat. Datum in S. Bernardo 13. Januarii annò 1543. [7.]

Erasmus Abbas Conrado de S. Trinitate Abbati scribit, quatenus Professum & Conventualem suum F. Simonem in Abbatem S. Crucis canonicè electum & à Conventu ibidem postulatum esse intellexerit, sic ipsum libentissimè dimittere, seque Abbatem rogare, ut opus in Professo suo ceptum prosequatur, & Electi novi promotio ad finem suum quantocius deducatur, nè Monasterium aut novus Electus in aliquo negligatur, se verò cum Conventu suo & Electum Monasterii S. Crucis Venerabili Conventui commendare. Datum in Monasterio Zwetl 26. Maji, annò 1543. [8.]

Scripseram suprà ad initium anni hujus Solimannum denuo in Ungariam rediisse, & post plures insultus Strigonium occupasse, unde timor vicinos Austriacos nonnihil perculit, ita etiam Simon Abbas S. Crucis subitam irruptionem Turcarum timens scribit Erasmo Abbati in Zwetl, quod Turca magnis copiis Viennam repetere feratur, inde nec Monasterium, nec grangiæ seu curiæ, nec alia bona circa Viennam sita fore tuta, quin destruantur, incendantur, perdantur. Mittit ergo ipsi clenodias Templi ac privilegia Monasterii sui de consilio Conventus sui servanda, exemplum à Proceribus provinciæ sumens, qui etiam omnia privilegia ex aula Principis seu Burgo Viennensi in

loca securiora deportarunt. Datum in curia S. Crucis Viennæ, 14. Julii, annò 1543. [9.] His acceptis Erasmus Abbas & P. Wolfgangus Prior in Zwetl, nomine Conventus sui scrinium tribus feris obsignatis obferatum à D. Simone Abbate S. Crucis, per P. Georgium Priorem ibidem sibi custodiendum oblatum se recepisse fatentur, quod se bona fide restitutos, sicut acceperunt, pollicentur. Actum in Monasterio Zwetl 18. Julii, annò 1543. [10.]

Turcis ad Strigonium hærentibus Ferdinandus Rex Pragæ refedit, & undique auxilia collegit, & ita etiam Erasmo Abbati in Zwetl mandat, quatenus ad petitionem Cameræ Austriæ Inferioris sit facilis pro patria contra Turcas defendenda ad pecuniam concedendam. Datum in arce Regia Pragensi, 5. Augusti, annò 1543. [11.] Irruptio enim Turcarum in Austriam subitanea timebatur.

Demum rursus Ferdinandus Rex Erasmo Abbati mandat, ut sibi contra Turcas moventi, equos sanos & fortes octo cum duobus curribus expeditis pro tormentis rebûsque bellicis ac comætu portandis transmittat. Hos Maximiliano Leisser supremo sui armamentarii Magistro & copiarum Inferioris Austriæ Ductori 24. Augusti Viennæ tradi jubet. Actum Viennæ, 12. Augusti, annò 1543. [12.] Neugebauerus ait: „Turcas occupato Strigonio Tatam „& loca circa Comaram capta demolivisse, Albámque Regiam obfisione cinxisse. Dum verò illi Albam Regiam expugnant, jam Ferdinandi Regis copiæ circa Posonium convenerant, cum quibus Ferdinandus Posonii ex utraque parte Danubii castra metatur, triduum in construendo trans fluvium ponte consumpsit. Cùm ita parata essent omnia, ex improviso tam horribilis tempestas exorta, tanti imbres continuis diebus delapsi, ut vix locus editior metandis castris ibidem reperiri potuerit: „fuit

„ fuit infuper ea ventorum procellarumque vis, ut nec tabernacula erigi, nec ignes in castris excitari possent. Quæ causam præbuerunt, ut Bohemi difficulter moverentur, metuebant enim, nè si semel pontem transissent, illo interrupto, quo nollent, inviti ducerentur. Orant ergo Regem, nè hyeme ingruente in hostem pergat ducere, sese primo vere omnes adfuturos, quocunque etiam vellet. Rex itaque partim eorum voluntatem, partim necessitatem secutus, quod videret, sub dio & pellibus militem contineri non posse, exercitum dimisit, & Viennam reversus omnes cogitationes, quibus artibus & viribus bellum anno subsequenti geri posset, intendit. „ [13.]

Abbati Erasmo in Zweil non tam studium erat Conventum augere, quam in Hospitali pauperum numerum conservare, sed etiam scholam pro pueris informandis in humanioribus litteris con-

stituit, in qua tam pauperes quam nobiles erudiebantur, quod ejus studium probant literæ Joannis de Lamberg & Haunstain ad eum datæ, quibus significat, se percepisse Abbatem in Monasterio suo habere pro juventute scholam, in quam Nobilium quoque filios susciperet, uti Neudeccensium, Leisserorum, aliorumque. Rogat itaque, quod & ipse filium unum habeat quinquennem, quem ad erudiendum ipsius scholæ ad biennium, vel quamdiu illi opus esset, tradere velit, modò per Abbatem sibi liceat, se non tantum pro eo vidum, sed etiam scholæ Magistro honorarium, & pro sui filii servitoribus vitæ necessaria subministrata grata habere ac solvere velle, sub dato 17. Decembris, annò 1543. [14.] Ex his colligitur, Lambergicos bonos in tanta Religionisurbatione Catholicos fuisse, qui Majorum exemplo laudabili filios suos ad Monasteria ob pietatis in Deum & literarum studium transmittere solebant.

## ADDITIONES.

• [1.] Surius in Commentario hoc anno. Ciaconius in Paulo III. „ Annò igitur „ 1542. circiter Kalendas Novembris Concilium indicitur, & locus idoneus Tridentum eligitur. Eò Legati protinus fuere Cardinales Petrus Paulus Parisius, Joannes Moronus, Reginaldus Polus, qui inchoandi Concilii auspicia agitent, & sedem tot Patribus, ac gentibus pararent. „ Post hæc Paulus 3. eodem anno, die 12. „ Novembris, recrudescentibus magis bellorum seditionibus inter Carolum Imperatorem, & Franciscum Gallorum Regem litteras, eodem ferè exemplo ad eos misit; quibus pacem toties ab ipso tentatam, communem opem, atque vires contra Turcarum Tyrannum, ut jungerent, acriter & vehementer postulabat. Quæ parùm quum profecissent, Legati Tridentò revocantur, & Concilium differtur. Carolus à Gallis „ offensos, se absente, Belgas suos, & gravibus præliorum detrimentis oppressos vindicaturus, in Italiam contendere decrevit. „ Pontifex ea re cognita solennes supplicationes in urbe habuit, & annò 1543. die 4. „ Kalendas Martii Romæ egressus, omnemque ferè Ecclesiasticam ditionem oberrans, Im-

„ peratoris adventum præoccurrere, ut eum „ bellò averteret, mirum in modum cupiebat. Eo Romam decedente Leonianæ urbis murò cingendæ Alexander Vitellius, „ qui bellicis operibus præerat, diligenter incubuit. Carolus Imperator circa Solstitium „ Genuam delatus, à Petro Luisio Farnesio, „ frustrà in Pontificis colloquium venire rogatus, mox ab Alexandro Farnesio Cardinale tandem exoratus, Buxeti (quod est „ Palavicinæ familiæ oppidum) Pontificem „ convenit. Carolus Pontificem alloqui recusaverat, nè tempus sibi jam bello Sicambrico destinatum interlaberetur, ac nè Britannicæ Regem, quocum adversus Gallos „ fœdus inierat, offenderet.

„ Post dies quinque, per quos mutuis alloquiis Pontifex & Imperator Buxeti de „ pace, & aliis rebus disseruerant, & Cardinalium Senatus, habita à Grimano Cardinale, super ea re, oratione, Imperatorem „ ad pacem fuerat hortatus, eà non impetratâ, „ Pontifex Bononiam, ut solemnia Apostolorum Principi celebraret: Carolus in Germaniam bellum administraturus contendit. „ Cochlæus. „ Hoc anno rursus Nurembergæ, absente adhuc Cæsare in Hispaniis, „ per

„ per Regem Romanorum habitus est Con-  
 „ ventus Imperialis, à mense Januario usque  
 „ ad Aprilem: cuius recessus factus ac publi-  
 „ catus fuit die 23. Aprilis. Adjuncti fue-  
 „ runt Regiæ Majestati ad id negotii tres Com-  
 „ missarii à Cæsarea Majestate, utpote Chri-  
 „ stophorus Episcopus Augustensis, Fridericus  
 „ Comes Palatinus Rheni, Dux Bavariae, &  
 „ Joannes de Navis: quorum primus in illo  
 „ Conventu Nurembergæ obdormivit in Do-  
 „ mino. Tractatum est autem & ibi præcipue  
 „ de ratione belli, adversus Turcas gerendi,  
 „ deque præsidii, subsidiiisque & contribu-  
 „ tionibus in tempore constituendis. De  
 „ causa verò religionis nihil aliud constitui  
 „ commodè potuit, nisi ut publica pax utrin-  
 „ que servetur, nè religionis prætextu ulli  
 „ inferatur vis aut injuria. Fuit eodem anno  
 „ indictum à Summo Pontifice Generale Con-  
 „ ciliium ad Civitatem Tridentinam, quò tres  
 „ misit Cardinales Legatos. Quoniam verò  
 „ propter bella, quæ inter potentissimos erant  
 „ Monarchas, perpauci Episcoporum compa-  
 „ ruerunt: revocatis Romam Legatis, suspen-  
 „ sum est ad tempus Concilium illud. Fata  
 „ insuper eripuerunt Catholicis in Germania  
 „ duos clarissimos & doctissimos viros, D.  
 „ Eckium, & D. Pighium, fortissimos contra  
 „ hæreticos Ecclesiæ fidei que Propugnatores,  
 „ Mortuus autem est uterque intra unius men-  
 „ sis, & quidem primi, spacium, non sine pu-  
 „ blico plurimorum luctu & gemitu. „  
 „ [2.] Surius citatò locò.

Neugebauerus lib. 7. hoc anno. „ Ducto

Annus Christi MDXLIV.

*Pont. Rom.*  
Paulus III.

*Imp. Rom.*  
Carolus V.

*Episcopus Pataviensis*  
Wolfgangus I.

Monasterii CCCCVI.

*Archi-Dux Austriae*  
Ferdinandus I.

*Abbas Zweilensis*  
Erasmus.

**I**Nitiò Januarii annò MDXLIV. Cæsar  
 è Belgio in Germaniam profectus,  
 Spira Imperii comitia celebraturus ven-  
 nit. Adfuere, quod rarò est visum,  
 Septem-Viri omnes, ac totius Germaniæ  
 præcipui Principes, ipsèque Clivius. Quo  
 Conventu Cæsari adversus Francum de-  
 cernuntur equitum quatuor, peditum  
 viginti quatuor millia, qui sex mensibus  
 Imperii sumptu militarent: promissitque  
 hanc ob causam Cæsar Protestantibus,  
 primo quoque tempore in Germania aut  
 generale, aut nationis Germanicæ, Con-

„ igitur ad Dravum exercitu, ut omnia à ter-  
 „ go pacata relinqueret, cohortes aliquot ad  
 „ Volponium arcem in finibus Bosniæ, Croa-  
 „ ciæ atque Ungariæ sitam oppugnandam mi-  
 „ sit, quam ferè per tres menses totos frustra  
 „ obsedit. Deditio postea facta est, sed per  
 „ fidiâ militum, qui Præfectum omnia potius  
 „ experiri, quàm dedere se volentem compre-  
 „ hendere, Turcisque tradidere. In quem  
 „ Tyrannus non solum non crudelis, sed mu-  
 „ nificus etiam fuit: dedititios verò omnes  
 „ mactari mandavit. Erant jam proximi Quin-  
 „ queeclesienses, qui in superioribus bellis  
 „ in fide data constanter permanerant: sed  
 „ terri virium hostilium magnitudine. ac in-  
 „ primis prædictarum arcium jacturâ, Episco-  
 „ pus & reliqui Proceres plus in fuga, quàm  
 „ in urbis munitionibus præsidii posuere,  
 „ & multitudinem Barbaris prædæ relique-  
 „ runt. „

Item Otelvius Redivivus hoc anno.

- [3.] Ex citatione ipsorum.
- [4.] Ex literis ejusdem.
- [5.] E literarum monumentis.
- [6. & 7.] Ex literis scriptis.
- [8.] E literarum monumentis.

Item ex serie Abbatum S. Crucis nobis  
 communicata.

- [9.] Ex Autographo ipsius.
- [10.] E literarum monumentis.
- [11.] Ex Mandato Regis proprio.
- [12.] Ex mandato ipsius.
- [13.] Neugebauerus ubi suprâ.
- [14.] Ex Autographo ipsius.

cilium se procuraturum; Summo Pon-  
 tifice Paulo factum ægerrimè ferente,  
 ac scripto Cæsari exprobrante. \* [1.]

Econtra habitis hoc anno Tridenti  
 octo Sessionibus, salutaribusque decre-  
 tis aliquot excussis & examinatis, Lu-  
 theranis modò Præsides, modò locum  
 non probantibus, similitate etiam inter  
 Carolum & Paulum III. excitata, & pe-  
 silentiâ Tridenti obortâ, ex Pontificis  
 autoritate Concilium Bononiam An-  
 nò MDXLVII. translatum fuit. [2.]

Quidam Christophorus Pachswel  
 Cano-

Canonicus Pofonienfis fcribit cuidam diſto Caſparo Liczelman, quem Abbatis in Zwetl Secretarium vocat, ſed uti Abbas ipſi reſpondet, ſe nullum talis nominis unquam famulum habuiſſe, & inter cetera etiam ex Ungaria nova illi ſignificat ſequentia: „Nimirum ſe ſer-  
 „me quotidie ad menſam Epifcopi ſui  
 „Strigonienſis aſſidere, ubi audivit  
 „ſpem ſerè nullam eſſe reſiduam eva-  
 „dendi, hinc enim unum ſurſum, alium  
 „dextrorſum è regulis fugam meditari  
 „& inire, præter Caſtellanum Plinten-  
 „pergenſem, qui pro auxilio ſemper  
 „clamat, & tamen nullum exſpectare  
 „poſeſt. Turcæ ante Strigonium tur-  
 „rim Danubianam occupârunt, inde  
 „è tormentis bellicis globos 2700. in  
 „civitatem miſerunt, & præſidarios  
 „civitatem relinquere, ac in arcem fu-  
 „gere coëgerunt: in Vigilia verò Pa-  
 „ſchatis Turcæ tres impreſſiones &  
 „impetus in arcis moenia fecerunt,  
 „ſed contrà egregiè ſe defendentibus  
 „Chriſtianis nihil effecerunt, qui ta-  
 „men in comæatu ſeu viſtu deſectum  
 „patiuntur, ita timendum, nè fames  
 „expugnet, quos viſ Martis expugnare  
 „non valet. Nuntiatum etiam eſſe  
 „Plintenberghum jam expugnatum,  
 „oppugnari verò jam à Turca Temes-  
 „war caſtellum. Præterea Tranſilva-  
 „nia cum Turcis de tributo conve-  
 „niſſe, quibus ſex mille ducatos Way-  
 „wodæ de Moldavia totidem, ac to-  
 „tidem F. Georgio Epifcopo miſerunt,  
 „unde quid Ungari intendunt, colligi  
 „poſeſt. Rogat deinde præfatus Ca-  
 „nonicus Abbatem in Zwetl, quate-  
 „nus ipſe in domo Monafterii Viennæ  
 „hoſpitiolum pro ſe habere poſſet:  
 „habere quidem ſe, ait, tria cellaria  
 „vinò plena, priùs tamen ipſa relin-  
 „quere quàm hoſtem exſpectare malle.  
 „Datum Poſonii 4. Aprilis, anno 1544.  
 [3.] Ex his literis apparet, Strigonium  
 primùm anno iſto expugnatum fuiſſe,  
 & non anno ſuperiore, uti Authores  
 illi citati volunt.

Venio ad F. Jacobum Königswerdt  
 de Strohof, Converſum Zwetlenſem,  
 & organorum fabrum, quem Senatus  
 Viennienſis ab Eraſmo Abbate ſibi mitti  
 petit ſcribens; „quòd jam antea per  
 „Syndicum ſuum cum præfato F. Ja-  
 „cobo egerit, quatenus organum ma-  
 „jus in Baſilica D. Stephani non tam  
 „repararet, quàm augeret, illūque  
 „id promiſiſſe, quod tamen hæcenus  
 „omiſſum fuerat. Rogat ergo Abba-  
 „tem Magiſtratus dictus, quatenus  
 „ipſum F. Jacobum admoneat & ju-  
 „beat, ut quantocyus Viennam ſe con-  
 „ferat & ad opus manum applicet &c.  
 „Datum Viennæ 6. Julii, annò 1544.  
 [4.] Præfatus autem F. Jacobus cum  
 licentia Abbatis ſui deſcendit Viennam,  
 de cujus miſſione Magiſtratus Viennien-  
 ſis Abbati ſcribens „agit gratias,  
 „quòd cum eo de opere plenè tranſege-  
 „rit, ſignificat, nimirum, ut in majori  
 „ſuo organo in Cathedrali Eccleſia ad  
 „S. Stephanum ad Dei gloriam anter-  
 „rius & poſterius Poſitivum, uti vo-  
 „cant, addendo oſto adhuc vocum  
 „conſonantias faciat, eūque labo-  
 „rem in Zwetlenſi Monafterio quan-  
 „toocyus perficiat. Mercedem pro la-  
 „bore ad petitionem ipſius pronun-  
 „tiant centum libras denariorum &c.  
 „Datum Viennæ 23. Julii, annò 1544.  
 [5.]

„Rurſum Franciſcus Igelſhofer Vi-  
 „ennæ Eraſmo Abbati ſcribit, quòd F.  
 „Jacobus organorum Magiſter & arti-  
 „ſex illuc advenerit. Deinde ſignifi-  
 „cat, ipſum jam ſæpe à Rege Pragæ  
 „ad novum ibi organum fabricandum  
 „vocatum fuiſſe, à ſe tamen ipſum  
 „ſemper excuſatum eſſe, tum ob vale-  
 „tudinem adverſam & ætatem gravem,  
 „cū ob opus Viennæ ad D. Step-  
 „hanum jam inchoatum, in cujus perfe-  
 „ctionem Rex conſenſit, ac mirum  
 „quantum opus diſtum placuit. Da-  
 „tum Viennæ 23. Julii, annò 1544.  
 [6.]

„In aliis etiam literis ſuis Magiſtra-  
 Ppp pp „tus



„ tus Viennensis significat Erasmo Ab-  
 „ bati, quod Rex ipsemet cum F. Ja-  
 „ cobo aliquoties fuerit locutus, unde  
 „ rogant, ut opus organi cœptum à

„ præfato Jacobo pro voluntate Regis  
 „ ad festum omnium Sanctorum perfici  
 „ procuret. Datum Viennæ 20. Octo-  
 „ bris, annó 1544. „ [7.]

## ADDITIONES.

\* [1.] Heuterus in Carolo V. lib. 12.  
 Cochleus hoc anno. „ Recessus ergo pu-  
 „ blicus datus fuit Spiræ X. die Junii. Cujus  
 „ sanè tenorem ubi Romanus Pontifex acce-  
 „ pit, paternè admonuit per quandam episto-  
 „ lam Cæsaream Majestatem, ut in causa fidei  
 „ & Religionis more Majorum, nihil velit  
 „ inconsulto Romano Pontifice, statuere aut  
 „ permittere, in Sedis Apostolicæ præjudi-  
 „ cium. Mos (*inquit*) Majorum est ejus-  
 „ modi, ut quoties de his, quæ ad Religio-  
 „ nem pertinent, disceptatur, ad Sedem Apo-  
 „ stolicam omne judicium semper referatur,  
 „ nihil illà inconsultà statuatur. Tu verò  
 „ nunc Fili, cùm vel de Concilio Generali,  
 „ tanquam de remedio omnium opportunissi-  
 „ mo afflictis Ecclesiæ rebus, & ipsius inpro-  
 „ priis Germaniæ mentionem facis: vel de Na-  
 „ tionali, cujus etiam meministi: vel de futu-  
 „ ro ad proximum autumnum Imperiali Con-  
 „ ventu, in quo de religione, ceterisque re-

„ bus, quæ ad illam pertinent, tractare pro-  
 „ mittis; ità agis, ità statuis, ut supprimas  
 „ ejus nomen ubique, cui divina & humana  
 „ jura, approbante tot sæculorum consensu,  
 „ supremam, cùm cogendi Concilia, tum sta-  
 „ tuendi de his & ordinandi, quæ ad Ecclesiæ  
 „ unitatem utilitatēque spectant, authorita-  
 „ tem dederunt &c. Contra hanc Papæ Pauli  
 „ III. epistolam, horrenda convitia scripse-  
 „ runt Lutherani, quidam Latine, quidam  
 „ Germanicè. Lutherus ipse Teuthonicè  
 „ prolixum adversus eam edidit librum, us-  
 „ que adeo maledicum & obscœnum, ut  
 „ sinè pudore recitari aut legi non queat. „

[2.] Ciaconius in Paulo III.

Onuphrius in eodem.

Surius in Comment. hoc anno.

[3.] Ex literis ejusdem.

[4. 5. 6.] Ex Autographis ipsorum.

[7.] Ex litteris ipsius Magistratûs Vien-  
 nensis.

## Annus Christi MDXLV. Monasterii CCCCVII.

*Pont. Rom.*  
 Paulus III.

*Imp. Rom.*  
 Carolus V.

*Archi-Dux Austriae*  
 Ferdinandus I.

*Episcopus Pataviensis*  
 Wolfgangus I.

*Abbas Zwetlensis*  
 Erasmus.

„ **H**OC anno rursus indixit Summus  
 „ Pontifex ad Tridentinum Ge-  
 „ neralè Concilium, cui præfecit tres  
 „ Cardinales Legatos, virtute ac cru-  
 „ ditione excellentissimos. Quorum  
 „ operà consulatur Ecclesiæ, & contra  
 „ hæreses usque adeo impias, variâque;  
 „ & contra corruptos mores & abusus  
 „ Ecclesiasticorum; „ \* [1.] fuit  
 „ nonnisi unica hoc anno inibi Sessio ce-  
 „ lebrata. [2.]

Cæsar pace cum Gallo facta Wor-  
 matie comitia Principum Imperii per  
 Ferdinandum Regem in causa Religio-  
 nis celebrat, inde verò absque effectu  
 ullo discessum est. Ipse verò denuo Ra-  
 tisbonæ alia indicit, ad quæ cùm & Sa-

xo & Hæssus venire recusarent in opi-  
 nionibus errorum suorum pertinaces,  
 tunc Imperator in eos bellum decrevit,  
 [3.] quod à loco fœderis inter Luthe-  
 ranos facti Smalcaldicum vocabatur,  
 [4.] sed annis sequentibus primùm ge-  
 stum.

Redeo ad F. Jacobum Königswert  
 Conversum Zwetlensem, qui Erasmo  
 Abbati suo scribens Viennâ, se orga-  
 num ad D. Stephanum vigesimâ Janua-  
 rii perfecturum, quare currum pro se petit  
 mittendum, atque etiam duas vel qua-  
 tuor urnas albæ cerevisiæ, quam alicui  
 suorum amicorum promiserat. Datum  
 Viennæ 11. Januarii, annó 1545. [5.]  
 Quod autem præfatum organum dicta  
 die

die perfecerit, attestatur Magistratus Viennensis suis literis; „ quibus Ab-  
 „ bati pro oblatione aliquorum ex or-  
 „ gano suo necessariorum maximas agit  
 „ gratias, & in animi grati iudicium do-  
 „ lum unum Husone sale condito im-  
 „ pletum transmittit, recentes nullos  
 „ fuisse adductos, alioquin talem misis-  
 „ sent, claudunt literas de laude per-  
 „ secti sui organi cum oblatione suo-  
 „ rum officiorum. Datum Viennæ 23.  
 „ Januarii, annò 1545. „ [6.]

Porro Erasmus Abbas etiam piscinam magnam fieri curavit, quæ à proximo pago Ruedmans nomen accepit, & feriâ tertiâ post Georgii festum, id est, 28. Aprilis incepta fuit à fossoribus Bohemis, quorum hæc sunt barbara nomina: Gemischtzo Tzschyssi. Hensel Peckh. Wentzl Peckh. Holy Ztzebeny. Zescho. [7.] Horum Magister erat Thomas Teychtpartier; utrum verò hoc anno perfolverint, certi nihil affirmare ausim: hoc tamen conijcere possum ex sequentibus Erasmi Abbatis gravaminibus Monasterii sui p.m. scriptis, dictam piscinam sub eo perfectam fuisse, præsertim cum & eam inter cetera Monasterii bona taxata annotaverit. [8.]

Venio ad obitum Erasmi Abbatis Zwetlensis, qui Calendis Maji, id est, primâ Maji hoc anno contigit, uti omnes Abbatum Catalogi conveniunt, ac etiam Mortilogium antiquum cum Chronosticorum autore, qui ita tempus Erasmi obitus designat:

- - - - - qui fabricavit opus

„ Altaris, summis perfectum sumptibus ingens,

„ DVM probVs Is VIXIt, rVr-  
 „ sVs & Ipse VIget.

Sic hic sedulus Pater Monasterio Zwetlensi præfuit triginta tribus annis, ab anno electionis suæ Abbas; & in Ordine Cisterciensi Professus vixit universim

quadraginta duobus annis: ac ætatis suæ annum, si non superavit, saltem complevit sexagesimum, infirmus semper, ac plenus dierum, uti ex vitæ ipsius contextu magis patet. Quæ pertulerit, quæ fecerit, quæ ædificârit, annorum decursus per Abbatiam ejus declarat. Cognito obitu ejus Simon Abbas S. Crucis protinus advenit, & ad electionem canonicam procedens F. Jacobum cognomento Grienwald Professum Zwetlensem electum invenit, qui jam Annò MDXII. Professus erat, & ipsum de more installavit, quod vel mense Julio vel Augusto factum videtur, ut ex literis Georgii Schockler ad Jacobum Abbatem datis constat. Datum literarum est Cremsi feriâ quintâ post Michaelis 1. Octobris, annò 1545. [9.] De successione omnes Abbatum Catalogi conveniunt, sicut & Chronosticorum author, qui ita versificat:

„ XItIt ItatqVe pIVs qVoqVe MoX  
 In orDine præfes,

„ Electus portat sceptrâ Jacobus  
 ovans.

Interea dum hæc in Monasterio transiguntur, Bernardus Turso in Grafenegg subditos Monasterii in Weinzierl, Nondorf, & Lenterstorf variis modis vexare cœpit, unde à Joanne Ernst Magistro curiæ in Weinzierl de intolerabili censu aliisque illatis gravaminibus apud Ferdinandum Regem accusatus, à quo contra ipsum inhibitionis sub multa decretum impetravit, quod nuntiat D. Jacobo electo Abbati sub dato Viennæ 14. Augusti, annò 1545. [10.] Ex his colligitur jam Augusto mense Abbatem Jacobum electum fuisse; ac nonnulla præludia apparent subditorum ad Dominium Grafenegg raptorum sub titulo advocatiæ, de quo plura in sequentibus annis legenda occurrent.

## ADDITIONES.

\* [1.] Cochläus locò sæpe cit. sub hoc anno ad finem.

Ciaconius in Paulo III. „ Post cruentam  
„ ad Cerauleam inter Imperatorem & Gallo-  
„ rum Regem pugnam, annò 1544. apud Cre-  
„ pinium in Sueffionibus castellum in expe-  
„ ctata pax, omnibus tamen ac præcipuè Pau-  
„ lo III. expetita, certis conditionibus ista  
„ fuit. Pontifex ubi cognovit, quæ in pace  
„ Crepinii Imperator & Gallus agitassent,  
„ Concilium in anni sequentis mensem Mar-  
„ tium convocari iussit, eoque Joannem Ma-  
„ riam de Monte, Marcellum Cervinum, po-  
„ stea Romanos Pontifices Maximos, & Car-  
„ dinalem Polum legavit: quibus centum Epi-  
„ scopos, ingenio & scientiâ præstantes, in  
„ publico totius orbis consensu de rebus fidei  
„ nostræ disputaturos adjunxit. „

Onuphrius in eodem Paulo III. & alii.  
[2.] Spondanus hic n. 16. „ Cùm tan-  
„ dem post longas moras, postpositis omnibus  
„ difficultatibus, quæ quotidie velut ab ini-  
„ mico humani generis emergebant, decretum  
„ venisset à Pontifice datum ultimò Octobris,  
„ ut Concilium, quod inchoari non potue-  
„ rat Dominicâ Lætare Quadragesimæ, omni-  
„ no absque ulteriori dilatione aperiretur eo-  
„ dem fasto omine Dominicâ Gaudete ter-  
„ tiâ Adventûs, quæ futura erat dies 13. De-  
„ cembri: - - - - -

N. 17. „ Adveniente igitur tandem Do-  
„ minica illa Gaudete, Idibus Decembris,  
„ Romæ Pontifex publicatis per totum Chri-  
„ stianum orbem supplicationibus, & Jubileo  
„ universali cum plenissima remissione omni-  
„ um peccatorum, cunctos hortatus est ad  
„ orandum pro Patribus congregatis Tridenti  
„ ad celebrationem Concilii, quod à se in-  
„ dictum esset sanandis vulneribus, ab impiis  
„ infidelibus reprobisque hæreticis Ecclesiæ  
„ inflictiis. Eodémque die Legati primam  
„ acturi Sessionem, unâ cum viginti sex qui  
„ aderant Patribus, videlicet quatuor Archi-

„ Episcopis & viginti duobus Episcopis ha-  
„ bitu Pontificali ornatis: Oratoribus Regis  
„ Romanorum; quinque Generalibus Ordini-  
„ num Mendicantium, Minorum Observan-  
„ tium, & Conventualium, Eremitarum S.  
„ Augustini, Carmelitarum & Servorum; cum  
„ multis tam secularibus quàm regularibus  
„ Doctoribus, Clero, nobilitate, & populo,  
„ supplicationem solemnem habuerunt ab Ec-  
„ clesiâ Sanctissimæ Trinitatis ad Cathedra-  
„ lem Sancti Vigili ejus civitatis olim Epi-  
„ scopi & Martyris: ubi Cardinalis de Monte  
„ primus Legatorum Missam de Spiritu Sancto  
„ celebravit: & Episcopus Bitontinus magnâ  
„ eloquentiâ orationem habuit de necessitate  
„ Concilii; & laudibus Pontificis, qui illud  
„ favore Imperatoris, ac Regum Galliæ, Ro-  
„ manorum, & Lusitaniæ, aliorumque Prin-  
„ cipum Christianorum subnixus indixisset:  
„ laudatisque pariter Legatis, Patres horra-  
„ tus est ad vitæ emendationem, ac deposi-  
„ tionem omnium affectuum, quò dignè ab  
„ iis dici posset: Visum est Spiritui San-  
„ cto, & nobis &c. „

[3.] Surius in Commentario hoc & seq. anno.

Piespordius anno sequenti.

Spondanus cit. locò n. 4.

Pont. Heuterus lib. 12.

[4.] Idem eodem. „ Jam dudum Pro-  
„ testantes inter se fœdus Smalcaldii fecerant,  
„ sæpiusque diversis conventibus renovârunt,  
„ confirmârunt, diversosque Principes ac ci-  
„ vitates eodem attraxerant. Est autem Smal-  
„ calla oppidum ad limites Thuringiæ & Hæs-  
„ siæ situm, juris, Ditionisque partim Lant-  
„ gravi Hassiæ, partim Comitibus Henneber-  
„ gæ. „

[5. & 6.] Ex Autographis ipsorum.

[7.] E literarum monumentis.

[8. & 9.] Ex Autographis ipsorum.

[10.] E literarum monumentis.

Annus Christi MDXLVI.

Monasterii CCCCVIII.

Pont. Rom.  
Paulus III.

Imp. Rom.  
Carolus V.

Archi-Dux Austria  
Ferdinandus I.

Episcopus Pataviensis  
Wolfgangus I.

Abbas Zwettlensis  
Jacobus.

**B**ellum, uti anno superiore scripti,  
Smalcaldicum, colloquiò Religio-  
nis causâ susceptò, absque fructu Ratis-

bonæ solutò, \* [1.] hoc anno in-  
choatum & finitum fuit, Deo Cæsari  
justam causam habenti succurrente: [2.]  
quo

quo etiam anno 17. Februarii Islebii in Comitatu Mansfeldiæ Martinus Lutherus omnium schismatum hæresiosque auctor & princeps animam efflavit. [3.]

Porro Jacobus Abbas in Zwetl Joanni Ernſt civi Cremsſenſi contulit emptionis titulū grangiam in Weinzierl cum Landerſtorf, Noindorf, & Neuſtiſſt, aliisque ad eam pertinentibus juribus, uti civis dictus fatetur 15. Februarii annō 1546. [4.] Ego potiùs eam grangiam illi locatam, quàm venditam fuisse judico.

Erat tunc temporis Alodiorum Magister Gulielmus Staindorfer, qui Viennā inter cetera sua negotia hæc novā nuntiat Abbati, quod Turca infra dierum duodecim spatium non procul Labaco plurima Stiris & Carinthiis damna cæde & incendio intulerit, atque etiam ad duo millia hominum in captivitatem perpetuam secum abduxerit, isque in Ungaria suos numerō augere fertur. Item Excelsum Regimen Priorem Mellicensem in vincula conjici, atque alium ejus loco substitui curasse scribit sub dato Viennæ 19. Martii annō 1546. Causa non additur. [5.] De dicta Turcarum in Stiriam & Carinthiam irruptione nihil Megizerus habet, nisi forsā vicini Turcæ de more suo vicinos Christianos visitārint. Richardus Strein in suis Annalibus Austriæ Superioris scribit, quod 13. Decembris Annō MDXLI, quinque Austriacarum Provinciarum ac Comitatus Goriciensis Legati in

conventu Pragæ ad pedes Ferdinandi Regis se proſecerint humiliter petentes, quatenus dictis provinciis purō putōque Evangelio veraque fidei justificatione, atque SS. Sacramenti sub utraque specie communione sinē timore pœnæ liberè ipsis uti liceret: sed nihil impetrarunt. [6.]

„ Scribit etiam Jacobo Abbati in  
„ Zwetl Maximilianus Leiffer Eques &  
„ armamentarii Præfectus, & ipsi quendam Christophorum cognomine Patriarcham, Regium Vice-Domini Austriaci Antigrapheum commendat, quatenus ipsi, mortuā Turnerin viduā, domum Zwetlensem Viennæ in veteri rusticorum foro sitam ad vitam concedat, qui in emergentibus litibus Monasterio utilis esse possit, siquidem etiam in Camera officio fungatur, idemque apud Excelsum Regimen sit in notitia & favore: deinde Abbati aut aliis de Monasterio Viennam venientibus æquē ac dicta vidua in hospitio & victu vult providere. Datum Viennæ 1. Maji, annō 1546. „ [7.] Hæc domus erat ad cœmeterium S. Petri in platea Monetariorum, qui locus à foro venalium rerum à rusticis allatarum olim dicebatur, modò ibi est aula S. Margarethæ.

Nominat præterea Martinus Meichsner Præpositus in Eisgarn Jacobi Griewald Abbatis in Zwetl se patrum, à quo modium tritici petit sub dato in Eisgarn 23. Julii, annō 1546. [8.]

## ADDITIONES.

\* [1.] Surius in Commentario hoc anno. Cochlaus de actis & scriptis Lutheri hoc anno. „ Colloquium de religione à Cæsare in conventu superiore Wormaciæ habito, ad festum S. Andræ indictum, & ab eodem postea ad XIII. diem Decembris ex certis causis per literas prorogatum: propter tardiores eorum, qui ad colloquium deputati fuerunt, adventum, non potuit inchoari. Ratisponæ ante XXVII. diem Januarii. Nam ii, qui ab Electore Saxonie ad colloquium missi sunt, Doctor Laurentius Zoch, ut auditor, & Doctor Georgius Maier, ut collo-

„ cutor, advenerunt primū die XXI. Januarii, cū ceteri ex utraque parte jam pridem comparuissent, & Melancthonem (qui nominatim pro colloquio fuerat Cæsari per literas indicatus) tot diebus frustra expectassent: Quandoquidem pro eo substitutus ab Electore prædicto fuit D. Maier. Die igitur 27. Januarii, Domini Præsidentes, post solenniter celebratam ritū Catholico in Cathedrali Ecclesia Missam, in Prætorio cum utriusque partis Collocutoribus & Auditoribus convenerunt, factæque confessa Cæsareæ Majestatis, commissæ  
Q 99 99 „ bones

„ siones sibi factas exhibuerunt, & recitari fecerunt utrique parti. Modum insuper procedendi, à Cæsare præscriptum, utrique parti in scriptis tradiderunt. Verùm, cum Lutherani suspiciosus variis causationibus & exceptionibus rem protraherent, atque colloquium inire nollent, nisi proprios permitterentur habere Notarios: effecerunt, ut quinto tandem die Februarii primùm, à Catholicis Collocutoribus materia de articulo justificationis, juxta præscriptam à Cæsare formulam, proponi potuerit. Die autem sequenti Lutherani, antequam ad materiam propositam responderent, prolixo apparatu præfati ac protestati, & extra propositum querelis & excusationibus vagati: rem scriptis, recitationibus, ac dictationibus extraxerunt, usque in diem XII. Februarii, antequam Catholicis daretur locus aut copia respondendi. Deinde die XVII. Feb. rursus Lutheranis concessa dicendi facultate, res iterum extracta est partim dictationibus & scriptis, partim familiari colloquendi vice ac disceptatione verbali, usque ad 24. diem Februarii, qui erat festus Matthiæ Apostoli veneratione. Interea Cæsar à Dominis Præsidentibus consultus, & de modo procedendi ( qui Lutheranorum perviciacià & importunitate à præscripto aliquantulum mutatus erat ) certior factus, novam eis super quibusdam dubiis commissionem misit, & utrique parti literas Credentiales, ut de sua voluntate & mandato Præsidentibus crederent, & R. D. Julium Pflug, Electum & Confirmatum Numbergensem, pro tertio Præsidente reciperent. Quæ die 26. Februarii publicata utrique parti, à Catholicis quidem obedienter acceptata sunt, à Lutheranis autem per varias ambages & excusationes recusata. Quæ sanè res inter Præsidentes & Lutheranos, variis tractationibus diebus aliquot agitata, non potuit ad consensum perducì, eò quod Præsidentibus non liceret egredi aut recedere à præscripta Cæsaris commissione. Lutherani autem à conditionibus & limitationibus, quas con-

„ tra Cæsaris commissionem afferbant, nolent recedere. Coacti sunt igitur Lutheranorum perviciacià Domini Præsidentes, iis de rebus iterum scribere ac referre ad Cæsaris Majestatem ( quæ jam iter ingressa erat è terris inferioribus versùs Ratisponam ) ut scirent inde, quid Lutherana parti, tam obstinate contra commissionem excipienti, permittere aut concedere deberent. Lutherani autem, antequam à Cæsare adveniret Rescriptum, contra Præsidentium voluntatem, die 20. & 21. Martii ( quæ erat Dominica Reminiscere ) subito præter omnium opinionem, insolita festinatione, tantum non furtivè, discesserunt, & suâ contumaciâ omnem colloquii fructum præpèdierunt, atque concordie spem præciderunt. Id quod optimis quibusque, qui pacis & concordie desiderio tenebantur, displicuit, & Cæsar ipse permolestè tulit. Nam ubi Ratisponam pervenit die X. Aprilis, & perpaucos ad indictum Imperii Conventionum Principes & Status personaliter præfentes reperisset: novum ad singulos misit mandatum, ut omnes absque ulteriori procrastinatione advenirent. Datum Ratisponæ XXII. die Aprilis. „

Spondanus hic n. 10.

[ 2. ] Item Surius cit. locò, & Spondanus n. 17. & 18.

Onuphrius in Paulo III.

P. Heuterus sub Carolo V. lib. 11. hoc anno.

[ 3. ] Iidem citati Authores & alii; non tamen concordant hi cum Protestantibus in referendo genere mortis, quam hic magnus illorum Pater pertulerit; hi enim ad Superos evehunt, illi ad inferos detrudunt eum; nos judicium super hoc Judici venturo judicare vivos & mortuos libenter subijcimus: nec tamen nobis credibile est nostros comvos, & non infimæ notæ scriptores quoad hoc ex toto hallucinatos fuisse.

[ 4. ] E literarum monumentis.

[ 5. ] Ex Autographo ipsius.

[ 6. ] Annales Streinii sub anno 1541.

[ 7. & 8. ] Ex Autographis ipsorum.

## Annus Christi MDXLVII. Monasterii CCCCIX.

*Pont. Rom.*  
Paulus III.

*Imp. Rom.*  
Carolus V.

*Archi-Dux Austriae*  
Ferdinandus I.

*Episcopus Pataviensis*  
Wolfgangus I.

*Abbas Zwetlensis*  
Jacobus.

**B**ellum Smalcaldicum anno priorifinitum excepit hoc anno bellum

Saxonicum, quod Cæsar Carolus utique Numinis Superni ope victoriâ maximâ poti-

potitus, infra trium mensium spatium terē consecit, ac de tota Germania mirabiliter triumphavit, Joanne Electore Saxone atque Landgravio Hassiæ captis. Erant eo tempore etiam Bohemi ad defectionem Regis sui Ferdinandi à Saxone excitati, sed illo capto ad obedientiam redierunt. \* [1.] Cæsar circa finem Julii Augustum Vindelicorum venit, ibique comitia Imperii celebravit, in quibus omnes Principes Concilii Tridentini decretis se submittunt. [2.] Interea cum Pontifice tum literis tum Legatis Cæsar enixè laborat, Concilium Tridenti cœptum finiret. Transfulerat enim paulò antè Pontifex illud Bononiam, sed nihil impetravit. [3.]

Videtur Jacobus Abbas in Zwetl hoc

anno mutasse famulitium suum, nam 16. Februarii fit mentio Camerarii Nobilis Juvenis Joannis, item Andreæ Winckler civis Cremsensis, qui 20. Decembris aliquot annorum Magister curiæ in Weinzierl à Jacobo Abbate à curia illa se absolutum esse fatetur, illam enim Joanni Ernsto alii civi ibidem ad perpetuò redimendam vendidit. Deinde Gulielmus Staindorfer 22. Februarii Magister Alodiorum adhuc fuerat, uti ex literis Servatii de Neudeck in Rastenberg ad eum datis videre est, cui suffectus fuit Georgius Grueber, huic Abbas claves aliasque res 20. Martii tradi jussit, quod ille literis suis fatetur. [4.] Atque hæc de Monasterio.

## ADDITIONES.

\* [1.] Silius in Commentario hoc anno. Pontus Heuterus lib. 12. cap. 13. „ Decimo Calendas Aprilis Cæsar Nortlingâ „ Norimbergam, inde Ægram cum copiis contendit, conjunxerūque ei hoc loco se cum „ non contemnendis copiis Romanorum Rex, „ Mauritius ac Augustus Saxones fratres, multum perpeffi, antequam per Herciniæ silvæ „ saltus, à conjuratis fuccis arboribus præmunitos, cum milite evaderent. Hinc simul „ in Myſiam proſecti, circa finem Aprilis ad flumen Albim, è regione oppidi Mulbergæ, „ haud procul Miſeno, ubi ab altera fluminis „ ripa Septem-vir Saxo castra habebat, confident. Habebat is pares Cæsarianis virtute ac numero copias. Peditum enim viginti, equitum quinque millia illi aderant, „ pontemque Sublicium, qui erat ad oppidum Mulbergam, incenderat; positisque in „ ripa Albis variis locis tormentis ac Sclopetariis, qui Cæsarianos transitu amnis prohiberent, cum majori exercitus parte lento „ passu Wittenbergam contendebat. Sed „ Hispani Sclopetarii, audacter flumen ingressi, ita rem gesserunt, ut mox Saxones ripam defererent, ac ad Septem-virum properarent. E Hispanis aliquot, qui natate didicerant, gladios ore ferentes, in hostilem ripam transnatare, repertisque scaphas ad Cæsarem retrahunt, qui ex his, & quas habebat, ponte facto, majorem exercitus partem Albim traducit. Lewis Hungarorum „ armatura, reperto vadō, quod rusticus ob „ abactos à Saxonibus equos monstrat,

„ transit; tandemque omni transmissio exercitu, Saxonem Septem-virum, audiendæ „ concioni de novæ Religionis decretis intentum, ad silvam Lochanam assequuntur. „ Is de Cæsaris diligentia obstupescens, dimissa concione, acies instruit. Idem facit „ Cæsar, ac ex omni equitatu duas acies educit. In prima erat Albanus, Lanoius, Antonius Toletanus, Baptista Spinellus, Mauritius ac Augustus Saxones; in altera Cæsar, Romanorum Rex duobus cum filiis natu „ maximis, ac Emanuel Philibertus Sabaudia „ Dux. Contra hos prodit Joannes Fridericus Septem-vir Saxonæ, ac à meridie ad „ noctem acerrimè variis locis pugnans, tandem superatur; cumque in tutum se fugâ elapsus existimaret, casu capitur. Equites „ enim Hispani quatuor, totidemque Itali, „ ac duo Hungari, palantes longius proſecti, „ in Septem-virum à suis desertum incidunt, „ cumque circumstantes, ac singuli capere conati, in sinistra gena, dum se pertinacius „ defendit, sauciant, dederūque cogunt, reversi „ que cum nobili captivo ad Cæsarem, „ lætum ei, omnibusque Proceribus spectaculum præbent. Ab Albano ad Cæsarem adductus, ait: *Tuus, Clementissime Cæsar, jure belli sum captivus: rogo, me in morem Principis Viri custodiri ac trahiari jubeas.* Tum Cæsar: *Bene habes, quod nunc tibi sim Cæsar: non ut dees, sed ut meritis es, exciperis.* Ille suspirans obtulit. Romanorum Rex acerbius cum eo agens, exprobrabat, quod subditos suos Bohemos ad „ arma

„ arma concitasset, seque regnò cum omni-  
 „ bus liberis pellere conatus esset. Captus  
 „ est & Ernestus Brunswicanus, Philippi filius.  
 „ Joannes Septem-viri Saxonis filius natu ma-  
 „ ximus, faucius Wittenbergâ Gotham au-  
 „ fugit. Captivorum peditum ingens fuit nu-  
 „ merus. Bichlingus ac Recrodus cum qua-  
 „ dringentis equitibus Wittenbergam eva-  
 „ sere. Tormenta majora quindecim, poste-  
 „ ro die alia sex, cum multis impedimentis  
 „ capta. Septem-viri, ac Ernesti custodia  
 „ Alphonso Viues Hispano demandatur. Pu-  
 „ gnæ hujus tempore Sol meridie, sereno  
 „ cælo ac aëre, nulla eclipseos causâ nec oc-  
 „ casione, me inter alios, duodecim tum an-

„ nos nato, aspiciente, prodigiôsè claritatem  
 „ amisit, ac caliginoso tristisque rubore aspi-  
 „ cientes terruit. Cecidère supra bis mille  
 „ pedites, ac quingenti equites. Nox, ac  
 „ propinqua silva, majorem partem periculo  
 „ exemere. Signa militaria viginti octo re-  
 „ lata, ac inter hæc Septem-viri summum.  
 „ Cæsar centum viros non desideravit. Pu-  
 „ gnatum est ad Albim octavò Calendæ Maji.  
 „ Piespordius sub Carolo V.  
 „ Spondanus hic n. 8. & seqq.  
 „ [2. & 3.] Megizerus lib. 11. cap. 33.  
 „ Ciaconius & Onuphrius in Paulo III.  
 „ Spondanus ubi suprâ n. 7. & 33.  
 „ [4.] E literarum monumentis.

## Annus Christi MDXLVIII. Monasterii CCCCX.

*Pont. Rom.*  
 Paulus III.

*Imp. Rom.*  
 Carolus V.

*Archi-Dux Austriæ*  
 Ferdinandus I.

*Episcopus Pataviensis*  
 Wolfgangus I.

*Abbas Zwetlensis*  
 Jacobus.

**I**N Conventu Augustano Cæsar ubi vi-  
 dit Concilium nonnihil distractum,  
 Patribus aliis Bononiam profectis, aliis  
 Tridenti remanentibus, quibusdam ne-  
 gotium dedit formulæ cujusdam Reli-  
 gionis conscribendæ, qua per Germa-  
 niam uterentur usque ad Concilii defi-  
 nitionem, qui liber Interim inscribe-  
 batur. \* [1.]

Porro anno isto Jacobus Abbas in  
 Zwetl & Erasmus Wasserbergius in  
 Moydrams erant Commissarii Regii in  
 eligendo novo Judice in civitate Zwet-  
 lensi, uti ex literis ipsorum 24. Februarii  
 datis colligere est. [2.] Constituit  
 etiam Abbas quendam suæ curiæ in Leüs  
 Præfectum, civem ibidem Leonardum  
 Hillinger sub dato 17. Februarii, [3.]  
 ubi etiam alterius novi Magistri Allodio-  
 rum fit mentio dicti Christophori Pfes-  
 ser, ita ut alter jam mortuus conjectetur.

Quidam etiam Christophorus Schra-  
 tenbach de familia Leisserorum scribit  
 Jacobo Abbati in Zwetl, (quem ob  
 filium è fonte sacro levatum Patrinum  
 vocat) & rogat sibi promissum in præ-  
 sentia Maximiliani & Ulrici Leisserorum  
 armamentarii Præfectorum, avunculo-

rum nimirum suorum honorarium in  
 memoriam Erasmi Abbatis sui Anteces-  
 soris, nempe centum florenos porrigi,  
 cum jam etiam Wilhelmo Staindorfer  
 partem suam dedisset, cui simul promi-  
 serat honorarium præfatum. Datum  
 Egenburgæ 12. Maji, annò 1548. [4.]

Idem Schratenbachius repetit dictum  
 promissum aliis sub dato Egenburgæ 11.  
 Junii literis, in quibus se dicit quatuor  
 jam annis curiam Rafingensem inhabi-  
 tasse, ac resignasse. Cujus in testis sar-  
 tis conservandis negligentiam Abbas  
 carpit, illique exprobrat. [5.] Inde  
 videtur Erasmus Abbatem suis agnatis  
 & cognatis prædia Monasterii partim  
 vendidisse, partim ad habitandum con-  
 cessisse, uti prædium Neuntzen fratribus  
 suis vendidit, item prædium Cambern,  
 deinde Rafingam huic Schratenbachio  
 concessit, ita ut Jacobus Abbas pro eo-  
 rum recuperatione multum laborare  
 debuerit.

Excepit etiam Abbatem Jacobum  
 lis quædam ob decimas in Weinziel  
 inter Episcopum Pataviensem, Abba-  
 tem Götvicensem, & Plebanum Cremb-  
 sensem orta, unde apud Austriæ Mare-  
 schal.

schallum Abbas Præfectum in Maurtern accusavit, eò quòd lite adhuc pendente inter partes, frumentum Joannis Ernſt Præſecti curiæ in Weinzierl pro cautione apud dominum Grafenegg deponeretur. Datum Viennæ 4. Septembris, annò 1548. [6.]

Demum Chünringius Marquardus

petit literas ob vendita sibi bona in Cellerndorf & Sierndorf, in qua annotatone duo coloni in Sierndorf omiſſi fuerant, immutari, sub dato Kirchpergæ 18. Decembris, annò 1548. [7.] Hæc bona in tertia parte dividendorum bonorum Ecclesiasticorum fuerunt à Monasterio distracta.

## ADDITIONES.

\* [1.] Surtius in Commentario ad hunc annum. „ Interim Cæsar veritus, nè tardius, quam expediret, Concilium Religionis negotium absolveret, quibusdam negotium dat formulæ ejusdam conferendæ, quæ per Germaniam uterentur usque ad Concilii definitionem. Hi fuerunt Julius Pflugius Episcopus Numburgensis, Michael Sidonius Moguntini Electoris Suffraganeus, & Johannes Islebius. Princeps Joachimus Elector Brandenburgicus, conciliationis cupidus, curavit Bucerum Argentoratò acciri. Is ubi clam venit, à Principe librum de religione à tribus illis, quos diximus, conscriptum accepit & legit. Rogatus à Principe, ut subscriberet, recusavit, quòd magis esset Catholicus, quam Bucer Evangelium ferre posset. Ea re graviter Principem offendit. Porro ipse domum rediit. . . . In libello, quem diximus jussu Cæsaris conscriptum, inter cetera pacis tuendæ causâ permittabatur, ut qui apud Protestantes ex Sacerdotum ordine uxores duxissent, usque ad Concilii determinationem non coegerentur eas relinquere: itém, quæ qui utramque speciem Eucharistiæ hæcenus sumpsissent, non compellerentur calice carere. Hæc duo multos Catholicos offenderunt, quòd non posset Cæsar tale aliquid statuere. Verùm optimus Princeps nihil sibi sumebat in ejusmodi rebus auctoritatis, sed quàm posset commodissimè cupiebat res in Germania nimium exulceratas, sensim in pristinum gradum revocari, salva semper Pontificis & Tridentinæ Synodi auctoritate, quam ille prorsus inviolatam voluit: facillèque videbat, si vi adhibita invitos ad omnia subito mutanda cogere, voluisset, nihil nisi gravissimos Reipublicæ motus expectandos esse: quanquam ego hæc in re nihil velim statuere, sed libenter sequi rectius sententium judicium. Hoc quidem eo rerum statu nimis fuit insolens & intolerabile, quòd cum libellus hic passim vocaretur, Interim, quidam Scriptores Evangelici miris modis in eam vocem luderent,

& fannis atque conviciis petulanter proſcindere. Verisimile est, jam tum agitari cœpisse consilia, quibus se sperarent brevi in pristinum gradum restitutum iri. Wittembergæ quidem Mauritius Philippum Melancthonem, Pomeranum, Crucigerum restituit. Antequam autem Cæsar libellum memoratum Imperii Ordinibus proponeret, prius eum Romam Pontifici misit, hoc ipso sanè animi sui religionem testatus, quòd in religionis negotio nihil ipse per se vellet constituere. Pontifex verò quid eo in libro displiceret, non tacuit: quemadmodum autem Pontifex rescripsit, sic est à Catholicis liber receptus. „

Pontus Heuterus lib. 12. cap. 16. „ Idibus Maji Cæsar convocatis totius Imperii Ordinibus, ac de sua erga Germaniam affectione operoso sermone differens, pacem inter eos nulla ratione constitui posse asserit, nisi de Religione idem sentiant. In eam rem coactum esse Tridenti Concilium, ubi dum de dogmatibus controversis disceptaretur, Religionem administrant secundum decreta statutæque libelli suo jussu conscripti, nomine, Interim, quem omnibus, singulisque offert. Moguntinus assurgens, Cæsari gratias agit: quòd is pro communi omnium assensione recipit, nec ullam posse excusationem admittit, si quis contra libelli, Interim, decreta aliquid ausus esset; qui mox Latino Germanicòque sermone in publicum emittitur. . . .

„ Pridie Cal. Junii comitiis Augustanis finis imponitur, statutumque, ut secundum decreta libelli, Interim, Religio ubique exerceretur. Nec defuisset Cæsar Ecclesiæ sibi quæ, quin, quod decretum erat, executus fuisset, alterâ etiam tertiâque contra defectores Germanos suscepta expeditione, nisi ingentia, quæ mox supervenire, variis è locis bella negotiâque, ac valetudo indies in deterius procedens, impedimento fuissent. „

Onuphrius sub Paulo III.

R r r r r

Pics-



Piespordius sub Carolo V.

[2. &amp; 3.] Ex Autographis ipsorum.

[4.] E literarum monumentis.

[5.] Ex Autographo ipsius.

[6.] E literarum monumentis.

[7.] Ex Autographo ipsius.

## Annus Christi MDXLIX. Monasterii CCCCXI.

Pont. Rom.

Paulus III.

Imp. Rom.

Carolus V.

Archidux Austriae

Ferdinandus I.

Episcopus Pataviensis  
Wolfgangus I.Abbas Zwetlensis  
Jacobus.

**G**randævus senex Paulus III. Summus Pontifex in gravem febrem incidit, cui cum diutius resistere nequireret, corporis viribus destitutus, intergerimis alioquin sensibus 4. Idus Novembris paulo ante lucem in Quirinali, quò sese tanquam ad salubriorem urbis locum conferre solebat, Sacramentis Ecclesiasticis pie susceptis è vita discessit Annò Domini MDXLIX. ætatis suæ octuagesimò primò, Pontificatùs verò decimò quintò, conditus temporariò monumentò in Basilica S. Petri, domesticorum humeris per mediam urbem nullà pompà eodem illatus. \*[1.] De successore ipsius anno sequenti, quo electio finita fuit, faciam mentionem.

„ Comparavit hoc anno Jacobus  
„ Abbas in Zwetl annulos Pontificales  
„ fieri tres, quorum primus quatuor  
„ ducatorum & partis quartæ pondus  
„ habet, à Magistro Henrico aurifabro  
„ Viennensi factus, constat octo talenta,  
„ sex solidos, & decem denarios. Alii  
„ duo à M. Christophoro Rödel auri-  
„ fabro etiam Viennensi facti, unus  
„ gemmis, alter topaziò ornatus, duo-  
„ rum ducatorum pondere, constant  
„ decem talenta, unum solidum, & sex  
„ nummos, uti eos Christophorus Hil-  
„ liprand in Cancellaria Provinciali No-  
„ tarius mittens describit sub dato Vi-  
„ ennæ 19. Februarii, annò 1549. „  
[2.]

„ Sequenti mense Ferdinandus Rex  
„ Romanorum &c. mandat Abbati in  
„ Zwetl, & expeditos ad currus ducen-  
„ dos octo equos cum curru Viennam  
„ ad armamentarii sui Præfectum sibi

„ mitti petit, pro expeditione contra  
„ quosdam Ungaros subditos sibi rebel-  
„ les & contumaces. Datum Viennæ,  
„ 21. Martii, annò 1549. „ [3.]

De rebellionè Ungarorum aliud nihil sub hoc anno invenio, nisi quod in compendio historiæ rerum Ungaricarum legi, ubi sic habetur: „ Annò  
„ 1549. Comes à Salm multa castra in  
„ Superiore Pannonia expugnabat. „  
[4.] Megizerus tamen plus scribens, sed non sub hoc, verum sub MDLI. anno facit mentionem F. Georgii Monachi, quem citatò locò egregie depingit, qui tutor Regis Joannis Junioris constitutus fuerat, & exinde ita insolens factus, ut Isabellam Regis Joannis Senioris viduam etiam ex Transilvania, quæ à Turca amandata fuerat, pellere, sibi quæ Ungariæ regnum comparare posset, sicuti pluribus à Megizero citato factio ista describitur. De his machinationibus dicti Regii tutoris Monachi Ferdinandus Rex certior factus utique ad recuperandum regnum Ungariæ arma expedire jussit, unde superior petitio causam accepit. [5.]

Porro Andreas de Praga Baro in Windhag scribens ad Jacobum Abbatem in Zwetl, se nominat dominii Weitracensis possessorem, Rege Romanorum nihilominus perpetuam ejusdem dominii redemptionem liberam habente, & propter Schweickers aliâque ipsum commonefacit sub dato Weitra 19. Aprilis, annò 1549. [6.] Hæc de Praga familia postmodum multa mala contra Monasterium Zwetlense ob Sacellum S. Wolfgangi in Pfaffenschlag situm, quia

Luthe-

Lutherana facta fuerat, machinata est, uti in decursu annorum videbitur.

Demum Servarius de Neudeck petit à Jacobo Abbate in Zwetl, quatenus transmissa duo testamenta seu ultimas voluntates, unius quidem tenoris, sed non unius linguae, unum Bohemico, alterum Germanico idiomate scripta (à Domina Anna de Neudeck fratri suo oblata) sigillo suo Abbatiali & Conventus obsequiare ac munire velit. Fidem autem Bohemico testamento habendam, utpote quod prius Domino de Lagelberg & Domino de Landaw perlegendum dedisse se ait, qui etiam sigilla sua cum subscriptionibus addidit

in Rastenberg; praesentes verò Servatius praefatus locò fratris sui Ottonis tunc absentis dederat. [7.] Misit unà petitoriam schedam dicta Domina ad Jacobum Abbatem hæc in se continentem: „ Domina Anna de Neudegg, D. Adami Leonis de Rosental & Plattna, Dominae Annæ de Bizkowitz filia, ac Nobilis Equitis Ottonis de Neudegg in Rastenberg & Wildegg, Regi à Consiliis & Camera, conjunx rogat „ D. Jacobum Abbatem in Zwetl, quatenus ad sua duo testamenta, uti supra, transmissa sine damno addat & imprimat &c. Actum in Rastenberg, 23. Septembris, annò 1549. „ [8.]

## ADDITIONES.

\* [1.] Onuphrius sub Paulo III. & Ciacconius sub eodem.

Heuterus sub Carolo V. lib. 13.

Sunus hoc anno. „ Decima Novembris die anno ætatis suæ 82. moritur Paulus Pontifex III. In hunc Sleidanus scribit suo more, „ & ut vitâ sanctum acerbissimè & odiosissimè traducat, citat librum Italicum Bernardini Ochini, longè contumeliosissimum. Si quis ita scriberet in Principes Evangelicos, quemadmodum liber ille perstringit Pontificem, nemo æquò ferret animò. Et hic visus est dignus Sleidano Sacramentario, è quo non pauca in defuncti Pontificis contumeliam suis illis præclaris commentariis infarciret. Sanè qui talium commentariorum lectione delectantur, illi faciliè quoque Mahometis Alcoranum & id genus alia commenta non admodum recusaturi videantur. Fuit ille Pontifex à luxu & crapula alienus, & temperantiæ inprimis studiosus: quæ res illi tam raram conciliavit senectutem. Porro qui stupris, libidinibus, commensationibus & largioribus poculis assidue vacant, vix possunt ad eam pertingere senectutem. Fuit idem Pontifex multâ rerum peritiâ ac pru-

dentia, & apud omnes plurimùm gratiâ valebat, Italiâque diuturno liberavit bellorum tumultu, & perpetuam servans pacem, vulgò dictus est pater patriæ, bonus pastor, bonus Reipublicæ.

Spondanus hic n. 12. ubi sic de eo concludit. „ Insequentium - - temporum infelici eventu maximè à bonis omnibus, & ab infima etiam multitudine desideratus. Quod autem præterea hæretici & apostatae, Ochinus, Vergerius, Baleus, Sleidanus, aliique ejusmodi impuri & perversi homines plura de ejus gestis & moribus confinxerunt, atque in publicum ediderunt, ea cum suis auctoribus in infernum, unde processerunt, retrudimus.

[2.] Ex Autographo ipsius.

[3.] Ex mandato Regio.

[4.] Compendium Histor. Ungaric. hoc anno.

[5.] Megizerus in Annal. Carinth. lib. II. cap. 34.

[6.] Ex Autographo ipsius.

[7.] Ex literis ejusdem.

[8.] Ex Autographo ipsius.

## Annus Christi MDL. Monasterii CCCCXII.

*Pont. Rom.*  
Julius III.

*Imp. Rom.*  
Carolus V.

*Archi-Dux Austriae*  
Ferdinandus I.

*Episcopus Pataviensis*  
Wolfgangus I.

*Abbas Zwetlensis*  
Jacobus.

**I**N defuncti Pontificis Pauli III. locum subrogatur Februarii tertiâ Joannes

Maria Montanus Episcopus Cardinalis Prænestinus, & vocatur Julius III. & à  
Rrr rr 2 Dia-

Diaconorum Principe Innocentio Kybo 8. Calendas Martii Sacri Imperii diademate ante fores Basilicæ S. Petri coronatur. \* [1.] Erat tunc ob Jubilæum Romæ magnus concursus, qui Lutheri & ejus similium blasphemii surda aure præteritis, pia animi devotione loca sacra Romanæ Urbis invisebant, & largissimarum condonationum, quas Indulgentias vocamus, participes sese reddere studebant. [2.] Hunc Pontificem S. Malachias Hiberniæ Primas indigitavit elogiò: De Corona Montana. Julius III. enim antea vocabatur Joannes Maria de Monte, & in insignibus suis fertur ferebat.

Cæsar rursus 26. Julii comitia Imperii Augustæ-Vindelicorum celebrat, cui interfuere ipse Carolus cum Philippo filio postea Hispaniarum Rege, item Fer-

dinandus Romanorum Rex cum filio Maximiliano, cum Maria Belgica Cæsaris sorore, ubi de Concilii Tridentini admissione actum. [3.]

Mortuus priori anno Magister curiæ in Weinzierl Joannes Ernßt, qui reliquit filium Abrahamum Ernßt, cujus tutores erant Leopoldus Zaller & Joannes Oëxlmayr cives Crembenses, qui à Jacobo Abbate in Zwerl se locò dicti filii 300. florenos accepisse, & librum fundi more consueto cum colonis & omnibus suis pertinentiis ex Senatûs-consulto Tripoleos Crembensis se Monasterio reddidisse fatentur, sub dato Crems 21. Septembris, annò 1550. [4.] Ex hac Apocha colligitur curiam istam inter viniores ante Cremsbium sitam, fuisse à Monasterio solutâ pecuniâ redemptam.

## ADDITIONES.

\* [1. & 2.] Surius hoc anno.

Pont. Heuterus sub Carolo V. lib. 13.

Ciaconius & Onuphr. sub Julio III. quorum primus ita refert. „ Ad Jubilæi annum, qui tunc erat 1550. peragendum, solitis ceremoniis Portam, quæ sancta vocatur, 6. Kal. Martii die S. Matthiæ sacro, Julius aperuit, eandemq; vertente anno, in secundo Epiphaniæ Vesperi, debita pompæ solennitate clausit. „ Fuit hic primus annus Pontificatûs, inter eos, quos populus Romanus vidit, lætissimus non modò ipsa Jubilæi festivitate, & diversarum gentium, in urbem confluentium multitudine, sed ipsa etiam Pontificis humanitate, & incredibili in regendo Pontificatu temperantia: qua nec in puniendo acerbis, nec indulgendo remissis, omnium civium, & populi animos, gratò imperiò, & beneficentiâ, & mansuetudine promereri cupiebat. Hispanis tam peregrinis, & advenis, quàm urbem incolentibus, in Carolo Quinti Imperatoris gratiam favebat. Omnes grassatores, aut quoscunque factiosos homines, qui sanctæ inquisitionis officio in Neapolitanam urbem inferendo resisterant, & Romam tanquam ad asylum convenerant, ægrè à Neapolitano Prorege exoratus, publicò edictò urbe depulit. „

Spondanus hic n. 1.

[3.] Surius ubi suprâ. „ Julii mensis die 26. Cæsar comitia auspiciatur Augustæ.

„ & hæc quoque Sleidano armata dicuntur, „ quòd Cæsar urgeret quædam, quæ id genus homines nollent, Mauritius, qui antea Cæsari se submiserat, ad hunc Conventum mittit Legatos, per quos ostendit „ se non aliter probaturum Concilium Tridentinum, nisi etiam Augustanæ Confessionis Theologi habeant definiendi potestatem, & Pontifex non obtineat locum præsidis in Concilio. Hæc absurda à suis absurdis habuit Theologis. Scilicet rei, immò jam olim damnati, non unius, sed multarum hæresum, in Concilio sententiam ferrent. Quis unquam audivit ejusmodi absurditates? . . . In Augustanis comitiis multum fertur Carolus Cæsar egisse cum Ferdinandò fratre de Philippo filio ad Imperii successionem admittendo. Sed nihil „ ea in re effici potuit. Non dubium, quin Cæsar, qui sciret Philippi amplissimas ditiones & vires, Reipublicæ Christianæ illo promovendo consulere voluerit, quandoquidem & Turcæ vicini, & alii Imperii hostes nonnisi summâ potentia arceri possint. „ Cur autem Ferdinandus ea in re, ut ajunt, Cæsari non acquieverit, me latet, nec est nostrum, Principum consilia scrutari. „

Pont. Heuterus cit. locò.

Piespordius in Carolo V.

Spondanus ubi suprâ n. 5. & 7.

[4.] E literarum monumentis.

Annus

## Annus Christi MDLI. Monasterii CCCCXIII.

*Pont. Rom.*  
Julius III.

*Imp. Rom.*  
Carolus V.

*Archi-Dux Austriae*  
Ferdinandus I.

*Episcopus Pataviensis*  
Wolfgangus I.

*Abbas Zwetlensis*  
Jacobus.

**H**oc anno Idibus Februarii dimissus est Augustanus Imperii Conventus anno superiori celebratus. In quo Imperator Carolus decretum fecit, ut omnes interesse deberent Concilio Tridenti resumendo: promittens cauturum se, pro munere suo advocati Ecclesiae & defensoris Concilii, ut quicumque venturi ad illud essent, cujuscunque forent religionis, iis liberè ire, commorari & ire liceret: daturumque operam, ut in eo res pie & Christianè, semotis affectibus, juxta Sacram Scripturam & Patrum doctrinam tractarentur & definirentur. Cognitionem verò difficultatum receptionis sui Interim, & reformationis, sibi reservavit. \* [1.]

Abbas Jacobus in Zwetl impetebatur ratione decimarum ad grangiam Weinzierl spectantium, inprimis à Præ-

festo in Mauttern nomine Episcopi Pataviensis, ab Abbate Gotvicense & à Plebano Cremsensi, unde Abbas Jacobus apud terræ Principem conqueri & advocatum constituere coactus, dedit contra prædictos vices suas agere seu agendi plenipotentiam Joanni Dierer J. U. Doctori, Advocato Aulæ & Juris Viennæ Provincialis sub dato 24. Maji, annò 1551. [2.]

Castra Raftenbergense & Wildeccense Otto Neudeccensis incolebat, qui erat Cæsari à consiliis & camera, hic jam grandævus petiit testamentum à se factum ab Abbate in Zwetl Jacobo sigillò suo confirmari sub dato Raftenbergæ 20. Junii, annò 1551. [3.] Idem fecit Catharina Lagelbergerin nobilis scemina, cujus maritus fuit Sigismundus Lagelberger sub dato Wissenreith 5. Julii, annò præfatò. [4.]

## ADDITIONES.

\* [1.] Spondanus ad hunc annum n. 1.  
[2.] Ex copia literarum ejus.

[3.] Ex Autographo ipsius.  
[4.] Ex literis ejusdem.

## Annus Christi MDLII. Monasterii CCCCXIV.

*Pont. Rom.*  
Julius III.

*Imp. Rom.*  
Carolus V.

*Archi-Dux Austriae*  
Ferdinandus I.

*Episcopus Pataviensis*  
Wolfgangus I.

*Abbas Zwetlensis*  
Jacobus.

**G**ermanicum bellum in Cæsarem hoc anno suscipitur, Galliae Rege Henrico cum Mauritio Electore Saxone & aliis quibusdam sese conjungente, & defensorem Germanicæ libertatis se palam scribente. \* [1.] Mauritius cum exercitu rectà Oenipontum, ubi Cæsar cum Ferdinando erat, petit, unde Cæsar audito ejus adventu properè cum

aula Villacum in Carinthiam tendit. Interea Passavi de pace tractatur, ubi Cæsari Mauritius reconciliatur, qui militem suum in Ungariam contra Turcas educit, Gallorum Rege defectionem ejus malè habente, sicut & Alberti Brandenburgici in Metensi obsidione Cæsari se jungentis. [2.] Et sic tandem pax post multas editas clades & illata damna rediit.

S s s s s

ADDI.

# ANNALES AUSTRIO- ADDITIONES.

\*[1.] Surius hoc anno.  
[2.] Idem eodem anno.  
Megizerus Annal. Carinth. lib. 11. c. 35.  
Ciaconius & Onuphrius sub Julio III.  
P. Heuterus sub Carolo V. lib. 13. hoc anno.  
Spondanus hic. 10. „ Pax autem Mau-  
ritii ad principium Augusti demum confir-  
mata est, his potissimum conditionibus :  
„ quoad Religionem quidem, ut intra sex  
„ menses Ordinum Imperii conventum Impe-  
„ rator cogeret, ubi de ratione componendi  
„ dissidii, sive per Concilium generale, sive  
„ per Nationale, sive per colloquium, sive per  
„ ipsum publicum Ordinum conventum  
„ deliberaretur, atque interim nulla cuiquam  
„ propter religionem exhiberetur molestia :  
„ ut ad Cameram Imperialem admitterentur  
„ etiam Augustanæ Confessionis professores :  
„ & quod si pacandæ religionis ratio facilis  
„ non occurreret, hæc nihilominus pax &

„ concordia in perpetuum firma ratæque per-  
„ maneret. Quo factò interemptum est illud  
„ Interim, cujus causâ tot & tanti conci-  
„ tati fuerant motus, quodque nihilominus  
„ paucis locis obtinuerat; ad nihilumque re-  
„ dier. Hancque Protestantes Secundam Pa-  
„ cem in Religione numerant, annò vigesimò  
„ à priori Norimbergæ factam. Eamque tanti  
„ faciunt, ut etiam Chytræus, qui uberius  
„ descripsit in sua Saxonia, scribat eam non  
„ solum fundamentum & firmamentum pu-  
„ blicæ salutis & tranquillitatis Germaniæ eo  
„ tempore fuisse, verum etiam religionis fu-  
„ turam ad omnem posteritatem. Præcipue  
„ verò quoad cetera fuere ejus conditiones,  
„ ut Lantgravius, cujus occasione, seu præ-  
„ textu, arma sumpta fuerant, libertati resti-  
„ tueretur : qui federatis Principibus mili-  
„ tasset, nullam ob id pœnam subirent : pro-  
„ scripi in gratiam redirent. „

## Annus Christi MDLIII. Monasterii CCCCXV.

*Pont. Rom.*  
Julius III.

*Imp. Rom.*  
Carolus V.

*Archi-Dux Austria*  
Ferdinandus I.

*Episcopus Pataviensis*  
Wolfgangus I.

*Abbas Zwetlensis*  
Jacobus.

**M**auritius Elector Saxo cum Alber-  
to Brandenburgico hoc anno bel-  
lum gerit, & 9. Julii in Saxonia fit inter  
partes atrox prælium, victoria stetit pe-  
nes Mauritium Alberto ægrè effugiente,

multisque magni nominis utrinque cæ-  
sis, in quo prælio ipse Mauritius saucia-  
tus post aliquot dies animam efflavit  
Cæsari non adeo semper fidus, egregius  
aliàs bellator. [\*]

## ADDITIONES.

[\*] Surius hoc anno, ubi ita concludit :  
„ Sub hoc tempus sanguinæ guttæ repetæ  
„ sunt in foliis arborum, auditu canum impor-  
„ tunissimi latratus, & mutæ dilaniationes,  
„ eorum velut fremitus, & concussiones  
„ armorum. Fuerat inter Mauritium & Alber-  
„ tum maxima necessitudo, quæ tandem hunc  
„ habuit eventum. „

Pont. Heuterus lib. 13. cap. 17. „ Cùm  
„ uterque exercitus ad Visurgim convenisset,  
„ sine mora acies instrunt, nonaque Julii  
„ exoneratis magno cum detrimento hinc in-  
„ de majoribus tormentis, acriter cum omni  
„ equitatu utrimque concurrunt, victoria par-  
„ tes confederatorum eligente : quo tamen  
„ prælio Dux Mauritius ita est sauciatus, ut  
„ post scriptas ad Antistitem Wirzburgen-  
„ sem literas, obsessis omnibus itineribus Al-

„ bertum elabi non sineret, postmodò diem  
„ obiret. Sepultus est Fribergi oppido Mis-  
„ niæ, juxta patrem Heinricum, ac filium  
„ Albertum, decimo quarto à pugna die,  
„ ætatis annum trigessimum tertium ingressus,  
„ unicâ reliquâ filiâ heredæque Anna, altera  
„ Guilielmi Nassavi, Aurentii Principis uxo-  
„ re. Cecidere cum Mauritio, cruentâ ob-  
„ tentâ victoriâ, Carolus & Philippus, Hen-  
„ rici Ducis Brunsvichi filii. Albertus, de-  
„ sideratis circiter quinque equitum millibus  
„ fugâ est elapsus. Peditatus enim, visa equi-  
„ tum clade, non tentatâ pugnâ, deditionem  
„ fecit. Relata sunt ad Mauritium adhuc  
„ spirantem quinquaginta quatuor pedestria  
„ militaria signa, equestria quatuordecim : quo  
„ prælio ita Albertus est attritus fractusque, ut  
„ impossibile nunquam amplius vel mediocres  
„ potue-

„ potuerit colligere vires. Cæsarianis verò ac  
 „ Germanis hoc præliis nil utilius nec com-  
 „ modius accidere potuit, duobus acerrimis  
 „ Germaniæque quietis perpetuis interturba-

„ toribus liberatis Ducibus; hoc morte subla-  
 „ to, illo concisis nervis in sempiternum de-  
 „ bilitato, neque amplius timendo. „  
 Spondanus hic n. 1.

## Annus Christi MDLIV. Monasterii CCCCXVI.

*Pont. Rom.*  
 Julius III.

*Imp. Rom.*  
 Carolus V.

*Archi-Dux Austriae*  
 Ferdinandus I.

*Episcopus Pataviensis*  
 Wolfgangus I.

*Abbas Zwettlensis*  
 Jacobus.

**H**oc anno Albertus Brandeburgicus omni ditione sua ejicitur, & Blasburgum præcipuum ejus propugnaculum obtinet Rex Ferdinandus. \* [1.] Item Philippus Caroli Cæsaris filius 9. Julii venit in Angliam: quarto post die Wintoniam, ubi ad summam cum multa nobilium turba progressus ædem, ab Episcopo Wintoniensi & quibusdam aliis excipitur. Luce altera Reginam adit. Porro sequenti die, ipsis feriis D. Jacobi, regali magnificentia nuptiæ ce-

lebrantur. Cæsar eò miserat Legatum, qui suo nomine regnum Neapolitanum filio nuptiarum causâ concederet. Postea cum multo splendore Londinum cum Regina ingreditur. Sub finem Octobris, Mediolanensis quoque Principatus possessionem Cæsar ei tradit per Legatos. [2.]

Viennæ verò dictus Rex Ferdinandus pietatis cultor eximius Catechismum à præstantissimo Theologo Petro Canisio concinnari curavit. [3.]

## ADDITIONES.

\* [1.] Surius hoc anno.

[2.] Idem eodem anno.

Pont. Heuterus lib. 13. hoc anno.

Item Spondanus hic n. 1. & 2.

[3.] Item Spondanus ad annum sequentem n. 3. „ Rex Ferdinandus pietatis cultor  
 „ eximius, jam anno superiori tum Catechis-  
 „ mum à præstantissimo Theologo Petro Cani-  
 „ sio Neomagensi ab Geldria, qui primus ex om-  
 „ nibus Germanis Societatem Jesu ingressus  
 „ est, concinnandum Viennæ curaverat, quem  
 „ unum omnes Austrii, ceteris deinde Cate-  
 „ chismis, quos hæretici passim spargebant, ex-  
 „ plosis, tuto & inoffenso pede percurrerent:  
 „ (qui deinceps in multarum translatus natio-

„ num linguas, ad hanc usque diem omnium  
 „ ferè gentium manibus magnò commodò  
 „ fructuque teritur: fuitque ille, & alius co-  
 „ dem tempore concinnatus à Joanne Polanco  
 „ libellus, quem Directorium Confessario-  
 „ rum inscripsit, primus in Germania ejusdem  
 „ Societatis publicus partus: ) tum cunctis  
 „ suis subditis edictò promulgatò prohibuerat,  
 „ in religione ac sacris ritibus quicquam mu-  
 „ tare; speciatim verò, ut in Cænâ Dominicæ  
 „ Sacramento unica specie contenti essent:  
 „ ejusque vi edicti ducentos circiter hæresis  
 „ ministros è Boëmia migrare jussisset, non  
 „ parùm finistrè inde apud Protestantés au-  
 „ diens. „

## Annus Christi MDLV. Monasterii CCCCXVII.

*Pont. Rom.*  
 Marcellus II.

*Imp. Rom.*  
 Carolus V.

*Archi-Dux Austriae*  
 Ferdinandus I.

*Episcopus Pataviensis*  
 Wolfgangus I.

*Abbas Zwettlensis*  
 Jacobus.

**J**ulius III. Romæ febris correptus sexagesimum septimum annum agens 23. Martii hoc anno diem suum obiit,

cui succedit electus Marcellus Cervinus de oppido Montis-Fani ortus, Presbyter Cardinalis tit. S. Crucis in Hierusalem,  
 SSS SS 2

lem, \* [1.] quem B. Malachias Hibernus indigitavit: Frumentum floccidum: Cujus insignia erant cervus & frumentum, dicit autem floccidum, quod brevi tempore Pontifex fuerit, nam sedit tantum 22. dies, & rursus 1. Maji obiit apoplexiâ tactus. Huic mox Joannes Petrus Carafa tunc Cardinalis Episcopus Tusculanus, Ostiensis, & Collegii Decanus substituitur, vocatus Paulus IV. 23. Maji hoc anno, [2.] à S. Malachia itidem præostensus hoc vaticinio: De fide Petri: Nam vocabatur Joannes Petrus de Carafe, seu chara fide.

Obiit quoque hoc anno Wolfgangus I. Episcopus Pataviensis quintâ De-

cembris, cui successit Wolfgangus II. antiqua, nobili, ac primaria Familia Bavarie de Klofen natus, qui anno primum sequenti à Pontifice confirmatus fuit. [3.]

Mentio habetur Michaelis Straifhofer allodiorum Magistri in Zwetl, qui Christophoro de Concin in Wocking librum fundi jubente Abbate super Ofarn pagum non procul ab Hertzogburg situm dedit, qui etiam ab Erasmo Abbate fuerat ad perpetuò redimendum distractus, quod præfatus Concinius apochâ suâ fatetur sub dato Viennæ 12. Januarii annò 1555. [4.] Pro recuperando hoc pago adhuc laborat Monasterium.

## ADDITIONES.

\* [1. & 2.] Ciaconius & Onuphrius sub Julio III. Marcello II. & Paulo IV. P.P.

Surius hoc anno.

Spondanus hoc anno n. 4. 5. &

N. 6. „ Postridie electionis Episcopus consecratus (*Marcellus*) (quamvis enim Ecclesias aliquas habuisset, consecratione tamen inaugurari voluerat) & sine pompa coronatus, quod instarent dies Paschales, proprium suum nomen Marcelli retinuit; (eius nuncupationis Secundi) eo testatum omnibus facere volens, se per hanc supremam dignitatem immutatum non iri. (Cum alioqui non desit etiam sua gravis ratio mutationis nominis in ceteris, præter ordinarias quæ recensentur; nimirum quò datur intelligi, simul cum nomine privatos affectus in publici boni studium, & humanas cogitationes in sanctas & divinas esse commutatas.) Cui nec ab simile fuit alterum illud, quòd cum ei oblata fuissent à Cardinalibus capitula quædam in conclavi de more condita, juratæque, quæ jam Pontifex suo chirographo firmaret, respondit se ante paucos dies in eadem ipsa jurasse, nunc verò sibi constitutum ea re ipsa præstare, nec verbis tantum promittere &c. „

N. 7. „ Cum autem sic totus esset in excogitandis modis, quibus Ecclesiam ab hæresibus & vitiis, Republicam à bellis & dissensionibus, Romanam Curiam à superfluis sumptibus & pompis inutilibus expurgaret; inservabili Dei judicio factum est, ut qui nativa corporis compositione non

„ satis firmis esset viribus, atque anno superior diu etiam febri laborasset, jamque conclavis incommodis & concursantium receptionibus, ac cum ceteris publicis muneribus, tum maximè solemnibus Dominicæ Passionis & Resurrectionis ceremoniis, quæ per Pontifices fieri consueverunt, fatigatus fuisset; duodecimo Pontificatus die ex pituita in febrim incidens, emissio sanguine paulum recreatus, cum rursus negotii intenderet, pridie Calendas Maji de repente apoplexiâ correptus, sequenti nocte vitæ exutus sit vigesimo secundo electionis die, incredibili omnium bonorum dolore, quibus spes affulserat emendationis & aurei sub illo sæculi. Sublatus fortè divina benignitate, ne malitia mutaret intellectum ejus &c. „

N. 8. „ Post iusta ei de more perfoluta, ingressi conclave Idibus Maji quadraginta quinque Cardinales qui tunc in urbe erant; post multas contentiones, Cæsariana factione vehementer repugnante, & Alexandro Farnesio cum favore Gallorum prævalente, decimo Calendas Junii die Assumptionis Dominicæ, creatus est Joannes Petrus Carafa, clarissimâ Neapolitanâ familiâ, patre Joanne Antonio Matalonæ Comite, matre Victoriâ Campanesca Aquilana, natus in Hirpinis vico, cui nomen est S. Angeli de Scala propè Furcas Caudinas, annò Christi 1476. quartò Calendas Julii: unde intelligas, explèsse cum propemodum cum factus est Papa, annum ætatis suæ se-

„ putau-

„ptuagesimum nonum. Qui omnium disci-  
 „plinarum ac præsertim sacrarum literarum,  
 „linguarumque Latinæ, Græcæ, Hebraicæ  
 „accuratæ cognitioni, maximam à primis an-  
 „nis vitæ integritatem coniungens, atque à  
 „Julio II. Archi-Episcopus Theatinus crea-  
 „tus, Ordinem Clericorum Regularium, ab  
 „ejus Ecclesia Theatinorum dictorum insti-  
 „tuit.”

[3.] Hundius in Metropol. Salisburg.  
 sub iisdem Episcopis. „Erexit ipse (*Wol-*  
 „*fgangus I.*) sibi in Meridionali Cathedralis  
 „Templi pariete monumentum eruditum,  
 „Prophetis & Apostolicis ornatum senten-  
 „tiis ex eleganti & ingeniosissime sculpro  
 „marmore. Matrem, insigni virtute & pie-  
 „tate præstantem matronam, cujus erat ob-  
 „servantissimus, penes se vitæ & gloriæ suæ  
 „spectatricem habuit. Parentem heroæ cla-  
 „rissimum amisit natus 16. annis. Habuit  
 „fratrem germanum, & nomine à virtute mi-  
 „litari patrem referentem, Camerarium D.  
 „Ferdinandi, generalem Capitaneum Hunga-  
 „riæ & Austriæ, qui Agriæ in Ungaria obiit  
 „annò 1550. 20. Decembris. Ex hoc fratre  
 „tres habuit Episcopus fratres nepotes, Ec-

„kium, Regiæ Majestatis Consiliarium ac  
 „Ministerialem, Julium, qui item in Regia  
 „aula versatus est, & Nicolaum tertium, qui  
 „cùm Pataviæ literis operam daret, Reveren-  
 „dissimus iste Princeps, studiorum ipsius non  
 „modò inspector, sed etiam Reçtor indefes-  
 „sus fuit; ita ut etiam epistolas aliquot no-  
 „bilium adolescentum, qui tunc unà stude-  
 „bant, emendare subindè non crubesceret.  
 „Præfuit annis magna cum laude 15. Obiit  
 „annò 1555. die quinto Decembris.

„Wolfgangus Secundus antiqua nobili  
 „ac primaria familia Bavariz de Kloten na-  
 „tus, Canonicus Pataviensis, successit Wolf-  
 „gango, Comiti Salmenfi, eodem mense De-  
 „cembris in Vigilia S. Thomæ Apostoli ele-  
 „ctus. - - Impetrata autem Pontificia con-  
 „firmatione, consecratus est Pataviæ à Re-  
 „verendissimo D. Michaële, Archi-Episcopo  
 „Salisburgensi, 5. Iduum Octobris; Dominica  
 „die sequenti, S. Maximiliano Pataviensis  
 „Ecclesiæ Patrono sacra, ipsemet, magna  
 „clarorum hominum corona circumstante,  
 „sub Insula Liturgiam perfecit, annò Domini  
 „1556.”

[4.] Ex Autographo ipsius.

## Annus Christi MDLVI. Monasterii CCCCXVIII.

*Pont. Rom.*  
 Paulus IV.

*Imp. Rom.*  
 Ferdinandus I.

*Archi-Dux Austriae*  
 Idem Ferdinandus.

*Episcopus Pataviensis*  
 Wolfgangus II.

*Abbas Zwetlensis*  
 Jacobus.

**T**Andem Carolus Cæsar, laborum  
 annorumque plenus, continua  
 corporis ægritudine penè consumptus,  
 postquam anno priori Philippo filio tunc  
 Regi Angliæ, Burgundionum & Belga-  
 rum Principatus in pleno Ordinum con-  
 ventu tradidisset, eidem suo filio 17. Ja-  
 nuarii hoc anno omnia regna Hispanica,  
 Italica, & alia novi orbis, paterna, vel  
 recens acquisita: \* [1.] ac etiam,  
 mense Septembri Ferdinando fratri Im-  
 periorum Romanum renuntiavit, ac cum  
 fororibus suis in Hispaniam navigavit, ubi  
 in Extramadura provincia in Monasterio  
 D. Justi, Ordinis Eremitarum D. Hiero-  
 nymi, loco solitario, reliquum vitæ san-  
 ctissime transegit. [2.] Atque ita hoc  
 anno Ferdinandus solus imperare cœpit.

Rex Ferdinandus necessaria contra

Turcarum irruptiones præsidia compa-  
 rare volens (illi enim Sigethum obte-  
 derant, & Babetziam occuparant) pe-  
 tit à subditis suis eam in rem subsidia.  
 Austriaci Inferiores apud Viennam con-  
 veniunt, seque imperata ultrà facturos  
 recipiunt, modò ipsis permittatur novum  
 Evangelium. Id si fiat, sperare ipsos  
 omnia contra Turcas ex sententia cessu-  
 ra. Nihil tum impetratum est: hæc Surius  
 cœvus Scriptor. [3.]

Fuit hoc tempore Præpositus Zwet-  
 lensis Joannes Zenonianus Juris utrius-  
 que Doctor, qui scribit Jacobo Abbati  
 in Zwetl sequentia nova: „Quòd ni-  
 „mirum Cæsar Carolus cum Rege Gal-  
 „lorum quinquennales inducias iniē-  
 „rit, atque captivi utrinque gratis re-  
 „stituuntur. Item ait, Reginam senio-

T t t t t

rem



„ rem Poloniæ Viennam cum magno  
 „ comitatu ingressam esse, hæc se Vi-  
 „ ennâ à patruele suo accepisse nuntiat,  
 „ sub dato in Præpositura Clara-val-  
 „ lensi 3. Martii, annò 1556. „ No-  
 „ tanda veniunt ad nova plenius intelli-  
 „ genda, quòd Carolus ante resignatio-  
 „ nem Imperii cum Gallo inducias inièrit,  
 „ sciens nimirum Pontificem Paulum IV.  
 „ certas ob causas contra se bellum machi-  
 „ nari, quod etiam hoc anno sub ducibus  
 „ gestum, & Gallo salvis cum Cæsare in-  
 „ duciis pactis, suppetias Pontifici mit-  
 „ tente propagatum fuit. [4.] De Re-  
 „ ginæ Poloniæ, quæ Bona vocabatur,  
 „ & erat de gente Sfortia in Italia poten-  
 „ te, Viennam adventu accipiendum est  
 „ de seniore, matre nimirum Sigismundi  
 „ Augusti Regis Poloniæ, quæ in Italiam  
 „ adorna it iter suum, licet ægrè dimissa  
 „ fuerit, & per Austriam & Stiriam illuc  
 „ abiit. [5.] Sic ista nova patent.

Ferdinandus Rex, antequam Caro-  
 lus resignaverat Imperium, uti suprà di-  
 ctum, non tam cum Transilvano quàm  
 cum Turca in Ungaria bellum habebat;  
 „ inde à Jacobo Abbate Zwetlensi petit  
 „ ad tormentorum bellicorum machi-  
 „ nas in Ungariam devehendas currum

„ unum quatuor equis instructum Vi-  
 „ ennâ 21. Augusti armamentarii sui  
 „ Magistro quamprimum transmitten-  
 „ dum, sub dato Viennæ 11. Augusti,  
 „ annò 1556. [6.] Servatius quoque  
 „ de Neudegg respondet Abbati Jaco-  
 „ bo, quòd neque mutuo dare, minùs  
 „ vendere ipsi possit equum suum Cel-  
 „ ticum, nam à fratre suo Ulrico Neu-  
 „ deccensi Viennæ existente illum pe-  
 „ titum, ut cum Archi-Duce Ferdinan-  
 „ do contra Turcas eques in campum  
 „ prodire possit, sub dato Rastenberg,  
 „ 4. Augusti, annò 1556. „ [7.] Sci-  
 „ endum in hac expeditione Ungarica  
 „ Ferdinandum Regem filium suum Oc-  
 „ nipontanum Principem etiam Ferdinan-  
 „ dum dictum cum exercitu additis Ducibus  
 „ militiæ strenuis in Ungariam dele-  
 „ gasse, qui Sigethum ab obsidione Tur-  
 „ cica liberare debebat, sed illa solutâ cum  
 „ milite ad Canisiam hæsit, & salvus in-  
 „ fecta re Viennam rediit. [8.] Patet  
 „ etiam Catholici Proceres, ex quorum  
 „ numero prædicti Neudeccenses Serva-  
 „ tius & Ulricus fuere, Ferdinando sem-  
 „ per morigeros fuisse, nec novum Evan-  
 „ gelium sibi liberum petiisse, uti suprà  
 „ alii fecerunt.

## ADDITIONES.

• [1.] Piespordius sub Carolo V.

Surius hoc anno.

Pontus Heuterus in Carolo & Philippo

lib. 14.

[2.] Piespordius in Ferdinando I. Imp.

„ Annò 1556. resignante fratre Imperium ple-  
 „ no jure administrare cœpit. „ Et hunc se-  
 „ quitur textus noster constituens jam hoc an-  
 „ no Ferdinandum Imperatorem solum regnan-  
 „ tem.

P. Heuterus lib. 14. cap. 6. „ Æstare hu-  
 „ jus anni Maximilianus Austriæ Archi-Dux,  
 „ Ferdinandi Romanorum Regis filius natu-  
 „ maximus, cum uxore Maria, Cæsaris filia,  
 „ in Belgium ad patrum eundemque focerum  
 „ contendit. Obviam ei Bruxellâ procedit  
 „ Rex Philippus, deinde ad portam urbis Ma-  
 „ gistratus, Cæsare cum sororibus subsequen-  
 „ te, ac utroque populi ordine Principes de-  
 „ bito cum honore reverentiâque suscipien-  
 „ te: intrant Bruxellam postridie Idus Julii.

„ Maximilianus cum Cæsare Regēque Philip-  
 „ po transigit de uxoris dote, assignaturque  
 „ illi ingens pecuniæ summa, quam certis  
 „ pensionibus Neapoli esset recepturus: quæ  
 „ cum Tabulis ritè essent consignata, Maxi-  
 „ milianus Belgarum Provincias Hispaniæque  
 „ Regnis renunciat, ac sub finem mensis Au-  
 „ gusti cum uxore in Austriam, Cæsari ami-  
 „ tisque in æternum valedicens, rediit. Cæ-  
 „ sar verò iterum literas ad fratrem Ferdi-  
 „ nandum perscribit, quibus eum de suo in-  
 „ stituto, Imperiique cessione, certiorē fa-  
 „ ciebat, utque Cæsaream dignitatem admit-  
 „ teret petit: se enim posthac nec animò cu-  
 „ ras, nec corpore labores ferre posse. Quare  
 „ ut Religioni concordiam pacemque summò  
 „ studiò procuret, rogat, alioqui nec in Im-  
 „ perio unquam tranquillitatem, nec in vic-  
 „ nis Ditionibus stabilem quietem, nec veram  
 „ amicitiam unquam expectandam. Rebus  
 „ omnibus ad protectionem Hispanicam pa-  
 „ rat,

„ ratis, in Zelandiam mense Septembri con-  
 „ tendit, ac Zeburgò, ubi ventum expecta-  
 „ bat idoneum, Legatos cum literis ad Ger-  
 „ manici Imperii Septem-Viros destinat, à di-  
 „ cto eos sibi Sacramento absolvens, novique  
 „ creandi Cæsaris potestatem primis comitiis  
 „ faciens. Fuisse autem hujus rei causâ missi  
 „ Guilielmus Nassavius Aurantii Princeps,  
 „ Georgius Sigismundus Sila, Imperii Pro-  
 „ Cancellarius, ac Wolfgangus Haller, Cæ-  
 „ saris ad res Imperii Germanicæque Secreta-  
 „ rius. Literarum ad Septem-Viros per hos  
 „ missarum hic fuit tenor: Carolus Dei gratiâ  
 „ Romanorum Imperator &c. - - - - -  
 „ Hæc enim nostra expressa est ac extrema  
 „ voluntas. Datum, adjunctò sigillò nostro,  
 „ Zeburgi Zelandiæ, septimo die mensis Se-  
 „ ptembris annò 1556 Imperii nostri 36.  
 „ Cum his renunciationis cessionisque Ta-  
 „ bulis dicti Legati in Germaniam proficif-  
 „ cuntur, Principum prima comitia expecta-  
 „ turi, ac in iis Cæsaris voluntatem omnibus  
 „ exposituri; alias literas Spiræ Imperii Se-  
 „ natoribus reddentes, quibus eos Cæsar de  
 „ Imperii in fratrem translatione certiores  
 „ faciebat, ac ad avitæ Religionis, juris justi-  
 „ tiæque observationem gravissimè adhorta-  
 „ batur. Scriptæ hæ erant Gandavi quintò  
 „ Calend. Septembris, cùm in Zelandiam  
 „ istæc properaret. Cæsar verò Legatorum  
 „ non expectato reditu, sed commodum  
 „ propitiumque nactus ventum, filium Regem  
 „ Philippum amplectitur, - - - utraque  
 „ sorore navem conscendit &c. „

Surius hoc anno.

Item annò 1558. „ Mense Februarii die  
 „ 24. quo die in hanc lucem editus fuit, & annò  
 „ 1530. Bononiæ à Clemente VII. incredibili  
 „ splendore Imperii insignia acceperat, missa  
 „ insigni legatione ad Principes Electores,  
 „ qui Francofurti convenerant, Carolus Cæ-  
 „ sar Imperium in fratrem suum Regem Fer-  
 „ dinandum transfert, & ut Septem-Viri id  
 „ gratum & ratum habere velint, orat. Inde  
 „ 13. Martii die Principes Electores Ferdinan-  
 „ do maximi Imperii dignitatem deferunt,  
 „ & tandem Imperator ipse & Principes om-  
 „ nes domum repetunt. „

Spondinus ad hunc annum n. 3. „ In-  
 „ terea Carolus Imperator post inducias inter  
 „ filium & Regem Henricum factas, ad seces-  
 „ sum Hispanicum se præparans; viso ad prin-  
 „ cipium Martii ingenti & lucido sidere, flam-  
 „ miserum crinem trahente, in octavo Libræ  
 „ gradu, quod duodecim ferè dies arsit, or-  
 „ tum solis aliquando antevergens, sæpiusque  
 „ sub auroram apparens, eo sibi mortem pro-

„ tendi ratus, (*Hæc, ait, indicium me meæ*  
 „ *fata vocant*) de Imperii quoque abdicatione  
 „ literas ad Camera Imperialis Præsidem &  
 „ Assessores, Gandavi vigesimo septimò Au-  
 „ gusti scripsit, eos ad observationem justitiæ  
 „ gravissimè cohortans. Indèque Sudburgum  
 „ Zelandiæ ad vela danda progressus, die se-  
 „ ptimo Septembris ad Ordines Imperii scri-  
 „ bens, monuit fratri suo Ferdinando Roma-  
 „ norum Regi obedientiam præstare: post-  
 „ quam ipse Imperium tenuisset à tempore ele-  
 „ ctionis annos triginta septem, menses duos,  
 „ dies decem; à coronatione Aquisgranensi  
 „ annos triginta quinque, menses decem, dies  
 „ quindecim; à coronatione Pontificia annos  
 „ viginti sex, menses sex, dies septemdecim.  
 „ Cùm verò censeret penes Electores, sicut  
 „ faciendæ promotionis, ita & accipiendæ re-  
 „ nunciationis auctoritatem residere; hono-  
 „ rificam legationem ad ipsos adornavit, quam  
 „ Guillelmo Nassovio Principi Aurangio,  
 „ Georgio Sigismundo Seldio Augustali Vice-  
 „ Cancellario, & Wolfgango Hallero ab epis-  
 „ tolis credidit. Qui tamen nonnisi post  
 „ biennium mandata sibi data executi sunt;  
 „ sive quòd interim tribus Electoribus mor-  
 „ tuis, Palatinò videlicet, Treverensi & Co-  
 „ loniensi, novi suis rebus constituendis oc-  
 „ cupati fuissent; sive quòd post Caroli disces-  
 „ sum bellò inter Reges Galliæ & Hispaniæ  
 „ renovatò, omnium animis ad ejus exitum  
 „ suspensis, tempus à celebratione comitio-  
 „ rum Imperii alienum videretur. Agetur  
 „ itaque tunc de eo.

N. 4. „ Carolus autem, unà cum forori-  
 „ bus Eleonorâ Galliæ, & Mariâ Hungariæ olim  
 „ Reginis Septembri mense in Hispaniam na-  
 „ vigans; ubi eam, ad Laredum Cantabriæ  
 „ portum exscensione facta, pede tetigit, in  
 „ terram prostratus ipsam osculatus est; &  
 „ *Salve, inquit, mihi optatissima mater; nudus*  
 „ *ex utero matris meæ exivi, nudus ad te tan-*  
 „ *quam ad alteram matrem redeo; tibi que, quod*  
 „ *unum possum, pro tam multis in me meritis*  
 „ *corpusculum hoc & ossa dedo & dedico.* (Quod  
 „ quidem de regno & longiori incolatu intel-  
 „ ligendum: cùm alioqui esset ipse ortu Bel-  
 „ ga, non Hispanus, licet ex femina Hispana  
 „ natus.) „

[3.] Surius hoc anno.

Item Streinius in Annalib. Super. Austr.  
 Neugebauerus Histór. Polon. lib. 8.

Megizerus Annalib. Carinith. lib. 11. c. 38.

[4.] Pont. Heuterus ubi suprâ.  
 Ciaconius & Panvinius sub Paulo IV.  
 Surius anno sequenti.

Ttt tt a

[5.]

[5.] Neugebauerus ubi suprâ.

Item Surius anno sequenti.

[6.] Ex mandato Regis.

[7.] Ex Autographo ipsius.

[8.] Neugebauerus cit. locò.

Item Spondanus n.5. „Duplici verò fuere  
„alibi hoc anno Turci tentata obsidione à  
„Christianis ignominiosè repulsi. Alterâ  
„apud Oranum in Africa Mauritanæ Cæsari-  
„ensis urbem maritimam amplam & populo  
„frequentem, Buyzam olim dictam: quam  
„præsidio Hispanicò munitam, cùm oppu-  
„gnare cœpissent, virtute obsessorum, quibus  
„Alcaudetus Comes præerat, gravi clade ac-  
„cepta, inceptum deseruerunt. Altera longè  
„celebriori, & à pluribus memoriæ mandata,  
„apud Sigethum Hungariæ munitissimum op-  
„pidum. Cùm enim Solimannus Turcorum  
„Imperator misso in Hungariam Hali Bassa,

„cum mandatis nè Budam regni caput à Tur-  
„cis detentam priùs ingredi auderet quàm  
„Sigethum cepisset; is omnem conatum ad  
„illud expugnandum adhibens, forti propu-  
„gnatione Marci Horvathi, qui oppido præ-  
„erat, tertio oppugnationis menſe re infecta  
„recedere coactus est; nonnulli tamen aliis  
„oppidis captis, directis & incensis: sicuti &  
„Ferdinandus Princeps Ferdinandi Regis fi-  
„lius, à patre in auxilium Sigethi cum exer-  
„citu missus, aliquot Turcorum arces pariter  
„recepit. At deteriori fortuna ejusdem Fer-  
„dinandi duces in Transilvania usi, eâ penè  
„totâ cedere Isabellæ Reginæ ac filio ejus  
„coacti sunt; Provincialibus externorum mi-  
„litum rapinas & insolentiam non ferentibus,  
„quasi agmine factò sub eorum jura conce-  
„dentibus, cum Turcorum auxilio, quod Isa-  
„bella delusam se dicens à Ferdinando im-  
„ploravit. „

## Annus Christi MDLVII. Monasterii CCCCXIX.

*Pont. Rom.*  
Paulus IV.

*Imp. Rom.*  
Ferdinandus I.

*Archi-Dux Austriae*  
Idem Ferdinandus.

*Episcopus Pataviensis*  
Wolfgangus II.

*Abbas Zwetlensis*  
Jacobus.

**Q**uinquennialibus induciis, vix inter-  
grò servatò annò, rescissis, sævis-  
simum bellum exarsit. Verùm interim,  
dum Galli exercitus hæret in Italia, Phi-  
lippus Hispaniarum Rex insigni potitur  
victoria apud D. Quintinum Galliæ op-  
pidum sub Duce suæ militiæ Philiberto  
Sabaudia Prince. Post quam victo-  
riam Pontifex cum Rege Philippo pa-  
cem fecit. \* [1.]

Fuit hoc tempore Monasterii Zwet-  
lensis Advocatus apud Aulam & Excel-  
sum Regimen Mag. Lucius Crajer, qui in  
causa Leisseri viduæ Jacobo Abbati quæ-  
dam scripserat sub dato Viennæ 20. Ju-  
nii, annò 1557. Has ideo afferro lite-  
ras, quia sunt quidam, qui hoc anno  
Jacobum Grienwaldt Abbatiam resi-  
gnâsse volunt, cùm tamen ex diversis  
aliis constet, eum non tam hoc anno,  
quàm sequentibus duobus adhuc Ab-  
batem passim nominari, sicut hoc anno  
Joannes Zenonianus Præpositus Zwet-  
lensis ad ipsum ratione patruelis sui An-

tonii scribens 4. Octobris, illius memi-  
nit. [2.]

Rursum hoc anno Ferdinandus Im-  
perator ab Abbate in Zwetl petit ad  
bellica instrumenta in Ungariam depor-  
tanda currum cum sex equis, quo exer-  
citus suum dirigit sub dato Viennæ ul-  
timâ Augusti. [3.] Idem Imperator  
altera vice cum comminatione pœnæ  
eidem in Zwetl Abbati injungit, ut sub-  
ditos suos compellat currus ad comeat-  
um militibus, & pabulum equis ad ca-  
stra in Ungariam deferenda quantocyus  
adducere, nè detrimentum inde ali-  
quod emergat, si omiserit. Sub dato  
Viennæ 3. Septembris, annò 1557. [4.]  
Dedere huic expeditioni tum Isabellæ  
Reginæ, tum Sigismundi Transilvani  
Principis novi motus causam, qua oc-  
cassione Turcæ Villeccum expugnârunt.  
Tandem per Legatos suos cum Soliman-  
no positis non adeo iniquis conditio-  
nibus Ferdinandus Imperator pacem fe-  
cit. [5.]

Du-

Durante hacce temporum injuria septem superstites Moniales Ord. S. Benedicti ex Parthenone Gottwicensi, quod ex communibus Cœnobii inibi virorum redditibus sustentari amplius non

possent, jussu Imperatoris Ferdinandi ad sæpeditum Monasterium S. Bernardi Sandimonialium Cisterciensium in regno Boiorum situm translata sunt [6.]

## ADDITIONES.

\* [1.] Surius hoc anno plausibiliter describens hanc victoriam subdit: „ De exercitu Philippi vix quinquaginta eo in certamine perisse putantur. Incidit hæc memorabilis victoria in decimum Augusti mensis diem. Aliquot post diebus Philippus Rex venit in castra, & quod se dedere nollent Galli, qui in S. Quintini oppido erant, urbs ipsa valide oppugnata, & die XXVI. Augusti vi expugnata & direpta est. In ipsa urbe captus est Amiralus Franciæ, cum multis aliis nobilibus. Non est hic prætermittenda insignis pietas Regis Philippi. Ante ipsam urbis expugnationem præconis voce edixit, ne Sacramenta & sacra milites prophanent, ne quid in Reliquias S. Martyris Quintini, quæ illic reverenter asservabantur, committant, ne Sacerdotes injuriæ afficiant, ut parcent senibus, cœnobitis & virginibus Deo sacratis ne lædant. Ex ipsa deinde urbe imbellem turbam cutibus per media castra in Gallias duci jubet, Germanos milites eo bello victos in gratiam recipit, adhibitisque contra vim custodibus, in patriam reduci curat, singulis aureis in singulos pro viatico distributis. Porro victoriâ partâ ingentes Deo gratias egit. Capti Sancti Quintini oppidò, arces aliquot proximæ, Han & Castelletum, victori Philippo Regi cedunt. Erat tum Franciæ Rex in non mediocri trepidatione, coactûsque est suos ex Italia revocare, & novum repente conscribere militem.

Pont. Hcuterus ad longum sub Philippo II. lib. 15.

Spondanus hic n. 9. & 10.

[2.] Ex literis ipsius.

[3. & 4.] Ex Autographo ipsius proprio.

[5.] Neugebauerus Hist. Polon. anno sequenti. „ Eodem anno in Ungaria Ferdinandus Rex cum Turca inducias pepigit, quas tamen Transylvanici motus inturbant. Isabella enim Regina vidua ejectis omnibus, qui Ferdinando favebant, rerum summam ad se retraxit, cum populi favore, tum Solymanni amicitiâ, & Regis Poloniæ Sigismundi Augusti fratris sui auxiliis fretâ, idq; tantò ei fuit facilius, quod multis hominum millibus peste absumptis maxima esset

tota regione solitudo. Nec tamen Ferdinandus Rex arma statim sumpsit, Rege Poloniæ & aliis Principibus de pace diligenter agentibus. Petebat à Ferdinando Joannes Sigismundus Transylvanus, ut quicquid trans Tibiscum esset, sibi concederetur, tum se ei, quod eis esset, libenter cessurum, præterea uxor è Cæsaris stirpe cum centum aureorum millibus dotis nomine sibi daretur: matri verò ex Ungariæ Proceribus reliquum debiti persolveretur: bellò autem inter Ferdinandum & Turcas exortò, Joannes se medium gereret. Ad reliqua Rex Ferdinandus, paulò antè Imperator creatus, assensit: ut verò Transilvaniâ cederet, induci nullo modo potuit. Interim cùm ea occasione Turcæ Villicum expugnassent, omniâque ad bellum atrocissimum rursus spectare viderentur: ecce velut à media tempestate subita affludit tranquillitas. Nam Solymannus, cùm Ferdinandi Regis Legatos Antonium Verancium, & Franciscum Zayum Constantinopolim de pace missos per totum biennium derinuisset, tandem tolerabilibus conditionibus pacem fecit, quam etiam Ferdinandus, quoad vixit, inviolatam servavit.

Ortelius Redivivus sub finem præcedentis & ad hunc annum. „ In diesem Jahr (1557.) ließ Sultan Solymann Königs Ferdinandi Bot schafft, welche vor zweyen Jahren nach Constantinopel wegen eines Friedens abgefertiget, aber durch Beredung des Königs aus Frankreich Legaten, so lang versperet gehalten worden, widerumb loß, nahm auch den Frieden von den Gefandten ohne alle Einred, und Widersprechen an, und fertigte sie also mit dem beschlossenen Frieden, als der neue Frantzösische Legat et was, so ihm zuwider gewesen, gesagt, widerumb ab.

[6.] Tabula rer. Götzwicensium à Domino Abbate Götzwicensi Georgio Heller an. 1668. edita, & Inclytis utriusque Austriæ Ordinibus dedicata & Xenii locò oblata. „ S Scholastica des Heiligen Benedicti Zwillings Schwester ist Patronin des Jungfrauen Closters, welches bald nach der Stiftung zu Götzwiege erbauet, und von gemainen Ein-  
Uuu uu „ khom-

„ khommen erhalten und verpflegt worden.  
 „ Deren an. 1388. 24. Perfohenen gewesen.  
 „ Zu Erleichterung der strengen Koft hat  
 „ Pabst Nicolaus der V. an. 1452. Dispensa-  
 „ tion erhalt, daß sie ausgenommen der Fa-  
 „ sten in der Wochen 3. mal von Fleisch

„ essen dürfen. Nachdem aber das Closter  
 „ Göttweig an. 1557. in gänzliche Verödung  
 „ gerathen, hat Kayser Ferdinand der I. die  
 „ verbliebene 7. Closter-Jungfrauen auf S. Ber-  
 „ nard in Pölgreich Cistercienser Ordens  
 „ transferiren lassen. „

## Annus Christi MDLVIII. Monasterii CCCCXX.

*Pont. Rom.*  
 Paulus IV.

*Imp. Rom.*  
 Ferdinandus I.

*Archi-Dux Austriæ*  
 Idem Ferdinandus.

*Episcopus Pataviensis*  
 Wolfgangus II.

*Abbas Zwettlensis*  
 Jacobus.

**C**arolus in dicto Monasterio D. Justi die 21. Septembris, cum jam aliquot dies acutissima febre tertiana laborasset, è vivis feliciter excessit. Verè piissimus Princeps ac potentissimus Imperator, tanta enim illi à Summo Numine data in rebus gerendis felicitas, tam insignes victoriæ desuper donatæ, adeo ut ob multa fortissimè gesta, Galli cum Herculi, Germani Carolo Magno, Itali Davidi, Siculi Africano, Hispani Alexandro Magno, Turcæ Julio Cæsari, Afri Hannibali compararint. \* [1.] Qui ejus laudes uberius vult habere, coævum adeat Scriptorem Laurentium Surium Carthusianum.

Jacobi Abbatis in Zwettl adhuc fit mentio hoc anno à Nicolao Hertzog Plebano in Cisterstorf 29. Januarii; item à Mag. Lucio Crajer Monasterii Advocato 9. Februarii; rursus à præfato Plebano 21. Novembris; & à Sebastiano Woppingero de Wopping Magistro grangiæ Rasingensis 20. Decembris. [2.] ita hoc anno Abbas extitisse probatur.

Pace certis sub conditionibus cum Turca facta & militibus dimissis, viæ per Austriam publicæ præsertim in silvis via-

toribus tutæ non erant ob prædones omnes invadentes, spoliantes & marantes, unde Ferdinandus Cæsar editum promulgari facit, quo Austriæ Inferioris Provincialibus & Statibus præcipit, ut in silvis suis à via publica hinc & inde per octo orgyrum spatium arbores deiciant, ne prædones aut latrones latebras suas habere possint, sub dato Vinnæ 28. Maji, annò 1558. [3.]

Demum Ferdinandus Imperator anum quoque adjicit ad mores reformandos, præsertim ad vitia publica, quæ in consuetudinem abierant, & hæcenus belli tempore quasi impunè commitebantur, eliminanda; unde mandat denovo sub poena gravissima omnibus Magistratibus, ne blasphemos, publicè propinantes, continuo ebrios, lufos, adulteros, concubinas notorias, impunitos relinquant; superfluum etiam vestium splendorem, fastum nuptiarum nimium, imitationes novas, dolos item malos & contractus pecuniarum iniquos &c. coërceant, talium vestium peregrinarum usu per annum quotidiano ad eas conterendas tantum concessio, sub dato Pragæ ex aula sua Regia 29. Novembris, annò 1558. [4.]

## ADDITIONES.

\* [1.] Surius hoc anno, ubi fusè hujus Potentissimi & Pientissimi Monarchæ profequitur laudes.

Piespordius sub Carolo V.

Pont Heuterus suprà ad ann. 1556. sub n. 2. à nobis relatus ita profequitur: „ Ubi (in

„ *Monasterio Divi Justii* cum non integrò elapsò  
 „ biennid sanctè pièque vixisset, decimò Ca-  
 „ lendas Octobris, qui Divo Matthæo Christi  
 „ Apostolo est consecratus, summa animi  
 „ tranquillitate, corporisque patientiâ, Deo  
 „ animam paratissimè reddidit, annò 1558.  
 „ manè

„manè inter horam tertiam & quartam, paulò  
 „ante auroræ ortum, tertiana febris, è con-  
 „tinuis articularis morbi doloribus, non  
 „humorum abundantia, nata, quæque tan-  
 „dem in continuum est mutata, extinctus.  
 „Continui enim articularis morbi dolores,  
 „sanguinem exagitantés, primùm calorem  
 „præter naturam, deinde febri excitavère,  
 „sensimque calorem naturalem opprèsère  
 „extinxeréque. Vitiâ primùm Bartholomæo  
 „Mirandæ, Archi-Præfuli Toletano, ritè de-  
 „tlexerat, ac ab eodem, celebratò Missæ Sa-  
 „crificiò, Sacrosancto JESU Christi corpore  
 „mystico recreatus, ac ad iter æternæ salutis  
 „armatus instructusque fuerat. Sepultus est  
 „Granadæ, Bæticæ urbe primaria, juxta ma-  
 „trem Joannam, ac avum, aviâque mater-  
 „nam. Rex verò Philippus patri, ut dece-  
 „bat, amplissimas Bruxellæ Brabantia cele-  
 „bravit exequias; idémque fecere non solum  
 „ceteræ omnes ejus Provinciæ ac Regna, sed  
 „urbes etiam, civitates ac oppida. Tertia à  
 „Cæsaris morte septimana, soror ejus Regina  
 „Maria, Ludovici Hungariæ ac Bohemiæ  
 „Regis vidua, Belgarum per viginti quinque  
 „annos Gubernatrix, fratrem, reliquò mundò,  
 „est secuta; cum paulò antè, desiderio Bel-  
 „garum tacta, iter Barcelonæ Genuam, inde-  
 „que terrestri itinere in Belgium facere con-  
 „stituisset, classisque in eam rem parata sta-  
 „ret. Leonora verò, altera Cæsaris soror,  
 „fratrem ac fororem, deserta hac vita, mense  
 „Martio præcesserat, eique Henricus Fran-  
 „ciæ Rex Parisiis summo cum honore pom-  
 „pæque iusta persolvit. Atque hac ratione

„Cæsar Carolus V. cum duabus fororibus  
 „uno eodémque anno è vivis excessit &c. „

Ortelius Redivivus continuatus in Chron.  
 „Annò 1558. Diß nachgehende Jahr wardt  
 „Ferdinadus, so zuvor Römischer, Böhmi-  
 „scher, und Ungarischer König war, zu  
 „Frankfurt durch die damahls anwesende  
 „Chur- und Fürsten, an statt seines Bruders  
 „Kaysers Carls, zu einem Römischen Kayser  
 „am 14. Tag Martii öffentlich publicirt, aus-  
 „gerufen, und abgekündigt. Hernach den  
 „21. Septembr. starb in Hispanien Kayser  
 „Carl, welcher annò 1500. den 24. Februarii  
 „zu Gent in Flandern geböhren; annò 1519.  
 „zu Frankfurt zu einem Römischen König  
 „erwählt, und annò 1520. den 12. Octobris  
 „zu Ach gekrönt worden. „

[2.] E literarum monumentis.

[3. & 4.] Ex Edictis ipsius.

Spondanus ad hunc annum n. 8. „Mense  
 „Februario convenientes Francofurti ad Mæ-  
 „num, unà cum Ferdinando Romanorum  
 „Rege, Electores Imperii, renunciationem  
 „Caroli, per Legatos Aurangium, Seldium,  
 „& Hallerum allatam receperunt 6. Martii  
 „die S. Matthiæ Carolo in plerisque faulti-  
 „fimo: ac post deliberationem conditionum,  
 „quibus Electores Romanorum Regem ob-  
 „stringere consueverunt, pridie Idus Martii  
 „Imperii Majestatem in eundem Ferdinan-  
 „dum solemnî cæremonia transtulerunt; ei-  
 „démque ut Imperatori fidem & obedi-  
 „entiam jurarunt, annum tum agentis ætatis  
 „55. &c. „

## Annus Christi MDLIX. Monasterii CCCCXXI.

*Pont. Rom.*  
 Paulus IV.

*Imp. Rom.*  
 Ferdinandus I.

*Archi-Dux Austriae*  
 Idem Ferdinandus.

*Episcopus Pataviensis*  
 Wolfgangus II.

*Abbas Zwetlensis*  
 Jacobus.

**O**biit Paulus IV. Pontifex Romæ 18.  
 Augusti hoc anno. \* [1.] Se-  
 des autem Romana sine Pontifice fuit  
 menses quatuor & dies septem. Ideo  
 aliter electionem in sequentem annum  
 rejicio.

Porro cum aliqua in catalogis Ab-  
 batum Zwetlensium in successione diffi-  
 cultas præsertim Josephi Abbatis emer-  
 gat, diligentius literæ inspicendæ &  
 conferendæ erant, inde collegi Jaco-

bum dictum Grienwaldt hoc anno non-  
 dum obiisse, cujus mentionem inprimis  
 facit suis in literis Monasterii Advocatus  
 Mag. Lucius Crajer 13. Januarii.  
 [2.] Item 19. Aprilis ejus habetur men-  
 tio unà cum Michaële Straifhofer Ma-  
 gistro allodiorum, Marthâ Joannis Knoll  
 civis quondam Viennensis relicta, &  
 Jacobo Gienger à Grünenpüchel Cæsari  
 à consiliis ac Austriae simul Vice-Domi-  
 no. [3.] Idem etiam Abbas Jacobus  
 Uuu uu 2 cum

cum consensu Maximiliani Archi-Ducis Austriæ & Regis Bohemiæ nomine Cæsaris ad perpetuò redimendum pagum Negers licentiam dantis vendidit illum Eberhardo Pühler de Rieckers sub dato in Monasterio Zwetlensi 3. Septembris, annò 1559. [4.] Demum 10. Octobris eodem anno Jacobi Abbatis mentio ha-

betur. Ex allatis literis patet ipsum hoc denique anno Abbatem vixisse, & anno primùm sequenti ex alio itidem testimonio afferendo obiisse. Maximilianus, cujus hic fit mentio, fuit jam 14. Februarii annò MDXLVIII. in Regem Bohemiæ electus, sed postea 20. Septembris annò MDXLII. tandem coronatus. [5.]

## ADDITIONES.

\* [1.] Ciaconius sub Paulo IV.

Surius hoc anno.

Item Onuphrius sub Paulo IV.

Spondanus hic n. 32. „ Moribundi verò  
„ suprema verba fuisse: *Latus sum in his qua*  
„ *dila sunt mihi, in domum Domini ibimus.* De-  
„ cessit autem 15. Cal. Septembris, ætatis suæ  
„ annò 83. mense uno, die 22. Pontificatùs  
„ annò 4. supra mensem 2. & diem 24.  
„ Fuit valetudine adeo prospera ante ulti-  
„ mum morbum, ut numquam medicorum  
„ operà usus fuerit, quamquam in victu

„ non admodum diligens esset. Ceterùm  
„ liberalitate, religionis tuendæ conservan-  
„ dæque zelò, super omnes retrò Pontifices  
„ maximè clarus; disciplinæ autem Ecclesia-  
„ sticæ restituendæ adeo sollicitus, ut ex ejus  
„ cogitationum rationumque fonte multa fa-  
„ cri Concilii Tridentini decreta profluxisse  
„ postea videantur. „

[2.] Ex Autographo ipsius.

[3. & 4.] E literarum monumentis.

[5.] Piespordius sub Maximiliano II.

## Annus Christi MDLX. Monasterii CCCCXXII.

*Pont. Rom.*  
Pius IV.

*Imp. Rom.*  
Ferdinandus I.

*Archi-Dux Austriæ*  
Idem Ferdinandus.

*Episcopus Pataviensis*  
Wolfgangus II.

*Abbas Zwetlensis*  
Josephus.

**P**ost longas quatuor mensem in novo Pontifice eligendo inter Cardinales habitas disceptationes, tandem septimò Calendas Januarii ineuntis hujus anni à 44. Cardinalibus Joannes Angelus Medices Cardinalis tituli S. Priscæ Summus totius Ecclesiæ Pontifex eligitur, & in Epiphaniæ festo coronatur, Pius IV. vocari voluit. \* [1.] A beato Malachia Hiberno nominatus: *Æsculapii pharmacum.* Antea dictus Joannes Angelus Medices.

Turca hoc anno Velicam capit, locus is in Superiore Pannonia munitissimus est. [2.] Nec multo tempore post Ferdinandus Imperator & Solimanus fœdus iniêrunt, quod utrique parti tolerabile fuit, & ratum illæsumque perstitit, quoad Imperator Ferdinandus in vivis erat.

Venio ad Monasterium Zwetlense,

ubi videndum, quando Jacobus Abbas ejusdem obiêrit, & quando Josephus eidem successerit. Inprimis in tabulis antiquis defunctorum reperitur talis annotatio: „ Quintò Idus Februarii Jacobus Grienwald quondam Abbas „ Zwetlensis obiit annò 1560. „ [3.] Id est, nona Februarii die. Item huic in anno astipulatur chronosticorum author, cujus placet distichon referre, quod ita sonat de eodem:

„ Per tria lustra fuit Præsul, migravit  
in auras,

„ Dona tibi Vitæ Larga feret  
Meritis.

Tria enim lustra sunt ter quinque, id est, quindecim anni; nam Jacobus annò MDXLV. Abbas factus fuit.

Udalricus tunc Abbas S. Crucis & Visitator fuit, qui accepto Jacobi Abbatis obitu, mox se Zwetlam contulit,  
ut

ut electioni canonicæ de more Ordinis præsideret, in qua electione conveniunt electores fratres in suum Priorem F. Josephum dictum Scheichenpflueg, cujus electionem Ferdinando Imperatori S. Crucis Abbas præsentare debuit petens illius confirmationem. Quæ electio adhuc mense Februario mox post obitum Jacobi contigit, quod ex literis Udalrici Abbatis S. Crucis ad Josephum noviter electum Abbatem datis colligitur, qui nuntiat, quod in supplici libello electionem nuper in Zwetl factam Cæsari obtulerit quidem, sed nullum adhuc responsum retulerit, laborare se tamen velle, ut illud quamprimum accipiat

sub dato Trummaw 29. Februarii, annò 1560. [4.] Rursus eidem significat, & diem installationis nominat 25. Aprilis, qua in Zwetl comitantibus se Abbatibus Mellicensi & Dei-Vallensi comparere, & installationem ejusdem solenniter perficere velit sub dato Trummaw 18. Aprilis, annò 1560. [5.] Utrique jam confirmationem obtinuit Josephus, cum dicta die installatus fuerit tam in spiritalibus quam temporalibus Abbas. Assentit his chronosticon sequens:

ægna VltqVe pLVs qVoqVe MoX,  
at non DIV VIXIt

Josephus, Præsul per breve tempus erat. [6.]

## ADDITIONES.

\* [1.] Ciaconius & Onuphrius in Pio IV. Spondanus ad annum præcedentem n. 37. „ Postquam variis Cardinalium contentioni-  
„ bus certatum esset de Rodolpho Pio Car-  
„ penfi Episcopo Portuensi, Jacobo Puteo Ni-  
„ cieni Presbytero S. Mariæ in Via, Hercule  
„ Gonzaga Mantuano Presbytero S. Mariæ  
„ Novæ, & Hippolyto Estensi Ferrariensi Dia-  
„ cono S. Mariæ in Aquiro; (hos enim præ-  
„ cipue reperimus, qui egregiis singuli virtuti-  
„ bus micantes, numero etiam faventium emi-  
„ nuere; quamquam & in Historia Societatis  
„ JESU tradatur, tractatum etiam fuisse, ne-  
„ scio quo subito animorum motu, de Lai-  
„ nio Præposito Generali nuper in locum...  
„ Ignatii defuncti suscepto, creando Pontifice)  
„ demum mense quarto dique septimo va-  
„ cationis Sedis, Carolo & Alfonso Carafis  
„ imprimis, Alexandro deinde Farnesio, Gui-  
„ done Ascanio Sfortia, & Ludovico Guisio,  
„ maxime suffragantibus, nocte subsequente  
„ Natale Domini, omnium Cardinalium suf-  
„ fragiis creatus est Joannes Angelus Medici-  
„ nus Mediolanensis, (Medicem dicunt alii,  
„ tanquam fuerit ex Medicorum Florenti-  
„ norum familia; quæ nihilominus diversæ  
„ fuisse dicuntur) ex Presbytero Cardinale  
„ S. Priscæ: ad quam dignitatem fuerat post  
„ multiplices occupationes, legationes, admi-  
„ nistrationes pro Sede Apostolica diligenter  
„ & feliciter obitas, à Paulo III. Pontifice as-  
„ sumptus: filius Bernardini olim veditigalium  
„ redemptoris, fratæque Marchionis Mari-  
„ niani strenui illius ducis, quem sub Carolo  
„ V. meruisse vidimus, quique Mediceorum

„ Mediolanensium fortunam fabricavit: natus  
„ annò Domini millesimò quadringentesimò  
„ nonagesimò nonò pridie Calendas Aprilis  
„ ipso Paschatis die: ac proinde cum factus  
„ est Pontifex, annum ætatis agens sexage-  
„ simum, & nonum ferè mensem. Cujus pro-  
„ motionem portendisse dicitur columba casu  
„ Sacellum Sixtinum, ubi congregati Cardi-  
„ nales erant, per fenestras ingressa, cum diu  
„ circumvolitans cum admiratione omnium  
„ ejus quietem expectantium, cellæ Joannis  
„ Angeli infedit. Ita enim Onuphrius in ejus  
„ vita, qui conclavi interfuit, & singula quæ  
„ gerebantur oculis & auribus, ut ait, haud  
„ segniter perlustravit. Accepto nomine Pii  
„ IV. & symbolò sive sententiâ: *Si mei non  
„ fuerint dominati, tunc immaculatus ero*; coro-  
„ natus est octavò Idus Januarii anni proximi,  
„ ipso die festo Epiphaniæ. Qui meruit unus,  
„ quod non temerè alii uni evenisse reperia-  
„ tur, ut tribus celebrioribus anni totius fe-  
„ stivitatibus nasceretur, Pontifex crearetur,  
„ & coronaretur. „

[2.] Historia rerum Ungaric. hoc anno. Ortelius Redivivus. „ Annò 1560. In  
„ folgendem Jahr nahmen die Türckhen das  
„ feste Schloß Vileck in Ober-Ungarn ein,  
„ dahin der Sultan Solymán einen Sangia-  
„ cken, so dem Bassa von Ofen unterworfenen,  
„ zum Obersten eingesetzt. „

[3.] Mortilogium antiquum in Februa-  
rio.

[4. & 5.] Ex Autographis ipsius.

[6.] Chronosticonum Author sub Jose-  
pho. Annò 1560.

Xxx xx

Annus



## Annus Christi MDLXI. Monasterii CCCCXXIII.

*Pont. Rom.*  
Pius IV.

*Imp. Rom.*  
Ferdinandus I.

*Archi-Dux Austriae*  
Idem Ferdinandus.

*Episcopus Pataviensis*  
Urbanus.

*Abbas Zwetlensis*  
Josephus.

**P**ontifex hoc anno Ferdinandi Cæsaris Imperatoriam dignitatem in eum ab ejus fratre Carolo V. translata, quam Paulus IV. improbaverat, ratam habuit, ejusque tanquam legitimi & Catholici Imperatoris Legatos perhonorificè suscepit. \* [1.]

Obiit quoque hoc anno septimò Idus Augusti Wolfgangus II. de Klosen Episcopus Pataviensis, cui Urbanus à Trenbach Canonicus & Præpositus Ecclesiæ ejusdem est subrogatus 15. Calendas Septembris, id est, 18. Augusti, sed primum anno sequenti Novis Aprilis à Summo Pontifice confirmatus fuit. [2.]

Redeo ad Monasterium Zwetlense. Ex binis sub dato 18. Martii hoc anno literis patet Josephum Abbatem adhuc 14. Martii hoc anno vixisse, [3.] & ante decimum Aprilis vitam hanc reliquisse, qua die Martinus, qui se jam Abbatem in Zwetl nominat, Andreæ Abbati Wittingaviensi scribens petit carponum ducentas sexagenas emendas sub dato loci, diei, mensis, & anni modò dicti. Oportebat ergo Josephum adhuc mense Martio è vivis excessisse: & in Aprili Martinum eidem successisse, quâ tamen die ille obiit, mortilogia tacent, & quâ hic electus fuerit, nullibi invenitur.

Ceterùm sub Josepho Abbate nullus Fratrum de Conventu in tabulas publicas devenit, sic etiam in tam brevi ejus vitæ tempore Conventus quantus fuerit, non reperitur. Cui in Abbatiae regimine successit F. Martinus dictus Stain-

gaden, Professor S. Crucis, inde postulat, quod patet ex quadam epistola Udalrici Abbatis S. Crucis ad eum data, in qua eundem Martinum vocat noviter è suo Conventu electum in Abbatem Zwetlensem, cui hoc Monasterium ipse paternè commendat, memorque vivat sui antecessoris Josephi sub dato 20. Junii, annò 1561. [4.]

Installatio tamen ejus mense adhuc Majo contigit, nam Abbas S. Crucis & duo à Cæsare additi Commissarii scribunt Martino in Zwetl electo, ut cum Conventu suo & familia se domi contineat, se enim brevi assuturos sub dato Runz in Stiria 13. Maji, annò 1561. [5.] ubi tunc vel similem installationem vel visitationem inièrunt. Dies nihilominus ejus installationis non invenitur certa.

Martinus Abbas in causa Parochi Raapensis propter Præposituram in Eisgarn à Regimine Excellsio deputatus Commissarius scribit Lucio Crajer suo Advocato Viennam, eandem commissionem non ad se, sed ad antecessorem suum Jacobum Abbatem transmissam esse, cum ipse jam tertius ab illo sit Abbas noviter electus & installatus, nam post Jacobum Josephus, & post Josephum se electum ait. Petit igitur se apud Excellsum Regimen de ista commissione non deducta ad finem excusari & liberari sub dato Monasterii in Zwetl, 6. Julii, annò 1561. [6.] Ex quibus literis constat, jam ante sextum Julii se installatum fuisse, dies tamen certa nondum constat.

## ADDITIONES.

\* [1.] Onuphrius & Ciaconius in Pio IV. Spondanus ad ann. 1558. n. 8.

[2.] Hundius in Metropol. Salisburg. in Episcop. Patav. sub Urbano. „ Hic jam ante,

„ ob insignem eruditionem & rerum agenda-  
rum prudentiam, ascriptus erat in Ratisbo-  
nensem & Salisburgensem Canonicum; &  
„ quoniam ipse Italianam & Romanam urbem

„ jam

„ jam antea eruditionis & linguarum ca-  
 „ fendarum gratiâ perlustrâre, Wolfgangus  
 „ à Klosen, antecessor suus, propter electio-  
 „ nis suæ confirmationem eum iteratò Ro-  
 „ mam misit, ubi in quorundam Cardinalium  
 „ amicitiam pervenit. Negotiò itaque gna-  
 „ viter expeditò, accidit, ut post Reverendis-  
 „ simi Domini Michaelis, Archi-Episcopi Sa-  
 „ lisburgensis obitum Joannes Jacobus Kuen,  
 „ Decanus Brixinensis & Canonicus Salisbur-  
 „ gensis illi in Episcopatu substitueretur. Hic  
 „ electus Archi-Præsul hunc eundem Domi-  
 „ num Trenbeckium, suum confratrem, pro  
 „ sui confirmatione Romam etiam tertio trans-

„ misit, ubi pro sua sedulitate in quorundam  
 „ Prælatorum summorum familiaritatem rece-  
 „ ptus est. Quare cum jam hic electus in  
 „ Antistitem Pataviensem suos Oratores Ro-  
 „ mam pro suæ electionis confirmatione mi-  
 „ sisset, illic jam antea probè cognitus, suæ  
 „ petitionis faciliorem expeditionem sortitus  
 „ est &c. „

[3.] E literarum monumentis, & Cata-  
 logo Abbatum Zwetlensium.

[4.] Ex Autographo ipsius.

[5.] E literis eorum.

[6.] E literarum monumentis.

## Annus Christi MDLXII. Monasterii CCCCXXIV.

*Pont. Rom.*  
Pius IV.

*Imp. Rom.*  
Ferdinandus I.

*Archi-Dux Austriae*  
Idem Ferdinandus.

*Episcopus Pataviensis*  
Urbanus.

*Abbas Zwetlensis*  
Martinus I.

**H**OC anno Pius Papa IV. Triden-  
 tinum Concilium revocavit, cui  
 Legati, eruditi atque optimi Viri Joannes  
 Moronus Episcopus Prænestinus,  
 Hercules Gonzaga, Hieronymus Seripandus,  
 Stanislaus Hosius, Ludovicus Simonetta,  
 Bernardus Naugerius, Marcus Sitticus de Altaemps, S. R. E. Cardinales interfuerunt. \* [1.]

Deinde mense Novembri Francofurti in Romanorum Regem communibus omnium Electorum Principum suffragiis eligitur Maximilianus Bohemiæ Rex, Cæsaris Ferdinandi filius multis egregiis corporis ac animi dotibus insignis. [2.] Turcici Imperatoris Legatus venit Francofurtum, equum gradarium & quatuor camelos munera Solimanni offerens.

Porro unde fuerit natus Martinus Abbas, literæ, ejusdem produnt, qui

scribit Senatui Wangiensi, quæ est Imperialis civitas, & Joannem Staingaden fratrem suum germanum civem ibidem de reddito illius dilato excusat, sub dato Monasterii in Zwetl 10. Augusti, annò 1562. [3.] Wangium in Suevia non procul à Lindavia & Acrispergo situm est, ita Martinus Suevus erat.

Ob minerarum signa inventa Monasterium impetitur, quarum fossorem impedire quidem conabatur, sed à Cameræ Aulicæ Præsidentibus jubetur Abbas nomine Regis Bohemiæ Maximiliani, quatenus Melchiorum Huser Prutenum Gedanensem in opere suo minerarum fodiendarum contra ordinem à Cæsare mineratoribus præscriptum non impediat, nè gratiam & Cæsaris & Regis amittat, sub dato Viennæ 9. Septembris, annò 1562. [4.] An autem aliquid invenerit, vel nihil, non constat.

## ADDITIONES.

\* [1.] Ciaconius & Onuphrius sub Pio IV.

Pontus Heuterus lib. 15. cap. 8. „ Sub initium mensis Decembris Pontifex Pius „ Concilii Tridentini aliquandiu intermissi „ renovationem eadem in urbe in proximum „ ver publicari jubet, certo Patribus conve-

„ niendi die constituto : quod Concilium „ annò 1563. mense Decembris fuit finitum, „ decreta statutâque ejus publicata, suscep- „ que ab omnibus Catholicis Principibus ac „ Rebuspublicis; solis Novatoribus reclamantibus, quasi indidâ causâ condemnari essent, „ quod non æquò cum Catholicis numero „

XXX XX a

„ iis

„ iis Concilio præesse, decernere, statueré-  
 „ que licuerit: qua in re nil ab Ecclesia Ca-  
 „ tholica, Patribusque Concilii Tridentini,  
 „ insolitum nec novum est factum, sed idem,  
 „ quod Apostolos omniâque superiorum sæ-  
 „ culorum Concilia usitasse constat. In pri-  
 „ mo enim Hierosolymitano Concilio Juda-  
 „ ismi jugum defendentes, ab Apostolis qui-  
 „ dem auditi sunt, sed ut aliquid decerne-  
 „ rent statuerentque non admissi. Idem pri-  
 „ mô Nicenô Conciliô Arrianis usu venit,  
 „ successivisque temporibus omnibus Nova-

„ toribus; quorum rationes in Conciliis sunt  
 „ auditæ examinatæque aliquoties & earum  
 „ Authores admissi, sed cum definiendum, sta-  
 „ tuendumque esset, nunquam inter sacros  
 „ Procures fuere recepti. „  
 Spondanus hic n. 1. & sequent.  
 [2.] Surius hoc anno.  
 Megizerus Annal. Carinth. lib. 11. cap. 43.  
 Octav. de Strada sub Maximiliano.  
 Piesporcius sub eodem.  
 [3.] E literarum monumentis.  
 [4.] Ex decreto Cameræ.

## Annus Christi MDLXIII. Monasterii CCCCXXV.

*Pont. Rom.*  
 Pius IV.

*Imp. Rom.*  
 Ferdinandus I.

*Archi-Dux Austriae*  
 Idem Ferdinandus.

*Episcopus Pataviensis*  
 Urbanus.

*Abbas Zwettlensis*  
 Martinus I.

**T**Andem post annos viginti septem  
 ab Indictione Concilii Tridentini,  
 peractis viginti quinque Sessionibus An-  
 nò Christi MDLXIII. singulari Pii IV.  
 studio & vigilantia universali Concilio  
 finis allatus est, Patribus ita acclaman-  
 tibus: Beatissimo Pio Papæ Domino,  
 Sanctæ & Universalis Ecclesiæ Pontifici,  
 multi anni, & æterna memoria. Audito  
 Concilii exitu supplicationes pro gra-  
 tiarum actione Pius indixit. \* [1.]

Item hoc anno Maximilianus Ro-  
 manorum & Bohemæ Rex Posonii in  
 Ungariæ Regem cum multa celebritate  
 & solitis cæremoniis coronatus fuit. [2.]

Martinus Abbas hoc anno 2. Aprilis  
 Joanni Schweinhämbel Cæsari à secretis,  
 & Margarethæ uxori ejus, mortuo Mar-  
 tino Turnero cive quondam Viennense,  
 domum Zwettlenfem liberam Viennæ in  
 antiquo rusticorum foro in der Mûnster-  
 straß sitam ad utriusque dies vitæ cum  
 consensu Conventûs contulit: [3.]  
 quorum conjugum memoria sæpius oc-  
 curret.

Porro Erasmus Abbas quondam in  
 Zwettl Annò MDXLI. adhuc Maximi-  
 liano Leisser quosdam colonos circa  
 Pölan & circum habitantes ad perpe-  
 tuò redimendos vendidit, quos vidua  
 illius Sophia Abbati Martino redimen-

dos obtulit, ille verò id recusavit, sed  
 illos ulterius vendendos, reservata sibi  
 redimendi potestate, concessit, quæ Ja-  
 cobo Landtsidl Cæsari à consiliis & fe-  
 cretis Notariòque provinciali Austriæ  
 Superioris, qui castrum Schaunstein  
 possidebat, dictos colonos vendidit 1.  
 Maji, annò 1563. [4.] Ex his literis  
 Leisserorum familia pluribus sit manife-  
 sta; Sophia enim prædicta fuit uxor  
 Maximiliani Leisser, nata Zwicklin,  
 hujus frater erat Wolfgangus Zwickl de  
 Weyer, avunculus Leisserorum: illa tu-  
 lit ex Maximiliano majores natu Wolf-  
 gangum & Georgium Leisseros, item na-  
 tu juniores Wilhelmum & Ferdinandum  
 fratres, quorum consensu supradicta ven-  
 ditio facta est. Ipsa autem Sophia ad  
 secundas nuptias transiit, & nobili Viro  
 Wilhelmo de Gera in Arnsfels Cæsari à  
 consiliis nupsit.

Ut redeam ad Martinum Abbatem,  
 Ferdinandus Romanorum Imperator  
 ipsi & Christophoro Lagelberger com-  
 missionem injungit in Parochia Weitra-  
 censi ineundam, quia nimirum Elisabe-  
 tha dicta Preinerin vidua aliqua bona de  
 illa abalienasset, sub dato Viennæ 18.  
 Maji, annò 1563. [5.] Pluribus ejus-  
 modi commissionibus onustus fuit Abbas  
 Martinus, qui unà cum Abbate Alten-  
 bur-

burgensi in causa aliqua, quæ non nominatur, Monasterium Geracense concernente commissionem habuit contra Leonardum de Sinzendorf in Goggitsch & Ludovicum Welzer de Sigharts, quibus, an dies indicta placeat, sibi significant, scribit, ut Conventui Geracensi tempestivè eam indicare valeat sub dato Monasterii in Zwettl 15. Septembris, annò 1563. [6.]

Rursum Monasterium Monialium ad S. Bernardum habuit lites cum vicino Domino de Kueffstain in Greilensstain, ob quas commissio fuit iuncta Leopoldo Abbati Altenburgensi, item Wilhelmo Pernstorfer & Wolfgango Stainhauf, qui 15. Decembris partibus præfixerunt, quòd Altenburgensis Martino Abbati in Zwettl significat, à quo petit, ut vel ipse commissioni ex parte Abbatissæ interfuit, aut si videret Monasterio illi incommodum aliquod inde provenire, tanquam Visitator commissionem dictam faceret irritam, aliâque viâ per interpositionem fidelium Dominorum res componeretur, & ita Moniales nullum saltem damnum caperent, sub dato Altenburgi 9. Decembris, annò 1563. [7.]

## ADDITIONES.

\* [1.] Ciaconius sub Pio IV.

Onuphrius sub eodem. „ Reformatio Ecclesiastica continuatâ vigesimâ quintâ novissimâ Sessione, III. & pridie Non. Decembris anni 1563. gravi Pontificis morbo, quo de ejus vita dubitatum est, audito, acceleratâ Patres de Igne Purgatorio, de invocatione, veneratione, & Reliquiis Sanctorum, de sacris imaginibus, de indulgentiis, de delectu ciborum, de jeuniis, de diebus festis, de catechismo edendo, breviario & missali reformandis, de Concilii Tridentini saluberrimis sanctionibus servandis, non minus pia, quàm prudentissima decreta promulgârunt: reliqua verò quæ supererant reformationis capita sanxerunt. Quibus confectis summo omnium Patrum consensu decretum est, ut cunctorum, quæ in Concilio acta essent, confirmatio ab Apostolica Sede peteretur.

„ Cardinalis verò Moronus primus Legatus Concilio præfatus, finem Concilio his verbis fecit: *Post gratias Deo actas, Reverendissimi Patres, ite in pace.* Ab universo cœtu, Amen, responsum, atque ita Concilio Tridentino finis feliciter datus est annò XXVII. posteaquàm primùm à Paulo III. Mantuæ indictum fuerat: à prima verò Sessione Tridenti celebrata decimò octavò. Duravit omnino annos quinque, biennium sub Paulo III. annum sub Julio III. biennium iterum sub Pio IV. universis porro Concilii decretis subscriperunt Patres, quibus ea potestas erat, CCLV. „

Præter alios Spondanus hic n. 64. & seqq. n. 68. ita concludens: „ De quo quidem Concilio verè dici posse videtur, quod Episcopus Ragazzonus in sua oratione, de qua nuper egimus, ultima Sessione pronuncia-

vit: nempe in superioribus actum sæpe esse „ de fide nostra explicanda, moribusque corrigendis, sed nunquam diligentius atque distinctius quàm in isto Tridentino; in quo „ præsertim ultimò bienniò, ex omnium populorum ac nationum, in quibus veritas „ Catholicæ Religionis agnosceretur, non solum Patres sed Oratores extitissent: viri „ omnes, si doctrinam spectes, eruditissimi; si usum, peritissimi; si ingenia, perspicacissimi; si pietatem, religiosissimi; si vitam, „ innocentissimi: numerus talis, ut si præsentibus Christiani orbis considerarentur angustiae, frequentissima hæc omnium, quæ antè „ fuerunt, Synodus appareret: in ea singula omnium vulnera detecta, mores expositos „ fuisse, nihil dissimulatum: Adversariorum „ argumenta, & rationes ita tractatas, ut eorum tum causa, non Catholicorum, agi videretur: tertium nonnunquam, atque etiam „ quartum discussa: Summa sæpe contentione certatum; eo scilicet consilio, ut quemadmodum igne aurum, ita quibusdam quasi „ lutationibus veritatis vires ac nervi probarentur. Adeo ut licet optandum summo „ moperè fuisset, ut unâ cum illis hæc acta essent, quorum potissimum causâ tractabatur; qui propterea sollicitè invitati, peritui „ expectati, ac frequenter rogati fuere accedere: quamvis tamen detrectârint, nihilominus absentium incolunitati atque salutari „ ita provisum esse, ut alia ratione provideri, si assuissent, non potuisse videretur. Ita „ ille. „

[2.] Surius hoc anno.

Piespordius sub Maximiliano II. „ Annò 1563. VIII. Septembris Pofonii Ungaricam, „ & sic annò unicò vix exarò ( raro felicissimò exemplò, quale Alberto II. Austriaco „ Yyy yy „ etiam

„ etiam accidit ) tres ordine coronas accepit.  
 „ Quæ pro tutando regno Ungarico, & ar-  
 „ cendo ab Imperio Tyranno Turcico egerit,  
 „ jam orbi non minus quam bella Belgica  
 „ Philippi patruelis nota sunt Immanissi-  
 „ mos illos Christiani nominis, germanici fan-  
 „ guinis, & Imperii hostes non uno sæpe loco  
 „ fudit, fugavitque, & non minus fortiter &  
 „ feliciter ipse contra hos, quam Marchiones  
 „ isti primi stirpis Babenbergicæ, Marcam il-  
 „ lam Orientalem Pannoniæ ( verè cor, cly-  
 „ peum, & antemurale Imperii ) olim contra  
 „ Ungaros defendit, & tutatus est. „

Megizerus lib. 11. cap. 43. „ Annò 1563.  
 „ den 8. Septembr. ward König Maximilian  
 „ auch zum König in Hungarn erwöhlet,  
 „ und zu Presburg sampt seinem Gemahel  
 „ mit grosser Solennität gekrönt. Nach diser  
 „ Krönung seind in dem November beyde  
 „ Hertzogen Rudolphus und Ernestus Könige  
 „ Maximiliani Söhne durch das Ertzhertzog-

„ thumb Khärnten in Italien, und folgendes  
 „ in Hispanien gezogen, denen dann von den  
 „ Herrn und Landleuten das Geleit durch  
 „ das Landt ist gegeben worden, und seind  
 „ mit ihnen hinein gereisete Herr Adam von  
 „ Dietrichstein als Hoffmeister, und Herr  
 „ Wolff Rumpff auch aus Khärnten gebür-  
 „ tig. „

Ortelius Rediv. hoc anno. „ Darbey  
 „ ( der Krönung ) unter andern Ritter-Spielen  
 „ und Kurtzweil sich ein sonderlich Unglück  
 „ zutrug, daß ein Schloß, das man stürmen  
 „ solte, vor der Zeit angezündet wardt, und  
 „ viel beschädigte. Dahero die Welschen  
 „ und Ungarn also aneinander geriethen, daß,  
 „ wo der Kayser nicht seine Guardi hinge-  
 „ schicke, ein starckes Treffen würde erfolget  
 „ seyn. „

[3. & 4.] E literarum monumentis.  
 [5.] Ex decreto ipsius.  
 [6. & 7.] E literarum monumentis.

Annus Christi MDLXIV.

Monasterii CCCCXXVI.

*Pont. Rom.*  
 Pius IV.

*Imp. Rom.*  
 Maximilianus II.

*Archi-Dux Austria*  
 Idem Maximilianus.

*Episcopus Pataviensis*  
 Urbanus.

*Abbas Zwettlensis*  
 Martinus I.

**A**udito Concilii exitu supplicationes  
 pro gratiarum actione Pius indixit,  
 & die 7. Calendas Februarii omnia Syn-  
 nodi illius decreta obsignato publicato-  
 que diplomate confirmavit. \* [1.]

Menſe Julio ipſis feriis D. Jacobi Apo-  
 ſtoli diem ſuum obiit ſanctiſſimus &  
 omnibus modis Catholicus Princeps  
 Ferdinandus Romanorum Imperator,  
 de cujus integritate, pietate & in Ca-  
 tholica fide conſtantia multa dici poſ-  
 ſent, cujus ad omnem poſteritatem ſa-  
 croſancta & celeberrima erit memoria.  
 Inſiſtit ejus veſtigis Maximilianus II.  
 Ferdinandi filius, qui deſuncto patre,  
 gratulante Eccleſia Dei, Romani Impe-  
 riſi habenas moderatur. [2.]

Jacobus Landſid diſtus Cæſari à ſe-  
 cretis & à conſiliis miſit Martino Abbati  
 in Zwetl reverſales, uti vocant, literas  
 ſuper ipſi à Leiſſeris anno ſuperiore ven-  
 ditis bonis, & unà rogat, ut ipſo in vi-  
 vis exiſtente vendita bona ſaltem non  
 redimantur ſub dato Schaunſtain 18.

Martii, annò 1564. [3.] Cui 19. Mar-  
 tii Martinus affirmativè reſpondet. De  
 quibus bonis anno ſuperiore plura vide.

Commiſſionem etiam Abbas Marti-  
 nus habuit cum collegis Ulrico de Lam-  
 berg, quem nominat Baronem de-  
 Schauenſtain, Orteneg, Ottenſtain, &  
 Stockarn, Servacio Neudeccenſi & Ge-  
 orgio Zinner in Gmünd Parocho, ra-  
 tione alicujus prætenſionis, quam Cy-  
 riacus Rutland vel Rulandus, frater de-  
 functi Præpoſiti Clara-vallenſis ſeu in  
 Zwetl habuit cum moderno Præpoſito  
 Joanne Zenoniano J. U. Doctore illius  
 ſucceſſore, quæ commiſſio indiſta fuit  
 5. Aprilis hoc anno, & primum execu-  
 tionì demandata 12. Decembris eodem  
 anno. [4.] Ex parte Præpoſiti mo-  
 derni fuerunt Commiſſarii Præpoſitus  
 Canonicorum Viennenſium Doctòr di-  
 ſtus Schrantz, [5.] Quid autem effe-  
 cerint, non invenitur.

De more illius ætatis Joachimus La-  
 gelberger de Hermanſtorf Martino Ab-  
 bati

bati scribens, ab illo petit testamentum à se factum sigillo Abbatiali muniri sub dato Wiefenreith in Cæna Domini, anno 1564. [6.]

Auftriaca Domus venationibus se  
delectans in diversis Auftriæ partibus  
venatores instituit, quorum mentio ha-  
betur 7. & 9. Maji hoc anno, nimirum  
Balthasaris Winckler foresti-Magistri seu  
Forestarii, aut Magistri silvarum, & Marti-  
ni Bschantzgow Cælarci venatoris.  
[7.]

Conflagravit hoc anno Parochia in  
Waltenstain ad Monasterium Zwetlense  
spectans, ob quod incendium aliquot  
subditos Kirchpergenes Jacobus Franck-  
furter allodiorum Magister suspectus  
habens, ipsos apud Dominum eorum  
Sonderdorffer accusavit, similiter etiam  
scribit Erasmo Schaffer in Weitra Prä-  
fectio sub dato Monasterii in Zwetl 25.  
Maji, annō 1564. [8.]

Fit etiam mentio Marquardi Chün-  
ringii & Fundatorum nostrorum familia  
orti, qui de equis raptis lamentatur.  
Erant enim hoc tempore silvæ à latro-  
nibus occupatæ, in quibus passim in  
viatores rapiendo & mactando grassari  
solebant, quod anno sequenti pluribus  
referetur. [a.]

Superius retuli de venatoribus institutis, de quibus etiam mentionem facit Servacius Neudeccensis, cui Abbas mi-

ferat canem venaticum, petit etiam ille aliquot aves feras, & unā mittit Abbati mandatum Cæsaris ad se per fratrem suum Ottonem Neudecensem, qui Cæsari à consiliis & Camera est, directum & lectum remittat, petens simul, quatenus Cæsari pro aucupio ejusmodi avibus gratum se faciat sub dato Rastenbergæ 26. Julii annō 1564. [10.] Cui Abbas sequenti die respondet, se petitis avibus pro tempore carere, quamprimum autem talis aliqua avis capietur, se eam missurum. [11.]

Nuntiatur etiam Martino Abbati Leopoldus Altenburgerſis, qui Viennâ redierat, quod comitia provincialia decima proxima Decembris futura ſint, ſimul etiam à Prælatorum Statu petum, ut equos & currus ad comeatum exercitus ſubvehendum ſubminiſtrent: item ſe ejus offert comitem, ſi Viennam ad comitia deſcenderit. Scribit etiam Abbatem Cellæ-Mariæ & Præpoſitum Hertzogburgenſem mortuos ſub dato Altenburgi 2. Decembris, annò 1564. [15.] De bello Maximiliani Imperatoris anno ſequenti ſcribam.

Hoc decimum anno electio Abbatis  
novi in Geracensi Monasterio instituta  
fuit, ad quam etiam Martinus invitatur  
ab Ambrosio Heldt Cæsareo Commissa-  
rio sub dato Drosendorf 28. Decembris,  
annò 1564. [13.]

## ADDITIONES.

r. [1.] Ciaconius in Pio IV. „Magnum  
 in hac Concilii celebratione pecunia sum-  
 mam Pius insumpsit, qui Sedis Apostolicæ  
 Legatis, indigentibus Episcopis, omnibus-  
 que Ministris liberaliter mœnstrua ad vitæ  
 sustentationem salaria tribuebat. - - -  
 & annò 1564. die 7. Calend. Februarii omnia  
 Synodi illius decreta, obsignato, publica-  
 toque diplomate confirmavit. Mores Ec-  
 clesiæ, & Sacerdotia ad Concilii formam  
 instituit, Episcoposque gravi pœna, ad Ec-  
 clesias redire suas præcepit. „

Onuphrius sub eodem Pont.

Spondanus hinc n. 1. & seqq. Et alii.

[2.] Surius hoc anno.

Megizerus in Annal. Carinth. lib. 11. c. 43.

Ortelius Rediv. in Hiftor. Rerum Ungari-  
carum hoc anno.

Piespordius sub Ferdinando I. & Maximiliano II.

Spontanus hic n. 29. „ Quod autem di-  
ximus de obitu Ferdinandi Cæsaris, con-  
trig: est hoc eodem anno, ab obscura primū  
febre; qua paulatim vehemētiore facta op-  
pressus, accedente aqua intercutē, mortuus  
est demum placidissimē Viennæ Austriæ die  
25. Julii, celebritati S. Jacobi dicato: ad  
quem se perventurum, eoque moriturum,  
multo antē prædixerat, ex revelatione di-  
vina sibi facta; ut quemadmodum Sanctus  
ille Apostolus peregrinus apud Hispanos  
fuerat, ita ipse Infans Hispaniarum extra  
Yyy yy 2 „ solus

„ solum natale cum eo peregrinaretur. Dicebat lubenti animo se mundum deferere, nec mortem recusare: quòd si majores ipsius mortui non fuissent, per numerum tot superstitum successorum, se ruricolam aut pastorem fortè futurum fuisse: atque idcirco se suis locò cessurum, ut dignitatem obtinerent æquam, dum per Deum Domui Austriæ liceret. Vixit annos sexaginta, menses novem, & aliquot dies, imperavit annos septem: delatus ad sepulturam Pragæ Boemiarum, ad monumentum conjugis Annæ: ex qua quindecim liberos sustulit, mares qua-

„ tuor, & feminas undecim. Princeps multis virtutibus ornatus, imprimisque pietate „ in Deum, & studio pacis Ecclesiæ & Imperii, clementia, mansuetudine, & liberalitate. „

[3.] Ex literis ejus.

[4.] E literarum monumentis.

[5.] Ex literis eorum.

[6.] Ex literis ejus,

[7. 8. 9.] E literarum monumentis.

[10. & 11.] Ex literis ejusdem.

[12. & 13.] Ex literis eorundem,

## Annus Christi MDLXV. Monasterii CCCCXXVII.

*Pont. Rom.*

Pius IV.

*Imp. Rom.*

Maximilianus II.

*Archi-Dux Austriae*

Idem Maximilianus.

*Episcopus Pataviensis*  
Urbanus.

*Abbas Zwettlensis*  
Martinus I.

**P**ontifex Pius IV. febris correptus, postquam à Cardinali Carolo Borromæo Ecclesiæ Sacramenta suscepserat, octavo morbi die, & quinto Idus Decembris, id est, nonâ Decembris hoc anno, ætatis verò suæ 66. mense octavo, die 9. animam Creatori suo reddidit. \* [1.] De successore ejus anno sequenti, quo electus fuit, scribam.

Sub finem fermè anni præcedentis Joannes Sigismundus Waywoda Jazygum seu Transilvaniæ Princeps vassallus & subditus Solimanni malè fortunatus, pace violata Zatmarium ( *Szathmar* ) expugnavit, Melchiorem Balassi militiæ germanicæ ducem inde expulit, conjugem & liberos illius cum omni suppellectile, clenodiis etiam & promptâ pecuniâ abduxit. Verùm Maximilianus Imperator misso belli duce fortissimo & clarissimo Lazaro Schwendio cum exercitu Zatmarium recuperavit simul cum adjacentibus locis non paucis. Transilvanus autem Solimanni Turcæ fretus auxilio promissò Regem se Ungariæ distabat, & conventu suorum habito Martio mense proponebat illis, quòd ex patroni sui clementissimi Sultani Solimanni sententia & potestate plenaria omnibus Ungariæ Ordinibus

editò injunctum, ut sub potestate & sceptro sui Weywodæ esse teneantur. [2.] Hæc belli causa, anno sequenti plura.

Tanta hoc & præcedenti anno fuit hyemis asperitas & sævitia, ut multis locis vites planè interierint, & grandes quoque arbores exaruerint. Secuta est postmodum mira aquarum inundatio, quæ locis Danubio & Rheno propinquis incredibilem agris & ædificiis cladem intulit. Sævissima quoque pestis aliquot his annis continuis innumeram hominum multitudinem tulit è medio; etiam horrenda annonæ caritas dire afflixit multas Europæ regiones, adeo ut non pauci homines ob famis immanitatem & sibi & aliis manus intulisse ferantur. Terræ motus in Liguria quoque aliquot vicos absorbit. [3.]

Venio ad Monasterium Zwettlense, cujus Abbas Martinus mortuò Sigismundò Geroltingerò Magistrò curiæ in Weinzierl, qui Josepho quondam Abbati 400. florenos mutuò dederat, hæredibus illius solvit debitum, à quo ipsum liberum pronuntiant sub dato Cremsii 13. Februarii, annò 1565. [4.] Post Sigismundum defunctum constituit in eadem curia Magistrum Josephum Winter,

ter civem & Senatorem Crembfensem Martinus Abbas, cui ille 1100. florenos solvendo promiserat, curiam dictam pignoris loco interea possidens, hanc pecuniam Abbas scribit se Viennam secum ad comitia provincialia iturus, accepisset, nisi Crembfii lustratio militum tunc habita fuisset, sub dato Monasterii in Zwetl 14. Junii, annò 1565. [5.] Ex his patet ad bellum Transilvano inferendum, per totam Austriam milites conscriptos fuisse.

Maximilianus Imperator Martino quoque Abbati in Zwetl demandavit, quatenus suos venatores ad silvam juxta Gfell sitam missos ad tempus, ubi petierint, suscipiat, alat, & sustentet unà cum canibus venaticis sub dato Viennæ 1. Maji, annò 1565. [6.] Inde constat silvam dictam ad terræ Principem tunc pertinuisse.

Idem Abbas etiam ad lites sub jure pendentes attendit, cum à Lucio Crajer J. U. Magistro & Viennæ Monasterii sui Advocato certior fieri, quid in causis contra Chünringium, Strunonem, & Gravenecenses agatur, petit, sub dato Monasterii in Zwetl, 10. Martii, annò 1565. [7.] Unde constat, lites Monasterium habuisse cum Chünringio in Seveld, qui tunc erat Marquardus, ratione advocatiæ in villis Haslach, Weickerstorf, & Terenberg, quam causam ille perdidit. Contra Strunonem ex Schwarzenaw, nonnisi propter unum aut alterum subditum Monasterii. Contra Gravenecenses autem lis magna erat etiam super advocatiæ in Weinzierl, Neustift &c. jam diu antè à multis Abbatibus ventilata, de qua inferiùs suis locis plura scribentur.

Porro Martinus Abbas decretum quoddam ab aula Camera, Præpositum Clara-vallensem concernens, acceperat, qui se excusat, quòd non ad se pertineat, cum modernus Præpositus sit Joannes Zenonianus J. U. Doctor, & Præpositura sit Dominium à Monasterio separatum, sub dato Monasterii in Zwetl 15.

Martii, annò 1565. [8.] Hoc per errorem sæpiùs contingere solet, dum nomen Abbatis & Præpositi confunduntur. Titulus enim Clara-Vallis, (quem ab origine tenuit Monasterium Zwetlense) etiam huic Præposituræ noviter fundatæ fortè ob vicinitatem, adjectus est, uti patet ex confirmatione Apostolica † nobis in copia gratiosè communicata. Ceterùm hoc anno è vivis excesserat Præpositus Claræ-vallis dictus Rulandus, cui Joannes Zenonianus J. U. Doctor successit, qui antea in Puttschin, Nabaw, & Altenpölla Parochus fuerat, hic à Laurentio Zadesio Officiali Passaviensi catalogum rerum in Præpositura inventarum accepit 8. Octobris Annò MDLXV. [9.] Et vixit annos sedecim Præpositus, Annò verò MDLXXXI. mortuus, uti infra referetur.

Relatum fuit Martino Abbati à Georgio Parocho in Teyia quendam Monasterii Zwetlensis colonum in Zwetlern in vincula, nescio quam ob causam, non adeo magnam conjectum esse, pro quo liberando Abbas mox petit resolutionem: insuper eidem minatur, nisi Sacellum in Zwetlern more antiquitùs consueto frequentàrit, se ipsi in posterum decimas à colonis suis porrigi prohibere velle, sub dato Monasterii in Zwetl, ultimâ Aprilis, annò 1565. [10.] Ex his allatis conjicitur, ideo à Parochia in Teyia hoc Sacellum postea exemptum, & Parochiæ in Gästern quoad divinum officium inibi celebrandum commissum fuisse, quod adhuc hodie inde providetur.

Suprà scripseram, bellicum in Transilvanum hoc anno magnâ vi apparatus factum esse, unde etiam Monasterium Zwetlense sex milites & currum campestrem cum duobus aurigis mittere debuit, quos tam milites, quàm aurigas Abbas vestigi, & pro curru tegumentum fieri jussit à Leonardo sartore circa Pentecosten. [11.]

Pietatem in parentem suum Maximilia-

Zzz zz

milia



milianus Imperator demonstrare volens, solenni ritu & raro exemplo Ferdinandi corpus Pragæ in Bohemiæ sepeliendum deduci statuit, inde Martino Abbati in Zwetl (qui perperam Joannes per scribæ errorem nominatur) mandat, quatenus cum Pontificalibus suis, insulâ, baculô, & cruce Viennam veniat, se cum fratribus suis Ferdinando & Carolo Archi-Ducibus, quondam Imperatoris Ferdinandi I. defuncti piissimæ memoriæ funus in Pragensem arcem comitantem sequatur. Convocasse autem se Prælatos Austriæ ad nonam Augusti, quæ in proximam feriam quintam incidet, unde cum pompa funebri & solennitate dictum funus usque ad Novam Domum Bohemiæ comitarentur. A quo loco dimissis Austriacis, Prælatos Bohemiæ & Moraviæ citatos Pragæ usque comitatum solennem præstare jussos esse; Episcopo Olomucensē Magistro cæremoniæ utrumque dimidium iter dirigente sub dato Viennæ 2. Augusti, annô 1565. [12.] Insuper mandavit 11. Junii hoc anno, ut Austriaci comitatum liberum ad castra sua deferant, quæ circa Danubium in Ungaria contra Turcam, prout hostis postulabit, figenda venient, omnesque illum afferentes ab omni teloniorum genere liberos pronuntiat. [13.] Ejusdem planè tenoris aliud edictum promulgari fecit 1. Septembris, annô 1565. [14.] Hinc bellum totis viribus in putativum Ungariæ Regem Transilvaniæ Principem & Turcas ejus (proh pudor!) patronos parabatur, Christiani nominis hostes in Christianos evocans Pseudo-Christianus ambitionis mancipium.

Fit porro mentio Josephi Winter Crembensis civis, qui habuit curiam in

Weinzierl à Monasterio pignoris locò sibi concessam, qui scribens Abbati Martino nuntiat, quòd Sigismundus Spacio murarius in dicta curia sibi laboraverit, & muros tam collapsos, quàm ruinam minitantes in equorum stallo, in cellario, in torculari, in horto, in vinea, aliisque ubique locis reparaverit, sub dato Crembisii 21. Octobris, annô 1565. [15.] Ex his constat, quod in initio anni de inundatione Danubii attuli, cum hæc curia in Weinzierl planè ad litus ejus sita sit, aquarum vis muros totius curiæ ita concusserit, ut partim collapsi, partim ruinosi facti sint.

Latronibus & prædonibus silvæ scatebant, qui vias publicas obfidentes, viatores vel spoliabant vel occidebant, unde Maximilianus Imperator mandat omnibus Austriæ Inferioris Proceribus silvam aut saltum ad vias Regias habentibus, quatenus infra mensem duorum spatium ex utraque viarum parte ad duodecim orgyas arbores excidant, inobedientes non solum eo in spatio contentis arboribus, sed etiam terræ jurisdictione puniendos pronuntiat, sub dato Viennæ 20. Augusti, annô 1565. [16.] Unde anno priori Chünringius de raptis equis lamentatur, eò quòd prædones eos vi abstulissent. Simul etiam, ut iter cum funere Imperatoris & exeuntibus & redeuntibus tutum foret. Vide etiam suprâ (Annô 1553.) sub Ferdinando Imperatore.

Ad bellum cum Transilvano cuncta disponebantur, unde nomine Imperatoris Excelsum Regimen jubet omnibus & singulis braxandæ cerevisiæ usum habentibus, ut eo se abstineant, & hordeum pro comæatu belli servari possit, sub dato Viennæ 27. Aprilis, annô 1565. [17.]

## ADDITIONES.

\* [1.] Ciaconius & Onuphr. sub Pio IV. Spondanus hic n. 19. „ Qui (*Pius Papa*) „ in morbum incidens, ex vitâ intemperantia „ haustum; post suscepta pientissimè à sororis „ filio pientissimo Carolo Cardin. Borromæo „ (rarò felicitatis exemplo, quod vix cuiquam

„ alii Romano Pontifici contigisse reperitur) „ cuncta Ecclesiæ Sacramenta in verborum „ sancti senis Simeonis, *Nunc dimittis servum „ tuum Domine secundum verbum tuum in pace,* „ prolatione, integris sensibus, placidèque „ mortuus est 5. Idus Decembris, ætatis annô

66. mense 8. die 9. Pontificatus vero anno  
5. mense 11. die 15. Corpus Basilicæ Vati-  
canæ illatum, lateritiò ad tempus extructò  
solidò conditum est. Unde post multos an-  
nos translatus fuit ad Sanctæ Mariæ Ange-  
lorum in Thermis apud Carthusianos, quos  
maximis beneficiis auxerat, & ante aram  
maximam in pavimento sub marmore col-  
locatum. Cùm autem vacaverit Sedes dies  
29. ejus successoris electio ad annum se-  
quentem pertinet. „

[2.] Histor. rerum Ungaric. An. 1564.  
& 65.

Surius hoc anno.

Neugebauerus Histor. Polon. lib. 8. hoc  
anno.

Megizerus Annalib. Carinth. lib. 12. cap. 3.

Ortelius Redivivus hoc & præcedenti anno.

Petrus Bizarus de bello Pannonico.

[3.] Surius hoc anno.

Megizerus lib. 12. cap. 5. & 7. & lib. 11.

cap. 42. sub Archi-Episcopo Salisburgensi.

[4.] Ex Apocha illorum.

[5.] Ex literis ejusdem.

[6.] Ex Edicto ejusdem.

[7.] Ex literarum ejus copia.

[8.] Ex copia literarum.

† Confirmatio Apostolica super Præ-  
posituram Zwetlensem noviter fun-  
datam ita habet.

„ Bartholomæus de Marachis Episcopus  
„ civitatis Castellæ ad Almanam ac uni-  
„ versa & singula, provincias, civitates, ter-  
„ ras, & loca Germaniæ Sacro Romano Im-  
„ perio illiusque Electoribus subiecta, nec  
„ non Hungariæ, Poloniæ, Bohemiæ & Da-  
„ tiæ Regna Apostolicæ Sedis cum plena po-  
„ testate Legati de latere Nuncius & Orator  
„ ad perpetuum rei memoriam.

„ Quoniam Sacrosanctæ ac Universalis  
„ Ecclesiæ Summus Pontifex humani generis  
„ Clementissimus Salvatoris Domini nostri Jesu  
„ Christi supremum locum tenens in terris Bea-  
„ tissimi ejus Apostoli Petri Jerarchiæ Janito-  
„ ris successor, plenissimâ sibi desuper con-  
„ cessâ potentiâ decoratus propensâ delibera-  
„ tione singula moderatur & ordinat, per  
„ quem Sancta Christiana Religio votivis in-  
„ crementis queat uberrimè insigniri, pro-  
„ pterea nos, qui ejusdem Summi Pontificis  
„ legationis munere fungimur, perpendentes,  
„ quantopere nobis incumbat, ut circa illa,  
„ quæ ad Altissimi gloriam & laudem ac ejus  
„ venerabilem cultum augendum, propagan-  
„ damque latius fidelium salutem attingant,  
„ favores gratiosos, & opportuna commo-  
„ ditatis auxilia liberaliter impendamus. Sanè

„ cùm Invidiosissimus ac Gloriosissimus Princeps  
„ & Dominus Dominus Fridericus Romano-  
„ rum semper Augustus plurimum exoptet,  
„ quòd Parochialis Ecclesiæ Sancti Joannis  
„ Evangelistæ extra muros oppidi Zwettel  
„ Paraviens. Diocesis in Archi-Ducatu Au-  
„ striæ situati, & ditionibus regni Bohemiæ  
„ finitimi, ac in loco devoti populi secundo,  
„ & omnium bonorum humano usui commo-  
„ dorum referto, in Collegiatam Ecclesiam  
„ erigatur, & in ea Præpositus, qui caput  
„ primum existat & ceteris præsit, ac ad  
„ quem pertineat personas hujusmodi erigen-  
„ dæ Ecclesiæ, si quando eas excedere con-  
„ tingat, corrigere, ipsiusque Ecclesiæ curam  
„ gerere, & post eundem Præpositum unus  
„ Decanus, ac in honorem duodecim Apo-  
„ stolorum duodecim Canonici Sæculares in-  
„ stituantur, toridem inibi præbendas obti-  
„ nentes, ex quibus sint ad minus duo, si  
„ commodè haberi possint, in sacra pagina aut  
„ altera Jurum Doctores tamquam pugiles  
„ adversus infandas errorum labe, quibus  
„ illarum regionum incolæ, multifariam in-  
„ secti censentur existere, communi mensâ,  
„ habitatione & ceteris ad ipsorum usum opor-  
„ tunis utentes, & gaudentes, ac Deo devotè  
„ & perpetuò fideliter famulantes, sua Cæsa-  
„ rea Majestas, quæ pro opulentiori dotatio-  
„ ne dictæ erigendæ Ecclesiæ, & ipsorum.  
„ Præpositi, Decani & Canonicorum institu-  
„ endorum sustentatione decentiori, ut Pa-  
„ rochialis Ecclesiæ Beatæ Mariæ Virginis in  
„ Altenpölan præfatæ Diocesis, quæ dicto  
„ oppido contigua, & ratione Ducatus Au-  
„ striæ de Jure Patronatus ejusdem Sææ Ma-  
„ jestatis existit, cum annexis omnibus juri-  
„ bus & pertinentiis suis, hujusmodi erigendæ  
„ Ecclesiæ perpetuò juvetur & incorporetur,  
„ consentire statuit; Dilectus verò nobis in  
„ Christo Andreas Kunigstainer modernus  
„ dictæ Ecclesiæ Sancti Joannis Rector, & in  
„ jure Pontificio Licentiat, ac Artium Li-  
„ beralium Magister, qui sinceræ devotionis  
„ ardore inflammatus, fructus dictæ erigendæ  
„ Ecclesiæ quàm pluribus possessionibus, præ-  
„ diis, decimis, redditibus & proventibus, &  
„ quàm pluribus aliis bonis tam mobilibus  
„ quàm immobilibus ad eum jure hæreditario  
„ spectantibus adauxit, fecerat nobis humiliter  
„ supplicari, ut dictam Ecclesiam Sancti  
„ Joannis in Collegiatam erigere, aliasque in  
„ præmissis votis annuere de benignitate Apo-  
„ stolica dignaremur.

„ Nos igitur, qui ut præmittitur, Aposto-  
„ licæ Sedis fungimur Legati de latere facul-  
„ tate, & auctoritate, attendentes maximum

Zzz zz 2

„ ex

„ ex præmissis profectum Catholicæ fidei, ac  
 „ paterna illis benignitate discussis, suaden-  
 „ tibus nonnullis aliis rationabilibus causis  
 „ ad id nostrum inducentibus animum præ-  
 „ fata Cæsareæ Majestatis, & dicti Andree  
 „ supplicationibus inclinati, ad honorem  
 „ Omnipotentis Dei Patris, & Filii, & Spi-  
 „ ritus Sancti, Beatæ semperque Virginis Ma-  
 „ riæ, & S. Joannis Evangelistæ, totiusque  
 „ Cœlestis Curiae laudem, fidei orthodoxæ  
 „ exaltationem, divini cultus augmentum,  
 „ atque salutem fidelium præfatam Eccle-  
 „ siam Sancti Joannis Evangelistæ in Colle-  
 „ giatam Ecclesiam, facultatis nobis con-  
 „ cessæ hujusmodi vigore Apostolica aucto-  
 „ ritate erigimus, ac illam Collegiatæ Ec-  
 „ clesiæ dignitatis, honoris & decoris titulis,  
 „ cum illis privilegiis, exemptionibus, liber-  
 „ tatibus & immunitatibus, quibus aliæ Col-  
 „ legiatæ Ecclesiæ decoratæ existunt, eadem  
 „ auctoritate insignimus, & decoramus, ac  
 „ deinceps perpetuis futuris temporibus Col-  
 „ legiatam Ecclesiam, & ad Sanctum Sal-  
 „ vatorem Claræ-vallis nuncupari debere

„ decernimus, & insuper in eadem erecta Ec-  
 „ clesia Præposituram Principalem, & post il-  
 „ lam Decanatum secundam inibi dignitatem,  
 „ & in honorem duodecim Apostolorum duo-  
 „ decim Canonicatus pro duodecim personis  
 „ totidem inibi præbendas obtinentibus præ-  
 „ fata autoritate instituimus, erigimus, &  
 „ creamus &c. - In quorum fidem præsen-  
 „ tes literas fieri fecimus, & nostri sigilli ap-  
 „ pensione communiri. Datum in Gretz Sa-  
 „ lisburg. Diocesis. Annò Incarnationis Do-  
 „ minicæ millesimò quadringentesimò octua-  
 „ gesimò tertio duodecimò Cal. Februarii,  
 „ Pontificatus præfati Sanctissimi Domini no-  
 „ stri annò tertio decimò. „

[9.] E literarum monumentis.

[10.] E literarum ejus copia.

[11.] E literarum monumentis.

[12.] Ex mandato Imp. proprio.

[13. & 14.] Ex Edicto in Consilio.

[15.] Ex literis illius.

[16.] Ex mandato ipsius in Consilio.

[17.] Ex Edicto in Consilio.

## Annus Christi MDLXVI. Monasterii CCCCXXVIII.

*Pont. Rom.*

Pius V.

*Imp. Rom.*

Maximilianus II.

*Archi-Dux Austriae*

Idem Maximilianus.

*Episcopus Pataviensis*  
Urbanus.

*Abbas Zwettlensis*  
Martinus I.

**P**lò IV. Pont. Max. anno priore de-  
 functò, hoc anno septimò Idus Ja-  
 nuarii, id est, 7. Januarii die in Roma-  
 num Pontificem electus est Michaël Gi-  
 selerius Ordinis S. Dominici, Cardinalis  
 Alexandrinus, & dictus est Pius V. \* [1.]  
 De cujus laudibus copiosius tractat Su-  
 rius & Cicarella. Eundem prædixit  
 fermè ante quatuor sæcula B. Malachias  
 Hibernus tali sub nomine: Angelus  
 nemorosus. Antea Michaël vocatus,  
 qui natus fuit in oppido Boschi, quod  
 latinè sonat ex germanico, nemus.

„ Maximilianus Imperator cùm  
 „ non obscurè cognovisset Turcarum  
 „ Tyrannum Solimannum ingentem  
 „ belli apparatus instituissè, atque tum  
 „ Ungariæ, tum Germaniæ atrociter  
 „ imminere, in comitiis Augustanis egit  
 „ cum Imperii Ordinibus de conscri-

„ bendo milite adversus sævissimi ho-  
 „ stis impendentem vim & tyrannidem.  
 „ Itaque tum peditum, tum equitum  
 „ instructissimus coactus est exercitus.  
 „ Porro Solimannus Turca cum maxi-  
 „ mis copiis venit ad oppugnandum Si-  
 „ getum, locum sanè & naturâ & arte  
 „ valde munitum, cui etiam sortium  
 „ virorum impositum erat non con-  
 „ temnendum præsidium, quibus præ-  
 „ fuit immortalis laude dignus Nicolaus  
 „ Serinius Illustris Comes. Fertur in  
 „ suo exercitu habuisse Solimannus ad  
 „ centum quinquaginta hominum mil-  
 „ lia. Expugnatò primò & secundò  
 „ oppidò coactus Serinius cum milite  
 „ in interiore arcem sese proripuit;  
 „ verùm à Turcis incensa arce, ut vio-  
 „ lentiam ignis evaderet, & furorem  
 „ hostium ingentem sua cæde satiare,  
 „ à quibus arcem conservare impossibile

„ erat,

„ erat, ille vexillò inauratò Laurentio  
 „ Juranitio traditò, qui sibi id præfer-  
 „ ret, Jesuq; nomine ter inclamato,  
 „ portas referari jubet, ac machinas in  
 „ hostes exonerari, cujus fumo aspe-  
 „ ctum hosti adimente defensu strictò  
 „ gladiò exigua cum parma ante suos  
 „ exit, per confertissimos hostium or-  
 „ dines ferrò obvia quæque sternens,  
 „ in ponte terribile spectaculum sui edit.  
 „ Ibi enim circumfusus ab hostibus ac  
 „ telorum multitudine obrutus, tan-  
 „ dem geminò globò trajectus concidit.  
 „ Mortuo caput amputatum, triumphi specie per castra circumlatum,  
 „ post holoferico involutum ad Cæsarem missum est. Solimannus interea  
 „ durante adhuc oppugnatione Sigeti  
 „ in castris mortuus quoque fuit. Maximilianus etiam Cæsar sub exitum  
 „ Maji omnibus cum copiis Viennâ Jaurinum contendit, cum Turcis Marte  
 „ aperto decertaturus, verum tum alia  
 „ Turca consilia agitabat: inde nihil  
 „ actum, quàm aliquot munita loca tum  
 „ tentata, tum Turcis erepta fuere.  
 „ Tyrannò mortuò exercitus ejus mox  
 „ diffugerat. „ [2.] Hæc de hujus  
 „ anni bello & rara fide Nicolai Serinii ac  
 „ constantia ejus pauca sufficiant.

Carolus Archi-Dux jussu Cæsaris non tantum Posonii, sed etiam Viennæ comitia Procerum celebravit, in Viennensibus 23. Aprilis celebratis hæc erant petita: „ Ut de qualibet domo florenus solvatur; ut nobilis, qui centum florenorum redditus possidet, equum pabulò suò in usum belli alat; ut opifices Viennam ad perficiendas munitiones mittantur; ut nemo famulum sine testimonio vitæ à suo priori Domino dato suscipiat; quòd ex singulis domibus quintus-decimus & trigessimus ad bellum vocatus ire teneatur. Præterea per Austriam, Moraviam, per Stiriam, Carinthiam, Carniolam & per alios Ungariæ fines mandatum publicatum fuit, ut nemo famulorum Dominum suum relin-

„ quat, aut ab eo dimittatur; simul  
 „ etiam Viennæ civibus omnibus injunctum, ut quilibet ad annum sibi  
 „ de victu provideat, qui verò inops  
 „ hoc facere nequit, urbe excedat. „  
 „ [3.] Hæc in comitis provinciæ hoc anno sunt conclusa. Hinc florenus ille usque hodie semper durat porrigendus, qui vocatur vulgò *Hauss*, vel *Mud. Gulden* in usum belli Turcici impositus.

Circa Monasterium hæc annotanda veniunt, cum rursus propter Martini Abbatis vel resignationem vel depositionem temporis ratio habenda sit, & nihil certi inveniatur, ideo videndum, quamdiu ille in publicis literis Abbas adhuc nominetur, aut actus jurisdictionis suæ exercuerit. In ordine ad quod habentur diversæ sub diverso Dato ad dictum Martinum Abbatem directæ literæ. Omissis aliis, 19. Martii hoc anno Servatius Neudeccensis in Raftenberg ratione cujusdam coloni sui Martino Abbati scribit. [4.] Item Abbas Altenburgensis se apud Martinum Abbatem excusat, quòd ad Dedicacionem invitatus non venerit, Monasterii sui subditis, quibus diem illam dixit, occupatus, sub Dato Altenburgi ultimâ Maji, annò 1566. [5.] Invenitur & quædam relatio, in qua fit mentio post Pentecosten hoc anno depositionis Martini Abbatis in Zwetl, & alterius successione; nulla tamen causa, non certa dies, neque visitatoris, aliorumque Abbatum comitum adventus memoratur. [6.]

Maximilianus Imp. porro ante provincium suum in Ungariam Proceribus Austriæ Inferioris mandat, quatenus ad loca illa, in quibus lustrationes exercitus instituentur, vinum, frumentum, & avenam afferant, quos ad talem alatum comeatum vendendum ac solvendum securos reddi sub dato Viennæ 21. Aprilis, annò 1566. [7.] Hoc mandatum Martinus Abbas adhuc accepit. Et hæc dependent à supradictis anni hujus actis belli.

Superioribus annis etiam mentio facta  
 Aaa aaa Ga

Etia fuit de venationibus per Austriam constitutis, unde canes & venatores à dominiis circumficti ali injungebantur Statibus, novum quidem hoc erat in silva Nortica, quare Martinus Abbas in Zwetl canes venaticos sibi transmissos non accepit: Carolus Archi-Dux Austriæ &c. Comes Tyrolis &c. autem ei ad delationem Erasmi Scherffenbergii supremi venatorum per Austriam Magistri demandavit, ut canes venaticos ab isto Magistro missos ad Imperatorem fratrem suum spectantes & antea non admissos absque excusatione ulla suscipiat alendos sub dato Viennæ 17. Maji, annò 1566. [8.] Quod ad hodiernam usque diem, ceteris dominiis vel recusantibus, vel gratosè liberatis, apud Monasterium Zwetlense & quidem in notabili numero cum non levi gravamine continuatur.

Imperatore tunc temporis in Ungaria in castris existente, Excelsum Regimen rursum per Austriam admonitoria decreta divulgari fecit, cuilibet Statui mandans, ut improvise Turcarum irruptiones præcaveant, præsertim fugâ incolæ ejusmodi truculentum hostem præveniant, modo eo, quo Ferdinandus Imperator piissimæ memoriæ suo sub regimine illis præscripserat. Insuper monet quàm diligentissimè ad exonerationem tormentorum, ad ignium & fumorum signa, ad campanarum sonum omnes & singulos attendere, & fugam inire; modum demum præscribit in locis munitis, quò se fugâ propripuerunt, durante Turcica devastacione, & vivendi & commorandi. Sub dato Viennæ 14. Septembris, annò 1566. [9.]

## ADDITIONES.

\* [1.] Ciaconius sub Pio V.

Cicarella in eodem. „ Inter hos ( *sanctissimos & prudentissimos Pontifices* ) sine dubio Pius V. non infimò locò est constituendus, qui tam sapienter rexit alios, & tam sanctè seipsum moderatus est, ut multis admirandi occasionem præbuerit, quomodo tantum temporis orationibus, meditationibus, aliisque vitæ sanctæ operibus dare potuerit &c. Quibus etiam accedebant variz curæ & occupationes de propriis populis, pænis & præmiis propositis in virtutum officio conservandis.

„ Hic itaque Pontifex XVI. Kalend. Febr. annò à partu Virgineo M.D.III. in oppido Boscho, è familia Chisleriorum natus est. „ Pater illius Paulus, mater Dominica Augeria vocabatur. In lavacro regenerationis nomen Michaelis illi impositum fuit, quod ipsum nomen etiam cum Religionem proficeretur, sibi reservavit. Factus est autem Religiosus annò ætatis suæ decimò quarto, in Conventu di Voghera, congregationis reformatæ Fratrum S. Dominici de Lombardia. Frequenter audivi, idque à viris fide dignis, quod idem nomen etiam in Pontificatu retinere voluisset, si quis ante ipsum illius nominis Pontifex fuisset, quòdque à Cardinale Borromæo vix multis precibus induci potuerit, ut nomen Pii sibi sumeret: „ cujus tamen precibus tandem acquiescens,

„ tale potius nomen elegit, quàm aliud, quod ante illum nemo habuisset. . . . . Tandem Piò IV. rebus humanis exemptò, Michael noster annò 1566. post Christum natum, die verò septima Januarii, quinquaginta duorum Cardinalium suffragiis Summus Pontifex renunciatus est. „

Spondanus hic n. I.

„ Surius hoc anno. „ Extant præclara de eo testimonia, quòd ita se prorsus compareret vitæ illius ut quandam referat imaginem „ priscorum illorum Pontificum, quorum sanctitatem veneramur. Familiam se dixit „ ejusmodi habere velle, quæ & vitæ & habitu ceteris exemplo sit: nec tam ministro- „ rum numerum aut cultum corporis, quàm „ virtutem & integritatem sibi spectandam „ constituit. „

[2.] Surius hoc anno.

„ Octavius de Strada sub Maximiliano II. Neugebauerus Histor. Polon. lib. 8. hoc anno.

Megizerus Annalium Carinthiæ lib. 8. cap.

4. per totum.

Cicarella sub Pio V.

Spondanus hic n. 9.

„ Solimanus . . . . . initio Junii Constantinopoli profectus, cum „ Belgradum ( seu Albam Græcam, olim Taurunum dictum, Pannoniæ Inferioris urbem „ ad confluentem Danubii & Savi ) pervenisset, Joannem Sigismundum Transilvaniæ „ Prin-

„Principem ipsum ibi convenientem, benigne excepit, & splendidis muneribus donavit. Eoque ad sua redeunte, Solimanus Sigethum, seu ut multi scribunt Zygetum, ad Pannoniæ & Croatiae confinia in lacu spatioso situm, atque undique circumfusus paludibus cinctum, & ab una tantum parte continenti conjunctum, denique totius Pannoniæ firmissimum oppidum, in duas partes duplicemque arcem distinctum, aliasque oppugnatum nec expugnatum, jam secundo obsidere deliberans; cum Dravus fluvius superandus esset, præmissis ad Hamsam Quinque ecclesiarum Praefectum mandato, ut pontem superinstrueret, isque re variis locis tentata, ob inundationes, aquarum operam perderet, ac Solimano se per nuncium excusaret: misit ad illum Solimanus linteum, seu mantile Turcicum, in cujus extremitate aureis literis scriptum erat, ut pontem quoque in loco, & quacunque ratione confectum supra Dravum jungeret: qui nisi ad suum adventum extructus esset, ille ipso linteo in ripa fluminis suspendendus esset. Cujus rei timore percussus Hamsa, celerrimè eo ipso momento manum operi omni diligentia admoventes, incolis, militibus, nobilibus adhibitis, nec interdiu nec noctu conquivit, donec duodecim dierum spatio admirandi operis pontem per fluvium, paludes, & stagna in longitudinem unius milliarii, latitudinem quatuordecim cubitorum, deduxit. Tantum potuit certitudo supplicii, quod ei imminerebat. Superato igitur Dravo, Solimanus sextid Augusti ad urbem castra metatus est; in quibus dicebantur esse ducenta armatorum millia, media parte equitum: cum jam prius initio Julii Perthus Bassa ipsius sororis filius, cum aliis copiis Giulam aliam munitissimam civitatem in Transilvaniae finibus obsidione cinxisset.

N. 10. „Maximilianus autem Caesar, pius Princeps, probè sciens vires humanas citra divini Numinis gratiam debiles ac fluxas esse, ante omnia instituit, ut in urbibus & castris ad tintinabuli sonitum omnes in genua procumbentes preces pro communi salute quotidie funderent: omniaque spectacula, lusus, tripudia, & hujusmodi lenocinia, quibus homines ad voluptatem alliciuntur, edicto prohibuit. Tum die 15. Augusti Assumptioni Beatissimæ Virginis sacra, Viennæ Austriæ egressus cum Ferdinando fratre, quem exercitui præfecerat, Javarinum se contulit, habens in castris, vel proximis locis, amplius viginti quinque millia equitum,

„& octoginta peditum, tam ex Germania, Boemia, Hungaria, quam ex Italia, cujus Principes aut ipsi valida subsidia duxerant, aut miserant. Nec deerant voluntarii ex urbe Roma, ceteraque Italia, aliisque provinciis, famâ præsentis Caesaris in castris exiit.

Petrus Bizarus de bello Pannonico. „In ea obsidione (*Sigethina*) ab utrisque multum & fortiter dimicatum est, & variis confectus habitus, - - - gravissimam oppugnationem instituerunt 4. Calend. Septembr. qui dies D. Joannis memoriae dedicatur, & ingentem spem conceperant fore, ut eo tempore victoria potirentur, cum illo ipso die meminissent, Belgradum à Solymanno expugnatum & caesum in acie Ludovicum Regem. Sciebant etiam, Rhodum & Budam eodem die occupatam. Narrant insuper, eos dies, ac ferè totum Augusti mensem, occulto quodam auspicio, non tantum Solymanno, sed etiam Selymo patri olim felicissimum extitisse. Nam eodem mense magnum Hismaelm in Calderania campis, & Campsonem Gaurium, Memphiticum Regem ad Singam devicerat. Quia adeo meminerant, eodem quoque à Bajazete Methonem expugnatam. Et postquam fusi eadem describit, quæ hic ex Spondano compendiosè relata sunt, pergit.

„Ceterum, ut ad Mechmetum revertar, cum is videret, suum Regem (*Solimannum*) obisse, ac Sigethum adhuc frustra obsideri animadverteret, operæ pretium fore censuit, si ejus mors quàm secretissime occultaretur, non modò, ut ea ratione facilius expugnaretur, verum etiam (quod multò pluris intererat) ut Regius thesaurus conservaretur, nullusque (quod in magnorum Regum interitu sæpe accidit) militaris motus, ac defectio exoriretur, atque, ut interim novus Sultanus Selymus supremam paterni solii dignitatem quietè susciperet. Statim itaque Byzantium, certos ac fideles nuntios legavit, qui præsidem illius urbis, de rebus omnibus edoceren, quidque fieri oporteret, diligenter ac celerrimè indicarent. Cum autem reliqui purpurati, & alarum centuriones, ac inprimis prætoriani, magna sui Principis videndi cupiditate incenderentur, nec parva suspicio illorum animis hæreret, illud è vita excessisse, jamque res propè ad seditionem spectare videretur, is protinus demortui cadaver solito habitu ornari jussit, eoque in sublimi sella posito, illud intra prætorium eis procul ostendit, atque ita callidè aptarat, ut omnes putarent, eum reverà supersitum atque adhuc

humanis esse. Hoc peracto, cum inde egressus, prætorianos milites in concione (ut sit) excitare, atque adhortari vellet, ut oppidi oppugnationem acerrimè urgerent, omnèque lapidem moverent, ut eo tandem potirentur, inter loquendum accidit, ut recens Solimanni obitus animo succurreret, ac doloris magnitudine commotus, vix à lachrymis ac mœrore contineri posset. Cum verò animadverteret, nonnullos submissa voce murmurare, ac ex ejus vultu, & oculis colligere, ac planè credere, Solymannum fatò defunctum esse, is confestim dolo atque astu, animi dolorem scitè ac prudenter dissimulans, his verbis admodum opportunè usus est. Heu, inquit, haud sanè desleo nostri Cæsaris interitum (is enim Dei benignitate, adhuc vitali aura vescitur, jamque omni morbo ac ægritudine liberatus est) at potius miseram, atque acerbam omnium vestrùm conditionem deploro ac ingemisco. Is enim jurejurando affirmavit, se, nisi infra bidui vel tridui spatium hostem deviceritis, in vos omnes atroci, & inaudito mortis genere sæviturum. Hæc verba gravi, & composita oratione prolata, in prætorianorum & reliquorum militum animis, tantam prorsus vim habuere, ut iterum peracri impressione, utramque arcem invadere, ac tandem extremis conatibus expugnare decreverint, etiamsi toties antea illorum cæptis Fortuna invidisset.

M. Samuel Bødina in Historia Sigethi.

Spondanus hic n. 13. „Mortuus est autem Solimanus annò ætatis suæ septuagesimò sextò, Imperii 46., Princeps inter suos pietate, justitià, magnitudine animi, prudentià, continentia, humanitate, ac fide in promissis servandis insignis: qui nisi paternas manus liberorum sanguine, calumniis inductus Roxolanæ conjugis, commaculasset, vix omnino extaret, in quo, præter Christianam Religionem, jure merito reprehendi posset. Tria illi ad summam felicitatem ac votorum cumulum defuisse memorant: nimirum, quòd Viennam Germanici Imperii propugnaculum ac veluti clavem, in potestatem redigere; & Templum Constantinopoli à se stupendi operis inchoatum; & Aqueductus æmulatione Romanorum inceptos, consummare non potuerit: quorum votorum si compotem fortuna ante mortem fecisset, omnium se Regum fortunatissimum existimasset. Cujus juramentum, (si quis & hoc scire aveat) hujusmodi fuisse reperimus: *Juro Deum cali terræ, aulestem; juro Evangelica historia chronographos,*

*viciis quater mille Prophetas lapsos à calo, summumque inter hos nostrum Mahometem; adorandos item Manes avi patrisque, tum hoc sacrum augustissimque meum imperiale caput. In suis autem literis & diplomatibus hujusmodi titulos præponebat; Solimannus Tjaccus, Dei gratià Rex Regum, Dominus dominantium, maximus Imperator Byzantii & Traperandorum: Rex præpotentissimus Persidæ, Arabia, Syria, & Egypti: Dominus Asia & Europa, Princeps Mæchæ, Alepi, Jersolymorum: dominatorque possessorque maris, &c.*

[3.] Megizerus in Annalib. Carinthiæ lib. 12. cap. 4.

Petrus Bizarus de bello Pannonico. „Interim indicta sunt comitia, ad quæ Nobiles Austriaci convocabantur, quo ibi ex communi consilio decerneretur, quod proximò annò fieri oporteret, cum in Pannonia, tum in finibus Transilvaniæ, in quibus subinde bellum inter Cæsarem & Vayvodam intercedebat, in cuius auxilium remanserat Pártus Bassa cum magno Scytharum numero, qui, ut frequentia & multitudo, sic etiam nefaria singularique sævitia, reliquis omnibus anteibant. Nulli sexui, vel ætati parcebant. Infantulos (quod sanè dictum est horribile) disseccatos, & verubus attractos, ad ignem torrebant, & affatos devorabant. Plurimi eorum, carne duntaxat nostrorum, & muliebribus mammillis vescébantur. Ob has itaque pluresque alias causas, publicos Nobilium conventus agi oportebat, in quibus Cæsar proponeret, quæ ad Reipublicæ salutem, & decus pertinerent. Conventus autem Viennensis 4. Cal. Decembris initium habuit. Omnibus hi, quos Ecclesiasticos vocant, & regulis, ac nobilibus viris, qui colloquio intererant, hæc capita proponebantur, videlicet: ut darent subsidium superioris anni, cuius quidem summa erant fere 300000. florenorum, pro alendis equitibus. Ut quicunque centum annuos florenos haberet, equitem aleret, & ditior pro quovis numero centesimo florenum perfolveret. Quoniam autem, etsi Cæsar huic bello interesset, Proceres tamen Austrianos interesse volebat, ab eis mille equites, & quinque peditum cohortes, sibi dari postulabat. Ad hæc volebat, ut quilibet colonus, sex annorum spatio, per sex dies quotannis operæ Viennensi manus admoveat. Provinciales manserunt aliquamdiu pertinaces in his, quæ sibi proponebantur, priusquam aliquid responsi darent, nec sanè quicquam horum concessuri videbantur, nisi priùs Confessionem Augustanam

stanam, quam ipsi summopere expetebant, obtinissent. Id autem Cæsari permol-  
stum erat, cūque ipsi hoc sæpius urgerent, ab eo tandem responsum est, se nullum fidei ac religionis articulum proposuisse. Proinde his tantum petitionibus responderent, nisi iram sui Principis experiri vellent. Quocirca, ne ipsum gravius ad iracundiam provocarent, hos tandem articulos è communi omnium consensu decreverunt, sc. videlicet belli tempore, 138000. florenorum quotannis persoluturos. Item ut quisquis 100. annuos florenos haberet, per menses unum equitem aleret, & qui opulentior esset, plures etiam sumptus impenderet. Ad reliqua itidem postulata, se haudquaquam difficiles

præbuere. Quatenus verò ad novum dogma de religione spectat, cū hanc repul-  
sam inviti audirent, ac denuo apud Cæsarem pro ea instarent, hoc illis ab eo responsum est, videlicet, ut quicumque aliam fidei rationem profiteri vellet, diversam ab ea, quam ipse profiteretur, statim venditis bonis, ex Provincia discederet, atque ita illorum postulatis tandem silentium indictum est.

- |      |                                |
|------|--------------------------------|
| [4.] | Ex literis ejusdem.            |
| [5.] | Ex Autographo ipsius.          |
| [6.] | E literarum monumentis.        |
| [7.] | Ex mandato ipsius Cæsaris.     |
| [8.] | Ex decreto Principis.          |
| [9.] | Ex decreto Imper. in Consilio. |

## Annus Christi MDLXVII. Monasterii CCCCXXIX.

*Pont. Rom.*

Pius V.

*Imp. Rom.*

Maximilianus II.

*Archidux Austriae*

Idem Maximilianus.

*Episcopus Pataviensis*  
Urbanus.

*Abbas Zwettlensis*  
Laurentius.

Interea dum Sigethum capitur, Selymus Constantinopolim profectus à Bostange Imperatoris Praefecto exceptus, omnibusque Imperatori concedentibus officiorum generibus ornatus, solenni ritu Imperator renunciatus est. \* [1.] Ad quem hoc anno Episcopus Agriensis & Christophorus Teuffenbaccensis Liber Baro Constantinopolim missi sunt, ut de pace tractarent, quæ anno sequenti MDLXVIII. inter Imperatorem Maximilianum II. & Sultanum Selymum in octennium constituta est, una ex conditionibus hæc fuit, ut quisque sibi retineret, quæ modò in possessione sua haberet: [2.] quæ pacificatio annis posterioribus prolongata est.

Pius V. Pontifex Maximus primò statim annò sui Pontificatus Romæ impudicas mulieres publicò edictò, populo reclamante, severè proseripsit, sicut & Concilium Tridentinum

concubinariorum antè gravibus poenis adixit. [3.]

Udalricus Abbas S. Crucis memot officii sui nullum fortè in filia subiectum inveniens, Priorem suum P. Laurentium Hengenmüller promovit ad Abbatiam Clara-vallensem, patre natum Michaële Hengenmüllner Monasterii Salemitani in Suevia quondam famulo & ferrè Magistro: qua die autem installatus fuerit, non reperitur, quod tamen ante octavam Junii factum fuisse debuit: ut eruitur ex literis D. Joannis Stephani Leorod Medicinæ Doctoris, D. Laurentio jam Abbati medicinas præscribentis sub dato Viennæ 8. Junii, annò 1567. [4.]

Qui mox alium sibi constituit advocatum Monasterii causarum, unde Jacobus Franckfurter alodiorum Magister nomine Abbatis sui cum Mag. Joanne Pampelio de causis in jure contra Monasterium ortis contractum fecit sub dato Viennæ 6. Junii, annò 1567. [5.]

## ADDITIONES.

\* [1.] Cicarella in Pio V. anno priori, & alii plures.

Oertelius Redivivus in Histot. rerum Hun-

garic. ad annum præcedentem. „ Es war  
„ Selymus mit starcken Tagreyßen in grosser  
„ Eyl gen Griechisch-Weissenburg ankomm-  
bbb bbb „ men,



„men, und durch Schreiben von Mahomet,  
 „dem Vezier Bassa verständiget worden,  
 „weil es alles noch still im Lager, dörrte er  
 „sich nicht weiter mit Reisen bemühen, solte  
 „demnach nur zu Griechisch-Weissenburg  
 „still ligen, und allda seiner Ankunfft mit  
 „dem Kriegs-Volk erwarten. Brach dar-  
 „nach mit dem Lager auff, und nahm mit  
 „sich des Solimanni Leichnam, welchen  
 „noch jedermann lebendig zu seyn vermeynte,  
 „und machte solches auch glaubwürdig  
 „sein Alter und das Podagra, dann er als ein  
 „krancker Mann seine Reiß also anstellte, daß  
 „der Wagen überall zugemacht war, damit  
 „man ihn gar nicht sehen konte. Dem kam  
 „Selymus bis ans Stadt-Thor entgegen, und  
 „hatte einen kleinen Turbant auff, und  
 „schlechte Trauer-Kleyder an, seines Vatters  
 „Leichnam zu holen, welcher aber mit stie-  
 „genden Fahnen, und mit grossen Klang  
 „von Heerpaucken, Trommeten, und also  
 „mit grosser Freud daher geführt worden.

„Als aber Selymus dem Wagen seines  
 „Vatters näher kommen, ist er vom Roß ab-  
 „gestiegen, hat den Wagen auffgethan, und  
 „über seines Vatters Leichnam geweinet. Es  
 „sind auch die andern Obersten zugleich von  
 „ihren Rossen abgestiegen, und haben kleine  
 „Turbant aufgesetzt. Darauff hat man be-  
 „fohlen, daß man alle Fahnlein zur Anzei-  
 „gung des Leyds zur Erden wenden, und die  
 „Schäfte in der Hand behalten solte. Und  
 „das wohl zu verwundern, ist ein solches  
 „Stillschweigen von allen denjenigen, so  
 „gegenwärtig gewesen, erfolgt, daß unter  
 „so vil tausend Menschen von keinem kein  
 „Wort gehört worden.

„Nach diesem Stillschweigen brachte  
 „man Selymo einen weissen Turbant mit köst-  
 „lichen edlen Steinen gezieret, welcher ih-  
 „me aufgesetzt ward, und herrliche Kley-  
 „der, die er anlegte, und verwechselte sol-  
 „chemnach das Roß, welches auch die an-  
 „dern thaten: Hierauff wurde der Wagen

„wiederumb zugemacht, auch neue Fahn-  
 „lein des Käylers mit grossen Frohlocken  
 „auffgerichtet.

„Nachdem aber die Obersten Bassen den  
 „Selymus in Griechisch-Weissenburg be-  
 „gleitet hatten, haben sie nacheinander,  
 „wie einer in seinem Stand dem andern vor-  
 „gieng, dem neuen Käyser alle die Hand ge-  
 „küßet. Darauff bestellte er treffliche Per-  
 „sonen, so hin und wider sein Land guber-  
 „niren und richten solten, und befahl seines  
 „Vatters Leichnam gen Constantinopel zu  
 „führen, damit er in das Grab, das er selbst  
 „ihme bawen lassen, begraben wurde. Für-  
 „nemlich aber befahl er beyden Bassen, Ha-  
 „mat und Ferrat, denselben Leichnam mit  
 „allen Janitscharen und einem grossen Hauf-  
 „fen fürnehmer Kriegs-Leut, sampt dem  
 „Käyserlichen Fahnen dahin zu begleiten.  
 „Er aber verzog mit dem übrigen Kriegs-  
 „Volk, biß er mit besserer Gelegenheit wie-  
 „der nach Constantinopel verreisen möchte.

„Als nun des Solymanni Leichnam gen  
 „Constantinopel kommen, hat man ihn vor  
 „der Stadt, weil die Bassæ nicht wolten zu-  
 „geben, daß man ihn bey der Nacht in die  
 „Stadt führete, ligen lassen, und ward des  
 „Solymanni Töchtern, und des Selymi Wei-  
 „bern und andern Befreundten erlaubt, den  
 „Leichnam, ihrem Gebrauch nach zu bewei-  
 „nen, welcher den andern Tag hernach  
 „stattlich und mit grosser Solennität auff den  
 „Händen zum Grab getragen, und in einer  
 „Krufft, seines Alters 76. Jahr, zur Erden  
 „bestättiget ward. „

Petrus Bizarus de bello Pannonico pag.  
 504.

[2.] Ortelius ubi suprâ hoc anno.  
 Item Petrus Bizarus de bello Pannonico  
 locò cit.

[3.] Ciaconius sub Pio V.  
 Surius annò 1566. in ejus laudibus.

[4. & 5.] E literarum monumentis.

Annus Christi MDLXVIII. Monasterii CCCCXXX.

Pont. Rom.

Pius V.

Imp. Rom.

Maximilianus II.

Archi-Dux Austriae

Idem Maximilianus.

Episcopus Pataviensis  
 Urbanus.

Abbas Zwetlensis  
 Laurentius.

Cæsar Maximilianus hoc eodem an-  
 no mense Augusti Proceribus &  
 nobilitati Austriacæ concessisse dicitur,  
 quod olim denegasse vidimus, liberum

exercitium Confessionis Augustanæ in  
 oppidis, arcibus & pagis eorum; in præ-  
 mium obtentæ ab Ordinibus Austriæ li-  
 berationis ingentis æris alieni, quod ad  
 bellum

bellum Turcicum contraxerat: ea tamen conditione, ut seni utrimque ab ipso Cæsare & Ordinibus delecti, & in his duo ex vetustis Confessionistis è Saxonia evocati, de singulis doctrinæ articulis & Ecclesiasticis ritibus inter se conferrent, ac convenirent. Unde concessionis effectus partim retardatus est, partim labefactatus. Quippe cum audisset Pius Pontifex Maximilianum in eo esse, ut ejusmodi concessionem elargiretur, confestim Cardinalem Commendonum ad eum legavit, ut si in tempore fieri posset id impediret. Scribensque itidem ad Regem Hispaniæ, hortatus est, ut Maximilianum patruelem & fororium suum ab eo facinore, adeo Religioni Catholicæ detrimentofo, & familiæ Austriacæ ignominioso deterreret. Quod & Rex pro sua pietate præstitit, scriptis eo argumento pluribus ad Maximilianum literis. Apud quem denique Legatus adeo suasionibus, minisque & terroribus egit, ut is haud se eam Confessionem vel permisisse, vel permissurum, professus sit: ac Provinciales Austrios, qui ob eam rem frequentes convenerant, vacuos dimiserit: promiseritque se concionatores quosdam hæreticos vicinis è villis expulsurum. Ita namque rem gestam esse, narratur in vita Pii: illumque ea de re humanissimis literis Cæsarem laudasse. \* [1.]

Legati Cæsaris Maximiliani præcedenti anno ad Selymum missi, recedendi copiâ ab eo impetratâ, eandem postea à purpuratis obtinuerunt, brevique mora interjecta, in Pannoniam reversi sunt, indeque Viennam pridie Calendas Junii pervenerunt. His etiam se comitem adjunxit Ebrainus, qui Orator ad Cæsarem mittebatur. [2.]

Laurentio Abbati in Zwetl tunc erant vicini, quorum mentio 7. Aprilis hoc anno habetur, Christophorus de Greifs ad silvas, Cæsareus Consiliarius, & domini in Gmünd loco pignoris possessor: Christophorus Sonderdorffius de Kirchperg ad silvas; Andreas Buechai-

mius in Hainrichstain: Leonardus Newhofer in Poppen: & Casparus Krafft in Meyres, cum quibus undique præfatus Abbas habuit aut lites, raras tamen, aut commissiones. Inter quos etiam numerandus est Joannes Casparus Struno de Schwarzenawe, Hirsbach, & Freydeck. [3.]

Dominium in Cisterstorf tunc possedit Conradus de Pappenheim S. Romani Imperii hæreditarius Marschallus & stipatorum hastiferorum Cæsareus Capitaneus, qui multas cum Monasterio Zwetlensi lites habuit, quarum mentionem inprimis facit Leonardus Stainer Vicarius ibidem sub 3. Aprilis hoc anno: unde Laurentius Abbas ipsi Pappenheimio de rumore inter suos & illius subditos exorto scripsit sub dato 5. Junii, rogans, ut tempestivè remedium asserat, ne majus inde damnum emergat. Vicarius nihilominus rursus Abbati nuntiat subditos Monasterii à Pappenheimio vim passos esse, & petit auxilium sub dato Cisterstorf 28. Octobris, annò 1568. [4.] Propter has lites postmodum coram judice competenti comparandum erat utrique parti, quæ per commissionem tandem sublata fuerunt.

Sigismundus Eberwein Præfectus curiæ nostræ in Weinzierl per literas rogat, sibi suæque uxori vineam unam conferri ad usum respectu damnorum, quæ ex inundatione Danubii anno elapso & præsentī pertulerunt, sub dato Stain 26. Junii, annò 1568. [5.] Ex his colligendum, Danubium jam duobus annis curiæ in Weinzierl damnum attulisse.

Contributio Prælatorum Status annua jam initium acceperat, unde Abbas Mellicensis Urbanus Laurentio Zwetlensi Abbati scribit, quòd illa sit à Prælatis Cæsari promissa. Eundem etiam certiorē facit, quatenus Imp. de Parochiis, beneficiis & feudis suis liberè permiserit Prælatis, absq; tamen animarum curæ diminutione aut detrimento, salva insuper Cæsarea sua contributione prædicta

Bbb bbb 2

dicta manente, ut valeant censum pro majori subsidio & auxilio suæ promissæ contributionis persolvendæ accipere, eoque uti, modò memoratò. Sub dato Mellicii 2. Novembris, annò 1568. [6.]

Hyems hujus anni lupis fertilis fuit, unde Christophorus Sonderdorffus Laurentio Abbati scribit, se venationem propterea instituire, & omnes silvas saltusque suos pervagari velle, ideòque rogare, quatenus unà conjunctis viribus in eam intendere velit, cùm præsertim

luporum copia & rapacitas eousque excreverit, ut non tam jumenta, quàm homines invadant, plurimàque partim suis, partim Monasterii subditis damna jam intulerint. Paratum etiam se offert Abbati, si petierit, ad venationem ipsius retia, canes, venatorem, & homines se submittere velle, ut saltem luporum infestatione hic silvestris tractus purgetur, sub dato Kirchpergæ ad silvas 29. Novembris, annò 1568. [7.]

## ADDITIONES.

\* [1.] Spondanus ad hunc ann. n. 25.  
[2.] Petrus Bizarus locò sæpè cit. ubi ita prolequitur: „Induciæ fuerunt initæ, & peractæ ad spatium octo annorum. Conditiones erant, ut quivis eorum possideret, quod sibi postremò bellò acquisiverat. Ut in hujusmodi induciis contineretur Vayvoda. Item, ut agricolæ, qui annum censum Turcis juxta, & Cæsarianis annumerare consueverant, solis Turcis impostum solverent, cisque solis posthac infervirent. Causæ, quæ tunc Selymum ad pacem incundam cum Cæsare, commoverunt, plurimæ, ac variæ omnino esse possunt: At procul dubio, ea vel præcipua videri potest, ut se videlicet, in suo Imperio, ad quod quidem nuper successerat, commodius, ac tutius præmunit. Nam omnes ferè Arabia, & populi finitimi, ab eo desciscere inceperant, & propterea magnam classem delectis militibus, omnique bellico apparatu instructam exornarat, eamque paulò antè in Syriam legarat, omnibusque Proceribus, eorum regionum, injunxerat, ut exorta dissidia cohiberent, omniàque ad priorem statum reducerent.“

Ortelius Redivivus hoc anno. „Unter an-

„dem Conditionen waren auch diese: daß „ein jeglicher, was er im vergangenen Krieg „erobert, für sich behalten sollte, folches „war Kayser Maximilian ein guter Vortheil, „dann er hatte durch den Herrn von Schwen- „di seine Gränzten dermassen erweitert, daß „sein Gebiet diß und jenseits der Teiß in die „40. Meilen weit und breit sich erstreckete, „in welchem Kreiß der eroberten Landtschaff- „ten, viel Schlösser und gewaltige Vestungen „waren, welche Herr Lazarus von Schwen- „di zum Theil dem Feind abgedrungen und ein- „genommen, zum Theil gebauet, oder zu „bauen angefangen hatte. Er hatte auch „dieselbst ein neue Kammer aufgerichtet, dar- „aus nicht ein geringe Hülfß dem gemeinen „Weesen erfolgte. Deßgleichen Teutsche „Befelchs-Leut über gedachte Vestungen und „Grantz-Häuser auß beweglichen Ursachen „gesetzt und verordnet, in Summa das ganze „Kriegsweesen an den Gränzten in Un- „ter- und Ober-Ungarn in diesem und folgen- „den Jahr mit gutem Rath fürsichtiglich be- „stellen und versehen.“

[3. & 4.] E literarum monumentis.

[5. & 6.] Ex Autographo ipsorum,

[7.] Ex literis ejusdem.

Annus Christi MDLXIX. Monasterii CCCCXXXI.

*Pont. Rom.*  
Pius V.

*Imp. Rom.*  
Maximilianus II.

*Archidux Austriae*  
Idem Maximilianus.

*Episcopus Pataviensis*  
Urbanus.

*Abbas Zweilensis*  
Laurentius.

**P**ontifex Pius cetera quoque religionem spectantia curans, hoc ipso anno constitutione 4. Cal. Martii publicata, Judæos, cùm ob eorum in Reli-

gionem Christianam odium, & insidias in ejus cultores strui solitas; tum verò ob multa usurarum genera, quibus egen-  
tium substantiam usquequaque exina-  
niebant,

niebant, & quòd furum ac latronum receptores atque participes essent; specièque tractandæ rei proprio exercitio convenientis, honestarum mulierum domos ambientes, multas turpissimis leonociniis præcipitarent; quòdque omnium perniciosissimum esset, sortilegiis, incantationibus, magicisque superstitionibus & maleficiis quamplurimos incautos inducerent ad credendum eventura prænuntiari, furta, thesauros, res abditas revelari, multaque præterea cognosci posse, quorum ne investigandorum quidem facultas ulli omnino mortalium esset permessa: his aliisque gravissimis de causis, ab omnibus terris & locis ditionis temporalis Ecclesiæ Romanæ, ejusque subditorum, intra trium mensium spatium penitus excedere iussit; poenâ amissionis omnium bonorum, & perpetuæ servitutis, iis qui elapso eo tempore alicubi reperirentur, infligta: Urbe Roma & civitate Ancona duntaxat exceptis, ad memoriam Passionis Dominicæ in fidelium animis eorum intuitu amplius excitandam; persequendasque cum orientalibus negotiationes, ex quibus nonnulla commoda Reipublicæ oriebantur: cum spe quoque fore ut illi ob proximitatem & noxæ metu à maleficiis temperarent, & Christianorum conversatione ad fidem converterentur. Eodémque anno aliam severissimam constitutionem idem Pontifex contra quoscumque offendentes statum, res & personas officii Inquisitionis, eorumque fautores conscios & complices promulgavit. Poenitentiarie officium reformavit. Casus ac præsumptiones in causis confidentiæ beneficialis, contra quoscumque, etiâque Cardinales declaravit. Aliaque plura ejusmodi valde utilia edixit, quæ videntur in ejus Constitutionibus. \* [1.]

Novum annum lætò epithalamio Achatius de Landaw Baro inchoavit, qui Laurentium Abbatem in Zwetl ad eam solennitatem perquam familiariter invitavit, scribens nuptias suas Cremb-

sii 13. Februarii futuras, qui cum nobili virgine Sophia, nata patre nobili viro Leopoldo Grabnero de Rosenberg & Pottenprunn, Austriæ Inferioris Deputato, ac matre Ehrentrude de Königsberg in Sebenstain & Schönberg matrimonii contractum se inisse significat, sub dato Rapottenstain 6. Januarii, annò 1569. [2.]

Otto Neudeccius misit etiam unum Presbyterum ad Laurentium Abbatem & Joannem Zenonianum Præpositum, Clara-vallenses, de vera & orthodoxa fide examinandum pro Parochia sua in Prandt, cujus collatorem se nominat, applicandum. Sub dato Raftenberg 22. Maji hoc anno. [3.] Ex quibus literis elucet Domini hujus fidei Catholicæ integritas, quæ tunc inter Austriæ nonnullos Proceres labefacta, carnalem doctrinam sequebantur, dum hoc tempore inter Sacerdotes uxoratos ejusmodi puri putique scil. verbi ministri latebant, foris ut oves apparentes, intus lupi rapaces latentes.

Rursum hoc anno in Weinzierl curiæ ibidem sitæ Danubius inundans damno fuit, quod tulit & pertulit, sicut Abbati Laurentio Georgius Bayr scribit, sub dato Crembsii 21. Junii, annò 1569. [4.] Inundationes tales tunc ferme annis singulis contingere. Meminit quoque ejusdem inundationis Georgius Sondorfer Præfectus in Leuben sub 6. Julii, 1569. [5.]

Petierat Laurentius Abbas à vidua Sebastiani Woppingeri Margaretha curiam Rasingensem sibi tradi, vel jus omne suum Monasterio resignare; quæ literis datis id negat, cum non tam marito suo quam sibi dicta curia ad dies vite utriusque à Jacobo Grienwald quondam Abbate ad usumfructum concessa sit, de qua sine causa expelli non possit, nec de ea ipsa cedere spontè velit, sub dato Rasing 28. Junii, annò 1569. [6.] Abbas autem illum contractum per mandatum Cæsaris rescindere voluit, dum adhuc ipsius viduæ maritus viveret, illa

Ccc ccc

tamen

tamen se semper post obitum ejus, qui hoc anno contigit, opposuit: Quæ vidua nobilis erat, sicut se vocat, natam de Lampoding, & se honestè excusat, quòd post tam brevem ex hac vita mariti sui discessum & obitum ejus recentem de secundis nuptiis cogitavit. Sub dato Ratisg 22. Julii, annò 1569. [7.] Quæ cum Matthæo Heibel in Pilgrumhof Præfeto solennem matrimonii contractum inire 11. Septembris decrevit, ad quem dictum Abbatem invitat, unaque scribit, quòd novum fundi librum super curiam conscriptum invenerit, sub

dato Ratisg 6. Septembris hoc anno. [8.]

De Monasterio Monialium ad S. Bernardum scribit Ulricus Abbas S. Crucis Laurentio Abbati, quòd ab Abbatisa dicti Monasterii acceperit scribente, se esse nimis debilem & infirmam, ac proinde etiam viventem se cogitare alteri virgini tradere curam Abbatialem; quare rogare illum, ut aliam submittat. Qui, ait, se Abbatisæ Ypsensi pro virgine Ursula scripturum, ut quamprimum illam ad S. Bernardum dirigat, sub dato Viennæ 21. Octobris, annò 1569. [9.]

## ADDITIONES.

\*[1.] Spondanus hoc anno n. 10.

[2.] Ex Autographo & literis ejusdem.

[3.4.5.] Ex literis eorum.

[6.] E literarum monumentis.

[7. & 8.] Ex literis eorum.

[9.] Ex literis Abbatis S. Crucis.

Annus Christi MDLXX. Monasterii CCCCXXXII.

*Pont. Rom.*

Pius V.

*Imp. Rom.*

Maximilianus II.

*Archi-Dux Austriae*

Idem Maximilianus.

*Episcopus Pataviensis*  
Urbanus.

*Abbas Zwettlensis*  
Laurentius.

**M**aximilianus Imperator à Pio V. Papa & Senatu Veneto, (cui Selymus Turcarum Tyrannus bellum indixerat ob requisitam ab illo Cyprum & denegatam) sollicitatus ad arma capefenda, speciosò titulò recusat, quia cum Selymo in induciis esset, & Germania à Turcis lacessendis maximè abhorreret, armæque tantum inferentibus resistere parata esset. \*[1.] Eodem hoc anno Maximilianus ad Imperialem conventum perficiendum Spiram se confert. Hinc alteram Philippo Hispaniarum, alteram Carolo IX. Galliarum Regibus filias nuptui confert. [2.]

Ad initium anni Danubius aquis ausus tantam glaciei copiam juxta Corneoburgum civitatem eiecit, ut equi aut currus tutò ibi transire non possint. Ita Laurentio Abbati nuntiatur Viennâ 22. Januarii, annò 1570. [3.] Ex quo patet frequens his annis Danubii inundatio.

Præerat tunc Parochiæ Edelbacensi

Sigismundus Kraus scribens Laurentio Abbati rogat pro conferenda sibi Parochia Schoënew juxta promissum, cum audièrit Hectorem ob tumultus suos excitatos, & ideo à Sacellano suo accusatum dimittendum, pro Edelbacensi procuranda alius jam se offert Christophorus Herman dictus, pro quo & ipse intercedit sub dato Edelbach 24. Februarii, annò 1570. [4.]

Ulricus Abbas S. Crucis admonet Laurentium Abbatem de installatione in Abbatisam apud S. Bernardum Ursulæ Ypsensis, & certior petit fieri, an usque ad obitum Abbatisæ illi expectandum sit; quod si ita, nulla erit installatio, quia ipsa non vult expectare, sub dato Viennæ 10. Martii, annò 1570. [5.]

Incepit jam Casparus Krafft in Meyres cum Monasterio litigare ratione Sacelli Ratisgenis & cum Parocho in Windigsteig, sub dato Meyres 29. Martii, annò

annò 1570. [6.] Cujus posterì, hæretici facti, Sacellum dictum planè sui juris facere sibi que appropriare contenderunt, quorum successores Strunones de Schwarzenawe imitatores illorum fuere, quæ lis ultra octuaginta annos duravit, sicut infrà referetur.

Cæsarei Consiliiarii Cameræ Aulicæ à Laurentio Abbate sibi significari petunt, advocatiam quis habeat super colonos in pago Terenberg, ubi pagus hic situs, an Monasterium super advocatia censum acceperit, necne? sub dato Viennæ 17. Aprilis, annò 1570. [7.]

Super hac advocatia Chünringius in Sevelde de Familia Fundatorum Monasterio postmodum excitavit lites, cum quo Abbates jure contendere coacti fuere.

Hoc anno Laurentius Abbas Ulrico Abbati S. Crucis vendidit Monasterii sui grangiam dictam & sitam in Gundramstorf juxta Träskirchen, quod patet ex quadam copia, qua liberat habitantem in eadem subditum suum ab obedientia, qua sibi tenebatur, & tradidit illum Abbati S. Crucis, cui imposterum obediatur, cui dicit dictam suam curiam vendidisse. [8.]

## ADDITIONES.

\* [1.] Spondanus hoc anno n. 7.

[2.] Octavius de Strada in Maximiliano II.

Piespordius sub eodem. „ Elisabetha X.

„ Austriaca. Nata Viennæ, anno 1554. V.

„ Junii. Eodem anno 1570. quo Anna soror

„ Philippo II., ipsa Carolo IX. Francorum

„ Regi nupsit. Illò anno 1574. defunctò in

„ Austriam reverfa Pragæ Templum Omnium

„ Sanctorum: Viennæ Templum & Cœnobium

„ S. Claræ condidit, ubi & reliquum

„ vitæ in summa sanctitate transegit, sic ut

„ etiam in vita miraculò claruerit. Obiit Viennæ 22. Januarii, annò 1592. Sepulta in

„ dicta æde nova D. Claræ. „

„ Spondanus ubi suprà n. 19. „ Ut adstrictiori

„ fœdere (Carolus IX. Rex Gallia) cum Maximiliano Cæsare (à quo & consilia pacis, Germaniæ exemplò, ut erat ipse quietis amans,

„ acceperat) & Philippo Rege conjungere-

„ tur; post pacem initam, uxorem jam sibi

„ antea desponsam accepit ad finem anni Eli-

„ sabetham juniorem filiam Cæsaris, sedecim

„ annorum virginem, vigesimum primum ipse

„ agens. Cujus major soror Anna paulò ante

„ hoc ipso anno ducta fuerat à Philippo

„ quartis nuptiis, non sine plurimorum indignatione, quòd nulla necessitate urgente,

„ nullò manifestò pacis bonò, nulla propa-

„ gandi Imperii spe, sororis suæ filiam (quam

„ quam non sine dispensatione Apostolica)

„ in matrimonium acceperit; malò exemplò,

„ à Rege ad nobilitatem, & ab hac ad ple-

„ bem sensim delabente. „

[3.] Ex literis.

[4.] Ex literis Vicarii hujus.

[5.] Ex literis Abbatis S. Crucis.

[6.] Ex literarum monumentis.

[7.] Ex Autographo ipsorum.

[8.] Ex copia ejusdem.

## Annus Christi MDLXXI. Monasterii CCCCXXXIII.

*Pont. Rom.*

Pius V.

*Imp. Rom.*

Maximilianus II.

*Arcbi-Dux Austriae*

Idem Maximilianus.

*Episcopus Pataviensis*  
Urbanus.

*Abbas Zwetlensis*  
Laurentius.

**H**Oc anno demum summo labore & studio Pontificis, contentionibus omnibus superatis fœdus ( *insertum, Philippum Regem Hispaniarum, & Venetam Rempublicam adversus Turcam & omnes ejus ditiones* ) conclusum est decimo tertio Cal. Junii; & quinto post die in Consistorio publico, & solemniter

jurisjurandi religione confirmatum, ac subinde in Basilica S. Petri Missarum sacris ritu solemniter celebratis promulgatum ingenti omnium lætitia: & tum ad gratias Deo agendas, tum ad celestem opem implorandam in urbe Pius triduanas supplicationes, quibus ipse de more pedes interfuit, & amplissimi

Ccc ccc 2

num

mun per orbem Jubilæum indixit.

\* [1.]

Vigesimali sextâ Augusti Carolus Archidux Austriæ (germanus regnantis Augusti Maximiliani) cum Serenissimi Principis Alberti Baviaræ Ducis filia Maria Viennæ nuptias celebrat: [2.] Septimâ verò Octobris foederis Christiani classis juxta Naupaetum Turcarum exercitum navali prælio delevit, & inauditam victoriam reportavit: [3.] Item Joannes Waywoda Transilvaniæ, qui multorum malorum & turbarum causa in Ungaria exiit, sine prole diem suum obiit. [4.]

Petit Dominus Ulricus Abbas S. Crucis à Laurentio Abbate Zwetlensi sibi

significari, an suos subditos in Haslach unâ cum villæ judicio sibi vendere velit, sub dato in Molendino ad Wülfersdorf 12. Junii, annò 1571. [5.] Ex his literis colligitur, judicium villæ seu pagi in Haslach ad Monasterium spectasse; & spectare.

In Parochiis Monasterii hoc anno Vicarii nominantur sequentes, nimirum in Cisterstorf Leonardus Stainer; in Windigsteig Michael Knab; in Schweickers Josephus; in Waltenstain Bartholomæus; in Schoënew Sigismundus Kraus, & in Edelbach Christophorus Herman, qui suas Abbati Laurentio pro hoc anno pensiones solverunt. [6.]

## ADDITIOES.

\* [1.] Spondanus hic n. 2. ad finem.

[2.] Continuatio Catalogi Ederiani ad hunc annum.

Piespordius sub Ferdinando I. „ Carolus IX. Austriacus, Dux Stiria, Carinthia, Carniola, Goritzia Comes, natus Viennæ annò 1540. 3. Julii. Uxorem ducit Mariam ex sorore Anna neptem, Alberti Baviaræ Ducis filiam, Guilielmi, & Ernesti Coloniensis sororem Viennæ - - Septembris, annò 1571. „

„ Othavius de Strada sub Ferdinando I. „ Maria uxor Caroli Archiducis Austriæ, filia Alberti Ducis Baviaræ. - - Nuptiæ Viennæ Austriæ celebratæ sunt, annò Domini - - mense Septembri. „

[3.] Catalogus suprà relatus.

Sunus hoc anno.

Cicarella in Pio V.

Ciaconius sub eodem. „ Solimano ac deinde Selimo ejus filio, Turcarum Imperatoribus Cyprum expugnare tentantibus (quam Selimus victor occupavit) cum Hispania Rege & Veneto Senatu foedus inire „ Pius inceperat, quo peracto, & promulgato annò 1571. (summo pugnae Navalis Duce Joanne de Austria, Philippi 2. fratris creatore) Pontificiæ classis Marcus Antonius Columna à Pio V. præficitur. Hanc navalem expeditionem solemniter ritu, navibus, ac militibus lustratis, Pontifex sacris benedictionibus est prosecutus, militibusque pecuniam distribuens, hisce verbis eos alacriter hortatus est: *Ite victoriam relaturi, si spes in Christo habueritis.* Ergo nonis Octobris ejus-

dem anni, commissis utrinque viribus, incredibili pertinacia, per horas quinque ad Naupaetum pugnatum fuit, & faventibus Superis, victoria Christianis cessit. In hoc prælio triginta duo millia Turcarum, multi Duces, provinciarumque Præsides occubuerunt. Ex nostris autem supra sexcentos quinquaginta homines, septem millia decerata, & captivorum 15. millia redempta sunt. Post hæc, in urbem M. Antonium redeuntem magnâ lætitiâ & triumphî pompâ Romanus populus excepit. „

Spondanus cit. locò n. 15. & 18. „ De prælii porro utrimque ordine & dispositione, acerrimæque ipsa pugna, facta Nonis Octobris, quæ dies in Dominicam incidebat; ac bellicis facinoribus hinc inde editis, quæ ubertim auctores tractant, (ac præter ceteros quos olim recensuimus, etiam Hieronymus Diedus, qui interfuit, Italicè scribens è Coreyra post victoriam ad M. Ant. Barbarum Bajulum Venetorum Constantinopoli) longumque nimis esset hic recensere, ut sileamus, illud non tacendum, affulisse Christianis non obscure præsentis auxilii divini indicia; cum cæpto certamine horâ circiter meridiana, ventus qui eosque Christianis adversus fuerat, momentò quievit penitus: subindeque exurgens aura lenis ab occasu sumum tormentorum in Turcos detulit: jam quoque sole, transmissa media cœli regione, radiis suis eorum offendente obtutus, qui prius in Christianorum incurrebat oculos. Pugnatum est quatuor tantummodo horis: qua-

rum

„rum spatiò Christiani maximam omnium  
 „quæ in mari post conditum Imperium Ro-  
 „manum extiterint victoriam divinitus con-  
 „secuti sunt. Ad quam consequendam præ-  
 „cipuum momentum sex galeatiæ Venetæ,  
 „à quibus initium pugnæ factum est, attulere,  
 „dum ingenti immanium tormentorum vi à  
 „fronte, à tergo, à latere, in hostem globos  
 „contorquerent. Ut etiam non omitteremus  
 „quod à nonnullis relatum reperimus, Turcos  
 „captivos testatos esse in ipso pugnæ conflictu  
 „vires à se fuisse Christum Dominum & SS.  
 „Apostolos Petrum & Paulum Angelorum  
 „agmine stipatos, strictis gladiis Turcis mi-  
 „nitantes in sublimi aëre stare. Quod etiam  
 „expressum cernitur in pictura prælii deli-  
 „neata in Aula Regia Palatii Vaticani. De-  
 „nique sunt qui scribant, visas eodem tem-  
 „pore fuisse cruces Constantinopoli super  
 „Turcorum Templum in aëre; quibus signifi-  
 „cicaretur, Deum Christianorum solum esse  
 „verum Deum exercituum & victoriarum,  
 „excellensque suam Sedem super omnes alios  
 „collocasse.

N. 20. „Cæsorum verò hostium nume-  
 „rum triginta millium fuisse, multi, ceteri  
 „viginti quinque tantum affirmant: captivo-  
 „rum trium millium & quingentorum, atque  
 „in iis insignes viri viginti quinque. Cuncti  
 „ferè duces certamine perierunt; imprimis  
 „que Halis Bassa Præfectus maris. Perthaus,  
 „expugnata ejus navi, in lembum defiliens  
 „fugâ Naupactum tenuit. Uluzzalis apo-  
 „stata Calaber insignis pirata Algeriæ Pro-  
 „sultanus, (quem Uecchialeme vulgò nomi-  
 „nant) post fortissimum certamen, quo &  
 „prætoriam Melitensem cepit, mox tamen  
 „à ceteris receptam, cum in eo esset ut re-  
 „penitus prostrata undique circumingeretur,  
 „cum triginta navigiis per mediam fœdera-  
 „torum classem impunè evasit; frustrâ eum  
 „insequente Auria, cui parum toto prælio  
 „fortuna arrisisse dicitur, adeo ut non mul-  
 „tum abfuerit quin ejus culpâ res perdita sit.  
 „Captæ fuerunt hostium centum septemdecim  
 „triremes, biremes tredecim: quinquaginta  
 „circiter evaserunt; reliquæ cum navigiis  
 „partim litoribus illis, partim undis absorptæ,  
 „aut flammis absumptæ: Christianorum  
 „verò captivorum, qui in classe Turcorum  
 „detinebantur, quindecim millia in libertatem  
 „vindicta. Qui verò in prælio desiderati sunt  
 „ex fœderatis, numerati fuere septem mille ac sexcenti: quorum pars magna  
 „Veneti, atque in iis multi Patricii; & qui  
 „ceteris eminebat classis Legatus sub Venetio  
 „summo duce Augustinus Barbadicus,

„prudentiâ, fortitudine, ac ceteris animi &  
 „corporis dotibus imperatore dignis præstans.

N. 21. „Ipso pugnæ die, noctæque præcedenti, Romæ Pius Pontifex cum jam claresceret, multò ardentius in preces ad implorandam Dei opem se dedit, idque ipsum per singula collegia ac cœnobita faciendum curavit. Cum verò tempore pugnæ in cubiculo suo cum suis de quibusdam negotiis ageret, illis ex improvviso relictis, fenestram aperuit, oculisque in cœlum sublevis paulisper fixus ita perstitit; ac subinde fenestram claudens adstantibus significavit, non jam tempus negotiandi esse, sed gratias Deo agendi pro victoriâ à Christianis obtentâ. Ubi autem certum ejus nunciū accepit, gratiis solemnibus peractis, ut tantum divinæ clementiæ beneficium Christianus populus perpetuò coleteret, ad honorem Dei ejusque Sanctissimæ Genitricis Virginis Mariæ, cujus potissimum auxilîo tantam victoriam partem esse profitebatur, instituit ut deinceps in perpetuum Nonis Octobris *Commemoratio Sanctæ Mariæ de Victoriâ in Ecclesia* Catholica pie recoleretur: Atque in Litanis ejusdem Virginis inseri voluit: *Auxilium Christianorum, ora pro nobis*: & ut die octavo ejusdem commemorationis celebraretur officium divinum pro omnibus iis qui præliis defuncti fuissent. Quibus & postea Gregorius XIII. ejus successor addidit, ut in ejusdem victoriæ memoriam, in singulis Ecclesiis vel Capellis Rosarii, qualibet prima Dominica mensis Octobris, qua parta est victoriâ, celebretur sollemnis festivitas sub nuncupatione *Rosarii Beatæ Virginis Mariæ* duplici majori officio.

Surius ubi suprà.

[4.] Historia rerum Ungaricarum evulgata per Theodorum de Bry Leodiensem civem, edita Francforti ad Mœnum annò 1556. Annò 1571. Joannes Sigismundus Vaywoda Jazygum, obit absque sobole, nec abfuit suspicio veneni. Illi successit Stephanus Bathori annexa tamen servitute, qua annuatim tributum Sultano penderet. Hic ipse est Bathori ille, qui annò 1575. ex commendatione Sultani in Regem Poloniæ successus est.

Ortelius Redivivus. „Annò 1571. In diesem Jahr starb König Johann, der erstlich Steffan genennt war, welcher, wie vor gemeldet, vil Zwitteracht zwischen der Röm. Kayserl. Majestät und dem Türcken erweckt und gestiftet hatte. Diesem hat Ddd ddd „Steffan



„Steffan Bathori Istwan auf des Türckischen  
 „Kayfers Fürschlag im Reich succedirt, wie  
 „er auch hernach durch den Türcken zu ei-  
 „nem Polnischen König eingesetzt worden.  
 „Dieser wurde dem Caspar Becketz, obwol  
 „der König Johann ihne zu einem Successorn  
 „verordnet, vorgezogen, aus Ursach, daß  
 „ersich in Siebenbürgen unterstanden, Neue-  
 „rung zu machen, derhalben ervon Stephan  
 „Bathori außgetrieben, und hernach, als er  
 „wieder hinein strebte, mit Hülff der Röm.  
 „Kayserl. Majestät abermals daraus geschla-  
 „gen, und in die Flucht gebracht ward. „

Spondanus hic n. 30. „Hoc item anno  
 „Joannes Sigismundus Princeps Transilvaniae,  
 „sive Turcicae societatis, quæ ut plurimum  
 „noxia atque infida esse consuevit, pertæsus,  
 „sive rerum suarum securitati se prospectu-  
 „rum ratus; cum Maximiliano Cæsare pacis  
 „& amicitiae fœdera renovare constituens,  
 „id per Legatos hac inter ceteras conditio-  
 „ne peregit, ut ipse nomini Regio & titulis,  
 „pro quibus & pater ejus & ipse per annos  
 „ferme quinquaginta funestis bellis acerrimè  
 „dimicassent, imposterum cederet, & quod-  
 „cunque aliud præter Regium usurparet: &  
 „econtra Maximilianus eum ut Regibus ortum  
 „Serenissimi Principis titulò cohonestaret.  
 „Cum verò in eo esset ut etiam per affinita-  
 „tis vinculum ductà aliquà ex propinquis Cæ-  
 „saris fœdus confirmaret, post longos & acer-  
 „bissimos intestinorum cruciatus, mortuus est  
 „Albæ postridie Iduum Martiarum, in persi-  
 „dia Ariana, quam amplexus fuerat &c.  
 „Item N. 31. „Periit autem Joannes in  
 „primo flore juventæ, cum alterum & trige-

„simum annum ætatis nondum explevisset;  
 „Christo Deo impium pestiferi dogmatis al-  
 „sertorem, divinaeque suæ gloriæ nefarius  
 „obtreclatorem, immatura morte sublatum,  
 „ad æternas inferorum poenas haud dubiè  
 „detrudente. Cujus cadaver Ariano fune-  
 „ris honore, hoc est tumultuario & enormi,  
 „nec ulla in parte ad morem pristinum &  
 „Christianum, in Templo compositum est  
 „marmoreò sepulchrò. Ita namque ejus  
 „finem descripsit Nicolaus Isthtanfy nobilis  
 „Pannonius in sua de rebus Hungar. Historia.  
 „Subditque, post varias de successore Joanni  
 „eligendo, cum prole careret, consultatio-  
 „nes & disceptationes, publicis suffragiis, &  
 „Selimi commendatione, magnaque popu-  
 „lorum acclamatione, suffectum esse *Stepha-*  
 „*num Bathorium* Somlianium, formæ ac statu-  
 „ræ dignitate, rebûsque domi forisque ge-  
 „stis insignem, fide Catholica conspicuum:  
 „excluso Gaspare Beckefio æquè Ariano,  
 „provinciæ regulo, qui sub Joanne potentissi-  
 „mus Principatum ambebat. Stephanus  
 „mox de sua electione Maximilianum simul  
 „& Selimum certiores reddens, ab iis conse-  
 „stim confirmationem electionis accepit: à  
 „Turco quidem sub conditione tributicon-  
 „sueti, & nè cum exteris Principibus se in-  
 „consulto ullum fœdus icerret: à Cæsare ve-  
 „rò sub secretis pactis cum Joanne nuperimè  
 „initis, ut qui ei successurus esset, ita Cæsari  
 „fide clientelæ obstringeretur, ut tamen ipse  
 „rerum omnium potestate fingeretur, quem  
 „postea visuri sumus Regem Poloniae. „

[5.] Ex Autographo ipsius.

[6.] Ex Indice Abbatis.

Annus Christi MDLXXII. Monasterii CCCCXXXIV.

*Pont. Rom.*  
 Gregorius XIII.

*Imp. Rom.*  
 Maximilianus II.

*Archi-Dux Austria*  
 Idem Maximilianus.

*Episcopus Pataviensis*  
 Urbanus.

*Abbas Zwetlensis*  
 Laurentius.

O Bißt hoc anno Pius V. Calend. Maji  
 Romæ, & ad D. Petrum sepultus  
 fuit. \* [1.] Cui successit Hugo Cardi-  
 nalis è Boncampagnorum familia oriun-  
 dus, nominari voluit Gregorius XIII.  
 [2.] De quo S. Malachias: Medium  
 corpus pilarum. Ipsi enim insignia  
 erant medius draco, Cardinalis creatus  
 à Pio IV. qui pilas in armis gestabat,

Maximilianus Imperator hoc anno

Pofonium cum Imperatrice Maria, Ru-  
 dolpho, Matthia, Maximiliano Juniore  
 & Ernesto filiis descendit, & Rudol-  
 phum in Regem Ungariæ 24. Septembris  
 coronari fecit. [3.]

Curie in Rasing Abbas præfecit  
 unum cellerarium nomine Joannem  
 Stainwendter, qui familiam dirigebat  
 quasi Præfectus domûs, qui scribit Ab-  
 bati, quòd panem & vinum diligenter  
 conservârit, cellariûmque Abbatis seris  
 muni è-

muniērīt, nē ē superiori parte in illud pateret ingressus, ait de vini propinatione sub hædera venalis, mittitque in Monasterium aliquot oves, & etiam post aliquantulum solutos vinitores reliquam, si petatur, pecuniam Abbati vult transmittere. Sub dato Rasing 28. Aprilis, annō 1572. [4.]

Porro Abbas de vitæ testimonio Georgii Sondorfer inquisierat, unde ipsi respondent Domini Joannes David,

Wolfgangus, Ditricus, & Job Harmanus fratres de Trautmanstorf in Tozenberg ad literas ejus 22. hujus datas, quod ipsi pro Georgio Sondorfer se vades interponere nōlunt, qui etiam illis infervierat, nec tamen adhuc de officio suo rationes posuerit, quem ajunt curiam in Rasing accepisse, sub dato Tozenberg 27. Junii, annō 1572. [5.] Hoc notatur ob nomina familiæ de Trautmanstorf.

## ADDITIONES.

\* [1.] Ciaconius in Pio V. „Vix dici potest, quantō gaudiū ex hac victōria (priori anno relata) Pius fuerit cumulatus, qui animō majora concipiens, ut præclara cæpta perficeret, victoriæque prudenter, ac fortiter usus, hostem omnino deprimeret; dum novum & majus fœdus percutere tentat, dolore renum & calculi molestiâ oppressus decubuit. Qui morbo afflētus dicere patienter solebat: *Domine adde ad dolorem, dummodo addas ad patientiam.* Ergo incredibili omnium mœrore Kal. Maji horâ XXII. annō 1572. ætatis suæ LXVIII. & Pontificatūs VII. summus, atque optimus Pontifex, virtutum omnium exemplar, vitæ mortali, non tamen immortalī memoriæ ereptus fuit. Qui in Vaticano sepultus, postea à Sisto V. ad sacram ædem S. Mariæ Majoris in Sacellum ad Præseppe constructum translatus fuit.”

Cicarella sub eodem, cujus laudes ita concludit: „Fuerunt & variæ fabricæ in Palatio Vaticano, aliisque locis, tam in urbe, quàm extra urbem à Pio V. aut novæ constructæ, aut collapsæ reparatæ. In Bosco patria sua insigne Monasterium Fratribus Ordinis S. Dominici ædificari jussit, ac necessariis proventibus dotavit. In cujus Templo sibi ipsi honestam sepulturam cum modesto Epitaphio condidit.

„Quamvis in his magnificis structuris, in expeditione Turcica in Ungariam, in rebus Gallicis & Avenionensibus, in fœdere denique contra Turcas inestimabilem auri vim expenderit, tamen post mortem illius in castro reperta sunt sexcenta ducatorum millia, vel (ut alii dicunt) myrias auri cum dimidia. Non tantū à suis Pontifex hic laudatus est, sed & ab inimicis Turcis, & à sceleratis Hæreticis, quod irrefragabile bonitatis illius argumentum est. *Bonum enim est* (inquit Aristoteles) *quod inimici &*

*„mali hominū laudant: videntur siquidem ferē omnes fateri, quod fatentur vel hostes, vel quī ob aliquam offensionem à nobis alieni esse videntur. Quia res ea usque adeo sit evidens, & exposita oculis, ut illi diffiteri non possunt.”*

Spondanus hic n. 5.

[2.] Idem nuper relati sub Gregorio XIII. inter quos Ciaconius ita: „Pio V. mortuō, altera die post Conclavis ingressum, quæ fuit 3. Idus Martii, annō 1572. Cardinalium 52. accessu, quæ Spiritūs Sancti dicitur electio, magnā omnium lætitiā, & ingenti suarum virtutum expectatione, Maximiliano Secundo Imperatore, Pontifex Maximus (Gregorius XIII.) successit. In ipsa igitur Pentecostes festivitāte, Gregorius, supra gradus Basilicæ Vaticanæ, Cardinalibus, Clero, & populo presentibus, coronatus, pecuniis, quæ in Pontificia coronatione adstanti plebi spargi consueverant, piis locis dari præcepit; quæ summa ad quindecim millia aureorum adscendit. Quibus etiam viginti millia adjecit, pauperibus distribuenda; quæ Conclavistis, ut vocant, dari noluit, quod tam brevi Pontificiæ electionis tempore, parum molestiæ, aut laboris tulissent.”

[3.] Piespor dius sub Rudolpho.

Megizerus Annal. Carinth. lib. 12. cap. 11. fusè ferè per totum.

Ortelius Rediviv. sub hoc anno. „Demach nun das Land Ungarn durch den gemachten Friedstand zu guter Ruh gebracht worden, erwählten die Ungarn, mit Kayser Maximilian Bewilligung und Ubergabung des Königreichs Ungarn, Rudolphum seinen ältesten Sohn, zu einem Ungarischen König, welcher hernach zu Preßburg mit herrlicher Solennität ist gekrönt worden; zu welcher Krönung, der Vatter, Kayser Maximilianus, mit seinem Gemahl und zweyen Söhnen, Matthia und Maximiliano, Ddd ddd 2 „auf

„ auff der Donaw hinab gefahren. Und ob-  
 „ wol ein schöner Raifiger Zeug von den Un-  
 „ garn Ehren halben ihnen entgegen geschickt  
 „ war, wurde er doch widerumb zuruck ge-  
 „ schafft, und seynd sie bey der Nacht, vier  
 „ Tag vor der Krönung erstlich mit Wind-  
 „ lichtern in die Stadt Preßburg ankommen.  
 „ Den andern Tag ist der Bischoff zu Erlaw,  
 „ Antonius Verancius mit vielen Fürsten und  
 „ Bischöffen, sampt dem Raifigen Zeug und  
 „ der Ungarischen Spannschafft Rudolpho,  
 „ bey welchem Ertz-Hertzog Ernst sein Bru-  
 „ der und andere Fürsten gewesen, entgegen  
 „ gezogen, welchen er mit einer schönen,  
 „ jedoch kurzen Oration in aller Ehrerbie-  
 „ tung empfangen, und im Nahmen des gan-  
 „ tzen Königreichs Ihme, als ihrem König  
 „ gehorsam zu seyn, zugesagt. Rudolphus  
 „ versprach wiederumb, er wolte sich also  
 „ verhalten, daß es die Ungarn nicht reuen  
 „ solte, daß sie ihn zum König gewählt hät-  
 „ ten, sintemal er ihme der Unterthanen

„ Wolfahrt und des gantzen Reichs Erwei-  
 „ terung wolte treulich befohlen seyn, und  
 „ männiglich bey ihren Freyheiten bleiben  
 „ lassen. Darnach reyseten sie zu der Stadt,  
 „ und vorher in die 3000. wol geputzter Reu-  
 „ ter, unter welchen etliche über die Har-  
 „ nisch guldene Ketten und andere Zierden,  
 „ etliche auch Bären- und Tiegerthier-Häute  
 „ über hätten. Als sie nun zur Stadt kom-  
 „ men, ist alles Geschütz loß gebrennt wor-  
 „ den. Die Krönung ist in Gegenwart des  
 „ Kaylers, der Kayserin, seiner dreyen Brü-  
 „ der, Ernesti, Matthiæ und Maximiliani,  
 „ Ertz-Hertzogen Ferdinandi und Caroli sei-  
 „ ner Vettern, und eines jungen Hertzogen  
 „ von Cleve, den 25. Septemb. mit großer So-  
 „ lennität und Freuden geschehen, darauß  
 „ etliche zu Rittern geschlagen, und andere  
 „ Ritterspiel, ob es gleich denselben Tag  
 „ zimlich geregnet, seyn geübt worden. „  
 „ [4.] Ex litteris ejusdem Cellerarii.  
 „ [5.] Ex litteris horum Dominorum.

## Annus Christi MDLXXIII. Monasterii CCCCXXXV.

*Pont. Rom.*  
 Gregorius XIII.

*Imp. Rom.*  
 Maximilianus II.

*Archi-Dux Austriæ*  
 Idem Maximilianus.

*Episcopus Pataviensis*  
 Urbanus.

*Abbas Zwetlensis*  
 Laurentius.

**M**axima hujus anni Danubii fuit in-  
 undatio, cujus damna in sola cu-  
 ria Weinzierl Magister ejusdem Engel-  
 hardus Kornstockh eam expertus Lau-  
 rentio Abbati describit, quam curiam  
 ait maximè destructam, & quasi in de-  
 sertum redditam esse &c. enarrantur  
 fusè res destructæ & pessumdatæ. Re-  
 sponsum ergo petit, quid sibi in hoc vel  
 illo sit agendum sub dato in aquosa cu-  
 ria Gneisendorf 28. Januarii, annò  
 1573. \* [1.] Contigit hæc magna  
 Danubii inundatio 13. Januarii, & du-  
 ravit decem diebus continuis, quod pa-  
 tet ex inscriptionibus Cremsensibus civi-  
 tatis, in tribus enim locis sunt laminæ  
 ferreæ litteris altitudinem aquarum, an-  
 num & diem indicantibus affixæ, una in  
 porta civitatis, quæ Viennensis; altera

in porta, quæ infernus nominatur; &  
 tertia in domo cujusdam nautæ angulari  
 non procul ab ista porta sita, & tunc in  
 illa civitatis parte navigiis utendum erat.  
 Et cum dicta inundatio decem diebus  
 duraverit, verè scribit Magister curiæ  
 in Weinzierl, quòd 28. Januarii ad il-  
 lam sibi nec equo, nec curru adhuc de-  
 tur accessus. Quale ergo damnum hæc  
 aquarum copia curiæ dictæ intulerit,  
 præter alia, testes sunt muri destructi  
 & Sacellum desolatum.

Porro Viennæ Abbas Laurentius  
 alium constituit procuratorem ad cau-  
 sas Monasterii agendas Martinum Aig-  
 ner sub 1. Februarii, cujus sicut & Ma-  
 gistri allodiorum Wilhelmi Sondorfer  
 18. Decembris hoc anno adhuc fit men-  
 tio. [2.]

\* [1.] Ex Autographo ipsius Præfæcti curiæ.

[2.] E litterarum monumentis.

Annus

## Ann. Christi MDLXXIV. Monasterii CCCCXXXVI.

*Pont. Rom.*  
Gregorius XIII.

*Imp. Rom.*  
Maximilianus II.

*Archidux Austriae*  
Idem Maximilianus.

*Episcopus Pataviensis*  
Urbanus.

*Abbas Zwettlensis*  
Laurentius.

**H**ENRICUS Rex Poloniae ex familia Ducum Andegavensium, mortuo fratre Carolo Rege Galliarum hoc anno, insciis Polonis noctu summa cum celeritate, ne à Polonis detineretur, aut ex itinere retraheretur, Poloniâ excessit, & citatis equis Venetias venerat, ut deinceps in Galliam rediret, quod regnum illi hæreditario jure post obitum fratris debebatur. Quem Maximilianus Imperator datâ per provincias suas hæreditarias transeundi licentiâ Viennæ Austriae regaliter tractavit, & per eandem liberaliter perduci curavit. \* [1.]

Selymus Turcarum Imperator durante adhuc pace, hoc anno propè lacum Balathonem Ungariam adortus, ultra mille Christianos trucidavit, & opimam admodum prædam avexit, qui circa finem hujus anni Constantinopoli obiit, in cujus locum filius ejus Amurathes successit. [2.] Alius quoque anno præcedenti refert Turcas pacem rupisse primum, nam cum Maximilianus quandam munitionem inter Jaurinum & Albam-Regalem contra perpetuas

Turcarum irruptiones impediendas exstrui curâset, Turcæ finitimi nimirum Bassæ cum viginti quatuor millibus armatorum illam inopinatè invadentes expugnant, laboratores & milites miserè trucidant, molémque terræ funditus destruxerunt. [3.] Hæc erant præludia sub Selymo adhuc vivo belli futuri. Sed cum Amurathe ejus successore rursus in annos octo pax conclusa fuit.

Laurentius Abbas valdè erat valetudinarius, de quo scribitur, quòd ad valetudinem suam curandam 25. Augusti fuerit ad Salubrem-Fontem non procul à Rosenberg Bohemiæ castro in thermis constitutus, cui de Monasterio viſtalia illuc mittebantur, [4.] 6. Septembris adhuc ibi hæsit, unde domum scribit, ut F. Joannes Planck ad Ordines suscipiendos mittatur. Supremus Austriae Inferioris tunc Venator erat Erasmus de Scharfenberg, qui in curia Venatorum (vulgo *Giad*, oder *Jagd-Hof*) ad Gfell oppidum sita, suam habuit residentiam, cujus mentio fit 14. Junii, annò 1574. [5.]

## ADDITIONES.

\* [1.] Neugebauerus Histor. Polonic. lib. 9. hoc anno. „Dum Rex Henricus regnum Poloniae quadrimestre ferè pacificè administrat, moritur interim Carolus nomen Galliae Rex frater: de cujus morte certior factus literis à Regina matre, consilia de regno avito repetendo agitavit: non enim parvæ res hæc erat difficultatis, eò quòd non nesciret, Polonos in abitum ejus non facile consensuros. Primum itaque ad 15. Junii Cracoviæ Proceres convocat, quibus fratris obitum exponit, causasque addit, cur sua in Gallia præsentia sit necessaria: interea se nihil sine Procerum & Ordinum consensu acturum simulans, comitia mense Augusto indicit cupit, in quibus ea de re tra-

„aretur. Responder Senatus, Regi tunc præsens, dolere sibi fratris obitum, ceterum se sine regni totius approbatione de Regis discessu nil decernere posse. Orare igitur se, Rex comitiorum sententiam haud ægrè expectet, nec interea novi quid moliantur. Interim Rex clanculum mittit, qui fidem publicam à Maximiliano Imperatore peteret, quam haud difficulter obtinuit. Paulò post Belleræus, cui omnis de professione cura erat à matre demandata, Senatui valedicit, sibi in Galliam necessariam ob causam eundem, qui magnam Regiæ suppellectilis partem secum asportasse dicebatur. Postridie Rex adversam causatus valetudinem solito maturius se fomno committit. „Ecc ecc „ponit,

„ponit, & nocte intempeſta mandatò Regis  
 „porta arcis aperitur, ipſeque peregrini No-  
 „bilis habitu egreſſus, paucis comitatus, ci-  
 „tatis equis magniſque itineribus Plezinam  
 „primùm Sileſiæ oppidum pervenit. Manè  
 „ſummus in urbe tumultus: undique Poloni  
 „concurrere ad Regem inſequendum. Ac  
 „quamvis ab una turma, quam Tencinius  
 „Caſtellanus Voinicenſis regni Succamera-  
 „rius ducebat, anteverſus eſſet: tamen quia  
 „Aultriæ fines ingreſſus erat, ex itinere re-  
 „trahi non potuit. Plezinà itaque ſtatim  
 „poſt ſiceræ atque aquæ hauſtum diſpoſitis  
 „equis Veſcovium deſertur, atque inde Vi-  
 „ennam, ubi perhumaniter à Maximiliano  
 „Cæſare exceptus. Ex Aultria ſtatim literas  
 „dat ad Senatum Venetum, Ferrarienſem,  
 „Sabaudum, aliquotque Italiæ Principes,  
 „quibus ſignificat, ſe in Galliam redeuntem  
 „cupere per ipſorum ditiones iter inſtituere.  
 „Placuit Principibus, paratûrque ſtatim ad  
 „eum excipiendum certatim univerſa Italia ad  
 „omnem magnificentiam effuſa.”

Cicarella in vita Gregorii XIII. Papæ.

Megizerus lib. 12. cap. 13. „Zu Wienn  
 „ward König Heinrich von Kayſ. Maj. gar  
 „herrlich empfangen, und demnach allent-  
 „halben durch gantz Oeſterreich koſtfrey ge-  
 „halten, welches darumb beſchehen, dan der  
 „verſtorbene König Carl in Franckreich hette  
 „das Durchleuchtigſte Fräulein Eliſabeth  
 „des Keyſers Maximiliani II. Tochter zu ei-  
 „nem Ehegemahl gehabt &c.”

Catalogus Rectorum Viennensium ſuprà  
 ad ann. 71. relatus, anno præcedenti.

Spondanus hic n. 6. & 7.

[2.] Hiſtoria Pannoniæ hoc anno ſub  
 Amurathe.

Ortelius Redivivus ad hunc ann.

[3.] Megizerus lib. 12. cap. 12.

Ortelius ad annum 1572. inibi à nobis ſub  
 n. 3. relatus ita proſequitur: „Da nun diſes  
 „alles geſchehen, und der Friedſtand, den  
 „Kayſer Maximilian mit dem Türcken ge-  
 „ſchloſſen, zu halber Zeit verloſſen, haben  
 „die Türcken mit Streiffen umb groſſe Beut  
 „zu holen ſich nicht lang geſäumet, mit dem  
 „Fürwenden, daß der gemachte Anſtand,  
 „weil K. Maximilian das Königreich einem  
 „andern hätte übergeben, nunmehr durch  
 „ſolches krafftlos und aufgehoben wäre, dar-  
 „umb König Rudolphus zwifchen Raab und  
 „Stuhlweiſſenburg eine Veſtung zu bawen  
 „anſeinge, dem Feind das Streiffen zu weh-  
 „ren, welche aber von den Türcken wide-  
 „rumb zerſchleiff, und das Geſchütz da-  
 „ſelbſt abgenommen und hinweg geführt  
 „ward. Da nun König Rudolphus ſich deſſen  
 „bey Sultan Selymo beklagte, auch mit Für-  
 „wendung, daß ſolches unter dem Friedſtand,  
 „und ehe dann ein rechtmäßiger Krieg an-  
 „gekündet worden, geſchähe, darneben auch  
 „ſein geraubtes Gut ihm wieder zuzustellen  
 „begehrte: ward ihm ſolches nicht allein  
 „abgeſchlagen, ſondern wo er weiter dar-  
 „umb wurde anſuchen, noch dazu getro-  
 „het. Darauf K. Rudolphus eine Legation  
 „gen Conſtantinopel mit Sultan Selymo ei-  
 „nen Stillſtand zu werben abfertigte. Wel-  
 „che aber lang allda aufgehalten wurde, und  
 „zu keiner rechten Audientz kommen konnte.”

[4.] Ex Indice quodam.

[5.] E literarum monumentis.

## Ann. Chriſti MDLXXV. Monasterii CCCCXXXVII.

<i>Pont. Rom.</i>	<i>Imp. Rom.</i>	<i>Archi-Dux Aultriæ</i>
Gregorius XIII.	Maximilianus II.	Idem Maximilianus.
<i>Episcopus Pataviensis</i>	<i>Abbas Zwetlensis</i>	
Urbanus.	Laurentius.	

**S**ummus Pontifex hoc anno Jubilæum  
 Romæ generale celebravit, unde  
 magnus hominum concursus Romanum  
 factus eſt, in quo Gregorius ſuam in pe-  
 regrinos liberalitatem demonſtravit.

\* [1.]

Regnò Poloniæ Rege ſuo deſtitutò,  
 Ordines ejusdem in electione alterius  
 non poterant convenire, nam ejusdem  
 regni multi competitorum erant, affecta-

bat enim hoc Maximilianus II. Imp. Er-  
 neſtus ejus filius, Ferdinandus frater  
 Archi-Dux Aultriæ Tirolenſis, Joannes  
 III. Rex Sueciæ, Sigismundus ejus filius,  
 Stephanus Bathoræus Tranſilvaniæ  
 Princeps, Alphonſus Dux Ferrariæ, &  
 Joannes Baſilides magnus Dux Moſco-  
 viæ. Tandem poſt longam diſcepta-  
 tionem Jacobus Archi-Epiſcopus Gnes-  
 nenſis cum multis Senatoribus in loco  
 pu-

publico consueto 12. Decembris hoc anno Maximilianum Rom. Imp. Poloniæ Regem renuntiavit. Altera Senatûs pars hoc indignè ferens post biduum elegit infantem Annam è Regali & antiqua Jagellonum familia oriundam, ut ipsa esset Regina Poloniæ ea conditione, ut nuberet Stephano Barthoræo Transilvaniæ Principi; qui cùm illam duxisset, confestim pro Rege Poloniæ electo & confirmato haberetur. Hinc graves tumultus exorti, sed mox sopiti. [2.] Maximilianus autem Stephano bellum movisset, nisi anno sequenti ipsum mors rapuisset. Post cujus obitum corona Poloniæ mansit Stephano præmemorato. [3.]

Interea Maximilianus Imp. cum variis morbis confliçans, nè Imperii negotiis deesse videretur, comitia Ratisbonæ hoc anno indixit, in quibus de mediis Turcæ resistendi, si Ungariam invaderet, actum, atque etiam de adiutore Imperii sibi semper infirmo asciscendo, in quod ultimum petitus Electores Imperii protinus consenserunt, & in Romanorum Regem Rudolphum ejus nominis II. Ungariæ & Bohemiæ Regem elegerunt, addideruntque, ut Imperatore defuncto pater ille mox Imperator confirmatus esse debeat, quod & postmodum factum. [4.]

Venio ad Monasterium Zwetlense, cujus Abbas Laurentius scribit Wolfgango Tonrâdl de Terenberg & Rechberg, exprobrans illi quandam violentiam sibi exhibitam, dum nimirum in fundo Monasterii sui, qui ante Cremsbium situs, campus latè patens Zwetlensis dicitur, agrum unum excoli conetur, aliòsque dicto in campo in cultura tam vinearum quàm agrorum, quibus à se concessum esse ait, impediatur: neque tamen se in libro fundi, sicut Engelhardo Kornstock Magistro curiæ in Weinzierl ipsum propterea alloquente promiserat, hæcenus inscribi de more provinciæ hujus postulasset &c. Sub dato in Monasterio Zwetl 23. Februarii, annò 1575. [5.] Sciendum, quòd ille latè patens campus ante Cremsbium situs vulgò vocetur Zwetler, Daidt / & olim silva fuerat, ab Hadmaro II. Chünringio Fundatore Secundo Monasterio Zwetlensi cum aliis multis fundata, nunc autem excisa silvâ ibidem & agri & vineæ de novo construuntur, de quibus utique servitia in nummis, decimæ de agris, sicut & de vineis cum jure montis Monasterium inde capere valet, quod ille Tonrâdl denegavit, & ad se illam jurisdictionem attrahere studebat.

## ADDITIONES.

\* [1.] Ciaconius & Cicarella in Gregorio XIII.

Spondanus hoc anno n. 1. „ Roma occasione Jubilæi, cujus initium posuimus in fine „ anni superioris, tanta exterorum multitudi- „ ne ex omnibus Europæ provinciis frequentata extitit, ut centena millia toto „ penè ejus tempore fuerint numerata: in quibus etiam multi Æthiopes, Arabes, Armeni, „ Græci, aliique Orientales populi. Gregorius ipse Pontifex quatuor Basilicas visitationi destinatas sæpius lustravit: Scalam sanctam de geniculis, ut moris est, consecravit, providit ut urbs annonâ abundaret, ædes Pontificiæ exteris paterent, egen- „ tes largitionibus juvarentur. - - - „ Quæ verò præterea circa Jubilæum contigerint hoc anno in urbe, describit singillatim Viçtorellus in commentario,

„ quem omnium novissimè conscripsit de „ bilæis. Ubi etiam præclara religionis & „ hospitalitatis opera à plurimis Magnatibus, „ & diversis Congregationibus exhibita reperiuntur: adeo ut in uno Xenodochio Sanctissimæ Trinitatis, à die Natalis vigesimo „ quinto Decembris superioris anni ad Pen- „ tecosten præsentis 22. Maji, quinque mensium spatiò excepti hospitio fuerint, & „ honestè aliquot diebus resecti, 96848. „ peregrini, præter reliquum anni tempus. „ Illudque insuper notatione dignissimum, „ contigit, ut quamvis per multas Italiæ civitates, totaque Sicilia, gravissima pestilentia grassaretur, nec deesset qui ex iis „ in urbem ad Jubilæum accederent; nulla tamen ejus morbi infectio in urbe, divini providentiæ eam protegente, cognita „ fuerit. „

Eccccc 2

[2. & 3.]

[2. & 3.] Neugebauerus lib. 9. Hist. Polon. hoc anno.

Cicarella ubi supra.

Ostavius de Strada in Maximiliano II.

Spondanus cit. locò n. VIII. „ In Polonia inter hæc convenientibus Stenziciæ regni Ordinibus, sicut anno superiori deliberatum vidimus; cum Rex Henricus ad diem ei significatum non adfuisset, & Pibracius ab eo ad jus suum sustinendum missus, variis impedimentis in itinere detentus, adesse tempori non potuisset; denique ipsi Poloni præmissis à Pibracio literis, parum, utpote ad Regis abdicationem proniores, moti fuissent: die decimo quinto Julii decretò publicò declaratum fuit, Henricum regnò excidisse; jàmque interregnum esse, non aliter quàm si is vitâ functus esset. Indictisque ad Calendas Decembris Varavia comitiis novo Regi creando; rejectis ceteris competitoribus, qui multi erant (videlicet Maximilianus Cæsar, Joannes Rex Suetiæ, Alfonso Dux Ferrariensis, Joannes Basilii Magnus Moscorum Dux) à maxima Senatorum parte *Maximilianus* electus fuit, & per Archi-Episcopum Gnesnensem proclamatus decimo quintò Decembris. Sed huic proclamationi, ut loco & more non factæ, reclamantes multi præcipui Proceres cum maxima parte nobilitatis, & Regem ex genere ac sanguine Polono deligendum censentes, nec tamen de certo ob æmulationes convenientes; mediâ inita viâ, *Annam* Sigismundi Augusti sororem virginem circiter quadragenariam, pietate, religione, aliisque virtutibus ornatam, Reginam constituerunt; eique Stephanum Bathorium Transilvaniæ Principem (ab Amurate Turcorum Imperatore, cum absoluta ceterorum omnium exterorum exclusione, etiam commendatum) maritum destinârunt, ac proclamârunt. Missisque ab utraque parte ad alterius electum, qui dehortarentur à regno alteri legitime collato adeundo; pariterque Legatis aliis ab unaquaque ad suum

electum, ad ejus adventum accelerandum priusquam adversarius adveniret, cum in eo res esse videretur ut regnum primo occupanti cederet; dum Maximilianus cunctaretur conditiones electioni appositæ confirmare, novæque consilia pro electione Ernesti filii proponeret; ac propterea multis hinc inde itationibus & scriptionibus tempore inutiliter pertracto, *Stephanum* conditionibus omnibus facile admissis, relicta Transilvania fratri suo Christophoro, ipse sese cœlesti itineri tradens, in Poloniam pervenit: & Anna uxore ducta, Cracoviæ Calendis Maji anni proximi Rex Poloniæ inauguratus est. Ad quam injuriam ulciscendam, suamque electionem tuendam Maximilianus, serius fuz tarditatis pœnitens, arma parare cœpit.

[4.] Megizerus Annal. Carinth. lib. 12. c. 15.

Ostavius de Strada sub Maximiliano II. & Rudolpho II.

Piespordius in utroque Imp. & alii.

Ortelius Redivivus hoc anno.

Continuatio Catalogi Rectorum Viennensium hoc anno. „ 17. Julii Rudolphus II.

vivo parente electus Rom. Imp. comitatu Procerum aulicorum & Provincialium stipatus, unâ cum fratribus Matthiâ & Maximiliano Archid. eques Viennam ingressus est, cui strictum enslem prætulit Conradus Baro de Pappenheim Imperii hæredit: Marschallus, arcus triumphalis ad rubeam urbis portam erectus, & ibidem à Senatu Vien. acceptus, sub umbella usque ad portam Cæmiterii D. Stephani deductus, ubi equo descendens Imperator à Rectore Universitatis sub alia umbella in Templum introducit. Joannes Marbius mirabili quadam inventionem Aquilæ automaton consecerat, quod certis organis suis latentibus instructum de turri S. Stephani avolando in umbella supra caput D. Rudolphi Imp. ad stuporem omnium conquivit.

[5.] E literarum monumentis.

## An. Christi MDLXXVI. Monasterii CCCCXXXVIII.

*Pont. Rom.*  
Gregorius XIII.

*Imp. Rom.*  
Maximilianus II.

*Archi-Dux Austriae*  
Idem Maximilianus.

*Episcopus Pataviensis*  
Urbanus.

*Abbas Zwetlensis*  
Laurentius.

**H**oc anno dum Maximilianus II. Imp. exercitum ad bellum Polonis inferendum, ejiciendūque Batho-

ræum parat, 12. Octobris in conventu Ratisbonensi, præmissa Rudolphi II. coronatione, cum supervixisset annum quin-

quinquagesimum, vitam cum morte commutavit, cujus corpus post aliquot menses solenni cum pompa Pragam translatum, prope parentem sepultum fuit. Cui protinus Rudolphus II. in Imperio successit, qui cum Amurathe Turcarum Imperatore à Persarum Rege bellò impetito pacem per octo annos temporariam confecit. \* [1.]

Pro Monasterio suo Zwetlensi sollicitus Laurentius Abbas fieri curavit ex

ferro loricas sex cum manicis suis pro equitibus, quos Imperator Maximilianus contra Stephanum Bathorem conscripserat, muniendis, quas ipsi faber loricarum civis in Bavaria Landshuttanus, quamlibet pro 12. florenis æstimatam miserat sub dato Landshuttæ 19. Martii, annò 1576. [2.] Quæ lorica ex parte adhuc supersunt, nam obitus Imperatoris bellum illud sopivit.

## ADDITIONES.

\* [1.] Piespordius in Maximiliano II. & Rudolpho II.  
Octavius de Strada in iisdem.

Megizerus in Annal. Carinth. lib. 12. c. 15.  
Neugebauerus lib. 9. hoc anno.  
[2.] E literarum monumentis.

An. Christi MDLXXVII. Monasterii CCCXXXIX.

*Pont. Rom.*  
Gregorius XIII.

*Imp. Rom.*  
Rudolphus II.

*Archi-Dux Austriae*  
Ernestus.

*Episcopus Pataviensis*  
Urbanus.

*Abbas Zwetlensis*  
Laurentius.

**R**udolphus II. ab obitu patris in Imperio confirmatus suam in Regia arce Pragensi residentiam posuit, atque fratri suo Ernesto Archi-Duci Ungariam & Austriam vicario nomine regendam commisit, usque dum ab Hispaniarum Rege in Belgarum Principem declaratus esset, qui Austriam eousque fermè per septemdecim annos rexit. \* [1.]

Demum Laurentius Abbas in Zwetl post multos exantlatos labores & continuum cum morbis conflictum decimò quintò Calendas Decembris, id est, 17. Novembris ex hac vita migravit, sepultus vigesima tertià Novembris, funus ducente Præposito de S. Dorothea, & illud comitantibus quodam Doctore de Vienna cum quinque famulis eorum, item Plebanis vicinis, Præposito Clara-Vallensi, qui suos adduxerat cantores cum aliis plurimis civibus & subditis.

[2.] Bonus Pater ætatis annos habebat quadraginta duos, semper valetudinarius ad finem usque, ut sæpe thermis uti cogebatur: decem annis Abbas fuit, mense Junio Annò MDLXVII. installatus, atque hoc anno 17. Novembris mortuus. [3.] De cujus obitu ita ad ejus genuinam pictam imaginem versus sonant:

„ Præfuit hic Claustro decem Laurentius annis,  
„ Tunc Superis cessit terris populisque relictis,  
„ Plurima quem pictas, & clavis inclyta facis  
„ Gloria, quem laudat pariter nunc vivida virtus,  
„ Iste etenim reliquos memores, oculisque reliquit,  
„ Qui minus ut mitram peteret, mors causa retardans. [4.]

## ADDITIONES.

\* [1.] Piespordius in Ernesto II.  
[2.] E literarum monumentis & Cellerii rationibus & Indice.

[3.] Recentior Abbatum Zwetlensium Catalogus.  
[4.] Ex prototypo ejusdem.  
fff fff

INCL.



## INCIDENS.

Histor. Rerum Ungaricar. „ Annò 1577.  
 „ in Novembri Begus Villacentis urbem Sixo,  
 „ quæ in Superiori Pannonia est, dum mer-  
 „ catus annuus celebraretur, improvisò ob-  
 „ ruebat, & inermes illos cimeterris dissecans  
 „ bona eorum diripiebat, bis mille ex  
 „ iis copulatos, equorum instar secum abdu-  
 „ cens dum ad suos retrocederet, nostri eum  
 „ persecuti sunt, & ope Ungarorum rusticano-  
 „ rum captivos ipsi eripuerunt; multos etiam  
 „ primarios Turcarum partim occiderunt, par-  
 „ tim captivos abduxerunt, domum reverfi  
 „ sunt prædâ onusti. „

Item Ortelius ad hunc annum addens se-  
 quentia: „ Eben dis Jahr schickte der Bassa  
 „ von Ofen, aus Geheis und Befelch des Ty-  
 „ rannen Amurathis, 100. Centner Pulver gen  
 „ Temeswar, als nun solches der Beglerbeeg  
 „ daselbst auff das Schlos tragen lassen, ist

„ unversehens Feuer in das Pulver kommen,  
 „ so das Schlos, Stadt, und Mauren in Grund  
 „ verderbt, zersprengt und zerrissen. Ein  
 „ gleiches Unglück betraff auch die Stadt Can-  
 „ nisch, als der Donner vom Himmel herab  
 „ in den Pulver-Thurn geschlagen, und sampt  
 „ demselben bey 300. Menschen unter denen  
 „ auch den Obersten sampt Weib und Kind  
 „ auch seinen Eyden zerschmettert, und jäm-  
 „ merlich durchs Feuer hingerichtet. Wie  
 „ auch gleiches falls dieser Zeit die Ungari-  
 „ sche Hauptstadt Ofen grossen Schaden vom  
 „ Wetter erlitten. „

Continuatio Catalogi Ederiani hoc an-  
 no. „ 9. Julii nascitur Græcii Tauriscorum  
 „ Ferdinandus Caroli primus filius, postea  
 „ dictus hujus nominis Secundus Romano-  
 „ rum Imperator, cujus memoria ob litera-  
 „ torum amorem sit in perpetua Dei benedi-  
 „ ctione. „

## Annus Christi MDLXXVIII. Monasterii CCCCXL.

*Pont. Rom.*  
 Gregorius XIII.

*Imp. Rom.*  
 Rudolphus II.

*Archi-Dux Austriae*  
 Ernestus.

*Episcopus Pataviensis*  
 Urbanus.

*Abbatia Zwetlensis*  
 Vacat.

**H**Oc anno mortuus est Joannes Au-  
 strius ætatis suæ trigessimò secun-  
 dò annò, eo ipso die, quem ille ob Le-  
 pantinam & Tunetanam victorias, fe-  
 ctum agere consueverat. Cui exequiæ  
 ingenti pompa celebratæ fuere; & cor-  
 pus in majus Namurci Templum depor-  
 tatum; atque inde post sacra peracta in  
 Hispaniam delatum, & juxta Caroli V.  
 patris ejus monumentum in Scuriali  
 Monasterio postea conditum. \* [1.]

Dum Zwetlensis vacaret Abbatia,  
 fermè etiam nihil ex literis memorabile  
 erui potest, hoc invenitur, quòd 15.  
 Martii Commissarii Cæsarei in Monaste-  
 rium venerint, qui nominantur Domi-  
 nus Oexel & Proy. [2.] Quòd au-  
 tem alterius Abbatis electio tam diu pro-  
 rogabatur, nullam aliam causam inter-  
 venisse existimo, quàm Cæsaris absen-  
 tiam, qui Pragæ residebat.

\* [1.] Spondanus n. 1. hoc anno.

[2.] E literarum monumentis.

## Annus Christi MDLXXIX. Monasterii CCCCXLI.

*Pont. Rom.*  
 Gregorius XIII.

*Imp. Rom.*  
 Rudolphus II.

*Archi-Dux Austriae*  
 Ernestus.

*Episcopus Pataviensis*  
 Urbanus.

*Abbatia Zwetlensis*  
 Vacat.

**M**Entio adhuc habetur P. Marci tan-  
 quam Monasterii Zwetlensis Ad-  
 ministratoris, in primis 30. Martii, de-  
 inde 25. Aprilis. \* [1.] Item à Josaphat

Isperer de Gerestorf curiæ Campi-lilien-  
 sis inter vinitores ante Cremsium Præ-  
 secto ratione colonorum in Kiebach  
 Campi-lilienium sub dato Weinziel  
 5. Maji,

5. Maji, annò 1579. [2.] Tandem Joannes Jacobus à Greifs in Wald scribit Marco Priori & Administratori propter quandam lustrationem in Schweickers suscipiendam in causa injuriarum coloni sui ibidem habitantis sub dato Gmünd

23. Julii, annò 1579. [3.] Ex his alatis testimoniis patet, P. Marcum Priorem adhuc Monasterii administrationem habuisse. Quamdiu autem illam habuerit, brevè patebit.

## ADDITIONES.

\* [1.] E literarum monumentis.  
[2. & 3.] Ex Autographis ipsorum,  
Ortelius. „ Annò 1579. Ertz-Hertzog  
„ Carl von Oesterreich, bauete in diesem Jahr

„ die neue Vestung Carlstadt, da vorhin der  
„ Fleck Dabratz gelegen, dem Türcken das  
„ Streiffen dardurch zu benennen. „

### Annus Christi MDLXXX. Monasterii CCCCXLII.

*Pont. Rom.*  
Gregorius XIII.

*Imp. Rom.*  
Rudolphus II.

*Archi-Dux Austriae*  
Ernestus.

*Episcopus Pataviensis*  
Urbanus.

*Abbas Zwetlensis*  
Joannes V.

**T**urcæ Superiorem Pannoniam Scopulique depopulabantur, vicos complures diripiebant & flammis prorsus exurebant, multos etiam Christianorum secum abripiebant, sed dum retrò ad suos vergerent, à nostris propè Agriam fusi sunt, & ita captivi & praeda recuperata est. \* [1.]

Joannes Rüoff Ordinis S. Benedicti Professor in Monasterio Mellicensi à Cæsare Rudolpho II. per diploma in Abbatem Zwetlensem confirmatus, hoc anno installatur, [2.] cujus installationem nemomeliùs describere valet, quàm cœvus Scriptor, qui postmodum ejus Professor exstitit, cujus placet verbotenus

textum referre: „ Annò Salutis humanæ 1580. in solenni festo Assumptionis B. V. Mariæ Matris Dei facta est „ præter ordinem quidem, constitutio „ novi Abbatis in hoc Monasterio „ Zwetl Ordinis Cisterciensis: sed quasi „ necessitate fiebat, ex mandato Imperatoris Rudolphi II. & dispositione „ Consiliariorum Ecclesiasticorum, per „ quos adductus est Reverendus Dominus Joannes Rüoff, qui erat ex Ordine S. Benedicti, & ex Monasterio „ Melck Professor. „ [3.] Hucusque ille, qui Joannes Zehetner vocabatur sæcularis Sacerdos, postea Religiosus Zwetlensis.

## ADDITIONES.

\* [1.] Histor. rerum Hungaric. hoc anno sub Rudolpho II.

[2.] E literarum monumentis.  
[3.] Ex Autographo ipsius.

### Annus Christi MDLXXXI. Monasterii CCCCXLIII.

*Pont. Rom.*  
Gregorius XIII.

*Imp. Rom.*  
Rudolphus II.

*Archi-Dux Austriae*  
Ernestus.

*Episcopus Pataviensis*  
Urbanus.

*Abbas Zwetlensis*  
Joannes V.

**L**ongo tempore disceptatum erat de infultatione Prælatorum, quia Ordinarii locorum aliquem infultu inaugu-

ranti Prælatum sui muneris esse prætenderunt, quod quidem in suos sibi immediatè subiectos verum erat, sed in exemptos

Fff fff 2

emptos & privilegiis gaudentes difficultabatur; unde factum, ut multi Abbates præferti Ordinis Cisterciensis sine insula diu vixerint, uti etiam in Monasterio Zwetlensi, Laurentius, Martinus, Josephus, & Jacobus insulati non fuerunt. \* [1.] Laboravit itaque Joannes Rüoff, ut insulâ insigniri possit, quam & obtinuit, sicut cœvus scribit:

„ Annô 1581. 2. die Februarii in festo  
„ Purificationis B. Mariæ prædictus D.  
„ Abbas Joannes Rüoff inauguratus est  
„ sacrâ insulâ in hoc Monasterio suo à  
„ Reverendissimo Domino Episcopo &  
„ Suffraganeo Pataviensi, cui nomen  
„ proprium erat Hector Wegmon, S.  
„ Theologiæ Licentiato. „ [2.] Hæc  
ille. De insula à se obtenta ipsemet  
Rüoff carmine notari curavit taliter:

- „ Mitram virtutis loco, fideique mi-  
„ nistrum
- „ Suscipiens; has picturas fierique  
curavit.

Sciendum tamen est, Abbati Joanni III. de Agra in Zwetl & ejus successoribus Nicolaum Papam V. ante 131. annos, nimirum Annô MCCCCL. insulam concessisse, sic ad insulam quidem hujus Monasterii Abbates habiles fuerunt, sed deinceps non erat, qui eos insularet, cum Generali ea potestas donata sit, qui quandoque raro ad has partes venit, & ad eum extra provinciam proficiscendi licentia difficulter dabatur. Modò tamen eandem potestatem suis Vicariis, Commissariis, & Visitationibus ex privilegio subdelegare potest.

Porro non prætermittendum est enarrare, quod in vicinitate geritur, Præposituræ enim Zwetlensi seu Clara-vallensi vacanti rursus hoc anno alius substituebatur, nam Melchior Kleselius Philosophiæ Doctor & Theologiæ Li-

centiatus, Præpositus Viennensis, Archi-Gymnasii Cancellarius, Wratislaviensis Canonicus, Episcopi Pataviensis Urbani Consiliarius, ejusdem infra Onasum Vicarius & Officialis, ad præsentationem Ernesti Archi-Ducis Austriæ loco & nomine fratris sui Sac. Cæs. Majestatis Rudolphi II. præficit Præposituræ S. Salvatoris Clara-vallensi extra muros oppidi Zwetl sitæ, tunc per obitum D. Joannis Zenoniani J. U. Doctoris ultimi ejusdem possessoris vacanti, Dominum Udalricum Häckel Presbyterum & Canonicum ad S. Stephanum Viennæ, & eundem investivit per libri, clavium, & annuli traditionem, nec non & stolæ Sacerdotalis impositionem. Datum & actum in Præpositura Clara-vallensi extra muros oppidi Zwetl sita 3. Octobris, annô 1581. [3.] Non quidem hac die, sed in festo Michaëlis installatus fuit, quod ipse propria sua manu fatetur, unde tantum hæc dies Datum est literarum desuper factarum. Hic postmodum Abbas Zwetlensis constitutus fuit, cujus sæpius inferius fiet mentio.

Demum etiam hoc anno Joannes Zehetner Ordinem Cisterciensem in Monasterio Zwetl amplexus est, sicut ipse de se hoc annotat, ait enim: „ Annô 1581. 21. die Maji, in qua erat „ vigilia SS. Trinitatis ex instinctu di- „ vino & deliberatione sufficienti con- „ tulit se ultro, & venit ad Monaste- „ rium Zwetl Joannes Zehetner, na- „ tione Austriacus ex oppido Mödling, „ qui erat Catholicus Sacerdos, cujus „ pia intentio & sanctum propositum „ fuit ingrediendi Ordinem Cisterciens- „ sem, qui Ordo sibi præ ceteris placuit, „ quasi esset suò arbitriò medius Ordo, „ non adeo strictus, nec adeo remissus „ &c. „ [4.] Hæc ille.

## ADDITIONES.

- \* [1.] E literarum monumentis.
- [2.] Joannes Zehetner in sua annotatione.

- [3.] Ex Originali ejusdem.
- [4.] P. Joannes Zehetner in sua ms. scripta annotatione.

Annus

## Annus Christi MDLXXXII. Monasterii CCCCXLIV.

*Pont. Rom.*  
Gregorius XIII.

*Imp. Rom.*  
Rudolphus II.

*Archi-Dux Austriae*  
Ernestus.

*Episcopus Pataviensis*  
Urbanus.

*Abbas Zwetlensis*  
Joannes V.

**C**alendarium Romanum Gregorius Pont. Max. variis mutationibus obnoxium, insignium Mathematicorum operâ correxuit, opus sanè utile & memorabile, quod à pluribus antecessoribus frustrâ cœptum ipse perfolvit, de qua re diploma Pontificium edidit. \* [1.] In anno non omnes conveniunt. Vocatur ab ipso Calendarium Gregorianum.

Cum Joanne Abbate cives Zwetlenses vicinitatis bonæ immemores lites incepserunt, unde ipse permotus subditis suis prohibuit, ne quicquam vendibile in civitatem afferrent, quare ipsi Cæsari supplices facti obtinuerunt contra Abbatem mandatum. Unde Rudolphus II. Imperator quærit ex Abbate, rationem dicat, cur in civitatem Zwetlensem ad ejus septimanale forum à suis subditis necessaria ad victum afferri prohibeat. Sub dato Viennæ 23. Junii, annò 1582. [2.] Excusatione dein data & acceptata, lis quoque mota finem habuit. Cum panificibus ibidem Abbas etiam litigabat, qui ita perfriatæ frontis erant, ut ipsius personam, cum in domo sua fuisset recenter ædificata, detinere voluerunt,

jam Lutherizantes. [3.] Imperator tunc Viennæ erat, & inde Posonium descendit res Ungariæ constituens. [4.]

Porro Joannes Wilhelmus Liber Baro de Rogendorf & Mollenburg, Summus & hæreditarius Domûs Provincialis Præfectus, Cæsareæ Majestatis Consiliarius & Marefchallus Austriae scribit Joanni Abbati, & testimonium dare petit tanquam citatus testis à Nobili Viro Sigismundo Leisser de Idoltspurg & Cammern, propter decimas quasdam in dominio Kobolzburg sitas, in causa illarum contra Michaëlem Ehamb Doctorem ac Episcopatûs Pataviensis generalem Curatorem. Sub dato Viennæ 13. Julii, annò 1582. [5.]

De bello Turcico hæc habet Historia Pannoniæ: Pace adhuc vigente, sexaginta millia Turcarum coierunt, qui duce Sanzaco Superiorem Pannoniam incursârunt, Zapoliam devastantes, vicos aliquot flammis absumentes; multos in captivitatem ducentes, & ingentem prædam avehentes. Verùm in reditu à militibus Cæsareanis prope Agriam, magna ex parte cæsi sunt, & bona ab ipsis recuperata. [6.]

## ADDITIONES.

\* [1.] Ciaconius in Gregorio XIII. annò 1581., quem sequitur Neugebauerus Histor. Polon. lib. 10. eodem anno.

Cicarella in eodem Pontifice annò 1582. Spondanus hoc anno n. 14. 15. 16.

N. 17. „ Adversus hanc tamen tanto labore, totque rationibus & argumentis fundatissimam emendationem, erupere ex castris hæreticorum, tympanum illud orbis Josephus Scaliger Commentariis de Emendatione temporum, & Elencho anni Juliani; „ ac Michaël Mæstlinus, Tubingensem Mathematicum proficiens, ventosò ingenio ho-

„ mo, in Examine Calendarii Gregoriani; quo „ in ipsa inscriptione omnes provocat ad respondendum, nisi velint haberi impostores. „ Verùm utriusque inanes conatus, simulque „ alias undiquaque allatas objectiones, plenissimè diluit ac confutavit celeberrimus & „ Societate JESU earum scientiarum & Theologiae Professor Christophorus Clavius Germanus: pleniusque etiam postea eundem „ Scaligerum exagitavit ejusdem Societatis „ Professor, omnis literaturæ, Mathematicos & „ historiæ peritissimus, Dionysius Petavius Augustinensis. In eandemque rem Hugolinus

Ggg ggg

„ Mar.

„ Martellus Episcopus Glandatenfis Assertionem sacrorum temporum scripsit, & Clavem Calendarii Gregoriani etiam edidit. „ Qui verò huic Calendario contradixerunt hæretici, non id quidem præcipue præstiterunt, quod errorem in eo esse animadvertèrent, aut non antiquum correctione indigere scirent; sed vel ob invidiam, quod ipsi universales omnium rerum atque scientiarum reformatores, non id quoque reformassent; vel nè in ejus comprobatione viderentur auctoritatem agnoscere Romani Pontificis. Quo factum est ut in comitiis à Rudolpho Cæsare mense Julii Augustæ Vindelicorum celebratis, cum nemo Principum aut Civitatum Protestantium illud admittere vellet, Cæsar negotium differre habuerit. In regno autem Galliæ Christianissimo, Regiò editò ad principium. „ Novembris conditò, & in Senatu Parisiensi promulgatò, receptum fuit: sicuti & in Catholico Hispaniarum, & Polonico, aliisque Catholicis ditionibus Principum, atque etiam non paucis hæreticis in ipsa Germania, & Belgio, & alibi. Adeo ut etiam in eadem Germania inter Protestantes Bartholomæus Scultetus Gorlicienfis Senator & clarus Mathematicus, cum primùm prodisset, illud omnino approbans curaverit per universam Lusitiam recipi, scriptumque ediderit contra ejus obrectatores: quos in clarissima luce cæcutire ait, & stupidissimos ac prorsus „ alienos à mente esse, qui non perciperent

„ quantum hoc perfectiùs existeret antiquò. „ Et inter rationes, quas adversarii objiciebant, & ipse confutat, primò locò eam ponit, qua dicerent non quid, sed quis diceret spectandum esse: quasi scilicet, inquit, res ipsa per se optima ob malevolentiam jactam in personam, non sit procuranda, sed simul cum eadem rejicienda. „

[2.] Ex mandato Cæsaris proprio.

[3.] Hæc ex Relatione Seniorum.

[4.] Historia Pannoniæ sub Rudolpho II.

[5.] Ex Autographo ipsius.

[6.] Historia Pannoniæ ubi suprâ.

Ortelius Rediviv. hoc anno. „ Der Sankt von Solnock streifte mit 6000. Türcken auff Zips, plünderte und verbrannte Onod, führete viel gefangene Christen mit sich hinweg, aber die Kayserischen, so auff den Gränzten lagen, haben den, als sie bey Erlaw fürüber musten, auf den Dienst gewartet, sie überfallen, und ein Treffen mit ihnen gethan, wiewol ihnen die Türcken an der Zahl oblagen. Den Kayserischen kamen zu Hülff 2000. Ungarische Raitzen, so man Hussaren pflegt zu nennen. Indem nun diese mit den Türcken schlugen, kamen auch 150. Archibuser, die setzten auf der Seithen in die Türcken, trennten dardurch ihre Ordnung, also, daß die Türcken die Flucht nehmen musten, die Gefangene aber erlöset, und ihnen die eroberte Beuten wieder abgejagt wurden. „

## Annus Christi MDLXXXIII. Monasterii CCCCXLV.

*Pont. Rom.*  
Gregorius XIII.

*Imp. Rom.*  
Rudolphus II.

*Archidux Austria*  
Ernestus.

*Episcopus Pataviensis*  
Urbanus.

*Abbas Zwettlensis*  
Joannes V.

**L** Item hoc anno Monasterio Zwettlensi movit Christophorus de Praga Liber Baro in Engelstain, qui à Parochia Monasterii Schœnaueni Sacellum seu Filiale ipsius ad S. Wolfgangum dictum in pago Pfaffen-schlag situm violenter abstulit, asserens illud ad dominium suum Engelstain pertinere: hinc Joannes Abbas coactus est dictum Baro-

nem apud Cæsarem Rudolphum II. Pragæ residentem atque Archiducem Austriæ Ernestum ejus provinciæ Gubernatorem accusare, & injustè abalienati S. Wolfgangi Sacelli restitutionem petere; verum ille de Prag Lutheranæ sectæ addictus mandatis præfatorum Principum non obtemperavit. De qua lite sequentibus annis plura scribentur.

Annus

## Ann. Christi MDLXXXIV. Monasterii CCCCXLVI.

*Pont. Rom.*  
Gregorius XIII.*Imp. Rom.*  
Rudolphus II.*Archi-Dux Austriae*  
Ernestus.*Episcopus Pataviensis*  
Urbanus.*Abbas Zweilensis*  
Joannes V.

**T**urcarum Imperator praecedentis anni suorum clade valde commotus erat, ast ubi intellexit, Turcas nullā provocatos injuriā priores petulanter Christianos incursasse, paulatim detinuit, atque ultro expetivit pacis conditiones posthac illibatas continuari. Ea ratione inter Romanorum Imperatorem Rudolphum II. & Sultanum Amurathem III. pax denuo constituta fuit in octennium integrum, quæ Annō MDLXXXIV. ipsis Calendis Januarii cœpit. \* [1.]

Ernestus Archi-Dux Austriae, Dux Burgundiae, Comes Tyrolis &c. nomine Caesaris mandat Abbati Joanni in Zwetl, quatenus aliquot canes venaticos cum eorum curatore alere faciat. Sub dato Viennæ 29. Januarii, annō 1584. [2.] Vid. etiam supra Annō MDLXVI.

Porro Urbanus Pataviensis Episcopus Concilio Tridentino inhærens matrimonium Sacerdotum in sua Dicecesi vetuit, unde eos etiam à quocunque Parrocho copulari noluit. [3.]

## ADDITIONES.

\* [1.] Historia Pannoniae hoc anno. Ortelius supra ad annum 1582. sub n. 6. relatus.

[2.] Ex Decreto ipsius proprio.  
[3.] E literarum monumentis.

## Ann. Christi MDLXXXV. Monasterii CCCCXLVII.

*Pont. Rom.*  
Sixtus V.*Imp. Rom.*  
Rudolphus II.*Archi-Dux Austriae*  
Ernestus.*Episcopus Pataviensis*  
Urbanus.*Abbas Zweilensis*  
Ulricus II.

**G**regorius Papa XIII. hoc anno febre correptus 10. Aprilis Romæ in Palatio Vaticano Annō ætatis 84. de vita migravit. \* [1.] Cui in Pontificatu successit electus F. Felix Perettus Cardinalis de Monte-Alto Ordinis S. Francisci Conventualium seu Minorita, vocatus Sixtus V. [2.] De quo B. Malachias Hiberniæ Primas ita vaticinatus est: Axis in medietate signi. Sixtus V. enim axem in medio leonis in armis gestabat.

Joannes Rüoff jam per Melchiorum Klefelium à Cæsare Rudolpho Abbatiam S. Crucis obtinuerat, & per ejusdem sui contreranei auxilium Udalricus

Hackelius Præpositus & Decanus Clara-Vallensis Abbatiam Zweilensem per cessionem Joannis Rüoff tunc vacantem; unde Udalricus Hackel, qui jam se electum Abbatem in Zwetl nominat, Archi-Episcopo Salisburgensi Joanni Jacobo scribit rogans nomine Laurentii Abbatis nuper in Christo defuncti ac totius Conventus pro salis fundatione hæcenus consueta. Sub dato in Monasterio Zwetl 4. Februarii, annō 1585. [3.] Nihilominus Joannes Rüoff talis adhuc 19. Octobris hoc anno vocatur, quia Udalricus primum anno sequenti installatus fuit.

Ggg ggg 2

ADDI.

\* [1. & 2.] Cicarella in Gregorio XIII. & Sixto V.

Ciaconius in iisdem. „Gregorius aggressus Religionis Catholicæ propagationem, & Ecclesiasticæ disciplinæ instaurationem sedulo curavit. Magno enim ære Maximilianum Imperatorem, Hispaniæ & Galliæ Reges, qui adversus hæreticos præliabantur, adjuvit: tria & viginti Collegia in diversis orbis partibus extruxit & annuo reddito locupletavit. Ex quibus, Romæ sunt Germanicum, Britannicum, Neophytorum, Græcorum, Marronitarum, & quod Romanum vocamus, ubi à Societatis JESU Patribus non minùs scientiarum, quàm virtutum ornamentis Romana juvenus instituitur &c. „

Spondanum in hunc ann. n. 13. „Contigit Gregorium repentina infirmitate ex hac vita migrare. Qui cùm die Aprilis octava Consistorium de more habuisset, decimâ post meridiem pituita fauces obstruente extinctus est; haud quidem sacrâ sumptâ Eucharistiâ, sed Extrema Unctione ritè curatus: annò ætatis octogesimo tertio, mense tertio; Sedis decimo tertio minus duobus & triginta diebus; quem defunctum Stephanus Tuccius è Societate JESU oratione funebri laudavit.

N. 14. „Post Novemdialia, cùm Patres ingredi debuissent Conclave, M. Antonius

„Muretus Gallus Lemovix Orator clarissimus, gravem ad eos orationem habuit; qua eos hortatus est eum Pontificem deligere, in quo nec Pii V. pietatem, nec Gregorii XIII. cum pietate conjunctam prudentiam Orbis Christianus desideraret. Ingressi autem Conclave ipso die Paschatis, vigesimo primo Aprilis, duo & quadraginta Cardinales; tertio post die, nempe vigesimo quarto ejusdem mensis, creârunt communi consensu, Felicem Perettum, Italum Picentem, humillimo vico Cryptis, ( vulgò Grotas vocant, ) qui Montisalti castro Ripanæ diocesis subiectus est, natum annò Christi 1521. 13. Decembris, pauperimis parentibus Perreto de Monte-Alto, qui manuum labore agro serendo vitam ducebat, & Marianâ de Camerino. Quam ortis humilitatem non solum ipse numquam postea erubuit, verùm etiam de ea frequenter gloriari solitus fuit. Qui annò ætatis 12. Ascultu in Ordinem Fratrum Conventualium S. Francisci admixtus, adeo in literis & disciplinis profecit, ut doctissimus, & Verbi Dei præco insignis habitus fuerit. . . . . Cepit verò nomen Sixti V. in memoriam Sixti IV. qui ex eadem Familia Franciscana centum antè annis Sedem Apostolicam rexerat: & Symbolum, *De ventre matris mea tu es. Dem protektor meus.* „

[3.] E literarii monumentis.

An. Christi MDLX XVI. Monasterii CCCCXLVIII.

Pont. Rom.  
Sixtus V.

Imp. Rom.  
Rudolphus II.

Archi-Dux Austriæ  
Ernestus.

Episcopus Pataviensis  
Urbanus.

Abbas Zwetlensis  
Ulricus II.

Scripti anno priori Joannem Rüoff Abbati in Sancta-Cruce obtinuisse, cui de Abbacia obtenta Casparus Abbas Altenburgensis gratulatur sub dato Altenburgi 11. Januarii, annò 1586.

\* [1.] Succedit enim Udalrico S. Crucis Abbati defuncto. [2.]

Ut autem ordine procedam de Hackelii installatione, fuit ille, sicut propria manu fatetur, [3.] in festo S. Georgii in Abbacia per Visitatorem & Cæsareos Commissarios installatus, reclamante & contra hunc actum prote-

stante Conventu. Visitator nihilominus Cæsaris mandatum executioni dedit, & super installatione ipsi designato Abbati Udalrico Hackl contulit confirmationis literas, quarum initium tale est:

„In nomine Sanctæ & Individuæ Trinitatis Patris, & Filii, & Spiritus Sancti, Amen. Nos F. Joannes Abbas Monasterii S. Crucis, Regulæ S. Benedicti, Ordinis Fratrum Cisterciensium in Austria Inferiori, nec non Monasterii Zwetlensis ejusdem Ordinis ac Provinciæ Visitator, Venera-

„bili

„ bili nobis in Christo sincerè Dilecto  
 „ Domino Udalrico Hackelio quon-  
 „ dam Præposito Zwetlensi in Clara-  
 „ Valle, & postulato Abbati Monaste-  
 „ rii Zwetlensis Ordinis Fratrum Cister-

„ censem, Passaviensis Diocesis, Sa-  
 „ lutem in Domino sempiternam &  
 „ omne bonum, &c. Datum in Cœ-  
 „ nobio Zwetlensi 24. Aprilis, annò  
 „ Salutis 1586. „ [4.]

F. Joannes Abbas S. Crucis &  
 Visitator.

(LS.) F. Christophorus Se-  
 cretarius.

Ceterum Abbas Hackelius natus Vien-  
 næ honestis parentibus, & coævus Mel-  
 chiori Klefeliò conterraneo suo, cui ad-  
 modum familiaris & intimè conjunctus,  
 in omnibus ipsum promovere studuit,  
 bonis literis ibidem operam dedit, ad  
 quas non deerat ipsi ingenium, pietate &  
 virtute comite ad Sacerdotium aspira-  
 vit. Quando verò illud acceperit &  
 quando promotus fuerit ad dignitates,  
 nemò veriùs quàm ille ipse scribere po-  
 tuit, ejus enim manus propria in primo  
 suo novo Breviario exarata sic inveni-  
 tur: „ Nota, die 3. Octobris anni  
 „ 1577. incepti orare Officium hoc, po-

„ stea 22. Decembris anni ejusdem fa-  
 „ ctus Presbyter. Annò 1578. in die  
 „ Epiphaniæ celebravi primum Sacrum  
 „ in Templo Jesuitarum Viennæ. Udal-  
 „ ricus Hackelius Canonicus Viennens-  
 „ sis. Annò 1579. ante festum Bartho-  
 „ lomæi factus sum Parochus in Xeno-  
 „ dochio Viennensi, & fui Parochus  
 „ per annum & medium. Annò 1581.  
 „ in festo Michaëlis installatus ad Præ-  
 „ posituram Zwetlensem. Annò 1586.  
 „ in die Georgii installatus in Abbacia  
 „ Zwetlensi. „ [5.] Hæc ille pro-  
 „ pria manu de se testatur.

## ADDITIONES.

\* [1.] Ex literis ejus Abbatis.

[2.] Ex Catalogo Abbatum S. Crucis.

[3.] Ad Breviarium ejus novum.

[4.] E literarum monumentis.

[5.] Ex Breviario ejus novo ubi hæc  
 propria manu scripsit.

An. Christi MDLXXXVII. Monasterii CCCCXLIX.

*Pont. Rom.*  
 Sixtus V.

*Imp. Rom.*  
 Rudolphus II.

*Archi-Dux Austriæ*  
 Ernestus.

*Episcopus Pataviensis*  
 Urbanus.

*Abbas Zwetlensis*  
 Ulricus II.

**S**TEPHANUS Batthoræus vel Bathorius  
 (utroque nomine appellatus inve-  
 nitur) Rex Poloniæ & Transilvaniæ  
 Princeps hoc anno diem suum obiit, post  
 cujus obitum multi Regni Poloniæ com-  
 petitores erant, nimirum Rudolphus II.  
 Imperator, Dux Parmensis ex Italia,  
 Cardinalis & simul Transilvaniæ Prin-  
 cepts Batthoræus defuncti Regis confor-  
 binus, Dux Ferrariensis Poloniæ gen-  
 tis præsertim peregrinorum fautor, Jo-  
 annes Samoscius magnus Regni Cancellarius,  
 aliique ejusdem Regni Procures,  
 Sigismundus Princeps Succiæ, & Ma-

ximilianus Archi-Dux Austriæ. Aliis  
 omnibus supranominatis non acceptis,  
 duæ factiones electorum pertinaciter  
 duos pronuntiârunt Reges Poloniæ, ni-  
 mirum Maximilianum Austriacum, cui  
 etiam Pontifex favebat, & Sigismun-  
 dum Suecum. Hi de sua electione cer-  
 tiores facti in Poloniam ad capeßendum  
 regnum properârunt, sed Maximilianus  
 à factione alterius partis Cracoviâ exclu-  
 sus, in Silesiæ fines cum aliquali exer-  
 citu se recepit, & ibi à Cancellario regni  
 in deditionem acceptus, operâ Cardi-  
 nalis Aldobrandini à Sixto Papa V. cum  
 Hhh hhh in



in finem illuc missi anno sequenti liberati restitutus est, & pax inter Sigismundum III. pro Rege Poloniae denunciata, & Domum Aultricam stabilita fuit. \* [1.]

Redeo ad Monasterium Zwetlense, cujus Abbas Udalricus Hackelius à Deputatis Austriae Inferioris Viennam citatur, quem ex Prælatorum Statu deletum vulgò *Außschuß* eligunt & constituunt sub 1. Januarii, annò 1587. [2.]

Memor Abbas Udalricus juramenti sui ablata à Monasterio suo studuit recuperare, unde ab Ernesto Archiduce supplex petiit eum in finem sibi facultatem dari pro redimendo prædio in Cammern, quatenus 4000. florenos mutuo accipere, & loco pignoris aliquot Monasterii bona immobilia exponere possit. Cui Archidux consensum dedit ad dictam pecuniæ summam requirendam cum hoc additamento, ut annis quatuor finitis ea bona impignorata suo Monasterio redimeret sub dato Viennæ 24. Aprilis, annò 1587. [3.] Eratautem, sicut hoc diploma sonat, prædium illud in Cammern ab Erasmo Leisser quondam Abbate in Zwetl fratribus suis germanis ad successorum suorum redemptionem perpetuam venditum, cujus tunc Sigismundus Leisser ex eadem familia possessor erat. Cujus prædii ipsemet Abbas in suarum ædificationum li-

bro mentionem facit, quod, ait, ultra sexaginta annos Leisseros possedisse, cum Annò MDXLII. ab Erasmo Abbate illud venditum fuerat, ad quod pertinent 38. quartalia vinearum, 38. subditi, & 40. jugera agrorum. Redemit autem illud per 2200. florenos. Hoc etiam annò Monasterio restituit sedecim subditos in Obernhof ante 48. annos venditos, quos à Jona Bischenig per 748. florenos recuperavit. Præmissa verò non tantum redemit, sed etiam alia pro Monasterii necessitate & commodo reparavit & reædificavit, uti fuit moleninum in villa Monasterio adjacente unà cum ferra, quod destructò antiquò ruinæ proximò ex fundamentis excitari, rivique fundum stratis asseribus & repagulis ligneis muniri fecit. Renovavit etiam hoc eodem anno Claustrum cum Altaribus & Sacellis in Templo. [4.]

Nota jam erat Hackelii in rebus agendis dexteritas, unde à Deputatis Provinciae Ordinarii Viennam citatur, quatenus 23. Novembris ibidem compareat, in Collegio Rationum Domus Provincialis Præsidentem acturus sub dato Viennæ 6. Octobris, annò 1587. [5.] An hoc officium Hackelius susceperit me latet, non enim ille hujus mentionem facit, & cum ob illud continuò Viennæ hæreere deberet, in suo Novitiatu progredi non potuisset.

## ADDITIONES.

\* [1.] Cicarella sub Sixto V.

Neugebauerus, quoad diem obitus anno præcedenti, quo finit historiam suam, quem Spondanus sequitur dictò annò N. 15. Ad hunc verò annum de electione novi Regis ita prosequitur:

N. 9. „Tertius (*Competitor*) erat Theodoros Magnus Moscoviæ Dux, qui universam ditionem suam à finibus Livoniæ ad mare Caspium usque pertinentem adiuncturum se regno Poloniae promittebat: eamque conditionem Litvana nobilitas, quæ Moscorum finitima maximè ab iis vexabatur, multique alii amplectendam censebant; quamvis plerique prudentiores seriò hæc à

„Mosco offerri vix sibi persuaderent. Quartò „locò numerabantur qui *Pasum*, hoc est ex „Proceribus Polonicis aliquem virtute clarum eligendum volebant; quòd expedire „dicerent ut is Rex designaretur, qui linguam, „mores, ac jura gentis perspecta haberet, „potius quàm extraneus, qui ea ignoraret „magno Reipublicæ detrimentò. Denique „& Amurates Turcorum Imperator per Vezirum suum Polonis significari mandavit, cupere se ut is Rex designaretur, qui amicitiam & cultum Turcico nomini exhiberi solitum tueretur: ac liberam quidem relinquerens omnino electionem, unum tamen ex „filiis fratris Stephani defuncti Regis, vel „ipsum

„ ipsum Transilvaniæ Principem commen-  
„ davit.

N. 10. „ Auditis omnium Legatis, scissa  
„ fuerunt in varias partes electorum studia:  
„ sed post multas demum altercationes, &  
„ secessiones, duo prævaluerunt; Maximilia-  
„ nus videlicet Austrius, quem electus Epi-  
„ scopus Kiovensis, cum nonnullis Proceri-  
„ bus, è familiis præcipue Sboroviorum & Ra-  
„ devilliorum, Regem proclamavit duodeci-  
„ mō Augusti; & Sigismundus Suecus, jam  
„ triduo ante, nempe nonō ejusdem mensis  
„ Augusti, ab Archi-Episcopo Gnesnensi, ce-  
„ terisque omnibus regni Episcopis, Zamo-  
„ scio magno Cancellario, & summo exer-  
„ cituum regni duce, Vice-Cancellario, Ma-  
„ rescallo, Thesaurario, aliisque præcipuis  
„ regni Ministris, ac Senatoribus & Palatinis,  
„ plurimāque nobilitate, renunciatus; cūm  
„ ob prærogativas quas superius diximus; tum  
„ quod indoles in eo præclara eluceret, ac-  
„ cederetque linguæ Polonicæ peritiā; ac spes  
„ esset sic compositum iri multas controver-  
„ sias, quæ inter Suecos & Polonos interce-  
„ debant. Propositis deinde singulis electis  
„ à suis electoribus certis conditionibus, ab  
„ iis subscribendis & jurandis; Maximilianus  
„ quidem oblatas sibi ratas habuit Olomuciae  
„ decimō septimō Septembris, & solemnī ju-  
„ rejurando confirmavit. At Sigismundus,  
„ ceteris sibi propositis faciliè admittis, unam  
„ nunquam induci potuit ut reciperet, qua  
„ cavebatur ut Livoniæ pars Sueciæ Regi eo  
„ tempore subiecta, cetera Livoniæ atque  
„ adeo Poloniæ coronæ restitueretur atque  
„ uniretur. Id enim neque Joannes Sigis-  
„ mundi pater, qui tot ac tantis laboribus,  
„ curis & sumptibus, totque haminum fan-  
„ guine, illam veluti è Moscorum faucibus  
„ eripuerat, audire sustinuit: & Sigismundus  
„ externō se & electiōi regnō carere malle  
„ apertè declaravit, quàm ut avito & hære-  
„ ditario partem quantumvis exiguam detrahi  
„ pateretur. Qua in re illud medium exco-

„ gitatum est, ut totius negotii determinatio  
„ in id tempus differretur, cūm regnum Sue-  
„ ciæ legitima successione ad Sigismundum  
„ devolutum esset. Sicque ille repetitis liti-  
„ ris evocatus, ad finem anni, videlicet vige-  
„ simō septimō Decembris, in festo S. Joan-  
„ nis Apostoli & Evangelistæ, solemnī ritu  
„ coronatus est more Majorum Cracoviæ ab  
„ Archi-Episcopo Gnesnensi Poloniæ Prima-  
„ te, Rex Sigismundi nominis Tertius, annō  
„ ætatis suæ vigesimō primō: cūm jam antea  
„ Maximilianus, qui cum nonnullis copiis  
„ Cracoviam appropinquaverat, à Zamoscio  
„ magna clade repulsus fuisset. Post coro-  
„ nationem verō Sigismundi, cūm idem Ma-  
„ ximilianus novas copias colligeret, ab eo-  
„ dem Zamoscio 22. Januarii sequentis ad  
„ Bitšinum vicinā Silesiæ oppidum extra fines  
„ Poloniæ longè majori caede præliō victus;  
„ postredie eodem oppido ad dedicationem  
„ compulsus est, unā cum Proceribus Polo-  
„ nis ejus partis. In quos omnes Zamoscius  
„ summa moderatione ac clementiā, sinē ulla  
„ insultatione aut verborum asperitate, usus  
„ est. Quemadmodum & ipse Sigismundus  
„ tantæ victoriæ nunciō acceptō, eandem  
„ moderationem servans, vetuit ne Maximi-  
„ lianus Cracoviam adduceretur; ne scilicet  
„ potius in triumphum quàm in custodiam  
„ duci videretur. Qui inde in arcem Russiæ  
„ Crasnislavæ haud longè à Lublino extre-  
„ mo majoris Poloniæ oppido cum valido  
„ præsidio ablegatus est: ubi primū, deinde  
„ Rodlone, honestissimā custodiā sesquianno  
„ detentus fuit. De cujus liberatione dice-  
„ tur suō locō. Quomodo verō hæc omnia  
„ se habuerint, accuratè descripsit Chytræus  
„ in sua Saxonia, ea apprime callens: ex quo  
„ alii exciperunt, „ Vid. infra annō 1589.  
„ in Addition.

- [2.] Ex citatione illorum.
- [3.] Ex diplomate Archi-Ducis ipsius.
- [4.] Ex Indice ædificiorum Monasterii.
- [5.] Ex citatione illorum.

Annus Christi MDLXXXVIII. Monasterii CCCCL.

Pont. Rom.  
Sixtus V.

Imp. Rom.  
Rudolphus II.

Archi-Dux Austriæ  
Ernestus.

Episcopus Pataviensis  
Urbanus.

Abbas Zwetlensis  
Ulricus II.

**H**Aftenus Abbas Udalricus egerat  
Novitium, & insulæ usum non-  
dum habebat: cūm ergo annus proba-  
tionis ejus expirasset, profiteri voluit,

quam professionem suam coram Visita-  
tore Abbate S. Crucis deposuit, de qua,  
sicut & de insultatione ac nova confir-  
matione coævus ejus Prior ita scripsit:  
Hhh hhh 2 „ Pro-

„ Professionem Dominus Abbas fecit  
 „ annô Domini 1588. die 21. Februarii,  
 „ qua die Dominica Septuagesimæ ab  
 „ Ecclesia celebrabatur, ea die habitum  
 „ induit juxta Ordinem Cisterciensem  
 „ in Monasterio S. Crucis sub Sacrificio  
 „ Missæ, quod celebrabat ibi in summo  
 „ Altari Reverendus Admodum Domi-  
 „ nus Abbas S. Crucis Joannes Rüoff,  
 „ qui Visitatoris officio tunc fungebatur.  
 „ Qui tunc etiam supradictum  
 „ Dominum Udalricum Hackel in Ab-  
 „ batem Zwetlensem confirmavit. Et  
 „ eadem die 21. Februarii in Monaste-  
 „ rio S. Crucis idem Reverendus Do-  
 „ minus Abbas Udalricus sacrâ insulâ  
 „ inauguratus fuit, & consecratus à  
 „ Reverendissimo Domino Hectore,  
 „ Wegmon Suffraganeo Pataviense, &  
 „ ibi læta ac clara voce cantavit, *Ad*  
 „ multos annos, quod concedat Omnipotens

„ *sens & misericors Dominus.* „ \* [1.]  
 „ Hucusque ille, qui uti Magister ejus No-  
 „ vitiarum maxime interfuit.

Demum hoc anno de se Udalricus  
 Abbas scribit sequentia: „ Annô 1588.  
 „ à Statu Prælatorum deputatus fui in  
 „ Ordinarium Provincialium Austriæ,  
 „ habui hoc officium usque ad annum  
 „ 1595. per septem annos. „ [2.]  
 Hæc ille.

Præpositi novi Claræ-vallensis, qui  
 Udalrico Hackelio substitutus fuerat, sit  
 jam aliquoties mentio, & D. Georgius  
 vocatur, nimirum anno præcedenti 10.  
 Novembris, hoc anno verò 7. Januarii,  
 7. Septembris, & 19. Novembris, præ-  
 sertim ratione Religionis adversæ No-  
 bilium vicinorum, ad quos decreta Cæ-  
 sareæ se accepisse faretur. [3.] Quo  
 autem cognomine sit Præpositus dictus,  
 me latet.

## ADDITIONES.

\* [1.] Joannes Zehetner in Annotat.  
 suis pms.

- [2.] Ex pms. Breviarii sui.
- [3.] E literarum monumentis.

### INCIDENTS.

Historia Rer. Ungaric. hoc anno. „ Annô  
 „ 1588. sub finem Septembris, Beglerbegus,  
 „ vel secundum alios Sinan Bassa Budensis  
 „ 11000. Turcarum prope Fillecum collegit,  
 „ ea intentione ut totam Superiorem Pan-  
 „ noniam devastaret. Sexto Octobris die  
 „ imperiosè sibi dedi postulavit Putnock ca-  
 „ stellum, sed frustra. Transmisso ergo flu-  
 „ mine Schayo, Sixo vicum petens ejusque

„ Templum ipsum & turrim continuò tor-  
 „ mentis impetens, Templum ipsum & vicum  
 „ universum, qui plusquam ex quingentis  
 „ ædificiis constabat, planè exussit. Tan-  
 „ dem copias collegit generalis militiæ per  
 „ Ungariam Præfectus Dominus Claudius  
 „ à Russel, qui hostem adoriens præliò cum  
 „ eo decertavit, in quo ultra 2500. Tur-  
 „ cæ cæsi & 300. in Schayo fluvio submersi  
 „ perierunt. Nostri postmodum in Tur-  
 „ carum fines irruptionem facientes Blauen-  
 „ stain Gestes & castra quædam alia occu-  
 „ parunt. „

Item Ortelius Redivivus, hoc anno.

## Annus Christi MDLXXXIX. Monasterii CCCCLI.

Pont. Rom.  
 Sixtus V.

Imp. Rom.  
 Rudolphus II.

Archi-Dux Austria  
 Ernestus.

Episcopus Pataviensis  
 Urbanus.

Abbas Zwetlensis  
 Ulicus II.

CLaram-vallem hoc anno clariorem  
 reddidit præsentia Serenissimi Ar-  
 chi-Ducis Matthiæ, quem Abbas Udal-  
 ricus cum Conventu suo oratiunculâ &  
 cum reverentia excepit, qui, ut loqui-  
 tur P. Joannes præfens, 14. Julii, Annô

MDLXXXIX. equester & casu venit in  
 Monasterium Zwetlense vesperi, & hic  
 pernoctavit. \* [1.] Unde tamen ve-  
 nerit, vel quò iverit, non addit, forsitan  
 Provinciam istam supra Mainhardi-Mon-  
 tem perlustravit.

Do.

Donavit hoc anno Abbas Udalricus Franciscanus Viennensis ad S. Hieronymum habitantibus pro ædificatione Monasterii ibidem centum florenos, quos F. Valentinus Fricius ipsorum Commissarius se recepisse testatur sub 1. Septembris, annò 1589. [2.] Unde conjicitur, quòd hoc tempore illi Patres suum hoc ædificârunt Monasterium.

Scribit porro Udalrico Abbati Georgius Leonardus de Künigsperg Baro in Pernstain, quòd subditis Monasterii sedecim in pago Weissen-Albern à Monasterii Zwetlensis Præfecto census sub nomine advocatiæ suæ sibi ab ipsis porrigendus sit prohibitus, quare petit sibi causam talis prohibitionis significari sub dato Schönperg 14. Novembris, annò 1589. [3.] Cui Abbas respondit, neque Monasterium, neque ejusdem

colonos alium agnoscere Advocatum, quàm terræ Principem, prout confirmationum literarum super Monasterium ab iis datæ demonstrant.

Eodem hoc anno idem Abbas in curia Cammerh antiquum Sacellum in honorem S. Mariæ Magdalenæ renovari fecit, illud novo Altari sculpto & picto ornavit, fenestris novis illustravit, testò novò contra pluvias & nives munivit, & turriculâ laminis splendidis vestitâ perspicuum reddidit. [4.]

Demum hoc item anno Abbas Udalricus Viennæ domum Zwetlensem in strata Monetariorum (Münsterstrass) uti antiquitus vocatur, sitam, à vidua Schweinhämblin, quæ illam ad dies vitæ suæ ex contractu facto habuit, pro certa pecuniæ summa redemit, unâ cum duabus vineis ad Ottokrin sitis. [5.]

## ADDITIONES.

\* [1.] P. Joannes Zehetner in Annotat. suis.

[2.] Ex Recepisse ipsius.  
[3.] Ex literis ejusdem Domini.  
[4.] Ex lib. ædif. Z. sub rubrica de eadem curia.

[5.] Ex lib. ædif. Z. sub rubrica de redempt. bon. M. alienat.

### INCIDENS.

Catalogus Rectorum Viennensium, hoc anno. „ 2. Julii Carolus Archi-Dux, Ferdinandi I. filius, Maximilianus II. frater, Ferdinandi II. parens moritur. . . . . 15.  
„ Septembris, vespere circa horam 5. & iterum „ 16. rursus media nocte post horam 12. terræ motus Templâ, turres & sublimia ædificiorum fastigia quatiens, partim dejiciens, partim frangens cum fissura vel ruina multorum factus. 18. Septembris manè statim horâ 7. & ultimò 1. Octobris manè ante horam nonam reversus. „

Spontaneus n. 37. hoc anno. „ Detinebatur adhuc in custodia Polonorum Maximilianus Rudolphi Cæsaris frater, quem de regno Poloniæ cum Sigismundo Sueco decertantem sub principium superioris anni captum vidimus. Cùm Poloni non aliter eum dimissuri viderentur, nisi juri, quod in regnum sibi arrogabat, expresse renunciaret; isque Sboroviorum Procerum, qui ejus electionem fovebant, vanis promissionibus malè persuasus, nulla ratione ad id adduci

„ hæcenus potuisset, demum interventu Hippolyti Aldobrandini Cardinalis à Sixto Pontifice in Poloniam legati, viri ingenii moderatione & æquitate insignis, longòque usu rerum maximis quibusque negotiis parus, (qui postea Clemens fuit Papa VIII.) & Philippi Vespasiani Gonzagæ Sabioneræ Ducis à Philippo Hispaniæ Rege missi, unâ cum delegatis Rudolphi Cæsaris, Hungariæ, Poloniæ, Boemiæ, Austriæ, conventum est, ut Maximilianus sine pretio liber mense Julio ex Polonia dimitteretur, & titulò Regis Poloniæ deinceps abstineret; pacta antiqua & fœdera inter Poloniæ, Hungariæ, & Boemiæ regna, atque adeo Dominum Austriacam instaurarentur: Maximilianus postquam ditiones Cæsaris attingisset, transactionem hanc jurejurando, & instrumentò confectò firmaret. Quæ conditiones in comitiis Varlavienisibus Poloniæ mense Martio approbatæ, à Sigismundo Rege Lublini mense Majo, ac Junio Pragæ à Rudolpho Cæsare jurejurando firmatæ sunt. Earumque vigore Maximilianus dimissus. Qui tamen ubi ad fines Cæsareos pervenit, exceptus ibi à copioso equitatu Cæsareo, cùm de pactis firmandis, sicuti convenerat, interPELLARETUR; causas se justas habere cur iis non subscriberet causatus, recusavit, sècque ex Polonorum manibus extricavit. Quæ res animis Polonorum non parvum suspitionis scrupulum iniecit: sed ei non multò

„ post Caesar ita occurrit, ut interpositò etiam  
 „ propinquitatis vinculo omnis ea suspicio  
 „ aut controversia tolleretur: factò scilicet

„ matrimonio inter eundem Sigismundum  
 „ Regem, & Annam Caroli Archi-Ducis  
 „ filiam, „

## Annus Christi MDXC. Monasterii CCCCLII.

*Pont. Rom.*  
 Urbanus VII.

*Imp. Rom.*  
 Rudolphus II.

*Archi-Dux Austriae*  
 Ernestus.

*Episcopus Pataviensis*  
 Urbanus.

*Abbas Zweitenlis*  
 Ulricus II.

**S**ixtus V. Pontifex hoc anno uti Ciacconius 6. Cal. Septembris, ut Cicarella 5. Cal. Septembris obiit. \* [1.] Cui in Pontificatu electus successit Joannes Bapt. Castanea Cardinalis tit. S. Marcelli eodem hoc anno 17. Cal. Octobris, & Urbanus VII. vocari voluit. [2.] De quo S. Malachias: De rore Caeli. Fuerat enim antea Archi-Episcopus Rosanensis in Calabria, ubi manna colligitur. Hic autem Urbanus VII. tantum duodecim dierum Pontifex rursus obiit 5. Cal. Octobris, hoc eodem anno. [3.] Quo defuncto, Cardinales Nicolaum Sfondratum, Italum Mediolanensem, Cardinalem tit. S. Cæcilie Nonis Decembris, Annò MDXC. eligunt, qui Gregorius XIV. nominari voluit. [4.] De quo rursus B. Malachias supradictus: Ex antiquitate Urbis. Erat enim Mediolanensis. Vidit itaque hic annus tres Pontifices, Sixtum V. morientem, Urbanum VII. duodecim dies viventem, & Gregorium XIV. succedentem.

Abbas Udalricus porro intentus ad redimenda Monasterii bona, ab Archiduce Austriae Ernesto consensum super impignorandis aliquibus Monasterii bonis pro curia in Cammern recuperanda impetravit annò adhuc MDLXXXVII. [5.] ut suprà scripsi. Quare ille Joanni Ligszl Magistro curiae Dominorum de Berchtesgaden curiam in Weinzierl Zweitensem ad biennium impignoravit, qui ipsi mille ducentos florenos concesserat, quibus curiam in Cammern redemit. Elapsis verò duobus annis

Christophorus Hackel frater germanus tunc Magister curiae in Cammern Abbatu mutuò dedit sexcentos florenos, quibus curiam in Weinzierl redemit, unde dictò Hackel curia in Cammern cum curia in Weinzierl administratione oppignorata fuit eo modo, quo Leifserii illam possederunt. Neque inde amovendum ipsum, donec mutuum ex integro solvatur cum sœnore consueto, cui defuncto proximi ejusdem consanguinei sunt successuri, eandemque usque ad solutionem debiti possessuri, vineis tantum Monasterio in usum reservatis, sub dato Monasterii in Zwettl 1. Januarii, annò 1590. Hujus Christophori Hackelii sit etiam mentio anno adhuc sequenti, qui in antiquo Monasterii Templo ante Altare S. Crucis lapidem ex marmore rubro sepulchralem habet cum inscriptione, quòd ipse tunc Magister curiae in Cammern in festo S. Pauli Conversi Annò MDLXXXVII. obiit, quæ inscriptio subsistere non poterit, cum adhuc hoc & sequenti anno vixerit, sed ego existimo ipsum eodem anno dictum sepulchri locum sibi elegisse, ac lapidem eo anno tantum notari curasse.

Porro ex Chünringis ultimus familiaris supererat Joannes Ladislaus de Chünring, novæ sectæ Lutheri additus, qui Udalrico Abbati scribit, quòd Deus filiolum suum ex hac vita evocavit, Majorum autem suorum sepulturam in Monasterio Zweitenli esse, hinc illum ibidem sepulturæ tradere se cogitare: quare petit desuper Abbatis consensum, sub dato ad Fontem-Salutarem, 17. Junii, annò 1590. [6.] Cui Abbas respon-

spondet, quòd optimè sciat Dominorum de Chünring Majorum ejus sepulturam in suo Monasterio fuisse, & quia omnes orthodoxæ & Catholicæ fidei additissimi, absque dubio à suis Antecessoribus Abbatibus protinus admissos esse ad sepulturam. Quare se ait ad intercessionem Præpositi vicini sui petitioni ejus ita consentire velle, ut si puerum suum sepeliri petat, absque præsentia Pastoris Acatolici hoc faciat, & vel à Conventu processionaliter, vel certè sine cæremoniis sepeliatur, alioquin si tantum germanicum adhiberi voluerit, aut funus per Pastorem ejusmodi deduci curaverit, sibi Templum clausum fore sciat, sub dato Zwetl 18. Junii, annò 1590. Ad has Chünringius respondet, se 22. Junii horâ 2. vel 3. pomeridianâ cum funere in Monasterio affuturum, & si habuerit hanc gratiam, ut funus cum

pueris scholæ & cantu, ad sepulchrum deducatur, sibi valde gratum fore, sub dato ad Fontem-Sacrum vel Salutare 19. Junii, annò 1590. Credo ipsum, vel solum filium suum in thermis eisdem valetudinis suæ curandæ gratiâ balneasse, ubi filius ejus mortuus fuerat. Manifestum irati Numinis judicium, ut qui ab avita Majorum suorum religione & fide exciderant, salce mortis stirps eorum penitus excideretur, nam iste Joannes Ladislaus Chünringius filius Marquardi ultimus familiæ suæ Annò MDXCIV. quoque in hæresi sua explavit.

Idem Abbas hoc etiam anno curiam in Weinzierl mille ducentis florenis recuperavit, & à germano P. Joannis Zehetneri vineam duorum quartalium, unam ad Medling sitam & Weglerin vocatam, emit. [7.]

## ADDITIONES.

\*[1. & 2.] Ciaconius sub Sixto V. & Cicarella in Sixto V. & Urbano VII.

[3. & 4.] Idem sub Urbano VII. & Gregorio XIV.

[5.] Eliterarum monumentis, & P. Joannes Zehetner in Annotat. suis.

[6.] Ex Autographo ipsius.

[7.] Ex lib. ædific. Z. sub rubrica de redemp. bon. Monasterii Z. sub hoc anno.

**Annus Christi MDXCI. Monasterii CCCCLIII.**

*Pont. Rom.*

*Imp. Rom.*

*Archi-Dux Austria*

Gregor. XIV. Innocent. IX. Rudolphus II.

Ernestus.

*Episcopus Pataviensis*  
Urbanus.

*Abbas Zwetlensis*  
Ulricus II.

**T**Andem Gregorius XIV. Pontifex post tantos & tam longos cruciatus 15. Octobris hoc anno ex hujus miseræ vitæ incolatu digressus est. Pontifex fuit decem mensium & totidem dierum. \* [1.] Successit ipsi legitime electus Joannes Antonius Fachinettus, Bononiensis, SS. Quatuor Coronatorum Cardinalis, qui Innocentius IX. vocari voluit 29. Octobris hoc anno. [2.] Hunc B. Malachias prædixit: Pia civitas in bello. Erat enim natus Bononiensis. Sed etiam hic annus ipsi Pontifici fatalis erat, nam rursus 29. De-

cembris ex hoc sæculo placidus migravit, duravit ejus Pontificatus in duos menses integros. Ita etiam hoc anno duo Pontifices Gregorius XIV. & Innocentius IX. demortui fuere.

Venio ad D. Abbatem Hackelium, qui hoc anno domum Viennæ Zwetlensem antiquam in strata Monetariorum suam cum consensu Principis commutavit cum Præmero institore & cive Viennensi pro Domo ad Templum B. Virginis ad Gradus dictum sita, & jus unâ vini sub hædera propinandi transferens in usum deduxit, quam domum exterius

lii lii 2

inte-

interiusque refecit, in ea Sacellum S. Margarethæ fieri, fenestris, strato lapidibus marmoreis pavimento, Altare novum sculpi, deaurari & pingi fecit: [3.] De hac commutatione pluribus differit Prior Zwetlensis aliàs sæpè citatus præfens huic actui, ita scribens:

„Cum autem quàm plurimis annis Monasterium Zwetl aulâ suâ (Zwetler Hof) juxta Cœmeterium S. Stephani annò 1361. traditâ, Viennæ Austriæ propriam domum habuisset liberam & privilegiatam, quæ sita erat in loco planè inquieto & pro Religioso homine inconvenienti, quæ platea vulgari modo Mûnsterstraß aliàs vocatur, Admodum Reverendus Dominus Abbas Zwetlensis Udalricus Häckel eam cum alia commodiori domo etiam in civitate sitam prope Templum B. Mariæ ad Gradus dictum commutavit accedente consensu Archi-Ducis Austriæ Ernesti tunc Vien-

„næ regnantis, nec non cum notitia „Conventus Zwetlensis, quacum commutatione ædium translata sunt etiam „antiqua privilegia. Pro hujus transmutationis ratificatione literæ conscriptæ sunt, & tam ab Abbate, quàm „Conventu Z. obsignatæ utriusque „sigillò ad perpetuam confirmationem, „quæ literæ datæ sunt Senatui Viennensi, & ille Monasterio Zwetlensi „vicissim suas contradidit. Actum „annò 1591. 17. Aprilis. „[4.] Hucusque ille. Quæ commutatio quantum constat ab Hackelio maximè facta fuit, ut conterraneus suus, frater suus, intimus consiliorum suorum, Melchior Klefelius ad ipsum sub tectò transire, & ille rursus aulam Passaviensem domicilium tunc Klefelii frequentare possit, januis temporariis per domum Notarii & Templum adjacens factis, sicut adhuc apparent: hujus domûs cellarium bonum est, cetera loca & angusta & obscura.

## ADDITIONES.

\*[1.] Cicarella & Ciaconius sub Gregorio XIV. & Innocentio IX.

Spondanus hoc anno n. 11. - - - -  
N. 12. „ Instante Fratre Michaële Bonello Cardinale Alexandrino Dominicano,

„Pii V. ex forore pronepote, Cardinales Regulares, qui priùs non nisi pileis ejusdem coloris, cujus erat habitus religionis, quam professi fuerant, utebantur, rubris uti concessit; factò ea de re decretò vigesimò sextò „Aprilis. Et die Dominica nonò Junii festò Sanctissimæ Trinitatis, quo Sacrum celebrandum erat in Ecclesia SS. XII. Apostolorum, manu propria imposuit capitibus præfentium tunc in curia Cardinalium, videlicet prædicti Alexandrini, Hieronymi, Bernerri de Corrigo, Alculani, ejusdem Ordinis Dominicani; Constantii Sarnani, Ordinis Minorum Conventualium; & Gregorii Petrochini de Montelparo, Ordinis Eremitarum Sancti Augustini.

[2.] Cicarella & Ciaconius sub Innocentio IX.

Spondanus suprâ n. 14. „Celebratis de more Gregorii novendialibus precibus, „Cardinales quinquaginta sex Conclave sextò Calendas Novembris ingressi; biduò post, nempe quartò Calendas Novembris, renun-

„ciarunt Joannem Antonium Fachinetum ex „Presbytero Cardinale tit. SS. Quatuor Coronatorum, natione Italum, patriâ Bononiensem, ætatis ejus annò septuagesimò „tertiò: quippe nati decimò tertio Calendas Augusti anni Christi millesimi quingentesimi decimi noni, honestis & religiosis parentibus Antonio Fachineto à Nuce & Francisca Titâ de Cinis. Qui juris utriusque lauream adeptus, Romam adiens, per „varios gradus, administratæque cum laude diversæ munera, à Pio IV. factus Episcopus „Neocastrensis in Calabria, Concilio Tridentino interfuit; ac deinde à Gregorio „Decimo tertio factus Patriarcha Jerusalemitanus, demum ab eo celebri illa novendecim Cardinalium creatione anni millesimi quingentesimi octogesimi tertii, ad eam dignitatem promotus; post varia obita prudentissimè magni momenti negotia, in locum demortui Gregorii Decimi quarti, magna omnium consensione suffectus est Pontifex; assumpto nomine Innocentii IX. ac „Dominicâ proximâ, tertio Nonas Novembris, coronationis insignia suscepit: & sextò Idus in Octava Omnium Sanctorum ad Lateranensem Basilicam de more processit. „Traduntur fuisse duo futuri ejus Pontificatus

„ tū indicia ; unum ; quod cū aliquando  
 „ obedientiam Gregorio decessori , ut sit in  
 „ publicis Sacris , præstaret , mota è capite  
 „ Gregorii insula in caput ejus deciderit : al-  
 „ terum , quod in partitione cellarum Con-  
 „ clavis , forte ei illa obvenit , quæ eo loco ,  
 „ quo Pontifices in consistoriis solium collo-  
 „ care solebant , extructa erat . „

[ 3. ] Ex libro ædificiorum Z. sub rubrica  
 Bonorum Monasterij alienatorum redemptor.  
 sub hoc anno.

[ 4. ] P. Joannes Zehetner in Annotatio-  
 nibus suis.

## INCIDENS.

Histor. Rerum Ungaric. sub hoc anno.  
 „ Postquam jam aliquoties Turcæ contra  
 „ istum fœdus varia per Ungariam & Craba-  
 „ tiam hostiliter tentarant . Imperatoria Ma-

„ jestas in Septembri Constantinopolim Le-  
 „ gatos misit , qui Amurathis damna à suis  
 „ data exponerent requirentes simul num id  
 „ jussu Amurathis hæstenu accidisset , sin mi-  
 „ nus , ut suos cohiberet . Quo facto Turcæ  
 „ ad tempus ab incurfionibus abstinerunt , &  
 „ pax satis rata interea constitit : Siquidem  
 „ Amurathes pacis illas condiciones in osten-  
 „ tium susceptas inviolatas utique esse voluit .  
 „ Postquam verò Sultanus cum Rege Persa-  
 „ rum fœdus pepigisset , Bassæ quidam ipsi  
 „ suggererunt , ut fines Ungariæ & Crabatæ  
 „ tentaret , siquidem Christiani mutuis vulne-  
 „ ribus & bellis intestinis passim sibi ipsis in-  
 „ festi essent . „

Continuatio Catalogi Ederiani sub hoc  
 anno. „ 4. Maji , Anna Archi-Ducissa Caroli  
 „ filia desponsatur Sigismundo III. Polono-  
 „ rum Regi & Succorum hæredi . „

Annus Christi MDXCII.

Monasterii CCCCLIV.

*Pont. Rom.*  
 Clemens VIII.

*Imp. Rom.*  
 Rudolphus II.

*Archi-Dux Austriae*  
 Ernestus.

*Episcopus Pataviensis*  
 Urbanus.

*Abbas Zwettlensis*  
 Ulricus II.

**D**efuncto adhuc anno præcedenti  
 Innocentio IX. Pont. hoc anno  
 trigessimâ Januarii Hippolytus Aldobran-  
 dinus Cardinalis tit. S. Pangratii , Flo-  
 rentinus , in Pontificem eligitur , qui se  
 nominavit Clementem VIII. \* [ 1. ]  
 Quem S. Malachias indigitavit hoc elo-  
 gio : Crux Romulea. Fuit Floren-  
 tinus dictus Aldobrandinus , cujus In-  
 signe Crux triplex Papalis obliqua.

Per Austriam , Moraviam , Bohemi-  
 am itinera ob prædonum & latronum  
 insidias non adeo tuta fuere , unde Ru-  
 dolfus II. Imperator per eas provin-  
 cias & regnum edictum publicari fecit ,  
 ut omnes banditæ , mendici suspecti &  
 nocentes , atque famuli Dominos suos  
 deferentes , qui arma prohibita secum  
 circumferunt , capiantur , & capite seu  
 pœnis in jure præscriptis , à Dominis ,  
 Judicibus , & Magistratibus severè pun-  
 niantur , sub dato 1. Februarii hoc anno.  
 [ 2. ]

Rudolfus II. Imperator pro Austria  
 sua & tota Christianitate sollicitus , om-

nibus & singulis tam Ecclesiasticis quàm  
 Sæcularibus , nemine excepto , mandat ,  
 quatenus omnes audito campanæ pulsu ,  
 tam manè , quàm meridie & vesperi  
 Dominum Deum ubique locorum sup-  
 plices orent , ut ab interitu nostro Tur-  
 cam Tyrannum avertat ; & precibus  
 præsertim lis utantur , quas Joannes Ca-  
 sparus Episcopus Viennensis edi cura-  
 vit , & jam antea contra terræ motus &  
 Christiani nominis hostem è cathedris  
 proclamari & recitari fecit , quæ jam  
 sub prælo à cunctis emi possunt sub dato  
 14. Augusti , annò 1592. [ 3. ] Harum  
 precum causa fuit , quia Turcarum Im-  
 perator , facta cum Persarum Rege pace ,  
 mensè Junio hoc anno in Croatiam per  
 Bassas suos irrucrat , & infandis calami-  
 tatibus eam affecit , passim enim supe-  
 rior impune per fines eorum vagabatur :  
 ad hæc Bassa Budensis magno apparatu  
 bellum etiam moliebatur . Eam ob cau-  
 sam Imperator ad Electores , Principes ,  
 & Ordines Imperii Legatis missis illorum  
 operi rebus ita constitutis requirebat ;

Kkk kkk

qui



qui se promptos & benevolos omnes obtulerunt. Cùm verò victoria omnis à divino nutu pendeat, Principes & Ordines Christianorum subditos suos ad preces Deo pro patria fundendas piè exhortati fuere. Quæ preces adhuc præsertim apud Catholicos suis temporibus observantur.

Abbas Zwetlensis hoc anno recuperavit per redemptionem à D. Lagelberger subditos in Inferiori Neundorf & Wietzen Monasterio, qui annò MDXLII. à Leissero Abbate locò pignoris ipsi dati fuerant. [4.]

## ADDITIONES.

\* [1.] Cicarella & Ciaconius sub Clemente VIII.

Spondanus hic n. 1. „Quartò Idus Januarii quinquaginta duo Cardinales tunc Romæ præsentis Conclave ingressi sunt; & ut ferè consuevit, in partes distracti; Hispanis & Montaltinis pro Julio Sanctorio Sanseverino vehementissimo nisu prestantibus, ac tantùm non obtinentibus. Prævalente verò demum intercedentium factione, is omnino exclusus est; ac post alios atque alios hinc inde propositos, & reiectos; derepente tandem consensum ab omnibus est in Hippolytum Aldobrandinum Presbyterum Cardinalem tituli S. Pancratii, Majorem Pœnitentiarium, & ipsum non solùm Montaltinæ factionis, putà Cardinalem à Sixto V. creatum, verùm etiam Philippo Regi non ingratum: ceterum virum, qui omni ætate, ac variis quæ obivit muneribus, egregium prudentiæ, probitatis, justitiæque specimen dederat, adeoque singulari apud omnes existimatione præstantem. Qui nihilominus, ut erat vir summè pius, non priùs suæ electioni, quam nec cogitaverat quidem, assensum præbere voluit, quàm de geniculis ante Altare Deum intentissimè precatus esset, ut nisi res ad ejus gloriam & rei Christianæ bonum futura esset, potius ipse linguâ faucibus adharecente obmutesceret, quàm in suam electionem consentiret. Fuit is origine Florentinus, sed Fani natus, quæ urbs est ditio-

nis Ecclesiasticæ in littore Adriatico, præstantibus nobilibus ac piis, patre Silvestro insigni consistorialis aulæ Advocato, & tam rebus gestis, quàm etiam nonnullis scriptis claro, matre Lesà Detà &c. - - In locum Innocentii IX. renunciatus est Pontifex 3. Calendas Februarii præsentis anni, ætatis suæ quinquagesimi sexti; & 4. Nonas ab Alfonso Gesualdo Cardinale Episcopo Ostiensi Sacri Collegii Decano, pro ejus munere, Episcopus consecratus; octavoque post diem coronationis insignia à Francisco Sfortia primo Diacono Cardinali suscepit; assumpto sibi nomine Clementis VIII. & symbolò: *Protektor noster aspice Deum*: ac pridie Nonas Aprilis ad Lateranensem Basilicam, possessionem ex more initurus processit.

[2.] Ex Editò Cæsareo in Consilio.

[3.] Historia Hungariæ hoc anno. Megizerus in Annalibus Carinthiæ lib. 12. cap. 25.

Ortelius Rêdivivus hoc anno. Continuatio Catalogi Ederiani sub hoc anno. „22. Junii apud castrum Sisseck, 12. millia Turcarum unà cum Bassa Bosnensi & V. Begis in Colapo perierunt. 28. tamen Augusti castrum à Turcis expugnatur. - - - 3. Novembris ad Albam Regalem 24. millia Turcarum à nostris equitibus cæduntur, 27. Dominus Christophorus de Teufsenbach castrum Filleck deditione capit. „[4.] Ex libro ædific. Z. sub rubric. Bonorum Monasterii alienat. redemp. sub hoc anno.

## Annus Christi MDXCIII. Monasterii CCCCLV.

Pont. Rom.  
Clemens VIII.

Imp. Rom.  
Rudolphus II.

Archi-Dux Austriae.  
Ernestus.

Episcopus Pataviensis  
Urbanus.

Abbas Zwetlensis  
Ulricus II.

**A**Nno priori Rudolphus Imperator preces populo imponi mandaverat, cujus edictum hoc anno publicari fecit per Decanatum Zwetlensem Udal-

ricus Abbas, obiérat enim Georgius Præpositus & Decanus Clara-vallensis, & ita Præpositura vacabat; unde ab Officiali Passaviensi Abbas rogatus fuerat,

rat, ut edicta ejusmodi ad Parochos dicti Decanatus transmitteret, quod & fecit 6. Martii, annò 1593. \* [1.]

Scribit Abbati Udalrico Wolfgangus Sigismundus Bato de Auerberg hæreditarius Cæsareus supremus venator, & quærit, cur Rupertum Wagnerum canum venaticorum curam habentem de Monasterio suo abire jusserit sine ejus ullo scitu, petitque hujus amandationis causam sibi significari sub dato Laxen-

\* [1.] Ex Originali ipsius copia.

[2.] Ex literis ejusdem Baronis.

burgi 29. Aprilis, annò 1593. [2.] Cui Abbas 8. Maji respondet, inter cetera ejus vitia esse quoque illud, quòd Paschali tempore sub utraque specie communicari voluerit, & sic tanquam refractarium ipsum è Monasterio cedere jussisse, tanquam membrum officialium ceterorum inutile, & fortassis etiam cum tempore damnosum, sub dato Zwetl in Monasterio 8. Maji, annò 1593. [3.]

[3.] E literarum monumentis.

## Annus Christi MDXCIV. Monasterii CCCCLVI.

*Pont. Rom.*  
Clemens VIII.

*Imp. Rom.*  
Rudolphus II.

*Archi-Dux Austriae*  
Matthias.

*Episcopus Pataviensis*  
Urbanus.

*Abbas Zwetlensis*  
Ulricus II.

**A** Rchi-Dux Ernestus priori anno ab Hispaniarum Rege Belgicarum Provinciarum gubernamentum accepit, atque hoc anno descendit in Belgium, Antverpiæ solennissimè exceptus. Cui cedenti, Rudolphus Imperator Matthiæ fratri tam Ungariæ regnum, quàm Austriam vicario nomine regendam tradidit. \* [1.]

Invenitur Udalricus Hackelius Abbas hoc anno Ratisbonam ascendisse, & à prima Junii usque ad trigessimam Julii ibi commoratus fuisse; quid autem ibi egerit, sequentia dicunt: Proceres enim utriusque Austriæ ad Comititia Ratisbonæ Imperialia indicta ab Imperatore, ut illuc legationem mittere possent, licentiam petierunt, & impetrarunt; ad quam petitionem ab Imperatore resolutio talis data fuit: Inprimis Ducem Bavarie portorium vini Schardingæ auxisse in damnum utriusque Austriæ, qui quidem ea de re interpellatus respondit, se ad ejus remissionem non teneri; inde Proceres ut in dictis comitiis suum gravamen Imperii Principibus exponant, & relevamen expetant, ipsis se adjuvamento fore, Cæsar promissit. add. Ad Comi-

tia Legatos mittendi habere eos hisce facultatem, ita tamen, ut mittendas idoneas personas inprimis sibi nominent, nec illi audeant in comitiis quenquam Electorum Imperii aut Principum adire, aut quicquam cum illis se infcio agere vel transigere. Quod tertium attinet ratione defensionis utriusque Provinciae Austriacæ, ipsis interdicere talem actionem ibidem instituendi, jam enim sibi curæ fore, ut in comitiis Provinciarum eadem in bonum suum suorumque transigantur, sub dato in Regia arce Pragensi 23. Aprilis, annò 1594. [2.] Denominarunt autem Imperatori sequentes: Udalricum Hackelium Abbatem Zwetlensem, tunc Inferioris Austriæ Statuum Deputatum; Sigismundum Comitum Hardecensem de Glatz & Machland, Supremum Pincernam Austriæ & Dapiferum Stiiræ; atque Maximilianum de Mäming & Kirchberg ad Bilach, utrumque Cæsareæ Majestatis Consiliarios. Quibus etiam Proceres litteras honorarias non tam ad Imperatorem, quàm Imperii Electores & Principes dederunt. Sub dato Viennæ 28. Maji, annò 1594. [3.] Hi tantum ex Austria Inferiori Legati

Kkk kkk 2

gati nominati, ex Austria Superiore alii, quorum nomina me latent, missi fuere. Atque ita ex his & causa itineris & negotii provincie publicum peractum Abbatis Udalrici in Zwettl constat.

Interea in Ungaria bellum inter Christianos & Turcas recrudescerebat, Matthias Archi-Dux ipse in persona obsidebat Strigonium, praelari aderant ipsi militie duces Nicolaus Palsius, Christophorus Teuffenbachius, Carolus Mansfeldius: Maximilianus vero Archi-Dux, qui Stiriam cum Carinthia & Carniola tenebat, ex Stiria in Ungariam descendens Turcas molestabat & oppugnabat, erat enim Prorex Inferioris Ungarie constitutus, sicut Matthias Archi-Dux Ungarie Superioris. Tandem Sinon Basso mense Julio adhuc anno prioris magnis copiis adductis, quae ad centena millia virorum computatae sunt, in Ungariam venit, capit deditionem Dotin munitissimam, montemque Pannonium. Hinc Jaurinum obsidet, in Schütta insula Danubii Christianos imparatos fundit, Weiselfburgum exurit, Jaurinum fortius à Turca oppugnatur, cuius Praefectus Comes Hardeccensis simul cum reliquis centurionibus in primis inducias paciscuntur, ac tandem 29. Septembris Annò MDXCIV. illud Turcis cum maximo Christianae Reipublicae damno tradiderunt. Ob quam deditionem, Comes Hardeccensis capitali supplicio cum Perlino Viesiae affectus fuit 5. Junii, Annò MDXCV. [4.] Ad hoc bellum Rudolphum Imperatorem non tam pax

à Bassis fracta, quam Pontificis literae, suscipiendum commoverunt, cuius Brevis initium est: „ Clemens Papa VIII. Charrissime in Christo Fili noster, Salutem „ & Apostolicam Benedictionem. Quòd „ Majestati Tuæ gratus & acceptus fuerit adventus &c. „ Miserat enim antè Imperator suum ad Pontificem Legatum Baronem Harrachium, Pontifex autem Cardinalem Madrucium, per quos de auxiliis in bellum Turcis inferendum submittendis transegerant, quare hocce Brevi Pontifex laudans summo opere ejus studium, Imperatorem ad aggrediendum bellum, quod sacrum vocat, valde excitat, sub dato Romae apud S. Petrum sub annulo Piscatoris, 12. Decembris, annò 1593. [5.] Quod Breve primum hoc anno praesentatum fuerat. Pontifex autem non tantum pecuniam, sed etiam Italiae Principes partim pecunias, partim milites submiserunt. Electores quoque Imperii & Principes idem praestiterunt: Moscus item pecuniarum ingentem vim subministravit: Persarum etiam Legati nomine Regis sui, tunc apud Moscum praesentes, Imperatori nostro auxilium promiserunt. Hispanus praeterea cum Pontifice classem in Adriatico mari non contemnendam sub duce Doria in paratis habebat. Atque ita tota Christianitas sese ad bellum Turcis inferendum jam paraverat, sed Sultani mors illud generale solvit, atque inter Bassas in Ungaria vario Marte bellum gestum fuit.

## ADDITIONES.

\* [1.] Piespordius. „ Ernestus II. Austriacus natus Viennae XV. Junii aut Julii „ Annò 1553. - - cum Rudolpho fratre in „ Hispaniam profectus, unà cum eodem annò 1571. in Austriam revertitur. An. 1587. „ à Sixto V. Pont. Max. Ecclesiae propugnatoris insignia Viennae accepit. Regnum „ Ungariae & Austriae ad annos XVII. pro „ Caesare fratre gubernavit, cuius tandem „ consensu à Philippo II. avunculo Belgarum „ Gubernator constitutus Bruxellam annò „ 1594. - - mensis - - ingreditur, & animum

„ statim ad provinciam pacificandam conver- „ tit; sed in illo ipsosandissimo conatu X. Cal. „ Martii, annò 1595. obiit, & aeternum abs- „ que dubio victurus abiit. Ad Divae Gu- „ dilae communis Ducum Brabantiae sepulchrum „ ab Alberto fratre ab ipso Belgarum Gubernatore & Principe illatus. „ Matthias I. Rom. Imp. Hungariae & Boemiae Rex, Archi-Dux Austriae, &c. natus „ Viennae annò 1557. 24. Feb., ipsa Vigilia „ S. Matthiae Apostoli, eodem quo quondam Matthias Ungariae Rex, & patrus „ magnus

„ magnus Carolus V. (eodem utinam fato &  
 „ omine ) nati sunt die. Ernesto fratre ad  
 „ Belgarum provinciarum gubernacula pro-  
 „ fecto, à Rudolpho fratre in Ungariæ, Au-  
 „ striæque pro-regno surrogatur. „

„ Megizerus Annal. Carinth. lib. 12. cap. 23.  
 „ Spondanus hic n. 24. „ Diximus supe-  
 „ rius ( annò præcedent. n. 26. ) Ernestum  
 „ Austrum fratrem Rudolphi Cæsaris in Bel-  
 „ gium venisse, ad illud nomine Philippi Hi-  
 „ spaniæ Regis gentilis sui administrandum.  
 „ Is mense Majo literas ad Ordines fœderatos  
 „ scripsit; quibus egregiam suam erga eas pro-  
 „ vincias voluntatem, ejus causâ fratres, ac  
 „ patriam, & amplissimarum provinciarum  
 „ administrationem reliquisset, contestatus,

„ ob oculos ponebat, à quo invidendæ feli-  
 „ citatis, qua olim fruebantur, fastigio per  
 „ hæc dissidia excidissent: hortabaturque,  
 „ ut amota omni dissidentia in id seriò incum-  
 „ berent, ut pacis constituendæ, ac per eam  
 „ pristinæ felicitatis recuperandæ rationes  
 „ inirent; sicque sibi persuaderent, æqua si  
 „ peterent, ab æquissimo causæ suæ Principe  
 „ impetrari posse. „

[2.] E literarum monumentis.

[3.] Ex copiis eorundem.

[4.] Histor. Rerum Ungariæ. sub annis  
 1593. & 1594.

„ Megizerus Annal. Carinth. lib. 12. cap. 27.

[5.] Ex citatis Authoribus supra.

## Annus Christi MDXCV. Monasterii CCCCLVII.

*Pont. Rom.*  
 Clemens VIII.

*Imp. Rom.*  
 Rudolphus II.

*Archi-Dux Austriæ*  
 Matthias.

*Episcopus Pataviensis*  
 Urbanus.

*Abbas Zwetlensis*  
 Ulricus II.

**S**Trigonium in Superiori Ungaria à  
 nostris per dedicationem hoc anno 2.  
 Septembris captum fuit, quod Don Jo-  
 annes de Medices protinus per cursorem  
 equestrem Summo Pontifici nuntiavit,  
 qui in visitatione Septem Ecclesiarum  
 constitutus mox ante Altare in genua  
 flexus, Te Deum laudamus into-  
 nare cœpit, ex castro Angeli tormenta  
 explodi jussit, & cursores centum au-  
 reis donavit cum una Cavalleria 400.  
 aureorum redditum. \* [1.]

Porro de Abbate suo Udalrico Ha-  
 ckelio scribit sequentia P. Joannes sæpe  
 memoratus: „ Dominus Udalricus  
 „ Abbas plurimum pollebat prudentiâ,  
 „ ingenio & intellectu, unde ad varias  
 „ dignitates fuit promotus, fuerat enim  
 „ per aliquot annos Ordinarius Pro-  
 „ vincialium in Statu Prælatorum, de-  
 „ inde factus est annò Domini 1595.  
 „ Visitator Ordinis nostri per utram-  
 „ que Austriam. Nam eodem anno  
 „ 1595. venit Reverendissimus Domi-  
 „ nus & Pater Generalis Ordinis nostri,  
 „ nomine Edmundus in Provinciam  
 „ hanc Austriacam, & Viennæ tribus

„ septimanis moratus propter Prælatos,  
 „ & propter privilegia Ordinis defen-  
 „ denda, aliæque necessaria in Mona-  
 „ steriis Ordinis nostri Cisterciensis ordi-  
 „ nanda & reformanda, negotia tra-  
 „ ævit. Hinc ascendit in Bavariam  
 „ ad Monasterium Campi-Principum,  
 „ vulgo Fürstenseldt / in quo Capitulum  
 „ generale (potius Provinciale seu Con-  
 „ ventum Abbatum) celebravit men-  
 „ se Septembri. In quo Capitulo D.  
 „ Udalricum Abbatem Zwetlensem in  
 „ Visitatorem Provinciæ Austriacæ or-  
 „ dinavit & constituit, &c. Accepit  
 „ etiam idem Dominus Zwetlensis à P.  
 „ Generali potestatem consecrandi &  
 „ benedicendi Abbates nostri Ordinis,  
 „ &c. „ [2.] Hucusque ille. In illo  
 „ autem Conventu seu Capitulo Provin-  
 „ ciali Baviaræ idem Reverendissimus D.  
 „ Edmundus à Cruce, SS. Theologiæ Do-  
 „ ctor, Abbas Cistercii, & Generalis Or-  
 „ dinis Cisterciensis Monachii in domo  
 „ Campi-Principum constitutus instru-  
 „ menta publica per Notarium fieri jussit  
 „ super expositione Concilii Tridentini in  
 „ iis capitibus, quæ de visitandis ab Epi-

scopo Ordinario locorum Monasteriis loquuntur, sub dato Monachii 11. Septemb. annò 1595. [3.] Commisit præterea idem Generalis Abbat Zwetlensi charitativum, uti vocatur, subsidium à quolibet Abbate in Dioecesi Passaviensi & in utraque Bavaria morante colligendum, ad Monasterii sui Cisterciensis præsentibus Galliae tumultibus ab hæreticis Hugonottis miserrimè direpti, penitusque spoliati restaurationem, & ad suam, suorumque Religiosorum sustentationem, ac debitorum necessariò contrahentium solutionem. Pecuniarum verò summas pie & liberaliter matri suæ afflictissimæ oblatas petit conscribi à dantibus & subsignari, eosque bonis & validis apochis reddere securos, quas autem apochas accipit, mandat sibi transmitti Summo Pontifici ostendas. Pecuniam verò Romani ad Fratrem Xanctium Colonquanium Monasterii Fontis-Frigidi Priorem & Ordinis nostri Procuratorem Generalem dirigere præcipit, qui de recepta illa apocham dabit. Actum in Monasterio Campi-Principum in Bavaria 21. Septembris, annò 1595. [4.] Breve autem Apostolicum exhortatorium sic Monasterii Cisterciensis destructionem describit:

„ Nobilissimum Cistercii Monasterium,  
 „ ut nuper accepimus, in Cabilonensi  
 „ Dioecesi situm, & universi Cisterciensis  
 „ Ordinis Caput, præsentium Galliae tumultuum & intestinorum bellorum injuriâ miserè direptum fuit, ejus Templum sacris omnibus ornamentis spoliatum, quicquid in eo sacrae suppellestilis ad rem divinam servabatur, ad prophanos usus impie translatum, vastati agri, castrum Gilliacense munitionissimum per prodicionem captum, dirutum, & igne consumptum: ex Officialibus & Religiosis Viris nonnulli interfecti, alii percussi, alii capti, reliqui per fugam incolumes, ex illi incommodis vexati, ipsius Monasterii reditus per triennium & eò amplius ita occupati, ut nihil profusus

„ reliquum sit, ex quo dilecti Filii Edmundus à Cruce Generalis & Monachi posthac ali ac sustentari possint. Ad hæc agri etiam deserti & inculti jacent, potissima bonorum pars, quæ in ipso Monasterio & in illius prædiis erant, tota in hæreticorum venit potestatem. Tot denique alia detrimenta idem ipsum Monasterium sustinuit, ut centum millium aureorum summæ jacturam fecisse existimatum fuerit, præterquam quòd castrum Gilliacense vix sexaginta millibus aureorum instaurari posse, fide dignorum testimoniò cognoscimus, &c. Nos pro singulari dilectione, qua antiquissimum istum Ordinem meritiò complectimur, tum quòd plurimorum Sanctorum famâ ac veneratione est illustis, tum quòd perpetuò præstantissimos Viros de Catholica Religione & Apostolica progenit, &c. Datum Romæ apud S. Petrum sub annulo Piscatoris 17. Octobris, annò 1592. Pontificatus Clementis Papæ VIII. annò primò. „ [5.] Contigit autem Cisterciensis Monasterii direptio & spoliatio annò nonagesimò supra mille quingentos, uti ex Brevis Apostolico patet, hoc tantum anno contributio à Monasteriis seu charitativum subsidium petitus fuit.

Idem Generalis Ordinis Cisterciensis commisit quoque vices suas Udalrico Abbati Zwetlensi & Alexandro Hilariensi in convocandis Austriæ utriusque Abbatibus ad Capitulum provinciale in Campo-Principum Dioecesis Frisingensis celebrandum: qualia Provincialia Capitula, ut ipse ait, Pontifex Clemens VIII. ipsi celebranda injunxerat, sicut etiam Inferioris Germaniæ Abbatum Provinciale Capitulum in Monasterio Salemitano jam celebraverat, Brevis Apostolico desuper concesso, cujus Datum est Romæ apud S. Marcum sub annulo Piscatoris 24. Maji, annò 1594. Pontificatus ejusdem annò tertio. Hujus autem Commissionis Datum 21. Augusti,

gusti, annò 1595. [6.] Unde Austriae Abbates in Campum - Principum ascenderunt, si non omnes, saltem plerique, inter quos etiam Abbas Hackelius fuit, qui ab eodem Generali Ordinis Edmundo à Cruce in Campo-Principum Vicarius per utramque Austriam Generalis ejus creatus est, omniâque ejusdem Monasteria visitare possit, præterquam Monasteria Campi-liliorum, & S. Trinitatis in Nova-Civitate, quæ Laurentio Runensi visitanda reservat, de quorum filiatione hic disputat, sub dato in Campo-Principum Bavarie 20. Septembris, annò 1595. Atque ita magis superiora patent ex P. Joanne allata.

Ædificavit demum hoc anno Abbas Udalricus in pago vulgò Obernhof tabernam vinariam destructâ domo priori angustâ; extruxit quoque arcum & portam ibidem versùs civitatem Zwetlensem, sicut ab antiquo distinguebatur pagus iste in exteriorem & interiorem; pars interior usque ad viam publicam prope civitatem pertingit, ubi ante ruinam Hussiticam triginta sex domunculæ vivebantur, quarum situm & servitium annuatim à singulis præstanda Registrum Bursarie Zwetlensis An. MCCCXLVI, sub D. Abbate Ottone II. conscriptum notanter specificat. [7.]

## ADDITIONES.

\* [1.] Ex literis scriptis Strigoniò 2. Septembris, & Româ 16. Septembris annò 1595. Ortelius Redivivus hoc anno.

Historia Rerum Hungaric. sub Illustrissimo Joanne de Medice hoc anno. „ Die 15. Augusti Serenissimus Archi-Dux Austriae Matthias Viennâ oram solvens secundo flumine ad Christianorum castra descendit. „

„ Die vigesimo secundo Augusti idem Serenissimus non tantùm oppugnationem munitionis ejus seriò decernit, sed & præcipuos, & maximè exercitatos milites in id deligit. At quoniam eo ipso die Italorum & Valonum copiae, adhuc Rhenensium, & equitatus in castra adventârunt, consultiùs judicârunt, rem conjunctis copiis aggredi, siquidem muri arcis adeo tormentis congesti essent, ut ultra canibus per eos aditus pateret, sin minùs propositum succederet, ut tum demum subversione, per pulverem in cuniculis succensum, omnia subruerentur funditus.

„ Ultimò Augusti, octo circiter millia, & equitum Germanorum, Italorum, Valonum & Ungarorum ad Turcarum castra populandi nostrum excurrerunt, & summò diluculo levi prælio commisso sexaginta circiter Turcas partim prostraverunt, partim ceperunt; inter quos Begus Copanensis vivus sub terram defossus & sepultus est.

„ Eodem die Archi-Dux Matthias in Gokarenfen munitionem, tormentum vastæ magnitudinis, quod nostri per Antiphrasin ab horrendo boatu, Modulatricem tunc Càngerlin vocant, deduci curat. Hujus violentiâ hostis undique in tantas angustias intra arcem redigebatur, ut nullibi in ea

„ tutò vel latitare vel consistere posset, quin omnes pariter cujuscunque ætatis essent, qui in arce erant, damnum ex eo tulerunt.

„ Postero itaque die, quæ prima Septembris erat, summo mane, signo ex arce dato, & tantum globorum grandinem deprecato colloquium instituit petierunt; mittunt ergo ad nos Legatos suos, & obsides in vicem recipiunt, qui licet peterent, ut omnibus sublati quæ possent, per flumen Budam versus à nostris deducti incolumes dimitterentur, tamen adscriptis solùm hisce conditionibus salum conductum acceperunt nimirum ut latera gladiis accincti, & quantum quisque ferre posset humeris sublati, unâ cum liberis & uxoris ex arce dimissi, & secundo flumine avecti descenderent Budam versùs, relictis equis & aliis quæ haberent in arce: ipsi quoque vice versa incolumes restituerent eos, quos fortè captivos ex Christianis haberent, quorum jam tum vel viginti emissi essent, ad hæc transfugæ Christiani, si qui penes se essent, similiter traderent eos: atque ita conventum hinc inde fuit, in cuius rei fidem Serenissimus Archi-Dux Matthias diplomate à Turcis accepto sibi solenniter cavit.

„ At verò quoniam eodem adhuc die non omnes se ad abitum repentinum parare poterant, ea nocte vidî cum vidioribus ad id deputatis in arce unâ pernoctârunt: postriedie accincti gladiis, & quantum quisque ferre posset, via quæ per Neustadium ducit, progressi triginta navibus completis Budam descenderunt. „

„ Erant ex illis mille septingenti viri armis habiles; uxores, liberi, ægroti, faucil

„erant circiter mille ducenti. Cibarium  
„ & apparatus non tanta, quanta putabatur,  
„ erat penuria. Tormenta bellica omnis ge-  
„ neris aderam triginta, quæ tamen ob cre-  
„ bras dispoſiones admodum confuſa & nul-  
„ lius ferè uſus erant.

„ Hoc itaque modo noſtri Strigonium mu-  
„ nitiffimum, Regiam olim, & Archi-Epiſco-  
„ palem Ungariæ Sedem, nunc recuperatam  
„ poſſident, quam Turcæ duos & quinquaginta  
„ annos continuos hæſenſ obtinue-  
„ rant; pro qua ineffabili gratia & beneficio  
„ Dei Opt. Max. nos in æternum illi gratias  
„ agentes, precabimur, ut huic Chriſtiano-  
„ rum expeditioni porro ſuis auſpiciis præ-  
„ ſens addeſſe dignetur. „

Spontanæ hoc anno n. 18. „ Comitæ  
„ - Poſonii in Panthonia ab Archi-Duce  
„ Matthia Rudolphi Cæſaris fratre, ab ipſo  
„ Cæſare Pragæ in Boëmia, & à Sigismundo  
„ Poloniæ Rege Cracoviæ, menſe Februario  
„ celebrata ſunt: in quibus de belli contra  
„ Turcos gerendi rationibus actum. Et Poſo-  
„ nii quidem decretum, ut nemo à pecunia  
„ ad id conferenda immunis eſſet; qui autem  
„ conferre recuſaret, ſuis ſumptibus militare  
„ teneretur: præſcripſitque militares leges, de  
„ removendis meretricibus à caſtris, de com-  
„ meatûs libertate, de domibus Eccleſiaſtico-  
„ rum ac nobiliû à militum hoſpitiis exi-  
„ mendis &c. . . . .

N. 19. „ Cùm autem Cæſar ad tantum  
„ bellum duce rei militaris admodum perito  
„ & exercitatio opus eſſe cenſeret, cujus pe-  
„ nuriâ hæſenſ ſe haud parùm laboraſſe  
„ comperiebat; Carolum Comitẽ Mansfel-  
„ dium, à primo ætatis flore in Belgicis ac  
„ Gallicis bellis exercitatum, multisque re-  
„ bus præclarè geſtis inſignem, ac diſciplinæ  
„ militaris eximium obſervatorem, è Belgio,  
„ ubi Regi Philippo militabat, de ejus per-  
„ miſſu evocavit. Qui menſe Martio Pra-  
„ gam appellens, ſummo honore à Cæſare ex-  
„ ceptus, & ut major ejus eſſet eo bello ſub  
„ Matthia Archi-Duce authoritas, Princeps  
„ Imperii ſolemni ritu creatus, inde Viennam  
„ conceſſit: Rebusque cum Matthia delibe-  
„ ratis, & copiis collectis ad ſexaginta am-  
„ pliùs pugnatorum millia ex Germania, Hun-  
„ garia & Italia, (adſuit enim Joan. Medices  
„ frater Ferdinandi Magni Etruriæ Ducis cum  
„ tribus peditum millibus, & præclariffimè  
„ rem geſſit, rei tormentariæ Præfectus, ad-  
„ veniſſet etiam poſtmodum à Pontifice miſ-  
„ ſus cum duobus equitum, octo peditum  
„ millibus Joannes Franciſcus Aldobrandi-  
„ nus, gentilis ejus, qui neptem ex fratre in

„ matrimonium habebat) omnia hoſtium loca  
„ tantâ ſolertiâ perluftrans, ut eos anxios te-  
„ neret in quam partem verſurus eſſet, ac ni-  
„ hilominus Javarinum magis cogitare videre-  
„ tur; dum ipſi ea credulitate ex vicinis Stri-  
„ gonii, Veſprinii, aliorumque oppidorum  
„ præſidiis educam magnam militum partem  
„ eò immiſſerint; ipſe mox, quod ab initio in  
„ mente habuerat; ad Strigonium Hungariæ  
„ metropolim Calendis Julii caſtrametatus eſt,  
„ eamque arcta obſidione cinxit: nec tamen  
„ ita poruit omnibus cavere, quin aliquæ ſup-  
„ petiæ intromiſſæ ab hoſtibus fuerint, cum  
„ non parvo Chriſtianorum occurrentium  
„ damno. Cùm verò majores introducturi  
„ præſecti Turcorum cum triginta millibus  
„ armatorum adveniſſent; die quarta Augu-  
„ ſti factò præliò, à Chriſtianis caſſi ſunt ma-  
„ gna clade; qua perempta aut capta qua-  
„ tuordecim hoſtium millia, ſigna & tormen-  
„ ta capta, caſtrâque direpta cum ingenti  
„ præda. Hymnò *Te Deum* poſtea die in gra-  
„ tiarum actionem decantatò, Mansfeldius ex  
„ continuis laboribus, ac præcipuè eâ pugnâ  
„ ſumptis, ægrotare incipiens, decimò quartò  
„ Auguſti pridie Aſumptionis Beatiffimæ Vir-  
„ ginis, ex dysenteria obiit; vir fortiffimus,  
„ longiorique vita dignus, qui annum quin-  
„ quageſimum ſecundum ætatis agebat: pa-  
„ trem ſuperſtitem relinquens Petrum Erne-  
„ ſtum Mansfeldium, & ipſum egregium bello  
„ ducem, Lucemburgenſis provinciæ præſi-  
„ dem, octogenariò majorem, ſed vegetum  
„ ſenem.

N. 20. „ Carolò mortuò Matthias Archi-  
„ Dux in caſtra venit, & obſidionem eodem  
„ ordine, quo Carolus inſtituerat, proſequen-  
„ dam mandavit. Pauloque poſt Vincentius  
„ Gonzaga Mantuæ Dux, decoris avidus,  
„ quamquam nullum in exercitu imperium  
„ haberet, eodem appulſit, ductis ſecum tam  
„ ſuæ diſtinctionis, quam aliarum Italiæ provin-  
„ ciarum viris primariis & bellicæ rei expertis,  
„ cum quingentis circiter equitibus, totidem-  
„ que peditibus egregiè inſtructis. Denique  
„ poſt quædam alia dubia certamina, cum  
„ obſeſſi omni ſpe aliorum auxiliorum deci-  
„ diſſent, aliisque duræ neceſſitatis anguſtiis  
„ oppreſſi eſſent; deditionem fecerunt die ſe-  
„ cunda Septembris æquis conditionibus, &  
„ Budam ſeſe recepere, poſt quinquageſimum  
„ ſecundum annum quàm à Solimano urbs  
„ dedentibus Hiſpanis capta fuerat &c. „

- [2.] P. Joan. Zehetner in Annot. ſuis.
- [3.] E literarum monumentis.
- [4.] Ex Autographo ipſius Generalis.
- [5.] Ex Tranſumpto Brevis Apoſtolicæ.

[6.] Ex Autographo ipsius Generalis Cisterc.

Hoc anno D. Clemens Papa non vulgari prærogativa, cujus supra ad annum 1581. sub N. 2. textus noster meminit, insignivit Sac. Ordinem nostrum, cujus tenor sequens :

### CLEMENS OCTAVUS.

*Dilecte Fili, Salutem & Apostolicam Benedictionem.*

Commoditati Monasteriorum utriusque sexus, tui Ordinis Cisterciensis, quorum benedicente Domino maximus est numerus, quantum cum Domino possumus, consulere volentes, cum sicut accepimus; tu, cui soli, ex Privilegio Apostolico, munus benedictionis, Abbatibus & Abbatissis tribuendi facultas competit, omnibus Abbatibus & Abbatissis hujusmodi benedictionis munus impendere nequeas, tibi, ac pro tempore existenti Generali Abbati ejusdem Ordinis, quandocunque opus fuerit Principalibus Vicariis tuis, qui etiam Abbates existunt, munus benedictionis aliis Abbatibus & Abbatissis impendendi facultatem

subdelegandi, Autoritate Apostolica tenore præsentium perpetuum concedimus potestatem, non obstantibus quibusvis Apostolicis, ac in Provincialibus & Synodalibus Conciliis editis Generalibus, vel specialibus constitutionibus, ceterisque contrariis quibuscunque. Datum Romæ apud S. Mar. cum sub annulo Piscatoris die 24. Julii M.D.XCV. Pontificatus nostri anno quarto.

M. Vestrius Barbianus.

### Supercriptio.

*Dilecto Filio Abbati Generali Ordinis Cisterciensis &c.*

Ita transsumptum in Capitulo Provinciali Præsidente Reverendissimo D. Edmundo à Cruce, Cisterciensi Abbate, Superiore totius Ordinis Generali, in Monasterio Fürstfeldensi in Bavaria prope Monachium die festo Exaltationis Sanctæ Crucis, decimo quarto die Septembris; anno Domini MDLXXXV.

[7.] Ex lib. ædific. Z. sub hoc anno. P. Joannes Zehetner in annotat. suis. Item Registrum citatum Autographum.

## Annus Christi MDXCVI. Monasterii CCCCLVIII.

*Pont. Rom.*  
Clemens VIII.

*Imp. Rom.*  
Rudolphus II.

*Archi-Dux Austriæ*  
Matthias;

*Episcopus Pataviensis*  
Urbanus.

*Abbas Zweitenfensis*  
Ulricus II.

Ferdinandus Caroli Archi-Ducis Austriæ & Stiriæ filius hoc anno 12. Decembris, Græcii fidelitatis iuramentum seu homagium à Stiriæ Proceribus accipit, qui etiam anno sequenti Archi-Ducatus Carinthiæ actus in ejusmodi Provinciæ suscipienda administratione 20. Januarii exercuit. \* [1.]

Conventus Dei-Vallensis Udalrico Abbati in Zweil significat obitum sui Abbatis D. Matthiæ, qui 11. Januarii horâ noctis octavâ hoc anno contigit. [2.] Udalricus igitur, uti Vicarius Generalis per Austriam, rescribit Conventui dicto, quod defuncti corpus Joannes Abbas S. Crucis sepulture tradet in illo Sacello, quod ille ante suum obitum noviter consecrari fecit: deinde Admini-

stratorem in Spiritualibus Conventui nominat P. Georgium Priorem illorum sub dato Vjennæ 15. Januarii; anno 1596. [3.]

Porro Abbas Udalricus de se ipso scribens ait: „Anno 1596. sui per annum ordinarii in rebus bellicis adjun- „tus. „ [4.] Quod declarant tot literarum fasciculi de rebus bellicis agentes, qui adhuc supersunt.

Eodem tempore fuit in Zweitenfensi Præpositura installatus Zachæus Greil post obitum Georgii quondam Præpositi, hic Parochus ad S. Michaëlem antè Viennæ extitit, & quoque Confessarius Monialium ad S. Jacobum ibi fuerat, qui scribit Abbati de sua confirmatione, & facit mentionem de sub utraque spe-

M m m m m m

cic



cie in Communionem Zwetlensibus porrigenda, sub dato 17. Maji, annò 1596. [5.] Unde patet, Zwetlenses cives ad Lutheranismum declinasse.

Tumultus hoc anno rusticorum oritur, nam pagani de Lauterbach, Harbach, & Harmanischlag Præfectum domini Weitracensis Georgium Schwarzman accusant apud Georgium Winter Supremum in silvestri hac Austriæ plaga Capitaneum constitutum de certis

quibusdam gravaminibus contra antiqua sua indulta illatis, auxiliùmque contra eundem petunt, sub dato Weitra in festo S. Stephani, annò 1596. [6.] Non soli verò Weitracenses subditi rebellaverant, sed etiam infra Mainhardi montem vinitores, & ultra Danubium illi, qui supra saltum Viennensem habitabant, De quorum tumultu annò sequenti plura scribentur, quo rursus erat idem extinctus & sopitus.

## ADDITIONES.

\* [1.] Megizerus Annal. Carinth. lib. 12. cap. 28.

Piespordius sub Ferdinando.

[2.] Ex literis ejusdem Conventus intimatoriis.

[3.] E literarum monumentis.

[4.] Ex Libro suo. P. Joannes Zehetner in Annotat. suis hoc anno.

[5. & 6.] E literarum monumentis.

Continuatio Catalogi Ederiani hoc anno.

„ Rustici Austriæ Inferioris Campum-liliorum invadunt, omnia in suam prædam convertunt, præfectos arcium captivos ducunt, S. Hippolytum obsident. Sed cum ad festum Paschatis celebrandum ductores illorum Guilielmiopolim (Wilhelmsburg) intrassent, inibi à septem civibus partim necati, partim capti Viennam ad pœnas rebellibus debitas ablegantur, ceteri præcis auriculis ad tuguria sua redierunt. „

## Annus Christi MDXCVII. Monasterii CCCCLIX.

*Pont. Rom.*  
Clemens VIII.

*Imp. Rom.*  
Rudolphus II.

*Archi-Duc Austriae*  
Matthias.

*Episcopus Pataviensis*  
Urbanus.

*Abbas Zwetlensis*  
Ulricus II.

**D**Um adhuc bellum in Ungaria Turcicum duraret, Clemens Papa VIII. propacem inter Christianos Principes obtinenda Romæ Jubilæum publicari fecit, ut arma sua ad Turcas debellandos converterent, sub dato Romæ 3. Nonas Julii, annò 1597. Pontificatus sui annò sexto. \* [1.] Hoc Jubilæum Melchior Klefelius Officialis Pavesiæ nomine Urbani Episcopi sui Viennæ 27. Octobris hoc anno publicari fecit.

Udalricus Abbas Zwetlensis de se hæc scribit: : Annò 1597. 4. Januarii „ feci juramentum in Excelso Regimine, eademque die installatus, & data „ erat mihi ab Imperatore Rudolpho „ Sessio Baronum „ [2.] Hæc ille de se: alius addit: „ Eodemque anno „ etiam præfuit urbi, ac Prætor urbis

„ Viennensis factus, decem annis hoc „ officium continuavit. „ [3.] Huic scribit P. Joannes Neuner pro tunc adhuc Prior Zwetlensis, quatenus cum promotione sua ratione vacantis Abbatie in Seisenstain non properet, cum adhuc tempus sit. Deinde mentionem facit tumultus & rebellionis in hac silva rusticorum, quid hinc de ornatu Templi faciendum sit, consilium petit; addit, quòd omnes in Monasterio & vivere & mori constituerint, sub dato Monasterii in Zwetl 4. Februarii, annò 1597. [4.]

Porro de tumultu rusticorum in Austria tam supra quàm infra Mainhardi montem, & supra Viennensem silvam exorto pluribus agendum erit, quia Monasterii subditos, & hunc Zwetlensem tractum concernit, tum etiam quia Udal-

Udalricus Abbas ad hunc tumultum sedandum Commissarius Cæsareus fuerat, tum vel maximè, quia ejus commissionis Acta hìc habentur, [.] quare benevolus Lector parcat prolixitati. In primis igitur videndum, quæ causa fuerit hujus excitati tumultus, cujus articuli sequuntur cum tali inscriptione:

*Articuli Rusticorum, quibus moti conspirare ausi fuerint, & Dominis suis rebellionem movere.*

„ **N**obiles, Honesti, Sapientes, Benevoli admodum Domini, Amici, & Vicini; Quid nos omnes ad motus excitandos coegerit, ut conveniremus in unum, scèdusque inter nos usque ad ultimum spiritum & extremam inopiam jecerimus, causæ sunt, quæ sequuntur:

„ *Causa 1<sup>ma</sup>.* „ Quandoquidem hætenus ad Turcam Christiani nominis hostem debellandum trigessimum & decimum virum miserimus, & stipendia militaria ipsis dederimus, nos opifices & agricolæ multum exposuerimus, nec amplius habeamus, unde dare possimus: proinde à Dominis nostris è domibus nostris & pagis ejicimur. Quare nos iidem opifices & agricolæ modò virum quintum, si etiam peteretur, nec mittere; nec ullum militare stipendium porrigere cogitamus, sed ad Sac. Cæs. Majestatis Clementissimi Domini ac Principis nostri honorem & patriæ defensionem quilibet bello seipsum tradere constituimus, ita tamen, ut unà Domini quoque in hostes arma ferant.

„ *2da.* „ Quia Domini nos subditos suos nimis laboribus contra indulta antiqua gravant, ita ut neque clementia aut misericordia circa miserè gravatos locum ullum habeat, neque finis ullus appareat in dies novorum laborum excogitandorum.

„ *3<sup>ta</sup>.* „ Jam à quatuor annis juxta Danubium deductio & descensus militum continuatur, quorum talis est

„ insolentia, ut non tantum quidquid ipsis de victu apponitur, contenti non sint, sed etiam cistas omnes perfringant, & quicquid inveniunt, rapiant; insuper etiam miserrimè nos pauperes percutiant, ad quam superbiam & insolentiam amovendam hæc conjuratio facta est, ut si quid talè rursum contingeret, non tantum subditi per edictum publicum concurrerent, sed etiam illorum Domini, quorum pauperes vexarentur, sumptis armis suos defendere juvarent.

„ *4<sup>ta</sup>.* „ Deinde ad conspiracyonem istam Domini nostri nos subditos suos cogunt, nam ubi Dominus Deus per mortem parentum pupillos facit, qui à parentibus suis aliquid habent, quod hæreditare possint; tunc aliqui sunt Domini, qui pupillorum hæreditatem vel in claustra, vel in castra unà cum pupillis condunt: qui ubi pubertatis annos attingunt; tunc illos in villis & prædiis ad servitia sua applicant, eosque pessimè tractant, ita ut aufugere debeant, quo facto Domini hæreditatem talium in poenam illorum ad se rapiunt; & si antea illam non acceperint, mox à curatoribus eorum sub gravissimis mulctis & poenis extorquere solent. Hoc ferè amplius non possumus, quia contra Dei præcepta & contra omnem justitiam peccatum grande est.

„ *5<sup>ta</sup>.* „ Iterum à Dominis nostris ad hæc causamur; nam ubi parentes filiis aut filiabus ad laborem aptis à Deo donati sunt, quos multo sudore & labore longo enutrierunt, ac ipsi parentes jam laboribus exhausti & senio confecti sunt, ita ut liberorum labore juvari possent & sublevari: tunc illos ad Dominorum suorum servitia sistere coguntur, à quibus quandoque ita tractantur, ut fugæ se dare debeant: quos parentes quærere & ad servitia sua priora restituere jubentur, si non inveniunt, parentes sæpe à Dominis talibus tyrannis in bonum

Mmm mmm a

„ nis

nis & in corpore gravissimè puniuntur. Quod amplius nullò modò ferendum est.

61a. „ Ratione multarum immensarum & indiscretarum à Dominis suis indictarum. Olim, ubi aliquis deliquit, ad Iudicem vel Senatū pagi ab adversario suo deferebatur, reus citatus audiebatur, ac tandem pagi Officialis cum suis assessoribus sententiam aut pœnam pronuntiavit, hic erat mos laudabilis. Modò verò Domini tyrannorum more delinquentes secundum voluntatis suæ beneplacitum puniunt, ut sæpe peccans, qui unum, vel alterum florenum pro multa dare debuisset, triginta aut quadraginta, aut plures florenos pendere teneatur; nec ullum respondere, ne dicam, ad officium pagi dirigere sinunt. Quod etiam diutius ferendum non est.

7ma. „ Et licet aliquando pauperes de hac injustitia Dominorum suorum apud Summum Magistratum libenter querelas deponere vellent, non tamen in causa sua expediuntur, sed magis suspenduntur & negliguntur.

8va. „ Causam etiam nobis dant Præfecti castrorum, arcium & dominiorum, qui pauperes colonos ita aggravant, & graviter puniunt, ac si eos excoriare velle viderentur. Manifestum hoc est, cum aliquis interdum Præfectus ad Præfecturam suam venit, vix decem florenis tota illius aestimatur substantia, post duos verò annos duo millia florenorum in banco sunt, unde solum amœniores sibi emunt domos, molendina, dominia, & castra: profectò sole clariùs apparet, illos has opes nonnisi à pauperibus habere extortas.

9na. „ Gravis nobis est census ille, qui vulgo Hufgeld vel Hausguldē vocatur, de qualibet nimirum domo florenus, qui census ab antiquo non fuit.

10ma. „ Gravamen etiam nostrum est, qui nuptias in tabernis Monasteriorum & arcium celebrare debemus, cum aliàs commodiùs alibi illas haberemus, in quibus tabernis plures sumptus adhibere tenemur.

11ma. „ Quia pecora nostra primum Domino ad emendum offerre cogimur, ipsique minori pretio dare, cum alibi cariori illa vendere possemus.

12ma. „ Cum nobis nuntiatur, ut ad Monasteria vel arces custodiæ causa veniamus, etiam de nocte venire cogimur, quicquid interea cum domibus nostris agatur, quod etiam nostrum gravamen est.

13ta. „ Grave insuper nobis est, quia Dominis nostris majorem metretam dare debemus, illi autem tantum dant nobis minorem.

14ta. „ Molestamur etiam in messe filiginis aut tritici, & in avena metenda, olim enim vel pro mercede vel pro cibo & potu laboravimus, nunc quidem nec gratias referimus, multò minùs mercedem, cibum aut potum.

15ta. „ Injusta planè res est, quòd ubi nostrum aliquis moritur, tunc Domini multam inde capiunt pecuniam etiam violenter, ita ut tantum triginta vel quadraginta florenos accipiant, ubi verò pecunia deest, ad pecora mox oculos conijciunt, & inde pulchrius par boum sibi rapiunt.

16ta. „ Hoc etiam abusus esse videtur, quòd cum aliquis domum emit, tunc Dominus numerans pecuniam, de quolibet floreno unum accipit cruciferum, qui vulgo Zehlgeld vocatur, quam tamen pecuniam etiam nos numerare sciremus, si modò multam haberemus.

17ma. „ Molestum rursus nobis est, quòd ubi aliquis domum emit, semper decem solidos ob inscriptionem dare tenetur, vocatur vulgo Schreibgeld / qui mos olim non erat.

18va.

180a. „ Gravamen etiam est,  
 „ quòd olim pro arbore una dabantur  
 „ quatuor cruciferi, modò verò octo-  
 „ decim cruciferos dare tenemur, quos  
 „ ampliùs dare absolūtè nolumus.

19na. „ Onus etiam novum est,  
 „ quòd canes aulicos seu curiales Do-  
 „ minorum nostrorum ad venationem  
 „ aptos ducere debeamus.

20ma. „ Neque cogitamus ampliùs  
 „ de puerperarum vino, sicut etiam de  
 „ vino in nuptiis consumpto censum  
 „ ullum dare, qui Tàg vulgo vocatur.  
 „ Et proinde omnibus nostris manda-  
 „ mus, ne illis pro tali vino vel obu-  
 „ lum exponat.

21ma. „ Quod censum, qui Steu-  
 „ ra dicitur, attinet, quilibet nostrum  
 „ tam Cæsareæ Majestati, quàm terræ  
 „ Principi atque Proceribus ad eum  
 „ solvendum tenetur; si autem novus  
 „ à Cæsare Majestate imponeretur,  
 „ cùm hactenus eidem Majestati talis  
 „ census parum utilitatis attulerit, om-  
 „ nino dari vetatur.

22da. „ Demum, si Domini sub-  
 „ ditos suos, vel ob has, vel ob alias  
 „ causas carceribus, ergastulis, aut ecu-  
 „ leis punirent, aut punire vellent: tunc  
 „ omnes conjurati vitam, bona, corpus  
 „ & sanguinem ad tales redimen-  
 „ dos & cum suis defendendos ex pa-  
 „ cto tenentur. „ [6.] Atque hi sunt  
 „ articuli juratorum, quorum Capitaneus  
 „ supremus nominatur Haselgrueber.

Jam semel edictò Cæsareò rebelles  
 „ admoniti fuerant, ut alio modo jus su-  
 „ um quererent, non armis, verum illi à  
 „ suis antesignanis rursus excitati, magis  
 „ magisque confirmati, jam etiam plu-  
 „ rium aliorum rusticorum conjunctiones  
 „ quærebant, unde Rudolphus II. Impe-  
 „ rator contra illos tale mandatum dedit:

„ Nos Rudolphus II. Dei Gratiâ  
 „ Electus Romanorum Imperator sem-  
 „ per Augustus &c. Posteaquam per-  
 „ duelles rustici atque etiam alii subditi  
 „ cum suis complicibus & adjutoribus,  
 „ qui se illis adjunxerunt, vel adhuc

„ juncturi sunt, in partibus Austriæ  
 „ duabus, nimirum supra Viennensem  
 „ silvam & Mainhardi montem, non  
 „ reputantes priorem ipsi ultro obla-  
 „ tam clementiam, paternam admoni-  
 „ tionem, gratiam nostram, & indul-  
 „ gentiam commissorum, adhibita me-  
 „ dia & remedia ex gravaminibus libe-  
 „ randi respuentes, in sua pervicacia &  
 „ insolentia puniendi perdurant, arma  
 „ capessunt, & panis vexillis vagantur,  
 „ jam aliquot castra & oppida ceperint,  
 „ Provincialium Dominorum bona di-  
 „ ripiendi dederint, ad has duas Au-  
 „ striæ partes sibi juramentò subjicien-  
 „ das, ad Nobiles Dominosque elimi-  
 „ nandos, supprimendos, ac delendos  
 „ de novo conjurârunt. Ita necessitas  
 „ postulat, tali ingruenti malo seriò  
 „ obviandum esse, inde clementer de-  
 „ crevimus, quantocyus ad illas par-  
 „ tes pedites equitesque dirigere. Ut  
 „ autem istis militibus sufficiens auxilia-  
 „ um præstetur, ita mandamus clemen-  
 „ ter vobis in dictis Austriæ partibus  
 „ habitantibus, ut equos vestros cen-  
 „ suales his visis quamprimum detis,  
 „ vos secundum posse vestrum equitatù  
 „ peditatùque ad resistendum parati  
 „ sitis, deinde Monasteria, castra, do-  
 „ mus & civitates vestras præsidii mu-  
 „ niatis, vicinitatis gratiâ fœdus inca-  
 „ tis, obedientes subditos vobis adjun-  
 „ gatis, & ubi necesse fuerit, aut una  
 „ manu rebelles involare, aut cum Ge-  
 „ nerali Capitaneo suisque militibus  
 „ vos conjungere, dictis perduellibus  
 „ subditis eorumque complicibus, quàm  
 „ optimè poteritis, corpora, vitam,  
 „ bona eorum igne & gladiò absumatis,  
 „ uxores & liberos eorum abducatis,  
 „ commeatum, armaturam, pulvères  
 „ rapiatis, nec ulli perduellium & ino-  
 „ bedientium parcatis. Præsertim ve-  
 „ ro omnis Magistratus, Dominus, ci-  
 „ vitas, pagus, aut oppidum in Danu-  
 „ bii utraque ripa, omnes naves ex  
 „ aquis sine mora deponant in loca mu-  
 „ nita, ripas custodiant & muniant,  
 „ Nnn nnn he-

„ neque ullum per fluvium deferant.  
 „ Quæ suprascripta etiam alias partes  
 „ Austriæ non tantum quoad censuales  
 „ equos, sed etiam quoad milites ubi-  
 „ cunque, si casus feret, adhibendos,  
 „ præstare volumus. „ [7.] Deinde  
 „ admonet Imperator Dominos, ut stu-  
 „ deant obediētes suos subditos fovere,  
 „ errantes revocare, eos à gravaminibus  
 „ veris liberare, omnem gratiam & indul-  
 „ gentiam transgressis, si ad obediētiā  
 „ redierint, polliceri & exhibere, perti-  
 „ naces verò perduelles igne & gladiò per-  
 „ dere. Præterea hortatur Capitaneos  
 „ partium Austriæ supradictarum, ut offi-  
 „ cium suum fideliter expleant, in mili-  
 „ tum delectu de loco cum Provinciali-  
 „ bus conveniant, decuriones atque alios  
 „ militiæ Præfectos aptos legant, eorum  
 „ nomina consignent, eos sub salario cer-  
 „ to conducant, ac denique ad hanc in-  
 „ solentiam extinguendam cum Austriæ  
 „ Proceribus correspondere contendant,  
 „ sub dato Viennæ 6. Februarii, annò  
 „ 1597. Ex quo Edicto Cæsareo apparet,  
 „ quid hic rusticorum tumultus voluerat,  
 „ quò collimarat. Erit autem necessari-  
 „ um ob oculos ponere perduellium egre-  
 „ gia peracta facinora, quæ talia sunt:  
 „ Udalrico Hackl Abbati Zwetlensî, & in  
 „ causa rebellionis hujus Commissario fa-  
 „ cit relationem quidam Eques præfens  
 „ ubique spectator & focius talem: „ Ad  
 „ in hac parte Danubii. Vigesima septi-  
 „ mæ Februarii rustici Equites Maratskia-  
 „ nos in pago Strafs invaserunt, quo-  
 „ rum equitum numerus centenarium  
 „ non superavit, ad hos delendos ru-  
 „ stica turba undique convolvavit, ipsi  
 „ quadraginta & octo equos, arma, aliā-  
 „ que ad militiam spectantia rapuerunt,  
 „ manè enim circa horam nonam & de-  
 „ cimam in eos irruerunt, quindecim  
 „ illorum, inter quos tres pueros &  
 „ unam mulierem, crudeliter mactarunt,  
 „ eos dissecantes in partes absque mise-  
 „ ricordia. Verum & rustici paulò  
 „ post equitum manus senserunt, Strafs  
 „ enim pagum incenderunt, in quo ad  
 „ quadringentos illorum occiderunt;  
 „ & ab ipsis multa tam in pecunia, quam  
 „ aliis in rebus spolia obtinuerunt. His  
 „ peractis nobis nuntiatum fuit, octo  
 „ ferme millia rusticorum ad nos inva-  
 „ dendos cum spe pugne incundæ ad  
 „ Kirchbergam in Wagran convenisse,  
 „ contra quos primâ Martii ordine mili-  
 „ tati simul omnes egressi sumus, qui  
 „ nos ita ordinatè instructos videntes  
 „ mox dispersi omnes fugerunt. Fugi-  
 „ entes insecuti quotquot deprehendi-  
 „ mus, partim nasò & auribus mutilati,  
 „ partim miserè confossi, globis traje-  
 „ cti, tum cestris, securibus, fustibus,  
 „ que mactati fuere. Deinde ad Kirch-  
 „ bergam properantes, cum Dircen-  
 „ tium & Ottentalium attigissemus,  
 „ neminem rusticorum domi inveni-  
 „ mus, utrumque pagum expoliatum  
 „ incendimus, damnum in eo compu-  
 „ tatum fuit ultra quadraginta millia  
 „ florenorum, unicus enim lanio ibi-  
 „ dem Thomas nomine quatuor millia  
 „ amisit. Perduellium etiam aliquot  
 „ ad arborum ramos suspensi, plures  
 „ Officiales pagorum bene opulenti, ac  
 „ rustici ditiores capti sunt, qui aliquot  
 „ millibus florenorum vitam redeme-  
 „ runt. Septimâ porro Martii rursus  
 „ triginta millia rusticorum nos inva-  
 „ dendi gratiâ in Loio seu Langen-Loys  
 „ convenerunt, quos non timentes  
 „ octavâ Martii accessimus, sed etiam  
 „ isti nostrum conspectum ferre non va-  
 „ lentes, in silvam Gfellenfem fugâ se  
 „ proripuerunt, ex qua in propria eva-  
 „ nuerunt: incenderunt quidem in sa-  
 „ ga oppidum Loisum, sed tantum  
 „ quindecim domus, potiores tamen  
 „ flamma devoravit & perdidit. Ea-  
 „ dem die in Steffansbach adhuc veni-  
 „ mus, in quo pago ejusque vicini-  
 „ bus multi nequam sunt deprehensi,  
 „ qui secundum regulam rusticanam  
 „ tractantur, hic enim unus, ibi alter  
 „ suspenditur, qui vitâ donantur, na-  
 „ ribus & auribus abscissis notantur.  
 „ Cras iter nostrum Hornam versùs in-  
 „ stitue-

„ situeretur, ubi triginta millia rustico-  
 „ rum quæremus, mens mea magnam  
 „ sanguinis illorum mihi prælagit effu-  
 „ sionem. Hostes hodie à Domino  
 „ Beuer Capitaneo saluum conductum  
 „ petierunt, sed nequiter, unde ipsis  
 „ sic concedendus non est. Cæsa-  
 „ rea Majestas & Serenissimus Archi-  
 „ Dux milites conscribunt, nobisque  
 „ jam trecentos equites & quingentos  
 „ pedites submisserunt. Si rusticorum  
 „ sexaginta millia adessent, cum ipsis  
 „ pugnaremus, & illos D<sup>ni</sup> cum adju-  
 „ torio vinceremus. „ [8.] Hæc  
 „ ex relatione dicti Equitis Ducalis, ut se  
 „ ipsum nominat. Atque ita rustici in  
 „ parte infra Mainhardi montem suam  
 „ mercedem rebellionem dignam recepe-  
 „ runt.

Ascendo ad partem supra Mainhardi  
 montem, in qua etiam Monasterium  
 Zwetlense situm est cum suis subditis,  
 antequam verò alia proferamus, de Com-  
 missariis ad perduelles legatorum  
 actis videamus, qui in oppido Gsell con-  
 stituti literas ad eorum antesignanos ta-  
 les dederunt: „ Salutem & prompta  
 „ studia nostra, Honesti Amici, cum he-  
 „ ri in Gsell vesperi venissemus, intelle-  
 „ ximus, quòd à vobis nova convoca-  
 „ tio facta sit, & rustici omnes circum-  
 „ quaque in Alentgſchwent venire  
 „ iussi fuerint, qui vester motus, quod  
 „ vestrum propositum non tantum per-  
 „ sonis vestris, liberis & uxoribus, sed  
 „ etiam universæ parti huic seu territo-  
 „ rio ultimam ruinam & præcipitium  
 „ extremum causabit. Nam planè ve-  
 „ ster iste motus Principis vestri cle-  
 „ mentia & universitati vestræ obla-  
 „ tæ gratiæ contrariatur: si verò vos  
 „ quieti reddideritis, saluum condu-  
 „ ctum ad nos venientes accipietis, gra-  
 „ vamina vestra audientur, & quantò  
 „ citius ea offeretis, eò citius ab iis li-  
 „ berabimini: sicut ex copiis salvi con-  
 „ ductus à Capitaneo Gsellensi, ut ipse  
 „ asserit, heri vobis transmissis, clarè  
 „ conspiciere poteritis. Deinde etiam

„ iste motus vester Commissioni nostræ  
 „ à Clementissimo vestro Principe ema-  
 „ nanti, ut percipietis, maxime con-  
 „ trariatur. Quapropter quid in hoc  
 „ casu vobis faciendum sit, bene pon-  
 „ derate, & sincerum ac fidele consi-  
 „ lium nostrum accipite, ut nimirum  
 „ quamprimum selectos aliquot ex vo-  
 „ bis ad nos huc in Gsell mittatis, pro-  
 „ mittimus autem vobis saluum Prin-  
 „ cipis conductum, si tamen à pericu-  
 „ lo vestro proposito declinare vo-  
 „ lueritis, ut interea ab omni violenta  
 „ irruptione satis superque securi ma-  
 „ neatis: quemadmodum etiam D. Ma-  
 „ ratsky supremus militum Capitaneus  
 „ hoc in mandatis tantum habet, ut er-  
 „ ga eos, qui quietem colunt, & futu-  
 „ ræ Commissioni, qua omnium gra-  
 „ vamina tollentur, adesse volunt, ni-  
 „ hil omnino tentet, sed solum in pacis  
 „ turbatores & inquietos executionem  
 „ militarem intentet, prout in vestro  
 „ ad nos adventu per legatos plura au-  
 „ dituri estis; simul hanc in nos fidu-  
 „ ciam habeatis, quòd nos uti Viri ho-  
 „ nesti & fide digni, animò sincero &  
 „ corde fideli erga vos afficiamur, mo-  
 „ dò agnoscere, & salutem vestram di-  
 „ ligentiùs considerare volueritis. Ce-  
 „ terum nos vestrum adventum vel re-  
 „ sponsum per hunc nostrum tabella-  
 „ rium hic præstolabimur, ut sciamus,  
 „ quid Principi referre debeamus, Deò  
 „ nos invicem commendantes. Datum  
 „ in Gsell 21. Martii, annò 1597. „ [9.]  
 „ Harum subscriptio talis erat: „ N. & N.  
 „ ablegati ad eos de Cæsareis Civitati-  
 „ bus, oppidis & pagis in Inferiori Au-  
 „ stria excitatos cives & rusticos Com-  
 „ missarii Stephanus Mayr & Silvester  
 „ Pacher. „ Superscriptio literarum  
 „ harum ita sonabat: „ Honestis N. & N.  
 „ pro tempore denuo in Alentgſchwent  
 „ excitatis civibus & rusticis ad proprias  
 „ manus. „ Hanc autem Commissio-  
 „ nem institutam fuisse in Emmerstorf, se-  
 „ quentes literæ declarant: „ Nos N.  
 „ & N. domini Arbesbach coloni præ-  
 „ Nnn nnn 2 „ senti-

„sentibus fatemur, quod hodie ab Ho-  
 „norabili ac Prudenti Viro N. Judice  
 „& Senatu in Emmerstorf ad manus  
 „nostras receperimus, nostra colono-  
 „rum nimirum domini Arbesbacensis  
 „conscripta gravamina, quæ eo tem-  
 „pore, quo Commissio Cæsarea in di-  
 „cto Emmerstorf oppido haberi debuisset,  
 „Georgio Prunner tunc supremo  
 „rusticorum Capitaneo existenti tradi-  
 „dimus. Ab ulteriori itaque grava-  
 „minum nostrorum petitione prædi-  
 „ctum oppidum & Capitaneum libe-  
 „ros pronuntiamus, harum testimo-  
 „niò literarum. A<sup>dm</sup> 3. Martii,  
 „annò 1597. „[10.] Commissio  
 „verò supradicta hæc in se continebat:  
 „Matthias Archi-Dux Austriæ &c. hortatur  
 „seriò rusticos perduelles partis Au-  
 „striæ supra Mainhardi montem, ut arma  
 „sua tradant receptâ apochâ vel Dominis  
 „suis vel Commissariis; de qualibet Pa-  
 „rochia vel officio pagi cujuslibet vades  
 „offerant, & gravamina sua in civitate  
 „Zwetlenfi deputatis suis Commissariis  
 „explicent, exprobrans ipsis, quod Ca-  
 „pitaneos suos nondum licentiassent, sed  
 „novos insuper creassent, evocationes  
 „occultas & conventicula in variis locis  
 „procurassent, etiam tympanis & armis  
 „sub vexillo publicè vagarentur, &c.  
 „Quare ut sibi, liberis, uxoribus, & bo-  
 „nis suis parcant, seriò adhortatur, nè, si  
 „admonitionem suam acceptare nolue-  
 „rint, graviora experiantur, sub dato  
 „Viennæ 21. Martii, annò 1597. [11.]  
 „Ex Commissariis istis unus fuit Udalricus  
 „Hackl Abbas Zwetlensis, qui unâ cum  
 „Domino Landavio collega gravamina  
 „rusticorum accepit.

Supremus rusticorum Capitaneus  
 tunc erat Georgius Prunner, cui subditi  
 Poësenpeugenses scribunt, qui arcem  
 Poësenpeug in rupe ad Danubium sitam  
 occupaverant, quam arcem suam pri-  
 mariam vocant, in quam Cæsareanos  
 milites suscipere noluerunt, penes quos  
 ajunt se debere vigilare; petunt igitur à  
 dicto suo Capitaneo consilium, quidnam

agere debeant: existimant, eandem ar-  
 cem rusticorum nomine incolendam &  
 sibi defendendam esse, cameris omni-  
 bus sigillis occlusis, vinò frumentoque  
 annotatis, usque dum redeat Dominus  
 Hofensis, qui Viennæ morari dicitur, &  
 secum potiorem suam substantiam tulit,  
 sub dato Poësenpeug 3. Februarii, annò  
 1597. [12.] Auxilium etiam peti-  
 runt ab eodem Georgio Prunner rustici  
 ad Prunn spectantes, quorum literarum  
 tenor sequens est: „Nos subditi, offi-  
 „ciales & jurati assessores optamus om-  
 „nia bona Clementissimo ac Clarissimo  
 „Domino Domino Supremo Consilii  
 „bellici Capitaneo & militiæ Generali.  
 „Vestram Clementiam accedimus nos  
 „pauperes supplices, quatenus nostra  
 „gravamina & præsentem necessitatem  
 „in magnis censibus, quibus ad solven-  
 „dum obstringimur, & magnis labo-  
 „ribus, quibus onerati sumus, à nobis  
 „aufferi juvaret, ut paupertatem no-  
 „stram sublevare possemus, & non ta-  
 „lem duram miseramque vitam ducere  
 „cogamur; rogamus nos Deum, ut  
 „sit auxiliator noster, neque à nobis  
 „cedat, & ita nos, qui hic in Prunn  
 „pauci sumus, etiam vobis auxilio eri-  
 „mus, quamdiu vita nostra subsistet,  
 „Deo nos omnes commendantes. A-  
 „ctum in Prunn Sabbatò post Purifica-  
 „tionem, annò 1597. Nos Judex Lau-  
 „rentius Keckh & Christophorus Son-  
 „tagprüegel hæc nostris sigillis muni-  
 „vimus. „[13.] Hi rustici insurre-  
 „xerunt contra Nobilem Dominam Chri-  
 „stinam Woytichin viduam de Ybawitz  
 „& Taxen, contra quam articulos qua-  
 „draginta & unum attulerunt.

Sæpefatus Capitaneus Prunner etiam  
 Zwetlæ conspirationem suam texuit,  
 quod declarant literæ Officialis de Walt-  
 hausen ad Ottensschlag spectantis, & aliæ  
 plures.

Transcamus jam ad gravamina pa-  
 gorum, atque in primis pagos Monaste-  
 rii Zwetlensis enumeremus, qui à dicto  
 Prunnero Capitaneo ejusque affectis ex-  
 citati

citati fuerunt: Subditi de Geschwendt aliud nihil afferbant, quàm novos labores, quòd nimirum quatuor diebus ad grangiam Kobel recenter constructam agros colere teneantur. Subditi quoque in Ruedmans, Zwetlern, Gerothen, Kaltenbrun & alii quidam concitati resistere tentârunt: Eorum querelæ quia in punctis suprà allatis rusticorum consistunt, superfedeo singillatim perscribere. Non minùs aliorum Dominorum subditi Commissariis Zwetlæ existentibus querimonias plurimas attulerunt, quorum nomina fortè ob possessores illius temporis Lectori non displicebunt. Sic Rapotonis lapis vulgo Rapotenstain oppidum contra D. Achatium Baronem de Landaw conquestum fuit. Waingenis pagus contra Dominum in Kirchperg. Pagi & villæ de Rieckers, Windhag, Sibenlinden, Prünnhöfen, Parvum Gundoltz & Molitor in Rotfarn contra Dominum Præpositum in Zwetl. Langenschlag in der Graßgegend contra dictum Landavium. Sequentes ad Grienawhofspectantes, nimirum, Eschenaw, Gantz, Jauding, Stoyas, Heinrichs, Edlaprintz, Wiederfeld contra Nobilem Dominam Amelciam Römerin viduam in Grienawhof. Pagus Salingstat contra Nobilem Virum Dominum Martinum Span de Limbach. Omnes subditi totius domini præter supradictos contra Landavium Dominum suum gravamina plurima Commissariis Cæsareis obtulerunt. Christophorus Hergot Molitor ad Nadaïam in Schrembs contra Nobilem D. Wolfgangum Detricum de Greiß Baronem ad Silvas & Rosenaw. Subditi in pagis superioribus contra Dominum suum Gabrielem Strein in Hirsbach & Haugstorf, Consiliarium Cæsareum bellicum. Pagus Hörbart contra D. Sondorsium in Kirchberg. Pagi Jaggenbach, Rosenaw & Stralbach contra D. de Greiß in Schrembs & Rosenaw Baronem. Pagi Ulrichschlag, Metzles, & Götzles contra Dominum Abbatem Altenburgensem. Pagus Im-

mensschlag contra Dominum Præpositum Perneccensem. Pagi Haslaw, Rueprechts, Gräfenschlag, Mieslas & Kaltenbach, contra D. Wolfgangum Strein de Schwartzenaw, item pagus Schwarbach. Pagi circum oppidum Gräfenschlag ad dominium in Weitra spectantes contra D. Wolfgangum Rumphium & Georgium Schwartzman Præfectum de Weitra: Similiter oppidum Gräfenschlag contra Schwartzman. Pagi Neufidel & Sitzmans contra D. Præpositum de Bulgarn ex Austria Superiore, atque contra Priorissam de Imbach. Pagi rursum Jaggenbach, Rosenau, Neufidel, Bernharts & Rieckers contra dominium Weitra. Pagus Moydrams contra Dominam Bschönickin. Subditi ad Parochiam in Rapotenstain oppido sitam pertinentes contra Parochum suum. Subditi domini in Hirsbach contra D. Gabrielem Strein. Subditi ex oppido Tellershaim & pago Zierings contra D. Sigismundum de Lamberg Baronem. Consiliarium Cæsareum, Marefchalcum Austriæ, Dominum in Ortenegg & Ottenstain. Pagi Majus Haselbach, Stegerspach, Scheiteldorf, & Pernschlag contra D. Gabrielem Strein de Hirsbach. Pagus Waltheusen sub monte Lofchberg situs, contra Dominum de Polhaimb in Ottenschlag. Pagi Obern-Nondorf, Reutern & Lofch contra D. Abrahamum Pfandler de Lofchberg. Pagus Wietzen contra D. Maximilianum Saurer in Stain, cui Hackelius Abbas in Zwetl dictum pagum à Leone Lagelberger redemptum vendidit, qui subditi dicto Saurer ad prædium in Inferiori Waltenreith situm laborare debuerant. Atque hæc sunt nomina potiora pagorum in hac parte Austriæ supra Mainhardi montem turbatorum.

Videamus porro, quid de ea parte Austriæ, quæ supra silvam seu nemus Viennense sita est, circa rusticorum tumultum inveniatur. Matthias Archidux mandatum hujus partis rebellibus transmissit, quo seriò perduelles istos hortæ-

Ooo ooo

hortæ-



hortatur, ut arma tradant, vades offerant, cautionis literas, quæ Revers vulgò vocantur, obfervent, nè ad alia remedia ipsis gravissima descendere cogatur. Dicit hætenus ipsos inobedientes cautionis suæ literas sibi datas non servasse, simul exprobrans ipsis, quod Capitaneos suos nondum licentiassent, sed novos insuper creassent, evocationes occultas, & conventicula clandestina variis in locis procurassent, tympanis etiamnum & armis publicè vagarentur, Gamingensem Priorem leves ob causas invasissent, & sub custodia tenuissent; Monasterium insuper Campum-liliorum vi expugnassent, aliæque vetita iisdem in locis peregressent. Quare sibi, liberisque suis, uxoribus & bonis parcant, eos seriò adhortatur, nè si admonitionem suam admittere contempserint, graviora experiantur. Dicit eam ob causam militem ex parte illa Austriæ ad partem alteram Danubii traductum fuisse, nè ipsi quicquam adversi paterentur. Neque ullum rusticorum adhuc læsum esse, nisi quod in Straß contigerit, qui rustici suæ perditionis causam dederunt, cum milites sine causa invadere ipsi ausi fuerint. Datum Viennæ 21. Martii, annò 1597. [14.] Ex hoc mandato constat, maximè circa Alpes Stiria rusticos ea in parte Austriæ rebellasse, cum utrumque Monasterium & Gamingense & Campi-liliorum invaserint, sicut etiam quidam Catalogus conscriptorum rusticorum inventus, in quo viginti armati nominantur, aliqui ex Schwatz & Gösting, alii ex Scheibs & Seitenstetten, plurimi ex Gamingensi oppido, partim cum ensibus, partim cum hastis, reliqui cum sclopetis vocati. Inventæ etiam sunt literæ ad Capitaneum in Spitz scriptæ talis tenoris: „ Salutem nostram „ dilecte Domine Capitanee, scire vos „ volumus, quòd cum aliquot millibus „ silvanis (vulgariter ab ipsis nominan- „ tur *Holz-Knecht*) in expeditione „ sumus: mandamus igitur seriò, ut „ quamprimum sub pœna capitis &

„ amissione bonorum tam Spitzenfes, „ quàm Weisenkirchenfes aliàsque cir- „ cum Parochias & oppida evocetis, „ ut vos nobiscum, ubiubi commodè „ poteritis, conjungatis; hæc vobis „ breviter significare volumus, à no- „ stro nuntio plura percipietis. Si verò „ hæc furda aure pertransire permiseri- „ tis, nostramque tam fidelem monitio- „ nem spreveritis: scitote pro certo, „ quòd nos cum toto exercitu vos in- „ vasuri simus, nulli parentes, neque „ vobis, neque liberis, neque uxoribus „ vestris, unaque omnes vos fortunis & „ bonis vestris omnibus spoliabimus. „ Quare facietis ita prudenter, ut dam- „ na vobis imminentià evitetis. Da- „ tum in Ulmerfelden 2. Aprilis, annò „ 1597. „ [15.]

Demum operâ & diligentia Commissariorum eouque res deducta fuit, ut turba incondita rusticorum sedaretur, opus tantum erat apprehendendi capita seditiosorum, qui tales motus excitare solebant, in quo Udalricus Abbas in Zwetl tanquam Commissarius suam industriam declaravit, supplicem enim libellum Archi-Duci Matthiæ porrexit hujus tenoris: „ Serenissime Archi- „ Dux, Clementissime Domine, Sere- „ nitati Vestræ humiliter significo, quòd „ sub tumultu rusticorum duo ex sub- „ ditis meis inventi sint, quorum unus „ nomine Joannes Auperger Officialis „ in pago Gschwend, alter Sebastianus „ Scherkl opificiò molitor, qui duo à „ rusticis tumultuantibus ab Emmer- „ storf & Peckstal Zwetlam venientibus „ Capitanei constituti, libenter officii „ istud susceperunt, & ut intellexi, „ mala multa causarunt & perpetrarunt. „ Horum alterum protinus post militum „ discesum capi curavi, & in Monaste- „ rio meo in vincula conjici mandavi; „ alter autem, nimirum molitor adhuc „ fugitivus oberrat, neque in domo sua „ inveniri potest, quem nihilominus ad „ capiendum quæri curo. Cum autem „ intelligam, quia ad mandatum Sere- „ „ nitatis

„ Vestræ Maratskii omnes Capitaneos  
 „ aliósque tumultûs hujus Officiales huc  
 „ Viennam detulerit, ita & ego volun-  
 „ tatem Serenitatis Vestræ submisit scire  
 „ velim, an Aupergerum etiam huc du-  
 „ ci, vel in ipsum per arbitros diversos  
 „ inquiri, & per judicem sanguinis in lo-  
 „ co, in quo peccavit, & quem ego lo-  
 „ cum Judici designarem, ipsum secun-  
 „ dum justitiam puniri me oporteat &c.  
 „ [16.] Ex his patet Joannem Auperge-  
 „ rum & Sebastianum Scherckl Capita-  
 „ neos fuisse constitutos rusticorum, de  
 „ quibus plura inferius; modò congruum  
 „ magis videtur Archi-Ducis Matthiæ  
 „ mandatum de puniendis illis, qui tumultu-  
 „ antium antesignani & capita extite-  
 „ runt, proferre, quod taliter sonat:  
 „ Matthias &c. Accepimus 21. Aprilis  
 „ literas vestras, ad quas ex gratia hæc  
 „ vobis respondemus. Concedimus  
 „ vobis, ut quilibet possidens judicium  
 „ sanguinis, vel dominus fundi, erga  
 „ illos rebellium Capitaneos vel modò  
 „ captos & in vincula vestra coniectos,  
 „ vel adhuc capiendos, procedere possit,  
 „ aut leni cum verbis bonis aut gravi  
 „ cum poena examine & debita secun-  
 „ dum justitiam condemnatione, ita ta-  
 „ men, ut talium reorum examini scrip-  
 „ tum, & sententiam vestram latam  
 „ ante omnem executionem Regimini  
 „ nostro unâ cum vestro tam judicium  
 „ sanguinis possidentium, quàm fundi-  
 „ dominorum judicio, nimirum quis in-  
 „ dulgentiâ dignus, & qua via indul-  
 „ gendum, transmittatis, priùs verò ad  
 „ nullam executionem descendatis. Et  
 „ ita quoque in puniendis talibus reis &  
 „ hoc in tumultu malefactoribus, item  
 „ in confiscatione horum bonorum vos  
 „ agatis, ut absque dicti Regiminis sci-  
 „ tu nihil faciatis, quia hæc crimina &  
 „ supplicia præsertim Sacram Cæsaream  
 „ Majestatem uti terræ Principem pro-  
 „ prie concernunt. Ad horum pro-  
 „ cessum cuncti dominium aut judicium  
 „ sanguinis habentes cautè & attentè  
 „ procedant, nè in affligendis suppliciis,

„ in bonorum confiscatione, eorùm-  
 „ que usum fructu ad alterius delatio-  
 „ nem, vel ex inimicitia præsertim Præ-  
 „ fectorum, Judicum, aliorumque ini-  
 „ juria fiat. Hoc etiam volumus, ut  
 „ omnes Procere & domini-fundi cap-  
 „ torum & puniendorum subditorum  
 „ bona tam mobilia quàm immobilia ex  
 „ integro sub inventario conscribant,  
 „ eorùmque indicem Regimini & Ca-  
 „ meræ transmittant, ut inprimis Sac.  
 „ Cæs. Majestati, Reipublicæ, Provin-  
 „ ciæ, dominis-fundi, aliisque læsis ex-  
 „ pensæ inde solvantur. Casæ ad mor-  
 „ tem condemnatorum vel condem-  
 „ nandorum hujus tumultûs rustici  
 „ capitum jubemus per dominos, ad  
 „ quos jure fundi spectant, omnino, ut  
 „ ad perpetuam criminis puniti memo-  
 „ riam solotenus destruantur, patibulum  
 „ desuper erigatur, erectum con-  
 „ servetur; & eadem domus nunquam  
 „ reedificari permittantur. Et quoniam  
 „ ad conservandam quietem unicum &  
 „ necessarium medium superfit, ut sub-  
 „ diti ad dominorum manus in arces &  
 „ castella arma sua deponant, ita cura-  
 „ bitis, ut in effectum hoc deducatur;  
 „ neque in potestate domini sit, ut uni  
 „ vel alteri pago aut colono in hoc par-  
 „ catur, sed potiùs ut nullius aut pagi  
 „ aut personæ fiat acceptio, volumus;  
 „ nullum enim ipsis inde oritur dam-  
 „ num, & simul videre erit, quibus obe-  
 „ dientia curæ est. Primos hujus tu-  
 „ multûs antesignanos hic habemus;  
 „ erga quos secundùm regulam justitiæ  
 „ ob meritas suas poenas procedemus;  
 „ si itaque ex ipsis aliqui fuerint, qui  
 „ apud vos supplicia sua sustinere con-  
 „ gruum esset, postmodum fieri jubebi-  
 „ mus, quemadmodum jam Cremsbensi  
 „ civitati duos ejusmodi reos ultimò  
 „ supplicio afficiendos tradidimus. Si  
 „ autem Generalis noster Maratskii  
 „ plures captivos teneret, qui ad hanc  
 „ Austriæ supra Mainhardi montem par-  
 „ tem spectarent, mortisque obnoxii  
 „ essent, eidem dabimus in mandatis,

Ooo ooo 2

„ ut

„ ut eos vobis ad exequendam mortis  
 „ sententiam pro aliorum exemplo &  
 „ terrore tradat morte afficiendos, de  
 „ bonis tamen eorum, ut supra Nos re-  
 „ solvimus, Regimen Austriæ Inferioris  
 „ certius fiat, nihilque interea aufferatur.  
 „ Audimus etiam interea, quod ali-  
 „ qui domini subditos suos rusticorum  
 „ quondam antesignanos, Capitaneos,  
 „ eorumque edicta circumferentes, &  
 „ alios similes pecuniâ & bonis suis mul-  
 „ tent, quod de jure facere nequeunt,  
 „ unde Cæs. Sua Majestas & Nos in tali  
 „ casu erga tales, ubi veriùs informabi-  
 „ mur, procedemus, & ipsos impunitos  
 „ non relinquemus. Ex Indice vestro  
 „ Nobis transmissio intelligimus quos-  
 „ dam quidem equites & pedites suos, uti  
 „ debebant, misisse, quorum obedi-  
 „ tiam laudamus, reliquorum autem  
 „ catalogum libenter habere desidera-  
 „ mus, qui suos non miserunt, ipsis pro  
 „ certo inobedientiam suam in proximis  
 „ provinciæ comitiis exprobrare non  
 „ omitemus. Ubi igitur vobis videtur  
 „ rusticorum tumultus sopitus, & timor  
 „ nullus emergat alterius rumoris talis,  
 „ concedimus, ut quilibet vestrum in  
 „ domum suam redire valeat: nam intel-  
 „ leximus etiam, quod equi vestri gratis  
 „ hic sustententur, & cum gravamine  
 „ pauperum subditorum simul manea-  
 „ tis. Antequam verò abeat, priùs in-  
 „ ter vos convenite, si quando resusci-  
 „ tari contingeret flamma furoris hujus,  
 „ quomodo initio statim sopiri & deleri  
 „ posset, ut quantocyus datò signò aut  
 „ certâ tesserâ equi ad locum rebellanti-  
 „ bus proximum deduci valerent. Si qui-  
 „ dem per edictum generale omnibus &  
 „ singulis mandabimus, ut parati sint,  
 „ & arma capeant, ad demumque simul,  
 „ ut quilibet subditus infra trium die-  
 „ rum spatium post promulgatum no-  
 „ strum mandatum omnia sua arma do-  
 „ mino suo tradat. Inobedientes au-  
 „ tem Dominus protinus capi curet,  
 „ Nôsq; de talibus certiores redda-  
 „ mur, vel certè Capitaneus talium in

„ vincula conjiciatur, &c. Sub datò  
 „ Viennæ 29. Aprilis, annò 1597. „  
 „ [17.] Hæc literæ Archi-Ducis scriptæ  
 „ fuerunt ad Ordines Procerum Austriæ  
 „ supra Mainhardi montem congregatos,  
 „ qui utique antea scripserant Principi,  
 „ quomodo sopito rusticorum tumultu erga  
 „ capita rebellionis hujus sese in puni-  
 „ endo gerere debeant. Hæc resolutio  
 „ Archi-Ducis altera die publicari deman-  
 „ data fuit per modum edicti, sicut literæ  
 „ circa finem sonant. Sub datò 30. Apri-  
 „ lis, annò 1597.

Redeo ad rebellem Auperger captum  
 & in Monasterii Zwetlensis vinculis con-  
 stitutum, qui tandem per sententiam Ex-  
 cellsi Regiminis latam & à Rudolpho II,  
 Imp. confirmatam, sub datò Viennæ 26.  
 Julii, annò 1597. morte damnatus est.  
 Executio autem ipsius habita fuit mensè  
 Augusto, diem nondum ejusdem reperi,  
 qui in nemore Monasterii Zwetlensis  
 Rastbang dicto penes viam, qua in civi-  
 tatem itur, in prato angusto vulgo Jung-  
 frauwiesl/ capite plexus, & inferius pau-  
 lulùm in quercu grandi tres alii rebelles  
 rustici laqueo suspensi fuere, ad quos spe-  
 ctaculum aliquot millia rusticorum præ-  
 sertim juvenes & pueri eorum vocati  
 comparuerunt. Parcet Lector prolixita-  
 ti meæ, volui consultum antiquitati,  
 cum non in aliis Authoribus eadem in-  
 veniantur.

Recipio reliqua Monasterii Zwetlen-  
 sis acta, quæ ita sonant: „ Conventus  
 „ Dei-Vallensis P. Jacobus Supprior,  
 „ P. Joannes Marquart, & P. Felix per  
 „ compromissionem D. Udalrici Abbatis  
 „ Zwetlensis Visitatoris eligunt & postu-  
 „ lant in suum Abbatem P. Joannem Neu-  
 „ ner pro tempore Zwetlensem Priorem,  
 „ eique obedientiam promittunt, sub da-  
 „ to in Valle-Dei, 18. Maji annò 1597. „  
 „ [18.] Ex his patet, Neunerum præfa-  
 „ tum hoc adhuc anno electum & installa-  
 „ tum fuisse Abbatem Vallis-Dei.

Porro Edmundus à Cruce Generalis  
 totius Ordinis concessit Udalrico Abbati  
 in Zwetl Vicario suo Generali, ut in Au-  
 striâ

Stiria Inferiore duo illa Monasteria per triennium visitare posset, nimirum Campum-liliorum & S. Trinitatem in Nova-Civitate, quæ antea per exemptionem, cum Viennæ Austriæ moraretur, Abbati Runensi tanquam Ordinario Visitatori visitanda subjecerat. [19.] Quod hoc anno factum 17. Julii. Anno autem sequenti, nimirum MDXCVIII, Georgius Abbas Runensis negavit Zwetlensi utriusque Monasterii visitationem, imò etiam ipsi exprobravit novi apud S. Trinitatem Abbatis institutionem, se tanquam Ordinario minimè ad hoc requisiti. Udalricus autem Zwetlensis uti Vicarius Generalis præfato Runensi in utroque Monasterio omnem jurisdictionem negavit. Hinc deinde factum, ut bifariam in partes abierint, D. Georgius Abbas Novæ-Civitatis enim cum à Conventu Monasterii Victorie in Stiria in Abbatem esset postulatus, eandemque Abbatiam obtinisset, Udalricus Zwetlensis Priorem S. Crucis P. Paulum

Schönebner, Austriatum, Philosophiæ Baccalaureum; Abbas verò Runensis quendam P. Matthiam à Generali Cisterciensi commendatum, in Abbatem Novæ-Civitaris instituere contenderunt. Ex his duobus P. Paulus dictam apud S. Trinitatem Abbatiam obtinuit, qui postmodum Joanne Rüoff Anno MDXCIX. mortuo Abbas in sancta Cruce installatus fuit. [20.]

Demum D. Edmundus à Cruce Generalis Udalrico Hackel Abbati in Zwetl Vicario & Commissario suo per Austriam utramque Generali confert licentiam ad nutum suum duraturam benedicens Abbates vel Abbatissas de novo electos solenniter potestate sibi subdelegandi facta per Clementem Papam VIII. Anno MDXCV. [21.] annò verò sui Pontificatus quartò sub Apostolico Brevi dato. Licentia verò eadem data est Lugduni à Generali 3. Octobris; Anno MDXCVII.

## ADDITIONES.

- [1.] E literarum monumentis;
  - [2.] Ex Breviario suo.
  - [3.] Ex quadam actione.
  - [4.] Ex literis Electi in Seifenstain.
  - [5.] E literarum monumentis.
  - [6.] Ex Canistro sub Rubrica: Tumultus rusticorum.
  - [7.] Ex Edicto Cæsareo.
  - [8.] Ex actis ejusdem in canistro de tumultu rusticorum.
  - [9.] Ex eodem canistro sub tumultu rusticorum.
  - [10.] Ex Reversalibus eorum in canistro citato.
  - [11. 12. 13. 14. 15. 16. 17. 18.] Ex canistro sub tumultu rusticorum.
  - [19.] Ex Autographo ipsorum.
  - [20.] Ex actis Ordinis Cisterciensis.
  - [21.] Ex Catalogo Abbatum S. Crucis. Ex Autographo ipsius.
- Ortelius Redivivus hoc anno „Den 14. „ Januarii ist der außgeschriebene Land-Tag „ zu Wienn in Oesterreich angangen; in „ welchem die Proposition - Articul den „ Land - Ständen, wie vor diesem, eröffnet

„ und fürgehalten, beneben auch sie umb „ Rath und Gutachten, wie die neue angefangene Bauern Aufruhr, welche sie in Oesterreich und deren Orthén erweckt, jetzt „ und künfftig abzustellen, ersucht wurden, „ dadurch ihnen von ihren andern Beschwerden auch möchte abgeholfen werden.

„ Den 17. Februarii ist der Fürst auß Siebenbürgen, sambt deß Wallachischen Woywoden Gefandten, mit 40. Gutschen, darob in 140. Personen, und also viel statlicher, denn vor einem Jahrgen Prag bey Ihro Kayserlichen Majestät ankommen, welcher herrlich und statlich einbegleitet ward.

„ Derselben Tractation und Handlung wurde damahln gar still und in geheim gehalten, „ alleingienß die gemeine Sag, daß sie ansehnliche Fürschlag grosser Vetrichtung unter „ Handen hätten, neben dieser Vertröstung, „ wofern man ihnen darzu mit Geld behülfflich wäre, daß der Fürst in Bulgarien auch mit in Verbündnuß sich einlassen wolte.

Spondanus hoc anno n. 14. „ Traunt omnes auctores eundem Sigismundum „ (Barboryum) principio hujus anni splendido apparatu Pragæ contendisse, ut promissum

PPP PPP sum

„ sum sibi aurei Velleris torquem, mittente  
 „ eum Philippo Rege Hispaniæ, à Cæsare acci-  
 „ peret. Sicuti & fecit solita pompâ. Sed ex-  
 „ pressius habent Pannonici, Domus Austriæ  
 „ studiosissimi, eum ad id quoque illud iter  
 „ suscepisse, ut caprum anno superiori, ut  
 „ vidimus, tractatum de tradenda Cæsari  
 „ Transilvania, aliquo fine terminaret: Cæ-  
 „ sarem ab his indecoris, nec tutis consiliis,  
 „ eum gravissimis rationibus debortari tam pet  
 „ se ipsum conatum esse, quam per Pontifi-  
 „ cium & Hispanicum legatos: At pertinacem  
 „ ad eum ipsum in suo proposito permanisse, ut  
 „ se vel dispart, etiam & iniquâ permutatio-  
 „ ne contentum fore; & si Cæsar noller, vel  
 „ cum Polonis, atque ad eum cum ipso Turco-  
 „ rum Principe, se transadurum affirmaret;  
 „ dummodo gravissima & difficillima impac-  
 „ tæ provinciæ administratione excedere, vi-  
 „ tamque privatam & tranquillam in otio &  
 „ libertate transigere liceret. Cui & proposi-  
 „ tum esse dicebatur, ut abdicata conjuge,  
 „ Romam concederet, vitam ibi transadurus;  
 „ & suscepto sacro habitu, ope & studio Cæ-  
 „ saris in Cardinalium Collegium adoptare-  
 „ tur. Itaque cum nullis rationibus expu-  
 „ gnari posse videretur, Cæsarem, ne insignia  
 „ regni Hungariæ portio, in exterorum aut  
 „ barbarorum potestatem deveniret, ad neces-  
 „ sarias conditiones cum eo transigendas de-  
 „ scendere coactum, in hunc modum cum eo  
 „ convenisse; ut Cæsar ei principatum Oppo-  
 „ litanum in Silesia traderet; ac quinquag-  
 „inta aureorum millia superadderet, dua-  
 „ bus pensionibus Venetiis, aut Romæ, aut  
 „ Genuæ quotannis ei exsolvendâ. Si verò  
 „ animum ad sacris initiandum applicaret, tan-  
 „ tumdem ei redditum ex bonis ecclesiasti-  
 „ cis designaret, & apud summum Pontifi-  
 „ cem pro consequenda purpure dignitate  
 „ operam suam interponeret. De divortio  
 „ matrimonii nihil tunc in publicum prodit-  
 „ tum: Cæsarem tamen summa offensi animi

„ dissimulatione, omnem ejus facti contrâ  
 „ meliam patienter tulisse, ac conjugem ad  
 „ matrem reducendam assensisse; quod jam  
 „ pridem ab eo intactam, ac geniali thoro  
 „ exclusam, ac in intimos alium recessus,  
 „ nullis ejus demeritis, Cuvarium relegatam  
 „ comperisset: nec illa alienum à separatione  
 „ animum habere videretur.

Commentarius de bello Ungarico in Hi-  
 storia rerum Ungaricarum sepe relata sub An-  
 no 1595. „ Nuptiæ Sigismundi Principis  
 „ Transilvaniæ & Annæ Christiænæ Austriacæ  
 „ factæ 29. Febr.

Piespordius in progenie Caroli II. Au-  
 striaci, Ducis Stiriæ, Carinthiæ &c. Patru  
 Rudolphi II. Imp. „ Maria Christiæna VI.  
 „ Austriacæ. Nata Græti 10. Novemb. Anno  
 „ 1574. Nupta Sigismundo Bathoreo Prin-  
 „ cipi Transilvaniæ.

Joan. Palatius in Aquila Austriacæ. p. 2. sub  
 „ Rudolpho II. Anno 1595. Num. 107. & 108.  
 „ Bathoreus Daciæ Princeps Moldavos, ac  
 „ Valachos ad belli societatem sollicitaverat.  
 „ Ejus Legatus Stephanus Boskaius Græci  
 „ Stiriæ fiduciaris Sigismundi nomine cum  
 „ Maria Christiænâ coram Maximiliano Cæ-  
 „ saris fratre nuptias contraxerat, solemni in-  
 „ ter principes ritu in communem lectum ad-  
 „ missus; cum in deducenda domum uxore  
 „ novæ moræ neererentur, & in Octobrem  
 „ mensem rejiceretur, insidit ille, ut ante-  
 „ quam contra Turcas magno cum exercitu  
 „ venientes poscificeretur, nuptiæ consumma-  
 „ rentur, missisque legatis demum obtinuit,  
 „ ut sponsa Græciâ valedictâ Viennam veni-  
 „ ret, ubi magnâ pompâ excepta est IV. Id.  
 „ Jun. & à Matthiâ Archiducē in Maximiliani  
 „ fratris manus consignata, qui eam cum vi-  
 „ ginti bellatorum millibus Cassoviam, Julio  
 „ exeunte, ad virum deduxit, ac postremo  
 „ Albæ Julis in ipsa Transilvania nuptiæ ce-  
 „ lebratæ, omine infelici, alienatione animo-  
 „ rum statim inter sponso secuta, &c.

## Annus Christi MDXCVIII. Monasterii CCCCLX.

Pont. Rom.  
Clemens VIII.

Imp. Rom.  
Rudolphus II.

Archi-Dux Austriæ  
Matthias.

Episcopus Pataviensis  
Leopoldus I.

Abbas Zwetlensis  
Ulricus II.

**J**aurinum Ungariæ fortissimum muni-  
 mentum Christianorum, quod Co-  
 mes Hardeccensis 29. Septembris, Anno  
 MDXCIV. pecuniâ corruptus Turcis tra-

diderat, hoc a. 29. Martii per stratagemâ  
 militare à Barone Schwarzenburgensi  
 Adolpho Turcis rursus eripitur, cum  
 singulari gaudiò Christianitatis. \* [1.]  
 Tant-

Tandem Urbanus Episcopus Patavienſis jam ſenio confectus (ætatis enim ſuæ annos habuit 73. menſes 2. dies 8.) Sereniſſimum Aultriæ Archiducem Leopoldum, Caroli filium, & Ferdinandi II. poſtea Imperatoris fratrem in Coadjutorem Episcopatus accivit, Rudolpho II. Caſare opitulante, & Clemente Papa VIII. confirmante Anno iſto MDXCVIII. Quò etiam 5. Idus Auguſti obiit. [2.] Cui in Episcopatu ſucceſſit Archidux Leopoldus.

Installato porro in Abbate Vallis DEI, vulgò Seifenſtain, P. Joanne Neuner, Abbas Udalricus Hackel Zwetlenſis ipſum conſecravit, de quo ita loquitur P. Joannes Senior præſens: „ Accipit etiam idem D. Abbas Zwetle-  
ſis à P. Generali poteſtatem conſecrandi & benedicendi Abbates noſtri Ordinis, uti & ſolemniter conſecravit & inſulavit Reverendum Patrem & Dominum Joannem Neuner

„ Abbatem in Monasterio Vallis DEI.  
„ Quæ ſolemnitas celebrata eſt in Monasterio Zwetl in feſto Epiphaniæ,  
„ Anno Salutis 1598. in præſentia Ab-  
„ batis de S. Cruce, & aliis Dominis.  
„ [3.]

Ornavit quoque D. Edmundus à Cruce Generalis Udalricum Abbatem in Zwetl eà poteſtate, qua poſſit Monasterii ſui altaria tam fixa, quàm portatilia, cœmeteria, & campanas benedicere: Eccleſias autem, capellas, altaria, & cœmeteria ſanguinis aut ſeminis effuſione vel aliâ quomodolibet pollutâ reconciliare. [4.] ſub dato Pariſiis in D. Bernardi Collegio 27. Novembris, Anno MDXCVIII.

Demum prior & hoc anno Abbas Udalricus Hackeliuſ nova moenia ad hortum Conventûs ædificari curavit; non autem ex fundamentis, ſed tantum ſupra antiquum murum, unâque turrim rotundâ excitavit. [5.]

## ADDITIONES.

\* [1.] Megizetus Annal. Carinth. lib. 12. cap. 27.

Spondanus hoc anno ñ. 19.  
Ortelius Redivivus ſuſe & enucleatè hoc año.  
Joan. Palatius in Aquila Aultriaca part. 2. ſub Rudolpho II. hoc anno. „ Adolphus  
„ Schwarzembergius Barò laude bellica celebrimus; viris rei militaris peritiſſimis aſumptis, pulcherrimum aggreditur facinus.  
„ Comorà profectus, cum haud procul à Jaurino abeſſet, conſilium de caſtro aperit  
„ repetendo. Tum Vobecurto mandat, ut crepitaculo, cujuſmodi machinarum uſus  
„ nondum Turcis cognitus erat, admotò, portam effringeret. Cabiaco negotium datum, ut majorem machinam, quàm occultiffimè admooveret, ejusque vi diſſectis foribus, aditus pateret. Inde locus cuique aſſignatus, ad quem ſc. occupatò oppidò, reciperet; ſevere inhibita præda, nam partà victoriâ, communem eam fore pro meritis inter milites distribuendam. Tum aſtus adhibitus. Ex Huſſaris quinque Turcici idiomatis periti ſubornantur, quibus Turcarum res ſatis cognitæ erant. Eos Turcæ incubitores, *cujates eſſent?* inclamant. *Budâ ſe venire reſpondent; literas ad Aaronis Agâ Budenſis ſponſum afferre; & munus commin-*

„ *is à purpuratò ſummiſſi, & jam propinquantiſ.*  
„ *tuſ. Inſuper importatò commeatu, ſponſam ad ſponſum deducere in mandatis habeant. Sed mē-*  
„ *tum ſubefſe, ne Chriſtiani huc illud ſparſi, auxiliariæ damnus ab iis paſiantur. Pontem ergò ad commeatum accipiendam ante lucem dimiſ-*  
„ *terent. Fidem Huſſaris habuere Turcæ, pontemque diſſicere. Sed cum venientibus no-*  
„ *ſtris ingens fragor fieret, ut à vigiliis exaudiri poſſet, & appetente luce, ac Cœlò aliâs ſerendâ tunc ex ſuperiore loco ſpeculanti-  
bus paterent; exortus ſtatim vehementis ventus, & nubes à Danubio aſcendens ità Cœlum textit, ut aurum & oculorum ſenſum hoſtibus ademerit. Inde in ſpectu noſtri erecti moenia ſubeunt, repetitòque ponte demifſo, machinæ admovent. Conatus ex voto ſucceſſit. Ibi demum vigiles, quid ageretur; animadvertentes, clamorem edunt, & ſcopetorum ictibus tres Chriſtianos conſiciunt. Cum enim ingenti fragore porta diſſiluiſſet, aditumque præbuiſſet, mox effuſi noſtri in urbem milites, obvios quoſque contrucidant: loca munita & tormenta capiunt: reliquis obſident portas. Hinc Turcæ ſubito tumultu lectu-  
lis ſuſi exciti, trepidare, diſcurrere, inermes ſeminudi arma capere; illinc noſtri perti-*  
Ppp ppp a naciſ.

„ naciſſimè pugnantes cedere, fugientibus in-  
 „ ſtare, non ſexu, non ætati parcere. Quin-  
 „ que horis duravit conflictus, in quo tanta  
 „ contentione à noſtris pugnatum, ut arma  
 „ fruſtra experti Turcæ, ultro noſtris ſe ma-  
 „ ſtandos objicerent. Urbi præfectus utra-  
 „ que manu acinacem vibrans, vitam cum ar-  
 „ mis projecit, cujus caput abſciſſum, in lo-  
 „ co maximè conſpicuo deſixum fuit. Ter-  
 „ centi Janizeri in munimentum recepti, ubi  
 „ pulvis tormentarii aſſervabatur, cùm in-  
 „ de extrahi non poſſent, & noſtri ad eos  
 „ conſiciendos conſeſſim accurrerent, pul-  
 „ vere in cenſo, ſe cum hoſtibus flammâ in-

„ volverunt. Sic Jaurinum recuperatum, cùm  
 „ Turcæ noſtros irriderent; & Gallum æneum  
 „ ex turri tintinnabularia evulſum in porta,  
 „ quæ Danubium reſpicit, collocâſſent, ſub  
 „ lemmate: *Cum iſt Gallus cantabit, Jaurinum*  
 „ *Chriſticola recuperabit.*

[2.] Ex Epitaphio diſti Episcopi per  
 P. Conſtantinum Ulmanninger Ord. S. Fran-  
 ciſci Strictioris Obſervantiæ nobis tranſmiſſo.

[3.] P. Joannes Zehetner in Annotat.  
 ſuis.

[4.] Ex Autographo Generalis.

[5.] Ex Lib. ædific. Z. ſub hoc & præ-  
 cedenti anno.

## Annus Chriſti MDXCIX. Monasterii CCCCLXI.

*Pont. Rom.*  
 Clemens VIII.

*Imp. Rom.*  
 Rudolphus II.

*Archi-Dux Austria*  
 Matthias.

*Episcopus Pataviensis*  
 Leopoldus I.

*Abbas Zwettlensis*  
 Ulricus II.

**A** Nno iſto decimò quartò Calendas  
 Junii, Anno ſæculari MDC. ad-  
 ventante Clemens VIII. Jubilæi celebra-  
 tatem indixit, & Romæ in pervigilio  
 Dominicæ Circumciſionis Portam ſan-  
 ctam aperuit. \* [1.]

Porro ſequentia leguntur: „ Anno  
 „ Domini 1599. Admodum Reverendus  
 „ Dominus & P. Joannes Rüoff apud  
 „ S. Crucem in Austria Abbas in Chri-  
 „ ſto deſunctus eſt, dum iter ageret &  
 „ legatione fungeretur loco Prælatò-  
 „ rum Auſtriæ apud Cæſaream Maje-  
 „ ſtatem Pragæ. Qui eoſque non per-  
 „ veniens nimia aquarum inundatio-  
 „ ne impeditus, divertere coactus eſt  
 „ in Monasterio Pruck juxta Znoymam  
 „ Præmonſtratenſium, ubi paulò poſt  
 „ morbo crescente obiit, & inde per  
 „ Viennam in Monasterium S. Crucis  
 „ perductus, 14. Aprilis ibidem ſepul-  
 „ tus fuit. [2.]

„ Hoc itém anno obiit quoque Re-  
 „ verendus Dominus & P. Matthias  
 „ Bendel Adminiſtrator Monasterii  
 „ Montis-Pomerii per triennium, qui  
 „ Monasterii Zwettlenſis Profeſſus fue-

„ rat, & in Monte-Pomerio corpus  
 „ ejus tumulatum eſt. [3.]

Udalricus Abbas Zwettlenſis tan-  
 quam Vicarius & Commiſſarius Gene-  
 ralis de Ordine ſuo ſollicitus fuit, ideo  
 Viennæ conſtitutus cum voluntate &  
 aſſenſu Abbatum S. Crucis, Campi-  
 Liliorum, Hilarienſis, & Vallis-DEI,  
 mittunt quandam P. Vincentium Pro-  
 curatoris nomine cum articulis quibus-  
 dam ſuper Ordine per Auſtriam Cister-  
 cienſi factis Cistercium, eundémque  
 Generali commendant, rogântque ar-  
 ticulos tranſmiſſos bene conſultari, &  
 ſibi, quid faciendum ſit, notum face-  
 re, &c. ſub dato Viennæ 28. Februarii,  
 Anno 1599. [4.] Accepit Udalricus  
 Abbas novum rursus onus à Generali  
 29. Febr. Anno MDXCIX. nimirum vi-  
 ſitare Monasteria per Stiriam, Carin-  
 thiam, Carniolam & Croatiam, atque  
 adedò ipſum Runenſe Monasterium, ſi  
 modernum Abbatem ibi vitâ fungî con-  
 tingeret, ibidémque inſtituendi & eli-  
 gendi novum Abbatem, omniâque fa-  
 ciendi, acſi ipſe præſens adeſſet. Da-  
 tum Pariſiis in D. Bernardi Collegio  
 28. Novembris, Anno 1598. [5.]

**A D.**

## ADDITIONES.

\*[1.] Ciaconius in eodem Clemente.  
Spondanus hoc anno n. 18.

notationibus suis.

[2. & 3.] P. Joannes Zehetner in An-

[4. & 5.] Ex Autographo ipsius Generalis.

## Annus Christi MDC. Monasterii CCCCLXII.

*Pont. Rom.*  
Clemens VIII.

*Imp. Rom.*  
Rudolphus II.

*Archidux Austria*  
Matthias.

*Episcopus Pataviensis*  
Leopoldus I.

*Abbas Zwettlensis*  
Ulricus II.

**F**erdinandus Archidux Austriae &c. in Stiria aliisque incorporatis provinciis reformationem in Religione suscepit, Confessionem Augustanam, & Religionem Lutheranam in iis ferre noluens, unde Martinum Episcopum Secovientem cum aliis collegis emisit in Carinthiam, qui 14. Novembris hoc anno Clagenfurthi omnes libros hæreticorum comburi mandavit, sicut etiam in Stiria templa & scholæ illorum vel folotenus eversa, aut Catholicis data fuere. \*[1.]

Dum hæc in Stiria geruntur, Turcæ sub Vezirio Ibrahim Bassa & prætorianorum Aga cum 23000. armatis

Ungariam invadunt, Laccium, Minorem Gomorram, & Babotium deditione capiunt, ac propugnaculum Stiria Canisiam obsident, & per deditionem à Georgio Paradeiser factam capiunt, qui propterea sequenti anno Viennæ 19. Octobris capitali supplicio affectus fuit. [2.]

Abbas Udalicus in Zwettl rursus organum templi majus reparari hoc anno curavit per Magistrum Joannem Thenerum Viennensem organorum fabrum, cujus pro labore merces fuit centum viginti floreni, sub dato 1. Novembris, Anno 1600. qua die ab opere cessarat. [3.]

## ADDITIONES.

\*[1.] Megizerus lib. 12. c. 30.

Continuatio Catalogi Ederiani, sub Anno sequenti. „Ferdinandus Archidux, „qui postea dictus fuit Secundus hujus nominis Imperator, anno præcedenti ducta in „Uxorem Mariâ Annâ Guilielmi Bavarie „Ducis filiâ. Posteaquam diu cum diversis „mundi Monarchis super universali suarum „Provinciarum atque Ducatum conversione „deliberasset, ab æde B. V. Lauretana in „Styriam redux, non sine manifestis divinæ „voluntatis oraculis, auspiciatò reformationem illam exorsus, feliciter cum totius „Orbis Christiani stupore confecit, atque „tres sibi subjectos Ducatus, Styriam, Carinthiam & Carnioliam expulsi novi verbi ministris, ad fidem Catholicam reduxit: „Et ita sanctissimò sanè zelo dissipatæ sunt hæreticorum Synagogæ, templa, dicasteria, „scholæ innovatæ, revulsâ zizania, novitates antiquatæ, falsa dogmata eradicata, „hæresis excisâ, priscus & orthodoxus re-

„ligionis cultus revocatus, fides Majorum „jure postliminii gloriôsè restituta.

„19 Octobris Georgius Paradeiser, dextra „manu prius amputata, Viennæ in publico „foro decollatur.

[2.] Megizerus ubi supra.

Spondanus hoc anno n. 19.

Ortelius Redivivus, hoc & sequenti anno, ubi sic habet: „Unter wârender Belâgerung „Canischa, als Herr Georg Paradeyer, gewesener Oberster der Vestung, gesehen, daß „weder er, noch seine Hauß-Frau und Kinder, so die Römisch-Kayserliche Majestât „zu mehrmalen, umb Fristung seines Lebens, „mit einem unterthânigen Fußfall gebetten, „keine Gnade erlangen mögen, sondern dem Kriegs-Recht seinen Gang lassen müssen, darauß er, wie seine Sach einen bösen „Ausgang gewinnen wurde, spûhren und abnehmen konte: Hat er den 9. Octobris „seines Dieners Kleyder, welcher ein ein-sâltriger Mensch gewesen, den er bey sich

Q99 999

„ge-



„ gehabt, und die Speiße ab- und zugetragen,  
 „ angezogen, und darinnen in der Kayserli-  
 „ chen Burg zu Wienn, auß der Gefangnuß  
 „ biß an die dritte Stieg, herab kommen.  
 „ Als aber die Wacht gesehen, daß er ange-  
 „ fangen zu lauffen, und nicht der jenige  
 „ einfältige Mensch, dafür sie ihn gehalten,  
 „ seyn müste: Haben sie ihn ereilt, und in  
 „ bessere Verwahrung genommen.  
 „ Bald darauff, und weil er die wohlver-  
 „ wahrte Haupt-Vestung Canischa, die nach  
 „ GOtt ein Auffenthaltung deß Feinds ge-  
 „ wesen, ohne höchstdringende Noth dem  
 „ Kichaiä Bassa, zuwider seiner Eyds-Pflicht,  
 „ aufgeben: Ist er sambt seinen Mit- Con-  
 „ sorten den 19. Octobris, wiederumb für  
 „ das Kriegs-Recht gestellt, und die Urtheil,  
 „ so über ihn und andere 5. Befehlshaber von  
 „ dem unpartheyischen Kriegs- Recht, zu  
 „ Wienn unter freyem Himmel, vor der Kay-  
 „ serlichen Burg geschöpfft, auß Befehl der

„ Römisch-Kayserlichen Majestät in offenem  
 „ sitzendem Kriegs-Recht verlesen, und als-  
 „ bald die Execution derselben Männiglich  
 „ zum Exempel und Abschau, auch daß ein  
 „ jeder sein Eyd besser bedencken solte, an  
 „ die Hand genommen und exequirt worden.  
 „ Als erstlichen solte Herrn Georgen Para-  
 „ deisern, als gewesenen Obersten zu Cani-  
 „ scha, und deren incorporirten Grüntzen,  
 „ sowohl dem Georg Kugler, Fendrichen  
 „ und angeetzten Hauptmann zu Canischa,  
 „ jedem die rechte Hand, wie das Urtheil  
 „ vermöchte, abgehauen, folgendts mit dem  
 „ Schwerd vom Leben zum Todt hingericht,  
 „ und darauff einer mit dem andern zur Er-  
 „ den bestättiget und begraben werden, und  
 „ solte die Execution alsbald in der Stadt  
 „ Wienn, auff dem Platz, der Hof genant,  
 „ würcklichen vollzogen werden.

[3.] Ex Apocha organor. fabri.

## Annus Christi MDCL. Monasterii CCCCLXIII.

*Pont. Rom.*  
 Clemens VIII.

*Imp. Rom.*  
 Rudolphus II.

*Archi-Dux Austriae*  
 Matthias.

*Episcopus Pataviensis*  
 Leopoldus I.

*Abbas Zwetlensis*  
 Ulricus II.

**M**iles Christianus hoc anno in Un-  
 garia DEO gratiam dante sub  
 ducibus campestribus Domino Colo-  
 nello de Kollonitsch, Domino Comite de  
 Turri, Hodieski, Nadaſti, Domino de  
 Althaim, hic peditum legionem, alii  
 equitum ex Hufaris & Heidonibus con-  
 stantes turmis duxerant, inprimis 20.  
 Septembris cepit obsessam Albam-Re-  
 galem, deinde per mensem Octobrem  
 egregiam de Turcis victoriam reporta-  
 vit, Turcis terga vertentibus, & lares  
 suos cum ignominia repetentibus, mi-  
 nantibusque anno sequenti majoribus  
 cum viribus se redituros, & regnum  
 Ungariæ in potestatem suam redactu-  
 ros. \* [1.] Hinc Provinciales Austriæ  
 Matthiæ Archiduci promiserunt mille  
 quingentos germanos equites cataphra-

tos, & quatuor millia peditum contra  
 Turcam ad sex menses & conscribere,  
 & stipendiis providere. Baro de Kollo-  
 nitsch equitum Colonellus erat dele-  
 ctus in annum sequentem. [2.] Ex-  
 pensæ ad sex menses utriusque armatu-  
 ræ computatæ fuerunt ad 586155. flo-  
 renos & quatuor solidos.

Ædificavit Udalricus Abbas apud  
 S. Thomam Cantuariensem in Daxgra-  
 ben fornicem in Sacelli parte superio-  
 re, & pavementum lateribus coctis ex  
 integro stravit, altaria ad suam volun-  
 tatem transposuit, quæ & consecravit,  
 & integrum Sacellum ab intus purgari  
 & dealbari fecit per murarium Anto-  
 nium Castner civem Zwetlensem.  
 Quod factum fuit 19. Aprilis hoc an-  
 no [3.]

## ADDITIONES.

\* [1.] Ex Castris Christianorum circa  
 Albam Regalem.

Chronicon MS. Joann. Ludovic. Gottfri-  
 di Tom. I. part. 8. hoc anno.

Item

Item Impressum hoc anno. „ Mit den  
 „ Türcken gab es in diesem Jahr in Ungarn  
 „ auch zimlich zu thun, darbey das Glück  
 „ den Christen so wohl wolte, daß sie Stuhl-  
 „ weissenburg die Haupt-Stadt in Ungarn,  
 „ durch Tapfferkeit deß Obristen Mercurii zu  
 „ Anfang deß Herbst-Monaths in ihre Ge-  
 „ walt brachten. Die Türcken unterstüt-  
 „ den sich zwar stracks darauff solches Orth,  
 „ weil ihnen nicht wenig daran gelegen, zu  
 „ recuperiren, und kamen zu solchem End  
 „ mit in 30000. Mann darfür: aber sie wur-  
 „ den von Mercurio, welcher doch kaum  
 „ 8000. Mann bey sich hatte, in die Flucht  
 „ geschlagen, und ihnen etliche Geschütz  
 „ und andere Sachen abgenommen. Bey  
 „ der Belagerung Canischa in Steyermark,  
 „ welche auch zu Anfang deß Herbst-Mo-

„ naths Ertz Herzog Ferdinand, mit Hülff deß  
 „ Papsts, und anderer Italianischer Herrn vor-  
 „ genommen, gieng es mittlerweile nicht am  
 „ besten her. Dann die Türcken hielten sich  
 „ so lang darinn auff, biß die Christen durch  
 „ Kälte und andere Ungelegenheit getrun-  
 „ gen wurden, unverrichteter Dingen von der  
 „ Belagerung abzulassen, nachdem sie man-  
 „ chen tapfferen Mann darvor sitzen lassen.

Ortelius Redivivus. hoc anno,

Spondanus in Prolesion. ad Sæculum 17.  
 hoc anno n. 16.

Joan. Palatius in Aquila Austriaca sub Ru-  
 dolpho II. ad hunc annum.

[2.] Ex Annotat. Quæst. Provinc. in  
 Originali.

[3.] P. Joann. Zehetner in Annotat.  
 suis.

## Annus Christi MDCII. Monasterii CCCCLXIV.

*Pont. Rom.*  
 Clemens VIII.

*Imp. Rom.*  
 Rudolphus II.

*Arch-Dux Austriae*  
 Matthias.

*Episcopus Pataviensis*  
 Leopoldus I.

*Abbas Zwetlensis*  
 Ulricus II.

**P**Riori anno relatum fuit, quod Au-  
 striæ proceres Imperatori promi-  
 serint contra Turcas quatuor millia pe-  
 ditum, idcirco à Monasterio Zwetlensi  
 trigessimus vir petitus fuit, & 7. Octo-  
 bris hoc anno missus. \*[1.] Interea in  
 Ungariam Turcarum Imperator Hassam  
 Bassam suum misit cum forti manu,  
 qui protinus Albam-Regalem obsedit  
 & expugnavit. Colonellus à Kollo-  
 nitsch & Comes Serinius cum milite  
 suo per stratagemam tentârunt Canisam,  
 sed miles eorum pecuniam clamans im-  
 pedivit, cum civitas incensa conflagra-  
 ret, omnésque ad restinguendam flam-  
 mam accursissent, noluit ille ullum fa-  
 cere insultum; cum facile occupari po-  
 tuisset. [2.]

Porrò Joannes Gulielmus de Zel-  
 cking in Rastenberg, ad quem pagus  
 majoris Schoënew pertinebat, accusatus  
 fuit ab Udalrico Abbate in Zwetl, quòd  
 parochianos subditos suos ibidem per-  
 mitteret ad puri putique verbi mini-  
 stros Prædicantes, scilicet, Lutheranos  
 in parochiis suis infeudatis in Germs,

in Langenschlag & in Berchtolds exer-  
 citii sui gratiâ excurrere, quos & illi ad-  
 mitterent. Unde Matthias Archidux  
 Austriæ mandat dicto Domino de Zel-  
 cking, quatenus hoc fieri non permit-  
 tat, cum contrarium publicè constet  
 per edictum Cæsareum 19. Junii, Anno  
 1599. publicatum, sub dato Viennæ  
 19. Decembris, Anno 1602. [3.] Pa-  
 rochia enim in Schoënew spectat ad  
 Monasterium Zwetlense, subditi verò  
 dicti pagi ad Zelckingerum, cum cura  
 tamen animarum ad memoratam pa-  
 rochiam. Hinc jam videre est, in Au-  
 stria Lutheranismum jam etiam pedem  
 fixisse, cum dictus Dominus etiam eo-  
 dem infectus fuerat, & in parochiis suis  
 infeudatis Prædicantes aluerit.

Interea Ordo Cisterciensis in Au-  
 stria florere cœpit, cum alibi ab hære-  
 ticiis persecutionem pateretur, uti in  
 Saxonia, Misnia, Thuringia, Palatinatu,  
 & Ducatu Wirtembergico, in quibus  
 provinciis ejusdem Ordinis erant cele-  
 berrima & opulenta Monasteria. Hinc  
 Viri egregii germani, qui Romæ stu-  
 diis

diis operam dederant, Cistercium se contulerunt & Ordinis habitum petierunt, quos post medium annum probationis in Austriam Generalis Ordinis direxit, ex quorum numero unus erat Joannes Seisfridus Silesius Wratislaviensis, qui cum Nobili Domino Wenceslao Petro Coslovio à F. Vincentio Lonquespre Procuratore Generali in Curia Romana Cisterciensi, D. Joanni Neüner Abbati in Valle-DEI Austriæ Inferioris commendatur, quem vocat Canonicum Wratislaviensem, sub dato Romæ apud S. Hieronymum de Ripette, 18. Junii, Anno 1602. [4]

Hic postmodum Abbas Zwetlenensis factus fuit, sed hoc anno nondum Cistercium ivit, verum in Silesiam patriam suam cum dicto Domino Coslovio, qui postmodum etiam Wratislaviensis Canonicus factus est, se contulit.

Demum Abbas Udalricus in Zwetl Sacelli S. Thomæ in Daxgraben inferiorem partem etiam fornice munivit & ornavit, & cum 11. Junii hoc anno prædium Kobel ex incuria uxoris villici incendiò funditus exustum fuisset, idem protinus cum novo horreo ædificari curavit. [5.]

## ADDITIONES.

\*[1.] Ex literis Magistri Alodiorum Zwetlenensis Monasterii.

[2.] Chronicon Joan. Ludovici Gottfridi Tom. 1. part. 8. hoc anno,

Ortelius Redivivus hoc anno, ubi sic concludit referens comæatam & apparatus bellicum, quem nostri in Alba reliquere. „ Ist „ also an obermeldten Tag (den 29. Tag Augusti) diese Vestung, wiewohl nicht mit „ geringem Verlust der seinigen (dann wie „ die Sag gieng, solten der Feind über die „ 20000. umbkommen seyn) wiederumb in „ deß Türcken Gewalt gebracht worden, in „ welcher er noch zimliche Proviant und „ Munition gefunden: Als 12. neugegossene „ grosse Stuck Geschütz, ohne die alten, bey „ 400. Centner Pulvers, und an Kugeln, Bley „ und andern die Nothdurfft, 86. Faß Biscotten, über 200. Faß mit Meel, 500. Kübel „ Saltz, beneben auch 10000. Gulden an „ baaren Geld, so der Bau-Zahlmeister allein

„ nur zur Bezahlung der Arbeiter inhändig „ gehabt, welches er alles bekommen. Dar- „ auff der Vezier den Pelleberg, so auch Bassa „ in Bosnia, mit 4000. Mann zur Besatzung „ hinein verordnete, und die Vestung, wo sic „ Schaden genommen, stark wiederumb zu „ bauen anheinge, und mit seinem Volck „ (welches er eintheils zu streiffen aufgeschickte, und Pallotta berent und aufgefördert hatte) zwischen Stuhlweissenburg „ und Ofen sich lagerte, zu sehen, was die „ Christen fürnehmen würden, und vornehmlich darumb, damit die eroberte Vestung, biß sie wiederumb erbauet, nicht von „ ihnen möchte belagert und wieder eingenommen werden.

Spondanus in Prolusione hoc anno n. 3.

[3.] Ex Copia mandati Archiducis.

[4.] Ex literis Procuratoris Generalis Cisterc. Originalibus.

[5.] Ex lib. ædific. Z. hoc anno.

## Annus Christi MDCIII. Monasterii CCCCLXV.

*Pont. Rom.*  
Clemens VIII.

*Imp. Rom.*  
Rudolphus II.

*Archi-Dux Austria*  
Matthias.

*Episcopus Pataviensis*  
Leopoldus. I.

*Abbas Zwetlenfis*  
Ulricus II.

**P**estum è regione Budæ ad Danubium munita civitas à Christianis deseritur, Gubernatore Jagenreiter fugam cum suis ineunte, quia Turcarum irruptionem timerat: quam civitatem protinus Turcæ Budenses occuparunt, & munièrunt. \* [1.]

Interea Archidux Ferdinandus in Stiria sua reformationem Religionis inchoarat, qua Lutheranos omnes ex Ducatu suo eiecit. In Transilvania quoque Generalis Cæsareus militiæ Balsa eam introducere studebat, sed non successit, illa

illa potius causa fuit belli, quod Botfch-  
kaius hæreseos defensor suscepit, qui  
multa damna per varias victorias Cæsa-  
reanis intulit, quia ipsum Rudolphus  
Imperator proscripterat. [2.]

Hæc dum geruntur in Ungaria, lè-  
gio, cui præerat Althaimius, in Austria  
tumultuare cœpit, unde milites pedites  
in Waidhofen ad Teyiam Commissa-  
rios Cæsareos detinebant, suos autem  
Capitaneos & Tribunos partim à se re-  
pulerunt, partim etiam in vincula con-  
jecerunt. Quæ Joannes Zeilinger Al-  
lodiorum Magister Abbati Hackelio  
scripsit sub dato 27. Octobris Anno  
1603. addens, cum civitas Zwetlensis  
suas clausurit portas, se quoque pro Mo-  
nasterio velle vigiles fuscipere & adhi-  
bere. Hi milites contra Turcam con-  
scripti fuerant, qui tamén postea con-  
tra Botfchkaium deducebantur. [3.]

Udalricus Abbas hoc anno in Zwetl  
Joanne Zeilinger Allodiorum Magi-  
stro dimisso Joannem Becher Senato-  
rem in Retz suscepit, qui promissit Mo-  
nasterio & Abbati se fideliter servitù-  
rum, sub dato Retz 23. Septembris, An-  
no 1603. [4.] Hictamen primùm anno  
sequenti in Purificatione B. V. officium  
hoc suscepit.

Interea præfatus Zeilinger Udalrico  
Abbati scribit, quòd milites adhuc sint  
in vicinis locis, quibus pauperes rustici  
stipendium solvere debent & alere,  
nam de singulis domibus Commissarius

bellicus Abbas Altenburgensis decem  
solidos conquisivit, quam pecuniam  
Zwetlensibus dedit, ut milites diutius  
alerentur, sub dato Zwetl 14. Octobris,  
Anno 1603. [5.] Abbas erat hic Zie-  
nerus Altenburgensis, quem tumultuan-  
tes in Waidhofen milites in arresto de-  
tinerunt. Nuntiat idem etiam Zeilin-  
ger Abbati dicto, quòd tandem post  
sex septimanarum diversorium libertini  
illi de legione Althaimii abducentur,  
quos etiam Zwetlenses milites sequen-  
tur, qui jam Waidhofensium imitato-  
res facti varias insolentias exercent, ci-  
stas civium perfringendo & pecora sclo-  
petis suis petendo, sub dato 21. Octo-  
bris, Anno 1603. [6.]

Scribit rursus idem Zeilingerus,  
quòd tumultum in Waidhofen causá-  
rit non solum stipendium, quare un-  
diquè subditi pecunias porrigere co-  
guntur, ut milites illi solvantur, unde  
Dominus de Starenberg in Kirchberg à  
subditis médium de singulis domibus  
petiit florenum, sub dato 4. Novem-  
bris hoc anno. [7.]

Demum quid Abbas Udalricus præ-  
senti anno edificárit, ipsémet fatetur,  
quòd prædium in Camern à Leisseris ré-  
demerit, uti suprà An. MDLXXXVII.  
videre est, & in illo commodum locum  
neque pro se, neque pro famulis suis di-  
vertendi, ac habitandi habuerit, unde  
permotus ædificia in meliorem statum  
redigi curarit &c. [8.]

## ADDITIONES.

[1.] Chronicon Gotfridi Tom. 1. par-  
te 8. hoc anno.

Joan. Palatii in Aquila Austriaca part. 2.  
sub Rudolpho II. hoc anno.

Spondanus in Prolusione ad annum se-  
quentem n. 5. „ Pesthum in Hungaria

„ ante biennium à Christianis captum; ac  
„ deinde egregiè ab oppugnatione Turco-  
„ rum defensum; nunc sub initium Septem-  
„ bris à præfecto & præfidiariis vano metu  
„ territis desertum fuit, & in Turcorum po-  
„ testatem rediit. Idemque & de Hathuano,

„ anno superiori à Christianis recepto per-  
„ actum. Sed Strigonium cum Turci obsæ-  
„ dissent, repulsi sunt; & re infecta recessè-  
„ runt. „

Item Ortelius Redivivus ad sequentem  
annum.

[2.] Gotfridus ubi suprà.

[3.] Ex literis Allodiorum Magistris.

[4.] Ex literis ejusdem Becher.

[5. 6. 7.] Ex literis Zeilingeri.

[8.] Ex literis ædific. Z. sub tubricâ  
Cammern,

## Annus Christi MDCIV. Monasterii CCCCLXVI.

*Pont. Rom.*  
Clemens VIII.

*Imp. Rom.*  
Rudolphus II.

*Archi-Dux Austriae*  
Matthias.

*Episcopus Pataviensis*  
Leopoldus I.

*Abbas Zwetlensis*  
Ulricus II.

**D**Urauit adhuc hoc anno Botschkaji iniqua suæ religionis defensio, ad quem plurimi bani seu reguli confluent, quod Joanni Neuner DEI-Vallesi Abbati, qui vocatur Cæsareæ Majestatis Commissarius bellicus & ordinarius rationum provincialium Præfex, Viennâ scribitur sub dato 27. Octobris, Anno 1604. \* [1.] Contra quem hæreticum Imperator milites misit, qui hic traducti in Ottenschlag, in Gräffenschlag, in Germs & Arbesbach divertunt, quibus, uti Jacobus Franckh pater-familias Monasterii & granarius sub dato 20. Julii, Anno 1604. Abbati

Viennam scripsit, [2.] subditi Zwetlenses ex Voitschlag, Weissenbach, Kaltenprun, Schoßberg, Wurmprant, & plures alii victus necessaria subministrare debebant.

Porro hoc anno D. Hartmannus de Landaw suam cœpit ædificare curiam, quæ vulgò Schickenhof dicitur (in libris autem Monasterii Zwetlensis antiquis vocatur curia Schickonis, qui Schicko eam quondam dicto Monasterio fundaverat) unde à Jacobo Franck petit decem millia coctorum lapidum & tegulas trecentas, sub dato Schickenhof 17. Martii hoc anno. [3.]

## ADDITIONES.

[1.] E literarum monumentis.

Spondanus in Prolusione hoc anno n. 6. „ In Transilvania Stephanus Botschkajus vir in-  
„ ter Hungaros primarius, ætæ cum Sigismundo Bathorio cognatione conjunctus, religione Zuinglianus seu Calvinista; consiliis cum Gabriele Bethlemo ejusdem sectæ homine, qui à clade Mosaica anni superioris supererat, & Transilvania quoque Prin-

„ cipatum ambiebat, communicatis, specie  
„ religionis tuendæ à Bactæ infectione, arma exeruit, & proligatis nonnullis Cæsaris ducibus, magnam Transilvania partem occupavit; à Cæsare postea publicè proscriptus.”

[2.] Ex literis Granarii Zwetlensis.

[3.] Ex literis Originalibus Landavii.

## Annus Christi MDCV. Monasterii CCCCLXVII.

*Pont. Rom.*  
Leo XI. Paulus V.

*Imp. Rom.*  
Rudolphus II.

*Archi-Dux Austriae*  
Matthias.

*Episcopus Pataviensis*  
Leopoldus I.

*Abbas Zwetlensis*  
Ulricus II.

**V**ivere desit hoc anno Clemens Papa VIII. 3<sup>ta</sup> Martii, sepultus in Vaticano. \* [1.] Deinde 1<sup>a</sup> Aprilis hoc anno in Pontificem eligitur Alexander Medices Florentinus, Episcopus Cardinalis Prænестinus de Florentia nuncupatus, patre Octaviano Mediceo natus, coronatus in Pontificem ipsa Re-

surrectionis Domini die, & octavâ ejusdem apertâ læticâ vestus, Lateranensem pompam iniit, sub qua infirmatus, vix unius mensis Pontifex rursus 27. Aprilis eodem anno obiit, [2.] sepultus in Vaticano, dictus Leo XI. de quo ira B. Malachias: Undosus Vir. Erat Florentinus. Post Leonem XI. eligitur 16. Maii

16. Maji hoc anno Camillus Burghesius Romanus, Cardinalis tituli S. Chrysogoni Episcopus Atefinus, Vicarius Pontificis in urbe & Scotorum Patronus in Pontificem, vocatus Paulus V. & 29. Maji ipsa die S. Pentecostes coronatur, [3.] De quo S. Malachias ita vaticinatus fuit: Gens perversa. Nam ejus tempore gens perversa Bohemorum hæretica labe infecta contra Religionem Catholicam & Ecclesie columnam Domum Austriacam insurgens, totam Rempublicam Christianam turbavit.

In Ungaria Christianorum discordia Turcis erat optima occasio gerendarum rerum suarum, nam Serdanes Bassa Strigonium obsedit, & per dedicationem perduellium militum, qui Comitem Tampier suum Capitaneum, eò quòd nolebat illis consentire, in vincula conjecerunt, illud occupavit. [4.] Scribit etiam quidam Viennensis Doctor sequentia D. Joanni Neidner Abbati DEI Vallensi, quòd 25. Novembris Princeps Holstainius, frater Regis Daniæ quinque manipulis equitum, quorum mille fuerunt, Viennam pertransierit, qui Ducem Tschinensem ab Heidonibus seu Sclavis eum obsidentibus non absque damno suorum liberaverat, & descenderit in Ungariam, cis Danubium versus Oedenburgam manens. Campi-Mareschallus noster Monfuor de Ly cum equitibus nostris ad Lacum in Ungaria fluvium transitum fecit, Sclavis & Turcis eidem se opponentibus & curribus campestribus illis insidiantibus, sed ipse illorum ultra quadringentos cecidit, & istorum Sclavorum principem Nemet-Georgium cepit. Qua clade finitimis Turcis & Ungaris magnum terrorem incussit, unàque damna multa ipsis intulit, sicut jam multa pecora Neapolim in Austriam misit, ubi bos unus Ungaricus pro quinque vel sex imperialibus venditur. Striri se illi conjungere velle dicuntur. Quoad tractationem pacis, nostri Commissarii, jam Gomorræ, & Tureici Stri-

gonii morantur, & literis colloquuntur, nostri pacis spem bonam concipiunt, quorum præcipuus his diebus Archiduci scripsit, ut sibi pro certo crederet, se prius quieti dare nolle, donec Ungaros & Turcas nobiscum pacem inire fecerit. [5.]

Inter hæc Turcarum Imperator Botshkaium Transilvaniæ Ducem constituit, qui mox homagium à subditis petiit; Turca ipsi etiam promisit, si bellum in Rudolphum Imperatorem continuaret, quòd, sicuti quondam Joannem Zepusiensem Comitem in Regem Ungariæ creare vellet, sed Botshkaius suo novo Ducatu contentus pacem bello prætulit, & cum Imperatore illam conclussit. [6.]

Dum in Ungaria & Transilvania bellum multos milites devoraret, necesse fuit, alios submittere, sic Udalrico Abbati in Zwettl Joannes Becher Alodiorum-Magister scribit 25. Maji, hoc anno, quod virum decimum, seu unum ex decem viris armatum 23. Maji Mistelbachium mittere debuerit. Timebatur enim in Austriam per Moraviam hostium irruptio. [7.]

Fuit præterea hoc anno Cistercii in Burgundia octava Maji in Dominica Cantate post Pascha Generale Capitulum celebratum, quod indixit, & ad quod omnes Cisterciensis Ordinis Abbates convocavit Dominus Nicolaus Boucherat Abbas Monasterii Cisterciensis & ejusdem totius Ordinis Generalis, qui Edmundo à Cruce Generali nuper defuncto successerat, sub dato Cistercii 15. Septembris, Anno 1604. [8.]

Scribit deinde Joannes Abbas DEI Vallensis D. Antonio Flamingo Abbati Aulæ Regiæ in Bohemia Vicario & Commissario Generali, quòd ipse ad Capitulum Generale venire nequeat, quia corporis sui valetudo adversa, bellicorumque timores id non concedant. Deinde, ait, se suas ob causas suspicari, Abbatem Zwettlensem vicariatuum suum resignare velle: Hortatur proinde Abbatem

Rrr rrr 2

batem

batem Aulæ Regiæ, ut Generalem Cisterciensem informet, quatenus ejus resignationi nullatenus consentiat:

„ Etenim, ait, nemini ignotum est,  
 „ quantum Dominus Zwetlensis pro  
 „ collapsi Ordinis restauratione labo-  
 „ rârît, quantum in conservandis pri-  
 „ vilegiis fecerit, & quàm viriliter no-  
 „ cere volentibus se opposuerit, ita  
 „ planè ut Ordinem cum privilegiis,  
 „ DEO adjutore in pristinum & opti-  
 „ mum statum ferè redegerit. Ti-  
 „ mendum igitur, ne mutatio tam re-  
 „ pentina magnum malum sit allatura,  
 „ sub dato in Monasterio Vallis-DEI,  
 „ pridie Calendas Martii, Anno Do-  
 „ mini 1605., [9.] Hinc apparet Udal-  
 „ rici Hackelii Abbatis in Zwetl Ordinis  
 „ nostri Cisterciensis sub Vicariatu suo stu-  
 „ dium & labor indefessus.

Qualis autem status tunc fuerit Aus-  
 triæ & DEI-Vallensis Monasterii, ejus-  
 dem Abbas Joannes Neüher Generali  
 nostro Cistercium perscribit, excusans  
 se, quod ad Capitulum Generale vo-  
 catus non compareat, quia gravissima  
 pedum genuumque infirmitate dolorè-  
 que arenæ laboret, ità ut neque ambu-  
 lare, neque equitare possit, nec sum-  
 ptus Monasterium suum inops submini-  
 strare sufficiat, ut currum conducere  
 queat, cum in parata pecunia Mona-  
 sterium suum ultra centum & septua-  
 ginta florenos annuos proventus non  
 habeat &c. Accedit, quod Ungari Su-  
 perioris Ungariæ Imperatori Regi suo  
 rebelles facti magnam copiam Turcarum  
 & Tartarorum secum trahentes,  
 quotidie Austriæ nostræ irruptiones,  
 devastaciones, & incendia minentur &c.  
 Demum ad proximum mensem Majum  
 in Ipsensi civitate & circa Monaste-  
 rium Vallis-DEI lustratio sex millium

milium cum maximo tam Monasterii,  
 quàm ejus subditorum detrimento est  
 habenda. Hæ causæ sunt & hæc in-  
 pedimenta, quibus ad Capitulum Ge-  
 nerale venire impediatur. Petit ultimò  
 Vicarium Generalem Abbatem Zwet-  
 lensensem per Austriam confirmari Visita-  
 torem, qui Ordinem defendere novit.  
 Datum in Monasterio Vallis-DEI, pri-  
 die Calendas Martii, Anno 1605. [10.]  
 In his literis rebelles Ungari illi dicun-  
 tur, qui partes Botschkaji sequebantur,  
 & nisi pax cum illo transacta fuisset, ti-  
 mebatur Imperatoris ipsius Turcarum  
 adventus, qui in Ungariæ regnum  
 Botschkaium introduceret, sicut antea  
 cum Joanne factum sub Ferdinando I.  
 Rege suprà vidimus, & eundem suum  
 firmaret Vassallum ac Clientem.

Demum hoc anno Udalricus Ab-  
 bas Zwetlensis de se scribit sequentia:  
 „ Posteaquam Annò MDCV. duomil-  
 „ lia & quingentos florenos ego dare  
 „ debueram, ad numerandam pecu-  
 „ niam aliquot legionum militibus tu-  
 „ multuantibus, & sese supra portam  
 „ Viennæ Stubensem collocantibus,  
 „ magnâque inde damna inferentibus,  
 „ pro quorum stipendiis solvendis Præ-  
 „ latorum Austriæ status triginta millia  
 „ florenorum dederat, mutuò mihi de-  
 „ dit Dominus Michaël Sâmer ad tres  
 „ annos quinque pro cento Interesse  
 „ mille florenos cum consensu Princi-  
 „ pis, cui Curiam in Weinzierl oppi-  
 „ gnoravi., [11.] Hæcille, non tan-  
 „ tum autem Viennæ milites præcedenti  
 „ & hoc anno ob stipendiorum solutio-  
 „ nem non habitam tumultuârunt, sed  
 „ etiam legio Altheimii & Jagenreiteri  
 „ in Austria supra Mainhardi Montem,  
 „ uti in Waidhofen ad Teyiam factum  
 „ suprà vidimus.

## ADDITIONES.

\*[1. 2. 3.] Ciaconius cum Additioni-  
 bus Andræ Viôrelli & Ferdinandi Vahelli  
 Abbat. Cisterc. Florentini sub Clemente VIII.  
 Leone XI. & Paulo V.

Spondanus hoc anno, n. 1. & 2.

[4.] Chronicon Gotfridi Tom. 1. p. 8.  
 hoc anno.

Ortelius Redivivus hoc anno.

Spondanus ad hunc annum, n. 4.

„ Strigonium à Turcis post triginta quinque  
 die.

„dierum obsidionem, turpi Germanorum  
„prædiariorum, nequicquam obnitente  
„Comite Dampetra præfecto, deditione re-  
„cuperatum est tertio Octobris, magnò Hun-  
„garie damno. Cujus deditionis auctores  
„variis suppliciiis postea affecti fuere. „

[5.] Ex literis ejusdem Doctoris.

[6.] Gotfridus & Ortelius ubi supra.

Item Spondanus n. 3. „In Transilvania  
„Bostkaius, quamquam nonnullis cladibus  
„fractus, tamen ope Turcorum resurgens;  
„rebus ex voto succedentibus, mense Aprili  
„Comitia Ordinum habuit: Ubi ei princi-  
„patus, quem priùs invaserat, ab omnibus  
„confirmatus fuit: Et religionis professio li-  
„bera cuilibet concessa; sic tamen, nè quæ

„præter Catholicam, Lutheranam, & Calvinia-  
„nam, seu Helveticam (quam ipse sectaba-  
„tur) admitteretur, Eidemque à Turco, qui  
„cum foedus subjectionis inierat, regium no-  
„men mense Novembri tributum; & cum  
„aliis augustalibus ornamentis tradita Coro-  
„na; quam Ladislai olim Hungariæ Regiæ  
„fuisse dicebant. „

[7.] Ex literis Allodiorum-Magistri.

[8.] Ex literis impressis indictionis Ca-  
pituli Generalis.

[9.] Ex literis DEI-Vallensis Abbatis.

[10.] Ex copia literarum ejusdem Ab-  
batis.

[11.] Liber ædific. Z.

## Annus Christi MDCVI. Monasterii CCCCLXVIII.

*Pont. Rom.*

Paulus V.

*Imp. Rom.*

Rudolphus II.

*Archidux Austriae*

Matthias.

*Episcopus Pataviensis*

Leopoldus I.

*Abbas Zwetlensis*

Ulricus II.

Cum adhuc ageretur de pace inter  
partes hujus anni initio, propte-  
rea legiones antiquæ in Austria Cæsa-  
reanæ hucmabant, sicut scribit Udal-  
rico Abbati suo Magister-Allodiorum  
Joannes Becher sub dato 13. Januarii,  
Anno 1606. \* [1.] Nam ait, legio-  
nem, cujus Capitaneus erat Georgius  
Andreas de Hofkirchen, trium mil-  
lium peditum collocatam esse in Poëla;  
Waidhofen, Vitis, Weitra, Kotes; &  
modò vexilliferum cum suis militibus  
in civitatem Zwetlensem introductum,  
cui subditi Monasterii viçtus necessaria  
subministrare tenentur.

Archidux Austriae Matthias sum-  
mopere laboravit pro pace componen-  
da inter Cæsarem Rudolphum & Botſch-  
kaium cum suis adherentibus Ungaris,  
inde nominavit Commissarios ex parte  
sua Comitum de Trautson, Seifridum  
Breinerum Camerae Aulicæ Cæsareæ  
Præsidem, Gallum, Chaynum & unum  
de Krenberg: Ex parte rebellium Un-  
garorum erant Elias Eliášchi cum col-  
lega: Ex parte verò fidelium Ungaro-  
rum Episcopus Forgâtſchi cum fratre

suo, uno Turſone; & aliis pluribus.

[2.] Hæc scribit Joanni Abbati DEI-  
Vallensi Joannes Scheichenberger Vien-  
nâ sub dato 24. Januarii, Anno 1606.  
qui simul refert Abbatem Zwetlensem  
infirmatum ex calculo laborare.

Matthias, ut supra scripseram, no-  
minarat Commissarios ad componen-  
dam pacem cum Botſchkaio, qui con-  
venientes mense Octobri, illam sub cer-  
tis conditionibus concluderunt; inter  
quas præcipuæ erant: Ut Religio in  
Ungariæ regno libera maneret; ut Ca-  
tholicis nulla templâ auferrentur, & si  
quæ ablata hæctenus fuissent, ipsis resti-  
tuerentur; ut cum Turcis æquis condi-  
tionibus pax statueretur, & ceteræ plu-  
res regnum Ungariæ concernentes con-  
ditiones positæ fuérant. Quia tamen  
etiâ cum Turcis utraq; pars conven-  
ire cupiebat, sic protinus cum ipsis de  
pace agi coeptum, & ad finem mensis  
Octobris articulis positis ea firmata fuit.  
[3.] Inde Viennâ nuntiatur DEI-Val-  
lensi Abbati pro certo, quòd pax cum  
Turcis conclusa sit, Joannem de Mo-  
larth cum muneribus à Turca jam ascen-  
dere;



dere, Capitaneum de Kollonitsch à Bassa Budensi non pauca munera accepisse, Christophorum Teuffel Ambasciatorem Cæsareum cum muneribus, quæ ad ducenta millia florenorum æstimata & jam Budam præmissa sunt, brevi descensurum & Constantinopolim profecturum esse, sub dato 8. Decembris, anno præsentis. [4.]

Hæc dum geruntur cum Turcis, Botschkaius à suo Cancellario Ducatum ejus ambiente nomine Cattai venenō extinguitur, prius & ipse cæde sua debita Principis sui manibus litans sublatus, Botschkaius autem primū Medicis frustra laborantibus 13. Decembris hoc anno ex hac vita discessit. [5.]

Ut etiam de me, qui hos Annales scribo, non sileam, hoc anno MDCVI. 13. Augusti, quæ erat dies Dominica, manē circa horam sextam natus sum, sequenti die in Vigilia B. V. Assumptæ vespere in Ecclesia Cathedrali Wratislaviæ in Silesia Superiore à D. Martino Schuppio curato baptizatus, patrini fuerunt Dominus Petrus Coslovius & Dominus Casparus Felckelius, ambo ibidem Canonici, & Domina Hedwigis Habichtin mater D. Georgii Abbatis ad S. Vincentium Ordinis Præmonstratensis & Cathedralis Ecclesiæ suffraganei, nomēque mihi datum Joannes. Parens meus vocabatur Georgius Linck Civis Nissenis & Præfectus subditorum Dominorum fratrum de Dona Canonicorum, mater mea Anna nata Seisfridin cujus frater D. Joannes Seisfridus erat Abbas Zwetlensis, qui me ex patria in Austriam vocavit septennem, & studiis applicavit. Deinde superna vocatione Ordinem in Monasterio Zwetlensi Cisterciensem ingressus & nomen Malachiæ sortitus, non tam ab Abbate meo D. Martino jussus ex obedientia, quàm lubenti animo pro gratiarum actione hos Annales scribere, &

his meum Monasterium illustrare volui; quamvis labor immensus videbatur, & post cœptum opus procella Suecica illi naufragium minabatur, Annales tamen mei & naufragium hoc evaserunt, & DEO sint laudes, hucusque meus labor improbus omnia vicit. Hæc de notitia scribentis.

Videamus etiam, quid de se scripserit D. Udalricus Hackelius Abbas Zwetlensis: „Cum, ait, adhuc anno 1531. ab Erasmo Abbate & Conventu curia in Nusdorf ad Danubium sita cum aliquot vineis ad Grintzing, Töbling, Ottakrin adjacentibus Joanni Ernsto civi Crembensis cum reservatione perpetuæ redemptionis & cum consensu vendita fuisset: Quia tamen neque Antecessores mei, neque ego de ista venditione unquam quicquam sciverimus, inquirendo reperi, quod bona ista perpetuò redimenda à Monasterio distracta fuerint. Ideoque post sessorem hujus curiæ apud Excelsium Regimen de redemptione mihi denegata detuli, causâ ex utraque parte auditâ vi expeditæ sententiæ decretum fuit, ut modernus possessor Isaacus Ernsti civis Crembensis teneatur curiam in Nusdorf unâ cum vineis ad eam pertinentibus mihi data solutione cedere. Secundum hanc sententiam cum dicto Ernsto presentibus Honorabilibus viris, vi desuper factæ inter nos compositionis sigillis munitæ, conveni, quod ipsi locò pretii quadringentos florenos numerare, & ex benevolentia, quia etiam mihi vindemiam reliquit, centum florenos donare velim, cui etiam Crembisii vineam dimidii jugeris in Laimb dictam, donò dedi. Atque ita curia ista per me Monasterio libera & sine onere restituta fuit. „ [6.] Hæc ille.

## ADDITIONES.

- \*[1.] Ex literis Alلودiorum Magistris,  
[2.] Ex literis Archiducis Matthiæ.

- [3.] Gotfridus loco sæpe citat. hoc anno, Ortelius hoc anno prolixè & exactè.

Spon.

Spondanus hic n. 7. „ Bostkaius Transilvanie, Walachie & Moldavia occupator, morbo & rerum Turcicarum inclinatione commotus, ( Bassa námque Alepiensis Gambolatus rebellans adversus Cicalam summum imperium in Oriente gerentem, ac proinde contra Achmetem Turcorum Imperatorem; Tripoli & Damasco captis, atque exercitibus in se missis profligatis, Syriæ dominum se constituit: innotoque cum Rege Persarum sociere, sese ad majora parabat: sed tandem à Turcis fractus, atque à suis desertus, ab Achmete veniam petit, & promissione militandi contra Persas obtinuit) pacem cum Rudolpho Cæsare inivit mense Septembri; concessâ ipsi ac liberis masculis Transilvaniâ, cum ea Hungariæ parte, quam Sigismundus Barthorius obtinuerat. Securâque est pariter, ejus maximè operâ, mense Novembri pax inter prædictos Rudolphum & Achmetem, seu dixeris inducias, in viginti annos. „

Joan. Palatius sæpe laudatus, hoc anno, ubi conditiones pacis sic concludit: „ Bostkaio Transilvania cum arcibus annexis, Agnensibus decimis, cum titulis omnibus, qui Sigismundo Bathoreo fuerant concessi, jure cedat hæreditario, & liberis ejus masculinis. Quod si linea masculina ejus deficiat; cunctâ ei concessâ ad Regem legitimam Hungariæ devolvantur, itâ ut nullus consanguineus vel affinis jus illud sibi vendicare possit. Si filiam relinquat, jure quartæ, de qua cum Cæsare conveniet, contenta sit. Omnibus, qui Cæsari fidem servarunt, & propterea in Dacia proscripti sunt, bona restituantur. Corona à Turcis Bostkaio donata nullum dignitati, & juri Hungarici Regni faciat præjudicium. Generalis Amnestia ab Anno 1604. publicetur. Ita ut nulla à quoquo judice possit fieri persecutio. „

[4.] Ex literis ea de re perscriptis.

[5.] Gotfridus ubi suprâ. „ Den An-

„ sang zu neuer Unruh gab der Todt deß Botschkay, welcher durch Giff verurthacht worden. Dann es hatte seinen Canzler Cattay ein solcher Ehrgeitz und Regier-sucht angestossen, daß er ihm einbildete, wann Botschkay von dem Brod gethan wäre, so würde er leichtlich das Regiment und Fürstliche Dignität in Siebenbürgen an sich bringen mögen, und in solchem seinem schädlichen Vorhaben vertieffte er sich also, daß er endlich seinem Herrn dem Botschkay Giff beybrachte: Selbiger aber ward hierüber seiner Treulosigkeit gewahr, ließ ihn demnach alfbald nach seinem Verdienst abstraffen, und ihm den Kopff vor die Füß legen. Die Artzte legten zwar hierauffallen möglichen Fleiß an, die Würckung deß Giffs zu hintertreiben, aber es wolte nichts helfen, und ward die Kranckheit, so durch das Giff verurthacht worden, je länger je heftiger, also daß er den 13. Decembris darüber mit der Haut bezahlen mußte, welches groß Trauren und Wehklagen bey seinen neuen Unterthanen verursirte. Wehrete also sein Fürstenthumb, welches ihn zu erlangen so viel Mühe und Arbeit gekoilet, eine kleine Zeit. Als er jetzo sterben wolte, vernahmete er Joannem Janusium, welchen er an deß vorigen statt zum Cantzler verordnet hatte, daß er dem Römischen Kayser getreu verbleiben, und das Land nicht in neue Unruh setzen wolte. „

Item Ortelius citato loco. Et

Spondanus ita proseguitur: „ Post quæ mortuò Bostkaio vigesimo octavo Decembris, Transilvani Sigismundum Ragotzium virum primarium, & ab omni ambitione alienum, sed & ipsum hæreticum Calvinianum, in Principem evererunt: Conniventibus magis, quàm approbantibus Austriacis; ad quos ex pactis ea provincia accedere debebat, quod nullo Bostkaius liberos reliquisset. „

[6.] Liber ædific. Z.

## Annus Christi MDCVII. Monasterii CCCCLXIX.

*Pont. Rom.*  
Paulus V.

*Imp. Rom.*  
Rudolphus II.

*Archi-Dux Austriæ*  
Matthias.

*Episcopus Pataviensis*  
Leopoldus I.

*Abbas Zwetlensis*  
Ulricus II.

**C**omitia hoc anno Imperii Ratisbonæ ante annum indicta, sed ob pestem in hunc translata, necdum ini-

tium acceperunt, cum primum Ferdinandus Archidux Austriæ ex Stiria Ratisbonam advenerit 28. Novembris, qui  
§§§ §§§ 2      à Ru-

à Rudolpho Cæsare Commissarius ed deputatus fuerat. [1.]

Annus iste Monasterio Zwetlensi Patrem suum optimum per falcem mortis rapuit Dominum Udalricum Hackelium, qui fuit Cæsari, Principi terræ, Sacro Cisterciensi Ordini, ac Monasterio suo usui, amori, utilitati, ac ornamento, præsertim Ordinis nostri ac statûs Prælatorum Austriæ maximus Zelator. Causa præcipua ejus obitus erat casus sequens, quem ipsemet Hackelius suscitavit, hic autem consulto brevibus refero. Invitatum ait se fuisse ad Festum S. Leopoldi à D. Præposito Claustro-Neoburgensi, ut ibidem sub Pontificali & solemni ritu Missæ Sacrificium præsentem Archiducali Aula celebraret, quod & opere complevit. Qua solemnitate & prandiis finitò domum se conferre volentem in publica via non procul à Nussdorf duo è statu nobiliori ab eodem festo redeuntes equitantes insequabantur. Qui primum famulos, dein ipsum Abbatem è curru suo descendentes duris ac injuriis dictis aggressi, tandem unus eorum ad præcipitum Danubii trudendo, imò & pistoletam applicando ipsi mortem minatus vix à socio innocentiam Abbatis contestante dehortari & ad viam prosequendam moveri poterat. Abbas autem cum tremore ad proximam curiam suam in Nussdorf se contulit, ac injuriosum hoc factum per libellum supplicem ad Archiducem Matthiam tunc Austriacarum ditionum gubernatorem detulit, statimque desuper Archiducale decretum sub dato 17. Novembris Anno 1607. accepit: quo Archidux Abbatem hortatur, ut officium non tantum suum, sed etiam Commissiones ipsi injunctas prosequatur, se nomine Cæsaris injurias, convitia, blasphemias ad sufficienter puniendum ad se recepturum; ut agnoscat sibi abunde esse satisfactum. Post hanc verò tragediam Abbas non diu supervixit. [2.]

Ædificavit hoc anno, sicut ipsemet

scribit antiquam curiam nostram in Nussdorf, quam anno præcedenti ab Isaaco Ernst civè Cremsbensi redemerat & Monasterio suo recuperarat. [3.]

Porro antequam ad ejus ex hac vita discessum veniamus, videamus in primis, quis Udalricus Hackel à juventute fuerat, quod illo ipso nemo melius scire potest, qui hæc propria manu de se scribit: „ Ut autem omnibus manifestum fiat post mortem meam, cujus „ Professionis aut Religionis ego fuerim, quomodo corde in Deum crediderim ad justitiam, & orè confessus fuerim ad salutem. Sic horis „ omnibus & momentis Munificentissimo DEO meo nunc & semper gratias agere teneor, qui non vult mortem peccatoris, sed ut convertatur, quod etiam me ex diabolica & Babylonica Scdâ & errore Lutheri eripuerit, in quo usque ad annum ætatis meæ vigesimum quartum versatus fueram, & me per instructionem bonorum, piorum, doctorum Virorum ad sanctam Catholicam Romanam fidem & religionem deduxerit, in qua in tantum fundatus sum, ut in fide hac DEI adjutorio usque ad finem vitæ meæ permanere velim. In qua fide etiam spiritum meum in fine vitæ in abundantissima merita Jesu Christi mei Amantissimi Salvatoris, in quo solo animæ meæ salutem colloco; commendando & offero, ad quam Matrem ejus Amantissimam cum tota cælesti curia mihi suis intercessionibus auxilio fore spero: Sicut etiam ego meam professionem fidei Domino Melchiori Kleselio Præposito Viennensi & Consiliario ac Officiali Passaviensi Anno 1580. tradidi, in qua maneo, &c. [4.] Hæc ex ejusdem testamento manu propria scripto, dum adhuc Præpositus Clara-Vallensis esset, Anno MDLXXXIV. facto, cujus executores nominavit præfatum D. Kleselium, D. Joannem Rüoff Abbatem Zwetlensem; & D. Michaelenti Lydi-

Lyditium S. Theologiæ Doctorem & in Weitra Parochum, in quo reperitur ipsius Capellanus D. Christophorus vocari. Hæc de juventute sua sufficiant, jam veniamus ad ejus virilem & senilem ætatem, quam ille ipsemet egregiè descripsit cum talentis, quæ à Domino DEO acceperat; „ Posteaquam Anno 1577. Sacerdotiò insignitus essem, „ Canonicus apud S. Stephanum, & simul Parochus in civium Hospitali Viennæ factus fui, duo manualia beneficia habebam, à parentibus meis hæreditariè accepi duas vineas, & à Senatu Viennensi paternam meam portionem mille quingentorum florenorum. Postmodum Anno 1581. Præpositus Zwetlensis factus, ibi per quinque annos non parvam acquisivi pecuniam, laboravi proinde, cum Anno 1586. in Abbatem Zwetlensem constitutus essem, patrimonium meum præfatum non solum, sed etiam quæ ex dictis Beneficiis mihi accreverant, in summa 6000. florenorum, conservare integra, quæ cum Monasterii proventibus commiscere nolui, sed summam hanc, tanquam liberam pecuniam, cum ea liberè disponendi potestatem ante editam meam professionem planè mihi reservavi, nimirum ut in sequentes personas & loca eam post obitum meum transferri curare possim. „ [5.] Ex dicta hac & alia sat notabili pecuniæ summa, ab ipso post Professionem Religiosam, ex variis & publicis officiis strenuè administratis, utpote genuino Religioso Cisterciensi Monasterio nostro acquisita, cum consensu utique eorum, quorum intererat, sequentem Viennæ ante obitum suum fecit dispositionem (erat autem tota summa quinque millia aureorum apud D. Resch civem Viennensem in deposito) „ Cum in hoc civium Hospitale Viennæ (in quo aliquando parochus fuerat D. Udalricus Hackelius) undique „ magna copia pauperum confluat,

„ nec locus sit ipsis manendi congruus; Viennensis autem Magistratus in locum aptum consenserit, duo amplà hypocausta, unum in inferiori, alterum in superiori contiguatione, muro utroque & tecto manentibus construi poterunt, quorum in superiori centum lectisternia pro viris, sicut & in inferiori totidem pro fæminis collocanda sunt, deinde pro Hospitalis Magistro ædes, ubi modò braxator habitat, construenda erit, pro quod ædificio, sicut & pro lectisterniis pauperum mille quingenti aurei numerabuntur. Secundò pro Nosocomio ad S. Marcum extra Urbem posito ducendi ducati porrigendi, in quo ædificium pro pauperibus commodum construendum, inspector hujus ædificii nominatur D. Michael Saurer, & vult, ut in die S. Udalrici Superior loci singulis pauperibus mediam vini mensuram & tres panes in memoriam sui pro elemosyna porrigat. Tertiò Societati Jesu Viennæ trecentos ducatos pro constructione Collegii, & ducentos ducatos pro Sacello S. Barbaræ ordinat. Quartò, mandat Monasterio Monialium ad S. Jacobum ibidem quingentos ducatos, quos ad reparatorem ædificiorum suorum applicent, D. autem Resch & Sämer singulis Monialibus, senioribus tamen plus quàm junioribus jussit dari, centum ducatos ex illis ad manus distribui, ut sui memores, præsertim in anniversario antè fundato, in precibus suis devotis viverent & essent. Quintò, quia in Basilica S. Stephani plurimæ reliquiæ Sanctorum nudæ sunt, idcirco ducentos ducatos ordinat pro iis exornandis per Moniales & includendis. Sextò, Franciscanis ad S. Hieronymum pro ædificio, ut sui in precibus memores sint, ducentos ducatos quoque legat. Septimò, ad pauperes octo Virgines parentibus orbatas in matrimonium elocandas du-

Ttt ttt

, cen-

centos ducatos constituit Octavò, Dominæ Salome D. Burckhardi uxori quadringentos ducatos in sui memoriam. Nondò, Jacobo Höhenberger propter fidelia sua officia, sicut & ejus filiis Benedicò & Zachariæ quadringentos ducatos. Decimò, item Dominæ Sämerin Affini suæ ducentos, & Wolfgango Höchenberger, ejusque Uxori, & liberis etiam ducentos ducatos. Undecimò, Dominæ de Hornberg filiæ Mariæ pro torque, aut post obitum ejus matri centum ducatos. Duodecimò, tribus Viris Dominis Vito Resch, Michaëli Sämer, & Joanni Scherer trecentos ducatos &c. Acta sunt hæc Viennæ, 12. Octobris, Anno 1607.

[6.] Eadem die literas quoque petitorias conficit, quibus dictam pecuniam & ducatorum Summam apud D. Vitum Resch Senatorem Viennensem depositam esse scribit, & præfatæ suæ dispositionis Executores nominat præmemoratum D. Vitum, D. Michaëlem Sämer, & Joannem Scherer, utrumque civem & urbani Judicis Assessorem.

[7.] His ita dispositis Optimus Pater ex terrore in festo S. Leopoldi, uti suprâ hoc anno scriptum, accepto confectus 7. Calend. Decemb. nimirum 25. Novembris, in festo S. Catharinæ vesperi intra horam septimam & octavam spiritum suum DEO reddidit, omnibus Sacramentis antè ritè susceptis, [8.] præsentibus Patribus Societatis duobus P. Ferdinando Alber Rectore Collegii, & P. Abrahamo Khöberl Convictus Regente. Fuit ætatis suæ, sicut ipsemet in Abbatia propria manu annotavit, annorum quinquaginta sex & 25. dierum, natalis ejus dies festum Omnium Sanctorum, reperitur ergo Anno Domini MDLI. natus fuisse. Quo dicta die defuncto, sequenti, id est, 26. Novembris anno præsentis ejus dispositio protinus fuit aperta & executioni demandata, prout suos Executores vivos

oretenus & scriptò rogaverat. Ceterum semper ferè Viennæ mansit ob officia sua gravia, nonnunquam in Monasterium ascendit sua ædificia, quæ construi jusserrat, visurus, qui bonus œconomus & locutus habens Monasterium præsertim pro hospitum commoditate splendide ædificavit. Hoc demonstrat nomen ipsius cum insignibus & apophtegmate *Festina lentè*, ubique in operibus suis præfixum, annò additò, & nonnunquam etiam die. Ordinem tamen suum tanquam Vicarius Generalis strenuè defendit, sicut hoc patet ex literis ejusdem post se relictis. Fecit item Relationem Cæsari ad ejus petitionem super libera Conventuum Ordinis ejusdem electione. [9.] Aliæque multa præstitit laude digna per Ordinem sub Vicariatu suo.

Demum Dominus Udalricus Hackel memor humanæ conditionis in Monasterio suo Zwetlensi sibi cryptam in medio templi fieri curavit anno adhuc MDC., cujus ori imposuit lapidem ex rubro marmore sepulchralem, & desuper suis insignibus cum inscriptione illum ornavit: simul etiam ad columnam templi propè sitam ex dicto lapide se in pontificali habitu cum inscriptione suisque insignibus, sub Anno MDXC., sculpi fecit, quod epitaphium adhuc ejus prædicat dignitatem. Hic hoc anno Viennæ in extremis constitutus quoque ordinavit, ut corpus ejus exanime in Monasterium Zwetlense deportaretur, & in crypta à se constructa conderetur, quod etiam à morte ejus post octiduum factum, qui per Urbem solenni funebri pompa, resonantibus campanis, & magnis Viris loculum comitantibus, humeris fuit elatus usque ad portam Turris-Rubræ, ubi paratus currus & nigrò pannò vestitus cum aurigis, comitibus & equitibus suis stetit, cui loculus impositus in Monasterium deductus fuit, in itinere parochis ipsi funerali obviantibus, & per oppida sua deducen-

ducentibus campanarum sonitu adhibito. Tandem in Monasterio solenniter ab Abbate Altenburgensi secun-

dum pactum Missarum solenniis & cæremoniis Catholicis ritè adhibitis, fuit in sua crypta sepultus.

## ADDITIONES.

[1.] Megizerus in Annalibus Carinthiæ lib. 12. c. 34.  
[2.] Ex Autographo ipsius D. Abbatis Hackelii.  
[3.] Lib. Ædific. Z.  
[4.] Ex ultima voluntate ipsius mps, in Præpositura, Anno 1584.

[5. & 6.] Ex ultima dispositione ejus Viennæ facta Anno 1607.  
[7.] Ex copia illarum literarum.  
[8.] Omnes Recentiores Abbatum Catalogi.  
[9.] Ex canistrò Ordinem Cisterciensem concernentium.

**Annus Christi MDCVIII. Monasterii CCCCLXX.**

*Pont. Rom.*

Paulus V.

*Imp. Rom.*

Rudolphus II.

*Archidux Austriæ*

Matthias.

*Episcopus Pataviensis*  
Leopoldus I.

*Abbas Zwetlensis*  
Joannes VI.

**C**omitia Imperialia hoc anno 12. Januarii loco Cæsaris præside Archiduce Austriæ & Stiriæ Ferdinando suum initium habuerunt, sed propter disceptationes statuum & motus diversos in Imperio, præsertim in Austria, finem suum non sunt sortita. \* [1.]

Interea Archidux Austriæ Matthias Confoederationem iniiit cum regni Ungariæ proceribus, inter ipsos & Austriacos, & cum Turca de pace tractavit, quæ Rudolphus Cæsar frater ejus noluit habere rata, unde inter ipsum & Archiducem similitudines exortæ fuerunt. Archidux protinus militem conscripsit, in Bohemiam cum viginti millibus Pragæ versus movit, & partem regnorum atque ditionum hæreditarium à Cæsare petiit, quod etiam Legatis Pontificis & Electorum Principum intervenientibus impetravit, nimirum regnum Ungariæ, Austriam & Moraviam propriam accepit, & nomen designati Regis Bohemiæ obtinuit, [2.] Qui exercitu reducto & dimisso 19. Novembris hoc adhuc anno Posonii in Regem Ungariæ fuit coronatus. [3.] In Austria verò à proceribus homagium petiit, sed à Protestantibus Evangelicis ipsi fuit denegatum, quia libe-

rum Religionis exercitium ipsis denegaverat, qui in Horn civitate convenientes de Religionis suæ defensione consultabant; insuper militem collegerunt; quibus tamen deinde Archidux illud, sed tantum extrâ civitates suas; coactus permisit. [4.]

Antequam porrò ad electionem novi Abbatis in Zwetl veniamus, expediamus prius illa; quæ adhuc de Abbate Hackelio defuncto restant. Hic Ecclesiam suam ornamentis insignivit variis & plurimis, sicut ea in libro quoddam conscribi curavit; præfigens causam; quia ferme nihil de ornatu reperit; [5.] In domo Viennensi etiam Sacellum ornavit picturâ, altari novo, calice, casulis, antependio & imaginibus; item reliquiariis; aliisque ad celebrandum necessariis pretiò octingentorum florenorum. Præterea ad pias causas multa adhuc vivens exposuit, ut ipsemet fatetur, & per Ordinem enumerat. [6.] Ex his itaque liquet, quis & quantus fuerit Udalricus Hackelius Abbas Zwetlensis, cujus anima requiescat in pace.

Post obitum ipsius plurimi non de jure, sed de rapacitate erant hæredes, quod Matthias Archidux Austriæ percepit,

Ttt ttt 2

cepit, & per decretum Consiliariis Austriæ-Monasticis præcepit, ut etiamnum hodie ex Corpore suo Commissarios eligerent, quatenus sine mora in Abbatis Udalrici Zwetlensis substantiam, præsertim pecuniam relictam inquirent, Reschium, qui argenteam Crucem habere dicitur, item Sâmerum, Schererum, aliòsque complices, qui ejus obitui interfuerunt, citent, diligenter examinent, ut veritatem fateantur, quorum argentea ejus utensilia, quò ipsius pecunie devenerint, quid unus vel alter acceperit, alioquin aliis mediis cum ipsi procedendum esset. [7.]

Procedo jam ad electionem novi Abbatis Monasterii Zwetlensis, quæ quando suscepta fuerit, nemo melius id nobis manifestare potest, quàm ipse Electus, qui fuit D. Joannes Neüner tunc Abbas Dei-Vallensis; (vulgò

Steiffenstein) hic in literis suis ad Abbatem S. Trinitatis in Neapoli Austriæ Dominum Paulum perscriptis & anno sequenti proferendis ipsemet scribit se quintò Idus, id est, undecimâ Maji, Anno MDCVIII. [8.] à Conventu Zwetlensi fuisse electum, & per decretum regium, ac Abbatem S. Crucis installatum. In Successione omnes Abbatum catalogi conveniunt, unus author etiam diem ipsam ponit & annum. Hic Joannes inter Abbates ejus nominis VI. in ordine viginti annos habebat, ante suam electionem professionem fecit in Monasterio Zwetlensi coram suo Antecessore Udalrico Hackel, qui cum mox subpriorem & deinde etiam Priorem creavit, postulatus in Abbatem Vallis-Dei Anno MDXCVIII. idem Monasterium hucusque rexit per decennium, pædagræ semper ferme afflictus & molestatus pius Pater.

## ADDITIONES.

\* [1.] Megizerus Annal. Carinth. lib. 12. cap. 34.

Chronicon Gotfridi tom. 1. part. 8. hoc anno.

[2.] Megizerus ubi suprà.

Spondanus hic n. 8. „ Discordiâ inter „ Rudolphum Cæsarem & Matthiam Archiducem fratrem ejus ortâ, ob fœdus à Matthia cum Hungaris & Austriis ictum, & nonnulla in Comitibus Posonii celebratis decreta, quæ in diminutionem auctoritatis Cæsareæ facta Rudolphus interpretabatur: Collecti sunt utrimque exercitus. Sed procurante Summo Pontifice concordiam, (missò ad hoc Joanne Garzia Cardinale Millino Romano) Rudolphus Princeps quietis magis quàm laboris studiosus, Matthiæ elationum spirituum homini cessit Austriâ & Hungariâ; promissâ etiam Boemiâ, si ipse absque prole mascula decederet. Idemque Matthias mense Novembri Posonii Rex Hungariæ solemnî ritu coronatus est.

Ortelius hoc anno.

[3.] Idem præced. n. relati.

Item Piespordius sub Matthia Imperat. Anno 1608. Ex cessione fratris Austriam cum Moravia accepit, Boemiæ regno destinatus, & Posonii 19. Novembris ejusdem anni Rex Ungariæ à S. Stephano XLl.

Additiones ad Ciaconium sub Paulo V.

Joan. Palatii sub Anno sequenti. „ Decimo tertio Kal. April. die S. Elisabethæ sacro, Posonii Rex in æde S. Martini hoc ritu inauguratur. Diadema regium curru regio ex arce ad templum splendido procerum comitatu delatum, decem regnorum vexillâ complicata deportata, quatuor Senatoribus Hungaris cislulam pannò Attalicò aurò textò velatam in sacrarium templi curru deferentibus: Equò Matthias Rex, habitu Hungarico vestus, à duobus Episcopis ad altare productus est. Tum verò vexilla decem totidem Hungari, diadema Palatinus, sceptrum regium Eudeodius, malleum regni aureum Forgatius, gladium Stephanî vaginâ holosericâ purpureâ inclusum Turso, Patellam auream, (quâ pacem indigent) Thechius, Crucem auream Budianus gestabant; Cardinalis Forgatius sacris operabatur, ministrantibus Episcopis, à quibus sub initium Sancti Missæ Sacrificii, Rex oleò inunctus est. Cùm Evangelium recitaretur, Cardinalis Regem coronâ induit: populo multos annos acclamante. Rex diademate fulgens à Colonitio equitum magistro; Marefcallum vocat, gladium accepit ter in ære expressâ crucis formâ, vibravit, & Sacrum Christi corpus Cardinali

„ dinalis manu sumpfit. Perañdō Sacrificiō  
 „ Rex viā pannō stratā progressus ad S. Fran-  
 „ cisci Sodales exalceatos, in plebem au-  
 „ reos, argenteosque nummos tradito morē  
 „ sparsit, & in eo templo perleñdō S. Joannis  
 „ Evangelio, viginti octo equites solemnī  
 „ ritu creavit: Inde diademate, & veste re-  
 „ gia insignis; per S. Michaēlis portam urbē  
 „ egressus, in pēgma pannō sericō stratum  
 „ equō vectus est, unde iurandum iusti ac  
 „ moderati Imperii Hungaris præstitit, ab iis-  
 „ dem devoti obsequii, hñcique accepit. In-  
 „ de in colliculum eques insiliens; gladium  
 „ expressā crucis formā ter vibravit, mox in  
 „ arcem magno comitatu ad regias epulas  
 „ reversus est, Germani omnes publicis mu-  
 „ neribus, ac officiis dejecti, & exauctōrati

„ sunt, Fridericō Colonitēsi exceptō, quem  
 „ virtus supra invidiam extulerat.

Spondanus ubi supra n. 10. „ Sigismūn-  
 „ do Ragortio; tranquillā vitæ desiderio  
 „ Transilvaniā cedente, Gabriel Bathorius  
 „ eam sibi vendicavit: Et neglectō Rudolphī  
 „ Cæs. dominio, Turcis se submisit. Qui  
 „ olim Catholicē à patre educatus, ad hæ-  
 „ resim postea defecit.

[4.] Gotfridus ubi supra cit. locō.

Item Orteliū ibidem.

[5.] Ex lib. ædific. sub Rubrica: Ornā-  
 „ ment. comparat.

[6.] Ibidem sub Rubrica: ad pias causas.

[7.] Ex Copia decreti ejusdem D. Ar-  
 „ chiducis.

[8.] Ex literis ejusdem D. Abbatis.

## Annus Christi MDCIX. Monasterii CCCCLXXI.

*Pont. Rom.*

Paulus V.

*Imp. Rom.*

Rudolphus II.

*Archidux Austriae*

Matthias Rex.

*Episcopus Pataviensis*  
 Leopoldus I.

*Abbas Zwettlensis*  
 Joannes VI.

**R**eligionis gratiā Protestantes tam  
 in Bohemia Cæsari, quam in Au-  
 stria Regi Matthiæ negotium fecerunt;  
 præludia quasi futuri belli; nam in Au-  
 stria 25. Januarii hoc anno juxta Holo-  
 brunnam tam Regii, quam Protestan-  
 tum milites convenerunt, pro uno di-  
 versorio certantes, Regii hoc illis ces-  
 serunt, unde Rex Matthias permotus  
 cum statibus Lutheranis convenit in  
 aliquot articulos compositionis, ex qui-  
 bus erant, ut Dominis & Nobilibus in  
 suis arcibus, domibus, munitionibus,  
 pagis, & etiam in civitatibus in priva-  
 tis domibus suis exercitium Religionis  
 liberum concederetur: Ut tria templa;  
 unum in Interstorf, alterum in Tri-  
 banswinckl, tertium in Hernalis pro sua  
 Religione exercenda relinquerentur;  
 Ut Consilarii ex utraque Religione le-  
 gerentur, sicut alia etiam officia cum  
 ejusmodi personis providerentur; hæ-  
 reditariis in moderno statu manenti-  
 bus &c. Protestantes in Bohemia non  
 aliter faciebant convenientes in Curia  
 Civitatis Veteris Pragensis contra in-  
 hibitionem Cæsaris; militibus pro sui

custodia adhibitis, quibus etiam plebs  
 inconditase conjunxit. His auditis ma-  
 jora timeis Imperator Rudolphus de-  
 dit ipsis literas, quas Majestatis literas  
 vocarunt, quibus ipsis concessit libe-  
 rum exercitium Religionis suæ per to-  
 tam Bohemiam: Archi-Episcopus eos  
 in concionibus suis sive Bohemicis sive  
 Germanicis non impediret: In Univer-  
 sitate Pragensi, sicut & in sepulturis  
 cum Catholicis iisdem juribus gaude-  
 rent: neuter alterum verbis proscin-  
 deret sub pœna denuntiatiōis, quod  
 talis transgressor sit habendus pro ho-  
 ste Reipublicæ; sub dato in Pragensi  
 Arce, 11. Julii Anno 1609. \* [1.]  
 Hæ literæ clypeus illorum Protestan-  
 tum erat, quo testī postmodum con-  
 tra Matthiam & Ferdinandum in cam-  
 pum armati progredi aucti fuere.

Jam ante annum Dominus Nicō-  
 laus Boucherat Generalis nostri Ordinis  
 Capitulum Generale Cistercium sub da-  
 to ultimā Octobris convocavit, & hoc  
 anno 17. Maji diem denominavit, scri-  
 bens simul Abbati S. Crucis Domino  
 Paulo, ut cum Coabbatibus suis ad il-  
 luu uu

lu



lud quoque se conferret. [2.] His perceptis Dominus Joannes Neüner Abbas Zwetlensis & DEI-Vallensis se apud Generalem per literas excusat, quod venire nequeat, tum mala valetudine præsertim pedum intolerabili ardore præpeditus, cum etiam ob Monasterii sui periculum summum domi detentus: nam hæretici, Austriæ procures, perduelles facti, in præsentissimum Regis

Serenissimi Matthiæ, ac totius statûs Ecclesiastici exitium, aliquot millia pedum equitumque conscripserunt, qui cum copiis suis non procul à Monasteriis Zwetl & Vallis-DEI, & circum locorum, non sine magno subditorum damno confederunt, comminantes & hinc inde spargentes, quod cuncta Monasteria cum impetu invadere, eadem omnino extirpare ac evertere velint. [3.]

## ADDITIONES.

\*[1.] Gotfridi Chronicon ad hunc annum.

Spondanus hic n. 5. „ Tumultuantibus „ Boëmis & Austriacis hæreticis de religio- „ ne, (occasione præcipuè capta ex discor- „ dia, quam diximus, Rudolphi Cæsaris & „ Matthiæ fratris) & his & illis concessa „ fuit suæ quibusque opinionis libertas, & „ exercitium suæ religionis; nequicquam ob- „ tentibus Nunciis Pontificiis, & Episco- „ pis Catholicis. Eò insolentiæ progres- „ sis Protestantibus, ut per Principem An- „ haltinum Cæsari renuntiaverint, nisi aliam „ regendi Imperii formam servaret, se provi- „ suros. Fuerat enim ab iis Principibus &

„ civitatibus Fœdus colligationis contra Cæ- „ sarem & Catholicos, & pro suæ partis am- „ plificatione, sancitum: cujus princeps Pa- „ latinus, Vicarius Anhaltinus constitutus „ erat. Qui *Correspondentes* vocati sunt. Si- „ cuti ex alia parte Catholici, ut se, maje- „ statemque Imperii tuerentur, archius inter „ se Fœdus percusserunt, quod *Ligam Catho- „ licam* appellârunt: Patienter hæc Rudol- „ pho pro sua facilitate ferente.

[2.] Ex literis Generalis ejusdem intimatoriis.

[3.] Ex literis ejusdem Abbatis excusatoriis.

## Annus Christi MDCX. Monasterii CCCCLXXII.

*Pont. Rom.*  
Paulus V.

*Imp. Rom.*  
Rudolphus II.

*Archi-Dux Austriae*  
Matthias Rex.

*Episcopus Pataviensis*  
Leopoldus I.

*Abbas Zwetlensis*  
Joannes VI.

**A** Catholici hoc anno Hallæ in Suevia conventum celebrant, ad quem etiam Rex Galliæ Legatum suum direxit, ubi unionem inter se, uti illi vocârunt, instituunt & faciunt, inter quos caput Elector Brandeburgicus cum fratre fuit, aliique plures Imperii Principes & Comites; item Electoris Heidelbergensis, Landgraffi Hassiæ, & Marggraffi Brandenburgici Legati, sicut etiam quindecim Imperialium Civitatum Deputati convenerunt. Catholici ubi de hac unionem certiores facti sunt, Herbipoli similiter conveniunt, & contra hanc unionem conspirant, Ligam hanc Catholicam vocantes, fue-

runt autem illi sequentes: Electores Imperii Moguntinus, Trevirensis, & Colonienfis, Dux Baviaræ Maximilianus, qui Generalis exercitus Catholici nominatus erat, Episcopi Wormatiensis, Spirensis, Argentoratensis, Osna-brugensis, Salisburgensis, Bamber-gensis, Herbipolensis, Aichtetenfis, Augustanus; Ordinis Teutonicus Magister, Abbas Fuldenfis, Præpositus de Elwangen, Abbas Campensis aliique permulti. Hanc tamen Ligam, sicut & illam Unionem utraque pars nullam in præjudicium aut contemptum Imperatoris Majestatis erexisse volebat. Sed hæ conjunctiones in Imperio diffiden-

dentiam auxerunt, cum Catholici dicerent Unitos Principes velle suam orthodoxam Religionem à Germania tollere, e contra Unitis Catholicis in extremum Evangelicæ Religionis conspirasse proclamarent. \* [1.]

Postmodum mense Aprili Pragæ convenerunt vocati ab Imperatore Rudolpho sequentes Electores Moguntinus, Coloniensis, & Saxoniz, Archiduces Maximilianus & Ferdinandus,

Dux Brunsvicensis Henricus Julius, Landgravi Hassiæ Ludovicus & Philippus, in causa reconciliandorum fratrum Rudolphi Cæsaris & Matthiæ Regis: electionis item novi Romanorum Regis: restitutionis civitatis Donawerthæ & compositionis litium Ducatus Juliæcensis. In quo conventu reconciliatio dictorum Fratrum tantum suum effectum habuit, cetera puncta non ita successerunt. [2.]

## ADDITIONES.

\* [1.] Chronicon Gotfridi tom. I. p. 8.

[2.] Gotfridus ubi suprâ.

Megizerus Annal. Carinth. lib. 12. c. 36.

Ortelius Redivivus hoc anno. „ Unter-  
„ dessen wurden der Churfürst von Cölln,  
„ Ertz-Herzog Ferdinand und der Herzog von  
„ Braunschweig zu Kayserl. Herren Com-  
„ missarien nach Wienn ernennet, welche zu  
„ Julii daselbst anlangten, denen S. Majest.  
„ König Matthias selbst sambt seiner Hof-  
„ statt mit 50 Gutschen und einer schönen  
„ Reuterey, biß über den Thabor entgegen  
„ fuhr und sie empfieng, daraufsrlich zwö  
„ Compagnien in 300. starck von Handels-  
„ leuthen, alle in roth und weiß verbräm-  
„ ten langen Rücken den Vorzug nahmen,  
„ denen 500. Collonitschische teutsche Pfer-  
„ de, und 500. Buchheimische Reutter in ih-  
„ rer Ordnung, und diesen die Râthe und  
„ Land-Stände mit den Gutschen, und letz-  
„ lich S. Königl. Majestät mit den Chur- und  
„ Fürsten folgten, welcher Einzug schön zu  
„ sehen war. Des folgenden Tages legten  
„ die Herren Commissarien ihr Gewerh bey  
„ S. Majestät ab. Worauf zu beyden Seiten  
„ viel Müh und Fleiß, umb Eintracht wieder  
„ zu stiften, angewendet, wie auch viel  
„ Briefe gewechslet und Rathschläge gestellt  
„ worden, biß endlich durch Göttliche Ver-  
„ leihung und höchst-ermeldter Herren Com-  
„ missarien friedfertige beförderung ein ge-  
„ wisses Vertrag erfolgte, folgendes Inhalts:  
„ 1. Solte König Matthias die Römisch-  
„ Kayserliche Majestät als einen Kayser und  
„ Oberhaupt, wie auch einen König in Böh-  
„ men und Oberhaupt des Marggraffthumb  
„ Mährens erkennen.  
„ 2. Ebener gestalt solte S. Kayserliche  
„ Majestät für das Oberhaupt des Hauses  
„ Oesterreich erklärt werden.  
„ 3. Sollen S. Kayserl. Majest. jährlich  
„ vom König 2000. Eymen Wein, und 50000.  
„ Flor, gereicht werden.

„ 4. Sollen weder der König noch vor-  
„ angeregte Provinzen, ohne Vorwissen und  
„ Bewilligung des Kayfers, einigen Anhang  
„ oder Verbindnuß nicht machen.

„ 5. Solte der König, wegen vorgegan-  
„ gener Handlung vom Kayser Verzeihung  
„ bitten, solche aber von der Kayserl. Maje-  
„ stät mit gewissen Worten, und auf son-  
„ dere maß ertheilet werden.

„ 6. Solte innerhalb Monats Frist bey-  
„ derseits Kriegs Volck abgeschafft werden.

„ 7. Solte, so oft es sich zutragen wür-  
„ de, daß es wider den Erb-Feind ins Feld  
„ zu ziehen die Nothdurfft erforderte, als-  
„ dann die Kayserliche Majestät Director und  
„ Führer des Kriegs seyn.

„ 8. Solten die Ungarischen Vestungen  
„ auch mit teutschen Kriegs-Volck besetzt;  
„ hergegen aber vom Kayser, zum Behuf ge-  
„ meldter Vestungen, die gewöhnliche Con-  
„ tribution von den Böhmen ertheilt werden.

„ 9. „ Solten beyd Majest. Majest. einan-  
„ der die Hand bieten und Hülf leisten, da  
„ einer oder mehr ihrer Unterthanen sich  
„ ungehorsam oder rebellisch erzeigen wur-  
„ den.

„ 10. Solte keiner von beyder Majest.  
„ Majest. Ministri und Dienern diese Ver-  
„ gleichs- und beschlossene Artickel in einen  
„ Zweifel ziehen, und darwider handeln,  
„ widrigen Falls er gestrafft und abgeschafft  
„ werden solte.

„ 11. Solten die anwesende Chur- und  
„ Fürsten mit darob seyn, daß diese Artickel  
„ allerseits beständig gehalten wurden.

„ 12. Solten noch vor halbem Septem-  
„ ber diese Artickel werckstellig gemacht,  
„ und von beyden Majest. Majest. unterschrie-  
„ ben werden.

„ 13. Solte der König sich in alleweg  
„ dahin bemühen, daß die sambtlichen Her-  
„ ren Brüder und Vettern ganz Tyrol Sei-  
„ unu uuu 3 „ act

„ ner Kayserlichen Majestät völlig möchten  
„ abtreten.

„ 14.) Solte allen denjenigen, so es mit  
„ beyden Ihro Ihro Majest. Majest. gehalten,  
„ ein General-Pardon ertheilt werden.

„ Die Abbitte geschah kraft eines Fuß-  
„ falls durch Ertz-Herzog Maximilianum, im

„ Nahmen Königs Matthiae, den 8. Octobr.  
„ der demüthig umb Verzeihung bath; Aber  
„ der Kayser unterbrach ihm seine Rede, und  
„ sagte, er wäre zufrieden, wann nur der  
„ getroffene Vergleich durch sie unterschrie-  
„ ben und befestigt wurde.

## Annus Christi MDCXI. Monasterii CCCCLXXIII.

*Pont. Rom.*

Paulus V.

*Imp. Rom.*

Rudolphus II.

*Archi-Dux Austriae*

Matthias Rex.

*Episcopus Pataviensis*

Leopoldus I.

*Abbas Zwetlensis*

Joannes VI.

**L**eopoldus Archidux &c. Episcopus Pataviensis sub suo generali Capitano Romæo novem millia peditum & quatuor millia equitum congregaverat, cum iis Juliaceses Principes oppugnaturus, sed Juliacum ab iisdem captum audiens à cæpto destitit. Milites igitur isti Passavienses dièsi stipendia sua postulantes & missionem petentes, nihil obtinuerunt: Unde in Dicecesi grassari, spoliare, cædes quoque facere cæperunt, inde in Austriam Superiorem irruentes, & usque ad Lincium excurrentes prædas agebant, cum incolis more Turcarum procedebant, Romæo idem faciente: qui ad finem Decemb. in Bohemiam irumpens, Budvicium stratagemate occupavit, Crumlovium etiam sub jugum suum misit, inde rectâ Pragam tetendit, Minorem partem per proditionem portarii intercepit, Nova & Veteri civitate se defendentibus. Matthias autem Rex videns è re sua non fore, militem coëgit provincialem, & Pragam versus moveri. Quod illi prædones advertentes Pragâ se proripiunt clandestino gressu, civibus adversariis duarum civitatum non observantibus. Inter hæc militum insolentias plebs Pragensis furiis agitâta suis, in quatuor Monasteria impetum fecit, illa spoliavit, & Religiosos aliquot post varia adhibita probra mactavit, idem contigisset Collegio Societatis, nisi protinus se Regulis acatholicis

protegendos commisissent. Passavienses ergo milites quatuor mensium stipendiis à Cæsare acceptis Beraunum properârunt, inde Budvicium repetierunt. \* [1.] Interea Rex Matthias Pragâ pacificè ingressus, egit cum Cæsare fratre de sibi Bohemiæ regno cedendo, quod postmodum pactis utrinque factis eidem cessit; qui 23. Maji hoc anno Pragâ solenniter à Cardinale de Dietrichstein presentè Cæsare in Regem Bohemiæ coronatus fuit. [2.] Romæus autem cum suis latronibus Budvici se munierunt ad ferendam, si opus esset, obsidionem, donec tandem à Matthias Rege datâ ipsius pecuniâ è Bohemia dimissi fuere, capitaneis tantum ad puniendum reservatis. [3.]

Hoc bellum Passaviense etiam Monasterii Zwetlensis subditos oneravit, quatuor enim vexilla equitum sub Comite à Tampier hibernârunt in sequentibus ejusdem pagis, nimirum in Ruedmans, Schoenaw, Inferiori Nondorf, Wierzen, Spregnitz, Ratenreith, Reichers, Göttsrits &c. Quæ hiberna à Februario usque ad mensè Majum durârunt. Causa deinde fuit, cur omnes milites apud Monasterii subditos collocarentur, quia hic miles à provincia erat levis, & ad fines Bohemiæ in hiberna deductus, unde non procul Budvicium distat, quod Romæus hostis ille munierat, & circumquaque prædas agebat, nè etiam in Austriam Inferi-

rem

rem irrumperet, sicut in Superiori jam perpetrarat. [4.]

Dominus Joannes Abbas hoc anno 4. Idus, id est, 10. Novembris ex hac vita discessit, Vir plenus dolorum & maximè podagrâ laborans, quod ipse, uti per annos ejus regiminis videre est, fatetur. Præfuit Monasterio DEI-Val-  
lensi annis decem, & Zwetlenſi annis quinque & sex mensibus. Optimus

Religiosus & Ordini suo proficiuus fuisse, si non ita cum morbo articulari continuum confictum habuisset. In obitu ejus omnes Abbatum catalogi conveniunt, diem & annum habentes. [5.] Post cujus obitum Prior ejusdem P. Christophorus Bendel in Administratorem Monasterii vacantis fuit electus & constitutus, sicut anno sequenti videre erit.

## ADDITIONES.

\*[1.] Chronicon Gotfridi tom. 1. p. 8. hoc anno.

Spondanus hic n. r.

Ortelius hoc anno.

[2.] Piespordius sub Matthia & Oſtavio de Strada.

Item relati præcedenti n.

Continuatio Catalogi Ederiani, hoc anno. „ Ipſo die Bacchanaliorum per Sere-  
„ niſſimi Archiducis Leopoldi à Ducatu Ju-  
„ liacensi reducis milites, dictos Paſſavienſes,  
„ magna fit in Bohemiam irruptio, & ipſam  
„ etiam Pragam: Inde ſubditorum erga Ru-  
„ dolphum Imp. alienatio. Proinde 8. Mar-  
„ tii Matthias Rex Ung. Archidux Aultriæ  
„ Viennâ diſcedit in Bohemiam, ubi 23.  
„ Maji coronatur Pragæ Rex Bohemiæ, ea  
„ de cauſa 29. Maji Viennæ publica ſolenni-  
„ tate exploduntur omnia tormenta, & fit  
„ DEO gratiarum actio de concordia fratrum.

„ Primâ Dominicâ Adventûs Matthias  
„ Ung. & Boh. Rex, Archidux Aultriæ, cum  
„ Anna Ferdinandi p. m. Arch. Aultriæ filia,  
„ nuptias celebrat Viennæ.

Ortelius. „ Nachdem nun König Mat-  
„ thias mit den Böhmiſchen Ständen deß Re-  
„ verſs halben den 23. Maji abkommen, nem-  
„ lich alle und jede ihre Privilegien über die  
„ Religion und andere Politische Sachen,  
„ auch alle Freyheiten, Rechten, Lands-  
„ Ordnungen, löbliche gute alte Gebräuch,  
„ Satzungen, gleichwie auch die Landſchlüß,  
„ beſonders ſo in Jahren 1608. und 1609.  
„ geſchehen, zu billigen, zu erneuern, und  
„ mit einem Majestät-Brief zu beſtätigen,  
„ ward alſdañ erſt Nachmittag zur Crö-  
„ nung gegriffen &c.

„ Nach dieſem nahm König Matthias  
„ den 23. Auguſti, von Prag ſeinen Weg  
„ durch Schleſien und Mähren, umb dieſe  
„ Landſchaften in Huldigung zu nehmen,  
„ wieder nach Wien, woſelbſt S. Majestät  
„ den 26. Oſobr. glücklich anlangte, und  
„ den 4. Decembr. darauf mit einem Oeſter-  
„ reichischen Fräulein von Tyrol ein überauß  
„ prächtiges Beylager hielt.

[3.] Gotfridus ubi ſuprà.

[4. & 5.] E literarum monumentis.

## Annus Christi MDCXII. Monasterii CCCCLXXIV.

*Pont. Rom.*

Paulus V.

*Imp. Rom.*

Matthias.

*Archidux Aultriæ*

Idem Matthias.

*Episcopus Pataviensis*

Leopoldus I.

*Abbas Zwetlenſis*

Joannes VII.

**R**udolphus II. Imp. huic anno lu-  
ctum ſuo funere indixit, nam ad-  
huc anno præcedenti cùm 21. Decem-  
bris malè habere inciperet, morbus ejus  
indies in crure magis magisque inva-  
leſcere cœpit, donec tandem 10. Ja-  
nuarii hoc anno MDCXII. omnis car-  
nis ingreſſus viam placidè in Domino

obdormierat, poſtquam vixiſſet annos  
59. meſes ſex & dies duos, imperaſſet  
verò 36. & in Bohemia ac Ungaria 38.  
annos regnaſſet. \*[1.] Cui ſicut an-  
tea in præſatis regnis, ita etiam nunc  
in Imperio ſucceſſit frater ejus Matthias  
Rex, qui hoc anno tertiâ decimâ Junii  
ab Electoribus Imperii unanimi con-  
ſenſu

Xxx xxx,

sensu Francofordiæ eligitur in Regem Romanum, & magna acclamatione pompæque 24 Junii ibidem in summo templo coronatur. [2.]

Antequam porrò ad novam novi Abbatis in Monasterio Zwetlensi electionem veniamus, prius indagandum nobis venit tempus illius, cum Administrator fuisse legatur ab obitu præcedentis usque ad electionem sequentis Abbatis. Inprimis sciendum D. Joannem Neüner non in Monasterio, sed Viennæ in domo Zwetlensi obiisse, quod patet ex annotatione expensarum in funere illius factarum, quod per civitatem solenniter cum pompa funebri deductum, à sedecim sacerdotibus elatum fuit campanis undique resonantibus & Religiosis illud comitantibus. [3.] Quo sepulto die 12. Aprilis hoc anno habita fuit electio novi Abbatis, in qua F. Joannes Seifridus, S. Crucis Professor, Silesius Wratislaviensis, ejus nominis VII. inter Abbates Zwetlenses constitutus erat. [4.] Hic à teneris annis studii applicatus, cum in iis proficeret, canonicatus ei in Cathedrali Ecclesia Wratilaviæ promissus erat: eum in finem Romam se contulit, & in Collegio Germanico literis quoque operam dedit: inde cum aliquot egregiis & eruditis Adolescentibus spiritu superno vocatus Cistercium petiit, & Ordinis habitum impetravit. Et quia omnes Germani hi Novitii essent, post medium probationis annum cum literis commendatitiis à Generali expediti, in Austriam ad S. Crucem missi, ibidem omnes finito alterò dimidiò annò professionem fecerunt. Quorum pietas & doctrina postmodum singulos ad singulas vacantes Abbatis promovit. Quod hoc anno factum legimus de dicto D. Seifrido cum Abbacia Zwetlensi: canonicatum autem suum protinus resignavit. Qui ejus comites fuerint, textus Annalium sequens prodet & probabit. De installatione ejusdem, an simul

post postulationem celebrata fuerit, me latet. Fuit tamen hoc anno à Generali Cisterciensi D. Nicolao Boucherat ipsi missa confirmatio, privatim quasi eum redarguens, quòd non more Ordinis consueto confirmationem suam ante Abbatialem benedictionem petisset, nihilominus illi se ad commendationem Salemitani Abbatis eandem mittere sub dato Cistercii 21. Novembris, Anno 1612. [5.] Ex his colligo, hoc anno factam ejus insulationem, ex sequentibus autem electioni præfuisse Abbatem S. Crucis, quæ 12. Aprilis habita, 14. ejusdem in Monte-Pomerio Domino Stephanidi electo Abbati subditi ejus Monasterii obedientiam promiserunt coram Cæsareis Commissariis & Abbate S. Crucis Visitatore, sicut ea scribit D. Seifrido Abbati Zwetlensi Georgius Kramer dictis Commissariis adjunctus. [6.] Unde patet, dictum Abbatem S. Crucis cum Commissariis se ex Zwetla in Montem-Pomerium protinus contulisse.

Generalis interea Cisterciensis D. Nicolaus Boucherat Abbati Salemitano suo per universam Sueviam & Alsatiam Vicario Generali commisit visitationem Monasteriorum Bohemiæ, Moraviæ, Austriæ, Silesiæ, & Lusatiæ: suo nomine peragendam, datis desuper suis patentibus Cistercii 23. Novembris, Anno 1612. [7.] Hæc ideo refero, quia in sequentibus patebit, dictum D. Salemitanum in hac commissione D. Joannem Seifridum Zwetlensem subdelegatum constituisse.

Demum Serenissimus Matthias Ungariæ & Bohemiæ Rex, Archidux Austriæ &c. petiit à Statu Prælatorum solarium pro Aulæ suæ Musicis, qui quater mille florenos dare consensit, unde D. Thomas Abbas Altenburgensis, Lateranensis Aulæ & sacri Palatii Comes, Prothonotarius Apostolicus, & Ordinarius Statuum Austriæ Inferioris deputatus portionem à D. Joanne Abba-

te Zwetlensi accepisse fatetur sub dato  
1. Maji, Anno 1612. [8.] Hoc factum

fuit adhuc ante Comitia Imperialia  
Francofurti celebrata.

## ADDITIONES.

\* [1.] Chronicon Gotfridi. tom. 1. p. 8.  
hoc anno.

Piespordius sub eodem.

Spondanus hic n. 1.

Ostavius Strada à Rosberg sub Matthia.  
„ Rudolphus Imperator natus est Viennæ in  
„ Austria Anno Domini 1552. die 28. Julii,  
„ Rex Hungariæ & Bohemiæ à patre Maxi-  
„ miliano appellatus, & Ratisbonæ in Ro-  
„ manorum Regem ab Electoribus electus,  
„ Anno Domini 1575. Hic fuit Imperatoris  
„ Maximiliani, & Reginae Mariæ filius, Prin-  
„ cepts magnanimus, prudens, humanus, li-  
„ beralis, virtute prædicatorum & ingeniofo-  
„ rum hominum, ut & pacis amantissimus,  
„ qui plura togatus laudabiliter egit, quàm  
„ alii magno armorum apparatu instructi vix  
„ ausi sunt suscipere: linguarum, utpote  
„ Germanicæ, Latinæ, Italicæ, Hispanicæ,  
„ fuit admodum peritus. Die 21. Decem-  
„ bris, Anno 1611. cum malè habere inci-  
„ peret, accedebat ad crus alterum ex gravi  
„ fluxu, inflammatio, unde morbus ejus in-  
„ valescere magis magisque videbatur, do-  
„ nec 10. Januarii inter sextam & septimam  
„ horam matutinam, omnis carnis ingressus  
„ viam, placidè in Domino obdormivit, post-  
„ quam vixisset annos quinquaginta novem,  
„ & menses VI. dies 2. natus nimirum Anno  
„ post millesimum quingentesimum quinquage-  
„ simò secundò, die 18. Julii, in Regem  
„ verò Hungariæ Anno 1572. die 21. Sep-  
„ tembris, Bohemiæ Anno 1575. die 22.  
„ Septembris. Itémque paulò post 1. No-  
„ vembris ejusdem Anni, in Regem Romano-  
„ rum electus, ac tandem Imperator Roma-  
„ nus Anno 1576. salutarus. Uxorem non  
„ habuit. Corpus ejus statim à prandio, præ-  
„ sentibus Duce Brunsvicensi, Principe An-  
„ haltino, Leuchtenbergico, Consiliariisque  
„ Cæsariis aliis, apertum fuit, corque in co-  
„ sanum adhuc & bene constitutum, reliqua  
„ verò membra nonnihil læsa deprehensa  
„ sunt, crure ferè adusto & atro colore infe-

„ sto. Corpus defuncti Cæsaris tunica ta-  
„ lari damascena indutum, inque Sarcopha-  
„ gum, holofericò rubrò ab interiore parte  
„ inductum, conditum est, cruce aurea in  
„ pectore, vellere aureo ad dextrum, gladiò  
„ que ejus inaurato ad sinistram latus com-  
„ positis, & fenestra vitrea ad faciem, ut  
„ conspici ab adventantibus posset, constitu-  
„ ta, cujus obitus annum diemque hoc di-  
„ sticho quidam expressit:

„ DVX aC LVX gentis, rablani heV LV.  
„ Ce xoDoLphVs,

„ Cæsario gentis sangVine, Cæsar obit!

„ Sepultus fuit Heros hic 1. Octobris, Anno  
„ 1612. Pragæ in templo Arcis, cui San Vito  
„ nomen, Regali Pompa.

Joan. Palatius sub Rudolpho II. „ Ru-  
„ dolphi Imperatoris obitum Annus excepit  
„ 1612. Prodigium ominosum paulò ante  
„ mortem Rudolphi prædixit, Leo, nec non  
„ Aquilæ duæ, quæ in aula ejus Pragæ nu-  
„ triebantur, subitanea morte correptæ. . . .  
„ Ineunte Decembri Anni 1611. morbo cor-  
„ reptus Rudolphus, ipseque cum sentiret  
„ non longè supremam vitæ suæ metam ab-  
„ esse, inter alios piissimos, & dulcissimos  
„ sermones ad eos, qui adstant, habitos;  
„ hæc quoque suspiria emisit: *Mei charissimi,*  
„ inquebat, *cum in juventute mea à divo pa-*  
„ *rente meo ex Hispania in hanc patriam meam*  
„ *transitoriam per legatum revocaret, tantò gau-*  
„ *diò perfundebar, ut sequentem noctem totam*  
„ *insomnem traderem. Quanto magis mihi nunc*  
„ *latendum, quia pater meus celestis in aeternam*  
„ *patriam me brevè avocaturus est; ubi nulla est*  
„ *temporis vicissitudo, aut mutatio, & ubi cala-*  
„ *mitas nulla est.* „

- [2.] Eodem modò citati Authores.
- [3.] E literarum monumentis.
- [4.] In Catalogis Abbat Z. de Successu
- [5.] Ex Autographo ipsius Generalia.
- [6.] Ex literis ejusdem.
- [7.] Ex Autographo ipso.
- [8.] Ex Apocha Altenburgensi.

## Annus Christi MDCXIII. Monasterii CCCCLXXV.

*Pont. Rom.*  
Paulus V.

*Imp. Rom.*  
Matthias.

*Archi-Dux Austriae*  
Idem.

*Episcopus Pataviensis*  
Leopoldus I.

*Abbas Zwetlensis*  
Joannes VII.

**C**omitia rursus Imperialia Ratisbonæ hoc anno mense Augusto celebrata fuerunt, in quibus Matthias Imperator præfedit, varia petens pro Imperii pace stabilenda, sed Protestantes Principes suis gravaminibus oblati & non sublati multa impediētur, nec contra Turcam auxilium præstare voluerunt. Initium hæc comitia habuerunt 13. Augusti, cum quartâ ejusdem mensis Imperator cum Imperatrice Ratisbonam venissent, quæ rursus 22. Octobris finem suum acceperunt. \* [1.]

Archidux Leopoldus Romæum, qui Budvici & Pragæ atque in aliis Bohemiæ locis tyrannidem exercuerat, capite plesti præcepit, talem mercedem tyrannis ejus consecuta est. [2.]

P. Damiano Professo in S. Cruce ejusdem Monasterii constituto Administratori ex Stiria Græcio P. Christophorus Schaffer scribit, Dominum Antonium Abbatem de Hilaria ad Prælaturam Cremiphansensem esse translatum, se ipsi in Hilaria successurum, & P. Damiano in S. Cruce successionem tribuit. Deinde, ait, Cæsarem agere cum Pontifice de dispensatione cum Hilariensi, ideo tam Runensem, quam Generalem ob bonum commune Ordinis Cisterciensis ad hanc translationem consensum præbere debere, &c. Demum concludit, quod Runensis Abbas à Kleselio Episcopo Viennensi consilium petierit, quid factû opus sit, nam in Ungaria est Monasterium Ordinis ad S. Gothardum dictum, quod tempore Imperatoris Ferdinandi ad familiam Popelianam devenit, cujus redditus (siquidem illud plane destructum est) vendi, atque Monasteriis tam S. Crucis, quam S. Trinita-

tis applicari, & ita juvari possent: proinde operæ pretium esse, in cancellariis & prothocollis Viennæ quærendam esse copiam illius transmutationis. Quod Kleselio placuisse scribit sub dato Græcii 17. Julii, Anno 1613. [3.] Translationem Hilariensis Abbatis confirmat Decretum Imperatoris, quo Domino Wolfgango Wilhelmo de Volckerstorf Consiliario Cæsareo ac Capitaneo Superioris Austriæ, nec non Domino Joanni Adamo Giengero Vicedomino ibidem Commissio injungitur, quatenus Dominum Antonium Abbatem Hilariæ in Monasterio Cremiphansensi in temporalibus interea installent, donec à Summo Pontifice à strictiori ad laxiorem Ordinem dispensatio; & à Cisterciensi Generali ab Ordine dimissio obtineatur. Decretum hoc à Cæsare datum 24. Julii, Anno 1613. [4.] Qui Dominus Antonius dispensationem suam acquisivit hoc adhuc anno, inde Abbatem Zwetlensem D. Seifridum suum quondam comproffessum in S. Cruce, & Coabbatem ad installationem suam in Cremiphano invitavit, ubi simul duorum ibi Professorum primitiæ celebrabuntur, vocat se adhuc Abbatem Hilariæ & Monasterii Cremiphansensis Administratorem, sub dato 6. Decembris, Anno 1613. [5.] Quis demum ipsi in Hilaria successerit, tempus dabit.

Pestis hoc anno sicut grassabatur in corporibus hominum, ita Lutherana hæresis in cordibus plurimorum, quod non obscure perferibit D. Seifrido Abbati Zwetlensi Viennâ D. Doctor Schwab, &c. sub dato 1. Septembris, Anno 1613. [6.] Pestem etiam nuntiat

tat P. Christophoro Bendel Priori Zwetlensis P. Andreas Simon Professor ibidem, qui tunc in Campo-liliorum hospes Magistrum Novitiorum agebat, quod non tantum in Austria, sed etiam in Stiria, Silesia, & Ratisbonæ contagio pestis grassetur, sub dato 3. Octobris,

Anno 1613. [7.] Viennâ quoque perscribitur Zwetlam, quod Consul civitatis omnes extra Septembrem peste mortuos computari fecerit, tunc septuaginta & novem personæ numeratæ fuerunt, sub dato Viennæ 26. Septembris, Anno 1613. [8.]

## ADDITIONES.

\*[1.] Chronicon Gotfridi tom. 1. p. 8.

Cujusdam MS. qui præsens fuit.

Continuatio Catalogi Ederiani hoc anno,

„ Matthias Imperator ad celebranda Imperii  
„ comitia Ratisbonam proficiscitur. 6. Ja-  
„ nuarii nascitur Neostadii Austriæ Leopoldus  
„ Wilhelmus Archidux Austriæ, nunc  
„ Ordinis Teutonici Magister, Passav. & Olo-  
„ muc. Episcopus, &c. quem Supremum Num-  
„ men Austriæ & Ecclesiæ diu servet inco-  
„ lumem. „

[2.] Chronicon ubi suprâ.

[3.] Ex literis P. Christophori Schaffer.

[4.] Ex Copia Decreti.

[5.] Ex literis ejusdem Abbatis.

[6.] Ex literis ejusdem Schwab.

Item Catalogus suprâ relatus. „ Incipit

„ grassari pestis, quæ aliquot millia hominum  
„ abripuit.

[7.] Ex literis P. Andreæ.

[8.] Chronicon Gotfridi, ubi suprâ.

## Annus Christi MDCXIV. Monasterii CCCCLXXVI.

*Pont. Rom.*

Paulus V.

*Imp. Rom.*

Matthias.

*Archi-Dux Austria*

Idem.

*Episcopus Pataviensis*  
Leopoldus I.

*Abbas Zwetlensis*  
Joannes VII.

**I**mperator Matthias finitis Lincii comitiis se Viennam contulit, ubi Domini Backlebii pastorem Lutheranum in suburbiis apud S. Udalricum prædicantem, qui magnum ex civitate plebis confluum habuit, per decretum amandari jussit, quod & factum, licet procures Austriæ Inferioris ejusdem Religionis apud Cæsarem multum laborarent pro dicti pastoris restitutione, allegantes, Ungaris quoque concessum, ut quilibet Banus in jurisdictione sua talem alere possit, sed Abbate Scotense, ad quem loci ad S. Udalricum dominium pertinebat impediante, nihil impetrarunt. \* [1.]

Bohemiæ verò procures Augustanæ Confessionis hoc anno templum suum Pragæ Annò Domini MDCXI. Rudolpho Cæs. concedente cæptum perfec-  
runt, quod quintâ Octobris hoc anno  
more suo consecrârunt, illud Salvatori  
Mundi dedicantes. [2.] Hoc magis

probat numisma quoddam ab ipsis cufum & publicatum cum tali inscriptione: ex una parte numismatis hæc verba legebantur: „ *Templum Salvatoris*  
„ *Gratiâ DEI & Rudolphi II. sub Bohemiæ*  
„ *Rege Matthias II. fundârunt Germani*  
„ *Evangelici Pragæ in urbe Veteri, die Ca-*  
„ *rolî, Anno Salutis humana 1611.* „ In altera verò parte erat effigies Salvatoris Mundi cum tali subscriptione: „ *Ab*  
„ *boc solo sempiterna Salus.* „ Sciendum, numisma hoc cufum fuisse dictò annò 1611. quando illi templum ædificare cæperunt, hoc verò anno illud perfec-  
runt.

Venio ad Monasterium Zwetlense, ad cujus Abbatem D. Seisridum ex Cistercio per Priorem de Spinea - Corona Paulus Rosenawer scribit, qui civis Zwetlensis filius erat, Generalem Ordinis tam citò in Germaniam ob malam suam valetudinem non venturum, sub dato 28. Augusti, Anno 1614. [3.]  
Yyy yyy Eodem



Eodem item anno & die dicto Abbati F. Christophorus Bis, qui se post resignatam suam prælaturam Professum in Cistercio factum esse nuntiat, scribens rogat, quatenus, cum adversa valetudine utatur, se ad Monasterium suum per annum admittere non dedignetur, omnia sua pro gratiarum actione offert obsequia & servitia. [4.] Fuit hic senex quondam Abbas Lucellensis in Alsatia.

Notus erat D. Seifridus Domino Petro Abbati Salemitano, qui eundem creat subdelegatum suum, Visitatorem nimirum Monasteriorum Cisterciensis Ordinis per Bohemiam, Moraviam, Austriam, Silesiam & Lusatiam sitorum, quam commissionem, ait, sibi à Generali cum potestate subdelegandi concessam, sub dato in Monasterio Salem 3. Septembris, Anno 1614. [5.] Causa fuit hujus commissionis infirmitas Generalis, qui in persona eandem visitationem suscipere voluerat, uti in superioribus literis videre est. Instrumentum subdelegationis Abbati Seifrido missum fuit sub dato Salem 13. Novembris Anno 1614.

Scribit sæpè memorato Abbati D. Casparus Abbas Mellicensis, & nuntiat, siquidem Imperator Lincio sit brevi discessurus & in Monasterio suo pernoctaturus, incertam autem esse diem, an unius vel binæ refectionis sit futura, nihilominus pro utraque die se præparatum esse debere: rogat ergo, pro pretio sibi mitti duas optimorum carpiorum sexagenas & luciorum unam vel saltem dimidiam, unà cum avibus silvestribus, si quid haberet, aut brevi conquiri posset, sub dato Mellicii 19. Septembris, Anno 1614. [6.] Ex his literis colligitur Imperatorem primum mense Septembri Lincio movisse, qui in comitiis ibidem de bello Transilvano, qui partes Turcæ sequebatur, inferendo cum proceribus tam regnorum Ungariæ & Bohemiæ, quam provinciarum illuc convocatis tractabat. [7.]

Porro D. Joannes Seifridus ante Ab-

batiam obtentam canonicatum Wratislaviæ habuit, quem resignavit, & pro eo commendavit germanum suum D. Sigismundum Seifridum, qui Ingolstadii studia sua abolverat, quem tandem hoc anno, non sine labore quidem, impetravit; quod nuntiant literæ D. Ponzonii, qui idem Abbati gratulatur sub dato Viennæ 30. Octobris, Anno 1614. [8.] Hic erat Doctor Viennensis dictus Fabius Ponzonus, qui multum apud Archiducem Carolum Episcopum Wratislaviensem valebat: nuntiat autem Viennâ sub dato 18. Decembris, anno præsentis novæ Ungariæ pessima, quod nimirum Bethlehem Gabor non modò Lippam & Genam, sed alias etiam duas civitates Turcis tradiderit: [9.] Propterea Lincii Imperator comitia præfata indixerat, uti suprâ scripsimus.

Obtinuit etiam D. Seifridus Abbas Cæsaream parochiam in Haderstorf, in qua Vicarium suum habuit D. Georgium Christianum Thomæ, qui postea factus fuit parochus in civitate Stain juxta Cremsbium, ubi & obiit, cujus mentio fit 23. Decembris hoc anno. [10.] Hic ob combustam parochialem domum, in prædio Cammern non tam vicum, quam diversorium suum habuit, & certum solarium, redditibus parochiæ Monasterio Zwetlensi cedentibus.

Demum in Monasterio S. Crucis Administrator adhuc erat P. Damianus, qui scribit Abbati Zwetlensi, quod 28. Decembris ibi sit futura novi Abbatis electio & installatio, unde ipsi tanquam Commissario per Austriam Generali diem denuntiat. Sed Abbas se apud Principem D. Melchiorum Klefelium Episcopum Viennensem & Novæ-Civitatis excusat ob temporis terminum nimis angustum, & quod dictam diem citius non intellexerit, lamentatur. Deinde ait se Commissionem Judicum eligendorum in civitatibus Zwetl & Waidhofen eam ob rem distulisse, cum tamen jam utrique diem indixerat sub dato in Monasterio Zwetl 26. Decembris,

bris, Anno 1614. [11.] Verùm ista electio in sequentem annum fuit dilata, sicut & installatio D. Christophori Schaffer, qui in Dominica Jubilate, Anno MDCXV. installatus fuisse legitur. [12.]

## ADDITIONES.

\* [1. & 2.] Chronic. Gotfridi. p.8. tom.1. hoc anno.

Continuatio Catalogi Ederiani, hoc anno.  
„ Matthias Imperator Viennam redit cum  
„ thori consorte ac tota aula, atque à Civibus honorificè excipitur.

[3.] Ex literis Pauli Rosenawer,

[4.] Ex literis P. Christophori.

[5.] Ex Autographo ipsius Salemitani Abbatis.

[6.] Ex literis Abbatis Mellicensis.  
[7.] Chronicon Gotfridi, ubi suprà. ~  
[8.] Ex literis ejusdem Doctoris.  
[9.] Ex aliis ejusdem Doctoris literis.  
[10.] Ex ejusdem Parochi literis.  
[11.] Ex literis Administratoris.  
[12.] Ex Catalogo Abbatum S. Crucis.

## Annus Christi MDCXV. Monasterii CCCCLXXVII.

*Pont. Rom.*  
Paulus V.

*Imp. Rom.*  
Matthias.

*Archi-Dux Austriae*  
Idem.

*Episcopus Pataviensis*  
Leopoldus I.

*Abbas Zwetlensis*  
Joannes VII.

**P**Ax hoc anno vel potiùs armorum suspensio inter Imperatorem Matthiam & Turcarum Imperatorem certis articulis positis ad annos viginti conclusa fuit. \* [1.]

Mense Februario in Ungaria, Bohemia, & Austria terræ motus observabatur, præsertim Viennæ & Pragæ, visumque in aëre portentum, nimirum leo cum dracone pugnans. [2.]

Superiori anno feci mentionem de subdelegata Commissione Visitationis facta à D. Salemitano Seifrido Abbati, cum in finem ab Imperatore D. Seifridus suppliciter petiit per Bohemiam, Moraviam, Silesiam, Austriam, & Lusatiam Monasteria Ordinis Cisterciensis visitandi cum assistentia tam generali quàm speciali facultatem sub dato 6. Januarii, Anno 1615. [3.] „ Cui proresolutio-  
„ ne datum, cum Comitibus provincia-  
„ lia non permittant ullum abesse Præ-  
„ latum, quorum frequentia necessaria  
„ est; simul etiam Abbatem à suo sibi  
„ commissio Monasterio tam diu & pro-  
„ cul absentem vices agere alterius  
„ externi Commissarii, ipsi suo Mona-  
„ sterio non conducatur, ideo se per

„ dictas suas provincias visitandi Or-  
„ dinis ipsius Monasteria licentiam ipsi  
„ denegare, sub dato 19. Januarii, An-  
„ no 1615. „ [4.] Unde D. Salemitano Abbas Zwetlensis scribit, se ab Illustissimo & Reverendissimo Episcopo Viennensi ac Intimi Consilii Cæsarei Directore Domino Kleselio dictam suprâ resolutionem accepisse. Nuntiat quoque, se F. Jacobum Algeyr, Alderspacensem Professum, tunc autem Priorem in Sancta-Corona Bohemiæ, in Secretarium suum assumpsisse, cujus operâ in visitandis Monasteriis uti constituit. Numerat etiam in dictis suis literis aliquot Generalis Cisterciensis privilegia, quæ sunt: Benedicere Abbates; conferre Minores Ordines & Subdiaconatum; Monialium Monasteria in virorum transmutare, si utile visum fuerit; cum Officio B. Virginis & Defunctorum dispensare; Monasterium aliquod & Abbatem ejusdem ex causis rationalibus intervenientibus à subjectione & obedientia Patris sui Abbatis absolvere, & alia plura, &c. [5.] Demum, ait, Imperatorem Matthiam per Zwetlâ iter Lincio suscepturum, cui in-

Yyy yyy 2

fer-

servire tenebitur, sub dato in Monasterio Zwetl 22. Januarii, Annò 1615. [6.] Idem Abbas Zwetlensis etiam Commissionem unà cum D. Joanne Hüttendorfer J.U. Doctore & Cæsareo Monasteriorum per Austriam Consiliario Deputato perfecit, installando D. Casparum Quorckium in Aniso Parochum in Præpositura Zwetlensi vacante, quod factum hoc anno 17. Februarii. [7.] Hic postea factus fuit Decanus in Aniso & per patronos, quia Silesius, Canonicus Wratislaviensis.

Præterea D. Seifrido Abbati scribit Benedictus Höhenberger Præfectus in Cammern, quòd in præsentia Alodiorum-Magistri Joachimi Welzii Religionis reformationem iussus cum subditis in Cammern susceperit, sub dato Cammern 6. Martii Anno 1615. [8.] Hanc reformationem cum subditis suis Abbas ideo suscepit, quia anno præcedenti præcones novi Evangelii, sicut suprà scripsi, ex provincia abire iussi fuerunt.

Porrò D. Seifridus Abbas tanquam Generalis Ordinis Cisterciensis per Austriam, Bohemiam, Moraviam, Silesiam & Lusatiam Commissarius P. Christophorum Schaffer in S. Cruce Professum, in Abbate ejusdem Monasterii à Conventu regulariter & canonicè electum & nominatum præsentibus Commissariis Cæsareis installavit ac benedixit, [9.] datis desuper literis Viennæ, quæ installatio & benedictio in Dominica Jubilate hoc anno contigit. [10.]

Eadem quoque die D. Seifridus literas à Magistratu in Waidhofen ad Teyiam accepit invitatorias ad Judicis ejusque assessorum electionem novam suscipiendam, cujus super electione jam anno priori decretum ab Excelso Regimine ipsi transmissum fuerat. Quam primùm anno sequenti susceperam fuisse legi, quia iter Abbatis in Bohemiam impedimento fuit. [11.]

Cùm verò jam Imperator Matthias Pragam se contulisset ad Comiticia celebranda, & ad idem iter Abbas Seifri-

dus è statu Prælatorum lectus se pro-cingeret, veniunt convocationis literæ à Deputatis emanantes ad consultationem magni momenti 14. Junii à Statibus habendam, quarum datum Viennæ 24. Maji, Anno 1615. [12.]

Unde primò ante 11. Julii Pragam attigit: qui autem ex Prælatorum Statu utriusque Austriæ fuerint Pragæ, à Vicedomino indigitantur, qui Pragam D. Seifrido scribens eos salvere rogat, nimirum Abbas Götvicensis, Abbas Cremphanensis, Præpositus de S. Florian, Abbas Altenburgensis, & Præpositus de S. Dorothea Viennensis. Datum literarum ejusdem est Viennæ 15. Julii Annò 1615. [13.]

Occurrit hic quædam relatio habenda fidelis, cujus auritus ego, qui hæc scribo, testis sum, nimirum iter hoc Pragam susceptum & ipsi Abbati & Monasterio suo post tres annos proficuum fuisse, nam cùm Reguli Bohemiæ missos Austriæ proceres solenni in Comitibus illis convivio exceperint, Comes Senior Matthæus de Turri poculis jus filiale cum Abbate fancivit: postea in irruptione in Austriam talem & nominari se voluit, & factò demonstravit, dum Monasterium à se captum à suis spoliari noluit. Hæc ex occasione itineris Pragensis.

Dum Pragæ adhuc esset Abbas Seifridus, licentiam visitandi Monasteria à Cæsare obtinere laboravit, sed illi denuo fuit denegata, quod iterum Salemitano perscripsit rogans, ut visitationem suam vel per se vel alium idoneum Virum ad effectum deducat vel deduci faciat, sub dato Pragæ 12. Augusti, Anno 1615. [14.] Abbas Seifridus nihilominus actus suæ visitationis ibidem perfecit, nam ex commissione speciali Generalis Cisterciensis lites inter D. Georgium Vrat Aulæ-Regiæ Abbatem, per Bohemiam & incorporatas provincias Vicarium Generalem, & D. Valentinum Augustum de Schoënbeck Sanctæ-Spiniæ-Coronæ Abbatem

com-

composuit, concordans has animum diuturnas dissensiones 4. Augusti Pragæ certis sub articulis & conditionibus in instrumento nominatis. Teſtes præſentes fuerunt, ſubſcriptionibus & ſigillis ſuis confirmantes, D. Georgius Götvicenſis Abbas in Austria, SS. Theologiæ Doctör, Cæſari & Bambergensi Episcopo à conſiliis; D. Antonius Crémiphaniensis Abbas, SS. Theologiæ Doctör, Cæſaris Conſiliarius, & Statum ſupra Anaſum Depütatus; D. Thomas Altenburgenſis Abbas, Prothonotarius Apoſtolicus, Comes Palatinus, & Archiducis Leopoldi Episcopi Paſſaviensis Conſiliarius; D. Andreas ad S. Dorotheam Viennæ Præpoſitus; D. Georgius Hilariensis Abbas; D. Bartholomæus Leibelius Pſaffenſis in Bohemiâ Abbas, & D. Bartholomæus Pica Abbas Sedlicenſis, ſub dato Pragæ Bohemorum 4. Auguſti, anno 1615. F. Jacobo Algeyr Secretário. [15.] Ex hoc instrumento clarè & nominantur & titulorenuſ indigitantur omnes illi Prælati, qui ex ſtatu illorum ex utraque Austria lecti & miſſi fuerant Pragam. Abbatem Porro Seifridum

tanquam Commiſſarium D. Matthæum Abbas Lubenſis in Siſleſiam ad viſitandum invitat, ſub dato 15. Septembris, Anno 1615. [16.]

Scribitur ex Stain Joanni Abbati in Zwetl, quòd in Haindorf peſtis maxime graſſetur, quod ad Loiſum ſitum eſt. De Tripoli Crembſenſi rumor eſt, auram ibidem non aded etiam ſalubrem eſſe ſub dato 28. Septembris, Anno 1615. [17.]

Nuntiat etiam Abbati in Zwetl Vicarius D. Zacharias Gregorius ex Ciſterſtorf, quòd Dominium ibidem D. Erasmo de Landaw ſit venditum, unde, ſit, mala inconvenientia multa procedent, ſub dato 5. Novembris, Anno 1615. [18.] Hoc ſequentibus annis ſat ſupérque patebit, quanta illè Landavius tam parochiæ quàm Monafterio damna intulerit.

Demum Pragâ nuntiat, quòd Comes Bucquoius ab Imperatore Brunduſi vale ſuum acceperit, iturus ad Regem Galliæ, cujus exercitus Generalis denominatus fuit 13. Novembris, hoc anno. [19.]

## ADDITIONES.

\* [1.] Spondanus hic n. 9. „ Ab Achæmete Turcorum Imperatore venit ad Matthiam Cæſ. in Germaniam legatus menſe Majo; & pacem aliquot ante annis cum Rudolpho Matthiæ deſeſſore iſtam, ſed malè cuſtoditam, inſtauravit ad viginti annos: quæ ſequenti anno utrimque confirmata eſt, ac promulgata. Premebatur namque undique Achmetes à Perſis, nonnullis provinciarum præſectis rebellibus, Coſacis, aliſque; ut querenda ei pax cum aliquibus eſſet. Quam etiam cum Mingeliis, (Colchis antiquis) & Georgianis, Perſarum ſederatis iſſe hoc eodem anno dicitur. „ Ottelius hoc anno: ubi decem articulos hujus pacis, ſeu ſuſpenſionis armorum refert. Chronicon Goſfridi tom. I, p. 8. ſub hoc anno:

- |           |   |
|-----------|---|
| [2.]      | Goſfridus loco citatò:                          |
| [3.]      | Ex Copia literarum ejusdem.                     |
| [4.]      | Ex reſolutione Cæſarea.                         |
| [5. & 6.] | Ex copia literarum Abbat. Z.                    |
| [7.]      | Ex literarum monumentis.                        |
| [8.]      | Ex literis Præſecti in Cammerna.                |
| [9.]      | Ex Copia literarum.                             |
| [10.]     | Catalogus Abbatum S. Crucis.                    |
| [11.]     | Ex literis Waidhofienſium.                      |
| [12.]     | Ex Autographo ipſo impreſſo:                    |
| [13.]     | Ex Vicedomini literis.                          |
| [14.]     | Ex Copia literarum.                             |
| [15.]     | Ex Inſtrumento ipſius ſupet compoſitione facta. |
| [16.]     | Ex literis ejusdem Abbatis.                     |
| [17.]     | Ex literis Falbii Götvicenſis.                  |
| [18.]     | Ex literis Vicarii in Ciſterſtorf.              |
| [19.]     | Ex literis Pragæſibus.                          |

## Ann. Christi MDCXVI. Monasterii CCCCLXXVIII.

*Pont. Rom.*  
Paulus V.

*Imp. Rom.*  
Matthias.

*Archi-Dux Austriae*  
Idem.

*Episcopus Pataviensis*  
Leopoldus I.

*Abbas Zwetlensis*  
Joannes VII.

**A**Rchidux Ferdinandus, qui Græci in Stiria residebat, hoc anno cum Republica Venetorum ob confinia Istriae bellum incepit sub Generali suo D. Adamo de Trautmanstorf, cui se Veneti sub Marschallo suo Don Pompejo Justiniano cum exercitu opposuerunt, permare quoque Dalmatiam affligentes, cujus incolæ generosè contra ipsos se gesserunt. \* [1.] In hoc bello egregium se militem ostendit Comes de Tampier, cujus in annis sequentibus frequentior fiet mentio, Gradiscâ munimentò ab Austriacis fortiter defensò contra Venetos, qui 28. Aprilis amissis duobus millibus virorum inde discesserunt. Hæc de isto bello Venetis illato. [2.]

Hoc anno Pragæ D. Nicolaus Boucherat Generalis Ordinis Cisterciensis celebravit Capitulum Provinciale, qui Abbatibus Ordinis Austriacis significat, laudans inprimis ipsorum Zelum erga Ordinem & eorum consilia approbat, quòd visitatis Spinæ-Coronæ & Altovadi Monasteriis Austriam ingredi, ejusque visitare Monasteria, & difficultates Abbatum utrinque residuas componere velit. Pragâ ultimâ Februarii, Anno 1616. [3.] Ex Altovado tamen perrexit in Superiorem Austriam, & visitatis ibi Monasteriis Ordinis, cum Abbate de Monte-Pomerio Zwetlam venit 29. Martii, cum tunc temporis Abbas loci Seifridus in civitate Waidhofen ad Teyiam commissionem à Cæsare injunctam in eligendo Judice & Magistratu perageret, cui Præfatus-pagorum Welzius scribit, quòd dicta die Generalis adveniens à Conventu processionaliter in foro exteriori susceptus, & per

cæmeterium sæcularium in templum deductus, primùm more solito sacrum visitavit, & finito actu illo in Capitulum cum Conventu ingressus fuerit, &c. [4.]

Rebus Monasterii constitutis mense Junio Abbas Seifridus se contulit ad Fontem-Salutis suæ valetudinis curandæ gratiâ, inde vix rediens, à Statu Prælatorum Austriae Inferioris in Commissarium eligitur cum collega Abbate Scotorum in Bohemiam Pragam ad Comitiam mittendus, sub dato 11. Augusti, Anno 1616. [5.] Cui D. Casparus Abbas Montis-Pomerii felix illud iter precatur 22. Augusti. [6.] Ille autem primùm mense Septembri iter ingressus fuit.

Cæpta hoc anno turris erat è medio tecti erigenda, circa cujus laborem P. Blasius Magolt Prior Zwetlensis facit mentionem, & obitus P. Christophori Bendel quondam Prioris, sui nimirum Antecessoris, sub dato Zwetl 5. Octobris, Anno 1616. [7.]

Scribit etiam Pragam Abbati Seifrido D. Martinus Otto Sacellanus ejusdem, quòd à D. Joanne Cramero Vicario in Cisterstorf acceperit, quomodo nimirum Dominus à Landaw in antiquam cæperit ire silvam, & subditos parochiæ variè affligat, &c. sub dato 10. Octobris, Anno 1616. [8.] Hujus Cramerii antecessor in parochia Cisterstorf Christophorus Decker pejora de Domino Joanne de Althan, qui dominium istud Landavio vendiderat, in libello supplicis commemorat, dum ait: Altheimii aulicum Pastorem, scilicet Lutheranum ministrum tanta audere in dicta parochia, ut parochianos suos per-

pervertat, quos communione, sepultura, copulatione, baptismo provide-  
re attentat, scholas puerorum non tam  
in civitate Cisterstorf, sed etiam in pa-  
gis ad parochiam spectantibus, ut in  
Inzerstorf, Gaislberg, Windisch-Paum-  
garten, & Gösting erigere non formi-  
dat, quod cedit in damnum maximum  
animarum & in præjudicium curæ pa-  
rochialis, quem ideo vocat lupum oves  
suas deglutientem. [9.]

Porro P. Blasius Prior scribit Pra-  
gam Abbati suo, quod ex Cisterstorf  
D. Joannes Cramerus Vicarius in Mo-  
nasterium venerit referens Domini de  
Landaw egregios actus, nimirum, quod  
ille 15. Octobris, vi & impetu fores  
Ecclesiæ confingi & aperiri, atque Lu-  
therano cuidam demortuo omnes cam-  
panas pulsari curaverit. [10.] Hasse-

quentur plures violentiæ annis sequen-  
tibus astitatæ.

Exornavit quoque Abbas sacella  
templi in Monasterio, tum altaria no-  
va seu tabulas novas per arcularium  
Joannem Rosenawer, tum parietes in  
sacellis singulis pingi curans per Geor-  
gium Kurtzium pictorem eximium, si-  
cut id opera ejus clarè demonstrant.  
Perfecit tria sacella, nimirum Trium  
Regum, S. Mariæ Magdalene, & S.  
Martini hoc anno. [11.]

Abbas Seisfridus in Monasterio suo  
studium philosophicum instituit sub  
Professore D. Martino Otto, qui jam  
ante annum illud inchoavit, sicut ipse-  
met Pragm scribit. [12.]

Tandem hoc anno 21. Decembris  
Pragâ in Monasterium suum rediit.

## ADDITIONES.

\*[1.] Chronicon Gotfridi tom. 1. p. 8.

Spondanus hoc anno, n. 3.

Continuatio Catalogi Ederiani anno præ-  
cedenti. „ Hoc anno nativa Seniensium.

„ (quos Itali Uscochos vocant) ferocia Kemp-

„ Venetam contra Ferdinandum Archiducem

„ Austriæ, Styris dominantem ad arma &

„ bellum in Foro Julio gerendum provocavit.

„ Quod ingentibus illorum armis & sumpti-

„ bus, auxiliariis etiam Hollandorum sub-

„ sidiis gestum sequenti anno tandem in

„ acerrimam Gradiscæ oppugnationem exar-

„ sit: Austriacis autem oppidum strenuè de-

„ fendentibus, & Venetis inani conatu fati-

„ gatis, utrique parti æquis conditionibus ad

„ inavissima pacis jura placuit reverti.

Item hoc anno: „ Octava Martii, inter

„ mortales esse desit Serenissima Princeps Ma-

„ ria Anna Guilielmi V. Bavarie Ducis filia,

„ Maximiliani moderni Electoris & Bellato-

„ ris inclyti Soror, Ferdinandi Archiducis

„ conjux sanctissima, mater stirpis Cæsareæ,

„ quam licet ipsa non viderit, attamen de-

„ dit: nunc immarcescibili fruens corona,

„ quod & Imperatoriam habuisset in hac vita,

„ si vixisset.

[2.] Ex literis Pragâ missis.

[3.] Ex literis D. Generalis Cisterciensis

missis.

[4.] Ex literis pagorum Præfecti.

[5.] Ex literis Deputatorum Austriæ.

[6.] Ex literis D. Abbatis ejusdem.

[7.] Ex literis P. Prioris.

[8.] Ex literis D. Martini Otto.

[9.] Ex supplici libello Vicarii in Ci-

sterstorf.

[10.] Ex literis P. Prioris.

[11. & 12.] Ex literis D. Martini Otto.

## Ann. Christi MDCXVII. Monasterii CCCCLXXIX.

*Pont. Rom.*

Paulus V.

*Imp. Rom.*

Matthias.

*Archi-Dux Austriæ*

Idem.

*Episcopus Pataviensis*

Leopoldus I.

*Abbas Zwettlensis*

Joannes VII.

**I**mperator Matthias hoc anno Pragæ  
in Bohemia cum fratribus Maximi-  
liano & Carolo, ac patruele Ferdinan-

do morabatur, de successore suo in di-  
tionibus Austriacis & regnis heredita-  
riis sollicitus, unde Comitibus Bohemica

Zzz zzz z

cele-

celebravit, ipsisque regnicolis Ferdinandum patrualem pro successore in regno eligendum proposuit, post obitum tamen suum primò regni habenas suscepturum. Qui convenientes in unum Ferdinandum suum ipsi Regem proclamârunt, & 25. Junii, diem festum SS. Principum Apostolorum Petri & Pauli pro coronatione denominarunt, privilegiis primùm suis confirmatis, quæ solennitas diâ die cum publico gaudio & pace transacta fuit, [1.] sicut illa pluribus in Laurea Austriaca Nicolai Belli describitur.

Dum hæc in Bohemia geruntur, interea Præstantes uniti Heylbrunnæ coeunt, quos à conventu tali Matthias Imperator abstinere mandat, datis ad eos literis avocatoriis, qui ad longum se excusantes respondent, & suam unionem conficiunt. [2.] Hæc erat fundamentum belli ipsorum futuri.

Hæc audiens Paulus V. Pontifex instituit Jubilæum, ut ubique DEus invocaretur, quatenus Ecclesiam suam Catholicam conservare & defendere, Principibus Christianis pacem donare, atque hæresim extirpare dignaretur. [3.] Lutherani verò tam reformati, quam Augustanæ Confessioni addicti tunc etiam prodire, & ex ordinatione Saxonie Electoris Jubilæum quoque, ut ipsi vocârunt, inter suos instituunt in memoriam thesum à Doctore Luthero Wittenbergæ contra Indulgentias Romanas affixarum, cum jam 31. Octobris centum anni elapsi essent, diem hanc sacram sibi facientes concionibus plausibilibus, conviviis opiparis, atque tormentorum explosionibus. [4.]

Commissionem ab Imperatore hoc anno Abbas Seifridus accepit, ad Archi-Episcopum Salisburgensem iturus, quem D. Antonius Wolfrat Abbas Cremphanensis Lincii in domum suam invitavit, sub dato Cremphanii 20. Martii, Anno 1617. [5.] Quæ aut qualis hæc commissio fuerit, me latet.

Pragâ nuntiatur Abbati in Zwetl,

quòd elapsâ feriâ secundâ Matthias Imperator unâ cum Rege Ferdinando & Archiduce Maximiliano inde discesserit Dresdam versùs, Electorem Saxonem conveniendi gratiâ, sumptis secum præcipuis Consiliariis, 3. Augusti solenniter Dresdam ingreditur & excipitur. Interea Imperatrix Anna se ad regium dominium Melnicense conferet, ibidem Conjugis sui Imperatoris cum comitatu reditum, qui post 12. dies evenire dicitur, præstolatura, sub dato Pragæ 2. Augusti, 1617. [6.] Draco Pragensis etiam simul Dresdæ fuit, qui Zwetlam scribit, quòd hospites ibi egregiè & lautè tractentur, ipsemet Elector etiam se obtulit ad proxima Principum comitia in persona iturum, aliòsque sæculares Electores pro itineris comitiva persuasurum, in quibus Regi Ferdinando omnem honorem & respectum exhibere velit, sub dato Dresdæ 11. Augusti, Anno 1617. [7.]

Post reditum suum ex Saxonia Pragam Ferdinandus Rex Olomucium perrexit, ibidem pro Marchione Moraviæ susceptus, à statibus homagium accepit: deinde se in Silesiam Wratislaviam confers, à Regulis Ducatûs etiam omnem obedientiam & subjectionem acquisivit. Hinc se per Viam in Stiriam suam Græcium contulit, lustrationi inserviens militum contra Venetianos, quibuscum bellum adhuc gerebatur. [8.]

Rursum Pragâ scribitur, Imperatorem 3. Novembris inde moturum se & Brundisium petiturum, post per diversa dominia Bohemiæ, Nicolsburgum in Moraviam ad Cardinalem de Dietrichstein se collaturum, à quo Neapolim Austriæ se recedâ descensurum, Aulicis etiam ob pestis grassantis famam Vienna planè interdicta est. [9.]

Venio ad Cisterstorfensem parochiam, ex qua P. Blasius Prior Zwetlensis Abbati Seifrido scribit, quòd Dominus de Landaw in arce sua ibidem continuâ febri vexetur, nihilominus & ipse supra

supra modum suos subditos circa vindemiandum vexat, nullum admittens vindemiare, nisi prius schedam à se petendam nummis solvat, quod tamen Parochiæ subditis facere non conceditur. Parochiani omnes parochum installatum petunt, qui Presbyter sit, & Carolum minimè benedictum vel consecratum nolunt, cui omnes infensi sunt, nec Landavius ipsi favet. Religiosis nobis in parochiali domo degentibus Landavius pisces & vinum frequenter offert, interea piscantur, ad quid huc venerimus, & quamdiu mansuri sumus, sub dato Cisterfiorf 26. Octobris, Anno 1617. [10.] Inde colligitur, Landavium post acceptum Cæsaris decretum mitiorem factum, plures tamen postea præstitit parasangas. Imò non diu latere potuit ejus Lutherana affectio cordis, sicut pluribus ea Carolus Hosteterus Præfectus-Familiæ Abbati Seifrido perscribit, nam ait ipsum 2. Julii elapsâ furibundum vesperi circa septimam ad parochiam venisse, cum jam cænæ assideret Vicarius & ipse Præfectus, famulumque suum, ut ad se Præfectus exiret, misisse, quem famulus, quia Catholicus erat, monuit, sicut & Vicarium, quem etiam vocari cura-

verat, nè coram Domino suo comparerent, quia præter morem gladium accinctus boni nihil meditaretur, cum jam antea ex suis tres vulnerasset, unde se proripuerunt & ejus conspectum vitarunt, &c. sub dato Cisterfiorf 28. Augusti Anno 1617. [11.] Propter tales violentias ab Abbate deinde Landavius 10. Martii anno sequenti accusatus fuit.

Non tantum ipse Abbas Seifridus inter Ordinis labores, quia Commissarius Generalis erat, sed etiam inter domestica negotia studio historico tempus & operam dedit, ex cujus ingenio Arbor illa Aniciana, seu deductio Domus Austriacæ è domo Aniciorum Romanorum Nobilissimorum in Clara-Valle plantata prorupit; & quamvis opus hoc, sicut ad finem, ita ad suum fortè effectum, secundum quosdam, non venerit, labor tamen laudandus est. [12.] Non minus etiam suo labore & studio Epistolarum Rudolphi I. Habsburgici cum notis librum conscripserat, quem anno sequenti Colonie Agrippinæ typis mandari voluit, quod literæ Antonii Hierat Civis ac Bibliopolæ clarè demonstrant, qui ad dictum librum excudendum paratum se offert.

## ADDITIONES.

\*[1.] Chronicon Gotfridi hoc anno, tom. 1. p. 8.

Laurea Austriaca ad longum hoc anno Nicolai Belli lib. 1.

Ortelius Redivivus sub hoc anno.

Spondanus hic n. 6. „ Ferdinandus Archidux adoptatus à Matthia Cæs. in filium, „ qui ipsius patruelis erat, (filius videlicet „ Caroli Archiducis fratris Maximiliani II. „ Cæsaris, patris Matthiæ) & suorum Statuum successorem, de consensu Maximiliani & Alberti, Matthiæ fratrum, qui omnes „ liberis carebant; in Comitibus Bohemicis, „ præsentibus iisdem Matthiæ & Maximiliano, & rem promoventibus, electus est Rex „ Successor Boemæ: ea tamen lege, ut administrationi quamdiu Matthias viveret, non „ se immisceret, nisi de ipsius & Ordinum „ consensu. Coronatusque est die 29. Junii, „ festo SS. Petri & Pauli Apostolorum. „

[2.] Chronicon Gotfridi supra cit.

[3. & 4.] Idem ibidem.

Spondanus ubi supra n. 13. „ Paulus „ verò pridie Idus Junii sacrum Jubilæum per „ universum Christianum Orbem promulgavit, ad implorandam divinam misericordiam pro Ecclesiæ necessitatibus; quod „ ipsemet in Urbe celebravit. Elector verò „ Saxonie Joannes-Georgius Lutheranis in „ Germania aliud indixit, exeunte Octobri „ & duobus sequentibus diebus celebrandum, quòd centesimus hic esset annus à „ Lutheri apostasia: cuiusque numismata aurea & argentea, cum inscriptione: Sæculum Lutheranium 1617. Quem & Calvinistæ Palatini aliique æquè celebrarunt; „ sed alio modo, quippe & doctrinâ & moribus ab iis diversis, & longè tempore iis posterioriores; quo scilicet disputationes tantum.

Aaa aaa a



„ tummodo proposuerunt, iisdem diebus agi-  
 „ tandas de causis eliminati à se Papatùs.

- { 5. } Ex Autographo D. Abbatis.
- { 6. } Ex Particularibus Pragâ Scriptis.
- { 7. } Ex Literis D. Draconis.
- { 8. } Ex impressis Actis Pragenſibus

Anno 1617.

- { 9. } Ex literis D. Draconis.
- { 10. } Ex literis P. Prioris Zwetlensis.
- { 11. } Ex literis Præfati Parochiæ in Cisterstorf.
- { 12. } Bibliothec. Zwetl. Monasteriû.

## Ann. Christi MDCXVIII. Monasterii CCCCLXXX.

*Pont. Rom.*  
 Paulus V.

*Imp. Rom.*  
 Matthias.

*Archi-Dux Austriae*  
 Idem.

*Episcopus Pataviensis*  
 Leopoldus I.

*Abbas Zwetlensis*  
 Joannes VII.

**R**ex Ferdinandus petitione Matthiae Imperatoris à Regnicolis Ungariæ in Regem suum mense Martio electus, primâ Julii Posonii coronatus fuit. Sub quo solenni actu Melchior Klefelius Cardinalis globò ferme trajectus fuisset, qui caput ejus pertransiit. Deinde Viennæ à Rege Ferdinando & Archiduce Maximiliano 20. Julii in aulam vocatus, ibi detentus, & protinus per Baronem Seisfridum Preüner, Comites de Tampier & Colalto in curru tecto per Stiriam in Tyrolim Oenipontum abductus fuit, custodibus in Stiria ducentis equitibus.  
 \* [1.]

Dum hæc in Austria geruntur, in Bohemia bellum suum sumpsit initium, nam Protestantes Proceres regni Pragæ conventum suæ religioni addictorum solennem celebrârunt, adhibitis more suo precibus & sermone publicis, in arcem equitantes, gravaminibus suis finem à Regiis Ministris sibi dari petierunt, quibus Burggravo Sternbergio cum Popelio, Magistro Crucigerorum & Priore ad B. Virginem non difficili, Comes Gulielmus Slabata de Chlum & Costumburg Dominus in Nova-Donno, Supremus Regni Judex, & Comes Martinitz Schmerſanski vehementer se opposuerunt, quos illi in Cancellariam seducentes, unâ cum Secretario Magistro Philippo Fabricio per fenestras ejecerunt, sed DEI gratiâ nullum corporis damnum inde tulerunt, licet à

fenestris usque ad fossam altitudo esset ulnarum quadraginta, neque sclopetis eos tetigerunt, quamvis aliquot contra ipsos jacentes exonerâssent. Comes Martinitz cum Secretario Viennam abiit, † Comes autem Slabata in supremi Cancellarii domo sub custodia 12. Sclopetariorum interea servabatur. Post hoc facinus Regni Status extra Catholicos in omnium hostium DEI, Regis, & suorum perditionem conspirârunt, ac etiam contra eos, qui Majestatis literas, uti vocant, impugnarent, aut tollere vellent, Factum suum editâ apologiâ excusatoriâ defendentes. Mox itaque conscribunt militem, Directores Regni triginta deligunt, atque Patres Societatis Jesu regnò exturbant, Patribus Capucinis Comes Turrianus inde victum singulis diebus subministravit, de alieno volens facere eleemosynam. Collecto igitur milite animum ad fines regni muniendos convertunt, Crumloviò præsidium Cæsareum eji-ciunt, idem petunt à Budvicensibus, verùm isti Cæsari fidiiores denegant, quare mox Comes Hainricus de Turri cum aliquot militum millibus, quos secum tanquam Supremus Locum-tenens Statuum Bohemiæ Pragâ duxerat, civitatem obsidione cingit, cives autem uti boni Catholici cum præsidio mille quingentorum virorum se strenuè defenderunt. Post hæc Comes de Tampier sex millibus virorum Bohemiam invasit, civitatem Bisritz dictam occupa-vit,

vit, & vallō se munivit, inde Novam-Domum ad Comitem Slabata spectantem tentavit, sed frustra, donec Comes Turrianus ipsum inde cedere coegit. Pilgram civitatem quoque occupavit per deditionem, cum prius praesidium à Turriano illuc missum in itinere cecidisset. Comes de Bucquoi Campi-Marschallus Cæsareus interea etiam cum exercitu in Bohemiam venit, & primum oppidum Germanicum-Broda dictum cepit, melioremque quam Tampirius disciplinam aluit militarem. Tampirius autem ante Zaslaviam, cum Bohemis praelium commisit, sed fortior hostis ipsum in silvam proximam fugere compulsi, ubi inclusus aliquamdiu mansit. Deinde milite auctus Gornicium civitatem stratagemate in suam deditionem accepit. Comes Bucquius Budvicium se conferens, in itinere à Bohemis à tergo invaditur, cum quibus coactus praelium subire debuit, nocte illud dirimente & nemini victoriam concedente. Ernestus Comes Mansfeldiae ab Austriacis & Hispanis offensus tunc temporis transit ad partes Unitorum in Imperio Principum, à religione quoque desectens, à quibus ad Bohemos in auxilium missus 20. Augusti, Annō MDCXVIII. Pragam venit, ubi Generalis Artillerie nominatus, etiam ipsi una legio tam peditum, quam equitum commendata erat. Qui sic instructus à Directoribus Regni ad obsidendam & capiendam Pilsnam Catholicam & Cæsari fidelem mittitur, quam etiam fortiter oppugnans, insultu partim, partim deditione cepit: Praesidium militum dimisit liberè abire, & cives ad homagium Directoribus dictis praestandum coegit. Mansfeldius post hæc à Cæsare Matthia proscriptur. Imperator Austriæ proceribus comitia indicit, qui Viennam frequentes convenerunt, sed cum rursus cum gravaminibus suis Acatholici prodirent, nulla consultatio de petitis, nulla deliberatio fieri potuit.

Hoc in Bohemico tumultu Austriæ Superioris proceres Danubium aggere & praesidio munierunt, atque etiam silvam liberam dictam arboribus dejectis occulserunt: contra aggerem factum tam Dux Bavariae, quam Passaviensis Episcopus Cæsari scripserunt, ut munimentum illud demoliri juberet, de quo autem proceres se excusarunt. Contigit hoc etiam anno obitus Maximiliani Archiducis 2. Novembris, post quem cometa magnitudinis miræ apparuit 9. Novembris, & duravit usque ad 24. Decembris, portentum sanè belli futuri. Dum uterque exercitus tam Cæsaris quam Bohemorum ad moenia Budvicensia, hæreret, Comes Turrianus adjuncto sibi Comite Schlickio & manu militum selecta mense Novembri in Austriam Inferiorem Zwetlam versus incursionem facit, [2.]

Quæ incursio cum Zwetlenses tantum Monasterium quam civitatem maximè attigerit, pluribus proferenda erit. Postquam Tampirius Comes aliquot spolia opima in Bohemia sibi congesse rat, quæ cum forti conductu Viennam mittere voluit, sed Bohemi ejus conatum advertentes, collecta manu militum eadem insecuti sunt, & Zwetlæ jam esse acceperunt, unde sine mora per Weitra in Zwetlam properantes, 27. Novembris de nocte illam tentarunt. Et profectò nihil effecissent, si modò Judex civitatis dictus Venator jam praemonitus cum civibus & militibus ea nocte vigilasset, sed hostium importunitate excitatus fugam inire debuit. Venit itaque Comes Schlickius cum utroque Comite Turriano, Supremo Locum-tenente dicto Ebenberger & Magistro Equitum Groskhi illa nocte sub lusu tacito in pagum civitatis proximum Oberrhof, ibique omnibus rusticis silentium indixit, & scalas per domos collegit, atque ita ad portam pago proximam accessit, ubi quidam civis stationem habuit, qui protinus clamans, quis adesset, & quid

Aaa aaa a a

velit,

velit, recepit pro responſo : „ Tu ne-  
 „ quam mox aperi portam, aut teglo-  
 „ bō trajiciemus : ille indignatus ad  
 „ eos, putans eſſe Cæſarianos, clama-  
 „ vit : Si vultis aliquid habere, quare  
 „ non venitis de die, expeſtate ergo,  
 „ donec ad Judicem vadam & claves  
 „ aſſeram portæ. „ Illo abeunte mox  
 „ primam portam effregerunt, ad publi-  
 „ cium autem pontem cum veniſſent, quia  
 „ elevatus & fortis erat, aliquamdiu hæ-  
 „ ſerunt, donec ſcalis antemurale ſuperâ-  
 „ runt, & fractâ januâ illum ſolventes  
 „ demiferunt. Majorem dein portam in-  
 „ ſtrumentō æneō affixō pulveribus tor-  
 „ mentariis aperire tentârunt, ſed ſactō  
 „ parvō foramine non ſucceſſit, turris au-  
 „ tem flammam concepit. Duo interea  
 „ cives, unus in turrim rotundam, alter  
 „ in octangularem, hinc & inde ad por-  
 „ tam ſtantes, ſe proripuerunt, tormen-  
 „ tis in hoſtes denſos detonare, & ali-  
 „ qualem ſtragem ſacere cæperunt. Sed  
 „ hoſtes contra aperiendam interiorem  
 „ portam laborantes, illam ſecuribus per-  
 „ fregerunt, & ita civitatem occupârunt,  
 „ civibus de ſeneſtris domuum ſuarum in  
 „ irruentes glandibus detonantibus, mi-  
 „ litibus autem in foro poſt majus aquæ-  
 „ ductum in Bohemos Muſquetas ſuas  
 „ exonerantibus, ubi quidam Capitaneus  
 „ Capliers diſtus ex parte eorum cecidit,  
 „ ſicut etiam alii multi hoſtes. Occupa-  
 „ tâ Civitate Turrianus Comes protinus  
 „ miſit manum militarem in Præpoſitu-  
 „ ram, quæ illam apertam & in menſa  
 „ hypocausti non parvam quantitatem  
 „ pecuniæ minoris inveniens, præſidiō  
 „ munivit, Præpoſitō D. Caſparō Quor-  
 „ ckio cum majori pecunia vix evadente.

Miſerant etiam unum vel alterum  
 „ manipulum tam equitum, quàm pedi-  
 „ tum de nocte verſus Monafterium, ubi  
 „ autem hi tubicines Tampirii Comitſ,  
 „ qui in Monafterio cum equis nonnullis  
 „ pernoctaverant, inſtantes tubas audiê-  
 „ runt, in civitatem captam ſe recepe-  
 „ runt, Comitē ipſum aſſeſſe putantes.  
 „ Tubicinibus diſtis abeuntibus cum

equis, adhuc in Monafterio præſidia-  
 „ rii aderant pedites octoginta, qui per-  
 „ plexi quid facerent, an manerent, aut  
 „ abirent, penes Abbatis ſeiſtridi con-  
 „ ſilium ſtare volebant, qui ipſis ad ma-  
 „ nendum auctor eſſe noluit, nec etiam  
 „ abitum ſuadere, quia Monafterio un-  
 „ dique aperto & villæ lignæ periculum  
 „ imminebat. Perplexus & ipſe Abbas,  
 „ quid faceret, dum officiales & ſervi ejus,  
 „ imò etiam Conventus jam fugiſſent, ex-  
 „ ceptō P. Jacobo & P. Michaële grana-  
 „ rio Monafterii: reſolvit tandem ſe, æquē  
 „ in adverſa, quàm ſecunda fortuna Mo-  
 „ naſterii ſui onus perferre velle, & manſit.

In civitate interea obvii armati ma-  
 „ ſtabantur milites, partim ſe tradide-  
 „ runt captivos, cæteroquin in domi-  
 „ bus hoſtis inhiabat ſpoliis, clamor à lon-  
 „ gè audiebatur, ploratus & ululatus  
 „ multus. Nec parochiale templum ſa-  
 „ crilegas eorum manus evaſit, quod uti  
 „ hæretici pro ſpoliis ſibi juſtè deberi ju-  
 „ dicabant : Vicario tunc D. Georgio  
 „ Kramer in molitoris veſte fugiente.  
 „ Deinde 28. Novembris ſummo mane  
 „ miſit Comes Turrianus de civitate  
 „ ſuum tubicinem, petens ab Abbate bo-  
 „ num ſibi in occupanda Zwetla deſati-  
 „ gato & ſitibundo vinum mitti, quod  
 „ etiam ipſi miſit, interea an Comes Tam-  
 „ pirius aſſeſſet, an præſidiō Cæſariano  
 „ Monafterium teneretur, indagaret. Ho-  
 „ rā dein ſextâ venit ipſe Turrianus Co-  
 „ mes cum duobus vexillis equitum &  
 „ vexillo peditum in Monafterium, pri-  
 „ mam portam ſtatim milite ſuo capiens,  
 „ militem autem Cæſarianum in area  
 „ ſtantem & ſeſe dedentem, partim ſuo  
 „ adjunxit, partim liberè dimiſit gladiō  
 „ tantum accinſum : ſimiliter & interio-  
 „ rem Abbatæ portam militi ſuo cuſto-  
 „ diendam dedit. Abbas autem Beatæ  
 „ Virgini ſe ſuūque Monafterium com-  
 „ mendans, & ſtans ad gradus turris, qua  
 „ datur aſcenſus ad cellam hoſpitum, ip-  
 „ ſos expeſtavit. Quem Turrianus Co-  
 „ mes conſpiciens mox familiariter ſalu-  
 „ tavit, de equo deſiliens & cum patrem  
 „ ſuum

suum compellans (hoc enim nomen ipsi dedit in convivio Pragæ celebratis, uti suprà Anno MDGKV. scripsi) admonens, nè timeret, non hostem, sed filium, seu potiùs ejus Monasterii defensores se venisse: e contra etiam Abbas se innocuum asserens, nec contra coronam Bohemiæ aut ejus Directores quicquam deliquisse contestans.

Salute utrinque data, Abbas Comitem in templum duxit, quod eidem summe placuit, addens, dolendum esse, si talis Domus ruinæ daretur. Postmodum moenia Monasterii & turres, situmque loci considerans, hinc inde, ubi sibi congruum videbatur, truncis arborum altis illud muniri jussit, ex armamentario necessaria tormenta disponens, & ità vexillum peditum præsidii loco in eo manere voluit. Quid faceret Abbas? prandii tempus aderat, Comes Schlickius & alii de civitate quoque venerant, coci aliique omnes fugerant; sic ille Turrianum Comitem rogavit, quatenus proprium suum cocum concederet, quod & ille præstitit, inde in angulari hypocausto comedentes lætos se fecerunt; orto autem inter ipsos discursu de belli sui causa, Abbas liberè loquendi facultate obtenta, liberè ipsi dixit omnia, quæ negare non poterant; hoc quidam baro juvenis malè accipiens in verba talia erupit: Quid si te Abbatem Pragæ in custodiam mitteremus? Cujus insolentiam mox Turrianus verbis corripuit, & ei tacere mandavit.

Post hæc Abbas subditos Monasterii Comiti Turriano commendavit, nè exactionibus gravarentur aut spoliarentur, & de domibus fugarentur, quod & ipse promissit, modò contributionem debitam solverent, aliæque vendibilia afferrent. Dictus autem Comes Abbatem Seifridum & Hartmannum Landavium de Rapotenstain ad Cæsarem Matthiam ablegavit, ea cum petitione, nè Bucquoji & Tampirii milites in Bohemia ità passim incendiis grassarentur, alioquin & Bohemi in Austria

idem possent præstare, cùm jam pedem in ea posuerint. Abbas igitur cum collega suo itineri jam se dederunt initio mensis Decembris, qui Viennam venientes protinus à porta ad aulam vocantur, & ad audientiam Imperatoris admissi, interrogati de irruptione Bohemorum, de occupata Zwetla, aliisque accidentibus; postmodum causam sui adventus exponentes, protinus petitionem Turriani Comitis Imperatori proposuerunt, qui ejus petitioni inclinat Præsidi Consilii bellici in mandatis dedit, ut decretum ad Generales daret, nè incendiis Bohemiam devastarent. Voluit autem Imperator, ut Abbas securior Viennæ maneret, nè forsitan inter tot lupos tanquam ovibus dentibus vel manibus eorum laceraretur. Landavium verò dimisit ad propria.

Hic jam mihi discutiendus venit auctor Lauræ Austriacæ, qui in innocuum Abbatem calamum suum stringere, eumque acerbò stylo carpere non omisit: ait enim Abbatem se ultro obtulisse Turriano Comiti, & portas Monasterii eidem stare apertas, præsidii loco eidem quinquaginta musquetarios imposuisse, nec quicquam Abbati, qui magnam pecuniæ summam habuit, abstulisse. Eundem Abbatem etiam dicit, cùm Viennam se contulisset, in causam dicendam vocatum, cur ipse ejusque vicini Domini tantum Bohemis favissent, & non potiùs illis se opposuissent; eum autem respondisse, se illa in regione nullum scivisse præfens subsidium, nec aliquid adversi ab ipsis sibi intentatum fuisse aliud, nisi ut undique comteatum comportarent, eosque pretio datò victualibus juvarent. Deinde commemorat, Abbatem Comiti Schlickio suum denuo commendasse Monasterium, eique nuntiâsse, inhibitionem comburendi loca in Bohemia à Cæsare obtentam esse sub dato 6. Decembris, decretò ad Comitem Bucquoium transmissò. Pergit Comitem Schlickium, postquam civitatem & Monasterium

Bbb

bbb b

Zwet-

Zwetlense præsidii suis providisset, se cum Turriano Comite conjunxisse, Weitra, Altovadense, aliæque Monasteria occupasse, & milite suo muniisse. [3.] Quæ omnia Authoris citati narrata in veritate non subsistunt, sicut contextus historiæ meæ suprà allatus aliter contestatur, quem non tam ex ipsius Abbatis Seisfridi Avunculi mei, quam ex aliorum tunc præsentium ore accipi, fortè Authori huic quidam nullius aut falsæ fidei amarò in Catholicos animò talia distavit, ideo etiam superse-  
deo eadem pluribus refutare.

Deinde Bohemi etiam ipsi in literis suis ad Ducem Lignicensem datis crasse hallucinantur, cum scribant Generales Cæsaris opima in Bohemia capta spolia in Austriæ Monasteria, præsertim in Zwetlense misisse, ibidem suum com-  
meatum ad castra ferendi occasionem & diverticulum semper habuisse, simul etiam milites plures illic collegisse ad Bohemiam citius invadendam. Quare se de jure belli hostium suorum spolia insequi potuisse, atque in Austriam ad eadem capiendâ pedem inferre debuisse. [4.] Quæ quàm vera sint ex antecedentibus patet, nunquam enim commeatum Cæsariani ex Monasterio Zwetl in castra sua detulerunt, sicut postea de Bohemis scribendum, minùs diverticulum in eo vel militum augendorum collectionem habuerunt, cum Bohemi uti hostes nullum alium quàm conductum militarem curruum spoliis onustorum invenerint. Et isti currus potiùs erant commeatus Cæsarianorum vulgò *Kayserliche Wagagi*, sicut patet ex relatione Weitracensium civium. Excelsò Regimini facta, ubi videre est, quomodo Weitra in Bohemorum rebellium manus deveniret, & inde liberatum. [5.]

Jam venio ad privata nostri Monasterii hujus anni gesta, & ipsius Comitatus Turriani Senioris, qui se nominat Henricum Matthæum Comitem & Baronem de Turri, Valsasina & Cru-

ce. &c. Generalem Capitaneum, literas securitatis propria manu & majori sigillo munitas inveni, quas uni subditorum pro sale afferendo dedit Zwetlæ 7. Decembris, Anno 1618. [6.] Ex his patet, ipsum adhuc affuisse & à Schlickii copiis non fuisse separatum, uti suprà citati voluerunt.

Porro quòd adhuc tam Junior Comes de Turri Franciscus Bernardus vocatus, quàm Senior Zwetlæ fuerint, ipsorum literarum manu propria subscriptæ testantur, quibus Senior quinque pelles vulpinas solvendas, Junior laminas sibi mitti petierunt, hic sub dato 12. Decembris, ille sub 11. ejusdem. [7.] Præfectus quoque aulæ ipsius Comitatus petens ligna pro curru campestri ab Allodiorum-Magistro, sub dato Zwetlæ 17. Decembris, probat adhuc ibidem hæsisse Comitem Turrianum. [8.] Junior quoque Comes petiit fœnum & stramen sufficiens pro quatuor manipulis equitum ex Monasterio in civitatem dirigi sub 21. Decembris. [9.] Decimâ octavâ similiter adhuc aderat Comes Schlickius, quem famulus ejus nominat D. Henricum Schlickium, Comitem de Passaw & Dominum de Weizkirchen, Supremum Locum-tenentem, qui eadem pro equitibus dictis petiit. [10.] Hos unâ Comites 22. Decembris in Bohemiam rediisse conjecor, nam quidam Capitaneus Henricus de Bunaw eadem die Allodiorum-Magistro scribit, aliquot rursus manipulos equitum Zwetlam advenisse, eos avenâ, fœnò, & stramine indigere, simul & commeatu, quæ protinus è pagis circumjacentibus in civitatem portari postulat, ne in defectu eorum equites in pagos emittere necessitetur, quorum excursus agricolis non parvum damnum afferret. [11.] Qui Capitaneus sub Ebenberger Supremo Locum-tenente tunc in præsidio civitatis manebat.

Scribit porro ex Weitra parochus Doctor Gulielmus Kotarius Syndicum Budvi.

Budvicensem cum collega, viros doctos advenisse, Viennam ad Imperatorem cogitare, cui animos civium declarare velint, & petere auxilium, sub dato Weitra 7. Julii, Anno 1618. [12.] Dicit præterea omnes vias Budvicium versùs à Bohemis observari, nè tabellarius transire aut literæ mitti possint. Budvicium scribit ad duos menses & ultra sat munitione varia provisum esse, in eo ducenti & quinquaginta milites esse, qui omnes fermè vernaculi pro præsidio manent. Nuntiat quoque in festo Petri & Pauli Posonium Pragâ missum legatum cum literis quendam Medicinæ Doctorem, quondam Hussiticæ Academiæ Rectorem, qui in collegio Banorum regni auditus quidem, sed protinus in carcerem conjectus fuit, qui coronationem Ferdinandi Regis impedire in mandatis habuit. Budvicensis ille Syndicus se nominat in literis suis Joannem Karmenski ab Ebenfeld, Notarium Pontificia & Imperiali autoritate Publicum, & Notarium Reipublicæ Catholicæ Budvicensem, qui maximas Abbati Seifrido agit gratias, quòd ejus beneficio salvus & incolumis Viennam attigerit, & Domino Deo suo, quòd ejus protectione de laqueo venantium Rebellium evaserit, sub dato Viennæ 10. Octobris, Anno 1618. [13.] Hic fuit doctus vir, sicut & plerique Budvicenses Senatores, ac Catholicus, inde suo Imperatori fidem intactam servârunt, qui munitionem ( id est militarem succursum ad ferendam obsidionem alteram ) ipsis submisit. Ubi Turrianus Comes nihil efficere potuit. Nova Viennâ missa dicunt utrumque exercitum tam Cæsarianum quàm Bohemicum ad Pilgrams ab invicem uno miliari distare, ubi tantum velitationes fiunt. Interea Viennæ omnia ad bellum necessaria parantur, tormenta ingentis ponderis jam Nusdorfium missa navibus transferenda, quia ea moles pontibus non creditur, alii autem cur-

rus campestris jam convchuntur ad onera cetera ferenda Rhetium, ubi castra figuntur, [14.] Monasterium Zwetlense tunc etiam curram & equos mittere debuit, qui 27. Julii rei tormentariæ Præfecto Cæsareo erant præsentati. Refert idem, Don Balthasarum 500. equites adduxisse, quos Cæsar per atrium seu forum aulæ deductos vidit.

Erasmus Landavius interea Cisterstorfii more suo parochiæ infensus erat, cujus statum P. Blasius Magolt Abbati in Zwetl refert sub dato 8. Januarii, Anno 1618. Hic postmodum etiam à fidelitate Principis terræ defecit. Qualia verò ex Lutheri schola discipulus Landavius exercuerit, operæ pretium est asserere, nam Catholicis suis civibus inibuit, ne mensas pro Eucharistia exponerent mappis testas, erat enim consuetudo, ut in processione Corporis Christi ante domos Catholicorum stationes cum Venerabili Sacramento haberentur, in eum finem pro illo collocando mensæ stratae sub dio ponebantur, quas ille poni vetuit: Unde Vicarius coactus secum ferre sedile parvum mappulâ testum, nisi Venerabile in terram deponere aut continuò in manibus tenere vellet. Deinde etiam suum quendam pupillum, qui per mensam Catholicam scholam jam frequentaverat, inde rapi, & ad Lutheranae sectæ palæstram introduci jussit, postmodum suis subditis omnibus sub multa decem florenorum prohibuit, ne liberos suos ad Catholicam scholam destinaerent. Item mortuo suo quondam cive Adamo Schneider, qui in hæresi usque ad aures immerfus fuerat, à Vicario petitū pro funere campanas pulsari; respondit hic, sibi ab Abbate Domino suo prohibitum, nemini, qui in cœmeterium benedictum non sepeliretur, pulsam concedendum esse. Deinde rursus postulavit, aut campanas pulsari faceret Vicarius, aut claves pro templo sibi mitteret; respondit iste, si Dominus Landavius ipse templum intrare

Bbb bbb b a

trare

trare cuperet, illi apertum fore, claves autem mittere denegavit, non enim eas se à Landavio, sed à Domino suo Abbate accepisse. Tandem Landavius per fabrum ferrarium templum violenter aperiri iussit, & campanas omnes ternis vicibus tractim pulsari pro funeris hæretici hominis solennitate, quod in Cœmeterium Lutheranorum extra civitatem in agro situm deductum erat, templum autem sic apertum permanfit, donec Landavius postmodum illud obstructâ aliâ abintus portâ, alteram à foris serâ affixâ clausit. [15.] Nec satis malorum erat, quòd templum clauserat, quòd Præfectum exagitaverat, decimas ad se rapuerat, sed expulsò cum reculis suis & familia Præfectò domum parochialem etiam claudi & obfignari iussit, totam parochiam ad se derivare conatus; [16.] Verùm Abbas Seifridus maximè laboravit, ut Landavio obviameretur, inde ab Excellè Regimine duo Commissarii cum potestate constituti & Cisterciensium missi, non tantùm claves templi, sed etiam domum parochialem Vicario Abbatis restituerunt, ægrè Landavio hanc commissiõnem ferente, quæ restitutio facta fuit 12. Decembris, Anno 1618. [17.]

Anno etiam hoc molendinum ad Cammern situm rediit ad Monasterium per resignationem Andreæ Hueber ejusque uxoris, quibus ad dies vitæ concessum fuerat, Doctore Heydero tunc Præfecto in Cammern existente mense Januario: quod molendinum sequenti anno unâ cum prædio Cammern à Bohemis exultum est. [18.]

Scriptis præterea D. Nicolaus Boucherat Generalis Cisterciensis Joanni Seifrido Abbati in Zwetl, quòd quamprimùm in Generali Capitulo sancita in Ordine fuerint redacta à Notariis Abbatibus, quorum signis manualibus primum originale solet esse munitum, ea in Austriam transmitti curare velit. Deinde laudat Seifridum Abbatem, & magis adhortatur ad studium Theologi-

cum in Monasterio Zwetlensi promovendum, additque sibi placere, Ordini universo fore ornamento, ac privatim unicuique utilitati, si quoddam Monasterium per Austriam pro Seminario provinciarum constitueretur, cui tamen alii Abbates communibus expensis sublevandorum sumptuum facerent rationem, vel certè aliud quoddam abalienatum Monasterium eo nomine applicandum recuperaretur, in quo juvenitus Religiosa studiis necessariis imbueretur, se quoque non desuturum, quidquid à se requireretur, sub dato è Cistercio, 9. Junii, Anno 1618. [19.]

Sciendum hic, Abbatem Seifridum eò cogitationes suas derivasse, quatenus in suo Monasterio studium Theologicum erigere posset, ad eum finem non tantùm Professos suos ad Convictum Græcensem in Stiriam direxit, sed etiam in Monasterio Philosophiam doceri voluit, sicut suprâ scriptum. Verùm hanc ejus intentionem rapuit tempestas belli præsentis, cujus turbulentiam ille inter Austriacos primus hoc anno nimirum sensit. Alienatum Monasterium aliquod Generalis indigitat, illud ad S. Bernardum, ubi non pridem Moniales vixerant Ordinis Cisterciensis, quod modò PP. Societatis possident.

Demum de Sacello ad S. Wolfgangum in pago Pfaffenschlag sito scripta hæc reperiuntur: *De incorporato Sacello S. Wolfgangi parochia in Schoënow*, (hic titulus est) Olim fuit Sacellanus cum Cooperatore, modò solus Sacellanus officium divinum peragit. Sacellanus hujus Sacelli præter stolam nullos habet reditus, quæ stola etiam sat tenuis est. Domus Parochialis in Schoënow & templum ruinæ sunt obnoxia. [20.] Hæc Registrator dedit ex libro Generalis visitationis Anno MDXLIV. edito, qui Extractus Monasterio Zwetlensi 13. Martii, Anno MDCXVIII. datus est ad petitionem Abbatis. Hic anno præcedenti 6. Aprilis causam Sacelli ad S. Wolfgangum ab obitu Udalrici Hacke.

**Hackelii** quondam Abbatis prædecefforis fui quafi mortuam refuscitavit, nam tempore Joannis Rüoff Abbatis in Zwetl D. Christophorus Liber Baro de Praga in Engelftain Sacellum dictum violenter Monafterio abftulerat, quocum præfatus Rüoff Afio MDLXXXIII. actionem inftituit, urgendo reftitutionem; verum ifte hæreticus nec Cæfaris Rudolphi, nec Archiducis Ernefti mandatis obtemperavit.

Interim Abbas Rüoff ad S. Crucis Abbatiam tranfit, cui Anno MDLXXXVI. Udalricus Hackelius in Zwetl fuccellit. Hic urfit apud Archiducem Erneftum caufam præfati Sacelli, unde Baroni de Praga mandatum miffum, ut protinus in manus Abbatis Zwetlenfis non tam claves ad Sacellum refignaret, quam omnia ejusdem mobilia reftitueret. Verum tantum abfuit, ut obfecundârit huic mandato, ut etiam hæreticæ pravitatis hominem concionatorem Sacello ipfi præfegerit. Quo de facto incæpatus Baro, infuper fui præconis fufcepit defenfionem, & Sacellum ad fe pertinere probare attentavit. Cui Hackelius Abbas contrarium fcripto objecit & refutavit, inde Commiffarii Cæfarei deputati ad Sacellum cum clavibus & rebus omnibus Abbati reftituendum. Commiffarii quidem fuum officium complere voluerunt, ille autem fe abfentavit, quo comperto, Commiffarii ante claufum Sacellum, aſtante coram multitudine populi, illud in manus Abbatis Zwetlenfis tradiderunt nomine Sereniffimi Archiducis cum mandato, quatenus Abbas quantocyus à Barone de Engelftain claves aliasque res ablatas peteret, fibique haberet. [21.] Ve-

rùm Abbate hominibus loci utpote hæreticis & fui adverfarij fubditis non fidente, res dilata fuit ufque ad regimen fufceptum à Sereniffimo Archiduce Matthia, poſtea Imperatore, apud quem de novo Abbas caufam egit, unde dicto Baroni duo mandata de reftituendis clavibus rebuſque Anno MDCIII. miſſa fuere, ille autem prolongans executionem tergiverſando, & non obtemperans mandatis, tandem mortuus eſt, à cujus obitu non multò poſt etiam Abbas vivere deſiit. Acceſſerunt deinde bella, aliaque plurima impedimenta, quò minùs reſtitutio diſta urgeri potuit. Sæpe fatum verò Sacellum ab obitu Abbatis Hackelii uſque ad 6. Aprilis, Anni MDCXVII. Divinò officiò planè ſpoliatum ſtetit, quia ſemper clauſum à manſit, ac etiam ſupplicationes ſolennes certis per annum ſtatutis diebus habitæ à populo ex Bohemia, Moravia, Auſtria confluente, penitus exſpirarunt.

Hæc Abbas Seifridus, qui obtentis ab Imperatore Matthia Commiſſariis, nihil curans Baronis de Engelftain tergiverſationes; cum ducentis ſubditis, hominibuſque armatis ad pagum Pfaffenschlag perrexit; clavibus priùs ab incubatore Barone petitis; nec miſſis; Sacelli letam per fabrum ferrarium Weitraſenſem ſpectante populo apètiri juſſit; &c. Deinde in ipſo Sacello Commiſſarii dicto Abbati illud nomen Imperatoris uti proprium tradiderunt, poſt Te Deum laudamus ſolemniter cantari fecit, ipſemet Sacrum habuit; & ab alio Sermo ad populum fuit habitus. Quod factum erat antiò præcedenti; 6. Aprilis;

## ADDITIONES.

\*[1.] Chronicon Gotfridi tom. 1. p. 8. Nicolaus Bellus in ſua Laurea Auſtriaca lib. 2.

Theatrum Europæum hoc anno.

Ortelius Redivivus ſub hoc anno.

Spondanus hic n. 2. „ Idem Ferdinandus „ procurante Matthiâ Cæſi, in Comitibus Po-

„ ſonienſibus ineunte Julio coronatus eſt „ etiam Rex Hungariæ, iisdem conditioni- „ bus, quibus fuerat antea Rex Bohemiæ „ declaratus. Huic coronationi cum interfuiſ- „ ſet una cum alijs Melchior Klefelius Epiſ- „ copus Viennenſis in Auſtria, & S. R. E. Car- „ dinalis, ac Sanctioris Cæſaris Conſilij Præ- „ ſes;

Ecce ecce c



ses; idemque paucis post diebus Posoniō  
 Viennam tendens, feliciter evitasset para-  
 tas sibi à scelopetariis militibus insidias:  
 vigesimo diei mensis Julii ibidem Viennæ  
 in arce detentus est jussu Ferdinandi &  
 Maximiliani; insidiō penitus Matthiā, quem  
 sciebant non permittendum: & jussu Cardi-  
 nalis habitum deponere, ac nigrum vulga-  
 rem induere, abductus confestim est sum-  
 ma celeritate per Comitē Tampirensē,  
 seu Dampierensem, cum ducentis equitibus  
 ad fines Stirię, indeque porro in Tirolen-  
 sem ditionem: specie quoddam malè repub-  
 licam administrasset, & concordiam fra-  
 trum Austriacorum subvertere conatus esset.  
 De cujus iniqua captura, & detentione,  
 multa dicta & scripta: observatumque est,  
 ab eo tempore plura adversa & tristia Au-  
 striaci in vindictam contigisse. Klefeliū  
 autē post aliquot annos, à Gregorio XV.  
 Romam adduci jussu, & arci Angelicæ in-  
 clusus donec de causa detentionis cogni-  
 tum fuisset; mortuū Gregoriū, cum ce-  
 teris Cardinalibus ingressus est uti inno-  
 cens conclave, & suffragium in electione  
 Pontificis contulit: ac deinde ab Urbano  
 VIII. absolutus plenè planèque fuit à cri-  
 minibus ipsi calumniosè impositis; bonaque  
 ac facultates restitui ei jussu sub pœna Ex-  
 communicationis.

[2.] Idem qui suprā.

Joan. Palat. in Matthia I. sub hoc anno.  
 † Cistercium Bis-tertium auctore A. R.  
 R. P. Augustino Sartorio, Titulo 28. V. Plas-  
 sum. „ Per duo integra sæcula vulnera ab  
 „ Hussitis inflicta gravissimè persensere Plas-  
 „ senses: donec Annō 1618. Illustrissimus ac  
 „ Excellentissimus D. D. Jaroslavus Comes à  
 „ Martinitz, subinde Supremus Regni Burg-  
 „ gravius, in Bohemiæ disturbio, quod ex-  
 „ citaverat hæresis, unā cum aliis Regni Mi-  
 „ nistris Pragæ fenestra Cancellariæ Ca-  
 „ stri Regii ejectus, Desique præsentissima ope  
 „ servatus in vivis, hostium insidiis sese tutō  
 „ ac per prodigium eripiens, sub larva peregrini  
 „ ac rudis amicū noctu per silvarum hor-  
 „ rorem ad Plassensis Monasterii fidias latebras  
 „ evasisset incolumis: ubi cum gratulatione  
 „ à nostris agnitus & susceptus, obsequio-  
 „ sum omnino expertus est Plassium, solici-  
 „ tum nempe pro loci tenuitate, ut tantum  
 „ Hospitem non absque bono factorum omine  
 „ ad se delapsus servitil promptitudine om-  
 „ ninimodis sibi devinceret. Neque sefellit

„ concepta spes Plassenses; Jaroslavus namque  
 „ cū subinde post exactum ibi triduum ex  
 „ illo claustrali latibulo, Plassensium impen-  
 „ diis, equis, famulitio Viennam ad Cæsa-  
 „ rem sese feliciter recepisset, recentis bene-  
 „ ficii gratissimè memor, Augustissimum Fer-  
 „ dinandum non multō post in Albo-Monte  
 „ de æmulis ac hostibus cælitus triumphan-  
 „ tem, interventu suo eō permovit, ut Ca-  
 „ strum Katzerow unā cum pagis appendicibus  
 „ à Griesbekianis hucusque longo tempore  
 „ possessum, Cœnobio postlimitiō restitui  
 „ clementissimè imperaverit. Extat in ma-  
 „ nibus Plassensium Cæsarum diploma Ferdi-  
 „ nandi II. super hac restitutione confectum.  
 „ Id addendum hic, quoddam cū Cæsar in remu-  
 „ nationem servatæ fidelitatis dedisset Mar-  
 „ tinicio optionem petendæ à se gratiæ, is  
 „ oblatum sive favorem Cæsarum ingenti  
 „ proflus gratitudine transtulerit in Plassenses,  
 „ quibus propitium animus optabat Cæsa-  
 „ rem, quod nempe contemptis periculis, in  
 „ quæ se receptione sui apertè conjecerant,  
 „ fidem erga Regem suum inviolatam egregiè  
 „ comprobārint, &c. Respiravit Plassium.  
 „ Katzerovii & aliorum bonorum peramplā  
 „ accessione ad spem primævi vigoris, quem  
 „ sanè Augustissimæ Domui Austriacæ debet,  
 „ atque Excellentissimæ Familiæ Martinitzia-  
 „ næ, cui utrique æterna ac submississima  
 „ gratitudo persistet devinctum.

- [3.] Bellus in Laureæ Austriacæ lib. 2.
- [4.] Theatrum Europæum hoc anno.
- [5.] Ex relatione Scripta & sigillō ci-  
vitatū munita Weitracensium.
- [6.] Ex Autographo ipso.
- [7.] Ex literis dictorum Comitum.
- [8.] Ex Scheda Originali ipsius.
- [9.] Ex Autographo ipsius subscripto.
- [10.] Ex Scheda ipsius pms.
- [11. & 12.] Ex literis ipsorum.
- [13.] Ex Autographo ipsius.
- [14.] Ex literis Vienn.
- [15.] Ex P. Blasii literis.
- Item, Ex actione Seifridi Abbatis contra  
Landavium.
- [16.] Ex Specificatione violentiarum  
Monasterio in parochia sua à Landavio ex-  
hibitarum.
- [17.] Ita sonat Relatio Commissariorum  
in Originali.
- [18.] Ex literis Hueberi.
- [19.] Ex Autographo ipsius Generalis.
- [20. & 21.] E literarum monumentis.

## Ann. Christi MDCXIX. Monasterii CCCCLXXXI.

Pont. Rom.  
Paulus V.

Imp. Rom.  
Matthias.

Archidux Austriae  
Ferdinandus.

Episcopus Pataviensis  
Leopoldus I.

Abbas Zwettlensis  
Joannes VII.

**I**nitio hujus anni Bohemi rursus Crumlovium, quod Caesariani praesidio munierant, tentarunt, sed tormentis & sclopetis fortiter excepti, abire compulsi sunt, in discessu vero à Comite Bucquoio, qui è Budvicio eruperat ad alium locum tentandum, deprehensi stare, & praelium inire debebant, in quo quingenti utrinque ceciderunt, alias etiam inter ipsos hinc inde velitationes factae sunt. Tampirius Comes cum suis Gracium (*al. Neocastrum*) Bohemiae invasit, praesidarii vero unius vexilli pedites in arcem se receperunt, tormentis se defendentes, quam ille spoliata civitate & incensa reliquit, \* [1.] spectavit hic locus ad Schwanbergium regulum.

Interea 10. Martii hoc anno Matthias Imperator vivere desistit, apud Capucinos in Novo-Foro Viennae sepultus. [2.] Post cujus obitum Rex Ferdinandus Austriam cum aliis provinciis mox regendam suscepit. Bohemi vero facta cum Austriacis supra Anasum ac etiam Lusatiis confederatione, Turrianum Comitem cum milite in Moraviam miserunt, qui Iglavia, Znoyma, & aliis locis captis, similiter Olomutium dedit, Znoymae comitia celebravit procerum, in quibus PP. Societatis è Moravia proscripti fuere, sicut etiam ex Silesia & Ungariae regno. [3.] His peractis Turrianus ex Moravia in Austriam Inferiorem movit, aliquot locis occupatis Labam obsidione cinxit, ad quem de causa hujus invasionis proceres utriusque Religionis legatos miserunt, sed nihil effecerunt. Captam Labam Viennam perrexit, & pontibus relictis secundum Danubium descendit

2. Junii, ac illum ad Fischet oppidum cum exercitu suo trium dierum spatio trajecit, suburbia Viennae occupans: undè 6. Junii Rex Ferdinandus portas Civitatis praeter Rubram-Turrim claudere jussit. Viennenses interea ad defendendam Urbem se parabant, tormentis de propugnaculis in subjecta suburbia detonantes, multasque domos Bohemis refertas pilis perforantes, ex vicinis locis praesidia intromittentes, in quo tumultu etiam Itali mercatores vexillum equitum obtulerunt, & Studiosi Viennenses sub aliquot vexillis & Capitaneo Comite de Althan pro defensione Urbis se quoque praesentarent. [4.] Comes deinde Turrianus ob stragem Mansfeldio illatam à suis revocatus in Bohemiam, obsidionem solvit, & 22. Junii Novam-Domum affecutus est. Bucquois post Roteliticum Mansfeldium tunc Pilsna venientem stravit, & soluta obsidione Budvicensi varia loca, oppida & castra vel vi cepit, vel in deditionem accepit. Auctus post milite, ut ejus exercitus ad 17000. numeraretur, rediit versus Austriam, [5.] & Gracium post unum insultum cepit, Weitracense praesidium etiam sustulit, quo tempore etiam Zwettlense abire debuit.

Dum haec in Bohemia & Austria geruntur, Principes Electores Imperii Francofurti ad Moenum convenerunt, & Ferdinandum II. Ungariae & Bohemiae Regem in Romanorum Regem elegerunt 9. Septembris, Anno MDCXIX. Reclamantibus valde Bohemis, quia Ferdinandus non ipsum Rex, minus Elector esset, quem regnum spoliarent, atque 26. Augusti Fridericum Electro-

ccc ccc c 2

rem

rem Palatinum utriusque Bavariae Ducem in Bohemiae Regem elegerunt, Directores enim regni plures habuerunt, quibus coronam offerre volebant, sicut erat Carolus Emanuel Dux Sabaudiae, Rex Daniae, Elector Saxoniae, & dictus Palatinus, ex quibus iste regnum accepit. [6.] Bucquoius ubi electionem Ferdinandi factam audivit, protinus vespere in castris suis aciem instruxit, hastiferi cum tædis ardentibus, pedites sclopetis suis & equites, lucem & sonum dederunt, tormentis bellicis hinc inde reboantibus in gaudium & exultationem electionis de Austriaco habitæ, quæ res nova Bohemis terrorem incussit, ita ut tota nocte in acie vigiles in castris suis steterint. [7.]

Interea Gaborius Bethlem Transilvaniae Princeps in Ungariam & Austriam irruerat, contra quem ab Archiduce Leopoldo Bucquoius ex Bohemia vocatur, qui Rosenbergenſi caſtro capto ac præſidiò munito, in Austriam se contulit cum exercitu, & Hornam, ubi Acatolici antè Conventum habuerant, occupat, milirique suo munit, sed à se revocatum præſidium in manus Bohemorum incidit, malèque tractatum fuit. Hic Viennam veniens, ante pontes Danubii caſtra metatus est, quem etiam Bohemi ſecuti, quibus Tranſilvanus auxiliares copias miſerat, non procul inde ad Piſenbergam ſua caſtra locârunt, quotidie velitationibus remagentes. Archidux Leopoldus etiam Viennâ exierat ad exercitum perluſtrandum, quia tamen Bohemi ex 26000. & Cæſariani tantum ex 20000. conſtabant, viſum fuit, rerum ſummam non prælio incerto committere, & ita poſt trium dierum conſiſtium pro caſtris, & continua tormentorum fulmina Bucquoius & Tampirius cum milite & tormentis pontes de nocte tranſeunt, ac diluculo ſub nebula caſtra relinquentes, & pontes poſt ſe dejicientes evaſerunt, & per tractum Viennensem. usque ad Neo-Stadium militem in hi-

berna eduxerunt. [8.] Interea Ungari rebelles ſub Gabore occupatò Poſoniò, ante quod præſidium Cæſareum ſubmiſſum priùs fuderant, Austriam invaſerunt, pagos multos tum ſpoliantes, tum comburentes, quorum excuſſus usque Viennam factus, tandem per Bucquoium & Tampirium reſpreſſus eſt, hic ad pontes Leytæ cum ſuis ſubſtitit, ille primùm ex Superiori Austria revocatus, ubi aliquot provinciæ Regulos compeſcuit, Danubii littora capere & munire volentes, Neofſtadii cum milite palantes Ungaros operiebat. [9.]

Dum hæc utrinque geruntur, Fredericus Comes Palatinus Rheni ſe 26. Octobris in Regem, & conjugem 4. Novembris in Reginam Bohemiæ Prægæ coronati ſecit, edictum Anglicum promulgari, omnesque imagines ex templo aulæ proſcribi juſſit, timebatur quidem etiam Crucifixi imagini in ponte erectæ, quam cives cuſtodiebant, & priùs mori, quam ſibi illam auferri volebant, ſed tumultus inde excitandus impediēbat. Sub hac coronatione, Ferdinandus Imperator Francofurtò 2. Novembris Viennam rediit à Leopoldo Archiduce fratre ſplendide exceptus. Tali in Bohemiæ regno mutatione facta Principes Imperii Catholici Ligam, ſicut & Acatolici Unionem Norimbergæ formârunt, undique colligentes & conſcribentes militem, ita ut ad exterminium unius vel alterius partis eſſe videretur. Erant tunc Superioris Austriæ Reguli contra tot admonitiones Cæſaris in armis, & Austriam Inferiorem invadentes Ybſium Cæſareum telonium occupârunt & ſpoliârunt, hinc Sibillenbergam, Leisdorfium, & Pechlingam coepertint, poſtmodum Mellicenſe Monafterium obſidentes, in altioribus locis ad Danubium tormenta plantârunt, quibus dicti Monafterii mœnia in tribus angulis verberârunt, Abbas quidem pecunia illud ab obſidione liberare tentavit, ſed nihil effecit: inde quoque aquæ:

aquæ ductus destruxerunt, aquatores sclopetis à flumine arcentes, sicut etiam naves omnes prætereuntes visitarunt, recusantes continua fulminatione demerferunt. Dum ità Mellicium angustiat, Carpenzanus Mansfeldii Capitaneus cum quatuor millibus Crembium de nocte subitò capere voluit. [10.]

In hac civitate tunc temporis ego, qui hæc scribo, fui in hospitio studiosus, de cujus insultu ego certius plura ad majorem notitiam scribere valeo. Erant quidam opulentiores ex civibus, qui cum hoste Loyfii tunc hærente & viniores plurimos conscribente conspicerant, hi spem maximam capiundæ Urbis Carpenzano fecerant, ex quorum numero unus faber ad portam Stainensem domum suam habens, quam bellico apparatu instruxerat, & sub tecto etiam curricula tormenta ad plateam regiam disposuerat, januam per murum civitatis in hortulum antemuralem ducentem possidens, quam hostibus apertam sub nocte fore, si venerint, ipsis significavit: alii autem complices jam signa certa paraverant in fenestris suis, puta candelam accensam & lintheamen, iis domibus parcerent, in reliquis non ità signatis suo jure uterentur.

In intempesta igitur nocte ante civitatem hostes veniunt, sublatà mox vigilià primà portam primam aggrediuntur, & illam ærèd instrumentò aperiunt, nullus adhuc civium nec præsidiorum moenia conscenderant, cùm hostes foris duabus horis jam laborassent, & ecce civitatis tormentorum Magister ea dolosè exonerat, globis hostium capita orgyà unà altius supervolitantibus, hoc aliquoties praticans, ut postea captivi enarrarunt, ubi verò videt sibi attendi, clam se subduxit per murum ad hostes transiens. Vexillifero dein equestri de legione Comitæ Fürstenbergici, qui cum aliquot signis equitum, sicut & vexillis Wallonum in civitate morabatur, prodeunti id officii injunctum fuit, qui ex propugnaculo

Burgenfi aliquot vicibus in hostes ità detonuerat, ut vulneratorum multus ad moenia ululatus audiretur, præsertim cùm hostes interiorem portam jam incendissent, sic lumen latentes prodidit, ut citius sclopetis peti potuerint à civibus & militibus per moenia & turres dispositis. Interea unus manipulus hostium ad portam Stainensem se præsentavit, sed à vigilibus illis portæ proclamatus hostis & alarma factò fugatus est, proditio ità fabri non successit, qui januam per murum apertam reliquit, sicut postea inventa fuerat. Ubi itaque neque hi, neque illi ad portam Viennensem, qui civitatem spe jam devorârunt, aliquid proficerent, ad portam Infernum dictam autem timerent accedere, nam Götvicenses aliquot tormenta in eos exploserant; ante Burgensem portam etiam aliquot caderent, & jam dies adveniens ipsos ad fugam urgeret; sic pluribus eorum desideratis cum damno & pudore à civitate recesserunt. In quos abeuntes è propugnaculis & turribus pila globisque missi reditum prohibuerunt, ac dissuaserunt, & protinus vexilla quatuor equitum emissi fugientes persecuti sunt, multis cæsis, multis captis; nam plurima pars illorum absque armis, quæ gratis Crembfii se habituros sperabant, adducta fuit, studiosi nimirum inermes & viniores, quorum ultra centum captivos nostri attulerunt.

Civitate ab hoste liberata præ gaudio convolant omnes ad templum Divæ Virginis, ubi gratiæ Deo actæ pro liberatione sua, hymnus Ecclesiasticus **TE DEUM** laudamus decantatur, ac campanæ omnes pulsantur, & lætitia magna fit in populo. Perduelles econtra tristitià absorpti, quò se verterent, nesciebant; alius fugam meditabatur, sed portis clausis, & bene eas observante milite, nulla spes erat; sic domi hærens alius conscientiæ pondere prægravatus apparitores expectavit; alius licentiam ob

Ddd ddd d

gravia

gravia sua negotia exeundi non impetravit; ex his faber primus fuit captus & in curiam clausus tanquam principalis, è cuius domo armentarium in lucem expositum, & janua aperta inventa demonstravit hominis hujus crimen prodicionis, alii deinde etiam in custodiam positi, qui complices ejus fuerant, convicti aut denotati, ita ut iidem numerò sedecim essent, inter quos fuit etiam molitor suburbanus, qui hostibus ad primam portam viam ostenderat, & ad alteram incendendam ignis materiam subministraverat, cujus molendinum militi prædæ datum est.

Foris ante portam Viennensem sanguis per terram fusus humanus & cerebrum in tabulatis aspersum, partim injucundum dedit, partim lætum aspectum, quia hostium erat; tres tantum globis occisos reliquerunt, reliquos in curru ad Danubium deportarunt, paucos secum sumentes sepulturæ dignandos; feruntur ultra quadringenti cæsi & mortui ultra centum ferme vulnerati.

Hoc etiam memoriæ dignum, stetit ante dictam portam statua Crucifixi lignea magna cum Maria & Joanne muro inclusa, qui murus licet tormentis aut sclopetis ad casum maturandum peteretur, nam Carpenzani clypeus erat, nullum tamen ullius globi vestigium in dictis imaginibus apparuit, quod tunc miraculi quasi locò habitum.

Altera post insultum istum die Crembfensis Magistratus Loysum misti Carpenzano nocturno suo visitatori facem pro viæ solatio longam, tubam campestrem ad suam præsentiam insinuandam novam, & æneum instrumentum seu petardam, ut vocant, ad confringendam portam ultimam majus, ipsum his signis munificis deridendo. Nec tamen hostis quisque contemnendus, ideo dehinc Magistratus & præsidium ad civitatem magis muniendam animum convertit, & duas portas, nimirum Burgensem & Stainensem penitus obstruxerunt, reliquis por-

tis & aggeribus & militè bene munitis, Hostis interea foris ruricolis molestus per equites suos comæatum comporabat, inde Cæsarianis proditi vel vulnèra dederunt vel reportarunt, unus etiam pistor & curiæ Montis-pomerii Præfectus Georgius ab Ambrosiis dictus, egregium se ostendit militem tam in campo, quàm in civitate, ejusdem civis, Gallicam callens linguam, Comiti Bucquojo optimè notus. Bohemi à pontibus ad Viennam sitis abeuntes, ex hac parte Danubii quasi dominabantur, oculos etiam suos in Crembfensem Tripolim injicientes. Eum in finem cum exercitu partim ad Kirchbergam in Wagran, partim ad Grafenegg, Cammern, Straß, Häderstorf, Goboltsburg aliisque in locis vicinis se collocarunt.

Cum exercitus Bohemorum in dictis locis moraretur, ad capiendum Crembfensis scalis ac ignivomis globis se pararunt. His occupati ex altera parte Danubii Cæsarianus sub Ducibus Bucquojo & Tampirio exercitus cito gradu per Stainæ pontem Crembfium attigit, neminemque versùs hostem ire permisit Generalis, sed protinus exploratores conduxit, & quòd hostes de adventu Cæsarianorum Crembfium nihil scirent, retulerunt: ita nocte illa, quieti defatigato militi datà, sequenti die hostes aggredi statuit. Tampirius igitur impiger cum equitatu per profundam viam Loysum versùs perrexit, nimirum cum paucis vexillis se præsentans hostium conspectui, corpus autem reliquum equitatus in illa via expectare jussit, donec signum ad eruptionem ipsis daret. Quem ubi viderunt Loyssi hostes, Bohemis nuntiant aliis in locis morantibus, ipsi cum duobus tormentis currulibus in Tampirium erumpunt, interea Comes Turrianus, qui Häderstorfii stationem suam habebat, cum vicinis & suis equitibus per Goboltsburgum aciem etiam dirigit, antequam autem in campum venisset, Loyse-

Loyfenses ad infidias deducti, equitatu reliquo exiliente, atque etiam Comitibus Bucquoji legionibus peditum ex Sträzing in ordine per campum descendentibus perterrefacti, oclusis foraminibus tormentorum fugæ se præcipites Loyfium dederunt, quod Bohemi videntes, etiam recesserunt. Loyfenses à Tampirio usque in oppidum pulsi, ubi quidam de turri templi parochialis, major pars in Monasterio Franciscanorum se defendere conabantur, uno vel altero in turri globis trajectis, reliqui se tradiderunt, illis verò in Monasterio hærentibus Comes Bucquojus minatus interfectionem, adductis duobus majoribus tormentis, qui etiam se his visis dederunt, quos gladiò ipsis saltem relicti baculis datis abire iussit.

Oppidò in potestatem ita redactò, verò Haderstorf cum milite descendit; Comes Turrianus autem Junior cum suis in prædio Cammern spoliato se muniens defendere voluit, aggere circum temporaneo excitato, qui adhuc conspicitur, in molendino juxta ad Campium milite disposito cum duobus tormentis, verum ipse animadvertens Cæsarianos Campium jam superare majorem, timore percussus & loco diffusus, molendinum imprimis, post & prædium Cammern Vulcano tradi iussit Franciscus Bernardus Turrianus Comes, & se in Haderstorf cum milite proripuit, ubi pernoctarunt Bohemi, sicut & Cæsariani in Loyfio & Kobelspurgo. Media verò nocte hostes in silentio tubarum & tympanorum per oppidum Stras Egenburgam versus moverunt, quam civitatem etiam deditione post unum vel alterum insultum occuparunt, reliquis locis undique se deditibus: sicut etiam in prædio Zwetlensi Rafings juxta Pulka Marefchallus equitum de Vels diverforium suum habuit.

Cæsariani Bohemos secuti hinc & inde castra locarunt, & velitationes fecerunt, in quibus etiam supremus Capitaneus Polonorum cecidit, honorifice

ab iis Crembsii ad D. Virginem sepultus præfente Tampirio Comite, qui uno etiam stratagemate Bohemicum equitatum fudit: in Wartberg namque pago non procul à Sitzendorf suos, quos Viennâ noviter acceperat cataphractos collocat, ipse paucis cum vexillis se hostibus præsentat, qui Egenburgæ, Rafingæ, in Pulka & Retschitz diverterant, subito erumpunt, Comitem invadunt strenuè, qui fugam simulat, quasi multitudini cederet, hostes protexit usque ad templum in colle situm, ubi suos cataphractos à tergo suscipiens in medium, primos in acie tam à dextris quam à sinistris circumduxit, ita ut cataphractos denudaret, quos hostes conspicientes & glandes in ferrum frustra mittentes fugæ se commiserunt, in quo prælio multi ceciderunt, sicut etiam Marefchallus equitum de Vels & ejus tubicen, qui ad Sacellum Rafings sepultus; postea nonnunquam de nocte in area horrei inflare tubam auditus fuit, sicut retulit villicus prædii, qui etiam uti Marefchalli dicti servus pugnae illi interfuit.

Jam venio ad Bohemos in Monasterio Zwetlensi hærentes, quorum caput erat Georgius Ebenbergerus, quondam opificiò sartor, hunc uti bonus hæreticus Locum-tenens, hic maxime Paulus Rosenawer in Monasterio Allodiorum-Magistrum suis importunis petitionibus molestare & vexare non destitit, petiit enim mense tantum Januario ad civitatem mitti 330. laboratores cum instrumentis suis, item curus quinque & decem equos, pelles boum duodecim, aut vaccarum viginti ad usum incendii restinguendi, scalas, aliæque pro ædificatione necessaria: [11.] Jussit etiam dolium vini ab Altenburgenfi Monasterio Comiti Turrianò donatum usque in Weitra deportari 6. Januarii, currum & equos salvos restituere promissit. Deinde etiam Monasterium magis firmare & claudere intendit postulans in singulos dies centum

tum laboratores & fabros lignarios sufficientes, decurione inspectionem habente, circa 20. Januarii. [12.] Jam aderat Locumtenens Catholicus & bonus homo, qui à Comite Turriano Monasterio cum manu militum jam antea impositus erat, quem Capitaneus ejus N. Scheyvogel in Grätz en præfidiarius denuò Allodiorum-Magistro commendat sub dato Grätz en 7. Januarii, hoc anno. [13.]

*Enarrantur hic sive de mense in mensem molestia & vexationes, præcipue per dictum Locumtenentem Georgium Ebenbergerum Monasterio & colonis nostris illata, quas consilio, nò lectori benevolentiam generemus, omittimus. Post qua textus ita proseguitur:*

Bohemiæ Generales cum audirent cum novo exercitu Tampirii adventum, & aliquam stragem sensissent, omnia præsidia militum suorum in- & juxta Austriam collocata revocârunt, uti ex Zwettl, Weitra, Grätz en, cum in Zwettlensi Monasterio à 27. Novembris Anno 1618. usque ad 24. Junii, Anno 1619. in principio cum quinquaginta militibus, deinde cum centum & quadraginta hæssissent. Antequam autem abirent, Supremus Locumtenens Ebenbergerus, Capitaneus Gigna, aliique Bohemici Officiales ex improvviso Monasterium invaserunt, & violenter ex Cancellaria in parata pecunia, ex aliis autem conclavibus ex argenteis vasis, annulis aureis, horologiis affabre factis, ex sericis materiis, subtilioris fili fasciculis lini &c. secundum æstimationem rapuerunt ad quinque millia florenorum. Et ut suos milites armaret, per Capitaneum Gigna armamentarium Monasterii quoque illustre fecit, auferens inde tormenta curricula cum necessariis suis, musquetas, bombardarum sarturas, bipennes, indusia pedum, pulveres tormentarios, plumbum, funes incentivos, globos bombardarum.

Ita valedixit Monasterio Ebenbergerus hereticus, quod planè destructum voluisset, si per Generales licuisset: damnum enim, quod ab ipso

Monasterio illatum est, ad sexaginta duo millia florenorum computatur, abstulit enim vini urnas 3000., frumenti centum, avenæ centum octuaginta modios, fœni quadringenta quinquaginta, & straminis ducenta septuaginta plaustra, ligna ædificiis apta ad duo millia truncorum, asserum crassiorum mille, leviorum autem mille quingentos, lignorum pro focis orgyas ter mille, butyri vascula quadringenta & quinquaginta, aliæque in carne, lardo, sale, aromatibus, victualia & condimenta, ad duo millia florenorum æstimata fuere, quæ singula non una vice, sed alternatim cum promissio pretio sibi dari Allodiorum-Magistrum, coëgit. Milites autem præfidiarios Zwettlenses Tampirii Comes extra Gracium Bohemicum juxta promissum egregiè excepit, multis occisis, plurimis fugatis. Ex quibus mala herba, quæ non facile perit, Ebenbergerus evasit, cujus mentio post unum aut alterum annum rursus habebitur.

Ex relatione P. Jacobi, tunc presentis, habeo, milites Bohemos à spiritibus tam de die, quam de nocte valde vexatos fuisse: de die quidem, quando horâ quartâ vespertinâ per claustrum milites ad vigiliarum stationes tympani pulsus ducebantur, tunc in copia lapides advolabant in terga & super capita militum, ac si contra eos projecti fuissent, sed neminem viderunt. Qui ex hoc conjecturam facientes, quasi ipsorum tympani lufum sepulcorum ibi spiritus pati nollent, in posterum absque lusu cum silentio transierunt, & ita cessavit hæc vexatio. De nocte verò maxime hostes infestabantur, nam ipsis apparebant monachi sine capitibus, & fustibus horrendè milites in statione vigilantes percutiebant, præsertim in granario propugnaculi vulgò *Paffenstet* ita ut sibi in loco illo valde timerent, & licet plures clamantibus accurrerent, terrore tamen victi, & quandoque neminem videntes fugam cape-

scere

ferre cogebantur. Duo etiam milites amissi fuerunt, unde ubique quæsti, etiam fontes aquæ evacuati fuerunt, sed nihil invenerunt. Hæc de vexatione militum Bohemorum, dum in Monasterio manserunt. Post Bohemorum discessum præposituram mox capit Locum tenens Christophorus Hoffer de legione Comitum Colalti cum suo milite, qui in ea tanquam præsidium usque ad finem Augusti permansit, cui discedenti secutus est Robertus Geischel à Gimanich Locum tenens Capitanei Adriani de Nullandia ex legione Vulpina, hic præsidium tenuit in ea usque ad Februarium anni sequentis, quibus duobus à Monasterio contributo porrigebatur in quadringentis & octo florenis tanto, quanto ibi tempore steterunt. Circa idem tempus Casparus Quorckius SS. Theologiæ Doctor, Præpositus Zwetlenis, Canonicus Wratislaviensis & Decanus in Aniso, Paulo Rosenawer Alodiorum Magistro in Monasterio scribit & rogat, quatenus curam & inspectionem æconomiae in desolata sua Præpositura suscipiat, sub dato Viennæ 18. Augusti, Anno 1619. Quæ planè à Bohemis in munitionem, & à Cæsarianis in stabulum equorum conversa fuerat, vult ab Archiduce Leopoldo Commissarios petere pro desolatione ejus lustranda & describenda, cum ipsi non credatur, sed ut

ad eam redeat reparandam admoneatur, inde se habere licentiam aliquot diebus in Monasterio commorandi significat Paulo, quem rursus pro acceptanda inspectione rogat, sub dato Viennæ 3. Septembris, Anno 1619. Hiè postea apud diversos Dominos Prælatos convictorem egit. [14.]

Post Bohemorum exitum, A Catholicorum Austriæ procerum milites Monasterium libenter occupassent, sed Abbas Seifridus, qui donum redierat, officialibus suis & famulis illud custodiendum tradidit, quibus unum præfecit militem Belgam nomine Niedrum, qui postmodum rursus militiae nomen dans per officia promotus, & viduam Comitissam prædivitem ducens, eoque ascendit, ut receptæ Ratisbonæ tuendæ cura ipsi crederetur, Beatissimæ Virgini Mariæ summè devotus. Erant tunc in Monasterio saltem duo Religiosi P. Jacobus & P. Michaël, quorum hiè granarius, alter cellerarius & culinæ præfectus erat, senior autem P. Georgius Fernstorffer in Monte-Pomerio agebat hospitem, & loci Prior factus à D. Casparo Abbate loci licentiam impetravit abeundi, & in Campo-Principum Bavarie hospitandi, cui literas commendatitias dedit 7. Novembris, Anno 1619. Alii Religiosi in aliis Monasteriis dispersi habitabant.

## ADDITIONES.

\* [1. 2. 3. 4. 5.] Theatrum Europæum. Laureæ Austriac. lib. 3.

Continuatio Calendarii Ederiani hoc anno. „ Henricus Matthæus Comes de Thurn, „ rebellum Bohemorum Antesignanus, post „ quam Laam Austriæ transdanubianæ urbem „ beculam frustra oppugnasset, trajectu Danubii „ circa Vilschæ confluxum, ope Caroli „ Teufel adjutus, in ipsa Octava Corporis „ Christi, quæ erat 5. Junii, ante Viennæ „ mœnia imperatus hostili exercitu stipatus „ apparet. Ingens in civitate terror & inter „ omnes diffidentia. Protestantes triumphum „ ante victoriam canentes, in conventu „ Ordinum, Catholicis omnia vicinitatis &

„ consanguinitatis jura renunciant, Regi Ferdinandando duras condiciones proponunt, &c. „ Sed receptis aliquot equitum turmis intrat „ Civitatem, cristas deponunt, & paulatim „ cum obfessore Turno Viennam se subducunt. „ Interea bombardatum fragore militum „ que ferociâ nobilior scholasticæ juventutis „ flos excitatus, Viennam velut sacram doctrinæ „ Palladis arcem sibi quoque defendendam „ ratus, in salutem civitatis conspirat, relictis „ libris ad arma concurrit. Conscripti „ buntur mæculæ juventutis nomina, constituntur „ tribuni & manipulorum antesignani, qui „ Ferdinandando Regi litterarum „ Numini, quingentos offerunt milites stipen-

Ecc ecc e



„ pendiorum expertes. Placuit Regiæ Majestati generosus juvenutis ardor & in patriam amor; superaddit animis arma cum vexilli epigraphæ: Litteris & armis. „ Præficit insuper militiæ ducem illustrissimum Dominum Adolphum Comitem ab Althan, jam pridem è bello Hungarico contra Turcam heroicis actibus orbi notissimum: præterea Primpilum, armorum expertum virum Felicem Frey. Reliqua militiæ munera gerebant illi, qui deinceps domi inter consilia, vel foris in castris nacti sunt supremos, quâ togatæ militiæ honores altiori calamo posteritati transmittendos. Porro cùm quorundam intra civitatem cum hoste conspirantium sacrilega intentio præfixum sibi scopum assequi non posset, Turnus S. Stephani Turrim intactam relinquere coactus, ad trajectum suprâ nominati Teufelrediit, qui Comitem cum rebellium Bohemorum exercitu, velut alter Charon, rursus per Danubium transvexit. Viennâ hîc insolentis liberatâ, Ferdinandus Rex ad Electorum Imperii conventum Francofurti institutum abiturus, ut Musæ in pristinam quietem & securitatem restituerentur, honorificam hisce doctis militibus indixit missionem.

[6. & 7.] Theatrum Europæum & Laurea Austriaca ubi suprâ.

[8. & 9.] Item ibidem ubi suprâ.

Spondanus hic n. 1. „ Mense Septembri Bethlem Gabor Transilvaniæ Princeps, „ Turci cliens, & religione Græcus mixtum ac „ Calvinista, communicatis cum Bohemis „ consiliis, Hungariæ dominationi inhians; „ cum magno exercitu, contra pacta olim „ cum Rudolpho & Matthia Imp. ac Regibus Hungariæ transacta, Superiorem ingressus, Cassoviam, Filecum, Vacciam, Posonium, aliâsq; plurimas civitates vi aut deditione in potestatem suam redegit; Omnes „ Catholicos, sed præcipuè Ecclesiasticos, „ dirissimè tractans; ac Principis Hungariæ titulum accepit, habens in potestate sacram „ Coronam Hungaricam, quæ Posonii religiosissimè assevari consuevit.

Continuatio Calendarii ubi suprâ. „ In „ Autumno ultra Danubii pontes Serenissimus „ Leopoldus Archidux &c. Ferdinando Rege „ in electione Imperatoris absente per Comitem Bucquojum contra ingentem Bohemorum exercitum, & quorundam Hungarorum rebellium Ducem Bethlemium, „ tribus vicibus acriter decertavit, Viennâ „ que conservavit.

[10.] Theatrum Europæum & Laurea Austriaca. ubi suprâ.

[11. 12. 13.] Ex pms. ipsius Locum-tenentis.

[14.] Ex Relatione, & Annot. tunc præsentum Religiosorum & Officialium.

## Annus Christi MDCXX. Monasterii CCCCLXXXII.

*Pont. Rom.*

Paulus V.

*Imp. Rom.*

Ferdinandus II.

*Archi-Dux Austriae*

Idem.

*Episcopus Pataviensis*

Leopoldus I.

*Abbas Zwetlensis*

Joannes VII.

CUM bellum in Bohemia natum ulterius serperet, & Catholica Religio in periculo versaretur, Paulus V. Pontifex Romæ instituit Jubilæum, ut ubique Dei auxilium invocaretur. \*[1.] Hoc dicunt Historici acatholici, ego autem secutus hætenus Ciaconium Dominicanum, usque modò ipsum sequor, cum ipso sentiens, quòd nimirum Pontifex præfatus dictum Jubilæum gratiarum actione publicârit ob victoriam in Monte-Albo ad Pragam à Catholicis obtentam. [2.]

Porro Fridericus Comes Palatinus Rheni (*non regiâ viisulo dignus*) in Mora-

viam se contulit, ubi Brunæ homagium à Statibus Marchionatûs accepit, sicut etiam mense Februario Wratislaviæ à Principibus Ducatûs Silesiæ exegit. [3.] Ubi hoc commemorare placet, quòd Doctor Petrus Gebauer Orator Cathedralis ibidem Ecclesiæ nomine Capituli denegaverit homagium, candidè & publicè Friderico occinens „ Si tibi, Friderice, sceptrum datum „ fuisset desuper, illud utique adorare „ mus, sed tuum non est, quia Ferdinando, cui desuper datum, illud ab „ stulisti. „ Cui nullum aliud responsum datum, quàm „ Vos sacrificuli superbi „ estis.

„ estis. „ Hoc ex ipsius Oratoris con-  
cione Wratislaviæ in festo Epiphaniæ  
accepi.

Interea Ferdinandus Imp. tam ele-  
ctionem quam coronationem Friderici  
contra omne vi factam nullam esse  
promulgari, & coram mundo publicè  
protestari fecit. Cosacci tunc ad par-  
tes Cæsaris declinârunt, qui Comiti de  
Tampier subditi fuerunt, per Silesiam  
& Moraviam multa spolia facientes.  
Principes quoque Imperii in auxilium  
vocavit contra Bohemos & eorum Re-  
gem. Rex Hispaniæ in subsidium Do-  
mûs Austriacæ Imperatori auxiliares co-  
pias misit sub ducibus Verdugo & Spi-  
nola, qui per Helvetiam Passavium  
attingentes, inde Budvitium aureâ viâ  
deducti fuerunt. Hi inde erumpentes  
circum sita oppida & civitates parvas  
occupârunt & spoliârunt. [4.] Buc-  
quoius autem Comes cum exercitu Cæ-  
sariano circa Hohenwart & Egenburg  
castrametatus, velitationes cum Bohe-  
mis continuas habuit, qui sub duce  
Anhaldino juxta Purgschleinitz in monte  
cum tormentis confederant, postmo-  
dum ad Meissa prælium commissum est,  
in quo multi utrinque & cæsi & capti  
fuere, nocte nemini victoriam concede-  
nte. [5.] De arce Rastenbergâ scri-  
bit etiam Author Theatri citati, quòd  
Bucquoius illuc quadringentos sclopet-  
arios direxerit, quia reguli quidam aca-  
tholici in illam uxores, liberos, suâque  
pretiosiora deposuerint, sed ex illis tri-  
ginta milites globis mactârunt, unde  
cum quatuor millibus peditum acce-  
dens, arcem vi occupavit, in qua nulli  
cædem inferri voluit, sed omnes Crem-  
bium deduci iussit spoliatò castrò. [6.]  
Hoc à Monasterio Zwetlensi milliari  
magno distat in alta rupe situm ad mi-  
norem Campium, tunc spectabat ad  
Dominos de Neudeck, ordinis eque-  
stris, à Cæsare etiam recedentes, unde  
bona ipsorum fisco etiam cessere. Bo-  
hemi verò Civitatem Retz sub certis  
conditionibus occupârunt, militibus

inde liberum discessum cum armis &  
reculis suis dantes, dolia vini mille qua-  
dringenta invenerunt, spoliâque multa.

Dum hæc in provincia geruntur,  
Viennæ Imperator cum Statibus egit  
de homagio sibi præstando, quod aca-  
tholici tergiversando protraxerunt, tan-  
dem istorum aliqui cum Romano-Ca-  
tholicis, ad ulteriorem Imperatoris in-  
stantiam id promiserunt, quod etiam  
3. Julii hoc anno præstiterunt, nimi-  
rum novendecim ex Prælatorum Sta-  
tu, ex Dominorum autem Statu Ro-  
mano-Catholicorum triginta duo, Aca-  
tholicorum triginta tres; ex Statu rur-  
sum Equitum Romano-Catholicorum  
triginta, Acatholicorum triginta no-  
vem, & ab octodecim civitatibus &  
oppidis delegati. Ceteri Acatholici  
tam è Dominorum quam Equitum Sta-  
tu Retzii conventum agebant, qui ul-  
timò admoniti & temporis terminò ne-  
glectò perduelles obstinati manebant,  
quos Imperator crimine læsæ Majestatis  
damnavit, vitâ bonisque plectendos  
pronuntiavit Viennæ per omnia forâ  
Caduceatore Austriaco duobus tympa-  
nis campetribus & duodecim tubici-  
nibus populum convocante, & senten-  
tiam damnationis capitalis publicante.  
[7.]

His Viennæ petactis, Tampirius (qui  
cum Bucquoio antè convenire non po-  
terat) suo milite, mille nimirum equis  
& mille quingentis sclopetariis oppi-  
dum Gars invasit, incendit, & hostes  
mactavit, præter eos, qui in arcem ef-  
fugerant, multi etiam in Campium de  
ponte cadentes submersi & capti, in-  
ter quos supremus vigiliarum Magister  
Mansfeldii Carpenzanus fuit. Wallo-  
nes etiam & Cosacci occupârunt Ma-  
reccium ad Landavium spectans, sicut  
& Anger oppidum, sed Landavius ea  
loca recuperavit, oppidò diùd incensò  
& præsidio ubique cessò. Mansfeldius  
rursus in Bohemia se movere cepit,  
Budvicius versus movens, Monaste-  
rium Spinæ-Coronæ Cisterciensis Or-  
dinis,  
Ecc ecc e 2

dinis, in festo Corporis Christi sub ipsa processione invasit, aliquot milites Budvicenses mactavit, calices, monstrantiam, aliâque templi ornamenta abstulit, Monachis hinc inde fugientibus & elapsis.

Porro Ferdinandus Imperator Electori Saxoniz in Lusatios perduelles executionem militarem demandavit, qui eam suscipiens metropolim Bauensem occupavit, quam incendium valde deformaverat. Similiter & Spinola cum Hispano milite Inferiorem Palatinatum invasit, & totum intra breve spatium sui juris fecit, unitis Imperii Principibus nihil contra audentibus. Ungari interea sub Bethlehemo Gabore induciis finitis, Bohemis subvenientes per Mareccium Austriam invaserunt, igne & ferro cuncta devastantes, Stetteldorfum, Grafenwerd, & Enzerstorf combusserunt, milite Cæsariano ubique cæso: Pofonium Ungari præsidio munierant, Danubium nautachiario ponte ad erumpendum apertum tenentes, quem Tampirius adveniens perrumpendo confregerat, qui captis castris & ad pontem munitionibus ac civitate, montem castri cum milite suo ascendit, æneum instrumentum pulvere sulphureo plenum portæ applicavit, sed ab intus à clauso milite Moravo cognitus multis globis petitur, & uno cervicem transeunte Heros Martius cecidit, quem post fugam suorum Ungari clavis suis caput ejus & pectus vulnerantes, tandem decapitarunt, corpore una in castrum raptum: hunc conterraneus ejus Legatus Galliz Regis apud Bethlehemum de Angoulême Pofonii ad Franciscanos honorifice sepeliri impetravit. Et sic bellica virtute & gloria clarus Henricus du Val, vulgò Comes Tampirius nominatus occubuit vita longiori dignus. Cæsarianus verò miles audita Ragozii contra se expeditione Pofonium fugiendo reliquit, & in Austriam nonnullis suis desideratis se recepit. [8.]

Rursum ad puniendum rebelles Bohemos Imperator Ferdinandus Duci Bavariz Maximiliano Catholicæ Ligæ ejusque exercitus Generali expeditionem injunxit, qui impigrè eam suscipiens, in Austriam Superiorem ob regulos ibidem aliquot nova molientes primum se contulit, Lintzium deditone occupans, & rebellium militem juramentò sibi alstringens ipsis fugatis, à ceteris fidelibus proceribus nomine Cæsaris homagium suscepit; rebus ibidem ità compositis, Colonellum Baronem de Herberstorf, qui 500. equites sub se habebat, Præfectum - prætorio cum summa potestate nominavit & Lintzii reliquit. Dux ipse cum exercitu Bohemiam petens, in Liberam - Civitatem se contulit, ubi aliquot diebus subsistens & currus in viis ob pluvias pessimis fractos reparans: deinde per silvam in Austriam Inferiorem se convertit, & ad Weitram militem Superioris Austriæ expectavit, quo protinus veniente Dux Zwetlam versùs cum exercitu movit, & ad Schickenhof castra posuit, ubi per Comitem Bucquoium Cæsarianum Generalem de hostium adventu admonitus triduo substitit comeatum ex Bavaria interim operiendo, [9.] Qui Dux alias in Monasterio diversorium suum sumpsisset, nisi lues dysenteriz eum avertisset, quia tunc inter subditos in id confugientes Monasterium inficiebatur. Nihilominus Duci ex Monasterio cervus, vinum & panis missus fuit cum precibus, ne subditis in pagis à milite damnum aliquod inferretur, quod & factum fuit. Sub hac mora quidam Magister Equitum Dominus Guilielmus Enkevordius sub legione Herberstorffii militans templum Monasterii perlustravit, quod ejusdem oculis mirè placuit: hic suum diversorium in Altensteig habuit, unde paulò antè miles rebellium Austriacorum ejectus fuerat, & ibi febre correptus, jam morti proximus, in dicto Monasterio sepeliri petiit, quam ultimam ejus petitionem

tionem miles ipſus executus eſt, cujus corpus exanime in clauſtro noſtro ad occidentalem plagam terræ mandatum fuit.

Hic mihi in laudem hujus familiæ libet excurrere, cujus majores eam maximè ſicut & poſteri illuſtrârunt, nam Hadrianus VI. Pont. Max. Belga ſuum conterraneum Gulielmum Enckevoordium ob egregias virtutes ipſius, & miram doctrinam ad Cardinalitiam dignitatem eſcexit, de quo Ciaconius: „Hadrianus VI. Pont. Max., ait, ante dies tredecim ſui obitûs, Anno 1523. in die Jovis, aſtantibus ad ægrotantis lectum Patribus, Cardinale unum creavit, qui fuit Guilielmus Enckevoordius, Germanus, Patriâ Trajectenſis, Hadriani Datarius, cui Episcopatum Dertuſenſis Eccleſiæ, quam ipſe rexerat, jam antea contulerat, Cardinalis Presbyter tit. S. S. Joannis & Pauli, quo etiam titulo ipſemet Hadrianus Cardinalitium pileum habuerat. Ejus inſignia fuerunt tres nigræ aquilæ in albo campo. Obiit hic Cardinalis ſub Clemente VII. Romæ, menſe Junio, Anno 1534. ſepultus ad S. Mariam de Anima, nationis Teutonicorum. [10.]

Quem etiam Panvinius præconiis talibus afficit, ſcribens de Hadriano VI. „Pontificis igitur negotiis intentus, Gulielmum Enchavordium, quem Datarium & Derthuſenſem Episcopum ſecerat, Theodoricum Hezium à Secretis, Belgas, & Joannem Rufum Episcopum Conſentium veteri amicitia ſibi conjunctos, intimos Conſiliarios aſcivit: quorum arbitrio omnibus in rebus regebatur. [11.] Proſequitur deinde alibi ſic loquens: Ceterum Cardinalis Enchavordius, ut in deſunctum quoque, ſcilicet, Pontificem Hadrianum amicitie fidem præſtaret, quam luculentam in vivum præſtiterat, alterum ei monumentum ampliſſimum

„& magnifici operis ex alabaſtro poſuit in templo S. Mariæ Germanorum, ad arcum Flamineum, cum plurimis ejusdem materiæ ſtatuis virtutum ejus, quarum ductu ad id faſtigii emerſerat, clariffimis indicibus. „[12.] Hæc citatus. Ex hac familia itidem Gulielmus Enckevoordius militiæ ſplendor exit præſatus Equitum-Magiſter in Monafterio Zwetlenſi ſepultus, qui à juventute armis aſſuetus, contra hoſtes Religionis Catholicæ ſub Generaliſſimo Baviaræ Duce nomen denuo militiæ dedit, cui aliam Equitum Colonelis Herberſtorſus tanquam exercito & veterano militi commiſit, invida verò mors cum victoriæ Montis-Albanæ ſuperſtitem eſſe noluit, ideo rapuit, & nobis, Monafterioque noſtro viventis amor oſſa ſua condenda reliquit. Quæ tamen revivifcunt & reſſeſcunt in filio ſuo, Excellentiffimo DD. Adriano Enckevoordio, Libero Barone, Domino in Ledetſch, Wodenitz, Schwägfchütz, & Nuſdorf, Cæſaræ Majestatis ſicut etiam Electoris Principis Baviaræ Conſiliario-Bellico, & Generali &c. qui uſque hodie, dum hæc ſcribo, nimirum Anno Domini MDCLVIII, in Italia contra Ducem Mutinenſem & Gallos, Mareſchalli Cæſarei generoſam navat operam, ſpartamque excellentem tueretur, cujus ſapiens in decurſu Annalium horum bellicæ laudis fiet mentio.

Jam redeo ad Ducem Baviaræ caſtrametantem ad Schickonis curiam, qui poſt triduanam quietem ad agrum Neo-Poëlanum exercitum ſuum duxit, qui Hornam rebellium procerum ſedem machinis adhibitis occupavit per dedicationem, ſicut & caſtrum Wiltperg; præſidium Bohemicum, quod in Monafterio Altenburgenſi ſedebat, Duci etiam ad militandum ſe obtulit, quod & ille ſuſcepit. Similiter ex hac conjunctione Dux Analdinus præſidia Bohemica ex Egenburga, & aliis Auftriæ locis in Bohemiam abduxit ad regni deſenſionem. Bavarus autem & Cæſarianus miles

Fff fff f

unde-

undecimâ Septembris Budvicium appulit, indè 15. ejusdem Dux Baviaræ Bodnianum, & Comes Bucquibus Brachaditium obsederunt & occupârunt, Piseccium quoque internecione civium sinè differentia sexûs deletum. Iter deinde instituunt Pilsnam versûs, in viâ Grünenbergam & Riefenburgum capiunt, & 2. Octobris illuc adveniunt. Fridericus Comes Palatinus in Rockezan, à castris Bavaricis duobus & medio milliariibus distans aderat cum Bohemico exercitu sub Generali suo Analdino Duce, qui ad Bavarum legatos suos mittens volebat cum eo tractare ea, quæ pacis sunt, sed tempus tantum redimere quærebat, unde infecta re legati redierunt, itèrque Pragam versûs resumptum est, quod Analdinus Dux ad Rakonitzium intercludere conabatur, ubi velitationibus hinc inde factis res agebatur. [13.]

Postmodum uterque hostilis exercitus Pragense iter receperunt, Bohemis præcedentibus, & in Monte Albo aciem formantibus, quia Cæsarianus exercitus illis instabat, nè castra figere ac munire possent, quod factum fuit octavâ Novembris. Consiliò initò ut dimicarent, tam ex aliquo felici omine (cuspidè nimirum vexilli legionarii Gulielmi Verdugi flammante, Patre Dominico Carmelita certam cœlotenus victoriam pollicente) quàm rationibus decretum fuit inter Duces prælium, tessera Bavarico & Cæsariano militi Sancta Maria datâ, quæ erat in labaro Baviaræ Ducis affabrè picta. Inde prælium dispositâ utrinque acie capît initium, & mediâ horâ dubio Marte pugnatum est; deinde Ungari à Polonis invasi multae eorum pars fugam iniit, & à Muldava flumine absorpta est, hanc fugientium Ungarorum stragem plurimarum cohortum ruina comitata est. Pertinaciùs sese Analdinus, Hollachius, & Turrianus cum suis legionibus tuebantur. Cesserunt tamen ad extremum, & terrore latius dato, reliqua strages quasi

una manu facta est. Fridericus infelix hyemalis Rex hac audita strage tremefactus, nec octo horarum impetratis induciis, Wratislaviâ, relicto diademate, cum uxore, fratre, liberis, aliisque quibusdam proceribus per Silesiam rhedâ fugit. Capti eo prælio Principis Analdini primogenitum, Dux quidam Saxonie Vinariensis, Rhenensis insuper, Schlickius & Stirmius Comites, decem tormenta majora cum centum plus minus militariibus signis in manus venerunt, cæsorum & submerforum, numerum si æstimes, decem millia excessere: ex Austriacis vix ducenti cecidere. Inter vulneratos Godefridus Henricus Comes de Pappenheim inventus, vulneribus curatis restitutus est, qui in ruinam Succorum & Hassiæ de cadaveribus quasi resurrexit. Hæc victoria titubans Imperium firmavit, Pragam subdidit, & secuta Pragam tota Bohemia. [14.] Imperator Ferdinandus ubi victoriam hanc percepit, Viennæ in D. Stephani basilica Te Deum laudamus, omnibus per Urbem campanis sonantibus, & tormentis de propugnaculis reboantibus cantari, solennes processiones per templa & preces publicas institui curavit, quibus & ipse interfuit. Dux Baviaræ rebus in Bohemia constitutis in Bavariam suam rediit, & protinus Summo Pontifici hanc victoriam notam fecit, quam soli Deo ejusque Matri Virgini ascripsit. Pontifex autem Romæ etiam solennem supplicationem ob hanc victoriam, de S. Maria super Minervam usque ad S. Mariam de Anima Germanorum precedentem instituit.

Scripti suprâ, quod post Bohemorum è Monasterio discessum A Catholicorum Austriæ procerum milēs Monasterium & subditos vexare incepit, præsertim illi, qui in Altensteig nidum sibi fecerant, cujus militis Commissarii erant D. Dietricus de Puechaimb, & Georgius Weltzer, qui comminando per

per militarem executionem à Monasterio singulis septimanis in Altensteig vi-  
tualia sequentia postulant mitti, uti so-  
nat ipforum ordinantia: nimirum de  
carne mille libras, de avena tres mo-  
dios, de cerevisia viginti urnas, de bu-  
tyro quatuor octalia, ovorum centum,  
gallarum viginti, de feno sex currus,  
& totidem de stramine, panes trecen-  
tos, falis viginti cuppulas, ligna pro  
pago viginti orgyas, sub dato Alten-  
steig, 6. Jan. Anno 1620. [15.] Similes  
exactiones à Monasterio Zwetl, & sub-  
ditis tam à præfatis ex Altensteig, quam  
ex Kirchberg ab Hectore Khornfai su-  
premo vigiliario Magistro & Capita-  
neo acatholico usque in Mehsem Febr.  
continuabantur, & ad plura millia ex-  
crevère, uti literæ hinc inde missæ  
demonstrant, quæ citra nausæam Le-  
ctoris referri non possent. Hinc D. Ab-  
bas Seifridus scribens, uti apparet, Ab-  
bati Cremphanensî Cæsari à Consiliis  
intimis sic lamentatur: „ Quanto igi-  
tur in periculo versetur Reveren-  
dissima Dominatio Vestra clarè cla-  
rius videt, neque tutiores sumus à  
vicinis, qui lateri adhærent nostro,  
& quotidie pertranseunt regionem  
nostram. Placeat igitur prudentiæ  
Vestræ, Reverendissime Domine, con-  
ditionem nostram miserabilem Ma-  
jestati Cæsareæ exponere, sanòque  
informationis consilio ac præsentif-  
simis obrentis auxiliis consolari mi-  
seriam nostram. Quia sive vivimus,  
sive morimur, Augustissimæ Austriæ  
Domui devinctissimi sumus. „ [16.]  
Hæc ille in miseriis istis constitutus.

Porro cum Cæsariani has in partes  
venirent, hostes etiam undique ex præ-  
sidiis exibant, sicut in Altensteig fa-  
ctum, prout enim scribit Adrianus de  
Nullandt Capitaneus Magistro-Allodio-  
rum in Zwetl, quod nimirum hodie  
adhuc quatuor mille pedites Neapolita-  
ni ab Hispano missi in Zwetl sint ven-  
turi sub Colonello Spinelli; qui contra  
promissum dicti Colonelli Monasterio

& ejus subditis quadraginta paria boum  
& octodecim equos cum curribus ra-  
piendo retinuerunt, damnum duorum  
millium, centum & quadraginta flore-  
norum æstimatum. Datum illius lite-  
rarum est è Civitate Zwetl 18. Februa-  
rii, Anno 1620. [17.] ubi in domo  
nostra ille manebat. Scripserat autem,  
quod subito spoliato per militem suum  
satisfacere, atque eundem punire velit.

Hic Adrianus Capitaneus quasi subdi-  
torum sanguisuga de singulis domibus  
sex cruciferos & de desolatis tres qua-  
libet septimanâ exegit; quem etiam  
imitatus est Müllnerus Capitaneus, qui  
in districtu Weitracensi cum milite suo  
divertebat: mansit autem Adrianus in  
Zwetl cum vexillo suo peditum quin-  
decim mensibus, summa hujus extortæ  
pecuniæ ad sex mille florenos nume-  
rata est. Comes etiam Monte-cuculi  
cum equitibus suis quatuor mensibus  
Zwetlæ in Civitate hæsit, cui singulis  
septimanis avenæ 24. metretas, & qua-  
tuor vini urnas Monasterium porrigere  
debebat; avenæ modii duodecim & vi-  
ni sexaginta urnæ computatæ sunt pro  
mille, nongentis, octuaginta sex flo-  
renis, qui Comes etiam argenteum de-  
auratum calicem cum patena & ad ce-  
lebrandam Missam necessaria cuncta ab-  
stulit, nec restituit, damnum centum  
imperialium æstimatum. [18.] Ordina-  
ntiam quoque Allodiorum-Magistro  
Paulo mittit Nicolaus Cadiet Capita-  
neus, qui ex mandato Generalis Comi-  
tis de Bucquoi legionem peditum Ca-  
roli Spinelli & octingentos equos ex Bo-  
hemia in castra ad Longum-Loysum fixa  
per Zwetlam deducit, unde petit pro  
crastino mitti decem currus tam equis  
quam bobus provisos, & avenæ tri-  
ginta metretas cum mediâ urna cere-  
visiæ sub dato Zwetl 18. Aprilis, Anno  
1620. Repetit eadem cum feveritate  
19. ejusdem. Monasterium tunc & vi-  
no carebat, & hominibus carnificinam  
militum fugientibus plenum erat; de  
vino empto D. Abbas scribit, pro quo  
Fff fff f 2 currus

surrus petit cum Niedrum milite mittendos, ordinarium enim vinum pro Religiosis duobus & pro celebratione Misarum Zwetlâ secundum menfuras emendum fuit. Datum literarum Abbatibus est Viennæ 2. Junii, Anno 1620. Qui à Cæsare supplices petierat & impetraverat ad Comitum de Bucquoi Generalem decretum, ut à militari contributione & Monasterium Zwetlense & subditi eximerentur, verum quòd illud à Cancellistis retardetur, lamentatur. Demum Octavâ ejusdem, ait, se jam decretum in manibus habere, & tantum Niedrum militem expectare ad illud Generali præfato tradendum.

Ex his jam patet, in quantas angustias & miseras Monasterium hoc bello trienniali devenerat. Insolentias autem & carnificinas militum intolerabiles, quæ pauperes rusticolas in civitates, caltra & Monasteria incluserant, nemo meliùs quàm Status A catholici Imperatori significârunt: „ tyrannidem nominantes „ plusquam Turcicam, Wallonum, aliarumque gentium peregrinarum sub „ Cæsare militantium, qui uti Imperatori ipsi supplices lamentabiliter reserunt, homicidia pro nihilo habentes, totos pagos, villas, oppida, inter quæ etiam nec Stockeraviæ ad „ Cameram aulicam spectanti pepercunt, incendiò perdiderunt; Processum domos, arces, castella & castra „ violenter occupârunt, fregerunt, spoliârunt, comeatus ex arcibus raptos „ sibi solis servantes, pauperibus rusticis ad castrorum figendorum labores destinatis de iisdem nec bolum dederunt, ita ut plurimi fame perierint. Pueros & mulieres horrendè violatos abduxerunt, homines „ sive senes, sive juvenes, sive viros, „ sive fæminas crudeliter excruciarunt, „ quosdam enim funibus ligatis capitibus usque ad oculum extorsionem constrinxerunt, clamantes pecuniam; quosdam quasi in torculari prælo presserunt; quibusdam carnes

„ forcipibus lacerârunt; genas, maxillas, poplites perterebrârunt; collo, manibus, pedibus, imò pudendis quosdam suspenderunt; virgines „ & fæminas, etiam ætatem non habentes usque ad mortem turpiter „ abusi sunt; prægnantibus ad uterum ignem tam diu applicârunt, donec „ in utero foetus videri poterat, & scætus & mater moreretur; juvenes & „ senes, majoris & minoris conditionis homines, tam Ecclesiasticas quàm „ sæculares personas sine differentia invaserunt, & multa millia innocentium crudeliter mactârunt, partim in „ arcibus occidentes, partim nobile „ gynæceum & liberos eorum planè „ denudantes; pauperes & divites, qui „ in augeas Danubii salvandæ vitæ suæ „ gratiâ confugerunt, milites iis adnavigantes omnes crudelissimè necârunt. „ [19.] Hæc omnia Imperatori scriptò A catholici status obtulerunt.

Ad quæ & ego aliquot exempla ex ore eorum, qui viderunt, addo; in villa enim villicaria in Edlhof villicum ad arborem penes puteum catenis alligârunt, & capite fune presso usque ad oculorum eruptionem pecuniam extorquere conabantur, deinde arborem farmentis suppositis & stramine incenderunt abeuntibus & relinquentes miserum cum arbore comburendum, cujus postea ossa in cineribus arboris inventa fuere. Alium item rusticum in arbore cerasa legentem iisque famem suam depellentem uti aviculum sclopetò petierunt, & globò trajecerunt, qui in bifido trunco hærens post aliquot annos repertus fuit. Simile ferme contigit in Motten pago, ex quo habitatores crudelitatem militum fugerant, Niedrum autem Monasterii miles cum socio eques Cremsium iter direxerat, & dum in dicto pago quandam domum pertransiret, olfecit carnes assatas seu assaturas & vocem audivit plorantis infantis, qui equum socio tradens domum illam sclopetis suis paratus intrans, invenit

venit super stramen mortuos virum & foeminam feminudos & sub latere & axillis combustos, in medio verò illorum sedentem puerulum plorantem, cujus misertus ille pallio suo involvit miserum, hyems enim erat, & ad proximum pagum uni rusticorum dedit alendum & ad suum redditum servandum. O spectaculum miserabile! Hæc itaque tam crudelia facinora domos & pagos desolatos fecerunt, unde in Monasterium Zwetlense non tantum ejusdem, sed etiam aliorum dominorum subditi tanquam in asylum fugerunt, ita ut nullus angulus, nullum tectum, nulla turris, nullus locus quamvis abstrusus sine homine, sine pecore, sine utensilibus vacuus inveniretur, unde factum, cum diu hic latere ob tyrannidem militum cogerentur, ut ipsis victualia deficerent, pecora etiam pabulo non dato exspirarent, & homines fratribus nondum maturis vscentes, & aquam bibentes dysenteriam sibi causarent, qua secundum computationem P. Jacobi, qui eos sepelierat, & numerari jusserat, ad quatuor millia hominum mortui fuerunt, quandoque in secularium cæmeterio in unam fossam, quinquaginta corporibus injectis. Militibus iter facientibus rustici ob carnificinam domibus relictis in silvas vel in loca tuta fugerunt, inde neminem in pagis invenientes domos incenderunt, plurimosque pagos ita combusserunt, ut Monasterium exiguum partem pa-

gorum integram retinuerit. Cujus desolationem D. Abbas Seifridus ad finem relationis damnorum sibi illatorum ita describit: „Demum, ait, quid per me, moratam belli tempestatem hoc triennio Monasterium miserum exantlavit, quid in solitis annuis redditibus, ut in carentia servitiorum, regalium, Cancellariæ proventuum, decimarum, & œconomix perdidit, quid in frumenti & vini cultura denegata, quid in desolatis vineis & agris, in combustis pagis, villis & molendinis amisit, & quod majus est, quid in amissione tot subditorum partim timore & terrore, partim horrenda militum latronum carnificinâ & tyrannide mortuorum. Monasterium sustinuerit, quæ immensa damna, quantam ruinam acceperit, neque conscribi possunt, neque estimari. „ [20.] Hæc ille. Et concludit ponens tantum summam notorum damnorum ad centum quinquaginta millia, trecentos, & triginta sex florenos excurrentium præter armamentarii ruinam, & evacuationem.

Demum D. Abbas pro vino in vineis colligendo miserat in Häderstorf, quia prædium Camern combustum fuerat, duos ex Conventu Fratres, nimirum F. Ægidium Langhammerum & F. Joannem Bapt. Liscrum, qui ab equitibus Moravicis ex Greitzenstain capti & illuc deducti, pro ducentis florenis rursus dimissi fuere. [21.]

## ADDITIONES.

\*[1.] Laurea Austriaca, lib. 4. hoc anno. Item Theatrum Europæum hoc anno.

Videtur hoc Jubilæum idem fuisse, quod Spondanus dicit Pontificem jam anno præcedenti indixisse; ita enim ibi n. 1. habet: „Anno Christi millesimo sexcentesimo decimo, nono, Indictione secunda Paulus Pontifex audiens quàm gravibus procellis Ecclesia Dei in Germania & vicinis provinciis agitaretur, ad implorandam opem divinam, tam pro illarum, quàm ceterarum regionum necessitatibus, Jubilæum universale indixit „ Idibus Januarii; quod ipse Romæ cele-

„bravit. „ Adeoque omnino aliud fuisse ab illo, quod hoc anno celebratum fuisse scribit Ciaconius, quem Compiler noster sequitur refutans relatos duos Evangelicos scriptores.

[2.] Ciaconius in Paulo V.  
[3.] Ex Laurea Austriaca & Theatro Europæo hoc anno.

[4. & 5.] Idem ibidem supra.  
[6. & 7.] Theatrum Europæum hoc anno:  
[8. & 9.] Idem & Laurea Austriaca.  
Ortelius Redivivus hoc anno.

Continuatio Calendarii Ederiani hoc anno.

Ggg ggg g

[10.] Cia-



[10.] Ciaconius sub Hadriano VI.  
[11. & 12.] Onuphrius Panvinius sub Hadriano VI.

[13. & 14.] Ex Theatro Europæo & Laureæ Austriacæ.

Spondanus hoc anno, n. 3. „ Octava  
„ die Novembris, celebritate Octavæ Omnium  
„ Sanctorum, quæ & tum erat Dominica vi-  
„ gesima secunda post Pentecosten, qua re-  
„ citatur in Officio divino Evangelium:  
„ Reddite Cæsari quæ sunt Cæsaris,  
„ prope Pragæ, eodem ipso loco quo Sta-  
„ tus Boëmici anno superiori accessito ad  
„ regnum Palatino obviabant; gravissimo ac  
„ memorabili prælio. (hortante præcipue  
„ P. Dominico à JESU MARIA Hispano,  
„ insigni Pietate & Zelo Religioso Or-  
„ dinis Carmelitarum Discalceatorum, qui  
„ attulerat Bavaro à Pontifice Ensem bene-  
„ dictum, & certatim victoriam promittente)  
„ quo pars Cæsariana non parùm fluctuavit,  
„ Palatinum fuderunt: qui Pragæ accepta  
„ uxore ac liberis, in Silesiam aufugit. &c.  
„ - - - - - Tributa est autem maxime  
„ victoria patrocinio Beatissimæ Virginis:

„ cuius Imagunculam pictam eum P. Domini-  
„ cus inter rudera cujusdam domus dirutæ  
„ casu reperisset, cui hæretici oculos fode-  
„ rant; ejus factâ ab ipso in procinctu præ-  
„ lii ostensione exercitui, adeo animati fue-  
„ runt duces militēsque in ultionem injuriæ  
„ factæ Virgini, ut victoriam retulerint. Un-  
„ de & dicta ea Imago Virginis de Victoria.  
„ Quæ postea delata Romam à Patre, cum  
„ pretiosissimis donariis Imperatoris & Ducis  
„ Baviaræ, publica solemnī supplicatione,  
„ magnò triumphò in Ecclesia Paulina ipso-  
„ rum Ordinis in monte Quirinali collocata  
„ fuit. Atque Imperator in similem gratia-  
„ rum actionem, eo loco, quem pugnatum  
„ est, magnificum templum sub invocatione  
„ S. Mariæ de Victoria construxit.

[15.] Ex Originali ipsorum.

[16.] Ex Copia literarum Abbatis.

[17. & 18.] Ex Relatione damnorum Mo-  
nasterii illatorum.

[19.] Theatrum Europæum hoc anno.

[20.] Relatio damnorum Monasterii  
Zweitenßi illatorum, & captorum ipsorum ore.

[21.] Ex literis.

**Ann. Christi MDCXXI. Monasterii CCCCLXXXIII.**

*Pont. Rom.*  
**Gregorius XV.**

*Imp. Rom.*  
**Ferdinandus II.**

*Archi-Dux Austria*  
**Idem,**

*Episcopus Pataviensis*  
**Leopoldus I.**

*Abbas Zweitenßis*  
**Joannes VII.**

**P**AULUS V. postquam multa bona &  
Ecclesiæ Romanæ & Christianita-  
ti contulisset, die vigesima octava Janua-  
rii Annò MDCXXI. suum Deo reddi-  
dit spiritum, sepultus primùm tempe-  
rariò tumultò in Vaticano, annò deinde  
evolutò in Ædem Liberianam trans-  
latus est. Huic successit electus 5. Idus  
Februarii Alexander Ludovisus ex Ar-  
chi-Episcopo Bononiensi Cardinalis  
Presbyter tit. S. Mariæ Transpontinæ  
à Paulo V. factus, post aliquot dies in  
Romanum Pontificem coronatus vo-  
cari voluit Gregorius XV. acceptaque  
Lateranensi possessione, ad pacandos  
Principes animum convertit, Ferdi-  
nandumque Imperatorem adversus re-  
belles hæreticorum acies tum expedito  
milite, tum pecuniâ juvit. \* [1.] De  
quo S. Malachias Hibernus: In tribu-

latione pacis. Pacem enim inire se-  
cit Hispaniarum Regem cum Sabaudia  
Duce, legatus tum ad eos missus.

In Imperio Romano nec dum pax  
assurgere volebat, Friderico Palatino  
querente occasionem belli reintegrandi,  
se de clade in Monte-Albo accepta vin-  
dicandi, Bohemiam recuperandi, co-  
piasque militares colligendi: hinc Fer-  
dinandus Imperator commotus ipsum  
Fridericum, Joannem Georgium Marg-  
grafium Brandenburgicum, aliàs Du-  
cem de Jägerndorf, Ducem Christia-  
num Analdinum, & Georgium Frideri-  
cum Comitem de Hohenloë, criminis  
læse Majestatis reos proclamari, & in  
Imperio undique publicari fecit. Con-  
tra prædictos autem executores consti-  
tuit, nimirum contra Jägerndorfium  
& Analdinum Duces, Electorem Sa-  
xonie;

xoniæ; contra Fridericum, Albertum Archiducem pro occupando Inferiori, & Ducem Baviaræ pro occupando Superiori Palatinatu; Episcopos verò Bambergensem & Herbipolensem contra Comitem de Alta-Flamma. [2.]

Comes interea Bucquius cum Cæsariano exercitu, occupatis prius in Bohemia nonnullis locis, in Moraviam movit, cujus proceres se protinus Ferdinando dederunt, cum præsidia sua undique ex Austria revocassent, sicut fuit Retzium & Cisterstorfium à Spethio Capiteo ipforum evacuatum, qui ad partes Cæsaris transiens, Ravenspurgum & Hohenaviam recuperavit, præterquam Greitzenstainam, quod castrum à Moravo milite aliquamdiu tenebatur & defendebatur. His in Moravia peractis, Bucquius Comes Viennam ivit, Imperatori octuaginta quinque vexilla hostibus erepta præsentavit. Saxonie Dux cum Principibus & Statibus Silesiæ transiens, eos quoque ad devotionem Cæsaris deduxit, acceptò ab ipsis nomine illius homagiò. [3.]

In Bohemia Pragæ perduelles etiam, qui sub directione Regni nova contra Regem suum legitimum Ferdinandum deliquerant, capti & carceribus mancipati fuere, defunctorum nomina deleta, absentes citati, pertinacium nomina patibulo affixa, cum reliquis captis quadraginta tribus personis undecimâ Junii, inter quos præcipui fuere Joachimus Andreas Schlickius Comes, Wenceslaus de Budowitz Senior, & Christophorus de Harrant, Directores Regni, Appellationis & Cameræ Præsides, executio peracta fuit, Judice nomine Imperatoris pro tribunali sedente Carolo Principe de Liechtenstain cum Assessoribus suis undecim, inter quos etiam numerantur Casparus Schwab & Paulus de Ello Doctores & Inferioris Austriæ in Excelso Regimine Assessores. Baro etiam Teuffenbachius Fridericus, qui militiæ Moraviæ Generalis erat, ex balneo captus, & Oeniponti jussu Leopoldi

Archiducis decapitatur, dans poenas pro Catholico Sacerdote innocenter usque ad mortem cruciati, aliisque ignominiosis orthodoxæ fidei cultoribus & damnis in Moravia illatis. [4.]

Ungari sub Bethlemo inquieti se rursus movebant, & in Moravia cum Cæsarianis aliquot prælia commiserunt, unde Comes Bucquius cum exercitu suo in Ungariam descendit, Posonium obsedit & occupavit, aliæque plurima loca cepit, deinde Neuheüß obsidione cinxit, illudque expugnare volens omnem adhibuit laborem, sed dum cum paucis loci situm obequitans considerat, repentina hostium eruptione circumdatur, & post sedecim vulnera accepta, quia jam equus ejus occisus fuerat, & pedes gladio suo se defendebat, lance transfoditur, & mortuus cadit Heros omni laude dignissimus. Hujus corpus exanime ab ejus milite raptum & Viennam deductum apud Mithores honorifice jussu Cæsaris sepelitur. [5.] Hic Monasterii Zwetlensis, in quod aliquoties diverterat, templum valde amavit, ita ut in eo sepeliri constituerit, si ex Ungaria redisset; Conjugi suæ Gracium Bohemicum relinquere, sibi verò Schwarzenaviam dominium, quod tunc fisco Cæsareo cesserat, & perduelli Struonni ereptum fuerat, comparare voluisset, quam artem Monasterio Zwetlensi pro sepultura legare se velle sæpe dixit, usufructuum ad dies vitæ suæ sibi reservato. Cæsariani post cædem Comitis etiam ante Neuheüß obsidionem solverunt, Bethlemum autem cum Jägerndorfio Moraviam invaserunt, quibus se Walsteinus Colonellus cum Cæsareo milite opposuit. Antequam verò cum ipsis congrediretur, Austriæ campos Marchfeldinos hostes igne & ferro devastabant, viginti pagos de nocte incendentes, ita ut incendia etiam Viennæ apparerent, nubibus colorem ignis præstantibus. [6.] Cisterstorfii tunc etiam suburbium facies Ungarorum in

cineres redegerunt, templi parochialis tectū simul a flamma consumptū, hominibus in civitatem fugientibus, quam intactam reliquerant. Ultra verò Danubium Budiani miles æquē hostiliter grassabatur, rapinis, cædibus, captivitatibus, & incendiis usque Viennam excurrrens, itā ut oppida & pagi centum & viginti Vulcano tradita & exusta numerarentur. Tandem Bethlemus Nicolsburgi pacis conditiones accepit. [7.]

Venio ad Monasterium Zwetlense, cujus Abbas D. Seifridus apud Excelsum Regimen supplex fuit, quatenus illi, qui contra rebelles declaratos aliquam haberent prætensionem, iussu Cæsaris infra certum temporis terminum illam producerent; dictus verò Abbas contra Georgium Eberbergerum rebellem declaratum (qui Monasterio suo damnum intulit multorum millium florenorum, prout eadem in numero & pretio sextā Martii hoc anno Excelso Regimini oblata fuere) habeat maximam prætensionem, itā sperare, se exclusum non fore; qui admisus fuit 15. Martii, & 3. Aprilis, Anno MDCXXI. [8.] Sed petita restitutio ad suum effectum vix est deducta, nihil enim invenitur.

Porro Cisterciensis res etiam non succedebat, sicut enim supplex Abbatidis Seifridi libellus Imperatori 26. Januarii, Anno MDCXXI. porrectus profert, quod quidem ab Erasmo de Landaw perduelli declarato parochia ibidem Monasterio violenter ablata, sibi per D. Joannem de Kollonitsch Baronem Commissarium cum omni jurisdictione sua restituta fuerit, virtualia tamen, sine quibus Vicarius vivere non potest, ex domo parochiali rapta adhuc in arce conserventur, quare eorundem quoque urget restitutionem supplici libello Cameræ Austriacæ 21. Octobris, Anno MDCXXI. tradito: cum verò mora traheretur, factum ut cum ceteris, vino, frumento, tritico, avena ad Landa-

vium spectantibus, à Commissariis com meatūs Cæsarei etiam ad parochiam, pertinentia virtualia auferentur, quæ octo millibus florenorum aestimabantur. Sicut etiam variè tentavit bonus Abbas apud aliorum rebellium bona confiscata partem aliquam in damni restitutionem recipere, sicut frumenti aliquot modios in arce Schwarzenawe sibi proxima addici, & in Ebenthal ad reparandam spoliata domum parochialem, in qua per biennium pro Cæsarianis panes cocti fuerunt, unum jugerum silvæ donari sollicitavit, vel etiam pecuniam octo millium florenorum recipere posset, literis aures intimi Cæsaris Consilarii D. Abbatis Cremphanensis pulfavit. [9.] Quæ tamen obtinuerit, nil prorsus invenitur.

Suprà quoque, Anno MDCXVII., mentionem feci de legatione Abbatis Seifridi Salisburgensis, verum illa debuit fuisse diversa ab ista sequenti, sicut ejus supplex libellus Cameræ Aulicæ porrectus docet, in quo petit sibi mille & centum florenos illos assignari, quos in itinere Salisburgum versus ex proprio desumptos consumpsit, cum ab Archiduce Leopoldo Episcopo Argentinensi & Passaviensi absente Imperatore Austriam gubernante uti Legatus mense Augusto, Anno MDCXIX. mitteretur, quos mutuò acceperat, unde à creditoribus suis valde molestat. [10.] Hanc pecuniam ipsi restituendam Imperator serò Cameræ Aulicæ demandaverat adhuc 4. Aug. Anno MDCXX. causam addens, quia ipse cum toto Monasterio suo ruinæ datus esset, nec haberet, unde vitam sustentaret. Imperatoris mandatum subscripsit Secretarius Aulæ Graplerus. [11.] Quid autem his suis legationibus effecerit, quæque earum causa fuerit, me latent. Effectum tamen habuit hæc ipsius petitio, quia pecunia ipsi soluta fuisse legitur.

Hic placet quoque miraculum huius temporis è vicino commemorare, quod mihi Admodum Reverendus, Nobilis,

bilis, ac Perdoctus D. Joannes Cammerlander, Artium & Philosophiæ Magister, Parochus Kirchbergæ ad fluvias communicavit, cujus placet textum referre : „ *Ædem, inquit, Beatissimæ DEI-Genitricis Natæ ad Hohenai-  
sitam, meæ incorporatam Parochiæ non populorum minùs ac peregrinantium ex omnibus propè non humus districùs duntaxat, verùm & remotioribus Bohemiæ partibus (ut mihi à pluribus fide dignis est relatum) olim voti, devotionis, ac religionis causâ in processionibus frequentissimis annuatim illuc confluentium frequentiâ, quàm etiam antiquitate & miraculorum ibi exhibitiorum multitudinem celeberrimam esse, Rev. Dominationi vestræ jam pridem innotuisse non dubito; erectum quippe esse Annò à Virgine Puerpera 1408. non tam Altare Summum inibi, verùm & Epitaphium ad ejus pedes situm, sicuti & miracula inibi patrata, ac censuræ Venerabilis Consistorii summorumque Theologorum Viennæ submissa, examinata, & approbata, tabulæ eorundem solenniter affixæ hodie dicto in loco etiamnum attestantur; unde & factum, ut majores orthodoxæ fidei nostræ toto hoc in circuitu ac vicinitate locum hunc summo honore dignum ducerent, frequentarentque religiosissimè. Quæ omnia pia molientibus obsistente pestifera hæreticorum labe sensim latius serpente, totam hanc nostram aliâsque vicinas occupante parochias, pedetentim collabi atque interire cepère. Quod autem quàm ægrè Numen divinum Ejusdemque Mater intemperata tulerit, signis manifestis, iisdem pluribus fati superque declaravit: è quibus hoc sequens haudquaquam est infimum. Dixi unam è secliarum proprietatibus esse impia suadere, dissuadere pia. Hoc ad templum prædictum luculentò ante triginta sep-*

tem annos, videlicet Anno 1621. in  
 festo Nativitatis, comprobârunt argu-  
 mento. Cum enim dicta die Bo-  
 hemi DEO, DEIQUE Genitrici vota  
 sua persolutori in processione (ex  
 quo verò loco non constat certè) il-  
 luc se frequentes sæpius conferrent,  
 ità ut Prædicantem, cujus nomen  
 Timotheus Textor erat, ministròs  
 que seu Ecclesiæ vitricos laborum  
 in aperiendis recludendisque illius  
 portis pertæderet: isti rem ad Prædi-  
 cantem, ille verò ad Illustrissimum  
 Dominum Ernestum de Kollonitsch,  
 dicti loci Patronum, in Religione  
 nostra planè alterum Saulum, dese-  
 runt, orantes submissè, quatenus  
 illos hisce eximere molestiis sua au-  
 thoritate, quietèmq; optatam fess-  
 sis conciliare dignetur. Accipat  
 præfatus Illustrissimus eorum petiti-  
 onem, modùmque ab illis eandem  
 in actum redigendi indagat. Tunc  
 Prædicans: Immittantur per fenestras, ait, qui portas Ecclesiæ intus  
 firmissimè obstruant, obserent, at-  
 que præmuniant, ità fiet, ut si ab  
 ingressu hoc modo prohibiti (nobis  
 post fructicem in abscondito latitan-  
 tibus, eosque observantibus) vim  
 portis intulerint, in pœnam Illustris-  
 simo incident; aut certè, si sese ex-  
 clusos viderint, spe sua fraudati abie-  
 rint, illos nos bene illusos exhibila-  
 tosque dimiserimus, deinceps non  
 amplius redituri, nullàque amplius  
 negotia molestiasque sint causaturi.  
 Placet consilium Illustrissimo, sunt  
 omnia de sententia consultoris, &  
 quidem in præsentia sæpe memorati  
 Domini tunc temporis Jaurini in  
 præsidio Supremi Locumtenentis,  
 tam solidè ac firmiter, ut firmius so-  
 lidiusque fieri haud potuissent, ipso  
 testante sæpissimè hisce formalibus  
 verbis: Die Kirchen-Thür ist der-  
 massen verpolwerckt und verrigelt  
 gewesen, daß wann man ein Pe-  
 thar daran gesetzt hätte, man zu  
 Hhh hhh h thuen

„ thuen wurde gehabt haben, daß  
 „ mans hätte aufgesprengt. Quibus  
 „ peractis post fruticetum juxta Sacel-  
 „ lum S. Annæ templo propinquum  
 „ sese subducunt sollicitè observantes,  
 „ reique eventum avidè expectantes.  
 „ Quibus sic latitantibus paulisper,  
 „ ecce subito superveniunt Parochiani  
 „ (uti verisimile est) ex Nagalitz Bo-  
 „ hemiæ pago, in processione piè psal-  
 „ lentes, atque ut fieri solet, templum  
 „ circumeuntes; ut ad obfirmatam  
 „ ædis sacræ januam perveniunt, per  
 „ apertam absque omni obstaculo,  
 „ mora, aut impedimento, inspectan-  
 „ tibus è latibulo suis insidiatoribus,  
 „ horum omnium ignari ingrediuntur.  
 „ Quo viso territus Illustrissimus Do-  
 „ minus Supremus Locum-tenens at-  
 „ que obtupefactus hac miraculi no-  
 „ vitate, equum mox conscendens ad  
 „ Prædicantem: Miraculum hoc est,  
 „ inquit, Domine Timothee. Cui ille:  
 „ Ne perterreat Illustrissimus hoc mi-  
 „ raculo; & dæmon potest, ait, pa-  
 „ trare miracula. Quo tamen facto il-  
 „ le quasi cælitus fulmine Sauli instar  
 „ tactus sese cæcum esse, & hæcenus  
 „ fuisse animadvertens, paulò post  
 „ Viennensem ingressus civitatem.  
 „ Ananiam querere, ac quid se post-  
 „ hac agere oporteat, à Doctissimis  
 „ quibusque, quibus sese associare  
 „ studebat, instrui volens, sedulò ad-  
 „ laborabat. Ac post quatuordecim  
 „ circiter dies Kirchbergam reversus,  
 „ paucis inibi diebus commoratus, rur-  
 „ sum se itineri accingit, specie qui-  
 „ dem remigraturus Viennam, revera  
 „ autem in Monasterium ad Reveren-  
 „ tissimum Dominum D. Abbatem.  
 „ tunc Seifridum Zwetlensem, uberiùs  
 „ pleniùsque ex sententia sua infor-  
 „ mandus perreçturus. Ubi tribus sep-  
 „ timanis hoc in negotio insumptis, fa-  
 „ cramentaliter ritè confessus & SS.  
 „ Synaxi munitus, domum huc ad suos  
 „ subditos regressus, publicè revoca-  
 „ vit errorem, & eum, cui hæcenus

„ innodatus erat, palàm heroicè est  
 „ confessus. Et sic ex Saulo perverso,  
 „ conversus factus est Paulus. Huic  
 „ historiæ fidem fecerunt non sæpe  
 „ dictus modò Illustrissimus Dominus  
 „ Locum-tenens tunc quidem Baro  
 „ adhuc, postea Comes Imperii crea-  
 „ tus in Comitibus Ratisbonensibus, qui  
 „ eandem passim cui vis propè familiari  
 „ enarrabat, suæque conversionis pri-  
 „ mariam causam extitisse affirmabat.  
 „ Tum etiam Christophorus Nöltel  
 „ tunc temporis hujus domini Præfe-  
 „ ctus, ac Joannes Kleibeisen Vena-  
 „ tor tunc existens, qui huic intere-  
 „ rant adioni, pluresque alii, omnes  
 „ jam defuncti. Quæ omnia, ut suprà  
 „ memini, recognoscenda, examinan-  
 „ da, ac confirmanda judicio Reve-  
 „ rendissimi Domini Officialis Bartho-  
 „ lomæi Kobolt totiusque Venerabilis  
 „ Consistorii submissi, à quibus & alio-  
 „ rum celebrium Theologorum cen-  
 „ suris subjecta, tandèmq; digna ab  
 „ omnibus habita fuere, quæ publicè  
 „ populo Catholico ad majorem de-  
 „ votionem erga Deiparam ejusdè-  
 „ que sæpe præstatam Ædem venera-  
 „ tionem in eo excitandam propone-  
 „ rentur, inque tabulas depicta affige-  
 „ rentur. [12.]

Cui addam alterum à fide dignis re-  
 latum, quod Domini de Kollonitsch con-  
 versionem præcessit; in Ungaria nam-  
 que ille Locum-tenens, ut vidimus Jau-  
 rini erat, qui cum milite suo contra  
 Turcas prædatores emissus, ipsos in quod-  
 dam templo & cæmitorio murò circum-  
 dato de nocte operiebat, illic enim  
 pertransire debebant. Dum autem di-  
 sposuisset excubias, quidam miles hæ-  
 reticus statuam Beatissimæ Virginis è  
 templo rapuit, & ex malitia secum por-  
 tans ad locum excubiarum, illam ad  
 murum posuit, dicens frivole ac nequi-  
 ter, ut etiam ipsa Maria pro se excubias  
 ageret. Quo facto ille mox cæcitate &  
 tanto oculorum dolore correptus ac  
 percussus est, ut eum ingenti clamore  
 pro.

prodiderit. Ejus commilitones excitati accurrunt, causam ab eo sciscitantur, perducunt ad Locum - tenentem in templo cubantem, cui adhuc hæretico, dum causam aperuisset miser ille, jussit ut protinus statuum suum in locum reportaret, qua deposita quam primum & visum recepit & dolores evanuerunt. Hoc viso miraculo in Catholicam Religionem animo cæpit esse mitiori. [13.]

Actus vero conversionis illius, quia solennis, ideo memorabilis esse debet; postquam tribus septimanis in Monasterio Zwetlensis Dominus de Kollonitsch in Religione orthodoxa bene instructus fuisset, Abbas Seifridus Pontificalibus indutus dictum Dominum dextrâ ducens & sinistrâ baculo pastoralis januam percutiens, ipsum in templum ad Summum Altare deduxit, inspicente frequenti populo; Præpositus enim Zwetlensis per suum Vicarium processionem huc instituerat, locatus ille in sede sua post Evangelium clara voce & vernacula lingua professionem fidei ad manas Abbatis sub insula sedentis publicam fecit, cum tali affectu eam proferens, ut multis astantibus è ministris & populo lacrymas excussit. Sacro solenni usque ad communionem perducto ille devotissime pri-

ma vice Catholico ritu Sacram Eucharistiam sumpsit. Qui Kirchbergam suam repetens nihil prius habuit, quam ut subditos suos suæ esse fidei desideraverit. Inde ipse in arcem convocatis suam conversionem proposuit, petens idem illud facere debere, si sui subditi manere vellent, alioquin ipsis migrandi aliò licentiam liberam fore, prius tamen illis laudatissimum sermonem fecit, quo vix unus parochus meliorem proferre potuisset, unde factum, ut plurimi se fore post instructionem Catholicos declararint, quos uti filios, non subditos se amare promisit, ceterum pauci pertinaces post cordis sui duritiam abierunt. Prædicantem paulò post abiecit, & ab Abbate Seifrido Cœmeterium (in quo quidam Prædicans cum uxore sua & liberis sepultus jacebat) in oppido Kirchberg ad templum parochiale situm reconciliari fecit, providitque pro presbytero Catholico ad animas lucrandas apto, quoniam omnes cives oppidi hæreseos labe infecti erant, sed suum sequentes Dominum successivè conversi. Sacellum etiam arcis vestibibus sacris, calicibus aliisque ad ritum Catholicum necessariis adornavit &c. [14.] Atque hæc de Conversione sufficiant.

## ADDITIONES.

\*[1.] Ciaconius sub Paulo V. & Gregorio XV.

Item Spondanus hic n. 1.

[2. & 3.] Theatrum Europæum hoc anno.

Spondanus hic n. 4. „ Ferdinandus Cæ-

„ sarvigessimò secundò Januarii Palatinum ac

„ Principes Correspondentes, publicis edi-

„ dis proscript. &c. Post quæ Moravia per

„ Bucquoium, Silesia per Saxonem ad obe-

„ dientiam ejus reducæ sunt: & Hispani rur-

„ sum multa loca in Palatinatu occuparunt.

„ Ac miser Palatinus ex potente Principe Ele-

„ ctore, & factio Rege Boëmæ, nudus

„ factus profugus, post longos circuitus,

„ tandem pervenit cum uxore in Hollandiam,

„ victum ibi à Statibus, & à Socero Rege

„ Angliæ (ab eo tamen accessu insulæ pro-

„ hibitus) emendicare, & intercessionem tam

„ ejusdem Soceri, quam Daniæ Regis, atque

„ Isabellæ Hispanæ Principis Belgii, apud Cæ-

„ sare implorare coactus. Principes reli-

„ qui, ac Civitates correspondentes, dissolu-

„ to fœdere inter se contracto, Cæsari recon-

„ ciliati sunt: operâ potissimum Joannis Suic-

„ cardî Archiepiscopi Electoris Moguntini,

„ qui ab ipso horum motuum Germanicorum

„ ortu egregiam navavit operam Religioni &

„ Reipublicæ.

[4. 5. 6. 7.] Theatrum Europæum ubi su-

„ præ, & monumenta Monasterii.

[8.] Ex copia literarum.

[9.] Ex actione contra Landavium.

[10.] Ex copia literarum.

[11.] Ex Originali.

Hhh hhh h a

[12.]

[12.] Ex literis ejusdem Originalibus.  
[13.] Ex ore famulorum ejus ibi præsentium.

[14.] Hoc partim ex Annotationibus, partim ex relatione Religiosorum tunc præsentium.

## An. Christi MDCXXII. Monasterii CCCCLXXXIV.

*Pont. Rom.*  
Gregorius XV.

*Imp. Rom.*  
Ferdinandus II.

*Archi-Dux Austriæ*  
Idem.

*Episcopus Pataviensis*  
Leopoldus I.

*Abbas Zwettlensis*  
Joannes VII.

**P**ontifex hoc anno quarto Idus Martias sequentes in Sanctorum catalogum retulit, pro quorum canonizatione apud Antecessorem suum diu laboratum fuit, nimirum Ignatium Loyolam Societatis Jesu fundatorem, socium ejus Franciscum Xaverium Orientalium Apostolum, Philippum Nerium Congregationis Oratorii Authorem, & Ilidorum Hispanum. \* [1.] Quorum festum solennissimè celebratum, præsertim Madriti in Hispaniis, sicut etiam Viennæ Austriæ solennes processiones præsentem Imperatorem cum aula universâ institutæ fuere, imaginibus Sanctorum undique expositis & circumlatis.

Generalis Ligæ Catholicæ Tillius Heros invidiosissimus & piissimus tertium victoriæ ab Heidelbergâ Friderici Palatini residentia quærens, illam arctissima obsidione cinxit, oppugnavit fortiter, feliciter expugnavit decimâ Septembris hoc anno. In qua miles ejus ingentes opes obtinuit & spolia multa, præter cetera Bibliothecam Palatini excellentissimam, quam Imperator Summo Pontifici Gregorio dono dedit, & Romanam misit. [2.]

Patribus Societatis Pragæ apud S. Clementem in veteri civitate habitantibus tradidit quoque Imperator Academicam aliâs Collegium Carolinum dictum à Carolo IV. Imp. fundatum. Cui quondam Rector præfuit Doctor Joannes Jessenius à Jessen Medicus, qui contra juramentum suum Ferdinando Regi præstitum, & contra Domum Au-

striacam in Commissionibus se indeffessum exhibuit adiutorem, erat enim excellens Orator: unde in executione Annò 1621. Pragæ suscepta, ille quoque reus inventus & condemnatus ad linguæ excisionem & vivus ad quadripartitam corporis sectionem, ex gratia tamen Imperatoris primùm ipsi viventi lingua excisa & caput detruncatum, fuit, postmodum ante portam versùs patibulum in quatuor partes corpus dissectum & affixum ejus fortunam demonstravit, infidelitatis nimirum mercedem & perduellionis ejusdem Bohemis in exemplum dignam retributionem, qui in errore suæ hæreseos pertinaciter ex hac vita discessit. [3.]

Obtinuerunt etiam hoc anno 21. Octobris præfati Patres Universitatem Viennensem hæcenus à Sæcularibus possessam, de cujus donatione, sicut & de aliis Dominus Paulus Pörsius S.S. Theologiæ Doctor, & Decanus Mistelbacensis Abbati Seifrido in Zwettl frequentia perscribit: „ Quòd Parochiæ „ Cisterciensibus per substitutionem „ moderni Pastoris, Viri boni & à „ rochianis multum laudati bene sit „ provisum; sperare se, ait, quòd „ magnos fructus cum scenore faciet, „ eò quòd non sint ampliùs malefani „ Prædicabiles, qui zizania nostræ „ messi immittant. Magna spes est, „ futurum aliquando, ut & ille, qui „ clavum præfati oppidi tenet, ad „ stram salutiferam Religionem „ convertatur. Ut ut tamen sit, dedit ille „ à Teuffenbach Reversales de non „ haben-

„ habendo nec pro se nec subditis in  
 „ toto suo districtu Prædicante, quas  
 „ Dominus ab Hoyas mihi nuperrimè  
 „ porrexerat legendas. De Itinere Im-  
 „ peratoris multi multifariè asserunt,  
 „ & est (nescio, an veridicus) rumo-  
 „ sculus, brevi eundem re infecta redi-  
 „ turum, exinde quòd Electores Saxo-  
 „ & Brandeburgicus repentinam re-  
 „ formationem in Bohemia in causa  
 „ Religionis sinistrè interpretentur,  
 „ ideòque venire recusent. Hic quo-  
 „ que Viennæ mirabilis metamorpho-  
 „ sis circa nostram antiquissimam Aca-  
 „ demiam, quam Patres Societatis  
 „ (uti ex adjacente diplomate Cæsareo  
 „ videre est) impetrârunt, omnibus  
 „ Academicis contradicentibus & so-  
 „ lennissimè contrâ protestantibus &c.  
 „ Viennæ, 15. Novembris, Anno  
 „ 1622. „ [4.] Diploma modò ci-  
 „ tatum Cæsareum est, uti sequitur: Re-  
 „ solutio Cæsareæ Majestatis ita est, ut  
 „ Collegium Patrum Societatis Jesu Vien-  
 „ nense ibidem Universitatem in perpe-  
 „ tuum absque ulla immutatione & re-  
 „ vocatione possidere, eadèmq; Colle-  
 „ gio unita & incorporata esse & perma-  
 „ nere debeat &c. Demum Cæsar omnia  
 „ privilegia & immunitates Universitatis  
 „ tollit, abrogat, & irrita facit, quæ  
 „ ipsum in hac introductione aut impe-  
 „ diunt, aut quibus Universitas se defen-  
 „ sam putat. Statuit etiam, ut omnes  
 „ illæ personæ ad gradus in Pragensi,  
 „ Græcensi, Olomucensi, aut aliis à suis  
 „ Majoribus & Progenitoribus Fundato-  
 „ ribus erectis aut confirmatis promotæ,  
 „ tales in hac Viennensi Universitate ha-  
 „ beantur & nominentur. Ad hujus ef-  
 „ fectum Commissarios Cæsar ablegavit  
 „ sibi à Secretis præclaros Dominos, D.  
 „ Leonardum Hölkreiffel, Comitem de  
 „ Meggaw, Prætoris Inferioris Austriæ  
 „ Locum-tenentem, & D. Joannem Ru-  
 „ pertum Hogenmüller in Regimine In-

ferioris Austriæ Cancellarium, ut ante  
 discessum adhuc suum decretum hoc in  
 effectum deducant. Actum Viennæ 21.  
 Octobris, Anno 1622. [5.]

Ex suprà allatis Decani Mistelba-  
 censis literis habemus, quòd parochia-  
 ni in Cisterstorf adhuc hæreseos Lu-  
 theranæ labe infecti fuerint, quibus ta-  
 men cum tali parochio provisum sit,  
 qui animas Christo lucrari sciat. Deinde  
 Baro Teuffenbachius, cui dominium  
 illud olim ad Landavium perduellem  
 spectans, modò fisco illatum, & à Cæ-  
 sare dicto Baroni ob fidelia sua sibi  
 cum legione præstita servitia donatum  
 fuerat, adhuc Lutheranus extitit, cum  
 spe tamen conversionis dedit Reverfa-  
 les de non suscipiendo aut alendo Præ-  
 dicante, qui postmodum Catholicus  
 factus Cives etiam suos ejusdem fidei  
 esse voluit. De itinere Cæsaris ad Col-  
 legialem diem Ratisbonam suscepto ve-  
 ra sunt, quæ scribit, nam ad Saxonem  
 Dresdam omnes illi puri putique verbi  
 Ministri Pragâ editò Cæsareò elimina-  
 ti se contulerunt, eique statum suum &  
 religionis suæ in Bohemia profligatio-  
 nem depinxerunt, unde Elector con-  
 sternatus ad Conventum Ratisbonen-  
 sem, quod tamen antea promiserat,  
 venire recusavit, de qua reformatione  
 tamen Imperator Ferdinandus eidem  
 rationem sufficientem transmisit. [6.]  
 Quam postea belli ejusdem causam  
 fuisse arbitror. Hæc ex literis dictis.

Demum Eleonoram Mantuanam,  
 quam hoc anno Ferdinandus Impera-  
 tor duxerat, 26. Julii, in festo S. Annæ  
 Oedenburgæ in reginam Ungariæ co-  
 ronari fecit, quam talem 19. ejusdem  
 mensis Ungariæ procures de Senatoria  
 domo elegerunt & proclamârunt, voci-  
 ferantes per fenestram ad populum  
 astantem: Vivat Eleonora. [7.] Hæc  
 Viennâ Abbati Seifrido perscripta fue-  
 runt 21. Julii, Anno 1622.



# ANNALES AUSTRIO- ADDITIONES.

\*[1.] Ciaconius sub Gregorio XV.  
Laurea Austriaca hoc anno.  
Item Spondanus n. 1. addens S. Theresiam V. Fundatricem Carmelitarum Discalceatorum.

[a.] Theatrum Europæum hoc anno.  
Spondanus ubi suprà n. 6. „ Mensibus  
„ Januario & Februario visa sunt diversis locis Germaniæ varia signa in aëre; cœlum  
„ igneum; tres soles in iride; luna radiis circumdata, & in medio eorum Crux atrii  
„ coloris non vulgaris magnitudinis, quæ spectatim supra Heidelbergam Palatinatûs urbem  
„ 18. Februarii apparuit. Qualia phænomena Catholicorum armis fuere præfaga  
„ secundorum eventuum. Quippe non multo post obfessa Heidelberg a Tilio egregio  
„ copiatum Bavaricarum ductore, vi capta est Septembri mense. Asservabatur ibi  
„ celeberrima Bibliotheca Palatina; quam volunt confectam fuisse ex omnium bibliothecarum  
„ ecclesiasticarum & Monasteriorum antiquorum illius provinciae expilatione. Cujus  
„ modò libri cum promissi fuissent Paulo Pontifici in augmentum Vaticanæ, contigit meliores ferè à diversis diripi; partem deferri  
„ Romam, sed imperitiâ ejus cui hæc cura demandata fuerat, librorum numerò longè quàm bonitate copiosorem.

„ N. 7. Facti quoque fuerunt varii militum delectus pro Palatino extorres restituendo, ab Ernesto notho Mansfeldio, à Christiano Brunsvicensi Episcopo Halber-

„ statensi Protestante, à veteri Marchione „ Durlaco & Badensi. Ad quos Palatinus è „ Belgio per Galliam & Lotharingiam incommittatus & fisco habitu penetrans, multa cum iis molitus est: sed variis cladibus affecti, Germaniam deferere coacti sunt; & Palatinus primò Sedanum se recipiens, inde Hollandiam repetiit. Mansfeldius per Lotharingiam iter capiens in eo fuit, ut Galliam ingrederetur, sollicitatione hereticorum interim dum Rex occupatus esset in Occitania. Sed Duce Nivernensi Campaniæ Præfecto copias contra eum colligente; maluit aleam subire prælii contra Gonzalem de Corduba ducem copiarum Hispanicarum, qui ejus vestigiis inhærebat, atque iter ei in Belgium præcludere deliberaverat. Inito gravissimò præliò apud S. Amandum & Floreacum in Comitatu Namurcensi 29. Augusti, Mansfeldius majorem partem copiarum amisit, cedente victoria Hispanis. Transiit tamen ipse inco-lumis; & cum reliquis exercitus trajecit Rheno in Westphaliam se recepit: infinitis ubique damnis & sacrilegiis patrat; qualia spurium decebant, & hæreticum.

[3.] Theatrum Europæum ubi auper.  
[4.] Ex Originalibus ipsius.  
[5.] Ex Copia literarum.  
[6.] Theatrum Europæum cit. loco.  
[7.] Idem Theatrum Ibidem, & Laureæ Austriacæ.

Item Ortelius Redivivus hoc anno.

An. Christi MDCXXIII. Monasterii CCCCLXXXV.

Pont. Rom.  
Gregorius XV.

Imp. Rom.  
Ferdinandus II.

Archi-Dux Austriae  
Idem.

Episcopus Pataviensis  
Leopoldus I.

Abbas Zwetlensis  
Joannes VII.

Sustulit hoc anno Gregorium XV. Pontificem octavò Idus Julias febris acuta cum podagra conjuncta in Quirinali, cujus corpus plumbeo sarcophago inclusum in Vaticano sepultum fuit. Cui electus successit sextà Augusti Maphæus Barberinus Florentinus, Archiepiscopus Nazarenus, Presbyter Cardinalis tit. S. Petri in Monte-Aureo, vocatus Urbanus VIII. \*[1.] De quo B. Malachias Hibernus: Lilium

& rosa. Ea die, qua electus fuit Urbanus, Halberstatensis Pseudo Episcopus Christianus Dux Brunsvicensis, Catholicæ Religionis hostis à Comite Tilio victus fugatusque fuit. [2.]

Ratisbonæ Ferdinandus Imperator Electorum Principum Conventum celebrans, memor laborum pro fide Catholica & Domo Austriacæ exantlatum Ducis Bavarie Maximiliani, cum consilio dictorum Principum cum remunere.

munerare volens, ipsi tradidit Electoratum Palatinum, ut esset Dapifer Imperii cum aliis prerogativis Electoralibus, & habitis caeremoniis eundem in Palatinatu stipulata manu autoritate Cæsarea confirmavit, eidemque congratulatus fuit. [3.]

Auctor deinde Theatri Europæi etiam contra reformationem in Bohemia coeptam murmurat, utpote Lutheranus & ipse, vocans reformationem à Religione Evangelica defectionem; & illos vituperat, qui pro gratia Imperatoris vel conservanda vel obtinenda, ne gravibus multis pecuniarum onerentur, aut penitus solum vertere cogantur, à fide Evangelica deficiunt, & ad Papatum, uti vocat, transeunt. [4.] Inter quos etiam nominat Rudolphum Baronem de Teufsenbach Colonellum, qui Cisterstorum dominium possidebat, Catholicæ postea fidei fervens Zelator, qui secum semper habuit pro Confessario Patrem unum de Societate, & apud suos civis instituit, ut Catholicam susciperent

Religionem Lutheranâ abjuratâ, cujus etiam voluntati se illi accommodarunt, qui parochiæ ibidem ad Zwetlense Monasterium spectanti subsunt.

Dominus Seifridus Abbas P. Georgium Fernstorfer Professum suum in aliud Ordinis nostri Monasterium hospitandi gratiâ dimittere coactus fuit, ob causam damnorum tam subditis quàm ipsi Monasterio à milite tam Bohemo quàm nostrate illatorum, ac etiam ob penuriam rerum omnium extremam. Datum harum est ultima Octobris, Anno 1623. [5.] Hic non obscure indigitat bonus Abbas famem huius anni, quæ ex frugum raritate nata fuit, [6.] unde etiam coactus mutuum conquirere pecuniam, à D. Abate Götvicensi affine suo quindecim millia florenorum in moneta nova (vulgò in der langen Münz / quando imperialis decem, & aureus viginti florenos valebat) accepit cum fœnore reddenda, ut se, paucos Religiosos, & familiam necessariam sustentare possit.

## ADDITIONES.

\*[1.] Ciaconius sub Gregorio XV. & Urbano VIII.

Laurea Austriaca lib. 7.

Spondanus hic n. 11. „ Mortuus est „ die octavo Julii Gregorius Pontifex, ætatis annò septuagesimò, Sedis secundò, „ mense quinto. In cuius locum à quinquaginta quatuor Cardinalibus in conclavi existentibus, creatus est sextò Augusti, „ festò Transfigurationis Christi Maphæus Barberinus, nobili & antiquâ familiâ Florentinâ, Antonii & Camillæ Barbadoræ filius: qui eximiâ doctrinâ, ac plurimum nobilium munerum prudente exercitio, atque illustrium legationum sagaci functione, „ viâ sibi ad Cardinalatum, quo à Paulo V. decoratus est, factâ; Pontificatum pietatis in Deum, munificentiâ in pauperes, aliarumque virtutum tanto munere dignarum solida existimatione adeptus est, annò vitæ quinquagesimò quintò; sumpto nomine Urbani VIII. & Symbolo ex Psalmo „ 25. *In Domino sperans, non infirmabor.* Coronatus tandem vigesimo nonò Septembris

„ die festò S. Michaelis, quòd interim ægro- „ tasset nonnihil.

[2.] Ciaconius suprâ citatus sub Urbano VIII.

Continuatio Calendarii Ederiani hoc anno.

[3.] Theatrum Europæum hoc anno: Laureæ Austriacæ lib. 7.

Spondanus hic n. 3. „ In Comitibus Ratisponensibus Ferdinandus Cæsar post multas Principum Protestantium de iuribus Imperii & Electorum oppositiones, & dubias Catholicorum sententias; dignitatem „ Electoralem Friderici Comitis Palatini & exregis Boëmici, ob ejus rebellionem, & delicta in contumeliam Imperii & Imperatorum, transulit in Maximilianum Bavarie Ducem apprime Catholicum, qui fidelem operam in omnibus Imperatori præstiterat. &c.

„ N. 4. Cùm autem ob ejusmodi Electoratus translationem magni motus à protestantibus fierent, & Mansfeldius atque Halberstatensis, de quibus anno superiori, ar-

„ma circumferrent: contigit ut Tillius copia-  
 „rum Cesarearum ductor cum Halberstatensi  
 „congressus sit sexto Augusti apud Statloun  
 „magno præliò; quo hostium sex millia cæ-  
 „sa sunt, quatuor millia sese dederunt,  
 „ceteri magno numero captivi, læsi ac fu-  
 „gati sunt: repertis inter captivos tribus  
 „Ducibus, quatuor Comitibus, sex tribunis,  
 „& centum militum ducibus, cum ducentis  
 „signiferis ac magni nominis ministris: ut  
 „expressum reperimus in quadam relatione  
 „Episcopi Aversani, tunc Nuntium Aposto-  
 „licum in Germania agentis. Halberstaten-

„sis fugâ sibi consulit; amissis insuper duo-  
 „decim tormentis bellicis, totoque exerci-  
 „tûs apparatu. Reperta sunt in campo quæ-  
 „dam armorum genera, in quibus duæ istæ  
 „literæ inscriptæ erant P. F. significantes,  
 „ut dicebant, Germanicè *Psaffen, Feind /*  
 „hoc est, Sacerdotum hostis.

Continuatio Calendarii Ederiani hoc an-  
 „no, „Bethlemius violato pacis juramento  
 in Moraviam & Austriam irrumptit.

[4.] Theatrum suprâ citatum.

[5. & 6.] Ex literarum copia.

## An. Christi MDCXXIV. Monasterii CCCCLXXXVI.

*Pont. Rom.*  
 Urbanus VIII.

*Imp. Rom.*  
 Ferdinandus II.

*Archi-Dux Austriae*  
 Idem.

*Episcopus Pataviensis*  
 Leopoldus I.

*Abbas Zwettlensis*  
 Joannes VII.

**C**olonellus Esterhâsus feliciter pu-  
 gnavit contra Bethlemum, à quo  
 cepit aliquot Turcas, inter quos duo-  
 rum Bassarum filii, & unus Imperatri-  
 cis cognatus fuere, hos Viennam ve-  
 niens obtulit Imperatori Ferdinando,  
 & secum attulit quinque camelos, qua-  
 tuor mulos, & tres equos egregios, tri-  
 ginta quinque vexilla, quorum unum  
 talem habuit superscriptionem: **Ma-**  
**hometo & Christo DEO.** Captivi  
 tamen eidem redditi ex eo, quòd Beth-  
 lemus omnes suos captivos Cæsaria-  
 nos occidere minaretur, nisi Turcæ  
 captivi liberi dimitterentur. \* [1.]

Viennæ interea agente Doctore,  
 Kellero parochio apud S. Michaëlem,  
 quia unâ cum duobus Patribus Societa-  
 tis quendam Prædicantem infirmum  
 personam sub utraque communicare vo-  
 lentem in civitate in quadam domo de-  
 prehenderant, eidemque calicem ab-  
 stulerant, Ferdinandus Imperator omni-  
 bus Prædicantibus Viennâ interdixit:  
 & paulò post etiam Magistratus Vien-  
 nensis civibus utriusque sexûs in Her-  
 nals ad exercitium Lutheranum excur-  
 rere sub pœnis certis prohibuit. Quem  
 imitata Universitas ibidem omnibus

Doctoribus sive Juristis, sive Medicis,  
 aut cujuscunque facultatis Magistris,  
 Nobilibus, Licentiatis, Baccalaureis,  
 Procuratoribus, Studiois, viduis etiam,  
 & Typographis, Librariis, Pharmaco-  
 pœis, & quibuscunque aliis distæ Uni-  
 versitati subiectis membris sub gravi  
 pœna etiam vetuit, ne præfatorum ali-  
 quis ad exercitium religionis Augustanæ  
 infra vel extra Viennam, sive in Her-  
 nals, sive in alia loca se conferret, seu  
 ab ejusmodi Ministris baptismum aut  
 copulationem peteret. Contra quæ  
 edicta quidem & statuta proceres Aus-  
 triæ Inferioris Acatolici scriptò apud  
 Imperatorem institerunt, ut cassarentur,  
 tanquam in perditionem animarum  
 suarum edita & æternam sibi salutem  
 tollentia: quibus tamen Ferdinandus  
 respondit contrarium, & in sua senten-  
 tia constans permansit, imò potius Re-  
 formationem Religionis ceptam ser-  
 venter prosecutus, (ubi perceperat,  
 quòd diverforum opificum discipuli &  
 famuli nihilominus in copia Hernals  
 exercitii Lutherani causâ pertinaciter  
 adirent, & si impederentur, Viennam  
 relinquere minarentur) Prædicantes  
 etiam ex Hernals edictò publicatò

aman-

amandavit, & ex provincia ejecit, [2.] qui sicut scribit D. Seifrido Abbati Monasterii nostri Advocatus Christophorus Scholtz, tubam instant, & fugam maturant, turbam suam Lutheranam à juramento absolventes, nè imposterum contra Magistratum Religionis ergò insurgant, nè ipsis fiat, uti aliis in bello rusticorum quondam factum fuit: mechanicos servos, ait, contra edictum Cæsareum centenos, gladiis & sclopetis sub palliis armatos ad conciones in

Hernals excurrisse, quod causavit Prædicantium proscriptionem. Idem etiam scribit, quòd hodie sit novum edictum affixum, nè ullus Juristarum aut hominum illorum dictum ad locum excurrat, sub dato Viennæ 14. Septembris, Anno 1624. [3.]

Simili modo Pragæ, ejectis prius puti purique verbi Ministris, templa Lutheranorum tam Patribus Societatis quàm Carmelitis ab Imperatore traduntur gementibus hæreticis miseris. [4.]

## ADDITIONES.

\* [1.] Theatrum Europæum hoc anno.

Laurea Austriaca lib. 8.

Ortelius Redivivus hoc annò.

[2.] Theatrum suprâ citatum.

Continuatio Calendarii Ederiani hoc anno.

[3.] Ex literis ejusdem Originalibus.

[4.] Theatrum Europæum ubi suprâ.

An. Christi MDCXXV. Monasterii CCCCLXXXVII.

*Pont. Rom.*  
Urbanus VIII.

*Imp. Rom.*  
Ferdinandus II.

*Archi-Dux Austriæ*  
Idem.

*Episcopus Pataviensis*  
Leopoldus I.

*Abbas Zwetlensis*  
Joannes VII.

**S**UMMUS Pontifex Urbanus VIII. hoc anno aperuit auream portam Jubilæi, quod jam ante annum 29. Aprilis Romæ publicari fecerat, & constituit, ut qui Romam incoherent, triginta continuis diebus tres Ecclesias, nimirum S. Joannis Lateranensis, SS. Petri & Pauli Apostolorum, & S. Mariæ Majoris visitarent, & pro incremento S. Rom. Ecclesiæ, pro Concordia Principum Christianorum, pro salute tam sua quàm totius Christianitatis orarent, illi plenariam omnium peccatorum suorum indulgentiam consequerentur. Quod etiam Viennæ Austriæ solenniter celebratum fuit, & templa visitanda assignata, nimirum S. Stephani, Scotensis, & S. Hieronymi. Quæ cum devotione & ædificatione populi Ferdinandus ipse Imperator cum Imperatrice, Liberis, & Aula frequentavit, ac etiam processioni instituit per dicta templa interfuit. [1.]

Præcedenti anno Imperator Prædicantes ejecerat ex Austria Inferiore, hoc verò etiam illos ex Austria Superiore proscripsit mandato, quod ex parte asferre placet; cum in eo perduellium acta referantur, videlicet: Omnibus notum esse, qualiter aliqui ex tribus Statibus Dominorum, Equitum & Civium Austriæ Superioris contra se hæreditarium suum Dominum & Principem absque data illis causa deliquerint, quas in proxima rebellione hostilitates, bellicos tumultus & insurrectiones publice exercuerint, præsertim sibi debitum homagium præstare denegaverint, provinciæ administrationem arripuerint; Cameræ proventus & bona invaserint; diversas cum diversis rebellibus prohibitas confederationes invenerint, propria autoritate edicta, convocationes, occupationes finium, domorum & arcium fecerint, infra Anasum Rapotensino castro præsidium milite suo imposuerint, Monasterium Mellicense ob-

Kkk kkk k

fede-

federint, & tormentis verberârint, Ipsum Oppidum & varias parochias spoliârint, rebellibus Bohemis & Moravis contra suam Majestatem unam legionem trium millium peditum & aliquot signa equitum submiserint, Inferioris Austriæ perduellibus in provincia conscribere milites, diversoria, & delectum habere permiserint, eis providere, pecuniarum summam ingentem contra suam Majestatem dictis Statibus numerare ausi fuerint, rebellibus in Bohemiam commeatum & munitionem sufficientem miserint, à Principe Transylvaniæ auxilia contra se Imperatorem petierint, ipsum adhortati sint ad Ungariæ coronam suscipiendam & Stiriam invadendam, legatos ad Ungaricam electionem destinârint, novo illi electo æquè ut antea Palatino coronato in Regem Bohemiæ congratulati fuerint, apud omnes perduellium consultationes Pragæ, Posonii, Brunæ, Hornæ, Rhetii, Neosolii & alibi legatos suos habuerint, unâ cum confœderatis singularem ad Turcam delegârint, Statum integrum supra Anasum extirpare contenderint, imò etiam dominium externum suscipere intenderint: unde non tantum Domui Austriacæ excidium, sed etiam vicinis Electoribus & Principibus suarum provinciarum perturbationes, expensas, timores, & labores causârint, sicut etiam totum Romanum Imperium inquietârunt, multorum millium pauperum cædibus & ruinâ defœdârunt, Rempublicam Christianam exagitârunt, provincias spoliis & incendiis devastârunt; quare præfatos rebelles à se Imperatore crimine læsæ Majestatis condemnatos fuisse, omnia privilegia per hoc, vitam, & bona sua amisisse, ac proinde ad conservandum suum Archiducatum Austriæ Superioris, ad manutenendam suam Authoritatem & Domus suæ reputationem coactum fuisse, Serenissimo Electori Baviaræ Duci Maximiliano in dictos reos executionem ultimam de-

mandare, quam etiam ille profecutus fuit. Similiter manifestum esse, quod ad dictam rebellionem & tumultum excitandum Prædicantes non minima causa fuissent, qui undique ex cathedris publicis ad inobedientiam, ad animorum aversiones & exacerbationes adversus dominos & magistratus suos tubam infârint, neque inde desistere sed potius effrontes sanctam & solam salutiferam Religionem palam diffamare, profcindere, ac proclamare contenderint.

Eapropter sua Majestas tales transgressores & malorum omnium incentores in suo Archiducatu Superioris Austriæ se minimè pati decrevisse, sed ut omnes & singuli Prædicantes cum omnibus suis infra octo dierum spatium ex tota provincia emigrant, sicut etiam ejusdem farinæ ludimoderatores eorum exirent, hoc decreto severè se demandare, alioquin Prætor-prætorii Adamus Comes de Herberstorff jam in mandatis haberet, ut tales non parentes imperio suo dignis pœnis afficeret, non tam in bonorum ipsorum confiscatione quàm etiam in corporali afflictione ad terrorem & exemplum aliorum. [2.] Dura hæc Austriacis visa conditio, percussisque teli instar eorum pectora. Ad Imperatorem ergo supplices direxere literas, postulantes, ut Cæsarea Majestas nonnihil de rigore illo mittere, & intolerabile mandatum revocare dignaretur. Legit supplicam Ferdinandus, non approbavit, constantiam suæ voluntatis apertè professus. Mandatum desuper datum 10. Octobris, Anno 1625. [3.]

Post ejectionem pastorum Lutheranorum seu Prædicantium & eorum ludimoderatorum protinus Ferdinandus suos Lincium direxit Commissarios, nimirum penes Adamum Comitum ab Herberstorff Bavaricum Prætorem Superioris Austriæ, Georgium Abbatem Götvicensem, Doctorem Joannem Spindlerum, & Constantinum Grun-

deman-

demannum, Officiale Lincensem, qui convocatis Statibus nomine Imperatoris duodecim articulos Reformationem Religionis in se continentes præscripserunt observandos. [4.]

Dum hæc in Austria Superiore transiguntur, Ferdinandus Ernestus Imperatoris natu major filius Rex Bohemæ in Regem Ungariæ Oedenburgi in regni comitiis eligitur, & octava Decembris sub Missæ Sacrificio præsentibus Imperatore & Imperatrice coronatur, Esterhásio Palatinò regni constituto. [5.]

Leopoldus Archidux Austriæ Episcopus Argentinenfis & Passaviensis Romam proficiscitur, & Urbano Pontifici Episcopatum utrumque resignat, cujus cum dispensatione matrimonium cum Urbinatis in Italia Claudia Ducissa transigit, ejus locò Passavii in Episcopum à Canonicis electus fuit Archidux Leopoldus Gulielmus Ferdinandi Imperatoris natu Junior filius. [6.] De quo ab Admodum Reverendo P. Leone Hietman, Guardiano Passaviensi Franciscanorum hæc habeo 19. Septembris, Anno MDCXXV. mihi transmissa: „Videlicet, quòd Serenissimus Austriæ Archidux Leopoldus olim Episcopus Passaviensis nostris Dominis Canonicis proposuerit in futurum Episcopum, etiam Serenissimum Austriæ Archiducem D. D. Carolum, tunc Episcopum Wratislaviensem & Brinxensem; cum autem hic in Hispania fuerit mortuus, tandem modernum nostrum Episcopum Reverendissimum & Serenissimum Archiducem Leopoldum iidem Domini nostri Canonici, Anno 1625. Decembris octavâ postularint in Coadjutorem cum futura in Episcopatu successione. [7.] „Hæc ille. Sequenti anno Leopoldus Wilhelmus Archidux etiam in Archiepiscopum Argentinensem consentiente Lotharingæ Duce fuit electus, sed quia Episcopatus debitis aggravabatur, proventus ejus ad

octo vel decem annos sunt creditoribus pro solutione illorum deputati, Prætor constituto Domino Hermannò Adolpho. [8.]

De itinere Leopoldi supradicti Romano sequentia referuntur: „Leopoldum Archiducem Ferdinandi Cæsaris fratrem Lauretò & Florentiâ, Romam profectum 13. Decembris in Pontificio Sacello cum ejus comitibus & familiis communicavit (scilicet Pontifex Urbanus) & ad oscula pedum admisit. 23. Decembris in aula secretioris consistorii in Vaticano Leopoldo convivium exhibuit, qui 30. Decembris Româ in Germaniam iturus, sacris à Pontifice donis ornatus discessit. „[9.] Hæc ex vita Urbani VIII. Papæ de Leopoldo, qui uxoratus Oeniponti in Tyroli sedem suam fixit.

Venio ad Monasterium Zwetlense, cujus Abbas D. Seifridus 8. die Sept. in festo B. Virginis Mariæ Natæ mundo valedixit, qui horâ nonâ matutinâ se ad sacrum solenne præparans, jam sandaliis indutus, in hypocausto angulari apoplexiâ tactus, loquelâ privatus subito cecidit, & in lectum positus usque ad quintam vel sextam horam vespertinam jacens, signis tamen aliquot editis compunctionis, DEO Spiritum suum reddidit, sepultus in medio choro psallentium Fratrum. Cui aliter parentare non possum, quàm ejus encomia in lucem dare, nè ingrato silentiò cum ipso sepeliantur. Præfuit sibi commissæ Abbatie in Zwetl annis tredecim, quinque mensibus, & diebus decem, ætatis suæ annorum 48. & nisi hæreditarius ille lethalis morbus apoplexia, qua etiam Pater & Mater ejus obiierunt, ipsum rapuisset, longiorem vitam duxisset. Principibus charus extitit, hinc eum Imperator Matthias Anno MDCXVII. primùm, deinde Leopoldus Archidux Anno MDCXIX. Legatum ad Salisburgensem misit. Ordinis Cisterciensis observantissimus, quippe qui in ipsa ma-

Kkk kkk k 2

tre

tre ejusdem Ordinis Cistercio annum probationis iniiit cum pluribus germanis, quos inveni, nimirum Domino Antonio Wolfrath comprofesso S. Crucis, Abbate pōst Hilariensi, & Cremphanensi in superiori Austria, Consiliario intimo Ferdinandi II. Imperatoris ac demum Episcopo Viennense: P. Damiano S. Crucis Administratore: Domino Christophoro Schaffer ibidem Abbate: Domino Andrea Hortensio Abbate Welleradenſi in Moravia: Domino Georgio Abbate Hilariensi: Domino Casparo Abbate Montis-Pomerii, aliisque pluribus, qui ferme omnes ad Abbatialem dignitatem promoti fuerunt, unde à Domino Petro Salemitano Abbate in subdelegatum suum visitandi Ordinis Sacri Monasteria per Austriam, Bohemiam, Moraviam, Silesiam, Lusitiam constitutus fuit, qui ex officio instalavit sequentes: Dominum nempe Christophorum Schaffer in Sancta-Cruce, & in Valle-Dei P. Jacobum Algeyr, Professum Alderspacensem & sibi à secretis, virum multæ doctrinæ. Commissiones obivit Cæsareas, nam in Præpositura Zwetlensi D. Casparum Quorckium, Decanum Laureacensem installavit; in Zwetlensi civitate & Waidhofensi sæpius electioni Judicis & magistratūs præfedit; à Statibus etiam Austriacis cum aliis Prælatis delectus binis vicibus Pragæ consultationibus interfuit. Et quæ plura laudabilia præcedentibus annis de ipso relata repetere supersedeo.

Hæc igitur locò concionis funebris encomiasticæ de dicto Domino Abbate

Seifrido, meo charissimo avunculo, sint posteris commendata, & quippe qui me liberalium artium studiis expensis suis applicavit, in gratiarum actionem & liberalitatis ejus in me exhibitæ monumentum dedicata.

Jam venio ad Successorem ejus, de quo nemo melius quam ille ipse scribere potest, cujus hæc sunt verba: „Venerabili in Christo Patre ac Domino D. Joanne Seifrido Zwetlensis Monasterii Abbate meritissimo, octavo Septembris die, Anni Milleſimi, sexcentesimo, vigesimo quinti mortuo, Reverendissimus P. Immediatus Dominus Christophorus Abbas in Sancta-Cruce octavo Novembris anni præfati capitulariter in Monasterio Zwetlensi præsidens, ad Electionis actum de novo Abbate & Pastore processit. Missa ergo celebratæ de Spiritu sancto, ipsisque Electoribus (Fratribus scilicet Professis præfati Cænobii nostri) communicatis, recepit à quolibet juramentum, auditisque singulorum votis reperit Eligentium voces in Reverendum Patrem Dominum Martinum Ginterum tanquam sæpefati Monasterii Pastorem concurrisse. Quapropter administratori modò rexit Zwetlam tam in spiritualibus, quam temporalibus usque ad Septimum Junii diem, anni sequentis &c. [10.] Hæc ille de Electione sua & Administratione Monasterii. Abbate igitur destituta fuisset Abbatia decem ferme mensibus usque ad Septimum Junii, Anno MDCXXVI.

## ADDITIONES.

- \*[1.] Ciaconius in Urbano VIII.  
Item Spondanus hic n. 1.  
Laurea Austriaca lib. 9.
- [2.] Laurea Austriaca cit. loco.  
Theatrum Europæum hoc anno.
- [3.] Everhardus Wassenbergius sub bello secundo Austriaco.
- [4.] Theatrum Europæum anno præ-

cedenti.

- [5.] Idem hoc anno.  
Everhardus Wassenbergius sub Coronatione Ferdinandi III.  
Continuatio Calendarii Ederiani,  
Spondanus hic n. 11.
- [6.] Laurea Austriaca lib. 9.
- [7.] Ex actis Capituli Passaviensis.

[8.] Lau-

[8.] Laurea Austriaca cit. locò. [10.] Ex annotationibus D. Martini  
[9.] Ciaconii continuatores sub Urba- Abbatis,  
no VIII.

An. Christi MDCXXVI. Monast. CCCCLXXXVIII.

Pont. Rom.  
Urbanus VIII.

Imp. Rom.  
Ferdinandus II.

Archi-Dux Austriæ  
Idem.

Episcopus Pataviensis  
Leopoldus II.

Abbas Zwetlensis  
Martinus II.

Pontifex hoc anno duodecim Cardinales creavit, inter quos etiam fuit Ernestus Adalbertus de Harrach, Archiepiscopus Pragensis in natione Germanica solus. [1.]

Mansfeldius Comes cum auxiliariis copiis suis pontem Dessaviensem à Cæsarianis occupatum & bene munitum invadere statuit, & primâ Aprilis in munimentum primum insultum fecit, sed miles Cæsarianus alacriter se defendens ipsum cum damno repulit, donec Fridlandiæ Dux cum exercitu clam adveniret, tunc belli aleam tentare voluit, insciò Mansfeldiò è munimento erupit cum exercitu, & eundem præliò petiit, quo aliquamdiu resistente, tandem ejus equitatus fugam inire compulsus est, peditatus autem quatuor legionum facile dissipatus fuit. Amisissis ita tribus millibus hominum, & septem tormentis receptis cum triginta & aliquot vexillis, tribus colonellis cæsis, & Kniphausen capto, victoria penes Cæsarianos stetit. [2.] Hanc Urbanus Pontifex intelligens Romæ, cum septemdecim Cardinalibus ad Ædem S. Mariæ de Anima Germanicæ nationis profectus, Sacrum fecit ac DEO gratias egit. [3.]

Bellum porro hoc anno in Austria Superiore exortum est sanè periculosissimum, nam in fine Maji mensis rusticorum aliquot millia concurrentes hostilia exercebant, aliquot oppida & civitates, ut Dachsborg, Grieskirchen, Barz, aliæque loca occuparunt, Peurbachium & Wazerkirchen combusserunt, Præfectos castellorum aliquot cum

eorum uxoribus & familia, sicut etiam aliquot Sacerdotes trucidarunt, dominia eorum, qui rusticanas partes sequi volebant, spoliarunt & cremarunt, ex captis arcibus tormenta & arma rapientes, illis se vestierunt, & duodecim secum currulia tormenta circumduxerunt. Causa hujus belli fuisse ponitur mandatum Cæsareum anno priori ad A catholicos missum, quod dum Gubernator Lincii Adamus Comes Herbersdorfius jussu exequi statueret, lapidibus Comitum populare. Ussit ignominia virum & ulcisci placuit. Contractis ergo mille quingentis militibus in rebelles duxit, sed hi jam decem millibus congregati, Herbersdorfii militem internecione deleverunt. Hoc successu animosiores facti, Welsam, Stelram, Lambacum, Gemundam, aliasque arces & oppida expugnarunt, & triginta ex variis locis comparatis tormentis, populationibus, latrociniiis, ferro & igne omnia infesta reddidere.

Jam altera vice monendos rusticos Cæsar duxit, missisque Legatis pacem paternam suavit. Fuere autem Legati sequentes, Carolus Fuchs Baro, Wolfgangus Nicolaus de Grüenthal, Kremsseeg, & Reinsperg, Imperio-Aulici Consiliarii, & Martinus Hassnerus U. J. Doctor & in Excelso Regimine Assessor. Illi Legatis arrestò detentis, sex cives & rusticos Viennam misere. [4.] Interim dum sui Viennæ hærent, tria navigia armatis Bavarorum militibus plena pronò fluviò Lincium navigantia, invadunt, superant, mactatis omnibus ad unum militibus.

LII III I

Prono



Prono tali victoriarum cursu Freistadium attingere, & expugnata Urbe aditum sibi in Bohemiam usque aperuerunt. Fortalitium etiam ad Silvam in Tabor dictum ducentis rusticis muniērunt, per quod ex Arbesbach datur iter in Austriam Superiorem. Tunc quidem domus, templa & aræ, humana omnia atque divina jura violata sunt. Deinde Lincium profecti, ad suam ipsorum perditionem fortuna se vertit. Nam primò statim exordiò cum ipsorum Generalis Stephanus Fadingerus agricola minacibus cives literis, ut Herbersdorfum Comitem traderent, monuisset, tormenti globo pede multatus occubuit. Nihil illi hoc casu turbati, vehementius institere, sed uno assultu jugulati sexcenti. Infelici hoc adhuc impetu attonitis Löbelius colonellus supervenit, mille quingentis eorum trucidatis, quindecim tormenta abduxit, mox Eberspergam expugnavit.

Efferati suorum strage rustici, Lincii magna murorum parte quassata tormentisque diruta, nocte continuant & die assultus, nec pares fore præsidarii videbantur, nisi resinâ & pice rusticorum interulas incendissent. Equâ fortunâ alii rustici ad Danubium excepti, qui navigiis quinque pulverem, globos, tormenta, viros, Danubio erederunt. Herbersdorfus autem hoc intelligens misit trecentos silentiò fistulatores, qui sub crepusculo vespertino ad littus appellentes rusticos invaserunt, & plerosque trucidarunt, inde navis nitrato onusta pulvere, crebris fistularum fulminibus ignem concepit, omnibusque aquâ & igne consumptis, reliquias rusticorum cum laceratis navibus secum merisit. Unò interea novicorum Generalis Achatii Willingeri suorum edictò ultra septuaginta millia convenerunt, qui denuo coronâ cingunt urbem, prostratisque magno hiatu mœnibus, præsidarios continuo fatigabant assultu. Herbersdorfus autem stratagemate militari eos per dictum hiatum

intrare permittit, revocatis præsidariis in civicas domos, & tormentis in eos directis, ipsorum usque ad sexcentos ingressis, hiatum obferari fecit. Tunc crebro tormentorum vomitu rusticos scedavit, nec facile quisquam ludibria, maximè Cróatarum, scripserit, barbas vellunt & mystaces, aurículas & nares scindunt.

Audito rusticorum exinde metu Löbelius de improvviso eos invasit, & jugulatis nongentis, undecim machinis potitus in tuta se loca recipit. Mox iterum duobus millibus militum ad Eberspergam in decem millia investus, omnes dissipavit. Restabant autem pertinacissimi omnium quadraginta millia, & addiderunt suæ veneficia feritati, Lindloun & Hubnerum Tribunos internecione deleverunt. Quibus submissis Henricus Godefridus Comes Pappenheimius, (rustici cum per Danubium putantes descendere, funibus catenisque securum sibi reddidere flumen, sed non ille Neptunus, Mercurius erat) ad Cæsarianos cum Bavaro milite Lincium advolavit, & conjunctis cum Löbelio viribus ad Eferdingam in rusticos movit, & factò prælio longo & acri, cum fistulæ in veneficio duros nihil proficerent, sustibus ferròque ipsos macavit, sic trucidata & occisa 10. Novembris quatuor millia, mille verò, dum ad insulam quandam fugiunt, Danubiò sunt merisi; Eferdinga cum quinque majoribus machinis Cæsarianis cecit. Postmodum electò à rusticis quodam studioso pro Generali suo, alteram Pappenheimio pugnam faciunt, qua Löbelium & dextrum cornu in fugam vertunt, sinistrum verò cornu ducentis passibus ferocia & copia rusticorum cedere compulsi, qui rustici tandem cum à fronte denuo, à tergo, à lateribus urgerentur, partâ unâ ferro viâ glomeratis passibus fugiebant, quæ victoria Pappenheimio cecit 14. Novembris. Sex millia, dissipatis ceteris, interierunt. Reliquiæ ad Fecklabrugam

gam in unum rursus coaluere corpus, & bellum restaurarunt, in quos Cæsarianorum impetus, duobus millibus trucidatis, factus, eos pepulit.

Tertio hoc illis à Pappenheimio inflicto vulnere nonnihil vacillabant, sed rursus à Studio ipforum Generali excitati & animati ultimam belli aleam quasi desperati jacere decreverunt, & in campo prope Wolfseckium pugnam fatalem inièrunt, quibuscum satis acriter pugnatum, donec Studio ille iustus dedit temeritatis suæ poenas, siquidem cum Vicario suo Bernardo Ekkero vivus in manus hostium venit. Tunc frigidius instare rustici, inde cedere, mox omni abjecta spe apertè fugere. Hos assecuti Cæsariani omnes trucidarunt. Quinque millia cæsa, septem tormenta capta sunt. Plerique belli concitatores per Silesiam fugientes, viginti sese Danico miscuere bello. Ceteros in sedes suas Comes Pappenheimius quasi greges in stabula pastor deduxit, omniaque loca per Superiorem Austriam Cæsari recuperavit. In formidolosissimi verò belli concitatores paulatim animadversum. [5.] Atque hæc de bello rusticorum intra sex menses confecto.

Archidux Leopoldus hoc anno primum nuptias suas cum Claudia de Medices Urbinate Principissa 25. Aprilis Oeniponti celebravit, qui Tirolim possidebat. [6.]

Bellum præterea Suecicum suum initium sumpsit, dum Poloni Lifflandiam à Suecis occupatam recuperare laborarent, tunc duplici prælio victi cedere debuerunt. Rex autem Sueciæ Prusiam invadens majores civitates occupavit, nimirum Braunsbergam, Frauenburgam, Mariæ-bergam, Elbingam, cum Gedanensibus quidem de neutralitate tractare coeperat, sed illi fideles coronæ Poloniæ manserunt. Tandem hic annus velitationibus hinc inde factis, Comite Juniore de Turri fortiter rem agente, expiravit, post

aliquot frustraneas tractationes pacis Rex Sueciæ Gustavus Adolphus in hiberna in Sueciam rediit, occupatis locis præsidio ubique forti munitis. Sigismundo Poloniæ Regi aliquot Germanorum legiones in auxilium ab Imperatore missæ sunt, quod postea bello Germanico occasionem dedisse videbatur. [7.] Hujus belli initio Oliva celebre Ordinis Cisterciensis Monasterium non procul à Gedano situm à Suecis spoliatum fuit.

Tandem invisum Cæsari Imperioque caput, in perniciem Germaniæ natum, Comes Ernestus Mansfeldius, dum Venetias procurrare instituit, datum in itinere, ut ajunt, venenum viceribus ferens, in Bosnia corripitur dissenteriae malo, & infelicem emittit animam, qui nec sic quidem pares sceleri poenas effugit, cum illum suum ipsius malum post mortem sequeretur, [8.]

Venio ad Monasterium Zwetlense, quod administratorio modò per D. Martinum providebatur, electio autem novi Abbatis jam año præcedenti octavâ Novembris celebrata fuerat, hoc anno septimâ Junii electa persona publicata fuit & confirmata. Sicut hoc paucis Electus ipse perscribit: „ In quorum, ait, omnium & singulorum evidens testimonium, certum Electionis & Confirmationis decretum præfati Domini Præsidis (scilicet Abbatis S. Crucis) sigillò roboratum, Monasterio nostro & novo Abbati Martino traditum fuit. Actum 6. Junii 1626. [9.] Eius installatio facta fuit in Dominica Trinitatis, sicut & insulatio, quam Abbas S. Crucis, uti Vicarius Generalis perfecit. Actum verò suæ jurisdictionis Abbas Martinus primum exercuit, cum post obitum P. Joannis Fiderer Aulæ-Regiæ in Bohemia Professi, Vicarii tunc in Windigsteig, novum sibi Vicarium instituit P. Jobum Edmundum Cramerum Zwetlensis Monasterii Professum.

Demum idem ait : „ Hoc anno „ lenſi hospites , quamdiu nimirum „ mense Maio ob tumultum in Superi- „ rusticorum bellum duravit. [ 10. ] „ riori Austria propter rebelles colo- „ Scribit D. Martino Abbati in Zwet „ nos exortum dimissi sunt ex Mona- „ Advocatus Monasterii Christophorus „ sterio Montis - Pomerii Conventua- „ Scholtz Viennâ , quod 24. Septembris „ les duo, P. Ægidius N. & P. Joannes „ Monasterium Sanctæ - Crucis incendiô „ Pisciculus , manserunt usque ad fe- „ valde deformatum fuerit , templo solo „ stum Omnium Sanctorum ejusdem „ conservato , cujus flamma de nocte „ anni , scilicet in Monasterio Zwet- „ Viennæ etiam visa fuit. [ 11. ]

## ADDITIONES.

\* [ 1. ] Theatrum Europæum hoc anno.  
[ 2. ] Idem ibidem. Laurea Austriaca lib. 10.

Continuatio Calendarii Ederiani hoc anno.

Spondanus hic n. 8.

[ 3. ] Ciaconius sub Urbano VIII.

[ 4. ] Theatrum Europæum hoc anno.

Wassenbergius in Commentario sub bello Austriaco.

Laurea Austriaca lib. 10. & 11.

Continuatio Calendarii Ederiani ubi supra.

[ 5. ] Ex literis D. Hackelbergeri.

[ 6. ] Theatrum Europæum hoc anno.

[ 7. ] Idem ibidem. Laurea Austriaca

lib. 11.

[ 8. ] Wassenbergius sub bello Transyl-

vanico III.

[ 9. & 10. ] Ex Annotationibus D. Martini Abbatis.

[ 11. ] Ex literis ejusdem Advocati.

An. Christi MDCXXVII. Monast. CCCCLXXXIX.

*Pont. Rom.*  
Urbanus VIII.

*Imp. Rom.*  
Ferdinandus II.

*Archi-Dux Austriae*  
Idem.

*Episcopus Pataviensis*  
Leopoldus II.

*Abbas Zwetlensis*  
Martinus II.

**B**ellô rusticorum in Superiori Austria sopitô , Ferdinandus Imperator Viennæ mandatum sanctum & severum 20. Septembris promulgari fecit, quo omnes & singulos Prædicantes eorûmque Ludimagistros ex universa Inferiore Austria æternum proscripsit, vetans exercitia Religionis adversæ fieri, nec ulla Sacramenta ab iisdem administrari, vel scholas haberi, sub pœna corporali transgressoribus infligenda , & eum in finem ex omnibus locis, ex arcibus, ex civitatibus provincialium, ex oppidis, pagis, prædiis, molendinis; aliisque mansionibus dictos Prædicantes ac Scholasticos post publicatum hoc mandatum præfata die abire jussit, quod illi inviti cum mœrore acatholicorum Procerum, civium, ac rusticorum in effectum deducere debebant. Inde Lutherani quasi greges sine pastore vaga-

bantur, & unicum solatium in Ungaria quærebant. \* [ 1. ] Et ut securi de provincia exire possent, datæ sunt ipsis exeuntibus cum reculis suis, uxoribus, & liberis literarum securitates à certis locis ipsis designatis, sic qui in Austria Inferiore supra Montem - Mainhardi habitârunt, illi à Magistratu Bipolis Cremsensis easdem petere tenebantur, quod & factum; quare intra odiduum quinquaginta duo ejusmodi præcones à dicta civitate securitatis literas suas acceperunt, & emigrârunt. Testis hujus rei Grammateus ibidem tunc præfens, qui hæc retulit.

Urbanus VIII. Summus Pontifex hoc anno septimô Calendas Junii, Germanicæ nationi favens Collegia (*Societatis*) Viennense & Pragenſe distinctis literis magnô tuendæ propagandæque Catholicæ Religionis Zelô inflammatus confirma-

firmavit. [2.] Hoc etiam anno septem Cardinales creavit. Ab eodem Pontifice Cardinalis Klefelius pecuniâ adjutus Româ dimissus in Germaniam rediit suum Episcopatum Viennensem in Austria recepturus, ubi ab Universitate & Magistratu solenniter fuit susceptus, & sub umbella ad Cathedralē suam Ecclesiam sub pulsu campanarum à Clero introductus. [3.] Summus idem Pontifex etiam hoc anno 15. Decembris Sacro Cisterciensi Ordini ad instantiam D. Petri Nivellii Generalis Cisterciensis, & D. Gabriels Durandi Abbatis S. Mariæ ejusdem Ordinis in Romana Curia Procuratoris, & Vicarii Generalis, concedit utriusque sexûs fidelibus omnibus Ecclesiam Cisterciensem, aut alias ejusdem Ordinis ubicunque locorum sitas Ecclesias Regulares visitantibus, &c. plenariam omnium peccatorum suorum indulgentiam. Datum Romæ apud S. Petrum sub annulo Piscatoris, Pontificatus sui annô quinto. [4.]

Ferdinandus Imperator cum Augusta Coniuge sua Eleonora Mantuana & duabus Principissis filiabus, atque cum filio Rege Ungariæ Ferdinando Pragam se contulit, quò 18. Octobris etiam pervenit, & tormentorum tonitru de monte S. Laurentii, campanarum pulsu, & Canticò Ecclesiasticò in omnibus templis solenniter decantatò exceptus fuit, ubi comitiis regni habitis, primùm Eleonoram in Reginam, deinde Ferdinandum Ungariæ, in Bohemiæ Regem coronari fecit, ipse in apparatu Cæsareo semper præsens & spectator, quæ solennitas in festo S. Catharinæ 25. Novembris Pragæ peracta fuit. [5.]

Hæc Metropolis regni Bohemiæ hoc anno Calendis Maji excellenti Thesauro ditata, nimirum corpore S. Norberti Episcopi quondam Magdeburgensis, cujus reliquiæ de Monasterio Taxensi, ubi aliquamdiu steterant, cum summa pompa Cardinale à Dietrichstain comitante in Cathedralē Ecclesiam S.

Viti deportatæ, & ab hinc sub omnium campanarum sonitu in Monasterium dictum Strahof Præmonstratensium, cujus Ordinis Sanctus iste fundator fuerat, in templo ejusdem solennissimè depositæ fuerunt. [6.] Quo Patrono viduatum Magdeburgum sensit Martem postea sortem, excidium suum vidit, & bustum factum est, uti suo tempore scribetur.

Vienna quoque hoc anno 21. Aprilis magnò deformata fuit incendiò, nam horâ decimâ antemeridianâ ortum fuit apud restiarium butyrò incensò in strata Ephippiariorum, & vento accedente centum sexaginta domus incensæ, partim quidem non integrè consumptæ, partim verò usque ad fundum exultæ sunt, inter quas flamma corripuit Monasterium Monialium ad S. Jacobum, & Curiam S. Crucis devoravit, &c. Non tantum in civitate mansit incendium, sed etiam in suburbium Danubianum ultra pontem sublicium ventò delatum decem ibi domos devoravit, in quo incendio aliquot homines perierunt. [7.] Ego, qui hæc scribo, tunc eram in Civitate in domo Zwetlensi manens, & hujus incendiî spectator fui, duravit die illa tota, qua ortum est, & nocte integra cum sequenti media die, qua penitus restinctum fuit. Mirum dictu, in pariete domûs aurei cervi erat pro signo cervus ligneus deauratus cum crucifixi inter cornua imagine & desuper tectum, hoc igne consumpto, non læsa fuit imago, nec à flamma tacta. Tanta verò fuit ignis rapacitas, ut etiam in aquis naves stantes & juxta parietes littoris ligneos combusserit usque ad aquam. Nuptiæ tunc temporis in aula Imperatoris celebrabantur, quibus exinde dissipatis videre erat proceres in splendidis vestibus obequitantes plateas, & ad restringendum populum excitantes; portæ etiam omnes clausæ præter Rubram Turrim, quæ ad hauriendam aquam & homines vicinos immit-tendos Imperator apertam haberi jussit.

Mmm mmm m

AD-

## ADDITIONES.

\*[1.] Theatrum Europæum hoc anno. Spondanus hic n. 7. „ In Germania „ Duces Cæsarei Tillius, Walfsteinus, alii- „ que, gnauiter contra Regem Daniæ, aliós- „ que Imperii hostes agentes; Regem multis „ variisque cladibus affectum totâ Saxonâ „ expulerunt; in aliis provinciis multa recu- „ perarunt; nonnullos Principes ad obse- „ quium Imperatoris reduxerunt. Dum in- „ terim ipse non solum belli curam gerens, „ verum etiam animarum salutem intendens, „ quæ religionis erant, per Boëmiam, Au- „ striam, ac reliquas provincias hæreditarias, „ diligentissimè curauit; fidem Catholicam „ & disciplinam ubique stabilens, concio- „ natores hæreticos pellens, bonaque Eccle- „ siasticis totâ Germaniâ restituens: adjutus

„ maximè Caroli Caraffæ Episcopi Aversani „ Nuncii Apostolici sollicitudine, qui egre- „ giam operam in his omnibus toto hoc bello „ adhibuit.

[2.] Additiones ad Ciaconium sub Ur- „ bano VIII.

[3.] Theatrum Europæum hoc anno. Continuatio Calendarii Ederiani hoc anno.

[4.] Ex copia literarum seu Tran- „ sumpto.

[5.] Theatrum Europæum hoc anno.

[6.] Idem ibidem ubi supra.

Item Spondanus locò citatò.

[7.] Laureæ Austriacæ lib. 12. „ Item Continuatio Calendarii Ederiani „ ubi supra.

## Annus Christi MDCXXVIII. Monasterii CCCCXC.

*Pont. Rom.*  
Urbanus VIII.

*Imp. Rom.*  
Ferdinandus II.

*Archi-Dux Austriæ*  
Idem.

*Episcopus Pataviensis*  
Leopoldus II.

*Abbas Zweilensis*  
Martinus II.

**F**erdinandus Imperator hoc anno 25. Aprilis in gratiarum actionem & pro æterna memoria in loco prælii facti in Monte-Albo ad Pragam templum & Monasterium construxit, quod vocauit S. Mariæ de Victoria, illudque Ordini Servorum Beatæ Mariæ Virginis incolendum dedit, ubi dicta die primum ipse fundamenti lapidem consecratum præsentibus infra scriptis posuit, lapidis hujus majusculis talis erat inscriptio: „ Anno 1628. die 25. Aprilis „ Ferdinandus II. Imperator semper „ Augustus, Catholicæ fidei defensor „ acerrimus pro gratiarum actione Vi- „ ctoriæ, contra rebelles & hæreticos „ Anno 1620. die 8. Novembris in „ Monte-Albo obtentæ, hujus sacri „ templi S. Mariæ de Victoria primum „ fundamentum posuit, Urbano Pont. „ Max. (præsentibus scilicet) Eleonora „ Gonzaga Imperatrice, Ungariæ & „ Bohemiæ Rege Ferdinando III., Ar- „ chiepiscopo Pragensi Cardinali Er- „ nesto ab Harrach, P. Henrico Ge-

„ nerali Ordinis Servorum B. Mariæ „ Virginis, „ \*[1.] Hucusque lapi- „ dis inscriptio, & Imperatoris piissimi „ devotio.

Hujus indefessum studium ad Catho- „ licam Religionem promovendam nemo „ satis laudare potest, nam non tan- „ tum in Austria, Viennæ nimirum, o- „ mnes A catholicos in Domo provin- „ ciali ab officiis publicis amovendos „ mandans, sed etiam in Silesia, Mora- „ via, aliisque pluribus locis, etiam in Im- „ perio Reformationem ceptam con- „ stanter profequi voluit, licet multa ob- „ stacula inveniret. Ad hæresim autem „ Lutheranam labefactandam illi persua- „ sum fuit, nullum arietem magis ejus- „ modi scilicet muros evertere posse, quam „ si ipsis bonorum Ecclesiasticorum in- „ justè detentorum, à Conventu Passa- „ viensi ultimo celebrato, Catholicis, qui- „ bus olim fundata fuerant, restitutie se- „ ria injungeretur. [2.] quod & sequen- „ ti anno factum est. Hoc Urbanus VIII. „ Pont. percipiens, quia res ardua erat, „ & Ca.

& Catholica fides inde promovebatur, universale indixit Jubileum Martio mense hoc anno, ad DEI opem in tam urgentibus Ecclesiæ necessitatibus implorandam, [3.] quod Carolus Liber Baro à Kirchberg, Passaviensis Canonici, Cæsaris & Archiducis Leopoldi Wilhelmi &c. Episcopi Argentiniensis & Passaviensis Consiliarius, ejusdemque Curiae Episcopalis Viennæ Vicarius in Spiritualibus, & per Austriam infra Anasum Officialis Passaviensis 22. Maji in Dicecesi præfata publicari fecit. Bulla Pontificis data est Romæ apud S. Petrum sub annulo Piscatoris die octava Aprilis, Pontificatus verò ejusdem annò quintò. Transumpti hujus datum Viennæ Austriæ ex Curia Episcopali Passaviensi ad S. Mariam in

Littore sitam dicta 22. Maji Anno 1628. [4.]

Generale etiam Capitulum hoc anno ab Ordine Cisterciensi omnibus ejusdem Abbatibus indictum fuerat, unde D. Christophorus Abbas S. Crucis in Austria ejusdem celebrationem D. Martino Abbati in Zwetl tanquam Vicarius Generalis significat, eundemque Viennam vocat ad Austriæ Abbatum Conventum habendum, ut in eo de aliquo mittendo concludant, cui omnium Monasteriorum ac totius Ordinis per Austriam constituti gravamina & difficultates apud dictum Capitulum deponenda committere possint. Viennæ datum 29. Januarii, Anno 1628, [5.] Quod Capitulum mense Majo celebratum est.

## ADDITIONES.

[1. & 2.] Theatrum Europæum hoc anno.

[3.] Additiones ad Ciaconium sub Urbano VIII.

[4.] Ex transmissio Transumpto.

[5.] Ex literis ejusdem.

**Annus Christi MDCXXIX. Monasterii CCCCXCI.**

*Pont. Rom.*  
Urbanus VIII.

*Imp. Rom.*  
Ferdinandus II.

*Archi-Dux Austriae*  
Idem.

*Episcopus Pataviensis*  
Leopoldus II.

*Abbas Zwettlensis*  
Martinus II.

**I**nvidiosissimus æquè ac Religiosissimus Imperator Ferdinandus II. per belli Duces suos hucusque felix & Augustus, quas à duodecim jam annis victorias habuisset, Catholicæ Religionis beneficiò, in fidei suæ authorem gratus ascribebat: hæc ejus pietate & gratitudine Ecclesiastici quidam freti, de suorum restitutione bonorum cogitare cœperunt, & prævia deliberatione profecti ad Cæsarem animi sui sensum aperiunt. Imperium jam Imperatoris, & devictis in circuitu hostibus nullum, quod remoraretur, esse impedimentum: Non injusta se postulare, nec alia quàm ipsi antea protestantes diversæque Religionis Passavii pridem concluderint, cum juramento se, nulla porro Ecclesiastica bona

invasuros, obligarent. His, re ultro citroque in consilio versata, tandem Cæsar assensit in DEUM & fidem pius, Qui omnia perpeti potius, quàm DEUM, fidem, & Ecclesiasticam cum æquitate causam violari mallet. Itaque acerrimum Viennæ mandatum ad omnes Imperii Principes, ad omnes Imperii Urbes exivit, quo sub pœna omnium privilegiorum, immunitatum, jurium & Imperialis fulminis seu banni, de facto, Ecclesiasticorum bonorum post Passaviensem compositionem restitutio urgebatur. Quo uno Cæsaris edicto integri Archiepiscopatus, Episcopatus multi, Prælaturæ plurimæ, Ecclesiarum, Cœnobiorumque millia ad Romanæ Ecclesiæ gremium revertebantur. Econtra

Mmm mmm m a

in.

ingens per Imperium metus, turbatio, murmur; cum plerique insurgerent, quorum intererat. Ecclesiastici verò petierunt sibi restitui sequentia loca: Archiepiscopatum Magdeburgensem & Bremensem; Episcopatus, Mindenensem, Halberstatensem, Verdenensem, Lubecensem, Razeburgensem, Milsnensem, Mörsburgensem, Naumburgensem, Brandeburgensem, Havelburgensem, Libussensem, & Caminensem. \* [1.] Præter hos diversorum antiquorum Ordinum Prælaturas & Monasteria, quorum nomina in decursu Annalium horum aliquando occurrunt.

Urbanus Pontifex hæc audiens, & gaudiò gestiens mense Aprili Cardinalibus narravit, Seditiosos in Germania ad bona Ecclesiæ, quæ injustè detinent restituenda, Imperatoris, cujus pietatem laudibus extulit, lege compelli. [2.] Hic etiam in sua re jus suum arripuit, & Juniorem Cæsaris filium Archiducem Leopoldum Guillelmum Archiepiscopum Magdeburgensem designavit, cum jam Urbs suæ Religionis Augusti Saxonis Electoris filium in caput suum elegisset, qui Administratorio nomine præesse solebat. Non consensit Imperator, periculosa ejusmodi exempla in consequentiam nolens trahi. Quæ causa fuit, ut à Cæsarianis, Fridlando Gustraviæ hærente, Magdeburgum obsidione cingeretur, quod factum mense Majo, sed rursus 9. Octobris hoc anno soluta fuit, quia Cæsari se humiliaverant, & gratiam impetrâ-

runt, sic sua illi Urbi restabilita libertas. [3.]

Interea Suecorum Rex Gustavus Adolphus contra Sigismundum Poloniæ Regem hæreditarium bellum gerebat, cui etiam Prussia omnes suarum civitatum portas aperiebat, cum tempore proficiebant victoriæ, & Poloniæ Rex invita nobilitate belligerans, nec viribus nec virtute par erat. Hic ab Imperatore petiit, ut cum sui deficerent, vicinis ad Stralefondam copiis sublevaretur. Favebatur agnato & Religione conjuncto Regi. Quare jussu Ferdinandi Imperatoris Albertus Dux Fridlandiæ Arnhemium Cæsarei exercitus Marechallum cum viginti armatorum millibus in subsidium mittit. Inde Sigismundus germanici roboris beneficiò, non uno prælio superior evasit. Gustavus Adolphus cladibus suis irritatus, ab hostibus in auxiliares, à Polonis in Germanos, à Sigismundo Rege in Imperatorem & Imperium odium vertit. Hinc cum Rege Poloniæ, intervenientibus illis, quibus potiores videbantur Imperii clades, sex annorum inducias pepigit. [4.] Hæc causa belli futuri Succici, Germaniæ totius ruinæ.

Romanus Pontifex de his omnibus certior factus, cum unâ pestilentis morbi discrimina imminere, annonæ caritatem pervagari, bellisque procellas in Catholicæ Religionis damnum, non unam Christiani orbis partem invadere intellexisset, Jubilæum generale indixit. [5.]

## ADDITIONES.

\* [1.] Theatrum Europæum Part. 2. sub hoc anno.

Florus Latinus part. 3. sub Confæderatione Lipsiensis.

[2.] Additiones ad Ciaconium sub Urbano VIII.

[3.] Theatrum Europæum ubi suprâ.

Florus Latinus part. 2. sub bello Magdeb. primo.

[4.] Theatrum Europæum cit. locò.

Florus Latinus part. 3. sub bello Suecico.

[5.] Additiones ad Ciaconium sub Urbano VIII.

Spondanus hic n. 1.

## Annus Christi MDCXXX. Monasterii CCCCXCII.

Pont. Rom.  
Urbanus VIII.Imp. Rom.  
Ferdinandus II.Archi-Dux Austriae  
Idem.Episcopus Pataviensis  
Leopoldus II.Abbas Zweitenf  
Martinus II.

**M**antua hoc anno 8. Julii à Cæsariano milite per stratagemam capitur, nam Dux Altringerus eam obsidebat, qui literas hostium ad Venetos datas interceptit, quos pro quinque millium subsidio sollicitaverant. Altringerus quinque millia ex suis eligens castris subduxit, mox scenica inter illos pugna, cum non ferro, sed fraude, non globis, sed pulveribus pugnaretur. Inde perruptis quasi castris sub vesperam Mantuam pervenire, Venetosque se & quinque millia dicentes, cum Mantuani tot scripsissent, & expectarent, & testimonium veritatis prælium faceret, portam eis aperuere. Patens facta porta dolus patuit, & intromissi securos sui spectatores & gratulatores invadunt. Verumtamen tota in eos ubi concurrente discrimen erat: sed aderat fatum, & capiendæ Urbis. Aliis jam portis Cæsariani feroces infestique immincebant, præsidioque nudatas vi aperiunt, omnibus portis pariter irrupentes, à tergo præliantes invadunt: sic proclive erat integro exercitu circumventos trucidare. Nivernius Dux cum uxore & liberis ad arcem fugit, sed quoniam præsidio destitutus, resistere non valebat, pacisci cœpit, & de legibus facile necessitate convenit. Arcem Cæsarianis cecidit, Dux non in Galliam aut Venetias, sed Ferrariam permissus abiit, pactis stetit & abivit. Capta urbs per continuos tres dies spoliata fuit, & quadraginta octo vexilla Ferdinando Imperatori transmissa sunt. Mille ducenti Judæi urbe exacti, necquicquam illis auri aut argenti, aut fortunarum permiscere, quam in viaticum tres coronatos. Omnia victorioso militi permissa. \* [1.]

Interea Cardinales S. Romanæ Ecclesiæ Summum Pontificem adeunt, & rogant sibi confirmari titulum Eminētissimi & Eminentiæ, quem deposito priori titulo illustrissimi & Illustrissimæ Dominationis sibi unanimes elegerant, quod & fecit, prohibens quibuscunque (exceptis Imperatoribus & Regibus) illo uti sub poena disgratiæ, & ad dignitates inhabilitatis, aliarumque gratiarum aut indultorum Apostolicæ Sedis, atque sub interminatione amissionis reddituum Ecclesiasticorum aut beneficiorum, quæ ipso facto incurfuri essent. [2.]

Principes Imperii acatholici contra editum anno priori promulgatum Cæsareum de restituendis bonis Ecclesiasticis protestationem Ferdinando Imperatori obtulerunt, quæ ipsi suspecta videbatur, indulgit tamen & Ratisbonæ conventum indicens, Viennam profectus 29. Junii urbem intravit. Mox & varii Protestantium, Brandenburgici & Saxonie Electorum Legati compa-ruerunt. Nec tantum Cæsareum hoc de Ecclesiasticorum bonorum post Passaviensem contractum restitutione, editum revocari petierunt: sed omnia in eum, quo ante rusticorum in Austria tumultum fuerant, statum restitui voluerunt. Neutrum Imperator concessit: sed obfirmatò ad omnia animò propositi sui tenax, quod edito suo volebat, generali conventus decreto urgebat confirmari. [3.]

Gustavus Adolphus Rex Sueciæ factis cum Poloniæ Rege sex annorum induciis, hoc anno in Imperium viris, armis, terrâ marique movit. Ipse prior Stralefondam navigavit, & tertio jam annò à Fridlando nomine Cæsaris

Nnn nnn n

ris



ris obsessam, tertio defensam, obsidione liberavit: & terrâ marique infestus, Rugâ demum insulâ Cæsarianos pepulit. Usodomam insulam occupavit: Wolgastum deditione accepit. Inde mense Julio metropolim Pomeraniæ Sterinum proficiscenti, Bogislaus Dux obviam venit: hic assumpta quadam controversiarum larva, præsidium, quod Cæsarianis denegarat, urbe admisit, quam Gustavus Adolphus sedem belli destinavit. Cùm ergo initium belli Germanici fecisset, quorum aut viribus aut votis faceret, paulatim erupit. Adfuere Gallici, Batavici, Anglici, Moscovitici Venetique Legati, in Austriacam domum omnes obliqui. Horum decretò Gustavus Adolphus Rex ipse, Regum, Rerumque publicarum constitutus est Generalis. Rex Galliæ quater centena millia imperialium annua promisit, reliqui pro sua facultate ut convenit. Hæc dum Ratisbonæ perciperentur, Ferdinandus Imperator cum Principibus Imperii in dictum Suecorum Regem bellum decernit, & ipsum Regem hostem Imperii declarat, missis ad eum literis intimatoriis. Ac statim eligunt Ducem Baviariæ Maximilianum in caput militiæ totius Catholicæ Ligæ, cui pro Generali Locumtenente Joannem Tzerclassium Comitum Tullium adiungunt. Qui per Imperium impigrè colligentes militem, brevè iustum habuerunt exercitum. [4.]

His peractis Eleonora Gonzaga Ratisbonæ 7. Novembris in Romanorum Imperatricem in Cathedrali Ecclesia solenni pompâ coronatur in præsentia plurimorum Electorum, Principum, Comitum, Nobiliumque. Post coronationem verò ipsius conventus Principum solvitur, & Imperator cum aula tota 13. Novembris Ratisbonæ naves conscendit, felicitèrque 24. ejusdem Viennam appulit. [5.]

Cardinalis Melchior Kleselius Episcopus Viennensis & Neostadiensis in Austria, ætatis suæ septuaginta septem annorum, Viennæ beatè obiit, cujus corpus à templo Scotorum ad Cathedralicam S. Stephani basilicam funebri pompa delatò, & ad castrum doloris depositum, tribus Sermonibus paeneyricis & sacris funeralibus persolutis 20. Novembri ibidem ante Altare Beatæ Virginis fuit tumulatum. [6.] Postmodum ad electionem novi Episcopi devotum, quem Ferdinandus Imperator designavit Dominum Antonium Abbatem Cremiphansensem, qui sui Monasterii manens Abbas præsentationem Cæsaream de se factam ad Summum Pontificem Romam direxit, anno verò sequenti confirmationem Episcopatus Viennensis Pontificiam accepit. Officialis Viennensis D. Schwab Decanus Kirnbergenensis factus, in domo provinciali sessionem occupavit. Hæc Viennâ 22. Decembris, Anno 1630. [7.] Abbati Domino Martino à Monasterii Advocato Domino Senglero perscripta fuere. Episcopatus Neostadiensis proprium etiam Episcopum sortitus est.

Ad Viennam 9. Augusti hoc anno super vineta juxta Calenbergam, Medlingam, Brunnam, Petersdorfum & Pisenbergam grando nuce avellana major cecidit, & multum damni attulit vinitoribus. [8.]

Abbas Martinus Sacellum antiquum S. Ægidio sacrum in grangia Klechhof dicta reparari, & primâ Septembris divinum Officium in eo fieri curavit, præsentente frequenti populo, nam Zwetlenfis Vicarius, & Parochus ex Friderispach supplicationem eò publicam instituerunt, quod singulis annis in Dominica proxima diei S. Ægidii sacro cantatò & concione adhuc frequentatur. [9.]

CLARA : VALLENSIS.  
ADDITIONES.

603

\* [1.] Theatrum Europæum part. 2. hoc anno.

Commentarius Wassenbergii editione 2. sub bello Italico.

Item Spondanus hic n. 3.

[2.] Theatrum suprà cit. hoc anno.

Item Spondanus ubi suprà.

[3.] Theatrum Europæum hoc anno.  
[4.] Commentarius Wassenbergii sub bello Suecico.

[5. & 6.] Theatrum citatum cit. locò.  
[7.] Ex literis Doctoris Sengleri.

[8.] Theatrum Europæum ubi suprà.

[9.] Ex Annotatione Cellerarii.

Annus Christi MDCXXXI. Monasterii CCCCXCIII.

Pont. Rom.  
Urbanus VIII.

Imp. Rom.  
Ferdinandus II.

Archi-Dux Austriae  
Idem.

Episcopus Pataviensis  
Leopoldus II.

Abbas Zwettlensis  
Martinus II.

Auspicio hunc annum à regis nuptiis Ferdinandi Ernesti Regis Ungariæ, cui mense Febuario Cardinalis à Dietrichstain sponsam suam Mariam Infantem Hispanam Regis sororem adduxit, quæ augusto apparatu Viennæ suscepta, quacum Rex in templo aulico à dicto Cardinale copulatus fuit.

[1.] Protestantes ut nihil efficere se, & ex voto Cæsari omnia procedere vident, omnes conventui Ratisbonensi se subducunt, & tacite murmurantes vindictam, specie deliberationis Lipsiæ suæ Religionis conventum indixerunt, quem primaria eorum capita Saxo & Brandenburgicus Electores una eademque die & hora 14. Februarii intrarunt. Comparuere Duces Altenburgicus, Viniariensis, Coburgensis, Eisenachius, Landgravius Hassiæ Casselienensis, Comes Palatinus Sulzbacensis, Marchio Duracensis: & per Legatos suos Rex Franciæ, Dux Wirtenbergensis & pleræque Imperiales civitates. Hiscripto ad Cæsarem missò, in eum varias noxas derivantes, Germanicæ libertatis everso-rem insimulant, ut qui agonizans Romanum Imperium suis adeò viribus debilitarit, fulcra Religionis pacisque everterit, ut nisi commodo aliquo medio provideatur, sùsq; deque omnia sùitura videantur. Suadere itaque, in-

tolerabile Protestantibus Imperioque Romano edictum revocet, ne eveniant, quæ Cæsari evenire non bene sit. Cæsar eis respondit, & fallaciæ eos insimulat, inde protestatio ejus apud illos nihil valuit, confœderatio successit, & juramentò invicem obligati Principes Urbiumque Legati, in suas quique regiones profecti, per totam latè Germaniam delectibus studebant. [2.]

Gustavus Adolphus Rex Sueciæ ante annum hostis Imperii proclamatus, hoc anno bellum fortuna comite persecutus est. Francosurdum ad Viadrum (die Ober) Schaumburgicus Comes septem Cæsarianorum millibus defendebat. Hunc aggressus obviam venientem extra Urbem propugnaculis eiecit, & fugientem, ultra Viadri pontem pepulit. Magna ea Cæsarianorum clades fuit, cum, expugnata urbe, ter mille vel occisis vel submersis, octingentis captis, insuper viginti tribus militaribus signis, æneis decem & octo tormentis multarentur. [3.]

Interea fortunatissimus ille bellator Joannes Tzerclafius Tillius veterano suo milite exercitatusque legionibus adveniebat Magdeburgum, quam Urbem Godefridus Henricus Comes Pappenheimius suo milite jam cinxerat, tum arctius clausa urbe, non fame, nec mor-

Nnn ann n 2

ra,

rá, sed ferrò & impetu frangere placuit & expugnare, quod factum fuit 5. Aprilis hoc anno. Tunc fortalitiis duobus **Trog Pappenheim** / **Trog Tilli** in ludibrium eorum structis expugnatis, in iis acriter se vindicârunt de insolentia hostium, Pappenheimius in suo tantum trecentos machavit. Postmodum fortalitiò unò post alterum captò, & antequam generalem faceret insultum Tillius, cives aliquot literis ad deditionem cordialiter admonuit, sed frustra, Administrator enim & Falckenbergius promovebant pertinaciâ suâ urbis excidium, quod tandem 20. Aprilis advenit, qua die Tillius, undique in urbem cedentibus perculsîs civibus, vi irrupit, in qua jam non pugna, sed cædes erat, cecidit Falckenbergius pugnans cum Pappenheimio, & Administrator vivus in manus Cæsarianorum venit. Cum ergo nihil proficere cives viderentur, ad hoc præparatis per urbem cuniculis, versâ in rabiem pertinaciâ, ignem injiciunt, qui victores simul & victos rapuit. Nec hisce contenti, mutilatæ insuper urbi flammæ adjungunt, quæ à vento vehementi ita auctæ fuerunt, ut operosa civitas duobus templis, centum quoque & triginta novem domibus exceptis, universa consumeretur, nec enim aut Saguntus aut Troja funestior clade fuit. Triginta incolarum millia ferro & igne perierunt, plurimæ tormenta bellica in manus venerunt, viginti quatuor peditum, sex equitum signa rapta sunt, & quæ supererant domus spoliatæ. In Metropolitana Ecclesia aliquot centeni vitâ donati sunt. Sic ferro, igne, excidio perfidæ rebellioni parentatum fuit, & Tillius de virginea urbe capta victoriæ laureolam reportavit. [4.]

Porro Tillius in Saxoniam movet, Mersèburgum, Naumburgum, Zeitsiam, imò Lipsiam tandem occupavit, ad quam Saxo cum Rege Sueciæ Tillio copiam pugnæ fecit, quod prælium variâ fortunâ peractum 7. Septembris,

Bannerius enim dextrum cornu equitum Cæsarianorum pepulit, & Tillius sinistrum invasit, ubi Saxo erat, quem etiam fugere compulit. Rex verò ventum sibi auxilio faciens, circumducto exercitu in Tillium Pappenheimiumque irrupit, qui diu resistentes, tandem obruti fugere coacti sunt. Ocho millia ipso quo pugnare loco ceciderunt, inter quos Adolphus Holstiatæ Dux, Schönbergius tormentorum Generalis, Erwitus Generalis vigiliarum Magister, Conzaga Marchio, tribunus Baumgartius fuere. Tormenta viginti novem, centum viginti militaria signa Sueco cesserunt. Tillius ipse vulneratus est, & cum Rudolpho Maximiliano Saxonie Duce, Pappenheimio, & Fürstenbergio Comitibus, Hallas primùm, inde Halberstadium rhedâ fugit. Nec incruenta Sueco victoria, de ejus exercitu mille quingenti, insuper tribuni Teufelius, Hallius, Calenbachius periere. De Saxonis exercitu duo millia cum aliquot tribunis desiderata sunt. Rex altera die Cæsariana opulenta castra spoliari jussit. Saxo Lipsiam recuperat, licet victus ex pugna pulsus fuerat. Hæc de infelici prælio Lipsiensis. [5.]

Rex Sueciæ victor ulteriùs victoriam suam prosequi festinavit, & Halberstadiensis Diæcesis statim jugum ejus suscepit, Bannerius verò Aulam-Regiam Franconiæ clavem cepit, quem secutus Rex cum exercitu Herbipolim civitatem consternatam ingreditur, & arcem Principis sedem vi 8. Octobris occupat, jugulatis omnibus arma ferentibus. His auditis, Hannoveria, Aschafenburgum, Steinheimium Sueco claves quoque obtulerunt, & ita tota Franconia in potestatem ejus venit. Francofurtum etiam ipsi cum exercitu per urbem transitum dedit. Hassius videns Suecum quasi deum suum jam lætior, quò ante pertinacior fuerat, Fuldam armatâ manu cepit. Aderant & Moguntie fata, quæ cum magna magis quàm firma

firma effer, deditionem fecit, hanc & Wormatia sequebatur. Palatinus etiam inferior primùm victori Sueco quidem restitit, sed violenter expugnatae Bacherachum, Lauda, & Manhemium aliis exemplo fuerunt. Nec uno etiam loco Imperium laborabat, Silesiam alia manus Suecorum invaserat, & occupatis obviis locis ad Glogoviam usque majorem prædas agebat. Bohemiam Elector Saxo expugnabat, vacuamque adortus præfidiò Pragam facili negotio occupavit. Metropolim potior Bohemiarum pars cum Egra sequebatur, cum Cæsariani aliquam à Saxone stragem accipissent. [6.]

In tali turbatione Tillius ubique veteranos suos collegit, & brevè non contemnendum exercitum comparavit, Pappenheimius ab Electore Coloniensi cum manu forti contra Hassum in Westphalia mittitur, qui omnia prospera peragens hostem inde cedere compulit, & Bannerium fugat. Tillius autem Norimbergam frustra cinxit, ad quam liberandam Rex Sueciæ in procinquerat. Interea Ferdinando Imp. maxima cura erat ad novum formandum exercitum contra tam potentem hostem Suecum, ad hoc in Moravia Fridlandum sollicitat, ut Generalatus officium recipiat, cui ad militaris rei peritiam nihil natura, nihil ad felicitatem fortuna hucusque denegaverat, gratus præter hæc militibus, quos super omnia beneficiis suis sibi obnoxios effecerat. Itaque certatim in subsidium ultro collocata pecunia est. Hispaniarum Rex per Legatos suos trecenta ducatorum millia dedit; Ferdinandus Ungariæ Rex trecenta Imperialium millia: Eggenbergius Dux centum Imperialium millia: Viennensis Episcopus octogin-

ta Imperialium millia: Cardinalis Dietrichstainius centum millia florenorum: Comes de Michna centum millia florenorum: Stralendorffius Vice-Cancellarius octodecim millia ducatorum. His bellorum nervis brevi tempore non contemnendus fuit comparatus exercitus, cui totius Austriacæ Domus absolute Generalissimus Albertus Wallensteinus præficitur. [7.]

Comitia hoc anno procerum Viennæ celebrabantur, ad quæ etiam Martinus Abbas Zwetlensis 4. Februarii descenderat, in quibus magna pecuniæ summa petebatur, inde pro quolibet talento medius florenus, quilibet procerum 40. florenos, parochus aut capellanus 4. flor. nobiles facti, doctores, & mercatores aulici 30. flor. advocati & privilegiati 12. flor. cives & opifices 6. flor. habitantes in suburbis & civitate non donati 3. flor. magnatum famuli, ac de procerum, civium ac rusticorum prædiis 2. flor. dominorum & gynæcei famuli 40. cruciferos: de integro lanceo 1. fl. de medio 30. crucif. sicut etiam tabellarii & laboratores totidem, de area una 15. crucif. item vinitores, bubulci, servi & ancillæ totidem dare debebant. [8.] Quæ pecuniæ summa nimium excrevit. Miles interea lectus itinera & vias observabat, & quæque obvia rapiebat, licet edictis cavere-

Porro magnus ventus Viennam perflavit, & Patrum Societatis ad Collegium duas templi turres cupreas noviter postas disiecit, nihil tamen damni casus ejusmodi ulli attulit. [9.]

Venio ad Zwetlam nostram, ubi in Præpositura Cæsareis Commissariis fuit in temporalibus octavâ Decembris D. Bonfinius installatus. [10.]

## ADDITIONES.

\* [1.] Theatrum Europæum p. 2. hoc anno.

Ortelius Redivivus hoc anno.

[2.] Wassenbergius p. 3. Sub confederatione Lipsiensi.

Spondanus hic n. 8.

[3.] Wassenbergius part. 3. sub bello Suecico.

[4.] Wassenbergius p. 2. sub Magdeburgensi bello

ooo ooo o

Spon-

Spondanus ubi *suprà*.  
[5.] Wassenbergius p. 3. sub bello Suecico.

Spondanus hic n. 3.

[6.] Wassenbergius ubi *suprà*.

Item Spondanus ad hunc an. n. 3. „Alia  
verò parte Elector Saxonicus Boëmiani in-  
gressus, post aliquot minora loca intercep-  
ta, Pragam ipsam in potestatem suam  
mense Novembri redegit, gemente ad hæc  
universa Germania Catholica ob direptionem  
bonorum omnium, expilationem  
ecclesiarum ac monasteriorum, pulsionem  
ac eadem Sacerdotum & regularium, vio-  
lationem monialium; omnis sceleris, om-  
nis sacrilegii, omnis nefas perpetratio-  
nem. Quorum tamen ipse malorum culpam  
in Domum Austriacam, & Hispanos, quo-  
rum consiliis eam regi querebatur, rejiciebat.  
Doluit autem vehementer plurimis Catho-  
licis rerum nesciis, quòd hujusmodi homi-  
ni Rex Christianissimus Societatis dexteram  
dedit. Sed fecit hoc ipse, postquam tor ac

„tantos Sueci progressus animadvertit; tum  
ad divertenda per eum arma ab invidis ho-  
stibus in regnum suum parata: tum verò  
maximè in utilitatem Catholicorum; cum  
& Dux Baviaræ, princeps Fœderis Catho-  
licorum Germaniæ, etiam cum Rege locie-  
tatem hoc ipso anno contraxerit; & Electo-  
res ipsi Ecclesiastici, aliique nonnulli Epis-  
copi Germaniæ, ad eum pariter recurrerint,  
ut ejus operâ mansuesceret Sueci barbarici.  
Sicuti & contigit, Rege ad hoc Metas  
ad confinia regni profecto: adeò ut non  
semel in apertum ferè dissidium ventum in-  
ter Reges fuerit: venturumque omnino  
putamus, nisi serum barbarum citius de me-  
dio divina providentia sustulisset.”

[7. & 8.] Theatrum & Wassenbergius  
cit. locò, & Annot. Monasterii.

[9.] Ex ore præsentium.

Continuatio Calendarii Ederiani addens  
vehementiam ventorum totò triduo perdu-  
râsse.

[10.] Ex Relatione præsentium.

Annus Christi MDCXXXII, Monasterii CCCCXCIV.

*Pont. Rom.*

Urbanus VIII.

*Imp. Rom.*

Ferdinandus II.

*Archi-Dux Austria*

Idem.

*Episcopus Pataviensis*  
Leopoldus II.

*Abbas Zwettlenfis*  
Martinus II.

**B**ellum hoc anno Suecicum suam  
victoriam prosequēbatur, sed fun-  
nestum ob amissum Regem, & etiam  
Catholicis ob perditos Generales suos  
non adeò prosperum bellum erat. Til-  
lius ergo relicta Colonia Agrippinæ  
Bambergam movit, quam Gustavus  
Hornius exercitu infederat. Qui omnia  
probè expiscatus, uno impetu castris &  
urbe potitus, quatuor millia confecit,  
viginti tormenta bellica cum quibus-  
dam militibus signis abduxit. Hoc  
factum 8. Martii. Deinde Rex Dona-  
werdam oppugnare cepit, quam Rudol-  
phus Maximilianus Saxonie Dux ne-  
quicquam defendere tentavit, in hanc  
violentus irrupit, & omnes Cæsariano-  
rum sanguine vias sparsit. Hoc con-  
tingit 28. Martii. Paulo post 15. Aprilis,  
Cæsariani ad Licum cum Sueco præ-  
lium ineunt, nec tamen prius cesserunt,  
quam cum Tillius lethaliter vulneratus

fuisse, tum effusa præcipitque fugâ  
Ingolstadium delati sunt, ubi Tillius  
Comes, felicissimus tredecim annorum  
bellator post partas nobilissimas de Bo-  
hemia, Palatinatu, Dania, Saxonia  
virtute victorias, diem ex vulnere ex-  
tremum clausit, summus militiæ Dux,  
summæ (quod mirum) pietatis & con-  
tinentiæ Miles, quippe qui instar Afri-  
cani Scipionis pueros puellasque cap-  
tivas præcipuè pulchritudinis hostibus  
restituerit; qui horas quotidie ut Sacer-  
dos legerit, & præcipuas provincias  
sanctitate prius quam armis profigarit.

Suecus interea suam victoriam se-  
cutus Augustam Vindelicorum venit,  
quem læti etiam & congratulantes vi-  
ctorias cives ultrò susceperunt, & in  
verba Regis tanquam legitimi Domini  
juraverunt. Eadem hac die 28. Apri-  
lis, Bavarus Ratisbonam tentavit &  
stratagemate occupavit, quam etiam  
muni-

munivit. Rex hoc accepto nuntio Ingolstadtium movit, ubi Christophorus Marchio Badensis & Durlacensis uno tormenti globo quasi fulmine prostrati, & alius similis globus Regis equum in ponte confecit, ipsumque in tabulatum dejectum humiliavit. Non sapiebant illi boli, & pavor Regis pro victoria fuit. Recessit itaque, & hanc in omne ævum Ingolstadii gloriam reliquit, quod prima docuerit, Gustavo Adolpho posse resisti. Wallensteinus etiam non feriebatur, sed ex Moravia sua quinquaginta millium collecto exercitu in Bohemiam movit, & Pragam laxam urbem, compulsis in unam arcem hostibus, una die assultibus expugnavit, & legiones captas ablatis armis & militariis signis malè multatis dimisit, & Arnheimi fugatò in Lusatiā, Bohemiam iterum ut antè Cæsari restituit.

[1.] Hujus urbis expugnationem pluribus describit ipse præfens & pars exercitus Wallensteinii Adolphus ab Issem Supremus Locum-tenens de legione Hazfeldica, qui D. Abbati Martino Zwetlenfi sequentia nuntiat: „Significo D. Abbati, quod 25. Maji ad „Montem-Album accesserimus, & urbem nobis invadentibus à quarta „hora matutina usque ad decimam meridianam quinque millia Saxonum se opposuerunt, sed vi majori „non valentes ulterius resistere hostes, „se fugæ tradiderunt, ubi mihi hic „honor datus, ut tribus turmis equitum ad Parvam-Partem irrumperem, „aliis equitibus foris manere jussis, „tunc pars hostium ad arcem regiam „viginti duobus vexillis peditum, & „duobus equitum se recepit, alia pars „per pontem in Veterem-Civitatem „fugit, & ad gratiam Generalissimi se „dederunt, quos Fridlandius albis „baculis abire, & equitibus sclopetas „rapere jussit, & Parva-Pars civitatis „militum prædæ cessit. Reliqua Saxonum manus nocte aufugit. Noster „exercitus constat ex triginta millibus

„militum, expectamus adhuc quatuor „legiones, & iter nostrum Misniam „versus dirigitur. „Ex Originali dicti Locum-tenentis sub dato Pragæ 27. Maji, Anno 1632. [2.]

Rex Ingolstadii Monachium Maximiliani Bavari sedem petiit, hic intromissus à civibus se deditibus, ex delatione rusticorum centum quadraginta machinas defossas terrâ eruit, & inter has laxæ capacitatis balistas plures & famosas (sic vocabantur) sues, quarum una triginta millia ducatorum evomit, invenit; insuper cives suam redimere urbem trecentis Imperialium millibus debere. Similiter Episcopatus Frisingensis ducentis Imperialium millibus, & Landshuta centum fuerunt multati. Wallensteinus ad Egram, prius inde pulso Saxonico præsidio, cum Bavaro se rursus jungit, & Suecum Norimbergam eundem prosecutus est, in quo itinere tribus legionibus Tupadelium copiis suis circumdatum, interfectione delevit, ipsum tribunal cepit. Mox cum exercitu Regem & Norimbergam septuaginta militum millibus, conjunctis ad medium milliari castris, cinxit. Ubi ad Altenbergam 7. Septembris Sueci castra Cæsarianorum invaserunt, e contra impigre se Cæsariani defenderunt, ita ut Rex nudò brachiò, confusionem metuens, & nudo ense aciem restituere, legiones conjungere, & alia quadam majori vi Cæsarianos in castra rejicere laboraverit, Cronenbergica legione ferme tota deleta. Ipsi Regi tunc solæ calceorum globò raptæ sunt, Fridlando & Bernardo Vinariensi Ducibus equi, quibus insidebant, occisi.

Continuavit decem horis continuis prælium, donec nox illud diremit. Suecorum ad septem millia ceciderunt, vulnerati Joannes Bannérius Generalis, Comes Erlacensis, & mille ducenti regarii captivi, Torstensohnus tormentorum Generalis, Erichardus & Carpius Tribuni. Apud Cæsarianos ultra mille ceciderunt, inter illos Jacobus Fuggerus,

rus, Aldobrandinus, & Dominus Maria de Caraffa Tribuni. [3.] Idem nuntiat Adolphus de Ifem Supremus Locum-tenens de legione Hazfeldica præfens D. Martino Abbati Zwetlensi, ubi plurima habet specialia, nimirum quod Rex Sueciæ dixerit, se non putasse Bohemicum Nobilem (vulgò den Böhmischen Junker / Fridlandum Generalissimum indigitans) tanta cum multitudine se cincturum: & dictus de Ifem summopere laudat Fridlandiæ Ducem de amore erga suum militem singulari, ex eò quod vulneratis in prælio prædicto, cuilibet quinque ducatos donarit, ac per proprium suum chyrurgum vulnera ligari ipsorum curarit, econtra Suecorum vulneratos non intromiserunt Norimbergenses, in castris enim ejusdem fames & lues tam inter homines quàm pecora valde grassabatur ob victualium & pabuli inopiam. Militem quoque ad Fridlandi nutum stare, cum Suecis congregi, & hostem persequi sitire, præfatus Locum-tenens scribit, addens, ipsum Generalissimum uni Tribuno de legione sua, eò quod in saltu ad insultus Suecicos se fortiter murum opposuisset, duo millia Imperialium donasse, & concludit literas suas, quod illud prælium ad castra ab ultima Augusti usque ad 4. Septembris acriter durarit. [4.] Significat quoque Cæsarianos cum Suecis ad oppidum Staina Silesiæ, ubi ad Oderæ pontem castrametati erant, conflixisse, & in castris suis obsessos fuisse, quos certis sub conditionibus in deditionem accepit, Capitaneis, Tribunis, aliisque militum Officialibus dimissis, gregario verò milite in ordinem legionum diviso. Hoc tempore Wratlavienses quoque à Tupadelio tentati fuere, fugato inde milite sub Don. Balthasaro Cæsariano, sed responsum diu procrastinârunt, donec ex parte neutrales facti fuere. [5.] Nissa verò occupata fuit.

Jam venio ad illud cruentum prælium ante Luzam habitum, in quo tam

Regius, quàm generosus sanguis effusus fuit. Wallensteinus enim in Saxoniam irruit, & Lipsiam sui juris fecit, ad quem cum exercitu Rex properans in absentia Pappenheimii belli aleam cum Fridlando tentare voluit, sed utrosque nebula diremit. Itaque Dux ad Luzam oppidulum ad duo miliaria Lipsiâ distans castra munit, & celerem ad Pappenheimium cursorem misit, ut ad prælium properaret. Qui captis Hallis opportunè venit, jam enim à Rege tres legiones interneccione deletæ fuere. Nebula autem interveniens, qua Rex cum duobus suis tantum servis paulisper aberravit, ipsum tradidit neci, una enim turma equitum ipsum invasisit, undecim globis & vulneribus eum afficiens, donec cecidit tantus Rex, qui infra trium horarum spatium totius Orbis Monarcha fieri affectabat, hoc enim ante prælium à suo petierat exercitu. Pappenheimius etiam lethaliter vulneratus, ubi audivit Regem mortuum, lætus obiit. Interea acies, cum nihil facerent, quàm occiderent, crescens usque ad umbilicum viri de cadaveribus agger invicem non metus aut pavor separavit, donec post novem horarum prælium pugnando lassos tenebræ diviserunt. Quatuordecim millia hinc & inde ceciderunt, Inter Cæsarianos Abbas Fuldenfis, Godefridus Heinricus Comes Pappenheimius, Bertholdus Comes Wallensteinus, Westronius, Wizlebius, Breinerus Tribuni: Ex Suecis ipse Rex Gustavus Adolphus, Islerius, Gersdorffius, aliique plures Tribuni.

Et hæc fuit illa cruenta, regio nobilique sanguine famosa clades, cui fortissimorum Ducum exitiò parentatum est: cum illic Gustavus Adolphus, hic Pappenheimius, celebratissima sui ævi nomina, sacra Bellonæ pectora, Martisque pulli. [6.] Rex nihilominus illum metuebat, qui aliquando diceret, se nullius quàm cicatricibus (quas circiter 30, in corpore habet.

habebat) deformati, vulgò Schramb-  
hannß/ æquè metu teneri: quem unum,  
cùm doctores alios, alios furiosos dixis-  
set, militem nominare solebat. Et pro-  
fectò hoc tempore nullius magis, quàm  
unius Pappenheimii virtus efferebatur,  
cujus fama non Germaniam modò &  
Viennam, sed Parisios etiam, Madri-  
tum, Romam, Cracoviam & Balthicum  
ultra sinum Stokholmiam impleverat.  
Talis autem Rex reliquit post se quot  
Tribunos, tot Generales, qui postmo-  
dum variis in Imperii locis multa damna  
fecerunt, & Regis bellum ut Martis filii  
diu persecuti sunt. Demum hic annus  
multis funestus fuit Principibus, in-  
Schwartz Tirolis Archidux Leopoldus  
3. Septembris obiit, sicut etiam Mo-  
guntiae quondam Rex hyemalis in Bo-  
hemia Fridericus Comes Palatinus Rhe-  
ni 19. Novembris. Contagio pestis  
quoque ad finem anni grassari in di-  
versis locis ceperat, præsertim in Mis-  
nia, ubi adhuc messis integra mense.

Decembri in agris steterat jam perdita,  
ob inopiam hominum illam capien-  
tium; quæ contagio etiam per milites  
in Siliciam allata fuit, quæ anno sequen-  
ti homines plurimos devoravit.

Rustici præterea hoc anno in Su-  
periori Austria contra dominos suos in  
parte illa, quæ Hausbrudviertl vocatur,  
arma sumpserunt, contra quos ex Un-  
garia aliquot vocatæ legiones ab Im-  
peratore illuc missæ fuerunt; primùm  
statim rustici impeerunt, ducti à quo-  
dam Tridentino Spinell dicto tormen-  
tario ad Everdingam ad mille eorum  
cecliderunt, & totidem capti, alii in  
domus suas se contulerunt, ex captis  
fuit eorum Capitaneus & Prædicans,  
quorum ille Lincii corde prius exciso &  
ore ejus cum eo percusso in quatuor  
partes dissectus, isti verò manus dextra  
& caput amputatum fuit, reliqui pri-  
mores rebellionis undique in exem-  
plum aliis suspensi videbantur. [7.] Et  
sic sopitus iste fuit tumultus.

## ADDITIONES.

\* [1.] Theatrum Europæum p. 2. hoc  
anno.

Wassenbergius p. 3. Sub bello Suecico.

[2.] Ex literis hujus Locum-tenentis.

[3.] Idem suprà ad n. 1. relati.

[4.] Ex Originali duplici illius sub 25.

Augusti & 5. Septembris ex castris ante No-  
simerbergam Cæsarianis.

[5.] Idem, ubi suprà Locum-tenens sub  
dato Zeusch 24. Octobris 1632.

[6.7.] Theatrum Europæum p. 2. sub  
bello Suecico hoc anno.

**Annus Christi MDCXXXIII. Monasterii CCCCXCV.**

*Pont. Rom.*  
**Urbanus VIII.**

*Imp. Rom.*  
**Ferdinandus II.**

*Archidux Austriae*  
**Idem.**

*Episcopus Pataviensis*  
**Leopoldus II.**

*Abbas Zwettlensis*  
**Martinus II.**

**A** Nnum hunc incipio ab executione  
Wallensteinii uti Generalissimi  
Pragæ peracta, ubi illos, qui in Lu-  
centi prælio fugæ initium dederant,  
& currus campestris proprios invase-  
rant, quorum octodecim fuerunt, par-  
tim capite plecti, partim suspendi, par-  
tim ignominia notatos ab exercitu eji-  
ci curavit. Hoc contigit 4. Februarii.

\* [1.]

Interea Viennæ Ferdinandus refor-  
mationem fidei sanctè urgit, & manda-  
vit, quatenus omnes Austriae incolæ  
in locis hæreticorum à Communione,  
à susceptione Baptismatis, Copulatio-  
nis, & ejusmodi abstinerent sub poenæ  
corporis & capitis, datò desuper man-  
datò 4. Martii severissimò.

Venio ad Fridlandum potentia sua  
inflatum & ambitione cæcum, qui pau-  
latim

PPP PPP P



latim patriæ, nominis, dignitatis, beneficiorumque oblitus, dominationem machinari, & totus in monstrum illud, ut mente, ita animò quoque & affectu degenerare cepit. Impulit hominem ad hoc scelus malè nata ambitio, quæ non patitur quemquam in ea mensura bonorum conquiescere, quæ quondam fuit ejus impudens votum. Ille è Bohemia Nobilis, rarâ Imperatoris gratiâ Comes diversarum Regionum Dux, totius Austriacæ Domûs Generalissimus, cum summo ferè belli pacisque arbitrio, non unde venerat, sed quò tenderet, ut ambitionis genius est, respiciebat. Manifestabant ejus machinationem sequentia pacis puncta singularia ferespicientia Saxoni cum Generalibus aliis transmissa, quorum primum erat, si coronam Bohemiæ obtinere posset, quòd omnibus Dominis è regno pulsus & aliis bona sua restituere, Religionem liberam esse, Palatino terras suas reddere velit. Secundum, pro Mechelburgio, Sagan, Glogovia, & pro debito Cæsaris se velle habere Moraviam. Tertium, siquidem Baviaræ Dux ipsi Fridlando Ratisbonæ unà simul generalatum auferre juvisset, velle se Austriam Superiorem ipsi impignoratam quoque habere. Quartum, petere itaque exercitûs utriusque conjunctionem, à Catholicis Suecis expensarum ad bellum recompensationem, Patrum Societatis ex consilio, regnis, & provinciis Cæsaris eliminationem, pro recompensatione damnorum utrique Electori Silesiæ traditionem, liberam ubique Religionem, pro octingentis millibus ducatorum Saxoni debitis Superioris Lusatiæ & medii Regni Bohemiæ hæreditariam possessionem,

Hæc ipsius somnia & petita à Saxone & Brandenburgo in suo esse permittebantur, illi econtra in Imperio Cæsariani militis exaustorationem, Episcopatum Magdeburgensis & Halberstadiensis renunciationem, à Catholicis Suecis expensarum ad bellum recompensationem, Patrum Societatis ex consilio, regnis, & provinciis Cæsaris eliminationem, pro recompensatione damnorum utrique Electori Silesiæ traditionem, liberam ubique Religionem, pro octingentis millibus ducatorum Saxoni debitis Superioris Lusatiæ & medii Regni Bohemiæ hæreditariam possessionem,

nem, actandem Friderici quondam Regis filii in Palatinatum restitutionem, ad quam obtinendam Generalissimus auxiliò præstò esse teneretur, postulabant. Ad hæc postulata Fridlandus aures obtulit, & Schweidnitzium libenter occupasset, si non confœderatorum exercitus, qui eo fortior erat, cum impedivisset. Imperator autem his perceptis nervum belli pecuniam colligebat, unde per Austriam magnus census inditus fuit, non quidem subditis, sed dominis, nobilibus personis, & variis magna solaria habentibus secundum proportionem cujusque. [2.] Et Fridlandus rursus cum Arnhemio Saxonis Generali pacis tractationem inibat ante Schweidnitzium in campis patentibus, ubi armistitium ad quatuor septimanas inter se conclusum, & certæ pacis conditiones subscriptione & Sigillò à Fridlando firmatæ fuerunt, postea in prato amœno collatione sumpta in castra sua redierunt. Colonellus Piccolomineus invitaverat Regis Daniæ filium ad colloquium, quo finito ipse Princeps abire volens improvisò globò trajicitur, ita ut mortuus de equo prorinus caderet 28. Septembris, inquirebatur in Authorem, sed nullus reus esse voluit, cujus factum deinde Sycophantæ Colonelli, vel potiùs venatori ejusdem imputatum fuit. Sed non diu mansit hoc armistitium, siquidem undique hostes, undique bella, Bernardus Vinariensis occupavit Ratisbonam, Fridlandus loca varia in Silesia recuperabat partim vi, partim deditione. Rursus magna pestis contagio imperium invasit, Schweidnitzii enim tantum infra tres menses 2500. eâ perierunt, Argentorati similiter eadem lue 5546. personæ absumptæ scribebantur. Tali comite bellum serpebat.

Demum ut ad Monasterium Zwetlense veniam, hoc anno D. Martinus Abbas nominatus Commissarius super electione Magistratûs in Waidhofen ad Teiam sita acceptò desuper decretò, illam

illam suam commissionem 3. Februarii in effectum deducere voluit, quo ex Monasterio abeunte, talis ventus exortus fuit, ut bonus Abbas in periculo

non parvo fuerit, tam in rivis, qui undique inundarunt, & silvis, ubi arbores crassiores post & penes curram cadebant. [3.]

## ADDITIONES.

\*[1. & 2.] Theatrum Europæum hoc anno.

Item Wassenbergius sub bello Suecico. [3.] Ex relatione præsentium.

Ann. Christi MDCXXXIV. Monasterii CCCXCVI.

*Pont. Rom.*  
Urbanus VIII.

*Imp. Rom.*  
Ferdinandus II.

*Archi-Dux Austriæ*  
Idem.

*Episcopus Pataviensis*  
Leopoldus II.

*Abbas Zwetlensis*  
Martinus II.

**F**ridlandi ambitionis sitis magis crevit, unde ut ad suum effectum posset deducere votum execrabile, totum exercitum contra voluntatem Imperatoris Ferdinandi in hæreditarias provincias in hiberna deduxit, nimirum majorem ejus partem in Bohemiam, partem aliam in Moraviam, ac in Superiorem Austriam, nec non in Episcopatum Pataviensem, cujus miles ex ejus ordinatione tantas emunxit pecunias, & pauperes exagitavit, ut eadem ratio videretur esse, si in gremio Succum aluissent. Ex hoc maximè in aula & apud ipsum Imperatorem suspectum se reddidit, præsertim cum Pilsnam, quam sibi pro diverforio elegerat, omnes colonellos totius exercitus convocasset, ubi propositis quibusdam causis Generalatum suum resignare voluerat: qui in unum coeuntes suaserunt, ut illum ulteriùs in bonum totius Reipublicæ Christianæ retineret. His peractis omnes dicti colonelli reversales suas de fidelitate sibi servanda usque ad mortem ipsi tradere tenebantur. Hæc advertens Leopoldus Passaviensis Episcopus militem conscripsit. Bavarus quoque ab eo se elongavit. Imperator verò de reversalibus postulatis malè contentus, ipsum à Generalatu amovit, & interea vices ejus commisit Generali Campi Locum.

tenenti Comiti Matthiæ Gallasio, & ad totum suum exercitum mandatum dedit, ut illi interea obtemperarent, donec alius Generalissimus in brevè ipsis præficeretur. Viennæ sub dato 24. Januarii. [1.] Sed ne interea quid machinaretur cum exercitu, alterum mandatum ad eundem dedit, & publicari fecit, in quo inprimis exautoratò Fridlandò alios temporales illis constituit Generales, ut supradictum Comitem Matthiam Gallasium, Comitem Joannem Altringerum Campi-Mareschalcum, Don Balthasaram de Marradas, Franciscum Octavium Piccolomineum, & Comitem Rudolphum de Colloredo, sub dato Viennæ 18. Februarii. [2.] His peractis Fridlandus, ut rem suam maturaret, & cum hostium Ducibus se conjungere valeret, Egrum movet. Nam animò jam firmarat præfocare Cæsarem cum filio Ungariæ Bohemiæque Rege, invictam Austriacam Domum funditus evertere, distringere incendiis urbes, exercitus vendicare, fideles Cæsari Duces confodere, Bohemiæ se Regem facere, totum denique Imperium lacerare, & quicquid nec Gustavus Adolphus videretur optasse. [3.] Sed ad mortem suam properavit, quæ taliter contigit, ut quidam Colonellus præfens, nomen suum reticens Martino Abbati Zwetlensi verè ut facta erant, perferibit:

Ppp ppp p a

„ Dic

„ Die Martis 20. Februarii Albertus  
 „ nuncupatus Fridlandiæ Dux cum  
 „ perfunctus nefariam prodicionem ac  
 „ conspirationem suam contra Sacram  
 „ Cæsaream Majestatem, & Augustam  
 „ Domum Austriacam totumque Im-  
 „ perium, jam detestam esse, unâ cum  
 „ Gulielmo Kinsky seniore, Adamo  
 „ Terzka majore natu, & colonello  
 „ Iloo, deducenibus equitibus mille  
 „ & ducentis peditibus Egram versûs  
 „ limitaneam regni Bohemiæ Urbem  
 „ se recepit. Ducebat has copias co-  
 „ lonellus Butler Hibernus, secretò per  
 „ literas à Generali Campi-Locum-ten-  
 „ nente Gallasio jam antè certior factus,  
 „ quid ageretur, & in qua causa Frid-  
 „ landus esset, edoctusque quid è re  
 „ Sac. Cæs. Majestatis & Reipublicæ  
 „ foret, rescribit Butler, se fidei datæ  
 „ & officio suo non defuturum, ubi  
 „ occasio rei bene gerendæ pro sua  
 „ Majestate effulgeret. Ingressus civi-  
 „ tatem Egram unâ cum milite & Du-  
 „ eibus prædictis, ibidem Locum-ten-  
 „ nentem Terzkæ nomine Cordan, na-  
 „ tione Scotum, religione, ut fertur,  
 „ Calvinistam sub imperio suo quinque  
 „ cohortes habentem, & alium Sco-  
 „ tum nomine Leslam Capitaneum re-  
 „ perit. Hi re inter se & plerosque pa-  
 „ triotas suos communicatâ, consilium  
 „ opprimendi fugitivos capiunt. Habe-  
 „ bat in arce Egrana diverforium suum  
 „ dictus Locum-tenens Colonelli Cor-  
 „ dan: Placet itaque inter participes  
 „ consilii, ut ipse novum adventantem  
 „ notumque amicum Butlerum, cete-  
 „ rosque patriotas, tum imprimis ad-  
 „ venas dictum Kinsky, Terzkam, &  
 „ Ilopm unâ cum Capitaneo Nieman  
 „ ad cænâ invitet, atque ubi ad bel-  
 „ laria producta esset cœna, tunc sex  
 „ è dictis participibus cum gladiis stri-  
 „ ctis sub pallio occultatis ingredian-  
 „ tur ac interrogent: Quis vivit? Si  
 „ quis diceret, Imperator vel Domus  
 „ Austriaca, illi parcat, sin autem,  
 „ interficiatur. Interea inter cænâ-

„ dum multus erat sermo de præsentî  
 „ rerum statu, quisque pro se uti sæ-  
 „ dissimè poterat, ita in Imperatorem  
 „ & Domum Austriacam erat injurius,  
 „ & mansit indubitatum apud omnes,  
 „ nisi Imperator cum Domo illa fuerit  
 „ extinctus, factionem suam salvam  
 „ esse non posse: præ ceteris autem  
 „ Capitaneus Nieman jactabat, sperare  
 „ se, quòd manus suas in sanguine  
 „ Austriaco loturus sit.

„ Adest tempus bellariorum, & ab  
 „ ingressis armatis tessera ex compo-  
 „ sito enuntiat, qui ad compositum  
 „ non responderent, interficiuntur, pri-  
 „ mus Kinsky, secundò locò Terzka,  
 „ cui cum per densum firmumque tho-  
 „ racem coriaceum sive collobium,  
 „ ferrum adigi non posset, tandem  
 „ subrus thoracem ictus lethalis datus  
 „ est, tertio locò Iloos correptò jam  
 „ gladiò vim defendens, inclamans-  
 „ que, num ad ejusmodi cænâ ipsam  
 „ vocare voluissent, à Capitaneo Les-  
 „ la, cujus stricto ense manum perfo-  
 „ derat, interemptus cadit; fugam in-  
 „ terim arripuerat Nieman, sed hunc  
 „ in arcis area consecutum Liberato-  
 „ res similiter consiciunt clamantem,  
 „ quicquid fecisset, id coactè se fecisse.  
 „ Emisus interea ex arce nemo, nec in  
 „ urbem, in qua diversabatur Fridlan-  
 „ dus, hujus quippiam elatum. De  
 „ eodem ergo Fridlando, ducendûsne  
 „ captivus, an statim morti dandus?  
 „ hic primum inter consortes delibe-  
 „ rabatur. Post tertiam demum deli-  
 „ berationis horam placet morti cum  
 „ tradere. Missus itaque Præfectus-Vi-  
 „ giliarum, cujus nomen (NB.) igno-  
 „ ratur, cum idoneo numero sidorum  
 „ in cubiculum, ubi lecto compositus  
 „ jacebat Fridlandus, irrumpit, corri-  
 „ pit se quamprimum ex lecto reus,  
 „ ad fenestram cubiculi properat, sed  
 „ illico se oppressum sentiens, conver-  
 „ tit faciem expansis brachiis ictum bi-  
 „ pennis in pectus recepit. Constan-  
 „ ter asseverant, ad ictum tanquam  
 bom-

„ bombardæ sonum ex corpore intonuisse, fumumque ex ore non secus, ac si quis tobacum biberet, exivisse. Non fuit vel unus ex toto illo milite, quem suæ custodiæ, ut fidelissimum delegerat, qui vel signum doloris mortis ejus ostenderet, nedum quicquam moveret. Cadaver Fridlandi postridie ablatum ac interulâ albâ indutum, in inferiori domo in Sacellum quoddam illatum fuit, quò & ceterorum paulò post cadavera composita, eoque ordine disposita fuere, ut supremum locum tenuerit Fridlandus, infra ad pedes ejusdem collocati ordine Kinsky, Terzka, & Illoo, & ad pedes horum transversus Nieman. Cancellaria Fridlandi tota in nostrorum manus venit, Cancellarius Elzius, quem ille paulò antè Dresdam miserat, hæcenus evasit, quem tamen Croatæ nostri graviter persequuntur. Pecuniæ ac suppellectilis, & quicquid ibidem in mobilibus interfectorum, vel in ærario fuerat, nihil quicquam direptum aut amotum. Advenit eadem die 26. Februarii à Francisco Alberto Saxonie Duce Lawenburgico (quo mediante hæcenus plerasque machinationes & tractatus suos cum Electore Saxonie Fridlandus communicaverat, quique eorum omnium conscius fuerat) missus tubicen nuntium à Fridlando relaturus, num ad illum tutus posset accedere, hic comprehensus detinetur, ac remittitur ad Lawenburgicum alius insignibus Fridlandicis ornatus, qui eum liberè & securè adesse jubebat. Disponuntur interea ternæ equitum turmæ, quæ venientem interceptiant, prout successit. Adfuerat eidem Lawenburgico paulò antè in colloquio Dux Saxonie Vinariensis Bernardus Campi-Mareschalcus sub Signis Suecicis præcipuus. Spes est de hoc quoque capiendo, quem altero capto nostri equites pariter infecuti sunt.

„ Ex complicitibus Schafgotius Glacii, in Silesia captivus detinetur. „ [4.] Hæc breviter de exitu proditoris Fridlandicæ Anno MDCXXXIV. Weissenbergius nominat Gordonium bipenni Fridlandum transfodisse sub his verbis: „ Tunc ille es & Imperii & Imperatoris proditor, cujus è capite coronas auferre statuis, ut scelerata iis tua tempora cingas? „ Quæ omnia 25. Februarii hoc anno Egræ contigerunt. [5.] Paulò post per Zwetlam Lawenburgicus captivus Viennam deducitur.

Colonellus Götzius in Silesia aliquot civitates etiam & loca occupavit & Succos expulit, Croatarum quoque turmæ in suburbia Wratislaviensis de nocte irruperunt ad S. Nicolaum dicta, ubi manipuli duo Suecorum diverterant, è quibus quatuor captivos duxerunt, alii se defenderunt, & in diversis locis ibi domus incenderunt, qui tormentorum globis de propugnaculis urbis in eos emissis abire cogebantur. Postea Lignitii tam Cæsariani milites, quàm Saxonici, quàm Suecici in prælium convenerunt, & post trium horum pugnam Cæsariani coacti sunt cedere, tanta vis confederatorum erat, ut quinque millia hinc & inde cæsi, partim Lignitium fugere, partim alibi salutem suam quærere coacti fuerint. Interea in complicis rebellionis Fridlandicæ animadvertebatur tam Pragæ, quàm Pilsnæ, hic sequentes capite plexi: Colonelli Sparr, Keraufs, Ulfefeld, Wiltperger, & Mohrwald, Supremi Locum-tenentes Petrus Losy & Hammerle, reliqui erant Magistri vigiliarum & equitum, & capitanei numero 16. personæ: similiter octo Pilsnenfes senatores decapitati fuerunt, in universum 24. Lawenburgicus, Colonelli Schliff, Schafgotich, & Schaffenberg vitâ quidem donati, sed Viennam ducti sunt. [6.]

Ubi sequentia contigerunt: Cæp- tam 3. Junii publicam ob Jubilæum consequendum ad Scotos supplicationem,

nem, Imperator cum Imperatrice, Regina, Principissis, aliisque aulae suae proceribus sua praesentia honoratus est; contigit autem, dum in Scotorum templo Sacra peragerentur, mali pueri supra fornitem templi eo loco, ubi aera campana pulsantur, ut per foramina fornicis ad populum despicerent, ascenderunt. Horum unus aliis nequior lapidem per foramen cadere, & pulverem cum lapillis demisit, horum tactu recta stans vetula perterrita clamorem edidit, clamore huius & casu lapidis excitata turba astans, tumultuaria voce acclamavit, templum jamjam ruere super capita sua, erat enim rimis plenum. Alii a longe hoc tumultu excitati suspicabantur sicarios quosdam latitare, vitae Imperatoris insidiantes, clamabant hostem adeste. Hinc aulae proceres, qui aderant, ad suum Imperatorem defendendum parati, strictis gladiis cingentes corporeo quasi muro circa Imperatorem se collocantes, adversarium expectabant. Sed ubi tumultus causa prodit, nulla alia fuit, quam puerorum malitia & vetulae incussus terror. Dum autem Imperator ad aulam deferretur, mirabile! platea illa, quae dominorum dicitur, canibus ita plena fuit, ut praetoriano militi non parum laborandum erat, donec viam Imperatori abeunti pararent. Haec Viennae contigerunt 3. Junii in Dominica, in qua cantatur: Vocem jucunditatis. [7.]

Superius descripsi caedem Fridlandi Egrae peractam, jam venio ad ejus scelus Viennae in Augusta Domo adornatum. Deus mirabilis in operibus suis, & terribilis in consiliis super filios hominum, eadem quippe die, qua Fridlandus nocte mactatus, caedes Imperatoris & aulae totius instituta erat. Advenerat Viennam Generalis Altringerus à Fridlando ad necem quaesitus, quia cum ipso convenire in suscepta rebellionem volebat, quem ejus miles usque ad fi-

nes Austriae illius capiendi causa percutus est, salvus tamen per Zwetlensem civitatem paucis itineris comitibus 18. Februarii transit. Interim summa celeritate ille Schafftenbergius Colonellus à Generalissimo in instructione nefanda munitus Viennam dirigitur, qui plenus insidiis trecentos milites, quorum arma curru testis vehebantur, sub habitu mercatorum famulorum, per diversas portas in urbem incognitos introduxit. Conjuratis in urbe nulla mora, nulla quies, in quatuor urbis partibus nominat loca, ubi vasa tormentario pulvere plena occultentur: notat domuum praecipuarum portas, quae evadendae; noctem, horam & signum eis denuntiat proditor Colonellus dictus.

Advenerat dies, qua Schafftenbergius nomine Generalissimi sui Altringerum apud Imperatorem gravissime accusare constituerat, & simul Caesari necem intentare decreverat. Ecce tibi Deus Reipublicae Christianae misertus talem misit hominem, qui pridie pulveres tormentarios uti supra dispositos, ad incendendam urbem paratos inveniret, auctor statim innotesceret, milites sicarii proderentur, & princeps conjurationis angelus Fridlandi caperetur. Prodit subito Altringerus fidelis, & defectionem Fridlandi prodit, conjurationem in capita Augustorum explicat, causam suae persecutionis & Viennam adventum affert, denique periculum regni Bohemiae amittendi, ac invasionis Austriae futurae, nisi maturè succurratur, periculum esse pertimescendum. His auditis Imperator militem ex hibernis Austriae evocat, per Zwetlam in Bohemiam dirigit, cum in finem 25. Februarii ad moenia civitatis Zwetlensis legiones tam peditum quam equitum convenerunt, ubi etiam Imperator ipse cum Rege post quatuordecim dies expectabatur. [8.] Ex his protectio divina Domus Austriacae maxime elucet, cum eadem dies, quae pro ca-

de

de destinata fuerat Innocentissimo Cæsari, Fridlando alteri Catilinæ vitam ademerit.

Itaque alio pro Alberto dicto, Generalissimo opus erat, qui Baviaræ inhærentem extorqueret hostem, sed cui post perditissimum, tot beneficiis ad fidelitatem quodammodo emptum, crederetur? non poterat ergo qui Austriacis fidelis esset, nisi ex Austriaca Domo Generalissimus legi. Inter quos maxime Serenissimum Ferdinandum Tertium jam Ungariæ magnum Bohemiæque Regem fors respiciebat, mox magnum futurum belli Ducem. Hic 13. Maji Viennâ solvens Pragam versûs iter ingreditur, ubi lustrato exercitu, disciplina & affectu omnium suum Regiûmque fecit: utque nihil in exercitu nisi Cæsareum advenit, cum sexaginta probatissimorum militum millibus in Baviariam duxit, & ut Rege dignum erat, magnam munitissimamque urbem Ratisbonam cum Bavaro obsidione clausit, ducentisque machinis grandibus urbis mœnia simul una die quassari iussit. Quod ea vi factum est, ut dirumpi cœlum & terra, & omnia misceri elementa viderentur. [9.]

Ante Regis Pragam discessum 21. Aprilis alæ duæ equitum Croatarum in Ruedmans pago Monasterii Zwetlensis pernoctarunt, quæ in Weitra usque ea die perrexerunt, ubi pernoctandi gratiâ intromitti petierunt, quod ipsis denegatum. Ecce tibi impigri Croatæ in civitatem viam fieri facere conantur, atque jam duas portas perruperant, cum in tertia & ultima perfringenda laborarent cives se defendere cœperunt, spectaculum erat hostilis in mœnia impressionis. Croatæ autem repulsi ab impugnatione desistere debebant. [10.] Hoc à Cæsariano milite illi passi, quod ab hostibus Suecis vix expectandum fuisset.

Dum Ferdinandus Rex Ratisbonam obsideret, Arnhemius interim accito Panniriò Pragam cingit, ut Rex suò motus periculò pro conservanda Bohemia

à Ratisbonæ oppugnatione aliò trahe-retur, sed parte exercitûs sub Gallasio Pragam dimissa, ille altera parte Ratisbonam premebat, & per Altringerum Joannémque de Werdis sub Vinariensi & Hornio, qui Landshutam oppugnabant, Suecos submovebat, hic Altringerus in ponte fortiter pugnans à Suecis globò trajectus occubuit, vir non tantum à fortitudine, sed etiam à pietate commendatus, qui casus contigit 22. Julii, postea 28. Julii Arnhemius Pragæ obsidionem solvit, & eadem die Ratisbona Regi deditur.

Augebat lætitiâ, quia Ferdinando Regi Victori alter Ferdinandus Cardinalis Infans Hispaniarum Passavii animo & exercitu jungebatur, ubi Ungariæ Reginæ sorori locutus fuit. Hinc Donawerdam movent, qua expugnata in Rhætium ducunt, & Nördlingam communibus copiis obsidione cingunt. Cives pertinaces ex spe auxilii seu liberationis nullum admittere contractum volebant. Interea hostes sub Vinariensi & Hornio adveniebant, & prælium ciebant, Cæsareus exercitus sub Ferdinandis alacer in hostem invehebatur, acriter utrinque pugnatum, nullibi majoribus animis concursum est. Sed cuniculis & tormentis Sueci turbati, à tergo, à fronte, à lateribus premebantur, & jam non pugna erat, sed cædes. Equitatus hostium fugere conabatur, sed Carolo Lotharingiæ Duce & Joanne de Werdis, à Croatis & Ungaris cum fœda clade repellebatur, peditatus internecione ferè deletus est. Duodecim Suecicorum cadaverum millia campum texere, sex millia capta sunt. Octoginta machinæ grandes, quater mille currus, decies mille equi in manus venerunt. Trecenta militaria signa rapta sunt. Dux Bernardus Saxo-Vinariensis effugit, cum Kratzio Gustavus Hornius, Rostemius, Schnedvinus, & 14. legionum tribuni, vivi in potestatem venerunt. Marchio Onoltzbacensis cum Hoskirchio, aliisque pluribus Chili-

Chiliarchis inter occisos fuerunt. Cæsarianorum non amplius mille ducenti desiderati sunt. Nec aberant à periculo Ferdinandi: Achatius enim Chiliarcha inter utrumque Ferdinandum medius tormenti globò occisus est: vix duobus ab iis passibus Dux Aldobrandinus, Junior Piccolomineus, Pillerus, & Sant-Martinius ceciderunt. Adeoque magnam hanc, magni Principes, suò periculò victoriam peperere, quod prælium contigit 6. Septembris. [11.] Eo finito se Nordlinga in gratiam Ferdinandorum tradidit, quæ & suscepta fuit.

Rex autem protinus misit Viennam Comitem Dietrichstainium, & post eum Marchionem Hannibalem Gonzagam, qui sibi à DEO datam de hostibus suis victoriam Sac. Cæs. Majestati referrent, unde 17. Septembris Viennæ Imperator solennes gratiarum adiones instituit, ille quidem cum aula sua mansit in Sacello aulæ, & officium divinum solennissimè cum Te Deum laudamus & concentu suavissimo peragi voluit: ubique autem in civitate, in templis & Monasteriis idem fieri præcepit. Et causa fuit, quòd Imperator cum aula non prodierit, quia pestis valde grassari cæpit in urbe, unde à Scotensi Monasterio ad Domum Professam publicæ supplicatio fuit instituta, ut Deus hanc luem à civitate averteret, ipse verò Cæsar se Eberstorfium contulit. Nihilominus contagio de die in diem augebatur, ita ut per septimanam unam sexaginta funera numerarentur, quæ etiam obiit Comes Eggenbergius. Unde Imperator cum aula tota se Neostadium contulit, ubi etiam Regem expectavit pro Comitibus Ungariæ habendis. [12.] De hac peste inferius plura, quæ per totam provinciam grassata fuit.

Circa 19. Februarii hoc anno quidam Frater nomine Conradus Ordi-

nis Cisterciensis in Cella Angelotum Professus, cum uno Carthusiano, & alio alterius Ordinis Religioso in civitate vel Donawerda vel Landishuta à Sueco hoste ex inveterato ejus in Religiosos odio publicè laqueò fuit suspensus, qui apud nos Zwetlæ aliquamdiu hospitaverat. [13.]

Superius scripsi de Viennensi peste, quæ etiam Egenburgi & pluribus aliis locis grassabatur, uti ex Rasing juxta Pulka nuntiatur, subditum Monasterii Zwetlensis Bachium nomine peste obiisse, & ex eadem domo septem alios taliter mortuos. Scriptum 30. Julii. Quo tempore etiam ad S. Thomam solitarius vulgò Klaus ibidem habitans cum uxore & liberis eadem lue raptus fuit. Sed tempus quasi luem alebat, nam circa festum Magdalene continuæ & succinctæ pluvie erant, tantumque frigus simul, ut nix cum pluvia mixta cecidisse visa sit, quod per septimanam duravit, ita ut mirum in modum frugibus timebatur. [14.]

Caduceptor porro à Deputatis Ordinum Austriæ cum literis missus, petebat frumentum pro exercitu Cæsaris in Bavariam ituro, is 25. Aprilis venit ad Monasterium. Postmodum 10. Junii Commissarii ab iisdem Deputatis per Austriam ordinati hic etiam fuerunt, qui debita cujuslibet annotarent, & simul locorum præsertim Monasteriorum & dominiorum granaria visitarent, ut scirent, unde solvi possent. Hæc erant pro comite exercitus hærentis ante Ratisbonam.

Deditâ Ratisbonâ Regi & Bavaro, uti suprâ, Ferdinandorum exercitus Donawerdam versùs ducebatur, & expugnabatur, unde vulnerati plurimi in Austriam missi curationis gratiâ, quorum ad triginta in Zwetlensem civitatem recepti sunt, qui sanitati restituti ad castra revertere tenebantur.

AD-

## ADDITIONES.

[1. 2. 3.] Theatrum Europæum 3. p. hoc anno.

Item Wassenbergius.

[4.] Ex Originali ipsius;

[5.] Wassenbergius p. 3. hoc anno.

[6.] Theatrum Europæum cit. locò.

[7.] Ex relatione eorum, qui interfuerunt.

[8.] Ex certa relatione Viennensium.

[9.] Theatrum Europæum & Wassenbergius ubi suprà.

[10.] Ex ore eorum, qui tunc præsentés erant,

[11.] Wassenbergius p. 3. hoc anno. Item Spondanus hic n. 5. & 6.

[12.] Theatrum Europæum part. 3. hoc anno.

[13. & 14.] Ex literarum Monumentis;

Annus Christi MDCXXXV. Monast. CCCXCXVII.

*Pont. Rom.*

Urbanus VIII.

*Imp. Rom.*

Ferdinandus II.

*Archi-Dux Austriæ*

Idem.

*Episcopus Pataviensis*  
Leopoldus II.

*Abbas Zwetlensis*  
Martinus II.

Circa initium Januarii densissimum frigus fuit, ità ut etiam eo lupi perierint, & in Bohemia milites plurimi eodem interierint. \* [1.] Pestis autem cessare coepit, quæ etiam ad Monasterium personæ tres sublatæ fuerunt anno adhuc præcedenti, unde D. Martinus Abbas Zwetlensis duabus vicibus bipartito Conventu ad S. Sebastianum in Siebenlinden peregrinationem instituit. Deinde idem D. Abbas 12. Februarii tanquam Cæsareus Commissarius ad eligendum in Waidhofen ad Tayiam novum Judicem illuc iter suum adornavit. Cujus reditum prædo quidam miles cum complicitibus in saltu quodam juxta civitatem nemoroso observavit, sex equis currum ejus ducentibus insidias struens. De his nihil sciens bonus Abbas utique DEI voluntate per aliam viam iter suum prosecutus est, nimirum ad B. Virginem in Rasing se contulit, & in Windigsteig parochiam, quæ tunc Vicariò vacabat, visitavit, unde tutiore via domum rediit. Prædo autem ille miser non impunitus mansit, nam 26. Februarii cum uno socio-rum à verbis ad verbera descendit, ad duellum enim alterum provocavit, qui illi respondens comparuit; & provocantem prostravit, ità ut perderet & vitam & animam miser homo. [2.] Mi-

rabilis etiam casus 19. Februarii in pago Neustifti contigit: Nam Wolfgangus Eder Monasterii Zwetlensis in dicto pago subditus 11. ejusdem ad nuptias quasdam invitatus venit salvus & incolumis, mox autem tantos dolores capitis & cerebri vertigines sentire cepit, ut præter spem omnium deinde 19. ejusdem in nocte media circa horam 11. & 12. personis præsentibus septem, de suo hypocausto cum anima simul & corpore evanuerit, ac perditus fuerit. Neque hæcenus quicquam de ipsius corpore scitur, sive aquâ, sive terrâ in hunc usque diem inveniri potest. [3.] Viraliàs bonæ famæ, & in facie hominum bonæ vitæ, Deus cetera novit.

Ascendo calamò in Imperium, ubi Treveris capta ab Hispanis stratagemate, & Gallorum præsidium planè deletum, ipse quoque Elector Archiepiscopus loci & Spirensis Præful captus fuit, ex eo quòd munitissimum castrum Ebrénbraistain è regione Confluentiæ in rupe situm Sueco & Gallo tradidisset, qui per Danubium uti captivus Viennam ductus est. [4.]

Serenissimus autem Ungariæ & Bohemiæ Rex, uti Generalissimus paucis equitum turmis 24. Maji cum comitantibus per Hornam civitatem & Schwarzenawe castrum transivit, in Bohemiam

Rrr rrr r



miam ad exercitum properans. Budvicii Pentecosten celebravit atque festum Corporis Christi. Deinde 30. Maji Pragæ inter Cæsarem & Saxonem articuli pacis fuere conclusi & solenniter publicati cum lætitia communi omnium finitimorum. Certè totum Imperium respirare cæpit, unde Regi Ferdinando in Imperium moventi se prima tradidit Norimberga, similiter Ulma aliquamdiu obsessa, Memminga, Francofurtum ad Mœnum cum nonnullis aliis Imperii civitatis primam secutæ fuere: & ita Imperium aliquo modo reconciliatum Imperatori, nihilominus aliquot Suecicorum prædonum manipulis infestabatur, quibuscum Saxoni satis laborum erat, eos de Germania exterminare. [5.]

Dum hæc in Imperio geruntur, Viennæ Capitaneus Kratz, qui in prælio Nördlingensi captus (ad hostes enim declinaverat) quater juri militari subiectus, & ad mortem damnatus, ac tandem in urbis curia in loco seu hypo-causto, unde semel effractus ostiis & elusis custodibus jam evaserat, capite plexus fuit. Qui præcedentem noctem totam orationibus dedisse dicitur, & ipsa adhuc feriâ sextâ summo manè, qua ipsi moriendum erat, sacrificio Missæ auditò (paulò enim antè ex hæretico factus Catholicus) perceptò sacro viaticò, orasse ad extremum, nè ante oculos suos spiculator veniret, quod & ipsi concessum est. Gratia autem ea ipsi contigit, ut privatim capite plecteretur, ex filii ejus intercessione. Lecta autem sunt ipsius crimina publico in foro dicto Curia, ubi à Judicibus pro tribunali sedentibus morti additus, in Curiam civitatis reductus, ibidem ex justitia cæsus fuit: tandem factam esse justitiam Judicibus relatam est. Et sic hic actus 6. Julii finem accepit, sepultus ille fuit apud Patres Societatis. Ratisbonæ postmodum Schafgotzcius, qui cum Fridlando conspiraverat, capite diminutus, ad hæreticos hæreticus se-

pultus est. Alii perduelles Viennam partim deducti sunt. Artollerie Magister Sparr sub Fridlando, ad intercessionem Regis Poloniæ vitâ donatâ liber abire jussus est. Colonellus Mohr de Wald Teutonico Ordini, unde fuit, tradebatur, utique ad puniendum: ceteri delinquentes & rei partim ad æternos carceres in Ungariæ finibus, vel aliò amandati fuerunt. [6.]

Viennæ 7. Julii maxima tempestas orta est, nam fulmine tacta turris templi Scotorum ignem concepit, ejus tectum combussit & æra campanæ liquefecit, quæ turris in cæmeterium templi decidit, & ossa exhumata mortuorum exussit, ac in cineres redegit. Erat proxima turris huic templo, plena pulvere tormentario, quæ maximum timorem incussit propè habitantibus, si tacta fuisset, aliàs à foris contra flammam benè munita. Incendium ulterius non processit, undique hominibus contra laborantibus. [7.] Eodem tempore circa Zwetlam magnæ & multæ tempestates petranserunt, & Campii inundationes duæ vel tres, non tamen nocuerunt molendinis. Ceterum poma, pleræque hortorum fruges in suis floribus nimio frigore perierunt.

Porro Dux Baviaræ Maximilianus & Elector Imperii cum Serenissima Archiducissa Austriæ & Ducissa Stirie Imperatoris Ferdinandi II. filia natu majore Maria-Anna 15. Julii Viennæ cum maximo apparatu nuptias celebravit, à Cardinali de Dietrichstain copulatio peracta, & in aula Imperatoris splendidum convivium habitum fuit. Sponsa nata Græcii in Stiria ex Anna-Maria Gulielmi V. Baviaræ Ducis filia, sorore ejusdem Maximiliani præfati, quæ erat conjunx Ferdinandi II. Imperatoris Archiducis Austriæ & Ducis Stirie, &c. annorum tunc 25. quam secum Bavarus Elector duxit domum 27. Julii, cui Imperator cum aula sua usque ad Maurbach Carthusianorum Cœnobium comitivam dedit. [8.]

Denum

Demum Rex Ferdinandus rebus in Imperio feliciter peractis per Donawerdam & Ingolstadtum in Austriam secundum Danubium feliciter rediit, qui Nusdorfii ab Imperatore & aula cum gaudio exceptus, Viennam deductus fuit. [9.]

Redeo ad Monasterium nostrum, ubi 12. Augusti variis in locis tanta tempestas grassata fuit, ut circa Windig- & Altensteig omnem agrorum fructum in siligine, tritico & avena perdidit, ad pugni magnitudinem pluerit lapides gelu constrictos, horrea multis in locis turbine evertit, atque etiam fulmen pagum unum in Bohemiæ finibus incenderit, ac penitus exusserit. Eadem tempestas Gotvicii omnes Monasterii fenestras imbre lapidum talium fregit,

omniâque vineta circa montem destruxit. Circa Monasterium nostrum eadem quidem lentè transit, sed non sine fragoribus. Nullum tamen DEO nos servante damnum aut tectis aut frugibus attulit. [10.]

Hoc anno in Sacello Beatæ Virginis in Râfings, sicut publicè è cathedra populo fuerat denuntiatur, quædam mulier cæca, se ad B. V. Mariam in Râfing devovens, cum Sabbato, quod 13. Octobris fuit, peregrinationem suam instituisset, ubi primum Sacellum videri potest, illa paululum videre cæpit; propius veniens, melius vidit; ipsum ingrediens, visum totum recepit, ita ut pluribus nota facta fuerit ipsa antea cæca, postea videns. [11.]

## ADDITIONES.

- \*[1.] Theatrum Europæum p.3. hoc anno.
- [2.] Ex Annotation. Abbatis Martini.
- [3.] Ex literis Præfeti in Weinzierl.
- [4.] Theatrum Europæum hoc anno, ex quo advertendum dictum Electorem non

hoc, sed sequenti Lincium, inde verò Anno 1637. ductum fuisse Viennam.

[5. 6. 7. 8. 9.] Theatrum ubi, supra & ex Notatis Compulatoris textus nostri,

[10. & 11.] Ex notatis citatis.

**Ann. Christi MDCXXXVI. Monast. CCCXCXVIII.**

*Pont. Rom.*  
**Urbanus VIII.**

*Imp. Rom.*  
**Ferdinandus II.**

*Archi-Dux Austria*  
**Idem.**

*Episcopus Pataviensis*  
**Leopoldus II.**

*Abbas Zwetlensis*  
**Martinus II.**

**A**B anni hujus initio tanta fames pestis cessante per Imperium invaluit, ut plurimi præsertim rusticorum & militum Cæsarianorum ex ea defecerint, & timendum erat Austriæ propter esurientem & rapacem militem, qui nî comæatus sufficiens sibi subministraretur, eam involare, & cibos ab invitis vi tollere minabatur. [1.]

Ornavit, D. Abbas Martinus unum Sacellum altari novo in majori templo in honorem S. Gregorii Papæ, in quo tabulam mediam cum superiori & inferiori pingi, desuper verò, à parte dextra & sinistra imagines sculpi curavit, nimirum supernè Angelica salutatione,

& cornucopiis, ad latera S. Hieronymi & S. Servatii imaginibus condecoravit, quod 19. Aprilis à Sculptore in Sacellum suum fuit collocatum.

Porro Ferdinandus Rex Ungariæ &c. ascendit ad exercitum in Imperium 20. Maji Viennâ discedens, per S. Yppolitum ad Mellicensem Monasterium divergit; post ejus recessum in oppido incendium subito exortum illud valde deformavit, & in Monasterio quoque flamma jam cœperat, sed diligentia servitorum statim fuit sopita. Rex inde per Lincium Monachium petiit, ubi à Duce Baviariæ solennissimè exceptus, & aliquot diebus optimè tractatus, hinc

Rrr rrr r r a

forori

forori valedicens Augustam Vindelico-  
rum venit, ubi etiam à Gubernatore  
& Magistratu civitatis honorificentissi-  
mè introductus, in Palatio Domini Mar-  
quardi Fuggeri diversorium suum acce-  
pit. Ad Rhenum inde & Spiram iter  
suum direxit. [2.]

Hunc brevi Imperator ipse Ferdi-  
nandus II. ad Comitata Ratisbonensia se-  
cutus est, cujus iter taliter describitur:  
Viennâ abiens noctu venit in Tulbing,  
ubi sequenti die Processioni de Vene-  
rabili Sacramento interfuit, inde Melli-  
cium & per Ambsteren Laureacum ve-  
nit, ubi pernoctavit; sequenti die non  
procul à Wels apud S. Pantaleonem  
cervorum venatione fuit delectatus,  
similiter ad Ebersperg se tali venatione  
recreavit, & aulâ præmissâ Lincium,  
ipse sequenti die hic sollemniter tam à  
Proceribus provinciae, quàm à Magi-  
stratu exceptus, & in arcem deductus  
est. [3.]

Nuntiabatur tunc quòd incendiarii  
multi post Loysum obambulant, unde  
ad Cammern & Haderstorf multa in-

cendia sunt visa, ab hostibus tales sub-  
missi ferebantur. Vetula quidem ali-  
qua in illis locis deprehensa, & apud  
illam sulphur, pulvis tormentarius,  
igniculum, aliæque incendendi instru-  
menta inventa sunt, quæ ad punien-  
dum in vincula conjecta est. Quod  
contigit mense Julio. [4.]

Porro Electio novi Regis Romano-  
rum à Septem-Viris 22. Decembris Ra-  
tisbonæ habita & celebrata fuit, cui  
Rex Ferdinandus Bohemæ, Mogun-  
tinus, Colonienfis, Dux utriusque Ba-  
variæ in persona; Saxonis & Branden-  
burgici Electorum Legati interfuerunt.  
Vota omnium in unum Regem Ferdi-  
nandum convenerunt, quo nuntio ex-  
hilaratus Imperator sellâ portari se ius-  
sit, & intimas DEO gratias egit. In-  
terea tam prætoriani, quàm cives ex-  
plosione sclopetorum suorum, & ex  
propugnaculis urbis tonitruis machina-  
rum lætitiæ publicæ signa data sunt.  
Coronationis verò actus in 30. Decem-  
bris dilatus est. [5.]

## ADDITIONES.

[1. 2. & 3.] Theatrum Europæum. p. 3:  
hoc anno. Et ex notatis compilatoris.

[4.] Ex notatis Monasterii.

[5.] Theatrum Europæum ubi suprâ.

Spondanus hic n. 6. „ Facto interim  
„ à Ferdinando Imperatore alio Conventu  
„ Electorum ac Principum Imperii Ratisbonæ,  
„ quò ipse mense Augusti se contulit, ibi  
„ cum quædam proposuisset de pace Germa-  
„ niæ ejusque in pristinum splendorem resti-  
„ tutione; his in alium conventum remissis,

„ quod præcipuum erat hujus convocationis  
„ consilium, id solummodo urfit; nempe  
„ ut filius suus Ferdinandus Ernestus Rex  
„ Hungariæ, eligeretur in Regem Romano-  
„ rum successorem Imperii. Quod & facillè  
„ obtinuit, plerisque Electoribus aut per se  
„ ibi præsentibus, aut per legatos suffragia  
„ sua in ejus electionem mense Decembri  
„ conferentibus: qui mox vigesimo octavo  
„ ejusdem mensis coronatus est, annò suæ  
„ ætatis vigesimo octavo mense quinto; quip-  
„ pe natus anno 1608, vigesimo Julii.

An. Christi MDCXXXVII. Monasterii CCCCXCIX.

*Pont. Rom.*  
Urbanus VIII.

*Imp. Rom.*  
Ferdinandus II.

*Archidux Austriae*  
Idem.

*Episcopus Pataviensis*  
Leopoldus II.

*Abbas Zwettlensis*  
Martinus II.

**F**erdinandus II. Imperator quamvis  
debilis & infirmus, rebus Imperii  
priùs dispositis, & reliquis filio Augu-

sto disponendis relictis, itineri domum  
versus se accinxit 23. Januarii, & Wel-  
sæ in Austria Superiore aliquot dies hæ-  
rens

rens Festum Purificationis celebravit, post recepto itinere 8. Februarii Vienne venit, ubi per portam Carinthianam ingressus B. Virginem Lauretanam in templo Augustinianorum visitavit, & ibi preces suas deposuit. \* [1.]

Romæ audita Ferdinandi III. in Romanorum Regem electione Summus Pontifex Urbanus VIII. mirum in modum gavisus est, unde Cardinalibus injunxit, ut Electi in Missarum Sacrificiis memores essent, ipse verò eundem Ferdinandum, absque mentione tamen Collegii Electoralis, ejusdem electionem approbando confirmavit. Mediolani Gubernator Marchese de Leganes Te Deum laudamus cantari, aliæque multa signa lætitiæ fieri protinus curavit, similiter Colonie Agrippinæ, Leodii, Bruxellis, Antverpiæ factum. Nilominus contra hanc Regis electionem Comes Palatinus Rheni Heidelbergensis coram Electoribus per suos protestatus est, sed ejus protestatio à nullo Principum acceptata fuit. [2.]

Ceterum Sacratissimus Ferdinandus II. tot bellorum moribus, tot periculis cladibusque suis superior, mutatione toties fortunæ, famâ, morbo ferè bienniò, & maxime in ipsis Rationis comitiis valetudinarius, tandem omnibus Ecclesiæ Catholicæ Sacramentis munitus, piissimè Viennæ spiritum exhalavit, ætatis suæ annò quinquagesimò nonò, Imperii decimò octavò, omnium piorum desiderio post se relicto, ut qui Catholicæ fidei fuerit propugnator acerrimus, justitiæ observator severus, clementiâ divinâ duntaxat minor, post Carolos Magnum & Quintum Imperatorum maximus. [3.] Hic obitus contigit 15. Februarii, in Dominica Sexagesimæ, infra horam nonam & decimam. Ejus exanime corpus Græcium portatum, ibidem in Sacerdote ad hoc parato magnificentissimè depositum fuit, sicut vivus petierat.

Porro Ferdinandus III. Imperator mandat D. Martino Abbati Zwetlensi,

ut suo in Monasterio primum, septimum, & tricesimum pro patris sui sel. mem. Ferdinandi II. quondam Imp. anima solenniter celebrari faciat, & ad idem defunctorum officium colonos & Monasterii subditos omnes convocet, ac tandem qualiter illud peregerit, Summæ Cæsareæ Majestati intimari curet. Datum Viennæ 12. Martii, Anno 1637. annò Imperii Romani primò, Regnorum Ungariæ 12. & Bohemiæ 10. [4.] Primum Sacrum injunctum 14. Martii, castrò doloris in medio templi ad hoc erectò, habitum; reliqua ut tertium, septimum, tricesimum, subditis præsentibus 16. 17. 18. Martii celebrata fuerunt. [5.] Triduò ante obitum Cæsaris Viennæ apud Scotos turris, quæ post fulmine tactam & combustam antiquam ante biennium reedificata fuerat, circa horam sextam vespertinam subito absque ullo vento aut alia vi mota corruit, sine tamen ullius hominis læsione, & testudinem templi perfrexit. [6.]

Exequiis undique tam Viennæ quàm alibi peractis, Ferdinandus ad aulam suam reformandam adjecit animum, & Comiti de Meggaw in mandatis dedit aulam totam reformandi, unde Intimum Consilium reductum ad quinque personas, quæ fuerunt: Dominus Episcopus Viennensis, Comes de Trautmanstorf, Comes de Slavata, de Franckenberg, & de Venda. Vice-Cancellarius denominatus D. Doctor Prickelmayr. Camerariorum numerus etiam diminutus fuit, alii sua retinuerunt officia. [7.]

Decimâ septimâ Januarii Landgravius Hassiæ, frater Landgravi de Darmstat, Fridericus Catholicum se Romæ declaravit, qui à Summo Pontifice ipsemet Sacram Communionem accepit, & in Consistorio Cardinalium coram eodem Pontifice de Electo noviter Romanorum Rege excellentem habuit orationem, unde post per triduum vesperti semper de Castro Angeli tormenta in signum

signum lætitiæ exonerata fuere. Quem Principem Pontifex 31. Januarii cruce Equitum de Malta donavit, addens annuatim sex millium coronatorum redditus; liberales etiam erga eundem se exhibuerunt Cardinales. [8.]

Scribit Romæ D. Hilarion S. Antonii Majoris Mediolani Abbas, Præses Congregationis Italicæ, ac Procurator Ordinis Cisterciensis Generalis Domino Abbati Campi-liliorum, quod à Cisterciensibus in Abbatem Generalem Cardinalis de Richelieu electus fuerit, nam Petrus Nivellius non tantum à Generalatu totius Ordinis, sed etiam à Cistercio Abbatia cesserat, & factus Episcopus Lucionensis, quem Episcopatuum Cardinalis illi contulit. Verum Romæ contra electionem Cardinalis agitur, quam Pontifex nondum ratam habere voluit, sub datog. Maji, currentis anni. [9.] Præcedenti quoque anno Cistercium à Cæsariano milite spoliatum fuit, qui sub Joanne de Werd usque sub mœnia Parisiorum prædas egit, quod nuntiat quidam Professor Luculensis suo comprofesso P. Christophoro hic hospitanti, sub 19. Junii, Anno 1637.

Porro Ferdinandus III. Imperator iter suum Pragam versum adornabat, quod observavit quidam Italus pomorum aureorum mercator, qui publicato itinere Cæsaris, ipse quoque cum suis pomis iter ingressus est, restabat à Praga ultimum Cæsari Czeslaviæ diversorium, quod iste Mercantia pridie prævenerat, qui edoctus de Cæsaris hospitio, penes illud divertit, vespere itaque ejus diei, quo Cæsaris adventus certo ibidem expectabatur præfatus Mercantia perforato sui hospitii tectum, evasit in illud, quod pro Augusto diversorium paratum, & perrumpens tectum in fornacem Cæsarei hypocausti se occultavit, armatus sclopeto tertiariorum longiori fistula onerata, cultris bene acuminatis solitò majoribus, & stileto quadrato, ac formis fornacis ad erumpen-

dum motis. Expectans expectavit miser adventum Cæsaris, sed non expectavit. Nam DEO sic ordinante, Cæsar fortè propter æstum retrò in quodam oppido permansit, neque Czeslaviam ea die attingit. Hoc audiens iste Sicarius, de fornace erumpere volens, visus est ab aliis, & redire volens per tectum, unde venerat, ibidem est comprehensus, & examinatus simulavit se stultum ac delirum esse, verum catenis vinctus Pragam missus, in alba turri inclusus, suo tempore poenas daturus est. [10.] Ecce miram erga Imperatorem & Domum Austriacam DEI providentiam, qua tam contra publicos, quam privatos hostes continuo muniuntur.

Laudabilis maximè Imperator noster est ob justitiæ administrationem, ita ut verè symbolo suo (quod est libra cum crucifixi imagine) corresponderet, suum unicuique tribuens. Ordini enim nostro Cisterciensi in Ducatu Wirtembergensi & alibi multa reddidit Monasteria ab hæreticis olim & aliis occupata, præsertim in Palatinatu Bavarie tam Superiori, quam Inferiori, [11.] quæ ad instantiam D. Petri Abbatis Eüsersstalenensis Theologiæ Doctoris Imperator dederat, & erant sequentia: Eüsersstalense, quod modò habet Claudia Ducissa Tirolis, Otterbergense, Sancti Disipodii Bergense, Seebacense, Sancti Joannis, Sanctæ Catharinæ, Comptense, Heinbolense, Deimbacense, Syon, Gremershaimense, Engeltalense, Rosentalense, Zirgartenense, Weidessense, Schœnaugienfense, quæ Monasteria sunt Ordinis nostri tam virorum quam foeminarum. In Ducatu autem Wirtembergensi restituta sunt; Maulbrunnense, Bebenhausen, Herrenalb, Königsbrun, Liechtenstern, Zifferen, Prechterwirthshofen. Mulbrunna quidem antè Ordini fuit restituta, sed à Duce tumultuante reditus intercepti; hic enim contra ipsum Cæsarianus colligebatur exercitus. Arcem præterea Wiltpergensensem, quam Ferdinandus II, Imperator

tot Patribus Societatis in proprium tradiderat, ipse Ferdinandus III. ad instantiam unius de familia Dominorum de Traun, illi tanquam legitimo hæredi restitui mandavit. [12.]

Princeps Poloniæ Casimirus Viennæ expectabatur, qui 21. Julii in Wolckerstorf venit, cui missus obviam Comes de Strasnitz, post Imperator cum Leopoldo Guillelmo in venatione constitutus ipsum visitavit & excepit. Archiducissa Claudia è Tirolie etiam Viennæ præstolabatur, quæ in Poloniam. Sponsæ Regiæ Cæcilie Renatæ itineris comes esset, cujus homines præmissi hospitia parabant. Viduæ Imperatrici auri Græcii nimis immitis videbatur, unde Neapolim Austriæ petere cogitat, ibidemque residere constituit. [13.]

Interea Hermonius-Lapis (Ehrenbreitstein) adhuc obsessus, prædarios Gallos, omnibus consumptis, ferme sustulit, nam canes, feles, mures, gures, & abhorrentia ab humano stomacho animalia devorare fames coëgit. Et patebat atram famem durò ferrò sæviorem fortiorémque esse; cum toto orbe famosus ille Hermonius-Lapis, ferro omnique violentia inexpugnabilis, penuriæ cesserit, & prædarii æquas deditiois leges pacti post biennii obsidionem, munitissimum locum Generosissimo Joanni de Werd traderint: ille verò jussu Cæsaris Electori Colonienſi quasi in depositum, donec Trevirenſi Electori vel huic vel ejus legitimo Successori restitueretur, idem munimentum resignavit. [14.]

Suprà memini adventus Principis Poloniæ Casimiri cum Legatis aliis regiis & splendenti comitatu; jam ad nuptias Principissæ Cæcilie-Renatæ divertendum est; dictus Princeps Viennæ sollemnissimè exceptus divertit in Aulam-Novam, & post colloquium nuptiæ conclusæ fuerunt: Regia Sponsa in Aula-templo cum Vladislao Poloniæ Rege copulata, cujus vices Casimirus Princeps tenebat, & nuptiales epulæ

planè regiæ in hypocausto equestri exhibitæ, præsentè Cæsare, Casimiro, Sponsa, Legatis, Archiduce Leopoldo, aliisque. Quibus omnibus jucundè peractis, Sponsam regiam Cæsar ipse cum Aula usque in Wolckerstorf & Pilversdorf deduxit, ubi Valetæ dato & accepto, Imperator Viennam regressus, & Archiducissa Claudia Tirolis iter regiæ Sponsæ usque Warfaviam profecta est. [15.]

Venit ad Monasterium Zwettlense D. Ignatius Abbas Campi-liliorum, per Austriam, Stiriam, Carinthiam, Carniolam Commissarius Generalis uno tantum comitatus Secretario, & visitavit Monasterium Zwettlense, novumque claustralem Magistratum denominavit: cui discedenti D. Abbas Martinus usque in Gsell oppidum comes fuit. Hoc contigit 12. Augusti. [16.]

Viennæ hoc anno ædificatur ad septem-libros (ita locus vocatur) Monasterium pro monialibus Carmelitis ab Imperatrice vidua Eleonora, quod media ex parte perfectum apparet, cui ad orientem adjicietur pro fundatrice nominata palatium, quod multorum civium domos consumet. Collegium Societatis in loco veteris Universitatis etiam ædificatur, quod cum Aula Cæsarea altitudine certat. Præterea Curia Episcopalis à Domino Antonio Episcopo & Abbate Cremphanensi in modum palatii egregiè construitur. Franciscani etiam in Cisterstorf jam novum possident Monasterium, quod Comes Teufenbachius à fundamentis excitavit.

Leopoldus Guillelmus Episcopus Passaviensis 16. Novembris hoc anno in Episcopum Olomucensem à Canonicis electus, multas propterea accepit gratulationes.

Sepulchram sibi vivus adhuc elegerat D. Gotfridus à Walpurg Magister-Equitum Cæsareus, quondam in majori Hainreichs dominus, qui 27. Januarii hoc anno è vivis abierat, & 31. ejusdem,

dem, in Monasterium funus deportatum ad Sacellum S. Catharinæ tumulatus fuit, ad parietes suprà vexillum ejus

funebre cum gladio & calcaribus suspensum.

## ADDITIONES.

\*[1. & 2.] Theatrum Europæum p. 3. hoc anno.

[3.] Idem hoc anno, ubi inter alia formulam, qua pientissimus Monarcha facta Sacramentali confessione DEO & Sanctis patronis se commendavit, producit hanc: „Eterne DEUS miserere mei: Sanctissima Virgo Maria ora pro me nunc & in hora mortis meæ: Angele sancte Custos adesto mihi, nec me deferas in articulo mortis: Sanctissime Patriarcha Ignati ora pro me!

Waffenbergius p. 4. hoc anno. Spondanus hic n. 1. ubi addit: „Ad finem Maji conventu Electorum Pragæ (à Ferdinando III) celebrato, ductus etiam est eò Archiepiscopus Treverensis, ratamque habuit electionem ejus; atque insu-

per consensit, ut Archidux Guillelmus frater Ferdinandi coadjutor ipsius fieret in Archiepiscopatu Treverensi.

[4.] Ex mandato ejusdem.  
[5.] Ex Notatis Compilatoris.  
[6. & 7.] Theatrum ubi suprà.  
[8.] Literæ Romæ datæ.  
[9.] Ex Relatione Domini Abbatis.  
[10.] Ex literis Comitissæ Kollonitsch missis 30. Maji.

[11. & 12.] Ex literis D. Abbatis Eüferstalenfis,

[13.] Ex particularibus Viennensibus.  
[14.] Waffenbergius p. 4. hoc anno.  
[15.] Theatrum ubi suprà.  
[16.] Ex Annotationibus D. Abbatis Martini.

## Annus Christi MDCXXXVIII. Monasterii D.

*Pont. Rom.*  
Urbanus VIII.

*Imp. Rom.*  
Ferdinandus III.

*Archi-Dux Austria*  
Idem.

*Episcopus Pataviensis*  
Leopoldus II.

*Abbas Zwetlensis*  
Martinus II.

**I**ubileò hunc annum auspicemur, quod Urbanus VIII. Pont. Max. ad pacem à DEO obtinendam, præsertim inter Reges & Romani Imperii Principes instituit, siquidem à parte Suecorum pacis aliquod indicium Comite Kurtzio strenuè allaborante apparebat, \* [1.] sub 16. Januarii hoc anno id referebatur.

Princeps Eggenbergicus ad Urbanum Romanum Pontificem ab Imperatore Ferdinando III. ferme ad finem anni missus fuit Legatus, ut electionem de se factam in Imperatorem Romanorum nuntiaret. Hic Legatus excellentem in Urbem habuit ingressum, & in Vaticano à Pontifice susceptus, libenter auditus fuit, ipsi etiam opiparum convivium exhibuit, & cum satisfactione sua dimissus, Viennam rediit. [2.]

Interea ad Rheinfeldam pugna committitur inter Joannem de Werd & Du-

cem Bernardum Weinmariensem, in qua iste, sed incognitus, jam à Cæsariano milite captus, sed non bene custoditus rursus evasit, & ità locus iste ab obsidione Weinmariensium liberatus fuit. Postmodum Dux Bernardus suos dispersos ex fuga recollegit, & ad Rotenhaus 1500. viros interemit captis simul quatuor Generalibus, nimirum Duce de Sauelli, Joanne de Werd, Enckeordio & Sperreiter cum aliis multis Centurionibus & Chiliarchis. Ad petitionem Regis Gallie duo Generales de Werd & Enckeordius Parisios missi fuerunt, qui ibidem ingens plebi spectaculum fecerunt. Hoc contigit 28. Februarii. [3.]

Edictum hoc anno 7. Aprilis Ferdinandus Imperator edidit, quo vetantur A catholicorum ad loca seu exercitia lutherana excursus, clandestina conventicula, concionum & librorum lectio

**A**lio hæreticorum, Prædicantium susceptorio, & occulta sustentatio eorum, ac etiam in diebus jejuniorum carnum comestio, sub pœna transgressoribus posita eliminationis perpetuæ de provinciis hæreditariis, & omnium bonorum eorundem confiscationis: qui verò negotiorum suorum causâ ad talia loca pergere necessitantur, illi à dominio suo vel magistratu literarum testimonium accipere tenentur, alioquin sine illo deprehensi à quocunque domino capi possunt. Similiter etiam Judæi in Vienne sua suburbia ablegati fuerunt. [4.]

Pragæ Imperator solenni processioni interfuit, quæ inde Brandisium ducta cum imagine B. Virginis Mariæ miraculosa in curru Imperatoris imposita, & per Urbem Ecclesiasticorum comitatu honorata, cunctos peregrinantes Cæsar tam in itinere quam Brandisii victualibus pavit. Hanc illi imaginem à Capitaneo de Hofkirchen modò tantquam perduelli capto, viginti quatuor millibus imperialium redemit, Hofkircherus enim uti hæreticus ante aliquot annos dictam imaginem abstulit, & dictâ summâ pecuniæ oppignoravit. [5.]

Dum hæc Pragæ geruntur, Viennâ D. Christophorus Seisridus Breüner Prætor urbanus & D. Franciscus Comes à Trautson Austriæ Marschallus cum multa nobilitate Regi Poloniæ ad fines Moraviæ decretò Cæsaris obviam iverunt, dictumque Regem cum comitatu suo solennissimè suscepunt. Deinde Archidux Leopoldus Gullielmus Pragâ adveniens Wolckerstorffum petit, & Regem Vladislaum cum Regina Cæcilia Renata, ejus Principissa, & Sorore multis Poloniæ proceribus & Senatoribus stipatam excepit, & Viennam cum tormentorum explosione deduxit. Sequenti die Laxemburgum descenderunt ad viduam Eleonoram Imperatricem ejus visitandi gratiâ, ac in Baden transierunt, ubi dictus Rex balneò usus fuit ad suam sanitatem recuperandam. Deinde absolutò balneò Rex cum suis

Archiduce comitante Niclospurgum versùs iter suum recepit, ubi etiam Imperator ex Bohemia advenit, ipsum salutavit, ipsi valedixit. [6.]

In Imperio interea Vinarienses Brisacum graviùs infestant, acriorique obsidione cingunt, Götzianos aliquoties cedunt, & omnes aditus tam terrâ quàm Rhenò concludunt. Magna fame obsessi laborabant, adeò ut ad nefandos & abominabiles cibos compellerentur, cum famem atram diutiùs tolerare, nec ullam salutis spem habere possent, sepiusque vitæ gratiam oblatam pertinaciter respuissent, tandem Brisacum munimentum celeberrimum, decus & ornamentum Austriacæ Domûs, clavis Imperii Romani, cum omnibus tormentis, quorum non exiguus numerus, & innumerabilibus divitiis, fame potius quàm armis superatum; à Reynachero munimenti præfecto Vinariensibus certis conditionibus deditum; & præsidio Gallicò firmatum est, mense Decembri hoc anno. [7.] Quæ occupatio Germanis multam tristitiam, Gallis verò magnam lætitiâ generavit.

Terribile etiam quid refertur cum quodam milite Forestii in Inferiori Lusatia 7. Junii hoc anno contigisse, qui in silva proxima lanionem quendam aggressus vi abstulit illi centum Imperialia. Lanio militem, quem noverat, apud Capitaneum protinus accusat de rapta sibi pecunia, qui citatus omnia negat, sæpe diabolum ad se rapiendum, si hoc fecisset, invocando. Dictum, factum. Nam mox hypocauftum Capitanei diabolus palliò rubrò allomodicè vestitus ingreditur, quem Capitaneus compellens petit, quis sit, & cur sine licentia ad se ingredi audeat? Cui respondit ille, se huc vocatum esse, & palliò in mensam projectò militem capite prehendit, & centum imperiales ab eo decidunt, cumque secum abduxit. Militis corpus in silva eodem, quo lanionem spoliârat, loco, inventum mortuum fuit. [8.]

Ttt ttt t

Ecce



Ecce pro invocantibus diabolus ad se rapiendum recens exemplum.

Dum Ferdinandus III. Imperator Pofonii in Ungaria hæreret, regni proceribus proposuit, quatenus omnes adversæ fidei sectatores è regno ejicerent, qui contra satis protervè respondentes petierunt, è regno quoque Ungariæ omnes eliminari Societatis Professores seu Jesuitas. Hæc P. Procurator Cremsensis retulit. Cùm autem Cæsar Pofonii adhuc consisteret, Turca cum turmis aliquot equitum ascendit, obvia quæque devastando, etiam usque ad mœnia Pofonii in conspectu Cæsaris multos Christianos captivando, unde Cæsar omni milite destitutus prætorianos suos in prædatores emittere coactus est, quibus visis Turcæ fugerunt, quod mense Januario factum scribitur.

Nuntiatur Viennâ, quod primâ Octobris D. Ignatius Kraft Campiliorum Abbas, per Austriam utramque, Stiriam, Carinthiam, & Carniolam, Visitator & Commissarius Generalis, quondam Cameræ-Aulicæ Præses, & Sacr. Cæs. Majestatis Consiliarius, qui Monasterium nostrum visitavit, apoplexiâ tactus obierit, cujus funus solen-

niter per Urbem usque extra Portam Carinthianam deductum, in Monasterium suum corpus sepeliendum depositum fuit. Cui per Canonicam electionem Conventus D. Cornelius Strauß successit. [9.]

Concludamus cum socio belli fame hunc annum, qui sicut & superiores duo terram fecere aridam, ita ut pauca prioribus annis, hæc ex toto nihil de frumento protulerit. In locis enim quibusdam Austriæ Inferioris, ubi maxima panis inopia fuit, cicadæ nonnullæ segetes raras penitus absumpserunt, in aliis vermiculi sub terra radices depasti sunt, ita ut multis diebus aristæ virentes agricolas fecellerint. Pauperes vix habebant, quod rodebant, & divites multis sumptibus & caris pretiis pro frumento multa milliaria cucurrerunt. Apud nos in Nortica silva, Deus mediocri messe agricolas beavit, in regione verò campestri Austriæ, seu ad Campos Marchiæ vinitores multo & bono vinò donavit, quibus sibi victum necessarium comparare queant. In Imperii aliquot locis fames dire grassata est, ita ut homines cibos vetitos & inhumanos sumere coacti fuerint.

## ADDITIONES.

\* [1. 2.] Theatrum Europæum lib. 3. hoc anno.

[3.] Spondanus hoc anno n. 1. „Bernardus Dux Wimarientis partium Suecicarum, post quædam oppida à se occupata, Rhinsfeldiam etiam in agro Basileensi obsidione cingere animum induxit; quod securius ibi locorum ageret, & transitum Rheni tutiorem redderet ad propositum sibi Brisacum Alsatiæ ad Rhenum, summi momenti, ac munitissimum ferè totius Germaniæ propugnaculum. Eam igitur cùm obsedisset mense Februario, Cæsarei & Bavarici cognoscentes quantum in ejus conservatione situm esset, subsidia afferre deliberarunt; Dux scilicet Sabellus, Joannes Werthius, & alii. Accedentesque, inito gravi consilio, superiores manserunt: sed repetito post quadriduum graviori, victi fuerunt: captis Sabellò generali armorum præfecto, Werthiò generali castrorum præfectura

„vicariò, Enckenfordiò generali Vigilum præfecto, Speerreutterò vigiliarum magistro, Comite Fürstenbergio, multis aliis ducibus & tribunis; quibusdam cæsis; præter gregariorum militum cædem & captivitatem: haud utique incruentâ victoriâ, Dux Sabellus Lauffenburgum deductus, inde paulò post evasit. Werthius & Enckenfordius ad Regem in Galliam missi, postea sunt in castris Vicenarum ubi hæctenus detinentur. Rhinsfeldia verò post tantum prællum Wimarientis se dedit: itaque Neoburgum, Friburgum Brisgoiæ, & alia nonnulla oppida: ac denique post varia certamina cum ducibus Cæsareis, occasione Brisaci ab ipso obfessi, inita, mense Decembri ipsum quoque Brisacum auxilio Gallorum in potestatem suam redegit; ubi reperta sunt ducenta majora tormenta ærea. [4. 5. 6.] Ex Relatione particulari Viennæ,

[7.] Waf

[7.] Wassenbergius p. 4. hoc anno.  
Theatrum Europæum lib. 3. hoc anno.  
[8.] Ex Literarum Monumentis.

[9.] Ex literis Præfecti Domûs nostræ  
Viennensis.

## Annus Christi MDCXXXIX. Monasterii DI.

*Pont. Rom.*  
Urbanus VIII.

*Imp. Rom.*  
Ferdinandus III.

*Archi-Dux Austria*  
Idem.

*Episcopus Pataviensis*  
Leopoldus II.

*Abbas Zwetlensis*  
Martinus II.

**A**rchidux Leopoldus Wilhelmus electus in Episcopum Olomucensem, Viennâ 3. Januarii discessit, & cum lecto comitatu Olomutium versus iter suum direxit, cui Imperator comitivam dedit extra urbem, & eo vespere adhuc reversus est. Olomutii autem post honorificam ejus susceptionem à Canonicis obedientiam, à subditis verò Episcopatus homagium accepit, & tribus septimanis ibi mansit omnia bene disponens, inde Viennam rediit. \* [1.]

Obierat Reverendissimus Princeps ac Dominus D. Antonius Wolfrath Episcopus Viennensis, cujus corpus exanimè ab universo Clero in aula Episcopali in viginti octo Sacerdotum humeros susceptum per altum - & piscarium forum, ad portam Peiler, & per fossam ad S. Stephanum solenniter deportatum fuit, ubi ad castrum doloris funus impositum, & Missæ & Sermones funebres habiti, post tertiam diem in cryptam sepultum est. Hic fuit Professus S. Crucis, Ordinis Cisterciensis, deinde Abbas Hilarie in Superiori Austria, postmodum cum dispensatione factus Abbas Cremphanensis, ac demum mortuò Klefeliò Episcopus Viennensis. Defuncto D. Antonio in ejus locum substitutus & denominatus fuit D. Philippus Fridericus Breinerus Baro, suffraganeus Olomucensis & Canonicus Wratlaviensis, qui à Cæsare ad installationem suam Viennam citatus est. [2.]

Pragâ scribitur, quòd Pannirius 29. Maji prope Brandisum vadum per Al-

bim fluvium invenerit, ubi cum nostris conflixit, in quo prælio Capitaneus de Hofkirchen in brachio vulneratus & captus fuit, sed nostris multitudinè cedentibus, Pannirius ad Novam - Civitatem Pragensem cum exercitu acceleravit, & dispositis tormentis muros percutere, aperire, impetum facere cepit, ubi verò nostratum sensit resistentiam & suorum perditionem, desperatus retrocessit. Interea Generalis Hatzfeldius cum 24000. virorum non procul Pragâ castrametatus advenit, obviam iturus tam vago hosti, & cum eo manus conferturus. [3.]

Memoria rursus habenda est Domini Niedrum, qui quondam in Monasterio nostro stabuli equorum Magister extitit, omni laude digni, qui tum pietate Mariana, quum animi in militia fortitudine claruit, unde promeruit, ut per quinquennium Ratisbonæ captæ à Ferdinando III. Rege cum prædicio præficeretur. Qui hoc anno Ratisbonâ discedens, (successerat enim ei Capitaneus Reynacher, qui Brisacum tradidit fame coactus) vel Passavium, vel Lincium petere constituit, ubi senectutis & podagræ suæ curam habere possit, præsertim cum bona sua in Bohemia sub hostium potestate essent & majori ex parte diruta. [4.] Sed Lincio descendit Viennam, & in domo Zwetlensi mansionem accepit cum licentia D. Martini Abbatis. Qui postmodum non diu supervixit. Hæc de Niedrum viro forti & egregio milite sat diu mihi noto.

Ttt ttt t 2

Porro

Porro non diu gavifus fuit suâ in occupatione Brisaci munimenti fortissimi victoriâ Dux Bernardus Vinariensis, qui dum percepisset arctè obsessam Hohenvillam, ejusque atrium seu antemurale à Cæsarianis occupatum, ex Burgundia soluta ante Salinam obsidione properavit multis in itineris acceleratione amissis, & peste quoque raptis ad Rhenum, ubi ad Neoburgum pons navalis factus, transitum quidem ostendit, sed cum periculo dedit, nulla enim legio ex inundatione Rheni se committere præsentissimo periculo voluit, unde Dux ipse primus curru suo vectus, ut animaret exemplò suos, pontem ingressus est, sed ubi ad medium ejus devenit, pons ruptus, ipse cum equis & curru in flumen cecidit, & nisi cum navibus ipsi protinus succurrissent accolæ, in fluctibus vehementibus periisset. Liberatus inde cecidit in aliud periculum, nam ephebus quidam ejus dilectus peste correptus subito expiravit, quo territus casu & ipse Dux eadem peste obruitur, qua & altera die obiit. [5.]

Mandatum hoc anno mense Junio Cæsareum Viennæ publicatum fuit, ut nullus cujuscunque statûs aut conditionis sit, quemque cyngarorum, qui multum invalescebant, sub pœna gravi suscipere, multò minùs hospitio aliquot dierum fovere audeat: hoc non tantum Austriacos Inferiores, sed etiam Superiores mandatum ligabat. [6.]

Interea ad opprimendas Pannirii insolentias & grassationes Imperator Hatzfeldium Generalem cum milite Pragm versùs direxit, qui de Austria, Ungaria, Polonia, Bavaria, aliisque partibus milites suos congregavit, sed quia absque Commissariis eunt, ubique impunè grassantur, sicut etiam extra portam Monasterii equis & rebus, ac pecuniæ insidiabantur. Subditos quoque cujuscunque dominii in pagis pecuniario censu in hoc transitu maximè molestârunt. Zwetlæ in civitate ao.

Junii provincialium miles congregatus est, ubi aliquot fugitivi deprehensi ad laqueum condemnati fuerunt, ex quibus unus suspensus in media civitate, reliquis ad præces Domini Visitatoris Abbatis de S. Cruce, & nostri D. Abbatis tunc instillati, uti infirâ scripturus sum, & Commissariorum Cæsarianorum vita donata est. Milites ad Weitra 23. hujus congregati (Monasterium etiam nostrum viginti novem pedites mittere debuit) lustrabantur. Adduxit quoque milites suos D. Cornelius Abbas Campi-liliensis, qui in Monasterio nostro 18. hujus pernoctavit. In Superiori Austria Schaffenbergius altera vice contra Imperatorem etiam rebellionem meditatus insurrexit, nam ibidem aliquot rusticorum millia ad defectionem sollicitavit, qui in ipso facto deprehensus & proditus, à Cæsare captus Neostadium custodiendus deductus est. [7.]

Annus hic Monasterio nostro lugubris & tristis erat, nam 23. Aprilis D. Martinus Abbas noster infra horam quartam & quintam matutinam ex hac vita migravit, mortem causavit hydropisis morbus, ad quem ante octiduum accesserat aquosa ruptura, quem Dominus Joannes Traub Doctor Medicinæ Crembsii, & balnearior Zwetlensis curârunt. Fuit autem hic dies vigilia Paschatis, in qua sedens in lecto obiit, Sacramentis tam pœnitentiæ quàm Eucharistiæ munitus pridie, id est, in Parasceve, sibi semper præsens, & usque ad ultimum spiritum loqui potens, compos etiam voti sui factus, cum in hac sancta septimana Creatori suo animam suam reddere semper desiderârit. Monasterium è debitis levavit, Hospitale pauperum reparavit, juventutem instrui curavit pauperum, præsertim subditorum &c. Exequiâ ipsius maximo populi concursu celebratæ sunt feriâ quintâ paschali, nimirum 28. Aprilis, funus deducente Domino Zacharia Abbate Altenburgensi, cui comites fuere Domini Meger de Crumlovio ad

Cam-

Campium, Dominus de Poppen, Parochus de Antiquo Pœlan, de Kirchberg ad Silvas, de Töllershaym, de Schweickers, de Rieckers, & alii plurimi.

Procedo ad electionem novi Abbatis, quæ 29. Maji hoc anno in Dominica, quæ de suo introitu, *Vocem jucunditatis*, vocatur, celebrata fuit. Præsidente igitur D. Michaële Abbate S. Crucis cum collegis suis D. D. Petro Eüßerstalense Abbate & Andrea Tittelio Clara-Vallensi in Zwetl Præposito, SS. Theologiæ Doctoribus: præsentibus quoque Magnificis Dominis Cæsareis Commissariis Hafner & Sengler Austriæ Inferioris in Excelso Regimine Regentibus, atque Secretario Püxenmaister. Conventui autem expositum erat tam à Patre Abbate Visitatore, quam à Commissariis Cæsareis nomine Cæsareæ Majestatis, quatenus ad commendationem Ejusdem in Abbatem eligerent, & susciperent præsentatum P. Bernardum de Schrattenbach Monasterii Salemitani Professum ac Baronem. Invocatâ igitur gratiâ Spiritûs Sancti per Sacrum à D. Abbate Eüßerstalensi celebratum electionem novi Abbatis sequentes fecerunt.

P. Valentinus Kaube, Moravus Miglicensis, Prior.

P. Malachias Linck, Silesius Wratislaviensis, Subprior, & Magister Novitiorum.

P. Jacobus Hebetspræmer, Passaviensis, Cantor & Senior.

P. Edmundus Job Cramerus, Marchi-Brandenburgicus, Schoenestitenfis, Parochus in Ebental.

P. Georgius Nivardus Koweindl, Austriacus Mauterenfis, Vicarius in Zisterdorf.

P. Michaël Bernardus Reich, Austriacus Lincensis, Cellerarius.

P. Maximus Robertus Heigrueber, Austriacus Cremsensis, Vicarius in Schoenau.

P. Joannes Bayr, Franco Mergentalensis.

P. Ferdinandus Metter, Bohemus Budvicensis, Vicarius Monasterii S. Crucis in Aland.

P. Adalbertus Lincke, Silesius Glæsendorfensis, Organista.

F. Stephanus Kretschmayr, Franco Fuldensis, Diaconus.

Hi itaque undecim Professi vota per Scrutinii viam sua dederunt (omissâ præsentatō Salemitanō) uni ex comprofessis suis, qui tandem 19. Junii in capitulo præsentibus D. Abbate de S. Cruce, assidentibus sibi Dominis Abbatibus de Eüßerstal & Altenburg, & D. Præposito Perneccensi, præsentibus Dominis Cæsareis Commissariis præfatis & eorum Secretario, atque Domino de Poppen, Electus à Conventu, & à Cæsare confirmatus fuit Abbas Zwetlensis Venerabilis in Christo Pater ac Dominus Georgius Nivardus Koweindl, quo consensum dante & Te Deum laudamus incepto, cum baculo pastoralis in templum deductus in choro installatur. Reducitur deinde ad Capitulum, ubi datur ipsi Regula, facit juramentum Visitatori de non alienandis Monasterii bonis, præstatur ipsi à Conventu obedientia, offertur sigillum cum clavibus, & Capitulum finitur. Infusio postmodum solenniter fit ab Abbate de Eüßerstal, assistente sibi sub insula Abbatibus Altenburgense & Perneccense. Post infusionem à Commissariis Cæsareis ipsi temporalia traduntur, atque in Abbatiam à Visitatore, in Cancellariam autem à dictis Commissariis deducitur, ubi subditi obedientiam promiserunt. Deinde facta est refectio, & ut suprâ scripsi, duo sumptivi milites à laqueo liberati fuere. Hæc ut testis oculatus referre volui.

Vigesimâ nonâ Decembris per Zwetlam quadringenti equi cum ephippiis novis ornati traducti, in Bohemiam missi à Statibus transdanubianæ Austriæ, ut milites cum illis provideantur.

Uuu uuu u

AD.

\* [1. 2. 3.] Theatrum Europæum p. 4.  
hoc anno.[4. 5. 6. 7.] Ex certis relationibus. Item  
Theatrum Europæum ubi supra.

## Annus Christi MDCXL. Monasterii DII.

*Pont. Rom.*  
Urbanus VIII.*Imp. Rom.*  
Ferdinandus III.*Archi-Dux Austriæ*  
Idem.*Episcopus Pataviensis*  
Leopoldus II.*Abbas Zwettlensis*  
Georgius II.

**F**erdinandus Imperator, ubi videt  
Conventum Norimbergensem. Principum de pace in Germaniam reducenda frustraneum esse, comitia generalia publicare jubet ad 26. Julii incunda: unde ille 21. Maji Viennâ discedens Welsam Superioris Austriæ civitatem venit, & per festa Pentecostes sublequitur, statutoque supra die pro Comitibus Ratisbonam ingreditur cum parvo apparatu, & ad consultationes procedit. Ubi jucundum etiam videre erat solennis aliâs in festo Corporis Christi processio, quam præsentia suâ ipsemet Imperator candelam albam dextrâ ferens & detecto capite condecorârat, ipsum sequebatur Episcopus, octo Prælati, Chorus Cathedralis Ecclesiæ & totus Clerus cum Religiosis; portabantur 24. vexilla cum duobus aurô multo textis & gravibus. Deinde Cæsarea procedebat aula & plurimi hominum. De propugnaculis ter Salve dabatur, sicut etiam à præsidii urbani milite, concentus suavissimus tam vocalis quàm instrumentalis, ac tympanorum tubarumque clangor audiebatur, \* [1.] ita ut multi Protestantium tantam solennitatem mirarentur.

Dum hæc Ratisbonæ aguntur Imperatrix Viennæ peperit filium 9. Junii, qui ab Episcopo Viennensi D. Philippo Breüner vespere eadem die cum solennitate baptizatus, & Leopoldus, Ignatius, Josephus, Balthasar, Franciscus, Felicianus nominatus fuit. Hæc Imperator audiens lætus efficitur & novo vestitu aulam suam donat. [2.]

Itinera hoc anno per nostram silvam nullibi erant tuta ob prædones equites eadem continuò observantes, unde cum hostis vagus Pannirius grassari audiretur, D. Georgius Abbas noster Monasterii pretiosa in loca tuta nimirum Viennam deportare decrevit, unde quartâ Januarii de nocte cum viginti quatuor sclopetariis & equitibus iter ingressus est, & superata silva Gtellenfi feliciter venit Viennam, & 13. ejusdem incolumis rediit. [3.]

Pannirius hostis Bohemiâ relicta aufugit, quem Archidux Leopoldus Gulielmus usque in Uchtlandiam persequitur, cingens civitates obsidione & expugnans, sicut etiam Erfordiæ, quam Suecus valde munivit, minatur. [4.]

Rursum D. Abbas Viennam 25. Februarii descendit suam salvans personam, nam eousque prædonum excrevit malitia, ut palam minarentur Abbatibus, si ipsum deprehenderent, quòd vivum excoriare vellent, qui hoc civibus Zwettlensibus significarunt. Porro Viennæ Comes Trautsonius ad Dominicam *Letare* in aula Cæsaris nuptias utique ex dispensatione suas celebravit. Eodem etiam tempore tum apud S. Stephanum, tum alibi in Monasteriis preces quadraginta horarum celebratz fuerunt, hinc Dominus Abbas 4. Aprilis in Monasterium reversus est cum Paulo Koweindl Ministro Societatis Crumlovii, & ibidem parvæ scholæ Magistro fratre suo, item P. Candido S. Crucis Professo, qui in Slierbach ad docendum missus fuit. Interea D. Breüner,

ner, qui primùm Dobræ federat, postmodum in civitate Zwetlensi domum conduxerat, ab equitibus prædonibus equis, curru pensili, omnibus rebus secum habitis spoliatus fuit, quorum aliquot in silva Gfellenfi latitant, aliquot autem in tractu, qui vulgò Græsgend vocatur, grassantur, insidias equis & itinerantibus struentes. [5.]

Mense Majo 22. ejusdem D. Abbas septem equos censuales cum ephippiis novis aliisque necessariis provisos Rhetium transmisit, ubi milites etiam pueros duos Monasterio servientes secum abstulerunt. [6.]

Tempestas 12. Junii magna transit, & grandinem misit ad nucas avellanæ magnitudinem, unde circa Macram curiam & Gerotten perditæ fruges tunc in flore existentes. [7.]

Incendia quoque contigerunt sequentia: in Moydrans pago 4. Januarii tres domus conflagrârunt, duo subditi

ipsius Geyer, & unus Monasterii nostri. Deinde 24. Maji in Haslach pago, incendiò apud Schulerum exortò, quatuordecim domus subditorum nostrorum conflagarunt, præsentè ibidem P. Valentino Priore nostro, qui Viennam à D. Abbate missus fuerat. [8.]

Pestis dicitur in Bohemia valde grassari, quæ etiam Capucinos Budvicensis plerosque sustulit. E Geracensis Religiosis octo hac lue feruntur sublati, cum autem reliquos Conventus ad quandam sui Monasterii parochiam fugeret, & parochus eos admittere recusaret, illi fractâ portâ horrei in eodem pernociârunt, qua nocte unus hac lue infectus ibidem ex illis expiavit. Pestis etiam grassari cepit circa Cremsium, nempe in Fuersprun, in Loys, in Cambern curia nostra, in qua hortulanus peste obiit, in Tulna & circum. [9.]

## ADDITIONES.

\*[1.2.] Theatrum Europæum p. 4. hoc anno.

Spondanus hic n. 8. „ Res in Germania lentè processerunt, Banerio hinc Suecorum duce, hinc Picolomineo copiarum Cæsarearum imperatore, castra in adversum metantibus, seseque mutuo spectantibus veluti ad pugnam conferendam: quam nihilominus vitârunt, utrisque periculofam, sæpe loca mutantes, & levibus tantummodo velitationibus sese perstringentes. Cele-

„ bratur à multo tempore Conventus Electorum ac Principum Imperii Ratisbonæ à Ferdinando, spe procurandæ pacis Germaniæ: at necdum plenè innouit, quid potissimum in eo vel actum, vel agendum sit, [3.4.5.] Ex Annotationibus Compilatoris textus nostri.

[6.] Ex pms. Abbatis.

[7.8.9.] Ex Annotationibus Compilatoris.

## Annus Christi MDCXLI. Monasterii DIII.

*Pont. Rom.*  
Urbanus VIII.

*Imp. Rom.*  
Ferdinandus III.

*Archi-Dux Austria*  
Idem.

*Episcopus Pataviensis*  
Leopoldus II.

*Abbas Zwetlensis*  
Georgius II.

**P**ARS Silesiæ in finibus ejus versùs Bohemiam non parùm sensit Capiteanum Stallhanfium Suecum, qui multas arces, oppida, & civitatulas occupavit, sed Cæsariani eundem hoc & sequenti anno rursum persecuti sunt multis castellis recuperatis. \*[1.]

Exercitus interea Archiducis Leopoldi auspiciis cum Marechallis Piccolomineo & Merzio ducebatur Neuburgum ad Silvâ Bohemiæ, in quo cum aliquot legionibus Major Slangius Suecus inclusus & obsidione cinctus erat, hic tandem post aliquot insultus

Uuu uuu u 2

fese

sefe dedit cum tribus aliis Majoribus Capitaneis. Hoc percipiens Pannirius, qui Chanium occupaverat, mox cum exercitu quasi fugere coepit, sed nostrates ipsum secuti, non poterant cum eo manus conferere, qui per Quedlinburgum Halberstadum venit ipse infirmus, & 10. Maji ibidem expiravit, antea tamen rei Summam Leonardo Torstensohno commendavit. [2.]

Jam per triennium Generalis-Magister-Vigiliarum Enckevoordius Parisiis captivus tenebatur, qui hoc anno pro aliis duobus commutatus & liberatus fuit. Pro Gustavo Horn etiam Joannes de Werd restitutus fuisset, sed ille Brifaci hærens ferme annum consumpsit, moram faciente Bavaro. [3.]

Ratisbonæ Cæsar amnestiam perficiebat, qui infra sex septimanas navibus redire Viennam se disponebat, ubi Legatus Turcicus ipsum expectabat. [4.]

Dominus Georgius Abbas Zwetlensis audiens hostem Pannirium in-

Bohemiam rursus cogitare, cum pretiosis Ecclesiæ rebus se accinxit itineri, & forti manu unâ cum Decano Muræ-Pontano D. Perger versùs Spitz se contulit, & Müldorfii pernoctavit 24. Martii, & altera die per Danubium descendens Cremsbium attigit, Dominus autem Decanus in Stiriam domum rediit. Cum dictis rebus Allodiorum-Magister Viennam missus erat, Dominus verò Abbas domum rediit. In Monasterio ad Conventum novam turrim fieri curavit, & Ædili M. Nicolao de Horn 11. Junii pro mercede 70. florenos dare promisit. Portam etiam ad hypocaustum Conventus lapideam pro 55. florenis 5. Julii conduxit. [5.]

Dominus Vicarius Generalis & Visitator Michaël Abbas de S. Cruce hoc anno 10. Octobris huc venit cum Secretario suo P. Nicolao, jam Priore in Monte-Pomerio designato, visitatum, & peracta visitatione 13. hujus Cremsbium descendit, [6.]

## ADDITIONES.

\*[1. 2. 3.] Theatrum Europæum lib. 4. hoc anno.

[4.] Ex scriptis Ratisbonæ literis.

[5. 6.] Ex Annotatione D. Abbatis.

### Annus Christi MDCXLII. Monasterii DIV.

*Pont. Rom.*  
Urbanus VIII.

*Imp. Rom.*  
Ferdinandus III.

*Archi-Dux Austriæ*  
Idem.

*Episcopus Pataviensis*  
Leopoldus II.

*Abbas Zwetlensis*  
Georgius II.

**S**ueci sub Torstensohno invaserunt Silesiam, & majorem Glogoviam occuparunt, in qua cæsis octingentis militibus, & sexcentis captis unâ cum Mauritio Augusto Barone de Rogau Commendante & Capitaneo de Schöneck, magnum apparatus bellicum invenerunt, nimirum tormenta viginti sex, inter quæ duo basilisci majores, quingenta vasa pulveris nitrati, octingenta millia modiorum farinæ aliique fructus, reperta. Miles quidam prædæ

inhians in templo parochiali fune incentivo abjecto incendium causavit, quo templum cum turri & domus proximæ absumpta sunt. Hoc contigit ad initium Maji. Deinde ulterius progressi Sueci occuparunt Drachenbergam & Wartembergam castra fortia, Wollaviam insultu ceperunt cæsis in ea centum militibus, Gura similem fortunam sortita est. Ad Schweinitzium Dux Franciscus Albertus Saxo-Lawenburgicus Cæsareus Generalis in prælio tribus glo-

bis

bis ictus & captus, ibidem ex vulnere obiit amissis tribus millibus equitum. Occupatum deinde Schweinitzium, Namslavia, Blavia, & Bernstadium. Torstensohnus fortunam suam secutus Nissam tentavit, sed tres assultus amisit, quartus ubi paratus erat, præsidium civitatis cum eo tractare coepit, convenire tamen non poterat, quo in abitu deducendum esset, interea ab intus ad muri ruinam muniendi se tempus redemerunt, & datò responsò se tradere nolle, Torstensohnus malè accipiens, revocatis aliquot legionibus, quas aliò jam dimiserat, cum majoribus tormentis, vi urbem aggredi parabat, quod obsessi videntes se dederunt. Mactati pròtinus omnes Croatæ & Venatores, cives ad redimendum spoliū quindecim millia talerorum, trecentas urnas vini, ducentas urnas cerevisiæ, copiam frumenti magnam, oves & boves plurimos, mille quingentos equos, & quatuor legionum provisionem pendere debebant. Post Nissam venit & cepit Oppaviam, Coslaviam, Jägerndorfium, Ratiborium, & Troppaviam, ita ut infra mensem totam Silesiam præter Wratislaviā in suam redegerit contributionem. \* [1.]

His peractis Victor Torstensohnus Moraviam petiit, & Olomutium obsidione cinxit, quam urbem Miniatus Italus Capitaneus certis sub conditionibus eidem tradidit, thesaurus Ecclesiæ Cathedralis cum aliorum regulorum opibus Viennam deportandus in itinere tam à nostris, quam ab hoste tunc spoliabatur, sed quidquid Torstensohnus de dicto thesauro recuperare poterat, Ecclesiæ reddidit, nam in urbe antea opulentiam invenit non parvam, & cives pro redimendo spolio trecentis millibus imperialium multavit, exceptò lytrò Ecclesiasticorum. Olomutii tribus millibus tam equitum quam peditum relictis, mille aliquot Brunam versus misit, sed ibi sicut & Znoymæ Cæsarianus exercitus colligebatur, unde

Sueci sese Olomutium recipiebant, qui rursus emissi in Comitatum Glacensem, ubique prædam faciebant, quos ipse Torstensohnus secutus est, deinde in Bohemiam velites suos ad explorandum misit, qui magnum Pragensibus metum incusserunt. Briga diu obfessa, & demum relicta, sicut & Nissa præsidio suo Suecicò evacuata, Suecus Olomutium repetiit, quia Archidux cum novo exercitu advenire nuntiabatur, Piccolominedò campi Maretschallò additò. Numerabatur ejus exercitus ad 30000. virorum, Austriaci etiam peditum quinque millia & equitum mille dederunt. Torstensohnus nolens aleam belli subire, in Silesiam reversus, Troppaviam venit, sed ibi milite paucò relicto Glogoviam tetendit. Archidux Olomutium à longè cinxit milite Austriaco, & ipse cum exercitu reliquo Silesiam petiit, & Nissæ substitit, deinde per Wratislaviā Glogoviam tetendit, quam obsidione cinxit, ibi assultus duos amisit, ac demum obsidionem solvit. Major Wankius Olomutium egregiè munivit, cives & opifices juramentò adegit ad fidelitatem coronæ Sueciæ servandam, sapissimè manu forti erumpens & Austriacos visitans, & fruges colligens, quorum multi clam aufugerunt. Hos Baro de Traun & Ferenbergius ducebant, sed quandoque à Suecis malè multati fuere. Pachmarius Magister equitum ex Schickenhof etiam bellicam lauream adoptans, sexaginta Suecis ipse primus fugiens cum integra sua compagna cessit, ubi fortiter pugnans Baro à Landaw ejus Signifer cecidit, inde non vertex ejus lauream, sed humeri baculum senferunt, non sine jactura sui honoris. [2.]

Interea Enckevoirdius pro Maretschallo declaratus ante Olomutium milites recollegit, & tria millia peditum & mille equitum duxit ad exercitum, Olomutidò nihilominus à longè obsessò. Torstensohnus post Lipsiam movet, quam

Xxx xxx x



quam obsidet, Archidux autem cum exercitu quoque adveniens ipsam liberare contendit, hinc ad prælium venit, & victoria Suecis contigit. Ex parte Cæsaris multi Magistri-equitum, Capitanei, Locum-tenentes, signiferi amissi, equitum, pedirumque quater mille, quadringenti, & octuaginta desiderati fuere, instrumenta bellica & commeatus in potestatem hostis venerunt, Musici tamen Archiduci protinus restituti sunt, & finito prælii Liphiam quoque occupavit. Deinde in Bohemia Rockenzanii cum fugitivis executione habita, de legione Colonelli de Madlo post officiales decimus quisque sub aleæ lusu morti adjudicatus, vexilla & enses eorum confracta, & coram exercitu pro infamibus proclamati, gregarii ad arbores suspensi, officiales vero capite plexi fuere. Executio hæc aliis in exemplum cessit. [3.]

Veniamus jam Viennam, ubi cum uno Judæo alia & rara fuit executio habita, qui antea in Polonia Rabbi nominatus & baptizatus fuerat, & servidè contra Judæos scripserat, hic cum aliis duobus Judæis ex Archiducali gazophylacio adulterinis clavibus adhibitis, aliqua ultra pretium mille imperialium furatus, deprehensus, tentus, ad laqueum condemnatus, & jam jam edpandus crucifixi imaginem, quam uti Christianus in manu tenebat, & inde vitam sibi donandam sperabat, ad terram projecit, eam pedibus conculcans, blasphemavit, se nolle ut Christianum, sed ut Judæum velle mori. Pater unus de Societate illi adjunctus ipsum alloquens ait: Cur ita loqui auderet? cum pridie sacram communionem acceperit? Cui respondit: Se hostiam non sumpsisse, sed ex ore in strophium mox ejecisse, & in cloacam projecisse, ubi etiam in-

venta fuit. Dicitur Pater ex zelo circumstantibus dixit: Mirum non esse, si omnes Judæi occiderentur. Inde plebs in Judæos exacerbata in ipsos manus injicere & vulnerare, pars etiam eorum officinas mercium effringere & spoliare cepit. Jussi deinde duo suspendi, Rabbi verò in carceres reduci, quod 22. Augusti contigit. Hic protinus examinatus, cur tam diu Christianus fuerit, & contra Judæos tam acriter scripserit, respondit, se pro honore Judæorum & in despectum Christianorum, hæc scripsisse, nec unquam communionem deglutivisse, sed, ut supra relatum, taliter semper se fecisse, nec quicquam credidisse de ea Catholicè, sed eandem, ut Judæi, carnem suillam, se despectam habuisse, novam addens blasphemiam. Qui deinde in altum currum impositus, forcipe ignito bis interpressus, ex ejus cute a collo usque ad plantas pedum duæ ligulæ scissæ & ruptæ, post de curru in traham depositus ad locum supplicii raptus fuit, ubi ipsi tanquam blasphemus lingua excisa, sicut etiam uti perjurio dextra abscissa, & pedibus catenâ in patibulo suspensus, fumo & igne enecatus fuit, pejor hæreticò habitus. [4.] Hoc quia rarum, pluribus referri debuit.

Porrò Urbanus VIII. Summus Pontifex mense Martio Brevi dato Ecclesiam Monasterii altari privilegiato donavit ad animas è purgatorio liberandas; item ad Ratisingense Sacellum peregrinantibus Indulgentias plenarias concessit, & Congregationem Virginis Mariæ Dolorosæ Archiconfraternitati Romanæ Sanctæ Mariæ de Planctu dicte cum participatione Indulgentiarum univit ac incorporavit. [5.] Hisce concludo hunc annum.

## ADDITIONES.

\*[1. & 2.] Theatrum Europæum lib. 4. hoc anno.

[3.] Ex diversis Authoribus, & Annotat.

[4.] Theatrum Europæum ubi supra.  
[5.] Ex Autographo Brevium.

## Annus Christi MDCXLIII. Monasterii DV.

*Pont. Rom.*  
Urbanus VIII.

*Imp. Rom.*  
Ferdinandus III.

*Archidux Austriae*  
Idem.

*Episcopus Pataviensis*  
Leopoldus II.

*Abbas Zwetlensis*  
Georgius II.

**F**ridbergam Saxoniae egregie defendit contra Torstensohnii impetus Locum-tenens Schweinitz, unde ille adveniente Caesariano milite abire compulsum est. Qui Locum-tenens a Saxonibus ob hunc locum generose defensum torque aureo cum sua imagine donatus, ab Imperatore etiam literis propria manu scriptis honoratus & similiter torque aureo mille imperialium misso, proximum in Fiscum redactum dominium, & titulus Liberi Baronis ipsi oblata fuere. \* [1.] Interea Torstensohnii aliquot captivos de Caesaris exercitu liberos abire permisit, qui in quendam Caesarianorum manipulum inciderunt; hi per errorem hostem adesse putantes, duos globis traiecerunt, quorum unus D. Maximilianus Comes à Kollonitsch, bis tactus Chemnitzii postea obiit, qui generosus miles & magnae spei juvenis, ac jam D. Comitissae Puechaimii Supremus Locum-tenens valde lamentabatur, imò ipse Archidux Leopoldus, quia in praelio Lipsiaco dextrè pugnaverant, suum Camerarium amissum dolebat. [2.] Pragae verò duo Colonelli Caesarei Madlo & de Tour ob praeproperam fugam ex praelio ante Lipsiam initam ante Curiam civitatis astante legione militum & civium duobus vexillis, decapitati fuere. [3.]

Torstensohnii porro cum exercitu ex Bohemia in Moraviam tendit, & Melniciò destructò per Kutenbergam Olomutium obsessum liberare pergit, quod milite & com meatu novo communit unà cum Neostadio, Littavià demolitâ Cremsirium occupat, spoliata & comburit, rectà pergens secundum

Marchiam fluvium Niclospurgum, ubi multa castra occupata milite providit, ut Landskron, Debitschaw, Triba, Lenckenaw & Kremnaw. [4.] Interea Vrangeli cum 3000. equitibus ante pontes Danubii ad Viennam substitit, cui se aliquot centeni Vallachi conjunxerant, in quorum vexillis haec verba legebantur: Pro Verbo DEI, & pro patria suscipimus haec omnia. Prosnitzium in Moravia valde destruxerant Sueci, sed non impunè; nam Caesariani non procul inde tres legiones Suecicas sub Colonellis Döbitz, Dubolt, & Werner de nocte invadentes confecerunt. Quos Colonellos captos Torstensohnii iratus pecunià redemit, & Wernerum protinus in castris suspendi, Döbitzium autem uti infamem nequam de exercitu suo eiecit. [5.]

Crumlovii in Bohemia quidam explorator captus 18. Martii, in tortura fassus se ad recognoscendum Crumlovium, Budvicium, Franbergam & Wittingaviam ab hoste missum fuisse, quae loca ille occupare intenderet, sed ille debitas luit poenas. [6.]

Ferdinandus Imperator ubi audivit, quòd Ungari evocati extra fines regni sui sine Rege suo procedere nollent, ita 25. Augusti Caesar Viennam movit Niclospurgum usque, in castra verò jam advenierant Ungari, quò missa sunt cum necessariis decem tormenta. [7.] Mense Septembri Sueci Brunnam usque excurrerunt, & suburbia spoliaverunt incensis aliquot domibus, & raptis militum ibi manentium equis. Postmodum revertentes obsederunt civitatem, & tormentis tentarunt, sed adventante

Xxx xxx x 2

te

te Gallasio cum Ungaris & majori parte exercitus, hostis obsidionem solvit cum cæde plurimorum tormentariorum, & 7. balistis majoribus cum suis operibus amissis. Qui per Wischa Olomutium petit; Cæsar verò ex Skaltitz brevi Viennam rediturus est. [8.]

Portenta etiam varia contigebant hoc anno; nam Viennæ in Armamentario Cæsareo Mense Aprili de nocte tantus tumultus auditus fuit, ac si duo exercitus hostiliter congredierentur; quod sat diu duravit; manè factò nihil inventum extra ordinem suum. Brunnæ etiam in Moravia mense Augusto aves nigerrimæ & magnæ in testa domuum civitatis advolarunt, quæ terribilem cum militum civiumque tremore clamorem edidit. [9.]

Geracense Monasterium Præmonstratensium 6. Julii incendiò exortò in cineres redactum, & D. Prælatus Drosendorffii manens apoplexiâ tactus fuit. [10.]

Cæsar etiam Consulem Cremsbensem edictò monuit, ut Cremsbium & Stainium curæ sibi essent, si fortè Suecus in Austriam irumperet, unde milites noviter lectos cum eorum Capitano à se missos intromittat sub dato Skaltitz 8. Septembris. Hoc Rector Societatis ibidem nuntiavit Abbati Zwetlensi. [11.]

Interea milites vias undique observabant, & quæcunque obvia rapiebant, sicut ex Cammern sub 28. Januarii scribitur; quòd equites circa Egenburgam tres pagos invaserint spoliando, ut Rosfeldorf, Wartperg, & Reschitz, ubi in ultimo oppido 4. domibus evacuatis datò Campanæ signò aufugerunt. Schönbergæ etiam subditis de Traun 22. equos de curribus frumentò onustis rapuerunt, & præsidarios globis &

gladiis pessimè tractarunt. Similiter Kirchbergæ pecora cum equis in Waggram ejusmodi prædones abstulerunt, ex quibus unus jam dimissus Locumtenens suspensus, & simul signifer patibulo adjudicatus, qui suspensus ruptò clavò decidit, & per astantem populum erupit, evasit, alii verò latentes complices his visis planè clam fugerunt, quòd scribitur ex Castris Cæsarianis ad Wischa sub 5. Julii. Eum in finem. Viennâ etiam à Deputatis Statuum in nostram silvam missus fuit restantium Commissarius, qui à dominiis & Locis attestations acciperet ob exactiones à Comite Veroli, qui falsas litteras publicas habebat, per suos factas, qui subditos Monasterii etiam valde exagitarent. Dominus Abbas in Monasterio Sclopetarios pro præsidio propterea alere debebat in omnem eventum ad usum.

Ædificavit D. Abbas hoc annò juxta hospitale pauperum granarium, quòd fornice munivit in superiori parte domus victorum, ubi jam antè unum posuerat. Item cùm in templo Monasterii Sacristia antiqua nimis angusta esset pro Sacerdotibus se ad Missas induendis, D. Abbas Sacellum Sanctorum Omnium ad meridiem templi situm pro Sacristia nova applicuit, in cuius spatio multi Sacerdotes se commodè ad Missas præparare possunt, quam repositoriis affabrè ab arculario factis mensis convenientibus ornavit; insuper lavatoriò lapideò providit. Muros autem Sacelli destruxit, & à fundamentis novis erigi curavit, fornice munivit, fenestris altis illuminavit, & lapide secto pavimentum stravit, quòd perfecit hoc anno mense Decembris, & in festo Nativitatis Domini nobis jam usui fuit. [12.]

## ADDITIONES.

[1. 2. 3. 4. 5.] Ex Wassenbergio seu Floro Germanico, hoc anno.

Theatrum Europæum p. 4. hoc anno.

[6. 7. & 8.] Ex literarum monumentis,

[9.] Ex Relatione. Theatrum citatum addit: solam & unicam pretiosam cassidem humi repertam fuisse.

[10.] Ex Annotationibus Compilatoris.

[11. &

[11. &amp; 12.] Ex iisdem.

Theatrum Europæum ubi supra refert Imperatorem hoc anno adhuc in castello Eberstorff persistentem, ab unoquoque Nobilium

in hæreditariis provinciis suis, exceptâ solâ Hungariâ, exegisse aut unum equum instructum pro equire ad præliandum parato, aut sexaginta florenos Rhenanos.

## Annus Christi MDCXLIV. Monasterii DVI.

*Pont. Rom.*  
Innocentius X.

*Imp. Rom.*  
Ferdinandus III.

*Archi-Dux Austria*  
Idem.

*Episcopus Pataviensis*  
Leopoldus II.

*Abbas Zwetlensis*  
Georgius II.

URbanus PP. VIII. hoc anno 29. Julii Romæ obiit, ætatis suæ annò 77. & Pontificatùs 21. non annos Petri visurus. Cui per Cardinalium vota successit Joannes Baptista Pamphilus dictus, Romanus, annorum septuaginta duorum, 15. Septembris hoc anno, vocatus Innocentius X. coronatus fuit 4. Octobris. \* [1.] Qui à S. Malachia indigitatus inter Pontifices hoc lemmate: **Jucunditas Crucis.** Quia sub ipso in Imperio Germanico cum Sueco, Gallo, & confederatis annò MDCXLVIII. pax universalis facta: qua humano commercio nihil jucundius, quam tamen ipsam pacem tanquam Sedi Apostolicæ injuriosam, Religioni Catholicæ dissonam, pluribusque in Germania Cœnobiiis perniciosam nequaquam approbavit, verùm per Legatum suum Fabium Chisum damnavit. [2.] Jucunda & summè acceptabilis fuit populo Romano ejus inauguratio; post quam propediem milites ex Urbe amandati, numerusque eorum in ditione Pontificia ad medietatem diminutus, vestigialia, exactiones, & alia id genus onera sublata sunt; quæ omnia non poterant non afferre jucunditatem; Zelo verò ipsius, quo toto Pontificatùs sui tempore exaruit, conservandæ, & propagandæ orthodoxæ Fidei, accidit jucundissimum; cum acciperet, Partes adversas, inimicos Crucis colere & adorare Crucem, plures scilicet Germaniæ Principes & Dynastas Romanam amplecti Religionem; inter quos Odoardus Comes Palatinus, Ulricus Dux Wirtem-

bergicus, Dux Holsatiæ Jundetburgenfis, Joannes Fridericus Dux Brunsvicensis & Luneburgensis, Fridericus Hassiæ Landgravius Darmstadianus, postea Cardinalis, Ernestus Landgravius Hassiæ Casselensis cum uxore sua Maria Solmensi, Philippus Gulielmus Neoburgicus cum conjuge Eliabetha Amalia Magdalena Darmstadiana numerabantur. Quorum nonnullos summa cum voluptate Romæ ipse ad pedes suos excepit, & tum verbis blandissimis, tum muneribus sacris eorum fovit pietatem ac fidem commendavit. [3.]

Hic Pontifex se in Cardinalium Collegio declaravit bonum Austriacum; quia defunctus suus Antecessor Gallo thesauros Petri distribuisset, unde Catholicæ Ecclesiæ parùm utilitatis aut nihil provenisset; cum econtra Romanorum Imperator hostes Ecclesiæ Catholicæ debellaret, & Pontifex ipsi ex conscientia succurrere, vel eum juvare teneretur. Postmodum Cardinales creavit Casimirum Principem Poloniæ & Societate JESU, & Landgrafium Hassiæ sub Urbano conversum, & Equitem S. Joannis Hierosolymitani Melitensem. Et Cardinales tres misit proptinus ad Principes bello implicitos in pace componendos. [4.]

Interea Mars Suecicus se movit in Daniam, & ibi cum Danorum Rege aleam belli jecit nostratibus moram faciens se recolligendi. Gallasius Cæsareus Generalis autem Eislebiū versūs mittens suos ad pabulandum, cum

Yyy yyy y

cùm civitatem intrâssent, aliquot domos spoliâssent, & incendissent, centum suorum amissis fugati sunt. Hoc percipiens Torstensohnus cum suis movit contra Gallasium, & Bernburgi tam infirmos quàm alia impedimenta relicta obtinuit, pabulatorum etiam tria milia cepit, & Gallasium se ad Magdeburgum castris positus munientem Torstensohnus cum exercitu securus, illum obsedit subsidium suorum expectantem, [5.]

Excitatus Ragoczius Transylvanus & cum Gallo & cum Sueco confœderatus, Ungariam Superiorem invasit, & Cassoviam occupavit, cui à Cæsare miles cum Ungaris fidelibus obviam missus, aliquot ejus munitionibus captis, & hinc & inde miles ejus cæsus fuit; unde à suis commonitus cum Cæsare inivit sequentes pacis articulos: quorum primus fuit, ut Ragoczius militem suum protinus sinè damno ex Ungaria educeret, & militari Sacramento liberaret. Secundus, ut loca occupata restitueret. Tertius, in Ungariæ regni negotiis se non immisceret. Quartus, ut confœderationi tam Gallo quàm Sueco promissæ renuntiaret. Quintus, ut cum hostibus Austriacæ Domûs nullum impostum iniret fœdus, Sextus, ut expensas omnes in bellum hoc factas refunderet; & ad hoc per se & suos scripto se obligaret. Et Septimus, ut ipse cum suis subditis in provinciis Austriacis commercia sua peragere liberè & licitè possit. His articulis utrinque firmatis, & hoc belli incendium proximum Vienna restinctum fuit. [6.]

Hibernârunt in Austria aliquot legiones de Exercitu Cæsariano, præsertim in parte ejusdem supra Mainhardi montem legiones Colonellorum de Hannaw & Schleinitz Saxonica, quo tempore viæ & itinera à prædatoribus diu nocturne observata fuere. Tunc temporis P. Camerarius cum allodiorum Magistro à Domino Abbate Vienne missus, inde aliquot privilegia

Crembsium usque per navigium in Danubio attulerunt: sed ob vias ad eò infestas prædonibus, uterque petiit à Colonello Schleinitz, qui ibidem diversorium hyemale habuit, liberum per equos ternos conductum, & obtinuit. Vix Stratzing oppidum attigerunt, curum suum invadere tentârunt tres equites (qui erant aurigæ dicti colonelli cogniti) sed à nostris præfidiariis verbis & minis deterriti. Idem contigisset illis ad pagum nostri Monasterii Schcenaw. Tandem 26. Martii salvi & tuti domum rediverunt. [7.]

Hic placet aliquid narrare ad Catholici Lectoris gratiam. Crembsii prædictus Camerarius & allodiorum Magister obtinuerunt dictum quatuor equitum saluum conductum per dicti Colonelli pastorem suæ legionis: huic P. Camerarius & allodiorum præfectus gratias referre volentes ipsum acceperunt, qui civiliter eos excipiens, obtulit haustum vini ex poculo argenteo ab intus deaurato, ab extra verò circulus deauratus continebat ista verba: Mirifico JESU sanguine justificor. Ex quo biberunt omnes, qui aderant. [8.] Allodiorum verò Magister curiosior aliis quæsiit ex Pastore illo, quid ista tam sancta verba significarent. Qui attulit parvum fiasconem argenteum ab extra per totum deauratum, & in medio poculi ipsum stabilivit, respondens; hoc poculum esse Calicem pro sanguine Christi dispensando in legione sua; quando autem essent in campis, & vinum plerumque abesset, tunc in illo fiascone parvo semper vinum secum ferret, nè calix sanguinis Christi deficeret.

Hæ duæ legiones colonellorum de Hannaw & Schleinitz 14. Aprilis ex hybernis evocate abiêrunt ad Generalem Gallasium ad exercitum Cæsarianum; & Calenbergius quoque cum legione sua Znoymam versus perrexit, & in Haslawe Monasterii pago diverstit per noctem, ad quem D. Abbas noster exiens & equellum suum novò  
ephip-

ephippiò ornatum illi offerens, pro subditorum commiseratione rogavit.

Viennæ pestis grassari cæperat, unde Imperator cum aula se Lincium contulit, & ibi ob auram meliorem consedit; sed Ebersdorfii, Mansdorfii, in Schwechet, & in Nova Civitate illa serpit: quare aliquot domus ibi clausæ & obsignatæ sunt. [9.]

Olomutium mense Novembri Nostrî per insultum tentârunt, sed hostes Sueci intus sulphure, pice, stramine incenso, & muricibus malleolisque Nostris magnum damnum attulerunt, ita ut ad nongentos milites perdiderimus. [10.]

Novum Molendinum ad Monasterium Zwetlense spectans 24. Augusti de nocte incendiò perit, officina molæ unâ cum molaribus planè in cineres redacta, domus tantum molitoris conti-

gnatio superior ope magna servata fuit, incensum studiò à malo homine coniectatur. Hoc quidem Molendinum D. Abbas reedificare cæpit, sed non ob mortem suam consummare potuit. Inter hospites Religiosos nostros, qui omnes præter unum P. Christophorum Sprenger Professum Lucellensem in Alsatia dimissi sunt, revocatus ab Abbate suo P. Casparus Liebichin Professor Henrichoviensis, Silesiam suam repetere voluit, sed hyeme iter impediante sub 3. Decembris aliquamdiu in Gmünd Parochialia administravit ejus loci Parochò infirmò & demum mortuò: qui deinde Abbas sui Monasterii factus est. In Conventu verò nostro Professî Sacerdotes duodecim, non Sacerdotes quatuor, Novitiî quatuor, Conversi duo, in universum viginti duo remanserunt.

## ADDITIONES.

\*[1.] Theatrum Europæum hoc anno.

[2.] Idem.

[3.] Georg. Eggs in Pontificiò Docto.

Joann. Palatius in vitis Pontif. sub Urbano VIII. n. 16. „ Cum bello Parmensi „ emisit animam Urbani VIII. Nam post fir- „ matam pacem Kal. Maij, 1644. obiit eo- „ dem anno, die Veneris 29. Julii, annò æta- „ tis 77. Vir fuit magni ingenii, prudens, „ humanissimus. Sepultus est in Basilica Vati- „ cana tumulò, quem sibi vivens ad ecclesiæ „ absidem juxta Pauli III. sepulchrum splen- „ didè extruxerat, Bernino auctore.

Item in Innocentio X. sub n. 1. & 2. „ Bicchio ergo, & nonnullis Gallis solum- „ modo contradicentibus, in Pontificem „ eligitur Card. Pamphilus die 14. Septem- „ bris, assumpto nomine Innocentii X. num- „ mocus percussio: Replevit Orbem terra- „ rum. Columba scilicet Spiritus Sancti, „ quam cusam habes in nummismate 13. „ pag. 589. & quia festum recurrebat Exal- „ tationis S. Crucis, aliud percussit nummif- „ ma, in quo Crux cum epigraphe: Fructum „ suum dedit in tempore. n. 18. Concor- „ dat S. Malachiæ vaticinium, Exaltatio S. „ Crucis. Ad B. Virginem, quam à tene- „ ris coluerat Innocentius, tandem consu- „ giens, tertium nummum percussit, cum

„ epigraphe, Unde venit auxilium mihi. „ n. 1. Cultum hunc servavit usque ad ulti- „ mam vitæ periodum, preces solvendo quo- „ tidianò tributò.

„ Fuit Innocentius staturæ proceræ, vi- „ lidis ornatus viribus, naturâ igneâ, arden- „ ti, virili, ac magnanimo pectore, cultûque „ ad majestatem, & ferè severitatem com- „ posito: frontem habuit rugosam, amplam, „ oculos subalbos, barbam raram, & colore „ sanguineo genas subrubentes. Ejus cle- „ mentiam laudârunt Principes: ob ejus il- „ lustres virtutes, Justitiam, Constantiam, „ Prudentiam, ac Zelum nominis Ecclesiæ „ stici, & ad maximâ quæque negotia capa- „ cissimum. Litterarum amator, veritatis „ sollicitus, in rebus agendis constans atque „ magnanimus in spem maximam excitabat. „ Nanius. . . . . Postquam ergo primis „ Pontificatûs sui diebus, magna suæ huma- „ nitatis, prudentiæ & religionis experimen- „ ta dedisset Innocentius in omnibus exci- „ piendis, & negotiis pertractandis, die 4. „ Octob. S. Francisco sacrâ, decimâ octavâ „ ab electione, de more coronatur ad scalas „ Vaticanæ Basilicæ à Carolo Cardin. Me- „ diceo. Lateranum adiit 24. Novembris & „ Deiparæ suam referens electionem olim „ ei prædictam à B. Felice Cantalicio Ca-

Yyy yyy y a

„ puci

„ pucino, assumpsit pro symbolo, Da ser-  
 „ vo tuo cor docile, ut populum.  
 „ tuum judicare possit. In ejus hono-  
 „ rem erecti fuerunt à Senatu, Populòque  
 „ Romano arcus symbolis, statuis, honorem  
 „ referentibus, atque lætitiâ.

[4. & 5.] Ex Annotationibus.

[6.] Wassenbergius in Appendice hoc anno.

Pax hæc solum hoc anno quæsitâ & primò sequenti obtenta fuit, ut habent Theatrum Europæum & Ortelius Redivivus ad annum sequentem.

Placet hic afferre Manifestum, quod Ragoczius ante quæsitam pacem dedit hoc annò ad Magnates Hungariæ sequentis tenoris:

Georgius Ragoczy Dei gratiâ Princeps Transylvaniæ, partium regni Hungariæ Dominus & Siculorum Comes.

Prudentes & circumspècti Domini nobis dilecti salutem & favorem nostrum. Quàm chara & laudabilis apud omnes sit libertas animæ & corporis satis patet ex multis exemplis nec longè verbis scriptisve probandum est, siquidem hoc ipsum partes Occidentales satis demonstrant, dum lachrymis suum miserum statum descent, & multis partas laboribus res familiares multo sudore in pristinum statum reponere conantur. In Hispania, Lusitania & Catalonia populus non solum pro animæ sed etiam corporis libertate bella gerit, prout DD. VV. notum erit. Mei Patriotæ tota nimirum Natio Hungarica, magnam pro hac una tuenda effuderunt sanguinis copiam, uti plurima sunt exempla, maxime ab anno 1619. de tot violentiis ortis in patria nostra, de quibus plurimæ extant literæ querelæ plenæ, nos admonentes per statum non solummodo Evangelicum, verum etiam Catholicum, de majori violentia & tandem aliquando matura huic malo adferenda medela, ne in tantum libertas patriæ nostræ debilitetur, ut absque ea posteritas nostra vivere cogatur, à primariis regni directoribus nobis significatum est, quod status Ecclesiasticus regnum hæreditarium domui Austriacæ facere desideret, insuper & seculares, qui ejusdem sunt Religionis, prædominari volunt, libertatem animæ & corporis opprimentes. Sciunt DD. VV. quàm variâ deponantur querelâ de talibus, etiam invitum illud fateri poterunt & restari, quoties à veris hæredibus bona alienantur, in consiniis primaria officia sibi met ipsis conferunt, Prærogativam statûs è manibus sæcularium eripere desiderant, insuper quid dicendum de proventuum abusu, consinium defectibus, quale damnum hinc in patriam nostram redundare

poterit? quàm artificiosè & astutè se intruserunt Jesuitæ in patriam nostram, sed non absque patriæ & libertatis detrimento, Religionis Evangelicæ omni ex parte oppressione, in consiniis quomodo Patroni molestentur, sciunt DD. VV. Vivit defunctò quoque Præsul aliquis statûs Ecclesiastici, à quo autoritate Romani Imperatoris nobis denunciatum est, quod ex voluntate Cæs. Maj. omnia bona, quæ inscripta in Ungaria habemus, in perpetuum conferantur, & major clementia adhuc conferenda sit, contra annuere deberemus, ut Domui Austriacæ hæreditaria sit Regni Hungarici Corona; vetat autem conscientia & nationis nostræ amor quo, erga dilectissimam Patriam nostram ferimur, quò minus in hoc consensum præbere poterimus; obstat præterea libertas, quam fovere & tueri decet Principem Hungariæ; autoritas Palatini in tantum debilitata est, ut suo officio nomine solum fungatur, non reip.sâ; siquidem utiliorem regni sæpius promovere studet, at frustra agit propter nimiam contradictionem, quâ impeditur potentia illius ratione officii. In Comitibus habitis Annò 1638. Status Evangelicus tam privatim quàm publice multas instantias proposuit, quibus variis gravaminibus liberari rogabat, quid magnis frustra factis expensis effecerit notum est. Quale Decretum dedit Sua Majestas in specie statui Evangelicæ, ut murtæ ecclesiæ expulsi inde ministris eis creptæ sint, multum temporis ad hoc declarandum necessarium foret. Si velimus aspicere vulnera libertatis corpori nostro illata videbimus quòd officia Evangelicis non conferantur, ipsi non promoveantur, vel si promoveantur, nullum respectum aut fidem apud Catholicos habeant, & quamvis huic aliivæ officio laudabiliter præfint, tamen in una vel altera eis nocetur, quod sæpius factum est præsertim ei qui justam causam obtinens propter contradictionem in periculo vitæ suæ fuit.

Communis læsio 13. Comitatum Annò 1640. 1641. 1643. accidit, dum varia apud suam Cæsaream Majestatem & Hungariæ Palatinum sollicitabant, legati autem turpibus increpationibus & indignis dictionibus remissi sunt, uti DD. VV. propè notum est, hoc autem non absque adversa voluntate cognovimus, conscientia ducti, & honore DEO debito, Patriæ nostræ, urget etiam Nationis libertas & amor. Status Evangelicus, & ex Catholicis etiam propter conscientiam & salutem nostram nos coëgit, ut ad defensionem libertatis arma caperemus.

Hanc Patriæ ruinam & Nationis oppressionem æqui consulere, & otiosis oculis contemplari

templari non potuimus, omnia enim probavimus, ut mediis privatis & pacificis huic malo medelam adferremus; imò non adeò diu D. Joannes Kery in legatione Suae Majestatis ad nos missus fuit, per quem quale responsum qualesque instantias Suae Majestati transmissimus, quibusque in oblationibus fuerimus, ex copia relationis ad Suam Majestatem datæ DD. VV. intelligent.

DEum testem invocamus, qui cordium est scrutator, nos non ob privatam malitiam & injuriæ illatæ vindictam, neque Religionis mutationem sive fidei oppressionem & extirpationem arma sumpsisse, sed ut Statuta Regni pristino restitueremus vigori, itaque procedemus, ut unusquisque secundum suam conscientiam absque pavore confiteri poterit, corporis libertas tuteatur; turæque omnes vivere possint; quia animæ cognitio, non hominis, sed solius DEI est. Quare cum tot incommoda & impedimenta hucusque nos detinuerint, illa à DEO remota, & extraneorum corda ad nos commota sint, credimus divinum adesse beneplacitum & ordinationem, ut ipsius honorem Patriæque Libertatem defendamus; hoc enim non DEI, sed hominis est. Creditimus præterea absque diffidentia, quod DEus nos desiderando benedictet, & felici coronabit exitu. DD. VV. propterea amicè rogamus, admonentes eas, ut considerent, quod ex tranquillo Regimine & quieta Patria ad petitionem & utilitatem nostram bellum inceperimus. DD. VV. juvent præsens negotium, ut DEO placeat; ipsis & Patriæ utile sit, hoc faciendo ostendentes, erga DEum, Evangelicam Religionem, Patriæ libertatem, ferventem amorem. Post litteras lectas mittant ad me quam primum viros suos peritos, qui concordent Nostræ opinioni, & huic nostro principio faveant. Asscuramus omnes Status bonâ fide Christiana, nullam reformationem fidei faciemus, neque oppressionem; neque libertates in dilectissimâ Patria nostra turbabimus, sed secundum beneplacitum DD. VV. eam augebimus, ut in pace & tranquillitate DD. VV. vivere possint.

Nullus sollicitus sit, ex his, qui nos ostenderunt, incidenter nobiscum egerunt, & aliquod factio personam nostram lælerunt, quod hujus vindictam sive de præsentî, sive futuro sumere velimus; sed omnia perpetuè oblivioni trademus, quasi nunquam factum esset; monemus autem omnes Regni incolas, ne relictis domibus & bonis fugâ in alienas terras se salvent; nam si tales inveniantur (quod non putamus) illorum bona, si occupata fuerint, sibi impurent.

Si verò DD. VV. contra hoc egerint, quod tamen non speramus, protestamur DEum & SS. Angelos, si aliquod damnum passi fuerint, nos causa criminis; cogemurque majus auxilium militum advocare & optare nostro potentissimo Imperatori, ut si DD. VV. se non accommodaverint, erga nos & Patriæ libertates recuperandas ipsi se importunum ostendant, quod tamen non existimamus fore opus.

Potentissimus omniumque cordium Juxta commoveat, & regat corda, cogitationes vestras & affectiones, ut unusquisque tollat à corde suo omnis generis respectus & privatum commodum, juvet hoc sanctum opus & desiderium, ut nos cum posteritate usque ad mundi finem letari & exultare possimus id animæ & corporis libertatem. Datum in nostra arce Kalloviensi die 17. Febr. Anno 1644.

*Karoldem Prudentium & Circumspexer.*  
DD. VV. Benevolus

Georgius Ragoczy.

Ita ad litteram ex Monumentis Monasterii nostri.

Ortelius Redivivus ad hunc annum; & Theatrum Europæum referunt Transumptum Germanicum.

[7. & 8.] Ex annotationibus Compilatoris nostri.

[9. & 10.] Ex Relationibus & Annotationibus tibi supra.

Videatur Theatrum Europæum ad hunc annum de hac ex parte nostra infelici obfatione Olomucensi.

Annus Christi MDCXLV. Monasterii DVII.

*Pont. Rom.*  
Innocentius X.

*Imp. Rom.*  
Ferdinandus III.

*Archi-Dux Austria*  
Idem.

*Episcopus Pataviensis*  
Leopoldus II.

*Abbas Zwetlensis*  
Georgius II.

Imperator exercitu suo completo Galasium ad Magdeburgum obsessum à Torstensohnio liberare volens, con-

stituit Generalissimum fratrem suum Archiducem Leopoldum Guilielmum, qui in Bohemia militum delectum instituit,

Zzz zzz z

& ad-



& adventantem Suecum excipere constituit; Gallasius autem liberatus cum Hatzfeldio se conjungens, cum suis ad Archiducem se contulit. Cæsariani ita armati, & superiores equitatu ferme tribus millibus, peditatu tamen æquales, hosti circa Janckaw tribus millibus passuum à Tabore Bohemici situm Suecis obviam venerunt; sed quia locus circumquaque montosus erat, uterque exercitus in plano prælium inire non potuit. Unde Torstensohnius primam nostratum stationem in colle positam invasit, & à tergo collis in nemore suos abscondit. Sed à Cæsarianis ita exceptus fuit, ut amissis tribus tormentis loco cedere debuerit, Campi-Marschallô Götziô ex parte nostra amissô.

Sequenti verò die, quæ erat 6. Martii, rursus uterque exercitus congregitur, & acerrimum committitur prælium ab hora octava matutina durans usque ad quartam vespertinam, in quo nostri primum victores, prædæ se protinus tradiderunt, quod Torstensohnius videns, suos colligens, & tormentis in prædadores fulminans, eos dispersos in fugam vertit, quater mille gregarios occidit, & plurimos cepit; inter captivos præcipui fuerunt Hatzfeldius Campi-Marschallus; Generales Locum-tenentes Mercy, & Comes Bruay; tres Generales Vigiliarum Magistri Zaradezky, Don Felix, & Trauditsch; septem Colonelli legionum; duodecim supremi Locum-tenentes, sex supremi Vigiliarum-Magistri, viginti Magistri equitum, 23. Capitanei, & decem eorum Locum-tenentes, minores tales 58., viginti quatuor signiferi, & 27. vexilliferi, & plures alii officiales. Hostes præterea obtinuerunt quadraginta quinque vexilla, triginta duo signa equitum, viginti sex tormenta bellica cum curribus necessariis. Commentus verò currus partim Tabore relictî, partim Budvicium missi à Cæsarianis, hostium manus evaserunt. \* [1.]

Victoriâ obtentâ Torstensohnius missis aliquot legionibus Novam-Domum versûs, rectâ cum reliquo exercitu Iglaviam petiit, tormentis mœnia ejus verberavit, & deditione accepit; deinde Ledertzium combussit, Teutschensbrodam spoliavit, sicut & Pilgramum. Nostri interea partim in fugâ Pragam, partim Iglaviam, partim Austriam petiere, quorum quater mille ultra Danubium diverforia sua quæsierunt. Comes autem de Wallenstein hoc audiens, obsidionem Olomucensem solvit, cum suis se conferens Brunnam. Interea Cæsar Viennam Ratisbonâ rediens, partes Danubii muniri curavit ante Urbem, & milites recolligi jussit. [2.]

Currus, aliæque impedimenta nostrorum ante prælium in Austriam inferiorem per Budvicium dimissa sunt, qui 16. Martii in pagis Monasterii Zwetlensis, & aliorum in circuitu diverterunt. Sed cum horum currum præfæcti ignari eventus prælii commissi ubique, quid actum esset, explorarent, neque Judex Civitatis Zwetlensis ipsos intra mœnia admittere nec audire vellet, ipsi venerunt ad Monasterium, & qui procul distabant, Patri Cameraario scripserunt, quid ille audivisset, quæ pars de prælio victoriâ reportasset, significaret. Verum ipse ex diverso rumore nihil certi ipsis referre valens, tabellarium Monasterii ordinarium Zlabingam in confine Moraviæ oppidum quàm primum misit, qui à Veredario-rum Præfecto tale responsum retulit: Victores Suecos, nostros fugatos esse, ceterum se heri à manipulo equitum sat forti Suecorum extra mœnia oppidi cum promissâ securitate evocatum, & ex se quæsitum fuisse, diceret, ubinam Cæsarianorum currus, impedimenta que alia errarent, qua via fugissent, cum ejusmodi nova cuncta ad ipsum deferrentur, respondisse: Mirari se, quod ab ipso talia peterent, cum eos non lateret, omnes vias Pragam versûs (unde

de ille nova per suos Viennam, & hinc inde acciperet, & redderet) præclusas esse, nec quicquam se pro tempestate tali scire posse. Ad quæ illi; se jam currus abductos invenire velle, ubi laterent, & ipso dimisso abièrent.

Hæc ubi 17. Martii nocte oretenus accepisset dictus Religiosus, protinus in Grädnitz pagum cum litteris suis eundem tabellarium direxit, ubi unus Præfectorum prædictorum curruum diverterat, ut ceteris suis collegis quoque verba tabellarii litterasque suas transmitteret, nè culpa in illum, cui tunc Monasterii cura commissa fuerat, derivaretur, si in saluum currus suos deducere nollent. Spectabant autem currus ad legiones Glenii, Palevicini, Pompeji, aliorumque Cæsarianæ militiæ Ducum.

Hæc in tempesta nocte percipientes, luce sequente, 18. Martii protinus Cremsium versùs per diversas vias volantes potiùs quàm currentes descenderunt, adeò festinantes, ut in nonnullis pagis currus aliquot reculis onustos timore quasi hostis jam à tergo instantis percussim dimitterent, equitantium solutis, secumque abreptis. Cremsii autem pars illorum Corneoburgum deorsum, pars Spitzium sursum missi sunt: qui deorsum venerunt, trans Danubium vecti sunt, qui sursum, in litore Danubii ab aliquot equitum manipulis custoditi manserunt. [3.]

Dùm hæc ita se habent, tunc D. Abbas Zwetlensis Viennæ existens scribit & præcipit P. Camerario, ut portam majorem post Conventum terrâ compleri; ad januam verò minorem hortuli gerras poni: portam ad Campium clausam ab intus muniri, majoresque portas semper custodiri, januam etiam ad balneum per murarium ocludi curaret; claves tam de nocte, quàm sub refectione utraque apud se retineret. &c.

Interea noster ex fuga miles, præsertim eques in Austria sicut in hostium regione, ubique spolia faciebat, uti

Præfatus noster in Weinzierl scribit, 400. equites non tantum suburbia Cremsiensia, sed etiam prædium in Weinzierl Zwetlense cum pago adjacenti spoliârunt, Cammern idem sensit; cùm Præfatus ejusdem cum uxore & liberis Danubiò superatò ad S. Yppolitum se contulit, Strätzing, Lengensfeld & Trofs similiter evacuata fuere. P. Camerarius etiam proprium Viennam nuntium direxit, quid cum Conventu agendum à Domino Abbate petiit; sed responsum accepit, non ita statim Conventum dimittendum, qui difficulter revocaretur, neque etiam Geracenses aut Perneckenses jam fugam iniisse; sed adhuc domi manere constantes.

Interea Decretum ab Excelso Regimine Domino Colonello à Prösing in Rastenberg missum, quo ille in civitate Zwetlensi tanquam Commendans manere jussus est; verum illud civibus misit, & dixit, vel Viennenses vel Zwetlenses, si talia petierint, stultescere, se nimirum sine milite, sine commeatu, sine armis nihil efficere posse, qualis ergo Commendans esset. Nec acceptavit.

Nuntio uno post alterum de hostium in Austriam irruptione veniente Conventus Zwetlensis P. Camerarium adiit, petens dimitti; alioquin si unus, aut alter ab hoste caperetur, & lytrò redimendus esset; tunc culpam omnem in eum conicere vellet. Qui licet se cum D. Abbatis mandato excusaret, quod non auderet, illo instante, periculum manifestum adesse, dimisit sex Professos & quatuor Novitios, qui omnes sub noctis crepusculo 20. Martii Cremsium abièrent, & inde præter duos aut tres Viennam ad D. Abbatem perrexerunt, qui eos ulterius direxit.

Sueci itaque sub Marechallo suo Leonardo Torstensohn irrupérunt in Austriam mense Martio post infelicem pugnam inter ipsos & Cæsarianos non

Zzz zzz z z z

procul à Tabor ad Janekaw commissam, exeuntes de Bohemia per Pulkam, Schrattenthallum & Rhetium, occupatâ inprimis Novâ-Domô, Iglaviâ, & Znoymâ: deinde locis omnibus hinc inde sibi traditis & tributariis factis, per regiam viam Longum-Loysum petierunt, præsertim qui per Hornam descenderunt. Missis levis armaturæ equitibus per montes & nemora in Wachaugeam, Spitzii ad Danubium currum Cæsarianorum aliquot millia spoliârunt, præsidio partim cæsò, partim in Danubium fugatò. Captis etiam subitò Tirenstaina, & unâ ex tripoli, Stainâ, Crembsium ab hac civitate tormentis oppugnare ceperunt: Torstensohnus autem cum exercitu inter vinitores ad ripam Danubii urbem aggressus est, qui in grangia Monasterii nostri permansit. Tandem post aliquot assultus perditos, Capitaneus Rampfius, qui cum præsidio in urbe erat, septima die pactis prius suis militumque rebus & discessu libero, civitatem tradidit. [4.] Missis interea fere ducentis levis armaturæ equitibus Zwetlam versùs, castris Raftbachio & Raftenbergâ, hoc à Domino de Prösling relicto, altero à Buchaimio, qui Crembsium fugerat, tradito, vigesimâ sextâ Martii per traditionem civitatem Zwetlam, & Monasterium, inde fugientibus Religiosis, occupârunt. Etat autem hic in sylva districtus in recompensationem à Marefchallo suo supremo Epistathmo seu Quartiriorum Magistro donatus, qui Conradus à Mosberg vocabatur, Cuitamen, Cæsarianis succurrentibus sese opposuerunt Rapottenstainii, Weitraenses, & Waidhofenses: quibus ille, nisi in certa pecuniæ summa secum convenirent, extrema minatus fuit.

Occupatâ Zwetlâ, omnes abstulit equos, deinde aliquoties Monasteriò spoliatò, una vice à Suecis, & aliis vicibus à Cæsarianis de Kunigswilen, Gratio Bohemico, Waidhofen, & Rapottenstaina sexies fermè, singulis lo-

cis pecuniæ certam summam solvendam pro liberatione ab incendio imposuit. Nihil quidem igne combussit præter Schickonis curiam, (Schickenhof) quæ ad Pachmayr tunc spectabat, quæ dicebant se fecisse in exemplum Monasterio & aliis, qui se redimere pecuniâ volebant. Obtentò Crembsiò & munitò aggeribus & munimentis, præsidique forti relicto, & etiam prius vi occupatò Grafeneccio, ante quam arcem multos perdidit, sicut etiam ante Crembsium, præsertim Colonellos, descendit per campos patentes, juxta Danubium omnes vicos, castella, oppida, circum in deditionem accepit, sicut etiam Stockerau cum arce Graitzenstain, & Cornoburgum obtinuit, deinde ad pontes usque Viennenses accurrit, & munimentò vacuò milite occupatò, pontes ex parte dejectos, penitus tormentorum globis dejicere conatus fuit, sed frustra: interea nostri in littore adverso tormentis bellicis hostes se munientes impedire laborârunt, donec tumultuaria manu excitati aggeres aliquot & munimenta castrorum, continuis diu nocturne tonitruis sese opposuerunt.

Torstensohnus autem interea juxta Schwechet & Posonium transitum per Danubium tentabat, à nostris & Ungaris tamen semper repulsus fuit. Relicto ad pontes præsidio, in Campos Marchiæ erumpens Velspurgam, Marceium, Nicolspurgam, Wilfersdorfum, Falckenstainam, & Laam cum exercitu per deditionem accepit. Solum castrum Statz dictum ipsius non accepit præsidium. Interea collecto milite, perditatò quidem Nusdorffii navibus imposito, & infra pontes Viennenses equitatu transmissò, quocum ante castra sua Sueci concurrerunt, vallò è navibus subitò occupatò, castra ceperunt, & omnes captivos obtinuerunt, qui plerumque antea à parte Cæsaris steterunt, sed capti signa sequi Suecica coacti fuerunt, hi fere omnes ad partes Cæsaris rediit.

rediērent, Suecis militibus in vincula conjecis.

Torstensohnus autem hac subjugata Austria cisdanubiana ad Brunam, Moraviae obsidendam animum adiecit, quae jam semel ante annos duos ipsum ab obsidione sua cum ignominia rejecerat. Integro igitur suo exercitu eam protinus circumvallat, aggeres, valla, fossas excitat, tormenta desuper plantat, continuis tonitruis moenia Spilbergae & Civitatis Brunensis verberat, simul etiam cuniculis agit subterraneis ad everisionem murorum, turres dejicit, & assultus facta viā frequentes adhibet, nihil denique ad occupandam urbem intentatum relinquit: verum tanta ipsi animorum alacritate respondetur de castris & urbe, ut omnes ipsius hostiles conatus in nihilum recidant, multos suorum perdat, & vires suas minuat; ita ferme duobus mensibus Julio & Augusto ad moenia Brunae haesit. Demum cum oleum & operam perdere se videret, & Ragoczicum auxilium desperaret; interea autem Archidux militem colligeret, cum omnes obsessos diabolo nominasset, seque cum ipsis nihil efficere posse fateretur, soluta obsidione Znomyam abiit, & inde cum exercitu Laam se contulit, ibi ad illam munitam castra sua locare: nihilominus ad Hornam usque aliquot millia equitum levis armaturae emisit, explorantes, ubi Caesariani lateant, qui non procul inde se ipsis praesentarunt.

Dum discedit Torstensohnus Brunam, pax cum Ragoczio tractatur & conficitur; & Viennae Te Deum laudamus decantatur, Ragoczius aliquot millia militum Archiduci & duo majora tormenta bellica tradidit. Unde Archidux Leopoldus Wilhelmus contra Suecos tunc 25. millibus virorum movet: dicitur Mellicense Monasterium attingisse, ubi per navalem pontem Danubium trajicere cogitat, & Zwetla ipse manere. Interea mani-

pulus ad centum Suecorum, 2. Septembris Cremsbisi abierunt, unumque pagum Königsbach incenderunt, in quo Vulcanus octo devoravit domos, deinde in Friderpsach pecora abduxerunt, & Ottensteinam, Waldreichs, & Dobram petierunt, & per silvam Gfellensem, Cremsbium repetierunt. Ex Altenburgo nuntiatum etiam fuit, quod ad triginta equites tentarunt Monasterium exspoliare ad S. Bernardum, sed cum se defenderent, unum ex ipsis globus trajecisset, qui huc venientes Zwetlam civitatem, & inde Schweickers petentes domum redierunt. Interea rursum subditis de Grädnitz ad 21. boves de nocte rapuerunt, quorum aliquot receperunt. Eodem mense aliquot centeni equites ad Waidhofen de Horn excurrerunt, & ferme Supremum Capitaneum de Rapottenstein cum Tierenzio & Schitter, qui ad Monterschier perixerant, cepissent. [5.]

Vigesima sexta Martii, quae erat Dominica quarta Quadragesimae, Lextare, dicta, cum circa octavam matutinam Sueci ab obsessa civitate Cremsbensi, ubi Torstensohnus cum exercitu suo castra metatus erat, casu ascendentes manipulatim septuaginta equitum, prius de nocte Rastenbergam castris spoliatis, civitatem Zwetlensem peterent, & ci-ves sese tradidissent; nuntio uno post alterum in Monasterium veniente, Religiososque residuos monerent hostem adesse, ut fugerent; sic duobus sacris habitis P. Christophorus Sprenger, Prior, P. Bernardus Reich, Granarius, P. Malachias Linck, Camerarius & Cellerarius, & P. Adalbertus Lincke, silvarum Praefectus, coacti ob hostem vicinum & ipsi in dispersionem ire, ea die in silva ad Haslawe latitarunt, donec de Monasterio occupato notitiam aliquam haberent; per litteras autem ab Andrea Immelio caupone in superiore curia, seculari homine (cui tunc in exitu nostro Monasterii cura demandata fuerat) informati: quod Sueci qui-

Aaa aaa aa

quidem præter raptos equos, nihil incommodi adhuc Monasterio intulisset; minatum tamen esse, se in reditu suo fore duriores: nocte sequente iter suum primum in Superiore Austriam, deinde in Stiriam ad Cellam B. Virginis, & Muræ pontum ad D. Præpositum Teinacensem Carinthiæ adornarunt, & usque ad 29. Aprilis ibidem simul manserunt, qua P. Prior & P. Granarius Viennam ad Dominum Abbatem valde infirmum abiērunt, ego autem primâ Maji Salisburgum abiens primâ Augusti per Passaviam & Lincium rursus domum in Monasterium deveni; P. Adalbertus verò à Rhunenſi Abbate in Monasterium pro hospite susceptus fuit.

Decima Septima Maji fatalis erat Monasterio jam spoliato & viduato: D. enim Georgius Nivardus Koweindl, Abbas Zwetlensis hac die Viennæ in domo Zwetlensi, ubi à Martio Mense sub cura Medicorum fuit, totus confectus ex phthisi, in Domino piè obiit omnibus Sacramentis morituris dari solitis antè provifus. Qui bonus œconomus sex annos minùs uno mense Abbas extitit in turbulentissimo belli Suecici tempore, in quo binis vicibus fugam meditari, & altera vice etiam inire coacti fuimus. Dormitorium in conventu à D. Martino Abbate ipsius Antecessore piæ memoriæ inchoatum ipse perfecit, hypocausto Conventuali cõmuni, cum Novitiatu, & Camera ejusdem, item Vestiario, aliisque Officialium cellis, & egregio atrio ante Conventûs hypocaustum, item portalibus ex lapide Egenburgensi tam ante dictum hypocaustum, quàm in clauſtro in introitu Dormitorii exornans adjecit. His & aliis structuris plures, nisi mors & bellum ipsum impediissent, addidisset. In substantia Monasterii, privilegiis in securâ loca deportandis valde laboravit; cum vicinis Dominis multas lites de alienatis bonis fundatis habuit, & nisi

tempora tam mala fuissent, aliquot bona recuperasset, ut villam Ossarn, prædium Neünzen, & alia: decimas Crembenses, ubi etiam inter vinitofes prædium dictum Weinzierl soluta quadam certa pecuniæ summa à Raphan redemit, & reedificari ferè destructum curavit. Congregationem antiquam in Rasingensi Sacello de septem doloribus, vel de Compassione B. Mariæ Virginis ferme oblivione sepultam rursus suscitavit, libellò factò ad memoriam revocans, & Romæ, ut Archifraternitati S. Mariæ de Planctu incorporaretur, ejusdemque gratiis, indultis & privilegiis gauderet, effecit, simul plenarias Indulgentias pro peregrinantibus illuc obtinuit, & pro Monasterio ad Sacellum S. Trinitatis, ubi etiam novam tabulam pingi curavit, Altare Privilegiatum ab Urbano VIII. PP. consecutus est. His & aliis rebus gestis Monasterio multum profuit, & melius profuisset, si tempora meliora fuissent. Corpus ipsius exanime in curru pensili extra Urbem eductum, & ante portam Carinthianam apud P. Paulanos in sarcophagum depositum in Sanctæ Crucis Monasterium deportatum, ad sinistram altaris summi ibidem in templo solenniter tumulatum fuit, præsentibus P. Christophoro Priore, P. Ferdinando, P. Bernardo, P. Nicolao, P. Simone, P. Leonardo, & F. Edmundo. Sepelivit eum D. Michael Abbas S. Crucis, & Visitator, concionem funebrem P. Prior S. Crucis fecit. Ita in aliena Ordinis nostri Domo sepeliri debuit; cum Monasterium Zwetlense sub Suecis esset.

Secundâ Decembris scripsit Patri Malachiæ D. Michael Abbas S. Crucis & Visitator, & constituit eum universarum rerum temporalium Monasterii Administratorem, & P. Christophoro Priori in Spiritualibus curam commisit; addidit autem P. Malachiæ D. Tobiam Zeller Alodiorum Magistrum.

col-

collegam: & promissit Decretum ab Excelso Regimine mittere. Hucusque. tate sequenti anno, 23. Septembris successit, & 8. Octobris Infula insignitus Compiler noster, qui defuncto D. est, cum quo & nos huic qualicunque Georgio Nivardo in Abbatiali digni- labori coronidem imponimus ad

*M. D. Gloriam & B. V. M. singularis Proteſtriciſ  
Ordinis noſtri bonorem.*

## ADDITIONES.

\* [1.] Wassenbergius in Additione  
sua prima.

Item Theatrum Europæum hoc anno.

[2.] Wassenbergius ubi supra.

{ 3. } Ex Annotationibus Compileris:  
4. Item Wassenbergius & Theatrum

cit. loco.

{ 5. } Ex Annotationibus Compileris.

---

Habes hic Lector Benevole binos Annalium Clara-Vallensium Tomos, in quorum revisione cum ad meliorem Grammatices combinationem, tum ad sensûs claritatem plenior apprimè servandam omnem penè lapidem movimus; Si tamen nihilominus errores quosdam typographicos aut orthographicos, qui oculos fortè nostros subterfugerunt, in iisdem offenderis, eos per benignè excusare, ac Ingenii tui promptitudine emendare dignaberis.

## FINIS.



... ..  
... ..  
... ..  
... ..

... ..  
... ..

# ... ..

... ..  
... ..  
... ..

... ..  
... ..  
... ..  
... ..  
... ..

... ..











